



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.288



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.288




Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CJMAI. 2.3.288

2 R 3

2. 3. 788

XXXIX
PET. CELL
Opera



PETRI
ABBATIS CELLENSIS
PRIMUM,
DEINDE S. REMIGII APVD REMOS,
AC DEMVM EPISCOPI CARNOTENSIS,
OPERA OMNIA.

Collecta in unum ex libris tum editis, tum mss.

Curâ & studio vnus è S. Mauri Congregatione
Monachi Benedictini.



PARISIIS,
Apud LVDOVICVM BILLAINE, in Palatio Regio.

M. DC. LXXI.

Cum Privilegio & Facultate Superiorum.



ILLVSTRISSIMO ECCLESIAE PRINCIPI
CAROLO MAVRITIO
LE TELLIER,
ARCHIEPISCOPO NAZIANZENO,
REMENSI COADIUTORI,
MAGNO REGIAE CAPELLAE PRÆFECTO.



*VB auspicio Nominis tui ,
ILLVSTRISSIME PRÆSVL ,
vt prodeat Petrus noster , non
minus exigunt Iustitiæ leges ,
quàm conscientia nostra. The-
saurus est refossus in agro tuo,
hoc est in Metropolis tuæ Mo-
nasterio Remigiano : vbi hætenus magna ex parte
latuerat. Inde Iacobus Sirmondus Petri nostri Epi-*

ã ij

stolas, nos Sermones ejuseruimus: ut Petrum tandem redituum seu integrum Tibi offeramus, exiguum sanè munus votis nostris, sed tamen oculis tuis (ut quidem speramus) non indignum. Petrus vir fuit, ut sui temporis quisquam alius, Ecclesiastica disciplina puriorumque morum studiosissimus. Id unum spirant Opuscula ejus omnia. Quis non speret, Auctoris tanti lucubrationes benignis excipiendas oculis abs te, qui fugientem antiquorum Canonum disciplinam sistere & revocare moliris? Ita de te sentit, ILLVSTRISIME PRÆSVL, Cleri Gallicani Senatus amplissimus: qui dum Christianissimo Regi nostro approbari cuperet Conciliorum Provincialium restitutionem; ex toto illo disertissimorum hominum cœtu unum te designavit Oratorem, qui & acerrimi Ingenij tui facultate Regijs auribus id consilij pro dignitate exponeres, & Zeli tui fervore inspirares. Magnam omnium de Te expectationem vicit gravitas & majestas eloquentiæ tuæ: nec minùs Regi placuit Oratio, quàm Persona dicentis. Eo in negotio invenies in Petro nostro hominem votis tuis consentientem. Si enim amas, ut verè amas, priscam Ecclesiæ disciplinam: en Petrus docet, non esse dimittendas veteres vias propter novas. Si antiquos Canones veneraris: Petrus eadem animatus religione dicit, eos pari pæne observantia tenendos cum Evangelio. Si Patrum doctrina

*inhærendum esse censes : id etiam censet Petrus , qui
novitatem illam quæ à Patrum vestigiis exorbi-
tat , tam in Fide , quàm in moribus , necnon in
votum novitatibus , semper anathematizandam
esse duxit. Si Conciliorum vsum revocari cupis :
hominem habes , qualem certè Alexander Papa
III. ad generale Concilium Lateranense ipse invi-
tavit. Cum verò Petrus præ senectutis incommo-
dis eò proficisci non posset , egregia dedit monita
Alberico Romano Cancellario ceterisque Concilij
Patribus : in primis vt armati gladio vtrunque a-
cuto amputarent insanas superstitiones , quæ
fiunt in orbe Christiano. Si viros zelo divino
plenos diligis : Petrum utique diligis , qui Alexan-
dram Papam aliosque Ecclesiæ Pastores commo-
vit adversus duo Ecclesiæ mala , luxuriam & a-
varitiam sacrorum ministrorum , maximè adver-
sus simoniam , ceterasque temporis sui pestes. Si
denique ingenuam defæcata veritatis confessio-
nem requiris : Petrum habes eodem studio affectum.
Profert alius , inquit , absque pondere rationis
quod ei placuerit : recusat alius quidquid sale
Evangelico aut prophetico conditum non est.
Est alius utilior , dulcior alius. Ego utilem
dulci præpono. Solas fauces magis demulcet
dulcis : omnibus membris utilis plus con-
fert. En Petri nostri imaginem qualemcumque ,
ILLVSTRISIME PRÆSVL , rudem certè*

et impolitam; sed eam tamen quæ nec oculis displiceat tuis, si modò attendas merita præstantissimi viri, et sanctissimi Episcopi dignitatem, quam ornas in Te ipso, et in aliis revereris. Quod si deest aliquid gratiæ, reliquum supplebit, ut confidimus, favor benignitatis tuæ, ILLUSTRIS-
SIME PRÆSVL, cujus experimento adducti Congregationis nostræ Præfecti, Petrum nunc primum integrum Tibi offerendum censuere, ut publicum exhibeant observantia in Te sua monumentum.





DE PETRO

EIVSQUE SCRIPTIS

P R Æ F A T I O.

1. **P**ETRVS Cellensis primùm Cœnobii Trecis, deinde Remis S. Remigii Abbas, ac demum Episcopus Carnotensis, notior est nomine ac scriptis suis, quàm alienis elogiis. Quippe se ipse ad vivum expressit, maximè in Epistolis suis, in quibus elucet eximia pietas cum eruditione haud vulgari conjuncta, honestas morum, animi candor ac sinceritas, amicitia non fucata, zelus prudens, maturum iudicium, viuidum ingenium, aliæque doctes, quæ magnum virum efficere solent. Epistolas illas jam dudum typis vulgavit Iacobus Sirmondus, alii alia eius opera præter Sermones, quos tandem ex Remigiano codice manu descripto cum cæteris Petri lucubrationibus hîc exhibemus, ut Petrum, si fieri potest, integrum habeamus. Hinc in antecessum præmittere iuvat quædam de eius vita, quædam item de lucubrationibus ab eo scriptis.

2. Petro nostro patrium solum Gallia, natale Campania fuisse videtur. Neptem habuit HAVVIDEM ex lib. 4. ep. 11. cuius connubium cum Petro de Tornella ab incesti eriminatione vindicat tum apud Hugonem Senonensem Episcopum lib. 1. epist. 9. tum apud Alanum Autisiodorenssem epist. 22. Hugonem Remensis Ecclesiæ Canonicum *Cognatum & amicum* suum appellat lib. 8. epist. 4. Et lib. 5. epist. 1. Berneredo Sueffionici Monasterii S. Crispini Abbati scribens, meminit cuiusdam *domine cognate sue*. Cætera de eius parentibus ac genere incomperta.

3. Quo in loco vitæ Monasticæ rudimenta didicerit Petrus noster, non obuium est definire. Veri simile apparet id factum in Cella Trecensi: tametsi eum adolescentem in Parisiaco Monasterio S. Martini de Campis aliquantum exegisse temporis, ex

Petri
patria
ac pa-
rentes.

Mon-
astica
profes-
sio.

P R Æ F A T I O.

lib. 8. epist. 23. intelligitur. *Ego ipse*, inquit, *ad S. Martinum de Campis adolescentulus verissimis experimentis quod dico gustavi & vidi.* & lib. 9. epist. 3. Theobaldo Abbati Cluniacensi electo gratulatur in hunc modum: *Nam & ipse servus & filius sum Cluniacensis Ecclesie.* Quo tempore vitæ religiosæ se addixerit, postea expendemus.

Abbas
dignitas
Trecis.

4. Monasterio Cellensi, de quo legenda Sirmondi adnotatio in Epistolam primam, præfectus est Petrus circiter annum M. C. L. Certè ante obitum S. Bernardi, quem recens mortuum laudat lib. 1. epist. 16. ad Iohannem Maclouiensem Episcopum, & ipse tum Abbas Cellensis. Extat & alia eius Epistola ad Eugenium Papam III. nomine Conuentus S. Meuennii edita. Nullas verò litteras antequam esset Abbas scripsisse reperitur. Porro Bernardus & Eugenius ad superos abierunt anno M. C. LIII. Petro Abbate quantum Cellæ floruerit Monastica disciplina, patet ex lib. 1. epist. 9. & lib. 5. epist. 3.

& Remis.

5. Anno M. C. LXII. migravit Petrus in Abbatiam S. Remigii, quæ tum in suburbio Remorum erat. Nec tamen curam Cellæ suæ penitus abiecit: quin successoris sui prauis moribus indignatus, eum aut corrigi aut remoueri satagit. Extat ea de re libri 5. epistola 3. ad Berneredum Abbatem, in qua hæc verba: *Successor ille noster Cellensis Abbas, quia non bene multiplicauit, immo non fovit oua quæ illi reliqueram, sed conculcauit imperfecta, destruxit autem perfecta, ultra dissimulare non possum: sed aggredior tentare & probare, utrum Deus respicere dignetur priores meos labores, illum vel prorsus remouendo ab Abbatia, vel saltem corrigendo à stultitia sua, & in melius commutando.* Eiusdem est argumenti epistola 7. In regimine Cœnobii Remigiani multa præclare gessit, in his *caput Monasterij sui*, id est, superiorem apsidis Ecclesiæ ambitum nouo opere construxit ex lib. 9. ep. 4. Cætera persequi non est huius loci.

Episcopatus.

6. Demum in Sedem Ecclesiæ Carnotensis successit Iohanni de Satisberia, amico suo, non anno M. C. LXXXII. sed LXXX. desinente, aut sequenti ineunte. Nam Iohannem decessisse die 25. Octobris anni M. C. LXXX. constat ex Necrologio Monasterii Iosaphatenfis prope Carnotum. Adstipulatur Chronologia Hugonis Monachi Autifiodorensis, eius temporis æqualis, qui prædicto anno M. C. LXXX. Iohannis obitum reponit.

P R Æ F A T I O.

Certè Petrum nostrum Ecclesiæ Carnotensi præfuisse annos 7. Mors.
 & anno M. C. LXXXVII. obiisse legitur in quodam indice Episcoporum istius Ecclesiæ, & muros vrbs stratasque instaurasse. In præcitato Necrologio Iosaphateni commendatur his verbis :
x. Kalend. Martij depositio Domni Petri Carnotensis Episcopi, summi & nostris temporibus incomparabilis viri. Hic enim ad ornamentum collatarum sibi à Domino virtutum, etiam virginæ perhibetur munditiæ gratiâ floruisse. Iacet in choro nostro, ubi epistola legitur.
 Hæc tantum de Petri vita & gestis. Iam de eius lucubrationibus quædam obseruanda.

7. Primum in editione nostra locum obtinent S E R M O N E S, Opus-
cula.
 quos vel ipse ad discipulos habuit, ve composuit rogatu amicorum. Theobaldus ex Priore Cœnobii S. Martini de Campis Episcopus Parisiensis, Sermones de Aduentu ab ipso postulauit. Respondet ipse lib. 1. epist. 21. *Sermones de Aduentu Redemptoris ut componerem vobis, in mandato acceperam: sed malitiæ sollicitudinis suæ etiam raritatem lucis dies præsens adjunxit.* Porro Sermones eius tanto in pretio sunt habiti, vt per quatuor, ait ipse, *ventos cæli spargerentur, & Monachus quidam Bertinianus eorum copiam sibi fieri postulauerit.* Ad quem ipse modestè in lib. 7. epist. 19. *Sermones nostros quos tamquam plumas inutiles & superfluas quatuor venti cæli per diuersa projecerunt, habere desideras. Si legisti, nonne ex sanguine sensibus sententiarum & enervæ tenuitate verborum inuenisti? Si non vidisti, quis persuasit tantopere te querere, quos inuentos statim habeas respuere?* Denique in lib. 1. epist. 10. ad Mathildem Abbatissam: *De componendis quibusdam sententiolis sermonis tui non sum oblitus: sed tam citò implere non potui pluribus impeditus.* Petri Sermones hætenus ineditos nunc primùm vulgamus, ex codice Remigiano acceptos. Atque vt de iis ingenuè dicam quod sentio: sunt illi quidem piis sensibus referti, respersi floribus scripturarum, ac sanctiori vitæ componendæ accommodi: attamen exiles nonnumquam, & vni argumento non satis inhaerentes, sed in varia subjectæ materiæ capita (qui mos ferè illorum temporum erat) volitantes; mutili & imperfecti aliquando. Digni tamen omnino sunt qui legantur ab iis qui auitam pietatem amant, digni qui emittantur in lucem ob Auctoris optimi memoriam. Cæterùm in Ser-mone 8. de Cœna Domini vsus est verbo *transsubstantiauit*,

P R Æ F A T I O.

quod vocabulum eodem sæculo usurpauit Stephanus Episcopus Æduensis in libro de Sacramento altaris cap. 13.

8. Secundum locum obtinet, LIBER DE PANIBVS, Iohanni Sarisberienfi amico suo nuncupatus, in Bibliotheca Patrum jam editus, vti & duo tractatus sequentes. Opusculi *de Panibus* mentionem facit Petrus in lib. 6. epist. 22.

9. Subsequuntur alia duo Opuscula, nempe DE TABERNACULO MOYSI LIBRI DVO, & LIBER DE CONSCIENTIA ad *Alcherum Monachum*, de quibus nihil adnotandum occurrit, nisi quòd liber de Conscientia pressior & nervosior alio opusculo esse videtur.

10. Deinde succedit LIBER DE DISCIPLINA CLAVSTRALI, *Henrico Campaniæ Comiti nuncupatus*: quem librum Petrus composuit jam senex, vtpote annum trigèsimum agens Monasticæ professionis; vti ipse in Præfatione testatur, vbi *sciatica guttæ* quâ pungebatur meminit. Quem locum si conferas cum epistola 12. libri 8. ad Alexandrum Papam, in qua se excusat à Concilio Romano propter eandem (vt vocat) *guttam*; non obscurè colliges, hunc librum scriptum esse circiter tempus Concilii, quod celebratum est anno M. C. LXXIX. Quod si ita placet, Petrus non multo ante annum M. C. LVIII. vitam Religiosam professus est. Quamquam nihil obstat, Petrum sapius eadem passione affectum fuisse. Certè si *adolescentulus* (vt superius obseruatum) vixit in Monasterio S. Martini de Campis, longè ante prædictum annum nomen dedit Ordini nostro: vt qui anno M. C. LXXX. jam ætatis erat exactæ. Lege ipsius epistolas duas, nimirum libri 7. epistolam 20. & libri 9. epistolam 4. Istum porro tractatum primus in lucem edidit Acherius noster in Spicilegii tomo 3.

11. Demum postremo loco editæ sunt EPISTOLÆ tum Petri nostri, tum Alexandri Papæ III. à Sirmondo anno 1613. vulgatæ & Notis illustratæ, quas in fine cuiuslibet epistolæ apponimus.

12. EPISTOLAM AD FRATRES DE MONTE DEI, quæ S. Bernardo perperam adscripta est à multis, Petro nostro tribuendam esse conjectauit eruditus vir, qui nuper epistolam illam Gallicè reddidit. Iam omnium animi in eam sententiam, quæ exquisitis fulta erat conjecturis inclinabant; cùm Præfationis istius epistolæ posterior pars, in editis catenus rescata, è mss.

P R Æ F A T I O.

codicibus eruta prodiit tum in tomo 2. Bibliothecæ Cisterciensis à Bertrando Tiffierio concinnatæ, tum in noua editione S. Bernardi operum: in cuius Præfationis calce Auctor instruit indicem operum suorum, quæ Guillelmi Abbatis Monasterii S. Theodorici genuina esse compertum est. Ex quo conficitur, epistolam illam verum esse fœtum Guillelmi Abbatis: cuius nomen vtrique, tametsi decurtatum, legitur in salutatione epistolæ præmissa hunc in modum, qui in omnibus quos viderim libris manu exaratis exprimitur: *Dominis & Fratribus H. Priori & H. W. Sabbatum delicatum*, id est, *Haimoni Priori* & alter. Monacho Carthusiano, cuius nomen incipiebat à littera *Hi* *Villelmus*. Non ergo Petro nostro, sed Guillelmo adiudicandam esse eam epistolam, evincit tum salutatio epistolæ, tum enumeratio illa Guillelmi operum, quæ in fine Præfationis ab Auctore ipso condita est. Accedit Auctoris ætas quæ Petro competere non potest. Illa siquidem epistola ab Auctore jam *senem* inscripta est *Haimoni Priori* Carthusiæ Montis Dei. Auctor enim in Præfatione ad Haimonem jam *senem* se & *deficientem* esse ait. Atqui Petrus virilem ætatem agebat Haimone Priore, qui Gaufrido Priori primo successit anno M. C. XLIV. in annos septem: quo tempore Petrus noster necdum annos triginta attigerat. Certè eam epistolam scriptam esse initio institutæ Carthusiæ Montis Dei intelligimus ex quæstione *novitatis* ab æmulis obiectæ, quos Auctor à principio reuincit. Carthusia verò hæc anno M. C. XXXVI. condita, Gaufridum Priorem primum habuit; secundum Haimonem anno M. C. XLIV. tertium Geruasium anno M. C. LI. cui successit Simon, ad quem duæ extant Petri nostri epistolæ. His adde styli & orationis discrepantiam magnam, quæ inter legitimas Petri epistolas aliaque opera, & epistolam ad Fratres de Monte Dei intercedit. Nam hac in epistola stylus turgentior, sententiæ magis pingues, sublimes, & fortes; orationis consequentia major, quàm in Petri nostri operibus elucescent. Ea porro omnia ex æquo respondent aliis Guillelmi Abbatis lucubrationibus, quæ ingenium graue, solidum & apprimè eruditum spirant. Quæ dotes equidem in Petri nostri scriptis satis apparent, non tamen (ut quidem ego censeo) ad Guillelmi comparisonem. Hæc sunt argumenta, quæ prædictam epistolam non Petro nostro, sed Guillelmo Abbati resti-

é ij

P R Æ F A T I O.

tuendam esse persuadent, nomen scilicet *Villelmi* in salutatione expressum, Index Guillelmi operum in fine Præfationis, Auctoris ætas & stylus: quæ in Petrum convenire non possunt. Neque his obstat, quod enumeratio illa Guillelmi lucubrationum desit in plerisque exemplaribus mss. Ea siquidem exstat in nonnullis optimæ notæ, signanter in Thuanæo, quod olim fuit Bibliothecæ Montis Dei. Cur verò Guillelmus *Abbatis* nomen ea in Præfatione non assumpserit, inde factum est, quod eam epistolam scripsit post abdicatam præfecturam, cum ad Cistercienses transierat Signiaci Monachus factus, ubi & sepultus est. Verùm hac de re & de Petro nostro satis ad hunc locum.





TESTIMONIA VETERUM
DE PETRO ABBATE
CELLENSI.

*Nicolai Monachi Clarevallensis epistola xxv. quam Prioris
sui nomine scripsit ad Henricum Episcopum Trecentem.*

ABBAS CELLENSIS vir religiosus ac timens Deum,
homo bonus & testimonium bonum habens à
bonis, vita & litteratura conspicuus, nobis quoque tan-
ta familiaritate devinctus, vt non sit vnus de ceteris, sed
præ ceteris vnus. Omnia nostra sua sunt, & sua nostra
sunt: nos in illo, & ipse in nobis. vnus est de ordine
suo, in quo domino Abbati nostro (S. Bernardo) amico
vestro multum complacuit, &c.

Joannis Saresberiensis epistola CLXXII. ad Henricum Comitem.


QUAS Quæstiones cum mihi Albericus Remen-
sis, quem cognominant de porta Veneris, quæ
vulgo Valesia dicitur, nomine vestro adhibitis aliquot
litteratis viris proposuisset, vt verum, Domine, fatear
obstupui: nec quærenti potui habere fidem, donec ve-
nerabilem virum, fidelissimum & devotissimum vobis,
Abbatem S. Remigii adduceret, qui & ipsas propone-
ret quæstiones, & ad eas cum multa precum instan-
tia pro amore vestro & suo peteret responderi: pro cer-
to affirmans vobis in vita nihil esse iocundius, quàm
cum litteratis viris & de litteris habere sermonem.

Kalendarium Ecclesie Carnotensis IX. Kalend. Martij.

OBIT piæ recordationis D. Petrus Carnotensis Episcopus, qui prius fuerat Abbas S. Remigii Remensis: qui antiquam banni consuetudinem Theobaldo Comite assentiente reformavit.

Petro Abbati de Cella scribunt Bernardus epistola CCXCIII. Joannes Saresberiensis epistola LXXV. LXXVII. XXCI. &c. & Nicolaus Clarevall. epist. XX. XXIV. XXVIII &c. Eidem Abbati S. Remigij Saresberiensis idem epist. CCXC. & Alexander Papa III. passim. Episcopi verò Carnotensis meminit Stephanus Tornacensis epistola CXXXVI.





INDEX SERMONVM

PETRI CELLENSIS.

D E Aduentu Domini, Sermones sex,	1. & ff.
In Vigilia Natiuitatis D. Sermo vnus,	18
In Natiuitate D. Sermones quinque,	21. & ff.
In Purificatione B. Mariæ, Sermo vnus,	36
In capite jejunii Sermones duo,	39. & ff.
In Dominica I. Quadragesimæ Sermo vnus,	44
Feria VI. post Dominicam I. Quadrag. Sermo vnus,	48
In Dominica in medio Quadrag. Sermones tres,	55. & ff.
In Festo S. Benedicti Abbatis Sermo vnus,	63
In Annuntiatione Dominica Sermones septem,	65. & ff.
De Passione Domini Sermones quatuor,	85. & ff.
Dominica in Ramis Palmar. Sermo vnus,	95
In Cœna Domini Sermones octo,	98. & ff.
De Resurrectione Domini Sermones octo,	128. & ff.
De Ascensione Domini Sermones tres,	143. & ff.
In Festo Pentecostes Sermones quatuor,	151. & ff.
In Natiuitate S. Iohannis Baptistæ Sermones duo,	165. & ff.
De S. Petro seu eius Cathedra Sermo vnus,	172
De S. Maria Magdalena Sermones quinque,	176. & ff.
De Transfiguratione Domini Sermones duo,	193. & ff.
De Assumptione B. Mariæ Virginis Sermones octo,	201. & ff.
De S. Bernardo Sermones duo,	227. & ff.
De S. Nicolao Sermones duo,	230. & ff.
In Festo omnium Sanctorum Sermo vnus,	232
De Apostolis Sermo vnus,	234
In Communi Confessorum Sermo vnus,	238
Sermones in Synodis habitinouem,	241. & ff.
Ad Monachos Sermo vnus,	269. & ff.
De lege naturali, scripta & Euangelica, Sermo vnus,	273. & ff.





SVMMA PRIVILEGII.

CHRIſTIANISSIMI FRANCORVM REGIS LVDOVICI XIV.
Priuilegio die i v. Iunii M. DC. LXIX. concesso , &
ejusdem anni ejusdemque mensis die vi. in Typographia Pa-
risiensis codicem relato , cautum est , vt Congregationis Sancti
Mauri R. P. Superior Generalis Librum , cui titulus est , *Petri
Abbatis Cellensis Opera omnia* , per quem maluerit Typogra-
phum , neue alius citra ejus consensum edat : vti vberiùs
diploma ipsum explicat.

*Idem Superior Generalis , facultatem dedit LVDOVICO BILLAINE
Bibliopole Parisiensi , prædictum Librum imprimendi , die 12. Maij
1671.*

PETRI



PETRI ABBATIS
CELLENSIS,
DEINDE S. REMIGII
REMENSIS,
AC DEMVM EPISCOPI
CARNOTENSIS,
SERMONES.

DE ADVENTV.

SERMO I.

VENI Domine visitare nos in pace ut latemur coram te corde
perfecto. Pedibus calceatis, visibili specie, ad peccatores non
solum discalceatos fide sed & dispoliatos beatitudine, necnon
& vulneratos cupiditate, Saluator venit. Ut clarius autem in-
telligamus calceamentum Domini, totum habitum prout pos-
sumus discutiamus; curramus tamen primum ad textrinum sapientie, & à
cœtu sanctarum virtutum in eo pulcherrimam & sanctissimam vestem con-
textentium quæramus, vtrum iam Verbo incarnando telam vel tunicam

A

PETRI CELLENSIS

2

Gen.
27.

Exod.
28.

Hebr.
8. 4.

Exod.
25. 40.

præparauerint. Exhibe igitur Rebecca nobis vestes valde bonas quas domi habes, vt his iunior filius secundum humanitatem indutus, benedictionem siue primogenita omnis creaturæ hereditate possideat. Profer Moyses vestem sanctam fratri tuo præparatam in gloriam & decorem in qua sanctificatus ministrat. Aperi Maria vestiarium tuum vt stola byssina filius tuus circumamictus, offerat victimam quam nemo hactenus ausus est attrectare, ne dicam offerre, vnde Apostolus: *Si ergo esset super terram, nec esset sacerdos: cum essent qui offerrent secundum legem munera, qui exemplari deseruiunt & umbra celestium. Sicut responsum est Moysi, cum consummaret tabernaculum. Vide (inquit) omnia facito secundum exemplar, quod tibi monstratum est in monte.*

Tres igitur doctissimas puellas de Israël in omni varietate & pulchritudine texentes, prius prædestinatione in meritorio cœli altissimi, ac demum in vestibulo vteri tui prudentissima, castissima, & humillima Virgo reperio. Harum prior omnium prædestinatio, deinde sapientia, tertio gratia diuina, simul & similiter in præparanda tunica Verbi Dei cooperantur: prædestinatio disponit, sapientia depingit, gratia componit: velut materiam carnis creando disponit prædestinatio, velut formam noui hominis nouo ordine concipiendi & nascendi inspirando depingit sapientia, velut insolitæ iunctionis compactionem Dei & hominis componit gratia æterna: non nisi prædestinatio hoc excogitare, non nisi gratia persuadere, non nisi sapientia adimplere potuit. Dixit sapientia ad redemptionem humani generis hoc esse necessarium, gratia admonuit vt fieret in corde Altissimi voluntarium, prædestinatio vt salus veniret in plenitudine temporis adhibuit obsequium. Viam liberationis præmonstrauit prædestinatio, sapientia præambulauit, gratia perfecit: prædestinatio cadauer ostendit mortui, sapientia lauat, gratia eleuat; iubet prædestinatio, iuuat sapientia, complet omnia gratia. Sed quia nostræ saluationis tenuissima huiusmodi sunt fila & manum summi artificis exigentia, in sacrario hoc replicata interim veneremur, & ad grossiora quadam propter adstantem populum sermonem vertamus.

Adam, fratres carissimi, cum à Deo crearetur, nudus quidem carne factus est, sicut & pueri omnes nudi de vtero matris nascuntur, sed animo vestitus erat quadam decentissima virtutum varietate. Scire namque debetis quod sicut turpitudinem corporum vestimento celamus, sic animæ fœditatem, quæ à peccatis accidit, bonis virtutibus reprimimus: fortè in dorso vel in pectore vel in quolibet loco corporis tui subortum est aliquid, quod denigret aut deturpet formositatem totius corporis, quid ergo facis? certè celas, certè velas, certè contegis, quare hoc? procul dubio ne deridearis, procul dubio ne oculos amici vel mariti offendas. Hoc faciunt homines ad homines, & propter homines, sed propter Angelos quid? immo propter Deum quid? peccasti, falsum testimonium dixisti, rem vicini rapuisti, hominem occidisti, adulterium siue fornicationem fecisti, aliquid de criminalibus commisisti, & verecundiâ non erubescis, & confusione non replearis?

O homo nonne vident Angeli, nonne Deus aspicit qui scrutatur corda & renes? plus autem times homines quam Angelos? vicinum tuum quàm

S E R M O N E S.

3

Dominum tuum? derisionem transitoriam times, & damnationem æternam non times? Noli transitoriè gehennam cogitare, quia vexatio eius non erit transitoria sed perpetua, quia per ignem transitorus es: ne sentias adulationem, assume tecum vnum de panniculis pueri Iesv, aut saltem fimbriam vestimenti eius. Redi ad cor & quære vel pannos quibus tegas turpitudinem, vel vestes quas habeas ad solemnitatem. Si pauper & peccator es, minoris sunt precij quibus inuoluitur puer Iesus in præsepio, quàm virtutes quas attulit de cœlo; sufficiunt tamen tegere turpitudinem, tegere putredinis tabem & calefacere cadaueris præmortui puluerem. Sunt autem panni isti, ieiunium, humilitas, paupertas, confessio & eleemosyna: non timebit à frigoribus niuis qui talibus indutus fuerit pannis.

Cur Domine Iesu pannis coopertorium diuinitatis inuoluis, quod postea sine pannis, clauis & lanceæ in cruce pandis, & vsque ad distensionem expandis? an times pruinam, qui non reformidas lanceam? sed in pannofo humilitas, in lanceato notatur patientia. O pannofo da nobis, aut saltem vende pannos, lepram siquidem panni isti tangunt & tergunt: meretricem necnon in adulterio deprehensam tam à pœna quàm à culpa lenissimo tactu liberant. Da ergo Iesu pannos humilitatis per conuersionem, vende per correctionem: *Beati enim quorum remissa sunt iniquitates per correctionem, Ps. 31.1. & testa sunt peccata*, per satisfactionem.

Audi pœnitens ad quid tegumentum requiras, & quomodo, vel vnde, vel vbi, denique quâ tegere te debeas. Tanti fœtoris, tantæque fœditatis est nebula peccatorum Adæ seu filiorum eius, vt eâ sol offensus conuertatur in tenebras & luna in sanguinem; astra non sint munda, mare feruescat, terra contremiscat, cœlum erubescat, aër intumescat, Angelus fugiat, Deus se auertat, os & ventrem suum mors & infernus absque termino aperiat. Satisne intelligere ex his horrorem peccati potuisti? certè nondum expressi abominationem, nondum descripsi execrabilem eius ferocitatem: ira leonis, furor draconis, sibilus serpentis, feritas apri, & quidquid in rebus creatis insanius in ira efferri potest, non possunt adaptari crudelitati malitiæ siue peccati. Hæc fera tam ferocissima aliquando mordet animam, aliquando fœdat, aliquando vulnerat, aliquando deuorat, aliquando absorbet: mordet per suggestionem, fœdat per delectationem, vulnerat per consensum, deuorat per opérationem, absorbet per desperationem.

Sed tu Domine Iesu veni visitare animam & sana morsum per confessionem, laua maculam per compunctionem, cura vulnus per orationem, extrahe de faucibus per condignam satisfactionem, reuoca iam absorptum per omnipotentissimam miserationem. Tu enim Daniele de lacu leonum, tu Ionam de ventre ceti, tu Abraham de Vr Chaldæorum, tu tres pueros de camino Babylonis, tu Susannam de ore gladii; tu populum Hebræorum à persecutione Pharaonis; tu Petrum naufragantem in mari, & negantem in atrio Principis Sacerdotum; tu Paulum de profundo pelagi, tu David de ore leonis; tu latronem de faucibus mortis eripuisti; & nunc non misereris populi tui aduentum tuum præstolantis? & nunc ad filios tuos incipis indu-

A ij

PETRI CELLENSIS

4

rari. Veni sed in pannis non in armis, veni sed humilis non excelsus, veni sed super asinam non super Cherubim, veni sed in præsepio non in altissimo cælo; veni sed ad nos non contra nos, veni sed saluans non iudicans, veni sed in gremio matris non in sceptro majestatis, veni sed visitare nos in pace non arguere in furore. Si talis veneris fugiemus non à te sed ad te; omnino namque inconsueta pauorem faciunt; consueta verò suavius attrahunt.

Consueto igitur habitu, consueto victu, consueto sermone, sed tamen more disueto & conditione dissimili ad homines venit Deus homo, ad mortales Immortalis factus mortalis; ad peccatores nihil cum peccato habens, habens tamen formam & naturam sine peccato peccatoris. Hic qui super aspidem & basiliscum veniebat, calceatus accessit; hic qui leprosos mundare veniebat, in pannis ægrum visitauit. Animaduerte in calceamento mysterium fidei significari; in pannis, Ecclesiastica Sacramenta quibus venena detergantur peccatorum, quibus ornatur facies conuersorum, quibus velatur turpitudine pœnitentium.

Gen.
27.

Ecce habes tegumenta, quia habes & pudenda, id est, peccata quæ sunt tegenda: fortè quæris quomodo? docet Rebecca quæ filium suum Iacob benedictioni paternæ supponens, prius cum induit vestibus Esau valde bonis quas apud se domi habebat, & quia colli nuda siue manus vnde tegeter deerat, pelliculas hædorum quorum iam carnes coxerat circumdedit manibus, & colli nuda protexit. Vtilis hæc historia, sufficientem exhibet formam pœnitentiæ peccatoribus recedentibus à peccato, & quærentibus gratiam & benedictionem Dei Iacob. Sed ne satietas fastidium generet, aliàs reposituri & latius exposituri; interim eam supprimimus, hoc tantum ex ea sumamus vt quomodo vestire se debeat anima pœnitentis innotescamus, vestibus namque Esau valde bonis quas Rebecca domi retinuit cum ad venationem pilosus ille exiret, vestiri debemus, cum benedictionem quærimus.

Ioan. 8.
44.

Sed quid est hoc? Rebecca virgo decora nimis, est illa Angelorum sancta societas quæ Isaac, gaudio videlicet cœlestis iubilationis desponsata, cogitat semper & amat quæ domini sunt. Esau pilosus qui venatione agrestium & syluestrium, postquam offenderat animum Isaac, occupatur, diabolus est qui postquam de cælo sicut fulgur cecidit, fictus & callidus velut pilosus in insidiis sedet, vt in occulto rapiat pauperem, decipiat animam volentem. Is vestes valde bonas domi reliquit, cum optimæ naturæ suæ scilicet Angelicæ bonas dotes à Deo infusas, per apostasiam amisit, *In veritate enim non stetit.* Sed Rebecca sibi vestes bonas vendicauit, cum illa sancta societas, decedente Lucifero, firmitus stabilita in amore sui Creatoris, animos ad Deum conuertit, & ne similiter laberetur, fortius amoris vinculis se se innexit.


Ezech.
23. 12.

Vestes itaque valde bonæ Esau, sunt illæ veræ virtutes quibus in paradiso Dei sui plenus decore Lucifer in Propheta resplenduisse legitur. His Iesus pannis, immo satis melioribus indutus ad nos de cælo venit. Adam enim sicut & Lucifer ornamentis pectoris sui in paradiso oblitus tunicam hyacinthinam eiectas perdidit, & pelliceam recepit: frequenter quidem postea eam repetere voluit, sed nec semel potuit. Secum itaque veniens Iesus filius

SERMONES.

Altissimi vestes illas valde bonas attulit, qui primam stolam, annulum & calceamenta prodigo filio restituit; reddidit namque lætitiā salutaris sui, reddidit Spiritum rectum, Spiritum sanctum, Spiritum principalem, cor mundum, animam puram, carnem immaculatam. Istæ sunt mutatoriæ vestes, quas pro semicinctiis, pro pannis menstruatis, nobis pietas Iesu commutavit, ut de reis innocentes, amici de inimicis, de cunctis efficeremur concives.

Præterea nuda colli & manus sine tegmine remanerent nisi pelliculas hædorum Rebecca referuisset: nuda colli manifestam designant superbiam; manus nudæ, opera iniustitiæ; pelliculæ hædorum, pœnitentiam conuersorum. Pœnitentia itaque quam Angelus nescit, quia nec bonus stans in iustitia, eâ indiget, nec malus perseverans in iniustitia agit, à peccatoribus sumpta est, & nuda colli, id est, peccatum superbiæ, & manus nuda, id est, opera iniustitiæ, vindictæ Dei abscondit; ecce quomodo anima se vestire debet.



IN ADVENTU DOMINI.

SERMO II.

NUNTIA nobis si tu es ipse qui regnaturus es in populo Israël? Tibi soli Iesu de omni re credimus, quia veritas es, te credimus quia solus es quod es, in te etiam credimus, quia non verbo & lingua, sed opere & veritate te diligimus. Ideo nuntia nobis, si tu es qui regnaturus es, quia te volumus regnare super nos, cuius iugum suauis est, cuius onus leue, cui seruire regnare est. Opponit se & transfigurat in Angelum lucis pater mendacij diabolus, totque & tantas ex quo à veritate decedit, tam in paradiso primis parentibus, quam posteritati eorum contexuit in hoc exilio tendiculas deceptionum tot, ut vix quod verum est in caligine ista discernatur, quod certum in ambiguitate eligatur, quod optimum acquiratur. Cauentes itaque & nolentes impingere damnosum fidei nostræ errorem te Iesu de te consulimus, ut indices nobis, ubi pascis ubi cubas in meridie, ne incipientes vagari post greges sodalium tuorum pro Christo Antichristum, pro bono pessimum, pro Deo diabolum excipiamus: *Nuntia ergo nobis si tu es, &c.*

Causas equidem missionis tuæ non omnino ignoramus; missus es enim ut annuncies populo tuo scelera eorum & domui Iacob peccata eorum, missus es ut manifestes te ipsum mundo, missus es ut destruas inimicum & ultorem, missus es ut soluas compeditos, educaſ incarcerationatos, liberes captiuos, regnum peccati destruas, & regnum iustitiæ statuas. Equidem diu est quod Prophetæ quorum testimonia credibilia facta sunt nimis, tam de aduentu tuo quam de nostra redemptione libros plurimos impleuerunt. Vrgente itaque tam nostra necessitate quam tua miseratione occurrimus cum

A ii

omni supplicatione, quærentes si tu es ipse quem expectamus & ad cuius regnum sortem nostram transferri exoptamus. Tyrannus namque ille cui ab ira indignationis tuæ traditi fuimus, scorpionibus cædit nos, vrit flagellis, in verberibus torquet & excruciat usque ad medullas viscerum, non est sanitas in carne nostra in qua habitat peccatum, non in corde ubi infidelitas & ignorantia regnant; omne caput languidum & omne cor mœrens, à planta pedis usque ad verticem non est sanitas. Cum totam occupavit massam fermentum præuicationis, nusquam locus remansit immunis à peccato & pœna peccati. Totum cum omnibus partibus suis hominem inspiciamus, & quæ membra quæ possideant vitia diligenter discutiamus.

A planta pedis usque ad verticem non est sanitas cum pedes currunt ad malum in consilio impiorum: genua & tibiæ stant in via peccatorum: renes sedent in cathedra pestilentiae; membra pudenda quæ sunt partes vulpium polluant templum Spiritus sancti, tabernaculum nominis Dei: lumbi implentur illusionibus, venter cibo & mero distentus despumat in libidines: guttur nitidius super oleum, ministrat carbones subter cratem ferream, os ebullit stultitiam, lingua vibrat faculam accensam: labia loquuntur magniloqua, oculi aspiciunt vanitatem, aures suscipiunt detractionem: manus effundunt sanguinem: cervix erigitur in elationem. Inspiciamus adhuc quàm graui stimulo malè sollicitus de morte nostra conuulnerauit nos ille cuius nomen est mors. Planta igitur pedis terræ hærens grauis & fissæ, quasi planta vituli aggrauat hominem in terra, & diuidit ad multa: insidiatur autem serpens calcaneo qui plantæ continuus est, vnde conqueritur Psalmista: *Iniquitas inquit calcanei mei circumdabit me*; id est primæ suggestionis peccatum à ventre matris nullo tempore nulla parte usque ad exitum vitæ cessat me inquietare.

Psalm. 48.
6.

Præsumit enim diabolus sequentia facili se posse occupare si principia veneno suo præualuerit inficere. Illum ergo cuius intentionem in calcaneo, cuius affectionem in planta, cuiusque actionem afflauerit in pede: illum cuius anhelitus prunam ardere facit, in regno peccati detinere, & ad regnum mortis transmittere quis prohibebit, nisi gratia & vita quæ per Iesum Christum facta est subuenerit? Tibiæ sequuntur in ascensu membrorum, de quibus ait idem Psalmista: *Non in fortitudine equi voluntatem habebit, nec in tibiis viri beneplacitum erit ei*; quod est dicere nec superbia vel potestas contumacium placet Deo, nec incompotus incensus præsumptuosi & audacis hominis. Est autem utrumque vitium, nimis compositè, vel incompositè incedere, alterum enim luxuriæ, alterum est signum inconstantiae. Isaias reprehendit filias Sion quæ composito gradu incedebant. Iacobus Apostolus in Epistola sua ait: *Vir duplex animo inconstans est in omnibus viis suis*. Genua quæ sequuntur non sunt curuanda Baal, sed Deo excelso, quia omne genua flectitur ei: celestium terrestrium, & infernorum: non ergo curues genua meretrici, sed Dei genitrici, non simulacro, sed Deo viuo & vero. Renes & lumbos qui sequuntur, accinge sicut vir, ne effluant per luxuriam, dic Deo, *Tu possedisti renes meos*, id est delectationes meas, & non me teneat luxuria, sed continentia & castitas.

Psalm.
146.

Iac. 1. 8.

Psalm.

238. 13.

Sequitur venter & stomachus cuius officium si legitimè administratur, utile & pernecessarium est, si fines naturæ excesserit, omnino perniciosum & damnosum, nam sine ipso nec viuitur, per ipsum, si iugum moderationis excusserit, pessimè viuitur. Sit ergo in subsidium quotidianæ reparationis, nec se præcipitet in exterminium malignæ superfluitatis. Deinde gulam tenemus quæ velut infusorium ventris pene quidquid vorauerit infundit, tanquam portam itaque ventris gulam obseruare debemus, ne quid intret per portam quod euertat naturam: claudit hanc portam ieiunium, abstinentia custodit, moderata refectio salubriter aperit, immoderata ipsos eius cardines concutit. Fauces deinde quasi atrium intrinsecus, os habent ostium extrinsecus, quo non custodito non est pax intranti vel exeunti: si enim de radice colubri conceperit mala cogitatio quemlibet factum, quamdiu os clausum cohibet intrinsecus cadauer mortuum, sepulchrum quidem est guttur siue fauces, sed nondum patens, si autem factorem pressum ore aperto exhalauerit, sepulchrum patens est & aëre corrupto moritur etiam species religionis, quæ hæcenus vivebat in lucrum bonæ opinionis. Sit ergo eloquium dulce, sint casta eloquia, sit porta semper clausa malis, aperta bonis. Quid deinde oculi quorum ministerio velut Sol & Luna, dies sapientiæ & nox ignorantie reguntur in homine, ut sint tenebræ eius tanquam lumen eius, id est, humiliter se accuset de ignorantia, & vtiliter ac sobriè vtatur data à Deo sapientiâ & scientiâ: oculus qui non satiatur visu, si pudicus sit & castus, cælum potius respicit quàm terram, vnde *attenuati sunt oculi mei suspicientes in excelsum.*

Esaiæ
38. 13.

Oculi itaque isti videntes Dei potentiam à longè venientem, signa circa Iesum & de Iesu propheta curiosius quærunt, & an omnia quæ de ipso dicta sunt concurrant, diligenter inuestigant non cum Iudæis dicentes; *Tu de te ipso testimonium perhibes testimonium tuum non est verum,* sed cum Petro, *Domine si tu es iube me venire ad te super aquas,* non tentando, sed inquirendo dicunt Nuntia nobis, &c. Si tu es Rex Iudæorum, Si tu es Rex Regum & Dominus Dominantium, Si tu es Rex Sion qui super asinam & pullum filium subiugalis sedens, Hofanna Filio David à pueris Hebræorum audisti, nuntia nobis, si tu es qui super solium David, & super Regnum eius sedere venisti, nuntia nobis si tu es principatum habens super humerum, nuntia nobis si tu es Filius Regis cui Pater omne iudicium dedit ut omnes honorificent filium, sicut honorificant patrem qui misit illum: nuntia nobis si desinet regnum à Damasco, si mortem præcipitare venisti, si dare redemptionem pro populo tuo, si venisti ut saluum facias populum tuum à peccatis eorum. Nuntia nobis si venisti dona naturæ reparare, & dona gratiæ reformare: Nuntia nobis si de necessitatibus suis liberaturus es creaturam, quæ vanitati subiecta est non volens, si soluturus es nos à miseria & peccato. Videmus, ecce Virginem Matrem, videmus tempus beneplaciti Deus, videmus defecisse sceptrum de Iuda & Ducem de femoribus eius. Videmus conflagrare gladios in vomeres, & lanceas in falces. Videmus signa innouata, videmus iter habere medium silentium noctis: hæc omnia indicant nouum venisse super terram à quo nouum cæpit testamentum, lege veteri antiquata cum omni-

Ioan. 8.
15.
Math.
14. 28.

bus obseruantis suis. Translati ergo in legem gratiæ, fidei & iustitiæ ad Regnum transferamur æternæ salutis & gloriæ, te procurante Iesu qui cum Patre & Spiritu sancto uiuis & regnas Deus per omnia sæcula sæculorum. Amen.



DE ADVENTV DOMINI.

SERMO III.

Esaia
16.1.

EMITTE agnum Domine Dominatorem terra de petra deserti ad montem filia Sion. Mitte Angelum & emitte Agnum, non aprum, non vnicornem, non taurum, non bouem, non asinum, non camelum, non leonem, non basiliscum, non scorpionem, non serpentem; Aper namque dente morderet, vnicornis vero cornu impeteret, taurus ceruicositate ventileret, bos cornu peteret, hircus fœteret, asinus stoliditate molestaret, camelus gibo displiceret, leo deuoraret, basiliscus veneno occideret, scorpio caudâ pungeret, serpens deciperet. Hæc vitia cauenda sunt non oranda. In apro namque significatur rixa & contentio, in vnicorne singularitas & præsumptio, in tauro lasciuia & rebellio, in boue pigredo vel induratio, in hirco luxuria, in asino hebetudo, in camelo inflatio & prauitas, in leone rabies & rapina, in basilisco mala persuasio, in scorpione detractio: in serpente dolosa deceptio; in agno innocentia. A supradictis vitiis præcipuè absteineamus, qui in vestimentis ouium, siue laneis, siue pelliceis speciem pietatis non * vtinam mentiamur. Quasi enim leonina pelle asinus inducitur, cum mens vitiosa pelles Salomonis vel agni simulatione assumit. Vnde Apostolus de quibusdam, *speciem quidem pietatis habentes, virtutem autem eius abnegantes.* Nequaquam itaque in spiritu sit dolus, cum extrinsecus præferatur simplicitatis habitus; sed hoc homo habeat in corde quod demonstratur in facie. Tunc siquidem vtiliter orabit, Emitte agnum Domine, quia qualem inuenerit talem se illi exhibebit, cum sancto enim sanctus erit & cum innocente innocens, id est cum agno agnus erit.

* f. virtutem.

2. Ad
Timoth
3.5.

Psal. 17.

Ioan. 15.
15.

Emitte ergo agnum Domine qui non irascitur, qui non insidiatur, qui non recalcitratur, qui non ambulat in magnis, neque in mirabilibus super se, qui lanam suam dat nobis, sicut niuem ad calefaciendum quod in nobis est frigidum, ad operiendum quod probrosum, qui dat corium suum ad restringendum quod dissolutum, ad vestiendum quod in pedibus nudum est, qui dat carnem suam ad manducandum, ne deficiamus in via, qui humilia & infirma assumptæ humanitatis tanquam finem dispergit in terra nostra, vt his visitata & inebriata & locupletata multiplicetur vt afferat fructum trigessimum, sexagesimum vel centesimum. Vngula etiam sua, id est increpatione scabiem nostram tollit, id est desideria maligna & pruriginem compescit, intestina aperit & exponit dicens: *Omnia quaecumque audini à Patre meo*

SERMONES.

9

meo nota feci vobis. Venterculum in quo sunt omnes thesauri sapientiae & scientiae absconditi, suggerit conuiuatoribus suis: dorsum patientiae quod Pilatus flagellauit, ostendit ad informationem correptionis. Costas quas in cruce extensas dinumerauerunt crucifixoires sui, edendas apponit in mensa altaris. Cornibus haeret in cruce sicut aries. Abrahæ inter vepres haerebat. Caudam offert cum dicit ecce ego vobiscum sum usque ad consummationem saeculi. Dentes eius lacte candidiores sunt, quia in eius praedicatione nihil mendosum, nihil obscurum est. Oculi vino pulchriores quia, ut ait Gregorius, in comparatione vel in contemplatione eius vilescunt omnia, *Hic est* Ioan. 1. 29.

Agnus Dei qui tollit peccata mundi. Hunc Agnum emitte Domine qui secum deferat sapientiam sedium tuarum afflictricem, lucem & veritatem: vnde *emitte lucem tuam & veritatem tuam*, id est, gratiam & doctrinam; manum quoque vnde Dauid dicit *emitte te manum tuam de alto*, id est, de sinu Patris, auxilium contra impugnatores diabolum: emitte latenter ne audiatur strepitus in compitis Alcalonis, vbi conueniunt daemones fures animarum, fures consiliorum Dei, si forte contra malitiam suam tractat aliquid bonitas sapientiae Dei. Emitte sapienter, quia omnia in sapientia fecisti, & prudentia tua superbum diabolum percussisti. Emitte fortiter, quia fortis Dominus & potens in praelio: emitte suauiter, ut descendat sicut pluuia in vellus, & impleat lagunculas virginalis vteri aqua nostrae humanitatis & vino diuinitatis. Emitte libenter quia vnicus filius multos adoptiuos acquirit, *qui non ex sanguinibus neque ex voluntate carnis, neque ex voluntate viri, sed ex Deo nati sunt.* Emitte licenter ut iam saltem in plenitudine temporis in fine saeculorum, licentiam habeat veniendi qui ab initio praedicationis & eiectionis Adæ de paradiso, non destitit praemittere aduentus sui praedones, & misericordiarum frequentissimas distillationes. Emitte Agnum mansuetum qui fugiat Herodem sicut damula leonem, & a facie Iudaeorum quando tulerunt lapides ut lapidarent eum, sicut ouis lupum. Emitte agnum tondendum in circuncisione, exco- Pf. 42. 3. Pf. 14. 7.

riandum in crucifixione, vendendum triginta denariis in prodicione, immolandum pro nostra redemptione. Emitte Agnum qui dignus sit accipere virtutem & diuinitatem, qui dignus sit soluere septem signacula libri signati, id est, mysterii dominicae Incarnationis: Emitte Agnum qui non statim occidat peccatores, sed ad poenitentiam prouocet dicens, *non veni vocare iustos, sed peccatores ad poenitentiam.* Ioan. 1. 13. Matth. 9. 13.


Emitte, sed ad quid? ut dominetur, Dominatorem, inquit, terrae. Vnde? de petra deserti. Quo? ad montem filiae Sion. Quae est petra deserti? Ruth Moabitidis quam Boos in uxorem accepit & ex ea genuit Obed, Obed autem genuit Iesse, Iesse autem Dauid, de cuius semine CHRISTVS, qui de Virgine Matre originem habuit. De petra igitur deserti emitte Agnum Domine ad montem filiae Sion, ut linea propagationis, profundo & incognito Dei iudicio, duas humani generis propaggines, id est, Iudaeos & Gentiles complectatur, lapis angularis qui facit vtraque vnum: moueat gressus suos a petra deserti, qui multis annorum millibus licet ab Adam venire coeperit, nullis tamen vestigijs euidenter alicubi impressis cum silentio sicut

B

aquæ Siloë, ad nostram liberationem longo anhelitu tendebat. Huc autem quasi victor gratia mansionis diuertens, consiliorum & cogitationum antiquarum respiracula concipiens, passibus manifestioribus cœpit appropinquare, itaut Matthæus Euangelista ex hoc incipiat dinumerare; ab Abraham tamen inchoata propter promissionem Dei digressionem.

Hoc etiam notandum in eo quod de petra deserti, emitte agnum dicitur, pater exoratur quod sicut solet fieri in conductibus aquæ, vt ad respirationem vel inspectionem salientis aquæ, lapideum interponatur receptaculum; sic cursus miserationis diuinæ à primo homine tanquam à primo lapide confluens, mysticum canalem habuit Ruth Moabitæm Boöz Iudæo copulatam: meatu ergo venustiori per David Regem recepto, lucidiori vena ad montem filiæ Sion, id est, Virginem MARIAM, quem adquisiuit dextera eius perfluxit, ibique lagunculam testem propter fragilitatem sexus muliebris imber matutinus diuinitatis & serotinus humanitatis, sicut pluuia descendens in vellus impleuit, hæc enim est piscina portæ superioris in qua gratia abluit & caro peccati abluitur, dum ad præparationem incarnandi Verbi Virgo ab omni peccato emundatur, & CHRISTI caro absque vilo peccato concipitur: quæ caro Agni non solum est immunis ab omni labe corruptionis, sed est tantæ puritatis & virtutis, vt solo nutu vel contactu curet lepram totius contagionis. *Agnus enim Dei est, qui tollit peccata mundi.* Vt itaque tollat peccata mundi, emitte Agnum Domine dominatorem terræ de petra deserti ad montem filiæ Sion, IESVM CHRISTVM Dominum nostrum qui cum Patre & Spiritu sancto viuit & regnat per omnia sæcula sæculorum. Amen.

Ioan. 1.
2. 9.



IN TEMPORE ADVENTVS.

Super eadem verba.

SERMO IV.

Esaiæ
16. 1.

EMitte Agnum tuum Domine dominatorem terræ de petra deserti ad montem filiæ Sion. Humanæ quærelæ necessitas & remedii opportunitas nulli magis nota quam Deo, qui prius præparauit antidota quam diabolus euomeret in ore & mente hominis pessima venena. Crescente itaque & superexcrecente morbo, adiecit medicus conficere iuxta singulorum accidentia, congrua suæ sapientiæ & humanæ miseriæ remedia. Inde tabula diuinæ propaginis formas votorum & vocum diuersarum recitat per singulos Prophetarum libros, dum alter sic afficitur, & alter aliter; bono namque domino seruus familiaris non veretur humiliter suggerere vnde non credit eum offendere; non autem offenditur qui vult rogari antequam rogetur, & prius porrigit manum quam qui accipiat reperiatur: nunquam enim digno

petitori defuit gratia largitoris, nec semel indignis prærogauit misericordiam, qui passim omnes quotidie vocat & vrget ad gratiæ suæ plenam omni bono archam. Antiquorum igitur Patrum quisque contemperans postulationem suam & sempiternæ dispositioni & nostræ necessitati, porrigit libellum per manum Angeli legendum in palatio summi Regis, vt de beneplacito Creatoris Agnus mittatur ad opus vniuersalis restitutionis.

Hoc tempore & huic negotio leo non erat necessarius, quia nimium est rigidus, neque camelus quia altus & gibosus, neque asinus quia iners & tardus, neque lupus quia rapax, neque vrsus quia contumax, neque hædus quia fœtet, neque equus quia procul odoratur bellum, neque bos cornupeta quia terræ nimium hæret, neque taurus quia ceruicosus est; solus Agnus congruit rei agendæ quia incorruptus, quia immaculatus, quia mansuetus, quia villosus, quia tenerrimus, quia pacatus & placidus. Emitte igitur Domine dominatorem terræ, emitte de sinu diuinæ mentis, emitte à summo cœli, emitte à supremo cardine inuisibilis maiestatis, emitte de concessu tuo, emitte de thesauris & abyssis; emitte agnum domine dominatorem terræ: Non Saulem qui quærit asinas patris tanquam asinarius; non Pharaonem regem Ægypti qui in equis & curribus persequitur populum Dei; non Nabuchodonosor qui quasi bos comedit herbam; non Alexandrum magnum qui sicut leo omnia regna vastauit, non Roboam qui scorpionibus subiectum populum cædit, non Salomonem qui amator mulierum, luxuriæ idolatriam iunxit: non Sedeciam qui pactum scindens sicut vrsus effossis oculis in cathenis fuit; non Achaz qui vineam Naboth tanquam lupus per vxoris rabiem quasi per famem rapuit & occidit: non de aliis regibus quemlibet mittas, quia deuorant plebem suam sicut escam panis, non saluant, non liberant, non redimunt; frater enim non redimit nec purus homo, sed Deus homo, sed Agnus immaculatus cuius sanguine redempti sumus de vana nostra conuersatione; hic est Agnus quem Pater signauit & misit in mundum.

Attendamus ergo signum Agni quia vtrumque postem nostrum munire debemus sanguine Agni contra exterminatorem Angelum: nihil in Agno negligendum, quia etiam minima pars eius salutis nostræ valde necessaria est. Quatuor pedes Agni sunt quatuor partes crucis, longitudo, latitudo, altitudo & profundum, vel quatuor partes mundi, oriens, occidens, septentrio & meridies. Vel quod in cantico Annæ legitur, Dominus mortificat propter 1. Reg. vngulam, & viuificat propter plantam, & est primus pes. Secundus est qui 2. 10. deducit ad inferos impios & reducit conuersos. Tertius pes, Dominus pauperem facit spiritu, & ditat beatitudine. Quartus pes Agni humiliat superbum, subleuat contritum & humiliatum. Vultus Agni voluntas Dei, quia *quæ placita sunt ei* (inquit IESVS) *facio semper: & hic est in quo mihi* 102. 8. *bene complacui.* Oculos in Apocalypsi habet septem, quia requieuit super 29. eum spiritus sapientiæ & intellectus, spiritus consilii & fortitudinis, spiritus Matth. 12. 18. scientiæ & pietatis, & repleuit eum spiritus timoris Domini; & cornua septem quia reddet in die Iudicii vnicuique secundum opera sua, prout gessit 2. in corpore quadrupliciter, in anima tripliciter. *Super tribus sceleribus Damasci*, inquit Dominus, *& super quatuor non conuertam eum.* Amos 1. 3.

Venter Agni distinctus est saphiris quia humana passus, sed diuina operatus est. Dorsum eius patientia est, vnde Dauid, *Supra dorsum meum fabricauerunt peccatores*. Lana eius beneficia vel euangelica prædicatio, quam nent & texunt omni creaturæ prædicando Euangelistæ & omnes doctores Ecclesiæ. Caro eius vitalis animæ cibus, Sanguis potus.



IN TEMPORE ADVENTVS.

Super hæc verba *Ecce Virgo, &c.*

S E R M O V.

Ecce Virgo concipiet, &c. Vt aliquid de pondere litteræ dicam, illud *Ecce*, renouatiuum est temporis, reuocatiuum fidei, recreatiuum animi. Virgo concipiet & pariet filium, suspensiuum est intensiōis, succensiuum deuotionis, consolidatiuum Christianæ dignitatis. Per aduentum Domini tempora renouantur, fides mortua resuscitatur, animus lugens præ inopia & deficiens præ tadio diurnæ expectationis recreatur. Intentio cum Iob elegit suspendium in occursum Saluatoris, deuotio sicut Maria Magdalene audiens quia Dominus venit, citò surgit & venienti lacrymas offert. Christiana fides in conceptione Deum quasi vitalem spiritum diuina insufflatione accipit. De renouatione ait Dominus, *Ecce noua facio omnia*; vtique nouum aduentum, nouum conceptum, nouum partum, nouam matrem, nouum filium, nouum morem nascendi, viuendi, prædicandi, moriendi, resurgendi, ascendendi ad cælos, iterum veniendi ad iudicandum viuos & mortuos.

De reuocatione fidei item dicit, *Veniens filius hominis putas inueniet fidem super terram*. Et Propheta, non est fides in terra. In dies inquirunt Iudæi & annos, prophetat iste, & deridendo dicebant, *Manda remanda, expecta reexpecta*. Item *Lex per Moysen data est, gratia & veritas per IESVM CHRISTVM facta est*, qui dixit, *Creditis in Deum & in me credite*, iam ergo fidem abeuntem & animam exhalantem reuocauit. De recreatione animi Propheta ait, *Suscita predicationes quas locuti sunt in nomine tuo*. Propheta priores, *da mercedem sustinentibus te vt Propheta tui fideles inueniantur*. Item, *Iste consolabitur nos ab operibus nostris*.

De suspensione intentionis ait Iob, *Elegit suspendium anima mea*, & Ezechias *Attenuati sunt oculi mei suspicientes in excelso*, & Dauid, *Ad te leuavi oculos meos, &c.* Nec inimerito, quia Moyses ascendit in montem & Dominus descendit cum legem dare vellet; quantò igitur, iustius ad verticem ascendendum, cum Deus in carne suscipiendus sit & à Virgine concipiendus? medio satis spatio & ultra Dominus descendit, cum claustra puellarum intrauit; sed non plusquam decuit partes nostras inferiores attigit,

SERMONES.

13

quia virilem commixtionem in sua conceptione non admisit. Intendat itaque & extendat se nostra intentio quovsq; fides fines velaminis sui protendat vt credat. Non discutiatur mysterium incarnationis simpliciter sentiens de incomprehensibili vnione Verbi & hominis simul, in verbo Angeli & fide Virginis & operatione Spiritus sancti facta, nec simul nec semel donec oculo ad oculum videatur exprimenda.

De succensione deuotionis ait Isaias, *Cuius ignis est in Sion & caminus in Ierusalem.* Latitabat ignis in Sion quamdiu conceptio Virginis detineretur in vtero. Sed caminus apparuit in Ierusalem, cum stella Magos Ierosolyma adduceret, & regem natum manifestaret: Succensa proinde deuotio est, quia populus qui sedebat in tenebris vidit lucem magnam, & sol Iustitiæ exortus est timentibus Deum.

De consolidatione Christianæ dignitatis restat dicere quomodo in conceptione Virginis solidatum sit. Qui non credit IESVM de Spiritu sancto & Virgine MARIA conceptum & natum, non habebit fidei fundamentum, quod ita stat inexpugnabile & inconuulsum, quod potestatum aërium & mundanarum & infernalium vis tota coaceruata impugnando magis ac magis firmaret & stabiliret.



SVPER EADEM VERBA

Ecce Virgo concipiet, &c.

SERMO VI.

Ecce Virgo concipiet & pariet filium. O singulare, & speciale Virginis privilegium præ Angelis, præ omnibus Sanctis, præ omnibus Dei donis est, quod Virgo concipiet & pariet filium, non Angelis, non Archangelis, non Virtutibus, non Potestatibus, non Principatibus, non Dominationibus, non Thronis, non Cherubim, non Seraphim, datum est hoc beneficium. Satis sit eis Deum adorare, Deum videre, Deum diligere, Deum cognoscere, Deo obedire; voluntatem Dei in omnibus adimplere & in nullo deficere; nec aliquid timere. Accipiunt siquidem beata munera, nec est in tanta societate cui in sit plusquam accepit velle habere. Confertum & coagitatum omnium gratiarum cumulum Virgini nostræ reservauit, vt haberet proprium fontem, cui nec Angelus nisi cum gratiarum actione communicaret, cui omnia sæcula summa veneratione, inclinato capite deferunt, nec simile quid ultra sperare præsumerent, sed exinde portionem sibi debitam cum gratiarum actione singulorum sæculorum generationes vendicarent. Superlunaris quoque regionis incolæ sua obsequia gratanter exhiberent, non admirantes ab æterno latuisse, quod tam silenter sapientia Dei de inscrutabilibus scriniis suis extraxerat vt Virginis vterum intraret.

B iij

quem totus mundus nequaquam caperet. Mirum quidem quod sic intrauit vt in ea habitaret, sed amplius plus stupendum quod sic intrauit vt illum Virgo conciperet.

Alius namque venientem ad se Deum dignè recipit, alius suscipit, alius excipit. Recipit hospitem, suscipit Dominum, excipit amicum: quis verò capit, imò quis concipit illum nisi Virgo, de qua dicitur, *Ecce Virgo concipiet, &c.* Dicitur de quodam cuius moti sunt pedes, quod spiritus pertransibit in illo & non subsistet. Dicitur de Moyse, *Cum transiero posteros meos videbis.* Dicit Iob, *In horrore visionis nocturna transiit quidam cuius non agnoscebam vultum.* Multum est, multum est vel in transitu videre Deum, sed iucundius, sed vtilius capere Deum, retinere Deum, incomparabilius verò concipere in carne & de carne sua Deum. Facta enim est ista virginalis conceptio interueniente coagulo fidei & charitatis, incomprehensibiliter feruente gratia circa cultum legis & mandatorum Dei, fermentante etiam Spiritu sancto sata tria, id est, carnem & animam virginalem cum desuper data gratia, vnde panis formaretur, cum crusta humanitatis, & mica Diuinitatis, coquendus in furno crucis, & sumendus interim in mensa altaris, tandem in regno Dei; & hoc est quod ait, *Ecce Virgo concipiet, &c.*

Et quia Virgo non solum est ager plenus de quo dicitur, *Ecce odor filij mei sicut odor agri pleni cui benedixit Dominus*, ad procreandum panem, vt legitur in Psalmo, *Vt educa panem*, id est CHRISTVM, de terra, id est Virgine MARIA: attendendum quia ipsa est vitis de qua exprimitur vinum libaminum, vt in Ecclesiastico legitur, *Ego quasi vitis fructificauit suauitatem odoris.* In dissimili rerum specie, ratione probabili assimilamus conceptionem factam in Virgine, sicut enim terra profert germen suum, & sicut hortus semen suum germinat, sic Virgo Deum, sic Deus in Virgine concipitur & nascitur, solo vtique humore terræ & pinguedine gratiæ. Ad vitem nostram, id est Virginem nostram alligatum pullum, id est Filium suum Pater ostendit, & hanc vitem putauit cœlestis Agricola, cum purgauit illam ab omni tam originali quàm actuali culpa. Paxillo alligauit, cum Ioseph desponsauit; fecundauit, cum per Angelum salutauit, frondes & folia protulit, cum Angelo respondit, fiat mihi secundum verbum tuum. Quasi lagunculam vino impleuit, iuxta Isaiam qui ait, *Decem iugera facient lagunculam vnā*: quando decem mensibus carnem CHRISTI sacris fouit gremiis, & hominem atque Deum verum & perfectum in natiuitate mundo edidit. Decem namque iugera, tanquam decem sulcos in vitula Samsonis exarauit, quando Christum suum, qui est finis legis, quæ decem constat mandatis, ad incarnandum MARIE Virgini destinauit. Vel decem iugera sunt humana & Angelica iustitia quæ plenaria fuit in MARIA: nouem siquidem ordinibus distinguitur Angelica natura, decima verò creata est humana. Nihil autem in homine, nihil in Angelo collatum aut collocatum fuit iustitiæ, quod non deflueret pleno gurgite ad thronum gratiæ, vt in gratia quiesceret qui in tempore orbem suum sua gratia abundanter impleret; quam enim præmisit vel attulit gratiam concipiendus, hanc extulit saluâ possessione maternâ, natus plenissimè longè latèque eam erogaturus.

SERMONES.

15

Afferamus itaque ad lagunculam plenam, cyathos siue scyphos nostros ut inebriemur ab vbertate domus Dei, & bibamus vinum quod Virgo vitis germinavit, & quod aquè germinat virgines. Non sumus dediti vino in quo luxuria est, quod est de vva fellis, & est fel draconum, & venenum aspidum insanabile. IESVS Nazarenus quia Nazareus est, non bibit hoc vinum; & quia vocabitur Emmanuel, id est nobiscum Deus, non faciamus nisi quod viderimus eum facientem, & non sint in nobis schismata. Conceptus certè est & natus de MARIA quæ non est diuisa, quia Virgo est & vna virtute, virginitate, conceptione, prole, dignitate, protestatione, propitiatione, & saluatione. Dicamus ergo *Ecce Virgo concipiet, &c.* & voca-
bitur nomen eius Emmanuel nobiscum in hac peregrinatione.

Esaiæ
7. 14.

Non sufficio cogitare quo habitu, quo sermone & qua lingua ad illam nubem lucidam possim accedere, in qua IESVS non est transfiguratus sed incarnatus, nisi meritò & incarnationem illam appellauerim à transfiguratione, cum ille *qui in forma Dei erat non rapinam arbitratus est esse se æqualem Deo, sed semetipsum exinanivit formam serui accipiens in similitudinem hominum factus & habitu inuentus ut homo.* Hæc reuera est mirabilis transfiguratio quæ non aliud in se transfigurauit, sicut Apostolus in se & Apollo transfigurat quorundam infirmitates, sed se Deum in se hominem dispensatione ineffabili, non amissâ sed repositâ formâ Dei & expositâ formâ serui transfigurauit, vel potiùs vniuit.

Philip.
2. 6.

Mutato itaque imò mutato Angelico habitu, si fieri posset utcumque cogitare, loqui aut scribere de Domina meâ auderem; nam in isto siue proprio siue alieno, siue publico, siue priuato habitu quid dicam? cum publicus sit dissolutus, priuatus restrictus, alienus suspectus, proprius despectus, publicus nescit sobrietatem, priuatus ignorat cordis dilatationem, alienus securitatem, proprius timet abiectiorem. In publico est filius Belial, liber iustitiæ, onager in solitudine: in priuato seruus Mammonæ, seruiens ventri & gulæ: in alieno filia sanguisugæ quæ dicunt affer: in proprio, positus sub lege qui dicit video aliam legem in membris meis repugnantem legi mentis meæ; suspensus itaque quid eligam ignoro.

Sed in dubiis tenenda est benignior interpretatio; semper igitur depressos & pauidos circumfero oculos, non sursum versùs faciem in qua sunt duo luminaria magna, ultra valentiam oculorum præclara: per quæ subradiabat horis incertis lux lucis & fons luminis, sola quæ gestabant ultra valentiam oculorum præclaram. Sed deorsum versùs calceamenta filia Principis quæ accincta & calceata mundi gloriam calcabat, & Angelicam excellentiam eminebat: vbi ad radices Libani oritur fluuius Paradisi CHRISTVS, qui factus est nobis Dei virtus, & Dei sapientia, iustificatio & redemptio. Contrito itaque & humiliato spiritu mustitabo in gemitu meo ad ianuam Matris misericordiæ, si fortè ab ipsa accipiam quod dignè de ipsa dicam vel scribam; ratio enim hominis & ingenium succumbendo potiùs potest expirare, quàm dignum aliquid sine gratia, de plenâ gratiâ dicere.

Deuoluamus itaque Arcam sanctificationis salutis gloriæ suæ indumentis, ut quæ soli filio nata; superparcamus attingere, & quæ publicæ vtilitati suf-

ficiunt venerando tentemus appetere. Est enim in ipsa, & quod sine damno expandat in via; & quod cum gaudio seruet in patria, unde hinc fouetur de-
uotio, & ibi perfruatur visio. De conceptu igitur eius & partu, assidua fiat
commemoratio, quia æterni regni hæc est potior prælibatio; & est dulce su-
per mel & fauum, semper in ore & corde habere MARIAM & IESVM.

Ecce nouus, ecce recens, ecce adhuc in ipsa pendens arbore, tam benè sapi-
dus, quàm plenè iucundus fructus. Neque enim tempore fit melior, quia omni
tempore, non ætate sed creatione est senior. Verbum non maturandam na-
turam humanam assumpsit, quoniam assumendo consummatè maturauit.
Nec crudū aut semicoctum quidquam in ea reliquit. Non enim virtus in ho-
mine creuit: quem creando diuinitas perfectè impleuit. Et si ætate & gra-
tiâ proficere puer IESVS apud Dominum & homines dicitur: nullum ta-
men in meritis per tempora augmentum creditur habuisse, quod non habue-
rit ab ipsa conceptione: de qua dicitur, *Ecce Virgo, &c.* Creuit autem ætate

Esaiæ
7. 14.

dies reuerà multiplicando; & gratiâ, non virtutes ampliando, sed divulgando
apud Dominum & homines: sed hoc totum propter homines. Nam apud
Deum tantus, & talis fuit in ipsa conceptione; qualis & quantus fuit in se-
quentis temporis euidentissima manifestatione. Sed præmittit signum quod
est & res & signum. Propter hoc, inquit, *dabit Dominus ipse vobis signum:*

Esaiæ
7. 14.

Ecce Virgo concipiet & pariet filium. Signum aliud est quod datum est de
IESV; & aliud quod factum est à IESV: vtrumque tamen ab eodem
Deo, qui fuit ante hominem IESVM, & est homo Deus. Cùm enim sine
ipso factum sit nihil, nec ipse IESVS qui factus est ex muliere, factus sub
lege; sine ipso fieri, vel significari potuit. De illis verò signis quæ fecit

Ioan. 3.
2.

IESVS, dicit Nicodemus: *Nemo potest hæc signa facere, quæ tu facis, nisi
fuerit Deus cum eo.* Hoc enim fuerat singulare, & supra quam credi possit
admirabile est, Deum fieri hominem: meritò signa, hoc signum præuenire
debuerunt; nec enim subito sed paulatim tam profundæ cogitationis Dei
factura mentibus humanis infundi potuit, nec vsque ad altissima Dei magna-
lia; subuolaret, nisi plumis & pennis suffulta anima.

Suaferat quoque Propheta regi Achaz, vt peteret signum in profundum
infernī aliud vtique descensionī & ascensionī Domini,
quibus incarnationis dominicæ completur dispensatio. Recusante autem
hoc indigno & reprobo, Isaias subiecit dicens: *Propter hoc ipse, quia pec-
cata tua, ô Achaz, non merentur præscire mysterium incarnationis: Pro-
pter hoc dabit (ô fideles populi!) signum.* Moyses non respuit signum; nec
Gedeon; nec Manue; nec alii plures; quorum fides, licet paruula esset, si-
cut in canticis dicitur: *Soror nostra paruula, & vbera non habet.* Tamen in-
tegra stirpis nobilitate, & legitima vnius Domini propagatione, præsume-
bat manum ad fortia mittere obedientiæ. Spicula rationis amputat fides,
omnium adinventionem phantasmata elidit, vsum consuetudinarium re-
cludit, impossibile naturam excludit; & velle atque posse Domini omnia
subiicit. Accipit autem signum, non pro sua debilitate, sed pro iussione Dei.
Sicut enim iuuenis, sanus & validus baculum in manu tenet, non quo su-
stentetur; sed quo delectetur: Sic fides ad obedientiam non ad diffidentiam,

quomodo


Esaiæ 7.

SERMONES.

17

quomodo fiant quæ comitem omnium opinionem mandantur, ^{forte} ^{contra} ^{cōmu-} ^{nem.} ^{Lucæ 1.} ^{34.} ^{Psal. 85.} ^{17.} ^{* f. mu-} ^{rum.} ^{Esaiæ 7.} ^{* f. prz-} ^{ccps.} ^{Lucæ 1.} ^{28.} ^{Cant. 5.} ^{9.} ^{139.} ^{1019.} ^{1001.} ^{1002.} ^{1003.} ^{1004.} ^{1005.} ^{1006.} ^{1007.} ^{1008.} ^{1009.} ^{1010.} ^{1011.} ^{1012.} ^{1013.} ^{1014.} ^{1015.} ^{1016.} ^{1017.} ^{1018.} ^{1019.} ^{1020.} ^{1021.} ^{1022.} ^{1023.} ^{1024.} ^{1025.} ^{1026.} ^{1027.} ^{1028.} ^{1029.} ^{1030.} ^{1031.} ^{1032.} ^{1033.} ^{1034.} ^{1035.} ^{1036.} ^{1037.} ^{1038.} ^{1039.} ^{1040.} ^{1041.} ^{1042.} ^{1043.} ^{1044.} ^{1045.} ^{1046.} ^{1047.} ^{1048.} ^{1049.} ^{1050.} ^{1051.} ^{1052.} ^{1053.} ^{1054.} ^{1055.} ^{1056.} ^{1057.} ^{1058.} ^{1059.} ^{1060.} ^{1061.} ^{1062.} ^{1063.} ^{1064.} ^{1065.} ^{1066.} ^{1067.} ^{1068.} ^{1069.} ^{1070.} ^{1071.} ^{1072.} ^{1073.} ^{1074.} ^{1075.} ^{1076.} ^{1077.} ^{1078.} ^{1079.} ^{1080.} ^{1081.} ^{1082.} ^{1083.} ^{1084.} ^{1085.} ^{1086.} ^{1087.} ^{1088.} ^{1089.} ^{1090.} ^{1091.} ^{1092.} ^{1093.} ^{1094.} ^{1095.} ^{1096.} ^{1097.} ^{1098.} ^{1099.} ^{1100.} ^{1101.} ^{1102.} ^{1103.} ^{1104.} ^{1105.} ^{1106.} ^{1107.} ^{1108.} ^{1109.} ^{1110.} ^{1111.} ^{1112.} ^{1113.} ^{1114.} ^{1115.} ^{1116.} ^{1117.} ^{1118.} ^{1119.} ^{1120.} ^{1121.} ^{1122.} ^{1123.} ^{1124.} ^{1125.} ^{1126.} ^{1127.} ^{1128.} ^{1129.} ^{1130.} ^{1131.} ^{1132.} ^{1133.} ^{1134.} ^{1135.} ^{1136.} ^{1137.} ^{1138.} ^{1139.} ^{1140.} ^{1141.} ^{1142.} ^{1143.} ^{1144.} ^{1145.} ^{1146.} ^{1147.} ^{1148.} ^{1149.} ^{1150.} ^{1151.} ^{1152.} ^{1153.} ^{1154.} ^{1155.} ^{1156.} ^{1157.} ^{1158.} ^{1159.} ^{1160.} ^{1161.} ^{1162.} ^{1163.} ^{1164.} ^{1165.} ^{1166.} ^{1167.} ^{1168.} ^{1169.} ^{1170.} ^{1171.} ^{1172.} ^{1173.} ^{1174.} ^{1175.} ^{1176.} ^{1177.} ^{1178.} ^{1179.} ^{1180.} ^{1181.} ^{1182.} ^{1183.} ^{1184.} ^{1185.} ^{1186.} ^{1187.} ^{1188.} ^{1189.} ^{1190.} ^{1191.} ^{1192.} ^{1193.} ^{1194.} ^{1195.} ^{1196.} ^{1197.} ^{1198.} ^{1199.} ^{1200.} ^{1201.} ^{1202.} ^{1203.} ^{1204.} ^{1205.} ^{1206.} ^{1207.} ^{1208.} ^{1209.} ^{1210.} ^{1211.} ^{1212.} ^{1213.} ^{1214.} ^{1215.} ^{1216.} ^{1217.} ^{1218.} ^{1219.} ^{1220.} ^{1221.} ^{1222.} ^{1223.} ^{1224.} ^{1225.} ^{1226.} ^{1227.} ^{1228.} ^{1229.} ^{1230.} ^{1231.} ^{1232.} ^{1233.} ^{1234.} ^{1235.} ^{1236.} ^{1237.} ^{1238.} ^{1239.} ^{1240.} ^{1241.} ^{1242.} ^{1243.} ^{1244.} ^{1245.} ^{1246.} ^{1247.} ^{1248.} ^{1249.} ^{1250.} ^{1251.} ^{1252.} ^{1253.} ^{1254.} ^{1255.} ^{1256.} ^{1257.} ^{1258.} ^{1259.} ^{1260.} ^{1261.} ^{1262.} ^{1263.} ^{1264.} ^{1265.} ^{1266.} ^{1267.} ^{1268.} ^{1269.} ^{1270.} ^{1271.} ^{1272.} ^{1273.} ^{1274.} ^{1275.} ^{1276.} ^{1277.} ^{1278.} ^{1279.} ^{1280.} ^{1281.} ^{1282.} ^{1283.} ^{1284.} ^{1285.} ^{1286.} ^{1287.} ^{1288.} ^{1289.} ^{1290.} ^{1291.} ^{1292.} ^{1293.} ^{1294.} ^{1295.} ^{1296.} ^{1297.} ^{1298.} ^{1299.} ^{1300.} ^{1301.} ^{1302.} ^{1303.} ^{1304.} ^{1305.} ^{1306.} ^{1307.} ^{1308.} ^{1309.} ^{1310.} ^{1311.} ^{1312.} ^{1313.} ^{1314.} ^{1315.} ^{1316.} ^{1317.} ^{1318.} ^{1319.} ^{1320.} ^{1321.} ^{1322.} ^{1323.} ^{1324.} ^{1325.} ^{1326.} ^{1327.} ^{1328.} ^{1329.} ^{1330.} ^{1331.} ^{1332.} ^{1333.} ^{1334.} ^{1335.} ^{1336.} ^{1337.} ^{1338.} ^{1339.} ^{1340.} ^{1341.} ^{1342.} ^{1343.} ^{1344.} ^{1345.} ^{1346.} ^{1347.} ^{1348.} ^{1349.} ^{1350.} ^{1351.} ^{1352.} ^{1353.} ^{1354.} ^{1355.} ^{1356.} ^{1357.} ^{1358.} ^{1359.} ^{1360.} ^{1361.} ^{1362.} ^{1363.} ^{1364.} ^{1365.} ^{1366.} ^{1367.} ^{1368.} ^{1369.} ^{1370.} ^{1371.} ^{1372.} ^{1373.} ^{1374.} ^{1375.} ^{1376.} ^{1377.} ^{1378.} ^{1379.} ^{1380.} ^{1381.} ^{1382.} ^{1383.} ^{1384.} ^{1385.} ^{1386.} ^{1387.} ^{1388.} ^{1389.} ^{1390.} ^{1391.} ^{1392.} ^{1393.} ^{1394.} ^{1395.} ^{1396.} ^{1397.} ^{1398.} ^{1399.} ^{1400.} ^{1401.} ^{1402.} ^{1403.} ^{1404.} ^{1405.} ^{1406.} ^{1407.} ^{1408.} ^{1409.} ^{1410.} ^{1411.} ^{1412.} ^{1413.} ^{1414.} ^{1415.} ^{1416.} ^{1417.} ^{1418.} ^{1419.} ^{1420.} ^{1421.} ^{1422.} ^{1423.} ^{1424.} ^{1425.} ^{1426.} ^{1427.} ^{1428.} ^{1429.} ^{1430.} ^{1431.} ^{1432.} ^{1433.} ^{1434.} ^{1435.} ^{1436.} ^{1437.} ^{1438.} ^{1439.} ^{1440.} ^{1441.} ^{1442.} ^{1443.} ^{1444.} ^{1445.} ^{1446.} ^{1447.} ^{1448.} ^{1449.} ^{1450.} ^{1451.} ^{1452.} ^{1453.} ^{1454.} ^{1455.} ^{1456.} ^{1457.} ^{1458.} ^{1459.} ^{1460.} ^{1461.} ^{1462.} ^{1463.} ^{1464.} ^{1465.} ^{1466.} ^{1467.} ^{1468.} ^{1469.} ^{1470.} ^{1471.} ^{1472.} ^{1473.} ^{1474.} ^{1475.} ^{1476.} ^{1477.} ^{1478.} ^{1479.} ^{1480.} ^{1481.} ^{1482.} ^{1483.} ^{1484.} ^{1485.} ^{1486.} ^{1487.} ^{1488.} ^{1489.} ^{1490.} ^{1491.} ^{1492.} ^{1493.} ^{1494.} ^{1495.} ^{1496.} ^{1497.} ^{1498.} ^{1499.} ^{1500.} ^{1501.} ^{1502.} ^{1503.} ^{1504.} ^{1505.} ^{1506.} ^{1507.} ^{1508.} ^{1509.} ^{1510.} ^{1511.} ^{1512.} ^{1513.} ^{1514.} ^{1515.} ^{1516.} ^{1517.} ^{1518.} ^{1519.} ^{1520.} ^{1521.} ^{1522.} ^{1523.} ^{1524.} ^{1525.} ^{1526.} ^{1527.} ^{1528.} ^{1529.} ^{1530.} ^{1531.} ^{1532.} ^{1533.} ^{1534.} ^{1535.} ^{1536.} ^{1537.} ^{1538.} ^{1539.} ^{1540.} ^{1541.} ^{1542.} ^{1543.} ^{1544.} ^{1545.} ^{1546.} ^{1547.} ^{1548.} ^{1549.} ^{1550.} ^{1551.} ^{1552.} ^{1553.} ^{1554.} ^{1555.} ^{1556.} ^{1557.} ^{1558.} ^{1559.} ^{1560.} ^{1561.} ^{1562.} ^{1563.} ^{1564.} ^{1565.} ^{1566.} ^{1567.} ^{1568.} ^{1569.} ^{1570.} ^{1571.} ^{1572.} ^{1573.} ^{1574.} ^{1575.} ^{1576.} ^{1577.} ^{1578.} ^{1579.} ^{1580.} ^{1581.} ^{1582.} ^{1583.} ^{1584.} ^{1585.} ^{1586.} ^{1587.} ^{1588.} ^{1589.} ^{1590.} ^{1591.} ^{1592.} ^{1593.} ^{1594.} ^{1595.} ^{1596.} ^{1597.} ^{1598.} ^{1599.} ^{1600.} ^{1601.} ^{1602.} ^{1603.} ^{1604.} ^{1605.} ^{1606.} ^{1607.} ^{1608.} ^{1609.} ^{1610.} ^{1611.} ^{1612.} ^{1613.} ^{1614.} ^{1615.} ^{1616.} ^{1617.} ^{1618.} ^{1619.} ^{1620.} ^{1621.} ^{1622.} ^{1623.} ^{1624.} ^{1625.} ^{1626.} ^{1627.} ^{1628.} ^{1629.} ^{1630.} ^{1631.} ^{1632.} ^{1633.} ^{1634.} ^{1635.} ^{1636.} ^{1637.} ^{1638.} ^{1639.} ^{1640.} ^{1641.} ^{1642.} ^{1643.} ^{1644.} ^{1645.} ^{1646.} ^{1647.} ^{1648.} ^{1649.} ^{1650.} ^{1651.} ^{1652.} ^{1653.} ^{1654.} ^{1655.} ^{1656.} ^{1657.} ^{1658.} ^{1659.} ^{1660.} ^{1661.} ^{1662.} ^{1663.} ^{1664.} ^{1665.} ^{1666.} ^{1667.} ^{1668.} ^{1669.} ^{1670.} ^{1671.} ^{1672.} ^{1673.} ^{1674.} ^{1675.} ^{1676.} ^{1677.} ^{1678.} ^{1679.} ^{1680.} ^{1681.} ^{1682.} ^{1683.} ^{1684.} ^{1685.} ^{1686.} ^{1687.} ^{1688.} ^{1689.} ^{1690.} ^{1691.} ^{1692.} ^{1693.} ^{1694.} ^{1695.} ^{1696.} ^{1697.} ^{1698.} ^{1699.} ^{1700.} ^{1701.} ^{1702.} ^{1703.} ^{1704.} ^{1705.} ^{1706.} ^{1707.} ^{1708.} ^{1709.} ^{1710.} ^{1711.} ^{1712.} ^{1713.} ^{1714.} ^{1715.} ^{1716.} ^{1717.} ^{1718.} ^{1719.} ^{1720.} ^{1721.} ^{1722.} ^{1723.} ^{1724.} ^{1725.} ^{1726.} ^{1727.} ^{1728.} ^{1729.} ^{1730.} ^{1731.} ^{1732.} ^{1733.} ^{1734.} ^{1735.} ^{1736.} ^{1737.} ^{1738.} ^{1739.} ^{1740.} ^{1741.} ^{1742.} ^{1743.} ^{1744.} ^{1745.} ^{1746.} ^{1747.} ^{1748.} ^{1749.} ^{1750.} ^{1751.} ^{1752.} ^{1753.} ^{1754.} ^{1755.} ^{1756.} ^{1757.} ^{1758.} ^{1759.} ^{1760.} ^{1761.} ^{1762.} ^{1763.} ^{1764.} ^{1765.} ^{1766.} ^{1767.} ^{1768.} ^{1769.} ^{1770.} ^{1771.} ^{1772.} ^{1773.} ^{1774.} ^{1775.} ^{1776.} ^{1777.} ^{1778.} ^{1779.} ^{1780.} ^{1781.} ^{1782.} ^{1783.} ^{1784.} ^{1785.} ^{1786.} ^{1787.} ^{1788.} ^{1789.} ^{1790.} ^{1791.} ^{1792.} ^{1793.} ^{1794.} ^{1795.} ^{1796.} ^{1797.} ^{1798.} ^{1799.} ^{1800.} ^{1801.} ^{1802.} ^{1803.} ^{1804.} ^{1805.} ^{1806.} ^{1807.} ^{1808.} ^{1809.} ^{1810.} ^{1811.} ^{1812.} ^{1813.} ^{1814.} ^{1815.} ^{1816.} ^{1817.} ^{1818.} ^{1819.} ^{1820.} ^{1821.} ^{1822.} ^{1823.} ^{1824.} ^{1825.} ^{1826.} ^{1827.} ^{1828.} ^{1829.} ^{1830.} ^{1831.} ^{1832.} ^{1833.} ^{1834.} ^{1835.} ^{1836.} ^{1837.} ^{1838.} ^{1839.} ^{1840.} ^{1841.} ^{1842.} ^{1843.} ^{1844.} ^{1845.} ^{1846.} ^{1847.} ^{1848.} ^{1849.} ^{1850.} ^{1851.} ^{1852.} ^{1853.} ^{1854.} ^{1855.} ^{1856.} ^{1857.} ^{1858.} ^{1859.} ^{1860.} ^{1861.} ^{1862.} ^{1863.} ^{1864.} ^{1865.} ^{1866.} ^{1867.} ^{1868.} ^{1869.} ^{1870.} ^{1871.} ^{1872.} ^{1873.} ^{1874.} ^{1875.} ^{1876.} ^{1877.} ^{1878.} ^{1879.} ^{1880.} ^{1881.} ^{1882.} ^{1883.} ^{1884.} ^{1885.} ^{1886.} ^{1887.} ^{1888.} ^{1889.} ^{1890.} ^{1891.} ^{1892.} ^{1893.} ^{1894.} ^{1895.} ^{1896.} ^{1897.} ^{1898.} ^{1899.} ^{1900.} ^{1901.} ^{1902.} ^{1903.} ^{1904.} ^{1905.} ^{1906.} ^{1907.} ^{1908.} ^{1909.} ^{1910.} ^{1911.} ^{1912.} ^{1913.} ^{1914.} ^{1915.} ^{1916.} ^{1917.} ^{1918.} ^{1919.} ^{1920.} ^{1921.} ^{1922.} ^{1923.} ^{1924.} ^{1925.} ^{1926.} ^{1927.} ^{1928.} ^{1929.} ^{1930.} ^{1931.} ^{1932.} ^{1933.} ^{1934.} ^{1935.} ^{1936.} ^{1937.} ^{1938.} ^{1939.} ^{1940.} ^{1941.} ^{1942.} ^{1943.} ^{1944.} ^{1945.} ^{1946.} ^{1947.} ^{1948.} ^{1949.} ^{1950.} ^{1951.} ^{1952.} ^{1953.} ^{1954.} ^{1955.} ^{1956.} ^{1957.} ^{1958.} ^{1959.} ^{1960.} ^{1961.} ^{1962.} ^{1963.} ^{1964.} ^{1965.} ^{1966.} ^{1967.} ^{1968.} ^{1969.} ^{1970.} ^{1971.} ^{1972.} ^{1973.} ^{1974.} ^{1975.} ^{1976.} ^{1977.} ^{1978.} ^{1979.} ^{1980.} ^{1981.} ^{1982.} ^{1983.} ^{1984.} ^{1985.} ^{1986.} ^{1987.} ^{1988.} ^{1989.} ^{1990.} ^{1991.} ^{1992.} ^{1993.} ^{1994.} ^{1995.} ^{1996.} ^{1997.} ^{1998.} ^{1999.} ^{2000.} ^{2001.} ^{2002.} ^{2003.} ^{2004.} ^{2005.} ^{2006.} ^{2007.} ^{2008.} ^{2009.} ^{2010.} ^{2011.} ^{2012.} ^{2013.} ^{2014.} ^{2015.} ^{2016.} ^{2017.} ^{2018.} ^{2019.} ^{2020.} ^{2021.} ^{2022.} ^{2023.} ^{2024.} ^{2025.} ^{2026.} ^{2027.} ^{2028.} ^{2029.} ^{2030.} ^{2031.} ^{2032.} ^{2033.} ^{2034.} ^{2035.} ^{2036.} ^{2037.} ^{2038.} ^{2039.} ^{2040.} ^{2041.} ^{2042.} ^{2043.} ^{2044.} ^{2045.} ^{2046.} ^{2047.} ^{2048.} ^{2049.} ^{2050.} ^{2051.} ^{2052.} ^{2053.} ^{2054.} ^{2055.} ^{2056.} ^{2057.} ^{2058.} ^{2059.} ^{2060.} ^{2061.} ^{2062.} ^{2063.} ^{2064.} ^{2065.} ^{2066.} ^{2067.} ^{2068.} ^{2069.} ^{2070.} ^{2071.} ^{2072.} ^{2073.} ^{2074.} ^{2075.} ^{2076.} ^{2077.} ^{2078.} ^{2079.} ^{2080.} ^{2081.} ^{2082.} ^{2083.} ^{2084.} ^{2085.} ^{2086.} ^{2087.} ^{2088.} ^{2089.} ^{2090.} ^{2091.} ^{2092.} ^{2093.} ^{2094.} ^{2095.} ^{2096.} ^{2097.} ^{2098.} ^{2099.} ^{2100.} ^{2101.} ^{2102.} ^{2103.} ^{2104.} ^{2105.} ^{2106.} ^{2107.} ^{2108.} ^{2109.} ^{2110.} ^{2111.} ^{2112.} ^{2113.} ^{2114.} ^{2115.} ^{2116.} ^{2117.} ^{2118.} ^{2119.} ^{2120.} ^{2121.} ^{2122.} ^{2123.} ^{2124.} ^{2125.} ^{2126.} ^{2127.} ^{2128.} ^{2129.} ^{2130.} ^{2131.} ^{2132.} ^{2133.} ^{2134.} ^{2135.} ^{2136.} ^{2137.} ^{2138.} ^{2139.} ^{2140.} ^{2141.} ^{2142.} ^{2143.} ^{2144.} ^{2145.} ^{2146.} ^{2147.} ^{2148.} ^{2149.} ^{2150.} ^{2151.} ^{2152.} ^{2153.} ^{2154.} ^{2155.} ^{2156.} ^{2157.} ^{2158.} ^{2159.} ^{2160.} ^{2161.} ^{2162.} ^{2163.} ^{2164.} ^{2165.} ^{2166.} ^{2167.} ^{2168.} ^{2169.} ^{2170.} ^{2171.} ^{2172.} ^{2173.} ^{2174.} ^{2175.} ^{2176.} ^{2177.} ^{2178.} ^{2179.} ^{2180.} ^{2181.} ^{2182.} ^{2183.} ^{2184.} ^{2185.} ^{2186.} ^{2187.} ^{2188.} ^{2189.} ^{2190.} ^{2191.} ^{2192.} ^{2193.} ^{2194.} ^{2195.} ^{2196.} ^{2197.} ^{2198.} ^{2199.} ^{2200.} ^{2201.} ^{2202.} ^{2203.} ^{2204.} ^{2205.} ^{2206.} ^{2207.} ^{2208.} ²²⁰

nulla Virgine Spiritus sanctus tanta immisit spiracula virtutum, quibus odoratus Dominus odorem suauitatis, & angelica implentur thuribula, nostraque incensoria.



SERMO IN VIGILIA NATIVITATIS DOMINI.

Math.
1. 18.

Super Euangelium *Cum esset desponsata Mater eius MARIA Ioseph.*

Cant. 2. **F**ulcite me floribus, stipate me malis. Vox ista dulcis, illius est quae habitat in hortis, singulari & diuino partui propinquantis; cœlicolas & terrigenas simul appellantis ad partum suspiciendum & suscipiendum; ad gratiam suam excipiendam & conseruandam; ad gloriam Domini, & suam contemplandam & admirandam. Planè hoc sacramentum magnæ pietatis amabile est propter gratiam: admirabile propter gloriam: ineffabile propter splendorem & lucem inaccessibilem: splendor enim in circuitu eius, & intrinsecus, à lumbis & sursum, de quo in præsentis euangelii lectione, *Cum esset desponsata mater eius MARIA Ioseph.*

Matth. 1. 18. Quid amabilius in vniuersis creaturis, Virgine Dominum singulariter amante, & à Domino præamata, de qua dicit Salomon *Cerva charissima?* Prou. 5. 19. Quid etiam amabilius illo Dei filio dilecto, ab æterno nato ex dilecto: in fine seculi, secundum Apostolum facto ex dilecta, de qua subinfertur: *gratissimus hinnulus?* Prou. 5. 19. Quid denique admirabilius quàm incomprehensibilem incomprehensibiliter sigillari in vtero, nec separari vel subtrahi à cohabitatione, confessione, & coequalitate Patris? Simul namque totus erat in Matre, & totus apud Patrem: quod quamuis dictu sit difficile, omnino tamen corde est credibile. Quid ineffabilius quàm Verbum fieri carnem: quàm hominem fieri Deum, & Deum hominem?

Ecce artifex Trinitas in vno opere suo, totum hoc, id est, Verbum & hominem simul conflauit. Vbi omnipotentia Patris, quod impossibile apud homines erat & ideo ineffabile, in officina virginali vas nouum de noua materia, nouaque cœlatura secundum omnipotentiam suam exculpfit. Sapientia Dei, quod Patrem vidit facientem, hæc eadem similiter fecit; vt si dici liceret, studiosius & affectuosius quàm de se & * per se vires ingenii sui in hoc eodem opere expendit. Spiritus sanctus tanquam ignis superueniens in fornace, diuinitatem simul & humanitatem quasi colliquefaciens, non solum studia sua huic operi adhibuit, sed seipsum vario opere omnium gratiarum fundens nec confundens, in eodem vale contexuit: vnde dictum est: *Vidimus gloriam eius gloriam quasi vnigeniti, plenum gratia & veritatis.* Ioan. 1. 14. Ecce amabile ad ipsum tendamus. Ecce admirabile ad ipsum extendamus. Ecce ineffabile ad ipsum supra nos rapiamur: ibi flores ibi mala, ex ipso, meditando; in ipso, quærendo; de ipso, amando; & per ipsum

SERMONES.

19

contemplando excerpamus, quæ filio, quæ matri parienti in præsepio, afferamus, offeramus, & conferamus. Afferamus, ipsum meditando: conferamus, ipsum cum matre laudando: offeramus, super matrem Dominum hominem adorando.

Vt verò possibilis non de impossibili, vobis, fratres charissimi, suggeramus, flores quos Domina nostra afferatis succinctè depingemus: sufficit enim flores offeratis illi, per quam refluuit caro nostra, nouitate virginici partus, quæ defloruerat per Adam, vetustate originalis reatus. Nihil certè de fursurea præuicatione, in assumptione nostræ naturæ, CHRISTO adhæsit; qui non carnem peccati, sed similitudinem carnis peccati, de primitiis humanæ naturæ, qualis in primo parente creata est, de Matre in vnione Verbi accepit. Nec asserimus aliquam particulam substantiæ humanæ immunem à peccato in Adam remansisse, & vsque ad Virginem occultis meatibus decucurrisse; cum verà & Catholica fides teneat modicum fermentum primæ transgressionis, totam massam naturæ nostræ in anima & corpore corrupisse.

Attinuit etiam plurimùm ad causam nostræ reparationis, vt omnipotens gratia, tantò gloriosior in operatione sua appareret; quantò de vetusto, anoso, & putrido trunco, mirabiliore virtute, & faciliore opere florem immarcescibilem, carnem scilicet IESV sacratricem Angelorum, & viuificatricem hominum, sine peccato de Virgine procrearet. Ipse enim CHRISTVS de humanitate sua dicit: *Ego flos campi, & lilium conuallium*. Purificemus, itaque, & renouemus corda & corpora nostra, vt in aliquo gradu castitatis ei appropinquare valeamus.

Est itaque primus gradus castitatis (vt ab * inferioribus confurgamus) *vel infirmioribus. castitas fœnalis, quæ naturaliter inest pueris, vel decrepitis, vel naturali complexionem frigidis: quæ ideo fœnalis dicitur, quia non multum, quantum ex homine est, meritum facit. Quod enim sine labore acquiritur, sine pugna obtinetur. Bonum tamen est, quocumque modo, quacumque occasione fiat, non corrumpi.

Secunda est temporalis, quæ comparatur semini, quod cecidit super petram; & natum aruit, quia non habebat humorem. Sic quorundam castitas, non mittit radicem deorsum, vt faciat fructum sursum, Sed ad tempus credit, & in tempore tentationis recedit: menstruat vel annuat retinens in corruptionem.

Tertia pœnalis est: hîc labor, hîc opus, hîc Iacob & Esau in vtero Rebecca luctantur: sed dicitur quia maior seruiet minori, id est, caro spiritui; virtuti vitium; luxuria castitati. De hac Apostolus: *Video aliam legem in membris meis repugnantem legi mentis meæ*. Item: *Non coronabitur nisi qui legitimè certauerit*.

Quarta triumphalis; de hac in Apocalypsi: *Vincenti dabo edere de ligno vite*. Et Isaias: *Hæc dicit Dominus eunuchis qui se castrauerunt propter regna cœlorum: dabo eis locum in muris meis, & nomen melius à filiis & filiabus*. Hæc est reuertentium de bello ad portam, qui sub vite & ficu, id est, dulcedine gratiæ spiritualis complent annos virtutum, in senectute dierum;

C ij

& habent pacem cordis & carnis, quam nec caro nec mundus dare potest.

Matth. Quinta est virginalis. De hac in Euangelio: *Beati mundo corde; quoniam*
 5 8 *ipsi Deum videbunt.* Hæc est Ioannis Euangelistæ. De ista dicitur: *Cum esset*
 Cant. 1. *rex in accubitu suo nardus mea dedit odorem suavitatis,* Virgineo enim pe-
 12. *ctori illabatur vnicornis ille; qui singulariter, & specialiter diligit castita-*
 Cant. 5. *tem; qui loquitur in Canticis: Aperi mihi sponsa mea, columba mea,*
 2. *&c.*

Sexta cristallina; hæc adeo valida est & fortis, sicut mors; vt magis eli-
 gat mori quàm ab integritate virginitatis violari. Et sicut in crystallo aquæ
 liquiditas in soliditatem lapidis versa est: sic ista indissolubilis carni & ani-
 mæ inuiscerata est. De hac Psalmista: *Mittit cristallum suum sicut buccellas.*
 Pl. 147. Hæc enim sorbitiunculas Puero IESV & Matri eius facit, quandoque &
 17. buccellas.


Septima est singularis: huic enim nec prima similis visa est, nec sequens.
 Propriè enim propria est Beatæ Virginis, quæ non solum virginitas, sed
 fœcunda virginitas, quæ virum non cognouit, & Deum hominem peperit.
 Can. 2. Hæc in Canticis loquitur: *Dilectus meus mihi, & ego illi:* inter vbera mea
 16. commorabitur. In huius contemplatione cor nostrum dilatatur exultatio-
 ne; sed pene rumpitur ineffabili admiratione & iubilatione. Isti sunt flo-
 Cant. 2. res de quibus dicitur: *Fulcite me floribus:* de malis enim & de amore lar-
 5. *gueo,* fortè alias dicturi sumus, quia hîc causa vitandi tædii, reticemus.

Summopere autem vestram dilectionem admonere curamus; ne manu fœ-
 data in aliquo, sed benè lota, flores istos contingatis: est enim multiplex
 genus contaminationis, quo si contacti fuerint flores, statim marcescunt
 & evanescent; nulla enim societas luci & tenebris; puritati, & immunditiæ.
 Non ergo pulvis, non putredo, non scabies, non sudor, non sanguis, non
 venenum in manu tua sit. Pulvis enim cogitationes significat, quæ tanquam
 muscæ circumvolant, iuxta animi puritatem, vt sacrificium Abraham commac-
 culent, sed volucres abigebat Abraham: sic nos circuncidere à corde, & solue-
 re ab affectu debemus omnem superfluam cogitationem. Putredinem quoque
 extergere debemus quam mala & longa mansione malitia in nobis operata
 est: sicut enim in pomo nascitur putredo de eius corruptione, sic in nobis
 nascitur pollutio de mala cogitatione; hæc in confessione lauanda est. Sca-
 bies in manu nascitur, dum delectatio & consensus cogitationem sequitur.
 Sed ne flos boni operis tui, & castitatis tuæ hac peste contaminetur, con-
 fricanda est in confessione, & abluenda compunctione scabies immunda
 pollutionis.

His omnibus vitiis correptione melioratis, adhuc cauendus est sudor, qui
 solet prodire de intercutaneo humore superfluo, & calore immoderato: in
 hoc notatur illud pollutionis genus, quod notat Apostolus vbi dicit: *Me-*
 1. Cor. *lius est nubere quam vri.* Et Isaïas vocat duas caudas titionum fumigantium,
 7. 2. vbi ait: *Noli timere à duabus caudis titionum fumigantium istorum.* Signifi-
 Esaïæ cantur enim in duabus caudis, in utroque sexu membra illa pudenda quo-
 7. 4. rum execrabili fœtore, omnia in nobis corrumpuntur genera virtutum.

Tolle & istum sudorem de manu tua, si vis in domo domini florere sicut oliva fructifera.

Restant adhuc duo genera, Chananeorum & Amorreorum, quos sub-
neruare in terra promissionis debet verus Israëlita; quorum alter sanguineus
à sanguine dicitur. Alter venenum aspidum nuncupatur. Est autem ille
sanguineus, illa pollutio de qua ait Apostolus: *Qui autem fornicatur, in* 1. Cor.
corpus suum peccat. Et propriè adulterium vel incestus nominatur. *Quia* 6. 18.
cumque de genere Sacerdotum, his infectus sancta Domini contrectat, au-
diat à voce cardinum: *Non est mihi voluntas in vobis; (quia manus vestre* Esaie
sanguine plene sunt) Incensum abominatio est mihi, &c. De ultimo dicitur; 1. 15.
quia passio est ignominiae, & rogat Apostolus; *Nec nominetur in vobis.* Quia Ephes.
5. 3.
ut idem ipse ait; *Neque molles, neque masculorum concubitores regnum Dei* 1. Tim.
possidebunt. His denique omnibus tamquam serpentis antiqui exuviis spo- 1. 10.
liati, inter innocentes laeuemus manus nostras; & corde puro; corpore ca-
sto; ore sancto; spiritu sanctificato; anima castificata, novos flores, nouæ
natiuitati noui Regis, de paradiso domini comparemus; & sanctam san-
ctarum, Virginem Virginum, reginam reginarum, dominam dominarum
his floribus fulciamus; quatenus partem in partu eius habere mereamur.
Quod nobis parare dignetur IESVS CHRISTVS Filius eius: qui viuít
& regnat, &c.



S E R M O I.

IN NATIUITATE DOMINI.

D*Vm medium noctis silentium iter haberet: omnipotens sermo à regalibus* Sapient.
sedibus venit. Intendite, fratres charissimi, quid sit iter silentii, & 18. 15.
quid sit medium silentium noctis, medium autem quod non dicatur nisi inter
duo vel aliqua planum est; ad minus itaque tria silentia requirere debemus
quia medium audiuius.

Primum igitur silentium in vtero matris habuimus, cum loqui nondum
poteramus; secundum cum iam nati sonos quidem efferre, nondum autem
potuimus verba formare; tertium cum mortui vel in morte positi ultra lo-
qui cessamus. Sic mundus vel antequam esset, vel cum adhuc informis
esset, sine voce fuit, ecce primum silentium; completa verò creatu-
ra & homine perfecto in paradisi felicitàte, vocem laudationis protulit,
vnde in Iob *Cum me laudarent astra matutina & iubilarent filii Dei* Iob 38.
videlicet in principio creationis, cum utique obediens aternæ disposi- 7.
tioni vniuersa creatura cursu naturali procederet, & extra ordinem ni-
hil faceret. Deinde venit medium silentium cum vel Lucifer in cælo,
vel Adam in paradiso peccauit: hoc iter suum habuit donec Verbum car-
nem assumpsit, & suis radiis noctem, & suis vocibus silentium interrui-

C iiij

Sap. 18.
15. pit. Mouit enim quaestionem, litem contestatus est super statu ingenuitatis nostrae, & praescriptionem antiquae possessionis interrupit. Venturum denique est aliud silentium in tempore Antichristi vel in die iudicii, quod tertium & extremum erit, quia ergo inter primum peccatum & extremum supplicium Christus venit, *Cum medium silentium iter haberet, sermo à regalibus sedibus venit.* Noluit profecto ante peccatum venire, quod necessesse non fuit ad sanum descendere medicum.

Vsq̃ue ad iudicium quoque recusauit differre, quòd misericordiam ante sententiam clementer accelerauit prorogare; in medio itaque venit vt & peccatum emendaret & iudicium mitigaret: in medio venit quatenus neque iniustus fieret sine satisfactione remittendo peccatum, neque crudelis exercendo sine temperamento pietatis iudicium. In medio venit apponendo vinum & oleum, vinum propter peccatum, oleum propter iudicium, ne iudicium sine oleo, id est, sententia sine misericordia condemnaret, ne peccatum sine vino, id est, poenitentia impunitum remaneret.

Medium etiam silentium est in conuersatione adhuc viuientis, primum in origine nascentis, tertium & extremum in morte occumbentis: in medio venit qui in medio terrae salutem nostram operatus est: in medio venit, qui in medio duorum animalium in praesepio iacuit: in medio venit qui inter duos latrones medius in cruce pependit: in medio venit qui in medio Ecclesiae & Synagogae pene in omni malo fuit: in medio venit qui in medio Ecclesiae aperuit os suum, & impleuit eum Dominus spiritu sapientiae & intellectus. Hic est fructus in medio paradisi; hic est dilectus inter vbera sponsae; hic est angulus: hic lapis angularis: *hic Mediator Dei & hominum homo CHRISTVS IESVS*; hic primum amputat silentium, secundum interrumpit, tertium vincit; liberat enim non solum à peccato, sed & à poena peccati, & à reatu peccati. A peccato liberat quod non imputat, à reatu quod saluat, à poena quod eripit, *Eripuit* (inquit Psalmista) *Dominus animam meam à morte, oculos meos à lacrymis, pedes meos à lapsu.* A morte, id est à peccato, à lacrymis, id est à poena peccati, à lapsu, id est à reatu nos liberat omnipotens sermo qui à regalibus sedibus venit.

Cogitate, fratres charissimi, cogitate quae sint illae sedes regales, non sedent in his nisi Reges, nisi Nobiles, nisi Consules. Seruus peccati non conscendit tribunalia ista, anima cui spiritus fornicationis insidet, quam incuruat spiritus auaritia, quam impingit spiritus iracundiae, quam infranat spiritus canodoxiae, quam foedat spiritus luxuria, quam extollit spiritus superbia, quam depascit spiritus gula sedes regales non habebit. Sedebit autem super sedes regales in iudicio qui carnem suam domat, qui auaritiam calcit, qui luxuriam amputat, qui ceruicem suam humiliat, qui vanam gloriam contemnit, qui iracundiam reprimat, qui post Christum ambulans crucem suam accipit. Tales non recusant sedes regales, talibus enim debetur.

Sapiens architectus sedes quidem iamdudum collocauerat in caelo, sed & sessores parauit cum crearet Angelos: lapsi quidem sunt nonnulli in abusione & superbia cordis, & sic ex parte sine sessore factae sunt regales sedes; quia qui in veritate non stetit, remanere in caelesti sede non potuit. Vt itaque

SERMONES.

23

pararet idoneos fessores à suis regalibus sedibus ad nostra sterquilinia descendit pius Dominus: venit querere in terra pauperes quos in cælo faceret diuites: venit ad exules vt faceret consules, venit ad ægrotos vt sanaret, venit ad cæcos vt illuminaret: venit ad mutos vt loquelam redderet: venit ad immundos vt mundaret: venit ad impios vt conuerteret: venit ad ciectos vt reduceret: venit ad desperatos vt spem reponeret: venit ad miseros vt beatos efficeret, venit ad mœstos vt lætificaret.


Quid facitis ô homines? quid hîc statis tota die otiosi? quare non curritis? quare retardatis? quare dissimulatis? Egrediatur iam sponsus de cubili suo, & sponsa de thalamo suo, quia Sponsus Ecclesiæ CHRISTVS egressus de cœlis venit ad hortum suum, ad areolam aromatis, vt pascatur in hortis, & lilia colligat. Hortus eius Ecclesia, areola aromatis, Virgo MARIA: hic hortus conclusus est, quia sexaginta fortes ex fortissimis Israël, id est Angelicæ Potestates ambiunt eum, die ac nocte stantes super muros eius, ne fur ingrediatur ad extirpanda bona semina, ad euellendas plantationes nouellas oliuarum, id est animas ad misericordiam Dei nouiter conuersas. Ipse quoque Dominus est ei murus in circuitu & antemurale, murus propter assumens Verbum, antemurale propter assumptum hominem. Est namque refugium, siue turris fortitudinis à facie inimici; vnus CHRISTVS in vitroque, id est in diuinitate & humanitate: habet hortus iste areolas quidem multas & varias, quia Apostolos, quia Martyres, quia Confessores, quia Virgines in gremio fidei & educationis suæ tam per passionem in terra, quam per glorificationem in cælo continet, vna est enim Ecclesia & in membris iam cum CHRISTO capite regnantibus, & in membris adhuc extra mansionem peregrinantibus.

Præterea tam in ordine, quam odore vnicam areolam vnicè dilectam habet Virginem MARIAM, hæc areola dicitur, non quia Ioseph eam vel contactus virilis exarauerit, sed quia ordinator charitatis Spiritus, plenitudine gratiarum eam conseruerit: hæc areola dicitur, non quia spinas produxerit, id est productiones mali desiderii; non quia tribulos, id est anxietates cuiuslibet malignitatis; non quia fœnum, id est sæcularis prosperitatis; non quia stipulam, id est defectum sancti propositi; non quia salices de torrente, id est infœcunda studia occupationum mundanarum; non denique quia aliquid plebei aut forensis mercimonii; sed quia flos campi, sed quia lilium conuallium, sed quia vna passa, sed quia aromaticæ species, sed quia fistula & cinamomum, sed quia myrrha & cassia; sed quia quod incomparabile si attendas ad pretium, mirabile si ad visum, inuestigabile si ad mysterium, palpabile si ad vltum, dulce si ad gustum, efficax si ad officium, sunt emissiones eius.

Venite Fratres carissimi ad areolam istam in spe sancta, in fide recta, in charitate perfecta, in castimonia integra, & emite absque argento & absque vlla commutatione, si placet, vinum & lac, si placet mel & fauum, si placet mala punica, si placet myrrham probatissimam, perfecti amatores CHRISTI, & iam absorpti in concupiscentiam sapientiæ vinum, quasi modò geniti infantes, siue per regenerationem baptisimi siue per renoua-

tionem sanctæ conuersationis, rationabiles sine dolo lac in visceribus & in faucibus multitudinis gratiæ recipite mel, in meditatione veteris & noui testamenti; fauum in perfectione amoris Dei & spe æterni præmii; mala punica, in imitatione passionis CHRISTI, myrrham probatissimam. Recolite quàm sit sapiens Mater sapientiæ, quàm simplex, quàm pia, quàm studiosa, quàm plena charitatis, quàm iucundâ conuersationis integritate, quàm patiens in Filii passione, immarcescibilis propter incorruptionem casti corporis & fidelis animæ, delectabilis propter floris amœnitatem, fertilis propter gratiæ plenitudinem, cultorem admittens propter humilitatem, raptorem excludens propter cautissimam circumspectionem.

Hæc Verbi generatione medium silentium de medio tulit, de regalique stirpe exorta, de regalibus sedibus Filium Altissimi castâ conceptione nobis attulit. Procedamus & procidamus ante hunc thronum gratiæ & adoremus scabellum pedum Domini, non solum illi præ mulieribus gloriam soluentes, sed etiam reuerentiam pro omni etiam Angelica creatura exhibentes, ô Domina ostende seruo renato Filium natum, vt nati exorans clementiam renati deleas culpam.



S E R M O I I .

I N N A T I V I T A T E D O M I N I

Exod.
33. 15.

Super hæc verba: *Ait Moyses si non tu ipse præcedas, ne educaſ nos de loco isto; in quo enim ſcire poterimus ego & populus tuus inueniſſe nos gratiam in conſpectu tuo, niſi ambulaueris nobiſcum, vt glorificemur in omnibus populis qui habitant ſuper terram. Dixit autem Dominus ad Moysen; Et verbum iſtud faciam, &c.*

BEata mens tota ſecuritate Deum aggreditur & tanquam ex æquo interpellans, ſuis beneplacitis ſummam inclinare Maieltatem nequaquam impoſſibile arbitratur; nihil enim non præſumit perfectâ charitas: nec immeritò, moderatur enim & appendit in ſtatera æquitatis ſe Deo, nec minorem, nec indigniorem, nec inferiorem ſe illo qui eſt charitas reputat. Cum ergo de mente diuina diffundendo per Spiritum ſanctum in animam humanam ſuauiſ ſ illa perfectâ colliqueſcit, iure originario primarium repetens alueum, quia ad locum de quo exeunt flumina reuertuntur, audent nulli alii præter ipſam audenda, & quaſi Deum ipſum adſtringens rogat inſperata, petit ardua, inaudita implorat. Hinc eſt quod Moyses auſu familiariffimo de corde puro & conſcientia bona, & fide non ficta, teſtimonium ei perhibente eadem conſcientia in Spiritu ſancto, loquitur ad Deum.

Si

SERMONES.

25

Si non tu ipse precedas, ne educas nos de loco isto. Nihil, inquit, sine te possumus, hostes equidem acerbissimos à tergo & ante habemus, nos ipsi parum docti & modesti sumus, iter inuium & inaquosum, desertum horridum & tetrum, locus ad quem ire debemus ignotus, & quomodo sine te ibimus? *Ne ergo educas nos, si tu non ipse precedas.* Pertinuit quidem hæc oratio Moyfi ad rem quæ tunc gerebatur cum Israël de Ægypto educeretur, sed conuenientissimè etiam huic præclaræ solemnitati quæ de natiuitate Saluatoris agitur, alludere videtur.

Exod. 33. 15.

Exod. 33. 15.

Est igitur vox totius humani generis in ore Prophetarum, & eorum Iustorum qui aduentum CHRISTI præcesserunt. *Si non tu ipse* (inquiunt) *Domine precedas nos, ne educas nos de loco isto.* Planè locus in quo positi imò expositi sumus, malignus est propter malitiam nostram & miseriam: carcer tenebrosus est propter diuinæ lucis absentiam, & verorum bonorum inopiam: vallis lacrymarum est propter laborum, spinarum & veprium abundantiam. Hinc ergo exire libet, sed ad meliora non deteriora: satius est enim tolerare iam nota & assueta, & utcumque tolerabilia mala, quàm attentare pessimiora, & nullo releuamine finienda; indubitanter enim homo venundatus sub peccato, post hanc pœnam trahitur ad æternam, nisi subuenerit Redemptor, qui soluat pretium & educat captiuum.

Exod. 33. 15.

Compeditus ergo nexibus mortalitatis & pœnalitatis, tormenta crucis & suspensionem patibuli gemens sibi præparata in exitu carceris, providè consolanti se Deo per oracula sua, & promittenti liberationem, ait, si tu non ipse precedas nos, ne educas nos de loco isto. Non mihi sufficit Michaël qui præliaturus est cum dracone, & victurus eum in nouissimo tempore, quia non adeò confido de bonitate ipsius, aut de potestate sicut de tua, cuius & potestati nihil resistit & bonitate omnia implentur. Non credam causam meam Abrahæ cum trecentis vernaculis; non Iosue qui triginta tres Reges vicit; non Gedeon qui Philistiim in trecentis qui aquam lambuerant, in lampadibus & lagenis superauit; non Sansoni qui mandibulâ asini mille viros prostravit; non cui libet de massa peccatrice, quia nullus in hoc articulo vel soli sibi patrocinari potuit. Tibi ergo soli credendum de itinere quia via es; de rectitudine semitæ quia veritas es; de reparatione laboris & inopiæ, quia vita es; de defensione ab hostibus, quia omnipotens es; de refectiōe, quia panis Angelorum es; de consilio, quia sapiens es; de reconciliatione, quia pacificus es; de remedio infirmitatis, quia medicina es; de omni infortunio, quia beatitudo es. Præcede igitur tanquam sol, tanquam dux, tanquam dominus, tanquam patronus, tanquam gallina pullos suos, tanquam aries ouiculas, tanquam columna lucis & nubis, exemplo eris sequentibus, solatio mœrentibus, recreationi deficientibus, increpationi malefacientibus, vehiculo lassescientibus exultationi pergredientibus: *Si ambulauero in medio umbræ mortis non timebo mala quoniam tu mecum es; si consistant aduersum me castra non timebit cor meum.*

Psal. 22. 4.

Quid Pharaon cum Ægyptiis suis? quid mare rubrum, quid Iebuzæus, Pheræus, Cananæus, Amorraus, Hetheus, Gerseus, & Heuæus

D

fili Enacim? quid solitudo vbi Deus? planè in obsequium redigitur quidquid contrarium minabatur; cui Dominus comes est in via, omnia prosperantur & in bonum conuertuntur. Sed exigit sibi tantæ maiestatis præsentia summæ venerationis cultum videlicet oculum simplicitate columbinum, castitate turturinum, linguam sacrâ doctrinâ eruditam, labia calculo igneo manu Angeli purgata, aures circuncisas ne audiant sanguinem, manus mundas à munere, puras ab omni pollutione, pedes rectos in prædicatione, ablutos à sæculari vanitate, cor castum ab irruentium cogitationum & desideriorum phantasmate, standum in timore & tremore in conspectu Domini Sabaoth, ne irascatur, ne immittat iram & indignationem per Angelos malos; si iuxta illum discooperueris turpitudinem tuam, vt leo rugiet, arcum tendet, sagittas igneas vibrabit, & mucro eius defæuiet pertransiens animam vsque ad inferni nouissima. Verendum certè illic irreuerenter cum immunditia assistere, vbi nec ipsa sidera munda, vbi nec illi ministratorii Spiritus sine reuerentia accedunt, vbi etiam iustitiæ nostræ, velut pannus menstruatus sordescunt.

Sed ecce descendit Dominus composita & quasi complicata illa Deitatis Maiestate intra lutum assumpti de Virgine corporis, quatenus ad nostræ fragilitatis & cohabitationis tuguria benignè se humilians mores nostros cognosceret, & suos nobis manifestaret, vt paulatim impuros nostros calore tuæ dilectionis excoqueret, & suos purissimè defæcatos nostris intorquendo imprimeret. Dare namque venit non accipere; nisi fortè dicatur quòd à nobis animam & corpus accepit, planè ita est corpus & animam à nobis, id est conforme, non tamen tanquam de nostro, sed tanquam de suo accepit. Ipse enim nouo artificio nouam creaturam de veteri compegit materia, vbi plurius æstimatur opificis artificium, quàm præiacens materia originalis, nisi enim fieret caro de carne Virginis caro Dei, quid esset caro Virginis nisi caro hominis? at vbi obumbrante Spiritu sancto præcisus est ramunculus carnis de arbore humani generis, & insertus diuinæ naturæ, in nouam concreuit arborem Iustitiæ IESV CHRISTI conditione meliorata: nunquam enim deinceps fuit caro peccati, nec appellata est tantummodo caro hominis, sed etiam caro Dei. Hoc autem totum est ex gratia non ex natura, nec merito materiæ, sed artificio gratiæ atque diuinæ potentiæ.

Exod.
33. 15.

In hac ergo carne assumpta *si tu ipse non præcedas, ne deducas nos de loco isto, in quo enim scire poterimus ego & populus tuus, &c. Et verbum, inquit, illud faciam*: gratias tibi Domine quia complesti quod promisti: non fuit apud te est & non, sed est apud te est, sunt enim sine penitentia dona & vocatio Dei, semper ambules & perambules in medio, in corde nostro, semper præcedas nos vt expedit viam, & deducas atque perducas in æternam patriam in lumine vultus tui CHRISTE IESV, qui cum Patre & Spiritu sancto viuis & regnas per omnia sæcula sæculorum Amen.



S E R M O I I I.

IN NATIVITATE DOMINI.

Super hæc verba *Gloria tibi Domine qui natus es
de Virgine, &c.*

AD bonos mores nostros, contra quos nemo debet venire, pertinet
vndelibet & quibullibet nouiter aduenientibus aut obuiantibus deuotè
& humiliter salutis obsequium exhibere, nobilis, ignobilis, seruus, dominus,
vicinus, amicus, Clericus, Monachus, vir, mulier, Christianus, Gentilis,
Iudæus planè indifferenter vtuntur hoc iure. Itaque, Fratres charissimi,
sollicita sedulitate ad inuicem requiramus quâ salutatione honorandus sit
tantus Dominus, tantus hospes, tantus Rex, tam necessarius medicus, tam
charissimus amicus, tam germanus frater, tam desideratus Saluator & Re-
demptor, qui ad nos hodie venit, qui tugurium nostrum intrauit, qui semicin-
ctiis nostris se se operuit, reuera hilarem vultum, iucundum eloquium, mun-
dissimum hospitium præstantissimum ei parare debemus obsequium; causâ
enim nostri venit & nostram causam suam fecit, dignus ergo est salutatio-
ne qui venit saluare, sed qua? equidem noua & cœlesti non inferiore, non
viliore quàm Mater sua ab Angelo salutari meruit, sic enim salutat eam An-
gelus: *Aue gratia plena, Dominus tecum*; deinde Salutata Domina nostra, Luc. 1.
& ipsa paulo post salutat Elisabeth cognatam suam: quare ergo & nos his 23.
nouis salutationibus ex parte nostra non interferamus tam dignam salutatio-
nem, quæ locum congruum in his accipiat?

Dicamus ergo *Gloria tibi Domine*, quia tu Filius Sapiens gloria es Patris;
quia gloriam possides in regno tuo, non amittis in stercore nostro, quia ti-
bi est consubstantialis gloria, vt nascendo de Patre ante omnia tempora,
vt carnem assumendo de Virgine in fine temporum: tu enim numquam An-
gelis tuis in cœlis inglorius apparuisti: tu rectis corde in terris etiam cùm
esset vultus tuus absconditus; etiam cum appareres leprosus non habens spe-
ciem neque decorem; etiam pannis inuolutus in præsepio; etiam clauis con-
fixus inter duos latrones in crucis patibulo; etiam positus in sepulchro; sem-
per & vbique gloriosus es, & gloriôsè magnificatus. *Gloria tibi Domine*,
fons gloriæ, sedes gratiæ, opera magnifica & à sæculis inaudita, tu opera-
tus es in medio terræ.

Si Moyses legum lator de monte vmbroso & condenso, propter loque-
lam tuam, quam audiuit in nube, & faciem vidit in caligine, vbi tu habi-
tas, tantam gloriam descendens ad filios Israël reportauit, vt non possent
intendere in faciem eius, propter gloriam vultus illius, quæ euacuatur:

D ij

quanto magis facies tua, gloriosior sicut sol lucet in virtute sua resplenduit in natiuitate tua; qui es splendor gloriæ, & figura substantiæ Dei; qui es candor lucis æternæ; qui es candidus & rubicundus, electus ex milibus; qui es gloria quæ eleuatur super Cherubim; qui es imago gloriæ Dei, Rex sæculorum immortalis, inuisibilis, cui honor & gloria in sæcula sæculorum; gloria, inquam, tibi de Patre, de Matre, de omni genere tuo & generatione, de nomine, de opere, de natiuitate, de vita & conuersatione; de verbo & prædicatione; de cæcorum illuminatione; de auditus restitutione; de leproforum emundatione; de mortuorum resurrectione; de passione tua; de morte; de descensione ad inferos, de resurrectione; de eiusdem resurrectionis manifestatione; de ascensione; de confessione ad dexteram Dei Patris; de interpellatione pro nobis; de extrema futuri iudicii bonorum & malorum discussione.

Gloria tibi quod iugum legis Mosaycæ, quod portare non potuerunt antiqui Patres nostri, quia manus Moyli graues erant, & chirurgica curatione circa agrotos suos sanandos utebantur; dum oculum pro oculo, dentem pro dente; liuorem pro liuore; talionem pro talione, absque vlla miseratione rependebant, à cervicibus nostris deposuisti, & iugum tuum suauē supposuisti, quo peccatores terræ non occideres, neque intolerabiliter curares; sed sicut plenus gratia & veritate, semper gratiam prorogares, oleum promittens præcantares infirmis tuis; deinde veritatem, deinde vinum, deinde iudicium temperatè subinferres.

Quid mirum si Moyses durius egit, tu mollius? quis enim ille, quis tu? quid ad nos ille, aut nos illi? neque ille nos creauit; neque plasmavit; nihilominus neque redimere potuit, frater enim non redimit, sed quis? homo? utique, sed homo Deus, homo qui dicit in Psalmo; *Mater Sion & homo natus est in ea & ipse fundauit eam Altissimus*. Homo; quem ille Euangelicus non habebat qui expectabat aquæ motum descendente Angelo in piscinam, & dicit *Hominem non habeo*.

Ioan. 5.
7.

O puer IESU tu es ille homo in similitudinem hominum factus & habitu inuentus ut homo; o homo Dei, imò homo Deus. Noe, Abraham & Moyses nescierunt nos, quia figmentum nostrum non ipsi plasmauerunt, neque scire potuerunt quid esset in homine, nisi quatenus homines in facie videbant, imò animarum medicinam talem conficere nequiuērunt quæ languores nostros omnes sanaret, sed de qua languor magis ingrauesceret. Nam siue lex siue circuncisio neminem ad perfectum adduxit; tu verò solus nosti corda hominum qui sigillatim finxisti corda eorum. Tu plenè intelligis quàm sint fragilia corpora nostra, quàm limosa, quàm lutea, quàm fluxa, quàm impatientissima, quæ mane florent & transeunt, vespere decidunt, indurant & arescunt. Adhibuisti ergo congrua medicamenta naturæ nostræ contritæ & conuassatæ tanquam bonus tanquam pius medicus. Utique de Spiritu sancto conceptus, de Virgine plena gratia natus, filius hominis filius Dei non in igne, non in commotione, non in vltione, non in secatione, sed in aqua regenerationis, sed in oleo chrismatis, sed in confessione cordis & oris constituisti sacramenta nostræ reparationis.

SERMONES.

29

Quid facilius ad remissionem peccatorum, quàm quod remissa sunt peccata per lacrymas mulieri, quæ in ciuitate erat peccatrix, & omni transeunti diuaticauerat pedes suos, & habebat septem dæmonia. Item alii deprehensæ in adulterio dicitur, *Vade & amplius iam noli peccare.* Nusquam in Euangelio aliquid crudelitatis de IESV inuenies, cum publicanis & peccatoribus manducat & bibit, paruulos, peccatores, & meretrices suscipit. Scribis, Pharisæis superbis, hypocritis de sua iustitia præsumptibus resistit Matth. 9. 13. dicens: *Misericordiam volo & non sacrificium.* Quid vltra de bonitate & pietate Pueri nobis nati dicere possumus, nisi quod etiam mortem suam ignoscit suis crucifixoribus. *Gloria tibi Domine qui natus es, &c.*

Ioan. 8.
11.

Matth.
9. 13.



SERMO IV.

IN HÆC VERBA

Filius hominis non habet ubi caput reclinet.

Matth.
8. 20.

O Pulentissimus quondam & diues inter omnes Orientales Dominus, cuius orbis est & plenitudo eius, non casu fatali urgente, sed ipso agente & infinitos thesauros, gazasque innumerabiles misericorditer proponente, ad paupertatis extremas deuenit reliquias, ita vt de se dicat *Filius hominis non habet ubi caput reclinet*, quare? fortè quia nihil voluit habere de anathemate Ierico, fortè quia non venit pecuniam accipere, sed dare animam suam redemptionem pro multis: *In propria enim venit & sui eum non receperunt.* Ioan. 1. 11. O sui non sui, sui creatione, non sui electione: sui seruili timore, non sui filiali subiectione; sui radice Patriarcharum, non sui participatione pinguedinis oliuæ, sui legislatione, non sui adoptione gratiæ; sui specie non re, sui habitu non spiritu; sui verbo & lingua, non opere & veritate; sui inquam non receperunt eum animo, corde, voluntate, veneratione, exhibitione.

Matth.
8. 20.

Ioan. 1.
11.

Quæris causam? quia non est Propheta sine honore nisi in patria sua. Estne hoc propter avaritiam, an propter inopiam, an propter odium, an propter negligentiam, an propter eius insolentiam? sed quæ agni insolentia, qui *coram tondente se obmutescit & non aperuit os suum?* quæ insolentia eius qui venit non ministrari sed ministrare? quæ insolentia eius qui cum malediceretur non maledicebat, cum pateretur non comminabatur, tradebat autem iudicanti se iniuste? Si verò negligentia eorum nimis crassa & supina negligentia est: negligere Dominum, negligere Redemptorem & liberatorem suum, negligere incurabilem morbum. Si autem odium, vnde putas charitas odiosa, vnde iustitia reprobanda, vnde pietas execranda, vnde salus respuenda? Si denique propter inopiam; quis adeo inops vt non habeat saltem miserrimum tuguriolum: saltem calicem aquæ frigida; saltem sinum,

Esaie
53. 7.
1. Petri.
2. 23.

D iij

saltem gremium? Si ad extremum propter auaritiam, scenerare nesciebas? Ad usuram centesimam dare pecuniam tuam quare illi recusabas, à quo etiam cœlum lucrari poteras? Voluit certè sic reprobari lapis angularis, vt vineam suam aliis agricolis locaret: & daretur regnum Dei genti facienti fructus eius. *Va genti peccatrici, populo graui iniquitate: semini nequam: filiis sceleratis. Proiecisti eum tamquam leprosum, tamquam percussum à Deo, & vulneratum. Ipse autem dolores nostros tulit: & hospitium suum benedictionibus cumulauit; vt hospites eius efficiantur filii Dei; hæredes quidem Dei, cohæredes autem CHRISTI. Cines Sanctorum, & domestici Dei.*

Esaia
1. 4.
Esaia
53. 13.
Rom.
8. 17.
Ephes.
2. 19.

Vacuandum itaque est, Fratres charissimi, hospitium CHRISTI, fide & voluntaria paupertate: mundandum confessione; dilatandum charitate; ornandum religione; bonis odoribus aspergendum: & ne quis alienus vel prophanus accedat, intacta circumspectione muniendum. Cura & sollicitudo secularis, concupiscentia carnis, superbia cum omni familia sua secedant, & locum CHRISTO in corde faciant. Deinde gula, luxuria, auaritia, ira, discordia, & tota infernalis familia fugam arripiant; vt egrediatur diabolus ante pedes eius, cum filiis & filiabus suis, Gergeseo, Hetheo, Amorraeo, Phereæo, Euæo, Iebuseo, & Philistæo: malè enim occupant terram. Qui verò Domino pensum non soluunt, nec ab ipso possessionem recognoscunt, nec colunt eam ad fructum, sed parant ad incendium. Verus & legitimus Dominus, explosa gente non sancta, ingrediatur: hanc hereditatem suam recipiat, & recognoscat imaginem suam: quatenus anima nostra reuertatur ad antiquitatem suam, quando nondum peccauerat Adam. *Cogitavi (inquit Propheta) dies antiquos, & annos æternos in mente habui.* Perflat namque CHRISTVS habitans in corde, hortum suum; vt fluant talia aromata, id est, cœlestium & æternorum desideria: vacuatum quidem cor ab ira, ab odio, ab inimicitia, à gratia seculari, ab omni quod virtutum germen suffocat, etsi nondum caput, pedes tamen IESV iam adorat.

Psal.
76. 6.

Sed quale caput? caput filii hominis, quod non habet vbi reclinet. Audi sponsam, quæ fortè comas capitis huius aliquando discriminauerat, & fonte lacrymarum irrorauerat; audi quid dicat: *Caput, inquit, eius aurum optimum.* Dic & tu amice sponsi, Ioannes Euangelista, quale sit caput filii hominis. *Caput (inquit) eius & capilli tamquam lana alba, & tamquam nix.* Dic planius: *In principio erat Verbum, & Verbum erat apud Deum.* Et Paulus: *Caput Christi Deus.* Hoc caput apud Patrem habet reclinatorium aureum; quia est in sinu eius, quia Filius in Patre, vt ipse ait: *Ego in Patre, & Pater in me est.* Parua sunt hoc caput, & hoc cervicale siue capitale. Nihil æquabilius, alterna requie horum nihil delectabilius. Pater complacet sibi in Filio; & Filius in Patre. Mutua se se, & ineffabili dilectione, modo indicibili fouent, & sibi cohærent. Hac eadem retenta indissolubili vnitæ, absque coæternitatis dispendio, temporali dispensatione, in gremio Virginis humanitatis capitale, alio astrinxit vinculo. Vt sicut vera vnitæ cum Deo Patre, vnus Deus: sic vera vnione Verbi, animæ & carnis, esset vnus homo Deus; & Deus homo.

Cant.
5. 11.
Apocal.
1. 14.
Ioan. 1.
Cor.
11. 3.
Ioan.
10. 38.

S E R M O N E S.

31

Tria itaque habet CHRISTVS reclinatoria : Deum Patrem : Virginem matrem : assumptum hominem. In matre namque totum caput reclinauit ; quia obumbrante Spiritu sancto , in ea accumbens & requiescens , quasi longos somnos fecit , dum moras humani corporis per membra disponendi seu componendi , profunda secreti sui ratione patienter expectauit. Interim cum esset in accubitu suo , nullas ei molestias Virgo integerrima excitauit. Cœleste silentium per omnes motus animi & corporis continuit. intrinsecus rapta audiebat arcana quæ non licet homini loqui. Soporem immisit Dominus in Adam , cum de costa eius Euam fabricaret. Sed nullatenus fuit necesse Dominam nostram obdormisse ; cum CHRISTI caro de carne eius extraheretur. Quæ enim læsio , vbi nulla corruptio ? Immo quid tam suaue , quàm gratiam Spiritus sancti sensibilibus in medullis , & ossibus , & carne , & sanguine , & animo sentire ; Deoque in obsequium substantiam suam concorporandam , in gloriam & gratiam Vnigeniti Filii Dei subministrare ? Nullus dolor discissionis , vbi omnem iacturam perditionis , restaurat vinculum tam adorandæ Vnionis. Et hoc aureum reclinatorium est.


Quartum restat reclinatorium , quia IESVM natum , locum non habens in diuersorio , reclinauit eum mater sua in præsepio. Commune fortè aut cuiuslibet alterius. Non Ioseph non MARIÆ fuit hoc reclinatorium ; idcirco veraciter dicitur , quia , *Filius hominis non habet vbi caput reclinet.* Matth. 8. 20. Animalium erat præsepe , non hominum. O IESV de altissimo folio gloriæ tuæ , quàm incomparabile elegisti descensorium , seu reclinatorium ! quàm altum illud ; quàm profundum istud ; quàm Deo dignum illud ; quàm indignum istud ; quàm gloriosum & nobile illud ; quàm vile & despicabile istud. Occurrant miseriæ nostræ , penetralia vndique liquefacta visceribus misericordiæ Dei nostri , sic à summo ad imum stationis nostræ , distillantibus incerta & occulta Sapientiæ Dei , & nulla recompensatione moderantibus , vnde vel quò venerit summa Deitas. Tali Dominus voluit mysteria nostræ restorationis inchoare initio ; vt capite nostræ superbiæ compresso , dediceret homo alta sapere ; & disceret humilibus consentire.

Hæc signa pueri nobis nati & dati : ab oppositis se erigunt apostasiæ diaboli & hominis. Quis putas puer iste erit ? ecce officinam suam incipit , non statuere in lateribus aquilonis , sed in præsepio : non throno regali , sed in loco humili. De hoc reclinatorio agnus vagiens in excelsso throno auditur : & ei cœli sublimitas mittendo stellam vel Angelos , deuotè & humiliter subternitur.

Quintum quoque recenseo crucis reclinatorium , quod commodiùs appellaretur recuruatorium , quàm reclinatorium. Mater reclinauit eum in præsepio : nouerca Synagoga Iudæorum suspendit in patibulo. Ibi potestas eius quasi recuruata , non se vindicando extendit ; sed omnes patiendæ mortis angustias , pro reis pependit. Nec fuit inanis hæc recuruatio ; quia ad fixum sicut cerna , vt ait Iob , incuruauit se : quatenus ex dolore crucis simul pareret omnes filios prædestinationis ; vt ascendens ad palmam victoriosi triumphi IESVS , fructus apprehenderet credentis populi. Quomodo

igitur non habet filius hominis in terra vbi caput reclinat? Animaduerte quòd se ait exaltandum à terra, cùm se crucifigendum prædiceret: hoc & alio intellige modo; quia Iudæi CHRISTVM in cruce positum, non se ipse suspendit; sicut Iudas, qui suspensus crepuit medius.

Iam igitur præstemus illi nascenti reclinatorium aureum, id est, cor mundum fide; dilatatum charitate; exaltatum cœlesti contemplatione, & innovatum Spiritus sanctificatione. Tale cor non terrenum, sed cœleste, CHRISTO hospitium præparabit: vbi mensa legis & Euangelii: vbi candelabrum crucis: vbi lectus diuinæ dilectionis: vbi chorus iubilationis: vbi balneum sanctæ compunctionis: vbi caminus charitatis: vbi fenestræ meditationis: vbi cancelli lectionis: vbi priuata domus sanctæ confessionis: vbi panis diuinæ voluntatis: vbi vinum feruoris: vbi area conscientiæ planæ, & absque scrupulo peccati vrgentis. Non recusat reclinari in tali reclinatorio Puer qui natus est nobis IESVS CHRISTVS Dominus noster, qui cum Patre & Spiritu sancto viuit & regnat per omnia sæcula sæculorum. Amen.



S E R M O V.

D E N A T I V I T A T E.

SI omnis anima vndecumque vires ingenii sui, quasi in funiculo beatæ sollicitudinis colligaret, & ad vnam quærendi Dominum occupationem cogeret, seu colligeret; nunquid vel sic sapientiam Dei præcedentem omnia inuestigaret? O misera & insipiens anima, quare argentum tuum expendis, non in panibus; & laborem tuum, non in saturitate? Cur te euilceras in vanitates & insanias falsas, vana mundi lucra sectando; philosophica ingenia admirando, poëtica figmenta legendo; & euangelica Dei negligendo, legemque præuaricando? Dic potiùs Domino: *Legem pone mihi, Domine, viam iustificationum tuarum; & exquiram eam semper*; vt nunquam desistas quærere, nunquam desinas amare, quasi ardentissimus potator, qui quò ampliùs biberit, vehementiùs ad pocula recurrit. Dic Sapientiæ: *Vias tuas demonstra mihi, & semitas tuas edoce me.*

Psal.

118. 33.

Psal.

24. 4.

Psal.

44. 15.

Quære illius hospitium; quære transitum; quære domum; quære cubiculum; quære deambulatorium; quære solium. Credo quod si fideliter; si humiliter; si piè assiduè his te alligaueris studiis; saltem fimbriam vestimenti eius contingere poteris. *Omnis gloria eius filia regis primogenita, ab intus; in fimbriis aureis circumamicta varietatibus.* Cingulum Sapientiæ, in quo dependent fimbriæ aureæ, est dispositio tam visibilium creaturarum quàm inuisibilium. Fimbriæ verò aureæ sunt; vel prima illa opera sex dierum; vel ætates mundanarum distinctionum, vel opera quæ in carne gessit Filius Dei; vel etiam sacramenta quæ sponsæ suæ dimisit, cùm ad Patrem rediret;

rediret; & ad procreandam Christianorum sobolem, post se usque ad tempus & numerum præfinitum in terra relinqueret. Sed quid faciendum si iam mutaret hospitium, antequam tarda accurrant desideria animæ quærentis Deum, quærentis sapientiam? Quærat saltem transitum.

Sed ubi est hospitium Dei? In lege Moyfi. Vbi transitus? In Prophetis. Vbi domus? In Euangelio. Vbi cubiculum? In epistolis Pauli, vel in utero Matris, vel in patibulo crucis, aut in monumento lapideo. Vbi deambulatorium? In expositione Scripturarum, vel in ascensione nubium. Vbi solium? In dextera Patris. Quare dicitur lex hospitium Dei? Quia propter inutilitatem & infirmitatem, quæ suo tempore facta fuit, translata est ut ait Apostolus: *Quod, inquit, antiquatur & senescit, propè interitum est.* Fuit ^{Hebr.} ergo tamquam hospes in lege CHRISTVS: quia ut Isaac oculis caligantibus filio suo benedicens, quis esset ignorabat; sic in vitulo, in ariete, in agno, in capra, in hirco emissario, in turture & columba, in simila, in oleo, & cæteris cæremoniis figurabatur, & non agnoscebatur. Hospes ergo erat, quia de se, ipse legere dederat; & cum hæres esset, quis esset latitabat. ^{8. 12.}

Quidam tamen, qui quasi poma in cacumine ficulneæ, erant sancti Patres, qui ei debitum obsequium impendentes, iustificabantur eadem fide, quâ & nos credimus & saluamur. Adhuc apud Moysem hospitatur Dominus, tamquam apud Archisynagogum, cuius filia, id est, Synagoga infidelis, licet mortua; si crediderit, ab eo resuscitatur. Cum enim Scribæ & Pharisei sedentes super cathedram Moyfi legem tenentes, contra legem Dominum legis extra Synagogam fecerunt; succedentes Prophetas, ut per eos transitum haberet, meruerunt. De ipso enim in Canticis dicitur. *Ecce iste venit saliens in montibus, transiliens colles.* Modò enim Isaïas regem Dominum exercituum videt sedentem super solium excelsum, & eleuatum, &c. Modò Ezechiel videt gloriam Domini iuxta fluuium Chobar. Modò in campo; modò in ciuitate; modò in templo. Modò Ieremias videt virgam vigilantem. Modò Amos videt Dominum super murum litum stantem, & vicinum pomorum atque trullam cæmentarii in manu tenentem. Modò Zacharias inter mirtheta videt Virum, scilicet Dominum: & alii suo tempore, & suo modo transilientem per se gratiam senserunt. Vnde Psalmista: *Dens cum egredereris in conspectu populi; cum pertransires in deserto: cæli distilla-* ^{Psal. 67. 8.} *uerunt à facie Dei Sinai, à facie Dei Israël.* IESV namque transeunte, cælum * gloriam non cessabat pluere. Vbi facies Dei, ibi cognitio * vel Dei: & ubi cognitio Dei, ibi deuotio: & ubi deuotio, virtutum fructificatio. ^{gratiâ.}

Sub figura huius transitus in quarto volumine Regum, dicit magna quædam mulier de Helisæo: *Animaduerte quod vir Dei sanctus est iste, qui transit per nos frequenter: faciamus ergo ei cœnaculum paruum & ponamus ei in eo lectulum & mensam, & sellam, & candelabrum; ut cum venerit ad nos maneat ibi.* ^{4. Reg. 4. 9.} Lustrando & illustrando Sanctorum mentes gratia superna transitum facit; quia tenuissimo contemplationis filo, ponderositas humanæ fragilitatis eleuata, citò ad ima reflectitur, & vix in bonis Dei demo-

ratur: solus IESVS hoc usus est priuilegio, vt Spiritus sanctus super eum descenderet & maneret.

Faciamus ergo cœnaculum paruum; paruum quidem propter fragilitatem; cœnaculum tamen, propter cœlestium æmulationem. Faciamus in eo lectulum ad quiescendum; mensam ad reficiendum; sellam ad residendum; candelabrum ad videndum. Pausat Dominus in mente quieta: reficitur in anima ad mandata Dei, & conscientiam Scripturarum intenta: sedet in eo, qui se non iudicat in eo quod probat. Accendit candelabrum illius, qui simplici oculo, id est, pura intentione soli Deo placere cupit. Sic in iis saliendo & transiliendo, transilientes eisdem facit; tamen quia, pro Idithun, quod interpretatur transiliens, quibusdam Psalmorum titulus apponitur, in libro Psalmorum passus illius & saltus, qui similis est caprea hinnuloque ceruorum, à primo ingressu in vterum Virginis, vsque ad regressum in dexteram Dei Patris, si bene distinxeris, sicut & in aliis Prophetis, reperire poteris: & in hospitio itaque, & in transitu occurre hospiti & transilienti.

Rom. 8. 3. De hospitio IESVS transit ad domum, id est Euangelium; quia quod impossibile erat legi, in quo infirmabatur per carnem: Deus filium suum misit in similitudinem carnis peccati, & de peccato damnavit peccatum in carne: cuius incarnationis mysterium, loquitur Euangelium. Sic ergo Dominus manet in domo, sic CHRISTVS in Euangelio, vbi Gabriel Archangelus missus à Deo, quasi portam claudit & aperit, dicens: *Aue MARIA*, &c. vsque *paries Filium*: Ioseph in atrio exteriori obseruat valuas, sed vix audet respicere illas: vnde sicut Centurio ad sepulchrum Domini territus clamauit: *Verè hic homo filius Dei erat*. Sic Ioseph Virginis in pragnatione turbatus; voluit occultè dimittere eam: hinc est quod in ostio templi palma & Cherubim ministrent filio regis tamquam Domino suo.

Domus proinde Euangelica quatuor habet angulos, iuxta quatuor cœli ventos; vbi singuli Euangelistæ singulos muniunt angulos: dum Matthæus ad orientem iuxta columnam cedrinam, habentem faciem hominis, conscripsit Euangelium stilo hominis, dicens: *Liber generationis IESV CHRISTI, filii David, filii Abraham*. Ad septentrionem verò Marcus, iuxta columnam marmoream exculptam facie leonis, scripsit Euangelium suum calamo solitudinis, sic inchoans: *Ego vox clamantis in deserto, parate viam Domini*. Ad occidentem Lucas, iuxta columnam de lignis Sethim, quæ sunt similia albæ spinæ, habentem faciem vituli, sic exorsus: *Fuit in diebus Herodis Regis, Sacerdos nomine Zacharias*. Ad Meridiem Iohannes, iuxta saphirinam faciem aquilæ, scripsit Euangelium suum penna * euangelica sic euaporans de fumo altaris: *In principio erat Verbum, & Verbum erat apud Deum*. Matthæus residet in sella iustitiæ. Marcus in sede fortitudinis. Lucas findens vngulam in consistorio prudentiæ. Iohannes in throno temperantiæ. Omnes habent vultus suos semper in propitiatorium, & cum Virginem intrat, & cum in deserto ieiunat, & cum in templo prædicat; vel animam ponit pro ouibus suis, & cum regrediens, ascendenſque ad cœlum Patrem & patriam visitat.

Ex domo ista erogantur imperialia beneficia, vt sit extra regnum cœlo-

rum qui non pertinet ad hanc domum; sunt enim in ea vasa aurea & argentea, lignea & fictilia, & mansiones multæ. Est in ea mensa altaris, in qua cibus ab Angelis quotidie fidelibus ministratur. Est baptismus, in quo corpora & animæ ab omni contagione perfidiæ abluuntur. Est oraculum, in quo Deus palatium cordis perliniens sua dulcedine, thesauros æternæ beatitudinis promittit; & anima choleras interaneorum, vera confessione, & larga compunctione euomens, petitionem remissionis de manu eius expetit & accipit. Est caminus ignis ad cremanda sacrificia & holocausta; frigida calefaciendo; dura liquefaciendo; superflua comburendo; & obscura illuminando: locus secretus ad vacandum contemplationi; ad inseruiendum meditationi; ad confabulandum cordi; ad scrutandum eloquia diuini eloquii. Est denique porticus languentium; piscina lacrymarum. Est locus cinerum in quo memorantur nouissima. Ecce hîc CHRISTVS, aut certè illic. *Quere ergo in domo sua; quia filius manet in domo in æternum dicens: Ecce ego vobiscum sum vsque ad consummationem.* Matth. 28. 20.

Transeamus iam ad cubiculum, sic enim ait sponsa: *Ducam te in domum matris meæ, & in cubiculum genitricis.* Castissimum & placatissimum CHRISTI cubiculum esse Virginis vterum, nouit anima eius, nouit ipse Dominus; nouit Gabriel Archangelus; nouit Iohannes Baptista; & Iohannes Euangelista; nouit denique tam cœlestis curia, quàm vniuersalis Ecclesia fidelium. Est enim lectulus Salomonis quem ambiunt sexaginta fortes ex fortissimis Israël, lectus floridus, omni gratia Dei, specie & pulchritudine, verbo vtique Dei, anima & carne. Si fideliter adieris matrem, proculdubio inuenies filium cum matre; non enim mater sine filio, nec filius sine matre: sicut nunquam fuit filius sine patre, nec pater sine filio. Quem namque aliquando in vtero habuit, nunc à dextris eius perpetuò adlittit. Quid ergo poterit loqui mater quod non audiat filius: immo quando audiet mater sine filio; quæ corpore & anima tota pendet ex filio? Veni ergo ad matrem tamquam ad cubiculum, quia singulariter quiescit in ea, qui vnicus & vnice natus est ex ea. Tintinnabulum tuæ postulationis vt pulsauerit aures Virginis, excitabitur IESVS à somno dissimulata exauditionis.

In Euangelio legitur IESVM deambulasse in porticu Salomonis, quia Iudæi non intelligebant ipsum esse templum, templo illo significatum, ideo in porticu deambulabat. In eodem templo extrinsecus per gyrum muri & labium erat, vbi deambulatorium erat valde delectabile; quia in summitate erant affixa poma, aureæ vuæ cum pampinis aureis; ita vt sursum aspicientibus moueri viderentur. Hic ordo est contemplatiuorum, quorum oculi semper ad Dominum: sic illi infiguntur vt neque tribulatio, neque angustia, neque mors, neque vita, separet à charitate, quæ est in CHRISTO. Ideo aureas vuas de vera vite dependentes dum suspiciunt cum pampinis aureis, cum Apostolo dicunt: *Non sunt condigna passionibus huius temporis ad futuram gloriam quæ reuelabitur in nobis: cuius vias, id est beatitudines, sapore intimo prægustamus, & certi de promissione, in fide non hesitamus.* Rom. 8. 18.

In his deambulat ad cœlum corde eleuato, & in charitate dilatato.

E ij

His decursis quid restat? Solium excelsum & eleuatum de quo in Canticis: *Fuge dilecte mi, assimulare caprea hinnuloque ceruorum.* Illuc non ascendet nisi aquila & filii aquila. *Nemo enim ascendit in cælum, nisi qui descendit de cælo.* Aquila grandis, magnarum alarum Iohannes Euangelista; & alia aquila similiter aliarum alarum, Paulus; de quibus Ezechiel loquitur. Altera usque ad tertium cælum, altera ultra cælum cælorum euolauerunt: & quæ non licet homini loqui, de medulla cedri gustauerunt; & ut potuerunt de adipe frumenti, & de rore cæli, atque melle Diuinitatis, eructauerunt in scripturis.

Psal. O Domine IESV *genua mea infirmata sunt* quomodo curram? O Domine *pedes mei moti sunt*, quomodo vadam? O Domine *quis dabit mihi pennas sicut columba; & volabo & requiescam?* O Domine ubi currus igneus, & equi ignei, quibus secretam regionem petam? O Domine ubi nubes lucida, in qua post te vel tecum ascendam? O Domine mitte Seraphim qui teneat dexteram meam, & ad thronum gratiæ ducat, ut explorem causam meam, & implorem gratiam tuam, antequam accusatus, vel conuictus, in die mala sententiam iudicii referam. *Vias ergo tuas, Domine, edoce me;* quia via & veritas & vita es. Amen.



DE PURIFICATIONE SANCTÆ MARIÆ.

S E R M O.

Adorna thalamum tuum Sion, & suscipe regem Christum, &c. Quàm sit iocunda & præclara præsens solemnitas, ipsa luminarium claritas, quæ cum processione festiua ad Missam tenebitis in manibus, satis sufficienter declarat. Ecce siquidem duo magna luminaria ad Patrem luminum, in templo accedunt, quando MARIA IESVM offert Patri Spirituum. Luminare minus MARIA: luminare maius IESVS Filius MARIÆ. Pater luminum Deus est, qui Verbum ex vtero ante luciferum genuit, & de Matre incarnari in fine sæculorum constituit. Ab ipso quoque sole quem concepit Virgo & genuit magnum luminare fieri meruit: vnde & Stella maris appellatur. Hanc itaque sermo diuinus alloquitur dicens: Adorna thalamum tuum Sion, &c.

Sed diligenter animaduertendum, quòd Sion aliquando accipitur patria cœlestis; aliquando, Virgo singularis; aliquando, Ecclesia vniuersalis; aliquando, anima fidelis. Vnaquæque verò istarum suum habet thalamum, in quo sponsus cubat vespere, & manè & meridie. Si Sion anima intelligitur, manè cubat in ea, quando inchoat in ea charitatem: vespere, quando consummat: meridie, quando inflamat usque ad distillationem ipsius animæ. In Ecclesia verò vniuersali, manè cubauit per fidem Patriarcharum ante legem: meridie, per fidem Prophetarum sub lege: vespere, per prædicationem

onem Apostolorum in tempore gratia. In Virgine singulari, manè cubauit per Annuntiationem Angelicam: meridiè, per obumbrationem Spiritus sancti: vespere, per partum eiusdem Virginis. In cœlesti thalamo, neque manè, neque vespere cubat, sed tantum meridiè. Vnde in Canticis dicitur: *Indica mihi quem diligit anima mea, vbi pascis, vbi cubas in meridiè.* Planè ibi est meridiè, id est, mera dies, quando sol in centro est, pleniorè lucem & calorem reddens: quia in æternitate illa, nullum nubilum vespertinum, nullæ tenebræ abeuntis noctis apparent; sed plena & perfectæ claritas visionis gloriæ Dei: plena & perfectæ charitas amoris Dei.

Cant. 1.
7.

Quomodo ergo huic Sion dicitur, *Adorna thalamum tuum?* Thalamus namque ille cœlestis numquam est non ornatus, nisi fortè quando IESVS in cruce passus est; tunc enim quasi deposuit ornatum suum, quando & ipse sol superiorem sentiens in Virtutibus Angelicis mœstitiam, quodammodo mutauit vultum & habitum, abscondens in sinu suo radios lucis, & faciens tenebras super vniuersam faciem terræ. Est autem cœlestis ornatus in splendoribus Sanctorum, habens diuersa ornamenta vtique in cognitione pulchritudinis & admirationis; serica præferens pallia in nouem ordinibus Angelorum: tapetia varia & depicta in meritis Patriarcharum & Prophetarum: iacinthina pallia in conuersatione Apostolorum: purpurea in sanguine Martyrum: crocea in puritate Confessorum: byssina in integritate & castitate Virginum. Ornatum istum in futuro expectare debemus, non modò explanare quod non sufficimus cogitare.

Habet thalamus iste inter illa quæ de terra nostra allata sunt ei, ornamenta pretiosa super omnibus aliis pretiosiora, tunicas illorum qui non inquinauerunt vestimenta sua, virgines enim sunt & sequuntur Agnum quocunque ierit. Nam & de longinqua terra solent ei venire opes, & peregrinæ merces quæ multum charæ sunt in cœlo, animæ vtique Sanctorum. De sua verò cultura & natiuis opibus sunt Angelicæ Virtutes, quas sola artificis Sapientia manus contextuit mirabiliter. Pinge ô Anima quascumque formas venustiores & pulchriores excogitare poteris, & tamen non dico veritatem, sed nec saltem aliquam imaginationem cœlestis ornatus mutuaueris. Adorna itaque thalamum tuum Sion quia hoc totum puero IESV debetur, hoc eius Matri promittitur.

Insectamus itaque & visum & stylum ad ipsam Matrem Domini, & de suo ornatu faciat festum Deo & Angelis, & hominibus: Deo spectaculum, quando Verbum quod de corde suo eructauit Pater, speculatur, Matris in utero incarnatur, tam non patiens illam suis abesse conspectibus, quàm nesciens elongari à Filii amplexibus. Quando enim à Matre Filii sui oculos suos auertet Pater & Spiritus sanctus, cum omnimoda conuersione Pater sit in Filio, Filius in Patre, Spiritus sanctus in Patre & Filio, nihilominus & in Matre & in Filio? O Virgo Virginum quid est hoc? vbi es? singulari & quodam modo inæstimabili penè immediatè accedis ipsi Trinitati, vt si vllomodo Trinitas illa quaternitatem externam admitteret, tu sola quaternitatem compleres: sed est Trinitas, nec aliquatenus ibi fieri potuit aut poterit quaternitas. Non ergo es vna persona de Trinitate quæ Deus est, quia varia-

E ii,

ria aut alternari non possunt illæ personæ quæ ibi sunt, quia æternaliter sunt quod sunt; nec etiam quarta ad Trinitatem es, quia quartum Trinitati ad æqualitatem nihil est: quid ergo es? vna & prima post Vnitatem & Trinitatem, Mater eius cuius Pater est Deus Pater: Mater eius de quo procedit sicut & à Patre Spiritus sanctus.

* f simpliciter.

Quæ tanta & talis es adorna thalamum tuum Sion: illustrissimus hospes ad te venit Pater, Filius & Spiritus sanctus. Explica si quid plicatum habes, propone si quid repositum, accende si quid extinctum, tege si quid humanum: totum deficiatur, totum illustretur, totum * simplicetur, ad submirationem assumendæ naturæ nostræ sanctificetur; vt quod à Verbo de te assumitur, ante sit sanctum quàm assumptum: Adorna thalamum tuum Sion, vt nihil sit quod Pater abhorreat, nihil quod Filium offendat, nihil quod Spiritum sanctum reiiciat. Pater de sinu suo collocat Filium suum in vtero tuo, Spiritus sanctus fouet & calefacit vterum tuum, & tu quid? Adorna thalamum tuum. Abraham non suscepit tales hospites, non Loth, non quilibet Sanctorum tales taliter suscepit: & si aliquando ad animas Sanctorum Deus ingressus est inuisibiliter dono gratiæ Spiritus sancti, quando & ad quos ingressus est incarnandus vnigenitus Filius Dei? cuius vterus imprægnatus est de Spiritu sancto? cuius caro & sanguis coagulata sunt in carnem Hominis-Dei? Certè nullius nisi Virginis Virginitatis: nullius nisi Sion, ad quam dicitur, adorna thalamum tuum Sion.

Præclarior certè ornatus Virginalis vteri quàm sydera cœli, mundior vterus de quo præscinditur surculus naturæ humanæ, quàm stellifer axis: ornatio mansio Virginalis paradisi, quàm terrestris illius in quo Adam peccare potuit. Adorna ergo thalamum tuum Sion, quicquid vitii est à te propellendo, & quicquid virtutis est acquirendo & possidendo. Præcipue duobus sterne pallis thalamum tuum, humilitatis & virginitatis, & sertum fecunditatis mutua ab hospite Vno & Trino, imò ab illo qui potius mansionarius est apertè quàm hospes & peregrinus: Sic Patrem honorabis humilitate, Spiritum sanctum virginitate, Filium fecunditate; satis est, benè ornata es, neque amplius, neque minus in ornatu tuo inuenitur.

Psal.
23. 8.

Iam ad illam Sion quæ est Ecclesia transeamus, & dicamus ei; adorna thalamum tuum Sion, &c. tam cumulo acervo gloriæ & splendoris venustatur Ecclesia, vt possem appellare etiam oculos impudicos sola admiratione pulchritudinis, nisi ad lucem cæcos offerret oculos vanitatis & infidelitatis: pio & religioso fidei oculo lustra diuersas mansiones fidelium à Deo peregrinantium, & suspende animum à Babylonicis theatris, si vis intelligere decorem illum de quo dicitur: *Domine dilexi decorem domus tue, & locum habitationis gloriæ tue.* Primò attende exuias sanctorum corporum quæ tam venerabiles sunt in honore, quàm fecundæ & vtilis in protectione. Thecas aureas & argenteas præparat eis deuotio fidelium, vt quorum vita & conuersatio fuit sancta & casta, eorum sit mansio decora & pretiosa.

Vide ministeria Angelorum; attende quomodo æmulentur illos illæ dispositiones sacrorum Ordinum, vt quod ab illis impletur vera manifestatione

SERMONES.


39

& manifesta veritate, ab Ecclesiasticis ministerialibus imitetur saltem fidei & pia obumbratione. Quid enim Exorcistæ? quid Cantores? quid Lectores? quid Acolythi? quid Subdiaconi? quid Diaconi? quid Sacerdotes? quid Episcopi? quid Archiepiscopi? quid summus & vniuersalis Episcopus? Nonne choros castrorum faciunt isti, de quibus dicitur: *Quid videbis in Sion, nisi choros castrorum?* Iuxta religionem namque Angelorum & * admirati-
nem illorum totam ministrorum suorum componit Ecclesia militiam: unde etiam orat, fiat voluntas tua sicut in cælo & in terra. Adorna itaque thalamum tuum Sion non contemptibiles personas in ministeriis Ecclesiæ præficiendo, sed quorum vita luceat super terram: quorum prædicatio audiat in omnem terram, & quorum doctrina fulgeat vt sol & Luna.

Cant. 6.
12.
* f. ad-
mini-
stratio-
nem.

Considerate decorem Ecclesiæ in Baptismatis ablutione, in Chrismatis inunctione, in Corporis & Sanguinis Domini consecratione; in multis aliis quæ planius est quotidie videre quàm modò exponere. Adorna itaque thalamum tuum Sion dignè & fideliter Sacramenta Ecclesiastica contrectando, sapienter & eligendis & præficiendis Rectoribus prouidendo, regulariter & piè viuendo, fidem seruando, veritatem tenendo, pacem persequendo. Plura de ornatu Ecclesiæ diceremus nisi ad finem tenderemus.

Iam ad Sion illam quæ dicitur anima fidelis parumper sermonem vertamus, & sic finem faciamus. Petere & mutuare decorem suum & ornatum thalami sui debet anima à Deo, ab Ecclesiâ, à Scriptura diuina. In Scripturis namque quasi in speculo formam suam speculari debet, & cum inuenerit aliquid nigredinis vel turpitudinis in habitu suo, ad Sacerdotes Ecclesiæ concurrat, & de lepra remedium quærat. Deinde à Domino qui fecit cælum & terram, vltimam absolutionis manum suppliciter postulans non recedat donec sanitatem recipiat. Lauet se in confessione, reformat in satisfactione, componat in oratione, adornet in mandatorum obseruatione. O anima adorna thalamum tuum, & suscipe Regem CHRISTVM amore, honore, fide, Sacramentorum perceptione, qui cum Patre & Spiritu sancto viuit & regnat per omnia sæcula sæculorum. Amen.



SERMO.

IN CAPITE IEIUNII.

Memento quia cinis, & puluis es; & in cinerem & puluerem reuerteris. Gen. Sancti Patres studiosa sollicitudine Ecclesiæ Dei inuigilantes; docere; 3. 19.
* orare, studuerunt. Vt esset docta in sermonibus: pulchra in moribus: & * decesse
munita in omnibus actionibus suis. Docta vtique tamquam sponsa illius, hinc vi-
cuius sapientiæ non est numerus. Pulchra nihilominus, tamquam vxor detur, &
eius, qui est candor lucis æternæ. Munita prorsus veluti illa, quæ in monti-
re.

bus habet fundamenta, & est ciuitas Regis potentissimi; cuius fortitudo veluti Rhinocerotis, quod animal alio nomine Monoceros vocatur; propter singulare cornu quod gestat in nare, & nullâ fortitudine vincitur.

Ad hanc itaque Ecclesiæ doctrinam, pulchritudinem & munitionem pertinent cineres, qui capitibus Christianorum hodie imponuntur. Doctrinam vt cognoscamus figmentum nostrum. Pulchritudinem, vt lauemus cor nostrum. Munitionem, vt opponamus aduersario clypeum humilitatis. Vt autem Sacramenti pulchritudo vobis innotescat; non attendamus vilitatem ipsius cineris, sed virtutem veræ humilitatis: nam per cinerem humilitas designatur. Sub exemplo autem id vobis demonstrandum est, vt non in obscuro & latenti sermone simplicitatem quorundam fraudemus.

Exemplum vobis hoc est: Arbor siue lignum frondosum & ramosum fortè occurrit nobis; laudamus & magnificamus proceritatem staturæ; viriditatem frondium; opacitatem ramorum; non post multum temporis succiditur, comburitur & in cinerem redigitur. Vbi est ergo, vbi illa proceritas, vbi viriditas, vbi opacitas? Humiliata est certè gloria illa vsque ad cinerem. Hoc idem de leone fortissimo; hoc idem de equo velocissimo; hoc idem de accipitre rapacissimo; hoc de ipso homine superbissimo. Quid hæc omnia dum viuunt, nisi quoddam lutum, stans & ambulans, comedens & bibens, loquens & ridens, quamdiu anima est in eo? Venit finis, venit mors; & cinis reuertitur ad cinerem; puluis ad puluerem. Quid interim superbit terra & cinis? Aufer extollentiam oculorum ô homo: quia fenestræ istæ citò clauduntur & non aperientur vsque ad diem iudicii. Prohibe pedes tuos à malo; quia tibie istæ colligabuntur vsque ad nouissimum dierum. Retine manus ab effusione sanguinis, à rapina & præda, quia complodentur, & inflexibiles sternerentur in ventre terræ. Omnia membra corporis tui castiga, quia festinatò mors occurrit, sicut equus cum impetu currens ad bellum; vt absorbeat hoc mortale corpus. Quid tunc fiet? in sepulchro reponeris, & siue socio remanebis, donec computrescas.

Gen.
3. 19.

O bone Christiane, antequam veniat tempus illud; *Memento quia puluis & cinis es: & in puluerem & cinerem reuerteris.* Impone capiti tuo cinerem, vt humiliter sentias, & numquam inflatus spiritu mentis tuæ superbias. Memento non vana reuolutione cogitationis perfunctoria, quæ transit vt nubes matutina: sed cum pondere meditationis columbinæ: cum gemitu namque est meditatio columbæ. Vnde ait magnus ille pœnitens Ezechias, cui adiecit Dominus quindecim annos: *Meditabor*, inquit, *vt columba.* De huiusmodi *Memento* loquitur Psalmista: *Nunquid puluis confitebitur tibi, aut annuntiabit veritatem?* Audi remunerationem huius *Memento*: *Audiuit Dominus & misertus est mei: Dominus factus est adiutor meus.* Misertus est ignoscendo præterita. Adiutor factus est, de futuris cautelam subinferendo ex gratia.

Esaie
38. in
Cantic.
Ezech.
Psal.
29. 10.
Psal.
29. 11.
Iob. 10.
9.

Tu quoque dic Deo reciproce, *Memento quaeso, quod sicut lutum feceris me: & in puluerem reduces me.* O conditor Deus, vide introitum meum & exitum meum. Quàm vilis laguncula natiuitatis meæ, cum in vulua genitricis tam spurco & foetido refluxu commisceretur lutum in paterno & materno

SERMONES.

41

materno coitu. Lutum tam vile, quod odoratus vix ferret, nisi immunda delectatio interueniret. O quam vilis ianua! quam despecta porta nostræ natiuitatis & conceptionis. Memento ergo Deus originis nostræ quando peccamus.

Quid enim mirum si immundus sum, qui de immundo semine conceptus sum? Non degenero à prima origine si opera carnis facio: si carnali concupiscentia tentor. Non tamen improprio tibi quod talem me feceris; sed flecto ad pietatem, quod de tam aramposa materia, tam pretiosum animal, propter imaginem tuam creaueris. Si nobilitatem animæ in qua est imago tua, in me consideras, & conuersationem sanctam expetis, rursus considera quodd sicut lutum, secundum corpus, me feceris. Quam iusto oculo à me imaginis tuæ opera exigis; tam pio respice domum luteam, cui eam vinculis pene insollubilibus connexueris. Memento non mirum esse, si lutum sit sordidum. Memento secundum naturam puluerem esse mobilem & dissolutum.

Contaminationes itaque meas & dissolutiones noli tam distictè ferire, ac si essem anima sine corpore. *Nonne sicut lac mulsisti me*, fragili compaginatione elementorum: & *sicut caseum me coagulasti*, soliditate membrorum. *Pelle & carnibus*, tanquam tunicis pelliceis, *vestisti me*. *Ossibus & neruis compegisti me*, veluti basibus & columnis. *Et sic repente precipitas me?* Pro vno gustu vetiti pomi eiiciendo de paradiso; & contra Eden, id est paradysum collocando: *Memento quæso quod sicut lutum me feceris*: vt cum iratus fueris misericordiæ reminiscaris: & seueritatem iustitiæ tuæ temperet fragilitas conditionis meæ.

Iob. 10.

10.

11.

8.

8.

Iob. 10.

Sicut opponis mihi, *Memento quia cinis & puluis es*, ne superbiam: sic tibi obicio, *Memento quod sicut lutum feceris me*, vt compescas iram tuam. Ego in signum recognitionis cinerem in capite accipio: Tu noli ferire animam insignitam huiusmodi signaculo. Fortè audaciùs & confidentiùs loquor; ibi gladium tuum non timeo, vbi crucis & cineris vexilla porto. Hoc scuto, & hac galea, tibi, non contra te, milito. Tuum militem, etsi inertem, occidesne, & non defendes? Ecce sub signis tuis milito; tu proteges sub vmbra alarum tuarum, CHRISTE IESV, qui cum Patre & Spiritu sancto viuis & regnas in sæcula sæculorum. Amen.

Gen. 3.

Iob. 10.

SERMO II.

IN CAPITE IEIUNI.

Memento quia cinis & puluis es, & in cinerem & puluerem reuerteris. Hæc admonitio sufficit nobis, & ad pœnitendum de præteritis, & ad dolendum de præsentibus, & ad abstinendum à futuris. Hæc tria, Fratres charissimi, valde sunt necessaria; vt nobis propitiatur illa Dei propitiatio, illa

Gen. 3.

19.

F

copiosa redemptio quæ apud Patrem pro nobis quotidie interpellat, gemitibus inenarrabilibus. Vnde Iohannes: *Aduocatum habemus apud Patrem, IESUM CHRISTUM, qui est propitiatio pro peccatis nostris.* Et Apostolus Paulus: *Spiritus orat pro nobis gemitibus inenarrabilibus.* Dei autem adiutores sumus, si pœniteamus, si doleamus, si abstineamus. Quid itaque veniat in pœnitentia; quid in dolore, quid in abstinentia, videamus. Et primò videndum quid sit pœnitentia.

Epist. 9. Pœnitentia est, vt ait Gregorius, *commissa flere, & flenda non committere.*
 p. 39. & Nam qui sic alia peccata deplorat, verumtamen alia committat, pœnitentiam
 homil. agere aut ignorat, aut dissimulat. Isidorus: *Irrisor est quid adhuc agit quod*
 34. pœnitet; nec videtur Deum poscere subditus, sed subsannare superbus. Au-
 lib. 2. gustinus: *Inanis est pœnitentia quam sequens coinquinat culpa: nihil pro-*
 sent. c. 3. *sunt lamenta, si replicantur peccata.* Gregorius: *Qui admissa plangit, ne-ctamen desinit, pœna grauiori se subiicit.* Satis ex autoritatibus his intelligere potestis quid sit, vel qualis esse debeat pœnitentia. Qui autem pœnitet, secundam tabulam post naufragium tenet: sicut enim in baptismo deletum est quidquid culpæ præcesserat; sic per pœnitentiam deletur reatus qui de peccato remanserat. Vt itaque pœnitentiam agas, memento quia cinis & pulvis es.

Gen. 3. 19. Non es lapis, non ferrum, non testa: sed pulvis & cinis. Si lapis esses, flecti ad pœnitentiam non posses. Si ferrum, durus & indomabilis esses; si æs, quàm contumax in deffensione erroris remaneres. Si testa, nullo igne liquefceres. Sathan ferreus est, Pharaos lapideus, Adam æreus, Iudas testaceus. Petrus verò, Dauid, Maria Magdalena, cinerem se recognoscunt: & quid faciunt; in amaritudine pœnitentiæ effundunt se in terra, humiliantes se vsque ad puluerem. *Humiliata est, inquit, in puluere anima nostra, conglutinator est in terra venter noster.* Inde est quod Petrus nominatim exprimitur in resurrectione; vbi dicitur: *Ite, dicite discipulis eius & Petro: quia præcedet vos in Galileam.* Stimulum conscientia qui remanserat in culpa negationis, à corde verè pœnitentis exclusit & excussit Deus, qui non connumerat illum inter alios, sed præ aliis gaudium resurrectionis illi per Angelum mandat. Iam enim mens apostolica, fortè præ confusione facti, pascere hœdos vix delegerat, nec ad Sanctum illum conuentum redire audebat.

Psal. 21. 17. Quid tu Dauid? quid dicis de te ipso? *Ego sum vermis, & non homo: opprobrium hominum, & abiectio plebis.* Sed tu mulier, in ciuitate peccatrix, qua fronte, frontem Saluatoris aspicias? *Non aspiciam, inquit, hominem ultra,* ne dicam Deum & hominem: secus pedes, post hostium, post parietem, prostrabo me ipsam, quia pulvis & cinis sum, tota combusta incendio laboriosæ concupiscentia vsque ad fauillam & cinerem. Quæ hætenus conculcata sum vt lutum platearum: nunc ad pedes Plasmatoris mei, aliud componam lutum; non de salina, sed de lacryma mea; recordata vtique, quia sum pulvis & cinis, & effudi in me animam.

Reuera sicut prodigus dissipauit omnem substantiam suam viuendo luxuriosè cum meretricibus: sic ego deuastaui omnia ligna paradisi Dei mei, id

SERMONES.

43

est, omnia dona gratiæ & naturæ; flagrans illo igne qui ardet vsque ad inferni nouissima. Quot scintillas illiciti amoris euaporaui! quàm cellam feci flammam; quàm grandem syluam stultorum consumpsi: quot prunas; quot carbones in sinu multorum congeffi! sed jam tandem ad fauillam declinaui, & cinerem emortuum mihi retinui. Memoria malorum cinis, non qui spargendus sit in ventum, ne cæcitatem operetur oculorum; sed qui recolligendus est in facculo cordis, & miscendus aquis ad ablutionem pannorum mulieris menstruata. Sic enim præcepit mihi Dominus: *Peccatorum*, inquit, *tuorum iam non recordabor*: ecce dimissa sunt peccata tua, quoniam dilexisti multum; tu autem memor esto. Inde est quod dicitur: Memento quia cinis, & pulvis es, &c. Iam de pœnitentia auctoritates sanctorum vobis, Fratres charissimi, proposuimus: de dolore cordis, & confusione exempla adduximus. Restat nunc de abstinentia, aliqua prosequamur.

Esaiæ
43. 25.
Gen. 3.

Abstinentia verò duplex est. Abstinentia à cibo, & abstinentia à malo. Prior verò est abstinentia à malo, secunda à cibo: illa nullo tempore relaxanda, hæc pro tempore remittenda. Est enim sicut arcus, qui nec semper intenditur, ne deficiat; nec semper remittitur, ne officium suum perdat. Sic abstinentia cibi, cum modo & ratione tenenda est; vt propter vitia extenuanda seu mortificanda ieiunetur: pro reparatione verò naturæ, corpori, congruo tempore indulgeatur. Epularum siquidem abundantia, & ciborum repletio, fomentum parant titillationibus & incentiuis carnis. Vnde Ieronymus: Venter distentus cibo, despumat in libidinibus. Mordaciter quidem, sed veraciter hoc dictum est: nam quasi scopulis illisa esca in interioribus & receptaculis ventris, spumam ex superfluis, tam per superiora, quàm per inferiora emittit.

Cum ergo extenuaueris illas concretiones humorum paritate cibi; minores molestias senties in egestionem, siue retentionem illarum. Cibo multo velut cinerum congerie superiecta, sensus sopitur: ingenii acumen obtunditur: vigiliarum excubiæ in somnum declinantur, & tota virtutum familia lethargum patitur. Abstinentia verò contraria operatur, penna velociori extollens, quidquid animæ marcidum fuerat; totum reuirescere faciens truncum animæ, cuius rami aruerant hyemali negligentia & torpore: hoc de abstinentia ciborum.

De abstinentia verò à malo, quid ampliùs dicendum cum pene nihil aliud scriptura moneat? *Declina*, inquit Psalmista, *à malo & fac bonum*. Quod Psal. nobis facere præstare dignetur Deus, & Pater Domini nostri IESV 36. 27. CHRISTI, qui viuit & regnat per omnia sæcula sæculorum. Amen.



DOMINICA PRIMA QUADRAGESIMÆ.

S E R M O.

Math.
4. 1.

D *Vetus est IESVS in desertum à spiritu ut tentaretur à Diabolo. Quando procedendum ad bellum, Archa præcedebat populum; quia ante faciem nostram CHRISTVS Dominus, tamquam Gad accinctus præliatus est; cum tentatus est per omnia pro similitudine carnis peccati, tamen absque peccato. Membra huius capitis, filii huius Patris sumus, quicumque ex aqua & Spiritu sancto regenerati sumus. Caput membra regit, pater filios erudit. Membra quoque caput sequuntur, & filii patrem imitantur. De membris dicitur; quia Si quid patitur unum membrum; compatiuntur omnia membra, propter vinculum unitatis, & moderamen capitis. De filio identidem dicitur, Quia quicumque pater fecerit; hac eadem & similiter filius facit.*

1. Cor.
12. 26.
Ioan. 5.
19.

Specitemus itaque caput & Patrem nostrum, tamquam principem belli, qualiter cum hoste confligat, quàm dispensatiuè iacula inimici excipiat, quàm patienter perferat, quàm sapienter depellat. Non excipit nolens; non sustinet inuitus; non reiicit impatiens; non relidit in iacentem temerarius; non formidolosus fugit tentatorem, sicut nec proditorem, aut crucifixores, nec contumeliâ afficit audentem tentare, sed ratione contradicere; non instantiâ tentationis succumbit tentatori, sed moderata responsione primò instruit, dicens: *Non in solo pane viuit homo: sed in omni verbo quod procedit de ore Dei.* Secundo malè interpretantem scripturas reprehendit, dicens: *Non tentabis Dominum Deum tuum.* Tertiò procacem & proteruum confundit dicens: *Vade Sathana.* Sic malitiæ iacula in scuto patientiæ excipit incarnata Dei Sapientia: & non in clamore obtinet victoriam de hoste, sed in ratione, & scripturarum auctoritate. Sic David contra Goliath: sic Samson contra leonem & vrsu: sic Gedeon contra Amalech, sic Moyses, sic Iosue contra Pharaonem, contra Seon & Og, contraque aduersarios populi pugnant, & eos expugnant. Omnes isti fortes ex fortissimis Israël, tenentes gladios, & ad bella doctissimi, sicut turris Libani, quæ respicit contra Damascum, id est, contra diabolum, qui sitit sanguinem animarum.

Matth.
4. 4.
4. 7.
4. 10.

Sed ut ad nostras veniamus phalangas, & stationes hostium consideremus; & quanta congestione armorum machinas erexerunt, superspeculemur: tunc enim quæ bello sunt necessaria cogitabimus; si hostilem virtutem sufficienter aestimauerimus. Attendite ergo, Fratres charissimi, principes tenebrarum loricos & galeatos, in equis & curribus gestatos; gestantes arma bellica, ab omni vento cæli venientes & concurrentes ad debellandum populum Christianorum; & præcipuè congregationes Religiosorum: *Hi in chr-*

Mal.
19. 8.

ribus, & hi in equis: nos autem in nomine Domini Dei nostri inuocabimus.

Statuamus ergo in sinistra parte illos tamquam hædos fœtentes, sed & leones fœuientes: principes, scilicet, tenebrarum, qui cum exercitu suo, & gente pessima statuerunt contra nos castra. Ad dexteram verò occupemus munitiones vexilli triumphalis: quoniam vias quæ à dextris sunt nouit Dominus & Dominus à dextris est mihi ne commouear. Interponatur quoque alueus Pl. 15. 8.
baptismalis inter castra & castra. Vrbs fortitudinis nostræ, turris Sion propè sit nobis ad refugium, quia illis est turris confusionis, & ciuitas quæ Babylonia appellatur: illi in robore confidunt, & brachio suo. Nos neque in arcu, neque in hasta, sed in nomine Domini faciemus virtutem. Iudas alligauit ad vitem pullum suum, id est, corpus suum in passione tradidit, erit dux belli, & cum eo Dauid percussit decem millia in millibus suis, triumphans in corpore suo super lignum Crucis, potestates aërias, necnon & Samson, qui interpretatur sol eorum, & suffocauit propria manu leonem illum qui circuit quarens quem deuoret. Gedeon etiam rogandus est, vt nobiscum veniat cum trecentis signatis in fronte signo crucis, qui non flexo poplite lambuerunt aquas.

Abraham denique pater multarum gentium, cuius & nos filii sumus; nonne & ipse cum trecentis vernaculis suis venit in auxilium nostrum. Moyses qui educit populum de Ægypto, & ipse valde est utilis nobis in hoc bello. An non & Iosue secum adducet principem militiæ, vt sit robustus bellator coram Domino? Cum omni fiducia bello nos immisceamus, si tales duces & principes in castris Domini habuerimus. Sed antequam assultum faciamus, acies aduersariorum qualiter procedant depingamus. Tyrannus quidam qui habet septem diademata, id est vniuersam malitiam in capite suo, sedens in cathedra pestilentie, conuocatis principibus & satrapis suis, dolos & fraudes concinnat, diffidens de viribus aduersus palæstram nostram. Tamen & multâ licentiâ acceptâ ab eo sine cuius permissione non oppugnaret nos, & sine cuius auxilio non expugnaremus eum; abutitur ea infringens habenas maxillarum suarum, quibus constringitur, ne tantum nocere possit, quantum velit. Æstimemus igitur sicut dignoscere per umbram possumus: Immo aliquando & per experientiam, quæ sint illæ potestates; qui principatus tenebrarum harum, qui militant sub illo principe militiæ diabolo.

Princeps principum pestilentiosior occurrit superbia, cuius nomen declinatur genere fœminino, sed malitia eius non declinatur etiam à genere masculino. Sub hasta sua incuruat colla superbiorum & sublimium: & ipsa triumphat de regibus, de nobilibus, de prudentibus secundum carnem, de Sanctis & Religiosis, de omni genere hominum qui mouentur super terram. In equo velocissimo sedet, qui mobilius est omni vento, adeo vt præcurrat super pennas ventorum, vt pene non sit qui se abscondat à squalore eius. Tyrannus iste primus occurrit in acie Christianæ militiæ, & vltimus recedit. Ante luciferum surgit ad pugnam, & nec post vesperum quiescit. Quocumque te verteris, aut tergo inlidet, aut faciem possidet. Aliquando enim superbia scientem, & animaduertentem inflat. Aliquando etiam non percipientem maculat. Hæc regina Amazonum quæ bello muliebri, non fragi-

litate, sed mollitie, multa virorum regna & terras sibi acquisiuit. Hanc iuuenes; hanc senes; hanc adolescentulæ; hanc vetulæ; hanc Clerici; hanc Canonici & Monachi; hanc ipsi Eremitæ nec in cinere & cilicio declinant: sed horum plurimi simulantes fugere, magis sequuntur eam. Mirum est, quod quicumque corde illi famulantur, magis eam voce detestantur.

Hæc tota virtute & audacia sua, aciem humilitatis subuertere attentans, ipsum IESVM aggreditur; & dissimulatione eius diutius perpeffa, nec eatenus iusto talione reperiussa, tandem quod in vase illo fictili seu vitreo corporis IESV continebatur, sensit & recessit; nam stare non potuit, quæ vno pede venit, sed illo fracto, cum nullo abiit. Cum enim diceret: *Hæc omnia tibi dabo, si cadens adoraueris me*: supra se promittens; & non sua sed eius, cuius erant quæ promittebantur, illi ostendens: relisa scopulo veritatis, & elisa cum suo bene merito pudore, abcessit: mentita est enim superbia sibi. *Vade*, inquit *Dominus, Sathana*; *scriptum est, Dominum Deum tuum adorabis, & illi soli seruias*. Forti pugione isto, vsque ad ipsa vitalia, defixa superbia; quasi de vita desperans, grabato infernali se contulit: deinceps futura vilior etiam inter sorores siue filias nequissimæ stirpis.

Præmiserat autem quasi minoris roboris, duas sorores siue filias, eadem superbia. Reuerà præ superbia sua dedignata prima egredi, gulam, scilicet, & inanem gloriam. Gulæ ergo & vanæ gloriæ vt intorquerent iacula, & murum abstinentiæ suffoderent, iniunxit: & post si dignum esset, venturam se spondit. Gula ergo vna de plebe, sed multa in plebe, nam per suas gulas non singulos, sed plurimos possidet. Gulam non gulosam IESV atrectans, tractu consuetudinario putauit se lenire illam, & demulcere vt peteret escas, non de consuetudine tantum esurientis, sed & de potentia miracula facientis. Tentauit ergo gula de gula Dominum, vt ex proprio desiderio gulæ, nouo miraculo de lapidibus panem faceret. Sed nec gula ita vgebatur panem qui de cælo descendit, vt pro pane de lapide faceret panem: nec tentator adeo præualuit, vt signa Deitatis in hoc præriperet, & aliquatenus de Deo homine certior fieret.

Elisa itaque tentatio gulæ & elusa, deinde sequitur inanis gloria, quæ tam ex victoria, quam ex abstinentia, plerumque infesta est aliis hominibus. Euaquare ergo quærit in CHRISTO veram gloriam, inanis gloria; dum ad fauorem ostentationis, deorsum se mittere suggerit; qui gradus habebat, quibus decenter descendere poterat. Inane prorsus hoc esset; quia sine causa fieret: & ista secundo lapide redargutionis, de vase pastoralis à Dauid percussa & repulsa, sequitur illa quæ extollitur super omne quod dicitur Deus, aut quod colitur: ita vt in montem excelsum, ostendat omnem gloriam mundi, & dicat: *Hæc omnia tibi dabo si cadens adoraueris me*. Hæc quoque, tertio lapide peremptorio de eodem vase pastoralis, in fronte vulnerata, victoria secuta est; & cum triumpho Angeli accesserunt & ministrabant ei. Redeamus ad nostra à castris Dei; & sub eodem Rege, eadem lege, cum eodem hoste, videamus quomodo dimicemus.

Iam verò dictum est de illa, quæ ambulat in equis, sed & aquis vehementibus, superbia; cuius lorica impenetrabilis, cuius hasta penetrabilis; cuius sella

variabilis; cuius equus valde mobilis; cuius scutum mirabiliter depictum; cuius totus apparatus satis appetibilis, si non esset damnabilis. Alio tamen ordine contra nos mouentur, quàm contra caput nostrum: quia vident nos ampliores in præsumptione, & imbecilliores in congressione. Cursum itaque, & incursum faciunt; non eodem semper ordine, sed aliquando mutato, ex industria, ne discamus semitas illarum, & cautiore efficiamur. Modò itaque vrget ante alios calcaribus equum suum, inanis gloria: modò inuidia: modò ira: modò tristitia: modò auaritia: modò ventris ingluuies: modò luxuria. Vide assecclas habere & collaterales inanem gloriam, secundum genus suum (quæ cum illa, & post illam cinerem commouentes, improvise efferuntur; & lanceis suis vulnerant nos) inobedientiam, iactantiam, hypocrisim, contentionem, pertinaciam, discordiam, præsumptionem, nouitatem: cinifes isti quàm grauer terebrant oculos animæ: & prædones isti quàm auarè diripiunt substantiolam nostram, vsque ad corrigiam caligæ. Fures isti quàm subito dormientes comprehendunt, & apprehendunt.

Est autem familia, & familia seorsum. Familia inanis gloriæ seorsum, familia inuidiæ seorsum, quæ est odium, susurrium; detractio; exultatio in aduersis proximi, afflictio in prosperis. Familia iræ seorsum, quæ est rixa; tumor mentis; contumelia; clamor; indignatio; blasphemia. Familia tristitiæ seorsum, quæ est malitia; rancor; pusillanimitas; desperatio; torpor; vagatio mentis. Familia auaritiæ seorsum, perditio; fraus; fallacia; periuria; inquietudo, obduratio cordis contra misericordiam. Familia ventris seorsum, quæ est inepta lætitia; scurrilitas, immunditia; multiloquium; hebetudo mentis. Familia luxuriæ seorsum, quæ est cæcitas mentis; inconsideratio; inconstantia; præcipitatio; amor sui; odium Dei; affectus præsentis sæculi; horror vel desperatio futuri.

Ecce istæ sunt familiæ vitiorum, in quibus non est deficiens, nec soluitur cingulum de renibus earum. Cum vigilantibus bellum habent continuum: quinimo somnos interrumpunt, vel interdum fœdâ imaginatione corrumpunt. Vnde tot phantasticæ illusiones dormientibus subrepunt; nisi quia immittuntur immisiones malæ, per Angelos malos? Sed quia iam sermo excedit modum; etsi non omnes familias virtutum, saltem principes, id est principales virtutes opponamus castris Philistinorum; quatenus sub alis earum deffensi, captiuitatem & pericula omnia effugiamus.

Illa ergo virtus, in qua pendet omnis ordo præceptorum; & quæ non impar est in velocitate, quàm in omni probitate & fortitudine, illi cuius arrogantia est plusquam fortitudo eius: illa inquam, ordinata vt castrorum acies; proferat familiam suam in arma lucis; & subita coruscatione fuget inualidam gentem tenebrarum. Disponat quoque per familiam, & familiam choros sequentium, & cum illa procedentium ad bellum. Hæc est Charitas.

Humilitas cum sua familia recto tramite incedat & oppugnet inanem gloriam. Deinde dilectio proximi cum familia sua irruat in castris inuidiæ, & debellet eam vsque ad mingentem ad parietem. Post hanc pax cum familia sua, iram vincat, & nullas ex ea reliquias relinquat. Videns gaudium spiritus, sorores tam nobiliter de aduersariis triumphare;

accedat cum familia sua, & tristitiam exterminet de omnibus finibus suis, possidens portas inimicorum suorum. Corde dilatato eleemolina larga, cum familia sua auaritiam, quæ est idolorum seruitus amputet, vt memoria eius non remaneat sub cælo. Tot victoriis adeptis, quæ custodia bonorum hominis est tamquam habens clauem in manu sequatur abstinencia, & compescat ventris ingluuiem, sicut Nabuzardan principem coquorum regis Babyloniar. Soror charissima cum ista veniat castitas, & triumphum compleat; in quo infernus gemit, & cælum gaudeat. Quod nobis præstare dignetur IESVS CHRISTVS Dominus noster, qui cum Patre & Spiritu sancto viuunt & regnant in sæcula sæculorum. Amen.



S E R M O.

Feria sexta post Dominicam primam Quadragesimæ.

Ioan. 5.
1. 2. **E**Rat dies festus Iudæorum; & ascendit IESVS Ierosolymam. Est autem Ierosolymis probatica piscina quæ cognominatur hebraicè Bethsaida, quinque porticus habens. Peccatum quod de malitia prodiit & origine, suam in multas propagines natiuam malitiam dilatauit. Primo suo partu pœnam actori suo homini genuit laborem, & dolorem inuenit, ærumnas multiplicauit, & dies festos de felici paradisi habitatione, & creatoris sui familiaritate, in luctum huius peregrinationis conuertit. Inde dies isti nubis & caliginis, dies mali & parui, dies afflictionis & mœroris, dies incerti, & qui velut umbra transeunt; miseria sua miseros faciunt; amaritudine amaros; sterilitate infœcundos; vanitate vacuos & infructuosos. Quomodo ergo erat dies festus Iudæorum.

Ioel. 1.
5. **I**ohel Propheta in initio libri sui dicens: *Expergiscimini ebrii, & flete, & ululate omnes qui bibitis vinum in dulcedine, quoniam perit ab ore vestro:* causas subsequentes adiungit, vnde populo illi sint dies non festi, sed doloris, addens. *Gens enim ascendit super terram fortis & innumerabilis: dentes eius ut dentes leonis: & molares eius ut catuli leonis. Posuit vineam meam in desertum, & ficum meam decorticauit: nudans spoliauit eam & proiecit: albi facti sunt rami eius. Plange quasi Virgo accincta sacco, &c.*

Gens ista fortis & innumerabilis, quæ ascendit super terram, ad litteram est eruca, locusta, bruchus, rubigo: moraliter passionis carnis & vitia animæ, quæ super terram ascendunt; cum peccatum regnat in corpore nostro mortali, ad obediendum desideriis eius: & tunc ponit vineam in desertum, cum animam ad imaginem & similitudinem Dei factam, ad botros & vuas mandatorum & contemplationum Dei propagandas, suggestionibus suis, humorem gratiæ detrahens, bonitate Dei vacuat, & radices boni operis nequiter extirpat; ficum quoque decorticat, quando abundantiam dulcedinis Domini, non solemnitate, sed superficie exterioris habitus exturbat, nudans expoliatur

SERMONES.

49

expoliat: sicut Ihericontini latrones descendentes ab Ierusalem in Iherico expoliauerunt: quando bona naturalia sic imminuunt, vt nec apud Deum, nec apud homines gratiam relinquat. Proicit, sicut illi qui *plagis impositis* Lucæ 10.30. *abierunt semiuino relicto*: quando abominabilem ita efficiunt, vt etiam Pharaoni fœtere dicatur: nec ullus seductori labor ultra sit; cum talis, quasi bos ductus ad victimam, sequatur diabolus; & adhæreat peccato, vt non possit implere ventrem suum de siliquis quas porci manducant.

Albi facti sunt rami eius. In hypocritâ fortè occulta dedecoris tegentes; Ioc. 1. 7. velequum pallidum quem mors sequitur, equitantes. Quod si quatruiduane iam fœtens, habens sororem MARIAM pro te lachrimantem, cui dicitur: *Plange quasi virgo accincta sacco*; Iudæus, id est, confitens factus fueris, quia confessio secunda tabula est post naufragium, noctem conuerteris 8. in diem; mœrorem in lætitiâ; & erit dies festus Iudæorum, sicut in eodem Propheta post pauca sequitur; *Filij exultate & lætamini in Domino* Ioc. 2. 23. *Deo vestro; quia dedit doctorem iustitiæ; & reddam vobis annos quos comedit locusta, & rubigo, & eruca.* Nam vera confessio & pœnitentia; sicut Maria & Martha suis meritis, etiam quatruiduanum fœtentem Lazarum, propter locustam, erucam, & rubiginem, id est, gulam, luxuriam, inuidiam, & detractionem de sepulchro, reuocant. De ventre ceti Ionam recipiunt; & de ore leonis extrahunt.

Ecce dies festus Iudæorum cui accurrit pater prodigi, cui interest IESVS; quia sine IESV Ierolymis, hoc est in ciuitate Sancta, in congregatione Sanctorum, in confessione peccatorum, non est venia, non est lætitiâ, non est solemnitas, & dies festus Iudæorum. Nè autem sterilis & vacua, inanis & arida sit ista solemnitas confitentium: sequitur vnde sit omnis virtus pœnitentium.

Est autem, inquit, Ierolymis probatica piscina, quinque porticus habens. IESVS, quem in confessione tanquam serpentem debes aspiciere, Ioc. 5. 2. est piscina plena aqua gratiæ, in qua lauantur hostiæ quæ Deo sunt immolanda. Habet certè quinque porticus, quinque plagas corporis sui ad reponendos pullos quasi modo genitos, infantes desideriorum nostrorum: ad hospitandos à paradiso aduenas; pauperes spiritu, & peregrinos. Ad emanandas emissiones delictuarum paradisi; ad excipiendos fugitiuos, quinque sensus nostros à formidine maiestatis in fossa petra, quæ est CHRISTVS passus, fugientes ad testes de redemptione nostra contra diabolus, duos vel tres producendos; quia *in ore duorum vel trium testium stat omne verbum.* Vnde Apostolus: *Si Deus pro nobis, quis contra nos? In his iacebat* Matth. 18. 13. *multitudo languentium, cecorum, claudorum, aridorum, expectantium aquam.* Rom. 8. 31. *motum.* Beati qui vigilant ad fores istas, conseruant ad fores huius ostij, Ioc. 5. 3. quod est in cœlo apertum. *Qui enim mane vigilauerint ad me* (ait siue anima IESV, siue Diuinitas habitans corporaliter in piscina ista, id est in homine IESV, quæ hebraicè dicitur Bethsaida, id est domus frugum, id est virtutum; vel domus venatorum, id est, peccatorum de campis syluæ mundanæ) *inuenient me.* Hic enim puteus satietatis, vel puteus septimus, vbi diuinitas, vbi anima, vbi corpus quinque plagis quinquepartitum. Si-

G

tiuit ad te ô putee satietatis, anima mea quàm multipliciter, & caro mea, quæ languida est, quæ cæca, quæ clauda, quæ arida; sed tamen expectat aquæ motum. Adhuc sitio aquam illam quæ de illo latere, tamquam à dextro latere altaris, exiuit semel in cruce.

Frequenter in vera confessione, & cordis contritione, in Iordane isto Nahaman leprosus septies se lauit, & restituta est caro illius sicut caro pueri; quia tria & quatuor scelera Damasci animam illam non condemnabunt, quæ à septem criminalibus fuerit sanata, & de quibuscumque venialibus compuncta. Si languore aliquo quasi præoccupata detenta es, ô anima, aquæ motum iuxta piscinam deuotè, id est, diuinam miserationem patienter expecta; quia & si moram fecerit, tamen veniens veniet. Cor, enim, contritum & humiliatum non spernet. Si cæca viam pacis nesciens, sicut cæcus in via nec voluntatem Dei, nec teipsum cognoscens; non minoris est efficaciam hæc aqua, quàm salua, quæ luto facto, cæcum à natiuitate illuminauit. Expecta ergo aquæ motum. Si clauda neruo femoris percussio, ita quod rectas nunquam semitas tenueris, clama; *Sicut cernus desiderat ad fontes aquarum; ita desiderat anima ad te Deus.* Si arida exfors diuinæ gratiæ, accede ad thronum gratiæ dicens: *Anima mea, ô Deus, sicut terra sine aqua tibi;* & statim conuertetur in exitus aquarum.

Psal.
41. 2.
Psal.
141. 6.
Ioan. 3.

Sed quis mouet hanc aquam? Angelus; sic enim sequitur. *Angelus autem Domini secundum tempus descendebat in piscinam, & mouebatur aqua.* Angelus iste qui commouet aquam, vel Angelus est nobis à Deo datus, qui mouet supernæ pietatis viscera, ex iniuncto sibi officio diuinæ gratiæ, gemitus nostros referens, & miserabiles æstus tam de nostra fragilitate, quàm de peccati stimulatione: vel ipse magni consilij Angelus, qui seipsum ingenta bonitate, cuius natura bonitas, mouet; sicut viscera Ioseph super fratre suo, continere se non poterant; & pluit super nos misericordias fideles, misericordias ab æterno, & vsque in æternum; vt sanet omnes infirmitates nostras, & confoletur nos ab operibus nostris. Vel Angelus est Spiritus gratiæ & precum qui à Patre, Filioque procedens, orat pro nobis *gemitibus inenarrabilibus*: nec sine ista ineffabili motione, quæ nobis datur datum optimum, & donum perfectum, ad nos venit.

Ag. 1.
7.

Ipsa eius missio, est ista eadem totius Trinitatis motio, misratio, quam expectat multitudo magna prædestinatorum, & saluandorum, adhuc tamen languentium naturali necessitate, cæcorum errore, claudorum affectu, aridorum deuotione expectantium aquæ motum in spe veniæ: non enim cum obseruatione venit regnum Dei; de quo dicitur: *Non est vestrum nosse tempora, vel momenta quæ pater posuit in sua potestate;* vt quasi nostrum sit metas ponere potestati supernæ quando fluat piscina, quæ sicut vbi vult spirat, sic & quando vult. Expecta ergo motum aquæ; vt nunquam ab oratione cesses & expectatione, donec veniat gratia: habet enim horam suam sicut Dominus ait Matri suæ. *Nondum venit hora mea.* & in passione: *Venit hora vt clarificetur filius hominis.* Vnde benè dicitur, *Angelus domini secundum tempus,* id est, suæ voluntatis & prædestinationis, *descendebat in piscinam, & mouebatur aqua.*

Ioan. 2.
4.
Ioan.
12. 23.
Ioan. 3.

S E R M O N E S.

51

Non perfunctoriè dictum est : *Secundum tempus*. Omnia enim tempus habent, vnde & de Machabæo dicitur : *Videns Ionathas quia tempus eum inuaret; misit Romam renouare amicitiam*. Apostolus quoque ait : *Quia Christus secundum tempus pro impiis mortuus est*. Iuxta hunc sensum in Numeris legitur, Quod exules, & profugi ante mortem Pontificis, nullo modo in vrbes suas reuerti poterant. Quid enim mors Pontificis nisi aquæ motus, quando commota est ciuitas, & contremuit terra; quando cæli de cardine suo moti sunt; quando dicunt Angeli surgamus ex his sedibus; quando vertiginem passus est mundus? & hoc totum secundum tempus beneplaciti Dei: sicut dicitur : *Tempore accepto exaudiui te*.

1. Mach.
12. 1.
Rom.
5. 6.

Moueatur aqua nouitate religionis: efficacîa religionis: miraculorum multiplici admiratione: patientiæ insuperabili virtute: publicanorum & meretricum familiaritate: superborum, Scribarum, & Phariseorum intrepida increpatione: omnium quæ vellet facere & dicere facillima possibilitate: Dei patris æterna generatione; sed motâ aquâ, mortua est vita. Inualuit enim populi seditio, & facta est in IESV animæ & corporis solutio. Quid tunc? Certè piscatio bona, & copiosa innumerabilium piscium consecuta est sicut vulgò dicitur; quia bonum est piscari in aquam turbidam.

Isaie
49. 8.

Inde sequitur : *Et qui prior descendisset in piscinam post motionem aquæ, Ioan. 5. sanus fiebat à quacumque tenebatur infirmitate*. Periculosa est ad Dominum veniendi mora, quia tollit Esaii primogenita sua. *Non tardes*, ait scriptura, *conuertere ad Dominum*. Inde etiam David post mortem Absalon repetens Ierusalem, mittit ad maiores natu Iuda, dicens: *Cur venitis nouissimi ad reducendum regem in domum suam? Fratres mei vos, os meum & caro mea vos*. Idcirco Maria Magdalena, tamquam canis Tobie, qui similiter fuerat in via, quasi nuntius resurrectionis ad Apostolos veniens, bladimento suæ caudæ gaudebat dicens : *Quia vidi dominum & hæc locutus est mihi*. Hæc vespere Sabbati: hæc cum adhuc tenebræ essent venit ad monumentum, descendens in piscinam post motionem aquæ, post passionem Domini; & sanata est à quacumque detinebatur infirmitate, non peccati, sed dubietatis.

Ioan. 5.
Eccli.
5. 11.
2. Reg.
19. 11.
Ioan.
20. 18.

Nè tamen quod dicitur, *Quicumque prior descendisset, sanabatur*; incongruè accipiatur: intelligendum est, quod sanè prior descendit, qui antequam vitâ decedat, sacro baptismo regeneratus, in Dominum fideliter credit. Prior enim, id est, prius descendit in piscinam, quàm in gehennam. Sed quia superius hanc piscinam, propter festum Iudæorum, confessionem significare diximus; quomodo confessio piscina sit, & quinque porticus habeat, iuuante Deo, dicamus. Nomen piscine, rem quam quatimus loquitur; cognominatur namquæ * *Bethsaida*, id est, domus venatorum, vel * *He-* domus frugum. Dicitur etiam græcè *Probatrica*, id est, ouicularis, quia probraicè. baton ouis interpretatur. Apud nos piscina vocatur locus concauus, siue lapis sepositus ad aquam excipiendam expiationum calicis, corporalis, pallæ altaris, & omnium sacrorum vasorum, & manuum sacerdotalium, post immolationem dominici corporis & sanguinis. Apud Iudæos non multum

Ioan. 5.
He-

G ij

disfimilis, pro sacramentorum tamen varietate, alterius faciei & capacitatis. Ibi namque, oves, vitulos, arietes, hædos, & cætera animalia quæ immolationi deferebantur, lauabant & expiabant.

Hæc omnia aptissimè congruunt Sacramento Confessionis. Lapis concavus siue locus sepositus est Prælatus, cuius vita sanctior; compassio diffusior; scientia profundior; compunctio affluentior, abundantior; abstinentia austerior; & ad confouendos peccatores sinus largior; atque ad celanda commissa pertusus in parte inferiori, ut peccatum absorbeatur pœnitentiâ, & sepeliatur ab omnium dæmonum notitia. Lapis hic non sit sine aqua & misericordia; quia nec Iacob inunctum dimisit lapidem, cui tota nocte caput suum condiderat: habeat itaque aquam compassionis, quâ confricetur conscientia peccatoris; nec in aqua defluat; sed affluat lapis sibi, piscina sit peccatori. Superfundat orationem, & consolationem, & effundat sordes & rubiginem. Benignitatis Dei superius ostendat latitudinem: iudiciorum Dei inferius non taceat districtiorem. Attendat præceptum legis, quod mandauit Dominus Moyli: *Aurum, argentum, æs, ferrum, stannum, plumbum, & omne quod potest transire per flammam, igne purgabitur. Quod autem ignem non potest sustinere, aquâ expiationis sanctificabitur.* Aqua igitur lance apprehendat velut in litatera personam, ordinem, ætatem, sexum, complexionem, religionem, pudorem, fragilitatem animi vel corporis: utrum ex superbia, an ex natura, usum, vel non usum peccandi, necessitatem, facilitatem, dolorem cordis, & cuncta quæ circa sunt tamquam supra crepidinem profundissimi alvei. Super ambulans caueat suum casum: confitentem sibi non deiciat in præcipitium, sed eleuet præcipitatum.

Si autem est præclari ingenij, utatur ratiocinatione, & viuis argumentationibus ignem vel temporalem vel æternum probet deberi peccatis: sicut in corpore nostro caro emortua indiget secatione vel vitione. Si argentum instructus in lege, faciens seipsum eruditorem insipientium, magistum infantium, & lumen eorum qui in tenebris sunt; proponat ei mandata legis & Evangelij, & ita suo fune liget eum. Si æs, cuius bona fama respergatur vbique, & sit nominatus in populo suo propter aliqua præclara quæ in eo sunt; proponat ei ut magis quærat gloriam quæ apud Deum est, & lætificat conscientiam; quàm illam quæ est apud homines, quæ cum sonitu perit, & veterascet in inferno, neque descendet in inferno cum ipso gloria eius. Si ferrum, patientissimus labore in secularibus occupationibus, moneat ut ferrum de terra tollat, & ad patientiam quæ operatur probationem, se transferat. Si stannum querens quæ in facie sunt, non quæ in corde, habens speciem, non veritatem argenti: persuadeat quia plus est quod est in veritate, quàm quod est in opinione. Si plumbum, ignem tentationis non diu sustinens; sed citò deficiens in tentatione, præcipiat nè opponat se occasionibus & formis; quibus tamquam tendiculis impeditur anima & inuoluitur: quia tamen salua substantia, per ignem ieiuniorum & aliarum macerationum transire præstat; moderanda est pœnitentia secundum culpam, & possibilem tolerantiam, nè nihil cum possit, pœniteat; & de

indulgentia præsumat. *Quidquid autem ignem non potest sustinere, aqua Num. 31. 23.*
expiationis sanctificabitur.

Gratias tibi Deus qui neminem vis perire. Reuerâ idem Deus in lege non obliuiscitur misereri; qui gratiam & benedictionem compluit in Evangelio dicens: *Qui calicem aquæ frigide tantum dederit, amen dico vobis non Math. 10. 42.*
perdet mercedem suam. Geme itaque qui non potes ieiunare: hauri aquam de puteo pectoris tui, vt refrigeres culpam tuam, qui non potes per ignem eruginare miseriam tuam, occasionem quærit Deus non perdendi sed saluandi peccatores: occasione igitur acceptâ in confessione lacrymabili, purgat te leuius, nè perdat seuerius. Ad hanc piscinam festinandum, & in hac immorandum, donec Angelus domini secundum tempus descendat, & aquam moueat, vt infirmus post motionem veniat & sanetur à quacumque tenetur infirmitate. Cœlestem nuntium Raphaël bonum medicum corporum, & animarum vbi in confessione expolueris plagas, vulnera, apostemata, & cicatrices innumeras, confidenter expecta: quia sicut seniori Tobia, lumen oculorum restituit; & Saram quam iuniori in vxorem acquisiuit, à dæmonio liberauit; sic animas confitentes per piscem illum qui de hac piscina ascendit, ab omni infortunio & calamitate saluabit. Sed historia licet nota sit, retexatur; vt & sacramentum eius commodius pandatur: iuncundè siquidem satis alludit sanctæ confessioni, & quæ per illam adipiscitur, peccatorum remissioni.

Vt reciperet pecuniam à Gabelo Tobias filium misit, eumque Angelo Domini nesciens tradidit. Cûaque prima mansione iuxta fluuium Tygris manerent, exiuit iuuenis vt pedes lauaret, & immanis piscis exiuit ad deuorandum eum; quem expauescens clamauit, *Domine inuadit me: & Angelus, Apprehende branchiam eius, & trahere eum ad te, & attraxit in sic- Tob. c. 6. 3.*
cum; & cœpit palpitare ante pedes eius. Exentera, inquit Angelus, hunc piscem, & cor eius, & fel, & iecur repone tibi; sunt enim necessaria ad medicamenta vtiliter; & assauit carnes eius, & sustulerunt in via, & cetera salierunt.

Qui paternam pecuniam, hoc est innocentiam primam, pergit repetere, iuxta fluuium Tygris, id est, baptismum vel confessionem prima mansione per fidem & contritionem cordis, præeunte & comite gratia, quasi Angelo Domini, debet manere. Altiori denique exemplo comparatur hic fluuius Tygris confessioni; eò quòd iste iuuenis non exierat mane vt se totum ablueret, quod maximè baptismi est, vbi totus homo immergitur, & totus mundatur: sed vt pedes lauaret itinerans puluere sædatos, qui post baptismum quotidie multiformiter tam in criminalibus fortè, quam certè in venialibus inquinantur. Inde Psalmista: *In flumine pertransibunt pede; Psal. 65. 6.*
id est, quamuis Dominus Deus mare criminum nostrorum, in baptismo conuertit in aridam plenissimæ remissionis, tamen in flumine huius mortalitatis pertransibunt pede, saltem venialiter offendentes, nec superbe quasi in equo mala sua defendentes; sed humiliter quasi pede se accusantes, & dicentes: *In multis offendimus omnes.* Cûm ergo sic Tobias pedes laua- Iacob. 3. 2.
ret & pœnitens extremitates, & affectiones omnium malorum defleret;

piscis immanis exiuit ad deuorandum eum. Hunc piscem vel CHRISTVM vel diabolum, sub diuersa expositione, interpretamur.

CHRISTVS exiuit ad deuorandum eum, qui simpliciter & veraciter confitetur; quia quem pro peccatis suis à corpore Ecclesiæ; vel à participatione gratiæ separauerat; redeuntem cum ampliori congratulatione, sicut ouem errantem, & drachmam perditam, colligit dicens fratri seniori qui in agro erat: *Epulari & gaudere oportet; quia hic filius meus mortuus fuerat & reuixit: perierat & inuentus est.* Ad deuorandum itaque illum exiuit, id est, inuiscerandum corpori Ecclesiæ, qui prius auersus, postea ad plebem suam quæ ad cor redit, reuertitur. Quique mortuus est propter peccata nostra, & resurrexit propter iustificationem nostram, concorporans & viuificans oleastrum præsentis fidei iustificatione, & futura glorificatione. Nec abhorreas ab eo deuorari, cuius caput cum pedibus & intestinis ex mandato legis teneris vorare; in utroque exactissimam dilectionem tenens de visceribus charitatis mutuo influens, totum te dans ipsi; vel totum ipsum accipiens tibi toti. Sed animus carnalis expauescens ad hæc insueta, clamat & dicit Angelo ductori suo: *Domine inuadat me.* Et Petrus in captura piscium attonitus, dixit: *Exi à me domine quia homo peccator sum; stupor enim circumdederat eum.*

Non mirum si animalis homo de castris, & claustro carnis nunquam, aut vix, aut raro progrediens, tonitruum reputat sibilum auræ tenuis; quia nulla sunt nostra, ubi corruscant diuina; nec ascendit ad id etiam quod minimum, quod infirmum, quod stultum est Dei, mens coartati in sæcularibus, & se minor facta, carnalium occupationibus: *Domine*, inquit, *inuat me*; in me vadit. Utinam inuadat me, & in me vadat. Appetendus, non fugiendus; amplectendus, non elongandus; desiderandus, non expauescendus; occurrendum*, non tergiuerlandum. Vnde ait Angelus: *Apprehende branchiam eius.*

Ecce similem habemus piscem & serpentem, iuxta illud Euangelij: *Aut si petierit piscem; nunquid serpentem dabit illi?* Animaduerte Sacramentum veritatis; quia congruè serpentem Moyses in Ægypto per caudam apprehendit: Tobias piscem per branchiam, quæ de capitis parte est iuxta fluuium Tygris. In Ægypto, serpens peccatum est in animo & corpore obscuro delectatione & consensu prauæ actionis, quem Moyses sumptum de aqua purificationis baptismalis per caudam apprehendit, cum inuerecundè posteriora, & quæque deteriora prauæ conscientiae opera, in sacrificio confessionis constringit. Tobias verò iuxta fluuium Tygris in velocitate compuncti animi, branchiam, id est, fauces apprehendit; quia initia suggestionis diabolicæ nequaquam tacet in confessione: CHRISTVM quoque per branchiam apprehendit, qui de Spiritu Sancto conceptum credit; & pro gratiæ suæ exaltationibus in Ecclesiam refusus, vicem pro posse rependendo, assidue os suum aperit. Trahit eum ad se qui votis omnibus, & modis confitendi, placere Deo, siue absens, siue præsens, attrahit eum in siccum, cum credit per resurrectionis virtutem, mortalitatem in eo consumptam; & carnem ab omni passibilitate siccitam.



DOMINICA IN MEDIO QVADRAGESIMÆ.

SERMO I.

*Latamini cum Ierusalem, & conuentum facite omnes
qui diligitis eam.*

Isaie
66. 10.

DE bonis ac malis etiam in hac vita præsentī propinat nobis Deus, ne comminationes illius pro vili; ne promissiones suas pro contemptu haberemus; & vt eis firmiter fidem adhibeamus. Nam iuxta cuiusdam sapientis sententiam: mendaces faciunt ne veris credatur, quia quod promittunt ad nullum effectum perducunt: quod vero minantur, nunquam prosequuntur. Et quia semel exustus timet ignem; qui semel fallitur, vix vllis audet adhibere fidem. Et vt aliter sentiat de Domino qui veritas est; *Apud quem non est transmutatio; nec vicissitudinis obumbratio*: Placuit ei, vt quædam haberemus in præsentibus signa futurorum.

Iac. 1.
17.

De propinatione siquidem, vel de libatione bonorum, vel malorum futurorum; vt de promissione vel comminatione certiores simus, sunt prospera vel aduersa quæ patimur, sanitates, scilicet, & infirmitates tam morum quam corporum; fames, sitis, flagella, & his similia. Sed hæc omnia quidem vmbra sunt futurorum; quia nulla comparatione præsentium possunt æstimari futura. Nam in hac regione vmbre mortis facilia sunt quæ patimur, vel morte interueniente transitoria: quæ non in regione vmbre mortis, sed in regione mortis intolerabilia sunt & perpetua. *Sed quoniam*, vt ait B. Hieronymus, *quod melius scimus, melius loquimur*; de his perfectè loqui non possumus, quia ea perfectè non sentimus. Quæ igitur, vel qualia, vel quanta sint tormenta inferni; quæ gaudia cæli, expressius & planius dicere possunt, qui plenius nouerunt: huic igitur credendum est, qui ait: *Dolores inferni circumdederunt me*, & huic similiter qui ait. *Latamini cum Ierusalem, & conuentum facite omnes qui diligitis eam*. Alter quidem de ciuibz Babiloniæ: alter de ciuibz Ierusalem locutus est. Fœlices hi; & infœlices illi. Tam huius, quam illius ciues inueniuntur in terris; immo in corde hominis, quod mirabilius est. In corde siquidem hominis, & si non eadem; diuersis tamen horis inuenitur aliquis ciuis Babiloniæ, & ciuis Ierusalem. Hoc non reperitur in cælo, vel in terra, vel in inferno; vt idem nunc sit Ierusalem, nunc Babilonia.

Psal.
17. 6.
Isaie
66. 10.

Res miranda! hoc inuenitur in homine; cor scilicet hominis. Propterea *omni custodia serua cor tuum*; quia de eo exeunt bona vel mala, mors, & vita. Ciuis Babiloniæ est omnis qui delectatur & qui moratur in desideriis carnis suæ, & peccatorum suorum confusione. Ciuis Ierusalem est, cuius


Prou. 4.
23.

Philip.
3. 20.

desiderium & affectio; cuius omnis delectatio est in contemplatione cœlestium, & ibi conuersatur: sicut Apostolus, qui ait: *Nostra conuersatio in cœlis est.*

Rom.
10.

O vtinam nostra saltem esset illuc migratio, vbi nostra debet esse conuersatio, vbi iustorum est congregatio. Tunc nimirum promissiones Dei, quas consecuti omnes sancti Dei, plenius vobis & expressius possemus explicare quomodo exultant sancti in gloria, latantur in cubilibus suis. Hoc faciunt, quorum cor cœlum est, in quo charitas, & omnis bonitas. Quorum tale est cor, exultationes Dei sunt in gutture eorum: hi facile prædicare possunt, & eructare verbum bonum, nam exultationes Dei in gutture eorum. Propè est verbum in corde, & in ore eorum. In corde per fidem: nam *corde creditur ad iustitiam*. In ore per confessionem: nam *ore confessio fit ad salutem*. Talis erat hic qui contemplatus & delectatus in amœnitate cœlestis Ierusalem quasi parturiens quæ partum retinere nequit, exclamuit cum exultatione, *Latare Ierusalem*, ad quam lætitiā nos perducatur rex Ierusalem.



DOMINICA IN MEDIO QVADRAGESIMÆ.

SERMO II.

Isa. 66.

*Letare Ierusalem, & consentum facite omnes
qui diligitis eam.*

Psal.
17. 9.

Iste est introitus Missæ, in quo prælibatione futuri boni confortata, & accensa anima, desiderij pennis leuatur ad cœlum. Et notate Fratres charissimi, quasi quemdam hominem oculos suos circumiecisse supra, infra, ante, & retro, deorsum & sinistrorsum, longè & propè; fortunâsque quorundam & infortunia plurimorum attendisse, & quasi respondere in cogitatione sua, quid de scripturis quemque deceret secundum statum in quo esset: transfigurare quoque pia compassione voces & affectiones singulorum, iuxta modum tormentorum, & leuamen afflictionum.

Psal.
64. 2.

Depressos itaque tenens oculos ad inferiora terræ, vbi infernus esse dicitur; videt tenebras; audit gemitus & suspiria; odoratur sulphureum fœtorem; & accedens quasi tentare quid patiantur, præ dolore, clamat: *Circumdederunt me gemitus mortis*, &c. Item conuertens oculos ad Babiloniam, & captiuos Ierosolymitas ibi inueniens; & quasi ad eos enauigans visitandos, ait: Super flumina Babylonis illic sedimus & fleuimus dum recordaremur Sion. Rursum ab his rediens, & quosdam in itinere reuersionis ad Ierusalem intuens, & se cum eis adiungens cantat: *Te decet hymnus Deus in Sion, & tibi reddetur votum in Ierusalem*. Tandem appropinquans castello quod ibat, id est Ierusalem, præuolasse vsque ad atria eius quosdam inueniens,

SERMONES.

57

ueniens, & pedem cum eis inferens, ait: *Letatus sum in his que dicta sunt mihi, in domum Domini ibimus, &c. usque In atriis tuis Ierusalem.* Vterius ad portam ciuitatis accedens, videt luminaria magna, videt choros, videt abundantiam, videt lætitiā, videt omnia quæ ibi aguntur, videt symphoniam & chorum * & voce alta incipit cantare: *Letare Ierusalem, &c.* Sed quia hospes adhuc & indigena est, transit ad Cælum cælorum, & de incolis mansionariisque eius loquitur: *Ecce quam bonum, & quam iucundum habitare fratres in vnum.* Item: *Beati qui habitant in domo tua, Domine, in secula seculorum laudabunt te.*

Psal.
121. 1.
* Vel
choros.
Ista. 66.
Psal.
132. 1.
Psal.
83. 5.

Stationes itaque singularum mansionum circuiens, & extendens cælum animæ suæ sicut pellem, pingit & describit ciuitatem Ierusalem, sicut Ezechiel Propheta iubetur eam in latere describere. Vertit itaque se ad amœna, & virentia prata, quæ irrigantur quatuor Paradisi fluminibus; & ferunt herbas immarcescibiles ad visum; salubres ad gustum; molles ad tactum; odoriferas ad olfactum. Inde arbores florigeras & frondosas contemplatur; quarum umbra caput sub eis bellantium obumbrat in die belli: quarum frondes ad medicinam; flores ad gloriam, fructus sunt ad vitam. Inde vitales aquas à dextro latere templi effluere, & ciuitatem Dei suo impetu lætificare cernit. Inde muros in montibus Sanctis, & duodecim portas ex lapidibus pretiosis. Inde propugnacula ex lapide iaspide. Inde templum summi Pontificis. Inde palatium Regis & Reginæ. Inde cantores & cantatrices in plateis ciuitatis. Inde iuuenes, virgines, senes cum iunioribus, laudantes nomen Domini.

Sed in itinere illo necessarij ei sunt panes ad edendum; quia grandis labor sine refectione durare non potest. Quarat itaque & habeat Angelicos panes; qui Angelicas & Euangelicas suscepit contemplationes. Quinque panes hordeaceos, & duos pisces in præsentī Euangelio accepimus Dominum accepisse, & quinque millia hominum satiasse. In prima itaque peregrinatione Viator iste panem doloris comedat. Videre namque tot & tantos dolores animarum sine dolore quis potest? Videre gentem conuulsam acerbitate pœnarum, dilaceratam à corrosione vngularum serpentium & draconum, expectantem sine recuperatione, conculcatam desperatione, populum terribilem magnitudine, post quem non est alius horrore & deformitate. Quis hæc videre, & non dolere potuerit? Absque fœdere humanæ societatis, absque misericordia pietatis est, qui non compatitur, nec habet cor humanum, sed belluinum; immo dæmonum habet. Idcirco cum talia viderit compatiatur patientibus, & comedat panem doloris, fundendo preces, & orationes pro his qui talia patiuntur, Psalmum istum decantando: *De profundis clamaui ad te, Domine; Domine exaudi vocem meam.*

Psal.
129. 1.

Petat iterum alium panem, qui congruat itineri suo, in secunda dieta in qua per Babiloniam transiens, captiuos Ierosolimitanæ ciuitatis vidit sedere super flumina Babilonis, & flere cum recordarentur Sion. Accipiat itaque panem compunctionis; de quo dicitur in Psalmo: *Fuerunt mihi lachrymæ meæ panes die ac nocte; ut fluminibus Babilonicis opponat aquas defluentes ab ocu-*

Psal.
41. 4.

H

lis cordis. Compungatur itaque & pro suis peccatis, & pro alienis miseriis, cantans: *Exurge quare obdormis, Domine: exurge, & ne repellas in finem, &c.* & illum panem comedat ne in itinere deficiat.

Tertio denique itinere panem illius diei & itineris petat, videlicet panem protectionis & auxilii diuini. Vnde etiam cantare debet: *Esto mihi in Deum protectorem &c.* Cum enim egrediens de inferno, & exiens à Babilonica captiuitate, disruperit catenas & faciem vinculi colligati, id est, peccati, vel diaboli: tota instantia sub pennis gallinæ subintret, quæ expandit alas suas in cruce, & in ascensione ut pullos suos protegeret, vel ad volandum prouocaret. Panem itaque diuinæ protectionis requirat, qui laqueos captiuitatis euasit; & in patriam, adhuc in medio laqueorum ambulans, tendat.

Quarta peregrinatione panem consolationis petat qui mansionem facturus est in atriis Domini, in atriis Ierusalem: hic est panis de quo dicitur; *Clamabit ad me & ego exaudiam eum: cum ipso sum*; nondum in mansione palatij, sed adhuc in atriis tribulationis. *Non sunt tamen condigna passionis huius temporis, ad superuenturam gloriam quæ reuelabitur in nobis.* Iste cantat: *Latus sum in his quæ dicta sunt mihi, in domum Domini ibimus.* Exultat iam quidem iste, sed cum timore; quia dicitur: *Ibimus.* Habet ergo consolationis, vel potius quasi consolationis panem; & aliàs dicitur: *Facti sumus sicut consolati.*

Quinta mansione Viator noster ad portas castra sua ponit, & audiens symphoniam & choros, odoransque balsama illa suauissimi odoris, quæ distillant inter manus recumbentium; cæterumque apparatus ita admirans, ut non sit in eo spiritus, petat panem desiderij cantans: *Redime me Domine, & miserere mei.*

Sexta mansione ingrediens portas iustitiæ; & videns gloriosa quæ dicta sunt de ciuitate Dei, plebem, sedem, legem, & regem intuens, dicit: *Oculi mei semper ad Dominum.* Panem siue piscem gaudij iste comedat: *Quia omnem lachrymam absterget Deus ab oculis Sanctorum, & non erit ultra luctus; neque clamor, neque dolor erit amplius; quia prima abierunt.*

Septima mansione accedat in aula, & mansionem sibi paratam dedicans, cantet: *Latare Ierusalem, &c.* Et iste panem, siue piscem æternæ delectationis accipiat. Magis autem pisces quam panes habent isti duo, qui quasi nant in abundantia illa beatitudinis æternæ; nec aliquid duri, quod inter dentes, quod frangere debeant, occurrit, in tota æternitate illa. Superiores verò quinque, quod masticandum sit in omnibus mansionibus suis abundanter reperiunt, donec omni sublatâ difficultate, de torrente voluptatis Dei, quantum voluerint usque ad satietatem bibant.

Accepta ergo mansione nouitius iste in mansionibus Sanctorum, visitet mansiones aliorum; & usque ad Reginæ cœli veniens, Stationem ibi deuotissimam faciat. Non reformidet illam videre, quia non est ibi formido, sed sola dilectio. Dicat etiam illi: *Quæ habitas in hortis cum puellaribus choris, colens amœna & viridia prata virginitatis, & hortos fecunditatis, Fac me audire vocem tuam, quia cum amicis ad fores tuas accessi, tam ut viderem faciem tuam, quæ est pulchra; quam ut audirem vocem tuam, quæ est*

SERMONES.


59

sonora. Veniat post organa ista ad sedentem in throno, & audiat sonum sublimis Dei intonantem: Pax æterna ab æterno Patre. Tota lustratione peracta, rediens ad suam mansionem per medium ciuitatis, exclamet in voce iubilationis, in medio ciuitatis Ierusalem, & dicat: *Latare Ierusalem & conuentum facite omnes qui diligitis eam.*

Esaie.
66.

Sed vos, Fratres charissimi, conuentum facite, sed conuentum Apostolorum, sed conuentum Sanctorum, sed conuentum virtutum; non ventum, sed conuentum facite. Ventum facit, qui seminat inter fratres discordias; conuentum facit, qui discordes pacificat. Ventum facit, qui murmurat; conuentum facit, qui omnia patienter tolerat. Ventum facit, qui inflatus est superbia; conuentum, qui humilitate virtutes congregat. Ventum facit, qui inanem sequitur gloriam; conuentum, qui veram. Ventum faciunt singulares, conuentum communes, qui *nihil faciunt, nisi quod communis monasterij regula, vel maiorum cohortantur exempla.* Conuentum igitur, *facite omnes qui diligitis eam.* Ut ad ipsum dicatis: *Et non sint in vobis schismata.* Ut vnum queratis quia vnum necessarium est. Vnitatem teneatis, quatenus ad ipsum qui Trinus & Vnus est Deus, peruenire valeatis, ipso præstante, qui viuut & regnat per omnia sæcula sæculorum. Amen.

Reg. 55.
P. Benedict. c.
7. in 2.
humil.
gradu.
1. Cor.
1. 10.



DOMINICA IN MEDIO QVADRAGESIMÆ.

SERMO III.

Scriptum est, quoniam Abraham duos filios habuit, &c.

Galat. 4. 22.

CVRSOR ille viarum Dei qui bonas facit vias suas, & studia sua, quasi medio itinere confecto, pedem figit, & spiritu resumpto, residuum viæ instantè arripit. Occurrit ergo ei Paulus; & quod alia sit via sequens quam præcedens, in figura & ænigmate ostendit, dicens: *Scriptum est, quoniam Abraham duos filios habuit, &c.* Quasi diceret, cum Ismaël hætenus peregrinatus es; sed iam cum Isaac erit tibi perambulandum ad ciuitatem habitationis: horum duorum filiorum Abraham, alter dicitur Ismaël, alter Isaac.

Gal.
4. 22.

Ismaël vetus est testamentum, & est quasi vetusta via & media. Neminem enim ad perfectum adduxit lex: viam tamen exhibuit, licet viatorem perducere nequiverit: cognitionem enim mandati diuini, quam lex docuit, quid aliud quam viam Dei diximus? Ismaël itaque, id est, populus antiquus Iudæorum, cœpit ambulare viam mandatorum Dei; sed pondere carnis, pellium, ciliciorum, cortinarum, tabularum, columnarum, tabularum lapidearum fessus; in legem iustitiæ non peruenit. *Ex operibus enim legis, id*

H ij

Rom. 3. 20. est caeremonialibus, vel sacramentalibus obseruantis, *non iustificabitur omnis homo.*

Namque alia sunt moralia in lege opera, alia sacramentalia. Moralia vt, non concupiscere rem proximi sui, honorare patrem & matrem, & similia, quæ cum fide & charitate seruata iustificanc & perducunt ad Deum. Sabbatū verò obseruare. Circumcidere carnem præputij sui. Vitulum immolare & similia; non iustificanc, neque perducunt. Venerunt tamen ista vsque ad mediam viam, id est vsque ad Ioannem: quia lex & Prophetæ vsque ad Ioannem Baptistam, nec potuit vltra Ismaël pergere, id est, filius carnis, qui litteram tantum seruat, quia in terram promissionis, nec Moyse, nec Aaron populum introduxerunt. * Iosue. Iesus autem Iordanem transiit, & secundò populum circumcidit, noua expolatione peccati, in baptisinate Christi nouum inchoans testamentum; & per repromissionem, siue remissionem peccatorum generans Isaac.

Genef. 21. 6. In natiuitate verò Isaac dicit Sara; *Risum fecit mihi Dominus.* Idcirco, fratres charissimi, tota sancta Ecclesia, quia vetera transierunt, & noua facta sunt; hodie in voce exultationis cantat: *Latare Ierusalem*, &c. Solent viatores, cum asperas vias & paludes cœnosas exierunt, & planum iter inuenierint, patriæque iam appropinquauerint, voces gaudij altius tollere, & labores præteritos paruipendere. Sic sancta Ecclesia, sic fidelis anima onere illo sacrificiorum & holocaustorum veteris obseruantie absoluta, iugo Christi, quod suaue est, collum supponens; tamquam, torque aurea ornata, cantat in viis Domini de Canticis Sion. Quid autem moraliter exprimat Ismaël, vel Isaac; aut quomodo Ismaël non impleat vel saltem dies suos, attendite, Fratres charissimi.

Isaac homo iustus, bonum mentis motum designat. Ismaël homo ferus, malum animæ motum nihilominus significat. Ismaël non implet dies suos, & dies pleni non inuenientur in eo; nec dimidiat quidem; quia *Viri sanguinum & dolosi non dimidiabunt dies suos*. Isaac verò plenus dierum in senectute suâ bonâ collectus est ad patres suos. O Domine, quot sunt dies serui tui Isaac, id est, bonæ voluntatis? Septem quidem ad minus; quod autem ampliùs est à bono est.

Horum primus dicitur indicatiuus: secundus optatiuus: tertius imperatiuus: quartus coniunctiuus: quintus infinitiuus: sextus completiuus: septimus remuneratiuus. Indicatiuus confitetur: optatiuus gemit: imperatiuus obedit: coniunctiuus Deum & proximum diligit: infinitiuus nunquam à Deo recedit: completiuus humiliatur: remuneratiuus quiescit.

Genef. 1. 6. Indicatio dicitur, *fiat lux*: optatio, *fiat firmamentum in medio aquarum*: imperatio, *congregentur aquæ, quæ sub celo sunt in locum vnum*, &c. Genef. 1. 9. coniunctiuo, *fiant luminaria in firmamento celi*: infinitiuo, *producant aquæ reptile anima viuens, & volatile super terram*: completiuo, *faciamus hominem ad imaginem & similitudinem nostram*: remuneratiuo, *requieuit Deus die septimo ab vniuerso opere quod patrauerat*.

Gen. 2. 2. Confessio ergo est in luce: gemitus in medio aquarum: obedientia congregat aquas, quæ sub cœlo sunt, in locum vnum; & germinauit herbam

virentem, & facientem semen, & lignum pomiferum iuxta genus suum: Dilectio Dei & proximi, duo magna luminaria in firmamento cali: perseverantia, producit reptile animæ viventis, & volatile super terram: humilitas, hominem ad imaginem & similitudinem Dei facit: remuneratio æternam quietem tribuit.

Confessio vt lucem primam faciat, indicatiui sui nec personas minuat nec tempora. Tres enim personas habet indicatiuus, id est primam, secundam & tertiam. Tempora sex, id est vnum præsens; tria præterita, id est imperfectum, perfectum, & plusquam perfectum; vnum quoque futurum. Planè prima persona est in peccati perpetratoe, serpentina suggestio: secunda carnalis delectatio: tertia animæ consensus vel operatio. Has debet Indicatiua confessio proferre in lucem, & congruum his adungere casum, vt diabolus assignet suggestionem; suæ fragilitati delectationem; suæ culpæ consensum seu operationem. Ipsa quoque tempora sic ad vnguem comprehendat, vt non solum præsentia, sed etiam præterita imperfecta, præterita perfecta, & præterita plusquam perfecta distinctè aperiat.

Ad imperfectum præteritum pertinent, quæ heri & hodie mala feci: de quo dicitur: *Adhuc esce erant in ore ipsorum, & ira Dei ascendit super eos.* Ad præteritum perfectum pertinent, quæ hoc anno vel proximis diebus mala commisi, & quorum desiderium in me iam cessauit, de quo dicitur: *Delicta iuuentutis meæ & ignorantias meas ne memineris.* Ad præteritum plusquam perfectum pertinent quæ in pueritia feci, vel quorum penè memoria elapsa est à mente mea: de quo dicitur: *ne memineris iniquitatum mearum antiquarum.* Ad præsens pertinet quod adhuc vel actualiter committo, vel cogitatione concupisco; dicitur: *repleta est malis anima mea,* &c. Ad futurum quodammodo pertinent, quorum oportunitatem expecto; de quo dicitur: *Venient dies luctus Patris mei, vt occidam Iacob:* Hæc omnia in luce confessionis denudanda sunt: vt nec persona taceatur, nec tempus abscondatur.

Psal.
77. 31.
Psal.
24. 7.
Psal.
78. 8.
Psal.
87. 4.
Gen.
27. 41.

Sequitur Gemitus, qui sicut firmamentum est in medio aquarum, vt diuidat aquas ab aquis, & respicit ad Optatiuum: per aquas superiores accipiamus culpas præcedentes; per aquas inferiores culpas sequentes. Gemitus ergo noster adeo debet esse firmus; vt sit quasi murus, & à prioribus nos per pœnitentiam liberans; & à sequentibus per cautelam obseruans.

Tertio loco sequitur Obedientia, quæ ab imperatiuo procedit: inferioribus enim imperat, qui superiori obedit: congregat autem aquas quæ sub cælo sunt in locum vnum, quando totam collectionem desideriorum refranat ad naturalem sufficientiam; & tunc germinat herbam virentem, in bono proposito sanctæ Religionis; lignumque pomiferum, in operibus pietatis.

Quarto loco sequitur dilectio Dei & proximi, quasi duo luminaria magna in firmamento cæli, id est in medio cordis; quibus dies & nox illuminantur, id est bona nostra tamquam dies remunerantur, mala tamquam nox delentur: *Charitas enim operit multitudinem peccatorum.*

1. Petri
4. 8.

Quinto loco sequitur perseverantia quæ respicit ad Infinitiuum, & debet producere ex aquis reptile animæ viventis & volatile super terram, id

H iij

est ex affectionibus appetitum virtutum in corde; & virtutem contemplationis in exhibitione.

Sexto loco sequitur completiua humilitas, quæ hominem reformat ad imaginem & similitudinem Dei; per imitationem ad imaginem, per consummationem gratiarum ad similitudinem: vt sit imago in labore; similitudo in requie.

Apoc.
24. 15.

Septima enim sequitur requies, in qua dicitur: *Vt requiescant à laboribus suis*, Quid tunc? *Letare Ierusalem*, &c. Quid tunc? Isaac risus, iubilus, vox exultationis in tabernaculis Iustorum, conuiuium magnum quando Ioseph comesturus est cum fratribus: quando & ipse filius subiectus erit ei, qui sibi subiecit omnia. Latere Ierusalem, quia Ismaël cum Agar expulsus est in inferno inferiori. Latere Ierusalem, quia Isaac cum Sara dies & annos compleuit, vt ad longitudinem dierum veniret, & cum Angelis in aternitate regnaret. Tot Ismaël passibus recedit, quot Isaac accedit. Recedit enim Ismaël ad Babilonem, cuius est ciuis, id est, ad confusionem inferni. Vnde dicitur in Psalmo: *Conuertantur in infernum omnes gentes quæ obliuiscuntur Deum*.

Psal. 9.
18.

Sicut autem Isaac dies accessionis, vel perfectionis dici possunt: ita dies Ismaël dicuntur dies recessionis & defectionis. Horum primus dicitur *Cecitas mentis*; de qua dicitur: *Misit tenebras, & obscurauit eos*. Secunda error, de quo dicitur: *Immisit eis Deus spiritum erroris*. Tertia Fallacia; de qua dicit malus spiritus: *Et ero spiritus mendax in ore omnium Prophetarum*: & erunt qui seducunt, & seducuntur præcipitati. Quinta Odium Dei, vel contemptus; de quo Apostolus: *Deum non glorificauerunt*. Sexta Contumacia, siue obstinatio, de qua dicitur: *Tu autem secundum duritiam tuam, & cor impœnitens thesaurizas tibi iram in die ira reuolutionis*. Septima sepultura in inferno; de qua dicitur: *Mortuus est diues, & sepultus est in inferno*. Ecce Ismaël habitat in tenebris: de quo dictum est: *Eiice ancillam & filium eius*.

Psal.
104. 28.
2. Tef.
2. 11.
2. Paral.
18. 21.
Rom.
1. 21.
Rom.
16. 22.
Lucæ
Gal. 4.
30.
Gal. 4.
27.

Isaac autem ore pleno ridet, & ad risum hortatur socios gaudij sui dicens: *Letare Ierusalem, Letare sterilis, erumpe & clama quæ non parturis: quia multi filij deserta, magis quàm eius quæ habet virum*. Inter istos filios, id est, inter Angelos, & omnes Dei Sanctos, annumeret nos primogenitus mortuorum, & Princeps regum terræ, IESVS CHRISTVS, qui viuut & regnat, &c.





IN FESTO SANCTI BENEDICTI ABBATIS.

SERMO.

Omnes filij viri vnus sumus; pacifice venimus, nec quidquam famuli tui machinantur mali. Gen. 42. 11.

D VRIORA passus Ioseph à fratribus, ore, non corde; verbo, non animo, dissimulando mansuetudinem, non vindicando venditionem; durius loquitur ad eos dicens: *Exploratores estis; vt videatis infirmiora terra, venistis.* At illi quibus mysterium latebat, & vultum fraterna dominatio insperata celabat; furorem opinantes, non tentationem, aut fraternam correptionem, dixerunt: *Non est ita Domine; serui tui venerunt vt emerent cibos.* Deindè ad captandam beneuolentiam illius, subdunt: *Omnes filii viri vnus sumus, &c.* Gen. 42.

Quia Patroni nostri B. BENEDICTI ABBATIS solemnitas instat, quomodo hoc de veteri historia sumptum, & festiuitati Patris nostri, & nostræ professioni congruat, enodemus. Granum frumenti, panis viuis qui de cælo descenderat, nuper de Virgine natus IESVS, in Ægypto fugerat; & tanti hospitis præsentia, terra saluginis prius & inhabitabilis, visitata, impinguata, inebriata, fœcundata, cœpit abundare frumento, & esurientibus alijs, vendere alimenta religionis. Vndè nusquam fertilior, nusquam frequentior post resurrectionem Christi exuberavit leges Heremitarum & Monachorum, quàm in Ægypto. Transferimus itaque specialitatem ad vniuersitatem: quia nec sola Ægyptus, sed etiam totus mundus intelligitur per eius interpretationem. Ægyptus sonat tenebras: has tenebras incoluit B. BENEDICTVS in specu, in solitudine, in raritate hominum habitans, sicut Psal. passer solitarius in tecto, sicut nicticorax in domicilio, sicut pellicanus in solitudine. 110. 3. 7.

In solitudine, vt sileret ab otiosis, & vacuis, vt non offenderetur aspectus vanis, & varijs sæculi lenocinijs; vt auditus non impleretur detractionibus & vaniloquijs. In domicilio, vt abstineret à delitijs, vt memor esset suæ fragilitatis & mortis; vt extra non inueniens locum delectationis, ad mentem semper rediret; & ibi frueretur & puritate mentis. In tecto; vt cum animalibus iam corpore exutis, spoliando se à corpore, levaret se super se, vt cum Angelis Deum laudaret; vt Deum in speculo, & ænigmate contempleretur. Non odio lucis, sed cautelâ fugiendæ elationis, in antris seu cellis absconditis se reponunt Sancti. Nemo enim quieti dans operam, radios solis quærit. Vndè Ieremias: *Diem hominis, id est fauorem, non desideravi, tu scis.* Ierem. 17. 16. Dominus quoque in caligine habitat, & latibulum in circuitu eius. Præcipit

enim in Euangelio, dicens: *Tu autem cum oraueris, intra cubiculum, & clauso ostio, ora patrem tuum: & absconde eleemosynam in sinu pauperis. Vbi non videt homo hominem, melius videt Deum, qui nunquam bene videtur, nisi totus oculus mundetur, & totus ipse visioni mancipetur: hoc in tempeste noctis hora expertus B. BENEDICTVS; cum sub vno solis radio, omnem mundum collectum conspiceret.*

B. Greg.
dial. 35.
in vita
S. Ben.
Psal.
144. 15.

Ioseph hic dominatur, Ioseph hic dispensat alimenta vniuersæ terræ: Quia oculi omnium in te sperant Domine, qui carnem tuam, sanguinem, & animam dedisti, & paruo pretio Iudæis per procuratorem, immo proditorem tuum vendidisti. Non enim in te potestatem haberet, sicut nec Pilatus, nisi datum ei esset desuper. *Quid*, inquit Iudas Scribis & Phariseis, *vultis mihi dare, & ego vobis eum tradam?* Procuratoris est ô Iuda, meliorem facere conditionem Domini, non deteriorem: res & substantiam domini dispensare fideliter & prudenter; non personam eius & vitam adimere crudeliter & procaciter. Sed fortè legerat vel audierat, quod fratres vendiderant Ioseph in Ægyptum: suâ itaque auaritiâ compensare voluit illorum inuidiam. Sed minoris fuit illorum inuidia, quàm istius auaritia: iste enim inimicis Dominum ad mortem osculo, vili pretio, portans loculos eius, vendidit. Illi fratrem qui accusauerat eos apud patrem, Ismaëlitis pro bonis speciebus, vt inter alienam gentem viueret dederunt; & illi locum habuerunt pœnitentiæ; iste sibi inlixit præiudicium desperationis & amentia.

Matth.
26. 15.

Vtique tamen Ioseph, & ille charus filius Iacob, & iste Dominus regnans in domo Iacob in æternum, non abscondit frumenta in populis, sed aperit horrea, prius pro pecunia, postea pro animabus, tertio pro suis libertatibus. Sic Christus cuidam dicenti: *Magister quid faciendo vitam æternam possidebo?* Ait: *Vade, vende omnia quæ habes, & da pauperibus, & habebis thesaurum in cælo.* Ecce pecuniam totam accipit. Alij verò dicenti: *Magister sepeliam patrem meum, & sequar te*, ait: *Sine mortuos, sepelire mortuos suos, tu autem vade & annuntia regnum Dei.* Hic quasi animalia de grege naturalium affectionum carnalem affectum possidebat, sed & hanc possessionem præcidit ab animo Christus, non vt omnino affectio pereat, sed vt ad Dominum transeat. Alibi quoque ait: *Si quis vult post me venire, abneget semetipsum; & tollat crucem suam, & sequatur me.* Sic ille Petrus, cui dictum est; *sequere me* imperium, consilium, & beneplacitum Domini implens, ait: *Ecce nos reliquimus omnia, & sequuti sumus te, quid ergo erit nobis?* Sic Paulus seruus Christi IESV, omnia reputat vt stercorea, vt Christum lucrificat.

Lucæ
10. 25.

Matth.
8. 21.

Lucæ 9.
23.
Ioan.
21. 19.
Matth.
19. 27.

Notandum quoque quia in pecunia propter imaginem signatam ratio, quæ est imago Dei signatur; vt reddantur Deo quæ Dei sunt. In animalibus propter appetitum ventris & gulæ, sensualitas intelligitur, quæ mater est carnalium desideriorum, vt in reticulo iecoris, & renunculis, quæ cremanda sunt in igne altaris, prædicta mortificemus, quatenus veraciter dicamus: ** Delectatio cordis mei in conspectu tuo semper.* Et, *Tu possedisti renes meos.* In venditione libertatis, summa consistit nostræ liberationis. Iure itaque originario, malè vtimur, bonâ à bono, & bene concessâ nobis libertate.

* Medi-
ratio.
Psal.
13. 15.
Psal. 138.

Tria

SERMONES.

65

Tria impediunt bene vti. Hostis astutia, Carnis leuitas, Animæ impatientia. Hostis tripliciter decipit, Specie compassionis; Specie consultationis; Promissione ambitionis. Specie compassionis, vt ibi: *Dic vt lapides isti panes fiant*. Specie consultationis; vbi dicit: *Mitte te deorsum; quoniam Angelis suis Deus mandauit de te*. Promissione ambitionis, vt *Hæc omnia tibi dabo*. Carnis leuitas venit de conditione, de corruptione, de consuetudine. De conditione, quia de limo est. De corruptione, quia vitiosa est. De consuetudine, quia incuruata est; nec potest sursum aspicere. Animæ imperitia itidem triplex, quia seipsam vnde, quando, & qualis facta, sit non nouit: vt vtrum prædestinata sit; vel si prædestinata, quando de corpore exitura. Vt ergo certa deinceps, cauta & secura sit possessio libertatis, in manu Dei collocemus illam, quia *Iustorum anima in manu Dei sunt; & non tanget illos tormentum malitiæ*. Tormentum malitiæ est passio carnis, elatio cordis, tentatio hostis. Vt ergo ab his nontimeamus, quæ sunt negotium perambulans in tenebris, dæmonium meridianum, sagitta volans per diem: Dicamus cum Apostolo Petro: *Ecce nos reliquimus omnia*. Omnia, nihil proprium retinentes, nihil illicitè accipientes, nihil cupientes; Sic Christus in nouacula conducta pilos capitis & barbæ, & etiam pedum in Monachis suis rasit dicens: *Exeuntes de ciuitate*, id est de mundo, *etiam puluerem pedum vestrorum*, id est rem quantumlibet paruam, *excute de pedibus vestris*, id est in vfu, non in affectu, necessaria naturæ habeatis.

Matth.

4. 3.

Matth.

4. 6.

Sap. 3. 1.

Matth.

19. 27.

Matth.

10. 14.


Ista rerum expoliatio; affectuum casticatio; vestigiorum Dei sancta connexio, facit nos omnes filios viri vnus, aut Dei Benedicti, aut Benedicti serui; Deus enim voluntariè genuit nos verbo veritatis. Et Benedictus per Euangelium genuit nos in CHRISTO IESU, vt idipsum dicamus omnes, & non sint in nobis schismata; Sic enim sequitur: *Pacificè venimus*: quia *beati pacifici*. *Nec quidquam famuli tui machinantur mali*: vt simus sine querela apud Deum & apud homines. Sic ait Ioseph: *Exploratores estis*. Absit mendacium à verace, immo à veritate. Est namque & bona exploratio & mala.

Gen.

42.

Gen.

42.



IN ANNUNTIATIONE DOMINICA.

SERMO I.

SVME tibi librum grandem. Mens diuina liber grandis est; in eo sunt Iſa. 8. 1.
plura volumina sententiarum, sermonum & actionum summæ & adorandæ Trinitatis Dei. Ibi prædestinatio nondum existentium: Ibi creatio iam ad esse prodeuntium: ibi distinctio bonorum & malorum: ibi bonorum electio, malorum reprobatio: ibi vocatio prædestinatorum: ibi iustificatio vocatorum: ibi glorificatio Iustificatorum: ibi præscientia peccati Adæ, per quod introiuit mors in mundum: ibi Virginis MARIE præpa-

I

ratio, & Verbi incarnatio: ibi humani generis reparatio, & amissæ felicitatis recuperatio. In Apocalypsi & in Isaia signatus est liber iste: & Ezechiel expanso illo cibatur. In ore quidem habet mel; venter autem eius amaricatus est: quia cœlestium bonorum iucunda est possessio, sed dura negotiatio. Iob in humeris suis offert illum Iudici; gratias agens de collatis sibi beneficiis. Esdras legit in eo distinctè & apertè super gradum ligneum crucis; ubi miles latus Christi lancea aperuit; & in sanguine & aqua, accensa sunt omnia Christianæ Fidei luminaria; ut nihil esset opertum, quod non reuelaretur. Paulus de hoc libro audiuit arcana illa quæ non licet homini loqui, sed adimitari: vnde ait: *O altitudo diuitiarum Sapientia, & Scientia Dei; quam incomprehensibilia sunt iudicia eius, & inuestigabiles via eius.*

Rom.
11. 33.

De hoc libro Angelus Gabriel missus à Deo, ad Virginem desponsatam viro, cui nomen erat Ioseph; & nomen Virginis MARIA, epistolam detulit, cuius talis est saluatio. *Aue MARIA gratia plena, Dominus tecum, &c.* Reuera hæc paginula de corpore illo libri grandis & noui ac æterni testamenti sumpta, publicum & commune omnium continens negotium, & illam, cui destinatur, affluenti gaudio latificat; & nos de quorum liberatione agitur, in diem solemnem non indecenter excitat. Stupendum dictum immo causa dicti scrutanda, & singulis diebus atque horis, cum tota fide & deuotione veneranda. *Aue MARIA gratia plena, Dominus tecum.* Quid proinde gratiæ deesse potuit, ubi totus Sancti Spiritus alueus, cum septem riuus suis, coadunatus tanquam in vtre, in Vtero Virginali, mansionarium meatum fecit? Totus namque cum Verbo incarnato accessit; Sed eo nato non abcessit. Habitauit quidem in Filio tota eius plenitudo diuinitatis corporaliter; sed & in Matre præ omni alia creatura plenè & singulariter. Visne haurire ex puteo Virginis, peccatis tuis indulgentibus, tentationibus medelam; flagellis temperamentum; insidianti aduersario repagulum? Hydria plena est vsque ad summum, nec deficit hydria farina; & lecythus olei non minuitur ab hora suæ conceptionis, vsque in hanc vel vltimam præsentis sæculi diem & horam. Miserrime, infelicissime ideo Christus ballama gratiarum suarum refudit copiosâ benedictione huic lauatorio peccatorum, nè procul abesset subsidium lapsibus suorum fidelium, sed de facili & incontinenti impulsus redires; deiectus resurgeres; serpentino morsus veneno, non desperares.

Luc. 1.
28.

Luc. 1.
28.

Isa. 3. 1.

Psal.

147. 14.

Denique in hac plenitudine gratiæ, tanquam in balneo Dominus salutem nostram operatur, emundans lepram Nahaman, id est Adam, aquis istis Iordanicis, naturam separatam à culpa; induens stolam primam, & expediens compeditum liberum arbitrium per fidem & cooperatricem gratiam. Vocatur enim Filius Virginis, *Velociter spolia detrahe, citò prædare.* Spolia quibus expoliatus est homo ille qui descendebat ab Ierusalem in Iericho, & quia à malignis raptoribus sunt sublata, & pœnalibus latrociniorum suorum repositoriis consignata, fortior ille armatus & potens in prælio, mox hospitium Virginali ingrediens, vindicauit; & malæ fidei possessori detraxit; quando & sibi vniendo naturam nostram sanctificauit, & sanctificando vniuit: *Velociter enim currit sermo eius, citius & facilius sua omnia complens*

opera, quam aliquis homo sua verbo proferat cogitata.

Sed quis est stylus hominis? Stylus alterâ sui parte acutâ, imprimit quolibet characteres ceræ, aut cuilibet molliori materiæ: altera plana, quod displicet, complanat, & delet. Hoc IESV officium fuit in carne mortali, eradicare utique vitia & virtutes plantare. *Vocaberis*, inquit Isaias, *adificator sepium, auertens semitas iniquitatum*. Vide stylum pungentem: *Pœnitentiam agite*. Vide delentem: *Dimissa sunt ei peccata multa, quoniam dilexit multum*. Et item deprehensâ in adulterio: *Mulier, ubi sunt qui te accusabunt? Nemo te condemnauit? Nemo*, inquit, *Domine. Nec ego te condemnabo*. Pupugit etiam stylus iste hominem ut rediret ad se; dicens peccanti: *Adam ubi es?* Pupugit post peccatum dicens: *Pulvis es, & in puluerem reuerteris*. Denique sigillo totius honestatis fracto, cum irreuerenter & incontinententer peccando corrupisset omnis caro viam suam: tactus dolore cordis intrinsecus; complantare volens omnem scripturam generis humani; ait: *Delebo hominem de sub celo*.


Esaiæ.
58. 12.
Matth.
3. 21.
Lucæ
7. 47.
Ioan.
8. 10.
Gen.
3. 9.
Gen.
3. 19.
Gen.
6. 7.

Sed mira misericordiæ recordatus; & mitius volens incarnatus pungere; utique ad pœnitentiam, non ad punientiam; planam commutavit, ut in homine peccatum deleteret, & naturam seruaret. Omnia siquidem quæ in Ecclesia celebrantur sacramenta, vno suo effectu, quidquid homo stultitiâ, id est infirmitate seu etiam malitiâ suâ malè scripserit complanare; cum Dei gratia prævalent; nè exigantur in iudicio, quæ antè iudicium cum fletu peccatoris complanauerit Sacramentalis operatio. Nam huius Styli scriptura talis est; *Velociter spolia detrahe, citò prædare*. Velox diuina bonitas ad remissionem, tarda ad seueritatem. O quotiens minatur ne feriat: quotiens verberat ne occidat: quotiens temporali morte præripit innocentem, ne perditâ innocentiam cum descenditibus in lacum proiciat. Auertit faciem suam nè videat peccantem: videns iniquitatem dissimulat, expectando correctionem. Iam in cruce & morte posito latroni, extremæ voci in confessione, æternæ rependit præmia vitæ: *Amen*, inquit, *dico tibi, hodie mecum eris in paradiso*. O summa pietas, quot millia annorum non sufficerent expiare animam latrociniis pollutam; si districtè cum ea ageretur; & tu nec annum ponis, nec mensem, nec saltem alterum diem; sed *hodie*, inquis, *mecum eris in paradiso*. Abeant sibi crudelia hominum edicta; euanescat Pharisaica iustitia, quæ omnia gratia & importabilia imponunt in humeros hominum; digito autem suo nolunt ea mouere.

Isa. 8. 1.
Luc. 23.
43.
Matth.
23. 4.

Misericordia enim, quâ plena est terra, digito suo, & brachio in cruce passione propria, affixit omnia ad Deum conuersorum peccata; ut alleuiaretur humana natura, per ipsum redempta, à cunctis oneribus suis, quibus à peccato Adæ tanquam scœnore grandi oppressa, soluere debita non præualens, in extremis agebat. Clementiam illam non expirasse credimus, sed semper miris & nouis successibus, continuatam ad nostra, & ad futurorum sæcula: quatenus nouam segetem de hoc agro, in horreis sempiternis euehat; seminando gratiam, rigando per Euangelicam doctrinam. Dicamus itaque Filio hominis, filio Virginis; *Velociter spolia detrahe*, vetustam pellem nostram, quam de peccato primi parentis contexuimus, & quotidie deterius

viuendo multis actionibus corrumpimus, citò prædare, vt de potestate diaboli nos eripias; & qui odio habes rapinam in holocaustum; non rapinam arbitratus es, esse te *æqualem Deo*. Fac de nobis rapinam, vt charitate violentissima, nos à nobis exuas; & eodem loro constrictos, ad te pertrahas; Qui viuus & regnas, &c.



IN ANNUNTIATIONE DOMINI.

SERMO II.

Cant. *Vmbilicus tuus crater tornatilis, nunquam indigens poculis.*
7. a. 2.

IN libris siue thesauris nunquam fallendæ prædestinationis, præcipuè singularem, & singulariter incomparabilem thesaurum Sapientiæ & Scientiæ suæ Deus in B. Virgine MARIA ab æterno congeffit; in fine sæculorum resignauit; sine fine in summa cælorum arce collocauit: vbi opes hæcenus nulli communicatas intromisit: vbi omnium pretiosorum lapidum gloriam insignissimè conglomerans, ad complementum totius honoris, & superfluentis magnificentiæ, seipsum, in quo sunt omnes thesauri Sapientiæ & Scientiæ absconditi, annumerauit. Cherubim igitur gloriæ obumbrantia propitiatorium, adiunctis sexaginta ex fortibus Israël, ad hunc thesaurum siue lectulum suum custodiendum deputauit; atque vt solis fidelibus, & deuotis sibi viam propalarent, mandauit.

Ad limen itaque huius sanctuarij, alis submissis per humilitatem; & capite ad collum retorto per continuam deuotionem prædicantes gloriam Dei, & venerantes, Scabellum Diuinitatis adoremus, quoniam sanctum est. Quidquid in ea apparet, quidquid latet, siue quod in ea natum est, quia de Spiritu Sancto est. Ioseph tanti solis vix fert splendorem; tanti mysterij vix sustinet admirationem: ante fenestras stat tremulus, pedem inferre recusat castissimus: opprimitur enim gloria maiestatis eius, quam videt Deum præoccupasse, & solis vñibus suis signasse, & assignasse. Denique Angelico certificatur alloquio, nullum incurrens dispendium de dilatione fidei, quam non concepit nequitia mentis, sed immensitas operis. Non enim veritati opposuit pessulum diffidentia, sed inscrutabili consilio maluit se noningere, & expectare à longè exitum rei; quæ clauderetur sub signaculo fidei. Quod si Ioseph vallatus auctoritate maritali, dominam & coniugem suam à limine salutatur, appropinquare trepidat. Quid ego in anima immundus, carne pollutus, quibus labiis nominabo, quibus oculis videbo illam, quæ refringit etiam puras Sanctorum acies; quæ *pulchra vt luna, electa vt sol*, angelicos quoque exuperat fulgores & splendores? Sed *perfecta charitas, foras*

1. Ioan.
4. 18.

mittit timorem; sed præcedens deuotio extenuat præsumptionem.

Reiecto igitur in nominatione vmbilici consuetudinario, & vulgari cogitatu; cum debita reuerentia ingrediamur Sanctuarium Dei, & eo affectu loquendo contingamus in Virgine nostra, membra quæ in aliis dicuntur inhonesta: quo rapimur cum tractamus angelica ministeria, & ipsius Dei intellectualia membra? Dicat igitur de Domina nostra, Sapientia in Canticis: *Vmbilicus tuus crater tornatilis*; & excipiat dictum sacramentale mens ca- Cant.
sta, puro corde & sensibus castissimis. Notandum autem quia vmbilicus sæ- 7. 2.
pe in scriptura nominatur. Alibi vmbilicus terræ; alibi vmbilicus ollæ, qui Iud. 9.
non est præcisus in die natiuitatis eius, & alibi fortitudo Leniathan dicitur 37.
esse in vmbilico ventris eius: & hic, *Vmbilicus tuus crater tornatilis, nunquam* Ezech.
indigens poculis. Postpositis verò terræ, & ollæ vmbilicis; attendamus in 16. 4.
Leuiathan vmbilicum malitiæ; & in Sponsa vmbilicum gratiæ; quatenus Iob.
malitiæ excursus, gratiæ occursum compescat, & vincat sapientia mali- 40. 11.
tiam, naturæ humanæ damna refarciendo; & opera malitiæ destruendo. Cant.
7. 2.

Vbi ergo prima species mali post peccatum in primis parentibus apparuit; ibi sedem & principatum misericordissima gratia in B. Virgine collocavit arefacto enim & siccato usque ad primam innocentie castitatem (quæ nuditatem non erubuit, nec in membris se habere putauit quod esset velandum aut vrendum) forte libidinis & luxuriæ, qui pleno gurgite in filiis Adæ superfluebat, donec rosa nostra in Iericho plantata, hyemales destituit paludes; ex tunc à throno gratiæ procedens fluminis impetus ciuitatem Dei, id est Dominam nostram lætificauit; sic in ea extinguens libidinosum ardorem, vt conseruaret inauditam sæculis fecunditatem. Sic enim area sicca, vellus madafactum est, vt in carne Virginali vitio subtracto corruptionis, eadem Virgo gigneret prætium nostræ redemptionis. Quod manus creatrix naturale indiderat visceribus & membris Eux necdum corruptis, mulierem videlicet concipere sine ardore libidinis, factu impossibile reputabat vsus generandi: elicit autem vim illam secretissimam de abditiis naturæ, obumbrante Spiritu Sancto, Virgo Dei genitrix, in vmbilico suo confringens virtutem serpentis antiqui, Christum Dei virtutem & Dei sapientiam in vtero concipiens, non ex concupiscentia viri, sed ex gratia Dei.

Vmbilicus ergo ille est *crater*; quia vterus virginalis plenus vino Diuinitatis, sicut crater, diuinis potionibus aptus est. Vnde in Psalmo: *Calix in manu Domini, vini meri plenus mixto*, id est homine Deo. *Tornatilis*, quia Psal.
iuxta primam tornationem, id est creationem, castitatem habuit, & supra 74. 9.
consuetudinem thoro immaculato, Virgo & Mater Deum & Hominem genuit. Crater est, id est Scyphus Ioseph in quo augurari solet; dum tamquam quodam augurio vires mirabilium suorum experiri cœpit, ille qui facit mirabilia magna solus in Virginali conceptu: vbi vnum fecit supra naturam, alterum verò supra omnem scientiam. Supra naturam etenim est, Virginem concipere: Supra omnem scientiam, Verbum humanæ naturæ indissolubiliter cōiuniri. *Tornatilis* est crater iste; quia in omnibus Deo complacuit; in omnibus diuinis mandatis obediuit; in omnibus irreprehensibilis fuit.

Psal.
118. 73.

Manus tornatiles aureæ plenæ hyacinthis, tornauerunt & formauerunt craterem istum. Vnde in Psalmo loquitur: *Manus tua fecerunt me, & plas-*
mauerunt me totum in circuitu. Verè totum in circuitu, quia tornatilis consummatione legis, in amulatione angelicæ puritatis; in dilatactione cordis; eatenus vt contineret Deum quem non capiunt cæli cælorum: miro modo versa vice & Deus suis circulis inclusit craterem istum, creando Virginem sanctam; sanctiorem operando; sanctissimamque semper conseruando: & ipsa vtero incarnatum Deum gestauit, & natum non semel beatissimis brachiis continuit.

Esa.
55. 1.

Irrigata igitur de plenitudine plenæ gratiæ, inundatione riuulorum suorum angelicas virtutes debriauit, diuites impleuit, pauperibus absque argento, & absque vlla commutatione pocula indulgit. Est enim nunquam indigens hæc est illa Rebecca, puella nimis pulchra; quæ deposita hydria de scapulis, adauit non solum seruum Abraham, sed etiam camelos. *Omnes sitientes venite ad aquas*, de fonte & puteo Saluatoris, de quibus ipse bibit & omnis familia eius. Planè inebriatum Deum reputo, propter exinanitionem, & nudatum vestimentis gloriæ, quia habitu inuentus est vt homo; quando cerua gratissima gratissimum hinnulum inter vbera sua vino purissimæ & sincerissimæ conuersationis illectum, & attractum collocauit; & præ vini dulcedine, pauperem factum, oculis nostris opposuit.

Denique omnes familiæ gentium, huius agni sanguine redemptæ, lotæ; & potatæ, dederunt vestimenta sua, id est corpora sua pro vino isto, baiulantes crucem, tamquam botrum in veste, & lauantes in vino stolas suas, quas Benjamin à Ioseph accepit quinque, propter configurationem corporis humilitatis nostræ, corpori claritatis Dei. In conuiuio illo meridiano inebriatus est Ioseph cum fratribus suis; quia plenum in resurrectione gaudium, cum Deus erit omnia in omnibus, nemo tollet à cohæredibus Christi, & consortibus regni eius.

Interim verò *Vmbilicus crater tornatilis est, nunquam indigens poculis:* quia Domina nostra gratiæ plena, humanis nostris defectibus compatiens, apothecas suas nunquam claudit; nunquam miseris patrocinari desistit; nunquam vota humilium spernit; nunquam vultum supplicantis à propitiatorio, pro peccatis populi Christiani desleat. Laboras fortè in peccatis & deficiis; sed ecce ad hostium expectat Mater misericordiæ, intendens cui venas exponat auxiliij. Querendo Christum per plateas & vicos civitatis discursis, & non inuenis? Sed ecce benignissima illa, quæ filij sui omnia diuertacula ad plenum nouit, occurrit & dicit tibi; ecce hic filius meus, ecce illic. Draco rufus habens iram magnam, malignitatis suæ agmen aduersus te congerit, aperta persecutione, vel occulta tentatione? Sed ecce potentissima auxiliatrix occurrit, mediis castris se opponens; & umbraculum super caput tuum in die belli faciens. Quacumque mœstitudine pulsatus, humiliter & fideliter Dominam nostram adieris, nunquam derelictus, nunquam non lætus, nunquam non consolatus redibis.


Nunquam ergo indigens poculis, vel excusat se de inopia, vel abstinet

SERMONES.

71

succurrere præ avaritia. Quid nunquam indigens poculis? Planè quod dicitur: *Clara est, & quæ nunquam marcescit sapientia*; quod arca de impu- ^{Sap. 6.}
tribilibus facta est: quod ignis perpetuus in altari; quod charitas nunquam ^{13.}
excidit: quod oleum de capite iusti non deficit: quod folium non defluit de
ligno, quod plantatum est secus decursus aquarum: quod Apostolis dicitur:
Ego elegi vos, & posui vos ut eatis, & fructum afferatis, & fructus vester ^{Ioan.}
maneant. Quod farina Sareptenæ non defecit, & lecythus olei non est immi- ^{15. 16.}
nutus: quod denique gratia Spiritus Sancti, nec angustias patitur, si omni-
bus diffundatur, nec amplior inuenitur, si rariùs sumatur.

Sed cuius saporis, cuius qualitatis, cuius quantitatis; cuius pretij sunt
pocula ista? Cælum utique & Spiritum sapiunt. Alba, nigra & sanguinea
sunt: valorum capacitatem excedunt, & pretium superant. Quid enim aliud
saperet plena gratiâ, nisi gratiam? obumbrata, & impinguata Spiritu san-
cto, nisi Spiritum rectum, nisi Spiritum sanctum, nisi Spiritum principa-
lem? Quid casta, nisi album vinum? Quid humilis nisi nigrum? Quid amans
nisi rubeum vinum potat, & propinat? Quid avarus inestimabiles diuitias
pugillo recludet, cum misericordia nec meritum attendat nec modum. Sep-
psam enim gratia & misericordia extingueret, si modum & meritum ac-
cipientis non vinceret. Non habet pretium, vnde procedit omne meri-
tum, IESVS filius Virginis, qui cum Patre & Spiritu Sancto vivit &
regnat, &c.



IN ANNUNTIATIONE DOMINICA.

SERMO III.

AVE Maria gratia plena, Dominus tecum, benedicta tu in mulieribus: ^{LUC. 1.}
& benedictus fructus ventris tui. Plenus malitiâ, & vacuus gratiâ, quâ ^{28.}
temeritate præsumo attentare aliquid proferre de plena gratiâ? Sed plenâ
fide euerto fundum conscientiæ; & effundo vsque ad fæces venenum ma-
litix, ad pedes gratiæ. Ego quidem ô Domina! fundo mea crimina, de
mala redundantia: tu in vase vacuo refunde de tua plenissima gratia. Tu
illa es puella decora nimis, virgôque pulcherrima, & incognita viro, quæ
ad fontem iam descenderas, & onusta redibas, cum tibi occurreret Gabriel
Archangelus nuncius deferens de desponsatione contrahenda inter te &
& Isaac filium Abrahæ; quas tibi detulerit in aures aureas, quas armillas, non
ignorant qui te in vestitu deaurato intuiti sunt adstantem à dextris regis Fi-
lij tui.

Potum aquæ petiit, tribuisti; insuper & camelos vltronea adaquasti: hoc
exemplo non vanè admonitus, nullatenus etiam propter enormitatem sce-
lerum meorum de tua gratia despero, malorum per te sperans correptionem;

bonorum refocillationem. Et quid dicam, Fratres, de Domina nostra? nisi quod gratiâ plena, omni petenti se tribuit; in manu & potestate habens thesauros cœlestes; & profundum diuitiarum Dei semper penetrans & erogans; nunquam tamen minuens, aut euacuans. Adhuc in carne mortali, mortalium indigentiam nouerat & portabat: & tamen cellariorum & horrei cœlestis apothecas pro libitu propinabat, & quibus vellet distribuere poterat.

Sed tempus iam est, alterum huius solemnitatis puteum aperire, & potu salubri ex eo adstantes & attendentes vos reficere. Nolo autem fraudare vos desiderio vestro, & tollere animam vestram; si diutius expectatione fastidiosa tenuero fraternitatē vestram; tamquam ego daturus sim vobis aquam viam, tanquam resignationis lapidem signatum in ore putei: non hoc attentabo, ne ruam in abyssum; si posuero os meum in cœlum. Quis enim alius resignabit, nisi qui signauit, Clavis David quæ aperit, & nemo claudit, claudit, & nemo aperit. Certè hoc est illud magnum mysterium à sæculis absconditum. Hæc sunt illa incerta & occulta Sapientiæ Dei, quæ Prophetæ manifestata sunt, cum ei dictum est. *De fructu ventris tui ponam super sedem tuam.*

Psal.
131. 11.

Fateor de magno negotio magna expectatis, sed quasi iamiam incipiet decrescere & rarescere flamma desiderij vestri, nisi talia apposita fuerint, quæ aduenientibus vndecumque ad Missam istam sufficiant, & solemnitati respondeant, & vestro appetitui satisfaciant. *Aue Maria gratia plena.* Nihil dormitet in sensibus vestris, sed euigilata intentione, vigilanter quæ dicuntur intelligite: de cœlo enim verba ista allata sunt, nec à parte qualibet cœlorum, sed à summo cœlo egressa sunt, & in ore tanti nuntij posita, qui præ sapientia sua non solæcizet, aut deficiat in verbo: præ fidelitate non mutet, aut abscondat quæ iniuncta sunt: præ potentia non timeat aërias occurSIONES: præ familiaritate de Patre ad Matrem futuram, Filium ab æterno de Patre consubstantialiter genitum, nouo genere concipiendum & nasciturum deferat: præ humilitate Dominam suam reuerenter salutet.

Nuncij huius prærogatiuam assignata legatio præclarè designat. Legationem legamus & intelligamus. *Aue gratiâ plena* Non iacet ista salutatio. Vacare, non iacere debemus ad inuestigationem eius, quæ quidem tam plena est; vt nec quidem cæco sit offendiculum ea, sed & tam profunda, vt nec remiges cœli, eam transuadare queant. Si simpliciter gradiaris, curre, & currendo intellige, quia plena est gratiâ Mater Domini, & benedicta in mulieribus, & Dominus cum ea: Si profunda vada queris, vt videas mirabilia Dei in profundo, & in aquis vehementibus, intra rimando epistolam cœlestem, & qualibus literis, qualibus coloribus depicta sit, tam in titulo quàm textu, potiùs mirari, quàm comprehendere poteris.

Aue MARIA gratiâ plena. Hic est titulus *Benedicta tu in mulieribus, & benedictus fructus ventris tui.* Hic quoque est textus. Satis autem de titulo & textu qui de scriniis cœlestibus digito Dei scripti, ad nos effluerunt. Summam possumus recolligere libri nostræ redemptionis; de quo in Isaia dicitur: *Et dabitur liber nescienti literas, & dicetur ei, lege.* Et respondebit,

Isai.
29. 12,

NON

non possum : Signatus est enim liber ; scriptorum cœlestium literas nos ter-
rigenæ nescimus , quia plurimum notæ illæ à nostris distant ; & est nobis tam
ignota Scriptura , quàm incognita lingua.

In libro ergo prædestinationis , legere nostræ redemptionis Mysteria non
potuimus , quia talibus literis non studuimus , neque consueuimus. Prophe-
tæ autem & Patriarchæ , summi quidam Angelici Spiritus , qui didicerunt
quidem literas illas , & ad plenum , non tamen capere potuerunt effectum
incarnationis , quamdiu clausa fuissent sigilla in Apocalipsi ; & ideo etiam
ipsi dicebant se non posse legere , signatus enim erat liber : hunc librum in-
titulauit Gabriel missus in ciuitatem Galileæ , cui nomen erat Nazareth , ad
Virginem desponsatam viro , cui nomen erat Ioseph , de domo Dauid ; &
nomen Virginis MARIA. *Aue* , inquit , *MARIA gratiâ plena*. Bene illu-
strat titulus iste materiam sequentis operis. Et si per sæcula humanus sen-
sus elaborasset adinuenire verbum bonum , verbum consolatorium , tam
aptum in principio nostræ redemptionis , non commendasset.

Non ex commentariis nostrarum adinventionum fabricari potuit hoc
exordium verborum nunciij Angelici ; sed de corde Patris eructatum , la-
biis Angelicis est ad Virginem delatum , & prolatum. Sed quid est *Aue* ?
Pax tecum : qui pacem non amat , anathema sit. *Aue*. Quid est *Aue* ? sine
væ. Quis est sine væ ? MARIA. Quare ? quia *gratiâ plena*. *Aue* , id est sine
væ ; id est pax tecum. Quid est sine væ ? Quid est pax tecum ? Væ Adæ , væ
Eux , sed MARIE , *Aue*. Adam in labore ; Eva in conceptu habet suum væ.
Spinæ & tribulos profert væ Adæ : dolores & ærumnas væ Eux. Eva in vte-
ro includit suum væ. Sed quid est væ ? interiectio dolentis. Verè interiectio ,
nam inter mandatum Dei , & peccatum Adæ , ista interiectio accidit. Inter-
iectio vtrique dolentis de bono quod perdidit , & de malo quod inuenit.
Tribulationem & dolorem inueni ; quod est væ , vnde est væ. Sed MARIA Psal.
nescit interiectionem dolentis , quia excepta est à regula vniuersitatis. Sin- 114. 3.
gularis enim est tam gratiæ , quàm meriti : tam virginitatis quàm fecunditati :
tam conceptu , quàm partu : tam Angelica salutatione , quàm Deifica prole.

Aue ergo , Sancte Angele cui loqueris ? quod est nomen eius ? Est-ne in
cœlis scriptum , agnitus , & nominatus ? Noui , inquit , eam ex nomine.
Quod est nomen ? *Et nomen Virginis MARIA*. Hoc nomen benedictum , &
exaltatum in omnibus sæculis : adorandum & colendum gentibus , tri-
butus & populis. O nomen nominabile ! ô nomen venerabile ! ô nomen
semper nominandum in periculis , semper inuocandum in angustiis ! ô no-
men sanans palatum se nominans ! ô nomen linguam gratificans se appel-
lantem ! ô nomen letificans se nominantem ! MARIA , ridet cœlum , cum
audit MARIA. Exultat anima , tranquillatur conscientia cum audit MARIA.
Fugit tentatio , si fideliter recipiatur MARIA. Tempestas quiescit , si
iusserit MARIA : vnda stat , si nominata fuerit MARIA.

Sed quid est MARIA ? maris stella. Quid est MARIA ? Illuminatrix. Quid est
MARIA ? Domina. O MARIA , ô maris Stella , ô Illuminatrix , ô Domina. O
maris Stella , non timet naufragium qui ad te potest habere confugium : non
incurret Carybdim , & Scylleam voraginem , qui te habuerit propitiatricem.

K

O Illuminatrix securè transibit per vmbram mortis, quem tu illustraueris quem tu præbis. O Domina ego seruus tuus, non semel, sed iterum ego seruus tuus; nec secundò tantum, sed tertio filius ancillæ tuæ, à progenie in progenies ego seruus tuus: ego mancipium, ego subscellum tuum, ego scabellum pedum tuorum. Si tempestas ingruerit, ô MARIA maris stella eris, si nox tenebras induxerit, Illuminatrix. Si me in seruitutem aliquis malignorum spirituum, per negligentiam meam proclamauerit, tu mihi vera & sempiterna Domina, vendica me in tuum, excusa me vt tuum, libera vt tuum.

Aue MARIA: In palatio æterno, in superliminari templi, in fronte tabernaculi, auditum est & scriptum nomen quod non delebitur, nomen quod describetur à generatione in generationem. *Aue MARIA gratiâ plena*. Plenaria infusio venarum diuinarum, quarum emanatio vtrem, immò vterum Virginalem impleuit: vt congregaret Dominus sicut in vire aquas maris. Et sicut appellauit congregationes aquarum *maria*, sic virtutum coadunationes in Virgine MARIA. *Gratiâ plena*, non caperet, non conciperet IESVM, nisi *gratiâ plena*. Semper enim IESVS natus apud Patrem in mari copiosatum deliciarum. Præmisit ergo matri eandem nauem in qua natare consueuerat, & alluione gratiarum alueum eius impleuit, vt meritò diceretur *gratiâ plena*.

Alueus iste gratiarum per diem sole adurente non siccatur, nocte quoque, lunari consumptione non minuitur. Adustio solis eam non penetrat, nec detractio lunæ deuastat. Non enim *gratiâ plena* esset, si gratia illa perefueret, vel nobilitate propria non consistens apud Virginem, vel qualibet rimulâ negligentiarum à Virgine resiliens. Plenitudo igitur gratiæ, *gratiâ plenam* facit: & sic in lectulo suo habet, & quo caput reclinaret, & quo pedes protenderet diuinitatis. Ecce ego sto iuxta fontem aquæ, igitur puella da mihi bibere, quia superabundas dono donandi, & voluntate largiendi. Si voluntatem dandi haberes, & quid dares nihil haberes, non esses *gratiâ plena*, sed dimidia: iterum si haberes quod dare posses, & dare nolles, non esses *gratiâ plena*, adhuc amplius si haberes & dare velles, sed sine licentia non auderes, non esses *gratiâ plena*. Quartò etiam si haberes, & dare velles, & sine licentiâ posses, sed detrimentum timeres, non esses *gratiâ plena*. Quintò denique si haberes, si dare velles, & posses, & defectum non timeres, sed non cuiuslibet dare posses, non esses *gratiâ plena*.


Quæ igitur habes quod des, & voluntatem habes dandi, & potestatem cuius sine timore damni, da mihi aquam de hydria tua, vt bibam: *gratiâ enim plena es*. Adeo plena, vt in scapulâ sua plenam de fonte ferentem occurrerit seruus Abrahæ, fortè ut biberet cœlestes virtutes, quæ nos transcendunt ab humero, gloriâ, honore, & fœlicitate cum Deo iam regnandi, sed deposuit puella hæc hydriam in vlnis suis cum audiuit, pauxillum aquæ ad sorbendum mihi præbe de hydria tua, quia sanctorum in hoc sæculo laborantium desideriis clementer accurrit, & sitim eorum suis auxiliis extinguit.

Tertio denique *gratia plena* verè de superabundanti gratiâ camelos non

SERMONES.

75

petentes, sed desiderantes potat, in canalibus effusâ aquâ; quia sicut filiis coruorum inuocantibus eum Dominus dat escam. Præuenit enim in benedictionibus dulcedinis quosdam peccatores Deus; præuenit & MARIA in respectu auxiliij quosdam peccatores: vt antequam petant accipiant. Ecce *gratia plena*, sicut odor agri pleni, cui benedixit Dominus. Ecce paradisi flumina irrigant vniuersam superficiem terræ. Ecce diluuium aquarum multarum. Ecce fluminis impetus latificat ciuitatem Dei. Ecce MARIA *gratia plena*. Ipsa apud Filium suum pro nobis interueniat; vt de gratia MARIE, gratiam accipiamus filij MARIE, qui viuit & regnat cum Deo Patre in vnitae Spiritus Sancti Deus per omnia, &c.



IN ANNUNTIATIONE DOMINICA.

SERMO IV.

AVE MARIA *gratia plena*. Vascula nostra priori sermone tamquam oleo infusa; non eo deficiente, sed gratiosius adhuc redundante eius liquoris gratia, vasa hesterno die defuerunt, quæ caperent superinfusionem illam quæ adhuc stillabat. Mutuauimus ergo vasa vacua non pauca; & hodie deferimus ad fontem olei, præsumentes quod si tam sapida fuit aqua de fonte aquæ; quale oleum erit de fonte gratiæ? Pernoctauimus certè, & quia meridiati sumus inter duos acervos, quorum vnus est, *Gratia plena*, alter *Dominus tecum*, Quid est hoc? hinc inde fons vitæ profluit. Sed quia de *gratiâ plena*, & si non plenam, saltem quantulumcumque gratiam prælibauimus. Ad *Dominus tecum*, mansionem faciamus; & exinde quod Dominus dederit, eloquamur.

Dominus tecum. Nisi repetitum, nisi recogitatum, nisi masticatum, non sapit quod sapit *Dominus tecum*. Morigera ergo consideratione versans atque reuersans in ore & corde, quid dulcedinis, quid saporis retineat *Dominus tecum*, noli sicut stultus semel totum deglutire *Dominus tecum*: sed in dies & annos repone tibi partes, & eis qui non præparauerunt sibi. Si diceret Archangelus Dominus mecum, verum diceret, & satisfaceret de fide nunciij; quatenus non hæsitaret credere nuncio, cum quo Dominus esset. Rursum si diceret Dominus secum in cælo est, & eius nuncius ad te in terra descendendo; verum similiter diceret, & mittentis auctoritatem commendaret. Tacito ergo quod verum quidem, sed non nouum, nec mirum erat, protulit quod verum, & nouum, & mirum erat.

Verum quia sicut erat prædestinatum sic iam fuerat implendum. Nouum, quod vtique solum sub sole factum est nouum. *Nihil*, inquit Scriptura, *sub sole fit nouum*. Sed hoc nouum nouorum, & omnium nouitatum sub sole *Eccles. 1. 10.* factum est nouum; quia neque in cælo, neque in terra, ortum vel auditum fuit tale aut tantum nouum. Tale non fuit, quia non fuit simile. Tantum

K ij

Ioan.
I.

non fuit, quia etsi aliquando aliquid noui contingit; non fuit tamen illud nouum tantum. Quale est hoc nouum? *Verbum caro factum est.* Quantum est hoc nouum? Exsuperat proculdubio omnem sensum. Quantum, inquam, est hoc nouum? Etsi non potest dici illud quantum; dicendum tamen est aliquid de illo: non quantum sit, sed quantum credi & capi possit.

Fit homo Deus, & Deus homo: nihil mirabilius, nihil factum est maius. Quàm mirabile est Deum hominem fieri: tam grande est hominem in Deum assumi. Indicibilis est illa Dei exinanitio; ineffabilis est hominis sublimitas. Non potuit Deus vltra exinaniendo se humiliare, non potuit Deus hominem vltra se sublimare. Quasi igitur amplexu firmo vtraque natura Dei, scilicet, & hominis copulantur in vtero Virginis; vbi ille magnus Prophetas contraxit se ad mensuram paruuli; & solum Dei inclinauit se ad profundum nostrum: nostrumque profundum excreuit ad solum Dei excelsum & eleuatum.

Sed quis in hoc adiuit Spiritum Domini, nisi MARIA? Quis expensas subministravit laboranti nisi Virgo virginum, quæ carnem & sanguinem, de intactis & sacrosanctis visceribus incarnando verbo pro nostra reparatione preparauit, ideo ad eam dicitur: *Dominus tecum.* Sine te quidem Dominus, per se solum, hominem creauit, sed tecum, & in te, & ex te reparauit. *Tecum* quidem, quia naturam diuinam in humanam non confundit. In te, quia in vtero tuo copulam illam vniuit. Ex te, quia in carne de te sumpta, passionem consummauit. Honor tibi, quia tecum. Amor quia in te. Compassio seu congratulatio, quia ex te. Compassio quidem pro pœna mortis. Congratulatio pro gloria resurrectionis.

Iud. 6.
12.

Honorabilis ergo, amabilis & laudabilis es; quia salutis nostræ cooperata es: quia officina saluationis facta es: quia causa & materia soluendi pro nobis debiti à te suscepta est. *Dominus tecum.* Multum ad te, & ad omnem creaturam, vt sit cum Domino. Quid verò hoc ampliùs honoris habeat vt sit Dominus tecum, quis cogitare sufficiat? Gedeon dictum est, *Dominus tecum virorum fortissime.* Sed cum Gedeone Dominus, vt daret illi victoriam inimicorum suorum. Tecum verò Dominus, vt det tibi gloriam sæculorum. Cum Gedeone ad tempus, vt cum amico. Tecum perpetuo, vt filius. Cum Gedeone simpliciter, per collatam gratiam. Tecum multipliciter, & singulariter, per assumptam humanam per te naturam.

Dominus tecum in cogitatione sancta, in affectione piâ, in voluntate recta, in intentione pura, in desiderio futurorum, in omni motu interiori regens in bono, & exteriori compescens à malo, in sermone vero, in opere iusto, in ore pudico, in osculo sancto, in aure parata ad obedientiam, in manu tornatili ad eleemosynam, in pede veloci ad releuandam aliorum miseriam, in singulis & in omnibus partibus corporis tui per disciplinam. *Tecum* vterum implens & impragnans de Spiritu Sancto: sed non corrumpens, nec onerans ardore libidinoso: tecum in contemplatione subleuata per excessum mentis: tecum in actione, humiliata in necessitate proximi: tecum visibiliter: tecum inuisibiliter: tecum leuans te ad cœlum: tecum conseruans te in mundo: tecum per gratiam saluantem: tecum

per ineffabile gaudium: tecum per æuū. *Dominus tecum* excellenter, tecum incomprehensibiliter.

Benedicta tu in mulieribus. Abeat sibi in malam viam maledictio, & veniat per te ad nos ō MARIA, ō Benedicta, benedictio. Benedicta tu de rore cœli, & de pinguedine terræ. Benedicta à montibus æternis. Benedicta plusquam filij Iacob, quorum benedictionibus adiunguntur non optantis, sed prophetantis animo quædam quasi maledictionem. *Benedicta tu* in omni benedictione cœlesti. Benedicta tu, cuius benedictione reparantur quæ in cœlis, & quæ in terra sunt. *Benedicta tu in mulieribus*, quia per te maledictio mulierum euacuata est, opprobrium sempiternum comparauerat illis peccatum Eux, sed ab isto opprobrio, non solum absoluisti, sed privilegium indulxisti, quo se tueantur ab obiectione probrosâ dicentes, quia quia si obiicitis Eux culpam, replicamus vobis MARIE benedictionem & gratiam.

Videtur
aliquid
deesse.



IN ANNUNTIATIONE DOMINICA.

SERMO V.

S VME tibi librum grandem, &c. Virgo Virginum, quæ aliàs appellatur ^{Esaie} cella aromatum, hîc designatur per librum intus & foris scriptum: foris ^{8. 1.} humilitate, intus castitate. Intus & foris saluo integritatis signaculo. Fecunditate, quia Deum genuit, & hominem. Hunc librum de membranulis primi hominis originali propagatione extractum, tamquam pellem mortui animalis, contactu & contractu originariæ culpæ hispidam, quatuor illæ cardinales Virtutes, id est prudentia, iustitia, fortitudo, & temperantia, inuisibili scriptori, scilicet Spiritui Sancto præparauerunt, radendo, leniendo, regulando & scribendo.

Omnes namque pilos de peccato Adæ pullulantes in carne eius mortali, perfectè fortitudo fomitem peccati debilitando erasit, vsque ad nouissimum quadrantem otiosi verbi, & resolutæ cogitationis. Sic enim in pistrinum diuinæ Religionis inclussit in ipsis puerilibus annis, vt porta esset orientalis clausa, solique principi in ingressu & egressu Sanctorum peruia. Accinxit ergo fortitudine lumbos suos, ne vel minimo luxu aut pulsu illicito concuteretur. *Roborauit brachium suum*, vt naturæ lubricam, paxillo fidei-immobile statueret. Originali * igitur, & de peccati fomite peccata prurientia sic fortiter à Virgine explosa.

* deest
aliquid.

Temperantia temperanter operam propriam subministrans, assumpto pumice mordacis reprehensionis, & ad proximos benignissimæ compassionis, sic exhibuit eam vt conuersatio illius sine quærela esset apud Deum & homines. Hinc est quod à Deo visitata, ab Angelo salutata, à Spiritu Sancto

K iij

imprægnata, compassionis gratiam in vacuum non accepit, irregulariter euagando, nec proximam suam neglexit, arroganter obsequium non exhibendo: hinc vanitatem fugiens, inde charitatem non relinquens, sic temperantia leniuit in Virgine quidquid de Adæ intemperantia furculus eius contraxit ex conceptione, & ne itinera diuinitatis offenderentur, lapides de via collegit, vt Verbum Dei virginali humanitate, immo humana proprietate formam in qua Patri æqualis est, occultaret, & vtramque naturam Dei & hominis, sub habitus nostri littera, legendam traderet.

Succedit huic regularis iustitia, quæ sic gressus virgineos in omnibus mandatis, & iustitiis domini direxit, vt nec humana iustitia omnium iustorum illam apprehenderet, nec Angelica præcederet. Nihil ergo inordinatum, nihil non aquâ lance pensatum, nihil in alteram partem deuexum aut suspensum. In omni vita & conuersatione Virginis iustitia præiuit inditum.

Iam manum ad scribendum apponit prudentia; attramentarium & incaustum de spinis Dauidici seminis in Genealogia Matthæi Euangelistæ, seu Lucæ conficiens. Vbi residente in fundo malorum facie, supernatât pura bonorum gutta, recto tramite vsque ad Virginem descendens: vt sicut de spinis rosa, sic oriatur de peccatoribus Virgo MARIA. Scribit itaque nomen Virginis, salutationem Angelicam; vteri imprægnationem, maritalem desponsationem, & totius Dominicæ Incarnationis seriem.

Superueniens quoque Spiritus Sanctus, hanc Scripturam illuminat; sumptis coloribus in cornu sublimi solij paternæ sessionis, de quibus capita singulorum versuum, in humanis actionibus descriptorum, miraculis coruscantibus intitulat: vt semper in I E S V nostra fragilia regant diuina opera; & in Matre ipsius consideretur, & sexus fragilis ex se, & sensus diuinus ex filio supra se.

Tandem ligandus est liber iste grandis, disciplinæ & religionis angelicæ corrigiis, vt semper Gabrielis & Ioseph vtatur solatio, aut societur Ioanni & Apostolico choro. Duo capitella huius libri sunt, Annuntiatio Domini, siue ipsius Virginis Assumptio. Gabriel Minister est Annuntiationis, vt credo & Assumptionis. Tamen primum capitellum mirabili varietate & veritate idem Archangelus contexuit & decorauit; teste Euangelica lectione, quæ ait: *Missus est Angelus Gabriel, &c.* Secundum capitellum Ioanni traditum in cruce legimus: vbi in cruce I E S V S Matrem & Discipulum sic alloquitur: *Mulier ecce filius tuus.* Ad Discipulum autem: *Ecce mater tua:* & ex illa hora, accepit eam discipulus in sua.

Ioan.
19. 26.

Sola firmatoria restant; quorum alterum desponsatio Ioseph fuit: alterum virginalis incorruptio. Horum alterum diabolo opponitur, ne videat impius gloriam Dei, id est desponsatio. Alterum philosophicæ disputationi, videlicet, incorrupta Virginis fecunditas: vt omne os obstruatur & subditus fiat omnis mundus Deo. *Sume igitur, ô Propheta, librum grandem,* quia de grandi tractat materiâ, diuinæ, scilicet Incarnationis, & humanæ restorationis; & scribe in eo stylo hominis, alto propter Diuinitatem; mediocri propter animam, humili & pedestri propter carnem simul assump-

ram. In hoc stylo attende alteram extremitatem acutam, alteram planam; medietatem verò rectam, & tractabilem.

Christus IESVS venit vitia pungere, vt homo compungeretur *dum configitur spina. Poenitentiam*, inquit, *agite*. In punctione autem sanguis educitur cum dolore; quia mens verbo Dei compuncta, de peccato gemit in confessione. Comedens verò & bibens cum publicanis & peccatoribus socialem se præbuit Dominus Angelorum, *habitu inuentus vt homo* in humana conuersatione; tam misericors pœnitentibus, quam contrarius peccantibus. Remittit ergo peccata tamquam ex superiori parte confitentibus, quæ vt homo improperat ad hoc vt quæratur medicus: vndè in Psalmo dicitur ei: *Intende, prosperè procede, & regna: propter veritatem & mansuetudinem, & iustitiam*. Veritas monet non peccare. Mansuetudo tolerat nolentem redire. Iustitia liberat volentem ad Deum redire. Hic est stylus hominis.

Psal.

44. 5.

Scribe ergo stylo hominis; *Velociter spolia detrahe, citò prædare*. A matre spolia accepit, siue detraxit, cum de carne eius & sanguine, naturam humanam in vnionem Verbi assumpsit. A Patre quoque quodammodo spolia detraxit; cum formam Dei Patris, in qua ei æqualis est, sub vmbraculo humanæ speciei, ne videretur reposuit; & semetipsum exinaniens, formam serui, in qua appareret hominibus, accepit. Ab hominibus spolia accepit & detraxit: dum ab errore in fidem suam conuertit; vel aperto, vel occulto martyrio exposuit. A diabolo spolia detraxit, dum ipsum in cruce triumphans, inferna confregit, & ad se omnia sua traxit.

Esa. 8.

Sed quod dicitur spolia detrahe, factum est in prædicatione, quod dicitur citò prædare, in passione. Vndè: *Ad prædam fili mi ascendisti*. Velociter hoc fit & citò; quia velociter currit sermo eius. Quia subest ei cum voluerit posse. Quia omnia quæcumque faciet prosperabuntur. Quia dixit fiat, & factum est. Sic tu bone Christiane, velociter spolia peccatorum detrahe à conscientia tua per Confessionem. Citò prædare gratiam Dei per satisfactionem; vt in libro tuo scribatur IESVS per sanctam conuersationem; immò in libro Dei scribatur nomen tuum, per peccatorum remissionem, quam nobis præstare dignetur Christus IESVS, qui viuit & regnat, &c.

Genes.

49. 9.





IN ANNUNTIATIONE DOMINICA.

SERMO VI.

Jerem.
18. 14.

NVNQV ID de petra agri deficiet nix Libani; aut euelli possunt aqua erumpentes frigida, & defluentes? Præfens huius diei solemnitas præclara est, ut nix æterna, quia nunquam deficiet: pura, emundans omnes antiquas peccatorum sordes; tamquam aqua frigida mitigans Dei iram, & hominis, per pœnitentiam, futuram pœnam. De diuinis visceribus erumpens, propter nimiam charitatem Dei, & diuitias misericordiæ eius. Libanus est cœlum cœlorum. Nix est sapientia Patris, Verbum in principio apud Deum. Candor lucis æternæ. Speculum sine macula. Splendor gloriæ, & figura substantiæ eius. Petra, Ecclesia, vel Virgo MARIA. Ager mundus. Aqua erumpentes, gratiæ de ore & pectore IESV defluentes, quibus sanabantur omnes quotquot tangebant. Frigida, ardentes concupiscentias temperantes.

Gen.
27. 27.

Isaac benedicens Iacob hanc prænuntiat annuntiationem dicens: Ecce odor filij mei sicut odor agri pleni. Det tibi Deus de rore cœli, & de pinguedine terre, abundantiam frumenti & olei. Odor IESV, odor suauissimus; cuius utraque natura & Angelos in patria solâ odoris visione pascit, in quem desiderant Angeli prospicere; & suâ umbrâ homines regeneratos ex aqua, & Spiritu Sancto viuificat & confortat sui corporis & sanguinis Sacramentali cibo: Sed quia adhuc paruuli necdum attingimus, ut Angeli, solidum illum cibum, quem cum illis sumpturi sumus, cum eis æquales fuerimus; ad nostrum panem quotidianum accedamus: & de semine atque terra, & rore, & agricola, qui in sacco semen attulit, & terræ commendauit; breuiter videamus.

Lucæ 1.
28.

Semen est Verbum. Terra, Virgo MARIA. Ros Spiritus Sancti gratia. Agricola Gabriel Archangelus, qui ingressus ad Virginem, ait: Ave gratia plena, Dominus tecum: hæc pinguedo terræ. Spiritus Sanctus superueniet in te: ros de cœlo. Conceptus, IESVS de Spiritu Sancto ex MARIA Virgine, videlicet ex humore Virginis; unde caro & sanguis: & calore Spiritus Sancti, unde anima & Verbum Dei Ros refrigerat, fœcundat, humectat, penetrat, mundat, silenter intrat, calorem & serenitatem diei prænuntiat. Sine rore sterilis est terra, macra, vacua. Vnde Psalmista: Anima mea sicut terra sine aqua, id est sine gratiâ. In creatione autem cœli & terræ Spiritus Dei ferebatur super aquas, calefaciens & fœcundans eas, siue per Baptismum, siue per compunctionem lachrymarum: nam & in Baptismo totam remissionem peccatorum operatur Spiritus; & in compunctione adiuuat infirmitatem nostram.

Psal.
142. 6.

Sine rore sterilis est terra, macra, vacua. Vnde Psalmista: Anima mea sicut terra sine aqua, id est sine gratiâ. In creatione autem cœli & terræ Spiritus Dei ferebatur super aquas, calefaciens & fœcundans eas, siue per Baptismum, siue per compunctionem lachrymarum: nam & in Baptismo totam remissionem peccatorum operatur Spiritus; & in compunctione adiuuat infirmitatem nostram.

Refrige-

Refrigerat itaque æstus libidinis; fœcundat voluntatem, quæ cupit desiderare justificationes Domini. Humectat terram australem; cui Axa filia Caleb, rogat jungi irriguum superius, quod est cœleste desiderium cum gemitu malorum præsentium. Penetrat medullas, vnde offerat holocausta medullata. Mundat fide inquinamenta carnis & spiritus. Silenter intrat, quia spiritus ubi vult spirat, & vocem ejus audis, sed non scis unde veniat, & quo vadat. Serenitatem diei prænuntiat, quia requiem & futuram gloriam & promittit, & donat. Hæc omnia operatur vnus atque idem Spiritus, cuius aquæ euelli non possunt erumpentes frigida, & defluentes.

Ioan. 3.
8.

Testatur Petrus in Actibus Apostolorum quodd aquæ erumpentes euelli non possunt; Cum enim ingrederetur ad viros præputium habentes, ex Iudæis conuersi murmurabant aduersus eum, quibus ait: *Si ergo & illis dedit Deus gratiam, quis ego sum, qui possem prohibere*, Ex oculis Dei erupunt lachrymæ, sicut de Ioseph dicitur: *Erumpebant lachrymæ, & non poterat se continere*: quando filium suum misit in mundum, & Spiritum sanctum in Apostolos; tunc enim cœli distillauerunt à facie Dei Sinai, à facie Dei Israël. Quando pluuiam voluntariam segregauit Deus hæreditati suæ.

Act. 11. 16.

Gen. 43. 30.

Sunt etiam aquæ erumpentes de montibus, misericordia & veritas, quæ obuauerunt sibi: iustitia & pax quæ osculatæ sunt; tam in Incarnatione Christi, quàm in Passione: nec non & in Resurrectione, atque Ascensione. Misericordia præcedit in Incarnatione: iustitia in Passione: pax in Resurrectione: similiter omnibus occurrit in Ascensione. Non enim secundum peccata nostra reddidit, cum semetipsum exinaniiuit formam serui accipiens. Diabolo soluit vsuras pro nobis in Cruce, quando non peccator, non iustus tantum; sed Dominus ipse gloriæ, crucifixus est & mortuus; quod est iustitiæ.

De mortuis denique resurgens tamquam columba ad arcam, id est, ad Apostolos rediens, ramum oliuæ in ore attulit dicens: Pax vobis. Aquæ istæ à mente Dei euelli non possunt: misericordia enim ejus ab æterno vsque in æternum & in æternum veritas eius permanet in cælo, iustitia eius manet in sæculum sæculi, & pax eius quæ exsuperat omnem sensum; & fines Ierusalem posuit pacem: ad quam nos perducatur ipse I E S V S, qui est pax nostra; qui viuit & regnat per omnia sæcula sæculorum Amen.



L



IN ANNUNTIATIONE DOMINICA.

SERMO VII.

REPPLICATIS apud Patrem vnicus Filius regalibus ornamentis, quibus insignitus splendor paternæ gloriæ in splendoribus Sanctorum, ante Luciferum genitus irradiabat, hodie à regalibus sedibus descendit, & cellam vinariam, cellam aromaticam, seipsum exinaniendo intrauit. O cella benedicta! ô cella beata! paradiso iucundior, cælo sublimior, Angelis beatior, pande sinum, aperi ostium, resolue pessulum, festinanti, venienti, & currenti ad nostrum suffragium, ad naufragantis subsidium, ad desperantis remedium: grande habet negotium, sed secretum; idcirco in secreto tuo silentio excipe illum.

Postponit palatia regum, propter discursantium tumultum: Synagogam respuit Sacerdotum, propter auaritiam & calumniam pauperum. Ab initio æternitatis radius beneplaciti sui in te directus, donec veniret tempus miserendi, te sibi fabricare distulit: at postquam in fine sæculorum viscera pietatis suæ continere non potuit, de grandi sylua generis humani, in securi beatricis potestatis, & ascia inconuulsæ charitatis, præcidit ad umbraculum suæ operationis ramusculos pulcherrimæ arboris, & opere incomparabili officinam Verbo incarnando aptam, & solius Dei receptiuam construxit. Hanc extra circumliniuit specie & pulchritudine, quam rex concupisceret: intus repleuit optimis cæli mercibus; nullo modo ante pretio emptis vel adeptis.

Fidelissimum & notissimum Gabrielem nuntium futuræ matri præmisit qui eam salutaret nouo salutandi modo; instrueret diuino oraculo; latificaret dono præsentis, & affuturo promisso certificaret de mandato iniuncto. Fidelis quoque Dominus in verbis & operibus suis præuenit, & cum legato suo venit: quia emittit eloquium suum terræ, id est MARIÆ: velociter currit sermo eius. Inter cætera etiam munera amoris, dat niuem sicut lanam; nebulam sicut cinerem spargit. Mittit crystallum suam sicut buccellas. Nix designat castitatem. Lana fecunditatem. Nebula Ioseph desponsationem. Cinis diaboli & Iudæorum cæcitatem. Crystallus Dei & hominis vnionem. Buccellæ corporis & sanguinis Christi communionem.

Tota pulchra & candida virginitas, pruritus carnis, & impetus nescit: nullos infamiæ strepitus de continentia suâ facit. A Deo desorsum descendit, & sæculares actus abscondit. Fecunditas verò quæ Deum hominem parit, mirabili modo Deum hominem induit & hominem assumptione Dei calefacit, quatenus naturæ ad inuicem liquefiant affectione & inseparabili vnione, sed nulla dehiscant mutatione proprietatis aut confusionis ver-

SERMONES.

83

sibilate. Desponsatio proinde Virginis Ioseph velamen est & obumbratio, ne impius Diabolus vel Iudæus videret gloriam Dei & non Dominum glorificaret, sed Virginem lapidaret aut infamaret, vnde in persona Christi Psalmista: *Obumbra super caput meum in die belli*; vt sicut Spiritus sanctus obumbravit Virginem ad concipiendum Dominum, sic Ioseph obumbraret ad defendendum conceptum. Psal. 139. 2.

Deinde obscuratum est insipiens cor inuidorum turbante oculos eorum cinere quo diabolus timebat perdere potestatem in homine, & Iudæi locum & ciuitatem; proinde in Incarnatione Verbi naturam humanam fluidam, instabilem, omni vento circummagitatam virtus inmutabilis consolidauit, & Diuinitati affigens, ad stabilitatem æternitatis prouexit. Quamuis autem ad Patrem Homo Deus ascenderit, bucellas tamen in cæna consecrauit, accipiens panem & calicem ac benedicens, Apostolisque tradens: Hoc est, inquit, corpus meum, & hic est Calix sanguinis mei; hoc facite in meam commemorationem. His Apostoli saturati dimiserunt reliquias suas paruulis suis. Sed vide ordinem quo accedas ad bucellas. Prius habenda nix castitatis, lana charitatis, deinde nebula fidei, quæ est: *substantia sperandarum rerum argumentum non apparentium*. Deinde Cinis pœnitentiæ, audiens, memento quia cinis es & puluis es, & in cinerem & puluerem reuerteris. Deinde CrySTALLUS nouæ religionis, & secundæ professionis, ad vltimum bucella secundæ admonitionis. Matth. 26. 11. Lucæ 22. Hebr. 11. 1.

Si homo ad ostium cellæ, seu spelunçæ virginalis cum Elia operto vultu pallio refederis, audies sibilum auræ tenuis dicentem, quid hic agis Elia? & ille, Domine Prophetas tuos occiderunt, altaria tua suffoderunt, & quarunt animam meam: & ecce specie grandis & fortis subuertens montes, & conterens petras ante Dominum. Non in spiritu Dominus; & post spiritum commotio, non in commotione Dominus. Post commotionem ignis, non in igne Dominus: & post ignem sibilus auræ tenuis, & dixit. Quid hic agis Elia? 3. Reg. 19.

Allegoricè, mentem Prophetæ diuina reuelatio tangit, & cursum temporis vsque ad incarnationem Christi per spiritum grandem & fortem, per commotionem & per ignem, & per sibilum auræ tenuis distinguit. Specie grandis & fortis subuertens montes & conterens petras, ira Dei fuit, quæ Luciferum de Cælo, & hominem de Paradiso expulit. Commotio est temporalitas & passibilitas quam homo meruit. Ignis lex Moyfi, quæ dicitur ignea, quia in igne data fuit. Sibilus auræ tenuis, Nuntius nostræ reparationis. An non est sibilus mitigationis *Aue gratia plena Dominus tecum benedicta tu in mulieribus, & benedictus fructus ventris tui*? Hoc sibilo Domine, mitigasti omnem iram tuam, & sibilasti muscæ quæ est in extremo fluminum Ægypti, id est culpæ damnabili, & api quæ est in terra Assur; id est pœnæ pungenti, Christus enim de peccato damnauit peccatum; videlicet de pœna suæ passionis deleuit & culpam & pœnam nostræ præuaricationis.

Antequam verò introspeciamus spelunçæ seu cellæ nostræ secretissima penetralia, moraliter assignemus spiritum grandem, & fortem subuertentem.

L ij

Pfal.
63. 7.

tem montes, conterentem petras. Verbum prædicationis quo superbia nostra humiliatur, & duritia emollitur, est specie grandis, sed non in spiritu Dominus: *Accedit homo ad cor altum, & exaltatur Dominus*, quia per spiritum commotio, & Angelus descendens in piscina, facit commotionem aquæ; dolorem utique de malis in corde, nec in commotione Dominus, qui cum tranquillitate omnia iudicat, & post commotionem ignis, scilicet confessio oris, quæ usque ad cinerem peccata tamquam ligna extenuat. Hoc in igne Dominus, quia dignum fructum penitentiae expectat. Et ecce sibilus auræ tenuis dicens: Dimissa sunt tibi peccata tua quoniam dilexisti multum.


Esaiæ.
1. 16.

Sed quid tibi auræ tenuis? gratiæ inspiratio. Quære auræ, quære tenuis? quia temperatissime æstus præsentis & futuri mali mitigat ideo auræ; quia verò præsumptionem & desperationem tollit, ideo tenuis. Sibillus quid? *Quiescite agere perversè, discite benè facere*. Ex his quasi duobus labiis sibillus medius egreditur, quia spe bona anima fouetur & fruitur. Rursus ad ostium Virginalis spelunçæ aspectus furtivos raptim iniiciamus, inquirendo quid Angelus tympanizet ad aurem; quid Spiritus sanctus citharizet ad mentem; quid digitus Dei segreget de carne ad carnem; quid odoris, quid suavitatis, quid inexpertæ delectationis mutuent ab hospite suo interiora Virginis. Dic nobis auræ tenuis.

O MARIA ecce unguentum exinanitum omnia vasa tua impleuit; ecce dolia tua plena sunt vino meracissimo; ecce scrinia tua referta sunt vestibus valde bonis; ecce in arca tua est *panis vivus qui de cælo descendit*: *Ecce lectulus tuus floridus*: ecce domus tuæ ligna cedrina, laquearia cypressina: columnæ portantes quatuor parietes, Prudentia, Fortitudo, Iustitia, Temperantia: ecce sedes Sapientiæ parata, quæ docet facienda & non facienda, intellectus legit & intelligit omnia in Scriptura diuinitus inspirata.

Consilium disponit omnia, Fortitudo regit & gubernat naturæ impossibilia, Scientia discernit mores, actus, dicta & cogitata singula: Pietas excipit cunctorum contraria, & expendit propria; Timor custodit ianuam, ne quid irregulare ingrediatur, aut egrediatur, cantat symphonia, unio personæ, cantat chorus duarum naturarum inconfusè; cantat ipsa MARIA in tympano carnis macerata & afflicta; cantat spiritus in cymbalis iubilationis; laudat omnis spiritus & Matrem, & Filium Dei, & Filium Virginis.





DE PASSIONE DOMINI.

SERMO I.

IVDICA me Deus, & discerne causam meam de gente non sancta. Vestigia Christi sequentes, Fratres Charissimi, usque ad passionem eius accessimus. Vtinam nec in passione ab eo discessuri quousque finem cum Petro videntes, sine fine societatem eius teneamus. Expressa itaque vestigia & signata defluxione sanguinis qui de pedibus profluxit, ut intinguatur pes tuus, o bone Christiane, in sanguine Agni, observa dicens cum sancto Iob. *Vestigia eius secutus est pes meus, viam eius custodini, & non declinaui ex ea, & a mandatis labiorum eius non recessi.* Aliis tamen cum IESV utitur vestigiis in caelo, aliis in terra, aliis in mari, aliis in inferno: gloriosa vestigia CHRISTI in caelo, casta in terra, mirabilia in mari, potentia in abyssu. Vide potentiam in abyssu. Vestes ferreos confregit: draconis capita qui ibi cubabat amputavit: diuitias quas deuorauerat de ventre illius extraxit. Rete suum piscibus Patriarcharum, Prophetarum impleuit: thesauros ibi absconditos ab initio mundi in manu potenti & brachio extento recuperavit.

Psal.

42. 1.

Iob.

23. 12.

Ista sunt vestigia, haec deambulatio Dei apud inferos. Tamquam potens potentissime accinctus circa femur suum gladio illo quo interficit Antichristum, officinas infernales circuiuit, & sicut de iure suo nihil dimisit, sic inimico de suo nihil abstulit: tam iustus fuit, cum non suos reliquit, quam pius cum suos asportauit. Non de impossibilitate fuit, quod omnes non liberauit, non de crudelitate, non de obliuione, sed de iustitia, sed de veritate, sed de apprehensione staterae iustae. Ecce haec sunt vestigia Christi in inferno inferiori.

Item vide ambulantiem super aquas & attende miraculum Hominis Dei, immo Dei Hominis, reuera scilicet corruptio peccati non erat in corpore illo plus caelesti propter spiritus sanctificationem, quam terrestri propter terrenam inhabitationem: sic nulla grauedo oppressionis deprimebat illud, ut ad negligentiam sui propositi, ut ad inefficaciam sui beneplaciti. Quam facile enim animus eius poterat aliquid velle, tam facile sine difficultate poterat posse. Ideo quando voluit, super aquas ambulauit. Hoc de vestigiis eius in aquis, ubi sine vestigio ambulauit, cum vestigia sine vestigio impressit. Petrus & reliqui. Iij similes Petri, nouerunt vestigia eius sequi ut dicant in Ecclesia, *vestigia eius secutus est pes meus.*

Iam de vestigiis humilitatis eius videndum, & his arenis insistendum, quia de his dicitur in Psalmo; *Perfice gressus meos in semitis tuis, ut non moueantur vestigia mea.* Sunt autem semitae stricta itinera, id est duorum

Psal.

16. 5.

L iij

Ioan. 14. 6. pedum, quasi media itinera, nec immerito viæ IESV dicuntur potius semitæ quàm itinera, quia nulla euagatio, nulla effrænatio ad illicita in via illa quæ dicit: *Ego sum via*: arcta enim est & angusta, & pauci qui inveniunt eam: orat proinde ille qui dixerat, vestigia eius secutus est pes meus, & dicit perfice, id est vsque in finem dirige gressus meos, id est actiones meas in semitis eius, id est in castis exemplis & operibus pietatis: vt non moueantur vestigia mea aliqua tentatione vel suggestione inimici, à charitate & imitatione tua.

Quæ sunt verò eius vestigia? Ecce audi quæ sunt eius vestigia. Conceptus est de Spiritu Sancto. Ecce primus passus de vestigio. Natus est de MARIA Virgine, secundus passus. Positus est in præsepio, tertius eius passus. Circumcisus est octaua die, quartus passus. Oblatus est in Templo, quintus passus. Baptisatus est à Ioanne, sextus passus. Ieiunauit in deserto quadraginta diebus, & quadraginta noctibus, septimus passus. Tentatus est tertio à diabolo, octauus passus. Prædicauit, & miracula fecit, nonus passus. Transfiguratus est coram Apostolis, decimus passus. Venditus est à Discipulo suo, vndecimus passus. Et crucifixus est, duodecimus passus. Mortuus est, decimus tertius passus. Sepultus est, decimus quartus passus. Hucusque vestigia eius in terra.

Psal. 117. 11. O Domine IESV *notas mihi fecisti vias vite, adimplebis me letitia cum vultu tuo.* Viæ istæ, viæ pulchræ, & omnes semitæ istæ pacificæ; perfice igitur gressus meos in semitis tuis, vbi tanta itineris religio & distinctio est, vt vix iustus religionem, sapiens distinctionem presso gradu valeant tenere. Consequenter ergo sequamur IESVM conceptum de Spiritu sancto, ab eodem accipientes inspirantem gratiam: Natum de Virgine MARIA, adiuti à gratia, adiungentes gratiæ liberum arbitrium. Positum in præsepio, humiliter de nobis sentiendo. Circumcisum, superflua primæ natiuitatis amputando. Oblatum in Templo, corpora nostra templum Spiritus sancti faciendo. Baptisatum à Ioanne, in Confessione nos purgando. Ieiunantem in deserto, abstinendo: Tentatum, tentationibus resistendo: Prædicantem, miracula facientem, Verbo Dei & doctrinæ insistendo: Transfiguratum, Corpori IESV nos conformando. Passum, omnem iniuriam patienter tolerando. Venditum, nostris voluptatibus renunciando, & diuinis iussionibus nos mancipando. Crucifixum, vitia nostra mortificando: Mortuum, mundo moriendo: Sepultum, futurum Iudicium in pace expectando. Igitur; iudica me Deus, & discerne causam meam de gente non sancta.

Ioan. 8. Attendite Fratres charissimi Dominum nostrum dicentem iudica me Deus &c. & commoueantur viscera vestra si bene consideraueritis quàm pius sensus contineatur in verbis istis. IESVM itaque filium Virginis, hominem sine peccato, qui in Euangelio presenti dicit: *Quis ex vobis arguet me de peccato?* Estima te in capitulo Scribarum & Phariseorum expoliatum & nudum sub virga correptionis, seu baculo flagellationis ad * Abbatem suum dicentem, Iudica me Deus. Iudæi enim expoliarunt eum, Pilatus flagellauit. O pietas cordis, ô commotio superluminarium cæli & terræ! Pilatus flagellat IESVM; & quid facit, quid dicit IESVS, quid ba-

lat Agnus? Iudica me, &c. Fratres, *vnusquisque*, ait Apostolus, *portabit iudicium suum*, & iste portauit nostrum, non suum iudicium, nisi fortè quia nostrum fecit suum: non participatione delicti, sed ratione vnctionis Dei & hominis: dorsum proinde suum pro nostro exponit, vt super illud fabricarent peccatores fabricam dolorum & vulnerum: disciplinam pacis nostræ pertulit, & reatum delicti vnde arguebamur tulit.

Iudica me, inquit, Deus, &c. quomodo? & discerne causam meam de gente non sancta. Nam causa mea est redemptio hominum, causa mea est ipse homo pro quo veni vt liberarem eum: discerne ergo Deus meus causam meam, vt in ista discretionem quid ponderis habeat passio mea, quid damnationis culpa Adæ, quid pensi ira patientiæ appendatur, & iusto examine trutinetur, quia fauorabiliores sunt res magnæ quam actores: vnde non solum veniam, sed gratiam inueniat homo seducibilis propter inexper- tam peccati nouitatem. Non viderat enim alium hominem ante se peccasse, nec putauit tam acerba & prolixa vexatione puniendum vnum morsum vetiti pomi. Discerne ergo causam meam à causa diaboli, discerne & à causa primi hominis, discerne & causam hominis & diaboli, discerne causam meam secundi hominis à causa primi hominis, vt non sicut delictum, ita & donum; delictum Sathanæ sine remedio manet, delictum Adæ & actu & reatu manet vsque ad mortem meam, sed per me redemptis de filiis eius transit reatu non actu.

Quid est autem peccatum transire reatu nisi imputari? Quid est transire actu? Profus desinere peccare, & sine peccato esse: sed nulli datum est hoc nisi Deo Homini; nisi ei qui de Spiritu sancto conceptus est, & eius beatæ Genitrici post illam obumbrationem Spiritus sancti, quia tota circumuoluta, & induta, sic tota occupata fuit à gratia, vt locum deinceps nullum inueniret vel leuissima culpa. In cæteris ergo regnauit mors peccati ab Adam vsque ad Christi passionem vtroque pede, id est actu & reatu; sed claudicare cæpit *contracto prorsus nervo femoris*, dum reatus donatus est nobis in morte Christi. Debilitato etiam pede alio dum fomes peccati aspersus sanguine Christi & segniùs deinceps mouere ad malum potuit, & validioribus articulis dolere cæpit: hoc est ergo, discerne causam meam de gente non sancta; vt causâ eius homo liberetur, & diabolus elidatur, homo iam liberetur reatu, in futuro actu & reatu. Gratias tibi Domine agimus, quia causa tua tam bona fuit, vt de nostra mala faceres bonam, qui cum Patre viuus & regnas per omnia, &c.





DE PASSIONE DOMINI.

SERMO II.

Exod. 13. **I**STI sunt dies quos observare debetis, primo mense, quarta decima die mensis ad vesperam comedetis azyma usque ad diem vicesimam primam ejusdem mensis ad vesperam. Paulus Apostolus cum gravi incomminatione redarguit illos qui observant dies, menses, & annos dicens: *Dies observatis & menses, & annos. Timeo ne sine causa laboraverimus in vobis.* Lex autem Moyli, imò Dominus in Lege mandat observari dies istos: questionis itaque distinctionem non contradictionem notare in his verbis debemus; est namque observatio religiosa, & est observatio superstitiosa. Planetarum & stellarum curiosi inuestigatores quando currant, quando stent, quando retrocedant, quando oriantur, quando occumbant, &c. huiusmodi summa circumspectione attendunt, & secundum hoc vitæ prospera seu infortunia auspicantur. Hæc vana & pessima observatio est, quam Apostolus prohibet.

Illa verò religiosa observatio est, quâ Natiuitas Christi secundum carnem observatur, ut tam solemni quàm digna celebritate opus illud tantæ pietatis, suo tempore recolatur. Illa quoque observatio religiosa est quâ tota intentione Passioni Dominicæ, & Resurrectioni mentem nostram dedicamus, ut si possit fieri nihil aliud corde, nihil aliud ore nisi Christum crucifixum versemus, quousque resurgentem cum Maria Magdalene oculis Fidei videamus. Planè religiosa observatio est qua sanctos honoramus, & singulis anniuersariis, singulos die congruo commemoramus. Dicenda ergo sunt aliqua de observatione, ut sicut verbi gratia, qui potionem sumere vult, aliam habet observantiam antequam accipiat, aliam cum accepit: sic qui animæ suæ potionis remedia intendit adhibere, quærat à medico præcepta observantia, & obseruet, siue ante, siue post medicinam. Non abs re verò exemplum corporalis potionis spirituali adaptare proposui, quia per visibile apprehenditur inuisibile, & per ea quæ exterius fiunt, didicimus quæ fieri interius debeant.

Maximus ergo ille Medicorum Medicus CHRISTVS IESVS venit ad domum ægotantium, & plurima anthidotorum genera deferens, præ aliis vnum efficacissimum detulit, quo gustato non solum languidi curarentur, sed etiam mortui suscitarentur. Sed quia odore graui, gustu amaro, tactu mordacissimo ausus illorum reprimebat, quorum virtus sine ipso deficiebat; & quorum formido languida illud tangere non poterat: prægustavit sine sua necessitate anthidotum Passionis, crucis, & mortis, & exemplo gustabile fecit: gustavit enim gratia Dei pro omnibus ut ait Apostolus mortem, *Nobis vero relinquit exemplum, ut sequamur vestigia eius.* Proposuit

1. Petr.
2. 21.

posuit tam amarum poculum, ut quò validius langor validus obstabat ad sanandum, eò fortius amaritudo potionis premeret & repelleret venenum. Longus siquidem morbus & inueteratus, non nisi fortissima potione citò curabitur. Vetustissima verò computruerat antiquitate genus humanum à peccato Adæ usque ad mortem Christi.

Certè usuræ tot & tantæ ipsi principali morbo accreuerant, augmentatione actualium ad originale peccatum, ut iam quasi nullius momenti reputaretur ipsum capitale, comparatione adiectiuorum. Ex usuris ergo non nummorum, sed peccatorum & morborum volens animas redimere & liberare, quæ non rapuit exoluit: aceto & felle potatus, passus, crucifixus, mortuus & sepultus: sed in articulo illo solus bibit, quia solus torcular calcavit. Tam amarum quidem fuit poculum, quòd cum gustaret, noluit bibere, quòd dentes eius obstupuerunt, quòd oculi præ copia salsuginis & amaritudinis elanguerunt, omnes enim discipuli relicto eo fugerunt. Tandem melle resurrectionis adiuncto morti, tertia enim die surrexit, paulatim numerus credentium bibere in aqua baptismatis cœpit satis dulciter, quod Apostolorum chorus expauit in passione mirabiliter.

Tertiam denique potionem non omitamus quæ media est inter Baptismum & Eucharistiam, quæ est pœnitentia. Nunquam equidem resumitur potio Baptismatis quia non reïteratur, potio verò Eucharistiæ totiens summi potest sine periculo & cum remedio, quotiens exigit fidelis animæ deuotio. Vtraque autem istarum potionum quantum ad exterius ministerium nec ipsum grauat ministrum, nec cui præbetur hoc mysterium. Tertia verò potio corporaliter se ipsam bibentem acriter pungit, sicut scriptum est: *Quia amara est potio bibentibus illam.* Tota enim consistit in amaritudine, ut per amarum poculum obtineamus morbi remedium; ista viam facit & preparat aliis potionibus, sicut Ioannes Baptista ait: *Pœnitentiam agite, & baptisetur unusquisque vestrum;* & nos communicaturi, pœnitentiam & confessionem quasi cinerem prælibamus sicut scriptum est: *Quia cinerem tanquam panem manducabam, & potum meum cum fletu miscebam.*

Esai.
24. 9.
Math:
3. 2.
Ps. 101.
10.

Breuitè dicendum de illa obseruatia quæ sequitur potionem baptismatis, ut ab omni criminali nos obseruemus, ut sciat unusquisque suum vas possidere in sanctificatione & honore; non in passione desiderij sicut & gentes quæ ignorant Deum. Crimen enim commissum post Baptisma, euacuat potionem suâ efficaciam, quâ filij Dei effecti fueramus: redigimur namque rursus in potestate Sathanæ quandiu perseueramus in criminali sine pœnitentia & confessione. Sed redeamus ad obseruantiam quam observare debemus accepta iam potione baptismatis, & ad illam obseruantiam quam nihilominus observare debemus sumpturi corpus & sanguinem Christi; hæc enim triplex obseruantia tam necessariò obseruatur quàm necessariò periculum mortis vitatur.

Videndum est igitur de potione Eucharistiæ. Corpus & Sanguis Christi, ut dictum est, potio est penetrans usque ad medullas, & viuificans quicquid morticinum, quicquid superfluum, quicquid reumatis, quicquid pectus animæ occupauerat inualetudinis. Si nausleantem stomachum inuenit, curat, &

M

appetitum reparat; si durum & consipatum ventrem inuenit, soluit & emollit, vt superflua & inutilia facile egerat; si fluidum, compescit & consolidat ne proiciat necessaria & vitalia. Si oculos graues & caligine obductos clarificat & alleuiat: si aures obtusas, aperit viam, & clausam referat ianuam; si nares ab officio vacantes, facit sentire bonum odorem, & discernere foetorem ab odore suauis; si tristem, letum facit; si exanimum, animam reddit; si impotentem, facit potentem. Vt vno verbo inexplicabiles eius efficacias explanem, nihil erit ei in te sanandum impossibile si te cautum inuenerit, dietam scilicet competentem tenere.

Vide ergo dietam potionis huius: silentium, abstinentia, castitas, humilitas, charitas, obedientia, quies mentis, remotio immoderatae ioculationis, tranquillitas, pertinent ad obseruantiam huius potionis, nec sine his salubriter sumitur, quia non ea purgatur, qui alia lege accipit illam, sed interficitur. Silentio excluduntur mendacia, stultiloquia, scurrilitates & omne verbum otiosum. Abstinentia excluduntur commestationes, ebrietaes, & tota ventris ingluuies. Castitate excluduntur luxuria, immundicia, fornicatio, adulterium, incestus, omnis libido commaculans animam & corpus. Humilitate excluduntur iactantia, superbia, extollentia, praesumptio cordis & vana gloria.

Charitate excluduntur aemulatio, ambitio, turpe lucrum, avaritia, odium, inimicitia, contentiones, inuidia & omnia monstra innumerabilium vitiorum. Obedientia excluduntur inobedientia, praeratio mandatorum, reprobatio meliorum. Quiete mentis, inquietudo euagatio instabilitas, inconstantia, clamor cordis & cogitationum, strepitus inordinatus. Remotione ioculationis inordinatae, excluduntur vana gaudia, risus, effusio animi, irreligio, & effrenatio sensualitatis. Tranquillitate excluduntur cura secularium negotiorum, immoderatus amor & sollicitudo carorum suorum, turba desideriorum.

Isti sunt dies quos obseruare debetis, ista sunt virtutes quas habere debetis, ista sunt praeccepta medici, sine quibus potius nocet quam iuuat potio Dominici corporis & sanguinis: *qui enim manducat & bibit indignè, iudicium sibi manducat & bibit.* Indignè autem accipit, qui non obseruat qua veneratione accedendum sit ad tam venerabile Mysterium; qui non purificat conscientiam, in qua sicut in monumento nouo debet poni; qui non lauat manus, id est opera sua, inter innocentes priusquam accedat; qui non iustificat animam suam ad quam vult introducere animam Christi. Dignè verò accipit qui obseruat obseruantias supradictas, se mortificans & contemperans sacro Corpori Christi, tam purè viuendo, tam sincerè conuersando, tam castè accipiendo, vt non recuset Christus angustias pectoris aliqua congelatione peccati coarctati, non abhorreat lectum conscientiae malarum affectionum coinquinatione, tanquam murum stercoreatione putrefacta.


Sufficiant haec de obseruatione Corporis & Sanguinis Christi de qua dicitur, isti sunt dies quos obseruare debetis purificatione continua, oratione pura, deuotione assidua, mortificatione discreta, confessione vera, pa-

SERMONES.

91

tientia plena, lectione intenta, meditatione studiosa, compunctione vberima, fide sana, spe firma, charitate integra, castitate incorrupta, intelligentia sobria, vt quarta decima die ad vesperam comedatis azima, vsque ad diem vicessimam primam eiusdem mensis ad vesperam.

Qui enim dies virtutum sic ordine certo continuauerit, vt dies sit ex die, id est virtus ex virtute, sicut mensis ex mense, id est, remuneratio ex bona operatione, ille quarta decima die mensis ad vesperam, id est, in consummatione virtutum, comedet azima, id est, purus affectus delectabitur de puritate concessa; & hoc vsque ad diem vicessimam primam eiusdem mensis ad vesperam, id est, vsque ad remunerationem futuri sæculi, quando stola duplicabitur glorificationis animæ & corporis, quod ad primam gloriam creationis Adæ proficiet & ultra; quia maior gloria erit secundæ domus quàm primæ; id est, potior erit beatitudo post resurrectionem corporum quàm fuerit in paradiso ante peccatum; quod nobis præstare dignetur, qui viuunt & regnat per omnia sæcula sæculorum. Amen.



DE PASSIONE DOMINI.

SERMO III.

ISTI sunt dies quos obseruare debetis, &c. Prima die succidenda sunt ligna de saltu animæ, id est, commissa crimina extirpanda ab affectu. Secunda die incidenda sunt & diuidenda minutatim, vt per singulas noctes, id est, culpas, lectum, id est, conscientiam lacrymis laues. Tertia die strue lignorum facta, subinducendus est ignis, & conflanda sylua malorum, vsque ad nouissimos cineres, id est vsque ad consumptionem reliquiarum peccati. Quarta die ipsi cineres colligendi & seponendi sunt per tumulos siue acervos recordationis transactæ vitæ.

Exod.
12.

Quinta die scopanda est domus, sicut Psalmista scopebat spiritum suum, à superfluis emundans conscientiam suam. Sexta die telæ araneæ ab angulis domus dirumpendæ & auferendæ sunt, ne venenum araneæ ibi lateat, id est, malignæ concinnationes spirituum malignorum. Septima die nidi hirundinum destruendi sunt propter garrulitatem earum, id est, lingua continenda à multiloquio, & vitanda occasio multiloquiorum. Octaua die falsugo amaritudinis à tecto euellenda, vt tollatur à nobis clamor, ira & indignatio.

Nona die refarciendum tectum ne in pigritiis humilietur contignatio, & defluat stillicidium super accumbentes vel dormientes, id est, disciplina firmiter & continuè tenenda ne paulatim defluendo à religione, tota domus regularis ruat, quia: *Qui modica spernit, paulatim decedit.* Decima die lacunaria, siue laquearia ornanda, tum propter duplex munimentum tacti

Eccli.
19. 1.

M ij

exterioris scilicet & interioris, tum propter decorem domus & ornamentum. Significant autem refectioem & curuaturam humilitatis qua vniantur mores illorum, de quibus dicitur: *Qui habitare facit vnus moris in domo: &, Ecce quam bonum & quam iocundum habitare fratres in vnum.*

Pf. 67. Vndecima die pictura superaddatur, in qua virtutes sub pedibus suis vitia conculcant, & memoria mirabilium, seu operum Dei recitatione veridica Scripturarum, modò historicè tanquam vno colore, modò allegoricè, tanquam alio, modò moraliter tanquam tertio, mentibus nostris insculpitur. Duodecima die cortinæ superponuntur, vt latitudo charitatis teneatur. Tertia decima die purpura superextenditur, vt passio corporalis quanta sit dignoscatur. Quarta decima die irradians gemma virginitatis cum ipsa purpura sicut rationale & super humerale annectitur, vt in vespera consummata virtutis comedatur, id est, noua creatura in CHRISTO efficiatur.

De his virtutibus quid mirum si dicatur, isti sunt dies quos obseruare debetis, intima siquidem vobis lex divina, cui omnem obedientiam debetis, quandiu sub eadem lege estis, quatenus dies istos obseruetis. Sed quid est dies obseruare, nisi se in diebus obseruare? Dies ergo vos qui non estis noctis, neque tenebrarum, sed filij Dei & Lucis obseruate. Quid est autem obseruare? obseruare est cauere, custodire, vt insidias tendere ut notare aut venerari. Totum hoc ammonuit nos scriptura diuersis modis, diuersis allocutionibus.

Vt primò caueamus à fermento Phariseorum, id est seductione & fallacia demonum, vt malorum hominum. Secundò vt custodiamus bona nostra, sicuti de primo homine posito in paradiso dictum est, quia: *Posuit enim in paradiso vt operaretur & custodiret illum.* Et in libro Apocalypsi. *Beatus qui custodit vestimenta sua ne nudus ambulet.* Parum est enim operari, nisi custodias quod operatus fueris. Tertio vt insidias tendamus principibus tenebrarum harum, quia decipi possunt, sicut scriptum est; *Draco iste quem formasti ad illudendum ei: Nunquid illudes ei quasi aui, aut ligabis eum cum ancillis tuis.* Quarto notare debemus illas notas de quibus dicitur: *Notas mihi fecisti vias vite.* Quintò venerari debemus dies istos in quibus opus nostræ redemptionis completum est.

Isti ergo sunt dies quos obseruare debemus. Sed quare obseruandi sunt dies isti? Ait quarta decima die ad vesperam comedetis azyma. Azymitas nos vocant Græci, quia Corpus Christi in pane azymo conficimus, cum ipsi conficiant in fermentato. Utinam simus quod dicimur, id est puri, id est sine fermento maliciæ & nequitiae. Azymitas: in me sit ista maledictio sicut illa: *Tu discipulus eius sis, nos autem Moyse discipuli sumus.* Planè dignitas sacramenti non admittit fermentum corruptionis, imo respuit, sicut in illo qui venerat ad nuptias non vestem habens nuptialem. *Amice,* inquit, *quomodo intraisti huc non habens vestem nuptialem? Ligatis manibus eius & pedibus, mittite eum in tenebras exteriores, ibi erit fletus & stridor dentium.*

Quare Frater, cum fermento oculorum accedis ad mensam Christi?

S E R M O N E S.

93

Quinimo ore fermentato, impudico scilicet & dentibus fœtentibus audes attrectare Sacramentum Dominici Corporis & Sanguinis? Nonne Sanctus Sanctorum, & Sanctum Sanctorum est quod contingis? Nonne caro quæ non vidit corruptionem? Quæ ergo vtilitas cum descendis in corruptionem, tuam mentem & animam inueniens corruptam? Christo quidem nulla in te vtilitas, quia te non lucratur: tibi verò acerba iactura comparatur quia reus es Corporis & Sanguinis Domini.

Obserua, id est obseruatione accede. Nota quis tu scis, quis ille ad quem accedis. Attende fremitus prauis desiderij animam tuam assidue confricantis, qui quasi formicarum populus lacerant in silentio miseram animam: exigui quidem corporis videntur formicæ, sed aculeato morfu distringunt vsque ad grauem molestiam, cui dentes iniecerint. Sic quædam occultæ tentationes aliquando etiam ipsum latent in quo sunt, sed in silentio morfi, post morsum dolorem sentiunt, quem præuidere noluerunt: istæ sunt quæ inquietant animam. Aliæ rursus tentationes quasi iumenta in stabulo ducuntur, sed fræno aut chamo dirupto per stabulum diuagantes, ibique relinquunt signa luxuriæ suæ, stercoribus suis fœtere faciunt vitam stabularij sui in conspectu Dei & Angelorum eius.

Ne longum sermonem faciam, sed occasionem sapientibus tribuam, quæcumque in compositio morum vitæ fuerit in te, similitudinem ferarum vel bestiarum in anima tua depingit, vt asinus propter sensus hebetudinem, camelus propter iniustitiæ enormitatem; lupus propter rapacitatem; leo propter rabiem; vrsus propter impatientiæ effragationem, vulpes propter fraudem; talpa propter cæcitatem, & cætera huiusmodi. Obserua ergo vtrum dignum sit admittere vel vrsum, vel asinum, vel aliud quodlibet istorum animalium ad deuorandum Christum.

Credo si videres muscam manibus tuis hora qua conficis Corpus Christi, insidere, expelleres, & eiiceres tota festinatione, si murem aut catum occideres si posses, antequam accederet. Quid ergo faciunt Angeli? Nunquid negligentiores te sunt, aut minus honorantes honorabile Sacramentum quam tu? Imò vigilantius ministrant, imò studiosius assistunt, & dignius quam tu. Quid ergo faciunt videntes in sinu tuo murem, catum, canem, vrsum, asinum, quando tibi porrecturus est Sacerdos illud verum & venerabile Sacramentum Corporis & Sanguinis Christi.

Timet Angelus ne præripiat tibi bestiola illa, quæ in sinu animæ tuæ dormit, Eucharistiam; aut ne saltem communices ei quod tibi traditum est; Corpus Christi: vnde enim victura sunt illa tua animalia, nisi de cibo & potu animæ tuæ? Certè ex quo sedem in anima habent, & cibum ab anima querunt. Obserua ergo & animalia ista pusilla cum magnis: demerge in profundum maris, vt ad vesperam comedas azyma verus Azymita effectus ipso præstante I E S V Christo Domino nostro, qui cum Patre & Spiritu Sancto viuit & regnat per omnia sæcula sæculorum Amen.

M iij



DE EADEM PASSIONE DOMINI.

SERMO IV.

Iob. 7. **E**LEGIT suspendium anima mea. Seculum alij fugiunt, alij relinquunt,
 15. alij contemnunt, alij crucifigunt & suspendunt: fugiens dicit: *Ecce*
 Psal. 54. *elongavi fugiens, & mansi in solitudine.* Relinquentes aiunt: *Ecce nos re-*
 8. *liquimus omnia, & sequuti sumus te.* Contemnens loquitur: *Reputavi om-*
 Math. *nia ut stercora, ut Christum lucrifaciam.* Crucifigens: *Absit, inquit, mihi*
 19. 27. *gloriarı nisi in cruce Domini nostri IESV Christi, per quem mihi mundus*
 Phil. 3. *crucifixus est & ego mundo.* Suspendens autem, mundo vel Deo sic loqui-
 8. *tur: Elegit suspendium anima mea; utique aut seipsum sursum pendens cum*
 Gal. 6. *pendente in cruce mortificatione carnis; aut mundum sursum, id est longè à*
 13. *se faciens, contemplatione Diuinitatis.*

Attendendum itaque quatuor esse genera suspendij. Aliud namque sus-
 pendium latronis, qui pro peccato maleficio, iudicio susoenditur. Aliud
 pueri qui pro impossibilitate naturæ, & necessaria refectione pendet ad
 vbera & collum nutricis. Aliud poma cupientis & suspirantis, cum remota
 pendent in sublimioribus ramis, & sustollens se brachiis inhareret arbori;
 aliud amantis cum impatienti desiderio, & amicæ suæ incumbit collo pal-
 mis innexis. Qui de magnis sceleribus compunctus pœnitet, confessionis
 iudicio crucifigere debet carnem suam cum vitiis & concupiscentiis, nec
 ludibriis insipientium & malignorum fatigatus, quoadusque inclinauerit ca-
 put, & spiritum emisit ad eum qui dedit illum, de pœnitentiæ ligno de-
 bet descendere.


Hic ergo elegit volens & libens suspendium, & ait, elegit suspendium
 2. Cor. anima mea, *Hilarem enim datorem diligit Deus*, ut non coactus & reni-
 12. tens, sed vltaneus offerat turturem & columbam, id est corpus & animam
 in holocaustum pro peccato. Alius autem fortè qui non nouit peccatum
 mortale, qui non inquinauit vestimenta sua spurcissima fece luxuriæ, & in
 ore eius non est inuentum mendacium, præsumptione & confidentiâ propriæ
 Psal. 18. iustitiæ clamat: *Ab occultis meis munda me Domine, & ab alienis parce ser-*
 13. *uo tuo.* Hic quasi modò genitus infans gallinæ umbraculo à formidine mil-
 Psal. ui & vulturis sese protegens expandit manus ad sinum gratiæ dicens: *Sub*
 16. 9. *umbra alarum tuarum protege me.* A fomite peccati, & à tyranno, qui leges
 suas describit in membris meis, repugnantes legi mentis meæ; ut per tradi-
 tiones suas quæ sunt de omnimoda corruptione mentis & corporis, aboleat
 Psal. testamenta & legem Dei, quæ est de sanctificatione & renouatione imaginis
 130. 1. Dei. Sic in Psalmo loquitur: *Domine non est exaltatum cor meum, neque*
elati sunt oculi mei; hoc suspendium est humilitatis, quia qui se humi-
liat exaltabitur.

SERMONES.

95

Alius proficiens ætate cum IESV & gratiâ apud Deum & homines, hortum deliciarum deambulans, & in arbore Crucis mala punica cum omni fructu exquisito & suauissimo, gustu visuque pulcherrimo cernens, iaculo punctus penetratiui desiderij tangere, gustare & dependere peroptans. Nunc candidatæ virginitatis fructus tenerrimos, nunc Confessorum vbertate doctrinæ & gratiæ fecundos, nunc Martyrum in sanguine proprio rubricatos, nunc Apostolorum Solis & Lunæ radiis flagrantibus & humidis maturos, nunc Prophetarum antiquitate temporis decoctos; nunc Patriarcharum fide conseruante & agente bene soporatos contrectat & degustat: de radice siquidem & virtute sanctæ crucis, tam merita quàm præmia omnium Sanctorum consurgunt. Sursum autem est Crux, vt qui in ea affixus dicatur crucifixus & suspensus hoc suspendium, ait Iob, elegit anima mea, vt crucis non recusem pœnam, qui crucis video gloriam. Est autem hoc suspendium mortificationis.

Alius vir factus qui euacuauit omnia pericula, & transit in affectum cordis, in amorem sapientiæ deficit & liquefeit, vt dicat: *Deficit in salutare tuum anima mea.* Sensus corporis cum suis phantasmatis exinaniens in visionibus Dei brachia.



PRO DOMINICA IN RAMIS PALMARVM.

SERMO.

Hoc sentite in vobis, quod & in Christo IESV. Ecce Fratres charissimi, ante oculos vestros ducitur IESVS ad immolandum, quid dicitis? quid facietis? Ecce non est qui consoletur eum ex omnibus charis suis, relicto eo omnes fugerunt. O IESV solus pro nobis, sine nobis portas onus dici & ætus, portas spineam coronam, portas crucem, portas sanguinem tuum intra velum Sanctuarij, portas peccata nostra in corpore tuo super lignum crucis, portas ignem & ligna, vt absumat ignis passionis tuæ ligna mortalitatis nostræ. Leo de sylua, lupus ad vesperam, vrsus, canis, vnicornis, framea inimici in te aperto ore irruunt & deuorare inardescunt.

Phil. 2.
5.

Filiæ Ierusalem vident & fient, sol abscondit vultum suum ne videat tantum nefas in Israël: terra tremit ferre non sustinens; mortui sentiunt mortem vitæ, & resurgunt à morte, sicut ille mortuus qui tetigit ossa Helizei, & reuixit: & nos miseri quid? Commota sunt superliminaria cardinum, id est Angeli, siue velum templi, à voce clamantis & expirantis, & nos obstinati, non commouemur ad fletum & planctum & caluicium, con-

ducentes lamentantes quæ nouerint plangere, non Adonidem, sed IESVM pendentem & morientem.

Vbi Phinees, vbi Petrus, vbi Matathias? putas moriens filius hominis, inueniet fidem super terram? Domine oculi tui respiciunt fidem, sed apud quos, & in quibus est fides? Fundamenta fidei conturbata & concussa sunt, itaut si fieri posset etiam Apostoli inducerentur in errorem, & vbi fides? penè periit, penè sublata est de terra. *Ecce*, inquit Dominus ad principem Apostolorum, *Sathanas expetuit vos ut cribraret sicut triticum, ego autem rogaui pro te, ut non deficeret fides tua.* Acerrimum hoc bellum, in quo solus IESVS cum Sathana conflixit, & toto corpore laniato ac sanguine fuso, tandem superatus superauit; sic IESVS supplantauit illum quinos supplantauerat in Adam altera vice.

Hoc, itaque Fratres, sentite in vobis quod & in Christo IESV: si nunquam digni fuerimus accedere ad IESVM, & tangere & sentire illum, quæramus saltem ab illo qui in sinu eius dormit, & inter vbera sua eum locauit, & dicit: *Lana eius sub capite meo, & dextera illius amplexabitur me.* Quæramus inquam, quem sensum habeat de IESV, & quid senserit in IESV. Dic nobis Ioannes Euangelista, qualem videris eum, quia de te dictum est: *Et qui vidit testimonium perhibuit, & scimus quia verum est testimonium eius.*

Dic ergo nobis de IESV quomodo comprehensus sit, quando, vbi, à quibus, quare, qualiter vexatus sit ante crucem; quis prodiderit eum, quis defendere voluerit, quid responderit cum vnus suorum vellet eum defendere? Quanto postea timore idem ipse tertio eum negauerit, quomodo Pilatus eum flagellauerit; quomodo milites plectentes spineam coronam capiti eius imposuerint, & irrisoriè veste purpurea circumdederint, & genu flexo salutauerint, & alapas in faciem dederint? Quomodo ipse IESVS portans spineam coronam & purpureum vestimentum, tum non clarus imperio sed opprobrio, ad Iudæos exierit, quanto rugitu, *crucifige* ingeminauerint, & tandem in Golgotha cum duobus latronibus eum crucifixerint, & vestimenta eius sibi partiti sint, & acetum porrexerint, & inclinato capite spiritum tradiderit?

Hæc signa sunt IESV, nemo nisi IESVS omnia signa ista habuit: IESVS est ergo qui tibi occurrit, si quem sic insignitum inueneris, talis est, inquit, Sponsa siue MARIA Domini Mater, siue Maria Magdalene, siue ipse Ioseph: talis est dilectus meus, & ipse est amicus meus, filia Ierusalem. Quod si paucioribus intersignis vis illum cognoscere, quia sapiens innotescit paucis, audi: *Dilectus meus candidus & rubicundus*: Candidus propter innocentiam, rubicundus propter pœnam quam sustinuit. Ecce satisfecisti nobis bona domina de Dilecti tui, de Sponsi tui certa demonstratione. Sed dic nobis de tactu, de sensu tuo in eum, qualis sit tibi in sensu, qualem senseris lauem eius, & qualem dexteram. Procul enim est à nobis; & si videre eum aliquando non potuerimus, multò minus tangere, multò minus sentire: iam quidem de visu quomodolibet certificati sumus, adde & de tactu certificare. Scriptura namque aliquantulum terret nos, & à tactu reprimat

SERMONES.

97

reprimat quæ dicit, quia ignis est, & qui approximant, inquit, mihi approximant igni, durum enim & horrendum est magnum in ignem mittere.

Dic ergo si fortè in aliquo latere dextro vel sinistro mitiorem aliquatenus inuenire valeamus: dextrum si quidem latus nosti, quia dextera eius amplexatur te. Sinistrum nihilominus, quia læva eius sub capite tuo: prius ergo dic de sinistro, quia ut nobis videtur in sinistro dormit in cruce. Ita est fasciculus myrrhæ. Dilectus namque meus mihi inter vbera mea commotabitur, dum læva eius sub capite meo est: hic aceruus lapidum in quo meridiat, in die in qua coronavit eum mater sua, scilicet Synagoga, coronâ vtique spineâ. Inde est quod Nicodemus ferens mixturam myrrhæ & aloës quasi libras centum, venit ungere corpus IESV. Libras centum; multum est, satis est. Totum corpus IESV potest condiri quantitate illa myrrhæ & aloës, vsque adeò quod labia eius ex hac profusione distillabunt myrrham primam.

Reuera non solum membra muta in IESV tua compassio inebriat si centenaria, id est perfecta & consummata fuerit, sed vsque ad labia eius pertingit, quatenus respondeat & dicat *sitini, & dedisti mihi potum, & esuriui, & dedisti mihi manducare*, & *Vos estis qui permanistis mecum in tentationibus meis*. Ecce cor contritum & humiliatum habet fasciculum myrrhæ, ecce amaritudo maxima, ecce velut mare contritio in passionibus IESV: per compassionem fasciculus myrrhæ est, & hæc est sinistra. Dextera verò quæ? illa vtique de qua in Psalmo dicitur: *Dixit Dominus Domino meo sede a dextris meis*. Dextera Dei est beatitudo sine interruptione, gloria sine fine, voluptas sine corruptione, sanitas sine ægritudine, concordia sine amaritudine, pax sine rancore, tranquillitas sine commotione, æternitas sine variatione.

Marth.

25. 35.

Luc.

22. 28.

Psal.

101. 1.

Hæc est dextera Dei, quia in dextera Dei tam plena delectatio, quàm hîc abundat miseriarum afflictio; & hæc est dextera quam sicut nondum habemus, sic nondum eam nouimus, nec est nobis tam nota dextera admirabilis delectatio, quàm sinistra miserabilis afflictio. Inter sinistram autem & dexteram illud fortè quod timemus erit, nimirum ignis; cum Deus noster ignis consumens veniet cum tempestate valida; tunc procudubio non erit tanquam dormiens, tanquam mortuus in cruce & sepulcro, neque tanquam post mortem gloriosus in cælo, sed tanquam potens & crapulatus à vino, & excitatus à somno, sed tanquam leo rugiens, de quo dicitur: *Leo rugiet, quis non timebit?* Item, *Dominus de Sion rugiet, & de Ierusalem dabit vocem suam*.

Amos


3. 8.

Ibid. 1.

Quoniam ergo vocabit iudicium ad ignem ut devoret abyssum multam, & comedat simul partem, id est, profundè malos absorbeat æterna damnatione; imperfectos comedat, & pro parte imperfectionis, nec tamen deuoret per sententiam æternæ damnationis. Tunc nec ad dexteram, nec ad sinistram declinabit, ut vel talis appareat per mansuetudinem qualis fuit sub Pontio Pilato, nec talis qualis erit, cum scilicet peracto iudicio apparebit, siquidem in vultu eius tunc scruitia, pro vindicanda iniuria Passionis: non impotentia quam simulauit pro implendo iudicio Incarnationis.

N

Hoc ergo, Fratres, sentite in vobis quod & in CHRISTO IESV, sentite pœnam sine culpa, sentite innocentiam sine iniuria, sentite pium qui ignoscat, sentite iustum qui requirat, sentite misericordem qui extollat vos in dextera sedis magnitudinis suæ. Illuc, Fratres, manus pauperum animas vestras portabunt, illuc confessiones, orationes, ieiunia & alia bona opera vos transferent; quod vobis præstare dignetur IESVS CHRISTVS Dominus noster, qui cum Patre & Spiritu sancto viuit & regnat Deus per omnia sæcula sæculorum Amen.



IN COENA DOMINI.

SERMO I.

Ezech. 27.15. **F**ILII Dedan negotiatores tui. Dentes eburneos & hebeninos commutauerunt in pretio tuo. Balsamum & mel, & oleum & resinam proposuerunt in nundinis tuis. Cælum & terra ad præsentem nundinas adcurrunt, deuoluendo & explicando suas merces, & farcinulas, ut quicumque quodcumque sibi necessarium subsidium ad conuiuandum cum Domino emere voluerit, inueniat, & iusto immò viliori pretio emat. Cælestia enim hodie vilius venduntur, terrena carius æstimantur, quia quæ venduntur & non videntur, sine pretio apud animales habentur: quæ autem venduntur & videntur, supra se æstimantur.

Singula autem replicare quæ exponuntur ad pretium, non est huius temporis nec nostræ facultatis. Tanta enim varietas & numerositas vendentium, est & ementium, necnon comparandorum & distrahendorum, vt nec oculus fatietur visu nec auris auditu. Illa tantummodò quæ ad diem festum pertinent comparemus & cum fraternitate vestra communicemus, vt sit unum marsupium nostrum, vnum mercimonium, vnum macellum, unum lucrum & vnum damnum.

Fili hominis qui ad nundinas istas opibus plurimis suffarcinatus aduenisti de terra longinqua, de captiuitate Babylonia, expone nobis macellum, & explica facellum, si quid fortè in mercibus tuis sit, quod nostræ cœnæ solemnitatem deceat, quod præsentis diei sacrosancta gaudia expleat. Admiror autem primò in farcinulis tuis, vnde tam pulchros & pretiosos dentes eburneos & hebeninos attuleris, quæ gens, qui populus vtatur huiusmodi dentibus. Emulor denique tales habere, sed diffido me posse meos pro his commutare. Timeo euulsionem meorum, exemplo careo de infertione aliorum: sed certè fortè qui plantauit aurem, fortè nouerit inferere dentem. Nihilominus qui tulit costam de latere Adæ sine acerbo dolore, ipse dentem iam putridum tollere potest sine dura afflictione.

Ego itaque emere dentes eburneos & hebeninos, quia hortulanum habeo

qui sicut olerum, ita & dentium est euulsor & plantator. Certè prandendum est hodie, & bibendum inter amicos, & inter Senatores cœlestis aulæ, inter illustres & nobiles viros magnæ curiæ. O vos negotiatores dentium qui estis? unde estis? pro quanto dabitis dentes eburneos & hebeninos? Filij, inquit, Dedan sumus, de Ethyopia sumus, dentes pro dentibus dabimus, bonos pro malis, novos pro veteribus, sanos pro infirmis, candidos pro nigris, mundos pro scabiosis, fortes pro putridis & debilibus, acutos pro hebetatis. Commutare enim solemus non vendere, & arte nouandi vtimur taliter, vt postquam more nostro vetera fricuerimus, noua faciamus.

O boni artifices, estisne tam benigni in foro, quàm boni in officio? Ita, inquit, nihil addimus nummo, nihil pretio in commutatione dentium, nisi quod dentes hominum accipimus, & animalium siue arborum damus. Eburneos namque ab animalibus, hebeninos habemus ab arboribus. Et quale rogo animal undetales dentes, aut qualis arbor? Animal Elephas nominatur, arbor hebenus. Ecce si placet commutemus, Fratres, non differamus, non hæsitemus commutare, quia ad cœnam agni vocamur, & dignum est, vt nouis dentibus nouas carnes comedamus. Totum namque nouum in cœna ista. Nouus panis, noua caro, nouum vinum, noua mensa, nouus scyphus, noua scutella, nouum mantile, nouum mandatum, nouum verbum, noua ablutio pedum, nouum chrisma, nouum oleum, nouus pransor, noui dentes, noua labia, denique & manus noua.

Sed quia per se satis nota sunt cætera, ad se dentes redeamus, & ex nomine vendentium mysterium rei iam pandamus. *Filij Dedan negotiatores tui.* Quid est Dedan? hoc iudicium, vel tale iudicium? Quid est hoc iudicium vel tale iudicium? Certè hoc est quod Apostolus ait: *Si nosmetipsos diiudicamus, non utique iudicaremur.* Quid est si nosmetipsos diiudicemus? Si nos accusaremus. Sed hæc accusatio appellatur confessio: filij ergo Dedan, filij sunt confessionis, filij iudicij, non simpliciter iudicij, sed huius iudicij, sed talis. Quid est huius? quid est talis? Certè huius quod fuit sub Pontio Pilato, certè talis qualis erit in futuro & magno iudicio.

Hoc ergo iudicium, id est, hanc confessionem tam puram, tam veram, tam asperam, fac etiam talem confessionem, qualem in die iudicij omnes facturi sumus; vt sicut nihil tunc abscondetur de peccato, sic nunc iudicium tanquam meridiem facito in confessione, vt nullas latebras, nullas tenebrarum reliquias reserues in corde tuo. Infernus coram te, ore aperto, flammæ & fœtores sulphureos euomet, dæmones Æthyopica nigredine & dracontea feritate, vncinos & fuscinulas igneas ad deportandas animas tenentes adsistant; tribunal Iudicis in nube sistatur, Iudex totus quasi furibundus, & absque misericordia contempletur, oculi eius velut flamma ignis, & sonus sublimis, tamquam tonitruum magnum de ore eius, & gladius exvtraque parte acutus, Angeli trementes, homines velut folium à facie venti vehementis vacillantes, & tota illa circumstantia magni iudicij, veniat ante oculos tuos, dum ad iudicium confessionis accedis.

Certè tunc filij Dedan dentes commutabuntur, mendacium relinquentes, & veritatem tenentes, odio renunciantes, & pacem sectantes. Impu-

dicitiā abiicientes, & castimoniam seruantes, turpitudinem, stultiloquium, scurrilitatem euacuantes, & sacra eloquia meditantes. Isti sunt dentes eburnei propter castitatem eloquiorum, & hebenini propter ædificationem, & fructum laborum veracium. Ecce habes dentes comede quicquid inuenit manus tuā, comede volumen Passionis CHRISTI, comede Euangelium, comede panem Angelorum, comede vitulum saginatum. comede agnum anniculum, comede hædum, comede carnes tuas, comede vitulum, comede vitulum conflatilem, comede fœnum sicut bos, comede mel quod sufficit, comede lac caprarum, comede butyrum, comede adipem agnorum & arietum filiorum Basan, comede hircos cum medulla tritici.

Vt autem manifestius appareat quod dicimus, quid sunt dentes, nisi animæ virtutes? Sed quales virtutes sunt dentes? Quæ utique tales sunt, quales sunt dentes. Dentes namque mundi debent esse, & candidi, acuti, firma radice in gingiuis fundati, ordinati, integri, coniuncti. Mundi propter munditiā Corporis & Sanguinis CHRISTI, candidi propter eius patientiam, acuti propter iustitiā, fundati propter obedientiam, ordinati propter modestiam, integri propter perseuerantiam, coniuncti, propter concordiam. Mundi in cogitatione, candidi in operatione, acuti in confessione, fundati in tentatione, ordinati in prosperitate, integri in aduersitate, coniuncti in conuersatione. Mundet dentes abstinentia, conseruet mundatos continentia, acuat timor, fundet spes, ordinet iustitia, consolidet memoria Dei, amor coniungat.

Quia dentes eburneos & hebeninos domi iam habemus, si sensus nostros perfectè castificauerimus, si ad exhortationem aliorum idonei fuerimus, ampullam balsami circumspiciamus, & si hoc balsamum verum est & non mixtum, comparemus illud vt genus regium & sacerdotale illo inuncti efficiamur. Hodie, Fratres, consecratur chrisma quo Sacerdotes & Reges, tam in veteri quàm in nouo liniuntur testamento, & ideo Christi appellantur. Caue autem ne mixtum sit balsamum tuum per simoniam, ne velis regnare, & non ex Deo, sed per pecuniam. Mixtum enim balsamum non ad CHRISTVM pertinet, sed Antichristum.

Miscet balsamum qui sacros ordines tribuit non ad meritum sed ad præmium. Qui curam animarum tribuit non pro Deo sed pro auro, qui non pro redemptione generis humani tradit CHRISTVM, sed pro implenda avaritia nummi. Miscet ille balsamum, qui labiis Deum honorat, cor autem eius longè est ab eo. Miscet balsamum qui CHRISTVM non sincerè annuntiat. Miscet balsamum qui religionis puritatem simulatione fallaciæ fermentat. Miscet balsamum qui veniunt ad nos in vestimentis ouium, intrinsecus autem sunt lupi rapaces. Non ergo adulteres verbum Dei, non misceas balsamum: *quia balsamum non mixtum, odor meus, dicit Dominus.* Vnde Apostolus: *Ex sinceritate & veritate sicut ex Deo coram Deo in CHRISTO loquimur*, vt non sit ruga aut macula in sponsa Dei.

Eccli.
24. 20.
2. Cor.
2. 17.

Vngamus caput chrismate, vngamus manus, vngamus frontem, vngamus scapulas. Caput propter coronam quam expectamus; manus propter mysterium Corporis & Sanguinis CHRISTI quod contrectamus;

frontem propter crucem quam ibi gestamus ; scapulas propter laborem operum, quo diuinæ seruituti insudamus ; caput, vt tota mente Deum diligamus : manus, vt elemosina defudet in manu tua, frontem, ut non sit tibi frons meretricis, quæ noluît erubescere, sed tenera ad verecundiam, signata ad tutelam, præparata ad pugnam. Scapula ; vt tota virtute pondus dici & æstus in vinea Domini vsque ad vesperam sustineas. Duos aureos, id est, corpus & animam da in commutatione balsami, vel intentionem & operationem bonam, quia spiritum adoptionis filiorum recepistis, non spiritum seruitutis iterum in timore, & hoc sufficiat de balsamo.

Mel sequitur : sicut in liquoribus balsamo nil pretiosius ad vnguendum ; sic melle nihil dulcius ad manducandum. Sed quia in natiuitate Domini vel in resurrectione suum locum habet mel, non in passione ; emamus quidem illud, sed reponamus : tempore enim suo illud manducabimus. Quid enim nobis modo cum melle, vbi fel, vbi acetum, vbi spina, vbi lancea, vbi clavus, vbi malleus, vbi Iudas, vbi Barrabas, vbi passio, vbi crux, vbi mors est ! Aliam ergo speciem, id est, oleum apprehendamus, & quia infirmi sumus ; oleum infirmorum emamus.

Ecce, Fratres carissimi, oliva quæ dicit : *Ego sicut oliva fructifera in domo Dei*, in torculari premitur, & oleum fundens bono mercatu & pretio ad vascula nostra deriuatur. Gratias tibi, IESV, quia conditori nostro de oleo tuo satisfacimus, & ad vnguenda vulnera nostra non parum nobis retinui-^{10.} mus ; sed plenum dolium quoniam in sæculum & super omnia opera tua, misericordia tua, Ecce tenebras nostras oleo tuo illustramus, ecce dolorem mitigamus, ecce cibos condimus ; ecce creditori debitum soluimus ; hoc totum de oleo tuo, hoc totum de misericordia tua, hoc totum de gratia tua, hoc totum de visceribus tuæ pietatis, qui es Deus totius consolationis & pater misericordiarum.

Ad vltimam illam speciem quam proposuerunt negotiatores nostri, id est, refinam, nummum ponamus & sermonem finiamus ; hæc necessaria est IESV in carne passio, quia mitigatiua & linitiua. Hanc itaque nummo compassionis comparemus, & tam in IESV passionibus per compassionem, quàm in nostris per correctionem expendamus. Si enim te corrigis, refinam tuis plagis apponis. Si CHRISTO compateris, refinam passionibus eius infundis. Si proximum redarguis, refinam putredini eius circumducis. Sanctificet itaque nos & consecret Dominus in balsamo, satiet in melle, vngat oleo, medeatur refinâ, quam in nundinis suæ cœnæ & passionis proposuerunt sancti negotiatores, quod nobis præstare dignetur qui, viuit, &c.



IN COENA DOMINI.

SERMO II.

TOTA hæc dies Deo & nostræ salutis dedicatur : quot horæ, tot gratiæ. Principales horæ septem, quæ septem specialiter adornantur Sacramentis ; purgamur à peccatis & virtutibus replemur. Prima est absolutio peccatorum, secunda consecratio chrismatis, tertia consecratio olei infirmorum. Quarta consecratio Dominici corporis & sanguinis. Quinta destitutio veteris Testamenti. Sexta institutio noui. Septima ablutio pedum.

Hæc omnia diligentibus Deum cooperantur in bonum, quia his quasi clauibus intratur in regnum cælorum : clauis istas nolite negligere, nolite perdere, quia nisi per clauem non patet introitus domus. Principalior tamen & dignior inter cæteras est illa clauis David, quæ claudit & nemo aperit, aperit & nemo claudit, videlicet Eucharistia, quæ dignè sumentibus vitam, indignè accedentibus mortem confert æternam. *Qui manducat, inquit Dominus, carnem meam & bibit sanguinem meum in me manet & ego in eo* : hoc ad dignos. De indignis verò Psalmista : *Fiat mensa eorum in laqueum.*

Huius ergo mensæ quis author ? quis artifex ? quis dispensator ? quis apparator ? quis in ea cibus & potus ? quis conuiuia ? cuius formæ vel materiei ipsa mensa ? Auctor IESVS, artifex Spiritus sanctus, dispensator Prælati, præparator seu ministrator, Angelus & ordo Apostolicus, cibus caro CHRISTI, & potus sanguis, conuiuia omnis Christianus. Mensa, altare seu lapis vinctus & consecratus ; forma quadrangula, materia lapidea.

Ecce IESVS, ecce Spiritus sanctus, ecce Sacerdos magnus, ecce Apostolorum chorus, ecce ministratorij spiritus, ecce cibus, ecce potus, ecce mensa in forma & materia sua vt quid hæc ? & ad quid hæc ? vt manducetur Pascha, vt assit & satietur conuiuia. Vbi es Adam, vbi es conuiuia ? Non te subtrahas, non te excuses à cœna, non te illudas & foliis ficus pudenda tua operias. Tibi parata est cœna, tibi immolauit Pater tuus vitulum saginatum, tibi immolauit Sapientia victimas suas, tibi Ioseph meridianum præparauit conuiuium, te expectat sacrificium matutinum & vespertinum : his excitatus & inuitatus omnis Christianus indifferenter currit, & paratam cœnam appetit.

Sed videte, Fratres, quomodo cautè ambuletis, non vt insipientes sed vt sapientes. Sursum aspiciite & legite titulum huic mensæ appositum, *Qui cumque manducauerit panem Domini & calicem biberit indignè, reus erit corporis & sanguinis Domini.* Item, *Fiat mensa eorum coram ipsis in laqueum.* Noli itaque gustare quod malè gustatum affert mortem, noli tangere ore polluto & manibus immundis Christum Domini. Tafescit enim sapientia, &

Spiritus sanctus gemit gemitibus inenarrabilibus in corpore subdito peccatis.

Ad aures Patris, ad cor ascendat gemitus iste, unde & descendit videre utrum clamor iste culpis continuatis perpetuetur clamans, Spiritum nolite extinguere, & Filium meum IESVM nolite pedibus vestris conculcare. Habet enim in ore suo gladium ancipitem, utique ex vtraque parte acutum, dicens de illo conuiuia, qui se immiscuit cœnæ non vestitus veste nuptiali, id est, caritate & castitate: *Ligatis manibus eius & pedibus mittite eum in tenebras exteriores, &c.* Quæritur itaque conuiuia non qui mensam impleat vomitu & 22. 13. forde, sed qui comedat agnum, innocens manibus & mundo corde.

Ecce Satan, non inter filios Dei, sed contra Filium Dei, non transfigurans se in Angelum lucis, ut simulatione decipiat, sed extollens se aduersus IESVM qui verè colitur & adoratur Deus, erigens contra cœlum, immò Deum malitiæ suæ machinas, conuoluens in turrem David, quæ ædificata est cum propugnaculis, lapides & iacula, intorquens lanceas & sagittas, in obscura luna & ante luciferum, & post solis ortum, ut in hoc tandem appareat rupta vesica, in qua ab initio creationis suæ dirissimum vitus coagulauerat, quodammodo effudisse, & quasi mortifera nebula totam terram infecisse. Aded enim efflatio siue effusio illa pessima fuit, ut nec sol illam tolerare potuerit. Obscuratus est enim & tenebræ factæ sunt super terram. Inde Iudas crepuit medius, inde de ore Iudæorum eruptio illa fœtida, *Reus est mortis, crucifige, crucifige, &, Non habemus Regem nisi Casarem.* Math. 26. 6. Ioan. 19. 15.

Subministrabat namque laguncula cordis plena & superfusa, quod multiplici reciprocatione euomit cum labiis dolosis, lingua maligna. An aliquid de abyssu nequitiae hodiè retentum & reueruatum est quod non expandetur, quod non exponeretur? A sæculo vasa iræ catenus, sicut nunc, non sunt exhausta; & ut verum fatear, à Dei patientia absorpta. Nam absorpta est mors in victoria, & quidquid riuius infernalis conglomerare potuit, ut nos cum IESV deleret, totum sine damno, immò cum lucro nostræ restorationis IESVS absorbit: sed de peccato enim damnauit peccatum. Nam IESVS plus potuit absorbere quam diabolus vomere. Sapientia siquidem vincit malitiam.

Concertat ergo Diabolus, & vsque ad extremam exhalationem defudat, vnde cumque & quocumque, & à quibuscumque in medium proferre iniuriosam iniuriam, quatinus pondus malorum IESVM opprimat, modus vincat, numerus exturbet & ad impatientiam omnium desolatio prouocet. Sed sicut IESVS heri & hodie, ipse in sæcula sæculorum, sic patientia eius potuit ferre quod diabolus potuit inferre, & quod non potuit. Melior est profectò patiens, id est, IESVS, viro forti, id est, diabolo, qui fortis custodiebat atrium suum antequam veniret iste qui destrueret eum, qui habebat mortis imperium, antequam ad singulare certamen prouocaretur, qui mitis & mansuetus venerat, non iniuriam facere, sed quantum ad se perferre, quantum ad alios propulsare.

Sed quia pius est de tam pio & tam impio cogitare, & vtriusque causam

fideliter pensare, sciendum quod diabolus propriam & valde calumniosam agebat causam. IESVS nostram & dolo aduersarij vitiatam quantum ad nos, sed quantum ad se iustam. Hinc igitur propositis armis lucis, quæ sunt humilitas, patientia, & iustitia & mansuetudo, illinc vasis belli & iræ, quæ sunt auaritia, perditio, calumnia, conuitia, flagella, alapa, irrisiones, sputa, corona spinea, lancea, fel, acetum, crux, clauis, & cætera quæ loquitur Euangelium; passionem ex ordine recitemus, & de hortulo isto fasciculum mirrhæ inter vbera nostra, id est, in corde conferamus, vt in lectulo Salomonis, mirrhâ & aloë perfusum IESVM colloceamus; & propter timores nocturnos accincti gladiis eundem lectulum ambiamus.

Marc.
14. 34.
Ioan.
11. 14.

Dum enim quasi in ægritudine suæ passionis IESVS amicus & Pater & Dominus noster accumbit, nullo modo rationi consentaneum est, vt per vias & plateas cum illuloribus euagemur, sed quasi tristes cum illo qui dicit *Tristis est anima mea usque ad mortem*; patienti compatiatur, morienti commoriamur, sicut ait Thomas: *Eamus & moriamur cum illo*, vt surgenti conresurgamus, regnanti conregnemus: æqua enim sorte his qui cum eo iuerunt ad bellum, spolia meritorum distribuet, vt præ participibus quidem, quia plus laborauit, principatum obtineat, & potiori donetur munere qui singulari vsus est certaminis passione.

Gen. I.
2.

Tres digiti Pater & Filius & Spiritus sanctus. Tres iuncturæ sunt in Patre, illa tria quæ Genesis in creatione rerum assignat dicens; *Dixit Deus fiat lux & facta est lux, & vidit Deus lucem quod esset bona*: & in aliis similiter. In Filio tres æquæ sunt iuncturæ, natiuitas CHRISTI, mors, & resurrectio. In Spiritu sancto, species columbæ, ignis, & lingua: vel caritas de corde puro, & conscientia bona & fide non ficta:

Ibid.
26.

Simul autem tota Trinitas loquitur: *Faciamus hominem ad imaginem, &c* id est, Sacerdotem, ordinatione, potestate, executione, *ad imaginem & similitudinem nostram*, vt imitetur creatorem, regenerando nouum hominem ex aqua & Spiritu sancto, sicut in creatione mundi Spiritus ferebatur super aquas: imitetur redemptorem nostrum, qui redemit nos sanguine suo, celebrando Missam, conficiendo Eucharistiam: imitetur Spiritum, scilicet diligendo Deum supra se, & se post Deum, atque proximum tamquam seipsum. Quia verò homo semel nascitur, & semel regeneratur, quotidie verò recordando passionem CHRISTI commortificatur, diligenti distinctione inspicimus quomodo accedant Sacerdotes ad hoc sacrificium, quali corde, ore, manu, & cæteris sensibus.

Manus enim quibus gestamus CHRISTVM in altari, quasi quoddam vehiculum inunctum est, & solidum & tornatile, quo ad Patrem deferretur & ad nos refertur, sacrosancta illa Eucharistia. Os autem quasi porta siue ostium est quo ad cor igreditur tamquam ad sancta sanctorum. Cor verò est tamquam arca vbi vna aurea habens manna, tabulas testamenti, & virgam Aaron. Et sunt ista tria quasi tres digiti, quibus Deus appendit molem terræ, id est, Sacramenta Ecclesiæ. Visibilia enim elementa, sub specie quorum latet virtus invisibilis, moles tetra non immeritò dicitur, hoc enim pondere, nisi virtus fidei mentem eleuaret ad diffidentia casum, opprimeretur,

tur, & tamquam gigas sub aquis gerneret. Laua itaque, ô Sacerdos, manus inter innocentes, tange labia forcipe de altari siue carbunculo; omni custodia serua cor tuum, quoniam ex ipso vita procedit, & sic dignè appendes molem terræ, id est, Sacramentum & rem Sacramenti.

Nouus Rex, noua lex, vnus idemque mediator Dei & hominum, homo **CHRISTVS IESVS**, vnā eandemque regulam iustitiæ sobriè & temperanter vbique seruans, nihil indebitum in forma Dei vsurpauit, nihil nisi indebitum in forma serui à Iudeis sustinuit. Cum ergo loco debiti honoris & gloriæ, in via de torrente quidquid contumeliæ est & iniuriæ, audacia dæmonum simul & malitia Iudæorum illi propinasset, gustauit quidem, sed noluit bibere, id est, ad tempus excepit per dispensationem assumptæ mortalitatis, sed statim euomit per gloriam resurrectionis. Mutauit siquidem Dauid vultum coram Abimelec, ita vt saluæ eius defluerent per barbam, & iudicaretur arreptitius. Et **I E S V S** celata virtute diuinitatis, saluâ barbam abscondit, quia infirmitatem ostentans, per defectus humanæ fragilitatis quoddam Deus esset in homine, non nisi paruulis suis, id est, Apostolis; & quidem opera fecit in eis quæ nemo alius fecit, sed excæcatum erat cor populi illius sicut ait Isaias: *Excæca cor populi huius & aures eius ag-*
graua.

Nouus
sermo
videtur
in MSS.

Esa. 6.
10.

Offenderunt itaque in lapidem offensionis & petram scandali, cum malis suis impingentes in illam, & undique cum clamore percutientes atque perfodientes. Sed lapis iste pretiosus, iaspis in passione, smaragdus in morte, topazius in resurrectione, carbunculus in ascensione, de sub pedibus Iudæorum translatus est super choros Angelorum; & dominatur non tantum in vniuersa terra, sed in vniuersa creatura cæli & mundi.

Dicit itaque regulare prouerbiū: nouus Rex, noua lex. Rex quidem ab æterno est cum Patre creans & regens vniuersam creaturam. Veniendo autem in regionem longinquam accipere sibi regnum aliud, vt regnet super duo regna Angelorum & hominum & faciat vnum regnum cælorum: dum secundum quæreret, primum in latibulis suis reposuit, & quasi sine regno erat, quoniam illud latebat, & hoc nondum ei obtemperabat. Fuit itaque pæne in omni malo, in medio Ecclesiæ & Synagogæ, quia Ecclesiam cum dolore passionis parturiebat, & Synagogam dolens amittebat, sicut Ionas cucurbitam siue hæderam.

Vnde in passione orabat: *Mi Pater, si possibile est transeat à me calix iste*, id est, non me crucifigat Iudæus, sed quilibet alius: est enim iniquitas appo-
sita super iniquitatem, cum me virum pubertatis suæ occidit, & filium gentis suæ. Nam os meum & caro mea est Synagoga, cuius alumna est Virgo **M A R I A**. Vnde Ecclesia non admittitur, nisi Synagoga expellatur, dicitur in Psalmo: *Potum meum*, de incorporatione Ecclesiæ, *cum fletu misc-*
bam, propulsione Synagogæ. Potum namque bibendo incorporamus, flendo verò lacrymas effundimus.

Math.
26.39.

Ps. 102.
10.

Cum itaque mali coloni de vinea patris sui filium eiecissent & occidissent, tranſiuit de gente in gentem, & de regno ad populum siue regnum alterum,

○

& ramis bonæ oliuæ fractis, insertus est oleaster in bonam oliuam, vt ait Apostolus. An Iudæorum Deus tantum? Nonne & Gentium? Immò & Gentium. Dominus itaque regnavit exultet terra, &c. Velint nolint Iudæi qui dixerunt: *Nos Regem non habemus nisi Cæsarem.* Dominus regnavit irascantur populi. Rex æternus, ecce factus est Rex nouus adquirendo regnum nouum, non admittendo æternum. *Clarifica me*, inquit Rex nouus ad Patrem, *claritate quam habui priusquam mundus esset, apud te.* Dictum est ei, & *clarificaui*, & iterum *clarificabo.*

Gratis quidem æternum accepit à Patre regnum, sed nouum multo labore & pretio adquisiuit. Iacob & multo tempore, & multo labore apud Laban ditatus & dotatus est gregum & familiarum atque vxorum honore & substantiâ; ita vt cum reuertitur dicat: *In baculo meo transui Iordanem istum, & nunc cum duabus turmis regredior.* Quasi diceret: Reuertor ad terram meam cælestem patriam, & ad locum natiuitatis meæ, sinum paternum, de cuius substantia ante luciferum genitus sum, cum duabus turmis, vtique latrone de supplicio, & Patrum antiquorum grege de inferno. Qui in baculo factus ex muliere, factus sub lege ad conuallem lacrymarum descendi vel in baculum crucis transui humilitatem mortalitatis, & ad Laban qui se se transfiguratur in Angelum lucis descendi, tulique substantiam eius, vniuersa scilicet arma, in quibus confidebat, & spolia distribui, vasa contumeliæ illi relinquens, & vasa in honorem ad Patrem mecum referens.

Hic aliquid videtur deesse. Ioan. 13. 18. Ioan. 6. 41. Marth. 23. 37. Ioan. 11. 14. Corpus CHRISTI speculum est, balneum est, viaticum est, tentorium est, scutum est, propitiatorium est, oraculum est: speculum dicit *attendite & videte, Exemplum dedi vobis.* Balneum dicit, *Nisi lauero te non habebis partem mecum;* & *Nisi quis regeneratus fuerit ex aqua & Spiritu sancto, non intrabit in regnum cælorum.* Viaticum dicit. *Ego sum panis viuus quæ de cælo descendi, & nisi manducaueritis carnem Filij hominis, & biberitis eius sanguinem non habebitis vitam in vobis.* Tentorium dicit. *Hæc quotiescunque feceritis in mei memoriam faciatis, & quoties volui congregare filios tuos quemadmodum gallina congregat pullos suos sub alas & noluit?* Scutum dicit. *Bonus pastor animam suam ponit pro ouibus suis, & Ego vado immolari pro vobis.*

Item Apostolus de speculo. *Ante quorum oculos CHRISTVS præscriptus est.* Et Moyses. *Et erit vita tua pendens ante oculos tuos.* Et Psalmista. *Oculi mei semper ad Dominum.* Item Iob de balneo. *Petra fundebat in rivos olei.* Et Sponsa: *Laui pedes meos quomodo inquinabo illos?* Et, *dentes tui sicut greges caprarum quæ ascenderunt de lauacro.* Iacob de viatico dicit: *Si Dominus Deus meus fuerit mecum in via ista quæ ego ambulo & dederit mihi panes, &c.* Item Psalmista de tentorio. *Extendens cælum sicut pellem.* Et, *Extendit manum suam in retribuendo.* Et, *Super iram inimicorum meorum extendisti manum tuam, & In Idumeam extendisti calciamentum meum.* Item de scuto Ieremias: *Dedisti eis scutum laborem tuum. & Domine vt scuto bonæ voluntatis coronasti nos.*



IN COENA DOMINI.

SERMO III.

MELIVS est vocari ad olera cum caritate quàm ad vitulum sagi- Prou.
 natum cum odio. Sponsa agni hodie in mandato pedes suos abluir, 15. 17.
 in mensa carnes agni comedit, in altari chrisma & oleum conficit. In man-
 dato pedes abluuntur; in mensa fercula Salomonis apponuntur; in altari
 tam regium quàm sacerdotale vnguentum diuinis apparatusibus præparatur.
 Peccata purgantur in mandato, merita comparantur in conuiuio, præmia
 redduntur in vnguento.

CHRISTVS purgat sordes filiarum Sion & sanguinem Ierusalem la-
 uat in mandato, quia tam venialia quàm criminalia dimittit in baptismo.
 Vocat denique ad mensam à mandato, quia dignus est operarius cibo suo, co-
 lonus vineæ denatio, mercenarius pretio, vt sit beatus qui labores manu-
 suarum manducauerit in regno Dei. Latos verò & saginatos CHRISTVS
 à chrismate nuncupatus, tanquam membra sua in Reges & Sacerdotes con-
 secrat, vt simus hæredes quidem Dei, cohæredes autem CHRISTI, vnde
 Petrus, *Vos autem genus electum, regale sacerdotium, gens sancta, populus* 1. Pet.
acquisitionis. Separatim tamen de ablutione pedum, seorsim de comestione 2. 9.
 agni & panis qui de cælo descendit, & sigillatim de confectione chris-
 matis & olei, remoto satietatis fastidio, aliqua dicere volumus.

Dicendum ergo priùs de mandato & quare talis ablutio pedum, manda-
 tum vsualiter ab omnibus dicatur, breuiter explicandum. Ioannes Euange-
 lista, qui ordinem ipsius mandati nobis exposuit, quare etiam sic vocandum
 esset, explanauit vbi dicit. *Postquam ergo lauit pedes eorum accepit vestimen-* Ioan.
ta sua: & cum recubisset, iterum dicit eis, scitis quid fecerim vobis? Vos vo- 13.
catis me Magister & Domine, & bene dicitis sum etenim. Si ergo laui pedes
vestros Dominus & Magister, & vos debetis alter alterius lavare pedes. Exem-
plum enim dedi vobis, vt quemadmodum ego feci vobis, ita & vos faciatis.
 Ecce planum est quare dicatur mandatum, quia videlicet & dicto & exemplo
 est nobis mandatum. Inde etiam est quod Antiphona illa quæ est *Manda-*
tum nouum do vobis, ibi præcinitur vt secundum illud quod voce & opere
 agitur, mundetur conscientia nostra ab operibus mortuis ad seruiendum
 Deo viuenti.

Sed rem ipsam enucleantes, munditiam huius balnei seu ablutionis, non
 nudo & vacuo sermone attrahemus, sed opere & veritate leprosæ animæ
 nostræ & immundo corpori adhibeamus. Certè, Fratres carissimi, aqua ista
 non est sicut Abœna & Farfar fluuij Damasci, quæ Naaman leprosum num-
 quam sanare potuerunt, non est sicut aqua Ægypti, quæ in sanguinem versa

O ij

est propter induratum cor Pharaonis, non est sicut steriles aqua Iericho, quæ ante aduentum veri Helisæi, odibilem illum locum reddebant, non est sicut aqua de Mara quam filij Israël bibere non poterant.

Est autem aqua benedictionis, est aqua Siloë quæ cum silentio vadit, est aqua de petra quam interruptit Moyses in eremo, percutiens bis filicem, & adaquauit homines & iumenta. Est aqua super quam fertur Spiritus Domini. Est aqua Iordanis in qua CHRISTVS à Ioanne baptisatur. Quid plura? aqua baptismatis est, aqua de latere CHRISTI est. Bone IESV non erat aqua de qua pedes nostros ablueres, nisi eam de sacris visceribus tuis lanceato latere emanares? Bone IESV quid nobis & tibi, vt pedes nostros ablueres, vt vestimenta poneres, & linteo te præcingeres, ut te inclinans in terram, sanctum illum verticem quem Angeli deliderant aspicere, pedibus discipulorum, immò proditoris tui substerneret? Bone IESV super Cherubin residens solo verbo purgationem peccatorum facere posses, sed parum in hoc duram cervicem nostram emollires, si quasi sine labore & impensa præstita, vicem obsequij repõceres.

Frates carissimi, non sustineamus diu ad pedes nostros IESVM prostratum iacere, sed citò mundati adquiescentes eleuamus ipsum reuerentia qua debemus. Quid enim, an non videtis IESVM quærere pedes nostros, tenere, rigare, abluere, fricare, tergere & inungere? Si non vides, saltem audi ad pedes tuos iacentem & dicentem: *Ego sum, ego sum ipse qui deleo iniquitates, & peccatorum tuorum non recordabor amplius.* Certè vox ista, vox CHRISTI est. An loquelam eius non cognoscitis? Certè loquela sua manifestum eum facit. Mariæ Magdalene dicit: *Remittuntur tibi peccata tua.* Adulteræ in adulterio deprehensæ dicit: *Vbi sunt qui te accusabant? Nemo te condemnauit? At illa. Nemo, Domine. Nec ego te, inquit, condemnabo.* Paralytico ait: *Fili, remittuntur tibi peccata tua.* Frates, hodie, si vocem istam audieritis, nolite obdurare corda vestra. Ego sum, clamat, ego sum, vt si ad primam vocem non excitaris, vel ad secundam expergiscaris. Ego sum creator, ego sum redemptor. Si quia te creauit non non me audis vel agnoscis, saltem quia redemi non asperneris me Patrem recognoscere, quia cognouit bos possessorem suum & asinus præsepe domini sui, Israël autem me non cognouit. Ego sum, ego sum, inquit, ipse qui deleo iniquitates tuas. Dele, dele iniquitatem meam, faciesne ita? Planè, inquit, faciam & excoquam ad purum scoriæ tuam.

Tria certè genera emundationum sunt, quorum aliud fit per ablutionem, aliud per emissionem, tertium per excoctionem. Lauantur recentia & minora, delentur vetustiora & duriora, excoquantur fortiora & aliter inuincibilia. Lauantur aquâ vitia quæ contraximus de corruptione reatus primi parentis, id est, fomes peccati. Delentur ferro passionem peccatorum quæ per legem operantur in membris nostris. Excoquantur igne consuetudines pessimæ abominationis quæ velut cicatrices putruerunt & possederunt nos in regno mortis. Omnia ista mundantur in mandato isto, si fides aquam exhibuerit, si spes peluim supposuerit, si caritas aquam calefecerit, & multitu-

Esai.

43. 25.

Luc. 7.

48.

Ioan.

8. 10.

Math.

9. 2.

dinem peccatorum per manutergium operuerit. Adhuc plura de mandato superessent dicenda, nisi vocaret nos cœna.

Sed quid dicam de cœna ista, cum me stupor apprehendat recogitantem quid in ea factum sit, & attendentem quid in ea faciendum sit? Si Regina Saba videns omnem sapientiam Salomonis, & domum quam edificauerat, & cibos mensæ eius & habitacula seruorum, & ordinem ministrantium vestesque eorum & pincernas, & holocausta quæ offerebat in domo Domini, ultra non habebat spiritum: quid ego tantillus ad tanta, elinguis ad ineffabilia, rudis ad æterna, insensatus ad superexcedentia, terrenus ad cœlestia, immundus labiis & toto corpore ad sancta sanctorum, ad ea quæ sole clariora, lunâ pulchriora, astris sunt mundiora? Lingua ergo Pauli, in quo loquitur CHRISTVS, loquar ad vos de cœna Domini; linguâ Isaïæ, cuius labia mundauit Angelus Domini tangens ea forcipe altaris, non meâ quæ est immunda, quæ est implicata, quia impeditioris & tardioris linguæ factus sum, ex quo aperui os meum tractare de his quæ apponuntur in mensa diuitis.

Dic Paule, dic de pane & calice huius mensæ quid tibi videatur. *Ego*, 1. Cor. 11. 23. *inquit, accepi à Domino quod & tradidi vobis, quoniam Dominus IESVS in nocte qua tradebatur, accepit panem & gratias agens fregit & dixit: Accipite & manducate hoc est corpus meum quod pro vobis tradetur. Hoc facite in meam commemorationem. Similiter & calicem postquam cœnauit dicens; Hic calix nouum testamentum est in meo sanguine, &c.* Quid ergo, Paule, tibi videtur, bonus enim homo es, quid, inquam, tibi videtur de comestione huius panis & bibitione huius calicis? Estne vtile omni Christiano semper & ubique & quocumque modo accedere ad mensam istam?

Multiplici quæstioni multiplex debetur responsio. Omni quidem Christiano utilis & necessarius est cibus Dominicæ mensæ qui vocatur Eucharistia, sed sub conditione, sed in loco, sed in tempore, sed in modo. Locus est Ecclesia consecrata. Tempus ante omnem cibum vel potum. De modo multiplex fit subdiuisio. Ad modum pertinet habitus animæ congruus, sicut in Euangelio eiicitur ille qui intrauerat non cum veste nuptiali, id est, sine dilectione Dei & proximi. Ad modum pertinet qualitas mentis accedentis ad Eucharistiam.

De conditione est vt sit regeneratus in libertate spiritus. De loco Moyses, vt in domo una, id est, in vnitæ Ecclesiæ. De tempore, vt prius probet se homo, & sic de pane illo edat, & de calice bibat. Vtrum sit pœnitens an impœnitens, vtrum pœnitentiam inchoauerit an non, vtrum cum reuerentia accedat, an procaciter se ingerat, non diiudicans corpus Domini; vtrum sacramentum an rem sacramenti accipere se credat. Ad modum pertinet, vt castus, vt deuotus, vt timoratus, vt compunctus accedas. Ad modum pertinet vt veraciter credas, corpus verum & sanguinem CHRISTI esse in altari sub specie visibili, nec esse illam speciem corporis vel sanguinis CHRISTI qui ibi est inuisibiliter, sed panis materialis & vini, quæ ibi non sunt substantialiter.

Discute ergo intra te conscientiam tuam, & si mortalia peccata vel non

fuerunt in te, vel deleta sunt per confessionem & pœnitentiam, securus de misericordia, pauidus de conscientia, accede ad cœnam agni, & agnus factus agnum comede, non sicut lupus, sed sicut agnus. Iudas enim sicut lupus agnum deuorat, sed crepuit mediis, tenebris non comprehendentibus lucem sed euanescentibus. Petrus agnum comedit, & sanguine eius vtrumque postem liniens, exterminatorem Angelum à se exterminauit. Et hæc de cœna non ad satietatem, sed prælibationem cibi salutaris dicta sunt.

Restat de vñctione chrismatis & olei. Sed chrismate Reges, Pontifices, Sacerdotes inunguntur. Regere ergo terram suam & populum suum debet qui inunctus est, vt imperet, non seruiat desideriis carnis. Vnde Apostolus. *Non regnet peccatum in vestro mortali corpore.* Pontificali etiam auctoritate anathematizare debemus quæcumque vitia in nobis legi Dei non sunt subiecta. Sacerdotali quoque administratione omnia debemus probare, & quod bonum est tenere, sicut sacerdotes in veteri testamento decernebant, qui mundi essent vel immundi, quæ lepra & quæ non lepra.

Sed quia hæc discretio spirituum non omnibus datur, nec illa potestas pontificalis, calcandi super serpentes & scorpiones, nec illa regalis libertas iustitiæ vt nemini seruiamus vñquam, videlicet semper existentes immunes ab omni crimine; consecratur oleum infirmorum, vt nullis obstupefacti peccatorum infirmitatibus, discrimine desperationis absorbeamur. Semper enim de misericordia Dei sperandum, semper ad oleum reuertendum est. Fili olei IESV, da nobis peccatoribus oleum indulgentiarum, da sanctis chrisma virtutum, da conuiuatoribus tuis agnum redemptionis, da in mandato tuo residentibus absolutionem peccatorum; qui viuus & regnas.



IN COENA DOMINI.

SERMO IV.

NON mirum si suauiter omnia disponit, qui in conceptione sicut pluuia in vellus descendit, in conuersatione sine peccato, & prædicatione sine mendacio, oleo gratiæ vasa misericordiæ impleuit. Cuius nomen oleum effusum, in passione sicut agnus non aperuit os suum, in resurrectione Petro negatori suo primas salutes mandauit, in ascensione omnibus communiter Apostolis benedixit. Hæc sapientia attingit à fine vsque ad finem fortiter, quia vt gigas ad currendam viam incarnationis suæ, exultauit, vbi à summo cœlo egressio eius, & occurfus eius vsque ad summum eius.

Pfal. 18. 7. Ps. 103. O Domine omnia à te expectant, &c. Expectat Pater antiquus ille dierum, holocaustum & sacrificium assumpti à verbo corporis, pro redemptione generis humani, tamquam duos hœdos optimos, Rebecca, id est, gratiæ manibus præparatos, sicut nouerat velle patrem. Expectat Angelus pla-

S E R M O N E S.

III

catam IESV videre faciem, in quam desiderat prospicere, prodigi filii nequaquam invidens reparationi, quinimo consilium Dei sustinens, mortem Regis & Domini sui, spe salutis humanæ considerat, nec vindicat.

Panem igitur illum de duabus decimis, id est, diuina & humana compactum natura, triduanâ decoctione, id est, cruce, monumento & inferno allatum triduo sustinent, videlicet à peccato Adæ, id est, ante legem, sub lege, & tempore gratiæ, vsque ad Ascensionem Domini. Sed ille famelicus qui non poterat implere ventrem suum de siliquis, quas porci manducabant, eò quòd vitia potius naturam destruant quàm restituant, vitulum saginatum expectabat, cuius cornibus inimicos ventilareret, & corio pedes calciaret, carne famem satiaret, adipe & pinguedine dolores temperaret, sanguine captiuitatem redimeret, intestinis interiorem munditiam compararet, pedibus ad patriam repedaret, capite in interiora velaminis contemplationem attolleret. *Omnia ergo à te expectant vt des illis escam in tem-* Pf. 103.
27.

Quid est omnia? numquid draco? numquid animalia pusilla cum magnis? numquid reptilia? equidem & ipsa. Nam vt litteram breuiter tangamus, omnem creaturam suam pascit Deus. Mysticè verò, & diabolus habuit fiduciam quod influeret Iordanis in os eius, quia morte perpetua putauit CHRISTVM detinendum, quem putum hominem autumabat & Deum prorsus ignorabat. A Iudaica voracitate leo rugiens accucurrit, vt illum deuoraret, cum Iudam sibi sociauit, cum Scribam & Phariseos in inuidiam excitauit, cum in vaccis populorum, mugitum clamoris *crucifige, crucifige* immisit.

O fera pessima! ô crimen extentissimi ventris! ô inferne! ô diabole! ô mors! quid vobis cum agno nostro? Si saperetis non attrectaretis. Si intelligeretis, ab eo abstineretis. Mollissima quidem & lapidissima caro eius; si dignè à dignis sumatur, ænea, ignea, & lapidea, si labiis immundis & conscientia corruptâ contingatur, ita vt molas leonum confringat, & anima dilacerata iudicium mortis præsumptoribus inferat. Cæcitas quidem ex parte contigit in Israel qui non cognouit Dominum suum, in te autem diabole posuit Deus tenebras ne cognosceres: & facta est nox vt occideres. O voracissime, venenum tuum non vincit antidotum nostrum, quin potius putrida malitia tua euanescit, si radios suos detexerit potentissima sapientia.

Deuorat itaque bellua Ionam, vt plusquam Ionas secum extrahat diuitias sanctorum, quas includebat illa cruentissima infernalis sanguifuga, & paradiso nouas inferat escas de captura quam in arcu & pharetra venatu apprehenderat primogenitus mortuorum & princeps Regum terræ IESVS. *Omnia à te expectant, &c.* Suscipit aër pendentem in cruce, excipit terra depositum in monumento; infernus contremiscit euertentem omnia & quarentem drachmam suam in lacu in quo non est aqua: cælum ascendenti inclinat cacumen suum, & in sede præparata ab æterno cum iubilatione recipit. Sic omnia reficit qui omnia fecit. *Omnia à te expectant, vt des illis escam in tempore.*

Nil in fide Christianorum maius vel melius quàm hoc cum omni veneratione recolendum Sacramentum Dominici corporis & sanguinis, quod ab

Gen.
3. 18.

vniverſali Eccleſia ſtudioſiſſima religione hodie celebratur & ſumitur. Seorſum itaque & ſurſum coquinam vbi eſca patetur, conſtitue, menſam quoque præclariffimam, vbi angelica miniſteria non dedignentur adeſſe, appone. ſit autem coquina omnium ſenſuum & actuum noſtrorum in diuinis intenta officiis adminiſtratio. Sit menſa omnium affectionum & deſideriorum ad Deum leuata contemplatio. Sudandum eſt proſectò in coquina, & edendum de ſudoribus in menſa. Sic enim ſcriptum eſt: *In ſudore vultus tui veſceris pane tuo.* Habet tamen alium laborem panis, & aliàs vtique in agro, molendino, piſtrino, clibano, alium & aliàs caro & cætera fercula, ſcilicet in coquina.

Animaduerte quia ſi agnus ad coquinam deferatur, excoriatur, vel elixatur vel aſſatur. Si avis, explumatur, ſi piſcis, exenteratur. Abel agnum obtulit. Abraham turturem & columbam. Puer Tobias piſcem exenterauit. Sed quia pluribus intentus minor eſt ad ſingula ſenſus, eſcam non eſcas, ait Pſalmiſta *Omnia à te expectant Domine.* Vna eſt enim hoſtia, vna eſca, vnus Dominus, vna fides, vnus panis, vnum corpus. CHRISTVS eſt hoſtia, CHRISTVS eſca, CHRISTVS agnus, CHRISTVS turtur & columba, CHRISTVS piſcis. Columba de Spiritu ſancto conceptus, turtur quia Eccleſiæ vnicus ſponſus. Agnus, quia innocens occiſus, piſcis, quia primus de mari reſurgendo aſcendit, & in ore ſuo didrachmum Euangelii quadripartiti habuit.

Vbi, fratres mei, ligna quæ ſufficiant ad coquendum, vbi aqua ad ablundum, vbi veru ad ſuſtinendum, vbi labia, dentes, palatum, guttur & ſtomachus ad percipiendum? Digna eſca, digna & munda exigit receptacula, dignam mentem, dignam animam, dignam conſcientiam. Non habitat in corpore ſubdito peccatis. Si rubigo aſſueti peccati detracta non fuerit per confeſſionem & correptionem, non intrabit coquinam; ſi molle lutum & paludem coinquinatæ vitæ inuenerit pedem retrahit; ſi paliurum vel ſpinam iræ & odii offenderit, ſicut cum guſtaſſet acetum noluit bibere, ſic relicta coquinâ illâ faciem ab ea auertit & recedit; ſi folia pulchra ſine fructu viderit, hypocrifiſim & ſimulationem maledicit.

Cant.
4. 6.

Vadam ad montem myrrhæ & ad collem thuris. Sponſo Eccleſiæ CHRISTO quàm grata ſint myrrhæ & thus, & in natiuitate ipſius & in morte oſtenditur. Nam Magi qui aurum detulerunt, ſimul myrrham & thus nato puero obtulerunt. Ioseph autem & Nicodemus depoſito de cruce corpore Dominico, myrrhæ & aloë vnxerunt. Veniens itaque ad nos & ad patrem rediens, ad montem myrrhæ & ad collem thuris ſe ire loquitur ſponſus. Vadam, inquit, ad montem myrrhæ & ad collem thuris. Reuera montem myrrhæ ſe Domino exhibuit mundus, quia in mundo venit & ſui eum non receperunt; ſed dictis & factis omnia amara in eum congeſſerunt. Quid enim ei non myrrhatum propinauerunt, cui toto tempore diſpenſationis de loco ad locum, illum propellendo, nec ad manendum hoſpitium præbuerunt? Quid amaritudini myrrhæ addere potuerunt quando Ieſum crucifixerunt, & in eadem cruce ſitienti vinum myrrhatum porrexerunt?

Sed tu IESV à monte myrrhæ quo vadis? Vtique ad collem thuris.

Ego

Ego autem, inquit, orabam: Pater ignosce illis quia nesciunt quid faciunt. Sic IESVS simul adscendit ad montem myrrhæ, & ad collem thuris, quia & patitur & pro persecutoribus precatur. Plusquam satis equidem amarus fuisset Diuinitati complexus humanitatis, nisi præmissa gratia natium corrigeret saporem & vnionis vnctio omnem de carne venientem leniret asperitatem. Culpam siquidem præfocauit, sed pœnam non exterminauit. Vnde: *Calix in manu Domini vini meri plenus mixto, & inclinauit ex hoc in hoc veruntamen fœx eius non est exinanita,* &c. & dolores nostros ipse portauit. Cum ergo ad humanam naturam verbum accessit, ad montem myrrhæ venit.

Rursum cum Ierosolymam passurus ascenderet dicens: *Ecce ascendimus Ierosolymam, & filius hominis tradetur principibus Sacerdotum,* &c. ad montem myrrhæ ascendit. Ibi humana & diabolica eatenus se excussit sæuitia, vt fines nullos faceret, sed secundum suam sententiam res procederet. Ex occulta enim abyssu malitiæ immisiones diabolicæ toto flatu & impetu admotæ, corda & ora Iudæorum vsque ad diruptionem inflabant, & in Dei filio tam turpia quam crudelia compluebant. Vnde in Psalmo loquitur. *In me transierunt ira tua, & terrores tui conturbauerunt me.* Ecce proditio, venditio, manus iniectio, coruina osculatio, flagellatio, colaphisatio, irrisio, blasphematio, falsa accusatio, sutorum exceptio, crucis affixio, aceti oblatio, capitum commotio, & quorumlibet pessimorum excogitata adinuentio. IESVM tenent, IESVM obsident, IESVM tamquam scabellum pedum suorum premunt & possident.

Tu vero qui ad hoc ad montem myrrhæ venisti, quid agis? quid facis? *Messui,* inquit, *myrrham meam cum aromatibus meis.* Plurimam segetem in passione mea messui, quia exinde mundum redemi & ad palatia mea, passionis meæ cultores & imitatores innumerabiles reportauit. Sequuntur autem eum qui sunt ex parte eius, videlicet sancti martyres, & confessores. Quorum hodie solemnes visitans epulas, sibi ac Patri ac Spiritui sancto loquitur dicens. Vadam ad montem myrrhæ, &c. Nil enim sine IESV festiuium, nil in omnibus conuenticulis sanctorum memorabile, aut egregium. Sicut enim corpus sine capite, truncus iacet, sic Ecclesia nisi Christo cohareat, nusquam & numquam gaudet. Tanquam igitur hastilia stipite hærent in candelabro, sic diuersorum graduum, officiorum & ordinum fideles, hæc fide, illic re concorporantur Christo capiti suo. Nihil autem myrrhata amaritudinis, quæ prima abiit, Sancti ad cælum secum detulerunt, sed tantum odorem suauitatis, sed fructum immortalitatis.


Quærat verò vnusquisque sealam ascensoriam ad montem myrrhæ, quia fœtor & putredo iam mundi fines impleuerunt, & columba de arca Noë emissa, extra non quiescens obsidionem corruptionis, sæculum ambire renuncians, puritatem internam è vestigio repetit, & intrare in gaudium Domini sui quærit. Horum, fratres carissimi, solemnitas hodie à nobis recolitur, horum merita & præmia à fidelibus celebrantur. Non abhorreamus itinera eorum quamquam myrrhata, quia momentaneum & leue tribulationis nostræ, operatur supra modum æternæ gloriæ pondus in nobis.

Veteres itaque & cruentatos panes martyrij eorum assumamus, & tunicam Ioseph intinctam sanguine hædi nobis aptemus. *Oportebat*, inquit Euangelium, *Christum pati & ita intrare in gloriam suam*; & Apostolus, *Per multas tribulationes oportet nos intrare in regnum Dei*. Petrosa quidem & spinosa est via, sed ab his absoluta patria. Grata etiam magis quies est post laborem, & quò amplius ad lectum fatigatus veneris eò indulgentius quiescis. Non reputemus graue & grande dispendium, presentem laborem, quia citò releuabitur compendio peruentionis. Audi exploratorem fœlicitatis futuræ & contemplatorem instantis pœnæ, quàm nihili pendat præsentia dum attendit æterna. *Quoniam*, inquit, *mille anni ante oculos tuos tamquam dies hæsterna quæ præterijt.*

Mentis bonæ radicem nil fortius à terra euellit, quàm consideratio huius laboriosæ instabilitatis, & nunquam commutanda fors quam assignabit sententia futuri examinis. Dubitabilis & incomparabiliter formidabilis continuatio duarum extremitatum, id est, vitæ præsentis & futuræ. Mediator autem qui ambages & veteres interruptiones Dei & hominis soluere venit, & actiones nostras aduersus malignum innouare & perpetuare, pœnitentia interueniente, in hodierno Euangelio quibus priuilegiis, & quibus in integrum restitutionibus antecessores nostri hereditatem immarcescibilem conseruatam in cœlis recuperauerunt, ostendit dicens: *Beati pauperes spiritu, quoniam ipsorum est regnum cœlorum*, &c. Cauentes itaque fastidium prolixitatis, quàm breuiter possumus vtilitatem morum exinde mutuamus.

In primo cornu agni scribendo nomina nostra, in libro vitæ vocat gratia Dei oues suas nominatim. In secundo mittit discipulos sicut agnos in medio luporum, vt patientiâ suâ vincant hostilem malitiam. In tertio iam non habent colluctationem contra carnem & sanguinem, sed aduersus principes & potestates, spiritualia nequitia in cœlestibus ventilat cornu. In quarto fit propitiatio animarum persanguinem Christi. In quinto aratra Euangelij per auditorum arua sulcando & seminando Verbum Dei trahuntur. In sexto Sacerdotale. In septimo regale officium initiat & sanctificatur. Non inconuenienter & septem cornua, septem illa remunerationis & beatitudinis itinera sunt; videlicet paupertas spiritus, mansuetudo, iustus, esuries & sitis iustitiæ, misericordia, munditia, cordis & pax. Oculi verò agni sunt his exercitationibus cooperatoria carismata seu præmia repromissa, id est regnum cœlorum, possessio terræ, consolatio, saturatio, misericordiæ recompensatio, visio Dei, & filiatio. Hi sunt etiam dentes de quibus dicitur, *Dentes tui sicut grex tonsarum quæ ascendit de lauacro*. Masticatis enim passione, vel mortificatione sanctis, ad sui stomachi secretoria traiecit, & occultorum suorum conscios efficit, quia abscondit eos à conturbatione hominum. O sancti, ô beati, ô electi Dei visceribus eius connumerandi, exalationes sacras & emissiones purissimas respergite famelicis vestris; quia in idipsum reflexiones gratiarum vobis continuabuntur, nec copia deerit, vbi venas gratiæ nulla avaritia claudit. Lazarus noster ante fores vestras nudus, mendicus, vlcerosus, famelicus iacet expectans micæ,

præstolans reliquias de plenitudine mensæ, de stillicidiis fecundissimæ cænæ. Operite nudum iustitiâ, & carnem vestram ne despexeritis. Pro miseria, mendico ferte opem, vlceroso apponite mendicamen, famelico porrigite panem & exuli de reditu solamen; delicia vestræ, nec desunt aduenientibus, nec superfluunt abeuntibus. Ea regulariter moderatione regio vestra dispensatur, vt sicut prædestinationi nihil minuitur, sic nihil superaddatur. Nondum impletus est numerus fratrum vestrorum, de quorum germanitate etsi pro incerto sortis nostræ non præsumimus, tamen vt compatriotas nos admittatis humiliter optamus. Ad patrem igitur veitrum & patrem nostrum oculos eleuantes totis medulis clamamus, Pater Abraham miserere mei & mitte Lazarum vt intingat extremum digiti sui in aquam de cisternis Bethlemiticis, vel de fontibus saluatoris, & refrigeret flammam nostram qua cruciamur. Passionibus namque & tentationibus carnis accensi, diabolicis sufflatoriis vrimur, & penè nemo est qui se abscondat ab incendio isto. Quasi ergo torris erutus de igne & quasi facies ollæ combustæ, nos Ethiope manus Dei præuenientes coram illo procumbimus, spem de Psalmo habentes in quo ver- Psal. 86
raciter dicitur, *Ecce alienigenæ & Tyrus & populus Aethyopum hi fuerunt* 4.
illic, si apud vos non est locus impatientiæ, neque verecundiæ. Maria Mag-
dalena, Mathæus publicanus, Paulus blasphemus, latro in cruce, nonne de
hoc genere aliquando fuerunt: hæc autem spes in sinu nostro est quod os pu-
tei tantarum misericordiarum & potentiarum nondum clausum est; adhuc
plures absorbet, & quos absorbuerit super niuem dealbat, & massæ candida-
torum agglutinat.



IN COENA DOMINI.

SERMO V.

FILI hominis &c. Mensa Domini diues & magna omnes recipit, & quan- Eze. 3.
tùm ad se omnes reficit. Clamat enim Dominus mensæ, dicens: *Venite* Math.
ad me qui laboratis & onerati estis, & ego reficiam vos. Qui laboratis non in 11. 28.
saturitate pro terrenis honoribus & diuitiis, & onerati estis, postquam ad-
quisieritis; Venite ad me Deum & ad doctrinam Dei, & ego vos reficiam
non pane illo desiderabili de quo Daniel: *Et panem desiderabilem non co-* Dan.
medi; sed pane viuo qui de cælo descendit. Reficiam sicut Eliam, ne in via 10. 3.
deficiatis. Sacramenti cortice operto corpore sancto Christi, in via reficiam,
manifestata visione, & reuelatione, perficiam in patria: hic enim reficiendi
per fidem ambulamus, ibi perficiendi, facie ad faciem Deum videbimus.

Ad hanc refectionem quia intus quasi inclusa latet virtus & veritas sanctæ
Eucharistiæ passim accurrant & boni & mali. Aliquando festiuus & sapius
mali quàm boni, semper autem etsi tardiùs boni deuotione pleniori quàm
mali. Contemplor & comploro, non solum spirituales, sed animales & car-

134 PETRI CELLENSIS
nales, sese ad mensam Domini ingerere. Sedet ad mensam Domini homo
spiritualis cum Apostolis, nec in fide nec in sorte dissimilis. Hic pascit, hic
cubat in meridie habens statum quietis iuxta mensam refectionis, dicens cum
Petro: *Domine bonum est hic me esse*, vt sit laua tua sub capite meo, lucra
saeculi tamquam stercora continententi; & dextera tua, in qua est calix bene-
dictionis, amplexetur me.

Ioan. 6. 60. Quid animalis? Tamquam canis in circuitu mensæ oblatrat dicens: *Durus est hic sermo quis potest eum audire?* hic accipit corpus Domini de mensa, sed non percipit. Non enim animalis homo percipit quæ Dei sunt; perciperet, si ad salutem acciperet. Ad salutem acciperet, si cum fide & deuotione accederet. Sed disputat quomodo hoc fiat. Quot namque scrupulos vel sibi obijcit vel soluit, tot & plura sunt in sanctuario Dei quæ non intelliguntur nisi in nouissimis. Animalis est frater ille senior in agro qui non intrat ad epulandum vitulum saginatum, quem pater reuertenti prodigo immolauerat, disputat & murmurat non posse fieri, de pane corpus Christi, cum potuerit totus mundus de nihilo fieri; canis est.

Quid carnalis? Musca est, musca canina. Quid facit musca in mensa? Inquietat, contaminat, perdit suauitatem vnguenti. Leues, instabiles, murmuratores, curiosi, sunt muscæ. Si contigerit muscam calicem intrasse & corpus Domini in manibus tuis tetigisse, valde, vt dignum est, doles & irasceris. Cur ergo, ne sis ipse musca, te non corrigis? Vide actus tuos, si murmuras, in hoc es musca, quia ipsa murmurat. Si alios inquietas musca es, quia inquietat. Si instabilis es, musca es, quia numquam aut vix in vno loco stat. Si astutiâ tuâ corrumpis alicuius simplicitatem, musca es, quia quod tangit, corrumpit. Abraham abigebat muscas ne contaminarent sacrificium suum quod Deo offerrebat. Vtinam non sicut sunt modo muscæ alata, sic non essent qui mensam Dei, infidelitate aut turpi conuersatione infestarent.

Cap. 22. Apocalypsis eijcit canes dicens: *Foris canes, venefici, impudici, homicidæ, idolis seruientes, & omnis qui amat & facit mendacium.*

Ezech. 3. 3. Eccli. 36. 20. His eiectis redeamus ad filium hominis, id est, ad spiritalem hominem, *filii hominis, venter tuus comeder, & viscera tua replebuntur volumine isto quod ego do tibi, & comedi illud: & factum est in ore meo sicut mel dulce.* Vt ait Salomon: *Est cibus cibo melior; est cibus gulæ, est cibus animæ; Est cibus ventris, est cibus mentis, est cibus corruptibilis, est cibus incorruptibilis. Est cibus qui gustatus affert mortem, est cibus qui manducatus confert vitam.* In paradiso suadet serpens comedere lignum scientiæ boni & mali. In canaculo grandi strato, post carnes veteris agni, tradit I E S V S Apostolis sacramenta corporis & sanguinis sui. Opponit itaque Dominus lignum ligno, cibum cibo. Hodie in cœna cibum, cras in cruce lignum. In cibo sumitur, in ligno crucifigitur. In cibo refectio accipitur, in ligno pretium redemptionis, soluitur. Eucharistia appellatur cibus, lignum sancta crux.

Mira conuersio in cibo, vbi de pane corpus Domini conficitur, de vino sanguis. Dura passio vbi clavis terrimum & castissimum corpus Dominicum configitur & latus continens pretiosissimum thesaurum lancê militis aperitur. O Domine qui pascis me & de tuo & de te, quid rependam nisi mea &

me. O Domine qui me redimis non auro & argento, sed sanguine & corpore tuo, quid retribuam nisi carnem & animam? Si me appendo totum in statera crucis iuxta te totum, quæ vicissitudo recompensationis, quæ comparatio tantilli & tanti? Quid vilissimus vermiculus in mensa Domini?

Sed habet Dominus non vnā tantū mensam, sed multas. Quot sunt diuersitates animalium mobilium & sese mouentium; tot varietates sub cælo Dominicarum mensarum. Pascit namque Deus singula in genere suo & secundū genus suum: sua maiestate gloriosa & glorificata in cælo pascit Angelos sanctos, pascit & beatas iustorum animas. Pascit quoque in terra bonos & malos, qui facit suum solem oriri super bonos & malos, pane materiali secundū corporalem refectionem vtrosque, secundū spiritalem aliteros, id est, bonos tantū. De hac igitur refectione quidat escam pullis coruorum, loquitur Deus ad prophetam: *Fili hominis venter tuus comedet, viscera tua replebuntur volumine isto, quod ego do tibi.* De hoc volumine paulò superius ait, *Et vidi & ecce manus missa ad me in qua erat inuolutus liber & expandit illum coram me qui erat scriptus intus & foris & scripte erant in eo lamentationes, & carmen & vā, & dixit ad me fili hominis quodcumque inueneris comede.* Exech. 3. 3. Cap. 2. 9.

Liber manumissus ad Prophetam, sacra & Euangelica scriptura est, quæ quasi inuoluta ante passionem Domini, in cæna eius expansa & expensa in cruce tamquam in mensa, & tam sacramentale à nobis, quàm & ipsum corpus à Iudæis passibile hodie & cras supponitur. Quatuor Euangelistæ extendunt & expandunt pallam istam manifesta narratione, quibus verbis panem in corpus, & vinum in sanguinem suum sanctificauerit scribendo, quibusque crucifixoribus in cruce appensus sit. Manus Dei est ipsa operatio qua operatus est salutem in medio terræ, salutem vitæ in cibo, salutem libertatis in pretio. Si alterum deesset, opus diuinum non esset. Si enim reficeret & captiuum non liberaret, prorsus post cibum lacrymas non tergeret. Quid enim est ancilla satietas? Immo captiua magis stimulat satietas, plus siquidem dolet de captiuitate, quàm gaudeat de refectione. Rursum si redimeret, nec redemptum pasceret; vtique esuriens sicut Israël in deserto eductus de Ægypto murmuraret. Neutrum itaque defuit, vbi & panis affuit de cælo, & de IESV saluatio.

Scriptæ sunt tamen in libro isto lamentationes & carmen & vā. Lamentationes in passione, carmen, id est, alleluya in resurrectione, vā in proditoris condemnatione. Mulieres lamentabantur, Angelus carmen vultu & stolā cantabat dicens mulieribus. *Nolite timere scio enim quod IESVM crucifixum, surrexit non est hic;* hoc carmen, hoc canticum nouum scriptum est in Euangelio. Sed vbi vā? Iudas pœnitentia ductus pecuniam retulit, & abiens laqueo se suspendit. Vā ei: *Melius illi esset, si non esset natus homo ille.* Effusa sunt viscera eius. O Iuda vbi est buccella quam de manu Domini acceperas? vt in Iob legitur de impio: *dinitias quas deuoraueras extraxit Deus de ventre tuo.* Indigna enim interora tua vbi Sathanas post buccellam introiuit, retinere caelestia Dominici corporis sacramenta nequieverunt. Propheta autem dicitur; *viscera tua replebuntur volumine isto, quod ego do tibi.* Marc. 16. 6. Math. 26. 24. Iob. 20. 15.

Corpus Christi in panis specie Apostolis datum, & vsque ad finem seculi, in altari consecrandum, volumen est siue liber inuolutus; nam non apparet quod est, & quod apparet non est. Scriptus est intus & foris: foris est sacramentum visibile, intus virtus & veritas inuisibilis. Lege quod foris est, crede quod intus est. Scriptæ sunt lamentationes vt pœnitens doleat, carmen, vt iustus gaudeat: Vt vt qui in sordibus est sordescat adhuc, iudicium enim sibi manducat & bibit, qui indignè accipit. Viscera verò eius replebuntur, qui habet viscera pietatis, castitatis & caritatis. In tali lectulo, requiescit Salomon.

Fili hominis comede filium hominis. Iste filius hominis non occiditur & comeditur. Sed prius in cœna comeditur & deinde in passione crucifigitur. Eucharistia communio est, non crucifixio. Nam viuus non communicat mortuo, nec mortuus viuo, sed viuus viuo, & mortuus mortuo, hoc est si compatimur & conregnabimus. Si commortui sumus cum Christo, credimus quia simul viuemus cum ipso. Si ergo viuimus vita Christi bene illi communicamus, qui surgens à mortuis iam non moritur, mors illi vltra non dominabitur. Rectè communicat filius hominis, filio hominis, si conuersatione, si passione, si resurrectione communicat. Conuersatione per omnia sobria & sancta; passione humillima & patientissima; resurrectione formosissima & firmissima, vnde Psalmista: *Dominus regnavit decorem induit, induit Dominus fortitudinem & præcinxit se virtute.*


Fili hominis venter tuus comedet, hoc contra vsum loquendi, quia comedere librum inuolutum siue volumen, supra vsum est comedendi; legere enim solemus volumina non comedere, & os non venter comedit. Quid est igitur, *venter tuus comedet & viscera tua replebuntur volumine quod ego do tibi?* Mente non ventre, fide non dente, operibus non faucibus ad salutem sumitur Christus, intus enim scriptus est liber. Sed quia & foris, manus nostras & labia, & dentes & fauces in lutere* quod est ad ostium tabernaculi, plenum aqua tam corporaliter quàm spiritualiter abluere debemus. Monumentum & sepulchrum IESV mundum est, nouum est. Omnem iniuriam excipit Christus, sed nullam immunditiam. Si opponis quod expuerunt in faciem eius, & velauerunt; se illo sputo contaminauerunt non IESVM: nam caro eius non vidit corruptionem, neque in actu neque in obitu.

Sit ergo venter mundus, ciborum parcus, sit mensa pura, abstinentia victiorum. Sit venter strictus non effusus, sit esuriens escam, non ministrans luxuriam, sit cibaria ministris suis dispensans, non ad illicita superfluous inflammans. Tales sunt ventres Prophetarum, tales Sanctorum omnium. Vnde dicitur: Venter tuus comedet, & viscera tua replebuntur, quia non sunt veteres vtres, qui rumpuntur cum nouum in eis mittitur vinum. Inde Psalmista. *Sicut adipe & pinguedine repleatur anima mea.* Sequitur; Et comedi illud, & factum est in ore meo tamquam mel dulce. Eucharistia dulcis super mel & fauum ori meo. Lætum, securum, magis acutum reddit me hostia sancta, hostia pura, hostia immaculata, quotiens à me percepta fuerit. Dico Domino meo IESV; *Si ambulauero in medio umbrae mortis, non timebo mala quoniam tu mecum es*, per corpus & sanguinem tuum. Utinam in hac perceptione prægustarem quàm suauis Dominus in regno, qui tam dul-

Psa. 62.
6.

Psal.
23. 4.

cis in exilio, IESVS CHRISTVS Dominus noster; Qui cum Patre
& Spiritu sancto, &c.



IN COENA DOMINI.

SERMO VI.

PANEM Angelorum manducauit homo. Quis sit panis Angelorum, vbi sit, Psal. 77.
quomodo manducandus, quando, & vbi, & a quibus & quare, viden- 25.
dum: & dicendum est, quis sit panis Angelorum quem manducat homo.
Labia dolosi refugit, sensum erroneum atque immundum aspernatur, sed
non spiritum humilem & quietum, & trementem sermones eius. Corde ita-
que vero, corpore casto, manu sancta, lingua purgata, & tangere & come-
dere possumus illum panem, qui ex duabus decimis confectus est homo Deus,
ex diuina scilicet natura & humana, in virgine de Spiritu sancto conceptus
& natus, mediator Dei & hominum factus.

Mulier namque illa de Euangelio, id est, ipsa sapientia Dei, siue Virgo Ma-
ria, fermentum satis tribus commiscuit, hoc est ligaturam vnionis, diuinita-
tem, animam & carnem inseparabiliter copulauit, sapientia, operatione;
Virgo conceptione. Pistor huius panis est Spiritus sanctus qui purissimum
panem IESVM CHRISTVM de integra & tota Trinitatis substantia
tamquam simila prima, & de purissimis & sanctissimis Virginis sanguinibus
superpurgatis, non cribro humani ingenij, aut meriti; sed superueniente
obumbratione Spiritus sancti, miscuit, vniuit, in habitu & forma homi-
nis formauit, coxit & de clibano saluis signaculis virginitatis, extraxit, men-
sae angelicae delicatissimas delicias appoluit, humanae etiam infirmitati effi-
cacissimam medicinam temperauit.

Gustato eo miratur palatum angelicum dicens: *Quis est iste Rex gloria?* Psal. 23.
humanum autem valde famelicum, delectatur sapore & satiatur virtute, sa- 8.
natur ab aegritudine, & incorporatur dilectione, & sic panem Angelorum
manducauit homo. Vbi vero est? aut sursum aut deorsum, aut iuxta vos: si
sursum, ascendendum; si deorsum, descendendum, si iuxta sed latens; inue-
stigandus, si iuxta sed apparens, apprehendendus & comedendus.

Est autem simul sursum, deorsum, & iuxta latens & apparens. Sursum est
quia Deus excelsus; deorsum, quia homo crucifixus, iuxta; quia *Ecce vobis* Math.
cum sum usque ad consummationem seculi, latens, non in forma visibili qua 28. 20.
sedet ad dexteram Patris, sed in specie panis & vini apparet in altari. Appa-
rens prius cum hominibus, quia & frequenter per miracula, quibusdam visi-
biliter apparuit in altari, & omnibus fidelibus certius fide creditur, quam
quod oculis carnis visibiliter cernitur. Quia sursum & deorsum est, ipse
enim est qui descendit & qui ascendit super omnes caelos vt adimpleret om-

Ioan. 1. 51. Rom. 10. 8. Luc. 22. 69. 1. Cor. 9. 1. *nia; ideo in Euangelio dictum est. Videbitis Angelos Dei ascendentes & descendentes super filium hominis. Quia iuxta nos est, ideo ait Apostolus: Prope est verbum in ore tuo, & in corde tuo. Quia latet, item in Euangelio dicitur: Ex hoc erit filius hominis sedens ad dexteram Patris. Quia apparet; ait Apostolus. Nonne IESVM CHRISTVM vidi oculis meis? Quod utique post ascensionem dictum est, quia prius cum hominibus conuersatus est, & vidit omnis caro salutare Dei.*

Est in cœlo, in altari, in corde Christiani: in cœlo corpore glorificato, sedet ad dexteram Patris. In altari velato mysterio, latet sacratissimis operum inuolucris; sicut Ioseph accepto de cruce eodem corpore cum Nicodemo ligauit illud linteis cum aromatibus, significans mysterij ligaturam in linteis, id est, notis bene nobis & gratissimis speciebus panis & vini, cum aromatibus fidei, spei, & caritatis, & aliarum virtutum, vel cum ipsius pretiosissimi corporis odorandis & odoratissimis virtutibus, quæ sunt in odorem suauissimum sanctæ Trinitati, cui offertur illud sacrificium, & angelicis spiritibus, quorum sedulo obsequio intra velum, id est, cœlum quotidie deportatur. In corde per fidem quæ per dilectionem operatur, per sanctam conuersationem, cui Deus accepto fert iustitiam.

Ecce de corpore IESV, vbi habitat, vbi pascitur, vbi cubat, utique in cœlo habitat, sicut in Psalmo dicitur: *Qui habitas in cœlo miserere nobis.* In altari autem pascitur, quia & nostris sanctis desideriis delectatur; & de se nobis alimentum quod viaticum dicitur, parat nobis in via, qui erit satietyas in patria; iuxta illud. *Satiabor cum apparuerit gloria tua.* In corde vero cubat, in meridie dilectionis, si molle, æquale & mundum reperit stratum, id est, si te inuenerit mansuetum, iustum, & castum. Hoc de pane quis sit, & vbi sit. Dicendum deinde quomodo manducandus sit; habet enim sicut singularitatem essendi, sic modum specialem & remotum edendi. Vnde Apostolus arguit Corinthios, qui nulla discretione vsi, passim indifferentur accedebant ad perceptionem sacramentalem Domini corporis, sicut ad quamlibet escam corporalium refectioem: *Qui manducat inquit & bibit indigne, iudicium sibi manducat & bibit non dijudicans corpus Domini.*

O homo animalis desili paulisper ab asinitate tua, & conscendens in arcem rationis, quia necdum vales conscendere altitudinem contemplationis, compara cum corpore Domini quicquid corporeum vel spiritualis creature accessibile est menti tuæ, & iusta appensione in pondere sanctuarij, hoc est, non philosophica & sæculari ratione, sed Catholica fide & diuinissima subtilitate, perpende quid hoc, quid illud, quantum hoc, quantum illud, quale hoc, quale illud, cuius dignitatis hoc, cuius illud, cuius vtilitatis hoc, cuius illud.

Quid ergo hoc nisi gemma pretiosissima quæ suo pretio totum redemit mundum, quæ attrita morte scintillauit & excæcavit infernales oculos, ut in tenebris lux esset & tenebræ eam non comprehenderent; immo de claritate carentur, de lumine obscurarentur? Quid hoc nisi antidotum contra & supra omnia venena, quod etiam resuscitat mortuum? Quid hoc nisi illud corpus quod ante resurrectionem paulominus minoratum est ab Angelis,

lis, propter passibilitatem & mortalitatem, nunc eleuatum super omnem cœlestem altitudinem loco, dignitate, maiestate, gloria & honore coronatum? Quid illud omne quod vanitati subiectum est, quod semper tendit ad non esse, quod citò præterit & non est?

Quantum verò sit vel quale, sola nouit ciuitas superna, quæ sua magnitudine impletur, quæ sua pulchritudine illustratur. Dignitate Deo adiungitur, vtilitate numerus Angelorum reparatur, & prædestinatorum salus impletur. Omnis verò creatura, si quantitatem respectu Dei attendas, velut momentum statæræ reputata est. Si speciem, deformis, si dignitatem vilis quasi panis menstruata, si vtilitatem, nullius preij, quia non ditatur Deus creaturâ suâ, sed creatura Deo beatificatur. Discerne itaque hunc panem angelicum ô homo non tantum à cibis corporalibus, sed à cunctis creaturis, præ omnibus hunc honorando, colendo, etiam diligendo, etiam adorando, credendo, manducando.

Hic modus manducandi, vt castus castum percipias, corpus CHRISTI Christianus, sanctum sanctus, pius bonus, iustus rectus, crucifixus deuotus, cœlestis terrenus. Et hoc de modo manducandi.

Quando manducandus? In tribulatione, vt mitigetur, in necessitate vt excludatur, in infirmitate vt releuetur, in sanitate vt conseruetur, in prosperitate vt moderetur, in aduersitate vt confortetur, in morte, vt anima ad Deum dirigatur, mane vt tecum sit tota die, & tecum laboret, horâ tertiâ vt clamorem Iudæorum, *tolle tolle crucifige*, corde retineas, & in compunctione ista gratia Spiritus sancti animam tuam repleat. Horâ sextâ, vt teipsum cum CHRISTO cruci affigas: horâ nonâ, vt emissum spiritum à capite excipias, & in tuo spiritu dignè reponas: ieiunus etiam ante omnem grauedinem cibi & potus, accipe corpus CHRISTI, vt hospitium tuum ipse præoccupando, primos recubitus & primas cathedras, & primas salutationes habeat, & accubante eo, molestiam nulla de ancillis cogitationum faciat, nullus seruilis motus inordinatè mouendo illecebras carnis prorumpat, sed medium silentium teneant omnia dum os fileat, lingua hæret faucibus, omnia interiora ad pedes IESU residunt, salutaria tantum meditantia & de salute sollicita.

Sunt etiam quedam tempora constituta, quibus censeo non abstinendum nisi extet rationabilis causa, id est, excommunicationis sententia, vel capitalis peccati conscientia, præmissa etiam confessione peccatorum & decantatione septem Psalmorum penitentialium, si fieri potest sumendum est corpus Dominicum. Vnde Psalmista, *Præcinite Domino nostro in confessione psal-* Ps. 146.
lite Deo nostro in cithara: qui dat iumentis escam ipsorum & pullis cornuorum 7. 9.
inuocantibus eum: Euacuat enim superflua, & quæ abominatur sanctitas huius sanctissimi corporis, quod nusquam vidit corruptionem, neque apud Patrem ante sæcula, neque in Matre nascendo in fine sæculorum; neque in sepulchro resurgendo post diem tertium, neque in hospite diuertendo ad animam christianam per hoc sacrosanctum mysterium.

Corpus enim & anima, per sanctam confessionem purificata, per cœleste desiderium ad eum eleuata, per caritatem dilatata, & per compassionem

Q

proximi affecta, cœnaculum illud grande stratum sunt, vbi Apostoli iubentur parare Pascha, & Apostolus eundem docet ordinem dicens, *Expurgate* 1. Cor. *vetus fermentum vt sitis noua conspersio, sicut estis azimi, &c.* In summa di- 5. 7. cendum de tempore perceptionis quod ait, Psalmista, *Oculi omnium in te spe-* Psal. *rant Domine & tu das escam illorum in tempore opportuno.* Tempus enim 14. 4. 15. opportunum, facit ratio deuotionis, fidei, institutionis & necessitatis. Ecce quando.

Vbi autem nisi in loco sancto, nisi in templo Dei, nisi in Ecclesia catholica, sicut & agni carnes, nemo efferebat extra domum illam quæ vtrumque postem habebat tinctum, de sanguine eiusdem agni? In vtroque autem poste sanguinem ponit qui passionem CHRISTI corde credit ad iustitiam, ore autem confitetur ad salutem.

Iam à quibus panis Angelorum manducandus sit, dicendum est. Aposto- 1. Cor. lus ostendit dicens: *Probet seipsum homo, & sic de pane illo edat & de ca-* 11. 28. *lice bibat.* Hoc insigne sapientiæ in gestis suis proprium habent, quod diuina celebrat pagina, vt semper omnimoda examinatione studuerint ante factum, euentus facti diligenter pensare. Abraham trecentos vernaculos expeditos prius numerauit, & sic quinque Reges debellauit, & Loth nepotem suum liberauit. Gedeon quoque Domino iubente trecentos separauit ad bellum contra Madian, qui manu proijciente ad os aquas lambuerant. Legislator quoque Moyses iubet vt cum ad bellum procedere debent filij Israël, ante congressum pugnæ sacerdotes & duces clamore publico experiantur qui sint idonei bello, & qui timidi ad bellum vel minus apti. In quo genere sunt, qui ædificauit domum nouam & non dedicauit eam; qui plantauit vineam & necdum fecit eam esse communem, qui desponsauit vxorem, & non accepit eam, qui formidolosus est & corde pauido. His omnibus reuersis, tunc cuneos suos vnusquisque principum præparabit.

Longissimum esset & difficile enarrare id fuisse studij apud alios quinquaginta bellatores Dei, vt scilicet semper probarent quos, ad qualibet officia eligerent, sicut etiam septuaginta seniores iubet Dominus Moyse eligere, quos ipse nouerit senes esse. Si enim tanto studio ad ista sæcularia probantur qui exerceant destinata officia, quorum nec victoria laudem æternam parit, nec meritum salutem veram, nisi fortè aliqui intendant se obsequium præstare Deo, non in eo quod hostes vincunt & homines occidunt, sed quia iniuriam Dei vindicant, & diuinis iussis militant: quantò magis ibi omnia probanda, vbi perenne periculum de negligentia, æternum remedium de diligentia. Probet ergo seipsum homo, tamquam subiturus bellum grande, non aduersus carnem & sanguinem, id est, hominem mortalem, sed de carne & sanguine Domini, vbi contra Deum bellum arripitur, si indignè sumatur.

Sit ergo vernaculus Abraham, id est, educatus ingenio Ecclesiæ catholicæ, sit expeditus ab omni impedimento carnis & spiritus; sit de trecentis post Christum crucem suam in fide sanctæ Trinitatis baiulantibus: quinque Reges persequatur & apprehendat, vt quinque sensus suos in seruitutem Christi à libertate iustitiæ reducat & redigat. Loth nepotem Abraham eripiat, id est, virtutem aliquam per negligentiam amissam, recuperet per industriam.


Tunc de pane illo edat & de calice bibat , quia Melchisedech reuertenti Abrahæ ab hac cæde obtulit panem & vinum.

Contra Madian qui interpretatur contradictio, id est, diabolus, vel motus carnis, assume illos trecentos, qui aquas lambuerunt, sicut canes solent lambere, manu ad os proijciente, id est, illos qui non secundum carnem viuunt, nec desideria carnis faciunt, sed parcissimo & tenuissimo victus sustentaculo, quasi canes prædam sequentes, vtcumque refocillati, gloriam promissam, quasi fugientem insequuntur, & isti de pane illo edant & de calice bibant, quia de calice Babilonis, id est, delectatione carnis nolunt bibere.

In domo autem noua ædificata & non dedicata, qui bonum sibi propositum eligunt, sed necdum ad effectum perducunt, in vinea plantata & necdum communi effecta; deuotionis inchoatus fœtus per sanctum desiderium, sed necdum formatus & editus per vsum, in vxore desponsata & necdum accepta, votum de mutando sæculari habitu, & nouæ vitæ accipiendæ promissio, quod quamdiu differtur, vxor desponsata non accipitur. In formidoloso & corde puido; qui timet vbi non est timor, & sic expauescit ad folium arboris, quasi ad morsum serpentis, nec accedit ad quodlibet votum sanctæ religionis.

Omnibus his improbatīs reliqui probent se, cuneos aduersus vitiorum castra præparantes, & sic bellantes viriliter contra omnes impugnationes quæ militant aduersus animam, de pane illo edant & de calice bibant. Ecce à quibus manducandus sit panis Angelorum.

Restat, quare. Quare nisi vt vitam habeamus, & abundantius habeamus; nisi vt nobiscum habeamus Dominum, nisi vt in nobis sit ad iustificationem præsentem, & ad futuram glorificationem? quam nobis præstare ipse panis viuus & verus dignetur, qui de cœlo descendit, & dat vitam mundo, IESVS CHRISTVS Dominus noster qui cum Patre & Spiritu sancto viuunt & regnat.



I N C O E N A D O M I N I .

S E R M O V I I .

PANEM *Angelorum manducavit homo.* Cui mensa & fercula indulgentur Angelorum, eidem ipsi officia & ministeria imperantur in obsequiis celestibus militantium. Antequam ergo contingat sacerdos missam, vel mensam Deo ministrantium, mentem purificet & pacificet Angelis in nullo contaminatis, vt sit vnum officium, quorum non est diuersum conuiuium.

Sed quia ad diuina & inuisibilia non consurgunt filij hominum graui corde & terrestri ac cæco carcere nati, & nutriti, nisi per humana & visibilia vt ascendant ad illum, qui habitat in caligine & qui ponit nubem ascensum

Q ij

suum; quærat scabellum pedum, scala Iacob, ut sit læua sub capite & dextera amplectatur gradientem. Iuuatur autem usu & consuetudine tam verborum quam rerum mundanarum, quicumque ab his subrepere temptat sursum ad inuisibilia Dei & quasi reptile super terram, id est, stellio manibus nititur, ut moretur in ædibus Regum. Cum verò Angelica natura cibario isto pane non egeat, tamen more humano panem dicitur habere & manducare in regno cœlorum.

Aug. Nec putandum in cœlo habere locum quodlibet fragilis naturæ subsidium; sic in paradiso in quo positus est homo, factus in animam viuentem ut corporaliter cibos corporales sumeret ad sustentationem & recreationem sui corporis, nondum absolute immortalis, quia sicut peccauit comedendo quod erat prohibitum, ita etiam peccaret, si non comederet quod erat iustum ibi. Ex omni ligno paradisi comede, de ligno autem scientiæ boni & mali ne comedas. Vnde Augustinus super Genesim. *Caro Adæ ante peccatum ita immortalis creata est, ut per alimoniam adiuta, esset doloris & mortis expers.*

Spiritalis & Angelica creatura, sola visione beata, creatoris sui, æternaliter sic pascitur, ut nulla extrinseca subministratiōe refocilletur. Quod enim apud Abraham & Loth & multos alios apparentes Angeli comedisse leguntur, non fuit passio sed compassio, nec spiritum sed corpus assumptum præferebant quando ab eis talia fiebant. Cum ergo auditis panem Angelorum manducauit homo, quærite quem panem intelligere debeatis, utique spiritalem non corporalem, cæleste non terrenum, viuum non mortuum, qui pascit mentem non ventrem, qui non deficit cum reficit.

Satis bono pistore fit panis qui de cœlesti mensa sumitur, quo nullus candidior, nullus mundior, nullus calidior, nullus recentior, nullus salubrior, nullus sapidior, nullus sanctior, dignis labiis sponsæ ad ruminandum, idoneus ad satiandum & sanandum. Domine semper da nobis hunc panem, panem quotidianum, panem supersubstantialem, panem qui de cœlo descendit & dat huic mundo vitam, panem de sartagine, panem de craticula, panem de clibano, panem de simila, panem conspersum, panem vinctum oleo lætitiæ præ confortibus suis, panem signatum quem pater signauit & misit in mundo.

Ecce, Domine IESU, paruuli tui quos tibi dedit pater, pueri tui quos sanguine tuo adquisisti, petunt panem, & non est qui eis frangat. Aequalis bonitatis erit & gratiæ si dederis, & si fregeris. Nam dare & non frangere, quid est aliud nisi famem alicuius ostenso pane prouocare, desideria infantilia oblatis & retractis vberibus frustra ardentius commouere? Si enim ut ait Apostolus, esset super terram, nec esset Sacerdos, cum essent qui offerrent secundum legem munera; quod est dicere. Et si in mensa, hoc est in mundo, panis, id est, hostia pro peccatis deferretur, si non esset super terram qui frangeret, hoc est, nisi Christus existens sacerdos, seipsum Deo Patri offerret, nemo de toto genere Adæ reconciliationem nostram celebraret, neque paruulus panem ederet, cum tamen essent plures qui offerrent secundum

legem munera quæ Moyſes inſtituerat; non ad redemptionem ſed ad umbrationem.

Panis itaque eſt corpus CHRISTI, qui ſemel in cruce quaſi à ſeipſo frangitur, cum poteſtatem habens ponendi animam ſuam & poteſtatem habens iterum ſumendi eam, inclinato capite tradidit ſpiritum, & quotidie ſic ſeipſum myſticè in altari frangit innouando fidem in cordibus noſtris & efficaciam paſſionis ſuæ conferendo animabus noſtris, ſicut in cœna accipiens panem benedixit, fregit & dedit Apoſtolis ſuis: dicens Accipite & manducate, hoc eſt corpus meum.

Iam iam & vos Sacerdotes participes CHRISTI facti, panem qui eſt corpus CHRISTI cum CHRISTO accipitis, benedicitis, frangitis & diſtribuitis populis. Sed vos miniſterio conceſſo hoc agitis, ille authoritate ſibi congenita. Ipſe eſt enim & qui baptizat, & qui Euchariftiam ſanctificat. Ipſe eſt qui benedicit benedictionibus veſtris, & maledicit maledictionibus veſtris. In ipſo enim benedicentur omnes gentes terræ. O Sacerdos qui ponis manum tuam in paropſide, caue manum traditoris Iudæ leproſam per auaritiam, ſciens quia omnis fornicator, aut immundus, aut auarus, non habet hæreditatem in regno CHRISTI & Dei.

Dicit Angelis ſuis Deus de indigno miniſtro: Videte ne forte ſumat de ligno vitæ, id eſt, de corpore CHRISTI quod eſt lignum vitæ, ſumat vitam æternam, qui in conſpectu meo ſtratum patris maculauit, & luxuriando in ſtercore ſuo computruit. Sumit namque ſibi potiùs mortem de vita, quàm vitam, qui indignè manducat & bibit calicem Domini, reus enim eſt corporis & ſanguinis Domini. Ne ergo pereas cum Dathan & Abiron, cum Nadab & Abiud, laua proinde manus inter innocentes, non cum Pilato; nam Pilato manus cum alluit, qui peccatum, quo prægrauatur, cognoscit, nec dimittit. Cum innocentibus, qui vel nullum graue.

Vt autem fide dentata caro maſticetur ab homine panis Angelorum, dentes habetote eburneos, id eſt, ſenſus exercitados, ſecundùm catholicæ doctrinæ caſtitatem & Angelicam veritatem: Prædicare autem ſuper teſta, primò de inſtitutione huius ſacramenti, quod à Domino in cœna poſt agnum typicum Apoſtolis tradita fuerit, vt idem corpus ſuum quod ſuper aſtra glorificatum leuaret, mirifica dilectione in altari velatum myſticis ſpeciebus uſque in finem ſæculi, ſuis fidelibus collocaret.

Secundò de forma quæ eſt in pane triticeo, cum vino & aqua in calice mixto à Sacerdote catholico, intentione & ordine conficiendi hæc præferat CHRISTI verba, *Hoc eſt corpus meum, &c.* His enim ex pane fit corpus CHRISTI, & ex vino cum aqua, fit ſanguis. Cætera omnia quæ ante vel poſt fiunt & dicuntur, laudes ſunt CHRISTI & orationes.

Tertiò de ſacramento & re, quorum alterum; id eſt, ſacramentum dicitur propriè illa viſibilis ſpecies panis & vini vt iam dictum eſt, res vero contenta & ſignificata, caro CHRISTI; aut res ſignificata & non contenta, vt vnitas Eccleſiæ in prædeſtinatis, vocatis & iuſtificatis.

Quartò de modo manducandi qui duplex eſt, id eſt, ſacramentalis, quo boni & mali manducant corpus CHRISTI veraciter, ſed boni ad ſalu-

Q iij

tem, mali ad damnationem; & spiritualis, quo non nisi boni manducant, quod est credere in Deum & manere in Deo per sanctitatem vitæ & unitatem fidei.

Quintò de conuersione substantiæ panis & vini in substantiam corporis & sanguinis CHRISTI, vbi licet panem & vinum post consecrationem videas, certo tamen certius credas nec panem ibi esse nec vinum, nisi fortè panem Angelorum de quo dicitur quia panem Angelorum manducauit homo. Sextò, de fractione quæ mystica est in forma scilicet panis, & magis fide credenda, quàm verbis discutienda. Septimò, de cotidiana immolatione vtrum CHRISTVS imoletur substantialiter an in mysterio. Semel immolatus est CHRISTVS morte passionis, cotidie memoria & recordatione eiusdem immolationis.

* Vetus
error
quem
ex S.
Auguf.
refutat
S. Tho.
3. P. 9.
81. art.
7. &
Eftius
in 4.
Sent.
dist. 13.
paragr.
3.

Octauò, de causa institutionis quæ duplex est, quia præstat augmentum virtutis, & medicinam cotidianæ infirmitatis. Nonò, qui & quando debeant Eucharistiam sumere: qui non est in peccatis grauioribus vel in affectu peccandi, ad minus ter in anno, & melius per singulas Dominicas aut cotidie. Decimo de peccatore sacerdote aut hæretico, vtrum conficiant corpus CHRISTI: quantumcumque peccator sit Sacerdos, dum intus est, nomine sacramenta conficit, sed non vita, quia non in merito consecrantis, sed in verbo efficitur Creatoris, & nihil à bono maius, nihil à malo minus percipitur. *

Hæreticus quia extra Ecclesiam est, non conficit. Sufficiant hæc fidei veræ de sacramento corporis & sanguinis Domini, quia non est bonum, mel multum comedere, ne satiatu euomas illud. Fide igitur sana, mente integra, carne sancta, conscientia pura, anima deuota accedite ad panem Angelorum & illuminamini & facies vestræ non confundentur. Quod vobis præstare dignetur, &c.



IN COENA DOMINI.

SERMO VIII.

Genef. 2. 16. **P**ATRES comederunt vnam acerbam, & dentes filiorum obstupescunt. Mors de inobedientia veniens, acerbata est in Adam & Eva, acerbior in præuaricatione Moisaica legis; ibi qui peccabat lapidibus obruebatur, nec misericordiam aliquatenus consequebatur. Mors verò CHRISTI turpissima, eò amplius fuit acerbissima quò magis sine peccato originali & actuali vixit, de Spiritu sancto conceptus, & de incorrupta Virgine natus. Sed quare & vnde hoc? Quia patres Adam & Eva comederunt vnam acerbam.

Gen. 2. 16. Omnia ligna paradisi de quibus dicitur: *De omni ligno paradisi comede, ista concessione matura proculdubio & dulcia non acerbata erant: solum veti-*

tum acerbum erat non de natura creationis, sed de inobedientia prævaricationis: absolute siquidem omnis creatura Dei bona est, sed malum & acerbum ei qui per offendiculum manducat, siue caro sit, siue piscis, siue panis, siue vua, siue quælibet esca. Sapidioris acidi est inobedientia, vnde & prævaricatores legis CHRISTVM crucifigentes, acetum illi in cruce porrexerunt, versi de vino sanctæ radicis, in amaritudinem aceti & vitis alienæ.

CHRISTVS in nullo à Patre degenerans & non de aqua mortalis naturæ vinum faciebat suauissimæ gratiæ & immortalitatis æternæ, obediens Patri vsque ad mortem crucis, vbi tamquam multum spirans oratione & patientia sua, etiam calcatores suos inebriabat dicens: *Pater ignosce illis, quia nesciunt quid faciunt.* Iudæi autem malitiâ suâ inebriati; mouentes capita sua dicebant. Si filius Dei es, saluum fac te ipsum. O Iudæi quare comeditis vnam acerbam vt dentes filiorum vestrorum obstupescant, dicentes sanguis eius super nos & super filios nostros? Vua quodammodo acerbæ est, non ex se, non in se, sed in dentibus vestris qui de se dicit, si in viridi ligno hæc faciunt, in arido quid fiet.

Salua fide æqualitatis filij cum Patre, dico IESVM quasi vnam acerbam, id est, immaturam fuisse, dum in mundo nostros defectus gestaret in corpore, dum viuus mori poterat, sicut ipse ait. *Potestatem habeo ponendi animam meam & iterum sumendi eam:* vnam vero maturam & dulcissimam dum morte absorpta gloriam immortalitatis indueret, & de mortalitatis passionibus nullas reliquias retineret. CHRISTVS enim, vt ait Apostolus, *resurgens à mortuis, iam non moritur, mors illi ultra non dominabitur.* Hanc vnam Petrus cum cæteris Apostolis fugientibus negando quasi acerbam comedit. Vnde & quidem discipulorum dixit ei: *Et nos sperabamus quod ipse esset redempturus Israel.* Obstupescunt dentes qui dicunt, sperabamus; sed qui sunt filij Apostolorum quorum dentes obstupescunt? Vtique sancti Martyres qui corpora sua propter, CHRISTVM tradiderunt ad supplicia. Alio & diuerso genere incredulorum Iudæorum: Martyrum obstupescunt admirando & imitando patientiam & bonitatem CHRISTI. Iudæorum sub Vespasiano & Tito exulando & portando imprecationem paterni delicti sicut Chaim posuit signum de quo ipse ait. *Quicumque inuenerit me occidet me.*

Sed videamus quomodo dentes filiorum obstupescunt, quia primi parentes comederunt vnam acerbam, peccato & pœna peccati obstupescunt dentes nostri. Peccato tam originali, quàm actuali pœna tam præsentis quàm futura, tam temporali quàm æterna. Vt itaque dentes sanarentur & ad cibum capiendum repararentur, cœnauit IESVS cum discipulis suis; & ne carnes agni legalis iterum acerbarent dentes, supposuit panem & vinum & transubstantiauit in corpus & sanguinem suum. In hac cœna & infirmitati nostræ consuluit, visibile sacramentum ostendendo, & fidem instruxit super his speciebus panis & vini virtutem deificando. *Desunt multa.*





DE RESVRRECTIONE DOMINI.

S E R M O I.

PL 145.
10.

SION regnabit Deus tuus. Nouus Rex, noua lex. Rex iste, Fratres carissimi, tam nouus est in regno hominum, quam sempiternus in Regno Angelorum. Ab æterno enim ex sapientia creauit illud Regnum Angelorum; in quo ut Deus ab eis adoratur, ut Dominus timetur, ut pater colitur, ut creator recognoscitur, ut Rex veneratur. Desciuerat autem ab initio à confortio commilitonum huius regni lucifer, qui secum tertiam partem exturbauerat è cælo, & in caliginoso isto aëre, castra sua statuerat, donec ad ima tartara in nouissimo dierum perefflueret, & digna supplicia hæredicaret.

Refarcire autem damnum regni & numerum exercitus sui intendens Rex ille sapiens & potens genus humanum pro grege Angelorum substituit, inualidius quidem pro carnis grauedine, sed non inferius pro sua imagine, & similitudine in qua illud condiderat. Tam cita verò subsecuta est direptio & subuersio noui illius coloni paradisi, qui quasi tyronus tyrocinij tempora in gymnasio illo interim compleret, quouſque omnimoda armorum habitudine angelicam militiam, & tunc in eandem tam puritate quàm charitate Regis sui similiter coniuraret militiam. Tam, inquam, repente tyronus iste succubuit, ut ante florem areſceret, ante partum abortiret, ante tempus periret. Coagulo namque vitiatæ radices, tota ramorum condensitas malè fermentata, plenior respergebat acetositate quidquid virgulti generatione filiorum germinaret tota illa sylua generis humani ex arbore Adæ & Eux. Numquam malum saporem imminuebant qui originali inlipiditati, de originali peccato venienti, per actualia peccata quotidie venena aspidum in spongia malarum concupiscentiarum cum vsuris circumferebant.

Tandem diuina sapientia coarctans terminos patientiæ suæ, quæ tale dispendium aquanimiter per tempora sæcularia sustinuerat, accinxit fortitudine lumbos suos, & roborauit brachium suum, accendens lucernam ut quæreret drachmam quam perdidit, & fines hostilium castrorum tam in natiuitate quàm in morte sua penetrans, prædam excussit de manu & ore prædonis, prædonem vinculis igneis astringens, & laqueo antiquæ fraudis illum strangulans, cum in hamo Diuinitatis appetibilem carnis suæ escam proponere, & sancta fraude artem malignitatis deciperet. Tyranno igitur subactò, ad nidum in quo pater Adam & mater Eua cum quibusdam pullis suis incubabat, conuolauit, & de infernali nido tamquam gallum gallinaceum omnium fidelium animas asportauit.

Ne autem abigeret qui abduxerat, & de calore suo fœtido nimium illas suffocabat, non fouebat, ligauit illi brachium panno illo, quo Iudæi oculos eius

eius velauerant, & feriens venam eiusdem brachij phlebetomo Diuinitatis, attraxit totum sanguinem animarum sanctarum, & adducens ventum vrentem de deserto virginali iuxta prophetiam, venas eius siccauit. O potestas Dei, ô impotentia diaboli. Iam enim fractum est brachium diaboli & exaruit. In regno quasi suo, hoc est in mundo, congressus cum Rege nostro. Præualuit quidem illum ligare, tenere, crucifigere, non tamen potentia hostili sed patientia Dei, qui potestatem habebat, ponere animam suam & iterum fumere eam.

Rex noster vires tunc occultabat & dispensabat, sapiens enim reſeruat in posterum. Tyrannus crudelis ſæuebat & vñdecumque vires emendicabat, toto robore ſuo murum noſtrum ſuffodere geſtiens, & memoriam Regis noſtri de medio tollere inſiſtens. Fecit ergo quæcumque potuit, & quadam quæ non potuit, ſed voluit, attemptauit. Defecit tandem & ad latibulum infernalem refugit. Et tu Rex noſter quid? Domine qui iuſtitiam iudicabis, multo magis iniuſtitiam condemnabis? Calido pede preme veſtigia, & apprehende caudam ſerpentis antiqui ſolitò tranſuerſantis & à facie tua fugientis. Adhuc penes ſe celat chirographum decreti, quod eſt contrarium nobis, & fortè, ſi remanſerit ei, calumniam aliquo tempore ſuſcitabit, & de ſoluto debito quaſi non ſolueris ei, cum uſuris pro nobis opponendo cautionem chirographi.

Scripta itaque & ſerinia eius in lumine vultus tui & in brachio extento reuolue, & exentera piſcem illum, vt de corde eius tamquam de reſoſitorio remotiſſimo proſeras veternoſa illa conſilia, quibus ſeducere non ceſſat inhabitantes terram. Sunt ergo tibi duo neceſſaria; vñum vt reſeras clauſa, alterum vt penetres & ſubuertas munita. Eſt enim ciuitas infernalis clauſa & munita; clauſa, quia veſtigia nulla retrorſum, munita, quia in circuitu eius ignis inextinguiſibilis & aqua intolerabilis. Clauſa, quia non admittit conſolatore, munita, quia deridet impugnatores: clauſa à bono, munita in malo. Clauſa ſeris contumacia. Clauſa propter illos qui peccata ſua celauerunt; munita propter illos qui numquam pœnituerunt. Quid ergo ad clauſam niſi clauem, quid ad munitam niſi clauam deferre debes? Claua percutit, clauis aperit: fac de cruce clauam, fac de clauo clauem. Claua ſeu crux quadrifaria quatuor angulos infernales euertit, clauis ſiue clauus pertingens uſque ad diuiſionem animæ & ſpiritus inextricabilem, labyrinthum expedit & abſoluit.

Dei virtus & Dei ſapientia, in claua & clauo intelligitur, ſicut docet Apoſtolus: *Verbum, inquit, crucis pereuntibus ſtultitia eſt, nobis autem Dei virtus & Dei ſapientia.* IESVS ergo Dei virtute & Dei ſapientia confortatus, clauſam irrupit ciuitatem, & munitam euertit, quia veſtes ferreos confregit, in profundo mari viam fecit, vt tranſirent liberati. Dixit his qui in tenebris erant, reuelamini, quod ad clauem; dixit exite, quod ad clauam: claua leonem interfecit, clauo catenas compeditorum ſoluit. O Syon regnabit Deus tuus. Ecce obſtructum eſt os loquentium iniqua. *Noli, inquit, ſcribere Regem Iudaorum, ſed quia ipſe dixit, Rex ſum Iudaorum, & nos non habemus Regem niſi Caſarem.*

R

Qui autem venerat in regionem longinquam accipere sibi Regnum & reuerti, regnum mortis destruxit, & de regno mortis ad regnum claritatis suæ nos transtulit, qui eramus naturâ filij iræ, filij alieni, filij tenebrarum. Consociauit regno cælesti regnum mundi & compaginauit umbilico terræ in biuio cæli & terræ, id est, cruce, vbi Angeli tamquam cælestes milites assistunt, certamen Regis sui aspicientes; & homines tamquam canes lambunt sanguinem decurrentem in terra, vt potu illo redimantur, & inebriantur. Diligunt milites canes suos, immo canes Domini sui, Regis sui, quia qui me amat, & canem meum amat. Confortatur à militibus Rex, sed à canibus multum solatiatur. Cursu canum latificatur, plausu exhilaratur; ceruorum & leporum venatu delectatur, & multifaria voluptate in his vititur.

O Sion Ecce Rex tuus in sylua grandi & spatiosa atque condensa gehennali, bestiolas capere venit cum canibus & militibus, ibique pingues ceruos Patriarcharum & capreolas Prophetarum, & lepores Innocentum, & Damlas Heremitarum cepit, & Patri suo atque patriæ detulit. Itaque epulemur, quia venatio copiosa est, & quod amplius laboriosa propter passionem, cò minus dispendiosa propter resurrectionem. Miratur enim multò amplius Pater de festinatione quàm contristetur de filij labore. *Quomodo enim, inquit, tam citò inuenire potuisti fili mi?* Quasi diceret. Non mihi curæ est quanti emeris, aut quantum laboraueris, quia gratissimum & acceptabile est quod talem & tantam captionem tam citò inueneris. Vna enim die & nocte reti tuo inclusisti, in animalibus quæcumque munda & gustui meo appetibilia, campi conuallium in mundo * conceperunt, & syluæ infernales tamquam in cauernis & fossis suis à sæculo absconderunt.


Gen.
27. 20.
*al. cõ-
cepta
sunt.

Da mihi itaque de venatione tua fili mi. Non doleas de labore, quia fructus super laborem est, & res acquisita inestimabiliter excedit pretium. Vnam animam dedisti, sed quot recepisti? Guttas sanguinis fudisti, sed Martyrum quantam effusionem & viscerum & sanguinis recepisti? vt de aliis taceam: *Effuderunt sanguinem seruorum tuorum tamquam aquam in circuitu Ierusalem.* Certè pro singulis tuis guttis, mille millia redditæ sunt tibi à nostris.

Pl. 78.3.

Sed tamen neque sic possumus ad eas recompenandas, quia deest in pretio, quod superest in numero. Quod dico de sanguine, affirmo de tua tota passione, quia quæ iam pene numerum excedunt passionibus Martyrum, merito tamen & pretio singulari tuæ passioni succumbunt. In te ergo pretium pensandum supra omnem numerum, in nobis attendendum vt quantum deficiamus in pretio, tantò crescamus in numero, & numerum tamen & pretium tibi adsignamus qui nos tuo sanguine redemisti, & fidem tuam vt reciperemus donasti CHRISTE IESU, Saluator mundi, qui viuis & regnas per omnia sæcula sæculorum.





DE RESVRRECTIONE DOMINI.

SERMO II.

SION regnabit Deus tuus. A Propheta, immo à Spiritu sancto phia- ^{Isai. 52.}
 Slam istam auream plenam balsamo mutuauimus, vt in ista Paschali so- ^{7.}
 lemnitate, vobis potum salutarem, per illam subministremus. Satis enim
 bene & plenè responder exterior huius vasculi habitudo, suauissimo saporì in-
 trinsecus delitescenti: nam manus illæ tornatiles filij fabri in circino Spiri-
 tus sancti, tam decenter quàm sufficienter ampullam istam aptauerunt &
 nostro potui, & suæ solemnitati. Potui, quia inebriationi sufficit audire &
 intelligere quia Dominus regnauit; solemnitati, quia totum Paschale fe-
 stum & gaudium exinde est, quia Dominus regnauit.

Sed iam prælibata commendatione philosophicorum verborum, sub figu-
 ra ampullæ formosæ & pretiosæ, potius desideranter ori apponamus, & spi-
 ritum qui est in visceribus tam iocundæ solemnitatis fideliter epotemus. Ec-
 ce namque iam triduo sustinemus, & in calice, quem dedit filio pater, non
 nisi vinum mirratum, nonnisi fel & acetum, nonnisi amaram potionem
 bibimus. Deinde satis est, multum est, tam amara pocula, tam longâ pa-
 tientia portasse, & potasse. Iam ad cellam vinariam accedentes, vinum no-
 uum in nouos ytres cum resurgente Domino imploramus, vt non vltius de
 vetustate nostra spinas & tribulos metamus, sed de nouitate redemptionis
 nostræ, pignus spiritus accipiamus.

Ad Sion nempe pertinemus, cui dicitur; *Sion regnabit Deus tuus.* O
 Sion paupercula, tempestate conuulsa absque consolatione, quæ non habet
 qui consoletur eam ex omnibus caris eius, ecce venit tibi auxilium de cælo,
 ecce nox speculatorum tuorum, simul leuauerunt vocem, quia oculo ad oculo
 videbunt. Quid videbunt, quid clamabunt? Sion regnabit Deus tuus:
 sed qui sunt speculatores isti! Vtique Angeli. Isti resurrectionem Domini
 annunciant, isti dicunt. Sion regnabit Deus tuus. Ecce impletum est, quod
 dictum ante passionem fuerat, nunc princeps huius mundi eijciatur foras:
 Ecce alligauit fortem in domo sua; fortior ille qui superueniens vicit illum,
 ecce Leuiathan quem hamo extraxit, alligauit ancillis suis. Vnde Aposto-
 lus ad Colossenses, *Vos, inquit, cum mortui essetis in delictis, & præputio* ^{Coloss.}
carnis vestre, conuiuificauit cum illo, donans vobis omnia delicta, delens quod ^{2. 13.}
aduersum nos erat chirographum decreti, quod erat contrarium nobis, & ipsum
tulit de medio affigens illud cruci, expolians principatus & potestates traduxit
confidenter palam triumphans illos in semetipso. More suo Apostolus, quare
 & quomodo regnet Deus noster, ostendit. Quod notandum antequam exen-
 teremus verba apostolica plena profundis mysteriis, quid sit regnare, Re-

R ij

gnare est regnum regere, regere verò est rectè agere: est etiam regnare subiectos & obedientes habere.

Considerandum quoque quis sit Rex, quod Regnum, qui de Regno, quæ insignia Regni, quando Regnum initium habuit, quousque duraturum sit, & quousque extendantur fines Regni. Initium habuit hoc Regnum à tempore resurrectionis, duraturum est in æternum & ultra. Fines eius ab oriente in occidentem, & à septentrione vsque ad meridiem. Rex est, IESVS Nazarenus Rex Iudæorum. Regnum, Ecclesia quæ partim iam incolit cœlestem patriam, quasi turres & municipia ciuitatis tenens, partim ruricolatur in agro huius mundi, semina sua mane & vespere mittens, & colligens vsque ad annum Iubileum, annum remissionis, annum in quo nec arari poterit nec meti. De Regno sunt signati in frontibus signo crucis, renati ex aqua & spiritu, potati calice benedictionis, cibati pane Dominici corporis. Gens sancta, filij promissionis, populus acquisitionis. Insignia Regni sunt triumphus dæmonum, resurrectio corporum, redemptio animarum. Inferni expoliatio, paradisi patefactio, mortis destructio. Insignia Regni sunt, fides populorum, sacramenta Christianorum, cultus Religiosorum, miracula Sanctorum.

Hoc Regnum initium habuit ante sæculi constitutionem, cum sæculo inchoationem, in fines sæculorum renouationem, post sæculum consummandum glorificationem. Regnum angelicum cœpit quando dixit Deus, Fiat lux, & facta est lux. Regnum hominum cœpit sed occultè, quando Verbum caro factum est, & habitauit in nobis. Manifestè autem cœpit, quando CHRISTVS resurrexit à morte; sed iam Apostolica verba videamus, & præsentem solemnitatem in eis recognoscamus. *Et vos, inquit, cum mortui essetis in delictis vestris & in præputio carnis vestra conuiscavit cum illo.* Notate Apostolum quadam dictorum replicatione geminasse mortem, resurrectionem verò vno verbo expressisse. Mortui, inquit, in delictis vestris, ecce vna mors, & in præputio carnis vestræ, ecce alia mors, & delictis ergo morimur & præputio carnis. Sed mortem delictorum manibus & pedibus accersimus, mortem præputij carnis nostræ, potiùs cum catena mortalitatis excipimus, quàm operamur. Istam patimur hæreditaria maledictione, illam acquiritur voluntaria præuicatione: pro illa hic exulamus, aut bonâ patientiâ vtramque purgantes, aut contumaciâ vtramque neccentes, vno vinculo præsentis & futuræ condemnationis.

Intelliguntur ergo per delicta, actualia peccata, per præputium carnis, originalia: sed tam ab actuali quàm ab originali vna mors seu resurrectio CHRISTI nos liberauit, quod intelligitur per hoc verbum, conuiscavit cum illo. Conuiscavit, quia corpus & animam viuificauit. Conuiscavit quia & actualia & originalia remisit. Conuiscavit quia resurrectione sua nos viuificauit. Conuiscavit, quia & nunc per iustitiam & in futuro per gloriam viuificauit.

Cum illo: Quid est cum illo? Ad similitudinem eius. Cum illo ergo, id est, cum capite, vel ad similitudinem eius nos conuiscavit, quia in resurrectione CHRISTI prælibauimus spem resurrectionis nostræ: Si enim deli-


batio sancta, & massa, id est, si Filius Virginis IESVS, qui mortuus est in cruce, tertia die resurrexit à mortuis, sine dubio membra corporis sui suo tempore resurgent. Et hoc tam consequenter fiet, quàm veraciter illud præcessit, & sic sine reuolutione repetitæ mortalitatis, sic CHRISTVS resurgens ex mortuis, iam non moritur, mors illi ultra non dominabitur. Conuificauit itaque cum illo, donans nobis omnia delicta, delens quod aduersum nos erat chirographum decreti quod erat contrarium nobis.

Notate, donans; notate, delens. Quid donans, quid delens? Donans gratiam; delens culpam; Donans vitam; delens mortem; Donans coronam; delens supplicium; Donans quod suum est; delens quod nostrum est; Donans cælum, delens infernum. Ad extremum donans delicta, delens chirographum. O chirographum quam mala scriptura tua, quam peremptoria lectio tua. Singulæ literæ tuæ sagittæ sunt acutæ, quarum indignatio ebibit spiritum hominis. Singulæ syllabæ caudæ scorpionum aculeatæ sunt, posteriora nostra demolientes. Singulæ dictiones væ væ sunt & æternæ lamentationes. Singulæ orationes, digna factis recipimus. Titulus, liber mortis. Materia huius libri, peccata & supplicia hominis. Modus tractandi, vt secundum qualitatem culpæ, extendatur mensura pœnæ.

Tota lectio, clamor & ira & indignatio. Tota lectio, dolorum sine respiratione continuatio. Tota lectio, afflictio, exactio. Nullum explicit, vbi nullus finis. Cum consummauit tunc incipit, vbi defectus reparat defectum, & de morte, virgulta repullulant mortis. Vngue adamantino scriptum est hoc chirographum, quia nisi cum sanguine hædi qui cum latronibus reputatus est, hæc scriptura deleatur, numquam maledictio absoluetur. Hoc chirographum est volumen illud volans quod Zacharias in spiritu vidit, & leuabunt illud fortè illæ duæ mulieres quæ habebant alas quasi milui, & leuauerunt amphoram inter terram & cælum, in cuius amphoræ medio, erat mulier sedens, quæ est impietas & habet massam plumbeam in os suum.

Volumen volans illud vniuersale examen iudicij, quo omnium hominum conscientia explicabuntur. Hoc inter terram & cælum leuatur, quia CHRISTO in aëra obuuiabimus venienti ad iudicium. Duæ mulieres quæ hoc leuant & deferunt, caro & anima, quia vnusquisque portabit iudicium, vt referat pro vt gessit in corpore suo siue bonum, siue malum. Habent alas quasi milui, quia grandes virtutes post resurrectionem animarum & corporum. Impietas in medio amphoræ sedet, quando iniquitas quæ est in tabernaculo, seu in medio cordis non poterit se abscondere à calore & illustratione solis. Massam plumbeam in os habet reus, cui non est aperire præ confusione. Hoc chirographum delet CHRISTVS in passione & resurrectione sua, CHRISTVS, inquam, Dominus noster qui viuunt & regnat, &c.





DE RESVRRECTIONE DOMINI.

SERMO III.

CVM CHRISTVS animam suam posuit, corpus in cruce exposuit, & in sepulchro deposuit, nec clementiam suam nec potentiam postposuit. De potentia surrexit, de clementia familiam apostolicam collo ad pennulas retorto reuisit. Mentis timore & dolore concussas gloriosa consolatione, tam per se quàm per Angelos releuauit. O Angeli sancti, in passione vbi eratis, quid agebatis, cur non accurristis, cur tam contumeliosè Regem vestrum deturpari sustinulistis?

Planè inquit, auxilio nostro non egebat, sibi cum Patre & Spiritu sancto causa patebat, plures ex nostris latebat, nec nostri ordinis est non iussa attemptare. Noluit bonus Dominus nostra gaudia suis passionibus interrumpere. Non reputabat iacturam tantis lucris, sine dilatione compensandam: vnum suum corpus dedit, mille millia comparauit, animam vnā posuit, sed quot reposuit, & ad cœlos reportauit? Tribus diebus fuit in corde terræ, sed æternitatem & longitudinem dierum acquisiuit familiæ suæ.

Quis æstimare valeat pretium, quis excogitare redemptum hoc pretio genus humanum? Vsq̃ue ad Angelicam pacem reffluit & supereffluit appetitatio sanguinis & mortis CHRISTI ac resurrectionis. Nihil inemptum CHRISTVS reliquit quod vnquam aliquo pretio posset redemi. De nostro CHRISTE assumpsisti pretium, in nostro soluisti, & pro nostro. Nostra sunt corpus & anima, tua est singulariter sola diuinitas. De nostro itaque corpore & sanguine siue anima, pretium constituisti. Pro quo seu pro quibus? Pro genere humano & omnibus hominibus. In nostro quomodo? In cruce, in passione. Nostra est pœna, nobis debetur passio: præsumendum est itaque sine præsumptione nostram esse hanc solemnitatem sumptu & vsu.

Nonne de nostro sumptu est, quod in hac recordatione vigilauimus, ieiunauimus, vagationes & vanitates repressimus, & in multis CHRISTO concrucifixi sumus? Non aspernatur sumptus nostros quamuis modicos, qui nec calicem aquæ frigidæ inremuneratum dimittit. Vltus denique huius solemnitatis præcipue nobis competit; nam Angelos non est necesse annua deuotione recolere, quod frequentant assidua celebratione; diabolus non habet pro festo, quod victus est, quod de mundo eiectus est, quod tantis animarum exuiis spoliatus est.

Non tamen excludimus Angelos quorum officio primitias Dominicæ Resurrectionis delibauimus, sed cum ipsis eam communicamus. Habent ipsi stolas suas, habent albas, habent vultus fulgureos. Quid ad hæc nos pannosi, nos pene nudi, nos quorum vestimenta vetustate sunt attrita, superfluitate

SERMONES.

135

corrupta, discordiâ dissuta: Quàm citius igitur deponamus vetustam pellem cum veteri homine, compunctione abluamus inquinatam, consuamus vna-
nimitate dissutam.



DE RESVRRECTIONE DOMINI.

SERMO IV.

HOc nunc os ex ossibus meis & caro de carne mea. Videns Mater sancta Gen. 2.
primogenitum & vnigenitum suum, tunicâ immortalitatis indutum in 23.
Resurrectione, viscerali exclamat affectione dicens. *Hoc nunc os ex ossibus meis
& caro de carne mea.* Conuincio Iudæum, conuincio hæreticum, qui non cre-
dit resurrexisse filium meum. Si mater ignorat filium suum quis nouit illum?
Quæ concepit, quæ peperit, quæ lactauit, quæ nutriuit, quo caliginis offendi-
culo mentiretur suum non esse, quem amplius diligit & nouit quàm se?
Deus pater credidit ei filium suum, & ego dubitem, qui surrexit non esse il-
lum Virginis filium passum, & crucifixum? Maternum affectum non delet
tridui obliuio.

Si annus effluxisset, quemlibet cauillatio locum haberet. Dicat ergo Mater
de filio, MARIA de IESV CHRISTO, Hoc nunc os ex ossibus meis, &
caro de carne mea: Tunc cum crucifigeretur filius meus vidi & agnouî car-
nem de carne mea quæ clauis affixa, lanceâ perforata est; & os ex ossibus
meis, quod non fregerunt crucifixores, vt impleteretur scriptura: *Os non* Ioan.
comminuetis ex eo. Hoc testimonium verum est, & matris de filio. Loqui- 19. 36.
tur & Adam de crucifixo. Hoc nunc os ex ossibus meis & caro de carne
mea: hæc caro, non est caro mea, quæ est caro peccati, sed de carne mea,
de Virgine MARIA, & quamuis hæc caro non mereatur mortem, pro me
tamen soluit mortem, iuxta illud: *Quæ non rapui, tunc exolvebam.* Psal.


Nulla reatu obligata caro, carnem ligatam & incuruatam soluat sub vin- 68. 5.
culo peccati. Catenam siquidem * pene collo suo imposuit & confregit di- * pœnæ.
cens: *Solue vincla colli tui captiua filia Sion;* nam de morte surrexit. Hoc EIsai. 52.
nunc os ex ossibus meis. A primogenito meo Chain vsque ad IESVM, qui 2.
ossa, id est, fortes fuerunt, sicut mea ossa ante peccatum sine peccato non
fuerunt, nec diabolus debellauerunt. Sed IESVS supra Sanson fortis & po-
tens in bello, mandibulâ asini passus, id est tamquam surdus & mutus, tam-
quam vir non habens in ore suo redargutiones, destruxit illum qui habebat
mortis imperium, id est, diabolus qui Euam meam seduxit, & per illam
mortale pomum porrexit: sed nunc utique in Resurrectione IESV, os inueni
ex ossibus meis, non in quibus putredo ingressa est, sed in quibus est virtus
& fortitudo Dei, & caro de carne mea, sed non corrupta sed incorrupta.

Rursum vox est animæ CHRISTI ab Inferis redeunti ad corpus suum: *sal-*

uam siquidem bene custodierat Pater, in cuius manibus illam resignauerat, saluam sine dubio duxit & reduxit. Veniens itaque ad adiutorium simile sibi, quod est sanctissimum & immaculatum corpus quod non vidit corruptionem, nec in conceptione, nec in conuersatione, nec in ipsa, morte intrauit in viscera eius, dicens. Hoc nunc os ex ossibus meis, & caro de carne mea. Os germinauit sicut lilium, & caro refluuit, quia quæ mori prius potuit, iam mori non poterit.

Tunc misericordia in carne & veritas in anima obuiauerunt sibi, iustitia & pax osculate sunt. Iustitia namque sancit iustum esse, vt caro quæ sine sua culpa, tam horribilia sustinisset, & vt illos pro quibus causam egerat liberaret, & pace æterna regnaret iuxta Apostolum: *Æterna redemptione inuenta*. Sola sciuit diuina anima cum carne diuina, quid suauitatis, quid gaudij, quid iubilationis, in hora illa adinuicem habuerint, cum vtrique substantia animæ & corporis in claritatem diuinam, salua proprietate naturarum, transierint. Sic ergo loquitur anima, Hoc nunc os ex ossibus meis, & caro de carne mea. Verbum autem caro factum, in vtriusque coniunctione per resurrectionem dicit, hoc nunc os ex ossibus meis & caro de carne mea.

In sacramento quoque altaris loquitur CHRISTVS post illam Domini-
cam consecrationem, vbi dicitur. *Hoc est corpus meum, & hic est sanguis meus*: hoc inquit nunc os ex ossibus meis & caro de carne mea. Os est difficultas & profunditas sacramenti, caro est sub specie panis, & bene caro propter fragilitatem vestram, quæ ad diuina nisi per humana confurgit. Ne apponas dentes ad os volens exossare os Regis Idumæ, id est, definire & discutere quomodo hoc fiat. Ossa sua in abscondito habet Deus quæ dicuntur *Occulta filij*, de quibus Apostolus, *O altitudo diuitiarum sapientiæ, &c.* Ex istis ossibus quæ Psalmista appellat occulta & incerta sapientiæ Dei dicens, *Ecce enim incerta & occulta sapientiæ tuæ manifesta mihi*.



DE RESVRRECTIONE DOMINI.

SERMO V.

Gen. 25. 3. &c. **C**OXIT Iacob pulmentum ad quem cum venisset Esau lassus de agro ait: *Da mihi de coctione tua hac rufa, quia oppidius lassus sum. Cui Iacob vendit mihi primogenita tua. Ille respondit en morior, quid mihi proderunt primogenita mea? Iura ergo mihi: Iurauit Esau & vendidit primogenita sua.* Austeritas ieiuniorum quæ sanctorum caro emarcuit, & cutis ossibus adhæsit, 1. Cor. 5. 8. paschali soluitur solemnitate, & Apostolica autoritate qua dicitur. *Epulemur in azymis sinceritatis & veritatis: Pascha etenim nostrum immolatus est CHRISTVS.* Ecce ignis, ecce ligna, immo ecce ignis in spinis: Murmur namque spinarum increpat urgente igne inuidiæ clamans, *Tolle, tolle, crucifige,*

cisfige, crucifige, & Si hunc dimittis, non es amicus Caesaris. Non sufficit Libanus ad succendendum cum Iudæi, Pilato dicenti, *Accipite eum vos & secundum legem vestram iudicate*, responderent; *Nobis non licet quemquam interficere.* Opponebant quidem de lege, quod usque in hodiernum diem positum est super cor eorum, sed reuera, magis ambiebant malis suis Præsidem cum gente sua applicare.

Tanto itaque succenso igne in atrio Principis Sacerdotum, & in Synagoga Iudæorum ab eo qui tota nocte folliculis & ventis vndecumque mutuatis sufflauit & exsufflauit Iudam & simul Iudæam, Iacob vir simplex & bonus, qui non consenserat actibus malignantium, vas fictile igni apposuit quo primogenita fratris redimeret sibi, vt de malo aliorum bonum acquireret, & de peccato damnaret peccatum. Cum enim per agrum pigri hominis transiret, quem totum repleuerant vitiæ, exemplo tali sapientiam didicit.

Immisit autem lenticulam non grandis æstimationis in superficie, sed pretij incomparabilis in latenti maiestate. Lenticula enim modica est & depressa & subrufa. Vide IESVM modicum: *Qui cum in forma Dei esset, non rapinam arbitratus est esse se aequalem Deo, sed semetipsum exinaniuit formam serui accipiens, &c.* Vide IESVM depressum, *Christus factus est obediens usque ad mortem.* Vide rufum, *mortem autem crucis.* Vide coctum; *Quia, inclinato capite tradidit spiritum.* Vide subtractum ab igne. *Exurge gloria mea, exurge Psalterium & cythara.* Item; *Resurrexi & adhuc tecum sum, &c.*

Ne quis autem offendatur ferculi huius singularitate & vilitate, adhuc supersunt carnes agni, supersunt carnes vituli saginati, adhuc innumerabilis copia, quæ residendi ad cœnam non promittuntur, sed offeruntur. Gratiore enim insperata quàm postolata. Prius defuerit gula, quàm mensa, appetitus quàm cibus, stomachus quàm cacabus, intestina quàm fercula. Anima vna totum non capit agnum. Omnium est non vnius tantum.

Ecce Angelus etiam accurrit soluto ab anima corpori & sepulto: Dic mihi sancte Angele missus an spontaneus, voluntate an obedientia, an vtroque simul prouocante aduolasti, cum * mixta candoris & ignei splendoris, ad nostrum vas fictile sumptum de Virgine & impletum anima & diuinitate? An & tibi placet puimentum nostrum iam coctum, immo bis coctum, discipuli proditione & crucis passione? Fætore non redolere hætenus solebat caro nostra viua, necdum mortua cadauera. Quis ista sic purgauit septuplum, quis tanta suauitate & odore suauissimo repleuit, vt in odore suo Angelicas tentare nares & appetitu desiderantissimo appellaret. Ecce de manu tua pulmentum nostrum.

Philip.

2. 6.

Ibid. 8.

Ioan.

19. 30.

Pl. 56.

9.

Pl. 138.

18.

*f.mixture.





DE RESVRRECTIONE DOMINI.

SERMO VI.

Dan.
14. 36.

DANIEL, *serue Dei, tolle prandium quod tibi mittit Deus. Eternam Dei clementiam nihil est quod interrumpat, nihil quod soluat, nihil quod sepeliat. Reijcit peccatorum nostrorum repagula, vincit crimina, terga fugientium apprehendit, rebellantium corda emollit, redeuntium culpas citò ignoscit, & immeritis copiosum munus gratiæ conferens, querelas omnes veteris delicti deponit. Hunc gratiæ alueum nec luxuriæ humanæ arbor exsiccauit, nec ignaviæ nostræ torpor extinxit: puteus etenim est aquarum viuientium quæ fluunt impetu de Libano. Profundæ & continuæ voragines malorum non cohibent cursum, non sistunt impetum, non absorbent meatum.*

Hic mundatur leprosus, hic meretrix abluitur, hic publicanus sanctificatur, hic homicida & adulter reparatur, nec pro infamia aut culpa, aut throno regni expellitur, aut cœlitus promissa CHRISTI paternitate fraudatur. Hic latro subito sanctificatur, & secundo post CHRISTVM ingressu paradisi honoratur; hic denique stolas suas animæ sanctorum lauant: hic caput, pedes & intestina sacrificiorum Sacerdotes expiant, hic semel baptismo, hic semper confessione & pœnitentia omnis tam originalis quàm actualis rubigo exuitur. Numquam ergo foetorem suum portet, qui semper non lotus aqua salutari propria fragilitate & iniquitate foetet.

Et si omni tempore patens sit fons David in ablutione mulieris & menstruatæ, profusiori tamen redundantia sacratissimum passionis suæ tempus debriat, quando quasi messis & vindemia implent apothecas & torcularia Christianorum; dum animo feruente & religione maturante solito studiosius & corpora ieiuniis afficiuntur, & pauperes eleemosinis reficiuntur, & monasteria frequentius expetuntur, & prioris vitæ deserta visitantur, atque proinde spinæ & vrticæ aratro & ligone confessionis extirpantur; atque igne satisfactionis comburantur.

Daniel itaque vir desideriorum, cuius omne desiderium ante Deum, ingreditur lacum leonum, id est profundum conscientiæ vbi rugitus leonum, videlicet criminum multorum, sed non deuoratur, sed non mordetur, sed non tangitur, vt enim iniusta causa punit, sic iusta defendit. Si adeas leones, id est motus carnis vt cum eis ludas acquiescendo eius lenociniis, tunc vngues time, time dentes, time denique leoninam rabiem. Nulla fides vbi rabies. Simpliciter decipit astutia, innocentiam malitia: humilitatem suffocat superbia, singula virtutum germina deuastant, quæ de ventre inferi pullulant, viperea genimina. *Jacob timet Esau, Isaac, Ismael. Non passim & inconsultè*

congregiantur pueri David cum servis Saül, quia cauendum quod in ancipiti est. Potuit autem Dalila vincere Samson perluasione non fortitudine, dolo, non gladio, muliebri simulatione, non virili oppugnatione.

Anceps proinde & periculosum ut vno dormiant lecto, ratio cum sensualitate. Dormiens quippe opprimit puerum, id est, motum naturalem sensualitatis, cum ad peccati delectationem inflectit. Deinde mentitur suum esse, quem ratio genuit, & legi Dei consentit, quod est verè viuere. Consentire verò carni proculdubio est mori. Salomon tamen, id est, Prælatus cui quæstio ista defertur, gladio discretionis, cuius sit quisque motus spiritus an carnis, perfectè discernit, & adiudicat mortuum sensualitati, viuum rationi.

Repudiata itaque illecebrosa societate & indicta inimicitia inter serpentem & mulierem, id est, rationem & semen vtriusque, ad Goliath descendat David in funda & lapide, vtiue gratia CHRISTI & confessione in ventre ceti, tribus diebus & tribus noctibus inclusus, agat pœnitentiam de male cogitatis, dictis, & factis, tam in aduersitate quàm in prosperitate: descendat cum anima IESU ad inferna, ut vectes ferreos confringat, consuetudinem peccandi, & educat victos suos de tenebris, id est, sensus animæ errore soluto, ad lucem reuocet veritatis, & cum Daniele ad lacum leonum intromittatur, potiùs ad illudendum eis, quàm ludendum cum eis.

Sunt autem septem leones, scilicet spiritalia nequitia & capitalia crimina, quibus dantur quotidie duo corpora & duæ oues. Duo corpora sunt voluntas peccandi, & actio peccati: duæ oues, error fidei & ignorantia boni. Tali edulio saginatur diabolus & Angeli eius: iam enim fame expirasset absorptus gehennalibus flammis, nisi peccatis quotidianis refocillatus, vitam malitiæ suæ continuasset. Sicut enim hominem esca, sic diabolum pascit malitia: & quantò nequius vitium, tanto auidius suscipit illud. Libamenta facinore condians, & humana damnatione malorum suorum coniiciens. Duo igitur corpora tamquam quæ sunt voluntas peccandi & actio peccati, tamquam principales escas, sibi & familiæ suæ in mensa apponit, quia ex altero nihil sanum, ex altero nihil incorruptum sequitur. Voluntas siquidem radix est, actio, arbor. Tota ergo propago cordis vitiatur in radice voluntatis, nec euadit vnus exors perditionis de omni sobole corruptæ actionis.

Secunda deinde fercula suggeruntur duæ oues, quæ sunt error fidei & ignorantia boni, seu ignorantia legis & ignorantia Dei. Ministrantur hæc quotidie leonibus à Babiloniis, id est, inordinatis & peruersis malignis spiritibus. Sed cum Daniel ingreditur lacum, id est, mundum siue infernum IESUS, non dantur; quia venit in hunc mundum peccatores saluos facere. Descendit in infernum animas fidelium suorum liberare: dentes enim leonum contriuit; quia & hominum & dæmonum potestatem, malleo iudicij à suis excussit, dicens mari huc vsque venies, & hinc confringentur fluctus tui. IESU namque præsentia lenit aduersa, pœnas releuat, tenebras illustrat, disponit confusa, componit disiecta, & tranquillat omnia.

O tu Daniel membrum CHRISTI, imitator capitis tui inter lacum tuum diuino terrore compunctus, & amore iustitiæ accinctus, pensa quid feceris & quid metueris, appende, discute quid lacus contineat, & patienter tolera

quidquid discriminis examen iudicis decreuerit. Consultius enim vitia de conscientia eiiciuntur, quam pro malis actibus gehenna sustinebitur. Sunt autem septem leones domestici, familiaritate damnosa, iactantia, gula, luxuria, simulatio, ira, crudelitas, rapina, qui deuorant omnem substantiam nostram, redigentes nos ad illam inopiam, ut nec de filiquis quas porci manducant, ventrem nostrum impleamus.

Sed Daniel sicut & ille prodigus, & sicut Ionas de ventre ceti, suspirans panem de cælo, panem quem Pater dat petentibus se, clamat ad illum qui dat escam pullis coruorum. Dominus autem desideriorum pauperum exauditor, dicit Abacuc; fer prandium quod habes Danieli qui est in lacu leonum, hoc est, quod ait Apostolus: *Si preoccupatus fuerit homo in aliquo delicto, vos qui spirituales estis instruite huiusmodi in spiritu lenitatis, considerans reipsum ne & tu tenteris*; certanti enim cum diabolo debetur paterna consolatio.

Viso itaque lacu leonum, & invento Daniele in medio eorum & pariter oblesso, agglutinatur oppresso, porrigit panes famelico. Daniel, inquit, serue Dei, tolle prandium quod misit tibi Deus. Hoc grande prandium est, quod IESVS desiderauit manducare Pascha cum discipulis suis: de his Apostolus: *Epulemur non in fermento veteri, &c. Sed in azymis sinceritatis & veritatis*. De hoc in Canticis, *Comedite amici & bibite*, &c. hoc mente sumimus, non dente frangimus, hoc anima saginatur non venter distenditur, hoc in Angelicam gloriam transfundimur, hoc in filios Dei enutrimur, hoc in vasa misericordiae confortamur, hoc de mundo ad cælum subleuamur, hoc æternitatem comparamus, hoc sanctorum communionem, carnis resurrectionem, vitam æternam expectamus ipso præstante IESV CHRISTO, qui de carne sua & sanguine prandium hoc fidelibus suis præparauit, qui viuit & regnat.



DE RESVRRECTIONE DOMINI.

SERMO VII.

Deut.
34. 8.

COMPLETI sunt dies plandus lugentium Moysen. Lacrymosa loca & tempora habentes filij præuaricationis Adæ, qui commutaret loca, & mitigaret tempora per multa millia annorum, singularum generationum ætates, & singularum ætatum homines, discutiebant, si esset qui faceret bonum, si esset qui luctum verteret in gaudium. Si quando emergebat cuiuslibet hominis scintillans vita, & relucens doctrina, applaudebat turba exultantium, tamquam explorata spei aduenisset facula, & imminerent liberationis sæcula. Denique cum omnium Patriarcharum & Prophetarum morte extinguerentur temporales lucernæ, quis enim homo qui viuet & non

videbit mortem? singultibus renouatis frustratorias consolationes & momentaneas deflebant. Inde quoddam Iacob planctu magno & forti nimis mortuus defletur: inde quoddam Ioseph, inde quoddam Aaron, inde quoddam Moyses diebus multis planguntur.

Iusta satis & probabili causa antiquorum conquerebatur decessus, tum pro desolatione superstitum, tum propter tandiu continuatum mortis imperium, tum etiam propter ad inferos descensum. Vbi ergo & infernaliter dirupta sunt claustra, & perempta mortis imperia, & consolationis aternaliter in CHRISTO perpetuata suffragia; merito non est luctus, neque dolor ultra, quia prima abierunt, merito abstergit Deus omnem lacrymam ab oculis sanctorum, merito completi sunt dies planctus lugentium Moysen.

Sed & in ipso IESU dum in carne viueret, quamquam faceret quae nemo alius fecit, dubietas praescripta in cordibus hominum vix interrumpi potuit contestatione miraculorum & mirabilium suorum. Nam & in Apostolorum mentibus, quorum corda intus alens spiritus excitauerat, & ad fidem CHRISTI fecundauerat, niue & grandine passionis & mortis eius, fides sic elanguerat, & spes vltimum spiritum attrahebat, ut quidam ipsorum dicerent, *Et nos sperabamus quod ipse esset redempturus Israel.* Ut itaque de medio tolleretur quidquid diabolice surreptionis, quidquid humanae ignorantiae dubietatis, quidquid haereticae persuasionis ulterius obijci posset, surrexit, in multis argumentis per dies quadraginta apparens eis: hodieque gloriosa & manifesta Ascensione corpus suum ad Patris dexteram collocavit.

Luc.
24. 21.

Moyses itaque qui de illa, ista scripsit, non lugeat, nec lugeatur, quia completi sunt dies planctus lugentium. Moyses, id est lex Moysis praearcationem ostendebat, & reatum non coercerebat, sed amplius accumulabat, teste Apostolo qui ait: *Nam concupiscentiam nesciebam, nisi lex diceret, non concupisces:* & alibi: Cum autem venit mandatum, operatum est in me omnem concupiscentiam, & inuentum est mihi quod erat ad vitam, hoc esse ad mortem. Quis ergo inde non lugeat? Quis autem, tollere hunc planctum poterit? Spiritus vitae qui liberauit me a lege peccati & mortis. Quis istum potest dare spiritum? CHRISTVS qui ait: *Ecce ego mittam promissum Patris mei in vos, vos autem sedete in ciuitate, quoadusque induamini virtute ex alto,* id est, Spiritu sancto.

Rom.
7. 7.

Luc.
24. 49.

Et si superest Iebuseus nobiscum in loco peregrinationis huius, & si ventus ab Aquilone & ignis inuoluens, & si cum serpentibus & scorpionibus habitamus, & si lex membrorum repugnat legi mentis, & si non quod volumus, sed quod nolumus facimus; tamen, quia Caput nostrum Deus Pater exaltauit super omnes inimicos nostros, tamen quia ascensor caeli auxiliatur nostri, sicut in benedictione Aser dicitur: *Ascensor caeli, auxiliator tuus,* tamen quia natura carnis nostrae tamquam virga Aaron refluuit, & collocata ubi testificatio nostrae redemptionis est IESVS interpellans pro nobis, depositis omnibus querelis, adeamus thronum gratiae, ubi sedet agnus ad dexteram Patris, per omnia saecula saeculorum. Amen.

Deut.
33. 26.



DE RESVRRECTIONE DOMINI.

SERMO VIII.

Psal. 19. **N**VNC cognoui quoniam saluum fecit Dominus CHRISTVM suum.
 7. Gigas geminae substantiae, & hinnulus ceruæ gratissimæ, IESVS filius
 Virginis MARIE, inter mortuos liber, quàm veloces & grandes fecerit sal-
 tus, de cruce ad sepulchrum, de sepulchro ad infernum, de inferno ad para-
 disum, audiuius, credidimus, latatissimus & adorauimus. Testes exinde
 legitimos & idoneos Angelos & Apostolos habemus: supersunt denique &
 sufficientia instrumenta Euangelica & miracula atque irrefragabilis veritas
 prophetica scripturæ, quam Petrus certiore prophetico sermonem ap-
 pellat. Inde est quod Dominus loquitur ad Iob: *Numquid, ait, ingressus es*
 Tob. 38. *profundum maris, & in nouissimis abyssi deambulasti? Numquid aperta sunt*
 26. *tibi porta mortis? & ostia tenebrosa vidisti?* Specialia & singularia opera sua
 famulo suo Deus loquitur, prærogatiuam potestatis suæ assignans, quod à
 fine cæli usque ad finem inferni fortiter attingat, & omnia luauiter dispo-
 nat. Vnde Psalmista: *Quò ibo à spiritu tuo, &c.* Non vana, non superflua,
 Pl. 138. 7. non curiosa, & quasi fastidium releuans, fuit ista deambulatio. Deambula-
 uerat enim in paradiso ad auram post meridiem, vt vel confitentem de pec-
 cato corripere hominem, vel diffidentem aut dissimulantem puniret. Deam-
 bulauerat gyrum cæli circuiens sola; deambulauerat & mundum, quærens
 quem quæ errauerat; deambulauit tandem profundum maris & in no-
 uissimis abyssi, vt ne extremum digiti auriculæ suarum ouium, leo rugiens
 in ventre suo retineret; sed omnes filios excussorum de pertuso sacco
 Pl. 28. 1. mortis & inferni excuteret in sinu eorum qui manipulos colligunt, & ad si-
 num Abrahæ deferunt, quibus dicitur: *Afferte Domino filios arietum*, id
 est, imitatores Apostolorum. Tanquam expeditus & accinctus gladio super
 femur suum potentissimè intendit, & prosperè procedit & regnat, sicut in
 cælo, sicut in mundo, sic & in abyssis, vt faciat quæcumque voluerit in cælo,
 in terra, in mari & in omnibus abyssis. Videt ostia tenebrosa per quæ ad nos
 egrediuntur emissiones per Angelos malos, per quæ aquæ furtiue manant,
 quæ dulciores sunt, id est, carnales delectationes, per quæ susurriones intro-
 ducuntur, per quæ, opera tenebrarum subministrantur.





DE ASCENSIONE DOMINI.

S E R M O I.

ASCENDE *calue*, *asconde calue*. Nota est quidem, Fratres carissimi, 4. Reg. 2. 23. historia de libris Regum, ubi legitur quod cum Eliseus de Iericho ascenderet in Bethel, pueri parui egressi sunt de ciuitate & illudebant dicentes ei: *Ascende calue*, *asconde calue*. Latet tamen in ea sensus pulcherrimus, & Dominicæ Ascensionis non incongruus, quem prout Dominus dederit, vobiscum exopto inuestigare, & in medio ad honorem tantæ solemnitatis proferre.

Conuocemus autem ad hoc mirabile & grande spectaculum, omnia animæ nostræ interiora, quia non fuit in sæculis, nec erit simile spectaculum Deo & Angelis & hominibus. Soli demones & reprobi homines, ab hoc spectaculo remouentur, quia excæcavit eos malitia eorum, & inuidia vt non videant gloriam Dei, vt non videant Ascensionem filij, vt non videant mansiones cœli, vt non videant solemnitates Domini præclaras. Ecce Pater accurrit in occursum ascendentis filij, dans ei osculum, tenens baculum, leuans in cœlum, collocans in throno gloriæ, annulum suum ponens in digito, stolam imponens collo, calciamentis vestiens pedes, sceptrum assignans in manu, in capite coronam de lapide pretioso, vndique circumamiciens illum gloria & honore, tamquam vnicum filium, tamquam hæredem suum, tamquam consubstantialem, tamquam coæternum, duntaxat secundum quod verbum est, secundum quod Deus est.

Nam secundum quod homo, nec consubstantialis, nec coæternus est illi, sed accipit dona inter homines; præ hominibus tamen, immo & præ Angelis. Cui enim dixit aliquando Angelorum filius meus es tu, ego hodie genui te? Cui Angelorum dedit potestatem omnis carnis, cui dedit omne iudicium, cui denique ad dexteram suam dedit con sessum? Nulli utique sed soli homini IESV CHRISTO data est omnis potestas in cœlo & in terra, soli homini IESV CHRISTO data est, non adoptiua, sed naturalis filiatio propter vnitatem verbi & carnis in vnâ personam Dei & hominis. Vnde Augustinus: Quod vnigenitus est æqualis Patri, non est gratiæ, sed naturæ. Quod autem in vnitatem personæ vnigeniti est homo assumptus, gratiæ est non naturæ. Item de fide ad Petrum: Ille scilicet Deus factus est naturaliter filius hominis, qui est naturaliter filius vnigenitus Dei Patris.

Huic ergo homini IESV CHRISTO repatrianti, & quasi iure postliminij reuertenti, cum Patre tota ciuitas cœlestis Ierusalem obuiam venit, tota multitudo Angelorum in qua millia millium ministrabant ei, & decies centena millia assiscebant ei, totus chorus cœlestium virtutum feruenti ob-

sequio concertabant præuenire faciem eius in salutatione & ministracione, adorabant vestigia pedum eius, sicut scriptum est: *& adorent eum omnes Angeli Dei*; pedes & genua amplectebantur, portantes eum usque ad sedem cœli in humeris suis, quem nubes usque ad stelliferas mansiones ab oculis Apostolorum exceperat & deulerat; Sic enim in Psalmo dicitur. *Currus Dei decem millibus multiplex millia latantium Dominus in eis in Synai sancto*. O gaudium, ô solemnitatis, ô triumphus, ô iubilus, ô exultatio, ô lætitia sempiterna! Alij clamant exaltare Domine in virtute tua; alij, surge Domine in requiem tuam, tu & archa sanctificationis tuæ; alij, quis est iste Rex gloriæ? alij Dominus virtutum, Dominus fortis & potens in prælio, alij quis est iste qui venit de Edom tinctis vestibus de Bosra? alij, iste formosus in stola sua gradiens in multitudine fortitudinis suæ; alij, Domine exaltetur manus tua ut non videant, alij ut videant & confundantur zelantes populi & ignis hostes tuos deuoret.

Denique alij memoriam passionis recolentes, & tantæ contumeliæ tantam gloriam conferentes dicunt: Ascende calue, ascende calue, quasi dicant. Tu calue, tu IESU, tu crucifixe, tu passe, tu mortue, tu cum latronibus appense, tu calue, cui nouacula malignantium Iudæorum pilos de fronte ralis, quando omnes discipulos in fugam vertit. Tu calue in quo Princeps mundi nihil inuenit, tu calue, qui ubi caput reclinare non habuisti, qui in natiuitate tua in diuersorio locum non inuenisti, tu calue qui de superfluo numquam aliquid usurpasti, sed continentissimè viuens, etiam corporis necessaria frequentissimè recusasti, ascende ad Patrem tuum & Patrem nostrum, ad Deum tuum & Deum nostrum. Ascende in Bethel, id est, in domum Dei, ascende super occasum, ascende super montes aromatum, ascende super Cherubim, ascende super omnem terram, ascende super solum excelsum & eleuatum, ascende super pennas ventorum, ascende non in lateribus Aquilonis, sed in sede magnitudinis, & sedens ad dexteram Patris, similis esto altissimo, accipiens totum in humanitate, quod antequam mundus fieret, habuisti apud Patrem in diuinitate, ut totum refundat diuinitas humanitati in ascensione quod promisit in descensione.

Cum enim sibi carnem verbum vniuit, in vnitæ personæ, quasi æqualitatem Patris promisit, non naturam humanam diuinæ equiparando, sed personam filij personæ Patris prorsus comparando: hodie in Ascensione Domini consummatum est opus Incarnationis, & meritum passionis, & præmium glorificationis. Iam non meminit caro CHRISTI pressuræ tribulationum quæ circumdederunt eam in passione, propter gaudium quod reperit in Ascensione, secundum enim multitudinem dolorum eius, consolationes Dei latificauerunt eam.

Congratulare itaque ô caro, ô homo forori tuæ, naturæ tuæ, quæ in CHRISTO glorificata est. Præsume iam de marito sororis tuæ, de sponso naturæ humanæ, quia coronata est, quia Regina facta est, quia Domina Angelorum constituta est, cum sponso sponsa sua, soror nostra. O bona soror reminiscere miserationum tuarum, immo miseriarum tuarum quæ abierunt, & nostrarum quæ nondum abierunt, sed magis ac magis de die in diem accrescunt;


SERMONES.

145

accrescunt, memor esto fratrum, immo seruorum tuorum, quibus non est substantia bene vivendi, quibus non est sanitas peccato resistendi, quibus non est lumen oculorum sufficienter inter bonum & malum discernendi, quibus non est penna amoris ad Deum euolandi, quibus non est virtus post te eundi, & te consequendi.

Trahe nos post te, dic sponso tuo, dic tibi ipsi, dic Deo nostro, dic Patri tuo, Pater volo ut ubi ego sum, illic sit & frater meus, & minister meus, & seruus meus & captiuus meus. Scimus scimus quia quaecumque poposceris à Deo, dabit tibi Deus. Quid tibi negabit cui se non negauit? Quid tibi negabit, qui dicit omnia mea tua sunt, & tua mea sunt? Quid tibi negabit, cum quo vnum marsupium, vnum corpus, vna anima, vna diuinitas, vna voluntas, vna obedientia, vnum meritum, vnum præmium, vnum velle & vnum nolle, vnum mori & vnum viuere, vnum petere & vnum præstare?

Ecce tam certi sumus de impetratione, si petere pro nobis volueris, quam voluntarij sumus de liberatione à captiuitate ista & miseria, cum ad te confugimus, ô caro Saluatoris nostri, ô natura humana capitis nostri IESV CHRISTI. Ne abomineris Ægyptium, & carnem tuam ne despexeris, pios ad nos conuerte oculos, & quam tuis Apostolis reliquisti benedictionem, cum eleuatis manibus ferebaris in cælum, eam nobis refundere digneris IESV CHRISTE, qui cum Patre & Spiritu sancto viuus & regnas Deus per omnia sæcula sæculorum. Amen.



DE ASCENSIONE DOMINI.

SERMO II.

NVNQVID per sapientiam tuam plumescit accipiter expandens alas ad austrum, aut ad præceptum tuum eleuabitur Aquila, & in arduis ponet nidum suum? In utroque istarum auium genere IESVS CHRISTVS Dominus noster, Fratres carissimi, designatur, diuersis quidem de causis, sed non contrariis sacramentis. In natura siquidem & actione creaturarum multiplici & diuersa, creatoris & redemptoris nostri simplex intentio circa salutem nostram, multipliciter plerumque signatur, & quod vnum est effectum, vario eloquitur affatu. Quare igitur per accipitrem, & quare per aquilam Dominica Ascensio mystice in scripturis obumbretur, dignum est inquisitione, & utile insinuare.

Considerata itaque proprietate naturarum accipitris & aquilæ, euidenter intelligere possumus comparisonem istam CHRISTO congruere, iuxta illud Apostoli: *Qui descendit, ipse est & qui ascendit super omnes cælos, ut adimpleret omnia.* In accipitre siquidem intelligimus, qui descendit: in aquila, qui ascendit: in accipitre simul & aquila, ut adimpleret omnia. In descensio-

T

nem plumescit accipiter per assumptionem hominis, in ascensione eleuatur aquila, & in arduis ponit nidum suum per glorificationem filij hominis. In descensione & ascensione implet omnia per redemptionem humani generis, & per restaurationem angelicæ defectionis. Sine plumis descendit, cum plumis ascendit.

Plumæ autem sunt in CHRISTO IESV anima & caro. Plumæ sunt collegium Apostolorum. Plumæ sunt collectiones gentium. Plumæ sunt illa virtutum charismata quæ requiescunt in flore illo qui egreditur de virga Iesse, Virgine MARIA. His plumis accipiter in vtero virginali per sapientiam Dei plumescit, quando Spiritus sancti obumbratione, sic originaliter plenitudo virtutum humanæ naturæ in IESV intexta est, quomodo originale peccatum filiis Adæ de traduce peccati in conceptione & natiuitate perpetualiter insertum. Vna & prima pluma IESV, est sapientia, secunda, intellectus; tertia, consilium; quarta, fortitudo; quinta, scientia; sexta, pietas; septima, timor Domini. His natura hominis plumata, ascendit ad consortium Dei, ad diuinitatem personæ filij, ad summum cæli, & vltra omnem principatum & potestatem, siue dignitatem angelici ordinis.

Nulla namque grauedo corruptionis deprimit carnem vel animam IESV, quò minus currat ad meritum, quò minns euolet ad præmium, tam singulare numero, quam speciale & inimitabile exemplo. IESV siquidem neque conceptio imitabilis, neque natiuitas comparabilis, neque vita comprehensibilis, neque mors similis, neque resurrectio communis, neque ascensio vsualis: vbi enim vsus visibiliter ascendere hominem in cælo? Vbi auditum est, tertia die hominem à mortuis resurgere? Vbi auditum est sine peccato hominem, & quando vellet mori? Vbi vita hominis in terra triginta & tribus annis immaculata à concupiscentia carnis, à concupiscentia oculorum, à superbia vitæ, ab omni labe peccatorum? Vbi natiuitas hominis, clauso vtero matris? Vbi conceptio hominis sine semine viri? Vbi in conceptione obumbratio Spiritus sancti?

Et numero itaque plurali carent ista Domine IESV tua opera, propter singularitatem auctoris, & exemplo, propter difficultatem operationis. Exemplo tamen nobis est tua conceptio, vt de Spiritu tuo timorem tuum concipiamus; natiuitas, vt amorem tuum pariamus, vita, vt paupertatem, innocentiam, humilitatem, mansuetudinem, caritatem, & castitatem misericordiam & pietatem teneamus; mors, vt obedientiam & patientiam seruemus: resurrectio, vt resurrectionem carnis credamus; ascensio, vt glorificationem corporum & animarum speremus. Sic enim & nos pulli tui, sub pennis tuis sub plumis tuis, pubescimus, plumescimus, cum studentes virtutibus nuditati nostræ fulcimenta comparamus. Vnde in canticis dicitur: *fulcite me floribus, stipate me malis.* Quod enim pluma sponso, hoc sponsæ flos est, & quod penna reuolanti ad æthera, hoc malum est punicum recumbenti in mensa.

Sponsa flores quatit in thalamo, mala punica in conuiuio. Sponsus plumas amat, quæ sunt ei ad decorem & mollitiem & calorem, & pennas quæ ad leuamen, quia sacramenta fidei decora sunt propter honestatem, mollia

propter facilitatem, calida propter caritatem, leuantia sursum, propter spem. Abhorret namque fides inhonestatem, temperat legalium mandatorum difficultatem, calefacit negligentium teporem, extollit carnalium hominum grauamen, vt tamquam linteo mundo superaccumbat honestati, tamquam puluinarī lenissimo inclinet caput, tamquam coopertorium superextendat caritatem, tamquam pennis innitatur spei soliditati.

Sed iam in fine sermonis retorqueamus caput ad pennulas, immo pennulas ad caput eleuemus, & in nido claustralis consuetudinis, plumis sanctorum obseruantiarum stipati post accipitrem magnum volitemus. Ille quidem vt gigas miris volatibus celsa præuolat: nos, quia paruos parua decent, iuxta profectum fragilitatis humanæ si volare non possumus, saltem humiliter post illum reptemus & vnicuique sicut diuiserit mensuram fidei, minora vel ampliora spatia virtutum proficiendo transmittamus. Ecce enim quidam volitare volentium post IESVM dicit, *Domine sequar te quocumque ieris*; sed sine pennis promittebat iste se volaturum; ideo ait illi Dominus: *Vulpes foveas habent, & volucres cœli nidos. filius autem hominis non habet ubi caput suum reclinet.* Alius autem videns infirmitatem suam, & volens volare nec valens ait; trahe me post te, quasi dicat: *Velle adiacet mihi, sed perficere non inuenio: Spiritus quidem promptus est caro autem infirma. Corpus quod corrumpitur aggrauat animam & deprimit terrena inhabitatio, sensum multa cogitantem*, vt non quod volo hoc faciam, sed quod nolo hoc agam, & quia scriptum est: *Pluuiam voluntariam*, id est, bonam voluntatem, segregabit Deus hereditati suæ & infirmata est, vt se cognoscat, tu vero perfecisti eam, vt de humilitate melius conualescat.

Sequitur quidam alius & dicit. *Curremus in odorem vnguentorum tuorum.* Ecce qui sine gratiâ, quasi ligatis pennis, & inuisicatis infectione primæ præuaricationis, volare non poterat, acceptâ gratiâ, currit viam mandatorum Dei, vt non sit volentis neque currentis, sed miserentis Dei, & totum sit de odore vnguentorum, quod currimus, quod bonum volumus, quod bonum facimus, ne quis in se gloriatur. Quartus quidam de ordine volitantium post aquilam & accipitrem dicit: *Apprehendam te*, iam non es de terris, iam oblitus es corporeæ grauedinis, qui hoc dicis. Fortè ille est qui dicit: *suppleo ea quæ defunt passionum Christi in corpore meo.*

Adhuc nescio quis vel quæ sequitur, & intenso volatu etiam istum transit, & dicit, Teneo illum. O virtus quæ virtutem virtutum tenet! O velox vehementer spiritus, qui spiritum Deorum apprehendit. Sequitur cautior quædam quæ viderat germanam suam accipitrem apprehendisse, tenuisse, sed non retinuisse, & dicit. *Tenui eum nec dimittam.* Ecce perseverantia quæ caudam in sacrificio offert. Sequitur alia quæ dicit: *Ducam illum in domum matris meæ, & in cubiculum genitricis meæ, ibi me docebit præcepta Domini.* Adhuc alia sequitur quæ est videns in se animam suam dicit. *Adhæsit anima mea post te, me suscepit dextera tua.* Ista cum Deo est & in Deo est, & sine Deo non est, vna columba, vna matri suæ, electa genitrici suæ, sequitur & attendit alias dicens, *Dilectus meus mihi & ego illi, inter vbera mea commorabitur.* Cum ista Deus est, & in ista Deus est, & ad istam gratia Dei bona &

beneplacens & perfecta est.

Istæ, Fratres carissimi, diuisiones gratiarum, quæ habent in cælo diuisiones mansionum, & in peregrinatione diuisiones perfectionum, vt sicut est cælum, & cælum cæli, & cæli cælorum, sic paulatim castrametari nouerint in fidelibus Dei, studia virtutum, donec occurramus omnes in virum perfectum, in mensuram ætatis plenitudinis Christi. Festinemus Fratres, ingredi in illam requiem, antequam ostium sic pertinaciter claudatur, vt ulterius nunc clamantibus, Domine Domine aperi nobis, referetur. Ecce diuisit IESVS spolia, ecce naues plenas, quasi remigando per hoc mare magnum & spatiosum ad portum cæli deduxit, exonerat, & singulis amicorum suorum, singula munera numerat.

In toto grege illo innumerabilium millium Angelorum, non erit vel vnus qui non nouis muneribus ab illo honoretur: tantum festum in cælis ab æterno non fuit solemnizantium; tantum gaudium non fuit excogitatum, tantus iubilus non fuit auditus in omni genere musicorum, cantorum & psallentium, tantum conuiuium quis fecit, tantum conuentum quis vidit, tantum thesaurum quis intrauit? O IESV, tua solemnitas est, tua assumptio est, tua glorificatio est, tua dedicatio est, fac cum seruis tuis, cum pauperibus tuis, cum vinctis tuis, cum exulibus tuis, cum damnatis tuis, fac gratiam, fac misericordiam, fac solutionem, fac liberationem, fac refectionem, fac saluationem, qui cum Patre & Spiritu sancto viuis, &c.



DE ASCENSIONE DOMINI.

SERMO III.

Iob. 39.
62.

NVMOVID per sapientiam tuam plumescit accipiter expandens alas ad austrum, aut ad præceptum tuum eleuabitur aquila; & ponet in arduis nidum suum? Hodie, Fratres carissimi, summus Pontifex IESVS qui est Sacerdos in æternum secundum ordinem Melchisedech, sancta sanctorum in sanguine suo penetrauit, & patri spirituum fragrantissima odora menta meritorum suorum de thuribulo glorificati corporis incensauit. Recurrit etiam hodie vitta aurea, quia IESVS vnde venerat rediit, & sol ad locum suum reuertitur, ibique renascens girat per meridiem & flectitur ad aquilonem. Nam de throno gratiæ meridianos illustrat per gratiam suam, animos aquilonares ad pœnitentiam sustinet, & conuersos suscipit.

Hodie decem gradibus conuersa est per ascensionem retrorsum vmbra illa CHRISTI IESV, in qua viuemus inter gentes, quod factum est in signo sanitatis Ezechie. Decem namque gradibus retrorsum in ascensione sua Dominus IESVS rediit, quia super Angelos, Archangelos, Virtutes, Potestates, Principatus, Dominationes, Thronos, Cherubim & Seraphim, vno gradu præcellens eos, assumpta in Deo humana natura superascendit, &

omnia sub pedibus suis dominatione subiecit, vt & ipse subiectus sit ei qui sibi subiecit omnia, donec ponat omnes inimicos suos sub pedibus suis. Breui & uno sermone cuncta quæ ad præsentem pertinent solemnitatem tam esse onerosum perstringere, quàm difficile proferre. Sufficiat autem in præsentem aspicere, quomodo accipiter ille qui plumescit per sapientiam Dei, expandat alas suas ad Austrum, & quomodo aquila in arduis ponat nidum suum.

Nobiles & divites homines valde delectantur in accipitre, & propter ludum & propter fructum. Ludunt enim in aue ista contra tedium, capiunt aves, sed propter cibum: circumferunt denique illum per amœna illa loca, in quibus aliæ aves quasi libertate & solitudine utebantur; & ibi capiunt in aue aves, sed nihil horum fieret, nisi prius plumesceret accipiter vario & delectabili plumarum ordine, & flante austro cœli temperies arrideret. Tunc enim expandit alas ad austrum, tunc captivam ducit captivitatem, tunc dat dona dominis suis, prædam domesticis suis, & cibaria ancillis suis.

Iesus accipiter est, cuius plumæ virtutes sunt, pulchræ propter veritatem, leues propter sanctitatem, lenes propter mansuetudinem, variæ propter gratiarum multitudinem. Hic per sapientiam Dei plumescit accipiter, quia natura humana nullatenus merebatur ut verbo Dei uniretur, & vt plenitudine Diuinitatis corporaliter infunderetur, per sapientiam in mysterijs à sæculis absconditam, quando & quomodo hoc fieret in fine sæculorum & in plenitudine temporum, de vtero virginali, cum plumis cælestium virtutum fecerit vt IESVS nasceretur Deus homo & homo Deus. In antro enim illo plumescit accipiter noster, quia antequam de Virgine conciperetur, caro de qua conciperetur obumbrante Spiritu sancto sanctificata est, antequam exiret de vulua, Deus homo factus est.

Cum plenitudine igitur plumarum, id est, gratiarum accipiter noster ad volandum ubique terrarum ad capiendum omne genus auium de ventre virginali prodiit: & missa stella, statim Magos in alis fidei & cepit, & ad se adorandum adduxit. Expandit quoque alas ad Austrum dicens: *Non sum missus nisi ad oves quæ perierunt domus Israël*, quæ propter patres & legem, australi feruore vnum Deum colebant. Hic accipiter præter illas suæ originis & natiuitatis virtutum plumas, quæ naturaliter in eo radicatæ, euelli non poterant, plumas alias in collectione discipulorum assumpsit, & in his in uniuersum orbem circuiuit, quia in omnem terram exiit sonus eorum, qui ut sonus multitudinis atque castrorum erat. Explumauerunt autem cum Iudaicæ spinæ Apostolicis plumis in passione, quasi in hyeme, quando relicto eo omnes fugerunt. Ad odorem verò resurrectionis & ad flammam æstiuæ temporis redierunt plumæ, & melius atque fortius inhaerentes, potuerunt prius commori cum eo, quàm ab eo auelli.

In die ergo Ascensionis siue euolutionis accipiter sic alloquitur plumas suas, *Euntes in mundum uniuersum, predicate Euangelium omni creaturæ, qui crediderit & baptizatus fuerit, saluus erit, &c.* Ecce ad Austrum expandit alas suas accipiter noster qui per sapientiam plumescit, non solum in conceptione compingens corpus virtutum, & animam gratiarum, sed etiam

Mar.
15. 24.

Marc.
15. 24.

in Resurrectione reuocans collegium Apostolorum, quia in Ascensione pro-
uocat ad volandum præcepto & exemplo, cum illos mittit in vniuersum
mundum, & ipse eleuatis manibus ferebatur in cælum. Tunc accipiter ver-
sus est in aquilam, quæ in arduis ponit nidum suum, quousque illum videre
potuerunt, volantem accipitrem aspexerunt. Cum verò nubes suscepit eum
ab oculis eorum tanquam aquila eleuatus est, & in arduis, id est ad dexteram
Patris posuit nidum suum, id est, thronum suum. Bene autem thronus iste
dicitur nidus, quia fœtus suos ibi fouet, parit & nutrit, dum peccatores
fouet per patientiam, parit per misericordiam, nutrit per indulgentiam.

Sed iam, fratres charissimi, attendamus accipiter noster siue aquila vnde
& quò & quâ volauit, & si ad perfectum apprehendere illum non possumus,
tamen vtrumque conatis vestigiis, ut de longè post eum claudicemus. Vnâ
verè clausulâ compendiosissime in Euangelio volatus iste definitur, vbi dici-
tur; à Deo exiit & ad Deum vadit: item ipse ait, *Exiui à Patre & veni
in mundum.* Item: *Relinquo mundum & vado ad Patrem.* Ecce habes vnde
& quò volauit. Vis videre quâ, *Ego sum veritas via & vita.* Ecce habes quâ
& vnde & quò. A Patre venit, quia Pater eum misit: ad Patrem rediit, quia
Pater illum glorificauit claritate quam habuit priusquam mundus esset. Per
seipsum venit & vadit, quia tam voluntarius ad mortem Patri obediuit per
vniformem & eandem voluntatem cum Patre, quàm voluntarius recurrit
ad immortalitatem & glorificationem.

Ioan.

16. 28.

Ioan.

14. 6.

Dicat itaque ad patrem & vnusquisque nostrum, *exiui à Patre & veni in
mundum:* item *relinquo mundum & vado ad Patrem.* Pater à quo exiui
Adam est, Pater ad quem redeo, Deus est: veni ergo à Patre Adam cum
peccato originali, vado ad Patrem Deum, cum gratia spiritali: malè
exiui, malè introiui. Exiui à malo, & veni ad malum: malum ergo malum
est, dicit omnis qui exiuit à patre carnis & venit in mundum malignitatis.
Malum originale, malum actuale. A mala radice veni ad malum ramum:
sed malum radicis pullulauit virus, vnde toxicatus est furculus rami.


A planta ergo pedis usque ad verticem non est in me sanitas, quia in pec-
catis concepit me mater mea, & in mala consuetudine concepit me con-
scientia mea. In carne mea non inuenio bonum, quia corruptæ sunt cicatri-
ces meæ à facie insipientiæ meæ: & in anima mea inuenio malum, quia ibi
regnat concupiscentia mala. De peccato enim procedit peccatum, cum ab
anima tanquam ab interioribus ad carnem egreditur euaporatio mali desi-
derii, & in carne tanquam reciproca confricatione validius consurgit fo-
mentum peccati, stupam nostræ fragilitatis incendens, & vsque ad consum-
ptionem exurens. Quid ergo faciam infelix homo? quis me liberabit de cor-
pore mortis huius? gratia Dei per IESVM CHRISTVM, qui item reliquit
mundum & vadit ad Patrem.

O homo relinque mundum conuersatione, odio, despectione, egressionem,
mortificatione, vt sis mundo mortuus affectione, & mundus tibi eiectione.
Relinque tanquam excommunicatum, tanquam leprosum, tanquam hære-
ticum, tanquam perditorem, tanquam latronem, tanquam homicidam,
tanquam sterquilinum, tanquam lacum, tanquam infernum, tanquam cloa-

eam spurcissimam. Vade autem ad patrem tanquam ad epulas, tanquam ad nuptias, tanquam ad patriam, tanquam ad coronam, tanquam ad stolam, tanquam ad refugium, tanquam ad portum, tanquam ad cœlum, tanquam ad Deum.

Sed quia venisti à patre in mundum, vel quia rursus de mundo vadis ad patrem: à patre utique per concupiscentiam carnis, per ardorem libidinis, per inobedientiam mandati existi, & in mundum venisti, ubi cum fanore peccati quæ detuleras multiplicasti, dum fœnum, stipulam & ligna sæcularium verborum, operum, & cogitationum fomento peccati tanquam adiecisti: eatenus quoque in mundo conuersatus præceps ferebaris de fouea ad foueam, de malo ad peius, de iniquitate ad iniquitatem ut sanguis sanguinem tangeret, & residuum bruci locusta comederet, & pilosus alter ad alterum clamaret, & peccatum tanquam restem traheres, cum de lupanari ad latrocinium, de latrocinio, ad periurium, de periurio ad maleficium, de tabernâ ad theatrum curreres.

Ecce quâ viâ existi à patre & venisti ad mundum, vel etiam quâ viâ perambulasti mundum. Item ergo exeundum à mundo, & veniendum ad patrem, sed aliâ viâ, quia & ad aliam patriam. Fratres mei ecce itinera quibus de dormitorio venitis ad monasterium, de monasterio ad claustrum, de claustro iterum ad monasterium, vel ad capitulum, de capitulo ad agrum, de agro ad refectorium, sine dubio bona sunt, sine dubio ad patrem vadunt. Si semper ante conspectum vestrum Deum aspiciatis, si semper sursum corda habetis, si semper quæ sursum sunt queritis, si semper desiderium vestrum coram Deo funditis, & donec veniatis ad locum ubi Israël contemplatur Deum Deorum in Sion, non cessatis post tergum eius currere, qui viuit, &c.



D E P E N T E C O S T E.

S E R M O I.

AD V E N I T ignis, diuinus non comburens, sed illuminans; nec confumens, sed lucens, & inuenit corda discipulorum receptacula munda, tribuit eis charismatum dona; inuenit eos concordēs caritate, & illustrauit eos inundans diuinitas claritatis. Priusquam admoeam linguam ad loquendum, & manum ad scribendum de Spiritu Dei, implorem gratiam eius, de quo loqui volo, ut lotus in fonte gratiæ verum de Spiritu veritatis sermonem faciam, purum à spiritu veritatis alueum conscientiæ attraham, ut nauicula linguæ nec in paludibus mendacii succumbat, nec in sicco vanitatis hæreat.

Veni ergo sancte Spiritus reple tuorum corda fidelium, & tui amoris in eis ignem accende: reple nos de plenitudine tua, accende de igne & calore tuo; qui omnia contines, qui omnia foues: imple quos contines, fecunda

quos fones, ut de repletionemur, accendamus, viuamus de fecunditate nobilitemur, multiplicemur, perpetuemur, satiemur dulcedine, accendamus caritate, viuamus claritate, nobilitemur adoptione, multiplicemur numero, perpetuemur auro.

Planè nobilis ille Spiritus processione non natiuitate, quia nulla ei de patre natiuitas sed processio, nulla de matre quæ non est vel natiuitas vel processio, sed sicut à Patre procedit, sic procedit & à Filio. Nil autem Patre nobilius & Filio, sicut Deo nil est sublimius: & ut ab inferioribus ad sublimiora exemplum trahamus, quid nobilius in homine spiritu hominis: sic in Deo nihil nobilius Spiritu suo. Quid verò nobilitatem Spiritus appello, nisi identitatem cum Patre & Filio; aut quam nobilitatem petimus à Spiritu Sancto, nisi ut vnum simus cum Patre & Filio? præstet nobis vnitatem cum Patre & Filio & Spiritu sancto.

Sed quomodo fiet istud Spiritus Sancte? ut abiectissimus vermiculus adsumatur ad tam sublimem trinitatis vnitatem, & nullam ex hoc recipiat iniuriam summa trinitas, nullam multiplicationem summa vnitatis, nullam degenerationem summa maiestas, nullam commutationem summa identitas, nullam mutabilitatem, summa stabilitas & immutabilitas. Nec tamen hoc & sigillatim, ut non sit illo toto aliquod aliud totum maius: nec suum totum simul adeò mirandum ut credere diffidas, quia tota Trinitas tale totum est simul in trinitate maius est suo toto sigillatim in personarum discretione; quicquid autem ad illud totum accedit, ut incarnatio Verbi, non facit illud totum aliquod maius totum, quia nec facit aliud totum quam idem totum erat, antequam ad ipsum accederet id quod non erat cum toto illo, & ideo nec totum esse poterat, cum sine toto illo esse non posset. Cum ergo vnum efficimur in toto illo quod Trinitatem & unitatem nominamus, nobis quidem fit melius, ipsi verò non fit maius vel melius.

Queramus itaque quid nobis fiat cum accesserimus per Spiritum sanctum tanquam per vinculum & coagulum ad Patrem, & Filium & eundem Spiritum sanctum; coagulum namque licet consubstantiale Patri & Filio, nos ad inuicem compaginat & ad sanctam Trinitatem copulat. Vtitato nomine hoc coagulum charitas appellatur; nec aliunde autem conficitur hoc coagulum, nisi de tenerrimis & tenacissimis medullis Patris & Filii, quibus ad se se diligendos æternali meatu confluunt.

Cum ergo infusum fuerit hoc coagulum caritatis in cordibus fidelium teneritudine sua, teneritudine emollit receptacula sua, tenacitate solidat, ut emollita & quasi liquefacta ad se inuicem ipsa corda recurrant, & commisceantur; similitudine certè liquoris similiter in diuersis operante, & in se, à se prius separata, conglutinante & confortante, ut solidata teneant, nec dimittant, quod in teneritudine apprehendant. Ex diuersis igitur cordibus facta in vnum collectione morum, ille qui habitare facit vnius moris in domo, ad vnitatem reuocat dispersiones, ad pacem dissensiones, ad fidem hæreses, ad caritatem discordes: fit ergo nobis vnitatis de multitudine, fit concordia de diuersitate, pax de rancore, castitas de corruptione, securitas de pauore, tranquillitas de perturbatione, charitas de emulatione,
gratia

gratia de subfannatione.

Ecce quid faciat nobis coagulum spiritus, simul quidem nos invicem colligens, Deo verò * coiciens. Cogita si potes quomodo Spiritus Dei spiritum hominis assumens introducat in palatio Trinitatis, & suspiret gemitibus inenarrabilibus post se illum trahere ad nota cubilia medullarum Patris & Filii, ut ibi audiat quæ non licet homini loqui, ut ibi videat, quæ oculus non vidit, audiat quod auris non audiuit, intelligat quod in cor hominis non ascendit. Cogita quid tunc cogitet spiritus humanus, cum viderit cogitationes pacis & non afflictionis; cum viderit sine nauigio phantasmatum & imaginationum corporalium, enauigare se flumina illa cælestium charismatum; cum viderit reflexiones dulcedinis à Patre in Filium, & à Filio in Patrem, remigio Spiritus Sancti refundi: cogita quid iocunditatis hauriat spiritus humanus cùm in extasi sua viderit fila prædestinationis ligata in corde Dei, tam subtilia, ut nemo apprehendat, tam fortia, ut nemo interrumpat, tam longa, ut fines sæculorum intra se includant, tam retentiva, ut nemo euadat, tam complexa ut nemo soluat.

Cogita quantum admiretur Spiritus tuus, cum secundum nomen suum, cognatione finitimâ spiritalem viderit se factum, & in Spiritus sancti societatem receptum, à quo bono recipiat bonitatem, à quo sancto innocentiam; à quo iusto iustitiam; à quo vivo vitam, à quo casto castitatem, à quo sapiente sapientiam, à quo mansueto mansuetudinem, à quo pleno & plenè pleno, plenitudinem plenitudinum, & plenitudinem recipiat gratiarum. Cogita quàm valida concussione exhorrescat mala sua spiritus tuus, cum viderit profundum sanctificationis in Spiritu Dei disputans & reputans, se, si caruisset iniquitate, non caruisse tanta & tali societate. Cogita quàm appetibili deferatur progressu, ut prælibata glutinosius hauriat gaudia, donec de ventre eius fluant aquæ vivæ, & fiat in eo fons aquæ salientis in vitam æternam.

Cogita & semper cogita, ne luctus occupet extrema gaudii, ne cum spiritu cæperis, carne consumeris, ne cum lucifero, de cælo ad tartara labaris, ne à sancto proposito ad sæcularia traharis, ne desertus à Spiritu sancto, maligno spiritui tradaris, ne paradiso amissò, in inferno cum diabolo crucieris, sic cogitanti spiritui aduenit ignis diuinus non comburens sed illuminans; nec consumens, sed lucens, aduenit spontaneus, quia nullis meritis præuenitur aut cogitur venire, aduenit & attractus, quia per præuentam mentem à gratia operante, non recusat per cooperantem cumulare ampliori charismatum munere.

Aduenit ut dominus, ut hospes, aduenit ut colonus; aduenit denique ut ignis diuinus: dominus ad feruum; hospes ad hospitium, colonus ad agrum, ignis ad sylvam lignorum aduenit. Non opprimit dominus feruum, in spiritu seruitutis omnia imponens, non molestat hospes hospitem suum aut hospitium, exigendo impossibilia, aut præsumendo sine mercede possibilia. Colonus non negligit agrum suum, spinas & tribulos extirpando, sed colit diligenter bona semina ferendo: ignis sylvam illam argenti & auri & lapidum preciosorum non comburit sed illuminat, non consumit, sed examinat, ut argentum sit septies purgatum, aurum sit obrisum, lapides sint igniti ad dete-

gendum opprobrium Ægypti à labiis prophetis.

Cùm ergo præueniens gratia sic quasi præcurrit seipsam, tunc inuenit corda discipulorum receptacula munda, & tribuit eis charismatum dona; talia enim inuenit gratia subsequens, qualia præparat gratia præueniens; receptacula, inquit, munda, quantocumque aliarum apparatu virtutum venustentur templa illa, siue corda, ad quæ sanctus Spiritus aduenit; parum tamen digna est habitatio, nisi totum pauimentum & parietes superornauerit charitatis dealbatio. Appellant Spiritum sanctum ieiunia, instigant orationes, vocant vigiliæ, mouent silentia, eleemosinæ infranant; adducit contemplatio, seu meditatio, introducit compunctio, excipit continentia, ministrat charitas, saporat pax.

Si talem familiam in corde inuenerit gratia, quid faciat, nisi reddat gratiam pro gratia? nam quid est aliud, inuenit corda discipulorum receptacula munda, retribuit eis charismatum dona, nisi dedit gratiam pro gratia? ô sancte Spiritus cor mundum crea in nobis, vt munda receptacula præparemus tibi, vt euacuemus fel rancoris & venenum malitiæ à facie tua, quatinus beneplaceat tibi in animabus nostris, & vt idonei simus & si non ad genera linguarum, ad plenitudinem tamen gratiarum; quod ipse præstare dignetur, qui viuut & regnat per omnia, &c.



DE PENTECOSTE.

SERMO II.

ACT. 2. 1. **L**OQUEBANTUR variis linguis Apostoli magnalia Dei: tympana siue cymbala nullum sonum reddunt, nisi in medio pendens quoddam percussorium, quod vulgò appellatur batallum, hinc inde resonans ætrem longè & propè musico sonitu percusserit, sic certè Apostoli sine voce ante aduentum Spiritus sancti, fidem quidem Christi habebant, sed prædicare non audebant. Ex purissimo metallo adhuc cum eis in carne positus rotundà perfectione * fundator ille cælestium signorum corda illorum liquefecerat, & in aptissima signa jam præparauerat, quia omnia quæ audiuit à Patre suo nota eis fecerat, & omnia ecclesiastica sacramenta eis tradiderat.

* vel fusor.

Iacebant tamen illa signa siue tympana absque batallo, quod vocem eorum in omnem terram diffudit postea, & in fines orbis terræ verba eorum, donec complerentur dies Pentecostes, & factus est repente de cælo sonus, tanquam aduenientis spiritus vehementis, & repleuit domum totam, ybi erant sedentes Apostoli, & repleti sunt omnes Spiritu sancto, & cœperunt loqui variis linguis, prout Spiritus sanctus dabat eloqui illis. Misit ergo Apostolis Verbum quod ascenderat ad Patrem batallum prædicationis in igneis linguis, quò fidei cymbalum tangerent, & ad aures mentium sonum subli-

mis Dei per doctrinam & exhortationem intonarent. Accepto autem huiusmodi plectro, loquebantur variis linguis Apostoli magnalia Dei.

Quia Spiritus sanctus in igneis linguis, fratres charissimi, apparuit, linguas nostras castigamus ab otiosis, à superfluis, à nociuis, à mendacijs, à detractionibus, à murmurationibus, ab impuris & sordidis locutionibus; lingua enim quæ huiusmodi fœcibus & paludibus immersa fuerit non loquetur magnalia Dei, non loquetur potentias domini, non cantabit misericordias domini, non laudem Domini, non legem, non sapientiam meditabitur. O lingua si Spiritu sancto impleta fueris, organum Dei eris, si serpentino infecta veneno discordias inter fratres seminaueris, flabellum immò & flagellum diaboli eris. Lingua bona nuncius bonus est, qui nec adsentit adulationi, nec offensionem accedit, nec à veritate recedit: lingua nequam, lingua dolosa *modicum quidem membrum est*, vt ait Iacobus Apostolus, *sed magna exaltat. Ecce*, inquit idem Apostolus, *quantus ignis quam magnam syluam incendit, & lingua ignis est, quæ maculat totum corpus, & inflamat rotam natiuitatis nostræ, inflammata à gehenna, inquietum malum, plena veneno mortifero.* Iacob. 3. 5. 6. &c.

Talis fuit lingua serpentis antiqui, quæ in paradiso incendit totam syluam generis humni, radicem succendens suggestionem, & ramorum multitudinem consumens vetiti pomi degustationem; vnde originale peccatum meauit in omni filiorum Adæ posteritate. Proculdubio maculauit totum corpus Adæ & Eux, pudendis eorum membris prima inobedientiæ rudimenta propinans statim vt pomum homo comedit; & sicut Deo inobediens fuerat homo, sic animo vel ipsi homini motus ille pudendorum nequaquam obtemperare ulterius adquiesceret. Inflammat etiam rotam natiuitatis nostræ inflammata à gehenna, quia cum originali peccato, vnde fomes peccati & concupiscentia, siue lex membrorum est, nascimur; & sic rota semper circumvoluitur, sic à iugo peccati nunquam à die natiuitatis excutimur, inquietum malum propter auaritiam, plena veneno mortifero propter nequitiam.

O homo, ô Adam, ô genus humanum, ô anima, quid detur tibi, aut quid apponatur tibi ad linguam dolosam? Sagittæ procul dubio potentis acutæ cum carbonibus desolatorijs, immò linguæ igneæ, linguæ variæ, linguæ canum, linguæ Angelorum. Sagittæ equidem acutæ contra dolum, carbones desolatorii, contra venenum, linguæ igneæ, contra peccatum, linguæ variæ contra tædium, linguæ canum contra vulnus inflictum, linguæ Angelorum contra linguam serpentis. Viam ad cor aperit sagitta, rubiginem consumit carbo desolatorius, congelatum & stultum instruit & accendit lingua ignea, tepidum & tædiosum, releuat lingua varia, faucium sanat lingua canum, terrenum, cantica de canticis Sion edocet lingua Angelorum.

Illi ergo, qui Spiritus primitias acceperunt, loquebantur variis linguis magnalia Dei: planè egrediebantur foras, vt de plenitudine quæ fuerant Spiritu sancto repleti, eructarent verbum bonum, & loquerentur in idipsum, spiritualibus spiritualia comparantes: lingua enim quasi hostiarius ad ianuam residet cordis interpres cogitationum & affectionum, intrinsecus quasi in

clauſtro latentium, & numquam ad publicum niſi referante portam hoſtario, progredientium. In ea autem eſt vt tam timeat ei cor perſuadere ad loquendum frigidam malitiam, quàm non poteſt diu reſidere infra clauſuram linguæ igneæ tepida mentis affectio; quod namque intra eſt calefacit, quod extra exurit.

Nefcit lingua ignea cor frigidum; flammeus gladius atque verſatilis eſt; ex eo quod flammeus charitatem nutriendus, ex eo quod verſatilis mobilitati cordis obſiſtens, flammeus propter charitatem, verſatilis propter varietatem. Charitas autem eſt motus animi ad diligendum Deum propter ſeipſum, & amicum propter Deum: vt enim natura ignis alta petit, & iuxta poſita calefacit; ſic charitas, quæ in nobis eſt, & Deum à quo eſt diligendo repetit, & proximum qui iuxta ſe eſt, amplectendo colligit; nec diuerſa eſt charitas, ſed diuerſus effectus charitatis, quâ Deum vel proximum diligimus, ſicut non eſt diuerſus ſpiritus, qui in lingua & igne apparuit, ſed aliud in lingua, aliud in igne intelligimus; in lingua ſobrietatem habemus ad proximum, in igne exceſſum mentis ad Deum, vt ſiue ſobrii ſimus nobis, ſiue mente excedamus, Deo.

In lingua Chriſtum crucifixum, in igne ſapientiam inter ſapientes prædicemus, in lingua actiui, in igne contemplatiui ſimus, in lingua primas tabulas legis cum Moyſe, in igne ſecundas Euangelii accipiamus; in lingua mores noſtros componamus, in igne profunda fidei noſtræ myſteria rimemur; in lingua confeſſionem in igne potentiam accipiamus; variis autem linguis loquebantur Apoſtoli magnalia Dei, ſe accuſantes & Deum glorificantes; ſapientiam in creatione rerum narrantes, bonitatem in reparatione generis humani commendantes; gaudentes cum gaudentibus flentes cum flentibus, quocumque ibat Spiritus, euntes & in ſimilitudinem fulguris reuertentes; faciem hominis prædicando, incarnationem præferentes; faciem vituli prædicando paſſionem & mortem, faciem leonis prædicando reſurrectionem, faciem aquilæ extentæ deſuper, prædicando aſcenſionem.

Ecce quomodo variis linguis loquuntur Apoſtoli magnalia Dei; quare variis linguis, cum vnus atque idem Spiritus ſit, qui loquitur in eis? proſectò quia diuiſiones gratiarum ſunt, certè quia ſpiritus intelligentiæ eſt ſanctus, vnicus, multiplex, ſubtilis, diſertus, mobilis, incoinquinatus, certus, ſuauiſ, amans bonum, acutus, qui nihil vetat bene facere, humanus, benignus, ſtabilis, certus, ſecurus, omnem habens virtutem, omnia perſpiciens, & qui capiat omnes ſpiritus intelligibiles, mundus, ſubtilis. Quid ergo mirum, ſi varias facit linguas, qui tam varias habet gratias? in cythara, ſiue pſalterio vnus ejuſdem digiti pullatio alium in hac chorda reddit ſonum, alium in alia, atque tot modis variatur modulatio, quot modis in inſtrumento digitus intenſius, vel remiſſius tetigerit plectrum in quo pendet omnium chordarum congregatio.

Principaliter tamen duo conſideranda ſunt in variis linguis, vt varietas iſta vel ad pulſantem ſpiritus pertineat, qui ſuperius tam variè deſcribitur, vel ad diuerſam auditorum qualitatem, quæ non niſi per ſpiritus à doctore per-

capitur: qualiter namque sint ammonendi viri, qualiter feminae qualiter saeculares, qualiter regulares, qualiter incipientes, qualiter proficientes, qualiter perfecti, qualiter verecundi, qualiter contumaces, qualiter singuli juxta aetatem, complexionem, ordinem, & omnimodam distinctionem omnium circumstantiarum, doctor nullus sciret nisi ille qui habet omnem scientiam doceret; varietatem ergo linguarum ministrat Spiritus, qui varia quidem descriptione appellatur, sed nullâ diffinitur.

Dicitur Spiritus intelligentiæ, Filij æqualitate; dicitur Sanctus & nomine & re; dicitur vnicus processionis singularitate; dicitur multiplex, gratiarum multiplici diuisione; dicitur subtilis naturæ & rationis incomprehensibilitate; dicitur disertus promptissima differendi facultate; dicitur mobilis immensitate; dicitur incoinquinatus puritate; dicitur certus incommutabili veritate; dicitur suavis patientiæ longanimitate; dicitur amans bonum, naturæ proprietate; dicitur acutus, ingenii viuacitate; dicitur qui nihil vetat bene facere mandati præceptione, aut prohibitione; dicitur humanus compassione dicitur benignus munerum largitione; dicitur stabilis æternitate; dicitur certus promissione; dicitur securus defensione; dicitur omnem habens virtutem, potestate; dicitur omnia prospiciens illustratione; dicitur qui capiat omnes intelligibiles spiritus claritate, dicitur mundus honestate; dicitur subtilis præscientiâ, seu prædestinatione.

Non tamen variatur vnus atque idem Spiritus, vt aliquando sit sanctus, & non vnicus, aliquando vnicus, & non multiplex, aliquando multiplex, & non subtilis, aliquando subtilis, & non disertus, aliquando disertus, & non mobilis, aliquando mobilis & non incoinquinatus, aliquando incoinquinatus, & non certus, aliquando certus, & non suavis, & aliquando bonum amans, & acutus &c. Sed simul & semel hæc omnia natura Spiritus complectitur. Vndecumque enim & quodcumque & de quacumque necessitate aut indigentia gratiam Spiritus sancti postulaueris, de plena archa accipies vnde omnia propulsentur incommoda tua; nec tamen exinaniantur archæ redundantia. In hac archa vestes varias & multicolores repositas conseruet gratia, vt sicut variis linguis eruditur nostra insipientia, sic indumentorum varietate nostra vestiatur nuditas, decoretur deformitas, & circumornetur rusticitas. O fons olei Spiritus sancte de riuulis tuis funde & infunde cordibus nostris peccatorum remissionem, gratiarum plenitudinem, benedictionum cælestium vbertatem.

Proportionali autem descriptione, vt possumus nostrum depingamus spiritum, vt singulis nostris indigentis, singulae veniant intitulationes Spiritus Dei, & contrariis contraria rependat, non ad malum sed ad bonum Spiritus ille bonus qui non reddit nobis in præsentem secundum merita nostra, sed secundum gratuitam bonitatem suam. Meus ergo spiritus, ô Domine, spiritus est insipientiæ, cum tuus sit spiritus intelligentiæ; meus peccator cum tuus sit sanctus; meus vtinam adoptiuus, cum tuus sit vnicus; meus vtinam vel vnam habeat benedictionem, cum tuus multiplex sit in benedictionibus; meus rudis cum tuus sit subtilis; meus mutus cum tuus sit disertus; meus tardus cum tuus sit mobilis; meus contaminatus cum tuus sit in-

coinquinatus; meus varius cum tuus sit certus, meus impatiens cum tuus sit suavis; meus diligens iniquitatem, cum tuus sit amans bonum; meus obtusus cum tuus sit acutus; meus vetat benefacere per negligentiam, cum tuus nihil vetat benefacere; meus inhumanus cum tuus sit humanus; meus crudelis, cum tuus sit benignus, meus instabilis, cum tuus sit stabilis; meus pauidus cum tuus sit securus; meus nullam habens virtutem, cum tuus omnem habeat virtutem; meus nullam habens prudentiam, cum tuus omnia prospiciens; meus nec seipsum capit cum tuus omnes capiat intelligibiles spiritus; meus immundus cum tuus sit mundus; meus hebes cum tuus sit subtilis.

Verfa ergo, benigne Spiritus & effunde ex hoc tuo spiritu in hoc nostro spiritu, ut tua sapientia vincat insipientiam nostram; tua sanctificatio impietatem nostram, tua vnica processio descensionem nostram; tua multiplex gratia multiplicem offensionem nostram; tua subtilitas crassitudinem nostram; tua disertudo impeditam linguam nostram; tua mobilitas pigritiam nostram; tua incoinquinatio corruptionem nostram; tua certitudo dubietatem nostram; tua suauitas asperitatem nostram; tua dilectio boni malignitatem nostram; tuum acumen inertiam nostram; tua humanitas duritiam nostram; tua benignitas avaritiam nostram; tua stabilitas inconstantiam nostram; tua securitas trepidationem nostram; tua certitudo ambiguitatem nostram; tua virtus infirmitatem nostram; tua providentia cecitatem nostram; tua diuinitas fragilitatem nostram; tua munditia immunditiam nostram; tua subtilitas hebetudinem nostram. Ista magnalia tua loquimur variis linguis, immo variatis Domine, si de spiritu tuo dederis nobis, sicut Apostoli repleti Spiritu sancto loquebantur variis linguis magnalia Dei, quod nobis prestare digneris, qui viuis & regnas Deus per omnia secula, &c.



DE PENTECOSTE.

SERMO III.

Pf. 50. **C**OR mundum crea in me Deus, &c. In aceruo diuinorum beneficio-
 12. rum meridianur hodie Apostoli, dum multo nouæ gratiæ debriari,
 Aet. 5. liquefacti sunt in amorem diuinum, & hinc inde vallati liliis gratiarum,
 29. ab humano timore in securitatem æternam transierunt dicentes; *melius est
 obedire Deo quam hominibus*. Hactenus neque totum quod habebat Deus
 homini donauerat, neque totum quod poterat pro homine fecerat: misso
 autem Spiritu sancto de cælo, omnia quæ audiuit à Patre dixit, omnia
 quæ accepit dedit, omnia quæ potuit & opportuit, hominibus fecit.
 O paupertas humana habesne repositorium seu gazophylacium, vbitales

& tantas conseruare possis diuitias? singulari prerogatiua gaudent quidem in munere, sed nec minorem exigunt solemnitatem in sui acceptione seu depositione. Væ namque homini illi qui sudario dominicam gratiam ligauit, & in terra illam abscondit; nec ille prodigus pœnam eualit qui viuendo luxuriose, portionem sibi à Patre datam diuinæ gratiæ cum meretricibus, quæ sunt carnales concupiscentiæ, consumpsit. Vniuersi itaque anguli domus lustrandi, domus etiam ipsa tota euerrenda, vt inueniamus locum Domino, tabernaculum Deo Iacob, ne vilitate aut fœditate loci offensa, euolet à nobis gratia, quæ non habitat in corpore subdito peccatis.

Prius igitur quam nobis porrigas hoc grande donum, hoc datum optimum & donum perfectum, præpara Deus tibi & gratiæ tuæ in nobis locum congruum, quia sicut à te solo diuite expectamus donum quod est supra omne donum, sic à te solo architecto sapiente petimus creari locum, id est, cor mundum. Nihil enim in homine potius est corde, nihil Deo acceptabilius mundo corde: sustinete interim, Fratres charissimi, & ingredimini singuli ad corda vestra; aperite fenestras, luminaria accendite, diligenter quæcumque ibi sunt, vel fiunt exquirite, quicquid grande vel modicum ibi susurrat apprehendite, ac rationis arbitrio sistite; & tunc demum vtrum deceat Spiritus sancti gratiam ad ea non lota, non mundata intrare rectè iudicate.

Vt autem saluo signaculo cordium vestrorum, de illis taceam, de meo si iudicare voluero, & iudicare quanta sit in eo viscositas præteritorum malorum, quanta putredo malarum affectionum, quanta spurcitia carnalium passionum, & quanta occupatio scabiei prauorum desideriorum, credo angelicam puritatem sustinere non posse, quantò minus diuinam? Quia ergo totum cor meum putidum est & putridum, ô Deus cordis mei, crea nouum secundum cor tuum. In hoc vase audeo Spiritum sanctum reponere, sicut Moyses Man reposuit coram Domino, quantum poterat capere gomor, qui est trium modiorum, in vase aureo, ad conseruandum in generationes futuras.

Hic locus est mundissimus extra castra quinque sensuum, vbi Sacerdos, id est, Christus prioribus vestimentis mutatis, id est, assumptâ mortalitate in cruce deposita, tunicâ immortalitatis ac lineis impassibilitatis indutus, cineres reponit, id est, memoriam dominicæ passionis, & consummationem totius sanctitatis per cooperationem Spiritus sancti; sicut non decuit Christum corpus coinquinatum, sic nec Spiritum sanctum cor immundum: Virgo proinde immaculata, inuiolata, soli Deo apta, carne incorrupta, fide integra, pulchra vt luna, electa vt sol, officina facta est diuinæ incorporationis, & quale cor requirendum vt in eo requiescat cum Patre & Filio Spiritus sanctificationis?

Exeat ergo, immo eijciatur à corde tanquam prædo & malæ fidei possessor, spiritus immundus cum omni spurcissima vitiorum sobole; intret aut potius possideat cor emundatum ab omni inquinamento carnis & spiritus, gratia Spiritus sancti cum nobilissima munerum suorum collectione & collatione, duplici beneficio operans & cooperans gratia: lætificat & beatificat cor quod sua perfusione illustrauerit; liberat enim à malo & adiuuat in bono; oppressum liberat, liberatum ingenuitate & libertate donat; vitia excludit,

Can. 4. virtutes inserit, vnde in canticis canticorum: *Surge aquilo & veni Auster,*
 16. *perfla hortum meum, & fluant aromata illius.* Ab aquilone pandetur omne
 malum, quia ventus contrarius pullulantia bonæ voluntatis semina extin-
 guit, & ne per pœnitentiam renouentur, statu venenoso præcidit.


Sed Auster adueniens eiecit dæmonium ne possessa retineat, & ne falcem
 suam in alienam messem extendat: perflat hortum succensa charitate, ebulli-
 re faciens de crassitudine terræ suauissimi odoris species aromaticas, humi-
 litatem, castitatem, mansuetudinem, innocentiam, pacem, concordiam,
 obedientiam, patientiam, paupertatem spiritus, sapientiam, intellectum,
 consilium, fortitudinem, scientiam, pietatem, timorem domini, iustitiam,
 sobrietatem, prudentiam, & omne virgultum agri illius, quem Pater cele-
 stis plantauit, Filius colit, Spiritus germinare facit.

In corde bono, mundo & nouo arcolas istas à pigmentariis confitas, id est,
 à prædicatoribus instanti prædicatione locatas, hodie visitat Auster perfici-
 ens & corroborans grossos quos protulit ficus, id est, initia boni operis quæ
 inspirauerit Spiritus sanctus, siue percoquens vuas apostolicæ deuotionis
 nocturno rore dominicæ passionis, & matutino calore resurrectionis deco-
 ctas, vnde Psalmista: *Visitasti terram, & inebriasti eam, multiplicasti locuple-*
 Psal. 64. 10. *tare eam.* Visitasti vtique terram, id est, primitiuam in Apostolis Ecclesiam
 vocando, eligendo, assumendo, docendo & cohabitando vsque ad passio-
 nem: inebriasti eam vino lætitiæ per Resurrectionis manifestationem, &
 Ascensionis glorificationem; multiplicasti locupletare eam per Spiritus
 sancti affluentissimam missionem.

Sed quia numquam cor immundum possidere potest Spiritum sanctum,
 primò qui accipere desiderat, illum prius exoptulat creari sibi cor mundum,
 Ps. 50. dicens: *Cor mundum crea in me Deus.* Neque in monte hoc, neque in Iero-
 11. solymis est locus vbi adorandus est Deus, sed in spiritu & veritate, id est,
 mundo corde oportet eum adorare: quid enim cælo purius? cor mundum:
 quid sole clarius? cor mundum. Quid firmamento pulchrius? cor mundum.
 Quid terra solidius? cor mundum. Quid abyssu profundius? cor mundum;
 quid in humanis creaturis excellentius? cor mundum; quid Angelo similius?
 cor mundum; quid Deo vicinius? cor mundum; quid in omni munere gra-
 tiarum appetibilius? cor mundum. Cor mundum ergo crea in me Deus,
 quis enim hoc potest nisi Deus? si sibi relinquatur cor mundum, statim
 efficitur immundum; numquam ergo est cor mundum, nisi Deo fuerit
 plenum.

Tria igitur concurrunt vt sit cor mundum; voluntas bona, cogitatio
 sancta & intentio recta. Si non polluerit stratum cordis immunda cogitatio,
 si non deprauauerit directionem cordis distorta & tenebrosa intentio, si fun-
 damentum fidei, spei & charitatis non concusserit malæ voluntatis auersio
 seu eversio, cor mundum habes, Spiritus sancti hospitium idoneum habes.
 Si autem cor habes mundum, nihil habes immundum; oculus mundus, munda
 manus, labia munda, interiora & exteriora sine dubio sunt munda; quia
 sicut per vnum hominem peccatum introiit in mundum; sic per immun-
 dum cor distillat malitia velut ex stillicidio, ad singulos animæ affectus, &
 ad

ad omnes corporis sensus, vt nec sit in toto homine mundicia, à planta pedis vsque ad verticem. Qui autem venit totum hominem saluare IESVS CHRISTVS, misit Spiritum sanctum suum in corda nostra clamantem, Abba pater, vt corde sanato, totus homo sanetur; vt corde mundato, totus homo mundetur, vt corde innouato, totus homo innouetur, per eundem Dominum nostrum IESVM CHRISTVM, & per Spiritum sanctum ex Deo Patre, cui honor & gloria. Amen.



DE PENTECOSTE.

SERMO IV.

DVODECIM panes propositionis accenso clibano, calore proprio & paterno hodie IESVS CHRISTVS secundum promissum suum, decoxit; & bene crustatos extraxit, atque super mensam suam in introitu tabernaculi cum incenso collocauit. Nihil exustum, nihil crudum, nihil incoctum, aut semicoctum in eis remansit, virtus est aucta, non natura extincta: humanus timor qui homines crudos facit, sublatus est. Patientia operatur probationem, & decoquit omnem infirmitatem visceribus apostolicis medullitis infusa, perfecta charitas prorsus radicata.

Quid enim non faceret in hac sua fornace Spiritus sanctus super Apostolos, quod fecit tribus pueris quartus ille, qui apparuit in fornace Babylonis similis filio hominis? vt ait scriptura, *Illos omnino non tetigit ignis neque contristauit, nec quicquam molestia intulit.* Quid tu sancte Spiritus cur venisti? ad quid super Apostolos in igneis linguis descendisti? nunquid torquere illos, nunquid comburere illos? quinimmo coquere, & facere escas, quibus libenter vescitur Isaac senex & plenus dierum, quinimmo consolidare ad caelestem liquorem excipiendum & conseruandum: vt sint deinceps sicut vter in pruina, non timentes quid faciat homo; verbum vitæ continentem, & non timentes vllam perturbationem.

Si enim illi tres pueri tantæ fuerunt constantiæ, vt dicerent regi persuadenti adorare statuam auream suam; *Non oportet, inquit, nos respondere de hac re. Ecce enim Deus noster quem colimus potest eripere nos de camino ignis ardentis, & de manibus tuis rex liberare nos. Quod si noluerit, notum tibi sit Rex, quod Deos tuos non colimus, & statuam auream quam erexisti, non adoramus.* O fides, o gratia, o virtus, o spiritus fortitudinis! numero pauci, quia tres; ætate infirmi, quia pueri; conditione miseri, quia captiui; loco & tempore oblecti, quia Rex conuocauerat omnem prouinciam ad idololatriam; tormentum imminens, quia fornax succensa erat septuplum quàm consueuerat; & fides quid? fecit quod facere consuevit. Vicit mundum, vicit ætatem, vicit conditionem, vicit instantem temporis & loci necessi-

Dan.
3. 50.

Dan. 3.
16. 17.
18.

tatem, vicit Regem, vicit fornacem, vicit omnem timorem.

Nabuchodonosor quid supponis, & superaddis ignibus tuis? Naphtam certè, & apicem, & stupam, & malleolos. Naphta, quæ est purgamentum lini, vel ignis nutrimentum apud Persas, est vanitas huius sæculi, Stupa, concupiscentia carnis; pix, avaritiæ, & luxuriæ inquinamenta; malleoli, immisiones per Angelos malos. Fortiter ardet fornax, vbi folliculis tentationum suarum sufflant maligni spiritus, mouentes incentiua carnis, gula voracitatem, avaritiæ rapacitatem, luxuriæ intemperiem, sæculi vanitatem; sed, *Si ambulauero in medio umbra mortis*, ait Psalmista, *non timebo mala quoniam tu mecum es*, qui dixisti Apostolis tuis: *Nolite timere, quia ego vici mundum.*

Ps. 12.

4.

Ioan.

16. 33.

Aliam fornacem succendit filius fabri, qui sedet confians & emundans argentum, & purgat filios Levi: de sede maiestatis suæ hodie IESVS misit ignem vbi erant Apostoli quasi in fornace dispositi, ad docendam omnem veritatem; ad tollendam carnis imbecillitatem; ad loquendam omnium linguarum varietatem; ad faciendam miraculorum virtutem. In hac fornace probat Dominus electos suos sicut Gedeon populum, qui secum ibat ad bellum, ad lambendas aquas; sicut Moyses populum suum ad aquas contradictionis.

Format arma sibi, qui verbum est (non dissonas linguas) & officio iniunctæ prædicationis congrua; non enim lanceis, sed linguis, conuertitur mundus, vt qui serpentis lingua perierat, linguis à Spiritu sancto acceptis repararetur, & redimeretur. Attende formam linguæ, lata est, plana, rotunda, longa, & acuta. Lata, quia Deus charitas est; plana quia misericors, & mansuetus; rotunda, quia æternus; longa, quia longanimis; acuta, quia viuus est sermo Dei, & efficax, & penetrabilior omni gladio ancipiti, pertingens vsque ad diuisionem animæ & spiritus.

Sap. 7.
22.

In libro Sapientiæ, omnium artifex Sapientia, quæ promissit, & misit Apostolis Spiritum sanctum, ita describitur: *Est, inquit, in illa spiritus intelligentia, spiritus vnicus, multiplex, subtilis, disertus, mobilis, incoquinatus, certus, suauis, amans bonum, acutus, qui nihil vetat benefacere, humanus, benignus, stabilis, certus, securus.* Lingua cui confert beneficia Spiritus sanctus reuera de cælo est; procul dubio verbi Dei ministra est; spiritui cognata, & germana: habet spiritum intelligentiæ, vt intelligat parabolas, & ænigmata, & profunda scripturarum mysteria; sanctum, vt non proferat turpia, inhonesta, & venenosa; vnicum, ne scindat tunicam catholicæ, & vniuersalis Ecclesiæ; multiplicem vt multos ramos proferat ex vnâ radice charitatis; subtilem vt capiat mysterium regni Dei; disertum ne inuoluatur malâ conscientia, mobilem vt sequatur rotas volubiles vtriusque testamenti; incoquinatum, vt loquatur de corde puro, & conscientia bona, & fide non ficta; certum ne circumferatur omni vento doctrinæ; suauem, ne respuat, aut fugiat humanam fragilitatem, amantem bonum, vt dicat quàm dulcia faucibus meis eloquia tua. Acutum, vt cum aquila quærat super astra Dei verbum in principio apud Deum, qui nihil vetat benefacere, semper ad meliora prouocans; humanum propter infirmitatem, benignum propter

affluentiam pietatis; stabilem propter desiderium æternitatis; securum propter testimonium conscientie & bonæ operationis.

Quicquid ad salutem propriam ignis Dei decoquit intrinsecus, totum lingua ignea retrahit tanquam pala ad proximi ædificationem extrinsecus. Est namque lingua mediatrix inter inhabitantem spiritum in mente & proximum excubantem ad fores sapientiæ: Spiritus ingreditur sine voce & jubet linguam audita proferre cum voce. Suauiter præcipiuntur quæ sine strepitu ingeruntur: Amanter recipiuntur quæ humiliter per linguam suggeruntur. Quando pascit animam medullis suis Christus pastor est; quando fraternam mandat suscipere curam pistor est, idem itaque & pastor & pistor est. Pastor in quieto & secreto contemplationis refectorio, pistor in laborioso & tumultuoso procurandæ fraternitatis & prædicandæ veritatis officio. Pastor in mane, ministrando quæque virentia in campo amœnissimæ lectionis: in meridie aperiendo cellam vinariam summæ delectationis.

Ecce pistor, ecce pistrinum, ecce panis, ecce ignis, ecce cocus, ecce fur-nus. Pastor farinam moluit in cruce tanquam in molendino; rotâ Pilati quæ est sententia damnationis, volente in aquis Iudaicæ accusationis. Tunc discipuli non ferentes tumultum & clamorem molendini, & vocem aquarum multarum relicto eo omnes fugerunt, & tanquam ventilabro excussi pene ad desperationis minutissimum puluerem deuenerunt. Sed pistor bonus de farina sua panem in resurrectione, jam ita decoctum quoddam ultra non moritur, nec mors ei ultra dominabitur, representauit Apostolis, per quadraginta dies eis apparens, & loquens de regno Dei, in fortitudine cibi illius usque ad diem Ascensionis refocillauit.

Certè toto hoc tempore quasi fermentauit fermento fidei corda discipulorum, & die Ascensionis eleuatis manibus, benedicens eis, & iubens sedere in ciuitate quoadusque induerentur virtute ex alto, pastam suam operuit, ut in aduentu Spiritus sancti die Pentecostes, misso igne de cælo ubi erant congregati decoquerentur. Et sicut boni Angeli post lapsum luciferi, gratiâ Dei stabiliti sunt & confirmati ne ulterius ruere possent, sic isti fornace ista coagulo charitatis Christo vniti sunt, ne deinceps à charitate ejus exciderent. Scriptum est, quia *charitas numquam excidit*, & ignis perpetuus est in altari.

1 Cor.
13.

Crustas superius & inferius & in circuitu, micas verò interius ex igne mutauerunt. Crusta inferior, confidentia, ne mortem timerent. Crusta superior, dilectio Dei ut Deum ex toto corde, totâ anima, tota virtute diligerent. Crusta in circuitu, castigatio carnis ut carnis concupiscentiæ resisterent & fortes in bello existerent. Mica in medio caritas quam constrauit Salomon in ferculo suo sicut dicitur, *media caritate constrauit propter filias Ierusalem*. Item Pistor iste panes laicos & sacerdotales facit, panem namque laicum ad altare defero, sed sacerdotalem refero.

Cant. 3.
10.

Vniuersorum conditor inter cætera panem in agro creauit, sed præter & super omnia in altari hunc eundem panem in corpus suum virtute ineffabili conuertit. Elegit autem sibi quasi granum tritici Deus corpus de Spiritu sancto in vtero virginali conceptum, in quo omnia quæ superius dicta sunt

X ij

compleuit. Elegit & praelegit Virginem, de qua sumeret carnem; ventilauit assumendo naturam nostram, vt de carne ex massa peccatrice illam sine peccato acciperet creando illam sanctificans & sanctificando creans.

In cruce illa* moluit in resurrectione cribrauit, vnde etsi noueramus Christum secundum carnem, sed nunc iam non nouimus: farinam cum aqua miscuit, cum in corpore sine peccato à Iohanne baptismum suscepit; panes formauit cum Apostolos elegit; furnum & ignem in furno habuit, quia plenitudo Diuinitatis habitauit in eo corporaliter; mundauit aream, id est, Ecclesiam vt non haberet maculam aut rugam & excuteret puluerem de pedibus suis; panes ordinauit, siue discipulos, siue actus proprios; tempus passionis expectauit, sicut ait, tempus meum nondum aduenit; extraxit panem cum emisit spiritum, vel cum surrexit de sepulchro; in archa reposuit, cum animam resumpsit, ad mensam detulit, cum naturam assumptam ad coelos leuauit. *Desunt aliqua.*


Officium pistoris est bona grana eligere, ventilare, molere, cribrare, farinam cum aqua miscere & manibus ac brachijs, aut etiam molâ fortiter premere, fermentare, furnum habere, ignem apponere, aream mundare, panes ordinare, & donec cocti fuerint custodire, vel expectare; demum extrahere, in archa reponere, ad mensam deferre. Grana optima elegit Dominus sicut ait, *Ego elegi vos de mundo, & nonne ego vos duodecim elegi.* Ventillauit vbi ait, *qui non renuntiat omnibus quae possidet non potest meus esse discipulus;* & Apostulus Petrus, *Ecce nos reliquimus omnia.* Moluit cum ait, *Ecce ego mitto vos sicut agnos inter lupos, & sicut misit me pater & ego mitto vos,* vtique ad passionem.

Cribrauit quando Iudam proditorem tanquam furem ab Apostolis reprobando separauit; farinam cum aqua miscuit, quando baptizauit & baptizare docuit; molâ pressit, cum ait, *In mundo pressuram habebitis, sed confidite ego vici mundum.* Fermentauit cum ait, *Vobis datum est nosse mysterium regni Dei,* vel cum insufflauit dicens, *accipite Spiritum sanctum;* panes formauit, cum ait, *vos estis lux mundi, vos estis sal terra;* furnum fecit cum Euangelium praedicauit, in quo reuera decoquitur omnis Christiana religio.

Ignem apposuit, cum Spiritum sanctum, in Apostolis in linguis igneis misit; aream mundauit cum ait, *Nolite portare sacculum, neque percam, neque calceamenta & neminem per viam salutaueritis;* & iam vos mundi estis propter sermonem quem locutus sum vobis. Panes disposuit, cum alios Apostolos, alios Euangelistas, alios doctores, alios praelatos, alios constituit subiectos donec coquerentur. Custodiuit cum dixit, *Pater sancte seruaui eos quos dedisti mihi, & expectauit cum ait, tanto tempore vobiscum sum, & non cognouistis me?* Extraxit cum ait, *Euntes in mundum vniuersum praedicate Euangelium omni creatura;* In archa reposuit, cum ait, *Nolite gaudere quia spiritus vobis subiiciuntur, sed in hoc gaudete quia nomina vestra scripta sunt in caelis.* Ad mensam detulit, cum ait Petro, *pasce oves meas, pasce agnos meos,* vel cum ait, *volo vt vbi ego sum illic sit & minister meus.*

Prædestinatio notatur in electione, quos enim prædestinauit, hos &

vocavit; censura iudicii in ventilatione, persecutio, in molarum confractio-
ne; reprobatio mali & electio boni, in cribratione, puritatis & deuotionis
adeptio, in farina & aquae commixtione, virtus patientiae in aduersitatum
oppressione, vnitatis coagulum, in fermentatione officiorum, dignitatum &
meritorum distinctio, in panum dispositione, claustralis siue eremitica re-
ligio, in furno, in igne dilectio, in inundatione areae, vera confessio in for-
matione panum, regularis professio, tempus decoctionis, augmentum reli-
gionis, extractio, corporis & animae dissolutio, in archa repositio, diei iudicii
expectatio, ad mensam relatio, corporum resurrectio & pro meritis aeterna
retributio.



IN NATIVITATE S. IOHANNIS BAPTISTAE.

SERMO I.

SVMM A Beati Ioannis Baptistae praconia testantur tam operum mira-
bilitatem attestatio, quam diuinorum eloquiorum probata relatio; ait
enim Dominus in Euangelio. *Inter natos mulierum non surrexit maior Ioanne
Baptista.* Hic ergo tam magnus unde sic magnus sit querendum est, & in
magnis quidem suis mirandus, in nostris vero tam magnis quam minimis
pius aduocandus patronus: etenim de magnis ad praemagnum in die ma-
gno acturi, magnum si sapimus causae patrocinium sumus querituri. Rerum
perinde, rationum, cogitationum atque operum quem subituri sumus iudi-
cem tam nos ignoramus, quam valde timere debemus; utique magnum in
sapientia ne decipiatur; magnum in potentia ne ei resistatur, magnum in
iustitia, ne munus promissione infatuatur, magnum in imperio ne in regno
alterius fugiendo euitetur.

Causa nostra magna, quia de capite quia de salute vel condemnatione a-
gitur; dies magnus, quia paruus & magnus ibi sunt, quia terrigenae & coe-
licolae simul in vnum conueniunt. Ergo tam sollemnis conducendus patro-
nus, qui nec frequentiam erubescat, nec iudicem infestum habeat, nec alle-
gationibus succumbat, nec in salarii petitione sumptuosus nimium existat.
Ioannes Baptista nec avarus est in pretio, nec ignarus patrocinio, nec iudi-
ci ignotus, nec pro multitudine verecundus: hunc ergo statuamus in consi-
storio pro nobis, totam resignantes ei causam & exponentes tam culpam
quam innocentiam. Videamus itaque illum armatum labio aureo, hono-
ratum coronam auream, superuestitum quoque coronam aureolam.

Ait Dominus Moyse de mensa; *Facies illi labium aureum per circuitum,*
ipsi labio coronam interrasilem altam digitis quatuor, & super illam alteram
coronam aureolam: Non aeneum, non stanneum labium, non ligneum, non
lapideum, quia non durum, non ferreum, non denique argenteum, sed au-
Exod. 25. 24.

reum sit in mensa Domini; non æneum, quia non clamosum; non stanneum, quia non fictum; non ligneum, quia non mutum; non lapideum, quia non durum, non ferreum, quia non sine fœdere & impacatum, non argenteum tantum, quia non solum benè sonorum; sed aureum, quia summè pretiosum & splendidum habemus labium in Ioanne Baptista.

Math. 3. 7. Per circuitum ambit hoc labium mensam Domini, quia nullam mendam, nullam incisionem seu interruptionem facit in proposito religionis, sed semper sine querela, sine offensa in lege Domini conuersatus, circuitum perfectionis non euertit: per circuitum hoc labium reuoluitur, quia in prædicatione veritatis tempus vitæ eius impletur. Dicitur quòd ad se venientes docuerit agere pœnitentiam; dicitur quòd acriter redarguerit reprobam eorum vitam dicens. *Generatio viperarum quis ostendit vobis fugere à ventura ira?* Dicitur quòd arguerit Herodem propter Herodiadem quam tulerat fratri suo Philippo vxorem; vndique ergo, & vbiqueper circuitum vadit hoc labium, quòd neque sublimitate terretur, neque adulatione mulcetur, neque necessitatis inopiâ tardatur loqui quòd veritatis, quòd religionis, quòd pietatis, quòd fidei est.

Math. 3. 2. Ioan. 1. 29. Labium est ergo aureum per circuitum dicens *Pœnitentiam agite, appropinquauit enim regnum cœlorum.* Labium aureum dicens: *Ecce Agnus Dei, ecce qui tollit peccata mundi;* sed quæ merces ipsi labio? corona interrasilis. Animaduertite coronam aliam rasilem, aliam non rasilem, aliam interrasilem. In veteri testamento corona est non rasilis, in nouo rasilis, in confinio veteris, & noui interrasilis: non rasilis corona in veteri testamento primò dicitur, quia neminem ad perfectum adduxit lex; non ergo radebat pilos, sed multiplicabat quæ dicebat: Bona terræ comedetis, dabo pluuiam temporaneam & serotinam si mandata mea feceritis; lex non radebat, quia acies ferri eius obtusa erat timore, non acuta amore; timor namque seruilis re-
tundit non acuit, quia necessitate reprimat opera carnis, non abscedit gratiâ concupiscibiles motus affectionis: tondebat non radebat, quia timore virgebat non amore accendebat.

Antiqui ergo coronam sed non rasilem habebant, quia aduentum Christi expectabant, sed regni ianuas non penetrabant: ex quo autem sanguine Christi, contra velum templi septies asperso, propalata est via sanctorum, vt tam liberum sit animas Sanctorum ad thronum gratiæ depositâ corporis sarcinâ redire, quàm facile est laborantem fructum mercedis colligere, ex tunc quasi raso capite remota difficultate omni, coronam recipiunt auream. Rasorium itaque Euangelii, quod omnes pilos capitis excidit veritatis tempore, non sanctitatis imperfectione (vende omnia quæ habes & da pauperibus) rasilem coronam imo imponit, tam siue impedimento restituens præmium, quàm sine retinaculo expedierat cursum Iohannes denique accubans natus inter terminos vetustatis, & nouitatis, legis & euangelii, figuræ & veritatis, vmbre & lucis, timoris & amoris, tenet dexterâ rasorium vt radat Christianum, tenet sinistrâ forcipes vt tondeat Iudæum, de imperfectione legis, dimittit plebi pilos paucos ad vsum, de perfectione Euangelii, sibi amputat victum & vestitum, etiam non superfluum. Coronam ergo habet in-

terrasilem, vt pro predicatione interrasilem, pro sanctitate conuersationis rasilem, id est plenam & perfectam beatitudinem habeat. Vel corona interrasilis quæ ipsi labio apponitur, amputationem capitis designat pro testimonio veritatis.

Sequitur, faciesque illi labium aureum per circuitum, & ipsi labio coronam interrasilem altam digitis quatuor, & super illam alteram coronam aureolam; non labia sed labium, & labium aureum fit in mensa scripturæ diuinæ, quia non recipit hæreses & schismata, quæ garriunt Patre minorem Filium, Patre & Filio minorem Spiritum Sanctum, asserit autem vnitatem scriptura diuina Trinitatis, Trinitatem vnitatis dicens: *Audi Israël Dominus Deus vnus Deus vnus est.* Item *vnus Dominus, vna fides, vnum Baptisma:* aureo itaque labio plenitudinem ferculorum & summam dapum concordie predicatione mensa eructans, non inflatione buccæ & labiorum distensione vtitur loquens grandia & magnificans labia sua; quantò enim sensu altiora sunt diuina eloquia, tantò voce modestiora, & prolatione suppressa. Agni enim sunt voces, qui non clamauit, neque audita est vox eius in plateis; quicquid ergo eloquium sonat diuinum, & vnum est, fidei vnitatem, & aureum est, sensus profunditate: vnum ne dilanietur errore schismatico; aureum ne vilescat sermone nudo & rustico: per circuitum, ne agere credatur de transitorio bono; æternum intellige per circuitum, summum bonum per aureum, vitale & iocundum, per labium.

Intellige per labium vitale quod promittitur, & iocundum per aureum, summum, immortale per circuitum; adde ipsi labio coronam interrasilem, vt corona exhibeat quod scriptura promittebat, & mordeat professione labium, brauii coronam tam fideliter soluens debitum, quam veraciter continuans promissum; vnde Psalmista: *Suscipe me secundum eloquium tuum & viuam,* & multas eiusmodi. Animaduertite tamen coronam interrasilem, propter meritum in presenti & in futuro præmiorum discretionem; fomentum si quidem negligentia, & alimentum esset iniustitiæ, si præmium coæquaret, quos meritum disparasset. Quis vigilias excoleret, si dormiens fructum vigiliarum deciperet? quis corpus suum ignibus, jejuniis, macerationibus & innumeris passionibus contorqueret & decoqueret, si tam benè sonaret nudum & molle corium in deliciis, quam clarè resonat tympanum in distensionibus, & rasuris assiduis? Non enim stella à stellâ differret in claritate, si merita meritum non præjudicarent in pondere. Corona ergo interrasilis est quæ labio aureo supponitur, quia in distinctione mandatorum sequitur distinctio executorum, & in laboribus executorum discretio remunerandorum.

Alta verò est digitis quatuor, quia dùm iustitiæ plenitudo & gloriæ consummatio, in quatuor Euangeliorum libris describitur, quasi quatuor digitis corona mensuratur: passio verò Iohannis Baptiste sanctificatur & sublimatur in passione CHRISTI, sine qua vanè pateretur quicumque pateretur; inde est quod ait altam digitis quatuor. Apostolus notat quatuor digitos in cruce, vbi ait Ephesii: *Vt possitis, inquit, comprehendere cum omnibus sanctis, quæ sit* *attitudo, longitudo, sublimitas & profundum:* Primus digitus est caritatis quo 3. 18.

Deut.
6. 4.
Ephes.
4. 5.

Ps. 118.
116.

Ephes.

eiiciuntur demonia in Euangelio, quæ charitas operit multitudinem peccatorum: secundus longanimitatis, quo scribit in terrâ, si quis vestrum sine peccato est, primus in illam lapidem mittat, quo patientia saluatoris & pietas notatur: tertius est spei, quo in lapide legis mandata, & promissiones Dei scribuntur; quo religiosa obleruatio diuini mandati innuitur: quartus est iudicii, quo miracula fiunt in Ægypto, in quibus deficiunt Magi dicentes, digitus Dei est iste, quo timor nobis incutitur, subiiciet enim sibi Deus omnia, & erit filius subiectus ei, qui sibi subiecit omnia.

Ecce quousque corona Iohannis Baptistæ extenditur, quæ quatuor digitis alta est, vt tunc glorificatus appareat in regno Patris, & sanctorum Angelorum, quatuor enim digitis in passione dilatatus est, qui seipsum crucifixit eum vitiis & concupiscentiis; & quatuor nihilominus coronabitur digitis, cum quod seminatum est in corruptione, surget in incorruptione, quod seminatum est in ignobilitate, surget in gloria, quod seminatum est in infirmitate, surget in virtute, quod seminatum est corpus animale, surget corpus spirituale. Interim quasi aurora consurgens, paulatim segregemus nos à corruptione, & tendamus ad incorruptionem per studium castimonie; separemus nos ab ignobilitate illa, quæ dicitur seruus est peccati, qui facit peccatum, & properemus ad illam gloriam, quæ non auferetur à nobis in æternum. Conualescamus de infirmitate, quæ robur animæ deijcit, & ad virtutem perueniamus, quæ non deficit; propulsemus à nobis quod animale sicut Moyses soluit corrigiam calciamenti sui, & in spiritu principali apprehendamus quod spirituale est, quod ipse nobis parare dignetur, qui viuit & regnat Deus, per omnia sæcula sæculorum. Amen.



IN EIVSDEM SANCTI IOHANNIS BAPTISTÆ NATIVITATE.

SERMO II.

Thre.
3.27.

BONUM est viro cum portauerit iugum ab adolescentia sua; sedebit enim solitarius & tacebit, quia lenabit se super se. Si cælestes sedes, quæ vacuæ sunt sessoribus indignis, Lucifero apostatante & extollente se in monte testamenti, in lateribus Aquilonis, atque tertiam partem stellarum post se trahente; si inquam beatæ illæ mansiones de filiis Adæ repleti habent; credibile est beatum Iohannem Baptistam ascensurum, vel ad primam illarum sedium beatitudinem, vel saltem ad secundam; Domina enim nostra, Regina virginum vt digna est post Filium suum collocata est, & postea Ioannes Baptista; vt sicut inter natos mulierum non surrexit maior Ioanne Baptista, sic in ordine Sanctorum, nemo appareat prior, nemo resideat superior.

Putasne

Putasne minoratus est in cœlis Iohannes Baptista, cum ibi honoris cumulus & gloriæ amicis Dei referuetur? amicum ergo suum, cognatum suum præconem suum præcursores suum, Baptistam suum, Angelum suum, consiliarium suum CHRISTVS IESVS abiicit, qui numquam in se sperantes deserit: absit, sed stat sine dubio amicus sponsi & gaudio gaudet propter vocem sponsi, accedit cognatus ad consanguineum suum, tam familiari vicinitate, quàm casta & cara affinitate. Præco expleto officio primi præconii adhuc præconatur in cubilibus suis, tam nouis quàm æternis jubilationibus, non futura sed iam facta mirabilia Dei & Agni, qui in medio throni sedet, præcurfor tam alacer modò discurrit per stadia illa cælestia, quàm acriter non tacuit laudare nomen Domini, & prædicare aduentum Saluatoris vsque ad extrema inferni loca.

O quàm deliciosis balneis modò Baptista Domini se rigat, & non in Iordanis, sed in angelicis gaudiis natat. Angelus ille faciei Domini cum Angelis lætatur, & tam gloria quam honore ab omnibus Angelis magnificatur; Consiliarius denique ingressus sanctuarium Dei quicquid arcani repositi in cœlestibus scriniis nondum apprehenderat, modò explicat, modo legit & apprehendit: in splendoribus Sanctorum tam vario meritum & gratiarum, atque gloriarum resplendet fulgore; vt cæli plaga illa in qua Iohannes Baptista habitat, præ aliis relucent, & de abundantia gloriæ, vicinos suos vberius irradiet, amplius lætificet, profusius fatiet.

Hic ergo Iohannes inter filios Dei, inter astra cæli, inter omnes curiales summi Regis prior est, præclarior & propinquior; natiuitate enim filium virginis præcedit, dignitate filios mulierum omnes præcellit, consanguinitate vicinius Filio Mariæ accedit, ante natiuitatem prænominatur angelica promissione, in vtero sanctificatur spiritali spiritus sancti vñctione; ex vtero matris suscipitur Matris Domini stupenda & humillima obstetricis sedulitate: in ortu natiuitatis celebratur vicinorum, & omnium qui audierant admiratione; in deserto illustratur tam mirabili conversatione, quam sublimi prædicatione; in Baptismo Domini intulatur nominis, & dignitatis vnica singularitate; in morte dedicatur beatis sanctorum mansionibus capitalis sanguinis effusione. Ita meritum varietas de tunica Ioseph polimita nascitur, de riuiis septiformis spiritus intingitur, sed quibus meatibus areolam Iohannis gurgis iste tot, & tantarum inundauerit, tam pium est inuestigare, quam vtile recolere.

Duo principales aluei quibus innatat omnis sermo diuinæ Scripturæ, sunt Lex & Euangelium; decurrit autem Lex ad Euangelium, & influit in illo flumine magno, vt hac commixtione, tam nominis seueritatem, quàm autoritatis imperfectionem exuat; condiens suam insipiditatem sale, dulcorans suam amaritudinem melle gratiæ. Iohannes ergo Baptista accubans inter terminos legis & Euangelii, quali canalis medius continuat legem gratiæ Euangelii; legem equidẽm aut finiens per gratiam, aut exterminans per iustitiam; finiens, id est, complens in moralibus, sicut scriptum est: *Quia non veni legem solvere, sed adimplere*; Exterminans in ceremonialibus, id est, circum-

Math.
5. 17.

Y

huiusmodi. Iohannes circumciditur carne & corde, valedicens illi, quæ in vno tantum membro fiebat circumcisioni, & inchoans illam interioris hominis, quæ exterioris superfluum amputat circumcisionem.

Iohannes non sanguinem hircorum aut vitulorum Deo libat, sed seipsum hostiam viuam, sanctam, Deo placentem immolat ad emundationem delictorum omnium: Iohannes non discernit inter carnem & carnem, non iudicat inter cibum & cibum; sed abstinentissimus carnem suam cohibet ab omni luxurioso potu & cibo. Iohannes perfectus est in omni humilitate, obedientia, castitate, mansuetudine, fide, spe, charitate, & in omni genere virtutum; dicitur ergo de illius humilitate, obedientia, castitate, & contemplatione: *Bonum est viro cum portauerit iugum ab adolescentia sua, sedebit solitarius & tacebit, quia leuauit se super se*; Sedere ad humilitatem respicit; portare iugum ad obedientiam & mansuetudinem; portare ab adolescentia, ad castitatem; leuare se super se, ad contemplationem.

Sed distinguendum est in operationibus aliorum hominum, quoniam, quomodo & quousque operentur cum Deo, quando & quomodo & quousque sine Deo; quando operatur homo sine Deo? quando peccat: quare? quia malum facit, peccatum enim malum est, & malum nihil est. Deus autem omnia fecit bona valde, & malum siue peccatum non fecit, cum peccatum sit facere, dicere, concupiscere aliquid quod sit contra voluntatem Dei, ecce quando operatur homo sine Deo: quomodo verò operatur sine Deo? infideliter, negligenter, contumaciter. Infideliter quia non credit, negligenter quia non timet, contumaciter quia non diligit: Ecce quomodo operatur sine Deo; quousque verò? donec tollat iugum disciplinæ, & loro mandatorum Dei ligatus, trahat glebas vallium post Deum. Horum aliquid Iohanni non conuenit, quia nec aliquando à Deo recessit, nec infidelis, negligens, aut contumax fuit, nec iugum Domini ferre detrectauit.

Quando autem cum Deo operatur homo, & quomodo & quousque? dum gratia aspiratur, & humiliter atque fideliter Deo subternitur, quousque vnus cum Deo spiritus efficiatur: hoc est iugum, quod bonum est viro cum portauerit ab adolescentia sua: donec iugum tollas absque iugo es, filius es Belial, vitulus es indomitus, onager assuetus in solitudine, expers gratiæ & disciplinæ; sic enim liberum arbitrium præceps in barathrum fertur libertate peccandi, donec infrænatur iugo diuinæ gratiæ, sicut pullus stultus & indomitus vagatur per quæque inuia & periculosa itinera, antequam in chamo & fræno constringantur maxillæ eius.

Cum verò operans gratia præuenerit, cœperit illud domare, & iugo assuefacere, vt velit currere & cooperari cum gratia, tunc suscipit iugum, tunc confringit glebas, tunc seminat super aquas, tunc operatur terram suam, & saturatur panibus, tunc facit fructum natiuitatis: bonum est igitur viro cum tulerit iugum ab adolescentia sua, quia hætenus excusat teneritudo ætatis collum debile ad portandum iugum grauissimæ disciplinæ. Sicut enim cera nimium mollis & tenera impressa, non retinet faciem sigilli, sic ætas infantilis minus idonea est ad regularem disciplinam concupiscendam, & retinendam; quid deinde? Sedebit solitarius & tacebit. Altius repetendum quid sit,

sedebit solitarius & tacebit, & superioribus iungenda subsequenda; dictum autem est, quando homo operatur sine Deo, quomodo, & quousque.

Dicendum verò quòd Deus, qui hominem operatus est sine ipso homine, in ipso homine quòdam operatur sine ipso, quòdam in ipso cum ipso, quòdam in ipso pro ipso, quòdam in ipso contra ipsum. Hominem operatur sine ipso homine; factò iam homine, quòdam in ipso operatur sine ipso; homo quoque à Deo factus, quòdam operatur sine Deo, quòdam cum Deo, quòdam pro Deo, quòdam contra Deum. Exponenda verò sunt breuiter quæ dicuntur: in homine operatur Deus sine homine gratiam præuenientem quæ est pluuia voluntaria, quæ est ille motus animi, quæ concupiscit anima desiderare justificationes Dei, quæ denique ex vocante non ex operante dictum est: *Iacob dilexi, Esau autem odio habui*: hoc operatur Deus in homine sine hominis adiutorio, quia nondum est adiutorium simile sui; est autem adiutorium in nomine Domini, qui fecit cælum & terram.

Rom.
9. 14.

Tunc verò in homine cum homine Deus operatur, quando jam gratia soluit compeditum, & erigit elisum, vt solutus currat cum gratia, vt erectus proficiat ex gratia ad gratiam cum gratia, ex gratia præueniente ad gratiam subsequentem cum gratia comitante. Soluitur autem homo, cum eius liberum arbitrium à peccatis liberatur, vt ultra non seruiat peccato mortali, ad obediendum desideriis eius, sed resistat diabolo & fructificet Deo in vitam æternam. Cum ergo adfuxerit gratiæ liberum arbitrium, conserit manum cum gratia ad benè operandum, & cum simul operantur gratia & liberum arbitrium, adquirunt homini meritum bonum, & tunc ad imaginem & similitudinem suam reficit Deus cum homine ipsum hominem.

Ad tertium membrum jam veniamus, vbi in ipso homine pro ipso homine operatur Deus: aliquando temptatur homo à Deo, & non intelligit homo, à Deo pro bono suo temptari. Nollet certè temptari, quinimmo rogat vt auferatur ab eo Angelus Sathanæ qui eum colaphizat: pensat autem Deus lucrum & coronam temptationis, & magis ac magis pullari permittit ipse contra voluntatem ejusdem hominis. Veruntamen non inducit in temptationem per consensum peccati, sed animam ejus seruat sicut Iob: pro ipso ergo homine in ipso homine temptationem operatur Deus nolente ipso, vt eum probatus fuerit accipiat coronam vitæ.

Quarto membro dictum est, quòd aliquid operatur in homine contra ipsum hominem, quòd solummodo fit in reprobis, cum ingratum beneficiis suis viderit Deus hominem prauum & contumacem, excæcat eum, vt videns non videat, & audiens non intelligat; hujusmodi verò sunt vel illi qui habent zelum Dei, sed non secundum scientiam, vt Iudæi qui crucifixerunt Dominum; vel illi qui noluerunt intelligere vt bene agerent, qui dixerunt Deo: *Recede à nobis, scientiam viarum tuarum nolumus*: peccatum enim, ait Gregorius, quòd non corrigitur, mox suo pondere ad aliud trahit; contra ipsum ergo est quicquid facit, etiam quæ pro se aliquando facere æstimat; sicut enim diligentibus Deum omnia cooperantur in bonum, etiam casus, & ruina ad malum, ita reprobis omnia cooperantur in malum, etiam perpetratio virtutum, & simulatio profectuum. Hactenus de his generaliter quæ facit

Iob. 21.
14.

Y ij


aut sine homine, aut cum homine, aut pro homine, aut contra hominem.

Specialiter verò quomodo ista ad Iohannem Baptistam, paucis dicendum & breuiter est commemorandum; Angeli missionem, & Iohannis promissionem ad parentes prouectos in diebus suis & steriles, fecit solus Deus, qui facit mirabilia magna solus. Rursum adhuc in vtero matris exultationem ad vocem Matris Domini, quæ aduenerat famulatura Elisabeth, fecit Dominus solus: item quod Spiritu sancto adhuc in vtero matris repletus est; quod reatu originalis peccati & fomite peccati valde extenuato natus est, qui tamen cum peccato conceptus est, solius Dei est. In his quædam facit de Iohanne sine Iohanne Deus, ut in natiuitate eius congratularentur vicini; quædam ipsi Iohanni.

Marc. I.
4. 6.

Veniamus tandem ad illa quæ facit cum Iohanne in Iohanne Deus. Refert Lucas Euangelista de eodem Iohanne quòd puer crescebat & confortabatur Spiritu, & erat in desertis vsque ad diem ostensionis suæ in Israël, ut Spiritu sancto repleatur, & Marcus sic ait: *Fuit in deserto baptizans, & predicans Baptismum pœnitentie in remissionem peccatorum*; & post pauca: *& erat Iohannes vestitus pilis cameli, & zona pellicea circa lumbos eius, & locustas & mel sylvestre edebat*: hæc Deus cum Iohanne operatus est, & Iohannes cum Deo, quia per gratiam eius sine quo utique nihil boni potuit facere.

Iam quoque videndum est quomodo homo aliquando operatur sine Deo, aliquando cum Deo, aliquando pro Deo, aliquando contra Deum. Sine Deo vana facimus & inutilia, quia Spiritus sanctus aufert se à cogitationibus quæ sunt sine intellectu; cum Deo facimus quicquid boni operamur, quia à Deo cuncta procedunt bona; pro Deo facimus quicquid passionum pro eo toleramus; contra Deum facimus, quotiens criminaliter peccamus. Iohannes aut nihil, aut parum fecit sine Deo; multa cum Deo, & pro Deo; nulla contra Deum. Ambulauit enim cum Deo, & à mandatis labiorum eius non recessit; dicitur ergo de illo: *Bonum est viro cum portauerit jugum ab adolescentia sua, &c.* Sed jugum aliud Legis, aliud Euangelij; item aliud inobedientiæ, aliud obedientiæ; item aliud infidelitatis, aliud fidei, horum tria bona, tria sunt mala.



DE S. PETRO SEV CATHEDRA S. PETRI.

S E R M O.

EXALTENT eum in ecclesia plebis, & in cathedra seniorum laudent eum.
Psal. 106. 32. Omisso longo proëmio, sermonem ab ipsa cathedra exordiamur: quatuor principales sunt, qui cathedras suas habent; Deus in cælo, diabolus in inferno, Moyses in deserto vel synagoga, Petrus in templo vel Ecclesia. Sedet autem in cathedra quicumque studet, vel requiescit in tradenda do-

Arina: Deus benè docet; diabolus dedocet; Moyses agrestes mores populi duræ ceruicis initiat vt veniant ad doctrinam; Petrus consummat discipulos suos in scientia, ita vt nihil eis desit in ulla gratia: Exaltent eum, &c.

Princeps Apostolorum vocatus à Deo tanquam Aaron, sedes commutat & mores, non pro præsumptione corruens à superioribus ad inferiora, sed per obedientiam scandens & proficiens ab inferioribus ad celsiora & digniora: prima namque Petri sedes, in nauicula quam sibi ex officio piscandi elegerat: secunda in cathedra quam dedit ei Deus ex officio prædicandi: tertia quam in cruce prædestinatio diuina præparauerat: quarta quam remuneratio cælestis reposuerat in throno regni, vbi duodecim Apostoli sedent super sedes duodecim, iudicantes duodecim tribus Israël. Attendendum proinde quod sit officium sedentes in nauicula; quæ dignitas præsentis in cathedra; quod meritum in cruce morientis, quæ gloria in æternitate regnantis.

Piscator est in nauicula; Doctor, & Apostolus in cathedra; imitator **CHRISTI** in cruce; confessor & cohæres **CHRISTI** in regeneratione; rudis & nouellus in nauicula; prudens & doctus in cathedra, sanctus & perfectus in cruce; iocundus & gloriosus in regeneratione; nouitios docet de nauicula, senes de cathedra, exeuntes à corpore de cruce; peruenientes ad patriam, de glorificatione. Initium sapientiæ, qui est timor Domini, instruit de nauicula, vbi flumina tentationum eleuant vocem suam quatientia latera nouiter ad religionem conuersi; & nisi regularibus remis, & gubernaculo æquitatis, nauem suæ conuersationis in directum per medias undas deducat, tempestas & procella de insidiis consurgentes citò eam submergunt, & damnum totius lucris cum ipso lucrante faciant; melius enim esset non nouisse viam virtutis, quàm post agnitionem, retrorsum redire; hoc est non intrasse nauiculam religionis, quàm naufragio tentationum perire sub habitu sanctitatis.

In seipso tentationes nouitiorum expertus est Petrus, quoniam penè moti sunt pedes eius, & quoniam effusi sunt gressus eius, cum tertio negaret iurando, & anathematizando quia non nouisset hominem, vtique impulsus & euersus vt caderet; sed non est collisus in damnationem, quia Dominus suscepit eum. Exemplum ergo dedit nobis, non cedendum tentationibus, non dandum esse locum diabolo, neque desperandum pro peccato: quis enim desperet de misericordia Domini, vbi tantum crimen tam citum inuenit leuamen, sine dubio nullum desperabilius, nullum immanius peccatum quàm Christum negare; hoc fecit Petrus. Solent autem homines plerumque de leui & pro leui causa flere; fleuit etiam Petrus, & demersit fluuiolus compunctionis Ægyptum, id est, negationem gygantinæ magnitudinis. Petri ergo commissum legimus solo fletu remissum, nec fuit pertinax Deus indulgere, cum Petrus capit amarè flere. Veniant ergo mihi Domine miserationes tuæ & viam, qui non solum lacrymantem Petrum suscepisti, sed profertente Lazaro flesti, & in virtute lachrymarum quadriduanum suscitasti.

Sic docet Petrus de nauicula nouitios, sic fluitantes pisces de ventre maris extrahit, & ne in tentationibus deficiant, suis exemplis & patrocinis defendit. Mutauit autem Petrus statum, quoniam ille qui vocauit eum de nauicula,

collocavit eum in cathedra seniorum, ut senes ad prudentiam doceret: cum enim esset junior cingebat se, & ambulabat ubi volebat, cum autem senuerit sedere debet in cathedra seniorum verbo, & exemplo docens eos cum aetate crescere in scientia & religione. Qui enim senes sunt in ordine claustrum regularis sub professione christianitatis, non debent esse elementarii, quia ut ait Hieronimus, Senex elementarius ridiculum est: non ergo debet iterum conuerti ad egena & infirma mundi elementa ut more animalium hominum viuere velint, vel secundum imbecillitatem nouitiorum, rursus lacte indigeant, non solido cibo religiosae conuersationis; scriptum denique est: *In*

Iob. 12. *antiquis reperitur sapientia, &c.*

12.

Docet itaque Petrus senes de cathedra seniorum, ut sint prudentes mystici eloquii, ut penetrent illa arcana & secreta quae vidit Paulus in altissima sede tertii caeli, quae ut ipse ait, non licet homini loqui. Tam profundissime namque medullam Religionis anima religiosa debet inuiscerare suis medullis, ut prius excutiat à visceribus medullas, quam fidem & religionem à medullis cordis, quasi verò non licet homini loqui illa arcana, quia solis conspectibus diuinitatis credenda sunt desideria nostra, ne aut fauor adulantium ea imminuat, aut detractio susurrantium surripiat. Itaque de honestate, de scientia, de stabilitate, de mandatorum Dei obseruatione, & de perfectione iustitiae docet senes Petrus in cathedra seniorum; quae verò sit cathedra ista, & quis sit artifex iste videamus.

Cathedra ista Ecclesia est, quae quasi quatuor pedes habet, quatuor partes totius orbis, id est, orientem, occidentem, septentrionem & meridiem, ut Baptismum, Eucharistiam, Confessionem & Pœnitentiam; Baptismum videlicet consecrans in oriente, tanquam in ingressu tabernaculi; Viaticum corporis & sanguinis Domini in occidente, tanquam in exitu Israël ex Aegypto, videlicet corporis huius, siue mundanae peregrinationis; denique confessionem habet in septentrione, ubi sunt latera Aquilonis, accusans se de prauaricatione, non extollens de vanitate, & gloria carnali, quae tanquam flos agri cadet & arescet. Habet & pœnitentiam in meridie, quoniam pascit & cubat sponsus animam cum fratribus suis, & angelicis spiritibus, gaudium habens super vno peccatore pœnitentiam agente, quam super nonaginta nouem iustis, qui non indigent pœnitentia.

Ecce cathedra utique seniorum, nam ab Abel coepit cathedra ista compingi & dolari; dolari equidem in Martyribus, compingi in Confessoribus; bene si quidem dolat tolerantia passionum, si quid tuberosum, si quid enorme, si quid naui in nostro mortali corpore inuenitur, quando delet ut nubem omnes iniquitates eius, qui pro CHRISTO sanguinem suum fuderit: compingitur autem cathedra ista in Confessoribus, qui in charitate radicati & fundati tenent juncturam illam quae caput & corpus connectuntur incarnatione Verbi, & vnione sponsi & sponsae, ut possint comprehendere cum omnibus sanctis, quae sit latitudo, longitudo, sublimitas, & profundum; scire etiam supereminentem charitatem CHRISTI. Illa ergo dilectio, quae iuxta Salomonem fortis est, ita in confessoribus sicut mors, in Martyribus, compingit dolata membra per mortificationem car-

nis, cum his quæ dolata sunt per martyrium Passionis.

Princeps autem Apostolorum sedet in cathedra non juniorum, sed seniorum, quia fides nostra non est de recenti Deo, sicut scriptum est: *Israël si audieris me nouerit in te Deus recens*, sed de æterno, de incommutabili, de antiquo & pleno dierum: & licet sacramenta mutata sint in veteri, & nouo testamento, vna tamen fides, vnus Dominus in vtroque populo, sicut Apostolus memorans illud Psalmistæ: *Credidi propter quod locutus sum*, subdit inquit, *Et nos credimus propter quod & loquimur*, vnâ eandemque fidem insinuans Prophetarum & Apostolorum. Cathedra ergo seniorum est Ecclesia propter bæles æneas, quæ supponuntur columnis argenteis, quia Prophetæ & Patriarchæ præcedunt Apostolos, de quibus scriptum est; *Pro patribus tuis nati sunt tibi filij*, id est, pro Prophetis, Apostoli; hoc enim quod præmittitur, exaltent eum in Ecclesia plebis; exponitur cum dicitur & in cathedra seniorum laudent eum, vt cathedra seniorum pertineat ad fidem antiquorum Patrum; Ecclesia plebis, ad fidem Christianorum.

Sed quia de cathedra Petri, & solemnitas præsentis diei & sermo est, occasione eius considerandum nobis est quot aliæ cathedræ sint de quibus agat scriptura. Est itaque cathedra Dei; est cathedra diaboli; est denique cathedra Moyſis. Dei inuisibilis cathedra, est potentia illa quâ mundum vniuersum creauit & regit; & sunt quasi quatuor pædes huius cathedræ, vel quatuor primordialia elementa ex quibus omne corpus subsistit, vel ipsum cælum, ær, terra, mare, & omnia; Deus enim noster omnia quæcumque voluit fecit in cælo & in terra, in mari & in omnibus abyſſis. Suppositum verò sibi puluillum habet misericordiam suam, in qua molliter quiescit; quia miserationes eius super omnia opera eius: de hac cathedra dicitur: *Cælum mihi sedes est, terra autem scabellum pedum meorum*. Item, *Dominus parauit in cælo sedem suam, & regnum ipsius omnibus dominabitur*: Sedet ergo in cathedra qui vbique regnat, sicut scriptum est; *Dominus regnauit decorem induit, induit Dominus fortitudinem, & præcinxit se*. Ecce de cathedra Dei.

Cathedra verò diaboli est in inferno, vbi potestas est tenebrarum, sedet autem ibi diabolus tanquam in cathedra, immittens suggestiones per Angelos malos; immittens legatos suos in mari ad gentem fallacem, ad populum conuulsum & dilaceratum, cuius sternutatio ardere facit prunas; nam non solum medullas iuueniles scintillat in incendiis suis in ardorem luxuriæ, sed etiam sensus quorundam decrepitorum emortuos inflamat in libidines, & ardere facit prunas desideriorum, quando sternutauerit, carbones ignis congerens super caput stertentis animæ sopore negligentia. Quatuor pedes sunt huius cathedræ, quatuor genera suggestionum seu tentationum; prima quarum est leuis & occulta; secunda leuis & aperta; tertia grauis & occulta; quarta grauis & manifesta: appellatur autem in Psalmo, prima timor noturnus, secunda sagitta volans, tertia negotium perambulans in tenebris, quarta incurſus & dæmonium meridianum; his insidet & premit terram, ille qui rugiens circuit quærens quem deuoret. Sunt & alii pedes gehennalis cathedræ, calor & frigus, fœtor & tenebræ; puluillus autem est de quo dicitur *Subter te sternetur tinea*, & hoc de cathedra diaboli: restat videre de cathedra

Marth. 23. 12. Moyſis, de qua in Euangelio dicitur : *Super cathedram Moſis ſederunt ſcribe & Pharifei.*

Cathedra iſta lapidea eſt, in lapide enim ſedet cum Hur & Aaron ſuſtenta-
rent manus eius, quia graues erant. In lapide etiam ſcripſit, quia tabulæ illæ
in quibus decem verba legis ſcripſit, lapideæ erant; nec mirum, populus
enim duræ cervicis erat cui loquebatur. Nihil molle, nihil ſuaue in cathe-
dra iſta, quia in lege Moſis nulla remiſſio, niſi in igne, niſi in ſanguine, niſi
in cinere, niſi in victima & mactatione animalium; in ea etiam prohibetur
ne quis mel offerat in ſacrificiis. Pedes huius cathedræ ſunt circunciſio carnis,
maledictum legis, cultus ceremoniarum, & aſperitas mandati; planum eſt
quid circunciſio; ſed dicendum eſt aliquid de maledicto legis. Moſes cum
mandata legis compleſſet adiunxit; *Maledictus qui non ſeruauerit omnia quæ
in lege ſcripta ſunt*; Probat autem Apoſtolus Petrus omnes ludæos ſub hoc
maledicto legis fuiſſe, dicens in Actibus Apoſtolorum: *Quid tentatis nobis
imponere iugum, quod neque Patres noſtri portare potuerunt, neque nos*; hoc
itaque maledictum legis Moſes fecit, quia ad litteram nemo legem fecit, ſi-
cut in Euangelio dicitur: *Moſes dedit vobis legem, & nemo ex vobis legem
facit*: Planum eſt quàm lapideus ſit cultus ceremoniarum, quàm lapidea man-
data in lege; transferamus nos itaque à cathedra Moſis ad cathedram Petri,
quia non poſſunt aduerſus eam portæ inferi; fundata enim eſt ſuper petram,
id eſt Chriſtum, qui cum Patre & Spiritu ſancto viuſcit & regnat Deus per om-
nia ſæcula ſæculorum. Amen.



IN FESTIVITATE SANCTÆ MARIÆ MAGDALENÆ.

SERMO I.

DE preparato habitaculo ſuo tanquam à regalibus ſedibus, ad inferio-
res partes terræ noſtræ miſerator & miſericors Dominus, nube car-
nis aſſumpta, ſe ſe ſecundum tempus ſuæ prædeſtinationis humiliavit, & rei
noſtræ publicæ jura, omnemque ſollicitudinem vt legum conditor & in-
terpres curauit. Dum itaque cum ſenatoribus ſuis merita, & cauſas ſingulo-
rum, non more iudicantis, ſed pietate inſtruentis inquireret, (erudire nam-
que inſipientes non innocentes iudicare venerat) mulier quæ in leges offen-
derat, & jura naturæ violauerat, acceſſit rogans non cenſuram iudicis, ſed
indulgentiam patris.

Penſatis proinde, tam cauſa eius, quam cauſæ remediis, benignitate ſua
mitigauit aſperitatem legis, & condito Euangelii nouo ſenatusconſulto, le-
gem generalem remiſſionis ſanciuit; eatenus ſiquidem lege duarum tabu-
larum,

larum, digito quidem Dei conscriptarum, sed tamen lapidearum, sine miseratione transgressores eius puniebantur, & sine sanguinis effusione peccata non delebantur. Mansuetudine itaque & prudentia sua noster iurisperitus accepta potestate à Patre & de lege antiqua quædam importabilia, seu impossibilia dempsit; quædam crudelia mitigauit, quædam minùs apta composuit, quædam pro tempore commutato commutauit, vt clariùs, tranquillius, iocundius, & honestius reduceret tempus Domini quàm serui, & releuarentur in aduentu Domini qui opprimebantur graui iugo serui.

Fortè oblatrate voluit quidam Simon leprosus super hac pia Domini dispensatione, veterem retinens legem, & nouam ignorans ore leproso taliter submurmurans: Hic, inquit, si esset Propheta nosset Prophetam Moysen, nosset & legem, nosset sine dubio & hanc mulierem, si verò sciret, legi potius quam meretrici assentiret: nec solum tam propitio vultu se ad suscipiendam non inclinaret, immò lege armatus lapidibus obruendam adiudicaret; ita enim iustitiam legis seruaret, & opus iustitiæ statueret. Contrarium itaque agens, quæ in eo est iustitia, quæ sanctitas, quæ prophetia? Nonne in ciuitate peccatrix nota & famosa est mulier ista quæ tangit pedes eius, nonne qui tangitur, inquinatur ab ea? certè domum meam hæc non intrasset, nisi crederem ab eo eam respuendam, & condemnandam.

Cùm hæc in auribus Domini Sabaoth in silentio oris diutius sibilasset, proposito similitudinis problemate de lege sua articulum satis argumentosum proposuit, & seruum nequam ex ore proprio conclusit. Exclusa verò gloriatione sua per legem factorum, immò per legem fidei, faciem desiderabilem cunctis gentibus ad peccatricem mœrentem & afflictam conuertit, & de impunitate statim sententiam subintulit: *Fides*, inquit, *tua te saluam fecit, vade in pace.* Reuera sicut exaltantur cæli à terra, sic viæ Domini à cogitationibus leprosi separantur: respuit leprosam leprosus, sed suscipit Dominus, vtilius abiicitur leprosa à leproso, ideo magis suscipitur à Domino. Leprosus de lepra leprose suam cumulat lepram, quia superbix suæ adiungit stimulantem inuidiam; iam tamen non apparet in muliere vestigium lepræ, quia prouoluta vestigiis Domini accipit remedium gratiæ.

Luc.

7. 50.

Simon tu iudicas secundum veterem legem, immò secundum veterem hominem: Iesus non iudicat quemquam, sed absoluit pœnitentem animam.

Tu attendis legem in lapidibus, vbi ministratio mortis; I E S V S in spiritualibus donis, vbi superponitur victus miserationis; miserationes enim eius super omnina opera eius. Congratulare potius Sanatori contritionum miserrorum, quia & tu indiges medico, si vis sanari à superbix morbo: mulier ista etsi non est sana à peccato, immunis tamen est à delicto maximo desperationis vel præsumptionis; quærit medelam, nec segniter implorat indulgentiam, nec transeunter; instat perseveranter, clamat forriter, plorat abundanter, agit coram notis & superbis domesticis; omnia tam humiliter quàm patienter.

Cur igitur vis tam meritum euacuare conuersionis, quàm fontem obstruere pietatis? si debriatus malitiâ, latices nostros contemnis, cur onagram in siti sua potantem reprehendis? Ambiguum tamen quem contumac-

Z

liolius arguas, an potu indigentem? quid est Simon? in quo alium iudicas, teipsum condemnas. Si enim pœnitentibus indulgentia negatur, superuacue in lege tua ceremoniarum & sacrificiorum ritus obseruantur. Tu ipse quare es circumciscus? quare primitias & decimas tuas reddis Domino? quare offers pro peccato & delicto, si prohibes misericordiam, si negas indulgentiam? Sed fortè dicis, lex mea fornicatores, & adulteros condemnat, & minima ignoscens delicta, grauiora sine respectu miserationis imputat, & amputat. O Pharisæ si talis est lex tua, vt in maioribus non faciat, vel facere nequeat, quod in minoribus agit, ergo est aut insufficiens, aut iniusta. Sed non est, quia lex est quidem sancta, & mandatum sanctum & iustum, & bonum. Iustus enim & bonus Deus, qui legem dedit, iustus & mansuetus Moyses, qui legem attulit, non nisi iustum & sanctum sine dubio vterque in lege constituit.

Restat ergo, vt insufficiens sit, quod & verum est; nam non ad perfectum adduxit lex, nec Moyses, sed IESVS filios Israël ad terram lacte & melle manantem introduxit: habuit enim cursum suum ad tempus usque ad Iohannem; lex enim vsque ad Iohannem; & benè vsque ad Iohannem; qui interpretatur gratia; lex namque vt asseris Simon, sine gratia, sequitur itaque Iohannem, veniendo in carne IESVS, non qui interpretatur gratia, sed qui verè plenus est gratia, immo plena gratia. Medius verò intercurrit Iohannes inter legem, & Christum, vt quasi aurora & vmbra noctis finiret, & lucem solis præconando aperiret.

Timens, igitur Maria Magdalene legem sine gratia, accessit ad fontem gratiæ, & ne obrueretur lapidibus, adhæsit pedibus; Simon tu lapides crudelitatis, IESVS porrigit Mariæ pedes pietatis, tu conaris secundum legem ferire, sed infra colliduntur iacti lapides, vel potius in caput tuum reuoluuntur; nam retrò Mariam quæ stat ad pedes gratiæ, residet lex, nec extendit brachium comminationis, vbi cernit adesse pedes saluatoris; imponit sibi silentium cùm audit verbum, posteriora Domini videt, & in faciem prorumpere non audet; sufficit enim Moyli posteriora vidisse Dei. Siste itaque gradum Symon cum Moyse post tergum Domini, quia non est discipulus super magistrum, & sine vt Dominus faciat opus suum, suscipiendo Mariam peccatricem, quia alienum opus ab eo condemnare pœnitentem.

O Symon proximo lumine excæcaris, de resurrectione occumbis, odore bono moreris, plenitudine euanesces: sed tandem depelle à corde malitiam, ab ore mendacium, ab oculis liuorem, & mirare conuiuantem non ventrem implere cibo mensæ, sed humilitate, & fide Mariæ. Quod fieri solet in sanctis vide impleri in oculis tuis; in penetralibus domus tuæ hostia viua, sancta & Deo placens, nouo genere adolendi ad altare de terra incorrupta consecratum immolatur; sanguis ad basim funditur; oleum spargitur, incensum adoletur, capra pro peccato ignorantia jugulatur, & anima tua inde irascitur.


Procul dubio cùm renuntiat Maria motibus libidinosi, capram interficit; cum orat veniam, incensum accendit; cum deuotionem effluit, oleum fundit, cùm verecundatur de perpetratis, sanguinem effundit; cùm moritur peccato hostiam facit. Ecce ara, ecce victima, ecce ignis, ecce ligna, ecce

aqua, ecce baptista. In loco sancto talia fieri solent, & debent, sed ubi sanctior locus quam ubi stabant pedes IESV: *Adorate*, inquit, *Psalmista scabellum pedum eius, quoniam sanctum est.* In hoc scabello caput suum Maria reposit, & fletu sacratissimo humectavit; stans enim retrò secus pedes IESV MARIA cœpit rigare lachrymis, & capillis suis tergere; rigat plantas Maria, de horto Mariæ natas; Maria sed Dei genitrix, plantas istas de carne sua & sanguine plantavit, quinimmo plantatas germinavit * quomodo Maria, sed multum peccatrix, de interiorum viscerum fonte rigavit: Rigavit quas planè & alius non aquâ, sed oleo gratiæ; cum Maria in utero, immò in Maria Pater de cœlo plantaret, quem Maria Magdalene rigavit aqua, & unxit unguento, cum in domo Symonis recumberet.

Bona Mariæ Magdalene rigatio seu unctio, quia maculas peccatorum deleuit, melior unctio, siue rigatio Spiritus sancti, quia naturam sterilem & infœcundam, virtutibus & donis celestibus in CHRISTO IESV multipliciter ditavit; sublimior illa, humilior ista; nam ista in oleo gratiæ; ista fit in aqua pœnitentiæ. Non rigaret Maria Magdalene conuiuantem IESVM aquâ, nisi de Virgine nascentem Spiritus sanctus irrigasset gratiâ: lege scripturam Moysis, & intellige sacramentum huius rigationis, *Spiritus*, inquit, *Domini ferebatur super aquas.* Quid est Spiritum Domini ferri super aquas, nisi quia in Spiritu Dei superiori & meliori expiatione purgatur anima quam in aquâ? quid iterum est quod Spiritus Domini ferebatur super aquas, nisi quia per Spiritum anima mundatur, corpus in aqua; vel quia spiritus rigatione, seu obumbratione, natura sine culpa concipi potuit; in Mariæ verò Magdalene rigatione, culpa sine natura deleri meruit, meritò Spiritus Domini ferebatur super aquas.

Concepit Maria naturam nostram in IESV per Spiritum, ferebatur super aquas sine peccato, recepit Maria Magdalene animam suam abyssu priorum delictorum contenebratam ab IESV, eodem cooperante Spiritu, purgatam à dæmonio: benè ergo Spiritus ferebatur super aquas, quia in matre copiosior descendit gratia, in peccatrice largior venia, & nunc quoque Spiritus fertur super aquas huius peccatricis, cum asperione gratiæ spiritalis anima illius emundatur in effusione lachrymarum & pœnitentiæ. Super aquas Spiritus Domini fertur, cum potius ex deuotione cordium, quam ex sterili humectatione cerebri peccatoribus reconciliatur Deus: Spiritus sine aqua purificat, vel in aqua, aqua sine spiritu, qui fertur super aquas, quia non est de aquis paradisi, sed de stagnis Ægypti, fictus humor ab oculis egrediens, ad delinendos dumtaxat homines, non ad delendas criminum sordes. Ecce capra per aquam & spiritum mouetur mutata, accedit ad aram, cum abjectis prioris vitæ vitiis, Maria Magdalene conuersione cordis immutata amplectitur pedes pietatis.





DE MARIA MAGDALENA.

SERMO II.

Luc.
7. 38.

STANS, inquit Euangelista, *Maria Magdalene retro secus pedes Domini IESU lacrymis capit rigare pedes eius, & capillis capitis sui tergebat & osculabatur, & unguento ungebat.* Vade ad formicam, o piger, & discite semitas eius; congregat enim sibi æstate cibos hyemalis temporis: aptissimam procul dubio operationis similitudine Mariam æquiparare possumus prudentissimam formicæ, nam sicut formica grana triticea studiosissimè comportat æstatis tempore ad mansionem suam, prospiciens sibi ne in hyeme indigeat; sic Maria Magdalene ad granum tritici quod cadens in terram, nisi mortuum fuerit ipsum solum manet, si autem mortuum fuerit multum fructum affert, audiens ipsum in domo Symonis recumbere, cucurrit, & tanquam apprehenso grano tritici ad animam suam humillima conversione detulit. Nam quomodo formica grani medullam, sic Maria CHRISTI gratiam accepit.

Prou.
14. 1.

Pleniùs tamen vide ordinem conuersionis, & aduerte quomodo conuertitur conuersa; nam nec vnum iota præterit à lege reuersionis, quæ longè auersabatur in regione dissimilitudinis: in auersione namque suâ, domum mentis euerterat, & totam naturæ suæ substantiam viuendo luxuriose consumpserat; vt enim ait Salomon: *Mulier sapiens edificat domum, insipiens verò constructam destruit.* Hæc igitur mulier prius insipiens à summo vertice vsque ad fundamentum, habitaculum mentis quotidie in deteriora prouoluendo deiecerat; & sicut in ruina parietis lapis lapidem cadendo impellit, sic malitia malitiam in eius actibus annexuit, *Abyssus namque abyssum*, iuxta Psalmistam, *inuocat*, dum culpa culpam, vel etiam culpa pœnam in excacatis mentibus appellat; Tota itaque domus incuruata, ligna, laquearia, columnas, & tabulata in terram fuderat, & vsque ad fundamentum solidum nihil prorsus erectum remanserat; à plantâ enim pedis vsque ad verticem non erat in ea sanitas, quia in *Ægypto fractæ fuerant mammae* pubertatis eius, & erat tota nuda, & discalciata.

Pf. 41.
8.

Tandem ad cor rediens, & virum pubertatis suæ recolens, sensum cœpit recolligere, & sapienter inter se dicere, Reuertar ad dominum meum priorem, quia melius mihi erat tunc magis, quàm nunc, tunc videlicet, cum de manu eius buccellas sumebam panis oleati, cum inhaerens lateri eius non timebam domui meæ à frigoribus niuis. Cum enim fuerint duo fouentur mutuò, Vx autem soli, quia si ceciderit non habet subleuantem se; tunc inquam, melius mihi erat cum in sinu & pectore illius recumbens, perambulabam in innocentia cordis mei in medio domus meæ. Nunc autem

abiecta procul, exposita sum timoribus nocturnis, feris, & bestiis, nec-non pruina: & stillicidiis hyemalibus, quibus angor in corde, & horreo & in corpore. Resumo igitur vires, & de nocte consurgam, quarens eum, qui mihi dabat lanam & linum, si fortè tunicam, si fortè pallium turpitudini meae comparare possum.

Audio certè agnum in domo Symonis leprosi; qui moratur juxta me leprosam, fortè qui leprosi domum ad conuiuandum non respuit, nec me leprosam ad sanandum contemnet; si leprosus obtulit ei cibum, cur non & ego deferam quamuis leprosa, vnguentum? Symon cibum ego ministrabo vnguentum; manibus potuit Symon infundere aquam, sed neglexit. Ego si quomodo potero ad pedes procumbens, non de communi cippum puteo, sed de proprio fonte, vitali calore calefactam aquam gressibus Diuinitatis superfundam. Symon leprosus est solum in capite, quia superbus in mente; ego in toto corpore, quia plena libidine vel dæmone; qui enim fornicatur, in corpus suum peccat, quodcumque autem peccatum fecerit homo, extra corpus est. Non tamen hæc idcirco de Symone cogitans reuoluo, quasi meam postponens valetudinem, & eius adgrauans ægritudinem, insultare meliori præsumam, sed vt quò riuus pietatis declinauerit, meæ pusillanimitati persuadeam, & in spe remissionis ad fontem veniam.

Duo audiui de hospite Agni; Simon nominatur, & leprosus cognominatur: in eo quod leprosus, quadam proportionem accedo, in eo quod Symon, prorsus cedo; in eo quod leprosus, fragilitatem meam recognosco, in eo quod Symon, inobedientiam meam redarguo; in eo quod leprosus scripturam recolo, quia conclusit Deus omnia sub peccato; in eo quod Symon, iustitiam quæ ex lege est qui fecerit viuet in ea. In utroque tamen verum est, quia CHRISTVS IESVS venit in hunc mundum peccatores saluos facere: in eo quod leprosus, nequaquam melior me; sed in eo quod Symon, ultra me; differentia enim non modica est inter peccatorem obedientem, & inobedientem.

Vadam ergo ad domum obedientiæ; & ibi ab agno accipiam lanam indulgentiæ; erogat enim eam, & mittit petentibus penitentibus, qui dat nivem sicut lanam: qui de velleribus suis calefacit pauperes, qui forficibus crucis sine passionis eam totondit, & viuere ad contexendam vestem immortalitatis cum colo & fuso prædicationis & fidei transmisit. Dùm itaque agnus cum vellere suo est, qui sicut pluvia in vellus descendit, quoniam verbum carnem de Virgine assumpsit, vadam ad pedes eius, ubi sine vngulis terræ contiguius est, & nostræ humilitati amplius compatitur, non ad caput quod excellius est, & habet cornua septem, & oculos septem.

Timeo certè oculos ejus, quia lumen oculorum meorum non est mecum, timeo magisque formido cornua; quia mollis adhuc & tenera: apprehendam igitur agnum propter lanam, sed à parte pedum, sed à parte plantarum, quæ nec plantam habeo mundam, contingam plantam blandam & mundam. Si peccatrix non essem vngularem locum non reformidarem, mitissimum non ignoro esse agrum, sed recolo me tam grauiter offendisse, quòd potuerim exacerbasse etiam agninum oculum. Quid plantam in agno innocentius, quid

tenerius? itaque plantam teneram ex natura, teneriorem reddam ex lachryma. Irritant animum agricolæ vberes prouenientes fruges ex segete, propensius namque cumulat donum supernum, cum se idoneum ad suscipiendum præparauerit hominis meritum: largior namque succrescit manus in præmio, cum non fuerit ingrata mens accipientis beneficium.

Sed quale, sed quantum hoc beneficium, ut contingam Domine IESV scabellum pedum tuorum, immò qualem & quantam peccatrici impendis gratiam, cum præbere non recusas plantam: supra me hoc totum confortata est misericordia tua, & non possum ad eam, sicut enim quod infirmum Dei, fortius est hominibus, sic quod infirmum, sublimius; iam si planta rigata, calcaneo vicino me reiecerit, tamen tenebo plantam, & quasi complantata non desinam præ impatientia. Tenens autem plantam quid dicam? Deus meus misericordia ejus præueniet me; Misericordia ejus, id est, planta ejus præueniet me; dum teneo plantam colligo lanam, non me fugiet agnus, quia aut dabit lanam, aut semper tenebo plantam.

O Agne cum dederis lanam indulgentiæ, da quoque fufum pœnitentiæ; nam lana nisi nendo per fufum dispensata, vestem non facit; sic & misericordia, siue indulgentia pœnitentibus indulta sine fructu pœnitentiæ, consistentem nuditatem suam decenter non operit. Remittit Deus reatum culpæ, sed tu soluere debes pro modo culpæ modum pœnæ; nam etsi dixit agnus, remissa sunt ei peccata multa, non tamen Martha ideo cessauit à pœnitentia; digiti enim eius apprehenderunt fufum, & distillauerunt myrrham probatissimam præ cunctis Deum diligendo, sequendo, & ministrando, fufum ejus soluimus, modò expendimus cum de pœnitentia ejus loquimur.

Contexamus nobis tunicam propter frigus hyemis, quoniam piger arare non poterit de lana agni in fuso Mariæ, ut sic ad Deum quomodo Maria conuertamur; sic afficiamur; sic diligamus, sic sequamur; & cum ab agno accepimus lanam, à verbo eadem instantia impetremus linum; subtilius est linum, & rariùs, sed & carius, sic & verbum Dei pretiosius est corpore verbi, sic & vita æterna, quàm præsens indulgentia: aliquando enim quidam consequuntur lanam indulgentiæ, sed non perueniunt ad linum; immò linum vitæ; non enim perseverant. Qui enim post acceptam notitiam veritatis redeunt ad vomitum, rursus crucifigentes filium Dei, & ostentui habentes, excluduntur à regno. Voluntarie enim peccantibus, iam non relinquitur hostia pro peccatis. Lanam ergo isti habuerunt per indulgentiam; sed eam dilacerantes, & in fufum intorquentes, perseverantiæ linum non meruerunt.

Maria autem quæsiuit lanam, & linum, & operata est consilio manuum suarum; habet itaque tunicam de lino agni ad plantam; habet & pallium de lino verbi ad caput. Sic mulier sapiens reedificauit domum suam, perficiens à planta pedum humanitatis CHRISTI, usque ad caput Diuinitatis, hæc enim & pedes vixit, & caput: sed pedes adhuc peccatrix, & caput dilectrix, pedes Domini pedes sancti, quibus perambulat usque in Idumæam nostram verbi Diuinitas; quibus regreditur super pennas Cherubim, nostra hu-

manitas: quibus primum ad Matrem nascendo, & deinde ad Patrem rediit ascendendo; Filius Dei, ubique est totum implendo, & nusquam deest, totum regendo. Merito pedes, IESV, apprehendit Maria, quia egressus est diabolus ante pedes eius.

O Maria cum teneres pedes IESV quid sentiebas, quid cogitabas, quid desiderabas? commutares illud tenere pro aliquo aestimabili, vel inestimabili auro vel lapide? an satiari poterat os tuum osculis, manus contactu, oculus visu. Certè si cor extrahere posses, effundere in pedibus IESV non recusares; fudisti aquam, sed & vnguentum, sed quantum aquæ; nam vnguenti satis recolo mensuram, libram profecto vnguenti pretiosi, larga multum in aestimatione vnguenti, largior in aquarum effusione, sine pretio pretiosam aquam de proprio hauriebas puteo; & ideo caput præbebat aquam sine mensura; quia cor tuum non declinabat in avaritia.

Operuit hæc aqua pedes Domini, & abluit fordes animi & corporis tui, submersi sunt Ægyptii priorum malorum quasi plumbum in aquis vehementibus; huius compunctionibus aqua truncum emortuum reuiuiscere fecit, cum animam peccatricis iam dudum à nuditate boni operis extinctam ad dignos pœnitentiæ fructus fecundauit; effudit aquam & siccauit luxuriam. Mirabilius fortè Helix miraculum, dicitur enim tres annos & menses sex de cælo aquam precibus suis deposuisse, vt terra germinaret &c. Sed vtilius ecce factum, cum de propriis visceribus fluminis impetum eduxit, vt CHRISTVM sibi reconciliaret, & tanquam nouella oliuarum lucidissimos & dignissimos fructus pœnitentiæ in toto orbe proferret. Quid enim lucidius in terra huius sanctissimæ peccatricis fide & deuotione? quid in mundo fragrantius Mariæ Magdalenæ opinione? quid in Ecclesia efficacius huius dilectæ IESV pro peccatoribus oratione, & subuentione?

Potentissima sanè est apud iudicem piissima ad miserorum exaudiendam precem, efficacissima ad erigendum de stercore pauperem; hanc in cæli collegio præligat anima mea; huic non erubescat confiteri mala sua; hæc mediatrice lachrymas cum suo affectu postulet, & de amore IESV non hæsitet. Nonuit hæc affectuosiùs miseras miserorum recipere, meminit tenaciùs recogitans delicta iuuentutis suæ, quàm fragile sit vas nostrum fictile & prouum ad casum; dulciùs vulnera palpare, molliùs contrectare, & patientiùs fœtores vulnerum tolerare nondum defuevit.

O Maria laua conscientias pœnitentium, emunda inquinamenta cordium, quem plorando in aduocatum tibi commutasti, rogando eundem impetrares non reatum vltorem iratum, sed indultorem placatum. Quæ adhuc rea pro te sufficienter perorasti, jam dilecta pro confitentium culpis esto pia mediatrice; non verbis, sed lachrymis, non voce, sed compunctione, non pomposa oratione, sed lachrymosa rigatione indulgentiam extorsisti; non te continuerunt viscera misericordiæ Dei, ubi cœperunt se effundere viscera afflictæ peccatricis. Rogamus Domine IESV viscera tuæ pietatis, viscera tam matris, quam peccatricis Mariæ, quatenus referatis visceribus, reiiciamus malitiam, & recipiamus indulgentiam; omnem duritiam projiciamus, & affectum deuotionis obtineamus.

O Maria Magdalena cum nondum gustasses vinum meracissimum, fidentissimo ausu os tuum, & manus patenti fonti David appulisti; & nunc cum jam in cellam vinariam intraueris, vino celestium copiarum æstues, accedere trepidas, pauperibus ostii saltem propter calamitatem indefessè clamantibus, de reliquiis mensæ tuæ modicum panis, & pauxillum aquæ deferre recusas? Affer obsecro, buccellam panis, & vas aquæ, qui amissus sum ad te in tempore famis, sicut Helias ad viduam Sydoniorum, quia portas ciuitatis tanquam fugitiuus nondum intrare præsumo, inueniam te, & videam ad portam, vt te duce penetremus sanctuarij sanctuaria, & palatii secreta, præeunte Domino nostro IESV CHRISTO, cuius regnum & imperium sine fine permanet in sæcula sæculorum. Amen.



DE EADEM SANCTA MARIA MAGDALENA.

SERMO III.

QUOMODO ceruus ad fontes aquarum, sic Maria Magdalena ab æstu febrium recurrit ad fontem IESV; quod enim acrius sitit, eò citius currit; metas non moderatur itineris; insidias non attendit venatoris; difficultates postponit peregrinationis; tantummodo vt æstus reprimat, exurentes venas renouet, jam deficientes vires reparet. Vide Mariam instantius agentem tanquam ceruam gratissimam, ad domum Symonis festinantem, vt exponat sitim suam, vt proponat necessitatem suam; & tandem deponat miseriam suam.

Quid est, Maria? quod habes negotium in domo Pharisei, visne caput ejus impinguare oleo tuo? Nequaquam, inquit, propter Symonem leprosum venio, sed propter IESVM curatorem animarum, languida tertianis & quartanis accedo; simul namque febrem contrariam patior, quia vitiis in se ipsis contrariis miserabiliter succumbo; medicum aduenisse rumore publico audiui, cujus arte langor cunctus depellitur, & sine pretio impretiabiliter sanitas prioris xui restituitur. Hic vno verbi medicamine ad omnium omnem sanandum morbum, nouo medendi genere vitur; hic sicut pater suus vno sermone creauit omnia, similiter vno iussu curat vniuersa.

Præter hæc multa & mira de eo dicuntur, quod scilicet ventis & mari imperet; quod vinum de aquis statim mutaret; quod tactu fimbriarum suarum menstrua constringat, quod manu tangens, lepram extrahat, quod turbas miraculis pascat; fertur etiam plenus miseratione, plenus pietate, plenus mansuetudine, spernere nullum, abijcere neminem, suscipere omnem ad se venientem. Venio itaque ad IESVM, non ad Phariseum, ad Saluatorem non ad Symonem; ad medicum non ad leprosum; venio, inquam, venio nunc ad fontem misericordiæ, non ad montem superbiæ; ad pium indulto-

rem

rem debiti, non ad impium exactorem indebiti.

Despicit me fortè despiciendus leprosus; sed respicit me certè adorandus Dominus IESVS; imputat ille mihi peccata mea, quem prægrauant sua: ignoscit delicta iuuentutis meæ, quem non infecit lethale & vniuersale piaculum corruptionis nostræ. Creditor meus agit in me misericorditer; superstitiosus & improbus accusator immaniter; non igitur venio ad domum Simonis propter mansionarium, sed propter peregrinum. Etsi enim diuertit humilis ad superbum, IESVS ad Phariseum, medicus ad superbum, non tamen conuertit vultum ad detrahentem proximum suum, sed ad confitem rem reatum suum: dedignatur namque sed dedignata superbia humilitatem, discordia vnitatem, immunditia castitatem, vitium virtutem. Quandoque tamen fortior virtus subintrat peccati hospitium, vt destructo sathana dominio, animam compeditam consuetudine malorum, tanquam spoliū deferat, & vitium desolatum mansione sua in deserto sedeat.

Accurrit itaque ad verbum quod misit Dominus in Iacob, & cecidit in Israël, si fortè regnum cælorum rapere de domo Pharisei possim; quod ille negligit præ adipe & pinguedine suâ; faciam quod fecit quardam, & in sexu & in fastu antiquorum malorum par mihi & consimilis, sed nihilominus in fide & deuotione non dissimilis; alij premebant aliquando IESVM, sed succum virtutis ex aliorum pressura, ipsa quæ fluxum sanguinis patiebatur suscepit; nam guttur fidei supposuit & de botro cipri in torcularē desudante, & exundante, balsamum extorsit. Sic sic & ego, quia humilitatem IESV in fastu suo præponderat superbia Pharisei, ad pedes pressi non oppressi conscendam, & dependentem gemmam gratiæ, supposito cordis vase recondam.

Vbera mea quæ fracta sunt in Ægypto, perungam gutta huius olei quod non deficiet de capite meo, sicut & lecythus olei non est imminutus; vt sic demum per pœnitentiam emendata, meliora sint vino, fragrantia vnguentis optimis. Vinum iustitiæ extorquet Simon confidens, immo præsumens de iustitia sua: sed mihi & propter sexum, & propter morbum competit oleum siue balsamum. Væ tibi Simon, qui manè confurgis, vt vino æstues, manè enim vtilius esset oleum; sed vinum, quia si scapham misericordiæ præoccupasses, procellas sententiæ minùs formidares. *Misericordiam & iudicium cantabo tibi Domine*, ait Psalmista; manè misericordiam, sed iudicium; venit enim manè redemptionis, & iudicium vltionis, namque vini austeritatem, & noctis obscuritatem nemo ferret, nisi manè lumen, & olei suauitatem prius susciperet. Quis enim in nocte iudicii nisi Simon, qui gloriatur in virtute sua, stabit ad videndum eum, cum apparebit quasi ignis conflans, & emundans argentum.

Vinum vis bibere Simon incipies æstare, sæuitas enim iudicii, æstus est intolerabilis: quamobrem manè potiùs inungamur tantum oleo, quàm æstuemus vino, humiliemur ad veniam, non leuemur ad inanem iactantiam. Non, inquit Maria, curro ad vinum, quia non habeo vestimentum, prius vestimentum, postea vnguentum, deinde quero vinum; duplici enim perfundor confusione; nuda namque sum gratiæ indumentis, & idèò erubescō;

A 2

vulnerata sum in concessis naturæ dotibus, & iccirco ingemisco turpitudini proinde depono tegumentum remissionis, vulneribus medicamentum reparationis; vulnerauerunt namque me, tulerunt pallium in eum custodes murorum, immo latrones tenebrarum, si quod donum gratiæ, si qua munera Spiritus sancti collata acceperam, malè vtens, negligenter custodiens, pessimè vivens instinctu dæmonum amisi ea. Dereliquit enim me virtus mea & lumen oculorum meorum & ipsum non est mecum.

Spiritus fornicationis tulit à me pallium integritatis; spiritus iræ, tunicam charitatis; spiritus gulæ vel ebrietatis, syndonem sobrietatis; spiritus superbiæ, calciamenta humilitatis; spiritus impatientiæ, camisiæ lenitatis & mansuetudinis; spiritus avariæ, ornamentum capitis; spiritus inobedienciæ, in aures de auriculis. Ecce septem spiritus nequiores aliis quomodo diuiserunt vestimenta mea, & super vestem meam miserunt sortem. Ab his tertianam, ab his quartanam patior, super tribus enim & quatuor sceleribus, à me perpetratis, conturbatur anima mea, & venter meus, id est, corpus & spiritus.

Tamen sic spoliata, sic nuda, sic plena confusione procido ad pedes agni habentis oculos septem, & cornua septem, quærens lanam & linum ad contexendum vestimentum, & ad contegendum opprobrium meum: ob hoc retrò secus pedes accedo & animam meam in fletibus effundo, rigans lachrymis per singulas noctes lectum meum. Ex hoc enim iam lectum alium non habeo, nisi pedes IESV: hic requies mea in sæculum sæculi; hic somnus dulcis, hic mihi erit tabernaculum æternæ mansionis: *Si illi quibus non est vestimentum*, secundum Iob, *amplexantur lapides*; cur non ego, quæ nuda sum, Domini IESV pedes?

Iob. 24.
8.

IESVS, qui factus est mihi sapientia, & iustitia, & sanctificatio, & redemptio; qui virgo de virgine ad restituendam integritatem, conceptus & natus est; qui sicut agnus coram tondente ad redintegrandam charitatem, nisi vt funderet preces, non aperuit os suum, ita vt miraretur Præses: qui ad extinguendam ebrietatem, sobrietatem opere & sermone docuit; qui principium, & caput humilitatis ad dirigendos gressus nostros in viam pacis; qui cum malediceretur non maledixit, ad præbendum exemplum patientiæ; qui ubi caput reclinaret non habuit, ad confodiendum spiritum avariæ; qui Patri obediens vsque ad mortem fuit, ad consummandam victoriam dispensationis suæ, reuestiuit me vestimentis gloriæ suæ; cum enim remittit peccata quasi refarcit vestimenta.

Liberata igitur à frigore & confusione, operando in vulnerum curatione; vulneravit me oculi concupiscentia; vanitas aurium; ventris appetitus; sapor nimium exquisitus, tactus plus iusto demulcens; odor vnde cumque redemptus; & voluptas corporis naturæ necessitatem excedens, & in belluinam imaginem, imaginem Dei conuertens: Aperio tandem vulnus, detego liuiorem, plagam tumentem medicinalibus remedijs expono clamans; corruptæ sunt cicatrices meæ à facie insipientiæ meæ, & tu Domine quid? sana me, & sanabor, saluam me fac, & salua ero. Nuda agnum; vulnerata medicum; fontem viuum sitibunda; munimentum tremebunda; tenebrosa

oleum; exulcerata unguentum; vitam mortua peto. Sapientiam agnus, intellectum medicus, fons vius consilium, turris fortitudinem, oleum scientiam, unguentum pietatem, vita praestet mihi timorem.

Luxuriam abduco; poenitentiam mihi indico; lachrymas fundo; pedes abluo; manutergio capillorum detergo; ream me in medio Ecclesiae, & Synagogae confiteor; mihi ulterius vivere contemno, recogitabo tempus adolescentiae meae, ut si dies reuocare per innocentiam nequeo, saltem per poenitentiam dimidiare valeam. Quamuis horis horas, momentis momenta, dies diebus, menses mensibus, annis annos rependere non sufficiam: tamen totum residuum pro toto constituam. Dextram verò Deum tenens libram culpae & poenae, misericordiae & iustitiae inclinet ex hoc in hoc, ut quod est iustitiae leuiget; & quod est misericordiae amplifietur; quod est poenae indulgeatur, & quod est culpa deleatur.

Si Simonis sententia suscipitur, momentum staterae in sinistra deprimitur in dextera euacuatur: secundum Simonem totum, culpae totum exigit poenae; sed non praeualeat Domine IESU inimicus, retracta sententiam à labiis iniquis, & à lingua dolosa, non secundum leges misericordiae tuae prolatam. Sicut denique Daniel vir desideriorum falsum testimonium reprobatur aduersus Susannam castam, sic tu totus desiderabilis, non approbes condemnationem aduersus Mariam per te saluandam; tollatur culpa, ut mitigetur poena; transfundatur plenitudo iustitiae in plenitudinem misericordiae, plenitudo vindictae in plenitudinem veniae. Rarefiant iustitiae pondera, ut clarescant misericordiae sceptrum; de regno namque iustitiae per IESUM transitus patet per poenitentiam ad regnum misericordiae.

Habet & innocentes suos, iustitia; misericordia habet poenitentes suos, sed commeat ad regnum innocentiae, quos deduxerit misericordia per viam poenitentiae. Cuius verò est regnum iustitiae, nisi eius cuius regnum quoque est misericordiae: non est qui arguat, si de regno iustitiae transluleris in regnum misericordiae. Olim Iacob manus commutauit in benedictione Ephraim, & Manasse; dextrum sinistram, primum nouissimum; caput caudam, mysterio utique inspiratus prophetico: voluit proinde Ioseph secundum faciem iudicare, & quasi oblito seniori, ordinem natiuitatis ad memoriam reuocauit dicens: *Non conuenit Pater, quia hic est primogenitus, pone dexteram super caput eius cui Pater; scio inquit fili mi scio.*

Gen.
48. 19.

O profundum mysterium! ô inscrutabile sacramentum; antiquis dierum nouit, quod Ioseph nondum intelligit: inseritur oleaster in oliuam, & efficitur socius radices & pinguedinis oliuae; contractus denique ramus naturalis extraneus factus est fratribus suis, ut non sit in Israëlita omnis qui ex Israël est. Iacob similiter eligitur, & Esaü reprobatur. Quid amplius? *Anferetur* inquit Dominus Iudaeis, *à vobis regnum Dei, & dabitur genti facienti fructus ejus.* Sed quando & quomodo factum hoc? in transpositione manuum cum dedicaretur crucis mysterium minoribus maiora, & meliora repromittens, superbis, & de carne gloriantibus, sinistram regni terreni in praesenti largiens: Simon reputat se dignum dextram, Mariam sinistram; sed scientiarum Dominus meritorum appensor æquissimus.

Math.
21. 43.

Aa ij



DE EADEM.

SERMO IV.

PLENA & plana saluberrimæ conuersionis, & pœnitentiæ imago vniuersis peccatoribus Maria Magdalis proponitur; in hac enim quasi quadam tabula decentissimè dolata diuinissimis Domini operibus viuis & venustissimis misericordiarum suarum coloribus exculpsit pietas IESV, membra, nervos, & venas conuersionis nostræ, & justificationis suæ; vt quàm pessimæ prius fuerat habitudinis, tam perfecti postea inueniretur decoris. Reuera si compares priora eius & nouissima, sine dubio tanquam æquis passibus contrario modo animaduertes deambulantia: vt enim auersa recesserat in profundum malitiæ, sic conuersa rediit in profundum pœnitentiæ.

Sed quid traxit eam in profundum malitiæ, nisi profundum ignorantia, vel quid retraxit ad profundum pœnitentiæ, nisi profundum diuinæ misericordiæ! ò profundum inter profundum & profundum, quid facies de profundo iniquitatis, vt aperias profundum conuersionis? Oppe potenter cisternam veteris corruptionis, & fode misericorditer vitam sanctæ immutationis: complanetur facies abyssi tenebrarum & calignis. Explanetur fons domus Dauid in ablutione sanctissimæ peccatricis; adæquetur aggeribus satisfactorum puteus antiquæ putredinis; perfodiatur instanter renouatum pectus totum refudans in lachrymis. Ecce quomodo profundum Dei commutat profundum hominis errantis in profundum aliud, videlicet confitentis & pœnitentis.

Diabolus & homo primum effodiunt profundum, Deus & homo secundum efficiunt, nam diabolus suggerendo quasi lacum peccati aperit, homo consentiendo & delectando, vique ad profundissimum tendit & lacum extendit; lacus iste, lacus est miseriæ & fæcis & luti. Addendo autem præuarricationes præuarricationibus, & apponendo iniquitatem super iniquitatem, & infinitum erroris proficit, immo deficit, vt qui prius erat lacus, jam non fit lacus sed abyssus. Ascendunt verò tenebræ super faciem abyssi, vt scriptura testatur; ecce lacus, ecce abyssus, ecce tenebræ super faciem abyssi: sed vnde, vel quare hoc? vnde nisi à confusione operum, seu desideriorum, quare, nisi quia terra inanis est & vacua, inanis scilicet seminibus bonæ voluntatis; vacua, fructibus bonæ operationis.

Maria Magdalis antequam irrigaretur fluminibus paradisi; antequam imprægnaretur sermonibus veritatis, antequam fœcundaretur dignatione piissimi Saluatoris; antequam lauaretur propriis lacrimis fide jam sanctificatis; antequam indueretur amictu confessionis & decoris, terra fuit inanis & vacua: quid enim ea inanius, quæ vanitati subiecta, vana loquebatur, vana sectaba-

tur, vniuersa vanitas, voluptatibus carnis demersa prorsus efficiebatur. Quid magis vacuum eâ, quæ tota gratiarum plenitudine euacuabatur, & nullo boni operis fructu replebatur? sed quomodo vacua, de qua Dominus eiecit septem dæmonia? quomodo vacua, quæ tot dæmonibus plena.

Planè ideo vacua, quia dæmonibus plena; implendo namque dæmonia animam euacuant non implent, solitudinem operantur, non plenitudinem, famem faciunt non satietatem: vitiorum namque natura semper vana, semper cassâ; seipsam consumit, & vas in quo intrauerit rumpendo, ab omni integritate sua profluens reddit; deuorat si quid inuenerit, & ne bonum quodlibet accedat, valuas cordis pessulo nequitiae occludit. Vrit virorem; comburit florem; folia rapit; fructus corrumpit; naturalis boni radicem corrodit; ramorum venustatem confringendo consumit; quid plura? Totam cordis regionem subuertit, quasi in vastitate hostili, satius itaque planum, immò vacuum est hospitium; quod tali hospite fuerit plenum.

Sed quid factum est; venit plenus ad vacuum, vel potius plenus ad plenam sed gratiâ & veritate, ad plenam malitiâ & infirmitate; plenus bonitate ad plenam malignitate, plenus sanitate ad plenam agrotatione; plenus plenitudine ad plenam inanitate; euacuauit denique plenam, & impleuit vacuum vnde autem euacuauit dæmonibus, repleuit virtutibus; veteri homine euacuauit, nouo repleuit; euacuauit operibus mortuis, repleuit charismatum donis; euacuauit libidinum exuiis, repleuit veræ & perfectæ humilitatis trophæis; ad extremum euacuauit iniquitate, repleuit dilectione.

O terra inanis & vacua, pluuiam voluntariam, pluuiam serotinam & temporaneam segregauit tibi Deus, vt tu inebrieris stillicidiis superni doni; Simon tanquam vellus arescat præ ariditate superbi cordis. Absit vt quiescam dormiens in domo mea, cum anima Domini mei laboret in castris Philistinorum procul à domo sua; sequitur enim prædam suam, & jam ligato forti euerrit domum eius accensâ lucernâ, vt ad solum, immò solum paternum referat drachmam perditam: quomodo itaque ascendam in lectum strati mei, dum sub pellibus, & in tentoriis est Archa, sine anima Domini mei? Plagas pedum & manuum ejus, siue lateris nondum extersit, & sedeo? non vñxi & comedo, non sum osculata & quiesco? non tetigi & secura sum? non sum amplexata, & tenebras timeo? Fides mea vbi es? sanitas mea quid es? quousque taces? quousque lates? quousque hominem times? quomodo videns impietatem, in clamorem in publico non erupisti? quomodo liberatorem tuum pro viribus non extorsisti?


Certè timebam non Pilatum flagellantem, non turbam rugientem, sed Dominum sic volentem: noueram enim vultum, & ideo considerabam nutum: nutum patientiam innuentem, non tumultum sæuientem perpendebam, & ad meipsam conturbata, dolores intolerabiles infundebam. Vix lachrymæ tutæ procedebant, vix rugitus aërem poterat sine insidiis quassare, vix singultus intra domesticos parietes audebat palpitare.

Iam verò, jam supra modum lassata patientia mea, currat ad patientiam Dei mei lassatam, sed laxatam & vsque ad inferos dilatatam: non viuam nisi inuenero vitam; vitam quæro non alterius, sed ejus qui jacet in monumento;

A a iij

excubabo ad sepulchrum eius donec videam IESVM, etsi mori cum moriente non potui, viui cum mortuo, vel etiam moriar pro mortuo. Occiderunt qui odio habebant, sepelierunt qui diligebant: quid ego quæ neutrum feci; alterum quia nolui, alterum, quia non potui; officii mei non immemor, saltem vngam pedes, vngam manus, vngam latus, vngam & totum corpus; non deficiet fidei meæ vnguentum, quia nunquam effectus operis deseret tam pii propositi remunerabilem affectum. Sic meditabatur tanquam columba in gutture suo, sic loquebatur in Spiritu suo, & ecce Angelus Domini audiens venas susurrii, & videns suffusiones oculorum; animaduertensque creberrimas repetitiones singultuum, signis non ignotis edoctus quid expostularet spiritus, quid desideraret animus; prior ipse enunciat votorumque completionem CHRISTVM resurrexisse asserens subadministat.

Appende & nunc stateram præsentis gaudii cum statera præteriti mæroris, & sicut compatiebaris doloribus grauissimis, sic admiraberis triumphos superuenientis jubilationis; iam enim dies facta diei eructat verbum, sicut aliquando nox nocti annunciauerat scientiam; cum enim Apostoli nocte ignorantia Dominicæ Resurrectionis adhuc tenerentur, quasi nox erant. Venerat autem ad monumentum cum adhuc tenebræ essent, & non inuenato corpore Domini credidit sublatum esse; venit itaque ad Apostolos dicens. Quia tulerunt Dominum meum, & nescio ubi posuerunt eum; nox igitur erat propter ignorantiam.



DE EADEM.

SERMO V.

NON indiget exemplo natura filiorum Adæ in præuaricatione committenda, non monitore in effrænatione luxuriæ, non ductore vt declinet à semita. Semel verò lapsa, vix vndique & vndecumque collectis remediis auxiliatur; vix etiam omnimoda curationis sollicitudine adhibita sanatur, vix denique ad veritatis viam ipsa reuocante veritate reducit. Vt de alto in præcipitium deferatur, nequaquam conandum est: vt autem superna repetantur, vires colligendæ, exercenda virtus, auxilium est exquirendum.

Sic fratres charissimi, sic in promptu, & in foribus mali occasio; peccare volenti spontanea se ingerit, immo etiam quemque nolentem ad se trahit & in suos amplexus cogit. Meretrix est insolens, oculos exulcerans, cor exurens, catenis & compedibus illiciti amoris totum hominem concludens: hæc in ciuitate huius mundi neminem intentatum, neminem inquietum à se vacuum abire permittit; in turribus ludit, muros circuit, lustrat domos, &

terram perambulat. Usque ad pedes IESV euagatur, sed ibi deficit, & quæ hæcenus de omnibus triumphauerat, triumpho meliori ipsa succubuit: dilato enim sinu misericordiæ, fons gratiarum IESVS secundum multitudinem misericordiarum suarum, oliuam inserit oleastro; vas contumeliæ reparat in vas gloriæ; ferrum tollens de terra, facit argentum, de immunda mundam, de agra sanam, de extranea domesticam.

O quam sanum caput, cuius pedes tam sancti, ut meretricem, castam efficiant, ut contactu suo, inordinatæ mulieris menstrua sistant, ut puteum iniquitatis, & fontem totius malitiæ arefaciant. O anima peccatrix, in qua iniquitas sedet, in qua peccatum regnat; meretrix effecta malè delectando, peius consentiendo, pessimè operando. Audi piissimum IESVM accumbere in domo Simonis leprosi, & ne diffidas, ne pauescas, ne refugias; qui enim apud leprosum non dedignatur manducare poterit flentem peccatricem respicere? prandium suscepit de manu leprosi, & lachrimas contemnet confitentis animi? iuxta leprosum accumbit, & ad pedes prostratam non respiciet, vel potius recipiet? Cuiusnam maior iniquitas superbi leprosi; an humilis meretricis? Planè in anima leprosus est omnis superbus, an non & inuidus? fortè Simon ideò superbus quia iustus, quia sanctus, quia mundus? sed quæ iustitia, ubi superbia? initium enim omnis peccati superbia.

Cum ergo altitudo misericordiarum Dei nec domum superbi & inuidi peccatoris refugit, sed intrat ut canet, animam etiam superbam humiliando, animam inuidi ad mansuetudinem reuocando; non desperet Maria Magdalis, sed inuoluat se circa pedes IESV, humiliter turpitudinem, & ignominiam vitæ pristinæ confitendo; ingrediatur claustrum obedientiæ, totum corpus suum quod est corpus vitiorum pedibus prosternat IESV, id est, omnium virtutum. Rebaptizetur flumine lachrimarum; veteris conuersationis inquinamenta detergat vario ornatu innouatarum cogitationum & operum; superfundat boni & pretiosi odoris spiritualium contemplationum unguentum: his impinguabitur eius caput; oleum peccatoris, id est Simonis, non impinguat. His delectabitur quem domus præuaricans exacerbat; his irrigabitur, quem torrens iniquitatis non circumdat.

Recordemur jam jam, Fratres, viarum antiquarum, immò errorum præcedentium, & arefacti sterilitate malorum, raris orationum fodiamus in pedibus IESV fluium paradisi; ut quod in horto animarum nostrarum aridum est, irrigetur, quod sordidum purgetur, quod marcidum viuificetur, quod sterile imprægnetur; quod deforme venustetur; quod inutile amputetur; quod vtile ampliatur; quod maculosum dealbetur, quod rugosum extendatur. Ad odorem namque huius Magdalis iam diu emortua sicut virga Aaron penetrante gratiâ reuixit, fronduit, re floruit, & fructus dignos penitentia fecit.

Verè mortua, cum nihil habens de vita virtutum, in inferno iacebat sepulta vitiorum; verè mortua, cum spiritibus erroris plena, in castris criminum mortis gerens vexilla debacchabatur in mortem innocentium, verè mortua cuius guttur sepulchrum patens erat, cuius lingua dolosè agebat. Ascendit autem fons qui irrigabat vniuersam superficiem terræ prædicando

atque miracula faciendo, & veniendo domum Pharisei, vt manducaret cum illo, exhalauit verbum viuifica prædicationis; referauit absconditam & ignotam suauitatem de secretis cælestium allati vnguenti, & mirâ celeritate resperfit vicinum aërem nouitate & alacritate sui balsami; quod cum audisset; vel potiùs hausisset mulier quæ erat in ciuitate peccatrix, attulit, alabastrum vnguenti, & stans retro secus pedes Domini cœpit rigare lacrimis suis, & capillis suis tergere.

Ioan. 5. 25. c. 37. 9. Iam ergo viuuit quæ Euangelium audit; dicitur namque in Euangelio Iohannis quòd: *Qui audierunt viuunt*, intrat proculdubio vita in ossibus & neruis verbum vitæ suscipientis, hoc enim Ezechiel testatur cum dicit: Spiritum à quatuor ventis cæli venisse, & ingressum ossa emortua suscitasse. Vbi namque prudentia, fortitudo, iustitia, temperantia cum Spiritu Dei accedunt, ibi vita succedit, & mors discedit. Accessit, inquit, mulier quæ erat in ciuitate peccatrix; priùs auersa peccando abscessit, in consilio impiorum delectando abiit, in via peccatorum consentiendo stetit, & in cathedra pestis pertinaci obduratione sedit. Deinde conuersa declinando à malo, venit faciendo bonum; accessit erubescendo, retro stetit in humilate, perseuerando, pauimento adhæsit.

Quod ita intelligendum est, malum cogitare est à Deo recedere, peruersæ enim cogitationes separant à Deo; adiungere delectationes prauis cogitationibus, est in consilio impiorum abire: ex consensu malum deliberare, est in via peccatorum stare, ad extremum consuetudine malâ in peccatis suis fœtere, & exempla mortis aliis præbere, est in cathedra peccatorum federe. Oportet autem retrograda conuersione pedem animi reponere, vt bona cogitando, in bonis delectando, meliora sequendo, & in sanctitate perseuerando, annos quos comedit erucha siue bruchus seu locusta, vel etiam rubigo reparemus: annos si quidem luxuriosi, bruchus, annos gulosi eruca; annos superbi, locusta, annos inuidi consumit rubigo. Itaque continendo, abstinendo, humiliter viuendo, & innocenter conuersando resarcimus damna præcedentium malorum.

Accessit igitur quæ recesserat, & tot passibus pietatis ad lucem vt illuminaretur accessit, quot gressibus iniquitatis in regione vmbre mortis deficiendo excessit. Vnde Gregorius; tot in se inuenit holocausta, quot habuerat, carnis oblectamenta. Hostiam offert, sacrificium defert, holocaustum in interiora velaminis infert, hostiam viuam, sanctam, Deo placentem, sacrificium spiritus contribulati, sacrificium pingue & odoris suauissimi: detrahit quoque pellem veteris hominis hostiæ suæ, & artus in frustra concidit:

Luc. 7. 38. *Lachrymis*, ait Euangelista, *cœpit rigare pedes eius, & capillis tergere.*


In domo Simonis leprosi, stupenda video, Simonem murmurantem, IESVM miserantem, Mariam amare flentem: fel amaritudinis, & ventus inflationis rumpunt venas Simonis, mel dulcedinis, & spiritus pietatis superfundunt Filium Virginis; contritio cordis, & impetus compunctionis emanant de visceribus peccatricis. IESVS redundat misericordiâ, Simon malitiâ, Maria pœnitentiâ: de cælo misericordia, de inferno malitia, de mundo pœnitentia, Solum cælum nouit misericordiam; solus infernus procreat malitiam,

malitiam, solus mundus agit pœnitentiam.

In cœlo non est sedes malitiæ, quia inde proiectus est accusator fratrum nostrorum, & traxit post se tertiam partem stellarum, neque locus pœnitentiæ, quia patria est regnantium, non bellantium, probatorum non probandorum, coronatorum, non in incerto currentium. In inferno quoque non est locus misericordiæ, quia lacus desperatorum, gehenna condemnatorum; malleus à pœna nunquam resiliens: neque locus pœnitentiæ, quia sicut sententia confirmatur pœnarum, sic in impœnitentia indurantur corda eorum. In mundo tantum agitur pœnitentia, quia nullus in eo habitator & * præuaricator. * f. & non

Suscipit autem huius mundi habitator ex confinio cœli misericordiam, ex contaminatione inferni malitiam, atque ex sua mansione miseriam: neque enim iustus in plenitudine summa misericordiarum euehitur, nisi ruptis peccati fomentis; neque reprobis miseriarum abyssis demergitur, nisi gurgitibus humanæ cupiditatis transcursis: namque & ille in gloria absorbetur; & iste in pœna. Pendente verò destinatione, siue prædestinatione, neque desperatione negligenter in alterum ruendum; neque præsumptione irreuerenter in aliud irruendum; nescit enim homo utrum odio an amore dignus sit.

Fugiat itaque malitiam, refugiat ad misericordiam, & sic euadet miseriam: pedes apprehendat misericordiæ, lauet, tergat, & vngat. Apprehendat per timorem, lauet per compunctionem, tergat per confessionem, vngat per deuotionem. Caput nihilominus malitiæ apprehendat, amputet, comburat, & in cinerem redigat: apprehendat per fortitudinem, amputet per confessionem, comburat per feruorem, in cinerem redigat per discretionem. Talis apprehensio virtutis & vitii deprehensio, vel potius depressio, de agra sanam, de leprosa mundam, de peccatrice sanctam, de meretrice apostolam constituit.



DE TRANSFIGURATIONE DOMINI.

S E R M O I.

SI CVT aquila pronocans ad volandum pullos suos, &c. Facta mentione Deut. 32. 11.
passionis suæ, ne fides Apostolorum adhuc modica & tenera, tanquam granum sinapis mole & molâ tam oneraria opprimeretur, præuenit IESVS consolatione mœrorem, præuenit remedio ægritudinem, præuenit dulcedine rem amaram, præuenit denique glorifica Transfiguratione mortem Crucis turpissimam. Digna siquidem compensatio emolumenti, & omnis de æquitate in statera iusta appendit tam laborem quàm mercedem operis, ut aquis passibus currant quod impenditur, & quod exigitur, via diuersâ,
B b

vno tamen compito ambitur.

Diuerſa planè ſunt honorari & deſpici, glorificari, & deturpari; vno tamen humero IESVS & crucem portauit, & glorificationem Transfigurationis; eadem namque facies quæ ſicut ſol reſplenduit in Transfiguratione, ſputa & alapas ſuſtinuit in Paſſione, ſi facies imaginis gloriæ Dei ſolis aſſumpſit ſplendorem, non magnum fuit. Sed quod perfidia Iudæorum ſpurciſſima ſui pectoris venena iniecit vultui Dei, quis audiens non tabeſcit? non aures occludit, non cor fidele diſcindit? Adhuc veſtimenta quæ facta ſunt alba ſicut nix, tolluntur, & ſorte inter milites diſtribuuntur.

O patientia Dei, quæ vix angelicis cuſtodiis dignè crederentur, quæ populo Chriſtiano pro incomparabilibus theſauris miſericordiſſimè designarentur, cruciſigentium indignis manibus contrectantur: ſed huius veritatis & varietatis ratio latet in myſteriis à ſæculo abſconditis. Interim donec plumeſcat fidei pueritia, antequam miluis exponatur, volandi doctrina apponitur, & exponitur, cum enim paſſionem ſuam Dominus prædiſiſſet, poſt ſex dies aſſumpſit Petrum, & Iacobum, & Iohannem, & duxit illos in montem excelſum, & tranſfiguratus eſt ante eos.

Aquilina euolatio eſt Domini tranſfiguratio; ſicut enim in ipſum ſolem rapidiſſimo effertur volatu aquila, ſic aſſumpta à Verbo humana natura potentiſſimè euolans, in illa hora, reiecit à ſe omnia mortalia impedimenta, non ſolari aut niuea claritate contempta, ſed claritate quam habuit in Verbo priuſquam mundus eſſet, indutâ; in quam etiam deſiderant Angeli proſpicere. Nec enim ſic exprimere potuit Euangelista, quomodo valuit efficere virtus diuina; dixit vt potuit homo in comparatione, ſed plus potuit Deus in operatione, quàm lingua humana in relatione.

Pullos itaque ſuos gallina duxit ad montem excelſum; & non ſicut gallina, ſed ſicut aquila prouocauit ad volandum; gallinæ enim non volare ſed nutrire pullos eſt; aquilæ autem eſt volare, & ad volandum prouocare. In campeſtribus igitur fuit IESVS gallina; in montibus aquila; moralibus inſtruit in campeſtribus, cæleſtia oſtendit in montibus, languores ſanat in campeſtribus, beatitudines docet in montibus. Lapidem Iacob ſternit in campeſtribus, ſcalam erigit in montibus, prouocat admiratione, prouocat delectatione, prouocat paterna conſolatione; prouocat promiſſione; prouocat compaſſione, quia ſi compatimur, & conregnabimus.

Quid enim quodd tranſfiguratus eſt non coram ſed ante eos; niſi quia configurabit corpus humilitatis noſtræ configuratum corpori claritatis ſuæ, vt transferamur à claritate in claritatem tanquam à Domini ſpiritu? ante eos tanquam caput ipſe, & nos poſt tanquam membra. Membra enim vbique caput ſuum ſequuntur ſiue ad mortem, ſiue ad vitam, vnde: *Qui mihi miniſtrat me ſequatur, & ubi ego ſum illic & miniſter meus erit.*

Ioan.
12. 26.

Math.
17. 2.

Deinde ſequitur modus tranſfigurationis, quaſi aquilæ volatus ſingularis, & ad imitandum difficilis; *Et reſplenduit facies eius ſicut ſol, & veſtimenta eius facta ſunt alba ſicut nix*: cum tenuerit aquila renouatur, cum IESVS tanquam ſenio moleſtiarum ſæculi fatigatus, & deſiderio finiendi curſus in-

Figatus, sicut Iacob patrem & patriam reuifere proponeret, prius transfigu-
ratur mutato vultu in claritate solis, & habitu in specie niuis; cessat enim
facies veteris hominis ubi accedit gloria noui: *vetera*, inquit Moyses, *proi-* Leuit.
cietis nouis superuenientibus; sed IESVS ventilabro accepto cœpit mundare 26. 10.
aream suam, cum tabernaculum Cedar mutauit in pellem Salomonis, id est,
vetustatem mortalitatis, in gloriam transfigurationis. Et quia nihil artifi-
ciale fuit in transfiguratione, ideo comparatio sumpta est de sole, non de
subsolari qualibet specie; quis enim attingit solem, vt in illo exerceat ar-
tem prestigialem? caeleste igitur fuit, quod solâ potestate diuina, facies IESV
sicut sol resplenduit.

Latet in hac comparatione & hoc solenne mysterium, quod sol resplen-
det semper cum nube non tegitur; retrahat verò radios suos cum nube crassa
& spissa obumbratur: ignorantia autem Iudæorum, & malitia fecit crassam
nubem, & obscuram excacationem, vnde dictum est, quod *excacauit illos* Sap. 2.
malitia sua. Impegerunt ergo excacati in lapidem offensionis, & petram 21.
scandali, nubem tegentem, non solem latentem attendentes, quia senue-
rat Isaac, & clarè videre præsentem non poterat, qui futura verissimè pro-
phetabat. Obumbrauerat se IESVS tenui & clara nube carnis, sed tripli-
cauerunt hanc malo suo persecutores sui, cum diaboli veterinosum odium,
& deprauatum proprium sensum inculcantes, triplicem suæ damnationis
contorserunt funiculum: non ergo viderunt solem, quia supercecidit ignis,
quia furor illis secundum similitudinem serpentis, &c.

Præualuit certè aquila euolare, quia frustra iacitur rectè ante oculos pen-
natorum, & laqueos eorum euadere, sed declinauerat ad escam, quæ est
voluntas Patris sui; vnde *Meus cibus est vt faciam voluntatem patris mei*; Ioan.
maluit ergo deprehendi in mûscipula, quàm ieiunus remanere, & sine obe- 4. 34.
dientia esca. Rostrum vetus comminuerat ieiunando quadraginta diebus,
& quadraginta noctibus, nouum resumptura aquila ista in regno Patris sui,
ubi vinum nouum cum discipulis suis bibitura erat, & nouum panem com-
messura.

Sequitur: *Et vestimenta eius facta sunt alba sicut nix*; distingue inter solem Math.
& niuem, inter faciem & vestem; non est enim discipulus super magistrum; 17. 2.
perfectus autem erit si sit sicut magister eius, non æqualitate, sed similitudi-
ne, sicut nix non comparatur soli dignitate, sed claritatis quadam participa-
tione. Per faciem namque ipse CHRISTVS, per vestimenta intelligun-
tur discipuli eius: & in hoc animaduertite quomodo aquila prouocat ad vo-
landum pullos suos, non enim Filio Dei fideles parificabuntur, sed conglo-
rificabuntur; & alia claritas solis, alia claritas lunæ, alia claritas stellarum;
stella enim ab stella differt in claritate sic erit resurrectio mortuorum.

Ad volandum igitur prouocat pullos suos, non ad euolandum vel conuolan-
dum: vt imitentur illum, qui sunt ex parte eius, in simplicitate vitæ in pas-
sione pro fide, in spe gloriæ filiorum Dei. Nix enim levis est propter sim-
plicitatem, frigida propter passionem, clara propter resurrectionem. Con-
fer Euangelium cantico: sicut aquila prouocans ad volandum pullos suos, &
super eos volitans: & resplenduit facies eius sicut sol, & vestimenta eius

Bb .ij

Sap. 1.
12.
Iob. 28.
16.
Deut.
32. 11.
Math.
17. 32.
Sicut nix, quid est nisi prouocat ad volandum pullos suos, & super eos volitat? *Attendite*, inquit, pendens in cruce, & *videte si est dolor sicut dolor meus*. Ecce superuolitat in dolore. *Non conferetur tinctis India coloribus, non adequabitur ei aurum de Ethiopia*.

Ecce quomodo superuolitat in splendore sapientiæ, & virtutum celsitudine; in cantico sequitur. *Expandit alas suas, & assumpsit eos &c.* In Euangelio: *Et appaernerunt Moyses & Helias cum eo loquentes*; quis Moysen de morte, & Heliam de remotissima regione aduexit, nisi aquila, quæ expandit alas suæ voluntatis & potestatis, & portauit eos in humeris suis, id est, insuperabilis operationis: portat enim omnia verbo virtutis suæ; illo verbo, illis humeris denique attulit Moysen & Heliam, vt suæ interessent transfigurationi. Sequitur: *Et ecce nubes lucida obumbravit eos*; fortè ista est nubes, quæ IESVM suscepit ab oculis Apostolorum, videntibus illis: in qua & venturus est ad iudicium iuxta illud: sic veniet quemadmodum vidistis eum euntem in cælum.

Sequitur, *Dominus solus dux eius fuit, & non erat cum eo Deus alienus*: in Euangelio; *Et facta est vox de nube dicens, hic est filius meus &c.* Ecce quod ait Apostolus; *Vnus Deus & Pater omnium, qui super omnes, & per omnia, & in omnibus nobis qui est Deus benedictus in sæcula*. Non enim duo Dii, Pater & Filius, sed vnus Deus, vnus Dominus, vna fides, vnum Baptisma: huius Domini scilicet Patris facta est vox de nube dicens: hic est filius meus, hic est quem Pater signauit, & misit in mundum: hic discretiue Filius meus: alii enim omnes adoptione, iste naturâ secundum diuinitatem, vnione personæ secundum humanitatem: hic est filius meus dilectus generatione, dilectus operatione, dilectus morte, dilectus resurrectione, qui viuit & regnat per omnia sæcula sæculorum. Amen.



DE EADEM DOMINI TRANSFIGVRATIONE.

SERMO II.

DIGNE aliquid scribere, vel dicere de IESV non possumus, nisi ab ipso à quo est omne datum optimum & omne donum perfectum, secundum mensuram donationis suæ acceperimus. Spiritus si quidem, qui loquitur mysteria, tam à Patre, quàm ab ipso procedit; is scrutator est innarrabilium arcanorum Dei; nec opprimitur à maiestate in qua æqualiter regnat sine substantiæ imparitate. Hic igitur adsit nobis, docens omnem veritatem præcipue cum de IESV loquimur, cum de IESV scribimus.

Domine IESV cum secundum Diuinitatis naturam non esset apud te mutatio, nec vicissitudinis obumbratio, humanam assumpsisti conditionem quæ temporalitati vel vanitati subiecta, sortem mutabilitatis nullatenus

excipit, sed in tempore, & cum tempore iuxta naturæ ordinem currit, unde est illud: *Puer IESVS crescebat atate & sapientia apud Deum & homines.* In hac ergo & secundum hanc naturam sponfus Ecclesiæ; cuius venter eburneus, distinctus saphyris, distinxit non solum labiis prædicando, sed & actionibus operando iuxta æternitatis lineas, quid & quando diceret, quid & quando faceret, ut non solum fastidiis humanis subveniret; sed & rationem paterni & perpetui edicti, atque æterni decreti servaret, unde in Evangelio ait: *Sicut mandatum dedit mihi pater sic facio.*

Luc.
2. 52.

Ioan.

Ut itaque rem penè incredibilem devotio suorum fidelium non abhorreret, voluit pati passibilia hominis, unde homo agnosceretur; exercuit signa & mirabilia; quæ, sicut ait Nicodemus, *nemo posset facere, nisi esset Deus cum eo.* Non tantum per gratiam propter hominem, sed etiam per naturam propter Divinitatem, ut crederetur Deus. Evidentiora autem & pulchriora humanitatis signa, etiam in conspectu insipientium apparebant rariora; quæ Deum indubitabiliter assererent, vix discipulorum corda tangebant. Impe- diebat proculdubio tanta mysterii novitas Verbi incarnati, ne mundus crederet, quod à sæculis auditum non esset; quod humana ratio non comprehenderet; quod nec usus, nec consuetudo aliquatenus approbaret; utique ut Deus homo fieret.

14. 32.

Ioan.

3. 2.

Intercoruscans interdum radius Divinitatis torporem inertiae Iudæorum excitabat, sed non excitabat: Discipulorum vigilantiam animabat, sed rei altitudo obstupefaciendo, à robore fidei aliquando parumper reflectebat; eatenus ut frequenter audirent, modicæ fidei quare dubitatis? Item; adhuc & vos sine intellectu estis? Mixto itaque cursu stabilitatis & instabilitatis apostolicæ, donec tempus appropinquaret passionis, ut omnem dubitationis detergeret caliginem, assumpsit Petrum, & Iacobum, & Iohannem, & ascendit in montem excelsum, ubi transfiguratus est ante eos.

Fortissimum & inexpugnabile fidei christianæ hoc argumentum, quod sub velamento carnis latebat virtus divinitatis, & idem qui extrinsecus homo apparebat, Deus erat, quod intrinsecus latens non apparebat. Nam nec in ipso articulo transfigurationis substantiam divinitatis viderunt Apostoli, sed carnem resurrectione perpetua paulo post glorificandam, prælibatione sancta prægustaverunt arte medicabili; quatenus in fortitudine huius refectio- nis non deficerent usque ad montem Dei Horeb, id est, in resurrectione, in qua, iuxta interpretationem huius nominis, desiccata est in CHRISTO, tam mortalitas, quam omnis passibilitas; CHRISTVS enim resurgens ex mortuis, iam non moritur, &c.

Merito à Christianis colitur hæc sancta & præclara solemnitas, in qua quasi vestigium pressit fides; quæ etsi periculosè non vacillabat, tamen altas radices non dederat. Præcesserat quidem in baptismo Iohannis, ubi Spiritus visus est in columbæ specie, Pater auditus æquè in voce: *Hic est Filius meus dilectus in quo mihi benè complacui, ipsum audite:* quædam æmulatio huius pulcherrimæ transfigurationis.

Math.
3. 17.

Equidem obumbratione sacramenti, illa fecundior propter mysterium nostræ regenerationis quæ tunc inchoata est: ista pulchritudine celsior, &

B b iij

testium attestazione validior; vnus namque testimonium longè infirmius est quàm quinque vel trium, solus Iohannes illa audiuit & vidit. Petrus & Iacobus, & Iohannes cum Moyse & Helia huic interfuerunt, & testes idonei sunt. Ibi nec caro, nec facies IESV decorem suum immutauit; hic supra visum hominis facies sicut sol resplenduit; illud in deserto factum est, hoc in monte excelso, & illic, & hic gloria IESV. Ibi quasi introitus fidei spectatur, hic quasi egressus, vbi res fidei manifestè cernitur. De illa Apostolus: *Videmus nunc per speculum & in enigmate*, de ista Iohannes: *Vidimus gloriam eius gloriam quasi vnigeniti à Patre.*

1 Cor.
13. 12.
Ioan.
1. 14.

Domine IESV sicut modò quasi exuisti ad horam mortalitatem nostram, nonne si nostræ saluti expediret, absque pœnali & gemebunda expositione, virtutem & pulchritudinem tuam superinduere posses, nec faccum tuum à Iudæis scindi permitteres, sed de sacco soccum, quàm de aqua vinum faciliùs faceres? Sed vt passio, quæ propè erat, voluntaria esset, luce clarius appareret non coacta, vel ineuitabili necessitate suscipienda, quod in ore sacci Benjamin erat in ipsa via, aperto sacco reuelatum est magnum pietatis mysterium, vt pecunia illa, quæ redempturus erat filius dexteræ Israël & gentes, in ore IESV esset: vnde cum dixisset consummatum est, & emisisset spiritum, solutum est pretium, & deletum quod aduersus nos erat chirographum.

Saluo tanto mysterio, ad transfigurationem pertinet quod in via, id est, antequam ad mansionem veniret apertus fuit saccus Benjamin, non scissus. Scissio enim est passio, apertio transfiguratio; in apertione non est saccus exinanitus, vel euacuatus, quia eandem formam & habitum mortalitatis peracta transfiguratione recepit, seu representauit quam de matre mundum ingrediens acceperat, & quasi quodam resurrectionis præludio deposuerat. In consensione verò absorpta est in victoria, & non luit Iacob cum Esau, id est, diabolo, sed illuit & supplantauit; vt destructo corpore peccati, nec planta remaneret ex qua rediviua generis humani deceptio pullularet, & mortem CHRISTI necessariò reiteraret.

Fuit ergo transfiguratio, quasi quædam necessariæ mortalitatis de peccato venientis interruptio, quæ se IESVS comprobaret non affectum legibus mortis, nisi quando, & quomodo, & quatenus vellet, quod enim ibi fuit horarium, si vellet esset continuum. Manifestauit ergo seipsum non qualem putabant Iudæi, sed qualem credebant Apostoli; non omni populo, sed testibus præordinatis à Deo: quia nec supprimenda erat veritas, vt nemo eam sciret, nec propalanda principibus mundi, quoad principium orationis suæ fine meliori concluderet. Hoc enim impedimento foret sui propositi, illud detrimentum generaret Christianæ fidei: quis enim cognosceret sensum Domini, nisi is qui est in sinu Patris enarraret, cum nemo nouerit Filium nisi pater, neque Patrem quis nouerit nisi Filius, & cui uoluerit Filius reuelare. Idcirco in hac transfiguratione, & Filius patrem, & pater commendat Filium: Hic est, inquit, Filius meus dilectus, in quo mihi benè complacui, ipsum audite.

Prou.
11. 17.

Dulce lumen, vt ait Salomon, & delectabile oculis videre solem: Probat

hoc Petrus Apostolus, qui cum vidisset IESVM amictum lumine, sicut vestimento: vestimenta enim eius erant sicut nix, & cerneret faciem eius resplenduisse sicut sol lucet in virtute sua ait, *Domine bonum est hic nos esse*; inelc- Math.
catus si quidem tantæ dulcedinis harno, quæ retro erant oblitus, lagenam 17. 4.
cordis impleuerat stillicidio irrigante de emissionibus Paradisi, quibus ille-
ctus clamabat trahe me post te, curremus in odore vnguentorum tuorum.
Et si enim Euangelium pro compendio sui officii (quo quasi gallus succin-
ctus velociter currit tanta obstinatione, vt neminem per viam salutet) omi-
serit exprimere fragrantiam spiraculorum, quæ flante austro allata sunt, ta-
men credendum & subintelligendum est super omnia aromata respersisse
odorem suauitatis omnibus adstantibus vestimenta illa, quæ facta sunt alba
sicut nix; sic enim de solatio suo vilis minus gauderet, si pro parte sua odo-
ratui indultam benedictionem non communicaret: nec integra germanitas
seruaretur, si odoratu famelico remanente, oculus satiaretur.

Fudit ergo Petro & sociis suis riuos olei sui non vniformiter, sed multi-
pliciter, vt quicumque sensus sitientes advexerant, vno tam solemniter ferculo
debriati dicerent, *Domine bonum est nos hic esse*: animaduertendum est, quia
diuerso modo afficit quod corporaliter, & diuerso quod spiritualiter reficit.
Præ inopia enim sua rarè & rara reperies corpora, quæ vnâ habitudine di-
uersis seruiant simul sensibus; diuersi namque sensus seu appetitus, diuersos
habent fines suæ delectationis vel satietatis; ita vt semper requirant aut di-
uersa tempora, aut diuersa in eodem tempore delectamenta. E diuerso spi-
ritalia dona simul & semel omnes varietates desideriorum suppleant; & in
vero bono sicut non est mendacium quod decipiat, sic plenitudinis nulla
imminutio, quæ egeat subsidiaria alternatione, vel vicariâ sollicitu-
dine.

Et ecce apparuit *Moyse & Helias cum eo loquentes*. Aggreditur vaga quæ
gyrum cœli frequenter circumuallat quæstio, quærere cur Moyse & Helias
præ cæteris in corpore an in spiritu venerint, quid cum eo locuti fuerint.
Sed quid virget quæstio, cui certa dari non potest responsio? & si contineat
medullam desiderabilem, os durum atque solidum gingiuis profecto catulo-
rum rodi potest, penetrari non potest. Instat appetitus effringere, sed suc-
cumbit virtus vndique munitam medullam extrahere: attamen quia labor
improbis omnia vincit, dulce est pulsare, & ciuitatem circumstantiæ circuire
vt in labore sit saltem solatio ipsa honesta sollicitudo.

Occurrit igitur animo inuestiganti, quod Moyse & Helyas montani fue-
runt, & hominum fugientes consortia, in montibus angelicis subsidiis de
Deo multa cognouerunt, atque vitam suam solitudini pro posse dedicaue-
runt. Proinde quasi de consuetudine, eò quod iam multis celebratis conciliis
de IESV in montibus adfuerant, hoc tam solemniter de transfiguratione an-
gelico ministerio nunciato, interesse studuerunt. Merito tam præclaris lumi-
naribus, & assumptæ humanitatis prædicandæ glorificationi ille accurrit,
cuius oculi nunquam caligauerunt nec dentes moti sunt, Moyse: merito &
ille cuius caro mortis corruptionem non vidit; cuius mortalitas priuilegio
pene singulari, nec curru igneo consumpta, nec morte absorpta, immorta-

lium iam fruitur regione ; & penè vicit mortem insolitâ , & longa dilata-
tione.

Fortè & IESVS in montibus pernoctans in orationibus, vsus fuerat eorum præsentia, & ad hoc dies præfixa, vt ab vtroque de dissimili statu eorum, secundum hominem assumptum quæreretur, quis potior esset status Moysis exuti à corpore, an Helix viuentis adhuc in corpore. In potestate namque IESV erat quod mallet eligere; licèt in proposito alterum sine dubio tenere. Alterum si quidem iustum videretur pro persona assumptis, & assumpti; alterum verò indubitanter necessarium erat pro officio patrocinantis, & negotio querelati, & in causa sudantis; ab vtroque tamen ex dispensatione sua mediator aliquid mutaret, vt mortale corpus prius sine morte exueret, glorificatione non perpetua transiitione, retento aliquid simul de veteri & aliquid mutuato de nouo statu & futuro, vt ex mutuato Moyfi; ex retento Helix congrueret.

Est & aliud quare Moyses & Helias cum Domino in transfiguratione visi sunt; testes enim tam & apud homines quàm & apud Angelos assumpta humanitas habere non recubabat, quòd de suo arbitrio penderet vel mori pro homine & sic ad gloriam suam intrare; vel infecto negotio, nostræ redemptionis, nec interpositâ morte ad dexteram Patris redire. Omnia itaque cum consilio facturus, authenticos adesse suæ transfigurationi mandauit homines, vt Moysen tanquam suo authore Iudæi non credentes conuincerentur, Helias venturus in fine sæculi totâ fiduciâ Christum non antichristum adorandum protestaretur, sunt & alia rationes quæ jam expositæ sunt à sanctis Patribus; vel exponendæ restant suis temporibus.

Cum eo, inquit, *loquentes*, seruant disciplinam, nec fines mandati excedunt: non loquuntur Apostolis, sed cum IESV, quia non huc ad hoc venerant, vt vel audirent sæculares rumores; vel vt referrent nondum explanandos, licet iam scriptos Passionis, Resurrectionis, & Ascensionis Domini sanctos canones. Ad quod & ad quem venerant, loquuntur; & vltra superponunt digitum ori suo, ne loquantur opera, non dico hominum, sed nec Angelorum. Fortè more suo Moyses rogat pro populo Iudæorum, cuius præuidet imminere ruinam; vt saltem reliquæ saluæ fiant: fortè non deposito zelo Helias decernit vindictam, quæ futura erat sub Tito & Vespasiano: secretum tamen suum colloquium teneamus non discutiamus, quia gloria Dei est celare verbum.


Sequitur, & ecce *nubes lucida obumbravit eos*; instandum est Euangelicæ lectioni, & ab ipsa contextendus cursus nostræ orationis; non enim de nostro, sed de suo compingere debemus tabernaculum Deo Iacob: neque enim in manufactis habitat Deus, id est, in his quæ humano ingenio adinuenta sunt sine gratia, per quam cognitio Dei siue amor acquiritur. Non enim in manufactis habitat Deus se innotescendo per inanem Philosophiam, & per stultas fabulas siue genealogias, & interminabiles quæstiones; inde est quod nemus prohibetur plantari, vtique cauilloso & obscura sophismata, iuxta altare Dei. Sola si quidem authentica de prophetis & apostolicis scriniis, & Ecclesiastica autoritate roboratis scripturis, in Ecclesia legenda sunt & cantanda;

cantanda; hæc enim, scilicet nubes lucida, id est, scriptura diuina, seu Ecclesia Catholica, nubes lucida est.

Nubes est scriptura triplici ratione, quia refrigerat in calore tentationis, congrua docendo remedia; obumbrat in angustia persecutionis, promittendo præmia quibus non sunt condignæ passionis huius temporis ad futuram gloriam quæ reuelabitur in nobis; rigat in tempore siccitatis, hinc infernales euaporationes, & fumibundas incastrationes ante oculos ponens; inde vernaes & salubres aspirationes à superstellari regione, quæ tota mundissimis & beatissimis spiritibus referta, ineffabiliter odorifera nec vnâ tussiculâ offenditur: *Nubes*, inquit, *lucida obumbravit eos*. Hanc obumbrationem Psalmista explorat, & implorat dicens: *Obumbra super caput meum in die belli*; dies belli est tota vita ista, quia militia est vita hominis super terram, vbi est colluctatio aduersus carnem & sanguinem, aduersus principes & potestates, aduersus rectores tenebrarum harum, contra spiritalia nequitæ in cælestibus.

Ps. 139.
8.

Parum in his proderit galea ferrea, nisi obumbraverit nubes lucida, id est, gratia quæ de visceribus suis enixa est diuinam scripturam; neque patitur natales suos violari per illam; per vbera siquidem veteris & noui testamenti exprimit tam guttas quàm stillicidia vteri sui, quibus imprægnata est Virgo Maria; quibus regenerata progenies adoptiua, per nubem lucidam, quæ est Ecclesia; æqua etenim mensura vsque ad summum implet vtraque vbera, & Ecclesiam, & scripturam diuina gratia; idcirco gemina est lactatio, sed vna filiorum educatio. Est igitur Ecclesia nubes quæ peregrinatur à Domino, est lucida, quæ semper fecundatur à Spiritu sancto; obumbrat filios suos sicut gallina pullos suos, ne cedant in aduersitate, ne deficient in persecutione, ne periclitentur in præmii dilatione.



DE ASSVMPTIONE BEATÆ MARIE.

VIRGINIS.

SERMO I.

ET eleuauerunt Cherubim alas suas & rota cum eis, & gloria Dei erat super ea. In hodierno sermone efficax est materia & efficacior dicendi copia: verum in eo minus laborandum est, vt ea laudetur, quæ sine commendatione laudabilis est; sine exhortatione amabilis, non sine retributione venerabilis: omnibus enim amabilis est, videlicet Mater misericordiæ; Virgo Maria, omnibus concupiscibilis, quia tota pulchra; omnibus venerabilis, quia plena gratiâ: singulos quidem odore vnguentorum suorum ad

Ezech.
II. 22.

Cc

amorem suum trahit Virgo singularis. Sola sufficit omnibus, vt species quædam salutaris, quæ sine aliarum admixtione specierum efficacissima est ad conficiendum humanæ salutis unguentum: huic speciei si admiscetur alia, aliquid ei videbitur subtrahere odoris, nihil verò conferre vigoris; sola placuit Deo Patri, vt Filii sui mater fieri mereretur: sola sine exemplo placuit CHRISTO, vt ex ea nasceretur & Spiritui sancto, vt eius templum fieret & eo repleretur: sola non immeritò nostræ saluti sufficiens, ex qua pro nobis Saluator nasci dignatus est.

Hæc est porta per quam CHRISTVS ingressus est mundum ad nostram redemptionem; & hæc est Virgo per quam reperimus Deum & hominem; hæc est manubrium per quod velut ferrum inseparabiliter ei junctum tenemus CHRISTVM; hæc est securis quâ resecanda sunt ligna æterno tabernaculo necessaria. Sapientia tenuit istam cum ædificauit sibi domum, & excidit columnas septem; manubrio si quidem isto ferrum ad tenendum est meliùs, ad mouendum habiliùs, ad operandum utiliùs; qui caret isto, parùm operabitur illo, quia non dominabitur; nisi ex ea CHRISTVS nasceretur, humana cæcitas non illuminaretur; humana infirmitas non sanaretur, humanum genus non redimeretur.

Ecce quàm jocunda, quàm necessaria, quàm veneranda nobis est Virgo Maria, ex qua mundo apparuit lux vera, sanitas æterna, redemptio copiosa, & utique qui non habet hoc manubrium, non habebit hoc ferrum; semel enim ista coniuncta sunt, & semper connexa manebunt. CHRISTVS eam hodie assumpsit ad gloriam, ne vltius nostram sustineret miseriam; legis memor quâ dicitur: qui parentes deserit in calamitate, insepultus abiciatur; non ergo eam in terris deseruit, sed in cælum assumpsit matrem eius, & posuit tabernaculum suum in circuitu eius. Quod verò ignoratur, & si piè credatur, vtrum scilicet corpore assumpta sit, causâ venerationis festum esse credendum est more illorum qui munera deferunt, & ea non priùs detegunt, quàm ad eos perueniant, quibus munera repræsentare debent.

Verùm non incongrua similitudine illud Ezechiel huic Assumptioni adaptari potest, quod Cherubim, qui ante Deum semper assistunt, pro hac Virgine missi, alas suas leuauerunt, & iuxta Isaiam duabus velabant caput eius, duabus verò pedes eius, Conceptionem videlicet, & Assumptionem, quorum vtrumque nobis est absconditum; vel velabant caput eius alâ suppositâ & superpositâ, subiectione scilicet & veneratione; nolentes illud Dei templum reuelare, antequam illud repræsentassent Maiestati diuinæ. Item pedes velabant duabus alis, obsequio scilicet & præconio cantantes; surge propterea Amica mea, veni de Libano, veni coronaberis.

Et rotæ erant cum eis, de quibus idem ait Propheta: *Audiente me uocauerunt eas volubiles*, corpus scilicet & animam Mariæ, quæ corpore & anima diuinæ voluntati erat subiecta, nunquam sentiens legem carnis repugnantem spiritui. Sequitur: *Et audiui post me vocem commotionis magna*: Hæc vox peregrinantis Ecclesiæ & laborantis, quæ ad Deum clamat: Non est tibi curæ, quod Maria reliquit me solam ministrare? Dic ergo illi vt me

Ezech.
10. 14.

Ibid. c.
3. 12.

adiuuat. Clamat etiam post Mariam orans : sancta Maria succurre miseris ,
iua pusillanimes , refoue debiles , ora pro populo , interueni pro clero , in-
tercede pro deuoto fœmineo sexu , sentiant omnes tuum iuuamen , qui tibi
deferunt munia laudum.



DE EADEM ASSVMPTIONE.

SERMO II.

VIRGO *Israël reuertere ad ciuitates tuas* ; Ad matrem luminum , quæ ^{Ierem.}
hodie à montibus æternis exultatione à cunctis reuerenter excipitur , ^{31. 11.}
vertamus , fratres charissimi , lumen oculorum nostrorum , sermonem labio-
rum , plausum manuum , affectiones cordium , & intentionem cunctorum
motuum. Ecce enim post IESVM primogenitum & vnigenitum suum
vltiora velaminis , quod est ante oraculum penetrat ; non solum Cheru-
bim atque Seraphim supremis sedibus assumpta , sed etiam super alas eorum
mirabiliter & magnificenter exaltata ; de illa namque dicitur , quia exaltata
est super choros Angelorum ad cælestia regna. Vt itaque collectione omnium
virtutum iam maturatam terram natiuitatis suæ repetat , & domum æter-
nitatis adeat , sermo à regalibus sedibus illam hortatur sic : *Virgo Israël re-*
uertere in ciuitates tuas , quasi dicat ; regnum quidem tuum ô Regina cæli ,
tibi paratum est ab origine mundi , iam iamque regressum & aduentum tuum
deplorat , quatinus & suum acceptabile tibi obsequium præbeat , & tuum gra-
tissimum in se dominium recipiat.

Reuera enim nec tua imperia ministerialibus tuis molesta , nec illorum
obedientia dispositionibus tuis est murmuriosa ; familia cælestis moram
tuam fastidit ; mansio cæli locum tuum hætenus vacuum præsentia tuâ
insigniri deposcit. O quàm religiosa curiositate illæ cælorum virtutes , quæ de
castris nunquam vel rarò egrediuntur , frequenter inquirunt ab eis Angelis ,
qui in ministerio mittuntur propter eos qui hæreditatem capiunt salutis , di-
centes , quando veniet Domina nostra , Regina nostra , Soror nostra , Ma-
ter regis & Domini nostri. O quanto affectu mandant , & remandant ei : *Vir-*
go Israël reuertere in ciuitates tuas , ascende ad montana nostra , veni ad pa-
latia nostra , intra cellaria nostra , penetra cubilia nostra , quia hæc omnia
tua sunt ; possessio vtique tua , hæreditas tua , domus tua. Quid est autem
possessio sine possessore , hæreditas sine hærede , domus sine habitatore , ci-
uitas sine rectore ? reuertere itaque , reuertere sinamitis , reuertere , reuertere
vt intueamur te.


Primò reuertere à captiuitate mundi , quia captiuitati non debet subiici ,
per quam captiui à captiuitate sunt absoluti sua : secundò reuertere ab homi-
ne sine corruptibilitate carnis ; quia sicut immunis es à corruptione peccati ,

C c ij

Eccli. 24. 18. sic ad immortalitatem transire debes absorpta mortalitate per gratiam Dei. Tertio reuertere ad libertatem gloriæ filiorum Dei, quia sicut peccatum nunquam regnavit in tuo mortali corpore, sic digna es perfrui, etiam in carne virginali, eadem spiritus libertate, qua fruuntur in sua spiritali substantia Angeli ab ipsa sua creatione, siue potius confirmatione. Quarto reuertere ut intueamur te à dignitate Angelorum ad superexcellentiam iam beatificatorum spirituum, quia sicut in facie filii tui desideramus prospicere, sic in specie & pulchritudine tua vultus defigere volumus, & luce vultus tui illustrari omnimodis satagimus. Denique istæ reuersiones numerosiores ascensiones fiunt, de quibus in laude Sapientiæ dicitur: *Quasi cedrus exaltata sum in Libano, & quasi cypressus in monte Sion, quasi palma exaltata sum in in cades, & quasi plantatio rosæ in Iericho, &c.*

Domina nostra exaltatur quasi cedrus in libano secundum merita sanctæ conuersationis: exaltatur quasi cypressus in monte Sion secundum altitudinem purissimæ contemplationis; quasi palma in cades exaltatur, secundum præmia æternæ remunerationis; quasi plantatio rosæ in Iericho, secundum mortificationem carnis, & compassionem Filii in cruce pendens: quasi oliua speciosa in campis, secundum affluentiam pietatis; quasi platanus iuxta aquam in plateis, secundum famæ & gloriæ dilatationem in vniuersis linguis & populis, sicut cynamomum, secundum odorem bonæ opinionis, quasi balsamum aromatizans secundum conceptum & partum CHRISTI à quo tanquam à capite distillat vnguentum nostræ christianitatis; quasi myrrha electa secundum stolam immortalitatis, quam recepit à filio suo in die Assumptionis.

Ex his omnibus tanquam à domibus eburneis, id est, castissimis cæli palatiis dedit suauitatem odoris, quo attracti simul ad illam clamemus totis desideriis, totis suspiriis, trahere nos post te, in odore vnguentorum tuorum curremus ad montes aromatatum, ubi sancti suauitate illius horti deliciarum afflati exultant in gloria, latantur in cubilibus suis; exultationes Dei, pro tantis odoribus, in gutture eorum, in conspectu Agni amicti stolis albis, ipso donante CHRISTO IESU; qui viuit & regnat per omnia, &c.



DE EADEM.

SERMO III.

Luc. 15. 8.

Qua mulier habens drachmas decem, si perdiderit drachmam vnā ex illis, nonne accendit lucernam, & euertit domum & querit diligenter donec inueniat illam, &c.

De sacro palatio summi & æterni regis profluente ad areolas nostras meatibus continuis copiosa Dei bonitate, singulæ stationes tam temporum

quàm hominum, secundùm mensuram & rationem innatæ bonitatis generali, & speciali beneficio ab initio sæculi non auarè locupletantur: Cùm ergo, vt ait Apostolus: *Vnusquisque proprium habeat donum ex Deo, alius quidem sic, alius vero sic*; partem suam Deus, qui non solùm donat, sed & accipit dona in hominibus, nequaquam deteriore fecit. Ait enim in Psalmo, *Funes ceciderunt mihi in præclaris, etenim hereditas mea præclara est mihi*. Verè in præclaris funes ei ceciderunt, qui cùm sit splendor gloriæ, de Patre luminum ante tempora sæcularia, æternâ processit geniturâ, quique de Virgine virginum carne sumpta, in plenitudine temporis in humana, verus Deus & verus homo apparuit sine peccato, natura.

1. Cor.
7. 7.Psal.
15. 6.

Hereditas etiam ejus præclara est ei, quia Ecclesiam de Iudæis & gentibus, eripuit de potestate tenebrarum per fidem, & per spem, & charitatem transfudit in regnum claritatis suæ, quatinus candor lucis æternæ sponsam haberet non habentem maculam neque rugam, sed formosam tanquam columbam quæ vna est matri suæ, electa genitrici suæ, id est prædestinationi diuinæ & justificationi. Cùm itaque de æterno consilio tempus beneplaciti immineret, vt Deus pater per vnicum filium dispersiones Israël, per adoptionem hereditati immarcessibili aggregaret, puellam de terra Israël sibi desponsauit, & dote bona, de thesauris suis cumulauit, publicis instrumentis matrimonium confirmans, atque legitimo priuilegio donationem propter nuptias contra dæmonum, hæreticorumque verlutias corroborans. Vna enim hæc est inter mulieres, in qua princeps nihil suum inuenit, de qua fraus hæretica, mendacia sua stabilire non potuit; in hoc priuilegio tam matris, quam filii natales continentur. Continetur quoque & dos profecta à virgine, vtique castitas, innocentia, & humilitas, simulque donatio propter nuptias, vtique plena gratia redhibita à Deo patre.

Septem de Apocalipsi sigillis impressum, & signatum hoc priuilegium, castis & virgineis obtutibus tùm patet, condemnans & obtenebrans oculum nequam, ne videat gloriam Dei. Denique secretiora quædam quæ nemini mortalium pandenda, donec in resurrectione, velo templi scisso, ingrediamur sanctuarium Dei, certis involucris, quod est in profundo & secreto Dei iudicio sancta sanctorum occultat. Tunc enim lege & jure ciuitatis quæ vitro similis dicitur, nihil cum Deo regnantibus clausum, nihil de occultis filii restabit incognitum. Corda omnium peruia indifferenter appetent scire & sciri, magis tunc properabit & vrgebit conscientia venire ad publicum, quàm modò requirat priuatum & secretum silentium; mala enim timet sub luce videri, bona dedignatur occultari: in omni autem societate vniuersæ illius curiæ nulla nisi bona intererit.

Reuoluamus tamen interim prima huius priuilegii folia, & ex prælibato ænigmate excutiamus quæ de mensa Dominorum catulis obuenerunt, paucas micas. *Quæ mulier*, inquit Dominus, *habens drachmas decem, &c.* Non consuetè hac vtitur locutione scriptura de Domina nostra; in Canticis enim, vbi quasi in cubiculis suis & lectulo florido prærogatiua eius mysticè requiescit, sæpenumerò Salomon sic de illa cecinit: *Quæ est ista, quæ progreditur, quæ est ista quæ ascendit de deserto, quæ est ista quæ ascendit*

Cant. 6;
9. & 8. 5.

Cc iij

per desertum? Minuitur namque maiestas dicendorum, quando quæ dicuntur non congruunt qualitate & modo dicendi, rei de qua dicuntur; non minimùm quoque peccat in dicendo, qui inexplicabilia explicare nititur, vel qui facilia dictu aggrauare laborat: idoneus verò recitator, qui pro facultate, dicenda assumit, & suspensus admiratur, quod exprimere non sufficit.

Ait ergo Dominus, quæ mulier &c. non de inopia succumbens, sed pro misericordia minus capacibus condescendens, quali diceret, præ cunctis mulieribus hæc mulier excellit incomparabiliter genere, sanctificatione, nomine, integritate vitæ, contemplatione, angelicâ familiaritate, Dei & hominis conceptione, partus nouitate, filii cohabitatione, in cœlis assumptione. Quæ ergo est mulier habens drachmas decem quas enumerauimus? illa sine dubio de qua præsens sermo habetur, & cuius dies assumptionis in cœlis & in terris hodie celebratur. Si deliciis cœlestibus assuetus, supellectili meliori & molliori cubiculum suum futurum Rex gloriæ strauit, & valida munitione circumuallauit, vt esset hortus conclusus, fons signatus, quid mirum? cùm videas insensatas auiculas, vndecumque congerere mollia, & nido vtilia deferre, vt quasi domum sibi faciant, vbi pullos reponant.

Digna itaque sibi sapientia Dei, in virginali domicilio congeffit, quando decem drachmas matri contulit, vt pote qui de magno genere est, secundum Patris generationem, de magno & digno genere faceret nasci Matrem, & qui omnium sanctificator est, ex vtero sanctificaret in quam venturus esset, & claro nomine insigniret, de qua hominem IESVM assumeret, & in singulis quæ de illa facturus, vel ex ea accepturus erat, noua quædam præludia præmitteret; si enim Rebecca seruus Abraham aureas & armillas pondo scylorum decem, quia vxor futura erat Isaac, obtulit, quid Mariæ matri suæ cœli & terræ Dominus dare non debuit? Decem ergo drachmas ei dedit, cui & nouem ordines Angelorum, & omnes homines non immeritò subiecit. Suscipiunt enim Angeli Dei spontaneam eius obedientiam, quàm à dextris filii suspiciunt super se collocatam, quomodo autem ei non obediret omnis homo iam regnanti in cœlo, cui in terra obediuit factus pro nobis Deus homo?

Non pigeat aut pudeat vos, ô Angeli sancti, quia mulier dicitur, cuius dominationi tota curia vestra submittitur, quia nomen est non vitii sed naturæ, non infirmitatem præferens, sed concipiendi habilitatem perferens. Fortè honorabiliori nomine illam vocasset, qui habet scientiam vocis, si hoc in suis æternis rationibus commodius dici reputasset: sed rem & nomen compensans impositor nominis, & auctor operis, ne prorsus resileret gratia à naturâ, vsus antiquitatis à nouitate conceptionis, in vtroque temperauit vtrumque, vt de consuetudine nomen retineret, & de nouitate opus gratiæ excelleret. Mulier itaque est natura, mater gratia; nec naturæ præiudicium facit gratia, nec gratiæ potestatem adimit natura: quinimmo melioratur natura per gratiam, nec minuitur gratia propter naturam: idem namque dator est gratiæ, qui auctor est naturæ; vt dum quasi senescit natura, succedat semper vigens, & valens gratia. Phenenna quidem Annæ impropere,

& Lya Racheli sterilitatem, sed pulchritudine & quandoque fecunditate, iuniores tempore, antiquioribus præferuntur, ne prælatio temporis deroget efficaciam sequentis virtutis; parit quidem natura, sed sine merito, parit gratia, sed cum merito, & præmio ubique pedibus gratiæ natura subternitur, nec ad bonum remuneratorium nisi eadem duce præuia & comite erigitur.

Hæc igitur mulier quasi lignum finium terræ vetustati communicat nomine sine reatu culpæ: nouitate concipit eum qui culpam deleuit, & reatum exterminauit; dicatur ergo quæ mulier? Sequitur, habens drachmas decem, cum multis modis habere dicatur, ut est habere famem, habere albedinem, habere cappam, habere corpus & animam, habere denique virtutem, quia præter materiam est, nunc de his tractare; duos tamen modos quos nouit scriptura ponamus, quorum alter est temporalis, alter perpetuus. De vno Apostolus: *Benedictionem*, inquit, *hereditate possideatis*; & alibi; *Sine penitentia sunt dona & vocatio Dei*. Sponsa quoque in canticis de sponso ait: *Tenui eum nec dimittam*. Secundum quod charitas nunquam excidit. De altero Iob: *Dominus dedit, Dominus abstulit*, & Psalmista: *Redde mihi latitiam salutaris tui, & spiritum sanctum tuum ne auferas à me*: & in Euangelio: *Vado & venio ad vos*.

1. Petr.
3. 9.
Rom.
11. 29.
Cant. 3.
4.
Iob. 1.

Utroque genere habendi mulier drachmas decem habuit, nam vnā perdidit, cæteras nec perdidit, nec perdere potuit: decem verò sunt, sicut decem chordæ psalterii, & decem mandata legis, quæ qui non seruat, decem sustinet plagas Ægypti. Iam itaque accedamus ad contrectandas oculis ac manibus drachmas, ut sacco Benjamin, filii dexteræ, aperto deuoluamus tanquam negotiatores empturi, aut saltem visuri unde oculus pascatur, & anima latificetur: de his enim nec oculus satiatur visu, nec auris auditu, quia illarum tam semper nouus rutilat aspectus, quàm deuotus assistit beatæ Virgini noster affectus.

21.
Psal.
50. 14.
Ioan.
14. 28.

Sicut autem in pontificali indumento duodecim pretiosi lapides intexuntur, sic Virgo nostra decem drachmis in vestitu deaurato circumtegitur; distinguuntur quoque appellatione, pretio, & specie. Prima igitur continetur in genere, secunda in sanctificatione, tertia in nomine, quarta in integritate vitæ, quinta in contemplatione, sexta in angelica familiaritate, septima in Dei & hominis conceptione, octaua in nouitate partus, nona in filii educatione & cohabitatione, decima in cælis Assumptione. O anima mea! ô boni amici! ô fratres charissimi! quis odor? quis color? quis sapor circa hæc respirare, talibus aspicere*, de huiusmodi labia, linguam, & palatum implere?

* f. aspirare.

Non citò moueamini à vestro sensu, quia sensus consummatus est si possis virginalia membra sentire, quod si non membra, saltem drachmas, quod si non drachmas, saltem fimbrias aureas, quod si non fimbrias, saltem vestigia; quod si non vestigia, saltem vmbra, quod si non vmbra, saltem memoriam. Has murenulas aureas faciamus Domine nostræ, vermiculatas argento, ut si animâ pollutus & carne, nec membra, nec drachmas, nec fimbrias, nec vestigia, nec vmbra imaginationis apprehendero, quia aurea sunt sal-

tem in eo portionem habebō quod vermiculatæ sint argento. Dum de te domina nostra loqui labia mea non prohibebo, iuxta quod expressum est in Euangelio, & lege & Prophetis.

Loquar itaque, cum sim pulvis & cinis, de dignitate tui generis: nam regali & sacerdotali progenie orta, præfers genus electum, regale sacerdotium, ut sicut omnia omni virtute, sic etiam præcellas genere. Pia enim Dei sollicitudo, vulneribus generi humano à latronibus illatis prouidit oleum, & vinum, quatinus oleum pontificale nos Deo reconciliaret, & vinum regale contra diabolū defensaret; ideoque Regem & Sacerdotem in terris constituit, quatinus Rex hostem fortitudine repelleret, & Domini iram Pontifex sacrificiis mitigaret. Gemina hæc potestas in vna compage coacta, cum tempus nostræ redemptionis appropinquaret, virginale corpus protulit de sui vtriusque confectione, & tanquam duæ oliuæ, duo candelabra ante Deum lucentia, duo in facie Moylis cornua ad conficiendam virginem, de quâ conciperetur geminæ gygas substantiæ, conuenerunt, qui suâ passione Patri nos reconciliauit, & potestates ærias debellauit. Disparilitas itaque dignitatum sæcularium tempore accepto, quasi ad vnum commeauit alueum, & in virgine simul auctorem suum non ingrātē recognouit, sed ad supportandum dominicum corpus, humeros debita collatione, & congratulatione supposit. Sic igitur rosa orta de spinis, siue oliua speciosa in campis, de medulla cedri, & adipe frumenti sanctissimum corpus accepit.

At fortē si quis non consentit inter dotes virgineas, censendam dignitatem generis, quia ignobilia mundi elegit Deus, animaduertat potestates & dignitates tam in cælo, quàm in terra esse à Deo, & de stirpe vnificæ & supremæ potestatis ramos tam cœlestium quàm terrestrium altitudinum pullulari: non enim collateralis abusus potestatis, quæ ab homine est, corrumpit bonum quod à Deo est. Detrahe namque arrogantiam, & in collata homini potestate inuenies Dei gratiam, siue iustitiam. Nullatenus igitur granum bonum propter paleam abijcias, sed ut retineas granum, paleam amoueas. Virgo igitur radicem suam de Iesse & Aaron, quanquam in terra sit non despicit, quia de bonitate radicis quæ est ex repromissione Dei, rursum ramus pullulans de plenitudine gratiarum pinguescit. Vnde Apostolus: *Non tu radicem portas, si radix te?* nunquid enim non, *iurauit Dominus veritatem, & non frustrabitur eam; de fructu ventris tui ponam super sedem tuam*: Item: *Iurauit Dominus & non pœnitebit eum; tu es Sacerdos in æternum secundum ordinem Melchisedec*. Hæc de dignitate generis, quæ est prima drachma.

Nunc videamus de secunda, quæ est sanctificatio ex utero matris: à fermento massæ corruptæ, ab immaturæ vix acerbitate, ab inflatione primæ apostasiæ, à rubigine originis deprauatæ, & à malitia propaginis in trunco infectæ, vas virginale concretum; statim purgauit ille qui quasi ignis sedet conflans & emundans argentum, ne sancta caro prurientes vermes communis sterquilini sentiret, quæ paritura erat I E S V M, qui corruptionem non vidit, nec in ventre, nec in morte: Idē autem non distulit Dominus, sed præuenit eam in benedictionibus, quia bis dat, qui citō dat; & tempore plus soluit qui ante tempus soluit, & sapientia prior se offert quærentibus illam:

Rom.
11. 16.
Psal.
131. 11.
Psal.
109. 4.

illam: idè etiam ne quo semel imbuta esset testa seruaret odorem diu.

Spiritus itaque Domini, qui in creatione mundi ferebatur super aquas, vt præsignaret quæ ipso operante de illis producenda essent myſteria, quasi in creatione noui & secundi mundi, qui per CHRISTVM futurus erat, de quo dicitur, *Deus erat in CHRISTO mundum reconcilians sibi*, veternoſas primi parentis quifquilias, quæ defixæ, & penè inseparabiliter admixtæ erant humanæ naturæ, à Virgine Maria in horreo materno ventilando expurgauit, & futurum sui, & CHRISTI vasculum, de luto compositum, sic decoxit, vt omni fragilitate, & mollitie originalis peccati adempta nullo igne, vel nulla aqua sæcularis, vel carnalis concupiscentiæ recrudesceret, aut carnis stimulum recalcitrans vllatenus sentiret. Si Iohannes Baptista ex vtero sanctificatus est, quanto magis Maria? si tanta præconis præparatio, quanta debuit esse Matris iustificatio? & hæc de secunda.

Tertia dicitur veneratio nominis quod est nomen: *Et nomen Virginis Maria.* Dei innominabilis sunt quædam nomina, non in quibus exprimitur, sed quibus de ipso aliquid dicatur, etsi non quod est; saltem quod non est, ne, si ipsum in eo quod est apprehendere non valemus; alium pro ipso errando teneamus: multum est etsi non possis scire quod est, quia scientia eius confortata est, & non potes ad eam, saltem scire quod non est; ita enim nunquam vagando errabis, aut infra subsistendo hærebis, sed ratione, ingenio, & fide explicatâ & expansâ, currès post ipsum quantum poteris, & plusquam: *Non enim*, ait Dominus, *videbit me homo*, multò verò minus cognoscet, & *viuet*. Est itaque præ cæteris Dei nominibus, quoddam ineffabile, quod vt dicitur, dici non debet nisi in suprema necessitate. Concedo quod summâ veneratione honoranda & excolenda sunt omnia Dei nomina, & nullum nomen Dei assumendum in vanum: dedit tamen Filio suo vnum nomen quod est super omne nomen, vt in nomine IESV, omne genu flectatur, cælestium, terrestrium & infernorum.

Luc.
1. 27.

Exod.
33. 20.

Post illud autem nomen superexaltatum in omnibus sæculis, est hoc nomen MARIA, quod in conuentu angelico solemne semper habetur, & ad eius inuocationem præsto sunt suffragia cælestis exercitus: audito hoc nomine pericula diffugiunt, commoda redeunt, & inferna pertimescunt, perimuntur blasphemi, desperati reconciliantur, nullique difficultas recuperare gratiam, qui votorum suorum adiutricem habuerit Mariam. Cùm artus meos resoluero in somnum, requiescat in ore, & mente Maria; cùm euigilauiero, labia mea aperiat Maria, cùm extremum emisero spiritum, adlit Maria; cùm ad iudicium venero, occurre cum patrocínio sancta Maria, non periclitabitur iudicium, cui Maria præstauerit suffragium. Domina nostra potiora de te & meliora quàm dicam expecto: hæc de tertia drachma sufficiant.

Quarta est integritas conuersationis, pupillares annos Virginis nostræ diuina protectio & angelica sic tutauit, vt nulla penitus damna suæ pudicitie aut integritatis, sui facilitate, vel aduersarii calliditate incurrerit. Cùm verò liberum eius arbitrium compedes infirmæ ætatis euasisset, cooperans

D d

gratia sic se circulis regularis disciplinæ & sanctæ obseruantia constrinxit, vt tota diuinorum amore mandatorum sic conflaretur, vt quali deglutiens animæ suæ verba Dei mandaret, & riciprocè seipsam eorum medullis conferret: tria enim habuit colatoria, vnum quo se eliquauit in legem Domini & prophetas; alterum quo eandem ad se legem confluere faceret; tertium quo Verbi Diuinam substantiam tam in carnem suam, quàm in animam colaret, & coagulo Spiritus in Deum & hominem conformaret; Æ. quis ergo passibus mandata diuina & Virgo Maria ambulauit, sicut Ezechiel de sanctis animalibus & rotis dicit, *Cum ambulantes ambulabant, & cum stantibus stabant*; & vt breuiter quod sentio dicam, penè angelica religio æmulabatur huius solius terrigenæ conuersationem; & mirabatur in terris comparari sanctitatem proprio labore & gratia cooperatione, quam, maxima sui parte decedente, ipsa retinuit gratia sine aliquo labore. Quod ad Thessalonicenses ait Apostolus: *Ipse Deus pacis sanctificet nos per omnia, vt integer spiritus vester & anima & corpus in aduentu Domini nostri IESU CHRISTI seruetur*, plenè impletur in Virgine nostra, & hæc de quarta.

Cap. 1.
21.

1. cap.
5. 23.

Psal. 1.
2.

Quinta est ex diuina lectione & meditatione, cœlestium contemplatio: sicut cibus inutilis est sine digestionem, sic parum prodest lectio sine meditatione; est autem plena corporis vegetatio, sumptorum bona digestio: similiter tunc valet lectio, cum assidua fuerit subsequuta meditatio: Vt enim de beato viro dicitur, quia, *meditabitur in lege Domini die ac nocte*; Lex enim est fluius, qui de paradiso egreditur, & diuiditur in quatuor capita, id est, literam, allegoriam, moralitatem, & anagogen. Volitat autem Domina nostra, tanquam columba speciosa super riuos aquarum, vt se aspiciat, & statum suum cognoscat, vel vt hostem insidiantem fœtibus suis caueat, aut certè vt de proximo habeat balneum confessionis, & fontem deuotionis. Filiæ ciuitatis nostræ frequenter ad aquas descendunt, familiaria colloquia ibi cum his quos in ripa inuenerunt, serunt, & de rumoribus tam futurorum quàm absentium dulciter instruunt.

Quia ergo tentorium suum ibi Domina nostra fixerat, de magno suo negotio frequens responsum à filiabus Hierusalem accipiebat; ponebat ibi cum Iacob virgas populeas virides & amygdalinas, & ex platanis ex parte decorticans eas; vt in intuitu earum conciperet; maculosa propter carnem similem carni peccati; varia propter duas naturas Dei & hominis; diuerso colore responsa propter dilectum, qui est candidus & rubicundus: virgas verò in canalibus ubi effundebatur aqua posuit, quia in oculis suis, qui sunt sicut piscinæ in Efebon, propter assiduam compunctionem, viriditatem castitatis retinuit, quæ est virtus harum arborum. Posuit & amygdalinas propter carnis macerationem, animæ passionem, conscientia internam dulcedinem; posuit & virgas ex platanis, propter charitatis amplitudinem; in tali intuitu Virgo concepit, Virgo peperit, & post partum Virgo permanet & hæc de quinta.

Sexta est Angelica salutatio; à conuictu dicitur locus unde cuiusque mores improbantur, vel approbantur: socialis enim anima vix caret vitiis illorum

aut virtutibus, cum quibus enutritur, vel diutius conuersatur. Præuenta itaque Dei Spiritu Virgo Maria, & de religione Angelorum instruebatur, & exemplo illorum Deo magis ac magis placere informabatur: sicut enim Moyſi dictum est: *Vide, omnia facito iuxta exemplar quod tibi in monte* 25.40. *monstratum est*: Sic Mariæ non de cortinis, sagis, tabulis, balibus, & columnis ligneis, argenteis, aut aureis vt Domino tabernaculum faceret, mandatum est; sed vt in carne & anima sua locum præpararet, & dictum & datum est. Sicut etiã canes cum famem patiuntur, locum vbi sentiunt panem vel carnem, vel vbi accipere solent auidè reperiunt, spem de præcedentibus gerentes, sic Angeli redeuntes à Virgine, memoriã suauitatis eius refricati quasi famelici rursus illam visitare festinabant, & si qua referenda essent, non defraudabant.

Quia verò naturalis affectus se se restringendo à pluralitate, ad specialem familiaritatem coarctat, vt eò ampliùs diligat, quò se in vnum conglomerat, vnde in canticis dicitur: *vulnerasti cor meum soror mea sponsa, vulnerasti cor meum in vno oculorum tuorum, & in vno crine colli tui*, id est in solâ mei contemplatione & dilectione, Gabrielis oculus cum Mariæ spiritu, fauente Deo, impressus internuncius fieri accelerauit; suo itaque voto & Domini mandato, notum sibi thalamum intrauit, & familiaritate plenissima notam verbis eatenus ignotis salutauit, & fidelis interpret diuinæ iussioni nec addidit, nec subtraxit, causam docuit, cœlestibus blanditiis puellam delinuit, sexum inualidum roborauit, negotium iam inchoatum retulit & continuò consummandum prædixit, rediturus abiit. Virginis aluus de alueis gratiæ repletus vt credidit, concipit, sibi nihil attribuens, Deo soli cui subest quicquid decreuerit facere, seipsam exposuit; & hæc de sexta.

Cant.
4. 9.

Septima Verbi Incarnatio; huius drachmæ nec in cœlis, nec in terris, nec in omnibus abyssis inuenitur pretium; tanti enim est, vt in ea constet totius humanæ creaturæ æstimatio, & redemptio; iræque paternæ placatio. Hæc est illa Ioseph talaris tunica, quæ mysterio Incarnationis I E S V M vestit, & distincta saphyris fila miraculorum in subtegmine passionum variâ texturâ connectit. Huius texturæ, id est Dominicæ Incarnationis nec vnum potuit filium interrompere improba & importuna hæreticæ prauitatis, vel tyrannicæ potestatis temeritas: de hac minus dicit, qui plus conatur dicere; credi nimirum potest, dici non potest; hæc de septima.

Octaua similis est huic, quæ est noui partus exultatio & admiratio; de hoc partu non est sermo in lingua mea, quia nec littera, nec syllaba, nec oratio imperfecta soluit corrigiam huius calciamenti, sicut veraciter protestatur vox clamantis in deserto. Quanta enim virtus parientis sine corruptione? quis partus sine labore? in hoc partu natura succumbit, præualeat gratia, supra consuetudinem est, quod extra rationem humanitatis de diuino tantum, non de humano pendet arbitrio. Duabus alis Seraphim velant hoc mysterium, ne vana Philosophia, aut improuida curiositas profanare præsumat Sanctum Sanctorum; & hæc de octaua.

Nona est in terris conuersatio. Ille qui solebat ante incarnationem suam respicere de cœlo per fenestras, prospicere per cancellos, dum latenter sua

Dd ij

beneficia, quibus vellet exhiberet, nouissimè per fenestram orientalem tanquam sol meridians progrediens, communicauit in assumpto hominis habitus, tam in cibo quàm in potu, & aliis hominum necessitatibus, fratribus, quibus per omnia debuit assimilari. Maternis itaque vberibus lactatus, gestatus vlnis, & aliis infantia subsidiiis exhibitis, more suo qui beatius reputat dare quàm accipere, dabat lac quod sugebat, sicut & carnem sanctificauerat quam acceperat, venasque quasdam prælibationis futuri gaudii iam submittebat, quæ Matri, præsentis essent laboris solatium & futuræ remunerationis certissimum pignus.

Quid igitur Mariæ decrat, cui Deus Filius cohabitabat? Sed timebat interruptionem, cum audiret Filii passionem; tandem timor quem timebat accidit ei: passus est Dominus, mortuus, & sepultus, & turbata est ad seipsam anima eius usque ad mortem, resurrexit verò tertiâ die, & non meminit præsuræ propter gaudium; deinde ascendit in cælum sedens ad dexteram Patris, unde non mœrore, & desperatione lucernam extinxit, immò amplius accendit, & euertit domum, quia erexit animum supra corpus & mundum, & quæsiuit diligenter, quem amabat ardentè, donec inueniret illum hodie assumpta ad æthereum thalamum, in quo sedet stellato folio.

Ecce iam residet iuxta Regem, quæ aliquando stabat iuxta crucem; ibi aspexit Filium crucifixum; hic attendit gloria & honore coronatum: ibi Iudæos frendentes de inuidia, & crudelitate, hinc Angelos feruentes de obsequio & dilectione, ibi contumeliam, hinc gloriam; ibi gladius, pro his quæ fiebant ipsius pertransibat animam; hinc in recompensatione æterna iubilatio replet animam, ad quam ipsa interueniente perducatur nos filius eius & Dominus IESVS, qui cum Patre & Spiritu sancto viuunt & regnant per omnia sæcula sæculorum. Amen.



DE EIVSDEM BEATISSIMÆ VIRGINIS Mariæ

ASSUMPTIONIS.

SERMO IV.

Reginæ cæli, cui totius vitæ meæ dedicari exopto obsequia, solito deuotius me famulaturum in eius Assumptione exhibeo; nil autem sumpturus de nostris promptuariis, necessaria in opus tantæ solemnitatis de thesauris sapientiæ refundi supplico impendia. Adeundus itaque, & adorandus Agnus qui in medio throni sedet, erogaturus de throno gratiæ, unde refiguremus Salomonis grandem thronum de ebore: Assumpta enim & translata est gloriosa Domina hodie de throno gratiæ ad thronum gloriæ, &

de eburneo castitatis, migravit ad sydereum claritatis, pia in primo, neminem iudicans, piissima in secundo, reos liberans, propitiatrix in primo, reconciliatrix in secundo.

Accedamus ergo ad utrumque thronum tam eburneum, quam sydereum, & demisso vultu ad terram imaginemur tam formam compositionis, quam gloriam significationis. Salomon enim filius David, nec hominum sumptus in artificio throni sui præterivit, nec pondere virtutis euacuavit, nec sapientiæ fines excessit: species itaque bona, melior sapientia, significatio optima: species delectat, significatio instigat, sapientia satiat: occupatione species te detineat, subsidio significatio, remedio sit sapientia. Mentem eleuat species, significatio suspendit, sapientia excipit. Litera in specie, allegoria in significatione, sensus moralis in virtute sapientiæ.

Fecit itaque Rex Salomon thronum de ebore grandem, & vestiuit eum auro fuluo nimis, &c. fecit sapientia Dei sanctam Ecclesiam, fecit & Dominam nostram, non ut alia opera, sed super omnia opera sua; nec enim sponsam mutaturus est, nec matrem aliam habuit, vel habiturus est. Quid sponsa dulcius? quid matre venerabilius? de matre carnem sumens, quieuit in eius utero velut in throno eburneo, sponsa adherens omnia sua communicavit, & de thoro ad thronum promouit; Matris quoque non immemor, delatio obsequii in terra peregrinationis suæ, sicut hospitium thori & throni eius sine molestia passa vel illata aliquandiu occupavit; sic hodie Matri iuxta thronum suum de lapide saphyro propter gloriam deitatis, apposuit thronum de ebore, propter incomparabile meritum virginitatis. Nam grandem thronum de ebore fecit Salomon archetypum huius, id est, figuratiuum, ebur siquidem est os, detracta carne, elephantis: & Virgo nostra in carne, præter carnem vixit. Fortius verò caro separata est ab osse, cum omnis mortalitatis corruptio absorpta est in hac Assumptione.

De ebore ergo grandem thronum fecit, vel de Virgine, carne purificatâ, & corde dilatatâ, Verbum carnem assumpsit, vel cum ex regula suæ institutionis, & abyssu profundæ benignitatis, in vlnis angelicis matrem suam IESVS cum omni veneratione eleuatam collocavit hodie in suis & paternis præclaris mansionibus: thronum ibi sole & luna præcedentem, maternæ gloriæ competentem; superna sydera, ab æterno iam præparauerat. Omnis hodie exempta est quæstio & dubitatio cuiusnam esset gloria, quam post IESVM angelica sublimitas verebatur attingere, & sanctorum nullus audebat vendicare: nil diuinam præposterasse, vel vanè constituissè prædestinationem hodie probatum est, quia soli Mariæ hoc solum solum defuncti aliqua.

A tempore autem Salomonis in throno æquitas; in ebore castitas, in scabello humilitas, in auro sapientia, in sex gradibus, promotio à minimis ad maiora; in rotunditate consummatio; in parte posteriori, finis huius vitæ, in duabus manibus misericordia & veritas; in duobus leonibus Deus, & diabolus, vel timor mortis & inferni, in duodecim Leunculis, in omni actione & cogitatione ambigua sedulitas, vnde Iob: *Verebar omnia opera mea.* Iob. 9.

Sex gradus, habitus vilitas, gestus maturitas, cibi & potus sobrietas, ver. 28.

D d iij

borum utilitas, lectionis sagacitas, orationis assiduitas; his gradibus excellbat & excedebat thronus eburneus præ omnibus habitantibus in terra: quorum habitus superfluous, gestus inordinatus, victus immoderatus, sermo vanus & otiosus, meditationis, & lectionis rarus aut nullus accessus, orationis vultus incognitus; dilectus eius ab hoc ultimo gradu sanctitatis invitat matrem suam, dicens, veni à Libano, veni ad summum gloriæ gradum in dextris filii?



DE E A D E M.

S E R M O V.

Cant. 1. **Q**uid videbis in Sunamite nisi choros castrorum? Dies venerabilis, Virgo singularis, & processio hodierna specialis, & sonus tam in cælo, quam in terra plenissima iubilationis, felix visio, grandis exaltatio, admirabilis iustitiæ & pacis Matris & Filii deosculatio, & inseparabilis confessio. Interim Pater sic honorans non suam conjugem, sed tamen vnigeniti sui charissimam Matrem, quasi congratulans alloquitur Filium dicens, quid videbis in Sunamite nisi choros castrorum.

Iam ante ex quo Filius eiusdem Virginis assumptus est in cælum & sedet à dextris Dei, flagrantissimis exæstuebant desideriis Angeli ministratorii Spiritus, secum habere qualem qualem illam fœminam, de cuius carne & sanguine videbant in Rege, & Domino suo, humanam naturam in sede maiestatis super se collocatam. Alii frequenter accurrebant ad ipsam, alii clamabant:

Cant. 6. *12.* *Reuertere reuertere Sunamitis, reuertere, reuertere, vt intueamur te;* non est indigna cælo, quæ talem, & tantum fructum protulit ex utero; fons valde purus ex quo derivauit tam eximius riuus; caro omnino incorrupta, de qua sumpta est caro Verbo vnita; grata anima, de qua profluxit gratia, quæ pro omnibus gustauit mortem, quam absorbit per resurrectionem; non negamus illi nostrum consortium, cui perpetuum paramus obsequium; neque in numero, neque in consortio nostro remanebit, qui non in eius honorem iurauerit, & omnem subiectionem exhibuerit.


Choris itaque ordinatis quisque ordo Angelorum, Archangelorum, Virutum, Potestatum, Principatum, Dominationum, Thronorum, Cherubim & Seraphim occurrat venienti Reginæ nostræ ad Patrem Filii sui, & ad eundem Filium, & Spiritum Sanctum, cuius est honorabile templum; Longa dilatetur processio, stet quisque in ordine suo; veniant nobiscum Patriarchæ & Prophetæ, vt illi stupeant stirpem suam in virgine sic honoratam; illi gaudeant prophetiam suam sic adimpletam; adsint Apostoli qui iam associati sunt vobis, deinde Martyres, Confessores, nec non & Virgines: qui matrem non honorat, filium non amat.

O Domine IESV, & nos cum Patre de nostra parte dicimus; *quid videbis in Sunamite nisi choro castrorum?* credimus quod loquimur, & propter quod loquimur: omnia quæ in celo sunt, à Deo sunt, ordinata sunt: ibi nulla inordinatio vbi nulla commotio; ibi omnis ordinatio, vbi Dei tenetur iussio, & habetur inconcussa visio. Nos verò terrigenæ & patimur malas commotiones, & sæpe committimus inordinationes: ob reuerentiam Domine nostræ saltem hodie comprimamus omnes malas commotiones, & reprimamus inordinationes, vt in Sunamite nostra chori castrorum inueniantur, non chori tympanistiarum, aut hystrionum, Seniores, priores, iuniores adolescentes, infantes oculos teneant, manus contineant, ora aperiant, aures inclinent, pedes ad malum non moueant; hoc exterius, quid intrinsecus?

Congreget ad se cor omnes animæ sensus, omnia interiora sua ordinet, processionem, castra Dei statuatur, vt in die Virginis, castitatis metas, nullus motus mentis, vel corporis excedat: ornatus castitatis vestitus humilitatis Virgo recognoscit: in eius processione non reputatur, qui impudicitia, & immunditia deturpatur? quid videbis in Sunamite nisi choro castrorum? Deus Pater ad Filium de Assumptione matris suæ loquitur. Quid videbis in Sunamite, &c. Gabriel quoque Archangelus, custos & paranymphus Virginis, cuilibet de locis suis sic loquitur. Quid videbis in Sunamite, &c. Alloquitur etiam Spiritus sanctus Ecclesiam quæ in terris peregrinatur, vel in cælis gloriatur dicens; quid videbis in Sunamite, &c. in Patre est congratulatio, in Archangelo admiratio, in Spiritu sancto commendatio, siue assignatio, huius celeberrimæ Assumptionis.

Quærendum itaque quare sub nomine Sunamitis sapientissimus Salomon præsignauit Assumptionem tantæ Virginis & qui sint chori non aliorum, sed castrorum; chori enim sunt clericorum, chori adolescentularum, & chori militum. Chori clericorum sunt chori Psallentium, chori adolescentularum, sunt gaudentium, & ludentium, chori militum sunt pugnantium & bellantium. In choro clericorum quæritur consonans modulatio, in choro adolescentularum delectatio, in choro militum, fortitudo. Triplex iste chorus Domine nostræ hodie famulatur. Cantant Angeli vt clerici, ducunt choros vt adolescentulæ, militant contra aërias potestates, ne audeant occurfare; fremunt dentibus, & clamore rugiunt, inuidia tabescunt, audientes puellam, matrem misericordiæ ad thronum gratiæ, super choros Angelorum ascendisse, vnde princeps eorum sicut fulgur cecidit.





DE EADEM.

SERMO VI.

Can. 6. **V**na est columba mea. Domestica familiaritate, & omni creaturæ in-
 8. perta dulcedine verus Salomon jocundatur ad columbam suam, quæ
 est Regina Angelorum, quæ est Virgo Virginum, pia Maria, dum in eius
 visceribus per suam sapientiam, humanam fatuitatem ad columbinam re-
 uocat simplicitatem; cum sale cœlestis sapientiæ redintegrat naturæ nostræ
 corruptionem. Vna est, inquit, columba mea siue natura, quam de matre
 suscipio, siue Virgo de qua & in qua diuinæ & humanæ naturæ matrimo-
 nium coniungo. Vna est columba mea Ecclesia sponsa; Vna est columba
 mea Mater Virgo Maria. Vnus & vnicus nec viduam, nec repudiatam volo,
 nec alii viro coniunctam: vnam quæro columbam.

Desidero vnam ne discordet à voluntate mea; columbam ne sit nimium
 2. Cor. astuta, vnam iuxta Apostolum: *Despondi*, inquit, *vos uni viro virginem*
 11. 2. *castam exhibere CHRISTO*; columbam ne plus sapiat quam oportet sa-
 pere, sed sapiat ad sobrietatem; vnam propter amicitiam, columbam pro-
 pter gratiam. Quis enim non diligit matrem aut sponsam? quis matri aut
 sponsæ non confert omnem gratiam? & matrem itaque, & sponsam volo
 habere totus totam, castus castam, pulcher pulchram, pius piam, impollu-
 tus impollutam, vnus vnam, simplex columbam: mater non habet alium fi-
 lium, nec sponsa alium sponsum. Vna fide, columba simplicitate; vna vna-
 nimitate, columba mansuetudine. Vna est inquit, columba mea.


Causa non prætereunda cur tantæ sapientiæ, tantæ potentia, & tantarum
 diuitiarum Rex Salomon, tam miris præconiis, & medullatis prærogati-
 uis non solum verbum extulit nescio quam columbam suam; sed etiam in
 librorum suorum superexcellens scripto commendauerit; attenden-
 dum itaque quia verba profunda ex ore viri, sacratissimum quid in profun-
 do suo continent, iuxta quod in Psalmo legitur: *Ipsi viderunt opera Domini*
 Ps. 106. *& mirabilia eius in profundo*; Præuiò itaque gratiæ lumine, & si non suffi-
 24. ciamus penetrare hoc sanctuarium, tamen prosternimur adorare, & tan-
 quam sanctas reliquias tangere. Sacro sancta virgine mundum per natiuita-
 tem ingressa, officiales angelicæ virtutes sanctæ curiositate puellam, vesti-
 giis diuinæ prædestinationis insignitam lustrantes, vt est consuetudinis rem
 nouam in sæculo repertam in supernis palatiis referentes, & quid hoc esset
 humiliter inquirentes à regalibus sedibus audiunt. Vna est columba mea,
 una est matri suæ, electa genitricis suæ; tanquam si diceret; quæ nata est ex-
 tra & supra numerum fœminarum, est extra & supra meritum omnium
 mulierum.

Vna

SERMONES.

217

Vna est in toto genere humano non habens similem columba; est in angelica puritate & dignitate, propter diuinam generationem non habens æqualem; mea, si Filius loquitur mater, si Pater, Filii mei mater futura. Vna est matris suæ singulari dignitate electa genitrici suæ, diuina prædestinatione; vna est integritatis incorruptione; columba est obumbratione Spiritus sancti, qui super Dominum apparuit in columbæ specie, mea dilectione, mea electione, mea conceptione, mea generatione. Huius pennæ deargentatæ niue dealbabitur in Selmon; pennæ sunt actio & virginalis contemplatio, quæ dealbabitur per castitatem niue, id est, incomparabiliter in Selmon, quod interpretatur vmbra, id est, in Verbi conceptione Spiritus sancti obumbratione. Columba ista in natiuitate fuit candida vt lac, in conuersatione & professione castitatis, vt lana, in conceptione vt nix, deinde iam cœlestis facta, in partu vt luna, in assumptione vt sol, siue vt castrorum acies ordinata; hæc columba pascitur de mensa Dei, cubat in meridie in lectulo Salomonis, residet in ferculo, dormit in thalamo, deambulat in horto, portat in cella, honoratur in cælo coronâ aureâ cum Filio suo IESU CHRISTO Domino nostro, qui est benedictus in sæcula. Amen.



DE EADEM ASSUMPTIONE.

SERMO VII.

Virginitate nulla virtus Deo vicinior, Angelis nulla familiarior, Sanctis in carne positus nulla appetibilior, quia pene omnibus aliis virtutibus rarior. Hæc regnum & principatum suum tempore prædestinato in gloriosa Domini Matre collocavit; nec fuit Angelicus Spiritus purior in cælis quàm yterus Virginis in obumbratione Spiritus sancti, & conceptione Filii sui. Adhæret quidem Deo Angelus obsequendo, astando, & ministrando; sed non se in vna eademque persona cum illo vniendo: quid autem caro virginis? nonne fuit præiacens materia, de quâ opifex Trinitas naturam humanam fabricauit, quam inseparabiliter vniuit Verbo Dei vnâ simul operatione, non tamen eadem Trinitatis assumptione.

De hac sanctificata massa partem sibi Filius Dei assumpsit, quam statim assumendo deificauit, & tam illa quàm de illâ, in tota protoplasti massa, tam redemptione, quàm sanctificatione operatus est salutem totius eiusdem humani generis; ac deinde spreuit, dereliquit, oblitusque est lectuli sui, cubiculi sui, templi sui, ortus sui, paradisi sui, Matris suæ? Absit, *Et si* *Isai.* *Mater*, inquit, *oblita fuerit filii sui, ego non obliuiscar tui?* Nemo carnem *49.18.* suam odio habet, nec IESVS distulit quidem in matre vincula carnis soluere, nec destitit mansionem iuxta se etiam parare.

E c

Equidem indignum esset alium interponere inter se & Matrem in cælo, in cuius vtero coagulatus est ineffabili sacramento: nam quod in oratione dominica dicitur, fiat voluntas tua sicut in cælo & in terra, scilicet mater Filius sic loquitur, fiat voluntas tua sicut in cælo & in terra, quasi, quia Filius elegisti vt haberes Matrem, suscipe vt excipias inter Angelos assiltricem. Nemo plus iuris habet in carne, in facie tua, quàm Mater tua. Cedo, inquit Filius & concedo; veni electa mea, & ponam te in thronum meum. Dixit & factum est, qui dixit, fiat lux & facta est lux, qui semel loquitur, & secundo idipsum non repetit, quia verbum eius manet in sæculum sæculi.

- Pl. 88. Sed thronus tuus ô Deus? ô Domina qualis est? Psalmista dicit: *Et thronus eius sicut sol in conspectu tuo, & sicut luna perfecta*; fortè idèo admirantes cælestes virtutes dicunt *Quæ est ista quæ ascendit quasi aurora consurgens, pulchra vt luna, electa vt sol, terribilis vt castrorum acies ordinata*? Vt aurora confitentibus; vt sol sanctis suscipientibus, vt castrorum acies ordinata malignis spiritibus: inuocant illam conuersi, amant illam iusti, exorant peccatores, timent demones, inualida sunt castra demonum aduersus Dominam nostram castrorum acies, de quibus in canticis dicitur; *Quid videbis in Sunamite nisi choros castrorum*. Hæc Sunamitis placet regi sua specie; senem Regem conseruat castitate, & fouet calore sapientiæ. Quæ tam speciosa quam illa cui dicitur: *Tota pulchra es amica mea*, & item: *Quàm pulchra es amica, quam pulchra in deliciis charissima!*


Hanc antiquus dierum prælegit, & dedit ei Filium suum: hæc Dei præcordia penè iam tepentia, deficiente charitate in humano genere calefecit, & cum adhuc peccatores essemus, propter nimiam charitatem suam Filium de virgine incarnari constituit: hæc sapientissima sicut decipere neminem voluit, sic à nemine decipi potuit. Si vnquam in creatura sua Creator proportionem aliquam reperit, solam istam hoc privilegio prætitulauit; *Cum essem, inquit, immaculatus veni ad corpus incoquinatum*. Quid itaque potentissime videbis in Sunamite. *In me*, inquit Sunamitis, *gratia omnis viæ & veritatis; in me omnis spes vitæ, & virtutis*; Duo sunt viæ & patria; in viæ gratia, in Patria, veritas: in me gratia omnis, siue gratia omnis viæ & veritatis; nulla gratia in qualibet viæ veniendi ad patriam nisi per Dominam nostram, cuius Filius est ille, sine quo nihil possumus facere: rursum in illa est gratia omnis veritatis, quia gratia & veritas per IESVM CHRISTVM facta est, nec habebit veritatem in patria, qui non amat CHRISTVM in viæ.

- Luc. 10. 22. Ista visio, id est cognitio filii, est in Matre, quia sicut de Patre dixit, *Nemo nouit Patrem nisi Filius, & cui voluerit filius reuelare*; similiter de Matre potest dici, nemo nouit Matrem nisi Filius, & cui voluerit filius reuelare. Non absurdè verò sic potest legi; quid videbis in Sunamite, vt ibi quærat non de his quæ intus videri non possunt, sed de his quæ circa Sunamitem fiunt; vnde subdit, nisi choros castrorum. In authenticis itaque libris, non in adinventionibus phantasticis quærendum est de choris castrorum: legimus in numeris: locutus est Dominus ad Moysen & Aaron dicens, singuli per turmas, signa atque vexilla, per domos cognationum suarum

castra metabuntur filii Israël per gyrum tabernaculi fœderis. Iudas ad orientem figet tentoria; & ne supra modum sermonem protendamus, compendiosè dicamus quod circa tabernaculum fœderis, quod intelligimus corpus & animam Virginis, omnes filij Israël castra metantur.

Omnes autem filii Israël sunt omnes fideles, tamen utique constituuntur per singulas plagas, Iudas, Ysachar, & Zabulon ad orientem, Ruben, Symeon & Gad ad meridiem, Ephraïm, Benjamin & Manasse ad occidentem, Dan, Aser & Nephtalim ad Aquilonem. Iudas, confessio, Ysachar, merces, Zabulon tabernaculum fortitudinis, isti ad orientem cantant: Orietur stella ex Jacob. Ruben videns, Symeon auditio, Gad fœlicitas, isti ad meridiem cantant. Tota pulchra es amica mea, &c. Ephraïm frugifer, Benjamin filius dexteræ, Manasse obliuio: isti ad occidentem cantant: Surge propterea amica mea, veni columba mea. Dan iudicium, Aser beatus, Nephtalim conuersio: isti ad Aquilonem cantant: Surge Aquilo, hyems transit, imber abiit, & recessit, flores apparuerunt in terra nostra. Ecce habet Sunamitis choros castrorum, qui circumdant eam tanquam flores rosarum & lilia conuallium; astitit Regina à dextris filii circumdata varietate, *Circundate Sion*, ait Psalmista, & *completeimini eam*.

Ps. 47.
13.



D E E A D E M.

S E R M O V I I I.

Congratulamini mihi quia inueni drachmam quam perdideram. Hæc est ^{Luc. 15.} ^{9.} diei præsentis solemnitas, in qua nihil vacat in cælis à laudibus, nihil in Ecclesia Dei, quæ in terris peregrinatur à sanctis supplicationibus; astrorum enim est pro sua sorte fœlix laudatio, quibus nulla de beatitudine vera contingere potest diminutio. In hoc verò exilio peregrinanti per fidem; tantò studiòsè protendenda est supplicatio, quantò periculosiùs differuntur à regno: in se se tamen replicantur, & reuolutione orbiculari reuoluuntur & Christiana deuotio, & Angelica exultatio; nos quidem in spe, illi verò sunt in re; sicut autem res exhibet præmium, sic spes comparat meritum.

Quare autem de cælo desperaremus præmium, cui hodie de terra, & genere nostro tam eximium intulimus commercium? numquid ingratitude habet locum ubi gratia sempiternum obtinet domicilium? plenam gratiâ ad gratiæ remissimus palatia, refluant itaque stillicidia gratiæ sterilitati nostræ superintensæ. Plena & repleta Dei bono regio gratiæ & gloriæ, ne Domina nostræ assumptio fiat doni cælestis in nobis euacuatio. O Domina nostra, quæ animarum fidelium tibi congratulatio, si absque recompensatione in cælis transferas, & quod ab illis acceperas, & quod à nobis? Dignum est, ut tantus thesaurustali muro circuncingatur, tali custode tutetur, tali repositorio includatur.

E e ij

Ecclesia quoque piam tuam retineat memoriam, quâ demones ejiciat, vitia expellat; tentationes compescat, motus inordinatos componat, meatus dulcissimæ compunctionis aperiat, salubres, & suaves gustus cœlestis patriæ infundat, fructum ventris eius in altari dentibus nostris & labiis ruminandum quotidie deferat. Tunc planè exultabimus & latabimur in te, ô Domina, memores vberum tuorum; Vbera tua fluunt angelicis spiritibus illa suavissima, quæ confecerunt filii tui manus tornatiles, aureæ, plenæ hyacinthis. Vident enim super se Verbum carnem factum, gloria & honore in homine assumpto coronatum; & de illa ineffabili contemplatione tam jocunda perfunduntur delectatione, ut nec inopia dimidiet desiderium, nec satietas afferat fastidium.

2. Reg.
19. 35.

Adhuc vbera tua effluunt iustis & bonis famulis Dei mel piæ affectionis, cuius degustatione, amaritudines sæculi dulcescunt, & carnis illecebræ vilescunt; eatenus ut mens plena virgineo melle, stupida & penè insensibilis blandimentis carnalibus efficiatur, ut cum Berzellai dicat: *Numquid sensus mei vigent ad discernendum suave aut amarum, aut delectare potest cibus & potus, aut audire possum vocem cantorum atque cantatricum.* Quæ de effluentia verborum Virginis Mariæ mens benè est læta, sic omnium est terrenorum appetituum oblita; non solum verò verba fluunt, sic vel effluunt; sed etiam pereffluunt usque ad peccatores terræ, quia CHRISTVS IESVS Filius eius, venit in hunc mundum peccatores saluos facere.


Desinet mater lactare, quos Filius eius venit saluare? immò abstinere poterit Mater misericordiæ lactis pleno gurgite non alere, pro quibus Filius suus potuit & voluit spiritum exhalare? Nec os, nec manum, ô domina nostra, ad Angelicam porrigimus portionem, quia bestia, quæ tetigerit montem lapidabitur. Habeant ipsi primogenita sua, ac proinde primam guttam de societate tua, quia seruauerunt sua domicilia; nec abierunt post Sathanam, qui tertiam partem stellarum traxit post se. Succedant secundo loco fideles & iusti, quorum est sedere super sedes duodecim, & iudicare duodecim tribus Israël, ut de torculari tuo, cuius animam pertransiuit gladius, circumferendo stigmata IESV in corpore suo, secundam exprimant guttam, & sua saltem de mutatione tua desideria consolentur.

Nos verò quorum os amaritudine plenum est & dolo, quam participationem cum virginali castitate & puritate atque mansuetudine habere poterimus? sed certè nulla nutrix tam sedula circa alumnum suum, quomodo tu benignissima erga confitentem, & ad cor reuertentem Christianum. Licet autem infantulus infantilibus contaminetur prurulentis, non tamen idè abiecit eum à se, quæ curam eius suscepit, non vbera negat; sed lauat balneo, & lacte suo reficit: ô misericordissima, tu quid; facies nostra impletur ignominia ab oculis nostris, velut pannus menstruatus etiam iustitiæ nostræ; quantum magis iniustitiæ?

Piatum piissima auerte faciem tuam à peccatis, donec deleantur tuâ miseratione, donec tegantur tuâ intercessione, & pœnitentiali satisfactione tergantur. Beata vbera tua, quæ Angelos pascunt, iustos reficiunt, peccatores alunt: exultat spiritus tuus de societate Angelorum, anima tua gaudet

de imitatione iustorum, congratulatur anima & spiritus de pœnitentia & conuersione peccatorum. Vultum & manus, os & cor, mentem & animam, interiorē & exteriorē ad te conuertimus hominem; post te pleno ore vociferantes, salus nostra in manu tua. Respiciat super nos misericordia tua, non se contineant super nos mollia illa viscera tua, quæ cœli rore irrigata solent stillicidia stillantia super terram pluerē, & de profundissimis peccatorum voraginibus lapsos & penē desperatos releuare. Videsne Domina nostra quia sæuo & aperto ore draco ille rufus miseras animas nostras dilaceret, rapiat, deuoret, & quasi pene in secessum suum protrahat?

Attendis quā indecenter natura nostra dehonestetur, de qua tu originem, & IESVS Filius tuus suscepit carnem; tantis iam afficitur ludibriis, vt nulla dæmoniæ superfit spurciæ macula, quam non sit experta humana luxuria. O caro tua, ô caro nostra! quis chaos tantum interpolauit inter nos, vt tua cœlos vincat, & superet munditia nostra, quamquam consobrina sit & germana, corrumpatur tantâ immunditiâ, quantam non tolerat vlla patientia. Quanquam autem de tam misera sorte peregrinandi conditio me abesse non sinat; tamen lacte tuo, & sanguine Filij tui cubile mentis aspergens, tam tuo suffragio, quā illius patrocinio confido eripi, & inter curiæ tuæ adolescentulas, saltem post dignas pœnas admitti. Nam vox illa tua tanquam turturis castissimæ audita est in terra nostra dicens, Congratulamini, mihi desperatio nem excussit, spem reddidit, animum erexit, vt qui malorum conscientia depressus iacebat in auditu iocundissimæ vocis respirauerit, & quasi de graui somno enigilauerit. Vox enim quæ de cœlo fit, non solum mentem pulsat sed & adiuuat, pulsat vt se mens aduertat, adiuuat vt ad Deum conuertat. Ad Deum verò conuersa ire properat. In itinere posita etiam lassâ clamat trahe me post te manum tenens porrectam, exultat, curremus inquit in odore vnguentorum tuorum. Perueniens exultabimus & letabimur in te. Denique proloquens pro his qui remanserunt dicit, memores vberum tuorum super vinum recti diligunt te. Sic omnes à minimo qui vocem eius audit vsque ad illum qui ad palatium peruenit congratulantur tibi ô Domina nostra.



DE EADEM BEATISSIMA VIRGINE.

S E R M O.

Veni in hortum meum soror mea sponsa, messui myrrham meam cum aromatibus meis. Tam de gremio vniuersalis Ecclesiæ, quā de vtero Virginis Mariæ, alloquitur CHRISTVS vtramque dicens; veni in hortum meum soror mea sponsa. Soror autem ejus est Ecclesiâ, quia & ipse conceptus de Spiritu sancto, natus ex Maria Virgine; & Ecclesiâ ex eodem

Cant. 5.
1.

Ec iij

Spiritu regenerata; sicut ipse est Filius Dei vnione personæ, sic ipsa filia Dei adoptione; sponsa quoque propter duarum naturarum, id est diuinæ & humanæ consensum communem, seu cohabitationem indiuisibilem. Virgo autem cum sit mater secundum carnem, neque soror, neque sponsa appellatur, nisi secundum spiritum; vnde; *Quicumque fecerit voluntatem* Math. 12. 49. *Patris mei, ipse meus frater & soror & mater est.*

Domine nihil difficilûs quàm te inuenire: scio quidem te vbique esse, sed clausa vbique occurrit janua, quæ te negat, quæ te celat esse etiam vbi es: etsi hoc multum est quod dixi, celat esse, tamen verum est, non finit vel præstat videre quod es, aut vbi es, sol enim es, immo candor sole clarior: impedit ergo ne videam aut mea cæcitas, aut tua claritas. Nil autem mirum si cæcitas impedit visum, quia priuatio est: claritas verò cuius est illustrare, qua ratione non ostendit illum à quo habet, vt ostendere possit: fortè quia rara, immò quia nimia; habitat enim Deus lucem inaccesibilem. Media itaque siue temperata ex luce deitatis & nube humanitatis, nouit excipere in firmitatem nostræ lippitudinis, & coarctare seu coaptare immensitatem deifici luminis.

Duo igitur quasi vela interponit, parietem parientis virginis, & purissimam lampadem dominici corporis, vt paulatim his assuetus humanus visus, amulatione penetratiua ambiat videre IESVM, & visum cognoscere & cognitum amare, & amatum colere, & cultum credere, & creditum adorare. Hic ergo quærentem se, vocantem se, pulsantem ad se commotis miserationis suæ medullis voce propriâ & vbi sit, & quid operis egerit indicat dicens: *Veni in hortum meum soror mea sponsa, messui myrrham meam cum aromatibus meis.* De Paradiso inquit, descendi in hortum meum, de incomparabili gloria & obsequio Angelorum, veni vt facerem opus meum, veni in hortum meum, messui myrrham meam cum aromatibus meis. Plantauerat autem Deus à principio paradisum voluptatis, in quo posuit hominem quem formauerat: rident & arrident sibi nouissima & antiqua: *Ecce Domine tu cognouisti omnia nouissima & antiqua, tu formasti me & posuisti super me manum tuam,* ait ad Patrem in Psalmo IESVS.

Psal.
138. 5.

Sed animaduerte præposterata tempora vt non dixerit, antiqua & nouissima; sed nouissima & antiqua; maior namque est gloria secundæ domus quàm primæ; & primus homo factus est in animam viuentem, & secundus in spiritum viuificantem. Vetus homo Adam, nouus homo CHRISTVS per Adam peccatum, & per peccatum intrauit mors in mundum. Per CHRISTVM iustitia, & per eundem redditur vita æterna: præambulant itaque spiritu prophetico nouissima, quia meliora & potiora sunt quàm antiqua. In antiquis formauit hominem de limo terræ; in nouissimis creando sanctificauit, & sanctificando creauit IESVM Filium suum de carne & utero Virginis Mariæ. Tu inquit, *formasti & posuisti super me manum tuam:* communis quidem formatio in nouissimis & antiquis quantum ad habitum corporis, sed manus positio, siue suppositio singulariter continetur in eo qui formatus est in nouissimis, propter spiritum quo vnctus est IESVS præ participibus suis. Vnde ad Iohannem Baptistam: *Super quem,*

Ibid.

Ioan. I.
33.

inquit vox paterna, *videris Spiritum descendentem & manentem super eum, hic est qui baptizat, &c.*

Hunc hominem Deus posuit in horto, id est, paradiso quem plantaue-
rat à principio; præscientia enim Dei sicut non aberrat in creandorum
discretionem, sic moram nullam facit in omnium futurorum prospe-
ctione: simul enim & semel statum omnem & casum, reparanda &
non reparanda, modum quoque reparationis concipit. Non ipsa pendet de
futuris euentibus, sed omnes rerum mutabilitates de immobilitate eius tan-
quam de vniuersorum matrice egrediuntur. Igitur tanquam Iacob & Esaü in
eodem vtero, Eux procacitas, & Mariæ sanctitas congressum diuersis stu-
diis facientes, quodammodo præscientiæ viscera concutiebant, vt nouissi-
ma sicut dictum est, vtilitate & dignitate antiquis præirent, & fauorabilior
celebraretur Mariæ singularis conceptio, quam paradisi terreni plantatio,
& CHRISTVS de virgine natus, quam Adam in paradiso positus.

In paradiso illo serpens cum homine reperitur; in Virgine solius Spiritus
sancti obumbratio cum IESV suscipitur, nullos flatus aut sibillos immisit
corruptor totius boni intra septa horti nostri diabolus, quia hortus conclu-
sus, fons signatus sicut soli Regi sæculorum, quæ est imago Dei inuisibilis
gremium suum expandit, sic omni subreptitiæ vanitati vectes ferreos ex-
actissimæ custodiæ opposuit; gloria enim Dei quæ assumpta est de Cherub
ad limen domus, custodiuit eam ab inimicis suis, & à seductoribus tutauit
eam.

Fideliter namque credo frequenter per oculos, per os virginis latentem
deitatem subrutilasse, & quiddam indicibile; si quis aduerteret euaporasse.
Quid enim? nonne plena gratia, ex hoc in hoc eructabat verbum bonum,
splendidissimumque radium candoris æternæ lucis; vnde Helizabæth ad
vocem salutationis eius mota viscera, & Iohannis contrectata, & quasi in
exultationem calefacta sunt puerilia membra; Cuius tanta virtus, nisi glo-
riæ Dei, quæ de Cherub, id est de arce cæli assumpta est ad limen domus,
id est, ad Virginem, quæ cœlestis patriæ janua sine dubio & limen est,
quo egressus tanquam de thalamo sponsus, visitauit nos Oriens ex alto.

Iuxta hoc limen nemo ponat limen suum, quia inde conqueritur Deus.
*Qui fabricati sunt, inquit, limen suum iuxta limen meum, & postes suos
iuxta postes meos.* Nulla affinitas castitatis & impuritatis; Sacerdos immu-
de non times accubare iuxta Dei altare, & Beata Virginis Mariæ? quod
deterius est verenda tua non velas iuxta sanctuaria Dei, immo facis domum
orationis, prostibulum meretricis. De huiusmodi dicitur: *Polluerunt tem-
plum sanctum tuum.* Gloria igitur Dei quæ ad limen domus est, conturbat
Ioseph sponsum Virginis; vnde vult eam occultè dimittere, sed monetur ab
Angelo non timere maiestatem quæ colligit humilem, confundit calumnia-
torem; quid, inquit Ioseph ad seipsum, quid intus est, quis intus est? Ver-
bum, inquam, Dei est, Deus in vtero Mariæ est; quis posuit? quis intro-
misit? Deus, qui hominem quem formauerat, in paradiso posuit, qui nullis
arcetur repagulis, qui intrat sine irruptione, qui exit sine corruptione, cuius
velle clauis est referans omnia, cuius nolle sera est concludens omnia, neque

Ezech.
43. 8.

Psal.
78. 1.

malleus, neque securis opus habent. dolare aut secare, vbi vna Dei virtus in ictu oculi & mundum facere potuit & reficere.

Tandem Ioseph animaduerte diem solemnem adesse, quando festiuitati Paschali agnus paratur immolandus: solus ibi pontifex in sanguine sumpto de Virgine, victimam salutarem præparauit, & quasi myrrham suam melsuit, cum carnem sanctam & incorruptam à visceribus maternis mutuauit cum aromatibus, id est odoriferis virtutibus, quarum confectio tam anima quam caro compacta, in ara crueis odorem suauissimum paternis affectibus, pro redemptione generis humani mandauit; & propitiationem diu desideratam, tempore accepto quasi maturo compleuit: immaturam enim non meteret myrrham, qui omnia facit in pondere & mensurâ & numero. Vnde Psalmista: *Tempus beneplaciti Deus, & tempus miserendi eius*, id est Syon, & : *Memento nostri Domine in beneplacito populi tui, visita nos in salutari tuo*. Venit ergo quasi tempore messis, quod est in plenitudine & fine sæculorum, in hortum suum dicens: Veni in hortum meum soror mea sponsa.

Psal.
68. 14.
Psal.
105. 4.


Gen.
2. 8.

Sed quis te IESV, introduxit, quis sine aditu admisit? quis extrinsecus nullis apparentibus vestigiis intrandi licentiam fecit? *Deus*, inquit Scriptura *Posuit hominem quem formauerat in Paradiso*. Vera nostræ fidei simplicitas, non te absorbeat vorago malignæ interpretationis, vt IESVM prius credas formatum, & postea à Virgine conceptum; cum caro de carne, & sanguine Virginis in vtero ipso virginali simul creata, simulque copulata sint Verbum, caro & anima. Sed hæc talis verborum complexio, hominem quem formauerat posuit in Paradiso, de antiquis est, non de nouissimis. Posuit; quis posuit? *Deus*. Vbi? in Paradiso, id est, in horto voluptatis, videlicet in vtero Virginis. Non Maria, non Angelus, non Ioseph posuit, sed *Deus* qui voluit, potuit & sciuit. *Deus* posuit virtutem operando; Maria concepit, carnem & fidem subministrando: Ioseph extra stetit quæ intus facta fuerant, mirando & stupendo.

Benè tunc Ioseph iste Virginem defendit nomine coniugali ab opprobrio, sicut alius Ioseph CHRISTVM de cruce deposuit & vinctum in sepulchro posuit, à facie Iudæorum abscondendo. Erat autem ibi hortus & nouum monumentum in horto: Videtur iste hinnulus ceruorum amare olera, videtur virentia quærere, videtur arbores libenter plantare, videtur areolas aromatum exarare, videtur cubare in meridie & pasci in hortis, & lilia colligere. Olera herbarum quæ citò decident, sunt nostræ defectus humanitatis quos CHRISTVS suscepit, cum homo fieri voluit: virentia, sunt opera quæ de fidei & castitatis radice prodeunt; arbores sunt quæ flores conuersionis & fructus Religionis referunt; areolæ aromatum, mentes Sanctorum, liliū castitas. Hæc omnia & in horto virginali & in Ecclesia CHRISTVS manu sua seuit, rigauit, & ad incrementum produxit. Regina Saba tanta & talia Regi Salomoni attulit aromata, quanta & qualia non sunt ultra visa in Hierusalem: similiter Regina nostra de cælo & gratiâ præueniente, tales de mente protulit incarnando Dei Verbo affectiones, quales nulla sperare potuit aut proferre creatura suo creatori.

Ecclesia

Ecclesiæ etiam nulla in aromatibus se conferre potuit secta Gentilium, Iudæorum & Hæreticorum; vterque hortus est irriguus, fertilis, amœnus, solitarius, tutus, consolatorius, deliciosus. Irriguus est superiori & inferiori irriguo, id est deitate CHRISTI & humanitate, vel angelicâ & humanâ deuotione; fertilis, quia fertilitate sua etiam filios coruorum pascit, dum escam populis Æthiopum, id est, carnem & sanguinem CHRISTI, peccata sua confitentibus & verè pœnitentibus præparat. Amœnus, quia verna temperies flante austro, varios profert colores, vt cæli picturam postponas, si templum virginale, & Ecclesiasticum oculo pudico & sagaci reuoluas; solitarius, quia vnus solo singularis segregatus à peccatoribus, IESVS totum quod est Virginis & Ecclesiæ sic occupat, vt socium non admittat; vnde, Audi Israël Deus tuus, Deus vnus est. Tutus quia turris fortitudinis à facie inimici, mille Clypei pendent ex ea, & à sexaginta ex fortissimis Israël vallatur & seruatur: consolatorius quia Deus totius consolationis & Angelus magni consilii nascitur ex ea & vsque ad consummationem sæculi, manet cum ea. Deliciosus quia Virgo speciosa facta est in deliciis tuis, quæ potestate & dignitate regia, nihil in apothecis cœlestibus est, quod non voluntati & vsui eius exponatur.



DE SANCTO BERNARDO ABBATE

CLARAVALLE.

SERMO I.

Ecce verè Israëlita in quo dolus non est, &c. Iacob post longa seruitia, post diuturna exilia, post suscepta ex vxoribus cara pignora, post gregum, seruatorum & ancillarum adquisita emolumenta, ad domum patris & ad terram natiuitatis suæ reuertitur: sed in itinere occurssu Esau fratris sui primogeniti terretur. Cùm anima sæculari conuersatione tædio affecta, annos æternos recogitando cælestem habitationem concupiscit, & parturiens ingemiscit clamans: *Infelix ego homo, quis me liberabit de corpore mortis huius?* &, *Heu me, quia incolatus meus prolongatus est;* &, *quando veniam & apparebo ante faciem Dei?* &, *Fuerunt mihi lachrymæ meæ panes die ac nocte.* Disponit itaque domui suæ, & mercedes laborum suorum non in sacculo pertuso collocat, humanam ex his gloriam aucupando, & non rectè diuidendo; sed ordinat familiam vt castrorum aciem, sed greges distinguit in numero, sed munera appendit in pondere, sed spatia inter gregem & gregem interponit in mensura, sed lampades operum suorum ornat cum oleo puræ conscientiæ; & iunco purgatæ per confessionem animæ. Ecce vir prudens metitur fratris mores oblati muneribus, dans pecuniam vt adquirat

Ioan.
1. 47.

Rom.

7. 24.
Pf. 119.

5.
Pf. 41.

4.

Ff

gratiam, Ordine regulari incedere facit non solum homines, sed & greges, ut appareat quantus ordo in eius mente seruetur, de cuius plenitudine & animalia ordinantur.

Transducit vadum Iacob quod interpretatur lucta siue pulvis, omnia quæ ad se pertinent. Religiosa dispensatione, mens quæ Angelos expectat, quæ patriam suspirat, quæ domum patris desiderat, omnes animales à se motus elongat, & lugens se, cinerem & puluerem vadum Iacob, id est, fluctuationem sæculi, & motionem carnis certamine laborioso transit, & in hac ærumna tamquam inter sentes interdum quiescit. Solutum denique à curis sæculi & liberum occupans animum, Angelus Domini mouet piscinæ aquam, indicit conflictum, prouocat ad congressum rationis & sensualitatis. Ebulliunt statim bonæ cogitationes; hinc tanquam vnguenta pretiosa inardescunt, inde tamquam spinæ sub olla pristinatorum incentiuorum remordentia susurrant.

Concupiscit itaque caro aduersus spiritum, & spiritus aduersus carnem; Rom. Vnde Iacob, id est bellator iste cogitur dicere, *Ipse ego mente seruo legi Dei; carne autem legi peccati*. Item, *Conuersus sum in ærumna mea dum configitur spina*; Spinosa namque caro de spineto suo profert spinas, sicut Ismahel ludit cum Isaac, affligens animam iustam & compungens ad eliciendum sanguinem qui est vita spiritus. Progrediens siquidem de schola Epicureorum condit leges iniquas, sed ut viuat secundum carnem, & non secundum spiritum. Ait enim Apostolus: *Si enim secundum carnem vixeritis, moriemini*. Econtra Angelus, mens, ratio, intellectus in mente altrinsecus stationem suam statuunt & rationi concessio duello ad pugnam accingunt.


Fide igitur loricate ratio spumam aquæ reputat omnem voluptatem carnis, & fortissimis atque euidentibus argumentis concludit non esse appetendum quod in se habet enorme damnum & nullum emolumentum. Voluptas carnis carnem consumit & vermes nutrit. Vnde Iob: *Putredini dixi, pater meus es, mater mea & soror mea vermibus*. Et Apostolus; *Qui seminat in carne, de carne metet corruptionem*. Cohortes angelicæ simul & omnes sacre paginæ partem rationis roborant, & carnem non prorsus defodiendam, sed ægotantem medicinalibus remediis releuandam indicant. Hoc duellum siue certamen fortè acrius infurgit, cum relicto sæculo tanquam Laban perfido & astutiis pleno spiritus redit ad Deum qui dedit illum. Subitò itaque gratia adueniente sicut pluuia in vellus, ex recordatione suæ fragilitatis aculeo diuini timoris compunctus homo totam humanæ substantiæ farinam cribro districti examinis subtiliter concutiens, & separans pretiosum à vili, non cessat vsque ad auroram suæ & Dei cognitionis luctam reciprocare, & modò ad Deum sursum spiritum leuare, modò ad ima & infirma carnis curam moderatam deponere. Supra modum autem & rationem temporis detinente impetus spiritus carnis procacitate, neruum femoris motus immò spiritus, commotus percutit, & emarcescens neruus claudum efficit.

Duo pedes Iacob, id est carnis, sunt appetitus edendi, & appetitus generandi: penè etenim ad omnia opera carnis deferunt & immergunt hominem gula & luxuria: & quando æquis passibus inceditur gulâ & luxuria, curuos

SERMONES.

227

non rectos habet gressus homo, nec Angelus infundit benedictionem, nisi
neruo contracto alteri pedi detraxerit effractionem. Datrahit igitur luxuria
actum licet non auferat motum: esse namque absque omni motu luxuria non
esset claudicare, sed angelisare. Pes itaque iste remanet, sed decurtatus infra
delectationem, vel saltem infra consensum, omnino infra actum. Pes verò
gula remanet appetitu & actu; non iam Iacob prioris conuersationis, sed
Israël assumptæ religionis. *Nequaquam*, inquit, *Iacob appellabitur nomen*
uum, sed Israël, translatus ad Rachelis amplexus, ut videas voluntatem Do-
mini, & visites templum eius. Vnde & in choris Angelorum de te dicitur:
Ecce verè Israëlita imitatione, assentione, congressione, contemplatione,
benedictione. Beatus BERNARDVS verè Israëlita est sancta conuersa-
tione, assidua corporis mortificatione, pastoralis instantissima sollicitudine
gregis sibi commissi, multiplicatione filiorum ex utraque vxore necnon &
ancillis procreatione, virgarum decorticatione in scripturarum expositio-
ne in Angelorum contemplatione.



DE EODEM.

SERMO II.

Ecce verè Israëlita in quo dolus non est; ait Apostolus: *Non omnes qui ex*
Israël hi sunt Israëlita. Claudicat enim Israël neruo femoris percusso, Ioan. 1. 47.
cùm semen eius diuiditur in paleam & gramen: nam qui fidem & deu- Rom. 9. 6.
tionem pinguedinis huius oliuæ intactam & illibatam seruauerunt, repu-
tantur in semine, & dicuntur verè Israëlita. Qui autem mentiti sunt sicut
opus oliuæ, & claudicauerunt à semitis suis sequendo Baalim, & Deum
creatorem suum ignorando, de quibus dicitur: *Israël autem me non cogno-* Isa. 1. 3.
uit, non habent partem in benedictione Israëlitis, non enim manent in ra-
dice. Rami siquidem sunt fracti, non sunt palmites manentes in vite, in
ignem ergo mittendi sunt. Horum ergo merita solius subest scire Dei, cu-
jus est Iacob eligere & Esau reprobare; cuius est misereri quorum vult, &
reprobare quos ignorat. Spiritus itaque Dei signans vestigia per quæ transi-
tum facit in mentibus fidelium, singula hospitia ab itineribus æternitatis,
singulas stationes fructuosæ visitationis, certas mansiones saluberrimæ in-
habitationis gratiæ suæ, honestis intitulat nominibus & æternis illustrat
remuneracionibus. Oves enim suas vocat nominatim & Moyli loquitur;
Novi te ex nomine, & Apostolis: *Gaudete & exultate, quia nomina vestra* Exod. 33. 12.
scripta sunt in calis. & Isaias: *Et seruos suos vocabit nomine alio.* Virtutem Luc. 10. 20.
igitur in medullis animæ inuisibiliter ipso operante latentem fauore beni- cap. 65. 15.
gniori superaccendens lucernam, non sub modio, sed super candelabrum
ponit, & fœtum gratiæ ad partum produciens secundum propositum suum

Ff ij

propriis seu figuratiuis nominibus distinguit. Inde est quòd in nouo & veteri Testamento nominum non solum impositiones, sed translationes fiunt, vt Isaac, vt Iacob, vt Israël, vt Symon, vt filii Boanerges, id est filii tonitruui, vt Natanaël, de quo dicitur: *Ecce verè Israëlita, in quo dolus non est.*

Gutta hæc propinabilis & nimio appetitu gustabili fontis & venæ originariæ dulcedinem commendans ad historiam nos remittit, & cuius profunditatis atque habilitatis sit inquirere compellit. Fons itaque, seu puteus Iacob de quo dicitur, quòd IESVS fatigatus ex itinere sedebat sic super fontem, est historia Genesis vbi sic legitur, quòd cum Iacob ad terram natiuitatis suæ reuerteretur, & timeret Esaü fratrem suum, quòd præmiserit munera antè, vt ipsum placaret muneribus. Ipse verò nocte illa mansit in castris. Cumque maturè surrexisset, tulit duas vxores & totidem famulas cum vndecim filiis & transiit vadum Iaboc, transductisque omnibus quæ ad se pertinebant, remansit ipse solus; & ecce vir luctabatur cum eo vsque mane. Qui cum videret quòd eum superare non posset, tetigit neruum femoris eius, & statim emarcuit, dixitque ad eum dimitte me, iam enim ascendit aurora. Respondit, *Non dimittam te nisi benedixeris mihi.* ait ergo; *Quid nomen tibi est?* respondit, *Iacob.* At ille; *Nequaquam,* inquit, *Iacob appellabitur nomen tuum, sed Israël.*


Gen.
32. 20.
&c.

O Iacob, ô Israël, quàm felix congressio in qua victor succumbit, in qua victus feriendo luctatorem suum claudum efficit, sed benedicendo semen eius & nomen Angelis parificauit, in qua denique virtus in infirmitate perficitur. Felix congressio, in qua infirmiori fortior, inferiori superior cedit; ex patientia, non ex impotentia superior cedit & quasi succumbit; summa virtus vermiculo & pulueri, vt habeat humana delidia vnde diuina apprehendat, & quasi inescata nullatenus à diuino amore resiliat, dicens: *Non dimittam te nisi benedixeris mihi.* Non petit aurum, aut argentum pro lucta sua Iacob, non certat pro regno terreno, non est ambitiosus vanæ gloriæ, immemor est humani timoris quo timebat Esaü, non petit caput Iohannis Baptiste: benedictionem postulat quam hereditate possideat. Prægustauerat paternam benedictionem docente Rebecca in oblatione cibi & potus, caligantibus præ senectute oculis Isaac, de propagine illius benedictionis ditissima in omnibus locupletatus fuerat, in vxoribus, in filiis, in familia, in gregibus ouium, caprarum, camelorum, bouum, aliaque substantia multa nimis. Attractus ergo & illectus prima benedictione, tota intentione petit secundam, vt qui dedit ei substantiam, addat & gratiam. Nihil pendit substantiam, nisi habeat & gratiam. Iam de pinguedine terræ obtinebat substantiam, ideoque instat & de rore cæli habere supernam gratiam, *Dimitte me,* inquit vir qui luctabatur cum eo, *iam enim ascendit aurora.* O si vellet robustissimus & fortissimus, cuius fortitudo rincerotis est, quàm facili vento tanquam fauilla absumeretur, & in regione dissimili abspartaretur. Sed quasi exaquare vires; celat potentiam suam, & luctatoris sui extollit instantiam dicens: *Dimitte me.* O iaculum amoris! vt ardentem vehementius succendat fornacem, iacit aquam quæ non extinguat, sed augeat flammam. *Dimitte me* dicit, sed ne dimittat in-

Exod.
32. 10.

cendit & intendit. Sic & Moyſi ait : *Dimitte me ut irascatur populo tuo fu-* Exod.
ror meus. An non sine licentia irasci posset? Quis certe querit irascendi li- 32. 10.
 centiam? Sed nondum vult pœnas irrogare pietas, quas populi meretur
 impietas. Dei ergo dicere homini *dimitte me*, est hominis viscera tran-
 quillius penetrare, & tenacius se illi obligare; ammonitio est retentionis,
 non euaporatio discessionis. *Iam*, inquit, *ascendit aurora*? Quid est aurora
 & quomodo ascendit aurora? est egressus mentis in contemplatione Dei;
 aurora ascendit, quando nidum suum aquila, id est anima, super sydera
 ponit, quæ retro sunt oblita & ad anteriora extenta.

Post noctem ascendit aurora, ut Apostolus ait : *Nox præcessit, dies* Rom.
autem appropinquavit. Item, *sive sobrii sumus, vobis.* Ecce nox nocti 13. 12.
 indicans scientiam. *Sive mente excedimus, Deo*; ecce aurora, ecce dies diei 2. Cor.
 eructat verbum. Aurora est medium silentium, aurora est dimidius cubitus 5.
 in calamo dimensionis templi Ezechiel; aurora est initium substantiæ
 Dei, aurora est confinium terræ & cæli, aurora est mons Sinay ubi Moy-
 ses ascendit & Deus descendit. Quid ergo est *dimitte me*, iam enim ascen-
 dit aurora, nisi sufficit tibi gratia mea, nam virtus in infirmitate perficitur;
 ideo percutit neruum femoris eius, ne sic præsumat de velocitate, quomo-
 do de fortitudine. Melius enim est post Deum claudicare, & vno pede de
 Deo sperare, alio de se non præsumere, quàm dura & erecta ceruice, inani
 præsumptione evanescere. Fixo itaque saltem vno pede stringit illum quasi
 cedrum dicens illi : *Non dimittam te nisi benedixeris mihi.* Grata Deo in-
 stantia, arthas gratiæ, pignus reversionis, vicarium præsentis tuæ, dotem
 matrimonii, speculum contemplationis depono benedictionem, aliter
 non dimittam te, quia venisti ad me, quia amplexatus es me, & passus am-
 plexari à me. Non tenerem te, nisi venires ad me; non venires ad me, nisi
 diligeres me; non diligeres me nisi velles saluare me, non saluares me, nisi
 benediceres; non ergo dimittam te, nisi benedixeris mihi. Ait ergo : *Quod*
tibi nomen est: Respondit, *Iacob*, At ille; *Nequaquam*, inquit, *Iacob ap-*
pellabitur nomen tuum, sed Israël: quia expertus sum te fortem in lucta-
 mine, constantem in petitione, mansuetum in percussione, castum in fe-
 moris enervatione, humilem in claudicatione; nequaquam Iacob appel-
 labitur nomen tuum sed Israël. Benedictio mea mutat & res & nomina
 rerum, Iacob te appellauit natura, Israël te facit gratia, vtrumque ta-
 men prærogauit prædestinatio mea. Ut fratris plantam in vtero teneres,
 non fecit mathematica constellatio, sed vniuersa creans & gubernans di-
 uina moderatio. Ut subriperes benedictionem, non fecit fraudulenta ma-
 tris consultatio, sed gratiæ præparatio: ut mecum luctam inires veni non
 casu fatali, sed descensu propitiabili, non ut te vincerem, sed ut benedice-
 rem; nec inuitus præsto, quod ut rogares suggero; differo autem conferre
 quod te carius volo seruare.



DE SANCTO NICOLA O.

SERMO I.

Luc.
19. 13.

N*egotiamini dum venio*, Misericors & iustus Dominus, qui diues est omnibus inuocantibus eum, dispensatione inscrutabili dona sua partim donat, partim vendit; vbi donat facit gratiam, vbi vendit apponit iustitiam; nulla avaritia, vbi gratia, veros iustitia, non reddat pigros gratia, non diffusos iustitia. Quæ necessaria sunt si fortè differt dare gratia, pro pretio in medio profert iustitia, nemo vnquam iustè pœnituit emendo à iustitia, nemo friuolis deceptus promissionibus à gratia.

Vult ergo Deus pecunia gratiæ lucrari nos in contractibus iustitiæ dicens: *Negotiamini dum venio*, nolite liberum arbitrium ab officio cessare * quia si non laboraret, de merito nil sperare auderet, excitat ergo illud præueniens gratia, vt ad solemnes & frequentes iustitiæ nundinas concurrat, quatinus solatio ipsius reuoluat iustitiæ mercedes, & suis necessitatibus comparet escas & vestes sufficientes.


* al. la-
xare.

Nihil deest certè in foro iustitiæ, quod necessarium sit salutis humanæ: discutiens igitur & excutiens tanquam veteres sacellos, Prophetarum & veteris legis libros, tactu & visu probet quid vtile sit mendicitati, quid nuditati, quid paupertati, quid vsui, quid salutis, quid tranquillitati, quid delectationi, quid æternitati. Expandat in his prius quod suum est, rationi vtique omnem substantiam, ingenii, memoria, voluntatis, delectationis, oris, oculorum, aurium, manuum, pedum & omnium corporis membrorum: & cum viderit suum peculium minùs sufficere; recurat ad marsupium gratiæ; nunquam enim minus commodabit gratia, quàm potest vendere iustitia. Pater iustitiæ & fons gratiæ in sorte collata non se se excedunt, quia totum est gratiæ, quicquid est iustitiæ & totum iustitiæ quicquid est gratiæ: totum ergo comite gratiâ potes acquirere, quod venale proponit iustitia.

Habet autem mercatores suos iustitia, qui pannis vilioribus pretiosam circumtegentes suppellectilem, obscuritate & vilitate verborum, sanctissimos recondunt sensus, & quominùs meretricio apparatu lenocinantur oculis attendentium, eò verius intrinsecus vigent vtilitate, & pulchriùs lucent deificâ subtilitate. Quæ enim species paradisi non continetur in forello Psalterii, creationis, & restaurationis humanæ? ad plenum ibi mysteria sunt; morum ibi sufficiens instructio, fidei integra contextio, pene omnium operum Dei & Sacramentorum recapitulatio. Itayis autem quid nisi suauissimos odores planè aromatizat? Ezechiel funes intricantes, vix explicat nec illum sapit qui non soluit. Hieremias sub obscuro colore, peccata populi lamentatur; quisque Prophetarum iuxta suam sarcinulam, emptorem expectat.

Moyſes plures humero ſuo affert troſellos valdè graues & importabiles; annuales his omnibus vix ſufficiunt reuolutiones: reuolue & lege meliora id eſt lege, & memoriæ commenda, quia grande lucrum eſt mandata Dei ſcire, & facere; de hoc enim dicitur: *Negotiamini dum venio.* Qui legem Dei, non vt melior fiat, ſed vt glorioſior appareat, legit, non negotiator eſt gratiæ, ſed explorator vanæ gloriæ; niſi de lectione ſenſum bonum in intellectu repoſueris, à foro vacuus redibis. Si verò bonitatem & diſciplinam, & ſcientiam per lectionem & meditationem diuinæ ſcripturæ memoriæ commendaueris, non ſine lucro ad propriam familiam remeabis? A Moyſe igitur viro omni diſciplinâ erudito, & inter omnes manſuetiſſimo eme de primâ ſarcinulâ, quæ eſt in Geneſi, vnde, & quò, & quâ veneris, ſcilicet de Paradyſo per inobedientiam, in mundano exilio. In eadem confidera delectabile arborum nemus, & in quatuor capita diuiſum paradiſi fluuium & venam pretioſarum gemmarum, atque auras vitales & ſalubres vno deperditas peccato. Longiori textu perge contrectare vſque ad benedictiones Iacob, ſingulas pro interjecta copula ſpecies valdè vtilis, vel ad remedium mali, vel ad compendium boni. Succedit huic*.

* de-
ſunt re-
liqua.



DE EODEM.

SERMO II.

N*Egotiamini dum venio*: Nullus ſcholarium IESV omiſſo ſapientiæ Luc. 19.
ſtudio mundi & carnis curis animum ſuum inuoluere ſaluo ſuo pro-
poſito poteſt: rejicit ſiquidem, & à ſe abiicit torpens otium lex Dei; quæ
inculta marceſcit, neglecta putreſcit, tranſgreſſa occidit. Idcirco die ac no-
cte meditanda; colenda eſt & ſeruanda, vt doceat ad poſtes ſuos excuban-
tem, colonum ſuum diteſcat, obedientem regiâ torque exornet.

Diligit Deus legis ſuæ lectores, & dilectores, & eò largiùs & latiùs arcani ſui penetralia expandit pulſatus, quò vehementiùs deprehenderit diſcipu-
lum quælibet fræna laxare ſtudii, vt mores magiſtri ebibat in mandatis ſuis,
& à contrariis abſtineat. In ſolemni igitur & copioſa frequentia penden-
tium ab ore ipſius ſcholarium, vnum reperit præ cæteris, medullis ſuis com-
mendantem præcepta magiſtri ſolertiùs, & exequentem diligentius; hic
iſte eſt Domini Confefſor & Epifcopus egregius Nicolaus; cujus ſancti-
tatis tam hilaris fama per mundum pene vniuerſum prædicatur, vt ſi me-
rita famæ comparentur, & ſolemniſ recurſus gloriæ coarquetur, partem
optimam in ſorte Sanctorum adeptus, de omnium Sanctorum præcipuis
priuilegiis particeps & cohæres exiſtat.

Vicino itaque pede diſciplinam ſequens magiſtri, caſtra ſua iuxta figit, &
omnes motus tam animi, quàm corporis exactiſſima amulatione ad eius

nutum corrigit, & ad iustum dirigit. Antequam ergo aure corporis perceret, *Negotiamini dum venio*, præoperante gratia semitas ingressis penitentia, gula vitium infranauit: & priusquam intelligerent spina rhamnum, videlicet culpa poenam, præfocauit per poenam, culpam. Hanc à cunabulis exercuit negotiationem, quâ minori poena & culpam minorauit, & meritum auxit: subjugato namque vitio gulæ, tolluntur arma luxuriæ, & tabescit passio corporis dum calor ventris languescit. Puerilis quoque desuetudo ab illicitis, viam sternit bonæ consuetudini regnaturæ; in maiori ætate, vt vtatur licitis moderatiùs, & resistat illicitis mordacius.

Quam impotens Nicolaus iacens sub vberè; quam potens abstinens ab vberè: Si à studiis suis intelligitur puer, quid infans & lactens? quid facies? cum poteris, qui tanta & talia facis cum nondum aliquid possis? quam cupidus, quam auarus in cœlestibus negotiationibus consurgens adultus, qui vix natus jam confers manum primis in paradyso serpentinis suggestionibus, & parentum nostrorum deceptionibus. Qui captat lucrum, euitare debet damnum; damnum verò enorme sustinuit genus humanum, cum Adam & Eua sumplerunt pomum. Sed quis hoc docuerat Nicolaum, quod ex hoc mors intrasset in mundum, Moyse quidem serpentis, iubente Domino, apprehendit caudam, Nicolaus gulam, ferociùs inuadit hostem, qui tenet gulam quam ille qui caudam, multum lucratur à quo tantus hostis superatur; vniuersa enim arma in quibus confidebat, aufert, & spolia distribuit. Quali verò tot spolia diabolus rapuit, quot Sanctorum virtutes corruptit, non autem bonis aliorum se vestit, quem summa malitia induit, sed sufficit tulisse, quod ipse nequit habere. Lucrum ergo se fecisse deputet, qui euasit foueam perditionis & laqueos euasit fraudulentissimæ deceptionis.



IN FESTIVITATE OMNIUM SANCTORVM.

S E R M O.

Priusquam peccaret anima humana Angelicæ puritatis æmulatrix, & velocitate suâ excursus contemplationis supernorum spirituum assequeretur, & viuacitate ingenii de Deo non inferiora contemplabatur. Reficiebatur non dissimiliter munerum diuinorum plenitudine, & plenissima insistebat cœquari æmulatione; at postquam madefacta corruptione peccati, cœpit sentire grauedinem carnis, tardiores inuenit volandi conatus, & nimium dispares cursus. Paulatim itaque ex defectu virium pristinorum enervata, languere in lecto corporis, & in carcere mundanæ conuersationis non cessauit, donec prauæ actionis opprimeretur pondere & nequioris consuetudinis sepeliretur mole.

Ne itaque non habens monitorem, culpis incrementibus obdormiat in morte,

morte, tubâ Moyses in littera & spiritu clangit: psalterium superni desiderij, & cytharam mortificationis puer cytharædus digitis ferit; lagenas Ge-
deon in Martyrio Sanctorum confringit: à somno in procinctu Passionis
IESVS Apostolos compescuit; *Vigilate*, inquit, *ne intrèis in tentatio-*
nem. Qui enim tentationis igneas cathenas formidat, somno abstineat;
qui rursum si fortè à concupiscentia sua abstractus & illectus, humanitùs
excesserit, statim resiliat, statim pedem retrahat, statim tanquam fortis-
simus Samson in virtute septiformis spiritus, novos funes peccati ab-
rumpat.

Marc.
14. 38.
Intra-
re.

Quandoque siquidem etiam ille cuius cor quasi leonis in Israël est, vani-
tate sæculi demulcente, caput in gremio deponit, & multum periculosè ob-
dormit: sic dormienti immò morienti pia piæ sollicitudinis providentia
accurrit & succurrit: *Vsquequò*, inquit, *piger dormis*? O quàm periculosè
dormitur, quando mundi delectationibus sine respectu plenitudinis anima
oblectatur: is namque intrat in tentationem, qui malum non deserit vsque
in finem: is de tentatione non exit, qui cum peccato animam soluit: is ac-
cedit non intrat tentationem, qui cogitat, non facit iniquitatem. O piger,
ô peccator quousque dormis suggestionem, delectationem, consensu, & per-
petrationem peccati? Consule rationem, consule naturalem legem, consule
optimam tui creationem, & defines amare sæculi vilitatem & vanitatem.

Prou.
24. 30.

Vsquequò peccator dormis? attende quanta comminatione, quanta vta-
tur Moyses asperitate, vt te ab inertia reuocet, vt te à somno excitet: vbi
enim lex diuina accipitur, voces & lampades videntur. Leuem certè som-
num, alterum depelleret, sed grauem vix coniunctum vtrumque remouet:
oculos lampas, vox aures excitat; attamen nec sic populus duræ ceruicis ex-
pergiscitur: oculos enim, claudit ne videat, & aures aggrauat ne audiat.
Vsquequò peccator dormis? respice & vide saltem illum in Euangelio qui
aperuit oculos cæci nati, qui aures surdi referauit, & prædicatione sua tan-
quam rugitu leonis torporem animarum repulit, vltra modum somnolen-
tiâ absorberis, si miraculorum CHRISTI accensa luminaria non aspi-
cis; vt quid & voces leonum rugientium, & fremitus populorum sæuien-
tium aduersus CHRISTVM non excutiunt somnum.

Vsquequò piger dormis? Vigiles qui nocturnas agunt excubias, tam pu-
blicæ quam privatæ utilitatis solliciti, nimio somno depressos nimiumque
soporatos exurgere admonent, & ad opera diurna suadent, retardantes ve-
rò & pigritantes non simpliciter excitant, sed voce increpabili ingeminant:
Vsquequò piger dormis? tanquam si dicant, ô piger ruinam domus mi-
natur & tu dormis? fures subintrant, & tu quiescis? ignis iam laquearia
incendit, & tu non sentis? iam hostes in caput tuum pugiones vibrant, &
tu non percipis? iam iam guttur tuum laqueo est constringendum, & tu non
expergisceris? iam adulter ad uxorem ingreditur, & tu non æmularis? filij
iam deportantur, & tu non subuenis? hæc damna tibi dormienti obuentu-
ra, hæc incommoda nisi respueris, occursura: denique & si timor mali non
excuteret, saltem lucri cupiditas, si piger non esses, inflammaret.

Celebrantur namque in foro nundinæ solemnes, & non curris? pulcher-

Gg

rima præparantur spectacula, & oculos claudis? præclara diuiduntur spolia, & nihil petis. Grande & splendidum exponitur conuiuium, & tu esuris? rex post triumphos innumerabiles in conspectu populi sui coronatur, & tu non conuenis? regii thesauri vniuersis indigentibus apponuntur, & manum non porrigis? speciosus sponsus sponsæ, quæ tota pulchra est, copulatur, & non aspicias? Vsq; quod peccator dormis? ô quantum bonum perdis? ô quantum malum incurris? cælum amittis, visionem gloriæ Dei, beatitudinem sanctorum, societatem Angelorum, corporis immortalitatem, animæ felicitatem, Paradisi amœnitatem. Et quæ pro his commutatio? fator inferni, horror dæmoniacæ societatis, timor infiniti mali, dolor cordis, & corporis, desperatio fortunæ melioris, subiectio pessimi tyranni, sempiterna renouatio supplicij.

Vsq; quod peccator dormis? nonne qui dormit, perdit hæreditatem? quis est hic somnus, vel quæ hæreditas, aut quis tam piger & somnolentus? In scripturis per somnum aliquando peccatum, aliquando mors intelligitur; vnde in Euangelio: *Lazarus dormit*, subauditur in morte, & Apostolus ad Thessalonicenses: *Nolumus vos ignorare de dormientibus*, hoc est de mortuis. Aliàs verò idem Apostolus de somno peccati sic. *Qui dormiunt nocte dormiunt*, hoc est qui malè agunt, tenebras quærunt. Habet autem nox quatuor vigilias, vel quatuor somnos, primus somnus noctis, suggestio est inimici; adiungit primo secundum, qui præbet suggestionibus assensum, vsque ad tertium non euigilat, qui malum perpetrare non dubitat. Sepelitur in quarto, cui dominatur consuetudo, &c.

Ioan.
11. 11.
1. Thef.
sal. 4.
13.
Ibid. 5.
7.



DE APOSTOLIS.

S E R M O.

V*Os estis qui permanistis mecum in tentationibus meis, &c.* Verba sunt testatoris illius, cui Pater suus dixit; *Postula à me, & dabo tibi gentes hæreditatem tibi, & possidebis terminos terræ*, vltimæ enim voluntatis, vltimæ dispositionis, & supremæ distributionis paginam condens, bona sua tam filiis, quàm amicis & seruis in hoc testamento legauit; & hæredes substituit, qui cohæredes essent in mensa, in iudicio, & in regno futuro. Ne quis autem superciliosus libellum testamenti calumniaret, & non iure, sed solâ voluntate ductum, absque ratione hæredes institutos reprehenderet, causam & meritum præfixit, quare tantis muneribus Apostolos suos IESVS honorauerit, vos, inquit, estis, qui permanistis mecum in tentationibus meis.

Luc.
22. 28
Psal. 2.
8.

Ecce labor, ecce opus, ecce fidei meritum, sequi hominem pauperem & inopem; qui non habebat, vbi caput reclinaret; contra quem filij matris suæ

Iudæi pugnabant, cui Scribæ & Pharifæi infidiando inuidebant; cui omnes detrahebant; cuius animam quærebant; quem de ciuitatibus fuis frequenter expellebant, magnæ fidei, magnique laboris erat. Hæc omnia IESVS tentationes suas vocat, quem noſtræ non tangebant tentationes, quia in carne eius nullus vnquam furrexit ſtimulus peccati, in qua fomes originalis mali non abſorptus; non præciſus ſolùm, ſed procul & ab vltimis finibus conceptionis & natiuitatis prorfus fuit relegatus; tam enim IESV pleno Spiritu Sancto potuit accedere, ſeu penetrare motus illicitus carnis, quàm Deum depellere de ſede æternitatis ſtatus Luciferi, quo aspirauit ſedere in monte teſtamenti in lateribus Aquilonis. Potuit tamen tunicam mortalitatis aſſumptam perforare, laniare, diſcerpere, & etiam expoliando, cum permiſſione benignitatis, & cum patientia incomprehenſibilis diſpenſationis detrahere.

Has malignorum Iudæorum influxiones, & inſultationes appellat tentationes ſuas: *Vos, inquit, eſtis qui permansiſtis mecum in tentationibus meis, vos*, notat diuinam electionem, quæ elegit eos ante mundi conſtitutionem. *Qui permansiſtis*, notat conſtantiam & perſeuerantiam illorum; *mecum*, notat vnanimem affectionem, & ſpeciale dilectionem. *In tentationibus meis*, notat nihil ineſſe adulationis, nihil fictæ & effaminatæ mollitiei, ſed firmiſſimæ ſtabilitatis, & probatæ fortitudinis, quales fuerunt Caleb, & Iosue exploratores terræ: quales jerunt ad pugnam cum Gedeone; quales David conſtituit conſortes belli, & principes populi.

Sequitur; *Et ego diſpono vobis ſicut diſpoſuit mihi pater meus regnum vt* Luc. 22. *edatis, & bibatis ſuper menſam meam in regno meo, & ſedeatis ſuper thro-* 29. *nos duodecim, iudicantes duodecim tribus Iſraël*, grata quidem Deus acceptat obſequia, ſed non vacua, nec irremunerabilia, vnde & Laban ait Iacob: *Num quia frater meus es, gratis ſeruies mihi? dic quid mercedis acci-* Genef. *pies, habebat autem duas filias, nomen maioris Lya, minor appellabatur* 29. 15. *Rachel; ſed Lya lippis erat oculis; Rachel decora facie, & venuſto aſpectu.* Si pio & puro intellectu diſcutiente penetralia huius literæ, gratia reſerauerit, tantum conſonum hæc cythara cum pſalterio David modulabit, fratres ſuos Apoſtolos Dominus appellat dicens: *Ite, nunciate fratribus meis; ho-* Math. *rum ſeruitium, qui nullius eget, penes ſe remanere ſublata ſpe remunera-* 23. 10. *tionis non patitur; vnde & Petrus cum dixiſſet: Ecce nos reliquimus omnia, & ſecuti ſumus te, adjunxit, quid ergo erit nobis? & Dominus: Amen dico vobis quod vos qui reliquiſtis omnia, & ſecuti eſtis me in regenera-* *tione cum ſederit filius hominis, &c.*

Alibi quoque cum dixiſſet: *Vos autem quem me eſſe dicitis, & Petrus reſpon-* Math. *diſſet: tu es Chriſtus Filius Dei viui*, ſimili penè verborum ordine ſub- 16. 16. *junxit: Et ego dico tibi, quia tu es Petrus, &c.* cum ergo dixiſſet, vos eſtis qui permansiſtis mecum in tentationibus meis, addit, & ego diſpono vobis, &c. animaduerto in hac recompensatione duas filias Laban, vnã in menſa; alteram promiſſam in regno, maiorem id eſt priorem, in menſa; minorem, id eſt, ſequentem in regno. Lippam oculis in menſa, decoram facie, & venuſto aſpectu in regno: inde eſt, quod ex aduerſo menſa ponitur in

Gg ij

tabernaculo candelabrum, ne desint vsquequaque mensæ Dei subsidia lucis; quæ stat in latere Aquilonis, vnde venit ventus turbinis, à principe namque tenebrarum, qui sedet in lateribus Aquilonis, cæcitas ex parte contigit in Israël, ne videatur gloria Dei in hoc mundo, nisi in nube sacramentorum.

An mensa igitur altaris Lya, licet maior natu in promissione, cum dicitur vt edatis, & bibatis super mensam meam; laborat tamen videre, quæ ibi apponuntur & consecrantur; sed non potest, non propter defectum existentis in illo sacramento veritatis, sed propter detrimentum luminis; nunc enim videmus per speculum ex candelabro fidei, & in ænigmate opertorij, quod est species panis, & vini, verumtamen cum septem dies transierint, & venerit quod perfectum est, tunc euacuabitur quod ex parte est; tunc in regno claritatis, non stando & laborando edemus, & bibemus, sed sedebimus iudicantes duodecim tribus Israël; tunc Rachel copulabitur nobis decora facie & venusto amictu. Sed quia adhuc in via sumus, & sine viatico deficimus, ad mensam diuitis redeamus, & qui de mensa, vel sub mensa, vel in mensa, vel ad mensam vel super mensam communicent videamus.

Hebr. 7. 26. Super mensam namque indubitanter est ille de quo ait Apostolus; *Talis decebat vt nobis esset Pontifex, sanctus, innocens, impollutus, segregatus à peccatoribus, & excelsior calis factus.* CHRISTVS vtique IESVS, qui est hostia pura, hostia sancta, hostia immaculata; hostia pura ab originali peccato; hostia sancta ab omni actuali; immaculata, ab omni etiam veniali. Agnus enim est Dei qui non tangit, sed qui tollit peccatum mundi. De mensa edunt vniuersæ familiæ christianorum, qui per fidem sunt in corpore, & de corpore CHRISTI; cibus namque huius mensæ est gratia, quæ pro omnibus gustavit mortem, vt morte absorptâ omnes gustarent vitam; vnde: *Oculi omnium in te sperant Domine, & tu das escam illis in toto orbe; aperis tu manum tunc, & implebuntur omnia animalia benedictione.*

Eccles. 3. 1. Graue & grande damnum patitur omnis actio, quæ non fit tempore opportuno; vnde Salomon: *Omnia tempus habent*; si fornicatione, si adultério, si immunditiâ non nominandâ pollutus, Sacramento Dominici Corporis & Sanguinis te ingesseris; non dat tibi Deus escam, quia non dat nisi in tempore opportuno; si odio, si irâ, si iracundiâ, si quo criminali depressus, accesseris sanguini CHRISTI; scias quia vestimentum tuum sanguine tali mixtum, in combustionem erit, & cibus ignis. In tempore igitur opportuno accedit ad Deum lotus vestimentis; aquâ confessionis & compunctionis emundatus à delicto maximo, id est, ab omni criminali, fidelis, deuotus, esuriens, & sitiens iustitiam; vnde ait Moyses ad populum: *Estote parati in diem tertium, ne appropinquetis vxoribus vestris.* Si non licet appropinquare vxoribus, licet commisceri meretricibus? si abstinendum est à licito concubitu vxorum, est ne admittendum stuprum nefandissimum masculorum & belluarum? Mira Dei patientia, crudelius transfigitur manibus, & ore talium, quàm flagellis Pilati, quàm lanceâ militis, quàm Iudæorum spinis & militum clauis.

Exod. 19. 15.


Tales non sunt de mensa Domini, quia non sperant in illum; sed qui sperant in te Domine, tu das illis escam in tempore opportuno; unicuique secundum propriam virtutem; Petro, & Andreæ panem in ligno; Stephano in lapidum congerie; Laurentio panem in craticula; singulis Martyribus singula tormenta, tanquam passionis suæ, & crucis minuta fragmenta; unde in Euangelio: *Colligite quæ superauerunt fragmenta ne pereant*; id est, ne Martyres à passionibus immunes transeant, cum ipse panes fregerim, & quicquid pœnæ temporalis est, in corpore meo pertulerim. Dat itaque escam in tempore opportuno, non vno simul, sed toto sparsim tempore Martyres suos mittendo, & disponendo in Ecclesia Catholica; isti verò non solum sunt de mensa, sicut grex & familia indocta, sed sunt in mensa, & ad mensam, & super mensam.


Ioan.
6. 12.

Sub mensa verò publicani, & peccatores, qui sicut canes famem patiuntur, & conuertuntur ad vesperam, dicentes cum illo Euangelico Phariseo; Domine non sum dignus leuare oculos meos ad cælum, &, non sum dignus vocari Apostolus, &, non sum dignus vt intres sub tectum meum. Isti nec à mensa recedunt desperatione sicut ille qui dixit: *Maiores iniquitas mea, quam vt veniam merear, ecce eiicis me hodie à facie terra & à facie tua abscondar*. Nec irruunt ad mensam fronte meretricis, & rabie immoderata, sed tempus opportunum expectant, vt cum filii saturari fuerint; excutiat pater bonus linum suum, & micæ quæ non negligentia, sed copiosa abundantia in gremium distillauerat, canibus quali non ex industria projiciat. Sic itaque catelli & canes edunt de micis quæ cadunt de mensa dominorum suorum. Leuitæ ad mensam Domini accedunt, vniuersa vasa Sanctuarii, tam in manibus, quam in humeris portantes; portiones bonas isti obtinent de mensa Domini; primitias enim spiritus jam habent in fide, & decimas in spe denarii, qui laborantibus in vinea promittitur & datur.

Gen.
4. 14.

In mensa sunt qui Deo semper assistunt, & de adipe frumenti medullam sumunt, melque de petra, & oleum de firma petra sugunt: ij sunt Sacerdotes & filij Aaron, qui iure Patri succedunt: labia habentes coccinea de sanguine vultus, & motum, dentes eburneos & hebeninos, de castitate diuinorum eloquiorum, vestem nuptialem de charitate Dei & proximi, de qua profluunt myrrha mortificationis, gutta humilitatis, cassia spei, & deuotionis & orationis; unde odor vestimentorum tuorum sicut odor thuris: ab his quoque procedunt, tanquam de throno, fulgura excommunicationis, voces exhortationis, & tonitrua comminationis æternæ damnationis, &c.





IN COMMVNI CONFESSORVM.

S E R M O.

In illa verba : *Videte, vigilate & orate.* Marc. 13. 33.

NEc securi esse debemus spe vanā, nec torpere fallaci desidiā; in altero seducimur, in altero opprimimur, prāmium sperando quod nunquam meruimus operando. Opprimimur cū nulla circumspectiōe solliciti, repentina morte ad causā aeterni iudicii euocamur. Contra vanam securitatem dicitur. *Beatus homo qui semper est pauidus.* Qui autem mentis est durā corruet in malum. De corpore damnofo dicit Salomon: *propter frigus piger arare noluit, mendicabit ergo astate cū venerit super eum repentinus interitus.* Dominus itaque qui vult omnes homines saluos fieri tollens securitatem & torporem excutiens ait, *Videte, vigilate & orate.* Videte contra ignorantiam, vigilate contra diaboli fallacem muscipulam, orate diuinā clementiam. Parum namque est nosse quid sit faciendum, parum contra inimicū castra ponere nisi Dei sapientia & Dei virtus ministrauerit consiliū & auxilium: Solus Deus illuminat tenebras nostras, solus qui docet manus ad praelium, & digitos ad bellum, qui est fortitudo nostra & firmamentum & refugium.

Ut itaque si cecus es lumen recipias, quare lutum & sputum Domini? Si lippus collyrio inunge oculos tuos; si oculus turbatur, aquā patientiā fomentando, mades facias illum, & manutergio mollis responsionis terge illum, mollis enim responsio frangit iram. Sputum Domini est salua descendens ad os à capite, sapientia utique quæ incarnata descendit ad nos à patre luminum & lutum ex diuina & humana conficiens per vniōem, non per confusiōem naturarum, cecum natum per originale peccatum genus illuminauit humanum, quod in Euangelio quærenti quid vis ut faciam tibi? respondit Domine ut videam: cuius oculus tam cecus quem candor lucis aeternæ, splendor gloriæ, sol iustitiæ tantæ miseratōnis radio expulsa caligine non illustret? Infidelitas oculos clausit, fides aperuit; linit oculos cæci Dominus cum credere docuit: Abiit qui obediuit, lauit qui baptismum suscepit, vidit qui suū creatorem agnouit, *Vacate*, inquit, & *videte quoniam ego sum Deus.*

Quare occupas, quare diuidis, quare diminuis, quare dimidias intentionis oculum erga multa & circumscriptibilia? centuplicatus & mundificatus tam incircumscriptum comprehendere non posset. *Vulnerasti* ait sponsus *cor meum soror mea in vno oculorum tuorum; & in vno crine colli tui.* Noli altero oculo me, altero ad alterum respicere, quia melius est cum vno oculo ad vitam intrare, quàm duos oculos habentem mitti in gehennam ignis.

Vnum tantum habet oculum, qui nil amat præter Deum & propter Deum, hic vulnerat cor Dei, quia licet fragilis & peccator, penetrat viscera Dei; nec dolet ex hoc vulnere Deus, cum plaga ista non sit doloris sed amoris; non sit incurabilis morbo, sed sanabilis verbo. O anima quid videbis ingressa per hoc foramen, per hoc vulnus, per hoc ostium apertum amicis, clausum inimicis. Vtique quod non licet homini loqui non per venas suffurrit.

In vinea huius contemplationis, licet vvas comedere, extra efferre non licet, *Sicut adipe & pinguedine* ait Psalmista, *repleatur anima mea*. Quid deinde, afferes ne, & ceteras partes expectantibus nobis fortis cum alino sensualitatis, exponendo & exprimendo, quæ gustaueris? nequaquam sed labiis exultationis laudabit, non enarrabit os meum, propterea velamen positum est super faciem Moysi, cum egrederetur à consortio & colloquio Dei. Vnde Apostolus, *videmus nunc per speculum, & in enigmate, tunc autem facie, ad faciem*. Videre ergo non possumus quia lippos habemus oculos & superfluis & viscosis humoribus tum de fragilitate nostra, tum de consuetudine mala. Collyrium proinde quærendum, pro causa & effectu morbi conficit medicus emplastrum collyrii. Accusat se peccator, audit Sacerdos, deplorat ille suam agritudinem, adhibet iste compassionem, & apponit sollicitudinem iuxta culpam, apponit pœnam non supra posse acedinem pœnitentiæ infundendo, sed infra medendo, & modum medicinæ temperando.

Psal.
62. 6.

1. Cor.
13. 12.

Malè sanat vulnus, qui in confessione apponit vulnus super vulnus, dum nimis pœnitentiam, vel aggrauat, vel extenuat, in altero austerus, in altero dissolutus; vtrumque vitium cauet Samaritanus cum imponit saucio oleum & vinum. In oleo mansuetudo consolationis, in vino intelligitur mordens increpatio satisfactionis. Sic tergenda est lippitudo peccati, ne suffundatur pupilla affectus pœnitentis. Melius est vt remaneat aliquid de lippitudine, quam vt tollatur præ nimio pondere, correptio pœnitentiæ. Peccata itaque sua confitentibus dicendum est, *Videte, vigilate & orate*, videte iniunctam pœnitentiam, vigilate contra culpam, ne canis reuertatur ad vomitum, orate veniam, ne iudex vos tortoribus tradat donec reddatis vsque ad nouissimum quadrantem malorum & pœnarum.

Videte mortem, videte infernum, videte diabolum, mors auara, amara, cruenta, horrida, fœda & fœtida: auara quia vnum est de quatuor insaturationibus, vniuersum genus hominum deuorans, nec famem sedat, nec ventrem implet, gustu suo audior redditur & quot genera in mundo habet mortium, tot quasi in mensa sua præparat genera ferculorum. Amara est nullum fel morte amarius, non solum consumit carnales delectationes quin etiam conuertit in amarissimas amaritudines. Cruenta est vt fera pessima quæ sanguine viuit, & nil aliud quàm sanguinem sitit à sanguine Abel iusti vsque ad sanguinem CHRISTI: certè & vsque ad sanguinem Antichristi non est effusus sanguis quem mors non lambuerit, & non absorbuerit. Horrida est, mortem horret non solum animal rationale, sed omne etiam irrationale; corpore mortui hominis quid horribilius? Fœda

est, equum pallidum in Apocalypsi sequebatur mors quæ quicquid pulchrum est denigrat, & in se quidquid abominationis & turpitudinis est conglomerat. Fœtida est, cadauer putridum, non solum humorem corrumpit, sed & aërem; facies eius corruptio, manus eius quæ operantur in luto animati corporis & in latere exanimati execratio. Posteriora eius, intolerabilis abominatio.

3. Reg.
19. 4.
Philip.
12. 3.

Hæc mors dissoluit quod Deus coniūxit, quæ in inferno depascit animas quæ in sepulchro de super ossibus nervos & carnes tollit, & usque ad immunissimum pulverem redigit. Ergone timenda est, aut fugienda, aut contemnenda? Timenda equidem, nam timor mortis conturbat me; fugienda quoque, sed cum discretionem. Est siquidem aliquando appetenda sicut Helias ait: *Tolle animam meam*; & Apostolus, *cypio dissolui*. Aliquando suscipienda sicut Apostoli & Martyres pro fide defendenda; aliquando fugienda, sicut puer IESVS fugit in Ægyptum, & Paulus in porta demissus evasit manus Damasci præpositi; quando de morte nullus fructus susciperetur. Contemnenda est ergo velut transitus ad meliora etsi difficilis, tamen utilis, nam ad vitam non est transitus nisi per mortem. Cauendum verò mortis naufragium quod demergit naufragum usque ad profundissimum infernum.

Iam itaque videamus infernum quibus ferueat flammis, quibus congeletur stridoribus, quibus sordescat spurcitiis, quibus nares impleat fœtoribus, quibus visum offendat deformitatibus, quibus torqueat habitatores suos doloribus, quibus pereffluat enormitatibus: Denique quibus abundet calamitosis cruciatibus. In inferno nullus ordo, sed sempiternus horror inhabitat, in inferno sunt tenebræ exteriores, ibi fletus & stridor dentium; in inferno stramentum tineæ, operimentum vermes qui non moriuntur; in inferno vox Domini intercidentis flammam ignis, & flamma illa ardebit & non lucebit. In inferno ab aquis niuium transibunt ad calorem nimium; in inferno damnati, sicut oves positi sunt, mors depascit eos; in inferno Deus quis confitebitur tibi?

Infernus locus est leonum, cubile draconum, mansio dæmonum, patibulum damnatorum; infernus incus est malleatorum ubi conquassantur capita multorum, ubi supplicium suppliciorum, ubi malum excedens terminum, tam tempore, quam mensurâ pœnarum, ubi cruciatus, qui semper afficit, numquam deficit, sufficit de inferno. Videamus quem utinam nunquam videamus diabolum principem, non iam post iudicium huius mundi, sed tantum inferni. Licentia hætenus vaga, sed tunc reclusa quò breviori abutitur potestate, eò acriori insanit severitate. Appenditur in statera, & inuenitur minus habens tam in gente, quam in orbe. Refrenabitur potestas decipiendi, non voluntas nocendi; Iob à planta pedis usque ad verticem percussus à Sathana, tanquam sub aspectu viderit quem fortiter pertulit, sub specie Behemoth describit eum singula membra ei assignans, quibus multiplex illius malignitas typicè demonstratur. Prolixa est eius descriptio sed nequitia grauior & prolixior fœnum quasi bos comedet, &c.

SER-



SERMONES IN SYNODIS HABITI.

SERMO I.

Fili hominis speculatorem dedi te domui Israël, & audies de ore meo verbum & annunciaris eis ex me: si dicente me ad impium morte morieris, non annunciaris ei, neque locutus fueris ut auertatur a via sua mala & viuatur, ipse impius in iniquitate sua morietur. sanguinem autem eius de manu tua requiram. Grande damnum est periculum animarum, nil est tanti in creaturis sub sole quod tantum damnum possit resarcire. Creator & Redemptor animarum optimè nouit earum pretium; primò quia antequam crearet, constitit ei de pretio creandarum, ab ipso enim statutum est pretium, à quo causa eis & principium, deinde soluendo in redemptione pretium, & si non certius, tamen laboriosius didicit quanti essent quarum non soluetur obligatio nisi Domini cæli & terræ interueniret crucifixio. Res igitur arua & summa tractatur, vbi de anima agitur. *Quam*, inquit CHRISTVS, commutationem Ezech. 3. 17. *dabit homo pro anima sua*: Item *quid prodest homini si mundum uniuersum* Math. 16. 26. *lucreretur, seipsum autem perdat & detrimentum sui faciat*: Legissator quoque Moyse æquitatis interpretatione multis casibus commutationes quasdam in lege admittit vt ibi: *Primogenitum asini mutabis oue*. Vbi autem mentio fit Exod. 13. 13. de anima percussâ & occisâ, nullum nisi par occurrit ei remedium, scilicet vt sit anima pro anima.

Pensate igitur ô vos rectores animarum, quale suscepistis depositum: & sanè sapiatis, quia tutius est resignare sanum, quàm simulatâ & ementitâ custodiâ penes vos habere demolitum & malè seruatum. Non vos alliciant emolumenta præsentium subsidiorum, quia non sunt illa appetenda subsidia, quibus æterna mendicitas comparatur, quibus æternæ miseræ, in quibus non subsistitur, commutantur. Audite proinde explanatam, nec explanandam quæ hoc dicit, dominicam sententiam, *Fili hominis speculatorem dedi te domui Israël, vsque sanguinem autem eius de manu tua requiram*. Vsque ad nubes, vsque ad lydera sacerdotalis dignitatis exaltatur solium, sed in fine si ruinam fecerit, deprimitur vsque ad gehennale sterquilinum, iuxta illud, *Elevans allisisti me*. Est in appetitu eleuatio, sit in aspectu mentis tam pœnalis & damnosa allisio. Ecce alter Ps. 105. 11. Deus in terris est Sacerdos: Soluit Deus peccata, soluit Sacerdos; benedicit Deus, benedicit Sacerdos: aperit Deus cælum, aperit Sacerdos, absoluit hominem Deus, absoluit Sacerdos: damnat Deus, condemnat Sacerdos. Deus Pater ineffabiliter verbum de se genuit ab æterno, consubstantiale sibi; Sacerdos & in hoc sed à longè imitatur eum (quod tamen simplicius dicendum & sobriè prædicandum est) quando diuinissimis in Missa verbis

H h

prolatis, corpus illi verbo, quod est Filius Dei personaliter unitum, conficit, & propria manu fidelibus populis in salutem distribuit, sicut & Deus misit eum redemptionem populo suo.

Quæ ista dignitas vestigiis sic inherere diuinis, & iustitia præeunte è vestigio sic in via eius ponere gressus suos? Quid ultra & quò ultra? omnia inlignia sua quæ tradi debuerunt & potuerunt Ecclesiæ suæ, & præcipuè Sacerdotibus, reliquit Dominus. Sic enim Jonathan & David inierunt fœdus pacis & amicitia perpetuæ: sic CHRISTVS cum Ecclesiâ suâ, quam sicut ibi dicitur, *diligebat ut animam suam*: Nam animam suam posuit pro ea. Dicitur etiam ibi quia expoliavit se Jonathan tunica quâ erat vestitus, & dedit eam David & reliqua vestimenta sua usque ad gladium & arcum suum & usque ad balthem. Inlusuè non exclusuè legendum est, *usque*, nam filius Regis Jonathan de palatio suo & gloria compassus puero David, id est Ecclesiâ, qui adhuc pauper & exul huc atque illuc fugitabat dum peregrinatur in terris, tunicam suâ humanitatis, quam vestiuerat in dispensatione Incarnationis, tradidit pro ea moriens, & corporis sui Sacramentum in cœna tradens, & reliqua vestimenta; id est, omnia quæ gessit & dixit in hoc corpore, & gladium suum, id est, potestatem ligandi & soluendi, siue prædicandi, & arcum; id est, scripturam & Euangelium; & balthem, id est continentiam Euangelicam de qua dicitur, *sint lumbi vestri præcincti*, sed nomen suum Jonathan David nequaquam imposuit.

1. Reg.
38. 1.

Luc. 12.
35.


Christus verò nec nomen suum de gremio sponsæ suæ tulit, sed penè omnia nomina sua absque inuidia communicauit: Vnde hic dicit: *Fili hominis speculatorem dedi te*. Quo se alio nomine totiens in Euangelio appellauerit? quotiens filium hominis non succurrit memoriæ? & hoc tam solemne nomen principaliter Episcopis, secundariò omnibus Sacerdotibus indulsit. Vnde & Episcopus superintendens, id est speculator interpretatur, & minores Sacerdotes, quilibet non habeant plenitudinem potestatis, tamen vocati sunt in partem sollicitudinis, eandem accipiunt sollicitudinem speculandi cum cura regendi populi. Hic verò filius hominis de specula cæli speculatur super filios hominum, vt videat si est intelligens aut requirens Deum: Speculatur & conscientias omnium hîc astantium bonæ an malæ sint, mundæ an immundæ, deuotæ an indeuotæ. Speculatur speculatorem vtrum stet in specula sua totis diebus, & totis noctibus, vtrum clamet sicut leo fortiter. Hoc enim officium est speculatoris, vigilare, aspicere & clamare assiduè, & in sublimiori stare vel sedere. In vigiliis notatur sollicitudo, in aspectu siue contuitu lectio & contemplatio, in clamore prædicatio in altiori statione religio. Excludit sollicitudo negligentiam, lectio ignorantiam, contemplatio secularium negotiorum curam, prædicatio excitat timorem & amorem diuinum, religio informat mores sibi commissorum.

Attende Antistitem tuum fili hominis, Sacerdos magne & parue, intende quomodo non solum in cælis semper stat in specula sua, sed etiam in terris quasi in specula in montem frequentissimè & ascendit, docet, orat & pernoctat. Denique in monte transfiguratur ante Apostolos, de monte af-

cendit ad cœlos: ascendit quoque in specula, cum valsecturus mundo in cruce subiit & obiit, vt doceret vos vsque ad mortem defendere dignitatem sacerdotalem, sursum cor ad cœlum levando, non ad turpes quæstus declinando. Fili hominis fragilitatem tuam attende, & viscera miserationum in pauperes, peregrinos, viduas, orphanos, egenos, infirmos, afflictos quacumque calamitate, habe: fili hominis peccata sua confitentibus compateri, congemisce gementibus, condole dolentibus, collacrymare lacrymantibus, & conlabora laborantibus, conieiuna jejnantibus, allevia pœnitentiam corde contritis, & in immensum de peccato verecundantibus.

Fili hominis in alienis cognosce te ipsum. Fili hominis sis humilis, non arrogans & superbus, vt qui tremens & timens scruitiam medici & medicinam animæ suæ antequam accederet expauescebat, à te exhilaratus super bona & affabili exhortatione meliori spe rediturus abscedat; & tamen speculatorem dedi te domui Israël, fili hominis, vt naturæ compassionem, vitiis rependas rectitudinem; sic solue illaqueatum, ne incurras laqueum, sic purga foueam, ne cadas in eam; sic oleum fauciat appone, vt vinum carnem mordeat putridam. Fili ergo hominis speculatorem dedi te. Cui? domui Israël. Cui? vineæ meæ, vinea enim Domini domus Israël est.

Ecce vinea Domini plebs Christiana, Ecclesia Catholica: in hac est botrus ille cypri grandis valde quem in vecte crucis duo homines, duo populi suspensum de terra promissionis attulerunt ad demonstrandam fertilitatem terræ, vt plantetur, vt colatur, vt putetur, vt fodiatur, vt cingatur, vt claudatur, vt custodiatur ab auibus, à furibus, à vulpibus; vt colligatur vt torculetur & vinum saluetur. Speculatorem dedi te domui Israël. Plantetur itaque per regenerationem baptismatis, colatur per instructionem sanctæ religionis; putetur per amputationem carnalis desiderii; fodiatur per confessionem cordis & oris; cingatur vel ligetur per distractionem sancti propositi; claudatur per remotionem secularis conuersationis; custodiatur per auxilium Angeli & prælati sui; colligatur per resignationem bonorum operum & meritorum ab Angelo in die iudicii; torqueatur interim in torcularibus mundanæ tribulationis; reponatur in doliis æternæ felicitatis, quod vobis præstare dignetur IESVS CHRISTVS Domini qui viuit & regnat.



SERMO II.

Nolite sanctum dare canibus, neque mittatis margaritas vestras ante porcos. Stultum & impudicum est ad mensam Domini vel communica-
cando ei, vel disponendo de illo, non vocatum accedere; temerarium, & præsumptuosum, per excommunicationem repulsum se ingerere; infidum

H h ij

& damnosum, vocatum cum mala conscientia irreuerenter confidere. Præsumptio in primo, proteruita in secundo, iniuria in tertio damnatur: de primo dicitur: *Nemo sibi sumat honorem, nisi qui vocatur à Deo tanquam Aaron*; de secundo dicitur Adæ: *Ne comedas de ligno scientia boni & mali*: De tertio: *Cum intraret rex ut videret discumbentes, &c.*

17.
Math.
22. 11.

Primus cum venerit ad eum amicus suus de via, id est, animus ad seipsum conuersus fuerit de ignorantia, non habet licentiâ Sacerdotali quod ponat ante illum recreandum & redimendum: Secundus ad vespëram conuersus, famem patitur ut canes, quia de peccato confusus, cum venerit ad Babylo-nem, ibi liberabitur: tertius quia indignè manducat, & bibit, iudicium sibi manducat, & bibit. Primus infidelis; secundus excommunicatur ab Ecclesia; tertius hypocrita & nequam, cuius contaminatur mens, & conscientia; de primo quia iam iudicatus est, tanquam non habens loqui & iudicare; Dominus agit de secundo & tertio sic: *Nolite sanctum dare canibus, &c.*

Videndum est de hoc sancto, & de his margaritis; & sciendum quia diuersæ sunt significationes huius nominis, *Sancti*; sanctum enim non solum dicitur in animatis, sed etiam in inanimatis, ut terra sancta, locus sanctus, ignis sanctus, vasa sancta, & similia. Dicitur & Deus sanctus, & Angelus sanctus, & homo sanctus, & corpus CHRISTI sanctum, & Euangelium sanctum. Locus dicitur sanctus, primò quia ibi gesta sunt, vel geruntur, vel gerenda sunt quæ pertineant ad sanctificationem; sicuti vbi Dominus crucifixus est; vbi conficitur corpus eius; vbi in rubo apparuit Moysi; ignis sanctus, vel quia de cælo venit, vel quia in holocaustis & sacrificiis diuinis tantummodò habebatur, & lucernis illustrandis: vasa sancta, quia ab humanis vîbus separata, diuinis tantummodò exhibebantur obsequiis.

Dicitur Deus sanctus, quia omnia sancta sanctificat; Angelus sanctus in bono confirmatus, voluntati diuinæ assidue famulatur; homo sanctus, quia initiatus sacræ regenerationis mysteriis, connumeratur ciuibus curiæ cælestis, corpus CHRISTI sanctum, quia operatione Spiritus sancti per ministerium sacerdotale, visibilis materia in visibilem & veram substantiam conuersa corpus CHRISTI, quod de Virgine sumptum dicitur, creditur, & certo certius tenetur; Euangelium sanctum, quia promissione cælestium, & præsentis sanctificatione credentium mentes sanctificat. Specialiter igitur de verbo Euangelii, & corpore CHRISTI dicitur, *Nolite sanctum, &c.*

Sed in canibus quid possumus intelligere, nisi rapaces, nisi auaros, nisi gulosos, nisi ad vomitum, id est ad peccatum reuersos? Quid verò in porcis, nisi immundos, nisi brutos, & nunquam honestati deditos? O quam pretiosas & speciosas margaritas in foro suo Rex virtutum, & negotiator animarum hodie CHRISTVS IESVS exposuit! si dederit homo omnem substantiam domus suæ, & comparauit saltem vnâ margaritam, non pœnitebit in æternum, quia thesaurus desiderabilis est, immò inæstimabilis. Prima autem est absolutio peccatorum; secunda reconciliatio pœnitentium; tertia chrismatis confectio; quarta corporis & sanguinis Domini consecratio; quinta pedum ablutio; sexta, præclara illa Domini & saluberrima præ-

dicatio; septima passionis inchoatio. Nullum has attingit pretium, quia omnes & singulæ superant omnem, non solum censum, sed & sensum.

Vt quid tamen mercator noster illas attulit & protulit, nisi fortè quia non vendere sed dare voluit: an non ita Paulus in humeris suis plenos deferens faccos huiusmodi margaritarum hoc insinuat, quod potius venerit ad forum nostrum dare quam vendere dicens: *Sine pœnitentia sunt dona & vocatio Dei*: & item: *Quid habes quod non accepisti? Si autem accepisti quid gloriaris quasi non acceperis?* Non est igitur gloriandum de acceptis quasi de propriis, immò, qui gloriatur in Domino gloriatur, & de gratuitis eius beneficiis gratias referat; & quod gratis accepit, gratis fidelibus tribuat, non canibus vel porcis. Caueant & singuli ne tanquam canes accedant ad sancta; aut tanquam porci deuorent ea, sed se probent & examinent confessione & pœnitentiâ, vt mereantur sanctificari, & sancti percipere sancta.

Rom.
11. 29.
1. Cor.
4. 7.



S E R M O I I I.

Si ego Dominus, ubi est timor meus? & si ego Pater, ubi est honor meus? Malac. 1. 6.
Valde superbus est, qui dedignatur talem Dominum, valde ingratus, & insanus, qui respuit tanti Patris, tam benigni affectum: Rationis perdidit donatium, qui mauult repugnare Deo quam seruire, cum iugum seruitutis illius ille nec tunc possit excutere, cum elegerit fugere; duriori seruit refugâ virtute, quam sequepeda; sola namque pertinacia crudeliùs afficit reluctantem quam obsequentem. Est certè fructus optimus boni serui fecisse voluntatem domini sui, sic nempe nec ad oculum seruiens fidelis seruus & prudens, habens etiam oculos in manibus eius, assiduè orat & dicit: *Doce me facere voluntatem tuam, quia Deus meus es tu.* Ac denuò ad imperium Domini proficiscens, & ad verbum eius figens tabernaculum, tanquam hircus apompeius, paratus quamlibet petere solitudinem, & subire difficultatem dicit: *Domine quid me vis facere?* Psal. 142. 10. Act. 9. 3.

O vos Domini Sacerdotes, serui non quilibet, vel cuiuslibet; sed peculiare serui IESV CHRISTI, quorum officii est non lateres Pharaonis componere, sed Ecclesiam in augmentum corporis CHRISTI super petram solidi firmamenti cœdificare, nec carnes taurorum super struem lignorum pelle detracta, & per frustra concisas concremare, aut sanguinem hircorum libare, cornuaque altaris cruore vituli madefacere; sed carnes Agni incontaminati, & immaculati IESV CHRISTI in sacramento panis & vini viuificâ diuinorum verborum virtute consecrare, & sanguinem in quo anima CHRISTI significatur, repræsentare, angelicasque virtutes ad auxilium per huius sacramenti virtutem inclinare; quæ nobilitas, quæ libertas, quæ ingenuitas huic nostræ seruituti poterit comparari? Adeò

H h iij

enim gaudet ineffabili generositate, non sacramentali solum, sed etiam temporali conditio Sacerdotalis, quod de serui genere quilibet procreatus nunquam ordinetur, nisi prius manumittatur; quatenus nesciat habere hominem Dominum, qui soli famulaturus est Domino Deo exercituum.

1. Petr.
2. 9.

Vnde Petrus Apostolus: *Vos estis genus electum, regale sacerdotium, gens sancta, populus acquisitionis*; genus, inquit, electum; reuera tanquam tribum Leui de duodecim tribubus; tanquam grana meliora de vniuersa segete filiorum hominum; tanquam Dauid de cunctis fratribus; tanquam oues de hædis; tanquam lapides pretiosos de innumerabili arena maris, tanquam monetam probabilem & regiam de aceruo multarum monetarum; tanquam lilium conuallium de filiabus Chananæorum, quas odit anima Isaac; tanquam stellas præclaras in perpetuas æternitates elegit. Vos o Sacerdotes Domini de plebe non electa & electa, non dilecta & dilecta, non sua & sua: genus electum, non reprobatum; genus electum, non abiectum; genus electum, non sordidum; genus electum, non maledictum; genus electum in opere, in sermone, in cogitatione; genus electum in radice, in flore, in fructu; genus electum in sanctificatione & honore; genus electum ad ministerium Apostolorum, ad testimonium Martyrum, ad consortium Confessorum, ad æmulationem Virginum, ad societatem Angelorum.

Inde genus electum, regale Sacerdotium, distinctione longâ duæ istæ propagines Israëlitarum dignitatum, metas proprias multo tempore tenuerunt & licet cognatione excellentioris gradus mutuo se se aspicerent, non tamen coniunctione aliqua, nisi rarissime conueniebant, ne tribuum fieret confusio, & dignitatum decurtatio. Fine tamen sæculorum, & plenitudine temporum adueniente in occurso illius, qui facit vtraque vnum, præcurrens Virgo Maria, in sua origine complicit vtriusque propaginis cacumina & pluralitatem Christorum euacuans, vnum CHRISTVM concepit & edidit, cum esset de Iuda sceptrum Regium, & de Leui summum sacerdotium. Vnde Psalmista de regia dignitate ait: *Virgam virtutis tua emittet Dominus ex Sion*; & de Sacerdotali: *Iurauit Dominus, & non pœnitebit eum; tu es Sacerdos in æternum secundum ordinem Melchisedech*. Regale itaque sacerdotium est CHRISTI pontificium, pro coniunctione regii & sacerdotalis generis in ipso.

Pf. 109.
2. & 4.

Manauit autem dignatione suâ, mixtura hæc sacramentalis ab ipso capite vsque in oram vestimenti; ita quod à summo Pontifice Petro, aut Vicario Petri, in vltimum Sacerdotem, pleno eodem liquore gratiæ, omnes ordinatos catholicè, & purè, ac dignè Spiritus sanctus repleuerit semper & repleat tam regio honore, quod designat corona in capite; quam sacerdotali dignitate; quod stola, & alia insignia sacerdotalis ornatus demonstrant. Veraciter itaque dicitur quod estis genus electum, regale sacerdotium. Mores ad actus regios desiderat regale sacerdotium; mores ad actus sacerdotales exigit regale sacerdotium: nolite rusticanis peccatis implicari, qui de nomine CHRISTI censemmini. Ministerium vestrum honorificate; nomen operibus implete, vt fructus furculi redoleant dulcedinem, & pinguedinem radicis: inserti enim oliuæ, excisi de oleastro, quia Christiani Sacerdotes

facti de genere corrupto, de massa liquidem, in qua filii iræ nascimur omnes filii Adæ, tulit & separavit nos Deus secundum propositum gratiæ suæ, & de vasis contumeliæ, conflavit officio misericordiæ vasa in honorem & gloriam suam aurea & argentea, quibus sicut Ioseph scypho suo inebriari & augurari solebat; sic CHRISTVS ministerio vestro, & voluntatem suam in vobis commissis impleat, & de futuro sæculo quæ mala præparentur reprobis, & quæ bona electis annunciet; hoc namque studiosè complendo eritis quod sequitur: gens sancta.

Sequestrationem vitæ & causæ quæ à secularibus, ô Sacerdos, intellige morticinum, quo notatur propria concupiscentia; captum à bestia, quo intelligitur suggestio diabolica; & omne immundum, quo generaliter manifestatur omne peccatum, non tangas gens sancta. Dic potius cum accedis ad sancta sanctorum Psalmum: *Iudica me Deus, & discerne causam meam de gente non sancta*; Sicut enim diuisit Deus lucem à tenebris, & vocauit lucem diem, & tenebras noctem; sic gens sancta lucere debet in medio nationis prauæ & peruersæ. Vt tamen honesta & religio Sacerdotis differat à filiis Belial, qui opera tenebrarum faciunt, quantum distat ortus ab occidente, dies à nocte; gens sancta de Spiritu sancto, quo regenerata est & vncta; gens sancta de loco sancto (locus enim in quo stas terra sancta est) gens sancta de habitu sancto; vestes enim sanctæ sunt, in quibus ministras quas dedit Rebecca Iacob, cum patri porrigeret cibum & potum, & benedictionem exposceret; quas Moyses præparauit Aaron, cum ad sancta ministraturus procederet. Gens sancta de mensa sancta, cui non communicat alienus; gens sancta de corde puro, & conscientia bona, & fide non ficta; gens sancta oculo columbino, manu tornatili, aurea, plena, hyacyntho, pede vitulino, naso discreto, sicut turris Damasci; ore veridico, de quo emissiones paradysi prodeunt; auribus signatis, ne audiant sanguinem, sicut hortus conclusus, fons signatus; gens sancta vt sancta sit corpore, & spiritu; sequitur, *Populus acquisitionis*.

Est populus acquisitionis, est populus distractionis; est populus subtractionis, est & perditionis, vnde Apostolus: *Nos non sumus subtractionis filii in perditionem, sed fidei in acquisitionem anime*: Populus acquisitionis quo pretio? sanguine. quanto? pretio magno. à quo? à CHRISTO, qui dedit animam suam pro anima nostra; qui dedit carnem suam pro carne nostra. Vbi? in loco horroris & vastæ solitudinis, in loco crucis. Quomodo? triumphando aërias potestates in corpore suo super lignum crucis. Vnde? de captiuitate, de morte, de potestate illius, qui habebat mortis imperium. Ad quid? ad regnum: beati enim pauperes, quoniam ipsorum est regnum cælorum; sed quia duobus modis dicitur populus acquisitionis, siue acquisitus, siue acquirens, dictumque est de acquisito; videndum est quid acquirens populus iste acquisitionis acquirat.

Quid? *Hereditate*, inquit, *acquisui testimonia tua*. Eia fratres, ecce lepusculus quem sequebamur ab initio huius sermonis, videlicet præcepta & testimonia Dei: attendite seruum acquisitionem & acquisitionem, quem inuenit Dominus secundum cor suum: quomodo recognoscit se seruum deuotissi-

Hebr.
10. 39.

Pl. 118.
111.

num, & Dominum benignissimum, qui dicit: Si ego Dominus, ubi est timor meus: En, inquit, ego seruus tuus, nec semel, aut in vno negotio, sed semper & in omni mandato, ego servus tuus; idè enim repetit: Ego seruus tuus, ego seruus tuus. Nec ab heri, & nudius tertius, vel de nouo, ego seruus tuus, sed ab vtero ego seruus tuus, & filius ancillæ tuæ. O serue, vnde seruis? Psallam tibi in cythara sanctus Israël. Habesne aliud instrumentum, vnde cantes? Deus canticum nouum cantabo tibi, in Psalterio decachordo psallam tibi.

Si fortè non benè cantaueris quid? Ego in flagella paratus sum, & dolor meus in conspectu meo semper; profugiesne ab illo flagellatus? quò ibo à spiritu tuo? &c. & tamen discedimus à te, viuificabis nos, & nomen tuum inuocabimus. Si deiecerit te de gradu tuo, quid? Elegi abiectus esse in domo Dei mei: si negauerit tibi panem, quid? Cinerem sicut panem manducabo: Si jecerit tibi lapidem, quid? Quoniam placuerunt seruis tuis lapides eius: si auerterit faciem suam à te, quid? factus sum conturbatus; si mandauerit vt fileas, quid? Obmutui, & silui à bonis; si in carcerem te coniecerit, quid? Educ de carcere animam meam: si diem agendi constituerit, quid? Non intres in iudicium cum seruo tuo Deus? Si nescieris consuetudinem palatii eius, quid? Legem pone mihi Domine viam iustificationum tuarum.

Sunt ne tibi graua & importabilia mandata eius? quàm dulcia faucibus meis eloquia tua, super mel & fauum ori meo! perseuerabis ne in mandatis eius? hæreditate adquisiui testimonia tua: parum est recipere, parum facere, parum retinere, parum est etiam acquirere, nisi hæreditate acquirat. Hæres inquit, sum mandatorum, & mandata sunt hæreditas mea; non minori instantia seruo testimonia Dei, quàm bona mea hæreditaria; inde etiam Apostolus; *Benedictionem hæreditate possideatis*. Et vos fratres charissimi, populus acquisitionis hæreditate possideatis sanctuarium Dei, testimonia Dei, benedictionem Dei, quam nobis præstare dignetur Deus, qui est super omnia benedictus in sæcula, Amen.

1. Petr.
3. 9.



SERMO IV.

Hebr.
4. 15.

Non habemus pontificem, qui non possit compati infirmitatibus nostris; Ne tanquam inexpertes, & rudes futura vltima dies supremi illius concilii, quod in Scripturis appellatur dies iudicii, seruos patris-familias fideles & prudentes comprehendat; idcirco Domini & fratres charissimi, congrua æmulatione sacer iste conuentus, tanquam Agno iudicanti, qui habet oculos septem, & cornua septem, se se repræsentat, Deo placita acturus, & Deo digna auditurus; atque animæ digna reportaturus.

Præfrenda est itaque instructio Dei de fide sana, quæ est fundamentum &

& firmamentum nostræ christianitatis; de spe quæ est protectio, & eleuatio tabernaculi admirabilis vsque ad domum Dei; de charitate quæ est opimentum peccatorum, culmen virtutum, Cherubim gloriæ obumbrantia propitiatorium: quæ si desit, frustra habentur cætera; si adsit habentur omnia: de legenda & intelligenda Scriptura, quæ est mensa esurientium; de præceptis Dei, quæ sunt ferramenta medicabilia animarum; de promissis Dei, quæ sunt vnguenta curationum; de sacramentis Ecclesiæ, quæ sunt antidota & medicinæ reparabiles omnium ægritudinum; de Baptismate, quod est mare rubrum submergens Pharaonem cum omnibus Ægyptiis insequentibus, id est, originale peccatum, cum omnibus actualibus peccatis; de corpore & sanguine CHRISTI, vnde viuificantur mortalia corpora nostra, & animæ refocillantur, tanquàm pane cælesti, de sancta chrisma-tis vnctione, vbi vires animæ crescunt; de confessione, quæ exsuperat omne venenum; de eleemosina, quæ extinguit ignem æternum; de vnitæte, pace & concordia omnium fidelium, quæ retundit audaciam aëriarum potestatum; de omni honestate morum, quæ acquirit amicitiam & societatem Angelorum.

Vnde autem quis ista vobis dispensare poterit, nisi Ioseph aperiât horrea sua noua & vetera, nisi sponsus introduxerit in cellam vinariam, in cellam aromatum, in hortum nucum, & vnique Deus partitus fuerit mensuram fidei; dispensatori verò duplicem mensuram, quatenus & sibi retineat, & eis qui non præparauerunt sibi partem mittat. Fides igitur tanquàm lucerna in nocte accensa, circumlustret nubem omnium sacramentorum, quæ præ manibus habemus, & nimio splendore suo etiam quæ supra firmamentum sunt, tam in ordinibus Angelorum, quàm in triclinio summæ atque veræ Trinitatis & vnitatis puris intellectibus demonstret: adoret Patrem ingenitum, Filium de patre vnigenitum; Spiritum sanctum ab utroque procedentem.

Hic plus studeat deuotioni, quàm disputationi, non plantet nemus questionum & multarum argumentationum iuxta hoc altare, quia tutius est adorato Deo cum reuerentia quietem animo suo præstare, quàm irreuerenter secreta & arcana Dei * inquietare. Confabuletur si præualet cum Angelicis spiritibus, parum reponens quæ ab IESU CHRISTO sunt nobis relicta viuendi vestigia; partim quæ in mundo fideles CHRISTI absorbeat vndecumque succrescens miseria; partim implorans eorum suffragia; partim explorans super Ecclesiâ, quæ in terris peregrinatur diuina consilia; Exhibeat proinde singulis eorum ordinibus stationes odoríferas, præbens gratiarum actiones, pro eorum indefessa sollicitudine, & cura erga ægritudines & molestias nostras; ac deposcens ne peccatorum nostrorum fœtore auersi, despiciant necessitates nostras, vertat post hæc vultum super cardinem cœli, adoratoque scabello pedum Domine nostræ, choros Confessorum, Martyrum, Apostolorum, atque Virginum humiliter expediat, & ad seipsum plenus lacrymis redeat.

Ecce quomodo fides iustum deducit per vias rectas; sed de radice tantæ fidei repente pullulat surculus spei, & facit sperare in Domino; quæ pro-

* f. inquire-

misit Deus diligentibus se, tanquam aquila grandis magnarum alarum, pennarum & plumarum. Euolat spes usque ad medullam cedri, id est, gratiam Dei, ac de bonitate illius sperans, inter astra & filios altissimi, nidum partui suo constituit: parturit enim iustitiam, sed ne spes nuda & sola confundat, primo velut in balneo molli & delicatissimo caritatis se se immergat, ut intrinsecus possessor tantæ fidei & spei, charitate debriatus & extrinsecus pretioso vnguento delibutus, ipse per hæc in Deo & Deus in ipso maneat.

Cauete sancti Sacerdotes ne albam induentes, fidem postponatis; ne stolam assumentes, spem non habeatis; ne casulam superinduentes, quæ super omnia charismata est, charitatem deferatis. In his meditatio nostra concalescat die ac nocte, ne vestes vnquam extrahantur ab area, nec pisces de aqua, nisi fortè habentes pennulas & squammas, saltum fecerint per contemplationem super aquas huius mortalitatis, sicut & spiritus Dei ferebatur super aquas primæ creationis. Sanus namque & mundus est piscis religiosi animi, qui in excessu mentis rapitur, ut sit conuersatio eius in cælis, & de susurrio auræ tenuis, prælibat arcana illa, quæ non licet homini loqui.

Legite ergo Scripturam diuinam Sacerdotes, quorum labia custodiunt scientiam, quia utilis est ad docendum nescientes; ad arguendum hæreses; ad corripiendum in malo persistentes; ad erudiendum pœnitentes. Hanc mensam parauit Deus in conspectu vestro cum panibus propositionis, id est, sententiis de gratia Dei pinguisimè refertis; ut appetitus discendi, legendi, sciendi non sine gratia famem sentiat; & gustus scientiæ, satietatis gratiam non consumat, sed lectio auiditatem, auiditas lectionem desideret. Tenet siquidem in hoc imaginem visionis gloriæ, quæ continua satietate sua reparatur, ut videatur ordine conuerso abundantia suggerere inopiam, & inopia abundantiam; cum tamen nulla sit ibi inopia, sed plena copia, præstans desideriis non fastidium, sed æternum desiderium.

Ut autem mensæ apparatus intelligatur, & quod legitur sciatur, candelabrum ductile de auro purissimo Beseleel fabricauit, & Moyses in latere aquilonari, iuxta eandem mensam collocauit. Adhibendum igitur studium sanctis libris, quod sit immobile & fixum triuo pedi, historico, allegorico & morali iuxta Salomonem qui ait de lege: *Describe eam tripliciter, & liga eam in corde tuo iugiter.* Sit etiam ductile institutione seniorum, in cathedra fidei Ecclesiasticæ residentium, iuxta Apostolum dicentem Timotheo discipulo suo: *Tu autem affecutus es meam doctrinam, institutionem, propositum, fidem, longanimitatem, dilectionem, patientiam, &c.* Sit quoque de auro purissimo, sincera & sanæ intelligentiæ iuxta eundem Apostolum: *Sollicitè cura teipsum probabilem exhibere Deo, operarium inconfusibilem, rectè tractantem verbum veritatis. Profana autem, & vaniloquia deuota.* Et alias: *Erit autem tempus cum sanam doctrinam non sustinebunt, sed ad sua desideria coaceruabunt sibi magistros, &c.*

Sint denique illi sex hastilia, ut intellectus bonus in operibus sex die-

rum occupetur, de luce facta, fumens ingenii perspicuitatem; de firmamento discretionem; de arida terra soliditatem & stabilitatem; de herbis virentibus, & lignis pomiferis, sensum virtutis animi, & sententias probabiles proferentem; de duobus luminaribus, veteris & noui testamenti, seu diuinæ & humanæ literaturæ illustrationem; de cælis, Orthodoxorum Patrum expositiones, de reptilibus, & volatilibus, & piscibus, cogitationes vel circa terrena actiue repentes, vel ad cælestia contemplatiue conuolantes, vel se se in occultis Dei profundè inuoluentes. De iumentis & bestiis terræ, brutorum, & carnalium, atque animalium ab illuminatâ ratione regendam hebetudinem; de homine ad imaginem & similitudinem Dei facto, conditionis nostræ prærogatiuam, & excellentem dignitatem.

Sunt adhuc in candelabro isto calami suavis, & claræ eloquentiæ, sunt scyphi ebrietatis sobriæ & jocundæ; sunt sphaerulæ ratiocinationis rotundæ & perfectæ; sunt lilia bonæ famæ & optimæ conscientiæ. Sacerdotes Dei si ad mensam diuitis cum huiusmodi candelabro federitis, dicetur vobis: *Vos estis lux mundi, & iterum: Sedebitis super mensam meam in regno Patris mei, & illud; Transiens ministrabit illis.* Audite quid dicatur in Apocalypsi Angelo, id est, Episcopo Ephesi Ecclesiæ; *Hæc, inquit, dicit, qui tenet in dextera sua septem stellas, qui ambulat in medio septem candelabrorum aureorum: Scio opera tua, & laborem, & patientiam tuam, & quia non potuisti sustinere malos. Et post pauca; Sed habeo aduersus te quod charitatem tuam primam reliquisti. Memor esto itaque vnde excideris, & age penitentiam, & prima opera fac; Sin autem, venio tibi & mouebo candelabrum tuum de loco suo, nisi penitentiam egeris.*

Math.
5. 14.
Ioan.
22. 30.
Luc.
12. 37.
Apoc.
2. 1. 2.
Ibid.
v. 4. 5.

Moueat & commoueat præcordia nostra, quamlibet dura & saxea, tam pia, & tam grata exhortatio ad penitentiam. Vicarium, inquit, Deus substitui te sponsæ meæ, sicut Iohannem dilectum meum dilectissimæ Mariæ meæ: accepit eam Iohannes in sua & suam; nec me fefellit fides Iohannis; depositum namque meum tam fideliter seruauit, quam veraciter me dilexit. Quid tu bone procurator negotiorum meorum, optime dispensator bonorum meorum, ouium mearum vigilantissime pastor? quid tu ambitiosè quidem & satis auidè agnos meos pascendos suscepisti, sollicitudinem atque custodiam spondidisti, & Benjamin, id est filius dexteræ, factus est lupus rapax, pascens agnos, id est comedens non pascens, id est, pascua præbens: vnde Psalmista: *Deuorant, inquit, plebem meam sicut escam panis.* Et in Amos appellantur vaccæ pingues in monte Samariæ, qui calumniam faciunt egenis, & confringunt pauperes, & dicunt dominis suis: Afferte & bibemus, sed leuantur in contis, & reliquiæ illarum molles æterno igne feruentibus.

Psal.
13. 4.
Am. 4.
1. 2. & c.

Es ne ô homo vnanimis meus, dux meus, & notus meus, de istis; & posuisti portionem tuam cum his qui subuertunt domos viduarum & parcens tibi dissuadeo, ne ambules cum istis; immò sustinens suadeo correctionem; moneo penitentiam, quia misericors sum Dominus Deus tuus. Vacillat quidem candelabrum honoris, & officii tui sacerdotalis; sed ego linum fumigans non extingo, calamum quassatum, non contero; age ergo pæ-

Ii ij

nitentiam, & offer pro peccato vitulum saginatum, confitendo veraciter, & eleemosynas dando largiter. Prima opera fac, id est, vel ad illam innocentiam, quam de fonte baptismatis suscepisti, redi, vel ad illam dilectionem Dei & proximi, & vitæ sanctimoniam, quam in ordinatione tua promissisti: si hoc feceris, mandabo exterminatori, ne ventilet cornua super Iudam confitentem, & Hierusalem penitentem; & non mouebo candelabrum tuum; sicut nec Petro Apostolorum Principi, clauces regni cælorum, quas tradideram ei, etiam post negationem subtraxi, quia fleuit amare.

Quis fratres; contineat se in malitia sua ad ista viscera misericordiæ Dei nostri, vbi montes sicut cera liquefcunt, vbi etiam lapis calore tanto in albam calcem soluitur, vnde parietes domus Dei limantur, & dealbentur. Mirum namque est auditâ enormitate peccati tanti Apostoli, & visa celeri ac facili clementia IESVS, si non currat omnis peccator ad penitentiam, & liquefcant in fletum & lachrymas, quarum hæc est efficacia, & virtus, quod peccatum omnino tanquam abortiuum, vt non sit aboleant, & primam gratiam, immo ampliorem restituant. Lauant enim lacrymæ delictum quod verâ penitentia est confessum. Sic legenda, & relegendæ, & intelligenda est Scriptura in mensa & candelabro Dei: sic legendum & retinendum quod propositum est; quia non habemus Pontificem qui non possit condolare infirmitatibus nostris, IESVS CHRISTVS Dominus noster, qui cum Patre, & Spiritu sancto, viuit & regnat in sæcula.



S E R M O V.

Maht.
7. 6.

Nolite sanctum dare canibus, &c. Forma est edicti perpetui, quod præuaricatum grauissimâ iudicii censura plectendum lege perpetua cauetur; de hac namque religione in Leuitico legitur, vbi satis euidenter ostenditur, quæ personæ & pro quibus causis à sanctis abstineant. De facultate ergo dicendum, qui admittantur vt offerant, & qui respuuntur: item qui de oblatis edere permittantur, qui non; item quæ causæ perpetuam prohibitionem contineant, quæ temporalem. Executis quæ præstauimus, luce clariùs constabit nobis Euangelicum mandatum, quo dicitur: *Nolite sanctum dare canibus, &c.* Et notandum valde atque memoriæ commendandum, quod Moyses Sacerdotum vitia in lege notat & damnat, pro quibus quidem deseruiunt cælestium. * Paulus verò Apostolus virtutum ornamenta depingit, quibus Euangelicus Sacerdos sacratoria sanctiùs administret Sacramenta.

* de
ali-
quid.
Leuit.
21. 17.

Sic ergo lex loquitur. *Homo de semine tuo per familias qui habuerit maculam, non offeret panes Deo suo, nec accedet ad ministerium eius:* Et statim multipliciter subiuidit maculam: si cæcus, inquit, id est tenebrosus igno-

rantiâ sacramentorum fidei; si claudus, qui vix ipsum bonum quod intelligit agit; si vel paruo, vel grandi, vel torto naso, qui minus discretus, vitia a virtutibus non discernit, vel insufficientiâ sensus, vel pro extollentia nimia præsumptionis, vel pro avaritia iniquæ cupiditatis. Si fracto pede vel manu, qui nullo modo ad opus bonum assurgit; si gibbus, qui incurvatus ad terrena vsquequaque, quæ sursum sunt, non quærit; si lippus, qui ingenium quidem habet bonum, sed sicut piger seruus, talentum acceptum defodit; si albuginem habens in oculo, qui arrogantiam eleuatur, & mel multum comedit, vt non sapiat ad sobrietatem; si jugem scabiem, qui petulantiam carnis opprimitur; si ebriosus, qui continuâ luxuriæ cogitatione accenditur. Huc vsque catalogus vitiorum, quæ nefariam reddunt administrationem, si diuinorum possiderint dispensatorem.

Videamus ergo quomodo his serpentinis spoliatus Sacerdos exuiis, pelles acquirit Salomonis apud egregium illum pelliparium qui huius dicitur fuisse artis, Paulum Apostolum: Superinduens itaque Episcopum noui testamenti in epistola ad Timotheum ait: *Oportet, inquit, Episcopum irreprehensibilem esse, vnius uxoris virum, sobrium, prudentem, ornatum, pudicum, hospitalem, doctorem, nec vinolentum, nec percussorem, sed modestum nec litigiosum, nec cupidum, sed pudicum: suæ domui benè prepositum, filios habentem subditos cum omni castitate. Nec neophytum. Oportet autem illum bonum testimonium habere ab his qui foris sunt.* Istæ sunt vestes valde bonæ, quas Rebecca domi habet, & quibus Iacob simplicem & dilectum suum paternæ benedictioni supponens induit.

Notat scriptura Genesim multum meruisse ad acquirendam gratiam benedictionis vestes illas: *Statim vt sensit, inquit, Pater vestimentorum fragrantiam ait; Ecce odor filii mei sicut odor agri pleni, cui benedixit Dominus.* *Det tibi Deus de rore cali, & de pinguedine terræ abundantiam frumenti, vini, & olei. Et seruiant tibi populi, & adorent te tribus; esto Dominus fratrum tuorum, & incuruentur ante te filii matris tuæ; qui maledixerit tibi sit ille maledictus, & qui benedixerit tibi, benedictionibus repleatur.* Ecce quibus à Deo datur sacerdotalis benedictio. Equidem non nudis bona voluntate, aut malè indutis vitiorum squamositate; sed benè compositis bonorum affectuum moralitate.

Videant itaque ordinatores Episcopi, quales debeant consecrare Sacerdotes; videant & ipsi ordinandi quales debeant accedere, timentes quod ait Iacob ad matrem. *Timeo, inquit, ne inducam, super me maledictionem pro benedictione;* certè valde timendum est illis, qui non computant sumptus, qui necessarii sunt in via, si habeant ad perficiendum, quando ad sacros ordines accedunt, ne fiat oratio, siue consecratio sua in peccatum; vt melius esset eis non assumpsisse nomen Domini, quam in vanum accepisse; & ad sancta non intrasse, quàm ignem alienum offerendo polluisse sanctuarium Dei. Nolite itaque Episcopi sanctum dare canibus, id est raptoribus, avaris; schismaticis, obrectatoribus, in peccatis criminalibus relapsis; neque margaritas sanctorum ponatis ante porcos, id est gulosos, luxuriosos, immundos, vilissimos omni genere viuendi.

Hæc satis de his, qui admittuntur ad offerendum, vel qui respuuntur; nunc dicendum de his, qui de oblati edere permittuntur, qui non; cum enim secundum posse humanæ fragilitatis, honestæ & modestæ conuersationis homines in sortem sanctorum fuerint ascripti; mandatur eis de modo ministrandi, vt tanquam fideles, & prudentes dispensatores, cautè erogent pecuniam Domini, & castè dispensent mensam incontaminatissimorum sacramentorum; dicitur itaque eis: *Nolite sanctum dare canibus, &c.*

Leuit.
22.3.

Iterum lumina nostra in vultum Moyli reflectamus, & reiecto velamine, medullam sacrorum ex litera legis discutiamus, si fortè & in hoc seruiat lex Euangelio, sicut Moyles in monte Domino glorificato, insequens enim est vt Rex procedat sine armigero; in Leuitico igitur ait Moyles ad Aaron, & filios eius, & posteros eorum: *Omnis homo qui accesserit de stirpe vestra ad ea quæ consecrata sunt, & quæ obtulerunt filii Israël Domino, in quo est immunditia, peribit coram Domino, ego sum Dominus, quasi cuius decreta præuaticari non licet. Homo de semine Aaron qui fuerit leprosus, criminali peccato, aut patiens fluxum seminis; videlicet non continens se à peccato, non vescetur de his quæ sanctificata sunt mihi, donec sanetur. Vtique per confessionem & pœnitentiam.*

Huc occurrit mihi graue quoddam commissum, quod in lege illa frequenter, non sine diuina animaduersione committitur; altero enim die in eadem voluntate, vel langore facinoris quis positus, dum verbotenus deliberauerit confessionem, recurrit ad sancta Domini, oblitus quod dicitur, quod qui accesserit ad ea, in quo est immunditia, peribit coram Domino, id est, in anima. Sed obiicit mihi, sanatus sum per confessionem, quare non accipiam communionem? Respondeo, si verum dicis, benè facis; asseris reuera te sanatum esse per confessionem, quæ nondum in mente tua extinxit prauam affectionem; nec in carne immundam titillationem, quandiu ergo lex peccati regnat in corde, & lex membrorum in corpore, dicis te esse sanatum, cum simul animâ ægrotes, & carne: crede mihi falsum est quod loqueris, quia nuda confessio non sanat vulnera peccati, quæ adhuc hiantia pessimè fœtent; dum scaturit putredo, dum vermes desideriorum ebulliunt, dum cancer serpit, dum currit riuiulus bituminati putei.

In legibus dicitur, quia nudum pactum non parit actionem, & est nudum pactum, quando simpliciter promitto me aliquid daturum vel facturum, si tale pollicitum non soluero tibi, conuenire me non poteris aliquâ actione: nulla igitur obligatio est legitima, nec pro me fecisti, vnde iure obligatus sum tibi. Similiter de nuda confessione mihi videtur, quod Deus ad remissionem dandam peccatorum non tenetur, cum potius confusio dicenda sit, quàm confessio, vbi non sequitur delicti satisfactio. Adhuc itaque est in immunditia sua, quam non expiauit congruâ pœnitentia; nec ante debet præsumere de sanitate, quàm expertus sit post aliquanta temporis spatia feruorem illum deferbuisset: Si tertiana, vel quartana laborauit febre, esne vnquam securus de sanitate, nisi euolauerit solitus aduentus eius vna & alia vice? Sic & de peccato non sis securus, nisi in te omnis eius

SERMONES.

255

emortuus fuerit motus. Nisi eadem quæ tibi apertè dixi, lex sub integumento asserat, non mihi credas; post pauca enim subinfert dicens de illo.
Qui immundum tetigerit super mortuo. defunct aliqua.

Leuit.
22. 5.



SERMO VI.

Quid videbis in Sunamite nisi chorostrorum? Verba sunt amatoria de Canticis canticorum sumpta, quibus incitatur ad videndam mulierem quandam, fortem, castam, pulchram, religiosam, benè compositam, amico dilectam, aut etiam viro desponsatam. *Hanc*, inquit Salomon, *amaui à iuuentute mea, & quæsiui eam mihi assumere sponsam, & amator factus sum formæ illius; generositatem enim glorificat, contubernium habens Dei.* Hæc aliquando tanquàm turtur soliuaga, super montes aromatum rapta obuiam CHRISTO in nubibus, desideratissimæ contemplationis moras faciebat; sed qui de terra est, & de terra loquitur, nondum alas Cherubim habens, quibus à terra eleuaretur, homo per fidem ambulans nondum per spem, clamat ad illam dicens: Reuertere, reuertere Sunamitis, reuertere, reuertere, vt intueamur te. Reuertere ab itineribus æternitatis, reuertere à summis cælorum, reuertere à contemplatione Angelorum, reuertere ab excessu mentis vt intueamur te sobriam, nobis CHRISTVM crucifixum prædicantem nobis; lac nobis porrigentem nondum escam, quam neque nos, neque similes nobis portare potuerunt.

Cant. 7.
1.
Sap. 8.
2. 3.

Audiens sponsus desiderium desiderantium quasi vnum sic alloquitur. *Quid videbis in Sunamite nisi chorostrorum?* Sermo inusitatus ad inusitata auditores suos prouocat, si Sunamitis mulier est, vt in historia regum legimus, quomodo in ea chorostrorum videbimus? Si aliud est quàm mulier, quare sic illam Salomon alloquitur, an fortè est illa Abisag Sunamitis, de qua in tertio Regum dicitur, quia Rex David senuerat, habebatque ætatis plurimos dies & cum, operiretur vestibus, non calefiebat, dixerunt ergo serui sui, quæramus Domino nostro Regi adolescentulam Virginem, & stet coram rege, & foueat eum, dormiatque in sinu suo, & calefaciat Dominum nostrum regem; quæsierunt igitur adolescentulam speciosam in omnibus finibus Israël, & inuenerunt Abisag Sunamitem, & adduxerunt eam ad regem. Erat autem puella pulchra nimis, dormiebatque cum rege, & ministrabat ei.

Reg.
1. 1. 2. 3.
& 4.

Ecce parumper inouens appulit nos ad lictus aliud, non ventus turbinis, sed aura tenuis, vt sicut Laban, Iacob, Lyam pro Rachel sorore supposuit, sic per Sunamitem, quæ in quarto Regum legitur, illa quæ in tertio legitur, producta sit; errorem tamen istum, siue transitum non ingraturum reddit grata pro pulchritudine sua facies Sunamitis; vtraque siquidem amplectenda hæc pro castitate & pulchritudine, illa pro fœcunditate & hospitali largitate. Hæc senem iam frigidum regem David calefacit, illa Helisæum

Prophetam transeuntem per Sunam hospitio suscipit.

Res quidem vnius Sacramenti duplici signo figuratur, & diuinæ Incarnationis mysterium tam calefactione multorum dierum Regis, quàm in susceptione Prophetæ peregrinantis signatur. Abisag procul dubio Sunamitis, quæ interpretatur rugitus, siue pater meus superfluous, & Sunamitis coccinea, Ecclesiam designat sanguine CHRISTI redemptam & Martyrum cruore tinctam; & quæ in persona pœnitentium loquitur: *Rugiebam à gemitu cordis mei*; & in Psalmo audit: *Audi filia & vide, & inclina aurem tuam, & obliuiscere domum Patris tui*, vtique superflui, veteris scilicet Adæ.

Psal.

37. 9.

Psal.

44. II.

Hæc in virgine Maria quæsitæ est in omnibus finibus Israël Virgo adolescentula, vt staret coram Rege, castitate & humilitate, & foueret eum ineffabili de Spiritu sancto conceptione; dormiretque Rex in sinu eius, vel ipsa in sinu Regis quieta ab omnium vitiorum infestatione; & Deum continens vteri integerrimi consecratione, & calefaceret eum singularis charitatis illustratione. O Abisag Sunamitis quàm speciosa es! quàm gratiosa, quàm sapiens, quàm sedula in obsequio Regis David, speciosa es, sed cum castitate; adolescens salua castitate; calida sed ex charitate; cum rege accumbens, & dormiens, sed cum omni sobrietate. Vestibus opertus nullo calore accenditur, qui famulatu virginali vitali calore refouetur.

Quæ autem sunt illæ vestes, quæ calorem non faciunt, nisi cortinæ, sagæ cilicina, pelles arietum rubricatæ, pelles hyacinthinæ cum hostiis & muneribus suis, quæ perfectum facere non possunt iuxta conscientiam, seruientem solummodò in cibis & potibus, & variis baptismatibus? Neminem enim ad perfectum adduxit lex, quæ timore cultores suos infrigidabat, non spiritu adoptionis accendebat. At vbi venit plenitudo temporis, quæsitæ est puella Sunamitis in omnibus finibus Israël, & inuenta est coccinea obumbratione Spiritus sancti, calefecit antiquum dierum, vt mitteret Filium suum, & dormiret cum Virgine, donec agnus cum vellere nostro exiret, & mundum redimendo saluaret & regeret.

Isai.

52. 2.

Psal.

122. 4.

4. Reg.

4.

Iam enauigandum est flante austro, qui vbi vult spirat, ad Sunamitem, cuius filium Helisæus contractus, & incuruatus resuscitauit: hæc interpretatur captiua, & despecta, huic namque loquitur Isaias: *Solue vincla colli tui captiua filia Syon*; & in Psalmo dicitur: *facti sumus opprobrium & despectio suberbis*. Sed & ista liberabitur a seruitute corruptionis in libertatem gloriæ filiorum Dei, cum filius tradiderit regnum Deo & Patri; quo merito quia Helisæum Prophetam hospitio excepit, & qui recipit Prophetam in nomine Prophetæ, mercedem Prophetæ accipiet. Dixit itaque Sunamitis viro suo: *Animaduerto quod vir Dei sanctus est iste qui transit per nos frequenter. Faciamus ergo cœnaculum paruum, & ponamus ei in eo lectulum, & mensam, & sellam, & candelabrum, vt cum venerit ad nos maneat ibi*. Ante apostolicum præceptum hospitalitatem sectantes; mulier ista legem impleus hospitalitatis tam larga & benefica est, vt & mansionem specialem religioso & sancto præparet viro, ne qua infestetur molestia.

Sed quid est per nos transit frequenter nisi quod apostolus ait: *Multifariè multisque*

multisque modis olim Deus loquens Patribus in Prophetis, nouissimè diebus istis loquitur nobis in filio suo; transiuit in Abel, transiuit in Noë, transiuit in Abraham & Isaac, & Iacob, transiuit in Moyse, & in aliis antiquis patribus; transiuit reuera, quia cœnaculum nullus ibi fecit nisi Sunamitis, quæ de Virgine carnem assumpsit. Cœnaculum planè fuit uterus Virginis, ubi de sinu Patris filius Dei descendit, cum nec inuisibilis in sola diuinitate, Verbum caro factum remansit, nec usque ad contagionem peccati semetipsum exinaniuit. In cœnaculo itaque fuit, quia non carnem peccati, sed similem carnis peccati assumpsit: paruum verò est, quia minoratus est paulominus ab Angelis, factus passibilis & mortalis.

Hebr.
1. 1.

Lectulum posuit ipsum vterum, siue sepulchrum, siue baptisterium; in baptisterio namque tanquam in thoro accedit Verbum, ut ait Augustinus, ad elementum, & fit sacramentum: *Nisi, inquit Dominus, fuerit quis regeneratus ex aqua, & Spiritu, non potest videre regnum Dei*: cooperante igitur Spiritu sancto in hoc Sacramento fit christiana regeneratio, non ex semine corruptibili, sed ex virtute Dei. In hoc itaque lectulo fides hominis de virtute Spiritus sancti concipit & parit filium quem nominat Christianum; demùm mensam ponit sanctum altare, ubi CHRISTVS conuiuas suos cibatur, & potat de carne sua, & sanguine proprio.

Ioan.
4. 5.

O vos Sacerdotes Dei, huius mensæ commensales & ministeriales estis, attendite in quibus vestibus, quibus labijs, quibus manibus, quibus intestinis, & pedibus acceditis ad carnes Agni, quem totum cum lactucis agrestibus comedere debetis: *Caput, inquit lex, cum pedibus & intestinis vorabitis*. Caput diuinitatem significat; pedes humanitatem, intestina magnum pietatis mysterium, quod à sæculis absconditum fuit in Deo, in nouissimis temporibus manifestatum: sit ergo in vobis fides firma, conscientia pura, & omnia tam interiora, quam exteriora vestra sint munda.

Exod.
12. 9.

Posuit & sellam, in qua sedet qui iudicat orbem terræ in æquitate; cui Pater dedit & iudicium facere, quia filius hominis est, & vos assessores estis iudicis, qui habetis iudicare inter mundum & immundum, lepram & non lepram, mortuum & viuum, sicut Salomon iudicauit, cuius esset filius viuus. Non ergo declinetis neque ad dexteram, neque ad sinistram, mendaces in statervis; sed rectè iudicate filios hominum. Posuit & candelabrum & in lectulo, & in mensa, & in sella: necessarium est candelabrum ut luceat omnibus qui in domo sunt. Candelabrum est Euangelium: nullum in Ecclesia pateret sacramentum, nisi hoc demonstraret Euangelium. Hoc candelabrum portat Paulus cum ait: *Ego vinculus in Domino, sed verbum Dei non est alligatum*: & Dominus de Paulo: *Ego ostendam illi quanta oporteat illum pro nomine meo pati, ut portet nomen meum coram gentibus, & regibus filiis Israël*.

Ephes.
4.
Act. 9.
16.

Quid videbis in Sunamite nisi choros castrorum? chori castrorum sunt ordines Angelorum; vnde rex illorum dicitur Dominus sabaoth, quod est exercituum; inde quoque in Apocalypsi Iohannis legitur, quia factum est prælium in cælo, Michaël & Angeli eius præliabantur cum dracone & projectus est draco ille magnus, & locus eius non est amplius inuentus in cælo.

K k

Quot itaque sunt ordines in Angelis, tot sunt chori, nouem utique: bella verò illa cum gente tenebrarum nobis sunt incognita, sed non inutilia; nam nobiscum, & pro nobis pugnant. Noua autem bella veniens Rex Iudæorum IESVS Dominus noster elegit, primos satanæ conflictus, & acerrimos excipiens in diebus carnis suæ; quatenus aërias potestates, & illum qui habebat mortis imperium, in corpore suo super lignum crucis triumpharet, & ligaret illum ancillis suis.

Iudic.

7. 17.

Luc.

24. 27.

Eph. 6.


11.

Dicit quoque fortis ille in bello Gedeon sequacibus suis: *Quod me videritis facere facite*: vnde in Euangelio: *Qui non baiulat crucem suam, & venit post me non potest meus esse discipulus*. Post illum sequuntur chori castrorum, tenentes arma militiæ, quam robustissimus princeps in choro Martyrum Paulus describit inquit: *Induite vos armaturam Dei, ut possitis stare in die malo*, &c. Sequuntur igitur illum in equis rufis, variis & albis ut legitur in Zacharia. Martyres, qui non dilexerunt animas suas usque ad mortem, in equis rufis sequuntur agnum per mille studia effuso sanguine usque ad fræna equorum. Confessores in albis equis, mortificantes carnem suam cum vitiis, & concupiscentiis. Virgines, quarum quædam in virginitate Deo militauerunt; quædam & fortiter martyrium sustinuerunt, in variis equis Regem suum secutæ sunt.

Cant. 1.

ol.

Ecce chori castrorum in Sunamite coccinea, cui dicitur: *Gena tua sicut turris*: vel in Sunamite captiua dum tempus belli est in peregrinatione ista, & non tempus pacis, quod erit in futura gloria, ubi erunt chori non castrorum sed cantantium; sicut enim latantium omnium ô gloriosa ciuitas, habitatio in te. O vos Sacerdotes, Principes vos constituit Deus in castris istis, canite tuba in Sion, suscitare Leuiathan, currite à porta usque ad portam, ne fur, ne latro, ne aduersarius ingrediatur, & incendat castra vobis commissa; ne rapiat ut leo diabolus animas vobis commissas: tibi pastor ouium, tibi Episcopo dicitur: quid videbis in Sunamite ista, id est Ecclesia tibi commissa, nisi choros castrorum;



SERMO VII.

CUm in manibus teneo ante oculos corpus CHRISTI, quasi speculum oppono faciei meæ, quatenus cooperatione puritatis & pulchritudinis eius, detecta conuersationis meæ fœditate & impuritate erubescam; & verecundia erubescentiæ purgare malè acta studens, nouum hominem qui secundum Deum creatus est, induam. Ad hoc autem balneum sanguine Agni calidum, & contra omnem morbum efficacissimum iuxta habeo, calicem utique salutarem, in quo ingressus, lepram veterem depono, & reflorescente anima, carne quoque antiqua rubiginē exutâ, prima

SERMONES.

259

imagine decenter resculpitur natura nostra; unde Apostolus ait, nos conformes fieri imaginis Filii Dei, ut sit ipse primogenitus in multis fratribus.

Hæc conformitas virtutem operum suorum annuntiat populo suo, præcipue electo, regali, sacerdotali, peculiari, quod estis vos Sacerdotes Dei, Ministri Dei, Vicarii Dei, concorporales, & participes Dei; de hac conformitate est quod CHRISTVS de vtero Virginis, obumbrante Spiritu sancto conceptus & natus est, oleo latitiæ præ participibus suis unctus, adeo ut oleum effusum sit nomen eius, à Deo Patre secundum ordinem Melchisedech Pontifex factus est; in proprio sanguine penetratis cælis sancta sanctorum ingressus, ibi apud Patrem advocatus noster orat & perorat pro peccatis populi Christiani, venturus ad Synodum magnam, & de omnibus iudicaturus secundum opera & merita singulorum, omni acceptio ne personarum remota & sententiâ definitivâ oves absoluturus, hædos condemnaturus.

Quomodo itaque caput nostrum processit, sic sequamur nos qui membra eius sumus, & tam in nomine quàm in officiis ei assimilemur, unde in canticis: *Similitudines auri faciemus tibi*, quod est dicere, præsentem te specie corporali & visibili habere, vel retinere non possumus; sed saltem exempla integerrimæ conversationis & beatissimæ passionis imitabimur. In vulva itaque sanctæ Matris Ecclesiæ concepti ex aqua & Spiritu regeneramur, sancto chrismate tam in fonte, quàm in fronte & in ordinatione perfundimur; à Deo tanquam Aaron non symoniacè ad sacros ordines vocamur; in sanguine CHRISTI secreta Angelorum oracula frequentamus; corde cumpuncti & mundati tenentes vestigia reatus nostros, & omnium fidelium exponimus, & copiosam propitiationem, Deo cooperante reportamus, futuram discussionem, nos ipsos accusando, tentamus & temperamus.

Facimus enim de speculo scutum, opponendo dupliciter corpus CHRISTI Patri suo, ne irascatur, & obstante proprio filio, mittat gladium, si fortè malitia nostra euaginaverat illum, in vaginam suam. Hostibus quoque scutum istud opponimus, ut exterriti tanta maiestate fugiant, & vocem non apponant: semel quidem in acie passionis clavis & lancea perforatum est, dum sæuissimos & pertinacissimos excepit tam ludæorum quàm dæmonum ictus sub eo latens virtus invincibilis. Sed benè resarcitum fuit in resurrectione, quod passum fuerat in carne; nam CHRISTVS resurgens ex mortuis, iam non moritur, &c. Non adiciet itaque appetere secundò rabies diabolica huius scuti fortitudinem, quæ reflexo in se cuspide viscera materna egressit; & de morte tridua, aternam sibi vitam comparuit. Tene igitur Sacerdos clypeum istum vtraque manu contra hostem, & nullam timere poteris pestem.

Est autem pictura, siue cælatura eius vermiculata argento, ubi ait: *Pater ignosce illis, quia nesciunt quid faciunt*, deaurata gloriâ resurrectionis, ubi ait: *Ego dormivi & somnum cæpi, & exurrexi*. Est quoque corpus CHRISTI Evangelium regni, in quo velut in campo deliciarum post speculum, post

Kk ij

post balneum, post scutum ingredimur odorem suauitatis attrahentes; flores miraculorum contemplantes; poma sacramentorum decerpentes, riuulos sapientiæ epotantes, herbarum amœnitatem contrectantes, & plusquam Salomon in omni gloria & vbertate abundantes.

Ecce sponsa habet speculum & balneum, miles scutum; Sacerdos librum: componat se sponsa in speculo; lauet se in balneo; miles armet se de scuto; Sacerdos legat in Euangelio. Formam CHRISTI depingat sibi sponsa ex speculo, munditiam ex balneo; virtutem miles contra hostes sumat ex scuto, scientiam atque doctrinam discat Sacerdos ex libro. Iudicio sacerdotis diffinitur forma & munditia sponsæ; militis quoque militia, sicut docuerit eum liber iudiciorum iustorum: huc ad hoc venistis, immò conuenistis, fratres charissimi, vt à vobis iudicetur, quod contra Euangelium in Prouincia agitur, quod extra, seu contra formam decretorum præsumitur, &c.



SERMO VIII.

Pl. 64. **T**E decet hymnus Deus in Sion, &c. Fidet anima delibatione futuri gaudii imprægnata; parturit fœtus, qui neque in iniquitatibus concipiuntur, neque in peccatis paternæ præuaricationis eduntur. Adhuc tamen manente lege diuinæ animaduersionis, in dolore parit filios, quique iustitiæ obliuionem non acceperunt, quia hæreditas sancta nepotes eorum. De corde puro, & conscientia bona, & fide non ficta oritur hæc generatio quærentium Dominum, memoria dierum antiquorum, desiderium collium æternorum, meditatio hymnorum de canticis Sion; impetus lætantium iam iam cogitationum sanctarum insiliens in perpetuas æternitates, quid nisi filii sunt sanctorum?

Hii tamen interdum gementes sub aquis mundanarum occupationum, sed reditum odorantes patriæ, currunt in odore tacti & tracti, non solum in odore vnguenti, verum etiam in clamore vini; accedunt prouidè ad cellam aromaticam, excedunt sine mora ad cellam vinariam; ibi vino tanquam cornua altaris implentur, ibi miro odore thuris, & vniuersi pulueris pigmentarii, in vestimentis suis à domibus eburneis perfunduntur; quid deinde? Psalmus, Hymnus, Canticum more istorum tota die. Canticum quidem in cithara, Psalmum verò in decachordo psalterio, Hymnum quoque in cymbalis benefonantibus, in cymbalis iubilationis resonant ante sedentem in throno dicentes, *Te decet hymnus Deus in Sion* &c.

Tales Sacerdotes in templo veri Salomonis coram archa & propitiatorio decantant, tales officiales in Domini ministerio ministrant, nam in Sion & Hierusalem templum hoc sacratissimum & incomparabile ab Salomone legitur fuisse constructum ad honorem Dei, & ad commendationem

humani obsequii. Undecumque autem gentes & populi cōueniebant ad templum illud, velut ad locum sanctificationis, vt ibi soluerent vota, & laudes redderent Deo, tam pro indulgentia peccatorum, quam pro perceptione temporalium bonorum. Inde itaque dicitur *Te decet hymnus*, &c. Cū in omni loco dominationis Dei, honorandum sit & colendum sanctum nomen eius, præcipuè in Sion decet eum hymnus, quia hic est locus de quo aliàs dicitur: *In pace factus est locus eius, & habitatio eius in Sion.*

Psal.
75. 3.

Satis in psalmo expressè dicitur & locus laudationis, & modus laudis, & persona laudati, sed tacetur persona laudatoris; equidem Deus est qui laudatur; Sion vbi laudatur; hymnus quo laudatur; à quo autem laudatur? fortè à sapientia, nam sapientia laudabit animam suam; fortè & aquæ quæ super cælos sunt laudant nomen Domini, annon & vos astra matutina? Nonne in libro sapientiæ dictum est: *Cū me laudarent astra mea.* * Quid sibi vult hoc adiectum? vt videatur quòd non alia nisi matutina astra laudent Deum. Procul dubiò astra fixa in firmamento, stationem suam non mutant; sed quia eorum quædam videntur in occasu; quædam in ortu dici; propriè dicuntur illa matutina, quæ ante diluculum apparent.

Iob.
387.
* matutina.

Ecce sancta Sacerdotum Domini prudentia ex officio suo animaduertere potest se astra matutina non incongruè appellari; quis enim dicit, *Anticipauerunt vigilias oculi mei*, nisi stella matutina? quis dicit: *Oratio mea præueniet te*, & *Præuenerunt oculi mei ad te diluculo, vt meditarer eloquia tua*? Nonne est stella matutina? Surgendum est, fratres charissimi, media nocte & ante lucem veniendum in Sion, id est, Ecclesiam; quia te decet hymnus Deus in Sion, Surge de lectulo cum sponsa, & quære quem diligit anima tua, per vicos & plateas ciuitatis, cantando Psalmos, legendo Prophetas & Apostolos, *Paululum*, inquit, *cum pertransissem eos, inuenit quem diligit anima mea*; offenderat hæc custodes murorum qui vulnerauerant eam, quia tolerant pallium ab ea, vt charitate vulneraretur, & paupertatis amore, superbia temporali nudaretur.

Psal.
76. 5.
Psal.
87. 14.
Psal. 118.

Cant. 3.
3. 4.

Iuxta hanc similitudinem accedens Sacerdos ad conficiendum sacrum mysterium corporis & sanguinis CHRISTI, deponat pallium quo utebatur in sæculari ministerio, & assumat sacrosancta vestimenta in quibus Angelorum ministeria exerceat, & ipsum Dominum Angelorum ore proprio conficiat, manibus sustineat, oculis videat, corpori & animæ suæ per susceptionem fideliter vniat, vniendo ipse in Deo & Deus in eo maneat. Tunc efficitur Sion, vel etiam filia Sion anima illa, & cantat hymnum Deo suo, conuertens omnia interiora sua ad laudem, ad contemplationem faciei illius, quæ facta est splendida sicut sol, & vestimenta eius alba sicut nix; rapitur extra, immò supra se reputans vt stercora carnis desideria, & omnem substantiam domus suæ, quasi nihil despicit, certaminum carnis & spiritus, iam sancta confederatione obliuiscitur; conditionem mortalitatis non meminit; legem statutam quam præterire mortaliū nemo potuit, nondum vestigali reddito, soluere quærit cum dicit: *Bonum est nos hic esse faciamus tria tabernacula tibi vnum, Moysi vnum & Heliae vnum.*

Matth.
17. 4.

K k iij

Eccli.
24. 12.

Parum aliquid dicamus de his tribus tabernaculis : & CHRISTI quidem tabernaculum peramplius vel perfectius , non manufactum , id est , non huius creationis. Hoc tabernaculum corpus CHRISTI est , in quo habitat omnis plenitudo Diuinitatis corporaliter ; de quo etiam dicitur : *Et qui creauit me , requieuit in tabernaculo meo* ; ad hoc tabernaculum Filii Pater non frequenter per recessum & accessum , sed semel per incarnationis cooperationem venit , & mansionem fecit , & requieuit ; quia in eo complacuit sibi ; cum per ipsum , peccatum omne destrueret , & omnem iustitiam statueret ; damnum non solum refarciret , sed de damno lucrum auget ; nam ubi peccatum abundauit , superabundauit gratia.

Attende quoddam mirabile repertum per verbum carnem factum ; sic ab initio cursus non se habuerat , vt quod vita viuificabat , mors exstingeret ; quod plenitudo implebat , inanitas exinaniret , & sic de aliis cæteris hoc modo. Sed iam per mortem vita redditur , per defectum , resectio innouatur , de contumelia , gloria nascitur ; copia profiscitur ab inopia : hæc à tabernaculo CHRISTI super aurum & argentum pretiosa recipiuntur , vt qui seruus peccati ad ipsum venerit , in ipso iustificatus liber efficiatur ; qui prauus , conuertatur , qui crudelis ad pietatem reducatur ; cui clausum fuerat cælum propter duritiam cordis , referatur iterum per pœnitentiam & humilitatem confessionis.

Si fames per infidelitatem , si pestilentia per errorem , si aër corruptus per detractionem , si arugo per auaritiam , si locusta per iactantiam , si rubigo per inuidiam , vel quælibet alia plaga terram nostram oppresserit , in tabernaculo isto admirabili manus leuantes , de auxilio confidamus : hymnum , & votum in hoc tabernaculo Deo soluimus , si conuersationis eius inter homines fideliter vestigia in semitis nostris resignauerimus. Tabernaculum hoc sicut non est manufactum , sic sermone humano numquam est explicandum : supra sensum est , supra omne quod dicitur Deus , aut quod colitur. Semper quidem cogitatio nostra in illud & ad illud extendatur , sed irreuerenter nunquam ingrediamur.

Migremus iam ad Moylis tabernaculum , quia iuxta exemplar , quod ei in monte ostensum est , suum Moyses construit tabernaculum : lustra tabernaculi cunctam suppellectilem , dinumera latitudinem , longitudinem , & altitudinem ; explica vestimentorum sacerdotalium pulchritudinem ; compositiones vnguentorum & thymiamatis in statera appone , sacrificiorum seu holocaustorum merita expone. Oblationes volucrum , pecudum metallorum , frugum , liquaminum , florum , vel certè ramorum diligenter attende ; & quid videbis nisi refigurationes quasdam rerum inuisibilium , explanationes archanorum caelestium , introductiones non configuratorum , sed verorum bonorum. Hæc summatim si potes assumere , habes ubi dilatare phylacteria ingenioli tui non vno , sed multis possis diebus , & telam vsque ad centum cubitos sermonum extendere. Tamen ne totum tibi laborem imponamus , aliquid pro compendio de his explicemus.

Post illud incircumscriptibile lumen summæ Trinitatis , cui consociatam

non diffidimus carnem nostri Saluatoris, semper in conspectu Domini vicinis stationibus angelica residet natura, conterminans puteis veritatis immutabilis, riuos refluens ad id ipsum suæ intentionis: de quibus in figura animalium dicitur: *Facies & penna extensa desuper*; facies siquidem & penna desuper Angeli extenditur, cum studio indefesso, & virtutum suarum merita, & contemplationis vota, raptatis cursibus creatori suo infigunt. Quam pura, quam Deo grata impendant obsequia, nondum est nobis scire, quia necdum purgatis sensibus contingit audire vel videre. Ezech. 1. 11.

Hoc tamen sicut Deo placuit, humilibus de Angelorum sedula charitate potuit innotescere, quia suffragiis suis infirmitati nostræ remedia sanitatis efflagitant, ignorantia comparant lucernam veritatis, destitutioni restitutionem, mœstis consolationem, desperatis subministrant reparationem; fletus nostros suscipiunt, lacrymas reponunt, confessiones scribunt, orationes exaudiunt de pace nostra ad Deum satagunt, mediatori de supplicibus suis suggerunt; hostes repellunt, tentationes extinguunt, meditationes sanctas subinferunt, animas exeuntes de corporis molestia, per medias hostium acies circumdunt, ad præparatas mansiones deducunt, & ordinem siue consuetudines suas nouitios docendo benignè instruunt. Excusant si possunt, rogant si excusare nequeunt; bellum pro nobis cum dæmonibus gerunt, ingressum & gressum nostrum tanquam pædagogi infantia nostræ aut tutores pupillaris ætatis sollicitudine peragili regunt.

Hos repræsentant Cherubim quæ Moyfes in tabernaculo suo sculpsit in tabula, & in medio habebat propitiatorium, cui vultu intenso ex utraque parte adstebant Cherubim seu Seraphim, sex alæ vni, & sex alæ alteri. Moyfes ille qui præsumptione familiari faciem Dei absque velamine vniuscumque æternæ imaginationis sibi contendere rogauerat; vt gratiam quam meruerat in abdito mentis cumulet in contemplatione faciei, audit à Domino: *Verbum quod locutus es faciam, inuenisti enim gratiam coram me, & teipsum novi ex nomine, ostendam quoque omne bonum tibi, sed non poteris videre faciem, non enim videbit me homo & viuet.* Super his ad incipsum anima mea conturbatur, omne bonum audiens Prophetæ repromitti, & Dei tamen faciem negati. Exod. 33. 20.

Planè quod bonum erit, vbi facies Dei non erit? An ita hoc intelligendum fortassis non absurdè videatur, vt posteriora eius quæ videre possit Moyfes stans supra petram, sit omne bonum, quod in præsentī Ecclesia per fidem consequitur; scilicet sacramenta Corporis & Sanguinis CHRISTI cum cæteris aliis eiusdem sacramentis; facies eius sit super omne bonum, cum id quod nunc spe geritur, rerum veritate capietur. Hac etiam non indiscrète differentia Sion & Hierusalem, hymnum & votum distinguere possis, quia in Sion, id est, præsentī speculatione, timentes Deum non deficient omni bono: in futuro autem fruētes Deo, & videntes eum de facie ad faciem, oculo ad oculum sicuti est in natura Diuinitatis, super aguerunt. * f. distingere.


Ibi enim Angeli dispensatores præmiorum futura expectationis, dabunt

in sinum nostrum mensuram bonam & coagitatam, & supereffluentem, dum in societate sua naturam humanam in electis excipient, in aequalitate admittent, in gloria vultus ineffabilis claritatis constituent. Ibi defectus nec nominabitur, quia luna auferetur, secundum quam nunc augmentum & decrementum circulo ipsius subiecti suscipimus. Sol ipse cuius ortum propter operationem nostram opprimur, cuius occasum propter quietem præstolamur, ut quasi licentiâ eius egrediamur & ingrediamur, sui officii stipendiis receptis, nobis ultra laborare cessabit; nouis enim superuenientibus vetera proiciemus; oculi agni, qui in medio throni sedet, sufficiens præstabit toti ciuitati lumen, ut Deo ut usque ad interiora, non solum velaminis, sed & ventris cuiusque, archam inuisibilis gloriæ Dei penetret acies mundi cordis.

O Domine in lumine vultus tui tunc ambulabunt pueri tui, qui tecum accubabunt in meridie, qui sicut nouellæ oliuarum erunt in circuitu mensæ tuæ: signatum est denique super eos lumen vultus tui Domine, ut reformato corpore infirmitatis suæ, & conformato corpore claritatis suæ, conformes efficiantur imaginis filii tui, ut sit ipse primogenitus in multis fratribus; fulgebunt namque sicut sol in regno caloribus; vel sicut stellæ in perpetuas æternitates.

* f. Angelus.

Tunc denique reddetur votum in Hierusalem, tunc vota mea reddam in in medio tui Hierusalem. Totum ibi medium ubi non est Angelus* duplicatis, totum medium, quia media charitate construit propter filias Hierusalem; reuera de medio eius aperiet quasi species electi, in quo dilectio Dei aurea, & proximi argentea, in vno affectu quasi conflatur; quia ut ait Moyses: Circumdabit Dominus cor tuum, & cor seminis tui ut toto corde, tota anima diligas Deum & proximum; Deus in medio tui, Deus in circuitu tuo, &c.



S E R M O IX.

Ezech.
28. 12.

T^V signaculum similitudinis Dei, plenus sapientiâ, perfectus decore, in deliciis paradisi Dei fuisti; omnis lapis pretiosus operimentum tuum, sardius, &c. Rex ille magnus qui regia maiestate implet omnia, bonitate replet vniuersa, potestate cuncta dispensat, rempublicam suam cum solus ordinare & dispensare posset, voluit tamen habere adiutores, dispensatores constituit, officiales in curia sua plures diuersis ministeriis mancipauit, non quorum obsequio aut labor suus minueretur, qui omnia quiescens, solo verbo operatur, aut facilius & commodius creata dispensarentur, singulis prouisoribus, singulis curantibus quæ omnia vno solo Dei nutu curantur, conseruantur & reguntur, sed ut multos haberet, quibus donatiua sua erogaret, & bonis cœlestibus quasi meritò sociaret. Elegit ergo de plebe in

in plebe sua cancellarium, cui signaculum, id est, sigillum commisit: sed indecens erat ut tam sapiens iuxta se malignum & stultum poneret, præcipue cui consilia & arcana communicaturus esset, plenum ergo sapientiâ elegit.

Item si splendor gloriæ & candor lucis æternæ, Æthiopem & barbarum in compositum iuxta se collocaret, facies ordinatissimæ ciuitatis doleret, quæ cum Regem in decore suo videre affectaret, eodem aspectu lucem simul & tenebras cerneret. Ideo decentissimè cancellarium suum perfectum decore elegit: rursus si rusticum, & de sub sentibus nutritum, tantis diuitiis subito præficeret, vel tanquam avarus, vel tanquam ignarus confusè thesauros deliciarum contrectaret; idcirco illum ordinauit cancellarium, qui in deliciis paradisi Dei fuerat delicatè educatus, ne insolesceret doctus, ne dissiparet bona Domini sui. Nouerit ergo custodire cautè, nouerit amicos regis honorare, inimicos aut reconciliare aut disperdere; multum est hoc.

Si vobis, fratres charissimi, stabulum Domini custodiendum assignaretur, si caula pecorum, si porta palatii, si cubiculum sponsi: nonne hoc supra omne meritum esset, & ad hæc quis idoneus? quam ergo compensationem ei retribuetis, qui etiam sigillum suæ similitudinis tradidit vobis. Parum hoc ei fuit, ut traderet sigillum, nisi etiam faceret ut essetis sigillum faciei eius, qui curam animarum habetis? qui reformare imaginem eius in commissis vobis debetis; hoc enim officium sacerdotale est imaginem Dei reformare, & similitudinem eius animabus insculpere; neque enim in cælo, neque in terra agitur quod debetur, cum Dei conformitas pro posse non queritur; id enim solum bonum, id solum rationali creaturæ congruum & necessarium, ut reformetur à peruersitate, & conformetur Deo in iustitia & veritate. Quicquid non est operatum, vel saltem cooperatum huius sancti studii nunquam deponendi, nunquam postponendi, sed semper ponendi & omnibus præponendi, pecuale est, animale est, non rationale, non sacerdotale.

A minimo usque ad maximum, tota collectio, tota cohors cœlestium Spirituum contentione sancta, altercatione pacifica, defudat specialius irradiari, & insigniri Regis sui splendore, creatoris sui imagine, Dei sui similitudine. In schola illa cœlesti nil aliud legitur, nil aliud ediscitur nilque aliud edocetur; pro quantitate siquidem & portione similitudinis ac Dei conformitatis in Angelis, est ordinum, graduum & dignitatum parilis dissimilitudo pro pace & dilectione integerrima penè non dissimilis. Resilire autem ab hoc proposito, est desistere à bono, & velle resistere Deo: sic Lucifer principium viarum Dei, signaculum similitudinis Dei, plenus sapientiâ, perfectus decore in deliciis paradisi Dei fuit, quando hac usus lege & consuetudine, telam vnitatis angelicæ, distractus & inflatus superbiâ non rupit.

Ex quo autem Deo conformis, subiecta humilitate, esse noluit, sed Deo similis præuaricatione præsumptibili, perdidit similitudinem & signaculum similitudinis, non in non esse, sed in non bene esse; ut verò retinuit sibi


Deus veritatem effendi, summèque beatè & semper subsistendi, quod nemo rapit de manu sua, sic Angelis persistentibus similitudinem & signaculum similitudinis pro beneplacito suo indulgit. Sed quia clausa & signata sunt ea terrigenis, quæ tot obstaculis seposita gerantur in cælis, exulanti imagini suæ pro culpa commissa, de miseratione inexhaustibili, placuit per quasdam rimulas æterni consilii remandare angelico ministerio, quæ fiebant in choro angelico; cœpit denique homo repatriandi æstare desiderio, & illis exaltationibus odoriferis, quæ immittebantur per Angelos bonos, confricatus os suum aperuit & attraxit spiritum, quo reuelante, in ordine viuendi studia & stadia angelica imitari addidit. Audiuit, Deus tuus, Deus vnus est, millia millium ministrant ei, & decies centena millia adsunt ei. Audiuit Seraphin, Cherubim, Thronos, Dominationes, Principatus, Potestates, Virtutes, Archangelos, Angelos; & exemplo didicit sapientiam absconditam.

Iuxta ergo hoc exemplar fabricare sibi voluit nouum cælum in terra cum ordinibus suis & officiis, summum apicem velut Deum, Pontificem illum summum, quem Papam appellat siue Apostolicum, constituens: deinde ordine suppositiuo à capite isto deueniens descendit in Patriarchas, Metropolitanos, Archiepiscopos, Episcopos, Presbyteros, Diaconos, Subdiaconos, Acolythos, Lectores, Ceroferarios, Hostiaros, Clericos; quorum officia, & nomina balsamo diuini muneris largè sunt infusa, & cælestes ministratores sunt imitantia. Sed breuiter colligendum quòd Dominus Papa vicarius CHRISTI est, & Episcopus cum cæteris supradictis.

Dicitur ergo ei; tu signaculum similitudinis Dei, &c. Relucere debet in facie Episcopi, species gloriæ visionis Dei, vt sicut signaculo vel sigillo in cera molli sculpatur imago illius, cuius sigillum est: sic exemplum viuendi accipiat ab Episcopo, quicumque normam benè conuersandi postulauerit; sit patientia IESV, sit humilitas, sit paupertas, sit castitas, sit charitas cum cæteris virtutibus eius, non scriptæ superficie tenus, sed sculptæ medullitus in sigillo isto, vt veraciter dicatur ei, tu signaculum similitudinis Dei; in quo? plenus sapientia, perfectus decore. Ecce doctrina, ecce vita Episcopi, ad doctrinam pertinet sapientia, ad vitam decor, plenus sit sapientia, ne sit cæcus cæco ducatum præbens; perfectus decore, ne in quo alium iudicat, seipsum condemnet: plenus sapientia, vt habeat rationale; perfectus decore vt superhumale.

4. Reg. 2. 9. Hic est spiritus duplex quem postulat Helisæus: *Oro, inquit, vt Spiritus vnus duplex fiat in me*: Nolo vt totus fons meus deriuetur in plateis, sed sic volo farinulam prædicationis diuidere, vt faciam mihi inde panes & filio meo; mihi benè viuendo, commisso gegi bene prædicando. Ad sapientiam lectio, ad decorem pertinet oratio: Itæ sunt pennæ columbæ, quibus per nubes post ascendentem CHRISTVM, ad dexteram Patris conscendit Episcopus, qui plenus est sapientiâ, perfectus decore: hoc enim est quod sequitur; in deliciis Paradisi fuisti: cum Episcopus surgit à lectione cum ab oratione, quid ei aliud dicendum, nisi quia in delicijs Paradisi fui-

his? paradisus est Diuina Scriptura: quid Oratio, cælum? quid de deliciis suis detraxit Deus? vt non æmulata manu sparserit otas delicias suas, tam in veteri testamento, quàm in nouo; sed qui carnales delicias tantum amat, istas nec nouit, nec habet, nec amat, sed ille qui Episcopatum desiderat, bonum opus desiderat, id est orare & legere vt sit plenus sapientiâ perfectus decore.



SERMONIS EIVSDEM MATERIÆ
FRAGMENTVM.

Quid videbis in Sunamite nisi choros castrorum? Chori castrorum sunt Cant. ordines Angelorum, unde Rex illorum dicitur Dominus sabaoth, quod 4. 1. est exercituum. Inde quoque in Apocalypsi Iohannis legitur quia factum est prælum in cælo Michael & Angeli eius præliabantur cum dracone, & proiectus est draco ille magnus, & locus eius non est amplius inuentus in cælo. Quot itaque sunt ordines in Angelis, tot sunt chori, nouem vtique: bella verò illa cum gente tenebrarum nobis sunt incognita, sed non inutilia; nam nobiscum, & pro nobis pugnant. Noua autem bella veniens Rex Iudæorum IESVS Dominus noster elegit, primos satanæ conflictus, & acerrimos excipiens in diebus carnis suæ; quatenus aërias potestates, & illum qui habebat mortis imperium, in corpore suo super lignum crucis triumpharet, & ligaret illum.

Dicit quoque fortis ille in bello Gedeon sequacibus suis: *Quod me videritis facere facite*: vnde in Euangelio: *Qui non baiulat crucem suam, & venit post me non potest meus esse discipulus*. Post illum sequuntur chori castrorum, tenentes arma militiæ, quam robustissimus princeps in choro Martyrum Paulus describit inquit: *Induite vos armaturam Dei, vt possitis stare in die malo*, &c. Sequuntur igitur illum in equis rufis, variis & albis vt legitur in Zacharia, Martyres, qui non dilexerunt animas suas vsque ad mortem, in equis rufis sequuntur agnum per mille studia effuso sanguine vsque ad fræna equorum. Confessores, in albis equis, mortificantes carnem suam cum vitiis, & concupiscentiis. Virgines, quarum quædam in virginitate Deo militauerunt; quædam fortiter martyrium sustinuerunt, in variis equis Regem suum secutæ sunt. Ecce chori castrorum in Sunamite coccinea, cui dicitur: *Gena tua sicut turturis*: vel in Sunamite captiua dum tempus belli est in peregrinatione ista, & non tempus pacis, quod erit in futura gloria, vbi erunt chori non castrorum sed cantantium; sicut enim latantium omnium ô gloriosa ciuitas, habitatio in te. O vos Sacerdotes, Principes vos constituit Deus in castris istis, canite tubâ in Sion, suscite Leuiathan, currite à porta vsque ad portam, ne fur, ne latro, ne aduersarius ingrediatur, & incendat castra vobis commissa; ne rapiat vt leo diabolus animas vobis commissas. Tibi pastor ouium tibi Episcopo dicitur: quid videbis in Sunamite tua, id est Ecclesia tibi commissa, nisi choros castrorum, &c.

LI ij



A L I V D.

Eccleſ.
9. 8.


O *Omni tempore sint vestimenta tua candida.* In Apocalypſi apparet mulier amicta ſole, Angelus amictus lapide mundo, & in medio ſeptem candelabrorum aureorum veſtitus podere; & Dominus I E S V S, in tranſfiguratione habuit veſtimenta alba ſicut nix; & Angelus in reſurrectione apparuit ſtolâ coopertus candidâ; & regina aſſiſtit à dextris regis in veſtitu deaurato: & ſponſa in Canticis, ſicut tabernacula Cedar, ſicut pelles Salomonis; Iacob filio ſuo Ioseph fecit talarem tunicam; & mulier quæ habet lanam, & linum, & operata eſt conſilio manuum ſuarum, fecit ſyndonem & cingulum tradidit Chanaanæ; & byſſus & purpura indumentum: & David in Pſalmo; concidiſti ſaccum meum & circumdediſti me lætitiâ: & Hieremias tulit lumbare de lumbis ſuis quod computruit in aqua; Yſaiæ dicitur: Solue ſaccum de lumbis tuis: & in Iob; Dominus balteum regum ſolvit, & præcingit fune renes eorum; & filiis Iſraël veſtimenta & calciamenta in deſerto non ſunt attrita quadraginta annis; & de ſervo Hebræo jubetur, cum quali veſte intrauerit cum tali exeat, & Pontifex accedens ad ſancta, octo vitur pontificalibus indumentis pretioſiſſimis; & ad nuptias qui intrauit non habens veſtem nuptialem, ligatis manibus & pedibus miſſus eſt in tenebras exteriores.

Quicumque ergo accedis ad menſam Domini; & quicumque miniſtras in ſanctis; quicumque dicis Deo; in conſpectu Angelorum pſallam tibi; quicumque militas in caſtris Dei, attende arma, attende veſtimenta tua, ne ſint arma reſuſa, ne veſtimenta ſciſſa & inueterata, ſed arma limata & bis acuta, veſtimenta noua, vel ſaltem reſarcita & renouata; reſarciuntur namque confeſſione & pœnitentiâ renouantur. Arma limantur lectione & acuuntur diſputatione. *Omni tempore ſint veſtimenta candida*, nec diuinos, nec angelicos aſpectus ſuſtinet immunda vita, polluta conſcientia; pruritus carnis inordinatus facit ſibi perizomata dicens: Audiui Domine vocem tuam, & abſcondi me eoquod nudus ſum. Chaos magnum firmatum eſt inter nuditatem infantis, & inter nuditatem procacis meretricis, puriſſima altera, alia turpiſſima.

Quandiu ſtolâ innocentia amictus fuit Adam non erubeſcebat nuditatem ſuam; corruptâ verò innocentia, ſtatim inuaſit ſtimulus peccati, & prauis ardoris membra pudenda; erubuit ſe amiſſiſſe dominatum in membris ſuis, qui fuerat inobediens mandatis Domini ſui; malè itaque cuſtodiuit veſtimenta ſua non corporalia, ſed ſpiritualia; abſcondere ſe voluit, ſed latere minimè potuit; eſt enim oculus diuinus nimis perſpicax & penetrabilior omni ancipiti gladio pertingens vſque ad diuiſionem animæ & ſpiritus, &c. O ſpeculator qui aſtas deſuper, quid mihi melius eſt fugere, an tibi aſtare?

sed fugere nequeo, aſtare autem nudus, putridus, fœtidus & pollutus quomodo audebo? arcu vibrato percutis nudum, ore aperto expuis putridum, extra caſtra tu ejicis fœtidum? pollutum projicis in lacu leonum. Nudus itaque veſtiendus; unde ſcriptura: *Cum videris nudum, operi eum & carnem* Iſai. 58. *tuam ne deſpexeris?* carnem tuam ne deſpexeris tanquam in cinerem & pulverem reuerſuram, nec in die iudicii reſurrecturam; ne deſpexeris commaculando illam immundâ dæmonum conſperſione & luxuriôſâ execratione. Ne deſpexeris in finem reſurrecturam & clarificato corpori IESV conſigurandam.

Operi nudum aſperitate cilicina, cortinarum lenitate, pellium rubricatarum mortificatione, pellium Hyacinthinarum contemplatione, ſtolâ byſſinâ, caſtitate. Omni ergo tempore ſint veſtimenta tua candida, omni tempore æſtate, hyeme, autumnô, & vere; omni tempore die & nocte; quid eſt die & nocte, id eſt in luce & caligine, quid in luce & caligine? Per diem ſol non vret te, neque luna per noctem, Sol æſtus libidinis, Luna tepor infidelitatis: per diem conſenſus delectationis, per noctem cæca ignorantia quid ſit agendum, vel quid cauendum. Per diem itaque ſol non vret te vt conſentias concupiſcentiis carnis, neque luna per noctem, vt pecces per ignorantiam vel negligentiam in criminalibus delictis: omni tempore, id eſt æſtate ſint veſtimenta tua candida, ne ſis calidus; hyeme ne ſis frigidus autumnô ne ſis tepidus, vere ne ſis nouitatis cupidus; ſol decolorat, ſicut in canticis dicitur: *Nolite conſiderare quod fuſca ſim quia decolorauit me ſol*, Cant. 1. 6. præſumentem de iuſtitia ſua, ſol decolorat, quia qui putat ſe eſſe aliquid cum nihil ſit, ipſe ſe ſeducit. Iuſtitia quæ adeo eſt, benè colorat; iuſtitia hominis tanquam à ſe ab homine, faciem decolorat, quia non habet gratiam apud Deum, &c.



A D M O N A C H O S.

S E R M O.

C*Aſtra Dei ſunt hæc.* Nec inermes, nec inertes, nec imbecilles, nec ſtertentes, nec formidoſi in caſtris recipiendi ſunt: arma tibi ergont contra hoſtes; contra aſtutos arte pugnandi feruentes, contra Sabæos & Gygantes fortes & feroces, contra nocturnos fures & prædones; vigiles contra præſumptores & ſuperbos audaces. Ab his rexdificantur muri Hieruſalem; ab his reſtauratur ruina illa magna quam fecit in cælis draco rufus, trahens poſt ſe tertiam partem ſtellarum; ab his denique mundatur gentibus immundiſſimis terra repromiſſionis.

Nihil ergo in his caſtris Dei ſit inordinatum de imagine inferni, vbi nullus ordo, nihil conuſum de reliquis Babylonæ, vbi conuſum eſt labium

L l iij

turrim ædificanum; nihil luxuriosum de semine Behemoth, cuius virtus in lumbis eius, & fortitudo illius in umbiculo ventris eius, nihil dissolutum sicut in populo cui non erat Princeps, neque Rex, neque Sacerdos, sed unusquisque faciebat quod bonum erat in oculis suis; neque superfluum unde turbetur temperantia mater virtutum. Sit itaque acies ordinata; sicut turmæ militum dispositæ; sit chorus clypeis aureis relucente sole, paratus diabolo & satellitibus eius resistere, vnde in Canticis: *Quid videbis in Sunamite nisi choro castrorum?*

Cant. 6.
12.

Ecclef.
10. 4.

Ephes.
6. 13.

Isai.
11. 2.

Act. 9.
6.

Hoc castrum immò castellum (ad quod IESVS super asinam mansuetus venit, ut audiant eum mansueti & lætentur) habet turrim David, in qua pendent mille clypei, omnis armatura fortium; exempla Martyrum, & dicta Confessorum, immò simul & vitam & doctrinam omnium bonorum. Forti viro, & inter triginta robustorum principum David præcipuo, non sufficit se defendere, nisi & hostem valeat onerare: stipendia quidem habebit, si benè militando locum suum retinuerit, iuxta illud: *Si Spiritus potestatem habentis ascenderit super te, locum tuum ne dimiseris*. Brauium quoque si ceperit, & in captiuitatem redegerit, nihilominus coronam aureolam accipiet, si debellauerit, sicut CHRISTVS in corpore suo super lignum crucis, eum qui habebat mortis imperium, cum ipsa morte triumphauit. Accingimini itaque filii, & estote parati in prælio, quoniam melius est nobis mori corpore in hoc bello, quam videre malâ gentis nostræ & sanctorum, sicut fuerit voluntas in cælo sic fiat. Armentur milites nostri armaturâ Dei, iuxta Apostolum: *Induite, inquit, vos armaturam Dei, ut possitis resistere in die malo*, &c. Denique centuriones, tribuni & singuli principes cateruas suas hortentur ad pugnam, doceant & adiuuent. Numeremus ergo, & nominemus principes, & quis eorum cui turmæ, in his castris debeat prouidere & præesse.

Prima turma, siue chorus, siue acies, est conuerforum; secunda infirmorum; tertia nouitiorum nondum professorum; quarta iam professorum; quinta præpositorum; sexta claustralium; septima Abbatum; his assignantur septem Spiritus Dei, quos Isaias enumerat: *Spiritus sapientiæ & intellectus, consilii, fortitudinis, scientiæ & pietatis, timoris Domini*. Horum Spiritus timoris Domini, Princeps est conuerforum; Spiritus pietatis infirmorum; Spiritus scientiæ, nouitiorum in probatione sua; Spiritus fortitudinis in professione; Spiritus consilii, præpositorum; Spiritus intellectus, claustralium; Spiritus sapientiæ, Abbatum.

Tunc debent conuersi, & cum Paulo Apostolo conuerso dicere: *Domine qui dme vis facere?* Stupens enim ac tremens hoc dixit; isti ad molam sedent, alimenta Iacob & filiis eius reportantes de Ægypto, cum de labore suo carnalia ministrant Spiritualibus; & sicut Isachar alius fortis, supponunt humerum ad portandum necessitatem illorum, qui ad sarcinas David custodiendas resident, quæ sunt opera incarnationis Dei. Omnis namque vita IESV in mundo, cum ipsa quoque mortali carne, quodammodo sarcina fuit Verbi, immò hominis assumpti, sarcina fuit quæcumque in mundo inuenit, vidit, audiuit & tolerauit. Has optimas sarcinas, fratres mei, custodite, quia aqua pars est ad bella procedendum, id est, Martyrum, & ad

farcinulas residentium, id est, omnium electorum, passiones CHRISTI in se portantium.

Girando choros, jam veniamus ad spiritum pietatis, quem proposuit Deus totius consolationis, infirmis vestris, quatenus ipso cooperante, fundat infirmariis ad opus infirmorum, petra riuos olei, butyri, ac mellis, ne desit dulcis consolatio. Butyri ne refectio congrua; olei, ne de nocte luminaria; in melle siquidem accipitur consolatio, in Butyro refectio, lumen nocturnum in oleo. Et si petra tibi sis Abba, austeram vitam tenendo, funde tamen riuos olei, butyri & mellis infirmo tuo, nisi enim hoc feceris, accusat te Spiritus pietatis, nec senties pium cum veneris ad Deum. Ezechias iustus aliquando agrotat in infirmaria, & Lazarus peccator infirmatur. Quid propheta Isaias, quid IESVS plenus Spiritu sancto? Isaias visitavit agrotantem, & Dominus vadit, & suscitavit iam fœtentem. Vermis & pulvis non abhorreat fratrem fœtentem; quia Dominus suscitavit de pulvere & de stercore erigit pauperem.

Veniamus iam ad eos, qui excubant ad fores scientiæ novitios: isti sub manu & protectione spiritus scientiæ, Dei ordinatione supponuntur tanquam siquidem de phantasiis huius mundi & tenebris exeuntes, ad ortum surgentis auroræ, cum cæco nato, sed à Deo illuminato, oculos aperiunt, & lumen scientiæ requirunt: dicunt itaque Deo, in persona Prophetæ: *Doce me facere voluntatem tuam, quia Deus meus es tu.* Item cum beato Psal. 142.10. Augustino: Da mihi scire te; me scilicet infirmum, te medicum, me quis sim origine, conditione, corruptione, necnon & redemptione; te unum & trinum, omnipotentem, sapientem, benignum. Item cum Prophetæ: *Bonitatem & disciplinam, & scientiam doce me:* bonitatem, ne abhorream novitatem; disciplinam ne effluam per dissolutionem; scientiam Psal. 118. 6. ne oberrem post greges fodalium per ignorantiam & errorem; bonitatem ne remaneat malitia; disciplinam ne vana scurrilitas; scientiam ne imperitia. Contra diaboli astutias huiusmodi scientiæ clypeo novitii in initio viarum suarum sic armantur.

His fortiter & fœliciter dimicantibus iam quartum chorum, qui est professorum visitemus, iuxta formam Iosue qui solem iussit stare & diem duplicavit pugnando in acie, eisdem novitios à prima die belli continuemus ad secundam professionis diem; ubi habitu mutato & armis, transeunt ad spiritum fortitudinis. Parum namque est bona scire, nisi addas & facere: unde Dominus: *Si hæc scitis, beati si ea feceritis.* Manum itaque mittunt ad fortia ligando se triplici vinculo, immo quadruplici verbo videlicet, consensu, scripto & iuramento, quæ omnia in professione attenduntur, cum dicitur: Ego promitto stabilitatem meam & conversionem morum meorum & obedientiam, &c. nam stabilitas æmulatur æternitatem, morum conversio Angelorum confirmationem; obedientia, Domini IESV consummationem. Hoc triplici funiculo quid fortius? frater bone, nisi ruperis professionem, securè expecta æternitatem, Angelorum societatem, IESV hereditatem.

Accedamus iam ad quintum principem militiæ belli, qui est spiritus

Eccli.
32. 24.

consilii, minus namque valet in bello fortitudo, si non regatur consilio. Vicinum ergo habet domui suæ spiritus fortitudinis, spiritum consilii; hic principatum suum exercet super præpositos operum, non Pharaonis, sed Salomonis, non operum in luto & latere, sed in lignis Libani & marmoreo lapide. Hi sunt obedientiarii nostri, qui omnia cum voluntate & consilio Abbatis debent facere: *Omnia*, inquit Salomon, *fac cum consilio*, & *post factum non poenitebit*: Officium istorum est vigilare vigilias noctis ad ea quæ facienda sunt; custodire, quæ iam parata sunt, accincto super femur gladio operari in muris Hierusalem, & tanquam sagâ cilicinâ operire pretiosa Sanctuarii Dei. De quotidianis quoque quæ emergunt quæstionibus oraculum diuinum consulere & à lege, & testimoniis solutionem quærere: hi cum Esdra Propheta, impediens opus diuinum consilio & opere atque opere suo debent repellere.

Math.
26. 35.
Rom.
8. 35.
Pf. 122.
3.

Iam ad sextum chorum in Sunamite stilum vertamus, qui cum Maria Magdalena ad pedes IESV sedet, aut cum Matre eiusdem IESV stat iuxta crucem eius, proscriptum respiciens in cruce Saluatorem suum; vnde & gladius siue lancea de latere pendentis pertransit animam eius vsque ad diuisionem animæ & spiritus. Isti sunt claustrales nostri, qui nocte & die diuinis laudibus insistentes, parati sunt suscitare Leuiathan; nunquam de castris, vel claustris, id est, de sanctis egrediuntur, castra namque nostra sunt claustra, vbi castitas, vbi clausura debet esse perpetua, vt sit hortus conclusus, fons signatus, puteus aquarum viventium, quæ fluunt impetu de Libano. Vtrumque latus illius magni bellatoris, qui fortis & potens est in prælio, tanquam Cherubim lucentes plenitudine scientiæ & Seraphim ardentes plena dilectione, immediatè ambiunt, veraciter dicentes cum Petro: *Et si oportuerit me mori tecum, non te negabo*: item cum Paulo; *Quis nos separabit à charitate CHRISTI, &c.* item cum Psalmista: *Sicut oculi seruatorum in manibus dominorum suorum, sicut oculi ancille in manu domine suæ, &c.* Serui siquidem sunt in agro, ancillæ in thalamo, vt iuxta Apostolum; siue absentes, siue presentes Deo contendant placere, quid de voluntate Domini, cui in simplicitate non ad oculum seruiunt, cum Dominus fidelis sit omnibus inuocantibus eum in veritate, non intelligitur.

Habent ergo principem suum spiritum intellectus, qui scrutatur profunda Dei, & ea reuelat paruulis suis: postulat enim pro nobis gemitibus inenarrabilibus. Isti ad mensam Domini de pane Angelorum quotidie reficiuntur, isti fortes ex fortissimis Israël ambiunt lectulum Salomonis, omnes tenentes gladios ad bella doctissimi. In hoc sexto choro vt cornu aciei fecit Dominus hominem ad imaginem & similitudinem suam, vt claustralium conuersatio semper in cælistis, vt nunquam descendat de rigore Religionis, nisi ratione compassionis; hæc enim IESVM de sinu patris ad nos inclinauit.

Suprema & vltima acies Abbates, id est vicarios CHRISTI continet, & isti habent super se regem & principem, spiritum sapientiæ, quæ ex ore Altissimi prodiit, surgens itaque mane Abbas, & ad thronum gratiæ, quod est altare accedens, debet sic ad Deum preces porrigere: *Da mihi Domine*

SERMONES.

273

Domine Sapientiam sedium tuarum asistricem, ut mecum sit, & mecum laboret, ut sciam quid acceptum sit coram te omni tempore; Deinde hanc saluam ab ore Dei exhaustam deglutire & per singula conuersorum, infirmorum, nouitiorum, probandorum & professorum, prapositorum atque claustralium vasa diffundere, quatinus ros qui descendit de Hermon, in montem Sion à capite defluat vsque ad oram vestimenticius, est namque sal terræ, sal fœderis, quo condiuntur sacrificia quæ Deo offeruntur. Debet itaque simplicitatem conuersorum, debilitatem infirmorum, nouitatem nouitiorum, & professorum promotionem, prapositorum sollicitudinem, claustralium solitudinem secundum propriam mensuram & capacitatem condire. Hic secundum Iob, cum in orbem terræ transeunt dies conuiuii, conuocare debet & sanctificare filios suos, ne fortè benedixerint Deo in cordibus suis. Est enim vitium negligentia, cum quo dimicant conuersi; malum impatientia aduersus quod contendunt infirmi; peccatum voluptatis pristinae, & prioris iamunditiæ, cui repugnant nouitii; vitium diffidentia contra quod eriguntur professi; malum auaritiæ cui contradicunt prapositi; tedium Religionis aduersus quod rebellant claustrales; turbo mundanae sollicitudinis, aduersus quem consistunt Abates. Ecce castra Dei sunt hæc, in quibus militia est vita hominis super terram, in quibus Regnum celorum vim patitur, & violenti rapiunt illud, in quibus, qui vicerit, ait Dominus, faciam illum columnam in domo Patris mei; quod nobis præstare dignetur, qui cum Patre, &c.

Sap. 9.
4.

Apoc.
3. 12.



DE LEGE NATVRALI, SCRIPTA ET EVANGELICA.

SERMO.

Legem præcepit nobis Moyses & hereditatem multitudinis. Quot ab homine perpetratae sunt prauaricationes, tot à Deo indultae sunt reparationes: Sicut enim caelesti medico nihil præterit ægritudinis, sic subest scientia ipsius & potestati quicquid remedii est & sanitatis. Pressis liquidem vestigiis medicina morbum insequitur, nec quiescit donec incluserit; vnde Apostolus: *Conclusit Deus omnia sub peccato.* Reuocanda igitur humana natura ad suæ felicitatis primordia; monenda fuerat referre pedem vnde mouerat, & cauere ne præcipitia renouaret, quia nouissimus error peior priore esset. A cunabulis igitur suis materna sollicitudine erga eandem naturam intendens diuina miseratio, & ne caderet præmonuit, & si caderet remedium præparauit.

Deut.
33. 4.

Gal. 3.
22.

Adfixit itaque ipsis naturæ visceribus legem quam naturalem appellamus

Mm

quæ lacte eodem cum natura aleretur, & eisdem coangmentaretur profectibus, eisdem tum laxaretur defectibus. Primo deinde peccato hac præuaticata tam ubi non est lex, nec præuaticator; ne forte pœnitentia extingueretur, in subsidium supposuit aliam legem quæ Moyfi appellatur, quia per ipsum facta est lex, & legales obseruantias plures tanquam fœtus multiplices de ventre naturali excludit; vt quod iure naturali latebat, scriptis tabulis in lucem prodiret & privilegio ignorantie deinceps nemo excularet, cum incultos lapides prospiciens præcepta morum & honestæ vitæ addiscere posset. De hac igitur dicitur: *Legem præcepit nobis Moyses, &c.*

1. Reg.
16. 7.

Math.

5. 17.

Ioan.

13. 34.

Apoc.

15. 2.

Psalr.

118. 19.

Quia verò legitur, *homo videt in facie, Deus autem in corde*, tota huius obseruatio legis potius preffit manum, quam animum, vt locus Deo seruaretur, qui postea incarnatus & animum pertinet & manum. Evangelica igitur lex à CHRISTO in ultimo idcirco traditur, vt legem tam naturalem, quam scriptam adimpleret sicut ipse ait: *Non veni legem soluere, sed adimplere*. Data est autem lex ista quando dictum est: *Mandatum nouum do vobis vt diligatis inuicem sicut dilexit vos*. De lege autem Moyfi & CHRISTI dicitur in Apocalypsi: *Vidi Angelos stantes super mare vitreum, habentes ciuhas Dei & cantantes canticum Moyfi serui Dei, & canticum agni*. Canticum Moyfi est lex siue laus Dei de creatione mundi; Canticum agni, Euangelium siue laus Dei de redemptione mundi in Euangelio. Vbi est autem qui totam legem obseruauerit, siue naturalem, siue Moyfi, siue CHRISTI: teste Psalmista non inuenitur in terra. Ait enim: *Præuaticantes reputant omnes peccatores terra*. Nemo enim qui non sit præuaticator, vel in se saltem, vel in primo parente. Vbi enim peccator ibi præuaticator, vbi verò non est lex, nec præuaticatio.

Lex naturalis est quasi dicta vniuersalis; Lex Moyfi quasi helleborum; lex Euangelii quasi medicina nihil habens amaritudinis, nihil acridinis. Sufficit enim illi qui legem naturalem non reliquit, vti licitis, & abstinere ab illicitis. Qui autem grauiter siue criminaliter peccauerit, & à licitis debet abstinere & grauissimæ pœnitentiæ purgatiua in purgatione sua ex lege Moyfi debet accipere, vt oculum reddat pro oculo, dentem pro dente, liuorem pro liuore; quia calumniantes poscit similitudo supplicii. Qui autem perfecta dilectione foras misit timorem, debet sicut ipse ambulauit & ipse ambulare, vitia omnia repellendo & virtutes omnes aggregando. Clauēs Petri sic ligant & sic soluant; non enim accipiunt personam hominum, non in muneribus iudicant, non viuificant animas quæ moriuntur, neque occidunt animas quæ non moriuntur: sed rectè in statera iusta appendunt & meritum causæ & finem sententiæ.

Audite quia priuilegium Petri meretur amittere, qui concessa sibi abutitur potestate. In iudicio neque ad dexteram, neque ad sinistram declinandum est propter cuiusquam gratiam. Nulla indiget commendatione veritas, vestita tamen oculis hominum temperato splendore intolerabilis pulchritudinis aliquando se obicit, non vt sumptis extra subsidiis clarior appareat, sed vt intuentis acies à se admittat. Subiiciendæ ergo auctoritates in his quæ dicimus, exiguntur fortè & exempla, quatinus credibilis sit

SERMONES.


275

quod dicitur. Nec absurdè auctoritas quæritur, ubi nec persona quæ dicit, nec res quæ dicitur fidei satisfacit. Suffragantur nostris propositionibus diuinæ auctoritates, quarum prima est: *Nisi conuerſi fueritis & efficiamini ſicut paruuli, non intrabitis in regnum cælorum.* Auerſio de paradifo nos expulit, conuerſio reducit. Auerſio illa mater eſt culpæ & pœnæ, quæ de ſeruos innumerabiles per vniuerſum mundum deriuauerunt, & quarum torrentes vniuerſam naturam filiorum Adæ conturbauerunt. Math. 18. 3.

Tollatur itaque prima vox ſilentium, vt non ſit auerſio; & ſupponatur quæ in conſolatione prima ſyllaba eſt conuerſio: vt paradifus conuerſum excipiat, quem aduerſum expulerat. Sed qualiter ſicut paruuli, inquit, tanquam cera mollis paruulus habilis eſt ad omnem obedientiam, nec eſt ei in aliquo reſiſtere, aut rationem mandati exquirere. Serpens callidior cunctis animantibus, in mandatis Dei quæſtionem mulieri oppoſuit, quam quia Sophiſtam audiuit, excluſit, & concluſit: fides Abrahæ quæ reputata eſt ei ad iuſtitiam, rationem, conſuetudinem, affectionem, impoſſibilitatem poſtpoſuit, & Deo acquieſcens contra ſpem iam adeptæ promiſſionis, in ſpem certiſſimæ expectationis credidit, quia Deus eſt verax in promiſſis, & potens in exhibendis, pleniffimè ſciens quia quæcumque promiſit potens eſt facere: hæc forma proponitur volentibus intrare in regnum cælorum. Eſt & alia legis auctoritas, *primogenitum aſini mutabis oue*, vt ait Gregorius. Exod. 13. 13. Primogenitum aſini oue mutare, eſt immundæ vitæ primordia, innocentiam vitæ conuertere. Qui enim qualis ipſius fuit eſſe deſinit, & apprehenſa carnis munditiâ innocentiam cuſtodit, in oblationem Dei primogenitum aſini oue mutat.

Iob quoque aptiſſima comparatione clauſtralem reclusionem notat eſſe ſaluberrimam, vt ibi luat quæ mundana vanitate peccata ſuperbiendo, luxuriando & rapiendo, ventrique & gulæ ſeruendo contraxerat. *Propter ſuperbiam*, inquit, *quaſi leonem capies me.* Leona eſt caro noſtra. Hæc nutrit catulos leonum, illecebras carnalium deſideriorum, quorum ſi quis aliquem capiat negando illicita, in rabiem ſeueriſſimam, totam corporis ſyluam concutit, & vngulis ac dentibus murmuratiōis in præſentes & abſentes deſinit: hæc vt ait Gregorius, duplici fouea conſtringitur, prima propter gulam, ſecunda ad pœnam; prima ſæculi, ſecunda clauſtri; prima deſiderii, ſecunda flagelli. Non veniret ad ſecundam, niſi appeteret primam. Qui enim non peccat; non eſt quare pœniteat. *Sed peccatum*, ait Apoſtolus, *ut appareat peccatum, per mandatum*, id eſt, tranſgreſſionem mandati operatum eſt. Rom. 7. 13. *mibi mortem.* Hæc eſt mors in olla, vtique in clauſtro, quod inexperſi fugiunt tanquam mortem: expertorum alii patienter cum IEſu tolerant vt crucem; alii abhorrent vt gehennam: Paulus gloriatur dicens: *Absit mihi gloriari niſi in cruce Domini noſtri IEſu Chriſti.* Alius acclamat. *Educ de carcere animam meam* Duæ ſunt molentes, vna aſſumetur, & altera relinquetur, vnde dolens Propheta dicit: *Conſolatio abſcondita eſt ab oculis meis quia ipſe diuidet inter fratres*, vtique Eſau & Iacob, &c. Gal. 6. 14. Pf. 141. 3. Oſe. 13. 15.

M m ij





PETRI CELLENSIS

OPUSCULA.

Incipit Epistola Petri Cellensis Abbatis, ad Magistrum Iohannem Salisberiensem, de opere sequenti.

Charissimo suo, Petrus Abbas; Salutem.



Quia multum altitudo, & ardua est in ascensu, & caliginosa in intuitu; temperatis passibus, ad campi planitiem conuersus; de segete Domini, quos potui manipulos legi & novos panes, non tamen ex noua sensuum farina composui. Nouitatem enim illam qua à Patrum vestigiis exorbiuit, tam in fide quam in moribus, necnon & in uocum, seu nominum nouitatibus, semper Anathematizandam duxi. Si quid autem quasi nouum, Sancti Spiritus illustratione apprehendere potui: quod tamen Cherubim & Propitiatorium, vultu tam sedulo quam humili respiciat, non respui. Non itaque ut facerem mihi nomen grande, iuxta nomen magnorum qui gloriantur in seculari Philosophia, librum istum de Panibus Scriptura diuina conscripsi: sed de mensa Diuitis, quæ diuinis lectionibus mentes peregrinorum reficerent, fragmenta panum undecumque collecta coniunxi. Viatores namque nisi panem & vinum ad subsidium itineris peragendi, in transitu inuenerint; aut more aut famis dispendium sustinere coguntur. Quamobrem Reipublica utilitas satis rationabiliter exigit hoc in familia patrisfamilias, ut opera in domo quiescentis, famuletur necessitatibus in publicis negotiis desudantis. Tunc namque bene regitur Respublica, cum alteri alterius suffragantur officia. Utinam itaque tanti essem cuius suscipi mererentur labores, & de velleribus ouium mearum, consolarentur pauperes? Utinam, & si non noua condere, saltem vetera sarcire valerem. Utinam, & si non de proprio, saltem de alieno fideliter, idoneas Salomoni ad templum adificandum prepararem expensas! Quis proinde me presumptuosum nisi presumptuosus dixerit: quia panes de arca ad mensam detulerim? Si Domini arca, & domini est mensa, Domini quoque conuiuia; cur seruus Do-

Fugie-
da est
Noui-
tas à
vesti-
giis Pa-
trum
exorbi-
tans.

M m iij

mini pro debitis obsequiis redarguitur?

Comede igitur quicumque librum legis, panes appositos; & non corrodas sudores apponentis valde laboriosos. Potius, pro obsequio, gratia quam invidia debetur. Si prae inopia librorum vel lectionum indiges quotidiano pane; sume: & pro indultis sine pretio, gratias age. Si vero abundas; non habentibus pauperibus congratulare: alioquin vel superbis de tua paupertate, vel inuides de nostra miseratione. In alio tibi, nequam, in alio, proximo; in alio miserabilis; in alio condemnabilis. Sed times tibi an mihi? Tibi forte times: ne scripta tua si qua sunt, sola non videantur: Mihi, ne scabiosum appareat ingenium, ne exangue publicetur eloquium. Sed neutrum (ô fidelis & nimium amice) formidandum est. Et primo quidem, scriptura tua si bona est, non est timendum, nam quod bonum & pretiosum est: numerositate & frequentia pannosarum mercium nunquam sordescit: quinimo semper ad id quod lucidius praefulget curritur, & quod contemptibile est, negligitur. Non ergo opus tuum, comparatione Opusculi nostri, deprecandum credas, si bonum est. Quod si inutile est, non ei queras gloriam de singularitate, quod magis amputandum est pro superfluitate. Nobis quoque non est quare timeas: nam fastidiosus, nolo nostra ad cumulum nausae suae insolenter ingerere: petentibus vero & indigentibus, vereor abscondere & negare: Ut enim improbitatis est, nolentibus & recusantibus se inculcare: sic impietatis est, volentibus & egentibus abnegare. Habeat itaque volens, in uno Repositorio copiam omnium panum paratam, & potius benevolentia adiuvet insufficientiam nostram, quam ingratitude exasperet infirmitatem.

In hoc Opusculo, nauigium nostrum, nec ad rapidissimos impetus profundarum disputationum extuli, nec in terra litterae quae occidit insidere negligenter permisi. Moderata vero navigatione praesentem stilum, à terra quidem pusillum subduxi, ne (si altiora praesumerem & contra forte flarent venti contrarii) aut cum eis, resistendo contenderem, aut eis, non respondendo succumberem. Iterum paululum à terra recessi, ne vicinitate riparum & aquae inopia laborans: vilitate sermonis vel materia rusticitate offenderem & libere non enatarem. Libratis igitur tam veli quam nauigij seu ventorum oportunitatibus: nec odiosa praesumptione, in altum: nec desperata humilitate in planum excessi. Ad te itaque, mi charissime, unum hoc opusculum nostrum mitto, ut tuâ licentiâ prout dignum fuerit ingrediatur ad secretum & egrediatur ad publicum. Rogo ut apponas manum approbando utilia, resecando superflua, suppleendo minus plena, illustrando minus plana, vestiando indecora, spoliando superflua. Testor Deum, te aequè offensurum amicitiam nostram si indigna laudaueris, ac si digna vituperaueris: Tolerabiliore enim patientia sustinebo erroris redargutorem, quàm improbum adulatorem. Non itaque graueris, propter eam quae ad inuicem est dilectionem: vel partem vel etiam totum sermonem si iustum fuerit delere & ut aliter tractetur remandare: Fructum enim in ficulnea, non folia tantummodo quero: Absit enim, ut umbram solum & non escam* praeberent arbores cultura nostra. Vtrumque mihi placet, & habere, & parare, & umbram foliorum & escam fructuum. Quod si altero carere cogor, patientius foliis quàm fructibus renuntiabo. Vale.

Math.
20. 21.
*al. pa-
rent.



PETRI ABBATIS CELLENSIS

LIBER, DE PANIBVS.

CAPVT PRIMVM.

De multiplici Mensa & eius apparatu.

IN Tabernaculo testimonii iubente Domino (mensa ponitur ante velum & contra mensam, candelabrum in latere Tabernaculi meridiano; Mensa enim stat in latere Aquilonis. Diligenter animaduertendum quòd Moyſes (immò per Moyſem, Dominus) obumbratione mystica, in constructione seu collocatione figuratiui Tabernaculi comprehenderit, quibus depulsi à Paradiso, reparari siue repatriare obseruationibus ad Sancta Sanctorum valeant: & quibus extra deuagantes interim consolari alimentis. Nulla enim intra Velum esca necessaria, quia nulla vnquam indigentia: Vna ibi satietas, vbi gloria perennis incommutabilitas. Semel intrasse, simulque gustasse, est semper satiaturum manere. *Satiabor*, inquit Psalmista, *cùm apparuerit gloria tua*. Extra Velum autem, & defectio, & refectio. Defectio pro peccatis & in peccatis naturam miserabiliter corrumpentibus: Refectio pro præceptis & diuinis beneficiis misericorditer nobis subuenientibus.

Sicut verò Firmamentum posuit Deus vt diuideret aquas ab aquis, sic Moyſes Velum interposuit: extra quod vulgus immolaret animalium carnes, & intra quod accenderet infernum solus Pontifex, id est, Sacerdos summus. Iesus autem penetrauit cælum, & ascendit super Firmamentum. In sanguine verò intrauit, quia (per passionem) potum: immò pretium nostræ redemptionis, paternis labiis, assistentibus Angelicis spiritibus ministravit, opus quod dedit ei pater, perficiendo & sanguinem de latere fufum, ad copiosam redemptionem, ei offerendo. Famelicis denique, extra velum esurientibus; mensam & panes in mensa (de qua conueſcens ascendit in cælum, *misericors & miserator Dominus*, reliquit, & *dedit escam timentibus se*. Sanguinis partem nihilominus, ad bibendum, in Crateris Sacramentalibus, amicis & imitatoribus suis reposuit vsque ad consummationem sæculi: partem iterum non pretium nostræ liberationis tam Patri quam creditori Hosti, piè & iustè soluit. Corpori suo quod est Ecclesia, extra Velum exubias agenti donec Lucifer oriatur, parauit mensam ne deficiat in via, candelabrum, ne exorbitet à via.

Sed notandum, aliam esse mensam qua singulariter sola Trinitas delicitur, aliam qua cum Angelis amicabiliter epulatur, aliam qua cum homine

E. od.
26. 35.

Psal.
16. 15.

Psal.
110. 5.
Crateres Sacramentales.

Mensa Dei triplex.

Mensa
diabo-
li quæ
fit, spi-
ritualis
mensa
homi-
num,
triplex.

mortali visibiliter IESVS vescitur, aliam qua Sacramentaliter & inuisibiliter, fideles reficiuntur. Est etiam mensa diaboli, in qua non nisi animarum sanguis bibitur, non nisi cruciatus hominum in cibo sumitur. Est & mensa Angeli, pœnitentiam conuersorum bibentis, salutem edentis. Est hominis mensa ad quam aliquando Deum, aliquando Angelum bonum, aliquando malum Angelum inuitat. Itaque quàm succinctè potero compendiosum de profusa & profunda materia tractatum exprimam; quatenus & sapiens (sumpta occasione) dilatat philacteria & magnificet fimbrias & sensu mediocri, famis sue consoletur miseras. Mensa illa Trinitatis, cubiti vnus in vnitate substantiæ: panes habet absconditos: vinum semper nouum fercula æterna & beata. Ministerium alijs creaturæ non admittitur, neque Cherubim vel Seraphim, ad mensam illam de qua edere non habent potestatem etiam qui tabernaculo deseruiunt. Sibi inuicem ministrant, Pater Filio, Filius Patri, Spiritus sanctus Patri & Filio, Pater & Filius Spiritui sancto: Pater Filio, generationem: Filius Patri, natiuitatem: Spiritus sanctus, Patri & Filio processionem: Pater & Filius, Spiritui sancto, missionem seu donationem.

Hebr.
12. 20.

Procul absistat. Creatura omnis, ab hac administratione: quia *bestia quæ tetigerit montem lapidabitur*. Manum subtrahat Seraphim: quia munus huiusmodi, manu aliam non admittit quàm solius dexteræ Dei: *nemo enim nouit Filium nisi Pater*, neque Patrem quis nouit nisi Filius. Pulmenta, immò; fercula huius mensæ tot sunt quot sedent ad mensam: talia sunt, quales sunt quorum est mensa. Noningas tamen, alium quasi Architrictim sedere superius in eminentiori loco; alium in inferiori, alium in ultimo: quia vna sedes & vnus sedens, pro concordia voluntatis, pro identitate substantiæ, pro æqualitate potentia, tres verò, pro personarum discretionem. Si quomodo sic sedeant tres, sine graduum distinctione & sine honoris variatione, sine loci distensione vel dimensionem, nullo modo apprehendas, noli mirari, quia nec

Math.
11. 27.

vertex Carmeli (id est, scientia Angeli) hoc comprehendit: *Deum enim nemo vidit vnquam*. Idcirco abstinet & superponit digitum ori suo, neque manum conferens mensæ neque os aperiens negata diuinitati, vt velit eam deglutire. Vidit namque consortem naturæ suæ luciferum aliquando gulam desiderii ad hanc mensam extendisse & non exinde, diuinitatem sed mortem degustasse. Vidit manum in lateribus Aquilonis porrexisse, & statim glacie Aquilonari riguisse, seu gehennalibus flammis exaruisse. Forte omnipotentiam Patris, forte sapientiam Filii, forte bonitatem Spiritus sancti, fera illa bestia voluit deuorare. Hæc enim sunt fercula mensæ Dei, quæ soli Regi sæculorum immortalis, inuisibili debentur in sæcula sæculorum.

Ioan.
1. 15.

Hæc de mensa Dei cui non communicat alienus natura, conditione, forte, sed sola Trinitas singulariter, perenniter, inuisibiliter gloriatur. Iam acumine scalæ Iacob vitum (immò stilum) inflectamus, & ad Angelorum mensam à nobis ascendamus, à Deo descendamus: Duo enim interiores, nobis sunt superiores. Mensa eorum est Propitiatorium, cui, versis vultibus semper intendunt, & vnde sua desideria implere cupiunt. De hoc enim Propitiatorio (id est, IESV, siue mensa Angelorum) dictum est: *In quem*

Fercula
mensæ
diuinæ.

desiderant

DE PANIBVS, LIBER.

281

desiderant Angeli prospicere. Ad hanc mensam, ex duobus naturis in vnam personam Spiritus sancti artificio compactam, adstant ministratorii Spiritus ministrantes Domino & edentes cum ipso, quæ ibi apponuntur: bonitatem videlicet Dei, reparationem generis humani, repletionem numeri sui imminuti per apostasiam degenerantis rami à bona oliua in naturam oleastri. A mensa illa eis dicitur; *Afferte Domino filios arietum*, id est, vos Angeli; adducite animas Christianorum, Domino creatori & redemptori, ad cæleste confortium. Deus in hac mensa posuit sua beneficia: Angelus, sua obsequia: Deus quod illum bonum creauit: Angelus quod in veritate & bonitate stetit & Deo adhæsit: Deus quod gratiæ primæ gratiam secundam ei superaddidit, Angelus quod liberum arbitrium ad bonum obedientiæ & reuerentiæ Creatoris sui conuertit. Infert Deus radios suæ contemplationis; refert Angelus puros aspectus in occurfu superiorientis lucis: Angelus os aperit in laudem Dei: Deus implet illud, tam adipe diuinitatis quàm carne & sanguine integerrimæ naturæ humanitatis.

Hæc de mensa Dei cum Angelis. *Excamus* autem iam *extra castra* cælorum, & iuxta montis radicem (id est, crucis passionem) Agni cœnam cum suis arietibus, contemblemur. Mensa huius cœnæ in qua Deus cum hominibus visibiliter innouat (immò continuat) vmbram luci: figuram veritati, nouum Testamentum veteri: paratur in cœnaculo grandi, Apostolorum ministerio, vt pascua Dominus pascua, figurali in cœnaculo; patiatur agnus sine macula, in patibulo: vt (eius imitatione) qui cœnaculum ascenderit Prælationis: non recuset, post IESVM, subire discrimen passionis, vt in cœnaculo confortatus cibus vitalibus, non concutiat pro formidine & tribulationum ponderibus. In hoc Dominus conuiuio sanguinem, carnem, pellem, adipem, intestina, caput cum pedibus ponit, vt redemptio in sanguine, refectio in carne, vestis in pelle, vnctio in adipe, scientia occultorum mysteriorum in intestinis: stola prima, in capite; consummatio beata in pedibus præbeatur. Clamat in abundantia saturitatis & suauitatis suæ pauper ille amicus diuitis, qui in conuiuio discumbebat; *quid*, inquit, *retribuam Domino, pro omnibus quæ retribuit mihi?* Sed scire debuerat quod Sapiens ait: *cum sederis ad mensam diuitis, diligenter attende quæ apponuntur tibi sciens quia oportet te talia preparare*: Carnem ergo pro carne repone; pro sancta, sanctificata; pro casta, castigatam & castificatam; pro integra impollutam. Sanguinem quoque pro sanguine, scilicet profuso in ara crucis, effusum in rubore confessionis: pro puro, impurum, pro bono, malum, pro quieto, turbidum. *Pellem etiam pro pelle*, sicut Iob ait, id est, patientiam & imitationem mansuetudinis Agni incontaminati IESV.

CHRITI, rependere debemus. Eius enim Sacerdotis qui offert victimam, est hostiæ pellis, *iure perpetuo*. Etsi n. miraculorum, etsi secretorum scientia, etsi puritatem conscientiæ, etsi caput iustitiæ, etsi pedes perfectionis & consummationis tuæ IESV non apprehendo: confortata enim sunt & non possum ad ista: saltem corium, saltem pellem concede. Corium ficcatum & extensum, vt inde faciam mihi tympanum aut Psalterium decem chordarum: pellem calidam & candidam & præparem ex ea virtutum

Gen.
28. 12.
1. Petr.
1. 12.

Psal.
28. 1.

Gratia
prima,
& secunda.

Hebr.
13. 13.

Pastores, non debent metueret aspecta.
Agni Paschalis interpretatio mystica.

Psal.
115. 13.
Prou.
23. 1.

Iob. 2.
4.

Leuit.
7. 3.
Psal.
138. 6.
Cant.
1. 5.

Nn

Math. amictum, vt sint pelles meæ *sicut pelles Salomonis*. In pelle ista veniens ad
 22. 12. nuptias, non depellitur, sed intrare & superius ascendere compellitur. Re-
 Luc. tribue igitur, conuiua CHRISTI, pellem pro pelle, immò secundum
 14. 10. legem, *oculum pro oculo, dentem pro dente, liuorem pro liuore, animam pro*
 Exod. *anima*. Quid enim pro te tibi facere potuit Deus, quàm vt animam pone-
 21. 24. ret? Vade ergo, & tu fac similiter. *Exemplum*, inquit, *dedi vobis, vt*
 Leuit. *& vos ita faciatis*.
 24. 20.

Deut. Ecce carnes in cœna, quia iam detraximus pelles, sed vbi panes? *Vnde*,
 19. 21. inquit Dominus ad Philippum, *ememus panes vt manducent hi*? Domine
 Math. IESV, non quæras à Philippo; quære à Proditore tuo. Hic enim habet
 5. 38. marsupium vnum cum Scribis & Phariseis, hic insidiatur sanguini; & con-
 Ioan. tra in fontem tendit (frustra quidem pro sua implenda auaritia) tendiculas,
 13. 25. non frustra autem pro salute nostra. Hic, inquam, habet denarios triginta,
 Marc. vnde panes emuntur vsque ad satietatem omnis carnis. Sed & apud Ioseph,
 6. 31. frumenta venduntur de quibus panes conficiuntur. Liberalitatis opus cum
 Genes. sagacitate venditionis, fratribus suis Ioseph exhibet; Implet saccos pro pec-
 42. 25. unia, buccas & ventrem implet pro gratia, victum itineris gratis tribuit,
 Gen. vnde in patria familia ipsi alantur, non sine pretio tradit. Quid est hoc ni-
 43. 21. li, *centuplum accipiet & vitam æternam possidebit*? Ecce gratia, ecce meritum,
 Math. vbi non sicut delictum, ita & donum præparat Ioseph, ex gratia, conuiuium:
 19. 29. quia CHRISTVS gratis mortuus est: vt impleat saccos accipit pretium,
 Fides quia *Fides sine operibus mortua est*. Sed libet paulisper in mensa cœnæ & in
 sine o- conuiuiu Ioseph, lucem & vmbra in ordine ferculorum seu accumben-
 peribus tium, præ oculis ponere: Domini & fratris, per interpretes loquelam reci-
 mortua est. pere; faciem, propter maiestatis glorificationem, iam quidem incogni-
 Iac. 2. tam germanitate sanguinis cum summa reuerentia prospicere, stolas cum
 17. partibus præstitis, diligenter pensare, vinum vsque ad ebrietatem sine vitio
 Conui- gulæ epotare. Denique larga manu Ioseph, quorum ventres bonis suis im-
 uiuium pleuerat, saccos nihilominus quantum possunt capere frumento replet: &
 quo Ioseph pecuniam propriam in ore saccorum ligat latenter, sed non fraudulenter,
 accepit seipsum suum in sacco iunioris cum pecunia ponit. Vbi gratiosus Ioseph:
 fratres Ioseph: sed in conuiuiu magis multoque ampliùs iocundus. In conuiuiu
 fuit ty- etiam venditoribus suis non negat negatam sibi germanitatem: in conuiuiu
 pus cœ- non retinet iniuriam, extendit munificentiam: in conuiuiu iuxta Scriptu-
 næ ram, cibando inimicum extinguit inuidiam & sanat malevolentiam.
 chri-
 stianæ.
 Gen.

Sed quia hoc conuiuium non minus est religiosum quàm opulentum,
 43. 34. verbis parcendum, & ventrem meminerimus pascendum: operandum
 Prou. namque potius est, quam loquendum. Non redigimus autem sub regula
 25. 21. Monachorum, mensam Apostolorum, quia supra mensam sancti Benedi-
 Mensæ cti, est mensa vbi præsidet Filius Dei benedicti. Ad mensam monachi &
 mona- duo pulmenta sufficiunt, & silentium tenendum est: Ad mensam verò
 sticæ si- Verbi caro facti, & carnes Agni sumuntur, & verba quæ sunt spiritus &
 lentiū vita in lingua IESV resudantia vberimè post cœnam inueniuntur: Ha-
 & fru- ctenus enim, ait Sapiens, spiritum suum seruauerat. *Stultus*, inquit Scri-
 galitas. ptura, *totum spiritum suum profert, Sapiens autem reseruat in postremum*.
 Prou. 29. 11.

DE PANIBVS, LIBER. 283

Bonum itaque verbum (immò bonum vinum) Discipulis, in horam discessionis, in horam vltimæ refectionis & confabulationis retinuit. Videntur mihi tintinnabula quæ in extremis vestimenti sacerdotalis ponuntur, vt cum introierit Pontifex non sine sanguine intra velum, quod diuidit Sanctuarium Sanctuarii & Sanctuaria, procul audiantur, illum præclarissimum & saluberrimum sermonem prænunciare, quem cum Apostolis suis habuit IESVS in vltimo Sacrosanctæ cœnæ. Erant quoque inter mala punica, ipsa tintinnabula: quia sermo iste, & de præsentii iustificatione & de futura commonet glorificatione. Sunt mala punica, *deorsum, ad pedes tunice, per circuitum*, vt habeat anima tua cœnam æterni conuiuii. Sunt tintinnabula, inter mala punica; vt doctrinam suscipiat nunc illuminantem per gratiam, & postea illustrantem per gloriam. Hæc de mensa Domini cum homine mortali, vbi IESVS cum Apostolis visibiliter visibilis communicatus est.

Est iterum mensa Domini in qua, non iam visibiliter apud mortales, sed sacramentaliter inuisibiliter apud Fideles, vsque ad consummationem sæculi epulatur. Est autem mensa altaris: vbi veritate Corporis & Sanguinis Domini existente, sed sub specie visibilis panis & vini latente, memoria Dominicæ passionis cum effectu nostræ redemptionis, si adsit integritas fidei, quotidie tam vtiliter quam fideliter recolitur. Totum enim fides dignè sumentibus ibi operatur, quod (exhibitione certissima) credentibus exhibuit in cruce mors CHRISTI: nisi quod illud ad omnium: hoc ad singulorum quandam pertinet restaurationem: & nisi quod istud est subsecutiue cooperatiuum eius rei, cuius illud non solum præcessuum sed coeffectiuium etiam nunc est. Ibi, mors CHRISTI omnium salutem: hîc; memoria mortis illius similiter; nostram non desistit operari saluationem Sacramentaliter. Sed & veraciter, quod de virgine sumptum est corpus immaculatum, quod in cruce sub Pontio Pilato à Iudæis clamantibus: *Crucifige Crucifige*, & à Gentilium militibus appensum est & immolatum, manu sacerdotali contrectatur, & vi verborum CHRISTI conficitur, & fidelibus populis traditur, mediantibus quidem pristinis, & consuetis speciebus panis & vini, carnem veram & verum sanguinem CHRISTI percipimus: interuenientibus verò carne & sanguine Agni, Deitati Verbi communicantes, Patri quoque Verbi, per ipsum Filium, cooperante & assistente Spiritu sancto, indubitanter accedimus. Et sic ex ipso & per ipsum Filium, cooperante & assistente Spiritu sancto, indubitanter accedimus, & sic ex ipso & per ipsum, *& in ipso viuimus, mouemur, & sumus*: non sicut qualibet creatura, sed tanquam noua & renouata ad imaginem Dei rationabilis creatura.

In mensa ista potentiam & gratiam ponit Deus: homo, fidem & obedientiam. Mirabilis potentia Dei, quâ panis in carnem, & vinum conuertitur in sanguinem! Mirabilis æque potentia, quâ, sic tanta res agitur, vt sub signaculo fidei clausa, solis mundis Fidei aspectibus intra velamen oppositum penetretur! Gratia naturæ vsum & cursum transiliens, sicut carnem Virginis in carnem CHRISTI sanctificando creauit, & creando sanctificauit, similitudinem quidem carnis peccati conformans Verbo Dei, sed ad purum excoquens naturam humanitatis, ne esset caro peccati: sic de pane

Exod. 28.

Ioan. 14. & dehinc. Exod. 28. 33. Exod. 28. 34. Mensa

Christi duplex. Veritas Corporis Christi latet in mensa altaris sub panis specie.

Luc. 23. 28. Ioan. 19. 6. Christi corpus, vt verborum Christi conficitur. Act. 17. 28.

Dei potentia admirabilis.

N n ij

Panis
est in
Eucha-
ristia
simili-
tudine
non ve-
ritate.

(mirabili conuersione) efficit corpus CHRISTI, contegens specie panis, id quod veritate non similitudine, est verus panis qui de cælo descendit: similitudine autem non veritate, panis qui de clibano venit. Ecce gratia, ecce potentia, quæ ornant, sed & infomant mensam istam.

Rursum de triplici mensa, Sacramentali, naturali, & mystica: & de fidelibus illarum dispensatoribus, Moïse & Paulo.

CAPVT II.

Exhor-
tatio ad
com-
muni-
onem
Corpo-
ris
Chri-
sti.

Cant. I.
14.

IN Tabernaculo testimonii, iubente Domino, mensa ponitur extra velum, & candelabrum contra eam in latere tabernaculi meridiano. Escam animarum, pabulum spirituum, dapes cælestium deliciarum præfert hæc mensa, hæc, inquam, mensa plena visceribus misericordiæ, charismatibus referta gratiæ: edentium penetralia mirabiliter implendo; non explet appetitus residentium satiando, acrius sed & sacratius vrget. Est enim huius conuiuii nihilominus & conuiuantis natura, vt succumbant semper desiderio, nunquam fastidio. Quid enim? cui visio gloriæ, cui beatitudo sempiternæ vitæ, cui exaltatio indeficiens, cui iubilatio semper sufficiens, in tædium poterit venire? Proculdubio huius mensæ edacitas inculpabilis potius commendatur quàm condemnatur. Abstinere quidem his culpa est & pœna: absorbere verò gloria & corona. Non fortè, ibi formidas consumptionem vbi omne bonum exundat consummationem? non parcè prandendum, vbi cibum inuenis Deum. Hodie si totum præsumpseris, totum cras sine dubio nihilominus habebis. Totum diligendo, totum sumis sed non consumis. Vt enim diligendo non vastatur dilectio, sic quando à nobis sumitur amando, nequaquam finitur ille qui est vera dilectio. Ventremne times onerare? immò abundanter accipe; si ventrem & mentem vis releuare. Onera nostra namque tollit, non imponit. Non in ventre tumor, non in venis excrescit superfluous humor. Cor petit & sanat, cor implet & mundat, cor lustrat & illustrat. Cibus iste, vitam sine molestia parat, leuamen sine grauamine, immortalitatem sine corruptione. Non defunt etiam à mensa Domini fructus pomorum, non botrus Cypri, non fistula & cinnamomum, non vnguenta suauissimi odoris, non denique quidquid visu est delectabile.

Hæc de mensa ista, siue de his quæ in mensa ista sunt sufficiant. Quicunque igitur his Dominicæ mensæ benedictionibus confortatus, aperto fidei ostio, vltra velum Sanctuarii, ad sedentem in throno, totis desideriis accedere voluerit; manum deuotionis, ad eandem mensam frequentius retorqueat, & de ipsa alimentum vitæumat, Stationem namque medii veli non præripit, qui vigorem spiritus infra ex Dominicis alimentis non percipit. Non habet quoque idoneum palatum ad percipienda inuisibilia & sacratio-
ra Trinitatis arcana, qui antea prælibauerit visibilia nostræ fidei Sacramen-
ta. Ob hæc denique causam, ætates, nomina, numerum, sexum, officia,
dignitates, valetudines, capacitates, regiones, consuetudines, mores &
habitudines ad se venientium, in statera iusta compensans Dominus om-

nium, diuersarum apponit gratiarum panes, ne de inopia, alicui pauperum vel infirmorum iustæ suppetant excusationes. De agro igitur ventris IESV, in quo sunt omnes thesauri sapientiæ & scientiæ absconditi; tanquam de aceruo ritici vallato liliis, viginti quatuor panes (iuxta numerum viginti quatuor seniorum, in conspectu Agni astantium) ad compescendam omnem famem, ad sanandam omnem pestem, & ad remouendum omnem languorem; quanta potui sedulitate, interrumpendo curarum exundantium acies, in hoc Opusculo collegi. Hic enim numerus, tam filiorum Iacob quàm Apostolorum CHRISTI, duodenarium numerum duplicatum significat. Sub hoc etiam numero libri continentur veteris Testamenti. Plenaria igitur instructio animarum prælibatur ex hoc numero librorum, & nihilominus plena refectio apprehenditur ex hoc panum numero. Ab Oriente itaque & Occidente, à Septentrione & Meridie ad signum Abrahæ concurrentes; ne deficiant in via, de panibus miserationum Domini se se reficiunt, & defectibus suis perpetuam refectionem exhibent. Nam præter & supra naturam nostri panis quotidiani qui deficit cum reficit, panes Dominici sunt: qui è conuerso crescunt cum reficiunt, dum sumuntur non consumuntur, comminuuntur, sed non imminuuntur; immutant sumentes, sed à sumentibus non mutantur. Horum itaque singulorum nomina & virtutem breuiter prius perstringens, prout Dominus dederit, aliquantò latius subsequenter edisseram.

Panis, alius paruulorum & infantium, alius perfectorum & prouectorum. Item, panis alius azymus, alius fermentatus: Item alii panes primitiarum, alij propositionum: Item alius similagineus, vel triticeus, alius hordeaceus: Item alius lugentium, alius latantium: Item alius seruorum, alius filiorum, alius mercenariorum: Item panis alius subcinericius qui non reuerfatur: alius qui de multis speciebus confectus, pro fimo humano, bouino operitur: Item alius communis & plebeius, alius sanctificatus & solis congruens Sacerdotibus, alius coctus in clibano, alius in sartagine, alius in craticula: Item alius vnctus oleo, alius conspersus: Item alius calidus, alius durus & frigidus. Ecce panes, ecce mensa & seniores domus Israël qui cum junioribus comedunt, laudantes nomen Domini. Sed quis ministrat? Certè omnia vasa utensilia, & luminaria in vsu epulantium necessaria, *Moyse* tanquam *fidelis dispensator in domo Dei*, quæ est Ecclesia, administrat; præcipuè tamen in aquis parandis, vnde & nomen habet, officium suum exercet. Quid enim aliud, ordinem creationis totius creaturæ contexens, insinuat; nisi quando, & à quo, & vnde, & quomodo, & ad quid, hæc mensa siue massa vniuersitatis subsistat? Vnde terram fundatam animaduertere potes quasi mensam positam, cælum super & circumpositum, quasi mappam circum extensam: sicut & Arca circumtexta erat ex omni parte, auro: Firmamentum tanquam candelabrum, & in candelabro, duo magna luminaria, solem & Lunam, subluentibus stellis tanquam candelis. Aërem imbriferum, tanquam lauatorium vel infusorium: Rursus serenum, tanquam & exhibentem manutergium. Mare, velut omnium sordium emundatorium. Terram, panem & vinum, carnem & pigmentum, & aliud vitæ huius sufficiens sustentamentum naturæ sub-

Apoc.
4. 4.

Panis
natura-
lis & su-
perna-
turalis
discrimen.

Heb. 3.
5.

Huius
creatio
quasi
mensæ
apparatus fuit.
Gen. 1.

inferentem, ex moderatione spiritus cuncta regente & disponente. Hic ordo est in mensa historiae conuiuantium.

Deinde his ab historia satiatis surgentibus, & aliis satiandis in allegoria succedentibus, alius exigitur ornatus. Deliciorum namque animus, sensu historico tanquam legumine viliori parumper degustato, subtiliora quaerit, & elegantiora allegoriae sacramenta appetit. Paulus igitur, ad Paradisum siue tertium caelum raptus, quid ministraret & qualiter didicit, & prius in officio strenuus, postea incomparabilis in omni administratione sua enituit. Parauit delicias, non deliciosus, sed audus deliciarum ineffabilium reparator & contemplator. O quantos sudores coquus iste, in ciborum preparatione sustinuit: o quam studiosus palati alterius inuestigator & sui crudelissimus persecutor extitit: Gratosus dispensator iste, sermones exhortationum suarum, pro voluntate & utilitate Auditorum, sale gratiae nouit condire, & omni benedictione & gratia spirituali tanquam adipe superfundere. Hic, hic, Ecclesiam tanquam mensam habuit: mappam in mensa, fidem in Ecclesia, magna luminaria, quatuor Euangelia: Aquam Salomonis, Sacramentum Baptismatis: Panem & vinum, Eucharistiae mysterium: Cibos innumerabiles, sanctas viuitutes: Seruitores, distinctos Ecclesiae Ordines: Conuiuatores, vniuersos Fideles: Vestes epulantium mores Credentium: Fructus pomorum, exempla Sanctorum. Miser & miserabilis, qui non intrat in locum conuiuii siue *tabernaculi admirabilis*! qui extra est tanquam frater senior in agro, qui audit nec exaudit symphoniam unitatis & chorum charitatis, qui audit (sed extra) organum diuinae iubilationis, qui audit (sed exors) Psalterium modulationis. Qui enim intus est, letatur, qui extra, cruciatur. Qui intus est, satiatur in bonis, qui extra est, deficit in malis. O quam bonum & quam iocundum sedere ad mensam Pauli! Et haec refectio allegorica.

Mensa
Apo-
stolica
appa-
ratus spi-
ritua-
lis.
Psal.
41. 5.
Luc. 15.
25.

Mensa
coele-
stis ap-
para-
tus.
Dan.
7. 10.

1. Cor.
12. 3.

Surgendum est igitur ab hac, quia peregrinationis est mensa, & properandum est ad illam quae in patria, ubi caenat Sponsus cum sponsa. Mensa illa vera & aeterna, beatitudo Sanctorum est. Hanc exornat sapientia, hanc praeparat misericordia. Ad hanc non admittuntur nisi quorum nomina in libro vitae inueniuntur: *Millia millium* huic *ministrant*, *decies centena millia assistunt*. Ibi non aqua, non vinum potantur, sed plenissima iocunditas filiorum Dei, ab ubertate impletur. Saporum diuersitas non requiritur, quia omnis sapor in vno sapore percipitur. Quid plura? In contemplatione IESV, est refectio delicatissima, debriatio vltima, quies abundantissima, deambulatio spatiosissima, sanitas inconcussa, fortitudo robusta, omnium bonorum possessio secunda, vita beata. Respicis Ierusalem; & accipis desiderium; IESVS te respicit, & in se rapit animum. O mensa, quid es? Esne dicibilis? Esne saltem cogitabilis? Lingua certe immunda non te apprehendit, polluta labia & si de te, non tamen te loquuntur, quia *nemo potest dicere, Dominus IESVS, nisi in Spiritu sancto*: Vtinam, cor meum, vel tu intrares, vel ad te intraret illud! Sine dubio, si intrares, totum caperes: re vera, in vtroque felix, vel si caperetur, vel si raperetur. Nam si caperetur, caperet, si raperetur raperet. Quid autem caperet, vel quid rape-

ret? Fortè caperet cibum, raperet pomum? immò caperet Spiritum, raperet Deum. Non timeat qui ita capit vel capitur, quod criminaliter seu eiuliter accusetur. Es planè ò mensa immensa etiam in hoc admirabilis, nihilominus & amabilis, quia non exiit à te qui intrat ad te. Clauditur siquidem infra ambitum tuum, non tamen inclusus, verum plena beatitudine fœliciter circumclusus, & iocundè circumscriptus.

O carnis odiosum pondus, quo negatur exilire ad salutem! O fomes peccati, omni virtute confodiendus, quo detinemur in hanc necessitatem: O mensa Dei, vtinam anima mea in se propter te liqueceret, vtinam à se in se deficeret, vt se interficeret: O mira suauitas. Certè, stilus iste modo mihi iocundior est: ex quo enim de te cœpit scribere, promptior non destitit currere. Oro veniat ad te, non stilus scribens, sed anima diligens, non exaratio stili, sed deuotio cordis. Da buccellam panis, da fauam mellis, da poculum vini, vt refectione tua confortatus, de reliquiis tuis erogem pauperibus, & dignum aliquid dicam de scripturarum panibus. Iamjam veniamus ad panes; sed breuiter prius recolamus, quas in mensis conceperimus ascensiones. In prima mensa, à carne conscendimus ad animam: In secunda, ab anima ad spiritum: In tertia à spiritu ad Deum. In prima, viuimus, sed non semper: In secunda non morimur, & semper: In tertia mori non possumus aternaliter. Prima, est cella vinaria, secunda, cella aromatum, tertia, cubiculum. In prima vocamur, in secunda iustificamur, in tertia glorificamur. In prima cum sanctis, in secunda cum Angelis, in tertia erimus in Deo & Deus in nobis.

Spiri-
tualis
mensæ
Ascen-
siones.

CAPVT III.

De Pane fermentato, & fermento veteri, per exomologesim expurgando.

Iustus, in principio sermonis, accusator est sui. Quod autem sit emolumentum acculare seipsum, alia demonstrat scriptura: *Dictu*, inquit, *prior iniquitates, vt iustificeris*. Ecce copula, ecce mixtura vini & aquæ, fermenti & farinæ, veritatis & iustitiæ. *Veritas de terra orta est, & iustitia de cœlo prospicit*. Terra, peccator, veritas, est confessio. Iustitia quæ nouit figmentum nostrum fragile quidem, quia lutum, superbum quoque, quia de propagine transgressionis Adæ progenitum; de cœlo est, quia castrorum cœlestium custos est. Et forte ipsa posuit Suffraganeum, Cherubim & gladium flammeum atque versatilem, ad custodiendam viam ligni vitæ. Cherubim quidem, quod est, plenitudo scientiæ, ne per mendacium & blandas adulationes seduceretur: Gladium, ne sine incisione cordis confidens in obstinatione sua partiæ introitus, & à proscripso in exilium reditus eludetur: Flammeum, ne, tunicis indutus pelliceis & plumis obsessus, vanitatis mundanæ flammam contingeret inustus: Versatilem quia, cum iratus fuerit *Deus, misericordia non obliuiscitur*: vel, ne cuiuspiam fraudis velocitate, ingressus subriperetur. Iustitiæ obediunt hæc omnia. Cum parcendum de-

Prou.
18. 10.
Isai.
43. 26.
Psal.
84. 12.

Gen. 3.
24.

Ab. 3.

2.

Math.
19. 14.
Rom.
6. 19.
Veræ
pœni-
tentia
descri-
ptio.

cernitur, recondunt se in vaginam, cum feriendum, emittunt sagittas & fulgura vibrant: Incedunt erecta ceruice, contra insensatos, submittunt alas ad vocem humilium: & ad confessionem conuersorum: Peccantes persequuntur, confitentibus inflectuntur. Sumat itaque accusationis gladium, qui lignum vitæ esurit, reiecto excusationis scuto: sumat plenitudinem scientiæ, sumat imaginem, sumat veritatem quæ rotunda & versatilis est. His etenim insignibus & vexillis delinitur iustitia, vultum iam conuertens non iratum sed mitigatum, ad confitentem: sine, inquit, ô Cherubim, confitentes *ad me venire, talium est enim regnum cœlorum*. Abiecerunt arma iniquitatis, & arma iustitiæ assumpserunt: *sicut. n. exhibuerunt membra sua seruire immunditiæ & iniquitati ad iniquitatem*, ita nunc exhibent *seruire iustitiæ ad sanctificationem*. Ecce in ore veritas, in corde charitas, in conscientia puritas, humilitas in habitu, abstinencia in victu, modestia in incessu, castitas in aspectu, in omni loco oratio, in omni tempore meditatio, in toto corpore afflictio, in tota anima deuotio, desiderium ante Deum, lacrymæ die ac nocte ad Deum. Sic à sordibus pristinis lota flumine lacrymarum, deterfa veritatis linteo, accensa charitate, purgata confessione, ornata humilitate, cincta abstinencia, circumamicta modestia, castitate glorificata, oratione eleuata, meditatione suffulta, deuotione inuncta, desiderio in cœlis recepta, à nobis est approbanda, & ab Angelis honoranda. Anima sic iustificatur, quæ benè & plenè confitetur.

Dicendum est quare panem fermentatum, confessioni de peccatis, comparauerim, & quare eundem panem, omnibus aliis de quibus tractaturus sum praposuerim. Fermentum, peccatum est: vnde Apostolus: *expurgate vetus fermentum vt sitis noua conspersio*. Sicut enim fermentum vetustatis saporem & corruptionem massæ cui immixtum fuerit, diffundit: sic peccatum, castitatem omnium operum quibus se immiscuerit, adimit. Sic. n. ait Apostolus: *modicum fermentum, totam massam corrumpit*. Et Iacobus, *qui totam legem obseruauerit; offendit autem in vno, factus est omnium reus*. Ecce, quomodo peccati venenum siue fermentum, venarum meatus omnes inficit, vt omnes iustitiæ quas fecerat homo, postquam auersus fuerit, non recordentur. Quid ergo? Vincit ne malitia sapientiam? Quare dictum est ab Apostolo: *non sicut delictum, ita & donum*? Quæ est hæc iustitia? Reuera, sicut abyssus multa. Quis illustrare hanc profunditatem & mysteriorum abyssum poterit, nisi Deus *qui dixit de tenebris lucem splendescere*? Scriptum est, quia sapientia vincit malitiam: scriptum est, quia, *non sicut delictum ita & donum &c, Vbi abundauit peccatum, superabundauit & gratia*. E contrario scriptum est: *modicum fermentum totam massam corrumpit: qui totam legem seruauerit, offendit autem in vno, factus est omnium reus*. Hic dentes obtupescunt, hic, Isaac oculi caligant, & clarè videre non potest. Quis horum dissonantiam (ne dicam, discordiam) ad pacem, ad veritatis lucem deducere potest, nisi clauis Dauid quæ clausa aperit, confusa distinguit? Apposita igitur claue, vestes huius quæstionis facile sic resoluiamus. *Modicum fermentum totam massam corrumpit*: sed cum calcariibus peccati liberum arbitrium collum submittit, sed cum modicum

Rom.
5. 15.
1. Cor.
4. 6.
Rom.
5. 15.
Rom.
5. 20.
1. Cor.
5. 6.

Liberū
arbi-
trium.

dicum mali in quantitate operis crescit, exuberante affectu peccandi, & superat affectum reluctandi, assiduitas mali tam delectatione quam consensu. Tunc ergo, *modicum fermentum totam massam corrumpit*, cum (licenter & expedite) atrium animi, malitia inuadit, & nullum iustitiae seu disciplinae obicem inuenit. *Vincit* verò *sapientia malitiam*, cum subintrat gratia & soluit liberum arbitrium compeditum, nondum assurgente, nondum cooperante eo qui tenebatur in vinculis. Nam gratia sola, vincula soluit; solutis verò vinculis, liberum arbitrium sequitur gratiam, & inharet gratiae, ut deinceps gratia praesente & cooperante, liberum arbitrium persequatur inimicum & comprehendat auferens ab eo tributa seruitutis, & vendicans se se in ingenuitate libertatis. Vbi non erat gratia, modicum fermentum totam massam corrumpebat: & ubi venit plenitudo gratiae, excutit collum de sub iugo & regno peccati liberum arbitrium, & ita, *sapientia vincit malitiam*.

Sap.
7.30.

Exit ergo ad portam confessionis, compeditus (immò solutus ille) & proponit litem aduersus peccatum; narrat iniurias quas misera conscientia à peccato perpeffa sit, tenorem causae, tam integraliter exponit quam visceraliter dolet: verus enim dolor tangit eum. Ideò neque dicenda neque filenda omittit: In amaritudine enim est. Tempus quando exactori se vendidit usque ad minimum momentum exprimit. Locum, quia locus sanctus quidem appellatur, ad exaggerandam malitiam & suam miseriam, dicit. Modum facti, & quicquid à primo peccati motu usque ad introitum gratiae debacchauit in se mors, cum lacrymis exponit. Per ordinem, inordinata disponit. Emittere cineres extra castra cordis, ne saltem memoria Amalech in abortiuis suis reperiatur. Nam & peccatum & peccati memoriam subuertere funditus cupit. Sic veritas de terra oritur. Reformare quidem primae naturae & primi status ordinem primum vult, sed pendet quò natura ordine incederet si pedes tortos non haberet. Aliter enim pes reclusus, aliter tortus, per vestigia sua deprehenditur. Ordo itaque naturae iam per peccatum corruptae, peruersè graditur contra sanctae & à Deo constitutae naturae ordinem. Suis itaque vestigiis persequenda, & ab errorum exorbitatione ad veritatem est reuocanda. Quamobrem inuestigandum unde & quò ceciderat, nihilominus etiam, quā & quò reduci debeat inquirendum. Ut igitur status rationabilis naturae quis fuerit, ab initio utcumque apprehendamus, causam creationis, scientiam, potentiam & bonitatem Creatoris in vnum conferamus: & quale opus ex conflatorio tanti artificis, praeiacente causa non ignobili, produci potuerit & debuerit, excogitemus. Et causa quidem conditionis humanae (quantum Scripturarum insinuatione elucidatum est) aut reparatio Angelicae ruinae fuit, aut summi & incircumscripti spiritus, familiaris & certa inconcussa visio.

Colli-
get vir
mūdus,
cineres
vaccae,
& effū-
det eos
extra
castra.
Num.
19.
9. Ex.
17. 17.

Præter istas quæ in arcanis diuinæ mentis adhuc latent, multò his proculdubio excellentiores, nec non & subtiliores existunt. Deprehendi tamen non tenuiter, alterius vel vtriusque causae adminiculo potest, quod quærimus quàm præcellens videlicet ex sua creatione, humana natura extiterit. Nam in hoc (licet incuruatus gibbo inobedientiae) Adam remeti-

O o

se potest, si stellas cæli dinumerauerit: & non sicut stellas, sed supra stellas se semper mansurum fuisse si pedem non mouisset, animaduertit. *Sic*, inquit Dominus ad Abraham, *erit semen tuum sicut stella cæli*. Erit ex semine Abrahamæ, per fidei meritum, quod utique in Adam cum sobole sua esset nulla interueniente pœna vel morte corporis, si cooperante gratia obedientiam teneret. Erit in fine sæculi, per sanguinem Christi redempta hereditatis possessione, quod esset, sine pretio sanguinis impleta utique Sanctorum congregatione. Sine dispendio namque itineris & laboris peruenisset quò reportari crucis nauigio, CHRISTI manibus & brachiis in remigando valde fatigatis, vix quandoque poterit. In portu si expectasset, in aula penetralibus (absque angustiarum circuitu) de famulo in filium, Deus & Pater eum transfuisset. Pes eius neque sanguine tingeretur, neque puluere fœdaretur. Item, mortalitatem tam facile transiret, quàm leuiter vigilans in sompnum deductus quiesceret. In æqualitatem Angelicam, exutus carne mortali, tam citò consequeretur, quàm citò sol oriens, lucis radios secum ad contuentium obtutus deferre solet. Nimirum labor non multus expenderetur, si causæ à Deo homini paratæ, suus effectus per hominis obedientiam manciparetur. Non inclinaret cœlos partus Virgineus, si pomum prohibitum non contingeret Eua tactus temerarius. Sed causæ impedimentum attulit, ne viueret immortaliter & Angelicæ gloriæ sociaretur æternaliter, mandati præuaricatio & pomi comestio.

Locus quidem causæ satis contiguus, vt homo de Paradiso transferretur ad cœlum, persona nihilominus idonea causæ, vt homo obediens per obedientiam, sortem (propter inobedientiam) deperditam acciperet. Vt fidelis famulus, de lubrico mortalitatis enauigaret ad solidum portum immortalitatis, vt secundum rationalitatem & immortalitatem comparatus Angelis, in instrumento corporis adsequeretur per remunerationem quod nondum obtinuerat per creationem: fieret autem in Spiritum viuificantem, qui factus fuerat in animam viuentem, quatenus non solum necessitas moriendi, sed &abilitas tolleretur dum corpus quod erat animale fieret spirituale. Vnde Apostolus: *Si est animale, est spirituale*. Et animale quidem: tale erat ante peccatum, vt tam peccare quàm deficere per liberum arbitrium conditio mortalitatis posset si vellet, non posset si nollet: post peccatum autem, peccat & deficit etiam nolens: vnde Apostolus: *Vanitati creatura subiecta est non volens, sed propter eum in spe, quia & ipsa creatura liberabitur à seruitute corruptionis, in libertatem gloria filiorum Dei*. Post liberationem verò plenam quæ futura est in resurrectione communi, non peccabunt neque peccare poterunt, *sed erunt sicut Angeli Dei in calo*, quod est esse spirituale non animale.

Sed cum & ad spirituale necdum pertingas, ad animale verò, quale conditio constituit, redire nullatenus vales: animale corruptum interim attende qualiter renoues, & nondum reformatum sed putrefactum atque iumentis insipientibus comparatum, qualiter sustentes diligenter animaduerte. Dabis ei fœnum, quia animale est? Nequaquam! Est enim animal rationale mortale. Alio quidem pascitur pabulo, rationale; alio irrationale.

Gen.
15. 5.
Rom.
4. 18.
Si Adā
nō pec-
casset,
Sancto-
rum
congre-
gatio
sine
pretio
sangui-
nis
Christi
impleta
fuisset.
Qualis
futurus
erat sta-
tus ho-
minum
si Adā
nō pec-
casset
Chri-
stus nō
incar-
nandus
si Eua
pomum
non co-
tigis-
set
Arbi-
trii li-
bertas,
Rom.
3. 10.

Math.
22. 30.

Fæno alitur irrationale, pane reficitur rationale. Itaque panem nostrum animali (quia rationale est) ministremus, sed fermentatum quia corruptum est & abominale factum in studiis suis. Nec apponamus prius azymum, sed fermentatum deinde azymum: quia non prius quod spiritale, sed quod animale, deinde quod spiritale. Nam ut indecens est vinum novum mittere in vires veteres: sic stomacho iniquitate corrupto, & dentibus putridis propter mendacia labiorum, panem azymum qui corruptionem non vidit, cum periculo anteponimus. Probet enim se prius homo, & sic de pane illo, id est, azymo edat. Iudas, buccellam panis quidem azymi accepit, sed medius crepuit. Vis enim magna, discernens mundum ab immundo in pane illo, cum stercorebus auaritiæ & infidelitatis Proditoris, non patitur immorari. Est in ruinam & in resurrectionem multorum. Est odor mortis in mortem, est odor vite in vitam. Aut purgat, aut necat. Si sanabilis es, curat te, si insanibilis, ægritudinem augmentat. Medicina est. Morbus si curabilis est, apta medicinam: quia si qualia oportet purgari, purgentur, confert & beneferunt: contraria verò importunè fumentur, ut qui sine reuerentia & sine delectu panem sanctum accipit, plus ei sua irreuerentia obstat quàm cibi sanctitas profit.

Qui ergo in iniquitatibus suis adhuc, velut sus in volutabro luti submergitur: panem fermentatum in sudore vultus sui comedit gemens & dicens: *Iram Domini, quia merui, portabo*. Indignum se ad panem azymum comedendum contestetur, & dicat: *Domine non sum dignus ut intres sub tectum meum, sed tantum dic verbo & sanabitur puer meus*. Sed quid est fermentum? Vindictam de peccato, fermentum esse credo. In pane siue confersa farina, commiscetur fermentum quando *ira Dei de cælo reuelatur super omnem animam hominis operantis malum*. Sed patienter flagella Dei sunt toleranda, quia cibus sunt ut reficiant. Et qui cæpit, inquit Iob, ipse me conterat. Potest enim figulus luti, vas perditum (& si confregerit) in melius reformare. Sic, credidit Abraham Deo, & reputatum est illi ad iustitiam, quia contra spem in spem credidit. Quid est, contra spem in spem credere, nisi cum flagellauerit Deus, tunc amplius in eum sperare? *Etiamsi occiderit me, in ipso sperabo*, ait Iob. Et ille qui contra spem in spem credebatur, non considerauit corpus suum emortuum, nec vuluam. Saræ sterilem cui defecerant muliebria. Sic peccator, licet iam sit emortuum corpus eius, senio vel languore: credat tamen adhuc venas misericordiæ in Deo palpitare, quibus iustificat impios, quibus viuificat mortuos, & vocat ea quæ non sunt. Apud eum damnum in ore non imputatur, duntaxat si pleha destitutio, plenis gemitibus, vel in extremo vitæ reformetur. Pulsat ad ianuam, quia nondum clausa est dum viuit homo, dum confitetur, dum ingemiscit, dum spiritus est in naribus eius. Comedit panem fermentatum, & sacrificet de fermentato laudem. De fermentato enim laudem immolat, qui veram confessionem de peccatis celebrat. Ut enim peccando, Deum contemnebas: sic confitendo honoras. Confitemini igitur Domino quoniam bonus, quoniam in seculum misericordia eius. Amen.

1. Cor.

1.

Pericu-

lorum

plena

est in-

digna

corpo-

ris Ch.

com-

munio.

Matt.

9. 17.

1. Cor.

11. 28.

Luc.

2. 34.

2. Cor.

2. 10.

Mich.

7. 9.

Matth.

8. 8.

Rom.

1. 18.

Iob.

6. 9.

Galat.

3. 6.

Iob. 13.

15.

Sacrifi-

care, de

fermē-

tato,

laudē.

Am. 4.

Pf. 105.

1.

Venit igitur Dei Filius natus ex Virgine, absque fermento culpæ, & tulit de massa humanæ naturæ, solummodo farinam incorruptæ carnis, non fermentum seu fomentum Originalis peccati. Cribro namque Spiritus sancti euentilauit fursur iniquitatis, à sacrosancta carne concepta in vtero & de vtero Virginis. Animam quoque rationalem, in vnitæ Personæ, sibi assumpsit. Et carnem quidem in sacrosancto Cœnæ conuiuium, tanquam reparationis azyma nobis apposuit, & statim, in cruce pascha nouum instituens, obtulit. Animam verò ad spolianda Tartara transmisit. Hic conceptus exterminauit fermentum, hic natus destruxit peccatum. Nam *quod impossibile erat legi, vt ait Apostolus, in qua infirmabatur per carnem*: scilicet destructo peccato, iustificare hominem: *Deus filium suum misit in similitudinem carnis peccati, vt de peccato damnaret peccatum*, id est, nouo, veterem, azymo, fermentatum. Repurgati igitur animo & spiritu: *in azymis sinceritatis & veritatis*, diem redemptionis nostræ de Ægypto, id est, peccato vel diabolo solemniter recolamus. Reminiscimur certè quàm immisericorditer exarserunt in nobis ferui Pharaonis, ad opera luti & lateris, supra quam possibile erat nos cogentes. O misera anima, cui nec paleæ transitorie fœlicitatis olim in Ægypto dabantur, & tamen exactione diabolica, coinquinationis & maculæ opera exigebantur? Corpus quidem immergebatur in concupiscentiis carnis, anima absorbebatur à desideriis malignis: nec sic satisfiebat Spiritibus erroris! Non. n. ingluuius satiatur Dæmonis, quamdiu superest animæ spes correctionis. Extra guttur enim & ventrem sentit: quem non retinuisse per desperationem gemit. Nam de mediis eius dentibus & faucibus multos ereptos vncino conuersionis, fuscinulâ confessionis, & tridente supernæ miserationis, in æternum & vltra congaudet Abrahæ sinus. Quandiu tamen luce veritatis nondum superfusa ignorantie tenebris caligabat anima, quod ducebat spiritus malus, sequebatur nec conquerebatur. Vilissimis porcorum alebatur cibus, pro balneo, utebatur immundissimis Ægyptiorum spurcitiis. Ollas carniū, cepe & allia, vt conspectibus Creatoris abundantius fœteret, vorabat: azyma ignorabat: Manna non nouerat.

O anima misera & miseranda: non est qui consoletur te ex omnibus charis tuis! sed tu, misericors & miserator Domine, exaudi, placare, attende & fac. Quicumque etiam habes animam, si cœlestem eius generationem, si parentis expectabilem dignitatem recitaueris: propensiori miseratione, super eius contumelia afficietis. Nam etsi natiuitatis suæ instrumenta (forte, quia in seriniis Angelorum reposita seruantur, ne hostili interuersione vel tineæ comestione corrodantur) non proferat: attestatione tamen idonea id asseueratur, quod à Deo facta & ex Deo regenerata, Regis filia nuncupatur. Puella generosa, tenera & delicata, formosa & candida, ignara doli, laboris insueta, virtutum capax, damnatrix vitiorum, artium inuentrix, constans in amore, verax in promissione, larga in donatione:

Animæ
digni-
tates
natura-
les.

DE PANIBVS, LIBER.

293

socialis ad ciues, affabilis ad omnes. Denique rapitur puella: ô crimen! generositas ancillatur: ô pudor! delicata laceratur: ô pietatis naufragium! formosa denigratur: ô damnum pulchritudinis! obscuratur candida: ô gloriæ conuitium! ignara doli fraude seducitur: ô iustitiæ exitium! infueta laboris, labore atteritur, ô miserationis exilium! capax virtutum, virtutibus euacuatur: ô exclusio bonorum! Vitiatur damnatrix vitiorum: ô commutatio Damonum! inuentrix Artium, inuentorum obiuiscitur: ô ignauia pabulum! in amore constans, instabilis inuenitur: ô naturæ lubricum. Verax in promissione, quotidie mentitur: ô peregrinationis inuium! in donatione larga, in auaram vertitur: ô exsiccatio venarum! socialis, sine fœdere: ô vitæ corruptionem! affabilis, infrunita redditur: ô coagulum dilectionis vastatum! O clementia Creatoris: eripe illam de ore leonis, restitue illi statum libertatis, reponere in deliciis pristinis, reforma deformatam, renoua obscuratam, libera deceptam, amoue laborem, redde virtutes, cura vitiata, doce oblitam, confirma lapsam, pone in veritatis viam, destrue auaritiam, fœdus societatis constitue, affabilem redde.

Ecce, anima quindecim gradibus quibus peccando corrueras, pœnitendo azima sinceritatis recipias. Quot namque casibus à Deo recessimus tot gradibus virtutum, ad ipsam Dei virtutem, pennis desideriorum reuolamus. His, de Ægypto ad terram promissionis ascendimus: his, ad altare thymiamatis, veste sacerdotali insigniti procedimus: his, promissiones noui & veteris Testamenti consequimur: his, denique ascensis, epulamur in azymis sinceritatis & veritatis. Hæc Pauli verba de azymo pane, non dissonant ab eo quod scriptum est in Exodo, de eius obseruatione. *Septem diebus, inquit Moyses, comedetis azyma, in die primo, non erit fermentum in domibus vestris, quicumque comederit fermentatum à prima die vsque ad septimum, peribit anima illa de cœtu Israël.* Explanandum itaque, quæ sit prima dies, quæ secunda, quæ tertia, & vsque ad septimam, quid in se sacramenti contineant. Prima dies populi Domini est, per fidem illuminatio mentis: Secunda, ipsa professio Fidei. Tertia, susceptio visibilis Sacramenti: Quarta, operatio Fidei: Quinta, discretio boni & mali: Sexta, pro Fide seruanda, tolerantia passionis: Septima, optata quies à vitiis. A prima igitur die vsque ad septimam, quicumque fermentatum comederit, peribit de cœtu Israël: quia sortem nullam habebit in regno CHRISTI & Dei, qui spiritui gratiæ contumeliam faciens, redit post conuersionem fidei ad vomitum infidelitatis. Vnde Apostolus, *Impossibile est, inquit, eos* Heb. 6. 4. *qui semel sunt illuminati, gustauerunt etiam donum cœleste, & participes facti sunt Spiritus sancti, gustauerunt nihilominus bonum Dei verbum virtutesque saculi venturi, & prolapsi sunt, renouari rursus ad pœnitentiam, rursus crucifigentes Filium Dei, & ostentui habentes.*

Prorsus inlinuat vis sententiæ, quàm graue sit, post conuersionem delinquere, hoc est, à primo die vsque ad septimum, fermentum comedere. Cauendum (iuxta Euangelium) à fermento Phariseorum, quia modicum fermentum vitiorum: totam massam corrumpit virtutum. Qui n. totam legem, &c. attende modicum fermentum totam massam corrupisse: in vno pecca-

O o iij

Anima
lapsus,
gradus
quin-
decim.

1. Cor.
11.
Exod.
12. 15.

Heb.
6. 4.

Matth.
6.
Gal.
5. 9.
Iac. 2.

to Adæ, tota infecta est posteritas filiorum. Satis quidem modicum fermentum prauæ delectationis, sed plusquam satis grande & graue tormentum iustæ condemnationis. Certè, duriori tormento & longiori momento pœnaliter afficitur, qui vel ad modicum fermento concupiscentiæ secularis delectatur. Vnde Iob : *Vinam appenderentur peccata mea quibus iram merui, & calamitas quam patior, in statera ! quasi arena maris hæc grauior appareret* : quasi diceret : Si hinc inde, iusto & æquo moderationis libramine pensetur culpa & pœna, incomprehensibiliter grauius affligit pœna, quàm delectauerit culpa. Nam ad punctum & in modico tanquam spuma aquæ defluxit, vel sicut fumus de fumario euanuit peccati delectatio : sed internaliter extenditur prolixitate & anxietate atrocium pœnarum excruciatio. Timendum igitur & abstinendum à fermento, à primo die vsque ad septimum : vt cum illuminatus fueris luce fidei (quæ præcedit omnia opera Dei & dei) non denuò redeas ad confusionem antiquarum & antiquandarum tenebrarum. Lucifer enim qui retrorsum præsumptione superba, suum amorem in seipsum conuertendo respexit, primam diem fermentauit : & ideo, de cœtu filiorum Israël, id est, Angelorum qui Deum amore & obedientia sequuti & adsequuti sunt, æterna periit, & loci & meriti sequestratione. Non itaque retro respicias, sed cum sanctis animalibus semper ante faciem tuam, *vbi est impetus Spiritus* : sine retrogradatione tendas & contendas. Nemo n. mittens manum suam ad aratrum & respiciens retro, aptus est regno Dei.

Hoc de fermento primæ diei : videndum est de fermento secundæ. Redarguit Paulus quosdam, qui fidem Euangelii professi iam quasi Firmamentum relucebant in medio nationis prauæ & & peruersæ : sicut Firmamentum diuidit aquas superiores ab inferioribus, quia fermentare firmamentum Evangelicæ fidei volebant, Cum Sacramento enim baptismatis, quod est sufficiens emundatio cunctarum leprarum : * Reconcisionem quasi necessariam superinducebant, & ita, veteri fermento, nouitatem gratiæ confundebant. Ait itaque *si circumcidamini, CHRISTVS nihil vobis proderit*. Et alibi : *Vinam abscindantur qui vos conturbant, qui enim cogunt vos in carne circumcidi, &c.* Ecce quomodo condemnandus est, qui spiritu mentis suæ renouatus & professione religionis inter aquas cœlestium virtutum & aquas desideriorum carnalium constitutus ; illas sitiens, istas siccans, illas attrahens, istas extrahens, illas sorbens, istas absorbens, si, quæ destruxerat, iterum reedificat : si, quod lauerat, iterum condemnat : si dissoluit quod statuerat. In templo cordis tui non statuas statuam Dagon cum arca sanctificationis : non filium Veneris, cum Filio Virginis : non Beelzebub cum IESV. *Quæ enim communicatio CHRISTI ad Belial* : In die itaque Azimorum, ne gustes fermentum ; quia exterminaberis de cœtu filiorum Israël.

Et hoc de fermento secundæ diei : nunc de fermento tertiæ diei. Parum est corde credere ad iustitiam, nisi ore confitearis ad salutem. Præcedens igitur illuminatio gratiæ, & sequens professio fidei, exigunt susceptionem visibilis Sacramenti. Vnde Dominus in Euangelio : *nisi quis renatus fuerit ex aqua & Spiritu sancto, non potest intrare in regnum cœlorum*. Regeneratio

* Circumcisione.

Gal. 5.

2.

Gal. 5.

12.

2. Cor.

6. 15.

Rom.

10. 10.

Spiritus, ad inuisibilem pertinet cordis fidem: regeneratio verò ex aqua ad visibilem, id est Sacramentalem. Hinc enim est quod in tertia die dictum est: *congregentur aqua quae sub caelo sunt, in locum vnum: & appareat arida;* Gen. 1. & *germinet terra herbam virentem & facientem semen, & lignum pomiferum faciens fructum iuxta genus suum, cuius semen in semetipso sit super terram.* Aliter, non apparet arida nisi aqua congregentur in locum vnum, quia non est vultibus diuinitatis anima digna, nisi in vna Fide Catholica omnia Ecclesiae consummauerit Sacramenta. In locum autem vnum bene dicuntur congregari omnes aquae, quia in vnitae Fidei & Charitatis conueniunt, tam Sacramenta quam charismata omnia. Tunc apparet arida ab immunditiis idolorum & praecedentium delictorum. Tunc germinat *herbam virentem & facientem semen*, quia quod in visceribus fidei eius adhuc latebat, erumpit in germen & facit fructum sursum in conspectu Dei & Angelorum atque hominum. Huius diei nouitatem & puritatem fermentare voluerunt, qui rebaptizandos homines docuerunt. Semel namque susceptus Baptismus non reiteratur, quia CHRISTVS semel pro peccatis nostris mortuus est, semel resurrexit, & *iam non moritur, mors illi ultra non dominabitur*: rursum autem CHRISTVM crucifigit, qui rebaptizare instituit. Qui ergo fermentum in hoc die comederit, id est, qui rebaptizatus fuerit: peribit de cœtu filiorum Israël.

Et hoc de tertiae diei fermento: iam de quarta videamus. Quia, ut ait Iacobus, *Fides sine operibus mortua est*: necesse est, ut anima fidelis, *per filiorum*, id est, bonorum operum *regenerationem* saluetur: *filij n. servorum habitabunt in saeculum saeculi*, quia illius fides remuneratur, quae bonorum operum filiis accumulatur. Sunt autem fidei fructus in anima relucens & vniuersum orbem vitae humanae illuminantes, sicut magna luminaria in Firmamento caeli: quae quarta die facta sunt. Habet verò anima duo magna luminaria, *Luminare majus ut praestit diei, & luminare minus ut praestit nocti*, cum implet duo Praecepta charitatis: vno, diem contemplationis, altero, noctem actionis suae illustrans. Stellarum quoque varietate innumerabili vestit & venustat tunicam polimitam Ioseph, id est, Ecclesiam in sanguine IESV redemptam; cum prophetat secundum rationem Fidei, cum *tribuit in simplicitate*, cum *praest in sollicitudine*, cum *miseretur in hilaritate*, cum diligit sine simulatione, cum adharet bono; cum loquitur veritatem & pacem diligit. Haec sunt stellae quibus semen Abrahæ comparatur, haec *penna columba deargentata*, quia super pennas volatur. Haec varietates quibus Reginae vestimenta vermiculantur. Sunt denique & contra aduersarias Fortitudines, mille clypei in Sion, quae est turris David, dependentes. Fortis est anima sic armata; pulchra, sic ornata; calida, sic vestita. Praeclara nouitas diei quarta! Sed ecce hypocritae tanquam equus pallidus quem sequebatur mors: sed ecce falsi Christiani pro quibus dicitur; *ecce in pace amaritudo mea amarissima*! fermentum hypocrisis, fermentum interunt schismatis. Qui enim dicit; *faciamus mala: ut veniant bona*: qui dicit, vanus est qui teruit Deo: qui dicit, non est resurrectio mortuorum: qui dicit, Fato reguntur omnia: qui dicit, aliter res euenire

Rom.
6. 9.Iac. 2.
20.
1 Tim.
2. 15.
Pl. 101.
29.

Gen. 1.

Gen.
37. 3.
Rom.
12. 8.
Plal.
67. 14.Pl. 38.
17.
Rom.
3. 8.
Fato

meritum tollitur. *Isai. 59. 5.* non possunt, ut Fato tollant meritum, & negligentiam extollant: & alii huiusmodi fermentum comedunt & comedendum suggerunt, & de cœtu filiorum Israël peribit anima eorum. Sed *tela aranea texuit, & quod conformatum est erumpet in Regulum, quicumque comederit de ouis eorum, morietur.*

Et hoc de fermento quartæ diei: nunc defermento quintæ. Omne illud animal lex decreuit immundum, quod non ruminat & ungulam non findit, quia nullum opus bene placet diuinæ maiestati, quod non commendat virtus discretionis. Hinc etiam est quod non ministrat *tortum vel paruum nasum habens*, valde namque indecens est, fræna regiminis ei committere qui nunquam apprehendit frænum disciplinæ. Qui prorsus indilcretus est, nasum non habet: qui discernit, sed insufficienter; nasum habet, sed paruum: qui sufficit discernere, sed negligit; nasum habet, sed tortum. Non contingat talis sacrosancta Domini vasa. Ecclesia verò quæ *omnia sua in numero & mensura & pondere discernit*, quæ in statera iusta, singula singulorum membrorum appendit; nasum dicitur habere *sicut turris David*. Opus nimirum quintæ diei huic discretioni conuenit, in quo dicitur: *Producant aqua reptile anima viuentis & volatile super terram, sub Firmamento cœli*. Hic discretio baptizatorum notatur, quia alii seruata fide & deuotione baptismatis, nunquam de sinu Ecclesiæ exeunt, alii per superbiam euolantes, immò euanescentes in aëra præsumptionis & vanitatis, blasphemias hæreses confingunt. Hic, hic necessaria est Ecclesiæ discretio, ut nouerit, pios sensus (sicut columba, electa grana) deligere; vocem funestam hæreticorum cum profana nouitate, deuitare. *Neceesse est*: inquit Apostolus: *& hæreses esse*. Quare? *ut, probati, manifesti fiant*. Et alibi; *nolite omni spiritui credere, sed probate spiritus si ex Deo sunt*. Imploranda est ergo discretio spirituum, ut discernamus spiritum qui solvit I E S V M, à spiritu qui manifestat I E S V M in carne venisse. Non seducat simplicitatem nostram, qui seduxit Euam astutiâ suâ, *transfigurat enim se in Angelum lucis*, & fermento fraudis suæ corrumpere nititur bonitatem fidei nostræ. Cauendum, non comedendum hoc fermentum. Et hoc de quintæ diei fermento. Iam transeamus ad sextæ diei fermentum.

Tolerantia passionis pro fide, sexta dies est. De hac dicit Dominus in Euangelio; *qui me confessus fuerit coram hominibus, confitebor & ego eum coram Patre meo*. Consummatio fidei, & totius infidelitatis consumptio est, pati pro C H R I S T O. Rara hæc virtus, sed chara, & eo charior quò rarior. Ad hanc virtutem non peruenit nisi qui habet imaginem filii Dei. Nam, sicut in superioribus, singularum dierum opera, his animæ diebus singulis, exponendo comparauimus: sic, & in hac sexta; opus quod in ea factum est, considerandum est & coaptandum. *Faciamus*, ait Dominus, *hominem ad imaginem & similitudinem nostram*. C H R I S T V S qui est Patris filius; *obediens fuit ei usque ad mortem, mortem autem crucis*. Poteris igitur imaginem & similitudinem Dei in te repingere, si pro Fide C H R I S T I poteris occumbere: tunc enim, quasi ceræ sigillum imprimatur, cum morti C H R I S T I mors nostra assimilatur. Et cera quidem prius emollitur, cum anima diuino desiderio in conflatorio gratiæ ad configurationem

rationem corporis CHRISTI accenditur : & accedit tandem sigillo, vel etiam concedit in sigillum; cum de latere CHRISTI pendet in contumeliarum perpeſſione, in flagellorum caſtigazione, in membrorum diſtenſione, in vltima ſpiritus emiſſione. Bene reſignauit ſuam Deus imaginem in Martyre ſuo: vt qui iam illam primam & veram (præ clarificatione & præ exaltatione ſupercœleſti) non valemus videre imaginem iuxta nos configuratam; per paſſionem, reſpiciamus imaginis imaginem. Fermentum huius diei, æſtimo illorum Pſeudomartyrum paſſionem, qui potius pro vana quàm pro vera gloria occumbere non reſpuerunt. Et hoc fermentum in tabernaculis luſtorum non inuenietur: non enim pœna, ſed cauſa martyrem facit: Vnde in Euangelio, cum diceretur, *beati qui perſecutionem patiuntur*: additum eſt: *propter iuſtitiam*, vel etiam *propter nomen meum*. Solus igitur CHRISTVS, in conſpectu tuo, crucem ſuam baiulans conſtituatur cum de pœna ſuſtinenda animum interrogaueris, & corpus expoſueris. Sic, in ſexta die, à fermento abſtinebis.

At, iam iam ad requiem ſeptimæ diei cum Apoſtolo *feſtinemus ingredi*, vbi abſterguntur & ab animo illicita: & à corpore, moleſta. Nam tunc non erit graue abſtinere à fermento peccati, cum iam abſorpta fuerit mors in victoria reſurrectionis. De hac dicit Iob: *In ſex tribulationibus liberabit te Dominus, & in ſeptima non tanget te malum*. Ita enim à tribulatione erroris primùm liberat animam Deus, cum illuminat per fidem: ſecundò, à ſuperſtitione religionis; cum docet non ſolum rectè offerre, bene volendo ſed etiam rectè diuidere, ſapienter opera ſua diſcernendo: tertio, à boni propoſiti violatione cum omni ſtudio & cura inordinata componere, errata corrigere, immunda emundare, fluxa reſtringere, & faciem cordis ab omni ſuperficie liberare: quartò, à duplici ignorantia, ſcilicet, vincibili & inuincibili: cum per Solem ſupernæ illuſtrationis, *occulta ſapientiæ* ſuæ manifeſtat nobis ſecundùm quod notum eſt Dei, id eſt, noſcibile de Deo: & per Lunam Sacramentorum ſuorum, in nocte condensa, donec dies illuſceſcat, conſolatur tenebras noſtras. Quintò, ab intemperantia moderatur, cum nec deprimitur in aduerſis, nec extollitur in proſperis, cum nouit, & proximorum neceſſitatibus condeſcendere, & altæ contemplationis alas expandere. Sextò, à commotione & tempeſtate perſecutionum roboratur, cum fortior ſurgit de vulnere, & de inſtabilitate aquæ tranſit in criſtallinam ſoliditatem, & de molli teſtacea fragilitate proficit in gloriam impaſſibilitatis. Vnde *aruit tanquam teſta, virtus mea*. Ecce, in ſex tribulationibus liberabit te Dominus: In ſeptima quid? *nou tanget te malum*: Quare? quia *Iuſtorum anima in manu Dei ſunt & non tanget illos tormentum mortis, illi autem ſunt in pace*. Bene erit in extremis terræ, animæ quæ ſic à primo die vſque ad ſeptimum non comederit de fermentato.

Postquam autem fermentum malitiæ & nequitiae, à domo conſcientiæ depulſum fuerit: nouitas ſpiritus, tanquam azima, in ordine liberationis noſtræ ſuccedit. Vt enim parum eſt, exire de Ægypto, niſi terram Promiſſionis intraueris: ſimiliter, non ſufficit declinare à malo, niſi bonum feceris. Omne autem bonum imperfectum eſt niſi ſit conſummatum: Vt

Pp

imagi-
nem in
marty-
re.

Fermē-
tum
pſeudo-
marty-
rum.
Marty-
ri quid
ſit co-
gitan-
dum.

Math.
5.
Hebr.
4. 11.
1. Cor.
15. 54.
Iob. 5.
19.

Igne-
rantia
duplex.
Pſalm.
59.

Pſal.
21. 16.
Iob. 5.
19.
Sap. 3. 1.

Math. 10. 22. verò habeat confirmationem, duret vsque in finem: *qui enim perseuerauerit*, ait Dominus, *vsque in finem, hic saluus erit*. Septem itaque diebus, Azima comedenda: id est, omni tempore, spiritus, anima & corpus seruari debet sine querela.

Psal. 6. 21. *Moraliter*. Qui seculari habitu & conuersatione, tanquam *Ægypto*, relicta: ductu & auctoritate diuinæ Legis diuinique amoris, quasi *in manu Moysi & Aaron*, in solitudinem Religionis ingreditur: fermentatam timeat habere conscientiam; quia periculose, de fermento sæculi, à Professo Religionem gustatur. Non est autem interdictus panis fermentatus, habitantibus in *Ægypto*, tam irrevocabili auctoritate vel austeritate, quia nimirum non constringebantur ore proprio, huius mandati religione. Est autem Voti præuicatio, mortis attritio. Qui citra votum delinquit, est quasi equi pullus, qui sine freno in præcipitium currit: qui autem contra votum facit; quasi qui corruens in frænum impingit. Planum est itaque, lapsum sine impedimento obligationis, demùm facilius posse resurgere quàm illum qui utroque indiget, & casus, scilicet, & impedimenti subleuatione. Non tamen *Ægyptus* idcirco felicior vel securior quia impurius: hoc enim esset malefacere, vt euenirent bona, si ob hoc religio non succiperetur, ne postea grauius ex transgressione arrepti propositi condemnaretur: iam enim is pro malo infidelitatis punitur, cuius animus tali timidine à bono reprimatur. Talis est, huiusmodi formidine detentus, qualis, qui de *Israëlitis*, consideratione Maris rubri, vel acerbitalis deserti, *Moyse* non esset secutus.

Veniamus igitur ad Desertum religionis, & comedamus Azyma renouationis. In *Ægypto*, nec nominatur Azyma: totum fermentatur, totum corrumpitur. Melior dicitur, qui corruptior. *Coinquinatis & Infidelibus* nihil mundum, vt ait Apostolus, sed polluta sunt eorum mens & conscientia. Etiam quiescens *Ægyptus* ab operatione exteriori, iuxta quod dicit *Salomon*: *manu in manu, non erit innocens malus*. Dum non animaduertit, fermentatur. Sicut pasta, non solum cum ei admiscetur fermentum, fermentatur: sed multò magis, cum à commixtione cessat qui commiscuit, & ipsa pasta bene cooperta quasi quiescens obdormit. Sic animo concepta malitia, etsi videatur aliquantò tempore, fortè, quia deest occasio, à malo opere cessare, eò tamen quasi acrius sæuit in corde, quò non transit in opere. Vnde *Oseas*: *paululum ciuitas cessit à commixtione fermenti, donec fermentaretur totum*: quasi diceret, vt studiosius cogitatum perpetret malum: callidiùs pro tempore, retrahit manum. Confotum enim stupatum superiectione incendium, non dormit sed serpit, non extinguitur, sed reficitur, sic voluntas mala, velut flamma latens vorat tandem suppositas necessitates, & reiicit, velut torrens, dilationum obices. Perfectorum est quod timore simulatur, friuolum quod voluntariè non agitur. Vt ergo septem diebus azima comedamus, voluntariè Deo sacrificemus: & ex animo, *in sanctitate & iustitia omnibus diebus vite nostre, illi seruiamus*. Hæc, sufficiant de pane azymo.

DE pane Paruulorum sic loquitur Hieremias : *Paruuli*, inquit, *petierunt panem, & non erat qui frangeret eis.* Panem frangit, qui Legem Thre. 4.4. exponit : fragmenta recolligit, qui in memoria sensus Scripturarum fideliter reponit. Est autem Doctorum, panem frangere, est nihilominus Paruulorum, fragmenta edere. Si non fregerit Doctor, negligentia arguitur. Paruulus, si neglexerit suscipere, fame periclitatur. Cibum tamen solidiorem non usurpet, qui lactis est particeps, quia aut gingiua dentibus nondum armata laedentur, aut angustum oesophagi siue gutturis foramen forte obturabitur : Quorum alterum, malum, alterum, pessimum. In altero enim laesio, in altero praesumptio hominis : Vnde Apostolus *non*, inquit, *superbe sapere, sed sapere ad sobrietatem.* Periculosior est superfluitas, quam parcitas, nimietas, quam raritas : & quandoque grauius agrotatur ex superabundantia, quam ex inopia : faciliusque vacua corpora replentur quam exinanuntur. Neutrum tamen bonum : neque nimia repletio, neque immoderata exinanitio. Quod autem temperatum est : id sanum, id sine dubio laudabile est. Ideo ait : *non superbe sapere, sed sapere ad sobrietatem.* Ne in immensum forte praesumendo glorieris, attende quia homo : ne desperando, in profundum demergaris, attende quia es Dei imago. Supra se extolli, praesumptuosum : infra se deiici, meticulosum. In misericordiae lucem nimium prorumpens, reuerberatur, in umbrarum crassam spissitudinem proruens, aequè excacatur. Velat Seraphim caput suum, non reueles, velatos quoque habet pedes : certè, velum hoc euellere, si rompheam videris, non audes.

Satis & multum ad te : immò & supra te, videre quae in prospectu sunt & non volantur ut illa quae in Canticis, de Sponso, amicis Sponsi, à Sponfa demonstrantur. *Oculi*, inquit, *eius sicut columbae super riuulos aquarum, quae lacte sunt lotae & resident iuxta fluentia plenissima :* Genae illius sicut areolae aromatum confite à pigmentariis : *Labia eius distillantia myrrham primam.* Canr. 5. 12. 13. *Manus illius tornatiles, aureae, plene hyacinthis :* Venter eius eburneus, distinctus saphiris : *Crura illius, columna marmorea quae fundatae sunt super bases aureas.* Quid plura ? *Species eius ut Libani, electus ut Cedri :* Guttur illius suauissimum, & totus desiderabilis. Si mater es & visceribus tuis lactando filium nutris, farinam hanc de IESV commisce, & potentiam vel pulres exhibe : Si pater, per membra diuide, & conuiuatoribus tuis optimas partes propone. Sed quia paruulorum curam & dispensationem praemanibus habemus : iuuante gratia, tanquam matre Rebecca epulas vteri nostri paruulis praeparemus. In contemplatione oculorum Sponsi, apprehendimus simplicitatem & innocentiam : In genis quae sunt areolae aromatum, compositae à pigmentariis : pietatem & modestiam, quas in narratione miraculorum & operum eius, fideli executione, vel ad instructionem, vel ad delectationem intuentium, Apostoli quasi pigmentarij conseruerunt. In labiis distil-

lantibus myrrham primam, mortificationem & abstinenciam. In manibus quæ sunt *tornatiles aurea plena Hyacinthis*, operationem optimam perfectam, & remuneratione cœlesti plenissimam. In ventre eburneo distincto saphiris naturam nostram fragilem quidem sed castam: & modo diuina, modo humana operantem. In cruribus fundatis super bases argenteas: rectitudinem & firmitatem à diuina prædestinatione præscitam, & à Sanctis Prophetis prædicatam. In specie quæ est vt Libani siue Cedri, sublimitatem in Resurrectione à Deo Patre adeptam. In gutture suauissimo, internum saporem & verborum dulcedinem. In eo quod totus est desiderabilis, diuinitatem, & humanitatem, vbique & semper desiderabilem.

Ecce de incomprehensibili maiestate, tenuem & leuem sorbilenque cibum paruulis nostris apposuius: latiora verò & ampliora gestantes intellectus palata: ad vberiores remittimus mensas. Qui enim tanquam Cerui super montes aromatum discurrunt; saltu diffusiori delectantur, & gustu propensiori reficiuntur: Qui autem tanquam bestiola de antro suo nondum egreditur, necesse est vt de adquisitis paterni vel materni circuitus, in ipsis suis cubilibus pascatur. Qui, inquam, sicut hinnuli capræ salunt super montes, transiliunt colles: hi profectò medullam terræ comedunt, & adipe frumenti se se reficiunt: qui autem in conuallibus siue in foraminibus petrae & cauernis maceræ, nidum sibi constituit vbi ponat pullos suos, vel potius vbi plumescant pulli: grana elementorum sermonis Dei eis sufficiunt. Quid denique illi quorum conuersatio in cælis, quorum sensus penetrans abyssum diuinitatis? Sine dubio, iuxta Psalmistæ vocem, volabunt; volabunt vsque ad nubes & supra cælos, *& non deficient*. Proculdubio tanquam aquila grandis magnarum alarum, longo membrorum ductu, plena plumis & varietate, veniunt ad Libanum Doctores sancti, & deferunt medullam Cedri; *summitatem quoque frondium euellunt, & transportant in terram Canaan, in vrbe Negotiatorum ponunt illam.*

Ezech.
17. 14.

Contemplator Legis diuinæ, aquilæ non immeritò comparatur, quæ acie irreuerberata Solem in nubibus intuetur. Sic namque perscrutator Scripturarum, intuitum suum radiis solaribus iniicit, cum viuaciter, sensibus diuinis, ingenii oculos defigit. Aquila ista, magnarum alarum est: qui sensuum valde exercitatorum subtilitate, inuehantur in profunda mysteriorum Dei, & virtutum consummatarum proiectione, in delibatione remunerationum CHRISTI. Longo etiam membrorum ductu sunt, quia proposita studia, nullis obstaculis aduersitatum deferunt. Plenitudo plumarum & varietas diuersarum artium intelligitur plena scientia, vel multiplicitate bonorum operum referta conscientia. Ad Libanum veniunt, quando alicuius sensus vel virtutis altitudinem contingunt. Cedri medullam sumunt; quando penetrati sensus dulcedinem, vel possessæ virtutis delectationem hauriunt. Summitatem frondium euellunt, quando aliquid de his quæ incerta & occulta fuerunt, exponendo innotescunt. In terram Chanaan transportant, quando terrenis operibus derelictis cœlestem beatitudinem prædicant. In vrbe Negotiatorum ponunt illam: quando his loquuntur qui non in vacuum gratiam Dei accipiunt, sed lucra multiplicata

de talentis diuinis referunt.

His tandem per excessum prælibatis, ad paruulos nostros, qui cum asino Abrahæ ad radices montis expectant nos reuertamur, & mamillam nutrimenti sui rursus eis offeramus. Lacta Moyles paruulum nostrum; bona enim & plena habes vbera. Loquere tu ei, non loquatur ei Dominus, ne fortè maiestatis eius formidine moriatur. Quamobrem, ait Dominus ad Moysem: *constitues terminos per circuitum populo, & dices, caute ne ascendatis in montem, ne tangatis fines illius; omnis qui tetigerit montem, morte morietur, manus non tanget eum, sed lapidibus obruetur, aut confodietur iaculis, siue homo fuerit, siue iumentum morietur.* Non nobis inuidit visionem mysteriorum suorum benignus Dominus, qui ad hoc venit vt videatur, ideo loquitur, vt audiatur, ideo mandat, vt in mandatis eius viuatur. Monet autem vbi interim infirmis, sine periculo standum, vbi donum supernum expectandum, donec absorbeatur mortale hoc à vita, vel dies illucescat & Lucifer oriat in cordibus nostris: per circuitum videlicet montis. Ibi figamus terminos, vt in castris humilitatis & charitatis stabiliamus sensus nostros. Montem quoque non ascendamus, id est, de bonis nostris non superbiamus. Moritur enim qui montem tetigerit; ad exemplum illius qui in monte Testamenti, in lateribus Aquilonis præuolare vsurpauit. Manus non tangit eum, sed lapidibus opprimitur, vel iaculis confoditur, quia potius pondere iniquitatis suæ, vel acumine excogitatæ nequitix, quàm percussione diuinæ ultionis ruit; manu Dei, magis ad parcendum, si fieri posset, prompta, quàm ad puniendum. *Siue homo fuerit, siue iumentum*, id est, siue suo arbitrio, siue alterius consilio præuaticatus fuerit, morietur. Homo namque suo regitur moderamine, iumentum indiget hominis refrænatione & gubernatione. Idcirco, per hominem quilibet discretus & sapiens: per iumentum, stultus & rationem non capiens.

Exod.
19. 19.

Cohibeat igitur se prudens: ne à lapide super se veniente conteratur: refrænetur fatuus, ne ad lapidem scandali offendens, allidatur. Volebat namque aliquando, sub hac Angelus filium Moyse occidere, quia in præputio superbiæ non circuncidebatur. Tulit illico Sephora lapidem, & circuncidit carnem præputii eius, & tetigit sanguine pedes eius, & dimisit eum Angelus postquam dixit, sponsus sanguineus tu mihi es. Omnis proinde superflua caro à filio Moyse est amputanda, & quicumque se regulæ vel Legi alicuius Professionis subiicit, à præuicatione eiusdem legis nisi se obseruauerit, Angelum contra se gladium euaginaturn vibrantem prospicit. Quod si conscientia, mater videlicet pueri; illicitos motus coërcuerit, & sanguinem doloris per pœnitentiam expresserit, iram Angeli Domini mitigabit. Habet siquidem conscientia Religiosi, sponsum sanguinis, quia agnum occisum recolat assidue in desponsatione suæ Professionis. Hæc conscientia, puerum lacte (imò purum affectum cordis sui) in præsentem nutriet; nam in futuro erit tempus ablactationis, cum euacuabuntur elementa infantix, vel educationis.

Assuescat igitur interim paruulus, matris collo pendere brachiolis; vultum pendulum & pauidum, ab omni occurso malo retorquere in faciem

Pp iij

parentis, omnes præter alumnos tanquam inimicos fugere, aduersus omne infortunium, ad vbera reuolare, & in gremio matris assidue cubitare. Talem suscipit, talem custodit Dominus: talium denique est regnum cælorum. Quicumque talis est; *maior est in regno cælorum*. Qui enim se gratiæ supernæ totum committit, in collo matris brachia suspendit: qui præ oculis nil ponit nisi *CHRISTVM*, meritò non timet laqueos ad mortem venantium: qui solum nouit *CHRISTVM*, hic quasi iam absorptus in Deum nihil iudicat se *scire nisi IESVM CHRISTVM, & hunc crucifixum*.
 1. Cor. 2. 2. Qui infixus est sicut vinctus in Arca, continuis meditationibus sanctarum Scripturarum; solamen tutum habet aduersus omnes infestationes Dæmonum, Qui sinum frequentat charitatis; oscula iugiter meretur internæ consolationis.

CAPVT VI.

De pane perfectorum sine prouectorum.

Sicut ætates; sic differunt ætatum refectioes. Pauciora siquidem, simpliciora & liquidiora, ætatem reficiunt paruulam, plura verò, eaque sacratiora & solidiora appetit stomachus perfectorum. Profundiori namque sensu Legis, anima sancta & virtutum exercitatione robusta, delectatur: planiori verò, recens adhuc regeneratione fidei & exordii sermonum Dei reficitur. Vnde Dominus ad Aaron; *omnem*, inquit, *medullam olei, vini & frumenti, & quicquid offerunt filii Israël primitiarum Domino, tibi dedit*. Cibus delicatissimus & ditissima refectio, medulla olei, vini & frumenti. Quâ, non quilibet de populari sorte & conuersatione, sed *vocatus à Deo tanquam Aaron*, sed vinctus inter fratres suos, sed qui incensum offert ad altare thymiamatis in odorem suauissimum Domino: is medullam olei, vini & frumenti suscipit. Quis etenim alius sicut Paulus imitator *CHRISTI*, holocausta medullata offert? quis jus carniū super petram cum manu sic infundit? qui ex toto corde, ex tota anima & ex totis visceribus Deum sic diligit? Per ignem & aquam ad Deum, huiusmodi spiritus transit, in mortem quoque & in carcerem cum Deo currit. Apostoli cum Domino per sata transeuntes, aliquando in significationem sui cordis & huius rei, spicas vellebant, fricabant & comedebant. Spicas namque vellere, est à terrenis studiis propositum suum vel alterius animum reuocare. Fricare verò euulsam spicam, ille non desistit, qui se in amorem Dei exercens, tunicam pristini erroris exuit. Deinde grana comedit: qui puritate corporis & munditiâ animæ castum se custodit.

Qui ergo non tanquam asinus in stercore suo piger, scænum luxuriæ comedit, non velut iumentum luxurians, herbâ vanitatis reficitur, sed cum Pontifice Aaron, panem ex adipe frumenti, sed cum *IESV* in cruce passo corio detracto & testâ confractâ, nucleum nucis, medullam olei vini & frumenti, in sortem is accepit. O medulla, medullam creans, æterna, interna suffundens, infusa omnia impinguans impinguantem animam! Sed quid est

DE PANIBVS, LIBER.

303

medulla olei : virtus Spiritus sancti : quid vero medulla vini ? gratia filij Dei, quid denique medulla frumenti ? bonitas Patris. O virtus ! ô gratia ! ô bonitas ! vbi habitas ? quod est habitaculum spiritus ? quæ sedes gratiæ ? quæ bonitatis mansio ? Primò sine dubio, principaliter & originaliter resides in remotissima regione Trinitatis : secundò, dignanter & immutabiliter & in spiritibus Angelicis : tertio, temporaliter adhuc & mutabiliter in animabus sanctis. In prima statione regnas, sed sine propria elatione vel alterius oppressione : In secunda Angelos adiuvas, sed sine omni labore : In tertia in homine pugnas, sed sola hominis miseratione. Adoraris in prima, glorificaris in secunda, coleris in tertia. Primæ visionem non habitationem expectamus : secundæ & visionem & susceptionem imploramus : tertiæ possessionem nunc in spe, tunc in te efflagitamus. Impinguamur in recordatione huius olei, inebriamur in epotatione vini, satiamur in refectione frumenti. Inchoat nos oleum : prouehit vinum : consummat frumentum.

Hi profectus sunt charitatis : hi gradus sunt perfectionis. Non enim Perfe-
quandocumque aliquid perfectum dicitur, statim, vel perfectè vel summè
dicitur perfectum. Nam alio modo, homo : alio, Angelus : alio, perfectus
dicitur Deus. Perfectus enim aliquando dicitur homo, sed tamen adhuc
perficiendus : perfectus quoque Angelus, non quidem perficiendus, sed ta-
men factus perfectus : perfectus autem dicitur Deus neque perficiendus,
neque perfectus factus, sed semper existendo perfectus. Deus igitur, de me-
dulla suæ perfectionis, tam Angelicæ quam humanæ replet viscera imper-
fectionis : Et Angelum quidem sic simul replet, vt vltèrius alia repletionem
non indigeat : Hominem verò sic iugiter replet : vt, nisi quotidie repleat,
inanis fiat. Infusa namque à Deo in homine gratiæ medulla, ex decursu mor-
talitatis, fluit per rimas peccati. Angelica vero natura, in crystallina stabili-
tate solidata, iam inamissibiliter possidet quicquid gratiæ tenet. Ipse verò, sic
toto æternaliter totus est plenus & perfectus Deus, nunquam factus vel fu-
turus melior vel perfectior. Noli credere pauperiorem futurum Deum si
abscesseris, neque ditioem si accefferis. Tibi prodest accessus, tibi obest re-
cessus : nihil paras præstantissimo, nihil donas altissimo. Suum recipit si te
vel à te aliquid accipit : suum nihilominus non amittit, sed aliter disponit, si
te subtraxeris. Sine Deo, Angelus Dæmon efficitur, sine Deo, homo ad ni-
hilum redigitur. Cum Deo, Angelus iam æternaliter beatificatur, cum Deo,
homo in præsentem iustificatur & in futuro glorificatur. In Deum Angelus
rapitur, præsens per visionem, homo absens per contemplationem.

Adhæret Deo Angelus, sine intermissione, homo suspirat sine intermissio-
ne. Stat ille, ille fluctuat : iubilat ille, eiulat iste : Ille cantat, iste plorat :
Ille deliciis, iste miseriis affluit. Vterque tamen ad conuiuium vocatur, sed
dissimiliter. Ille enim de prope, iste de longè : vterque stola induitur, sed illi
iam de collo pendet, iste adhuc de futurorum expectatione trepidat. Vter-
que absorbetur à gloria : ille quidem à claritate creationis, in claritatem
confirmationis, iste verò, à remissione peccatorum in veram iustificationem,
Sanctorum. Vno pane vescitur vterque : sed ille, integro in diuinitate, iste,

Perfe-
ctum
dicitur
pluri-
bus mo-
dis.

Ange-
lorum
& Ho-
minum
Status
compa-
ratio.

in frustra Sacramentorum diuiso, in humanitate. Nam ille incorporaliter percipit impassibilem diuinitatem, iste Sacramentaliter, impassibilem humanitatem, secundum regnorum diuersitatem, regnantis & exulantis satieta- tem sui desiderii suscipit. Cum enim incarnationem fideliter recolis; bonum panis frustum ori tuo apponis: cum passionem: similiter facis, cum vero re- surrectionem vel Ascensionem tibi proponis: quasi offas medullatas seu mel- litas comedis: Vnde Sponsa horum mysteriorum dapibus bene pasta, eru- ctans & exultans in laudibus dicit: *comedi farum cum melle meo, bibi vinum meum cum lacte meo*: in lacte Incarnatio: in vino, Passio: in fano Resurre- ctio, in melle, Ascensionis intelligitur dulcedo. Nostræ sunt partes istæ, in te, & de te IESV, qui enim totum te simul capere nequimus: de indiuisi- bili, diuisum, partes gratiæ accepimus: sitamen partes dicere quis audeat, ipsa tuæ dispensationis Sacramenta? Aliter enim, etsi deceret nos Deum ap- prehendere: sed Deum aliter non decuit nostram infantiam docere. Maluit sibi non parcere, cum te, o homo, de se voluit pascere: Magnus ille, excel- sus super omnia Deus ille! tu verò: quid? Vermiculus: vix te de terra erigens:

Can. 5.1.

terra sine aqua, tantum puluerem faciens.

Psal. 14.
26.

In recessu manebat ille suæ diuinitatis: in secessum tu confugeris iniqui- tatis: descendit tamen excelsus, venit remotus ad secessum tuum, subintra- uit tuguriolum tuum, & supposuit tibi humerum suum. Grauius est, non pondere iniquitatis, sed obstinatione curari recusantis. Tamen; *sapientia vincit malitiam*, & patientia contumaciam. Defectio tua proinde resecta, cœpit proficere in perfectionem. Quousque autem languorem naturæ lapsu quotidiano exspirantem, & sententiæ primæ maledictionis etiam gementes patimur: citra consummationis perfectionem vsquequaque detinemur: pro- priè namque & specialiter ibi non dicitur perfectio, ubi aliqua residet ad- huc imperfectio. Virtus quoque non perficitur, dum vitiorum reliquiæ su- perstitēs inueniuntur. Quis autem, manente humanæ vitæ corruptela, se- castum habere cor gloriabitur? Propheta? Sed asserit, se *de immundo con- ceptum semine*? sed confitetur, *in iniquitatibus*, à matre conceptum se esse: Apostolus? sed dixit, se *in multis*, offendere; Patriarcha, vel qualibet de genere humano, anima? sed *conclussit Deus omnia sub peccato, ut omnium misereatur*; præterea, fistula illa spiritus sancti, omni genere virtutum re- dimita, & iam penè supra hominem, iuxta Angelum merito & virtute col- locata, ab imperfectione sua exclamat, *Fratres, ego me non arbitror appre- hendisse: unum autem, quæ retro oblitus, ad ea quæ ante sunt me extendo*, sequor autem ad palmam, supernæ vocationis.

Iob. 14.
4.

Rom.

11. 32.

Philip.

3. 13.

Eccli.

10. 9.

Isai. 16.

6.

Vbi nunc es, o præsumptio spiritus, o inflatio vesicæ erronei cordis? quid *superbis terra & cinis*? Paulus, in cuius gremio conglomeratur omnium redundantia virtutum, velut aqua in mare, dicit, non est mecum perfectio bonorum, & tu, vitiorum puteus scaturiens, audes gannire, sine peccato sum: *Audiuimus superbiam Moab, superbus est valde, arrogantia eius plusquam fortitudo eius*. Solus enim & singulariter inter mortuos liber, qui natu- ram non culpam suscepit, conceptus de Spiritu sancto & Maria virgine IESVS-CHRISTVS, omnem adimpleuit iustitiam. Denique, in pe- ctore

DE PANIBVS, LIBER.

305

store & in anima sua, Rex ipse virtutum, omnium gratiarum conuocauit
curiam, & singulariter à singulis & communiter ab omnibus honoratus,
vnam omnium ad patrem retulit palmam. Hic igitur qui non solum de ple-
nitudine sua, verumetiam ex inanitione repleuit dolia nostra, perfectus
semper Deus, perfectus etiam homo, Deus à conceptione fuit. Ad pedes
humanitatis eius, viginti quatuor Seniores indefinenter procidunt & *coro-
nas suas* mittunt: quia omne meritum vel primum ab eo se habere humi-
liter omnes Sancti recognoscunt. Vis habere iustitiam? vis habere sapien-
tiam? vis habere gratiam? IESVS est iustitia; IESVS est sapientia: Apoc.
4. 10.
IESVS est gratia. De Christo namque agens Apostolus inquit: *qui sa-
piens est nobis à Deo sapientia & iustitia & sanctificatio & redemptio.* Ecce 1. Cor.
13. 30.
panis iste, & vnus est & quatuor habet (vt sic dicam) quarteria. Vnus enim
idemque CHRISTVS, est sapientia, vnus idemque, est iustitia, vnus
idemque est sanctificatio, vnus idemque est redemptio. Vnde quia sa-
pientia est, illuminat tenebrosa stultorum corda luce veræ sapientiæ: quia
iustitia, iustificat depressa ponderibus peccati & malitiæ: quia sanctificatio
sanctificat fluxa & euagantia per decliua vanæ gloriæ: quia Redemptio, re-
demt sublata vel asportata, ad loca virtutis & contumeliæ. *Beatus vir qui* Ps. 126.
impleuit desiderium suum ex istis, non enim confundetur cum loquetur in- 5:
micis suis in porta.

CAPVT VII.

De Panibus Primitiarum.

DE panibus Primitiarum tractaturus, prius inuoco primitias spiritus, nam
sine Dei spiritu, vbique & in omnibus deficit spiritus meus. In spiritu
itaque principali, non pro merito, sed gratuito dono, quamlibet parum il-
luminatus, dicam & de hoc quod de sacrario Scripturarum fuero edoctus.
Vniuersitatis igitur creaturæ subsistentia, vnum habet à quo sit, principium
Deum, neque enim à se est, quicquid est: bonum denique est, quicquid est. Malum
Nam id tantum à se est, quod summè est, id est, Creator. Id verò à se non
est, quod non nisi ab eo qui summè est, esse potest. Nam malum non est: nō exi-
stit.
quia neque seipsum creans, neque creatum à Deo est: nihil autem est, nisi
quod Creator vel Creatura est: ideo malum non est, quia neque Creator,
neque Creatura est. Quamobrem idcirco ad vnum referendum est, sine
principio principium, quidquid habet temporale principium, vt finem quo-
que habeat congruum. Tunc enim bonus consequitur finis cuiuslibet actio-
nis, cum à creante Principio non declinaret Creaturæ principium. Equi-
dem innumerabilia sunt opera hominum & tamen vnum atque æternum
habent si bona fuerint; bonum principium, Nam nisi deriuatum fuerit
quodcunque principium singulare voluntatis alicuius, à diuinæ voluntatis
principio, malum semper erit & desinet in finem pessimum. Recurrendum
itaque semper & de omnibus in principio ad principium: hoc autem Prin-
cipium, *In principio erat apud Deum, & erat Principii Verbum, & omnis* Ioan. 1.
verbi principium.

Exod. 3. 12. Mutuemur igitur verbum à Verbo, se transitorium ab æterno : principium à Principio, sed creatum ab increato. Fortè, Legislator hoc monet cum dicit vt *postulet vir ab amico suo, & mulier à vicina sua, vasa aurea & argentea*. Quis enim amicus tam diues vt Deus in auro bonorum sensuum, tam locuples in argento examinatorum sermonum, tam affluens in vasis gratiarum cœlestium? Nimirum is nostræ paupertati amicum se exhibuit, cum *propter nimiam charitatem suam quâ dilexit nos, Filium vnigenitum* incarnari constituit. Et ne caulaueris, hunc amicum remotissimum vtique in diuinitate sua mentem Deum; habes iuxta te diuinam sapientiam incarnatam, vasis aureis & argenteis non modicè locupletissimam. Nam & de cœlis attulit, & de terris nihilominus tulit vasa mundissima & pretiosissima, in quibus cibum paternæ voluntatis cœnaret & potaret. Angeli proculdubio ministrantes, Apostoli obsequentes Verbo incarnato, Sapientiæ in carne absconditæ, quid aliud sunt quàm amici vicinæ nostræ vasa aurea & argentea? Et fortè hanc Dominicæ dispensationis incarnationem, per Spiritum sanctum in vtero Virginis adimpletam, obumbrabat Legislator cum diceret; *Panes primitiarum duos, de duabus decimis simila* coquendos *in primitias Domini*. Qui enim sunt panes primitiarum duo, de duabus decimis simila fermentatæ; nisi duæ puræ & perfectæ naturæ, in vna persona CHRISTI IESV inseparabiliter coniunctæ? Fermentum enim, hîc, non coagulum corruptionis, sed operationem significat inseparabilis vnitionis. Hi coquuntur *in primitias Domini*; quia Dei & hominis eadem persona in vtraque naturarum suarum compètarum, primogenitus siue primitiæ dormientium, ab Ecclesia Catholica appellatur & creditur.

Leuit. 23. 17. In natura quidem diuinitatis, ante omnia natus est de Patre: In natura vero humanitatis, in fine sæculorum editus ex Virgine. In eiusdem certè Virginis clibano cocti sunt panes isti, quia Verbum & caro sic fuerunt ad inuicem coniuncta in vtero virginali, in vna eademque vnitate personæ, vt ultra non diceretur separatim homo vel Deus, sed diceretur vna persona inseparabiliter homo Deus. Et duo quidem sunt panes, secundum Moysen, propter inconuertibilitatem Naturarum, nam sine confusione manserant: & aliud habet principium de Principio, sine tamen principio, natura diuinitatis vtique, Patrem: & aliud, principium scilicet cum principio existendi: natura humanitatis, vtique Virginem. Nihilominus vnus panis est, propter vnā eandemque personam; iuxta Apostolum qui ait: *Vnus panis, vnum corpus multi sumus in Christo*. Sed quare Moyses duos, Paulus vnum vocat panem CHRISTVM? Salua fide & auctoritate maiorum, potest dici (vt mihi videtur), quia in tempore Moyfi, reipsa nondum facta fuerat incarnatio CHRISTI; & idcirco, quasi duo panes erant illæ Naturæ: quarum vna, in maiestate sua & Patris existens: altera nondum in propria essentia appatens prædestinatione quidem sola coniungebatur, nondum autem assumptione vel vnione. Tempore verò Pauli: id est, gratiæ (nam post Ascensionem Domini vocatus est) assumptione hominis à Verbo, iam celebrata: vna eademque persona CHRISTI, ex duabus & in duabus Naturis (diuina scilicet & humana) subsistens, prædicatione Apostolica excelle-

1. Cor.
10. 17.

bat. Vnde, non immeritò Paulus ad personam attendens: vnum dicit: Moyses duas naturas intuens, duos panes nominauit: ille Personam non diuidens, iste Naturas non confundens.

Attendendum quoque & diligenter differendum, quod præmittit Legillator, dicens: *Cum ingressi fueritis terram quam ego dabo vobis & mes-* Leuit. 23. 10.
sueritis segetem: feretis manipulos spicarum, primitias messis vestrae ad sacer-
dotem: qui leuabit fasciculum coram Domino, ut acceptabilis sit pro vo-
bis altero die Sabbati. Planum est quod dicitur, ad literam: Allegoricè verò, terram ingredimur quam daturus est nobis, cum (per fidem) Ecclesiam intramus: cui communicare, non nisi vocatione cœlesti meremur; vel cuius possessionem habebimus in alia vita longè digniùs quàm nunc; quia ipsam rem tunc facie ad faciem obtinemus, cuius nunc *per speculum & in* 1. Cor. 13.
anigmate velata facie post terga caligamus. Segetem metimus, cum remunerationem bonorum operum recipimus. Manipulos spicarum ad Sacerdotem deferimus, cum virtutum collectionem in bona operatione, ei qui apud Patrem pro nobis interpellat resignamus: qui leuat fasciculum coram Domino ut acceptabilis sit pro nobis, altero die Sabbati, quia, ut Pater nobis propicietur, & in altero die Sabbati, id est, in resurrectione communj: placabilis veniat, fasciculum meritorum nostrorum, cum sua interpellatione, in oculis paternis eleuat.

Moraliter autem terram ingredimur, cum recessus conscientiae perscrutamur. Segetem recolligimus, cum antea vitæ opera, in examinationis iudicio pensamus. Manipulos spicarum ad Sacerdotem deferimus, cum plena & euidenti Confessione grana simul cum aristis & stipula, Prælati nostris humiliter pandimus: in granis autem, etiam bona cogitationum vel operum designantur. Sacerdos autem hunc fasciculum coram Domino eleuat: cum, peccatorum nostrorum grauedinem in confessione expositam efficaciter in memoria & deprecatione sua retinet, Deum super hoc rogans Prælati noster cui animam commissimus, cui omnia grauamina reserauimus: & propitiationem Dei obtinet. Quod si præsens non sufficit Confessio vel pœnitentia, propter repentinum mortis articulum, ut statim penitus deleantur perpetrata scelera, saltem *in altero die Sabbati*: fiat nobis Deus noster propitiabilis. *In altero*, inquit, *die Sabbati*. Duo ergo Sabbata sunt vnum & alterum. Reuera iam quiescere à malo, mentis Sabbatum vnum est & primum, quod proculdubio in presenti necessariò est habendum. Nam in futuro, ex tali merito erit requies in bono, quod est Sabbatum ex Sabbato. Inuenies, inquam, tunc non solum Sabbatum, quia requiem sine inquietatione omnium molestiarum, sed Sabbatissimum.

Breuitè igitur percurrendum, & de primo, secundo, tertioque Sabbato aliquid (iuuante Deo) est dicendum. In hoc corpore, cum cessatur à malo, iam quædam futuri Sabbati est prælibatio. Relicto corpore, anima cum exit de vita, iam gratulatur de requie secunda. Ad extremum in aduentu Iudicis, Sabbatissimus celebratur, in renouatione animæ & corporis: præcedunt autem sex dies afflictionis, antequam veniat septimus dies pausationis. *Sex enim diebus* (ait Moyses *facietis opus*, dies septimus, quia Sabbati requies Peccata quadā penitus deleantur in Purgatorio. Leuit. 23. 11. Duo Animæ, Sabbato Sabbatū multiplex. Exod. 20.

Leuit.
23. 3.

est, vocabitur sanctus: *Omne opus non facietis in eo: Sabbatum Domini est in cunctis habitationibus vestris.* Prima dies est conuersionis, secunda confessionis, tertia professionis, quarta mortificationis, quinta deuotionis, sexta orationis, septima vocationis, siue contemplationis. Nam contemplationis messem nequaquam colligimus, nisi fruges iustitiæ prius seminauerimus, nec in septima requiescit, qui in præcedenti senario non laborauit. Insistendum igitur Virtutibus, & de confusione tenebrarum originalium, ad illuminationem seu ordinationem nouarum creationum progrediendum, si Sabbato continuare volumus Sabbatum. Auerfus ergo, in prima die conuertatur; diffitens, in secunda confiteatur, offendens, in tertia profiteatur viuens peccatum in corpore nostro; in quarta, mortificetur ingratus; in quinta, deuotus efficiatur, cor durum peccans; in sexta, in orationem effundatur à cura sæculari conscientia nostra; in septima, conso-
piatur.

Imitare primo Paulum in conuersione; secundo, Latronem in confessione; tertio, Stephanum in professione; quarto, Ioannem Baptistam in mortificatione; quinto, Mariam Magdalenam in lacrymarum effusione; sexto, Apostolos sanctos in oratione; septimo, CHRISTVM in contemplatione. In conuersione humilitatem; in confessione veritatem; constantiam in professione; patientiam in mortificatione; peccatorum recodationem & futuri Iudicii distractionem in deuotione corporum; conscientiam bonam & fidem non fictam in Oratione; omnium visibilium obliuionem habeas in contemplatione. Si iustitia præeunte & gressus tuos regente, anima tua dies vitæ taliter ordinauerit; ulterius laborare non conuenit.

Isa. 28. 24. Nam, *nunquid tota die arans arabit, proscindet & seret humum suam? nonne cum adequauerit faciem terra, seret Gith, & cyminum sparget?* Cum. n. satis elaboratum fuerit in euulsione spinarum, in concisione terrarum, in concussione rupium, in adæquatione montium & vallium: tunc, Gith, vacando, est serendum: tunc, Cyminum subtiliter contemplando spargendum. Et fortè, in contemplatione quidam labor est, sed melior requie, sed otio suauior, sed somno dulcior, sed cunctis voluptatibus delectabilior. Labor, inquam, sed sine sudore; opus, sed sine vexatione; occupatio, sed sine distensione; studium, sed sine afflictione; profectio, sed sine motione; eleuatio, sed sine ambitione; quies, sed sine rubigine.

Imitatrix operum Domini & Dei sui anima; æmulatrix quoque sapientiæ Altissimi, in tanta varietate Virtutum effecta; cum operante, operatur, & cum quiescente quiescit; habens in se Deum operantem; habens quiescentem, & ipsa operans in operante, & quiescens in quiescente, & operans in quiescente, & quiescens in operante. Non enim non quiescit Deus cum operatur: operatur namque quiescens, ne otiosus dicatur: quiescit operando, ne labore fessus æstimetur. Tu, cum laboras, non quiescis: & cum quiescis non laboras; quia in tempore mutaris, & in te mutantur tempora: non sic autem Omnipotens, non sic æternus, quia omnia immutabilis mutat, & omnia simul (solâ voluntatis potentiâ) creat. Cum enim laborare dicitur Deus: secundum me non secundum se, aliquid de eo dicitur

Deus,
quo-
modo
dicatur
quies-
cere vel

Similiter, cum septimo die dicatur requieuisse, ipse verò quotidie omnes nos & omnia nostra nobis operetur, & qui aliquid facit quiescere nunquam propriè dicatur: secundum usum nostræ requiei requieuisse propriè non dicitur. Est autem supra omnem sensum illa Creatoris vel creatrix operatio, siue illa requies: nam operatio illa, in tranquillitate omnem quietem excedit, & quies illa in effectu, operosior omni operatione lucet. Effigiat igitur, quamvis remotissimis lineamentis, actio siue quies nostræ contemplationis, hoc exemplari, & ad æmulationem, quamvis tardissimis gressibus inescatur, ut agendo quiescat & quiescendo agat. Non autem fiunt ista in umbra vel in nocte, sed in die, sed in luce, sed in Sole iustitiæ: nam in nocte vitiorum stertens, lucem contemplationis ignorat.

Quare etenim dies iste Sanctus vocaretur; nisi in eo iustitiæ opus celebraretur? *Omne opus non facietis in eo!* Iterum iterumque monemur non facere opus Sabbato: sed opus videlicet seruile, sed opus damnabile, sed opus bestiale. Ab his. n. solummodo in Sabbato solemnizandum, à quibus fœdatur læticia Solemnitatum. Luxuria namque, ebrietas, loquacitas, & similia flagitiosa opera, stercora sunt Solemnitatum. Sic Pharaos, sic Herodes Sabbata sua, crudelitatis sanguine contaminauerunt. Omne opus tale dicit non faciendum in Sabbato, *quia Sabbatum est in cunctis habitationibus vestris*. Recedat oculus à spectaculis impudicis; lingua, à maledicis verbis; auris, ab auditu sanguinis; olfactus, à nidoribus peregrinis; manus, ab opere crudelitatis; pes, à consortio furis; anima, à cogitationibus peruersis: & sic celebrabitur Sabbatum Domini *in cunctis habitationibus vestris*. Transacto verò Sabbato præsentis iustificationis, transitur ad Sabbatum futuræ consolationis, sicut & Maria Magdalena, à Sabbato Passionis venit ad Sabbatum Resurrectionis. Norunt autem Beatorum animæ, Sabbatum suum, norunt proculdubio quid intersit inter accinctum spirituum nequitiarum, & discinctum à molestiis carnis & infestationibus Dæmonum, sicut in libro Regum scriptum est, *non gloriatur accinctus aequè ut discinctus*. Securè namque gaudet de munere, cui ipsum nihil posse perdere datum est, in perenni remuneratione: periculosè autem exultat de dono, cui maior accrescit sollicitudo cum dono. Collatio siquidem gratiarum, ampliùs te facit inuidiosum: nam de inopia tua, cuius accenditur inuidia? Cum nulla te excolit virtutis gloria, aduersarii non est cur timeas iacula: Sed si locus honoris ambiciosius te extulerit, si vbique gentium, fama fulgens nomen tuum dilatauerit, tunc lioris acies exacuitur, tunc blanda falli amici facies in nigredinem ollæ combustæ conuertitur.

Miserum itaque est, secundum opus mortalitatis & locum infœlicitatis, vel ut careas inuidia præ inopia virtutum, vel ut inuidiosus sis præ abundantia gratiarum. Vtroque pugione vel altero tantum iusti reformidant perforari: quia, si sine virtutibus quidam fuerint, cruciantur à conscientia, si verò pleni virtutibus, excandescit in eis Dæmonum ira. Vnde persepe, suum infestari vel ab hostibus derideri sentiunt Sabbatum. Vnde Propheta: *Viderunt eam hostes, & deriserunt Sabbata eius. Qui verò ex*

Qq iij

opera-
11.

Vitia
sunt
stercora
Solemnitatum.

Leuit.
23. 3.

1. Reg.
10. 11.

Neh. 2.
10.

Thren.
17.

his compedibus euolauerint, & laqueis venantium contritis, pericula subitanea euaserint, iam sub altari positi triumphali voce intonant: *Gloria tibi Domine, quoniam eripuisti animas nostras de morte, & pedes nostros de lapsu, ut placeamus coram Domino in regione uiuorum. Iam. n. hyems abiit & recessit, flores apparuerunt, vox turturis audita est de terra nostra.*

Sic, inquam, isti de præteritis liberati; de præsentibus, beati, de futuris, amplius beatificandi, sine sollicitudine lætantur, sine fastidio epulantur, sine vitio iocundantur. Eò sapidiùs, quò auidius iam gustant, immo prægustant, gurgites beatitudinum, eò chariùs, quò clariùs splendores percipiunt Sanctorum, eò aptiùs, quò beatiùs in circumscriptis Trinitatis luminibus immaculati adsistunt. Qui nisi tales sabbatizant? qui nisi tales, præclaras solemnitates solemnizant? O Sabbarum, ex Sabbato! ô virtutum remuneratio! intret ad te anima mea; penetret te conscientia mea. Sabbatum enim hoc, reuera procedit ex Sabbato, cùm, quia cessauit anima in malo, fit ei bona retributio. Vnde Psalmista: *Sic psalmum dicam nomini tuo in sæculum sæculi, ut reddam vota mea de die in diem: uidelicet, de die meritorum, in diem remunerationum.*

Deest pro copia dicendorum de habitudine, secundi Sabbati, quia procul est à cognitionibus huius nostri sæculi: suspirare igitur, non explanare illam ualemus. Iam itaque tandem & hinc, ad Sabbatissimum pedem moueamus, & animum promoueamus: sola enim hæc promotio ambienda, quia melior, ab omni creatura, nulla est inuenienda: nam sæcularis promotio, potiùs à Deo est amotio vel abolitio. Non fit autem hæc prouectio, nisi in loco ad id sequestrato, & ab homine Deo electo, Moyses in deserto uisionem hanc uidere desiderat. Sicut præter solitum est, quod uidet, sic supra solitum est quod audit. Ardet Rubus, sed non comburitur. Hoc uidet & stupet, deinde audit. *Solue calciamentum de pedibus tuis, locus enim in quo stas, terra sancta est, ego sum Deus Patris tui, Deus Abraham, & Deus Isaac, & Deus Iacob.* Hoc audit & faciem abscondit. O quanta dissimilitudo inter rubum & cælum, inter flammam rubi, & gloriam cæli, inter loquentem de rubo, & regnantem in throno; inter solitudinem heremi & locitatem Paradisi, inter Moysen peregrinum & hominem nouum in cælis collocatum! Cuius ergo umbram Moyses expauit, lucem ipsam quis attentabit? Calciatus tamen Moyses rubum uidere potuit, sed non discalciatus. Diu vocem Dominicam audire nequiuuit.

Citò itaque corrigia calciamenti dissoluenda, cùm tendimus ad superna. Nulla obliget peccati oblectatio, nulla constringat peccandi consuetudo, nulla impediat sæculi sollicitudo. His nempe animus irretitus, nec uidere, nec audire poterit, quid sit Deus. Quare enim dicitur, *Deus Abraham?* quare, *Deus Isaac?* quare, *Deus Iacob?* Procul dubio, quia Patriarchæ isti fideles, quia obediens, quia peregrinantes, obediens in præcepto, creduli in promisso, alienati à sæculo nomine, opere, sermone & affectione Deum designauerunt. Non ergo te delectet habitatio huius corporis, non te retardet difficultas mandati, non inertem efficiat dilatio promissi, si Deum vis habere, qui *Deus Abraham est, Deus Isaac & Deus Iacob: solue calcia-*

Psal.
55. 14.

Cant.
2. 11.

Psal. 9.

Promo-
tio sæ-
cularis,
est amo-
tio à
Deo.
Exod.
35.

Math.
22. 32.

DE PANIBVS, LIBER.

311

mentum, abrupte vinculum, de pedibus tuis, de affectione & desiderio mentis. Sic exoneratus, vtcumque superficiem alterius sæculi prælibabis, sic absolutus, vtcumque imaginationem æternitatis somniabis, sic liber, futuri status initia quasi præludio quodam contrectare tentabis. O Deus, quid ibi tu facis, quid Angelus, quid anima? Qui sermones tui ad Angelum? quæ confabulationes ad animam? Quid & de quibus opponunt tibi Angelus & anima? Estne quod ignorent de futuris, obliti sint de præteritis, non capiant de præsentibus? Quid ibi clausum, quid non referatum?

Beati-
tudinis
æternæ
status
descri-
ptio.

Sed quare ibi aliqua absconderentur, cum ad sint omnes amici, omnes absint inimici? Invidia neminem tangit, elatio nullum extollit, ira non perturbat, luxuria non tentat, gula non vrget, ambitio non torquet, omne vitium non apparet, omne malum deficiendo vel refugiendo contabescit & languet. Regnat vbique concordia, per singulas discurret mansiones humilitas, sedet beneuolentia in medio, eminet in turribus castitas; disponit sobriè omnia, sobrietas sufficientia, singulis sufficienter ad nutum administrat; sanitas, portas obseruat, charitas seu bonitas, omnium stationes & tabernacula illustrat. Ducitur anima in Refectorio, vbi, sine fame reficiatur, sine siti inebrietur & dicat: *In loco pascua ibi me collocauit.* In dormitorio, vt ibi sine torpore dormiat & dicat: *In pace in idipsum dormiam & requiescam.* In Oratorio, vt ibi sine tædio oret & dicat: *Ad te orabo Domine, mane exaudies vocem meam.* In Claustro, vt ibi sine fastidio sedeat & dicat: *In umbra alarum tuarum protexisti me, vel, in umbra quam desideraueram sedi.* In Capitulo, vt ibi sine timore disciplinam teneat & dicat: *Disciplina tua ipsa me docebit.* In Auditorio, vt ibi sine prauaricatione viuat. Pectus I E S V, ibi est Refectorium; sinus I E S V, ibi est Dormitorium; vultus I E S V, ibi est Oratorium; latitudo, longitudo, sublimitas & profundum I E S V, ibi est Claustum, consortium I E S V & omnium Beatorum, ibi est Capitulum: narrationes I E S V de Patris & Filii & Spiritus sancti vnitatem, & de apertione mysterii Incarnationis suæ, ibi est Auditorium.

Psal.
22. 2.
Psal. 4. 6.
Psal. 53.
Psal. 56.
Cant.
2. 3.
Psal. 13. 31.

O cor humanum, quid vltra tendis, quid vltra quaris, cum vltra tendere, non sit tendere sed contendere, vel potius rumpendo se distendere? O cor humanum, quid infra moraris, si vis vt non moriaris? Mors infra & supra, cum tamen nihil sit supra. Mors enim illum ferit, qui supra ascendere præsumit, non quod ipsa habitet supra, quæ in Inferno est, sed quod illum interficiat vltione diuina, qui metas sibi præfixas excedit. Nomen mortis, nomen languoris, nomen paupertatis, nomen anxietatis, nomen doloris, nec nominatur apud vos, Ciues cæli, domestici Dei. Quid autem? Vita, iocunditas, iubilatio, exultatio, glorificatio, beatitudo, æternitas, immortalitas, & incorruptio, abundant & superexundant in Paradiso. In ore habitantium, semper laus, alleluia, gloria, pax, benedictio, honor, virtus & fortitudo. Quid autem oculi eorum vident, nisi Patrem luminum, nisi lucem de luce, nisi candorem lucis æternæ? Quid aures, nisi laudes Dei audiunt? quid nares, nisi vitæ respirant odores? Manus, quid.

Ps. 33. 9. contrectant, nisi Verbum vitæ? quæ pedes incedunt, nisi per viam pacis? qui d gustus? Gustat nempe *quàm suavis est Dominus*. Quid plura? Vnâ clausulâ, vniuersa beatitudinis illius charismata concluduntur, quâ dicitur quia Deus erit *omnia in omnibus*. Surge anima mea, curre & festina intrare ad tales nuptias! Versa & commuta desideria tua! Formosam delectabiliter aspicere solebas meretricem, aspice nunc Dei genitricem. Aurum placebat, nunc verum placeat! Argentum quærebas, nunc Dei vni- genitum quæras! Fauore humano delectabar, nunc spiritu diuino refo- uearis! Ponecarnis, & sume mentis delectationes. Ecce quomodo sabba- tizabis, nec simpliciter, sed sabbatismo sabbatizabis. Hæc de duplici Sab- bato dicta sint.

CAPVT VIII.

Rursum, de Panibus Primitiarum.

Exod. 22. 29. **Q**UIA nimiam prolixitatem vitantes, vno non potuimus explicare sermone quæ de Primitiis dicenda erant, præcipue, quia Sabbatum interueniens, nos in seipso coegit sabbatizare, alio non tamen alieno sen- su & exordio rursum tentabimus (annuente Domino) tam de Primitiis quam de Decimis, aliquid adhuc apponere & ponere. Legitur itaque in Exodo: *Decimas & primitias tuas non tardabis offerre, primogenitum fi- liorum tuorum dabis mihi, de bobus quoque & ouibus similiter facies, septem diebus sit cum matre sua, die octaua reddes illum mihi*. Digniores & potio- res partes hominis sunt illæ duæ extremitates, quæ caput & pedes nuncu- pantur. Parte altera, id est, capite, in figura cælum respicit homo, altera tangit terram. Vnde, sicut in hoc mundo, omnium creaturarum amplitu- dinem & innumerabilium rerum variam distinctionem (quasi vlnis suis & gremio) complectuntur terra & cælum, sic in homine, caput & pedes omnium membrorum humanorum sunt columnæ & firmamentum. Aptæ verò significatione, à visibilibus ad inuisibilia similitudine deducta, anima vtramque partem in affectu possidet, dum in omni motu & voluntate sua semper aliquid principaliter intendit, & semper ad aliquid finaliter tendit. Caput autem voluntatis humanæ est, id ad quod specialiter intendit, pedes finis ad quem tenditur.

Vt itaque Dominus doceat hominem, scientiam, quid volendo, inten- dere, & ad quid, operando, tendere debeat, insinuat dicens: *Non tardabis offerre Decimas & Primitias tuas*: Quasi dicat, principium & finem in- choationem & consummationem tam cogitationum quàm sermonum vel etiam operum tuorum, Domino Deo tuo decimabis. Cum ergo alicuius desiderium amplius feruescit in implendis concupiscentiis suis, quàm in ob- temperando diuinis mandatis, huius primitiæ vel Decimæ Domino nequa- quam redduntur, sed idolo libantur. Cum studiosius terrena quàm cælestia, temporalia quàm æterna inquiruntur, quod iuris est diuini postponendo, & quod sui est preponendo, humana temeritas, ordine peruerso, in Primitiis &

DE PANIBVS, LIBER.

313

& Decimis abutitur. Si verò Deo primogenitum tuum vel primitias consecraueris, primum quærendo *regnum Dei & iustitiam eius*: in omni quod subsequetur benedictionis deriuamine gaudebis. Vt enim ait Apostolus, *si delibatio sancta & massa*, & in Euangelio Dominus: *si oculus tuus fuerit simplex, totum corpus tuum lucidum erit*. Et Psalmista: *si non praposuerio Ierusalem, &c.*

Matth.
6. 33.
Rom.
11. 16.
Math.
6. 22.
Psal.
136. 6.

Habeat itaque Deus Pater cum Primogenito sapientiæ suæ, primogenitum deuotionis tuæ, vt primogenito Creatoris, Creaturæ sanctificetur primogenitum. Vt quid enim primogenitus Patris, factus est primogenitus Matris, nisi vt redimeret sibi omne primogenitum hominis? Fœlix, cuius Deus primogenitum acceptat! Nam *Ægypti* primogenita extinguit, & asini primogenita respuit: primogenitum verò hominis, primogenitum ouis & bouis sibi assumit. Siue namque sapiens, vt Homo, siue fortis, vt Bos, siue simplex, vt Ovis fueris: primitias cordis tui, & primogenitum operis soluere debebis. Si verò impius, vt *Ægyptius*, immundus vt asinus inutilis vt hæreticus, aut mutatione aut interfectione, aut redemptione, commutanda sunt primogenita tua. Mutauit Paulus, vel potius interfecit *Ægyptii* primogenitum; cum de persecutore fieret prædicator, agnus delupo, Christianus de Iudæo. Maria Magdalena, nonne primogenitum asini in se interfecit, cum fordes criminum ad fontem lauit, cum vitam mutauit, cum Christum amauit. Mutauit primogenita asini, & accepit primogenitum Dei. Iudas verò, non solum non soluit Deo primogenitum suum, sed etiam ipsi Deo Patri subripuit Primogenitum & Vnigenitum suum. Cessit itaque in primogenitum diaboli, quia excessit in Primogenito Dei. Fraudulentissime Iuda, parum est tibi fraudem fecisse de anima tua, nisi addas manus sacrilegas iniicere ad misericordiæ Dei viscera? Parum est tibi, Diabolo præbuisse iugulum tuum, nisi iugulares & Dominum nostrum? Parum, inquam, tibi est, perdidisse præmium tuum, nisi & tolleres pretii nostri pretium? Satis melius permaneres in discipulatu **CHRISTI**, quàm euaderes in magistratu Antichristi.

Primogenita, quænam redimenda vel interficienda sint.

Non tardes, ô anima religiosa, reddere primogenitum, vt ex toto corde, & ex tota anima diligas Deum. Septem tamen diebus cum matre sua sit, vt non nisi cum plenitudine gratiæ, ex hac vita migrandum memineris. Septem diebus cum matre sua est, qui nunquam errat in fide, nunquam deficit in spe, nunquam tepescit in charitate, nunquam declinat à iustitia, nunquam exorbitat à prudentia, nunquam succumbit in fortitudine, nunquam in temperantia excedit. Septem diebus cum matre sua est, qui fide & moribus integer est: septem diebus cum matre sua est, qui vsque ad effusionem sanguinis cum Domino est: septem diebus cum matre sua est, cuius conscientia criminalibus nunquam contaminata est, septem diebus cum matre sua est, qui obedientiæ fines nunquam egressus est. *Die autem octauo reddes illum mihi* vt credas **CHRISTVM** resurrexisse à mortuis: *Die octauo reddes illum mihi*, vt omnium hominum futuram resurrectionem credas in die Iudicii: *die octauo reddes illum mihi*, vt credas post iudicium & præmia bonorum & tormenta malorum nunquam finire.

Exod.
22. 50.

R r

PETRI CELLENSIS

314

die octauo reddes illum mihi, vt credas merita singulorum remuneratione octo Beatitudinum compensari. Sic credendo & videndo, ad aternitatis primitias peruenies.

Habet Ecclesia in decollatione vel potiùs collectione Sanctorum Innocentium, primitias Deo gratissimas. Vt enim lectum est in Apocalypsi Ioannis : *Hi empti sunt ex omnibus primitia Deo, & Agno, & in ore eorum non est inuentum mendacium.* Semen bonum iam ex terra vteri virginalis eruperat, sed nondum in arborem magnam creuerat, quia in omnem terram sonus Apostolorum non exierat, & tamen de Bethleem iuxta posita, florum primitias obtulit : spatulasque palmarum reddere non tardauit. Verè ager Primitiarum, in quo tam citò inuentæ sunt primitiæ Martyrum ! Nondum est passio CHRISTI, & iam sanguis effunditur pro CHRISTO innocentis paruuli. Quodammodo præcurrunt primitias tuas, CHRISTE : primitiæ nostræ. Præcurrunt reuera moriendo ante te, sed non præcurrunt veniendo ad regnum sine te. Ad portam te sustinebunt, quia custodes nisi te viderint, ianuas cœlestes non referabunt. In passione igitur sanguinis non in possessione beatitudinis, Agnificuli Pastorem suum præcedunt. Si autem præcedunt, quomodo verum est, *sequuntur Agnum quocumque ierit* ? Vtrumque tamen verum est, quod & præcedunt & sequuntur. Præcedunt in morte, sequuntur in resurrectione. Priùs currere cœperunt, sed in cursu subsisterunt.

Apoc.
14. 1.

CAPVT IX.

De Panibus Propositionis.

QUIA de simila iubentur fieri Panes propositionis, mutuanda gratia, & emundanda est conscientia mentis. A quo autè est mutuanda gratia vel accipienda, nisi ab eo qui plenus veritate & gratia, natus est de Matre, gratia plena ? O IESV, in vena non in lagena : in puteo, non in vreo : in ventre, non in vtre : in anima, non in cisterna, in fonte, non in vase possides gratiam ! *Agua* quidem *fluunt cum impetu de Libano* : sed gratiæ excurrunt in mansuetudine & vbertate, de Spiritu tuo. Si defuerit simila, vbi erunt Panes propositionis ? si defuerit gratia, vbi erit spes saluationis ? In simila nihil est furfuris, quia à gratia, procul est Spiritus simulationis. De purissimis granis excutitur simila, & gratia emanat de pinguisimis misericordiarum Dei medullis. A filiis Israel Moyses accipiat simlam, à Domino Deo Israel imploremus gratiam. Parum est Moysen accipere simlam, si non sit qui conficiat Panes propositionis : parum est & nos accipere gratiam, si non sequamur effectus operationis. Fiant igitur multi panes de accepta simila, procedant multæ virtutes, ex indulta gratia. Fiat panis de duabus Decimis, surgat virtus de radice geminæ dilectionis.

Can. 4.
15.

Leuit.
4. 5.

Sed videndum est & cum attentione nimia ruminandum, quid in Leuitico præcipiat Dominus de panibus Propositionis. *Accipies*, inquit, *simi-*

lam, & coques in ea duodecim panes qui singuli habebunt duas decimas, quorum senos attrinsecus super mensam purissimam Domino statues, & pones super eos thus lucidissimum, ut sint panes in monimentum oblationis Domini, per singula Sabbata mutabuntur coram Domino, suscepti à filiis Israël fœdere sempiterno, eruntque Aaron & filiorum eius ut comedant in loco sancto, quia sanctum sanctorum est, de sacrificiis Domini, iure perpetuo. Mundas aures, labia purgata, puram conscientiam, & vocem honestam non funestam exigunt hæc Mosaiica sacramenta, quânto magis Christiana. Audio simillam, audio purissimam mensam, audio thus lucidissimum, audio in loco sancto, audio Sanctum Sanctorum, in superlatiuo puritatis omnia ista dicuntur. Nec mitum, nam & materiæ dignitas de qua fiunt panes, & nomen personæ cui fiunt, & modus quo fiunt, & numerus quo distinguuntur, & locus in quo ponuntur, & tempus in quo sumuntur, & habitus quo ordinantur, sacratissimâ intelligentiâ replentur. Quæ est materia? profectò similia. Quorum sunt panes? Aaron & filiorum eius. Qui modus faciendi? de duabus decimis similia, duo separatim & fiunt & coquantur. Qui numerus? duodenarius. Quis eorum locus? certè sanctus. Quando ponuntur vel tolluntur? Sabbato. Quis positionis eorum ordo? Seni attrinsecus super mensam purissimam Domino statuuntur & ponitur super eos thus lucidissimum.

Christiana
Sacramenta,
multo magis
quam
Iudaica
puram
conscientiam
exigunt.

Iam quasi de seipsis loquuntur intus latentia mysteria. Et quidem nimio fulgore etiam amictu exteriori refulgent, & quoddam internæ bonitatis & pulchritudinis specimen ipsa obumbratione extrinseca scintillant. Sed quo ausu nudare velata, reuelare occulta, pauper ingenio, obsequio iners, verbo tædiosus potero? Certè damnum grande patitur hæc materia, si tractetur vel contrectetur ab indocto cum negligentia. Est namque vtilius ut conferuetur intacta, idonea & fœcunda materia, quam ut malè confundatur & euacuetur artificis imperitiâ. Iamiam tamen loquatur stylus, quod sentit animus, Aquila magnarum alarum Iohannes Euangelista, volatu sublimissimo, quæque mysteriorum Dei remotissima inuestigans, in repositorio diuino duodecim Panes propositionis super purissimam mensam reperit: numerum enim & nomina duodecim filiorum Israël signatorum audiuit. Fortè hi Panes sunt propositionis, quorum facta & dicta, posteris, tanquam forma & exempla proponuntur imitandæ actionis, & tam in hominibus, quàm in operibus suis, proculdubio valde notanda & retinenda virtutum lineamenta præsignauerunt, & nobis pauperibus (post eorum vestigia, in agro huius vitæ merentibus) ex industria, spicas exemplorum dereliquerunt. Virtutis enim opera tam auctorem suum, quàm & auctoris imitatores, sufficienter pabulo inconsumptibili pascunt. Nam quò plures superueniunt virtutis degustatores, eò semper super ad hærescunt reliquæ vberiores, & dum superueniunt hospites, fit charitatis manus profusior ad omnes.

Vnde enim cuiusque Tribus Patriarcharum tanta filiorum numerositas, ut duodecim habeat millia signata, nisi quia vera virtus, sterilitate remota propagatur etiam in mille generationes? Tanta namque Iudæ succrescit proles virtutis, quanti fuerint æmulatores confessionis. Tot Ruben pro-

R r ij

creat, quot, vt intelligant opera sua illuminat. Tot ex Gad oriuntur, quot contra tentationem accinguntur. Afer, tot generat filios, quot facit beatos: Neptalim propagat quos corde dilatat: de Manasse nascuntur, qui mundi obliuiscuntur. Hos Simeon habet hæredes & superstites, quos de malis præteritis relinquit testes. Leui generationem recognoscit, quæ noua virtutum exercitia quotidie addit. Issachar sinum proficitur, cui merces æternæ remunerationis proponitur. De Zabulon vtero exiuit, qui habitaculum fortitudinis elegit. A Ioseph se meminit genitum, qui crescit in augmentum. De Benjamin stirpe originem sumit, qui dexteram Dei semper exquirat. Ecce quomodo saccos fratrum suorum, frumento bono & optimo, Ioseph impleuit, & etiam asinos eorum suffarcinauit.

Verè Ioseph salus nostra in manu tua est! da nobis alimenta, vt viuere possimus: da nobis seminaria, quorum benedictionibus terram arentem & australem inebriemus & impinguemus. Germen siquidem benedictionis habet, qui à te semen habet. Semen enim tuum pinguescit in radice, turgescit in culmine, frondescit seu florescit in cacumine. In vmbra eius, est vita, sanitas in gustu, in odore medicina; in aspectu voluptas. Omnia Prædicatorum medicamina, huius radice pinguedine conualescunt, frondium viriditate nunquam veterascunt, florum amœnitate reuirescunt: & exhausta sic in anima frondescit Fides, Spes florescit, impinguatur Charitas. Frondescit, inquam, Fides in anima, per discretionem intelligendorum, opinandorum, & credendorum. Aliud est enim quod opinatur, aliud quod creditur, aliud quod intelligitur: sic Spes florescit per degustationem futurarum remunerationum, sic charitas impinguatur in replezione innumerabilium gratiarum. Tria hæc grana si seminauerit homo in agro cordis sui, facient fructum, aliud tricesimum, aliud sexagesimum, aliud centesimum. Quorum etiam farina si mola superiori & inferiori, id est, gratia Dei & ingenio hominis, molita rore quoque cæli & pinguedine terræ, id est, fide verbi & humanitatis fuerit conspersa, poterit ex se præbere duas decimas dilectionis Dei & proximi, de quibus duodecim Panes propositionis, separatim duo & duo coquantur.

Neceffe est autem vnumquemque eorum habere duas decimas: in omni enim hominis proposito, nisi dilectio Dei & proximi interuenerit, Panis propositionis ex duabus decimis nequaquã existit. Si ergo in charitate, velut Iudas, peccata confessus fueris, primum panem propositionis, de duabus decimis similæ, facis. Si tentationem fortiter accinctus fortitudine lumbos, per patientiam charitatis sustinueris, tertium panem tanquam Gad, ex duabus decimis similæ coxisti. Si toto nisu ad beatitudinem promissam, ducente gratiâ curris, quartum panem cum Afer, ex duabus decimis similæ præparasti. Si eorum quæ retro sunt oblitus, vbi est impetus Spiritus in funiculis charitatis ducis, sextum panem cum Manasse, ex duabus decimis fecisti. Si tristitiam quæ secundum Deum est habens, de peccatis tuis, in amorem Creatoris conturbas, septimum panem tanquam Symeon, ex duabus decimis facis. Si quotidie, cum Abraham vadens & proficiens, ad meridiem diuinæ illuminationis, in odore charitatis proficisceris, octa-

uum panem cum Leui, ex duabus decimis facis. Si solam mercedem Dei cogitans, humeros ad omnia pericula sufferenda in tolerantia charitatis supposueris; nouum panem cum Issachar, de duabus decimis similæ facis. Si plenus charitate, vt aquila in cælo posueris nidum tuum tanquam habitaculum fortissimum, decimum panem cum Zabulon, ex duabus decimis similæ facis. Si CHRISTVM amplectens, quantum vales tantum diligas eum, plenus in augmento virtutum, vndecimum panem cum Ioseph, de duabus decimis similæ facis. Si *lena* Sponsi *sub capite* tuo, & *dextera illius*, te amplexatur, in supremo charitatis constitutus, duodecimum panem, cum Benjamin ex duabus decimis similæ fecisti.

Cant. 2.
6.

Ecce duodecim panes propositionis ex duabus decimis similæ parati, mensam præstolantur purissimam, super quam statuuntur eorum Domino! Est autem Scriptura diuina, mensa Domini purissima. Velut mensa enim de imputribilibus lignis mandatorum diuinorum composita, in omni copia deliciarum exuberat. Anima etiam Christiana, Baptismi trina immersione ad plenum, tam ab originali quam actuali peccato purificata, mensa Domini est purissima. Ad hanc enim superbiorum Regum & omnium prædiuitum mensis despectis, accedit Dominus vt reficiat & reficiatur, vt ministret & ei ministretur. Libamenta corporis & sanguinis sui prior in hac mensa ponit, ac deinde imitationem suæ passionis, pro recompensatione, multum dignanter resumit. In honore quoque Dei, sancta altaria solemniter dedicata, mensa Domini sunt purissima. Habet Dominus & alias mensas nobis ignotas, sed procul remotas, sed tamen conuiuio & conuiuatoribus idoneas. In scriptura itaque Panes ordinantur propositionis, quia institutio & utilitas ibi continetur confessionis. Ibi etiam commonemur de confessione peccati & laudis Dei, de bonis operibus, de lumbis succingendis, de beatitudine querenda, de dilatatione cordis, de obliuione sæculi, de tristitia pro peccatis, de profectu virtutis, de diuina mercede, de habitaculo cæli fortissimo, de perfectione bonorum, de dextera Domini Virtutum. Et hæc quidem in mensa Scripturarum.

Sanctorum
rum cō-
memo-
ratio-
nes
quoti-
diè fiūt
ad Al-
taria.
Sancto-
rum in-
terces-
sio, ma-
gis ap-
peti de-
bet quā
panis.
Sancto-
rum so-
lemnita-
tes in
Eccle-
sia.

Anima quoque cum peragrauerit omnem hanc regionem diuinarum plantationum, & coronā aureolā ex his omnibus compactā caput suum protulit redimitum, apparebit tanquam mensa Domini purissima. Ad sancta quoque Altaria indefessè omnium Sanctorum, quotidie fiunt commemorationes. Quid autem Sanctorum commemoratio, nisi quædam Panum propositionis appositio? Quis enim tibi utilior panis, satians ventrem, an sanctus sanans mentem? Quid appetibilis, panis satiatio, an Sancti intercessio? Vnusquisque Sanctorum Panis ex duabus decimis similæ est, vel propter Fidei & morum perfectionem, vel propter Dei & proximi dilectionem, vel propter exempla perfecta ad aliorum eruditionem & continuam pro nobis intercessionem. Panes itaque propositionis super mensam purissimam coram Domino statuuntur, cum Sanctorum solemnitates, ad Dei honorem, à fidelibus in Ecclesia celebrantur. Thus vero superponitur, cum orationes ad Deum pro populo leuantur.

Aaron sunt, quia gratia salui facti sumus & hoc non ex nobis, Dei enim do-

R r iij

Ep. 2. 8. *num est.* Filiorum eius, quia Apostoli Dei adiutores sunt, participes gratiæ Dei sunt, cohæredes CHRISTI sunt. Aaron sunt & filiorum eius, quia à throno procedunt fulgura & voces & tonitrua: videlicet miraculorum, exhortationum, & increpationum Sanctorum. Vel idè Aaron sunt & filiorum eius, quia à Deo habent fideles quod sunt, & Apostolorum imitatione ad regnum perueniunt. In loco sancto eduntur, quia in fide vel celesti regno, à Deo suspiciuntur. Per Sabbata mutantur, quia in consummatione virtutum tanquam in fine hebdomadarum dierum, alii tolluntur, alii substituuntur. Vnde: *pro patribus tuis nati sunt tibi filii. Fœdere sempiterno & iure perpetuo sunt hæc:* quia ab initio mundi vsque ad finem sæculi, non deficiet Sanctorum generatio. Vnde: *annuntiabitur hoc à generatione in generationem: à generatione præcedentium patrum, in generationem succedentium filiorum, scilicet Christianorum, & hoc vsque in sempiternum.* Et in Euangelio Dominus: *Ecce ego vobiscum sum in omnibus diebus vita vsque ad consummationem sæculi.* Amen.

Math.
28. 20.

CAPVT X.

De Pane similagineo.

Leuit. 6. 15. **P**ostquam igitur de Panibus propositionis, quam Deus donauit refectionem, fugientibus ab Aquilone parauimus, ad panem similagineum, consequenter stylum & animum transferamus. Diuinissimum namque quiddam & supra sensum humanum est, quod (ex mandato legis, vbi agitur de Panibus propositionis) pars simila, non consuetudinariè conspergitur aquâ, sed oleo, nec coquitur in sartagine, vel craticulâ, vel clibano, sed cum oleo offertur super altari, in monimentum odoris suauissimi, Domino. Sic n. in Leuitico legitur: *Tolle Sacerdos pugillum simila quæ conspersa est oleo, & totum thus quod super similam positum est, adolebitque illud in altari in monumentum odoris suauissimi Domino; reliquam autem partem simila comedet Aaron cum filiis suis, & comedet in loco sancto atrii tabernaculi Domini, ideo autem non fermentabitur, quia pars eius in Domino incensum offertur, sanctum sanctorum erit, sicut pro peccato atque delicto. Mares tantum stirpis Aaron comedent illud, legitimum ac sempiternum est in generationibus vestris, de sacrificiis Domini, omnis qui tetigerit illa sanctificabitur.* Leuemus velum, & faciem Moyfi reuelemus, vt ingredientem in sanctuarium Dei, intelligamus sonum alarum loquentem tanquam sonum sublimis Dei, & audiamus spiritum vite qui est in rotis.

Ezech.
1.
Ezech.
20. 21.

Itaque farina illa quæ purissima, quæ candidissima quæ subtilissima est; simila vocatur. Quid autem diuina natura siue sapientia, purius? quid candidius? quid subtilius? Nam quod in creaturis est purissimum, comparatione naturæ Dei, est sordidissimum. Quod candidissimum in humanis potest excogitari, teterrimum reputatur præsentatum æterno lumini. Quod denique subtilissimum in omni adinventione humanorum fantasmatum fuerit inuentum, diuinæ sapientiæ splendoribus comparatum, deprehenditur esse stultissimum. Ad hanc itaque pigra anima non confurgit, impura non

accedit, incrassata non tranſilit, hanc, lippa non videt, non audit ſurda, muta non loquitur, huius in amplexus, ſcabioſa non admittitur, ſœda non copulatur, ſœtida, non recipitur. Quare aſſumat pennas tarda, mundet ſe contaminata, extenuetur groſſa, mundetur lippa, auditum recipiat ſurda, ſcabioſa purgetur, ſœda decoretur, ſœtida odore bono perfundatur. Quantumcumque enim prius fueris oppreſſa, ô anima, malorum conſuetudine, tamen facile ſurſum reuolas, ſubnixa charitate: quantumcumque turgida ſiue tumida; extenuaris continua afflictione, quantumcumque cæca; illuminaris moderata caſtificatione. Auditum quoque reddit vera obediencia, ſcabiem repellit ſancta continentia, ſœditatem exterminat bona conſcientia, ſœtorem emundat optima fama.

Vt cumque his & huiusmodi extincta antiquæ nobilitatis & proſapiæ inſignia reaccenduntur, & ad antiquum titulum gloriæ filiorum Dei recurritur. Cuius tamen gloriæ portio non plenitudo, pugillus non ſextarius, prælibatio non ſaturatio, in præſenti datur. Nondum enim Deus per ſpeciem, ſed per fidem videtur. *Videmus*, inquit Apoſtolus, *nunc per ſpeculum & in ænigmate, tunc facie ad faciem*. Concitatori tamen deſiderio inſiſte, apprehende de Deo, non quod ignotum eſt, ſed quod noſcibile occurrit, tanquam plenum pugillum de ſimila. Denique Paulum vide Sacerdotem noſtrum, de incomprehenſibili farinæ maſſa, plenum pugillum nobis menſurantem. *Inuiſibilia*, inquit, *Dei, per ea que facta ſunt, intellecta conſpiciuntur*. Quasi enim tota ſimila eſt, ipſa incomprehenſibilis ſubſtantia diuinitatis. Hanc itaque, quia impoſſibile eſt apprehendere, ſufficiat Sacerdoti pugillum plenum tollere: vt quantum ſufficit intelligere, tantum audeat diſſerere, pugillus enim Sacerdotis, capacitas eſt deuotæ mentis, implet autem ſimila pugillum, qui de Deo replet ſenſum ſuum. Non capiat autem ſimilam, ſiue olei conſperſione, vt ſemper Dei potentia recorderetur cum ſua miſeratione.

Thus quoque ſuper ſimilam eſt, quia miſericordiam *ſuperexaltat* iudicio, quia interpellatio *Spiritus* qui *pro nobis* orat, *gemitibus inenarrabilibus*, quali inſuperabilem ſuperat, cum à rigore iuſtiſſimæ diſtinctionis, omnipotentem miſericorditer ad nos exaudiendos inclinat. Nota Trinitatem, in ſimila Patrem, in oleo Filium, in thure Spiritum ſanctum. Oleum, in ſimila indiuiſibiliter conſperſum, Filium cum Patre ſubſtantialiter vnum: Thus ad vtrumque reſpiciens, Spiritum ſanctum ab vtroque procedentem. Semper in monumentum ſuauiſſimi odoris Domino, hoc totum in Altari adolendum, vt in hac fide & deuotione, toto deſiderio, cor noſtrum ſemper ardeat in Deum. Reliquam autem partem, *Aaron cum filiis ſuis comedit in loco ſancto atrii Tabernaculi*: vt IESVS diſpenſatione incarnationis ſuæ, cum ſuis diſcipulis in Ieruſalem ciuitate ſancta, PANEM ET VINUM IN SUBSTANTIAM CORPORIS ET SANGVINIS SVI COMMV'TANDO, viuificis altaris myſteriis compleat, & Fidelibus ſuis ſalutari myſterio uſque in finem ſæculi tradat. Vel, pugillus Sacerdotis, eſt operatio creationis, Simila in pugillo, operatio creationis in Deo.

1. Cor.
13. 12.

Rom. 1.

Iac. 2.
13.

Rom.
8. 26.

Trinitatis
myſterium in
pane ſimilagi-
neo Le-
uit.
6. 26.

Oleum super similam, Spiritus bonus fouens omnem Creaturam, unde illud, *Spiritus Domini ferebatur super aquas*. Adolendum hoc in altari, in monumentum odoris suauissimi Domino, delectati. n. in *factura Dei*, glorificare creatorem de creatura sua debemus, non euanesce in cogitationibus vanis, sicut illi *qui cum cognouissent Deum non sicut Deum glorificauerunt, aut gratias egerunt, sed euannerunt in cogitationibus suis*. Oleo namque superfunditur simila, cum de Deo percepta illuminatur scientia. Est autem recta illuminatio scientiae, cum secundum scientiam procedit oratio cum deuotione. Nam sine deuotione operatio, simila est sine oleo. Rursum deuotio sine operatione, oleum est sine similagine. Pugillum quoque implet Sacerdos simila oleo conspersa, cuius tota operatio Saluatoris exemplo consecratur & gratia. In altari adoletur, cum caelesti desiderio cor ardens ad sublimia cum odore boni operis rapitur.

Aaron reliquam partem simila cum filiis suis, absque fermento comedit, cum illa quae facere ex naturali difficultate non sufficimus, iustitia Dei non imputat ad poenam, sed misericordia Creatoris, per Apostolorum intercessionem ignoscit. *Mares tantum stirpis Aaron comedent illud*: mollis & delicata, resolutione malarum concupiscentiarum, anima non contingit similam, id est, non se arbitretur posse apprehendere diuinam sapientiam, non enim *habitabit in corpore subdito peccatis*. Sed mares, subigentes scilicet aduersarias Potestates, subiicientes quicquid aduersatur, *& extollitur aduersus scientiam Dei*; calcantes super serpentes & scorpiones, comedent similam. Venter muliebris non recipit cibum simila, quia corruptus sensus, diuina nequaquam idoneus est naturae suae scientiae. Masculi vero stomachus solidus & sanus, ipse quaerit & intelligit quid sit Deus.

Non tamen sexum in carne distinguo, sed sensum in animo, vel prauum repudio vel sanum approbo, nullo modo namque manus Creatoris, in conditione muliebris sexus creauit vel diuersam suae bonitatis imaginem, aut deteriorem mulieri quam viro assignauit. Ait namque de homine Scriptura: *Ad imaginem Dei creauit illum, masculum & foeminam creauit eos*. Non ergo ab hac comestione excluditur foemina ut mares admittantur, propter apparentem cibi vel sexus distinctionem, sed propter latentem mysterii sanctificationem vel significationem. Discernat itaque comedentes, sensus non sexus; gratia non natura; discretio mentis non membra corporis; habitus animi, non pilus faciei. Virtus quaeritur, vitium respuitur, admittitur constantia, lasciuia eliminatur, patientia recognoscitur, anathematizatur iracundia. Si ad conuiuium panis similaginei accesseris, cuius sis conditionis, cuius aetatis, cuius stirpis, cuius sexus, statim ab Angelo percunctaris. Nam his principaliter & proprie Angeli deseruiunt officiis, ut ad Deum venientium inquirant mentem, propositum & meritum. Officii sui certe est, & dignos intrmittere, & indignos extrudere, bene meritos cum reuerentia suscipere, immeritos cum iniuria eicere. Si improbe contra regulam & legem constitutam te ingesseris, ne capite timeas detrunceris, non enim sine causa rhomphaeam Cherubim vibrat. Fer-

rit

DE PANIBVS, LIBER.

321

rit superbum, defendit humilem, impudicum excerebrat, castum honorat, lugentem consolatur, irridenti comminatur, credenti communicat, incredulum damnat.

An non in medio Ierusalem vir qui habebat scriptorium ad renes, calamo sui examinis, omnes eius habitatores sic notabat, & alios ad mortem, alios ad vitam destinabit? Firmiter autem retinendum, hunc Angelum non quos ipse volebat, sed quos Dominus iubeat (vt diuinum amplius timeas, quàm Angelicum iudicium) morti aut vitæ præsignasse. Mores igitur corrigendi, sensus erigendus ad gratiam impetrandam, & ad simillam sumendam. *Omnis enim qui tetigerit illam, sanctificabitur.* Qui tetigerit sicut & illa tangebatur, de qua dictum est: *Tetigit me aliquis.* Est enim tactus Fidei, & est tactus infidelitatis. Tangit Fides, sed promerendo: tangit infidelitas, sed prodendo: tangit Fides, deuotionem admoendo; tangit infidelitas, sed nequitiam suam euomendo; tangit Maria, osculando pedes & vngendo; tangit & Iudas, osculando & vendendo; tangit Fides, amando & imitando; tangit infidelitas, persequendo & execrando: Fides tangendo sanctificabitur: infidelitas, tangendo contaminabitur: Sanctitas enim, sicut decenter suscepta, sanctificat, sic irreuerenter contrectata damnat. Post buccellam, in corde Proditoris sœuere amplius potuit potestas Diaboli, quia non vitio sumpti, sed sumentis augmentatur læsio doloris, nam quod sumitur sanaret, nisi æger de medicina acrius ægrotaret: extinguit enim medicina morbum, & sanat morbosum, nam posthæc non erit anima sine morbo, quæ fuerit mortua cum morbo.

Morbum igitur à te, ô anima, separa ex medicina, ne semper moriat cum pœna, omne autem vitium, intellige animæ morbum. Tange ergo sine vitio curationem vitiorum, accede cum fide ad Emundatorem animarum nostrarum. Panis namque est similagineus, mundus, candidus, sapidus, calidus, neque in ore laboriosus, neque in ventre ponderosus. Præstruit hic ordo verborum, quodammodo sacratæ intelligentiæ aptitudinem. Nisi enim puro corde, & conscientia bonâ & fide non ficta cuius sit saporis diuina gratia, non degustatur, nisi vilitate terreni sensus deiecta, claritas diuinorum sensuum non penetratur: mundus itaque cogitatione, candidus bonæ opinionis celebritate, calidus feruenti dilectione, sapidus in sancta eloquutione, sumit panem similagineum, quia huius manus non discordat à mensa, neque mens à simila. Si vales, considera creatorem in gloria sua, quod est simillam totam sumere, si non vales, saltem vel redemptoris aspice potentissima & piissima opera, quod est pugillum de simila implere. Totam quidem pugillo non capies simillam, quia incomprehensibilem non comprehendes naturam: imple tantum pugillum, vt, de posse tuo glorifices Deum.

Non facias Deo de seipso rapinam, vt quam pugillo tuorum meritorum non elaborasti, ab eo vsurpes gratiam. Hoc ipsum quoque pugillo apprehenderis, Deo non tibi immolandum memineris: *Nihil enim habes quod non acceperis: Si autem acceperis, quid gloriaris quasi non acceperis?* Nunquam sine oleo est simila, quia Deus nunquam suâ priuatur clementia.

Si

Gene f.

3. 24.

Ezech.

9. 2.

Exod.

29. 37.

Marc.

5. 31.

Tactus

spiri-

talis

duplex

est.

1. Cor.

4. 7.

Tu quoque nunquam accedas ad mensam, sine oleo ad similam, quia durus ad pium, ad misericordem, crudelis; ingratus, ad benignissimum comparabiliter non accedit. Transi à carne ad spiritum, à spiritu ad Deum: animarum enim panes sunt non corporum, quos præ manibus habemus. Quare communi vtilitate seruata, procul sit ambitiosa vendentis avaritia, & ementis absistat ignauia. Par enim scribentis & legentis secundum officiorum distributionem, debet esse sedulitas: istius vt dignè scribat; illius vt benignè legat: istius vt componat ad vtilitatem; illius vt legat adificationem; istius vt eroget, illius vt roget; istius vt deferat; illius vt referat: istius vt largus sit; illius vt gratus sit in accipiendo. Neuter tamen decipiat aut decipiatur, fraudet aut fraudetur. Decernat scribens, vtrum sic scribere debeat, discernat legens, vtrum scripta recipere. Nullam patior iniuriam, si meam volens statuere sententiam, vbi bene, assensum, vbi malè, repulsam legentis sensero.

CAPVT XI.

De Pane hordeaceo.

DE pane hordeaceo iam tractaturus, saluo sensu fidei rusticiorem sermonem non sum respuiturus, humili namque stylo, propter conditionem seruilem eo vtentium, scribendum est de pane hordeaceo. Panis itaque hordeaceus non pro deliciis apponitur, sed tantum vt seruilis fames releuetur, fauces enim deliciosorum excoriat, ventrem onerat, & arterias exasperat, duro namque contegitur cortice, & spiculata superficie occurrit comedentium dentibus. Tamen in domo magna, & si non magnis hic necessarius est cibus, non quidem delicatior, sed tamen vtilior, quia virium seruiliū magis esset confortatiuus. Sic quoque viliora, sed necessaria sunt, vtentium pane hordeaceo officia. Vilissimum quidem officium stercorearii, in domo diuitis, sed tamen mundat quod est fœtore pessimum. Ancillarum quoque conditio, plurimum extrema, sed in ablutione pannorum vtilissima, quomodo enim Dominus ad publicum procederet, nisi vestem fordidam ancilla lauaret? lignarius quoque aut agitator aselli, nullius sunt dignitatis, sed non æquè nullius vtilitatis, vnde namque filius se calefaceret, nisi de sylva ligna seruus deferret? Focarius siue carbonarius, tota facie, propter carbonum & cinerum assiduam reuolutionem denigratus, iuxta cineres vix residere superuenientet turba, præualet, sed nisi focum & carbones præparasset, quis locum ad focum haberet? Cocus etiam cacabi & ollarum contrectatione, & multum sudosa ferculorum præparatione interfœdatus, non prior neque melior recumbit, aut fortè nec posterior in conuiuio, sed quis cœnaret, nisi cibos ipse coqueret?

Viliora
officia,
magis
neces-
saria
sunt.

Ioan.
6. 9.

Ecce apparet in officiis verum esse, quod quamuis sint vilia, tamen valde sunt necessaria. Fortè sic est de pane hordeaceo, vt quod est vilior, eò sit ad pascendam familiam vtilior. Vt quid enim familiam suam in deserto panibus hordeaceis Dominus omnium pauit, nisi vt significationem daret timentibus se, vtilem omnino & abundantem esse cibum, panem hordea-

ceum? Animaduerte verò me numerasse superiùs quinque officiales, & nunc reperisse in apotheca Domini, quinque panes hordeaceos. Concurrit autem sibi non solum numerus, sed & genus officii atque panis. Attende itaque Stercorarium panem comedentem hordeaceum; Lignarium similiter, Focarium, Coquum & Ancillam. Exponendum igitur tam in numero quàm in ordine, quid figuratiuè ista significant, & ex Scripturæ auctoritate (si Dominus dederit) demonstrandum, quid sit cloaca, vel Stercorarius in cloaca, quæ sint ancillæ vel laundariæ, vel panni qui ab eis mundantur, & sic de cæteris.

Mundus igitur iste (quasi cloaca) plenus peccatorum fœtoribus, receptilis est omnium malorum, tanquam vniuersarum spurcitiarum. In hoc Adam prior purgauit ventrem, non ideo vt purgaret vel reuelaret: sed vt omnes posteros opprimens contaminaret, cum enim peccatum excusauit, quasi ventrem purgauit. Sed heu miser! vbi aut in quem sterces primum proiecit? Certè iuxta Deum qui illum creauit, & in animam suam & posteritatem sobolis suæ. Se namque excusando, quasi Deum accusans dicit; *Mulier quam dedisti mihi sociam, dedit mihi de ligno, & comedi.* Quare Adam, iuxta Legis præceptum *paxillum sub balteo non habeas*, vt egrediens *extra castra ad requisita nature reiecta humo* furfurem ventris absconderes? Certè si vocem Domini audiens, pectus tunderes, & te accusando propriam conscientiam pungeres, humili proculdubio satisfactione & confessione, fœtorem perpetratæ iniquitatis, ab oculis Dei, reprimendo sonitum superbiæ occultares. Sed te sic ignominiosè nudantem, immò celantem præ confusione posteriora tua, & obscænos mendacii sonos emittem, huiusmodi obscænitatem, noluit Deus Paradisum diutius contaminari, sed conuallem istam, tanquam cloacam parauit, & ad proprios fœtores sorbendos miserum inclusit in mundo, exclusit de Paradiso.

Creuit malitia, impleta est cloaca. Venit diluuium, vt deleret culpam & emundaret cloacam. Fabricauit Noë, iubente Domino, prius Arcam, in qua cum posteritate, saluaret animam suam. Dum ergo in Arca laborabat, dum intra Arcam conclusus finem Diluuii expectabat; quid nisi panem hordeaceum, *in diluuium aquarum multarum* tanquam in emundatione immundarum superfluitatum edebat? Ecce Noë quasi cloacarius mundi, præ nimio fœtore, omnem fenestram Arcæ bituminauit, & formam secundæ regenerationis, in qua veteres sordes expiantur prætitulauit. Sed vixit pane planè hordeaco quia dura fuit temporis illius tribulatio. Moyses hunc panem in Genesi reconditum portauit: sed IESVS ad Iohannem veniens Sacramentumque Baptismi suscipiendo aperiens, & expiationem salutarem exhibens, esurienti turbæ in deserto Ecclesiæ fregit. Hic vnus & primus panis est de quinque panibus hordeaceis.

In Exodo secundus panis conficitur, quando filii Israël de Ægypto per Mare rubrum in Deserto traducti, quasi pannos animarum suarum, Ægyptiorum cohabitatione infectos, reparauerunt, & nouum Pascha celebrantes, sanguine Agni renouauerunt. Sic enim scriptum est in Exodo: *Descendit Moyses de monte ad populum, & sanctificauit eum, cumque lauissent ve-*

Sf ij

vestimenta sua dixit ad eos, estote parati in diem tertium, & non appropinquetis vxoribus vestris; iam aduenerat die tertius & mane inclarauerat, & ecce cœperunt audiri tonitrua & micare fulgura, & nubes densissima operire montem, clangorque buccina vehementius perstrangebatur, & post pauca, descendit Dominus super montem Synai, in ipso montis vertice, & vocauit Moysen in cacumen eius. Animaduertendum, quod primò, secundò, tertio, abluuntur vestimenta filiorum Israël, videlicet, in Mari rubro, in sanguine agni, in acceptione Legis. Mundat enim nos baptismus Christi, mundat corpus Christi, mundat lex Dei. Ancillæ verò sunt Sacramenta, quæ conscientiarum pannos sic dealbant, vt Angelorum puritatem iam aliquatenus conscendere faciant. Non veniet autem ad nos Dominus, nisi ancillæ istæ nostra prius mundauerint vestimenta: quia in nobis non erit Christus, nisi perceperimus

- Isa. 6. Ecclesiastica Sacramenta. *Vestimentum enim mixtum sanguine, erit in combustionem, & cibus ignis. Si autem fuerint peccata nostra, iuxta Isaiam, vt*
 55. *coccinum, immanitate perpetrati sceleris, fuscata, virtute Baptismatis pur-*
 Isa. 1. *gata, quasi nix dealbabitur, vt anima illa cantet & dicat tanquam tonsa*
 18 *& lota ascendens de lauacro, asperges me hyssopo, & mundabor; lauabis me*
 Cant. 4. *& super niuem dealbabor. Iterum; si fuerint rubra quasi vermiculus, quæ*
 2. *quasi viluerunt quotidiana assiduitate: velut lana, alba erunt in vera con-*
 Ps. 50. *fessione. Omnia Ecclesiæ Sacramenta quæ sunt tanquam piscina in Hesebon,*
 Cant. 7. *quodcumque animam maculauerit peccatum, siue paruum, siue magnum,*
 11. *siue vetus, siue nouum, delere sufficiunt. Beneficio ergo & officio illorum,*
 Cant. *anima dealbata venire de Libano voce Sponsi monetur, veni, inquit, de*
 4. 1. *Libano, veni.*

Ecce quare tertio infans baptizandus in Fonte mergitur, & tertio eleuatur. Moyses descendit vt sanctificet populum, quando ex condescensione sua Prælatus quilibet ad lamenta prouocat subiectum: cumque vestimenta sua fletibus lauerit, vt in diem tertium paratus sit præcipit. Prima dies, dies est natiuitatis: secunda, tempus adolescentiæ, cum vires suas exercere cœperit in intelligentia rationis: tertia, cum defecerit virtus corporalis in dissolutione animæ & corporis. Primam diem parat regeneratio Baptismi: secundam, mortificatio carnis, quæ statim vt senserit motum extollentem se aduersus castitatem mentis, eam subigit & extinguit ratio animi: tertiam nihilominus parat meditatio mortis, quæ velut nauacula acuta, radit renascentia quotidie superflua desideria carnis.

Mortis
medi-
tatio
extin-
guat li-
bidinẽ.
Leuit.
6. 12.

In Leuitico, Sacerdotes iubentur struem lignorum in altaria subicere, vt perpetuus sit ignis Domino, & nunquam deficiat. Quid itaque Aaron princeps Sacerdotum, ad hoc designatus officium, nisi in domo Dei seruus præparans focum? Totus quoque Leuiticus, nisi ignem parat, cineres replicat, carbones inflammat, ligna subministrat, vitulos immolat, arietes iugulat, agnos anniculos assat? Panis tamen hordeaceus est, illa succinctio in detrahendis pellibus, in aperiendis intestinis, in lauandis, in diuidendis singulis artubus, in coquendis & ministrandis, in effusione quoque sanguinis, in comburendis vel extra castra efferendis. Grossiora multa sunt ista Sacramentorum velamina quàm nostra, laboriosa & viliora: nostra

quidem pauciora, sed digniora, tardiora, sed vtiliora. Fuerunt siquidem illa exemplaria caelestium, nostra vero sunt ipsa caelestia. Translatum deinde Sacerdotium vetus, desit ritus sacrificiorum, cessauit vnctio. Nouum denique secundum ordinem Melchisedech successit, & veritas Corporis & Sanguinis CHRISTI, figuras praecedentes consummauit.

Postquam igitur filii venerunt quibus parabatur focus, secessit qui parauerat, nec vltra habuit locum postquam clarè cepit ardere focus. Comedit itaque Aaron cum posteritate sua tertium panem hordeaceum, dum composuit focum. Nos proinde accenso Euangelii igne post resurrectionem Domini, sine labore, sine sudore, sine dolore panem gloriae comedamus, lucem intueamur, igni adsistamus. Nam dolores & sudores atque labores nostros ipse portauit, & ne iisdem rursus afficeremur, Cruci affixit, nec vltius soluendos edixit. Quasi diceret, hucusque Aaron panem suum hordeaceum, offerendo sacrificia & munera secundum legem Moyse comederit, iam nunc, quia consummatum est, trado vobis non litteram sed spiritum meum, vt non secundum carnem deinceps, sed secundum Spiritum viuatis & hostiam viuam, sanctam Deo placentem offeratis. Ecce iam coquus dignus cibo suo, panem suum praetolatur, & pro multa coquina vexatione, saltem panem hordeaceum precatur.

Quis verò sit coquus iste vel quorum gulae & ventri satisfacere debeat, querendum est, si quo modo Lex diuina id ostendat. Fortè si diligentius Librum Numerorum reuoluerimus, inueniemus. In eo enim legitur, vulgus quod ascenderat de Aegypto cum filiis Israël, carnum Aegyptiarum flagrasse desiderio & dixisse; *Quis dabit nobis ad vescendum carnes? recordamur piscium quos comedebamus in Aegypto gratis, in mentem nobis cucumeres veniunt & pepones, porri & cepa & allia, anima nostra arida est, nihil respiciunt oculi nostri nisi Man.* Ecce habes qui petant, & quid, & à quo, Filii nempe Israël, à Moyse petunt carnes. Vnde & ipse Moyse, tanquam bonus coquus, querit quomodo & vnde satisficiat importunitati eorum, & ait ad Dominum: *Vnde mihi carnes vt dem tanta multitudini? stent coram me dicentes, da nobis carnes vt comedamus.* Pensandi sunt labores Moyse, quibus die & nocte vitur, ne populus suus famem patiatur: nihilominus aequè exosa populi ingratitude, cui nec Deinec hominis sufficit sollicitudo. Plagis namque decem, in ultione illorum Aegyptios percussit, in Mari rubro viam eis facit; Pharaonem cum populo insequentem illos demergit, de petra aquam producit, aquarum amaritudinem in dulcorem vertit; Manna de caelis pluit, multa praeterea beneficia impendit, & adhuc carnes cum murmure querit! Hæc Deus populo, hæc populus Deo.

Moyse verò vt eos educat, & de manu Pharaonis eripiat, omnibus periculis se exponit, vt legem accipiat per duas Quadragenarias abstinit, montem ascendit, ac subinde cum instanti sollicitudine, ne castra illorum ab indignatione Domini (propter vitulum conflatilem) pereant, descendit, & importabili oneri quotidianarum quaestionum, penè succumbit. Quid verò populus ad hæc? In Deum murmurat, Moyse manus iniicere parat, Manna fastidit, carnes cum desiderio petit,

St iij

Pfal.
77. 31.
Hebr.
7. 17.
Ioan.
6.

Ægyptios suspirat cibos, & conqueritur sibi melius fuisse in Ægypto, quàm nunc sit in Deserto. Cucumeres quoque & pepones insipidos, potros, capas & allia cibos ad libidinem commotiuos, rebellis & ingratus populus, non multùm inconuenienter esurit. Ampliùs enim placet desidia quàm labor, luxuria eos magis delectat quàm continentia. Conceduntur tamen, potiùs ex indignatione quàm ex miseratione carnes, quia post impetrationem desideriorum carnalium, castrorum perimuntur extremitates. *Adhuc*, inquit Psalmista, *esca erant in ore ipsorum, & ira Dei ascendit supra eos*. Ecce quomodo in coquina Hebræorum, Moyses desudat, nec tamen panes triticeos sed hordeaceos pro officio recipit: *neminem enim ad perfectum adduxit lex*. Hæc de quarto pane hordeaceo sufficiant. Superest vt quintum quoque à puero qui *habet quinque panes hordeaceos & duos pisces*, mutemur, & turbæ nostræ cum manuum CHRISTI benedictione apponamus.

Num.
34. 1.

Primò itaque, iuxta rationem præcedentium, cui & pro quo opere respondendus sit panis iste, indagandum est. Recordandum tamen priùs est, in superioribus lignarium vel architectum cum aliis Officialibus numeratum esse. Quis autem sit architectus vel quibus ligna deferat, siue ad focum siue ad domum, diligenter est inquirendum. In significatione igitur huius mysterii, in Deuteronomio, tanquam de infinita beneficiorum Domini sylua, Moyses recolligens ligna, enumerat omnia opera Domini & sua & populi Israël. Quasi ergo bonus architectus, in memoriam illorum reuocando quæ pro eis (immo, quæ ipsis) Dominus bona fecerat: ligna, secundò quasi redoleat, & quæ sibi quæque adaptanda in ædificio domus Dei sint, funibus & lineis remittendo præmonstrat. Ad minus enim clv. distinctionibus capitulorum, in Deuteronomio, velut tignis & laquearibus omnia acta præcedentia Populi, ab exitu Ægypti recapitulat, & vnum librum tanquam domum vnã componit, vel etiam panem pro tali opera Moyses reposcit. Attende finem libri huius, & stipendium quale sit intellige. *Ascendit*, inquit, *Moyses de campestribus Moab super verticem Nebo in verticem Fasga contra Ierico, ostenditque ei Dominus omnem terram Galaad vsque Dan, & vniuersam Nephtalim, terramque Ephraim & Manassæ & omnem terram Iuda vsque ad Mare nouissimum & australem plagam, & latitudinem campi Ierico, ciuitatis palmarum, vsque Segor, dixitque Dominus: hæc est terra pro qua iuravi Abraham, Isaac & Iacob, dicens: Semi tuo dabo eam. Vidisti eam oculis tuis, & non transibis ad illam, mortuusque est Moyses, seruus Domini in terra Moab, iubente Domino, & sepelierunt eum in valle Moab contra Phogor, & non cognouit homo sepulchrum eius. Quid est Domine? Hæc est illa prædicabilis & prædicata vbique gentium amicitia tua, ad amicum tuum Moysen? Taliterne finiuntur promissiones tuæ? Itane remunerantur qui in castris tuis, vsque ad mortem militantes merentur? Si Moyses fraudatus est à desiderio suo: cuius spes non pendeat in dubio? Sed esto, nolebas illum introducere ad terram illam desiderabilem, & quare ostendebas quod non dabas? quasi enim puero porrigis pomum, & retrahis manum. Fortè non tam fortiter doleret, si non videret, crescit auuiditas scintillata ex visione, ardentius flammescit ani-*

ma in muneris oblatione. Sed quò vberius concepta spes gaudet, desperata acrius dolet. Cui es parciturus si Moyfi non parcis. Quistuis sic obediuit mandatis, quis pro te sic se indifferenter opposuit inimicis, & exposuit periculis? Nunquid non scriptum est: *Quia non surrexit Propheta ultra in Israël, quem nosset Dominus facie ad faciem in omnibus signis, atque portentis quæ per eum misit ut faceret in terra Egypti, Pharaoni & omnibus seruis eius, vniuersæque terre illius, & cunctam manum robustam, magnæque mirabilia quæ fecit Moyses coram vniuerso Israël.*

Deut.
34.

Vt mihi videtur, amandus quidem es super omnia, sed nihilominus & timendus. Amantium enim vitia non palpas sed emendas, & aculeus tui timoris, impunita non transit, etiam errata diligentis. O Moyses amicus est qui minatur, idè non timendus. Omnipotens est qui loquitur: idè non prouocandus. Deus est qui decernit, idè iustus arbitrandus: amicus legem amicitiae non pratergreditur, ut in finem ab amico recedat. Omnipotens ergo & misericors, fortè idcirco terram morientium negat, quia ad cælum Moyfi animam subleuat. Deus hoc in præsentì ad purum excoquit, quod ad aternitatem veniendi impedimento esse animaduertit. Videat ergo Moyses terram pro qua iurauit Dominus Patribus suis, tanquam panem triticeum & non comedat, non intrando; sed comedat, moriendo in terra Moab (fortè propter peccatum, ad aquam contradictionis commissum) panem hordeaceum. Ecce quinque panes hordeaceos tetigimus, & in mensa posuimus, sed vberiores reliquias adhuc intactas reliquimus, semper enim, quò frequentius tanguntur exponendo, tanquam frangendo, eò abundantius succrescunt, fideliter intelligendo.

Deus
& amā-
dus est
& ti-
mēdus.

CAPVT XII.

De Pane Lugentium.

Post panem hordeaceum, & loco & merito sequitur panis Lugentium; nam Moyse mortuo, quis non dolebit, quis non lugebit? Beati verò qui mortem Moyfi (id est, defectum Legis) lugent, quoniam Rectorem habent IESVM pro Moyse, gratiam accipiendo pro Lege. Panis itaque Lugentium, abundantia est lacrymarum, sicut enim panis esurientem, sic lacryma reficit animam dolentem: Deficit esuriens sine pane, lacerata languet anima, sine lacrymarum effusione. Panis mitigat famem, lacryma lenit dolorem. Non verò semper, non vbique & non ab omnibus manditur panis iste lacrymarum. Nam Angelus qui numquam peccauit, & Adam priusquam peccauerit, panem istum non manducauit. De fonte igitur, peccatorum vena exiliuit omnium lacrymarum. Mirum tamen in hoc artificis Dei ingenium, ut lacryma de venis erumpens peccatorum, profusa humiliter, absorberet omne peccatum. Planè sic de peccato damnatur peccatum, sic aqua compunctionis extinguit ignem illicitæ delectationis.

Lacry-
marum
utili-
tas.

Demergit lacryma populum criminum, rupiumque nostri pectoris soluit duritiā, iudicis emollit iram, iam intentatæ iræ, humili ausu flectit:

Lacry-
marum
eff. e-
tus.

minas, vibratas renaginat acies, erecta iam resupinat supplicia, exundantes irrorat flammæ, profundit de silice aquas. Remollit aspera, rigida recuruat, humectat arida, sterilia fecundat, sordida lauat, decorat fœda, suscitât emortua, referat clausa, prohibita accelerat, intemperata temperat: portas refringit Inferni, carbones extinguit ferreæ fornacis. Quid plura? Vincit inuincibilem, ligat Omnipotentem, naufragium est vitiorum, portusque naufragatorum. Filium Dei ad nos inclinât & ad veram Trinitatem, interueniente spiritu nos eleuat. Hunc panem lacrymarum, Adam comedit in exilio; Noe in diluuiio; populus in Deserto; Ezechias in lecto; Iob in sterquilinio; Dauid in adulterio siue homicidio; Petrus in negatione; Maria Magdalena, in corporis sui prostitutione, Latro in crucis suspensione. Quare? Ut anima renouetur, ut insequens hostis demergatur. Sathan enim tolerabilius sustinet flammam suam quam lacrymam nostram, acriusque contriti cordis lacrymâ, quam flammâ infernalis incendii torquetur.

Damô,
tolera-
bilius
fert In-
ferni
flamas
quam
pecca-
toris
lacry-
mas.

Dum fundit peccator lacrymam, recludit aduersarium in flammam; Vrit certè aduersarium refrigerium nostrum. Tormentis siquidem nostris delectatur, doloribus refrigeratur, effusio nostri sanguinis est ei poculum mellis. Flumina omnia absorbet, sed hanc tamen aquam non sorbet: rumpuntur namque ventris eius interiora, si conspersa fuerint hac aqua. Dentes excutuntur, fauces perforantur, venæ instantur, & nerui eius soluantur: non tamen hæc operatur omnis liquor profluens ex oculis, sed humilitas procedens ad publicum, nauigio lacrymarum. O lacryma humilis; *Tua est potentia, tuum est regnum.* Tribunal iudicis non vereris, amicorum tuorum accusatoribus silentium imponis, quandoque sententiam rapis, etiam ab ore iudicis! Audes ubi timer Angelus. Non est qui te perturbet ab ingressu secretorum, ab interpellatione pro culpis reorum, non est qui accedere vetet. Sola si intraueris, nunquam tamen sola vel vacua redibis. Reatum indulgentiam refert, innocentiam deperditam reparas, exules reuocas, innocentes coronas. Aqua hæc, Paradisum irrigat; Ecclesiam ut sit sine macula lauat. Aut facit, aut inuenit Paradisum. Cum enim profusione lacrymarum tota irrigatur conscientia, ligna producantur, fructum vitæ facientia. Nunquam virtutes aut veniunt aut diu viuunt sine cordis irrigatione. Nam si in corde viridi quotidie irrepunt tentationes; *In arido quid fiet?* Si etiam post lacrymam, vermis corruptionis mentem corrodit, quæ consumptio ariditatis illius, ubi nunquam Dominus pluit? Si ros gratiæ præ tadio aliquando arefcit, quid ubi nunquam ros venit?

Luc.
23. 31.

Habeat igitur Patriarcharum studiosus imitator, puteum in Paradiso, fontem in horto suo, riuos in prato suo. Equidem cum profundas lacrymas in recordatione grauium peccatorum, aquam de puteo hauris: cum verò desles quotidianos excessus, de fonte sumitur potus. Diuersos diffundis riuulos, cum in mensura & pondere appendis cogitatus vniuersos. Omnis plantatio nostra, sine aqua deficit: omnis sterilitas crescit. Alicubi tamen etiam in aquis ipsis, sterilitatem, imò steriles aquas legimus.

4. Reg.
2.

legimus. Ierico steriles habebat aquas, cū Helisæus sua benedictione nondum illas sanauerat: qui veniens, & à filiis Prophetarum querimoniam super aquarum malitia suscipiens, in nouo vase aquam cum sale commiscuit, & aquarum sterilitatem propulsauit. Sic, sic humana natura iuxta defectum suum, fidei & bonorum operum viriditate carens, filii altissimi aduentu ab ariditate sua liberata est, & multum delectabilis ex successu virtutum reddita. Vas enim fictile & nouum, nouum est corpus Christi de virgine sumptum. Sal infusum aquæ, Diuinitas vnita corpori, anima mediante. Sic aqua sanauit aquas, sed aqua cum sale aquas cum sterilitate, sed aqua benedictionis, aquas profusæ maledictionis, sed aqua dulcis, aquas totius amaritudinis. Non bibamus, sed effundamus aquas steriles, nam intestina torquentur ex potatione sterilium aquarum, quia venter animæ conturbatur pro inutili acquisitione rerum sæcularium. Plus autem ariditatis quàm viuificationis conferunt, quæ per simulationem lacrymæ defluunt. Sterilis est omnis effusio lacrymarum quæ non effunditur propter Regnum cælorum. Inanes sunt lacrymæ, quas damnum vel incommodum extorquet temporale.

Lacry-
mæ ste-
riles
quānā
sint.

Non igitur aqua de Ierico huius mundi, sed de Paradiso, sit tibi panis & refectio. Nam flendum solummodo est, aut pro peccato commissio, aut pro amisso Paradiso. Hoc est enim quod ait Scriptura. *Fluuius*, inquit, *egrediebatur de loco voluptatis ad irrigandum Paradisum, qui inde diuiditur in quatuor capita.* Attendendum, vel saltem suspirandum in loco doloris, vbi sit & quis sit locus voluptatis. Locus voluptatis, in Deo est, & Deus est. Cū igitur audis, in Deo, vel Deum esse voluptatem, non carnis sed cordis cogites delectationem. *Non enim contuntur Iudæi Samaritanis*; quia neque vnā originem, neque eundem finem habent delectationes Spiritus & carnis, nihilominus non patitur cohabitare summa illa voluptas, cum nostra infima: nam illa mundat, ista inquinat, illa Deo copulat, ista à Deo separat, illa semper sine fastidio, ista plena tædio. Poterit autem ille dicere quid sit illa voluptas, qui diffinire poterit quid sit æternitas. *De loco voluptatis*, inquit, *fluuius egrediebatur ad irrigandum Paradisum!* Bene talis locus tali flumine irrigatur! qui enim irrigatur, Paradisus est, qui irrigat, Paraclitus. Propterea, nec alio irrigari Paradisus, nec alium debet irrigare Paraclitus. Illo fluuiio apud Superos nihil excellentius, isto loco apud terrenos, nihil cælestius. Ille fluuius voluptatis, iste locus deliciarum: Ibi vna voluptas, quia vnum & inuariabile propter æternitatem desiderium, hic multæ delitiæ, quia multa & diuersa desideria propter alternationem diuersorum motuum. Illa vna voluptas, non solum in se continet istas delicias, sed etiam maius est quod præter ipsas delicias habet, quàm sit totum collegium ipsarum deliciarum: dum enim ad Deum tendis, multæ in itinere occurrunt, antequam peruenias ad vnum Deum, gratiarum delicia.

lacry-
marum
quodnā
esse de-
beat
subie-
ctum.
Gen. 2.
Spiri-
tualis
& car-
nalis
volup-
tatis an-
tithesis
Ioan. 4.

Cū autem ad ipsum perueneris, non gratias sed gratiam, non delicias, sed voluptatem vnā habebis. Singuli beatorum Spirituum nauigant (immo nudis intellectibus natant) cum suauitate in fluuiio isto, & quāto profundius immerguntur, tantō liberius & suauius æterna fœlicitate fruun-

T t

1. Cor.
12.

Christi
Mater,
tota
Deita-
tis gra-
tia ex
priuile-
gio, su-
perfusa
est: Do-
norum
quæ
Deus
homi-
nibus
largitus
est qua-
tuor ca-
pita
præci-
pua.
Ephes.
4. 7.
Visibi-
les spe-
cies in
inuisi-
bilem
Christi
speciē

tur. Cum ex eo impleuerit quisque lagunculam desiderii sui, non tamen angustat aut retardat impetum fluminis Dei. Seraphim primo & præcipuo haustu sua incendia vberius accendit, quia dilectionem nutrit non extinguit. Cherubin, pleniori scientia debriati, ructus suauissimos in vicinia sua emittunt, quia aqua sapientiæ salutaris de Spiritu Dei procedit. Throni abundantiori æquitate impleti, mitius iniustitias hominum iudicant, quia spiritu pietatis molliti causas reorum semper benignius pensant. Dominationes modum imperandi, ab eodem spiritu accipiunt, nec aliter vel ultra quam iubentur dominationem suam extendunt. Principatus, curam & dignitatem officii delegati, inspiratione huius Spiritus apprehendunt. Potestates, ut quæ utilitatem nostram valent, possint, in isto Spiritu mutuant. Virtutes ut ad imitationem Dei miracula faciant, à Dei spiritu accipiunt. Archangeli ut summa nuncient, in cella vinaria audiunt. Angeli ut nostræ protectioni sufficiant, ab eo *qui omnia operatur vnus atque idem Spiritus*, habent. Ecce, *fluvius qui egrediebatur de loco voluptatis ad irrigandum Paradisum*, quid significet ut potuimus breuiter explicauimus.

Restat explanandum quid sit quod additur, *qui inde diuiditur in quatuor capita*. Inualita est mens, mole corporea oppressa, illos gratiæ impetus suscipere quibus angelica natura in superioribus Dei inebriata, intus & extra solet effluere. Dispertitur perinde ad mensuram nobis illa gratia quæ humanam exuperat mensuram, non pro largientis aut largitionis parcitate, sed pro vasculi modicitate. Vter namque animæ fortè rumperetur, si incapabiliter gratia superfunderetur. Solet si quidem anima debilis non solum rumpi superinfusione gratiæ, sed etiam liquefieri charitatis fornace. Bene autem sit animæ quæ sic infunditur, quia cum influente gratiâ, incipit fluere, immo ad bonitatis principium, recursum iam familiari fluere. Sic intrat & exit ad imperium Regis, intrans domum æternitatis, exiens ad atrium immortalitatis. Antequam verò superueniat gratia, non est pax intranti vel egredienti. Ex quo enim Paradisum exiit Adam in præuaricatione sua, pax ad eum non venit, nisi præeundo deduceretur gratia.

Quia igitur simul collecta gratiæ plenitudo, nullatenus creaturæ humanæ capacitate potest apprehendi, in quatuor capita dicitur diuidi, priuilegio tamen Filii sui, supra totius creaturæ meritum Mater Dei aspersione Spiritus sancti, totâ Deitatis gratiâ, est perfusa. Quatuor igitur sunt capita vnus & indiuisibilis gratiæ, cum tamen vna sit semper in se, & vnum caput habeat se. Cum enim *unicuique nostrum datur gratia secundum mensuram donationis CHRISTI*, in nobis partitur gratia, quæ nunquam in se diuiditur. A primo capite, habes animam ad imaginem & similitudinem Dei: à secundo capite habes Deum, ad imaginem & similitudinem hominis, à tertio capite, habes visibiles species panis & vini transformandas in inuisibilem substantiam corporis IESV, iam in cælis glorificati. A quarto capite, habes spem euadendi à natiuitate ista mutabili & corruptibili, *in libertatem gloria filiorum Dei*. In primo, creatur homo, in secundo redimitur, in tertio sanctificatur, in quarto glorificatur. In primo bonitas, in secundo pietas, in tertio veritas, in quarto gloria. Ciuili seditione spiritus & car-

DE PANIBVS, LIBER.

331

nis composita, & motuum interiorum omni tumultuatione sopita, solemnibus epulis, mensa latantium est componenda, & non amplius certe olera herbarum apponenda.

trans-
formā-
tur.
Rom.
8. 21.

CAPVT XIII.

De Pane Latantium.

DEMERSO Pharaone cum equitibus suis in mari: Moyses cecinit carmen Domino, & ait: *Cantemus Domino, gloriose enim magnificatus est, equum & ascensorem eius proiecit in mare, &c.* Hoc canticum lætitiæ panis est latantium, sicut enim pane reficitur corpus, ita exultatione Spiritus. Vnde Salomon: *Spiritus tristis exsiccat ossa, Spiritus hilaris impinguat medullas.* Nunquam autem verâ exultatione repletur anima, nisi liberata ab hac peregrinatione in qua affligitur tribulatione magna. Quæ enim potest esse exultatio, ubi est continua tribulatio? Patitur liquidem anima à corpore, patitur à Mundo, patitur à Diabolo, patitur & à seipsa. Vbi ergo tot & tales sustinet passiones: unde poterit edere lætitiæ panes? Prorsus inter serpentes & scorpiones, non habet nisi hordeaceos panes. Transseundum igitur mare rubrum, vt comedas panem mundum, transi ignem & aquam vt plenam habeas lætitiæ. Hoc enim ostensum est in Apocalypsi, ab Angelo, Ioanni: qui cum ostenderet quosdam stantes ante Thronum, & quæsisset qui essent non vt disceret, sed vt doceret subiunxit: *hi sunt qui venerunt de tribulatione magna, & lauerunt stolas suas & dealbauerunt eas in sanguine Agni, ideo sunt ante thronum Dei, & seruiunt ei die ac nocte.* Venerunt, inquit, de tribulatione magna.

Exod.
15. 1.

Prou.
17. 21.

Anima
humana
patitur
&
oppugnat
a multis.

Apoc.
7. 14.

Si Martyrum recolas passiones, reuera inuenies eos passos magnas tribulationes. Alios n. legimus in cruce appensos, alios capite truncatos gladio, alios viuos excoriatos, alios in equuleo tortos, alios niuali glacie submersos, alios sagittatos, alios lapidibus obrutos, alios publicè verberatos & vt breuiter dicam; quicquid penè potuit excogitare hominum malitia, totum sustinuit Sanctorum patientia. De magna ergo tribulatione venerunt, qui fidem veram & patientiam firmam in passione seruauerunt. *Lauerunt, inquit, stolas suas & dealbarunt eas in sanguine Agni:* reuera enim sanguis Agni, est sanguis Sanctorum innocenter occumbentium. Qui pro agno patiuntur, Agnum in passione imitantur, nam Agnus iste in innocentia sua passus est. Nota agnum non hœdum passum, cum enim pro peccato suo aliquis patitur, hœdus patitur, cum autem sine peccato, agnus. Quia ergo CHRISTVS sine peccato passus est solus; vt agnus passus est. Et quia passio CHRISTI, redemptio est totius Mundi, non immeritò dicuntur Sancti, loti & dealbati in sanguine Agni. Isti igitur sunt qui panem lætitiæ comedunt quos de præteritis, non remordet conscientia, de præsentibus non torquet tristitia, de futuris nulla minatur potentia.

Marty-
res pas-
si sunt
grauissi-
mè.

Nec soli isti comedunt panem lætitiæ, sed etiam illi qui ciuili seditione Spiritus & carnis composita & motuum interiorum omni tumultuatione sopita, solemnes epulas iam præsumunt de mensa latantium, nec am-

Tt ij

plius certè olera herbarum sumenda sunt ab infirmis, sed oliuæ gratiarum gustandæ à sanis & carnes agni, sed sine lactucis agrestibus accipiendæ. Calix vini non mixti, sed meriepotandus, sine paleis grana; oleum sine amurca, rosa sine spina, nucleus sine testa, natura sine culpa. Venator interemptus, laqueus contritus, stimulus mortis elisus, lacus reclusus, nouissimus cum morte occumbit destructus Inimicus. Vincula colli soluuntur, compedes expediuntur, carcer referatur, reus educitur. Pater occurrit filio reuertenti, in amplexus ruit, pudorem prostratæ, immo prærepta pudicitia, ignoscendo resarcit, cilicinâ tunicâ exuit, stolâ induit, anulum imponit, pedes vestit, mensam ponit, vitulum saginatum occidit, prandium parat & filium optimè pascit, exultat domus, lætatur Dominus, non intrat æmulus, nullus intus esurit famelicus.

O conuiuium pinguium, paterna administratione! ô conuiuium medullatorum & vindemiæ defæcatæ, mirabili congaudentium solemnitate! quid dabitur vt ad te intretur? Quid, inquam, dabo vt ad te veniam & me reficiam? *Argentum & aurum non habeo, quod autem habeo, hoc tibi pro te do*: Quid? palatum apertum, stomachum vacuum, fauces esurientes, oculos præ inopia languentes, manus patentes, pedes veloces. Tantum pascere & sint tua, ista pecora mea. Oro vt tibi semper adsistant, nunquam abstant. Nam si abstant deficiunt, si adsistant reficiuntur. Oculi mei semper ad te, manus in ministerio, pedes in obsequio, cetera in conuiuium. Salutiferum est quicquid est in hac mensa, beatitudinis alimenta sunt, quæ in hac ministrantur. Virtus Charitatis, pro pane hîc assumitur, virtus Fidei, pro pisce; Virtus patientiæ, pro carne; Virtus pietatis, pro pinguedine; Virtus humilitatis, pro olere; Virtus veritatis, pro vino; Virtus contemplationis, pro voluptatibus; Virtus mortificationis, pro venationibus. Exhibet vnaquæque Virtutum ientaculum, hoc est prandium nuptiale quod Rex Filio parauit in desponsatione sua, huius nobilior est quod inuitantis apparatus, eò feruentior inuitatorum occurrit appetitus. Appetitus non satiatur gustu, *nec oculus visu, nec auris auditu*.

De huius conuiuii loco *dixit Auditor sermonum Dei, qui visiones Omnipotentis intuitus est, qui cadit & sic aperiuntur oculi eius, quàm pulchra tabernacula Iacob, tentoria tua Israël, vt valles nemorose, vt horti iuxta flumines irrigui, vt tabernacula quæ fixit Dominus, quasi cedri prope aquas, fluet aqua de situla eius, semen illius in aquas multas*. Sic loquitur, qui sic audit, qui sic videt: sic audit qui sic videt, sic videt qui sic audit. Cauendum ergo sic, vt sic videamus; videndum sic, vt sic audiamus; audiendum sic, vt sic loquamur. Quid autem est, *sic & sic*? Non sequitur *sic*, nisi præcedat aliud *sic*. Non contingit alicui sic loqui, nisi audire præcat, nec subsequitur auditus nisi præueniat visus. Visum non recipit qui non cadit. Humilitas in casu, in visu intelligentia, obedientia in auditu, in locutione, firma doctrina accipitur. Sic charitas ordinatur, sic tempora disponuntur: nam non sequitur dies, nisi aurora præcedat, aurora non venit, nisi nox transeat. Sic vox verbum præcedit: sic Lucifer Solem; sic vmbra veritatem; sic virtus virtutem, sic gratia bonam operationem. Solent proinde quædam vir-

Act. 7, 6.

Conuiuii spiritualis apparatus.

Num.

24. 4.

tutes præire; quædam sequi, quædam opus bonum comitari.

Fides semper in procinctu castrorum spiritualium, obstantem aduersarium cornu impetit, aduocat deinde iuxta latus suum, exercitum bonorum operum, quorum circumuallata fortitudine, rumpit, & irrumpit acies aduersantes. Præparat deinde & Prudentia cuneum suum, confortat quoque Fortitudo brachium suum: Iustitia vallum iacit & muros subuertit: Temperantia ad dedicationem turmas congregantium cogit. Ordinantur acies virtutum & præparantur in clypeis & lanceis aduersus castra vitiorum. De castris virtutum eiicitur virtus quæ præter ordinem euagatur: Perdit enim virtutis nomen, quæ egreditur ordinem. Virtus igitur non est, si ordinata non est. Quamobrem, ad sonitum tubæ Euangelicæ mouentur castra & crucis sequuntur vexilla. Intorquent iacula confessionis, in equis feruntur mortificationis. Quid ad hæc, turba vitiorum? Ordine confuso, præceps rapitur ad bellum. Denique confundunt voces & permiscunt ordines, incentiua vitiorum. Rursus lentis gressibus & incessu composito procedit ad bellum, exercitus Virtutum, quò tamen tardiùs venit, eò instantiùs ferit: *non conuertar*, inquit, *donec deficiant*. Et bonum quidem est vt vitium à virtute perimatur, sed malum est, vt vitiosus virtuti aduersetur.

Virtutum & vitiorum pugna. Psal. 17.38.

Quod si virtus lacescita in aliquo, ex aduerso steterit, illico procumbendum cum IESV Naue, & de reconciliatione prorsus erit agendum. Eius nempe qui ita cadit; aperientur oculi, non quomodo primis hominibus, per præuicationem, sed quomodo cæco nato, per CHRISTI illuminationem. Serpens namque oculos aperit ad concupiscendum: Christus ad cognoscendum & glorificandum Deum. Serpens aperit vt rapiat, Christus vt eripiat. Procidens itaque ad vestigia virtutum, lumen recipit oculorum. Humiliatus audit sermones Dei, illuminatus, videt visiones Dei, & dicit visionem: *Quàm pulchra tabernacula tua Iacob, tentoria Israël, vt valles nemorosa, vt horti iuxta fluuios irrigui*. Nescit Iacob tabernacula vitiorum: semper aut domi habitat, aut in tabernaculis Domini virtutum militat. Hic est verò animus simplex in innocentia, purus munditiâ, non hispidus versutiâ, non pilosus nequitiâ: Gratus in obsequio, fidelis in commisso, prouidus in officio, constans in incepto; patiens ad contumelias, sapiens ad placandas iras, cautus ad effugiendas insidias, discretus in regendis gregibus, deuotus in muneribus offerendis, rectus in sermonibus ordinandis, pronus ad obedientiam, promptus ad reuerentiam, largus ad munificentiam, fortis congregiens cum Angelo, humilis succumbens Deo, inimicis formidabilis, amicis amabilis, plenus in benedictionibus, parcus in maledictionibus. Hic est Iacob, maternis machinationibus, pæternam præripiens benedictionem, & fraternum euadens furorem.

Ios. 5. 14. Gen. 3. 7. Ioan. 9. Num. 84. 6.

Fugiens quoque ad Laban auunculum suum in ipso itinere, ad caput, lapide supposito: *vidit scalam* ad cælum erectam: *vidit Dominum innixum scala*, *vidit Angelos ascendentes & descendentes*: & surgens de somno, ait, *verè Dominus est in loco isto, &c.* Quæ autem sunt tabernacula Iacob, nisi exercitia animi luctantis & pugnantis contra vitia carnis & suggestiones

Gen. 27. 8.

Gen. 28. 12.

T t iij

inimici? tamdiu enim habitat Iacob in tabernaculis, quousque soluantur vincula carnis. Habitans denique anima in corpore, hostium circumvallatur multitudo. Aggreditur liquidem eam concupiscentia, scutum arripit, ira, lanceam, luxuria, gladium, inuidia, clypeum, temeritas, equum, iactantia, calcaria, impatientia, galeam, superbia. Hæc sunt tabernacula siue castra Philistinorum, detestabilia sicut tabernacula Cedar. Habet è conuerso Iacob tabernacula sua, contacta pellibus arietum rubricatis, seu pellibus hyacinthinis, totum se mortificans, & ad cælum toto corde conuolans: habet saga cilicina, humilitatis spiritus, habet cortinas, decem mandatorum, habet in anfulis, concordiam, in circulis aureis, perpetuam claritatem. Habet tabulas stantes, per ampliatus cordis desiderium, animas tendentes semper ad Dominum. Habet bases Prophetarum, vinctes quoque Prædicatorum. Habet super hæc omnia, velum de hyacintho, purpura, cœcoque bis tincto & bysso retorta, opere plumario & pulchra varietate contextum, quod est cælum intra quod recipi desiderat omnis Ecclesia Sanctorum.

O Iacob, ecce quàm pulchra tabernacula tua, vtinam & dilecta! Quare etenim non essent beata, si pulchra atque dilecta? Sed fortè ideo nondum dilecta, quia plurimùm adhuc laboriosa, cùm enim fuerint quæta & pulchra, tunc erunt dilecta & beata. Dum verò non solum tabernacula, sed etiam tentoria sunt, pulchra quidem eatenus sunt, vt spectaculum sint mundo & Angelis & hominibus, sed nondum dilecta, quia supra modum & supra virtutem grauantur, ita vt tædeat eos viuere. Tabernacula itaque sunt propter peregrinationem, pulchra, propter dilectionem; tentoria, propter mortificationis extensionem. *Vt valles nemorose*, propter sui abiectionem, & ab oculis hominum remotionem: *Vt horti iuxta fluuios irrigui*, propter Fidei & omnium bonorum operum iocundam amœnitatem: *Vt tabernacula quæ fixit Dominus*, propter propositi stabilitatem, quasi *cedri propè aquas*, propter contemplationis altitudinem. *Fluet aqua de situla eius*, propter Filii de Virgine incarnationem: *Semen eius in aquas multas*, propter Gentium conuersionem.

Num.
24. 6.
Num.
24.

CAPVT XIV.

De Pane Filiorum.

Hebr.
1. 4.

Facta distributione ordinis inferioris familiarium, explicandus est iam apparatus mensæ filiorum: *quantò enim differentiùs præ omnibus aliis nomen Filius hereditauit*, tantò cumulatius gloriosiori privilegio, lautior & largior apparatus in eius mensa debet apponi. Prima & ampla est mensa huius gratia, qui non ancillaribus officiis disponitur, sed sapientiæ & gratiæ ordinatissimis actionibus procuratur. Certè nulla ibi interuenit negligentia, vbi procurationis ministra est sapientia. Nullæ ibi offensa, vbi, ministerium delegatum est gratiæ. Harum altera coquina, altera præest mensa. Quod in coquina disponit Sapientia, hoc in mensa, apponit gratia. Sapientia disponit coquenda fortiter: Gratia edenda apponit suauiter. Salem

DE PANIBVS, LIBER.

335

infundit Sapientia, sagimen siue oleum Gratia. Abundanter bullire facit sapientia, quæ temperanter nouit refrigerare gratia. Laborantibus instat sapientia, quiescentibus adstat gratia. Sapientia accingit fortitudine lumbos suos, gratia ab vbertate satietatis, relaxat sinus suos. Meritorum appendit sapientia labores, præmiorum gratia rependit mercedes: Cuius in fame cælestis desiderii appetitum ampliorem considerat sapientia, huic in mensa conuiuii pleniorum discum in remuneratione infert gratia. In ollis suis decoquit laborum diuersa pulmenta sapientia, in mensis suis septem panes gratiarum superponit gratia. De horto denique & irrigatione sua, sanissima & suauissima profert sapientia olera, de apothecis suis, panes delicatissimos reportat gratia.

Intremus igitur in coquinam, non in vestitu candido angelicæ vocationis: sed in sordidis (videlicet agendæ pœnitentiæ) vestitus IESV Sacerdotis magni, quæ per dealbationem gratiæ baptismalis seu pœnitentialis, in omni gente & populo, tollentur ab eo & dabitur ei, per innouationem glorificatæ immortalis, cidaris munda; & sic videamus ollas & pulmenta in ollis sapientiæ. Dux siquidem sunt ollæ in coquina sapientiæ, quæ sunt duæ tabulæ continentes mandata vitæ. Sunt autem mandata decem, descripta in tabulis, quasi pulmenta minutatim incisa in ollis, quia præparamentum seu reparamentum æternitatis, comparatur ex tabularum mandatis. Ab ollis extrahimus pulmenta, cum de Tabulis sumimus mandata. In corde, velut in horto suo, excogitauit hæc humanæ salutis remedia diuina sapientia, & quando digito suo scripsit in Tabulis, tanquam minutatim intercidit in ollis. Coquina est mons Syna; filii quibus parantur hæc fercula, filii Iacob siue Israël, non in carne, sed in spiritu: De his enim dictum est in Euangelio, *quia non est bonum sumere panem filiorum, & mittere canibus* gentium ad manducandum.

Math.
15. 26.

Mensa filiorum, mens est bonorum: domus Synagoga vel Ecclesia: Ministri, Angelus & Moyses. Occidunt autem non reſciunt, legalium præceptorum pulmenta; cum degustata fuerint sine gratia. Sic enim clamant filii Prophetarum ad Hælisæum, qui interpretatur, Domini mei salus: *mors in olla, vir Dei*. At ille iubet infundi Euangelicam farinam & compescit lædentem malitiam. Mortiferum namque est etiam in Legis littera, præceptum legalium obseruantiarum, nisi gratiæ affuerit salutare lenimentum. Vbicumque verò superuenerit gratia, omnis statim difficultas propulsatur, seu malitia. Certè quanquam docendo, quid facere debeas docuerit sapientia; aut parum aut malum est, nisi interuenerit gratia. Parum, quia scire quid faciendum sit & non posse facere, minus est ad vitam: Malum, quia *ſcienti bonum & non facienti, peccatum est illi*. A sapientia igitur doceamur, à gratia iuuemur. Doctrinam requiramus à sapientia, vehiculum à gratia. Coquat pulmentum sapientia, condiat gratia.

3. Reg.
4. 41.

Iac. 4.
17.

Hæ sunt duæ manus tuæ, hæc duo brachia tua IESV; alio redimens nos à malo, alio replens bono, alio mortem destruens; alio vitam conferens, alio vincens hostem, alio liberans hominem. *Manus tuæ istæ fecerunt me,* creando, & *plasmauerunt me,* redimendo. Altera istarum *sub capite meo,*

Psal.
118.

Exod.
20.

ne deficiam; alia amplexetur me, ut viuam; alia mecum laboret, alia secum collocet, alia de nocte surgat, & det cibaria ancillis suis; alia prædam domesticis suis; alia stragulatam vestem; alia cingulum tradat Chanaanæ. Vtraque simul vestiatur duplicibus, vtraque reficiatur multiplicibus. Fortitudo enim mea & gratia mea, Dominus, & factus est mihi in salutem. In manu forti & brachio extento, ollas iam recutiemus, & quid in eis contineatur aspiciamus & accipiamus. Quod itaque primum sit mandatum, quasi pulmentum videamus: *Non habebis Deos alienos coram me, non facies tibi scultile, neque similitudinem quæ est in cælo desuper, & quæ in terra deorsum, nec eorum quæ sunt in aquis subter terram, &c.* Ecce primum mandatum: *Non assumes nomen Dei tui in vanum*: ecce & secundum: *memento ut diem Sabbati sanctifices*, ecce tertium: *honora patrem tuum & matrem tuam*, ecce quartum: *non occides*, quintum: *non mœchaberis*, sextum: *non furtum facies*, septimum: *non loqueris contra proximum tuum, falsum testimonium*, octauum: *non concupisces domum proximi tui*, nonum: *non desiderabis uxorem proximi tui, non seruum, non ancillam, non bouem, non asinum, nec omnia quæ illius sunt*, decimum.

Singula horum, pulmenta siue fercula sunt animarum. Nam nihil necessarium prætermisum, nihil superfluum additum est in his Dominicis decem mandatis. In his anima viuit: sine his moritur. Vitale est, quicquid ex his cum gratia sumptum fuerit: Ædificium fidei nostræ his columnis fulcitur, his coloribus depingitur. Si historialiter ista intelligas columnæ sunt, domum erigentes, si moraliter colores sunt, palatium depingentes. In primo itaque mandato moraliter, caueas surreptionem; in secundo, errorem; in tertio, mundi amorem; in quarto, impietatem; in quinto, credulitatem; in sexto, fornicationem; in septimo rapacitatem; in octauo, falsitatem; in nono, mundi cupiditatem; in decimo, adulterii cogitationem. Sapientia, his alimentis nutrit paruulos, his vberibus lactat filios, his pulmentis reficit iuuenes suos. Habemus itaque pulmenta sapientiæ, de oleribus herbarum quæ nunquam decidunt, quæramus & panes gratiæ, sine quibus nulla alia sufficiunt. In umbra Legis non semel figurantur panes isti, in Prophetis quoque, non raro inueniuntur.

Quid loquitur Euangelium, nisi septiformem Spiritum? Lege in Euangelio septem beatitudines, tanquam septem gratiæ panes: Lege in oratione Dominica septem petitiones, lege septem panes de quibus pauit Dominus in deserto, quatuor millia hominum: lege in Psalmo septem voces; lege in Isaiâ septem mulieres; lege in eodem septem Spiritus in flore requiescentes; lege in Apocalypsi Iohannis septem candelabra aurea; lege septem oculos, lege septem cornua Agni; lege in Exodo septem lucernas; lege in Propheta septem oculos in lapide vno; lege septimo die Dominum requieuisse; lege septem esse Psalmos Pœnitentiales. Septem quoque lege in hominis compositione conuenire qualitates, quatuor in corpore elementa, & in anima tres virtutes; rationalitatem, irascibilitatem & concupiscibilitatem. Adhuc etiam præter hæc, pluriora si requiesceris inuenies.

O anima, si esuris gratiam, pulsa ad ianuam! si pulsaueris, aperietur si petieris:

DE PANIBVS, LIBER.

337

petieris: dabitur, non se abscondit gratia, non latitando fugit, non in fossis se recondit: praesto est, ne querens fatigeris, occurrit, ne tadio afficiaris; praecipuat, ne conscientiae pudore verecunderis, excitat ne pigriteris, portat ne labaris, gressus regit ne exorbites, pascit ne in via deficiens praecipua inopia agros. Docet stultum, quia sapiens; dat intellectum, quia intelligens; praebet consilium, quia nouit mysteria omnium; confert fortitudinem, quia omnipotens; illuminat scientiam, quia mater est omnium scientiarum; exhibet pietatem, quia mel est omnium affectionum; adhibet timorem, quia conseruatricem est omnium bonorum. Quasi enim quidam custos super innumerabiles gazas; sic timor in ultimo charismatum ponitur ad conseruandas incomparabiles gratias. Gemma pretiosissima pietas; sed facile ab impietate subripitur, nisi timore custodiatur. Scientia, *super aurum & topazion*; sed quo melior, eo ab inuidis appetibilior. Fortitudo in multis nudinis non inuenitur, sed quod rarior, nisi studiosius conseruetur, eo ad rapiendum amabilius. Consilio quid melius? Sed nisi abscondatur & seruetur; quid vanius? intellectu, in caelis nihil charius, sed si deprauatus fuerit in homine, quid perniciosius? Sapientia in corde viri, nihil sublimius, sed si sensibus carnis obscuratur, quid vilis? *Homo*, inquit Psalmista, *comparatus est inmentis insipientibus & similis est factus illis*. Melior est igitur bona custodia adquirendorum, quam impensa opera adquirendorum.

Timor
Dei est
custo-
dia vir-
tutum.

Ps. 48.
11.

Habeamus bonas & pulchras gratiarum puellas, sed sub custodia diligentissimi pedagogi, scilicet timoris. Certè, ornata pulchritudo puellae meae, appellat concursum impudicae turbae, adulter ostium siue cubiculum obsidet puellae. Dicit, ut egrediatur, promittit, ut extrahat, lenocinatur, ut pulchritudinem eius aspiciat. Noli filia Iacob, noli sine fratribus exire ad mulieres regionis huius, quia *leo est in via*; Sychem filius Emor, iuuenis ardens in concupiscentia tui. Saltem Simeon & Leui, id est, timor praesentium & futurorum, pudicitiae tuae semper adsistant protectores & ultiores, ne rapiaris, ne capiaris, ne blanditiis delinita, in confusionem nobilitatis tuae prostituaris. Virgo Israël, si cecideris, Simeon, praesentem; Leui futuram interminant poenam: Alter habet gladium cominus penetrantem prostitutae interiora, quia *iam securis ad radicem arboris posita est*: alter Math. 3. 10. ense accingitur vtrinque acuto, scilicet feriente posteriora. Vnde, *percutit eos in posteriora, opprobrium sempiternum dedit illis*. Timor itaque, tan- Ps. 77. quam auctoritate Tutoris, pupillae suae diligentiam adhibeat, ne in aliquo 66. laedatur, ne damno afficiatur, ne procacitate alicuius contaminetur.

CAPVT XV.

De Pane seruorum

Qui facit peccatum, seruus est peccati; ærumna huius sæculi, panis est serui; tamdiu autem durat hic panis quamdiu non preterit figura Ioan. 8. huius mundi: *vanitati, enim, ait Apostolus, Creatura subiecta est non volens* 34. *sed propter eum qui subiecit eam in spe, quia & ipsa Creatura liberabitur à* Rom. 8. 20.

V u

seruitute corruptionis in libertatem gloria filiorum Dei. Ex sententia iusti Iudicis, collum superbi peccatoris religatur in hoc sæculo, sub iugo periculosa vanitatis. Primitiæ namque stipendiorum originalis & actualis peccati, sunt retia inextricabilis vanitatis, grauis autem vsquequaque est vanitas, quam non leuigat sanctitas. Incuruat enim oculum rationis ad inferiora, & suspicere sursum negat oculum contemplationis ad superiora. Meminit seruus iste antiquos libertatis discursus, cibaria suspirat Angelica, gratissimi aëris commutata deplorat amplissima spatia. Spinas portat in spinam defixas, sagittas sentit natantes per viscerum medullas. Dorsum suum à pessimis super fabricationibus recuruat gemit & præcordiis palpitantibus abyssum miseriarum se iam absorbere cernit.

Serui-
tus pec-
cati,
quàm
fit gra-
uis.

Omni desolatione consolatio durior, cibus vniuersis jejuniis austerior, vestis nuditate asperior. Indignatur magis de tali seruitute, quàm de seruitute; est enim seruitus peccati, seruitutum seruitus. Seruus namque peccati, seruus est tot dominorum, quot vitiorum. Imperant ei vitia, non domini, sed tyranni; non beniuoli sed inimici. Præsumunt, sed sine utilitate imperant, sed sine miseratione; mandant, sed sine discretionem; conregnant super vno, sed cum dissensione. Quis si obtemperatum sibi non fuerit, latus miserum sanguinat, si obtemperatum necat; sub his dominis vita nequior, mors melior, si tamen non amarior. Si enim seruus petat panem, accipit lapidem; si pisces, serpentem; si escam, viperam; si vinum, venenum. Rixantur frequenter, quis oculum, quis manum, quis pedem, quis aliud quodlibet membrum serui vendicans sibi abscindat. Se in oculis regnasse luxuria allegat; voracitas in gula, mendacium in lingua, crudelitas in manibus, leuitas in pedibus, in auribus vanitas. E contrario, curiositas, oculum, gulam inobedientia, susurrium linguam, manus auaritia, pedes intemperantia aures, iniustitia vendicant.

Peccati
regnum
quale
sit.

Mallem non habere membra, quàm tot suppliciorum pendere vestigia! Inclementius nihil hac exactione, ubi solum semper repetitur, innotuata cum cruciatibus repetitione. Excitando ad malum, non satiatur luxuria, expetendo ad supplicium, non finitur miseria. Imples luxuriam, & adhuc esurit, sustines poenam, & adhuc crescit. Quia vitium non extinxisti flammam inextinguibilem tibi infelix succendisti. Bellandum proinde, imò rebellandum, aduersus phalanges vitiorum, ne patiaris sine fine tam execrabile super te imperium dæmonum. Quare ergo iudicem, exere causam, postula iudicium, aduocatum implora, expone iniuriam, refer sententiam, agnosce Dominum, abdica tyranni principatum. Adest jam iudex, positum est tribunal, circumstant Senatores, profligant ligatores, more suo percurrant allegationes. Serue, dic, age *Seruus*.

Pecca-
toris
causæ
dictio
ante
Dei tri-
bunal.

Æquitatis iudex & rector iustissime apud te, causarum veritas, non leuocinii penantur blandimenta, falsitatem detestaris, calumniam aspernaris & temeritatem siue mendacia præuicatorum punis. Sola oratio veridica, non phalerata, aures tuas penetrat. Iam enim aduersarius mendax & patereius non semel redargutus de mendacio, adhuc tamen spirat & sperat præsumptuosus in eodem fallaciæ artificio. Me autem tam reuerentia

tuæ auctoritatis, quàm amor veritatis, à præsumptione fallendi cohibet. Rogo, hæc oratio mea non reputetur arrogantia, quam exprimit malorum perpefforum, non morum peruersorum intolerabilis patientia. O Domine miserator & misericors, intende animæ meæ, libera eam propter inimicos meos eripe me. Ecce enim narrabo mira, sed mirabilia, vera, sed seuera.

Cùm nondum aliquid egissem boni vel mali præoccuparunt me isti seductores; circumdederunt me & *vulnerauerunt me*: tulerunt à me lumen oculorum meorum, pedes meos supplantauerunt, foderunt manus meas, & ossa mea contriuerunt: Adhuc plagæ recentes, adhuc præ manibus cruor, adhuc liuor præ oculis, adhuc plaga tumens, adhuc infixæ sagittæ. Vide Domine & considera, si est dolor sicut dolor meus. Quare ergo non vindicas sanguinem meum Saluator meus? quare non vindicas me de aduersario meo? quare in regno potentie tuæ talia præsumuntur? quare in regno iustitiæ iniustitia tam effrenatè debacchatur? audacia ista aduersariorum, certè si prosperata fuerit, alium quam me post hæc tentabit. Certè nisi censurâ iudicii tui, potestas tam iniqua reclusa fuerit, ipse tuum solium, Domine mi, infestare audebit. Vide Domine & considera, quomodo tanquam leo paratus ad prædam sic rugit. Iam eximit de pharetra sagittas, jam intorquet mendaciorum iacula, sed obstrue, obsecro os loquentis iniqua. Iudica causam meam Domine, defensor vitæ meæ. Nolo Domine, nolo multiplicare loqui, quia tuum scire meum præcurrit narrare. Tandem de vultu tuo iudicium meum prodeat, oculi tui videant æquitates. Ad hæc Iudex, dicat & Aduersarius si quid habet. *Aduersarius*:

Miror, te serui mei pessimi adulatoris ineptias tamdiù sustinuisse; cur enim auditur in iudicio qui facilè potest argui de perjurio: reprobari denique potest duplici argumento, tam ingratitudinis, quàm perjurii. Nam aduersus te creatorem suum, ingratus præuaricando exitit, contra me emptorem se subtrahendo, infidelis. Nam vtrumque fecit & te contempsit, & mihi seipsum vendidit. Consumpsit quoque pecuniam meam, mores meos induit, frequenter me per idololatriam inuocauit per innumerabiles dies & menses & annos; non nisi vñibus meis; in mendacio, in periurio, in fornicatione, in furto, in ebrietate, in immunditia, in elatione, in inuidia, in gula, in auaritia vixit. Fortè nunc, quia debitum exigo, calumniæ arguor. Est ne iustum, vt amittam quem tali titulo & tanto tempore possideo? Seruus nequam, ex ore proprio iustè condemnatur; nam meum se ab vtero matris testatur: Stabo igitur & ipse sententiæ. *Seruus*:

Principium verborum tuorum, Sathan pessime falsitas. Non sum seruus diaboli, sed Dei, non sum pessimus adulator, sed veri relator; non meas ineptias, sed tuas sæuitias sum locutus. Lēsum me equidem tam facilitate minoris ætatis, quàm calliditate tui doli non abnego, vtroque verò casu lapsus, & facilitate videlicet ætatis & odio fraudis, à benignissimo & æquissimo Iudice peto in integrum restitui. Quia verò dolo me seduxisti vt tuam mutuo acciperem pecuniam contra interdictum perpetuum, volo vt rescisso contractu non tenear, quia dolus causam dedit contractui. Non currit autem in hoc contractu præscriptio, lege diuina vetante & indulgentiam

Vu ij

Damo-
nis an-
te Chr.
tribu-
nal
Actio
coram
pecca-
torem.

Ezech. 33. prorogante dum uiuitur in hoc saeculo. Sic namque cauetur in Legibus aeternis: *Nolo mortem peccatoris, sed ut conuertatur à via sua & uiuat: & aliàs, in quacumque hora peccator ingemuerit, saluus erit*, hoc iure utitur omnis homo, Domine IESV Legem dedisti & in Lege sic docuisti, decedat ergo sententia tua, quaestionum ambiguitates, ut calumniam patiens liberetur, & injuriam faciens condemnetur. Ne autem de dolo dubitetur; contractus si placet seriatim recitetur. *Cur*, inquit Serpens iste ad Euam matrem omnium, *praecepit vobis Deus ut non comederetis de omni ligno Paradisi?* cui respondit mulier, *de fructu lignorum quae sunt in Paradiso vescimur, de fructu verò qui est in medio Paradisi praecepit nobis ne comederemus & ne tangeremus, ne fortè moriamur: Dixit autem serpens ad mulierem: Nequaquam moriemini. Scit. n. quod in quocumque die comederitis ex eo, aperientur oculi vestri, & eritis sicut Dii scientes bonum & malum.*

Ecce contractus, ecce dolus; si placet, omni probatione firmiora debent ista esse, nam Moyses publicus tabellarius, in actis publicis scripsit, sufficere itaque debet hoc ad dolum comprobandum. Si tamen & testes proferre debeo; Ioseph probatissimum virum ad medium deduco: Iob quoque qui notus Iudici, multum commendatur ab ipso iudice, ut sic dicat de eo; *in omnibus his non peccauit Iob labiis suis, neque aliquid stultum contra Deum locutus est.* Isaiam insuper, nobilissimum & Iudici familiarissimum, causae meae testem adduco. Dic Ioseph, testimonium pro me, imò pro genere nostro tuncquam de teipso. *Furto*, inquit, *sublatus sum, & hic innocens in lacum missus sum: Quid tu Iob? non peccasti*, inquit, *& in amaritudinibus moratur oculus meus, si declinauit gressus meus de via, & si secutus est oculus cor meum, appendat me in statera iusta, &c.* Isaias quoque audet & dicit: *In Aegypto descendit populus meus, & Assur absque ulla causa calumniatus est eum.* Praeter hos testes qui satis sufficiunt, quia in ore trium stabit omne verbum: omnes etiam veraces homines, sunt in hoc testimonio consentientes. Iudica me itaque Domine, secundum iustitiam meam salua me. *Iudex.*

In sententia oris mei, circumuentum puerum qui non praesenserat propriae experientiae, vel exemplo alterius non explorauerat quanta sit poena peccati, à Seductoris potestate libero, praecipue propter atrocitatem poenae perpeſſae & doli malignitatem: tali tamen conditione ut luat interim feruus, quod praeuaticatus est pactum meum, agens poenitentiam in fauilla & cinere, & cilicio, & pane hordeaceo, donec veniat qui pro eo sortem totius debiti cum usura centesima soluat. Confirmata igitur sententia, coepit aestuare homo, attendens paupertatem suam, & de pretio diffidere clamans, *infelix ego homo, quis me liberabit de corpore mortis huius?* His verò assistens spectaculis, Filius Iudicis, imò Filius olei, miseriis miseri hominis compatiens, accipe me & vniuersum debitum redde, penes me namque sunt thesauri omnes sapientiae & scientiae absconditi. Ecce ego vado immolari pro te, nequaquam verò exhorrescas mortem meam, si vis recuperare vitam tuam; nam vita tua pendet ex morte mea. *Seruus.* Si sic necesse est, fiat voluntas non mea, sed tua.

Rom.
7. 24.

CAPVT XVI.

De pane Mercenariorum.

Pistor ille, cuius sedes cœlum, cuius scabellum terra, cuius albi & optimi colores bonum natium, cuius nigri & tetriores voluntas rationalis deficiens à bono principio in finem teterrimum, cuius palatium cœli cœlorum, cuius secretarium est quod præ omni intellectu & cogitatione est excellentissimum, tam mirabiliter quàm sapienter ordinationem suam disponens, prius in Ecclesia instituit Patriarchas & Prophetas, *deinde Apostolos & Evangelistas*, postea Doctores & Pastores bonos, ad vltimum etiam seruos & mercenarios, ad vtilitatem familiæ suæ habere non recusauit. Vt autem nulla in pictura abusio videtur si post album etiam subniger color supponitur, similiter si cum bonis Apostolis, pessimus proditor Iudas inuenitur, vel sathan cum filiis Dei adit, consideratâ patientiâ Dei, sine stupore suscipitur. Mercenarius est qui Deo non pro Deo seruit: mercenarius est, qui occasione non veritate CHRISTVM adnunciat. Mercenarius est, qui *quæ sua sunt non quæ IESV-CHRISTI*, quærit. Huius panis est sapientia carnis, seu commoditas temporalis. Hic non comedit panem similaginis filiorum, non hordeaceum seruorum, sed panem porcorum furis, siue palearum. Filius enim granum gratiæ, seruus stipulam litteræ, sed mercenarius, accipit paleam secularis Philosophiæ vel gloriæ. Filius in sententiis, seruus in sentibus, mercenarius sub sentibus degit. Moyses filium, populus Israël seruum, Heliab cognatus Moyse, mercenarium significant. In Numeris enim legitur quod rogauit Moyses hunc Heliab, vt eos duceret per desertum dicens: *veni nobiscum vt beneficiamus tibi, quia promissit Dominus bona Israël*. Cumque ille respondisset, *non vadam, sed reuertar ad terram meam de qua natus sum: noli*, inquit Moyses, *relinquere nos, tu enim nosti in quibus locis per desertum castra apponere debeamus, & eris ductor noster, cumque nobiscum veneris, quicquid ex opibus quas Dominus daturus est nobis, dabimus tibi*.

Aspirant plerique ad prælationem non vt alios ducant sed vt seducant, non vt iam ostendant sed vt offendiculum ponant: Hi malitiâ pleni sunt. Plerique quidem ostendant semitam, sed sedentes præmonent facienda, nihil tamen facientes: Hos possidet pigra negligentia. Alii lucrum temporale tantummodo neglecta commissorum salute, in sublimatione culminis sui cupiunt: Hos trahit auaritia. Alii bona docent, aliquando honesta comparant, sed non bene sed non castè, quia non pro Deo hoc faciunt, sed pro vana gloria: hos nominat Dominus hypocritas & mercenarios. Intende hypocritam. Oculum attendit hypocrita, non Deum, faciem, non fidem, pecuniam non gratiam. Non fruitur Deo, sed vtitur tanquam nummo, & nummo fruitur tanquam Deo. Deo emit mundum, Fide nummum, religione sæculum, lacrymis vinum, ieiunantis conuiuium; cilicio linum, silentio plausus hominum. Mirabile dictu! latet iste vt appareat, tacet vt audiatur, non sequitur, vt consequatur, recedit; vt præcedat, fugit vt apprehendat

Vu iij

Ephes.
4. 31.Mercenarij
spiritualis
multiplex
definitio.
Phil. 2.
21.Num.
10. 29.Mercenariorū
spiritualium
plura
genera.Præclare in
hypocritas
& politicos.

Hypo-
crite
oratio-
nes.

plorat ut rideat, ieiunat ut satiatur. Sic *Cancer serpit*, sic obliquando anfractus suos vulpis fraudulenta incedit. Excubat iste ad templum sanctæ vanæ gloriæ, & solemnes vigilias celebrat sanctissimæ avaritiæ. Sic enim orat: Deus da mihi honorem illum, pecuniam illam, gloriam illam! Commendantur verò orationes istæ multa falsarum lacrymarum effusione & corporis extenuatione.

Gen. 3.

Puden-
dus est,
alienis
hono-
rari
splen-
dori-
bus.

Veritas
fucum
non pa-
titur.

Potitur fortè aliquando effectu petitionum suarum; sed tunc quid? Commutantur vigilie in soporem continuum, abstinencia in comestationem assiduam, fletus in cachinnum, silentium, in multiloquium, mæror in sublationem. Revera *oculi huius ad Dominum* non semper, sed temporariè donec misereatur eius. Nam etiam in germine, quasi vitis hypocrita floreat: labruscam tamen facit non vvas. Verè simulachrum nefandum optimis coloribus fucatum, & pessima rubigine plenum! Polita enim fallitas, penè superat in oculis insipientium, ficta similitudine, veritatem contentam nuda simplicitate. Elaboratum quoque mendacium, foliis ficulneis siue tunicis pelliceis reiectum, pompa ambitiosiori gloriatur, quam simplex verum: Virtus verò, in occultis suis pretiosior, emendicatis reculat obfultari nitoribus. Pudet eam alienis onerari magis quam honorari splendoribus. Nuda formosior est; aperta, decentior, intuita coruscis luminibus pulchrior, repetita iterum iterumque appetibilior. Planè ad hoc solum vestitur, ne intemperanter contemplata, oculorum lippitudo reuerberetur. Tactum molliorem aspernatur, blandimentis lenocinantium exasperatur, repudiat simulatorem, hypocritam anathematizat, nescit mercenarium, non reclinat caput in sinu meretricio, sed in reclinatorio aureo. Luce lustrata, potius ipsam illustrat quàm ab ipsa illustretur. Virtus brauium est agonizantium, triumphantium palma, sceptrum repugnantium, corona Sanctorum, Deitatis instrumentum. Hæc nunquam senescit, sed augmento temporis proficiens adolescit.

C A P V T X V I I.

De pane subcinericio.

Osee.
7. 8.

Rerum
sæcula-
rium
cogita-

DE pane subcinericio iam tractandum est: ac primùm qui sint cineres panem operientes, & quid sit, panem contextum cineribus (iuxta Prophetam) non reuerfari, explanandum est; quis etiam ignis & in qua materia cinerem conficiat inuestigandum est. Ut planius autem & compendiosius summam huius rei prælibemus, ignem esse dicimus concupiscentiam, materiam animam; cinerem mortalitatem; panem hominem, panem versatum hominem in peccatis lapsum; panem non reuerfatum & subcinericium, hominem peccato mortali aggrauatum, nec per pœnitentiam releuat. Dicimus etiam legem Moyli panem subcinericium esse, quæ dum carnaliter intelligitur quasi cinere operitur, nec eatenus reuerfatur, quousque velamen ignorantie conuersis ad Dominum auferatur. Dicimus & animam sæcularibus negotiis occupatam, panem esse subcinericium: ut enim cinis excæcat oculos corporis, sic curiositas obnubilat visum rationis seu

contemplationis. Inspiciamus ergo, quo sufflante ignis in flammam erupit & quid vorauerit & quatenus, videlicet vsque ad cineres mortalitatis: quis denique panem cineri supposuerit, scilicet Deus in sententia æternæ maledictionis. Nam donec atteratur hoc mortalitatis opertorium, à tineis quotidie corrosum & à vermibus confisum, cinis nostræ mortalitatis non releuabitur & panis non reuersabitur.

Supponitur itaque quanquam nolens panis cineri, dum subiacet homo naturaliter vanitati & mortalitati. Naturaliter autem dixerim hominem subiacere mortalitati, non ex infirmitate creationis sed ex pœna transgressionis. Nam posse non mori habuit ex creatione, mori verò inuitabiliter, habet ex præuaricatione. Expandit autem ramos suos & propagines suas, ab Adam primo vsque ad vltimum in carne futurum hominem, hæc præuaricatio: *operuitque montes*, id est, prioris æui homines, *umbra eius*, quæ est mortalitas, & *arbusa eius* quæ est passio mortalitatis, cedros Dei, id est, Apostolos CHRISTI. Adam enim cum omnibus patribus qui fuerunt ante diluuium, licet prolixioris vitæ fuerint, quasi in superiori vertice temporis, tamen mortui sunt. Apostoli quoque in plenitudine temporis, licet sanguine Agni redempti, licet cum CHRISTO resuscitati, licet vitæ æternæ participes effecti, tamen mortui sunt. *Quis est enim homo qui viuet & non videbit mortem?* Nam etiam Domini IESU exitus mortis: nec mirum si morimur, qui cum peccato nascimur, nam *natura omnes* (vt ait Apostolus) *filiis iræ sumus*. Cum enim Filius gratiæ nihil debens morti, tamen debitum moriendo pro debitorum suscepta conditione soluit, qua ratione mortis nexus effugere filius iræ poterit? Nonne pro semetipso soluere censum mortis debuit? Hoc autem est debitum, vt homo cinere operiatur mortalitatis, quousque à peccato & pœna peccati prorsus liberetur.

Simul autem in fine, & *cælum reuoluetur & terra renouabitur*, & homo reuersabitur. Cælum quidem reuoluetur, quia ab officio huius administrationis absolutum, nubes, tenebras & tempestates ultra nullas patietur. Serenissima proinde tranquillitate & amœnitate perpetua vernabit hoc quoque ærium innouatum cælum in tremendo Aduentu, quod interim multis iniuriatur concussionibus & spiritualium nequitiarum fœdatur malignitatibus. Terra quoque salsuginis à sanguine & pollutione *inhabitantium in ea*, igneis vaporibus purificata, gloriæ & deliciis deinceps comparabitur & denuo, vt in antiquitate sæculorum fuerat, terra pacis & vitæ nominabitur. Tunc homo de sepulchro vocabitur, tunc de sinistro latere in dextrum conuertetur: tunc *quod seminatum fuerat in corruptione, surget in incorruptionem*, *quod seminatum erat in ignobilitate, surget in gloriam*, *quod seminatum fuerat in infirmitate, surget in virtutem*. Cum itaque venerit commutatio talis tunc fiet reuersatio: tunc (inquam) panis subcinericius reuersabitur, quia omnis homo resuscitabitur. Sed vnde cinis tam durus tam vilis, tam odiosus? Durus, propter asperitatem passionum; vilis, propter abominationem vitiorum; odiosus, propter exaggerationem. Durus in morte, vilis in natiuitate, odiosus in mysteriis *huius vitæ. Vilis propter

tus im-
pedi-
contē-
platio-
nem.

Quo-
modo
dicatur
homo
natura
morta-
lis.

Psal.
79. 11.

Psal. 88.
49.
11ai.
67. 21.
Ephes.
2. 3.

1. Cor.
15. 42.

* Fortè
mini-
sterijs.

culpam, durus propter pœnitentiam, odiosus propter pœnam.

Vnde (inquam) cinis nisi ab igne, vnde ignis nisi à serpente? Et quid ignis cinerem faciens; nisi concupiscentia mortem gignens? *Concupiscentia enim cum conceperit, parit peccatum, peccatum verò cum consummatum fuerit, generat mortem.* Vt enim ignis vorans, penè omnia vsque ad cineres consumit sic ignis concupiscentiæ animam quam tentando tetigerit vrit, quam in consensum trahendo præcipitauerit comburit; quam in fornacem operis recluserit, in cineris combustionem conuertit. Lingua viperea, in animam Eux, hunc ignem, suggerendo vetitum accendit, pomum ostendendo, afflauit, immortalitatem promittendo conflagrauit, ac demum in peccatum inducendo combussit, & promulgata sententia mortalitatis in cinerem redegit. Hoc cinere non solum tegitur, sed etiam sepelitur omnis præuaricatorum progenies: hoc (inquam) cinere, omnis peccans conspergitur, cibatur, sepelitur. Conspergitur originaliter reus; cibatur actualiter malus, sepelitur interminabiliter damnatus. Neque post mortem, miseratione Dei à pœnalibus flammis ereptus reuerfatur, qui ante mortem confessionis & pœnitentiæ conuersione, aspiratione misericordissimi Creatoris non reuerfatur. Ecce, Dives ille purpuratus, quia versatus in conuiuio, non fuit reuerfatus eleemosynæ beneficio, *sepultus tandem in inferno*, reuerfari non meruit vel yno aquæ stillicidio: Lazarus verò, quia paupertate, vlcere & fame est reuerfatus, in sinum Abraham ab Angelis est subleuatus.

Iob equidem decies, in camino tentationis suæ, cinere percussione operatus; reuerfatus est, vt ipse testatur ad amicos suos loquens: *en (inquit) decies confunditis me!* & rursum, *versa est in luctum cithara mea, & organum meum in vocem flentium.* E contrasio, Pharaò manu Domini, propter cordis sui grauedinem, quamuis decies motus, nequaquam tamen est reuerfatus. Primò enim conuertit aquas eius in sanguinem & non est reuerfatus à duritia: secundò ranas in penetralibus eorum multiplicauit nec sic reuerfauit: tertio Ciniphes musculas sæuissimas quæ morsu vrente in æstate capillis hominum inferuntur produxit: quartò muscas caninas, alumnas putredinis, vermium matres adduxit, nec emolliuit cor Pharaonis, quinto iumenta eorum occidit & cor lapideum insensibile stetit: sexto tolles Aaron & Moyse manus plenas cineris de camino, sparsit Moyse in cælo coram Pharaone & ecce, vlcera & vesicæ turgentes in vniuersa terra Ægypti, nec tamen ab oppressione pestilentie suæ reuerfari potuit: septimò in grandine cuncta quæ fuerunt in agro vastauit, nec de vastatione sua cor induratum reuocauit: octauò Locusta venit, & quicquid residui erat à grandine corrosit, nec à loco iniquitatis suæ, emortuum cor commouit. Nonò, horribiles tenebræ factæ sunt in vniuersa terra Ægypti, ita vt tribus diebus nemo videret fratrem suum, nec se moueret de loco in quo erat, nec illuminari potuit cor à malitia excæcatum. Ad extremum, decimò percussit omne primogenitum Ægyptiorum, & tunc licet motus & commotus vehementer fuerit, non tamen ad pœnitentiam seu fidem reuerfatus vel reuerfatus est.

Cor
homini-

O quam ponderosum, quam graue ad leuandum seu reuelandum cor hominis!

minis! Laborat manus Omnipotens eripere, nec liberat, verbis pramonet & verberibus vrget, nec tamen de fouea sua bestiam saeuientem extrahere preualet. O quam pia manus Dei, quæ ideo verberat misericorditer ne puniat crudeliter, ideo flagellat temporaliter ne conflet æternaliter! Pie nunc sequit ut impios ad pietatem conuertat & impietatem malorum ad iustitiam bonorum reflectat! *Quis enim scit (vt ait Propheta) si conuertatur & ignoscat Deus, & relinquat post se benedictionem?* Conuertamur igitur & reuertamur quali reuersati ad Dominum Deum nostrum, quia *benignus & misericors est, & prestabilis super malitia.* O quanti Sanctorum prius versati & etiam auersati, postea mirabiliter sunt reuersi & reuersati: Ecce David *impulsus euersus est vt caderet, & cum adulterio coniungens homicidium, penè deuolutus est in infernum: hinc enim ait, Nisi Dominus adiunxisset me, paulò minùs habitasset in inferno anima mea.* Sed manu fortis, quid fecit? quomodo se reuersauit? Statim certè vulnere suo manus apposuit, & medico curandum humiliter & fideliter, tam celerrimè quàm celeberrimè confitendo peccatum exposuit. *Peccauit* (inquit) *Dominus*: Ecce quem versauerat concupiscentia, ad consensum trahendo, confessio & pœnitentia reuersat, peccatum indulgendo.

Malum equidem est versari, sed pessimum est non reuersari: Vulneratur qui versatur, curatur, qui euersatur: versatur fugiens; reuersatur rediens. Probrum est versari, sed opprobrium non reuersari. Diabolus me versat, sed CHRISTVS me reuersat. Malè versat diabolus quia in mortem, bene reuersat CHRISTVS quia in vitam, in infernum versat diabolus, in Paradisum reuersat CHRISTVS, in desperationem versat diabolus, in spem viam reuersat CHRISTVS. Impatientia quoque versat, sed patientia reuersat. Non bene decoquitur panis semel versatus, nisi frequenter fuerit reuersatus, obfuscatur superiecto cinere vna facies panis non reuersati crudescit alia, remouendus cinis, & reuersandus est panis, vt cor tollatur à terra & illustretur à gratia. *Nunquid enim qui cadit, non adiicit vt resurgat?* Nam CHRISTVS, vt quid mortuus est nisi propter peccata nostra, aut resurrexit nisi propter iustificationem nostram? Elapsa quidem (ò anima) de manubrio iustitiæ, per peccatum prauaricationis *in limo profundi* voluebaris: sed ecce CHRISTVS, de manubrio corporis animam suam post te, non persequendum non demergendum sed redimendum emisit. Venit vsque ad abyssum pœnarum, quò te perduxerat abyssus vitiorum. Protulit lignum vt enatares, porrexerat manum vt euaderes: de pœnis in quibus versabaris, reuocauit te ad pœnitentiam quam auersabaris.

Ecce, quare mortuus est CHRISTVS: videlicet vt mortuus, mortuum resuscitaret. Sed quare resurrexit? Certè vt viuens mortuum resuscitaret; certè vt ferrum nostrum ad suum manubrium reduceret, certè vt secum corpora Sanctorum resuscitaret; certè vt viam reuersionis & formam reuersationis edoceret. O peccator si sub Pilato (qui interpretatur os malleatoris) passus es cum capite, animæ distractionem & condemnationem, confixionem, irrisionem, aceti degustationem, crucis suspensionem, spiritus emissionem vel potius amissionem, ad inferos descensionem; cur non

X x

nis diffi-
cillime
ma-
uetur
ad pœ-
nitentia:
Dei
pia sa-
uities
in ho-
minè.
Joel. 2.
14.
Psalm.
92. 14.
Dauid
dis pœ-
nitentia.
2. Reg.
12.

Rom.
24. 25.
Pf. 18. 3.

Con-
cupis-
centia
carnis,
prodit
animā.
Matth.
23.
Iudic.
16. 5.
2. Reg.
17.
Passio-
nis
Christi
ad ani-
mā a
dāmo-
ne ve-
xatio-
nem,
mystica
accom-
moda-
tio.

& resurrectionem? cur non vitæ manifestationem? cur non clauorum & lanceæ offensionem? cur non nouæ vitæ commutationem? cur non denique imitatis gloriosam ascensionem? Sed quis animam vendidit? imò, imò IESV proditor quis fuit? *homo vnanimis dux eius, & notus eius, qui simul cum eo dulces capiebat cibos.*

O anima mea! vnanimis tuus qui dormit in sinu tuo, caro videlicet tua & os corpus tuum, triginta argenteis appendit pretium tuæ æstimationis: dum vt impleat concupiscentiam carnis, concupiscentiam oculorum & superbiam vitæ, velut terdenos argenteos lucrum auaritiæ suæ reputat dispendium animæ. Sicut Iudas IESVM, Iudæis: sicut Dalila, Sansonem Philistiim: sicut Absalom, Dauid patrem suum affligendum tradunt: sic te malignis spiritibus prodit carnalis concupiscentia vt perdat vitam, vt fortissimum eneruet, vt de solio regni regem & patrem suum depellat. Denique Pilato traderis ad crucifigendum cum sathanæ condemnaris ad puniendum. Hic te flagellis & scorpionibus cædit, cum præsentibus & futuris pœnis affligit: Clauis suis manus tendit & pedes configit, cum affectus & operationes tuas aculeis concupiscentiarum illicitarum compungit. Costarum & viscerum interiora lanceâ suâ transfigit, cum malorum tuorum verecundiam tollens gloriandum in malis persuaferit. Ad extremum in cruce suspendit cum tam in malitia quàm in pœna spiritualibus nequitiis confortem efficit. Qui enim desperat de pœnitentia, quasi pendens desperat de vita. Huiusmodi anima in inferno sepelitur, & cum iniquis dæmonibus reputatur.

Sic processeras, imò excesseras anima & nisi ad tenebras tuas, IESVS misericorditer accessisset, tu semper miserabiliter discessisses & nunquam ad lucem veram rediisses! Igitur accessit & excepit plagas tuas in corpore suo, vt de plagis sui corporis plagas sanaret tuę mentis. Precessisti quidem ad mortem siue ad plagas Dominum tuum, sed sequere ad vitā redemptorem tuum! Si non est dedignatus venire post te vsque ad sterquilinum tuum, cur declinas illum sequi ad cælum suum? Sequere iam resurgentem quia secutus est te morientem! Versatum secutus est sed subsequendus est à reuersato. Primò itaque *surge à mortuis*, deserendo peccata, appare viuentibus, confitendo Prælati mala tua. Ostende deinde loca clauorum, ostende quomodo latus sit perforatum, age pœnitentiam, renoua vitam vt ultra non moriaris peccato, sicut *CHRISTVS resurgens ex mortuis iam non moritur, mors illi ultra non dominabitur*. Tandem cælum conscende, vt sed eas ad dexteram Patris; raptus per contemplationem & infixus in cælestibus per dilectionem. Ecce quàm malum est versari, sed quàm iocundum est reuersari!

Rom.
69.

CAPVT XVIII.

De pane multarum Specierum ex Ezechiele Propheta.

Ezech.
4. 9.

AD Ezechielem de confectione panis, qui de multis & diuersis efficitur speciebus, loquitur Dominus sic: *Et tu, inquit, sume tibi frumentum & hordeum & fabam & lentem, & millium & viciam & mites ea in vas*

unum, & facies tibi panes numero dierum quibus dormies super latus tuum, & nonaginta diebus comedes illud. Quantò panis iste inusitator, tantò de illo expositio difficilior. De frumento quidem & hordeo panes fieri, non est mirum quia consuetum: Ex faba vero & lente, & millio & vicia non panes sed pulmenta sibi homines faciunt: nec ea tunc quoque commiscere sed separare consueuerunt, vt fabam separatim & lentem separatim, & sic de cæteris singulis separatim refectionem habeant. Quid ergo ex tam dissimili specierum genere, iubente Domino, commixtio facta innuit, nisi forte quod populus ille cuius prædicator hoc agebat, naturalem sensum humanæ mentis cum irrationalium pecudum animalitate prauè viuendo confuderat? hic enim præuicator erat, tam naturalis quàm scriptæ legis, hic, inquam, vngulam secundum legem non findebat, quia non rectè dividebat, quia *pretiosum à vili non* separabat, quia scoriam ab argento non secernebat, quia aquam vino immiscebat, denique non in charitate manebat, in qua pendet omnis ordo, sed in captiuitate carnis & animæ exulabat, in qua solus est error & horror.

Leuir.
11. 3.
Hier.
15. 19.

Planè horrenda & abolenda commixtio fidei & infidelitatis, tenebrarum & lucis, vitæ & mortis, boni & mali. Cùm Creatorem adorat quis *in spiritu & veritate*, habet frumentum, cùm pro temporalibus seruit Deo, hordeum cùm de diuitijs suis siue gloria, siue scientia sæculari inflatur fabam; cùm gloriam incorruptibilis Dei, in similitudinem hominis corruptibilis commutando hebetatur, lenticulam, cùm supra quàm decet subtilia de Deo inuestigando euanesceat; millium, cùm non intelligendo, se ad imaginem Dei factum iumentis insipientibus comparatur, viciam siue auenam. Anima verò siue populus tam inconstantis propositi tam varii consilii, tam lubrici ordinis, pro confusione quæ in eius versatur mente ordinata pascitur refectione. Vt enim incompositum habitum sui cordis aduertat; parat in oculis eius, Prædicator inusitatum confectionem (ne dicam refectionem) nescio, panis an leguminis, aut simul panis & leguminis. *Mittes ea*, inquit Dominus, *in vas vnum*. Vas vnum in quo reponitur incomprehensibilis varietas tam cogitationum quam affectionum siue bonarum siue malarum; cor humanum est. Et bene mitti iubentur in vas vnum: quia omnia hominis bona & mala recipit siue concipit cor vnum. Est enim receptibile iustitiæ & iniustitiæ, veritatis & falsitatis, religionis & superstitionis, odii & amoris. *Et facies tibi panes, numero dierum quibus dormies super latus tuum* Preceptum fuerat Prophetæ, vt dormiret super latus sinistrum, & postea vt dormiret super latus dextrum: animaduertendum igitur, vtrumque latus quid significet, & quis dormiat super sinistrum, quisve super dextrum. Duo igitur sunt in quibus vel ad bonum, vel ad malum dilatatur cor, charitas scilicet & cupiditas. Charitas est latus dextrum, cupiditas est latus sinistrum. Dormit autem in extro latere, cuius cor dilatatur in charitate. In sinistro verò dormit, qui fræna suæ cupiditatis in auaritiâ usquequaque porrigit. Siue autem in dextro, siue in sinistro dormias, panes tibi numero dierum quibus dormies, facies vt siue æternitatis gloriam, siue præsentem & momentaneam delectationem appetas; panes virtutum aut vitiorum promerendo in diem bonorum vel in

Horrenda est commixtio fidei & infidelitatis.
Ioan. 4.

Cor humanum, bona & mala recipit.

diem malorum tibi in presenti via constituas.

Vt verò æterna est gloria iustorum, sic infinita supplicia malorum, & vt habent singula piorum opera dignam pro meritis remunerationem, sic reprobi pro numero & modo malorum suorum, æternam sustinent damnationem. Intelligitur quoque Sacramentum Baptismatis, vas vnum in quo filius hominis indifferenter congregat bonos & malos, tanquam fruges diuersorum ordinum. In vno enim vase regenerantis Baptismi, diuina consecratio insertum quodcumque hominum genus, quasi frugum & leguminum diuersas species misericorditer reponit. Satis enim corporaliter tam morum quàm studiorum dissimilitudine, hominum alii frumento, alii hordeo, alii fabæ, alii lenticulæ, alii millio, alii viciæ conferuntur: dum alii grano frumenti, id est, Verbo incarnato quod misit Dominus in Iacob & cecidit in Israël, per charitatis imitationem conformantur. Alii hordeo legis Mosaycæ, per assiduam meditationem diuinæ seueritatis pascuntur: alii fabæ, qui per vanam gloriam mundanæ sapientiæ inflantur. Alii lenticula Sophisticarum argumentationum, presumendo de ingenii sui viribus exæcantur: alii millio exquisitarum rationationum vsque ad exinanitionem veritatis euanescendo, extenuantur: alii belluinæ fœditatis tam vita quàm sensu, vltima quasi viciarum vel auenæ vititate oculos ad terram deprimendo confunduntur.

Vasis
ad Ec-
clesiam
analo-
gia my-
stica.

Curatrix itaque omnium contritionum, & omnium morborum medicina, reparatrix Dei pietas, Ecclesiæ vas construit amplum, solidum latum & rotundum. Amplum vt capere non vtilia solum sed inutilia vsque ad emundationem aræ, non munda tantum sed & immunda sufficiat: solidum vt omnem impetum tam ab intrinsecis, quam ab extrinsecis casibus patiens eludat, latum in inferioribus, vt etiam aquarum fluctuationibus non titubet, rotundum in superioribus, vt vnitatis sectionem nullatenus formidet. In hoc vase, bene credendo intrant homines, bestię & pecora, carnaliter conuersando congregantur. Semina (id est, mandata Euangelica) prædicando inferuntur & victualia, ad omnem animam quæ per fidem, Ecclesiam ingreditur promissiones scilicet vitæ quæ nunc est & futuræ secundum diuersitatem meritorum, satis ordinatè prouidentur. In hoc, *ursus & agnus*, Leo & vitulus columba & coruus, fidelis & reprobis, *donec transeat diluuii iniquitas*, continentur. In huius quoque significatione, Petro Apostolo oranti ostensum est *vas linteum, quatuor initis submissum de celo*, in quo erant omnia quadrupedia & reptilia, animalia & bestię terræ, dictumque est illi, *mastra & manduca*. Eo autem nondum intelligente mysterium vasis & continentię ipsius, ac, cum Ezechiele dicente: *quia commune non intrauit in os meum*, audiuit, quod *Deus mundum fecit, tu ne commune dixeris*. Legitur vt cum digna reuerentia pallium listeræ remoueamus, sicut sapiens & fidelis Ruth in libro Iudicum fecisse legitur quæ à parte pedum Booz, stratum discooperuit, timens scilicet manum ad caput mittere, & contra Legis sanctionem caput Sacerdotis discooperire: quid significet hoc vas vnum in quo Ezechiel Propheeta, frumentum hordeum, fabam, lentem, millium & viciam commiscet, iterum instantius videamus.

Corpus Christi quod est Ecclesia (vt supra ostensum est) vas est pretiosissi-

num, amplissimum, solidissimum, latum & rotundum: tum & rotundum: Et pretiosius quidem est auro, argento & lapide pretioso, quia vt lutum platearum siue vt stercore haec omnia Ecclesia reputat vt CHRISTVM lucrifaciat. A cuius succinetorio, fimbriae aureae dependent & ipsa astat in vestitu deaurato circumdata varietate. Locus quoque in ea speciosus est ad manendum quia coenaculum in quo discipuli parant Pascha, grande est & stratum, & secundum Prophetam: *Magna domus Dei, & ingens locus possessionis eius*. Reuera extendit palmites suos vsque ad mare, & vsque ad flumen propagines eius: extendit denique pelles suas & dilatauit funiculos suos in praclaris, vt attingeret à fine vsque ad finem fortiter & disponderet omnia suauiter. Mittit etiam in mari legatos suos in vasis papiri, ad gentem conuulsam & dilaceratam, ad populum ultra quem non est alius. Ecce quam ampla est Ecclesia quae clamat à finibus terrae, & dominatur à mari vsque ad mare, & à finibus vsque ad terminos Orbis terrae! Solidissimum quoque est vas Ecclesiae, quia orbis est qui non commouebitur à saeculo & vsque in saeculum, quia tunica inconsutilis est quae scindi neque ab Arrio, neque à Photino, neque à Nestorio siue Eutiche, siue aliis innumerabilibus haeticis potuit, qui quasi pisces mali, rete Dei rumpere voluerunt, sed non praualuerunt: Subintroierunt enim quidam in vestimentis ouium, intrinsecus autem erant lupi rapaces, vt perderent & demolirentur tanquam vulpes vineam Domini Sabaoth, sed porta inferi non praualuerunt, sed mallei vniuersae terrae contriti sunt, sed arbores autumnales bis mortuae eradicatae sunt.

Vas itaque tam pretiosum, tam amplum, tam solidum est, figuratiue etiam arca Noë in diluio aquarum est in veritate, Ecclesia in medio nationis prauae & peruersae, seu pressurarum multarum. De caelo autem submissum est quatuor initiis, tum propter quatuor Euangelia quibus initiatur fides Ecclesiae, tum propter principales Virtutes quibus perficitur, tum propter quatuor animalia quae apparuerunt Prophetæ iuxta fluuium Chobar, vel Ioanni in Apocalypsi, tum propter quatuor plagas terrae à quibus congregantur Electi à summis caelorum vsque ad terminos eorum. Continet autem omnia animalia quadrupedia, reptilia & bestias terrae, quia CHRISTVS IESVS venit in hunc mundum peccatores saluos facere, non tantum eos qui de Iudaea sunt, sed de omni gente, lingua, Tribu, populo & natione. Ipse enim est qui vult omnes homines saluos fieri, & ad agnitionem veritatis venire. Saluat siquidem superbum, sed prius humiliatum, saluat avarum, sed prius ab auaritia liberatum, saluat luxuriosum, sed castificatum, saluat impium, sed pium prius factum, saluat iniustum sed iustificatum. Sic namque dicitur, *macla & manduca*, id est. Conuertere impios ab impietate sua, & sic conuertendo traicies ad viscera tua.

Petri namque viscera sunt diuinæ saluationis receptacula. Non equidem inuisceratur Petro, qui masticatus non fuerit conuersionis exemplo: dentibus verò Petri comminuitur, qui fide recepta, se ab errore conuertit: torquet verò interiora Petri non fouet; qui conuersus ad fidem & Ecclesiam ingressus non corrigit mores, sed iterat abdicatos errores. Tolerandus inde est, quia conuerti in melius potest, & nondum tempus est eradicandi, sed

X x iij

Psal. 8.

Bar. 3.

22.

Psal. 79.

12.

Isa. 18.

2.

Pf. 77.

8.

Psal. 95.

10.

Ioan.

19. 23.

Matth.

7. 15.

Marc.

16. 18.

Genes.

6.

Act. 10.

Ezech.

1.

2. Tim.

1. 4.

plantandi. Quicumque ita baptizatur, vas Petri ingreditur. Baptizatorum verò, neque vniforme est studium, neque eadem mansio, neque vnus & indif-
 2. Cor. similis gradus meritorum: sed *alia gloria stellarum, & alia caro volucrum,*
 1. 11. *alia piscium.* Diuersa itaque semina sunt, & plures panes in vno vase, quia
 1. Cor. *ex multis facierum personis* vnum corpus colligitur, vna Ecclesia ædifica-
 10. 17. tur, sicut ait Apostolus; *vnus corpus multi sumus in CHRISTO, singuli*
 Apoc. *autem alter alterius membra.* Nec mirum, si vna & multiplex Dei Ecclesia
 1. 12. vt Ioannes in Apocalypsi septem scribit Ecclesiis, & in Canticis vna colum-
 Cant. ba nominatur: cùm ipse etiam Spiritus, quo replente diuinitati per matri-
 6. 8. monium copulatur & vxor Agni appellatur, non solum vnus, sed & multi-
 plex à Salomone describatur.

Vnus quidem est Spiritus; scilicet per essentiam, sed multiplex per dona.
 1. Cor. Alii enim per Spiritum datur sermo sapientie, alij scientia, alij fides in eodem
 12. spiritu. Item alias: *Diuisiones ministrationem sunt, idem autem spiritus*
& diuisiones operationum sunt, idem autem spiritus, & diuisiones gratia-
rum sunt, idem autem Deus qui operatur omnia in omnibus. Quid igitur?
 Non superbiat frumentum de nobilitate generis: non desperet hordeum
 de grossitudine ignobilitatis: non infletur faba, vento elationis, non eleuetur
 Rom. super se millium ingeniose presumptionis, non computrescat in corpore suo,
 11. 18. auena vltimæ extremitatis. Si de stirpe Patriarcharum, frumentum es noli
 Plal. extolli. Quod si extolleris, *non tu radicem vnitatis & gratiæ, portas sed radicem,*
 48. 13. *te. Si comparatus iumentis insipientibus, hordeum es non deiiciaris, quia beni-*
 gnus est spiritus sapientiæ, & nouit ferrum tollere de terra & in argentum
 commutare, & humilem de stercore erigere, & cum principibus collocare. Si
 fama & nobilitate carnis vel sensu carnis inflatus; detumesce, & præsepium
 seu crucis IESV recordare. Si lenticula es propter quâ Elau perdidit primo-
 genita sua, visum fidei propter inanem philosophiam amittens, clama ad IE-
 Gen. 25. SVM dicens: *IESV præceptor miserere mei, quia lumen oculorum meorum*
 Luc. *non est mecum.* Si millium es, nimia ingenii tui præsumptione, plusquam iu-
 17. 13. stum sit, subtiliatus incuruare & adora *summitatem virgæ* Ioseph: adorans
 Genes. non discutiens sacramentum incarnationis eius, quia factus est pro te qui fe-
 47. 31. cit te, vt reficeret te. Si vicia vel auena seu spelta es; niger videlicet sicut fa-
 cies ollæ combustæ, leuis super faciem aquæ, asper sicut spina de sepe: ap-
 prehende bonitatem & disciplinam, & scientiam de lege Dei, & habebis lo-
 cum in vase siue in Arca, siue in Ecclesia.

Ecce tempus & locus non separationis sed commixtionis, non euentilatio-
 nis, sed flagellationis, non repositionis in horreo, sed excussionis in area.
 Non est in presenti latus dextrum in quo quiescentes, pane mundo & nudo,
 Satietas vitæ fu- facie ad faciem, sed gloriam Dei contemplando satiabimur, non in mensura
 turæ. & pondere sicut nunc accipientes breuem & modicam retributionem, sed
 sine mensura totum videntes & totum bibentes, quod est gloriæ, quod est
 Ezech. gratiæ, quod est pacis & quod est iubilationis. Interim super sinistrum
 4. 6. quiescentes, quibus nos possumus consolationibus foueamus, quibus pos-
 sumus consolemur, donec à latere sinistro in dextrum conuertamur. A

DE PANIBVS, LIBER.

351

præsenti namque tribulatione & dolore liberari, est à sinistro latere in dextrum conuerti: futuris gaudiis & beatitudine recipi, est in dextro latere dormire. Supponitur læua sponsa interim sub capite nostro: ne deficiamus in via, panes apponuntur, & si non quales erunt in patria exultantium, saltem quales meretur inopia exultantium esurientium: *Anima enim esurienti, etiam amara dulcia sunt*; nam hoc appetit esuriens quod satur fastidit. Prou. 27. 7.

CAPVT XIX.

De Pane plebeio & communi.

PLENA est manus Dei, cui tam in promptu est vniuersæ Creaturæ suæ desideria reficere, quàm etiam singulorum votis respondere. Ex profusione enim sua nunquam fit pauperior, qui donatiuorum suorum largitione extat semper gloriosior. Recipit enim cum erogat, refluit cum effluit, quia idem donat & donando accipit, quia & suum est quod dat & suus est cui dat, suum est quod creat, suum est quod Creaturæ suæ donat. Cum aliquid creat, suum est, cum aliqua creata Creaturæ suæ donat, nec vires executiuntur creantis in creatione omnium, nec opes exhauriuntur donantis in distributione suorum munerum. Is ergo vniuersæ familiæ gentium panes frangit miserationum suarum, & cum incomprehensibili quidem æterni mysterii profunditate, Tribus & populis & linguis, & nationibus competentes dimensus esset portiones, vnum tandem in quo communicaret omnis conuentus fidelium, panem destinavit ad inferiores partes terræ. Hic & primata singulorum exsatiavit desideria, & vno misericordiæ suæ gustu, omnes impleuit esurientes animas.

Panis iste non venit satiare iustos superbos, sed sanare peccatores conuersos. *Cum publicanis & peccatoribus manducat*, siue cum eisdem figuratim manducat, siue cum ab his manducatur. Et tunc quidem cum his manducat, quando dono gratiæ suæ laborantes, ab his ærumnis liberat. Tunc verò eisdem manducat, cum à peccatis prorsus iustificat. Tunc denique ab eis manducantur, cum in corde ipsorum emundato ab operibus mortuis in latitudine charitatis delectatur. O vtinam, non sicut Ionas à cete, sed ab IESV, absorberetur anima mea! O dulcedo meritorum IESV! O calor viscerum IESV! O secretum pectoris IESV! Sicut cithara, sonat mihi venter IESV! harmonia chordarum illarum in modulis suis, concentum cæli dormire facit. Rapitur somno delectabili, cui citharizat IESVS sibilo auræ tenuis. Tympanizat quidem fortiter in Cruce, sed cantat vtiliter in Evangelica prædicatione, psallit sublimiter in resurrectione, iubilat dulciter in ascensione, perorat sapienter causam pauperum suorum in paterna confessione.

Anima IESV, *phiala aurea est plena odoramentis, quæ sunt orationes Sanctorum*. Præsuauitate huius, si es in visceribus IESV, non lanceam expauescis, quâ non odio inimici, sed charitate CHRISTI suauiter vulnerata lancearis. A quo vulnere, quæ inter vbera sua sponsum collocauerat, & lanceâ viscerum eius perforata, vitaliter non lethaliter languebat, exclamauit.

Apoc. 5. 8.

PETRI CELLENSIS

352

Cant. 2. 14. mat: *vulnerata charitate ego sum*. Visceribus misericordiae suae, charitas IESV, ab effusione, imò à perfossione lateris sibi non pepercit, vt te semel in ipsis cauernis pedum, manuum & lateris, quasi columbam per hanc aperturam receptum, ad omne suum consilium admitteret, gaudiis admisceret, diuinitati adiungeret, aternitati statueret, beatitudini Angelicæ adæqueret. Penetrent itaque viscera nostra, hæc *miseri cordia Dei viscera*, in quibus *visitauit nos*, qui pinguedine & adipe benedictionum suarum pauiit seu reparauit nos. Hæc viscerum Dei & hominis, ad inuicem per Dei dispensationem & hominis imitationem, replicatio seu reciprocatio, tam firmiter Deum & hominem complectitur, vt ipsum ad nostra flectat tuguria, & nos ad sua sustollat palatia, vt impassibilem Deum reddat nobis misericorditer compatiensem, & adhuc mortalem hominem faciat ex Deo constanter inuisibilem.

Luc. 1. Noli, o anima Deum diligens & dilecta à Deo, breui & modico aculectionis aperiri, quia latus IESV lancea tanquam ostium magnum in cælo apertum est, vt ad Patrem per eundem Filium populi innumerabiles confluentes nullas sustinerent in ingressu vitæ angustias; *Scindite*, inquit Toel. 2. 13. Propheta, *corda vestra & non vestimenta vestra*. Si IESVS dilatauit sinum suum, vt per amplius & perfectius possideres tabernaculum non manufactum (id est non huius creationis) quare & tu non extendis sicut pelles Salomonis cor tuum; vt in eo deambulet & insiliat sine molestia hinnulus ceruorum? Extende totum te, vt totâ animâ, tota virtute dilatatus, eum diligas quem vt haberes totum, totum in cruce distentum consideras: Tali verò protensione, rupturam non timeas: incrementum namque non detrimentum nouit gignere extensio amoris.

Cingit etiam corda non scindit: non enim qui schismate & hæresibus ab vnitatis Ecclesiæ scinduntur, hoc pane vescuntur: sed qui coagulo vnitatis moribus & fide Catholica, in idipsum conuertuntur. De hoc enim pane (vt iam dictum est) ait Apostolus: *Vnus panis vnum corpus multi sumus*. Et alibi: *omnes eandem escam spiritalem manducauerunt, & omnes eundem potum spiritalem biberunt*. In Canticis quoque, *vna est columba*; quia vna Ecclesiæ charitatis, vna soror, vna tunica CHRISTI. Separationem non recipit, scissionibus non assentit: Diuisioni, quâ filius meretricis partiri à Salomone decernitur, vt reuelentur ex multis cordibus cogitationes, obstitit, renouata parturitione innouati doloris, ex compassione in cruce pendens, quem vna vni vnum, vnica vnicum peperit, in partes secari conspexerit. Mauult namque filii solatio carere quàm vnitatem scindere, iuxta illud, *si manus dextera scandalizat te, abscinde eam & projice abs te*. Mauult retinere viscera pietatis, amore vnitatis, postponendo filii solatium, quàm consentire crudelitati, diuidendo vnum.

Hæc vnitatis Fidei & religionis communis panis est, sed fidelibus communis est, sed cui non communicat alienus, sed de quo non gustat hæreticus habet quidem Prophetarum quisque, habet propheticum panem appositum sibi, sed non soli. Habet nihilominus Apostolica mensa panes Evangelicos, in omnem terram manifesta prædicatione diffusos. Habet quisque

ordo

ordo Sanctorum, secundum merita virtutum suarum, panem priuilegiatum quidem pro spiritali deuotione, sed non priuatum singulari ambitione. Quomodo enim ciues cœlestes, in republica sua, usurparent peculiariter peculium beatitudinis, cum tota hæreditas illa, vnum sit cohabitantium omnium patrimonium pro meritis? Equidem hæreditas seruorum Domini, vna est sed mansiones Sanctorum, pro varietate meritum multæ sunt, quia *vnus panis, vnum corpus multi sumus*. In cœlo vnus panis, vita æterna, vnus panis, fides vel summa Trinitas. Refice animam tuam vnitatem fidei, ne vel Deo infidelis, vel proximo importabilis sis.

Man-
siones
æternæ
vitæ,
varietæ-
sunt pro
varietate
merito-
rum.
1. Cor.
10.

Vbi lucifer qui manere oriebatur, superbiendo humilitatem exiit; charitatem simul cum vnitatem bonorum spirituum amisit. Vbi Adam charitatem creatoris, vxoris voluntati postposuit, Paradisi humilitate expoliatus, ad seipsum in seipso conturbatus: turbam magnam, multiplici cogitationum dissidentia in se vno fecit, quam mediator Dei & hominum ut tolleretur & pacificaret naturas diuersas (hoc est diuinam & humanam) in seipso vniuit & vnitio illa, cœlestia simul & terrena confœderauit: quatenus omnis anima (tanquam per fidem CHRISTVM induta & renouata) communicaret Angelicorum spirituum societati, & vnum efficeretur cum spiritu Dei. Hic est ille panis qui in medio terræ salutem operatus est, pendens in medio duorum animalium, qui natus in medio terræ, salutem operatus est pendens in medio Ecclesiæ & Synagogæ. Hic est ille qui *in medio Ecclesiæ aperuit os suum*: quique princeps Sacerdotum, semper est in medio eorum. Hic est ille fructus qui in medio Paradisi positus, sanat omnes contritiones, releuat ægrotudines, pascit vincentes, dispersos congregat, leprosos mundat, claudos curat, mortuos viuificat, cæcos illuminat, paralyticos consolidat.

Exod.
15.
Exod.
25. 31.

Hic est hastile candelabri quod habet tres calamos hinc & tres inde: nam innocentes per innocentiam adhærent ei, & iusti per iustitiam, peccatores per pœnitentiam, virgines per castitatem, Martyres per sanguinis effusionem: coniugati per eleemosynarum largitionem. Hic *lapis* est angularis *factus in caput anguli*: ut hinc, Angelus inde homo à remotis partibus conuenientes vnum caput haberent & esset *vnus pastor & vnum ouile*. Quare, non confundatur meretrix lauari in fossa altaris quam aperuerunt milites quando *foderunt manus & pedes* Saluatoris. Currat denique Naaman, à planta pedis vsque ad verticem leprâ perfusus: & aquis Iordanicis, septenaria purificatione mundatus, gratias referat mundatori suo. Occurrat cæcus à natiuitate, & linitis oculis à luto incarnationis Dominicæ, agnoscat à regalibus sedibus missum Omnipotentis Patris verbum. Ascendat paralyticus domum & quia non potest per ostium, intret per tectum sua peccata detegendo, non de meritis præsumendo. Per ostium namque intraret, si vestimenta sua non contaminaret: sed per tectum ascendit, quando (regno cœlorum vim faciendo) corpus mortificationi subternit, spiritum humilitati.

Psal.
117. 22.
Ioan. 11.
16.
Psal. 21.
17.
4. Reg.
5.

Ioan. 9.
Math.
1. 4.

Adultera ab accusatoribus proferatur, sed à digito scribentis in terra legem misericordiæ, misericorditer abtoluatur. Nuntietur languens Lazarus,

Ioan. 8.

Y y

deinde pronuntiatur dormiens, tandemque inueniatur fœtens, sed animentur lacrymis, sed voce renouetur, sed iussu vitæ ad vitam resuscitetur. Pascatur turba esuriens, tranquilletur aura feruens, tangatur fimbria & sanetur mulier menstruis fluens, à quacumque detineatur infirmitate liberetur omnis accedens & credens. In ora vestimenti latro positus vnguentum quod à capite in barbam barbam Aaron defluebat tangat, & de ipsis mortis faucibus salubriter respiret. O quàm cōmunis panis qui eis qui citra caltra propter multitudinem & animarum immunditiam exulabant se assimilaret & sibi associaret! Denique sic dicit, *venite, inquit, ad me omnes qui laboratis & onerati estis, & ego reficiam vos.* O IESV quem pater misit pascere populum suum, da nobis panem nostrum, teipsum da alimentum vitæ in innocentia cordis tui & intellectibus manuum tuarum! O Domine IESV non vivit anima nostra, nisi cibo tuo, non satiatur, nisi corpore tuo. Hic cibus, solummodo implet omne animal benedictione. Hic agit, ne egeat qui comederit.

Matth.
11. 28.

CAPV T XX.

De Pane sanctificato & sacerdotali.

VTINAM forcipe de altari vnus de summo ordine Seraphim, labia mea emundaret tam ad loquendum quàm ad edendum panem sacerdotalem. Ausu namque temerario tam periculosum quàm præsumptuosum est, immundis labijs siue in lotis manibus contrectare sacrosancta mysteria, quæ digna tantum ministerijs contingi Apostolicis, arguunt irreuerentes, condemnant impudentes, deificant humiles. Nouis denique & variis vestiendus est indumentis, Sacerdos oleo vngendus, multiformi sanctificatione expiandus, & omni tempore in sanctis recipiendus vt panibus sanctificationis reficiatur. Quid enim supplicii vel pœnæ, Sacerdos non sacerdotaliter administrans, incurrat, vel lex ipsa demonstrat in vltione seu vltione filiorum Aaron, Nadab & Abiud, qui dum ignem alienum accendunt, incenduntur, vel exemplum Euangelicum manifestat, cum in tenebras exteriores eiicitur qui ad conuiuium non vestitus veste nuptiali discubuisse legitur.

Leuit.
10. 1.

Math.
22. 17.

Leuit.
21. 10.

Prius itaque explicandus est habitus sacerdotalis, ac deinde cibus contemplandus; quia honestus cultus morum, cibum meretur Angelorum. Ait Dominus, agens de indumentis pontificalibus, in Leuitico: *Pontifex, id est, Sacerdos magnus inter fratres suos, super cuius caput fustum est vntionis oleum, & cuius manus in sacerdotio consecrata sunt, vestitusque est sanctis vestibus, caput suum non discooperiet, vestimenta non scindet, & ad omnem mortuum non egredietur omnino, super patre suo non contaminabitur, nec egredietur de sanctis, ne polluat sanctuarium Domini, quia oleum sanctæ vntionis Domini Dei super eum est.* Allegoricè, CHRISTVS Pontifex est, id est, Sacerdos magnus inter fratres Apostolos suos, cuius auxilio, mortalitatis flumina, à ripa natiuitatis vsque ad littus mortis quaquaversum profusa; ponte crucis imposito, siccis vestigiis transmittimur

DE PANIBVS, LIBER.

553

& accessum habemus ad Deum in nauigio sanguinis ipsius. *Fusum est* autem *oleum super caput* eius; siue quia conceptus est de Spiritu sancto, siue quia non ad mensuram datus est ei spiritus. *Manus* quoque *eius sacerdotio consecratae sunt*; cum ad populum non credentem, tota die extensa & in ligno crucifixae proprio sanguine ad aspergendos populos consecratae atque dedicatae sunt. Vestitusque est sanctis vestibus, id est, Virtutibus charitate, iustitiâ, patientiâ, fortitudine in passione, siue gloriâ & honore in resurrectione.

Caput suum non discooperuit, quia diuinitatem suam in passione celauit, vel in diuinitatis natura à Patre se nunquam separauit. Vestimenta non scidit, quia vnitus semel homini Deus, Verbum nunquam à carne recessit. Ad omnem mortuum non ingreditur omnino; quia peccatum non fecit vel contraxit, neque in conceptione neque in morte. Super patre suo & matre non est contaminatus; quia Ioseph pater eius (officio scilicet administrationis, non commixtione generationis) Virginem non cognouit in contaminatione libidinis, & Mariâ mater, non de viro sed de Spiritu sancto, sti pa- inuiolata concepit & incorrupta peperit. Non egreditur de sanctis, quia ter, of- etiam cum esset cum hominibus in terris, semper tamen fuit & est cum ficio admi- Patre in cœlis. Non polluit sanctuarium Domini, quia caro eius non vidit corruptionem. Hæc breuiter, de habitu summi sacerdotis, scilicet CHRIS- ni- TI prælibauerim. Habet ergo moraliter, templum sanctum Dei (quod est anima fidelis) Pontificem suum, id est, animum qui est Sacerdos magnus inter fratres suos. Quot enim ab anima motus procreantur: quasi tot fratres, animo adnascuntur.

Ioseph, Christi pater, officio administrationis.

Leuit. 21. 10.

Super caput autem eius fusum est vnctionis oleum, cum pinguedine deuotionis mens diuinitus refunditur, & suauitate chrismatis assidua meditatione reficitur. Manus in sacerdotio consecrantur, cum carnis opera mortificantur, & quæ beneplacita sunt Deo sine intermissione operantur. Vestitur sanctis vestibus, cum adornatur sanctis virtutibus. Caput suum non discooperit, cum prauam cogitationem ad mentem non admittit. Vestimenta non scindit, cum Sacramenta suæ regenerationis, criminaliter peccando non excedit. Ad omnem mortuum non ingreditur, cum in consensum peccati non ducitur. Super Patre non contaminatur, cum Creatorem suum offendere malè credendo vel peruersè operando veretur. Super matre etiam non contaminatur, cum intentio bona, nulla corruptionis malignitate vitatur. Sanctuarium Dei non polluit, cum se immunem à consensu illicitæ delectationis custodit. Hæc de habitu sacerdotali mystico & Angelicæ contemplationis non indigno, summatim perstrinximus, vt cum quali veste manducare debeat panem suum Sacerdos, exprimeremus.

Præterea, debet pectus ornare; Superhumerali humeros tegere; tunicâ lineâ, id est camisiâ strictâ, totum corpus operire; cydari caput redimire: balteo vtrumque simul & tunicam & superhumerali, arctius ad corpus aptare: fœminalibus, turpitudinem operire, laminamque auream, titulo summi nominis insignitam, super cydarim; ad complementum gloriæ

Yy ij

Sap. 18. & decoris pontificalis superponere. Linea quoque stricta, corpori debet ad-
 24. harere, ita strictis manicis, vt nulla ruga in ea sit, descendens vsque ad cru-
 ra; quæ Græcè *πρόσθιος*, id est talaris dicitur. His octo generibus vestium
 Pontifex cum sacrificare, id est panem suum comedere vult induitur. Om-
 nis autem Sacerdos, quamuis non sit Pontifex, quatuor ad minus: videli-
 cet, formalibus castitatis, tunicâ lineâ charitatis, balteo continentia,
 Sacer- cydari summæ reuerentiæ vestitur: Pontifex verò omnibus insignitur. Qui
 dotum Iudæo- enim gradu honoris excellit, merito virtutum, æquè transcendere alios de-
 rum, bet. Cuncta verò hæc, de auro preciosisque coloribus fiunt, quia nihil vile
 quatuor indu- ac sordidum in sacerdotis ore, opere vel cogitatione decet apparere.
 menta.

Ezech.
 46. 24

Videndum etiam est vbi coquant sacerdotes carnes suas, vel vbi comedant
 panes suos. Ezechieli ostensus est locus vergens Occidentem, & dictum est
 ei: *Iste est locus vbi coquent sacrificium, & non efferent in atrium exterius.*
 Et paulò post: *Et culina fabricata erant subter porticus per gyrum & dixit*
ad me, hæc est domus culinarum in qua coquent ministri domus Domini
victimas Domini. Quid hæc significant? Locus vergens ad Occidentem,
 mortis designat cogitationem. Hic Sacerdotes, pro peccato & pro delicto
 coquant, cum cruditate malorum suorum deuotæ Deo mentes diuino
 feruore bulliunt & conflagranti vaporatione spiritus, tam quotidiana quàm
 criminalia peccata consumunt. Pro peccato coquit, qui pro admissis ma-
 lis, anxie gemit. Pro delicto similiter coquit, qui pro negligenter omis-
 sis, redarguere se acriter nouit. In atrium exterius non sunt efferenda sacrificia,
 quia agi non simulari debet pœnitentia: qui enim sine contritione, cum si-
 mulatione peccatum confitetur, Sacrificium suum effert exterius. Qui ie-
 iunat vt videatur religiosus, inde polluitur, vnde populus sanctificatur.

Pecca-
 ta tam
 quoti-
 diana
 quam
 crimi-
 nalia.
 Pœni-
 tentiam
 egere
 oportet
 non si-
 mulare.
 Satis-
 factio
 iniuncta.

Ecclef.
 1. 6.

Scorsum itaque victima Domini ablunda, scorsum coquenda; ne aura
 populi contingatur, ne concursu carnaliter viuientium obruatur. Lauent Sa-
 cerdotes corda sese immolantium altissimo Deo, per veram confessionem,
 coquantur per iniunctam satisfactionem. Sed vbi? In interiori atrio, vbi
 sunt quatuor anguli atrii, & rursus atria singula in atriiis singulis. Interius
 atrium est latens conscientia: in qua sunt quatuor anguli, timor videlicet
 & cupiditas, gaudium & dolor. Habet omnis anima istos quatuor angulos
 per circuitum, quia aliquando timore deprimitur, aliquando cupiditate eua-
 gatur, aliquando gaudio effertur, aliquando dolore afficitur. Infra hunc cir-
 cuitum, tota vitæ humanæ rota semper circumagitur: nunquam ultra, nun-
 quam extra hos angulos anima viuens in corpore & sentiens educitur. Vnde
 Salomon: *Girans girando vadit spiritus, & in circulis suis reuertitur.* Mo-
 bilitate namque naturæ suæ, humanus spiritus diuersis motibus circulariter
 agitur, vt modo gaudeat, modo doleat, modo cupiat, modo timeat. Ni-
 mirum in vno atrio, quatuor sunt anguli, quia in vno spiritu siue anima
 quatuor passiones sunt animi. Atriola verò in singulis atriiis disposita, priua-
 tos motus in generalibus istis affectionibus inesse significant.

Psal.
 37. 16.

Fortè ista animi affectione, rerum varietates notat Psalmista, vbi ait ad
 Dominum: *tuus est dies & tua est nox, tu fabricatus es auroram & so-
 lem.* Per diem enim, sancta cupiditas: per noctem dolor, per auroram

timor qui est initium sapientiæ: per solem gaudium designatur. In anima quoque IESV, non fictè sed verè, eadem affectiones fuerunt, teste Evangelio vbi legitur, exultasse & doluisse & timuisse, & voluisse; duntaxat ex potestate permittens ad se accedere humanos affectus, non ex infirmitate vel necessitate dominante nolens opprimere. Ecce locus vbi coquent sacerdotes pro peccato & pro delicto, quatinus ignis diuinus iugiter quatuor angulos nostros possideat, vt Deum cupiamus, vt Deum timeamus, vt in Deo doleamus, vt cum Deo gaudeamus. Postquam autem, vbi carnes coquantur ostendimus, vbi etiam edantur cum panibus requiramus. Legitur in Exodo, quòd obtulerit Iethro cognatus Moyfi holocausta & hostias Domino, ac deinde subinfertur. *Venerunt Aaron & omnes seniores Israël, vt comederent cum eo panem coram Domino.* Ecce locus vbi sacerdotes & seniores Israël panem comedent, *coram Domino*, inquit.

Puræ & sanæ conscientiæ est, posse claritatem incircumscripti luminis vultus Domini excipere. Primus præuaricator sathan, idè de cœlestibus sicut fulgur cecidit, quia sicut in veritate stare noluit, sic æquitatis diuinæ radios, meritò tanquam lucis refuga præ confusione apostasiæ suæ exhorruit. Sic Adam, latibulum in ficulnea requisivit, quia piaculum confusionis in comestione vetiti pomi in pudendis suis impudenter transmisit. Sic Cain, à facie Dei, cum omni peccatorum suorum progenie fugit. Sic, *omnis qui malè agit, odit lucem.* Huiusmodi panem pollutum stercore, absconditum, in abditis comedunt. Vnde Psalmus: *de absconditis tuis adimpletus est venter meus, ego autem cum iustitia apparebo conspectui tuo, satiorabor cum apparuerit gloria tua.* Hic est panis Sacerdotum, scilicet gloria Dei. Aptè proculdubio, præmissò habitu edentium, ostensâ officinâ coquendorum ciborum, loco etiam assignato vbi edant panem Sacerdotes, consequenter apponitur panis paratus spiritaliter ad vsum eorum. Gloria Dei, ô anima Sacerdotalis, panis tuus est. Si extra gloriam Dei, aliquid quæris, oblita comedere panem tuum, si quis porcorum vesceris quibus vesci illicitum est.

Quid ergo est quod dicitur de Sacerdotibus; *Peccata comedunt populi?* An gloria Dei sunt peccata populi? Absit! Sed gloria Dei est, comedere peccata populi orando vt deleantur, redarguendo vt sanentur. An non est gloria Dei consumptio peccati? Sumit quidem peccata populi, Sacerdos in Confessione, sed consumit in oratione. Nam sic destruitur iniustitia peccati & statuitur iustitia Dei, cum reuertitur impius à cogitationibus suis, & derelinquit viam suam, corrigendò errorem & apprehendendo veritatem. Sic vitulum conflatilem quem conflauerat & coluerat populus Israeliticus, Moyses prius in ignem redegit, & tunc in escam & potum populo eidem tribuit, profectò insinuans ardore contribulati spiritus comburendas & comminuendas à seipso malas ad inuentiones suas, deinde accusatione mastigandas, atque execratione absorbendas, ad vltimum digna vltione, membra peccati puniendâ & egerenda. Ecce quomodo comeditur à populo, vitalis peccati! Vis denique videre sacerdotem, quomodo comedat peccata populi? *aut dimitte*, inquit, *eis hanc noxam, aut dele me de libro quem scripsisti.*

Christus
quomodo
passus sit
humane

Exod. 18.

Luc. 10. 18.
Gen. 3.
Gen. 4.
Ioan. 9. 20.

Psal. 16. 15.

Gloria Dei est panis sacerdotalis.

Exod. 32.

Exod. 32. 32.

Y y iij

Reuera coram Domino stat iste, & panem suum manducat! Gloriam namque propriam sibi non minuit; & populo sic orans veniam impetrauit: Fregit panem, cum correxit errorem, comedit, cum orationem fudit. Fregit, inquam, panem cum tenuit peccatorem, comedit autem cum tenuit Iudicem. Buccella panis sacerdotalis est, Deum iratum mitigare, populum districtissime malis suis coercere. Non verò ante, ad parcendum rogandus est Deus: nisi cernicem Doctorum disciplinæ & correptioni supposuerit populus. Primò peccatum destruat, & sic vindictæ diuinæ rumphæ applicabitur, aut placabitur. Si rubiginem peccati exterminaueris, vires ignis gehennalis extenuabis: flamma enim purgatrix vitæ, si mortem præcesserit non sequitur post mortem vltrix. Mollius ipse & melius, spinam à te extrahere poteris si peccatis renuntiaueris, quàm in iudicio, manum sustinere zelantem & penetrantem vsque ad medullam, si contumaciter in malo perstiteris. Quòd si propria manu nequueris, adhibe linguam & labia Sacerdotis: *labia enim & lingua Sacerdotis custodiunt scientiam, & legem requirunt ex ore eius.*

Mal. 2. 7. Habet itaque in labiis Sacerdos, scientiam obstetricandi siue abstrahendi dolores vulnere, cruores plagarum & pruriginis cicatricum: vnde & Luc. 16. vulnera Lazari, lingunt canes Diuitis. *Corrupte sunt, inquit ille, qui celauerat vel reiterauerat peccata sua, cicatrices mea in facie insipientia mea.* Psal. 37. 6. Inclinet igitur se Sacerdos condescendendo infirmitatibus lapsorum, sicut Ioan. 8. 6. & CHRISTVS, *inclinans se digito scribebat in terra.* Non circumliget carnem sanctificatam in ora vestimenti sui, id est, non perfunctoriè aut verbotenus compatiatur delinquenti & confitenti, quia huiusmodi tactu non sanctificatur quicquid tetigerit. Sic enim legitur in Aggeo: *interrogo Agg. 2. Sacerdotes legem, dicens: si tulerit homo carnem sanctificatam in ora vestimenti sui, & tetigerit de summitate eius, panem aut pulmentum, aut vinum, aut oleum, aut omnem cibum: nunquid sanctificabitur? & respondunt, Non!* Itaque, non in summitate pallii, caro sanctificata assumenda est, sed in profunditate cordis, quia non species pietatis, sed virtus radicata in medullis animi sanctificat. Panis confitentis, aut pulmentum, aut vinum, aut oleum, aut omnis cibus non sanctificatur, si tantum de summitate pallii tangatur, quia neque humilitas, neque sapientia, neque deuotio, aut quælibet virtus, illum sanctificat qui non *ex toto corde & ex tota anima, & ex tota virtute* Deum, sed in labiis tantum diligit. Idcirco, incliniet se tota condescensione ad terram confitentis peccata sua Sacerdos, quia non poterit scribere, nisi studuerit se humiliare.

CAPVT XXI.

De Pane qui coquitur in clibano.

TRia quædam proponenda & exponenda occurrunt, vbi tractare de pane qui coquitur in clibano volumus; ac prius inspiciendum, quis sit clibanus & quis panis, & quo igne vel clibanus succendatur vel panis decoquatur. Compendiosè igitur dicendum est, quia clibanus, vterus est

virginalis, ignis, gratia sancti Spiritus, panis, Incarnatio Filii Dei. Virgo Verbo incarnando, uteri & cordis locum parat, Spiritus sanctus mansionem parat, ipse Filius, nuptialia fœdera Verbi & carnis legitima copulatione conciliat, Gabriel Archangelus iura connubii hinc inde allegat, Ioseph, vices portitoris agens, solatia ministrat & salaria & pretia & legatione sportularum implorat. Deinde videndum, quid operetur vnum quodque horum, & unde sit origo singulorum. A nobis est Virgo, à summa Trinitate, spiritus sancti obumbratio, ab utraque partium, tam Patris scilicet quàm Virginis, Filii generatio. Nam Verbum, de Patre, caro de Virgine. Quomodo autem in fine temporum, hic figuratiuus panis fieret, ubi quando & à quo, à *diebus æternitatis* decretum est. Oportuit nempe, hunc prius clibanum, non vili stemmate neque more consuetudinario fabricari, quatinus in plenitudine temporis, panis qui dat vitam mundo de cœlo descendens, pro dignitate sua, congruum inueniret locum ubi posset opportunè carnem assumendo decoqui.

Virgo igitur virginum clibanus est ad panem suscipiendum, non consumendum vel utendum. Ignem enim vrentem nunquam admittit, quæ carnis concupiscentiam non sentit: Ignem fumantem non suscepit, quæ non concepit iniquitatem: Ignem consummantem non nouit, quæ rorem de cœlis in corde & ventre plenissimè accepit. Virgo, inquam, hæc non solum clibanus est, spiritum suscipiendo, sed thalamus, Deum concipiendo, templum quoque castè viuendo. Clibanus est, prorsus dignè conuersando, thalamus ineffabiliter concipiendo, templum, hostiam viuam, sanctam, Deo placentem se offerendo. Clibanus ad panem præparandum, thalamus, ad Sponsum excipiendum, Templum ad Pontificem iatromittendum. Clibanus ad victum esurientium, thalamus ad sobolem Christianorum, Templum ad emundationem delictorum. Clibanus ad vitæ sustentationem, thalamus amplexus iocunditatem, Templum ad nouæ vitæ dedicationem. Clibanum inflamat Spiritus sanctus, thalamum fœcundat, Templum consecrat: Ignis in clibano, Sponsus in thalamo, Sacerdos in Templo: In clibano panis decoquitur, in thalamo uterus imprægnatur, in Templo Altissimus pacificatur. Panis nouus à clibano, noua progenies à thalamo, plebs renouata procedit à Templo.

Non ardet clibanus, libidinis ardore; non corrumpitur vel violatur thalamus, virili contaminatione, non prophanatur Templum, infidelitatis conserpione. In clibano recalescimus, in thalamo pubescimus, in Templo natiuitate bona senescimus: Pistores circa clibanum, virgines circa thalamum; Cantores excubant ad Templum. Labor in clibano, quies in thalamo, cantus in Templo. A clibano, ad thalamum à thalamo, ad templum properamus. In publico exponitur clibanus, in abscondito reponitur thalamus, in excelso templum superponitur. Clibanus est Virgo in Ioseph desponsatione, thalamus in spiritus imprægnatione, templum, in Filii natiuitate. Quasi plebeia quidem desponsatur, sed tanquam cœlestis virgo, virtute diuina Ioseph ignorante imprægnatur. Tanquam templum, agni carne, in visceribus maternis & sanguine purificatur. Carbo Virtutum, in clibano; emissiones Paradisi in thalamo, thymia-

Virgo
Dei pa-
ra est
cliba-
nus di-
uinus.

Virgo
Dei pa-
ra est
Dei
Thala-
mus &
Tem-
plum.

mata orationum ministrantur in templo. Adstat Ioseph clibanò, flammam grauidati vteri videns, sed ignem imprægnantis, cuiusmodi sit, non intelligens. Panem quis intromiserit obstupefcit, cum signa virginittis vndique clausa & immutilata, sollicitè fatagens reperit. Ianuis clausis, persentit panem Angelorum in clibano incæpisse iam decoqui: sed quomodo miratur, & quis sine via apertionis intulerit! Sic incredibiliter & extra sensum humanum reputat nescire posse, vel quomodo absque sigilli interruptione extrahere possit!

Dei
myl-
teria non
discu-
tere sed
venera-
ri &
credere
debe-
mus.

Sed desinat mirari, quia sic operatur, cuius discutere facta non debemus, sed credere & venerari. Qui præter sensum humanum, humanis visceribus Verbum suum condidit incarnandum, supra intellectum nostrum, proferre potuit incarnatum. Tam denique facile exhibit panis, quàm sine obstaculo, aduenit ignis. Nam ignis panem & decoxit & extraxit. Coquens carnis Verbum inseparabiliter vniuit: extrahens ad instructionem generis humani, mundo, mundi creatorem & redemptorem obtulit. Ignis iste clibanum illustrauit & confirmauit, panem coxit & confortauit: Et panem quidem quodammodo præcessit, dum in Virgine præuenit & superuenit, sed nullo modo deferuit, dum ab eo & à Patre semper procedens, in eo ab ipsa conceptione totus interminabiliter requieuit. A calore adhuc huius ignis tam odorem quàm saporem suum panis iste mutauit, adèd vt si ignem gratiæ senseris, quasi pane fidei gustato reficiantur animæ viscera, & rursum si panem humilitatis sumpseris, recalescant (velut si ignem tetigeris) interiora tua. Suauissimus odor tam ignis quàm panis, vnus & indifferens, corruptiones quasque huius aëris, & malitiâ Principum tenebrarum harum infecti, non dissimiliter medicatur.

Luc.
6. 44.

Iam iam subeundus est thalamus, & quo lectulo, Sponsus cum Sponsa sua cubet & fruatur cupitis amplexibus contemplandum, & vt admittamur, quodammodo attendendum. Ibi certè mutua libantur oscula; ibi Sponso resumuntur verba Sponsæ fragrantia vnguentis optimis, ibi texantur subtilia desideriorum fila, ibi ordiuntur vestimenta tam linea purissimæ actionis, quàm serica Angelicæ contemplationis, ibi denique fiunt Sponsus & Sponsa, vna caro, vna anima & vnus spiritus. Sponsus refundit in Sponsam quicquid in se habet dulcedinis, quicquid honoris & potestatis. Denuo, mutua vicissitudine, in seipso resomit ab ea quicquid paupertatis, quicquid amaritudinis, quicquid contumeliæ est & passionis. Hac commutatione, ipsa proculdubio ditatur, sed ipse non minoratur, ipsa melioratur, nec ipse sua maiestate priuatur. Nam amarum nostrum vertit in dulce suum, opprobrium in gloriam commutat, *de spinis nostris colligit ficus, de rubo vindemiatur uam*, de morte vitam, de passione mercatur gloriam.

Heb. 1.
5.

Sponsus iterum, quia gigas est magnitudine, sol pulchritudine, leo fortitudine, abyssus scientiæ profunditate, Deus æternitate. Sponsa verò puella ætate, paruula quantitate, Æthiopissa coloris nigredine, fœmina debilitate, fatua in omni prudentia & arte. Idcirco in thalamo contraxit se, *paulò minus minoratus ab Angelis*: exuit se vestimentis gloriæ accinctus cilicio, deposuit fortitudinem, circumdatus infirmitate, abscondit sapientiam, vt
(iumentum

(iumentum factus) in derisum esset tota die omni populo, æternitatem dissimulauit, factus sub Sole, vt quasi cum tempore temporaliter curreret, nec deficeret. Os illud Altissimi collatum & coarctatum est modicitatis Sponsæ: *manus tornatiles* quæ cælos tetenderunt, affixæ sunt manibus vulneratis conuulneratæ, pedes pedibus compeditis adhæserunt, venter ventri conglutinator est. Res equidem pia, cum infinitè immensus adbreuiatur ad delectum, sed nihilominus mira, cum reparatur ad vnitatem personæ filii Dei, natura filiorum Adæ.

Cant. 5.
14.

Egrediamur jam cum Sponso de cubili, & cum Sponsa de thalamo. Accedamus ad templum inter vestibulum & altare, vt videamus & intelligamus sacerdotem nostrum sacrificiorum officia consummantem. Pontifex hic, secundum ordinem Melchisedech, super cuius caput fufum est vntionis oleum, & cuius manus in sacrificio consecratæ sunt, *super Patre suo & Matre non contaminatur*. In templo vteri virginalis, in singulis pontificalibus ornamentis ad offerenda redemptionis nostræ sacrificia, ad altare crucis non sine sanguine proprio processit, & quæ in terris siue quæ in cælis sunt pacificauit. Hic Arca sanctificationis, hic tabula testamenti, hic virga Aaron quæ fronduit, floruit, germinauit, & nuces protulit. Hic propitiatio siue propitiatorium, hic sanctum & sanctum Sanctorum. Sunt phialæ, thuribulum, incensa multa, altare de terra & sacramentaliter, cuncta hic reperiuntur quæ figuraliter in tabernaculo Moyfi seu in templo Salomonis, in vmbra veritatis depinguntur. Quid enim est oleum chrismatis, siue de purissimis oliuis quod funditur super caput IESV, vt meritò filius olei vocetur, aut vnguentum exinanitum, nisi gratia Spiritus sancti quæ vntus est præ participibus suis, ab ipsa die conceptionis? Quæ manuum consecratio, nisi in cruce extensio vel clauorum confixio? Quid est, super patre non contaminabitur, nisi quod à Patre, æqualis in omnibus genitus nequaquam (vt supra dicitur) aliqua minoratione aequalitatis exterminatur? *non enim rapinam arbitratus est esse se æqualem Deo*. Quid rursum est *super matre non contaminatur*, nisi quia non de viro, sed de Spiritu sancto concipitur?

Leuit.
21. 11.

Philip.
2. 6.
Leuit.
21.

Præterea de fœderis, vel potius sanctificationis quid aliud dicam, nisi quod & Mater arca est fœderis, continens in se quicquid est sanctificationis vel creaturæ vel creantis; & Filius in matre similiter arca sanctificationis est potius existens, quàm continens sanctificationum sanctificationem? Habet autem tabulas Testamenti, quia in corde eius, vniuersa describuntur mandata vitæ & pacis. Habet & virgam Aaron, *Virga æquitatis, virga regni eius*. Fronduit quoque in natiuitate, floruit in resurrectione, germinauit in ascensione, nuces protulit in Spiritus promissione vel missione. Nostra quoque virga seu Virgo, fronduit credens Angelo, floruit concipiens in vtero, germinauit pariens ex vtero, nuces protulit fugiens in Ægyptum cum Filio, vel videns eum pendentem in patibulo. Filius est nostra apud Patrem propitiatio quia interpellat pro nobis: Mater apud Filium, quia rogat pro culpis nostris, Filius est Sanctus Sanctorum, quia Deus Deorum: & Mater est Sancta Sanctarum, quia Virgo Virginum. Filius ha-

Ps. 44.
7.

Mater
Dei est
nostra
apud fi-
lium
propi-
tatio.

Zz

bet phialam purissimæ carnis, vt ab ea sumatur poculum vitæ: Mater similiter, in omni conuersatione sua, casta & munda, præbet nobis exemplum conuersandi sine querela. De thuribulo Filii, Pater odoratur incensum propitiationis; de thuribulo Matris, tota perfunditur domus angelicæ conuersationis. Filius est altare de terra sancta, quia corpus habet de Matre sine macula, in quo cremantur haulocaustomata dum condonantur peccata; Domina nostra nihilominus altare est terrenum, quia refugium est miserorum.

Domina nostra S. Deipara est refugium miserorum.

Claustum religionis simile est Clibano.

Et quid amplius ei assignare possumus diuini muneris & honoris, quàm (vt quod verum est fateamur) genitricem eam Dei esse & hominis? Infra hoc dicitur quicquid in eius commendatione offertur. Si cœli reginam, si Angelorum Dominam, vel quodlibet aliud excellentissimum, tam ab humano corde, quàm ore excogitatum protuleris, non adsurget ad hunc superinducibilem honorem quo creditur & prædicatur Dei genitrix. His tandem de clibano dictis, parum pro materia, conferamus tamen adhuc clibano materiali, vterum Virginis & claustrum nostræ religionis: In clibano etenim multa lignorum congeries succenditur & panis decoquitur; in claustro, multarum obseruantiarum disciplina tenetur, vt à cruditate veteris vitæ anima secularis, in soliditate veri amoris confirmetur; in virgine omnium virtutum chorus adunatur, vt rex virtutum suscipiatur. Clibanus ardet igne materiali, claustrum feruet dilectione spiritali, Virgo astat amore speciali: totum operatur ignis in clibano, virtus charitatis in claustro; Spiritus sancti obumbratio vel Trinitatis sanctificatio in Virginis vtero. Carbonum & cinerum reliquiis emundatur à coquente pavimentum clibani, à superstitione inutili & cogitatione seculari, per Rectorem, simplicitas claustri, à desiderio carnis, inuariabile propolitem Virginis.

Temporalis vitæ subsidium paratur in clibano, æternitatis remedium in claustro, vniuersalis redemptionis commercium in vtero. Vapor ignis accensus conseruatur in clibano, feruor Religionis in claustro, æternitatis amor in Virginis vtero. Pasta mollis accedit ad clibanum, debilis anima ad claustrum, caro passibilis non quidem aliunde accedit, sed de ipso & in ipso vtero virginali concedit in CHRISTVM. Non sparsim seminatur, sed deponitur in clibano, non diuisim sed conjunctim debet seruari ordo, in claustro, non minutatim vel guttatim, sed totaliter ipsam diuinitatem Verbi concipit siue parit virginum Virgo: pasta non informis, sed tornata & formata coquitur in clibano: Ordo non sine regula, sed certâ formâ stabiliiri debet in claustro: Naturam humanam, non sine septiformis gratiæ acceptione concipit & edit Virgo: De panibus bene spirat clibanus, Religio claustralis de virtutibus, pium exemplum præbet fidelibus sæcularibus, virtutes virginis, odorem placabilem reddunt etiam Angelicis stationibus: De pane clibani nutritur caro, de instructione claustrali anima de fructu Virginis tota simul Ecclesia. Currant pauperes pro pane ad clibanum; humiles pro pietate ad claustrum; omnes homines, pro communi salute ad virginis templum. Huc vsque detinuimus styllum, in assignanda

Currant homines ad virginis templum pro communi salute.

CAPVT XXII.

De Pane frixo in sartagine.

CLibani sudoribus facie adhuc madefacta sartaginis continuamus frixaturam, vtilis sed laboriosa vexationes, hac tamen vna & præcipua consolatione artus, ad subeundam sartaginem latiori studio opponimus, quia sine oleo similam in ea non frixabimus. Nam oleo conspersa simila & absque fermento in sartagine coquitur. Quid autem à facie olei non mollescit? Virtus laceffita jamjam expirans olei beneficio reparatur, vlcera fouentur, aspera leniuntur, amara dulcescunt, tenebræ rarescunt, arida liquescunt. Igæm torrentem, quomodo ferret sartago si non perfunderetur oleo? certè cibum non coqueret, si arderet, si absque oleo carbonem videret. Prius itaque sartago impinguetur oleo, & sic, oleo litam laganam non consumet pœnaliter sed coquet vtiliter. Sed videndum quid sit sartago, intelligitur autem tripliciter. Nam crux IESV sartago ferrea est, zelus quoque animatum saluandarum, in Rectoribus sartago est, nihilominus & confessio peccatorum siue pœnitentia, sartago ferrea est.

Melius
lassa.
Fortè
clares-
cunt.

Sed vtinam zeli sartago vel confessionis, sic refunderetur & impleretur oleo pietatis & pacis, quomodo superfusum redundauit in ipsis etiam Persecutorum carbonibus, oleum sartaginis CHRISTI. Denique, attende supercrescens & effluens oleum Dominicæ crucis vel sartaginis. Pungebatur, impinguabatur, cruentabatur, crucifigebatur, flagellabatur, confuebatur, simila carnis redemptoris in sartagine crucis, & quid ebulliebat nisi verbum patientiæ tanquam oleum oliuæ? Quod enim acrius fremebat Iudæorum quasi carbonum, fruiens flamma, eò vinctuosiùs respergebat adstantes, bullientis olei vnda. Aspice denique undam resilientem de sartagine, non præ impatientis murmure, sed præ amantis desiderio. *Pater*, inquit, *ignosce illis quia nesciunt quid faciunt*. Implorat hæc vnda olei illuminationem, non infert excacationem. Quasi autem elanguet ante passionem non minùs quidem amando, sed tamen minùs propter obstaculum carnis aperiendo oleum in corde *Filii olei*. Tunc verò in sartagine bulliens cœpit non solùm effluere benefaciendo, sed efferri vltra mundi (quasi sartaginis) capacitatem moriendo, immò redimendo.

Con-
fessio
peccā-
torum
est sar-
tago
ferrea.

Mouebatur quidem in sartagine, passionibus inflammatum, sed non amouebatur à charitate, doloribus exacerbatum. Simila quoque corporis immaculati appendebatur in sartagine ferrea; videlicet, cruce dura & contumeliosa; sed superfuso oleo vngebatur ne vteretur; quia plenitudine gratiæ consolabatur ne in vindictam persecutorum irascetur. Cùm enim CHRISTVS moritur, magis vngitur; nam quò fortiùs premebatur, eò vberius, oleum sine amurca emungebatur, nec exsiccabatur humor benedictionis, cùm vndique excandescere furor maledictionis. Vnde Patriarcha Iacob expauens tam furorem quam immanitatem sceleris Scribarum &

Zz ij

Gen.
49.

Phariseorum, abominabatur persecutores CHRISTI, dicens: *Simeon & Leui fratres, vasa iniquitatis bellantia, in consilium eorum non veniat anima mea & in cœtu illorum non sit gloria mea, quia in furore occiderunt virum & in voluntate suffoderunt murum, maledictus furor eorum, quia pertinax & indignatio eorum quia dura.* Per hos Scribæ & Pharisei intelliguntur de Simeone enim Scribæ, de Leui sacerdotes existunt. Hi sunt vasa iniquitatis bellantia qui cogitauerunt iniquitates in corde, dicentes, *tollamus eum de terra viuentium.* Hi denique in furore suo occiderunt virum tradentes & clamantes Pilato, vt crucifigeret eum, & in voluntate injusta Iudæi suffoderunt murum, qui se opponebat pro domo Israël, & qui est nobis turris fortitudinis à facie inimici. Furor eorum pertinax, & indignatio dura, quia Pilato iudicante illum dimitti, clamabant; *si hunc dimittis, non es amicus Cesaris.* Tolle, tolle, crucifige eum. Ecce carbones, ecce stridentes fuscinule prunas admoventes & sartagine, scopulis linguarum maledicarum allidentes.

Iob. 19.
12.

Sed quid, nihil proficiunt; immò deficiunt, non effunditur in iræ commotione sartago, non turpem sonum emittit comminationis, non arefcit os eius, dilectionis exinanitione, non liquefcit inimicorum condemnatione. Flamma quidem vel CHRISTI diligentis, vel populi persequentis, sed illius miserando, istius occidendo, diffunditur *super fornacem, cubitis quadraginta nouem*: sed intra sartagine velut in fornace Babylonio, ros descendit, & extra solummodò debacchantes incendit, non conflatione puerorum se vlciscentium, sed iusta & consueta ultione malè agentium. Nam

Dan. 3.
47.Malitia
perpetuò tor-
quet
con-
scien-
tiam.
Leuit.
25.

sicut vipera genitricis vitalia nascendo distrumpit, sic malitia conscientiam de qua oritur, nunquam punire desistit, & priùs destruit locum natiuitatis suæ, quàm inficiat innocentiam simplicitatis alienæ. Videamus itaque iam, quid Lex loquatur de sartagine, *Si oblatio tua, inquit, fuerit de sartagine similia conspersa oleo & absque fermento, diuides eam minutatim & fundes super eam oleum.*

Deli-
ctum o-
rigina-
le &
Actua-
le.

Sartagine diximus esse crucem, in qua similia oleo conspersa decoquitur, cùm CHRISTVS plenus veritate & gratia pro nobis immolatur. Absque fermento est similia, quia nulla macula originalis seu actualis delicti in CHRISTO est aliquando reperta. Dinumerauerunt ossa eius in sartagine frigentes eum, vt à planta pedis vsque ad verticem, nulla pars corporis à pœna vacaret, quatenus totum leprosum nostrum in culpa & pœna, toto se leproso in pœna sine culpa, sanaret. Diuide minutatim, modò clauos in pedibus, modò in manibus, modò spineam coronam in capite, modò velamen in oculis, modò lanceam in latere, modò flagella & denudationem totius corporis, modò in auribus verba improprietatis reuoluens, & funde super eam oleum, vt passionibus eius compatiaris, non ei aliquid conferendo sed tuæ animæ vel fratribus pro quibus mortuus est subueniendo. Nunquam ad sartagine vel ad similiam quæ coquitur in sartagine, accedendum sine oleo, quia nunquam sine deuotionis compunctione, recognitari debet CHRISTI passio. Super eam funditur oleum, cum pauperibus CHRISTI pro CHRISTO impenditur beneficium.

Christi
passio-
num

DE PANIBVS, LIBER.

365

De hac sartagine dicitur Ezechieli Prophetæ: *sume tibi sartagine ferream, & pones eam murum ferreum inter te & ciuitatem*: quæ enim sumenda est nobis sartago ferrea, quàm disciplina CHRISTI, quæ quamuis aliquantulum carnalitati nostræ dura appareat, tamen apprehendenda & ponenda est inter nos & ciuitatem, vt hoc signo communiti in frontibus, non pereamus cum ciuitate sanguinum quæ occidit Prophetas; sed cum Raab saluemur à generatione pessima, appenso coccino sanguinis agni in postibus siue in fenestra domus. Hoc signum namque exterminator Angelus reueretur, & non interficit signatos Thau, qui portat vas interfectionis & scriptorium ad renes suos. Hucusque de sartagine Crucis; iam videndum est de sartagine zeli. Dicit Gregorius nullum Deo tale esse sacrificium, quale est zelus animarum. Aptè autem, zelus vocatur sartago, quia sicut caro in sartagine ab humiditate sua desiccatur; sic zelo sancto anima à superfluitatibus suæ carnalitatis euacuatur. Sicut etiam cremium in fruxorio in se quidem arefcit, sed aliis viscera suæ pinguedinis tribuit: Sic Rectoris pia anima sibi austeriora indicit, & subiectorum imbecillitatibus benigniora & molliora indulget. Non enim quærit *quæ sua sunt*, sed *quæ Iesu Christi*. Ait autem Moyles in Leuitico, vt Aaron in die vnctionis suæ, *decimam partem Ephraïm offerat simila conspersa oleo in sacrificio sempiterno, medium eius mane & medium vespere, quæ in sartagine, oleo conspersa confrigitur, offerat autem sacerdos in odorem suauissimum Domino, sacerdos qui patri successerit, & tota cremabitur in altari*. Hæc auctoritas refertur & ad sartagine zeli. Ad crucem sic, dies vnctionis Aaron, dies est vnctionis eius qui conceptus est de Spiritu sancto & natus ex Maria Virgine, qui descendit de stirpe Aaron.

Revera enim tunc Aaron vnctus, tunc sanctificatus, tunc in sacerdotium dedicatus est, cum in CHRISTO IESU, virtus sanctificationis, omnia tam veteris quàm noui Testamenti consummauit mysteria. Decima verò pars Ephraïm, non incongruè intelligitur caro CHRISTI, quodammodò enim decima pars est, quæ ab Angelis (quorum nouem sunt Ordines) in genere creaturarum quodammodò minor est. In conditione enim creature, corpus generaliter spiritui subiicitur. Quid igitur mirum, si caro quæ moti potuit, minor fuit spiritu angelico qui iam corrumpi non potest? Hoc secundum Gregorium qui ait nouem esse Ordines Angelorum, hominem verò decimum esse creatum. Sæpius iam dictum est, quare caro CHRISTI dicatur simila, & quare conspersa oleo. Idè autem in sacrificio sempiterno offertur, quia saluare in perpetuum potest *accedentes per semetipsum ad Deum, semper viuens ad interpellandum pro nobis*. Quid denique sit quod ait, *medium eius mane, & medium eius vespere*: Euangelium docet vbi legitur quod mane adductus sit ad Caïpham, in cuius atrio alapis cæsus est, atque multis delubriis * ab ea hora vsquequo in ligno leuaretur: affectus. Ecce *medium mane, vespere quoque medium*, quia Ioseph ab Arimathia cum Nicodemo tulit corpus IESU, & in monumento nouo cum fero effet, sepeliuit.

Hanc similitudinem oleo conspersam, vt supra expositum est, in sartagine

Zz iij

quam
debet
recogi-
tari si-
ne cõ-
pũctio-
ne.

Ezech.
4. 31.
Ios. 2.

Ezech.
9. 2.

Recto-
ri po-
puli au-
sterio-
ra sibi
indicit
Leuit.
6. 2.

Hebr.
7. 25.
Chri-
stus ala-
pis cæ-
sus in
atrio
Caï-
phæ.
* f. lu-
dibrijs.
Marth.
27. 57.

calidam offert in odorem suauissimum Domino, Sacerdos qui patri successit, quia IESVS qui & præcessit Aaron dignitate & successit ei tempore carnis, vel qui Deo Patri potius accessit quam successit carnis assumptione, igne charitatis calidissimam hostiam semetipsum obtulit in odorem suauissimum. Quid verò suavius odore humanæ redemptionis? Quod verò ait; *tota cremabitur in altari*: hoc significat, quia non descendit de cruce antequam spiritum emisserit. Repetenda est sigillatim & exponenda sententia iuxta intelligentiam zeli quem exercet Rector quilibet circa gregem sibi commissum. Simila est mens munda, sartago, zelus, oleum misericordia, fruxita, cordis angustia, calida hostia, feruens charitas: Sacerdos qui patri succedit, imitator bonitatis Dei. Simila autem in sartagine frigitur, cum mens iusti per zelum sancti ardoris crematur: oleum autem infunditur, cum amat etiam ipsum quem insequitur. Sartago autem necesse est ut sit ferrea, iuxta quod ad Ezechiel Dominus dicit, *ut adamantem & ut silecem dedi faciem tuam, & frontem tuam duriores frontibus eorum.*

Ezech. Non fictilis, quia citò frangeretur, non plumbea quia citò liquefceret, sed
3. 9. ferrea aut ænea debet esse mens Rectoris, ut sit durus ad tolerantiam & fortior ad doctrinam.

Cum transieris per ignem, o Rector, non adurat te ignis tribulationum, cum per aquam, non penetret te vel absorbeat aqua voluptatum vel blandarum carnis illecebrarum. Æs tuum incalescat quidem pro infirmitate corporali, sed nullatenus liquefcat ex dissolutione carnali. *Testa saniam rade*, ut virtute patientiæ abstergas maculam corruptionis tuæ vel alienæ. Te mediante, vaporem suauiter decoquentem sentiat, te obstante, ignem crudeliter vrentem non sentiat anima fidelis à te gustui diuino aptanda. O admiranda patientia sartaginis, quæ fortis ut mors, dura ut infernus, neque vincitur potestate incurfantis fortune, neque flectitur precibus aut pretio blandientis? Quis, inquit, superabit vel seperabit nos à charitate CHRISTI?

Rom. Tribulatio? sed hæc, patientiam operatur, patientia probationem, probatio
8. 35. spem. Angustia? sed hæc dilatat cor, Persecutio? sed hæc compellit ad Deum.
Rom. Nuditas? sed hæc expedit cursum. Fames? sed hæc parat panem viuum.
5. 4. Periculum? sed nullum venienti restat periculum. Gladius? sed est penetrabilior omni gladio acuto.

Hæc omnia contemnit sartago nostra, armatis in occursum pergit audacter, & ait; *quia neque mors*, id est, promissio vitæ; *neque Angeli*, vel mali qui vellent, vel boni si quomodo vellent, *neque Principatus* aliquis in cælo vel in terra; *neque Virtutes*, id est facientes miracula; *neque instantia*, id est, neque futura bona vel mala; *neque fortitudo*, id est violentia aliqua; *neque altitudo*, id est, promissio altitudinis; *neque profundum*, id est, comminatio deiectionis; *neque alia creatura*, si qua esset quæ nondum creata est; *poterit nos separare à charitate Dei.* Ecce quàm fortis sartago. Vide iterum quàm prompta ad excipiendam adustionem, ne aliquam sustineat lationem esca decoquenda. *Optabam*, inquit, *anathema esse à CHRISTO pro fratribus meis secundum carnem.* Cuius hæc vox, nisi sartaginis, cuiuslibet suppliciorum carbonibus se obicientis, ut sine combustura paretur

Rom.
9. 3.

cibus Dei. Vis audire, quomodo hæc sartago antequam alterius crudita-tem excoquendam susceperit, seipsam probauerit? *Castigo*, inquit, *corpus meum & in seruitutem redigo, ne postquam aliis predicauero ipse reprobus efficiar*. Sed de his, hæcenus.

1. Cor.
9. 27.

Moraliter verò sartagini, confessio comparatur. Vt enim multa lignorum congerie supposita sartago superponitur, in sartagine verò, aqua siue oleum aut sagimen infusum bullitur, vt caro vel panis decoquatur; sic memoria vndique gehennalibus vallata incendiis, omnia sua præ timore & expectatione futuri iudicii feruere facit. Impetu itaque confessionis, spumam peccatorum suorum projicit, & quicquid cruditis inerat, succrescente charitate decoquit. Attrahit ignem ad interiora, excoquit quæcunque iniecta fuerant cruda. Spuma vel scoria eiicitur, cum in vera confessione oris, tota cordis immunditia expurgatur.

CAPVT XXIII.

De pane affo in craticula.

REs vna multis plerumque vocabulis nuncupatur, multis figuris significatur. Infantie sensus humani à sapientia Patris in hoc consulitur, vt quia res in abscondito est, & vt est non comprehenditur; saltem multo verborum & sensuum circuitu, qualitercumque tandem attingatur. Tanquam enim multis inuolucris veritas quandoque circumtegitur, multis spoliis superinduitur. Spoliis igitur suis cum multa reuerentia est expolianda, vt species & pulchritudo eius tanquam stella matutina, vel sicut Sol in virtute appareat. Quid enim aliud agitur, cum figura alicuius rei exponitur, nisi quasi vestis sapientie explicatur vel tollitur? cum verò aliquid proverbiali similitudine obumbratur, quasi puella speciosa amictu suo tegitur. Hæc idcirco dixerim, vt cum audis clibanum, cum audis sartagine vel craticulam, figuras diuersas circa eandem rem intelligas: CHRISTUS enim in clibano, figuraliter, CHRISTVS in sartagine, CHRISTVS in craticula, sed sicut ad aliud ponitur panis in clibano, ad aliud in sartagine, ad aliud in craticula, sic aliter exponitur CHRISTVS in clibano, aliter in sartagine, atque aliter in craticula. Et panis quidem in clibano coquitur, in sartagine verò frigitur, in craticula demum assatur.

Veritas
aliquā-
do cir-
cumte-
gitur
multis
inuolu-
cris.

Clibanus itaque natiuitati, sartago passioni, craticula morti CHRISTI aptantur. Puritatem in natiuitate, patientiam in passione, mansuetudinem in morte. Nulla enim corruptio in CHRISTI natiuitate, nulla impatentia in passione. Tacet agnus, soporatur leo, CHRISTVS in morte non conturbatur. Conformemur itaque capiti nostro nascenti, quia non potuimus per primam, saltem per secundam Baptismi natiuitatem. Imitemur fratrem nostrum patientem, & si non vsque ad sanguinis effusionem, saltem vsque ad vitiorum repressionem, ad lateris effusionem; saltem ad defideriorum defensionem. Aspiciamus Redemptorem morientem, & quanta tranquillitate emisit spiritum, tam pacifica iussione accedamus ad moderandum proprii imperij verbum. Non violetur morbo criminali, rege-

neratio baptismatis, non scindatur patientiæ amictus furioso impetu irascentis, non inquietetur somnus contemplantis inordinato motu ambitionis commotionis! Informandi sunt mores in clibano; roborandi in sartagine, consummandi in craticula. Ait Dominus in Evangelio: *Ecce ego hodie & cras perficio sanitates, & tertia die consumor. Hodie*, est nobis in illuminatione fidei; *cras*, in operatione iustitiæ; *tertia dies*, in consummatione gloriæ. Hodie cæcum illuminat; cras, paralyticum consolidat; tertia die, Lazarum resuscitat.

Leuit.

13. 32.

Exod.

3. 18.

Isai.

2. 18.

Latitua
festi
Pente-
costes.

* f. do-
minio.

Diffe-
rentia
festorū
Paschæ
& Pen-
teco-
stes.

In typo huius mysterii, filii Israël cum egrediuntur de Ægypto, infratrum dierum spatium non immolant Deo suo sacrificium, oblationem & victimam rationabilem, sanctam, Deo placentem. Sub hac quoque figura celebriores Solemnitates ab omni populo, tam in deserto, quam in terra promissionis, tres in anno Deo redduntur: Pascha videlicet & Pentecostes, & Scenopegia, quarum vna figuraliter pœnitentibus, alia iustis, tertia congruit glorificatis. Sanguine enim Agni abluunt pœnitentium peccata: *etiamsi fuerint ut coccinum, vel si rubra quasi vermiculus, quasi nix dealbabuntur*. Transit quoque exterminator, postes pœnitentium, per confessionem & pœnitentiam linitos vel potius munitos, sanguine Agni immaculati IESV CHRISTI. Nequaquam autem in Ægypto, vel in confiniis eius hoc offertur sacrificium, sed in secessu & mansione valde remotiori. Opere namque sermone, & voluntate, prius domus seruitutis, id est, voluntas peccandi deferenda, ut acceptabilis fiat immolatio victimæ nostræ. Tunc enim gratum Deo est conuersorum Pascha, cum omnibus submersis veterum delictorum Ægyptiis, toto corde, totâ animâ, tota virtute conuenticula malorum procul elongauerimus.

Hic nouæ vitæ nouus homo, abiectis antiqui Serpentis venenosis suggestionibus Deo vincitur, & à peccatis justificetur. Progreditur deinde tanquam aurora confurgens ad ortum Solis & à frigoribus niuis transit ad calorem nimium, ut post Pascha pœnitentiæ celebret Pentecosten iustitiæ. Ut enim Pascha cum lactucis agrestibus comeditur; sic Pentecoste tubis jubilationis illustratur. Redit quoque tunc omnis possessio ad Dominum, seruus & ancilla liberantur, nullus alicuius laboris inquietudine vexatur, vox exactoris tollitur, vox sponsi & vox sponsæ, vox exultationis & jubilationis in tabernaculis omnium Sanctorum auditur. Hæc præclara solemnitas, mentibus aptatur justificatis. Nam sicut contorquere caput suum & saccum & cinerem sternere, pœnitentis est, sic iustorum animæ est exultare, gaudere & latari. Emancipatus à domino * peccati exultat, restitutam adiens hereditatem gaudet, pactum pacis cum lapidibus regionum & cum bestiis saltus habens latatur.

Adhuc diligentius differentiam Paschæ & Pentecostes intueri. In sanguine, azymo pane, carnibus assatis igne, lactuca, baculo, renibus accinctis & pedibus calciatis, agitur Pascha & sanguine profecto, postes tinguntur, Agnus assatur, quod superest de carnibus Agni comburitur, cum lactucis caro Agni editur; baculus in manibus tenetur; renes balteis Regum accinguntur, & pedes calciamenti nouis induuntur. Quid autem hæc

hæc significant? In sanguine cordis contritio, in igne oris confessio, in azymo pane absque vana gloria, bona operatio, in baculo inflexibilis proposito sollicitudo, in lactuca lacrymarum compunctio, in renibus accinctis, libidinosorum motuum mortificatio, in pedibus calciatis Sanctorum imitatio, vel finis sui assidua recordatio intelligitur. Hæc arma sunt pœnitentis, hæc instrumenta in clibano coquentis, hæc necessaria in victu Pascha celebrantis. Fit autem Pascha vespere videlicet cum homo recesserit à feruore concupiscentiæ: vnde, *conuertentur ad vesperam & famem patientur ut canes*. Sola namque est vera & perfecta peccatorum conuersio, quâ excluditur malæ concupiscentiæ ardor, & quam deuorans præcedentia mala sequitur fidelis confessio. Psal. 58. 7.

Inde etiam est quoddam quicumque de castris ob aliquod animæ contagium egreditur, non nisi ad vesperum, lotis vestibibus ad eadem mundus regreditur. Non immerito igitur, Pascha incipit vespere, quia tunc inchoatur salus animæ. Pentecostes verò clarescens habet tonitrua, fulgura, nubes densissimas, clangorem buccinæ, montis verticem fumigantem, Moysen loquentem & Dominum respondentem. In mane cognitio sui, in tonitruo sonus prædicationis, in fulgure increpatio malorum, in vocibus exhortatio bonorum, in lampadibus claritas miraculorum, in clangore buccinæ fortis prædicatio Sanctorum, in fumo despectio Sanctorum, vel excæcatio malorum, in nube densissima, protegens humilitas, in Moyse loquente conscientia petens, in Domino respondente gratia adiuuans. His circumornatur splendoribus anima iusti; his prætitulatur honoribus templum Spiritus sancti ubi oleum charitatis, tanquam in sartagine feruet, ut sicut pœnitens Agni sanguine à sordibus mundatur, sic iustus oleo Spiritus sancti à doloribus vngatur. Ecce Pascha pœnitentis, ecce Pentecoste iustificati.

Sequitur deinde Scenophegia, quæ est feriæ tabernaculorum, in quibus latandum non militandum est, die primo & die octauo, cum Filius *traderit regnum Deo & Patri, ut sit Deus omnia in omnibus*. Hæ feriæ tabernaculorum sunt à Domino, à decimo quinto die mensis septimi septem diebus. Dies primus vocatur celeberrimus atque sanctissimus. Dies quoque octauus erit celeberrimus atque sanctissimus. Hæ sunt, inquit Dominus, feriæ quas vocabitis celeberrimas atque sanctissimas, offeretisque in eis oblationes Domino. Felix confinium, sed longum, primi, septimi & octauæ diei. Primus dies est initium substantiæ Dei quæ est fides; septimus perfectio iustitiæ; octauus inchoatio gloriæ. Prima dies propitiationis, septima sanctificationis, octaua glorificationis. *Omnis qui de genere est Israël, habitabit in umbraculis*: Bona umbracula alarum Sera- 1. Cor. 15. 14.
phim, Cherubim etiam alas suas extendit & protegit: Gallina nihilominus *congregat pullos suos sub alis*; Et Dominus, *sicut aquila prouocans ad volandum pullos suos, & super eos volitans, expandit alas suas, & accipit* Leuit. 23. 42.
eos atque portat in humeris suis. Obumbratio autem alarum IESU æmulatio est virtutum eius. Virtutum enim pennis, siue alis vititur Rex virtutum ad reuolandum super astra cœli ad dexteram sedis magnitudinis Dei Math. 23. 37.
ut dicatur ei, *sede à dextris meis*.

Qui igitur de genere Israël est, in umbra ista uiuat inter gentes, donec ascendat ad populum accinctum nostrum. Feriandum est interim in tabernaculis, sed ab operibus mortuis; primo die per fidem, septimo per operationem, ut sit fides sine errore, ut sint opera sine simulatione. Sit fides collyrium illuminans oculos; sint velut antidotum opera fidelia, ad vitam reuocantia mortuos. Habitet CHRISTVS per fidem in nobis, & per opera iustitiæ, *regnum Dei sit intra nos*. Si enim intra te fuerit regnum siue gaudium Domini, in octauo eris; erit namque mensis ex mense, Sabbatum ex Sabbato, cum transferimus ex fide in fidem; cum reuelata facie transferemur à claritate boni operis, in claritatem diuinæ remunerationis. *Melior est dies ista in atriis Domini super millia*, in qua exultabimus & letabimur, non memores per reuelationem *uerberum* sponsæ, sed cernentes per presentem contemplationem vultum sponsi & sponsæ, non adhuc *per speculum in enigmate*, sed *facie ad faciem*, quia euacuabitur quod ex parte est, consummabitur quod perfectum est, ubi ardet clibanus, sed dilectionis; ubi sartago, sed laudationis; ubi craticula, sed consummationis; ubi Pascha, sed in vita Agni; ubi Pentecostes, sed in tranquillitate & manifestatione consiliorum Dei; ubi feriæ tabernaculorum, sed in æterna possessione altissimi cæli; ubi umbracula, sed Dei; ubi non prima dies, sed una, non septima, sed sempiterna, ubi non octaua, sed æterna.

Adhuc tamen aliquid specialiter dicendum de craticula; in superioribus enim continuauimus, vel etiam copulauimus clibanum, sartaginem & craticulam. Assignanda est itaque craticulæ proprietas, & quid mysterii contineat, explicandum. Zacharias Propheta vidit *inter myritheta*, virum ascendentem super equum rufum, & post eum sequebantur equi rufi, *uarii & albi*. Mystice igitur vir qui ascendit super equum, CHRISTVS est qui corpus assumpsit humanum. Superfedit enim in corpore suo tanquam in equo Dominus, quia vallem nostram visibiliter non visiteret, vel perambularet, nisi corpore assumpto, Deus. Aptauit autem Pater Verbo corpus non cuiuslibet coloris vel habitudinis, sed quale Deum decuit, sed quale ad peragendum cursum necessarium fuit, sed quale nostra redemptio expostulauit. Inde namque est illud in Psalmo: *corpus aptasti mihi, vel aures perfecisti mihi*: Aptauit, inquam, equum equiti, ut nobilissimo corpori nobilior associaretur anima & super utrumque sederet diuinitas. Fortè equus iste idcirco rufus est, quia dignitatem sessoris non sine verecundia conuictur, & ita propter suam reuerentiam rubore perfunditur. Immo equus iste rufus est, quia *factus in agonia prolixius orabat & factæ sunt guttæ eius, quasi guttæ sanguinis decurrentis in terram*.

Sed hoc patum fortè. Vide & ubi prorsus non sparsim, sed toto corpore, à planta pedis usque ad verticem sit rufus: *Chlamydem coccineam* in passione sua circumdederunt ei milites, & hic rufus est. Clavis tandem affixus est & latus lanceâ apertum, vnde exiuit sanguis & aqua; ecce quomodo vermiculatus est, ecce quomodo rufus est equus noster, sicut & *Dauid iuuenis erat rufus & aspectu decorus*. Iohannes verò Euange-

lista, aliàs hunc eundem equum vidit album, vtrique sub alio Sacramento, videlicet, quia agnus sine macula peccati erat, & vt diceretur ei in Canticis: qui sedebat super equum, totum quidem album propter immunitatem culpæ, sed & rufum propter afflictionem pœnæ; *Dilectus meus candidus & rubicundus*: Et in Euangelio: *exiuit Iesus portans spineam coronam & purpureum vestimentum*, & ait, *ecce homo*. Sequebantur autem hunc equi rufi, *uarii & albi*. Rufi, sunt Martyres, *semper mortificationem in corpore suo pro nomine IESV*, vsque ad finem sustinentes: albi, Confessores, semper in pace Ecclesiæ virtutibus & doctrina florentes: varii, qui aliquando cruciabantur, aliquando relaxabantur, nec continuè persecutionem patiebantur, nec assidua pace utebantur.

Horum vita siue passio, craticulæ non immeritò comparatur. Est enim craticula, instrumentum habens velut quasdam costas, & inter ipsas, quasdam aperturas per quas vapor ignis penetret in interiora eius quod desuper extenditur. Assatur enim quodcumque superponitur, & fortè non solum panes, sed & carnes assi agni, assantur hîc. De carnibus namque agni, *nec crudum quid*, vt Iudæi, *nec coctum aquâ*, vt Philosophi, sed vt veri Catholici faciunt, assum tantum igni, edere licitum est. Reuera mansuetus Agnus ille in quo *beneplacitum est Deo habitare in eo*, *super quem* vidit Ioannes, *Spiritum descendentem & manentem super eum*, ab omni contagione peccati immunis, carnes suas in craticula assauit: quia cum voluit, tetigit eum ignis persecutionum & cum voluit, prohibuit ne accederet ad eum *flagellum*, siue laqueus pœnalis venantium. *Potestatem enim* habebat ponere *animam*, suam, & iterum *sumere eam*. Quare enim cum vellent eum tenere, *nemo in eum misit manus*: & cum auditur: *ego sum*, ceciderunt retrorsum, nisi quia ibi non erat apertura potestatis humanæ, Deo permittente, quâ penetraret vis penetrabilis ignis, vsque ad carnes Agni? Aliàs verò, & *lapides tulerunt in eum*, & comprehenderunt, & crucifixerunt: vbi scilicet apertura patuit in craticula, diuina permissione. Hîc, *panis qui de cælo descendit*, decoquitur, & caro Agni siue piscis qui de mare ascendit, duræ passionis ignibus assatur. Mortificantes igitur carnem pro CHRISTO, ne deficient, reficiuntur hoc cibo. Lenit enim dolores patientis Christiani, assidua recordatio in Cruce pendentis. Telum à corde excutit impatientiæ: dulcis memoria incrassatæ orationis perfusæ de pinguedine gratiæ & de virtute patientiæ. *Pater*, inquit, *ignosce illis quia nesciunt quid faciunt*. Sanat omnes amaritudines mentis, fauus distillans de labiis olei: sanguis defluens de venis misericordiæ venena extinguit malitiæ & nequitie. Fauces delectatione, venter satietate: ossa medullis, nerui robore replentur cum de craticula, panis tota fide assumitur.

Memo-
ria pas-
sionum
Christi
lenit
dolo-
res.

CAPVT XXIV.

De Pane inuncto oleo.

Spiritus noster triplici vexatus hæctenus labore, clibano videlicet interna tentationis, sartagine acerrimæ persecutionis, & craticula quotidiana

Aaa ij

nae mortificationis: totus lassus, aridus & extenuatus pane inuncto refici, inungi & impinguari, totis suspiriis non immerito inhelat. Contritis enim corde medetur, sanat omnes animi contritiones, & confouet quarumlibet anxietatum passiones. Igitur si de torrente hyemalium inundationum, cibano scilicet, sartagine vel craticula; laborando in via huius nostrae peregrinationis, gustauimus: quid nisi vinctum panem remunerationis in patria, ab eo qui viuificabit mortalia pectora nostra, expectamus? Qui enim in exilio legem dedit Euangelicam pro fide patiendi, dabit in caelo benedictionem angelicam cum CHRISTO regnandi, vt *secundum multitudinem dolorum* nostrorum, a quo modio iustoque sextario appendatur in statera, iusta retributio bonorum. Congruè proinde, sartaginis frixura, vbi viscerum aruina effluxerat in pœnis, recompensatur pane vincto redemptionis quo immortaliter nostra viuet anima: & craticula in qua vsque ad mortem substitit, pane consperso aeternae glorificationis: passibilitas enim, impassibilitate, mortalitas commutatur immortalitate. Separatim proinde apponendus est panis vterque: quia esurientium viscera, vnusquisque replere sufficit in die suo.

Et alius quidem est panis vinctus, alius conspersus; non tamen vsquequaque diuersus. Nam vnus quidem est CHRISTVS, propter coniunctionem duarum naturarum in vnitatem eiusdem personae; sed duo in eo considerantur secundum mutuam distributionem in eadem persona singularum proprietatum. Similiter vna caro sunt, Sponsus & Sponsa; sed tamen alius Sponsus, & alia Sponsa: sicut, aliud caput, & aliud corpus, & tamen vna est persona, caput & corpus. Vnus itaque est CHRISTVS? *Verbum caro* de virgine factum, cum Sponsa sua vniuersali Ecclesia cunctorum fidelium. Sed tamen aliquando sigillatim, de CHRISTO capite: aliquando coniunctim, de CHRISTO capite, & corpore tractantes agimus. Assignamus namque ipsi capiti aliquando quod soli attribuendum est corpori: & aliquando corpori ascribimus quod nisi capitis participatione veraciter ei attribuendum non intelligitur. Cum igitur de CHRISTO dicatur, quia ipse est *panis qui de caelo descendit, quem* Pater signauit & misit in mundum: de capite intelligendum est. Cum verò aliter; vbi appellatur Ecclesia quae est Sponsa, vel panis conspersus, vel panis similagineus specialius hoc propter Sponsi sui coniunctionem, non propter suam dignitatem dicitur, habet enim Ecclesia potius, refici à Deo, quam se reficere propria virtute. Sed iam redeamus ad panes, siue vinctum siue conspersum.

Panis itaque inunctus, est IESVS quem Spiritus Domini inunxit & sponsum Ecclesiae constituit: panis verò conspersus; Sponsa quae vna est cum Sponso, & hoc ipsum habet à Sponso, in cuius desponsatione sacro conspersa est chrismate. Sequestrato itaque pane consperso non fide credendi; sed ratione tractandi, & in alium diem reseruato: iuuante gratia videamus nunc de pane inuncto. Primò tamen considerandum est quod profunditatem mysterii, tam in conceptione quam in natiuitate *mirabilis facta* est haec vinctio supra nos, *confortata* quoque est super Angelos clarificatio-

ne resurrectionis, nec possumus ad eam, quamdiu habitamus domos luteas & terrenum incolimus sensum, præ ascensione ad dexteram Patris in excelsis. Quis enim cognoscit vnguentum bonitatis Domini, in consilio disponentis se incarnari: aut quis in conficiendo ipsam assumptionem nostram consiliarius ei fuit, aut quis in redemptione humani generis, pigmentarias species saluationis nostræ dedit illi? Ex odore quidem huius vnguenti repleta est, & Ecclesia quæ in terris peregrinatur, & sequitur Sponsum in odore huius vnguenti, & ipsa aula cœli: quia in initio viarum Dei, cum diceretur: *fiat lux, & facta est lux*, genere sublimiori, bonitate excellentiori, vñ & munere propensiori ditata est creatura cœlestis: id est angelico diuinæ cognitionis dono, & in ipsa nostra reparatione restaurata pleno numero.

Angelorum numeros, hominibus reparatione restitutus.

Aliter porro vngitur vel vtitur deliciis Paradisi Dei ipse filius olei, sed qualiter, non est nosse alicuius, præter te Domine, cuius *nomen oleum effusum*, & de cuius cornu, id est, humanitate glorificata, supereffluunt impetu redundanti ad homines, emissiones gratiarum. Totum siquidem cornu olei, id est gratiæ plenitudo, funditur in capite filii hominis, quia benedictio Domini effusa est super caput Iusti iustificantis omnes iustificatos totaliter & originaliter non particulariter. Totum, inquam, ei infunditur vnguentum, cui *non ad mensuram dat Deus Spiritum*. Tingit præterea etiam pedem suum in oleo, quia vsque ad oram vestimenti, scilicet vltimi fidelis, exundat infusio gratiæ distillantis de monte sancto. Sic enim benedicit pusillos cum magnis: à capite namque defluit, sed non deficit oleum, fons enim insiccabilis, quem nec ventus Dæmonum, nec intemperantia hominum, à sæculo & vsque in sæculum absorbere potest; *misericordia enim ab æterno, & vsque in æternum, super iuuentes eum*. Deriuatur hoc oleum per semitas iustitiæ, quia nulli digno negatur, nulli indigno salubriter datur. Hoc oleum *potabunt omnes bestia agri*, cui benedixit Dominus, sed *expectant onagri in siti sua*. Mirabiliter hoc oleum, & potat & pascit, & vngit. Potat sitientes, esurientes pascit, vngit agonizantes. Potentes, potenter pascit, debiles misericorditer potat, delicatos & in croceis nutritos vngit. Operantes pascit, desiderantes potat: præ amore languentes & infemitiplis deficientes vngit. Pascit decertantes in sartagine, potat defudantes in clibano, vngit defixos in craticula. Martyres denique ligno vitæ pascit: Confessores potat fonte scientiæ, Virgines vngit priuilegio castitatis & gloriæ singularitate.

Ita non simplex gratia olei, sed multiplex. Vna quidem causa, sed effectus multiplex, sicut vnus Spiritus, sed multæ gratiæ. I E S V soli, tota simul gratia affluit, & totâ gratiâ, I E S V S totus, infinitè affluit. Totus vnctus, quia totus sanctus: totus vnctus, quia totus desiderabilis, totus vnctus, quia Spiritu sancto totus plenus: *vidimus enim gloriam eius gloriam quasi vnigeniti à Patre plenum gratia & veritate*. Hunc Iohannes Baptista tingit aqua, hunc Deus Pater vnxit Spiritu sancto: A Deo enim non ab homine accepit oleum Deitatis, ab homine verò, aquam humanitatis. Oleum miraculorum à Patre; aquam passionum recepit ab homine: oleum suauitatis.

Christus totus vnctus.

tatis, à summitate cœlorum, aquam doloris, à natura hominum. Ab inferioribus quoque tingitur aquâ, IESVS, si in eum homines vel tenuiter crediderint : à superioribus vngitur oleo, si fidem suam sublimi deuotione, Sancti consecrauerint. Inuenitur præterea penes Patrem vnicum, vnguentum mirabile & incomparabile, redolens super omnia aromata, collectum, non de montibus aromatum, sed de primis Virtutibus supercœlestium mansionum. Sentit quidem supra se nec usurpare præsumit ad vngendum se hoc vnguento, omnis Ordo supernarum virtutum. Satis namque beatificos se reputant illi cœlestes Spiritus, si vel odorem senserint, cuius vnctionem non sibi, sed proprio Patris filio paratam & debitam recognoscunt.

Fur & latro Diabolus porrexit manum ad hoc vnguentum, sed leprosam retraxit, sed aridam, sed contractam, vnguentum enim hoc, *in ruinam & in resurrectionem multorum est*. Præfumentium & superbiorum ruina est, humilium & contritorum resurrectio, *Super quem, inquit, requiescet spiritus meus, nisi super humilem & tremantem sermones meos?* Feruet & bullit, sicut acetum in nitro Spiritus, rumpendo & concremando vtrem veterem, si ad maliuolam descenderit animam, requiescit & vngit, si ad simplicem & castam. Si portionem quæ sibi competeat, Lucifer moderate exposceret, & non totam vnguenti substantiam tanquam musca moriens, rapina usurparet, fortè adhuc in odore eius cum sodalibus Sponsi fœliciter viueret. Vltibus sapientiæ suæ, Pater, hoc vnguentum æternaliter destinavit, & vt singulariter præ omnibus consortibus suis confrueretur ordinauit. *Filius, inquit, meus es tu, ego hodie genui te*. Hoc æternæ, & singularis generationis vnguentum, adoret, non tangat creatura: *qui enim tetigerit, lapidibus obruetur: manus non tanget eum*, quia tangere voluit, quod tangere non licet manum discussionis humanæ. Sed si quæritur quis vnixerit panem istum inunctum, vnde vnixerit, & quomodo vnixerit; docet Psalmista, loquitur Isaias, Petrus Apostolus demonstrat. *Vnxit te, inquit Psalmista, Deus Deus tuus, oleo latitiae præ consortibus tuis*. Isaias verò ait, *requiescet super eum Spiritus Dei*, Spiritus sapientiæ, &c. Petrus quoque in Actibus Apostolorum: *quomodo vnxit eum Deus Spiritu sancto*. Et hæc est vnctio, quâ Pater vnxit Filium.

Mirabilis hæc vnctio Patris, quia Filium suum vnigenitum vnguento vnico vnxit! Pretiosum reuera hoc vnguentum, quod nulla fuit creatura idonea ex creatione suscipere; nulla ex meritis emere. Quicquid namque creatum est, siue in cœlo, siue in terra, siue corporale, non sic diligit Patrem quomodo Filius, nec sic à Patre diligitur. Vnicè enim & indifferenter ad se recurrit amor Patris & Filii, quum toto se Pater qui amor est, diligit Filium & Filius toto se, qui nihilominus amor est, diligit Patrem: nec minùs Filius diligit Patrem, quàm Pater Filium: quia Filius in nullo minor est Patre. Quod si quæris quomodo vngat Filium Pater, & Filius non vngat Patrem, si delectio est ipsa vnctio, & filius sic amat Patrem, quomodo Filium Pater? Respondeo, quia Filius à Patre est, non autem Pater à Filio, vel quia Pater genuit Filium, non autem Filius Pa-

Quo-
modo
filius
vnctus
à Patre

trem. Sic namque alius est qui vngit, & alius qui vngitur, quia alius est Pater, alius Filius: sed eadem vnctio est quâ vngitur Pater & quâ vngitur Filius: quia idem Spiritus sanctus sicut à Patre procedit similiter & à Filio. Vnxit & istum quæ erat in ciuitate peccatrix, vnxit namque pedes, vnxit caput. Grata certè Deo est vnctio, à peccatis conuersio, hæc pedes: Multò autem acceptabilior ad virtutes progressio; ista, caput. Frange esurienti panem tuum, & egenos & vagos induc in domum tuam, vnguento vn-xisti pedes IESV. Da eleemolynam, non ex tristitia aut ex necessitate, sed ex multa hilaritate, & effudisti vnguentum super caput. Pane ergo inuncto reficitur, qui in hilaritate miseretur.

Deo, &
non cō-
tra.

CAPVT XXV.

De Pane consperso.

Sicut capiti corpus, & Sponsa Sponso coniungitur: sic panis conspersus, post panem inunctum non immeritò sequitur. Vt enim IESVS in pane vncto: sic Ecclesia in sanguine CHRISTI lota, in pane consperso significatur. Quanquam igitur dulces cibos ab ipsa manu Verbi iam non capiamus, tamen Ecclesiæ charismata tanquam frustra panis aspergi, cum omni auiditate sumamus. Et quia non semper nobiscum præsentia visibili adest panis ille inunctus, qui exiuit à Patre & venit in mundum: iterum enim relinquens mundum rediit ad Patrem; saltem panem conspersum, tanquam quotidianum, non cum fastidio propter assiduitatem, sed cum desiderio, propter nutritiuam animarum nostrarum virtutem edamus. Hic enim panis, de adipe & pinguedine panis vncti conspergitur, quia, vt ait ille qui de pectore eius buccellam panis oleati gustauit: *omnes de plenitudine eius accepimus & gratiam pro gratia*. Pro gratia, videlicet vnctionis in capite: *gratiam* conspersionis in corpore: *pro gratia*, non ad mensuram data: *gratiam* ad mensuram acceptam. Sicut enim in populo priori, eodem oleo vngebatur summus Pontifex, sed largiori infusione, & inferiores Sacerdotes, sed rariori aspersione: sic in nouo Testamento, Christiani, eodem spiritu regenerantur quo caput suum de intemerata Virgine concipitur & nascitur; quanquam dissimili proportionem & operatione. In IESV CHRISTO namque mensura bona, & conferta, & superagitata, velut fons plenus plenis gurgitibus oleum gratiæ Spiritus sanctus superinfudit: vt ipse membris immo compauperibus suis reflueret eandem gratiam quam sine præcedenti merito acceperat homo; vel potius pro voluntate erogaret, tanquam Deus. Nequaquam autem minuitur ei gratia sua ex largitione, sed semper crescit in effusione.

Aliter vero hi qui ab eo nomine deriuato Christiani cognominati sunt. Nam pro capacitate & virtute sua, de fonte benedictionis gratiarum riuulos sumunt, largientis pietate, non presumunt ex arbitrii sui potestate, vt ab vncto conspergantur, vel potius ab vnigenito intingantur. Vnde Isaias: *iste aperiet gentes multas, super ipsum continebunt Reges os suum*. Vbi tanquam edocet Propheta CHRISTVM, Ecclesiam de gentibus as-

Baptis-
mus
multi-
plex.
Confir-
matio
Chri-
smatis
sive per
chris-
ma.

Cur vn-
gantur
Sacer-
dotes,
in con-
secra-
tione.

Panes in
Christi
corpus
conuer-
tuntur.
Sancti-
ficatio
aquæ
baptis-
malis.
Ezech.
47.2.
Altare
Iudaicū
hyssopo
as-
perge-
batur
in de-
dica-
tione,
& cur.

perisse. Sed cum multiplex sit aspersio, non expressit, qua aspersione. Est enim alia aspersio aquæ, alia sanguinis, alia cineris, alia hyssopi, alia denique aspersio olei. Aspersio aquæ in Baptismate celebratur, aspersio sanguinis in Passione, aspersio olei in chrismatis Confirmatione. Vnam quidem salutem operantur diuersæ aspersiones, sed ex diuersis affectuum meritis, diuersas præparant fidelibus mansiones in perpetuas æternitates. Ecce enim Ninivitarum asperguntur, sed cinere: vt quali opposito scuto, iræ Dei vindicta eius aut compescatur placata, aut mitigetur indulgentius exercenda. Ecce velum quoque templi aspergitur sanguine, vt paterna commotio moueatur magis ad parcendum quam ad puniendum, dum videt vestimentum carnis filii sui rubricatum aspersione proprii sanguinis, vel crudelitate Iudaici populi, cuius vox est: *Sanguis eius super nos & super filios nostros*. Ecce tam Sacerdotes in consecratione sua, quàm altare, in dedicatione: panes quoque quidam in oblatione oleo asperguntur, quatinus Sacerdotes quidem, & imitatione CHRISTI sanctificentur, & participatione potestatis sublimentur: Altare verò quanquam insensibile, diuinissimis Sacramentis ratione consecrationis viliibilis aptetur. Panes denique, ad configurandos illos panes qui in verum corpus & sanguinem CHRISTI conuertuntur, diuinitus apponantur.

Ecce populus Christianus suscepit asperionem aquæ sanctificatæ per inuocationem Sacerdotalem & summi nominis adiurationem, vt sumpta virtute illius aquæ quæ de templo eius egrediebatur à latere dextro, demergat tam originale peccatum, tanquam Pharaonem, quàm omne delictum velut Ægyptium insequentem. Præterea templum vel etiam altare, ad hoc figuraliter in dedicatione hyssopo aspergitur: vt qui membra corporis sui, castè viuendo templum Dei sanctum dedicare voluerit, hoc in se sentiendo quod in CHRISTO IESU, humilitate refarciat damnum superbiæ, & defluat tumor culpæ per correptionem iustitiæ. Sed ad quid hæc omnia? Vt Sponsa his asperionibus totam se abluat, vt sit munda per aquam, vt sit sancta per sanguinem, vt sit placens per cinerem, vt sit sana per hyssopum, vt sit deuota per oleum. Cum enim peccatorum suorum formidine, commota fuerit anima, adhuc peccatrix & denigrata à sole tentationis, & spiritualium nequitiarum: aspergit caput cinere mortificationis, cinerem tanquam panem manducans: vt sic in fine pœnitens delectetur in afflictione, quomodo effluxerat aliquando malè viuendo in concupiscentia carnis & superbia vitæ. Accepit itaque contra concupiscentiam carnis, cinerem in ore: contra concupiscentiam oculorum, cinerem in ventre, contra superbiam vitæ, cinerem in capite. In ore vt confiteatur peccatum manifestè: in ventre vt conuertatur vehementer in corde: in capite vt humilietur vsquequaque. Hoc erit efficax remedium cum aliquis peccator excusus sicut locusta, vel sicut ligna sylvarum quæ mouentur à facie venti: à timore Domini conceperit, & pepererit Spiritum salutis. Hic namque dicitur, *noli timere à duabus caudis titionum fumigantium istorum*: quia taliter pœnitens & peccata sua consumens neque præsentia anathemate, neque æternaliter gehennâ condemnabitur. Et hoc, de aspersione cineris.

Quod

Quod si lepra luxuriz, animam tentatione, vel carnem delectatione commaculauerit: Helisæus Propheta, de fontibus Saluatoris locum lepræ iubet perfundi aquâ, vt misericordia & miserationibus Domini, lepra depellatur: & non solum caro renouata sicut caro pueri paruuli, cuius nomen est Emmanuel, restituatur: sed etiam anima CHRISTI rediens ab Inferis illustretur. Et hoc de asperfione aquæ. Quod si animam pertransierit gladius tentationis, & pede moto, iam in inferno malæ consuetudinis sepulta fuerit, non liberabitur, nisi asperfione sanguinis, de costa in cruce dormientis. Petiit purpratus Euangelicus ardens, in pœnis gehennalibus, guttam aque quærens cum dixit *Pater Abraham, mitte Lazarum vt intingat extremum digiti sui in aquam, vt refrigeret linguam meam*: Sed parum petiit, & idè forte non impetrauit: Parum, inquam petiit, quia non in aqua, sed in sanguine, flamma infernalis extinguitur. Non enim leui & momentanea compunctione grauis culpa detergitur, sed eoque penetrare debet vis doloris, quousque accessit iniquitatis. Plenam itaque manum sanguine Redemptoris, non extremum digitum in aqua tinctum exposcat conscientia, de grauib, consentis. Nec alterius tamen, sed proprio digito velit mouere & amouere pœnam, quam malè animum mouendo, sibi admouit. Lauet manus suas non in sanguine peccatoris, sed in morte redemptoris. Tingat digitum in locum clauorum, & mittat manum suam in latus Saluatoris: vt sicut animam suam pro nobis posuit moriendo & redimendo nos à morte ipse Dominus, sic iste conscientiam suam pro se exponat confitendo & pœnitendo.

Quod si caularis sanguinis copiam deesse, & ideo digitum non posse tingere, attende oculis fidei quia ecce Agnus anniculus, ecce Vitulus saginatus iugulatur, & occiditur. Effusa est copiosa redemptio, decurrit sanguis per crepidinem crucis, & per omnia cornua altaris. Tinge igitur, tinge digitum; & asperge *septies contra velum Sanctuarii*: vt sit tibi clavis refectionis cœli, sanguis passionis Domini. Non obfirmabunt valuas suas cœli, cum viderint sanguinem ad se leuari de visceribus CHRISTI. Apertiuntur denique portæ Paradisi, vt ad ipsum sanctificetur meliori & puriori sanctificatione, quam in creatione mundi: ne deinceps admittat præuicatore cum sustinuit Sathanæ transgressionem. *Tollite portas principes vestras*, quia nobiscum deferimus clauas non manu factas. Reuoluatur velum, appareat propitiatorium, deponat alas Seraphim, stent & summittant alas suas omnia quæ mouentur in astris, quia vox sanguinis CHRISTI melius loquitur quàm Abel & est, *vox tonitru in rota*. Ecce Gen. 8. agnoscit miluus in cœlo tempus suum, ciconia & hirundo, vt præparent nidum & Angeli non recognoscunt Dominum suum, pretium nostrum, vt faciant locum? O quanta reuerentiâ reueretur, immo cedit velum angelicarum virtutum, digito Agni sanguine madefacto: immo procumbens tremit in occursum cruoris viscerum Dei & Creatoris sui. Festinant referare clausa, petita præstare; nondum intellecta accumulare. Allambunt digitum, osculantur & designant omni benedictione plenum & patris contuitu dignum.

Leuit.
4. 17.

Gen. 8.

Intinge itaque non tantum digitum, sed cum Petro, & pedem & caput, o anima: ut pes affectionis & digitus operationis, & caput intentionis intinctum hoc sanguine passionis CHRISTI: digitus operetur iustitiam: pes currat ad gloriam & caput videat maiestatem glorificam. Pes enim tuus & digitus tuus si intingantur immo immergantur in sanguine, amando & operando iustitiam usque ad sanguinis effusionem; non videbis aeternam corruptionem. Deo enim consecratur quicquid sanguine Agni, vel vituli aspergitur. Vitam & sanctificationem confert sanguis, quia omnis anima, id est, vita in sanguine CHRISTI est. Tolle sanguinem & recedit anima. Si negas mortem CHRISTI: necatur vita Christiani. Hunc sanguinem condemnauerunt, qui pretium nostrum repellere cogitauerunt: hæc de asperzione sanguinis. Quod si multum est ad te & supra facultates animæ tuæ, sanguis Agni: quare saltem hyssopum herbam, humilem, nec ad inueniendum difficilem. *Descende, sede in pulvere, filia Babylonis, quia non est solium filia Chaldaeorum.* Tulerat te Deus de stercore corruptionis humanæ, lauerat te, vestierat te, & in regnum profecerat, sed discooperuisti lectum tuum, sed adulterum super maritum induxisti, sed virum pubertatis tuæ contempnisti, sed lanam & linum alienis vendidisti, & tamen post omnes abominationes istas, post tergum manet pietas & indulgentia maritalis, ut ad virum priorem reuertaris. Vult autem ut hyssopo propter fornicationes innumeras idolorum, seu phantasmatum cordis tui, aspergaris, & ita super niuem dealbata, ad * thronum maritalem recipiaris: *Cor enim contritum & humiliatum Deus non spernit.* Exterius quidem, hyssopo aspergaris, interius autem vino inebrieris. Hæc de asperzione hyssopi.

Psa.
61. 5.

Esaï.
47. 1.

* f. to-
rum.

* f. ge-
mit.

Sequitur asperio olei: quod magis rara, eò magis cara est. Præ omnibus enim aliis; oleum suavius, penetrabilius, & mollius est. Et sciendum quia iste panis aspersus de quo nunc agimus, non sanguine, non cinere, non hyssopo, non aqua, sed tantum oleo conspergitur: quia in eo, non incipientium, sed perfectorum vita describitur. Igitur anima bene progrediens à minoribus ad maiora, ab inferioribus ad superiora, à cinere incipit, & in oleo iustificationem suam perficit. A cinere namque incipit, cum se in cinerem, & puluerem ab æternitatis immarcescibilitate per peccati præuaricationem reductum genuit. * Inde procedit ad lacrymas, si forte de pulvere mortalitatis reformari posset, vel saltem ad limum alicuius tenacitatis. In eo, melior limus quam pulvis, quia vaga leuitate & dissolutione vana non *circunfertur omni vento*, sicut pulvis, sed conglutinetur & coaceruatur ad unitatem in pondere humoris. Habet itaque pondus, quo erat sine pondere: habet vnanimitatem, quod carebat unitate, est etiam molle, quod erat siccum & absque humore. Potest exinde, iam aliquid formari: cum prius ex pulvere nihil aliud nisi oculus posset cæcari. Iam igitur disciplinam apprehendit, iam præcepta suscipit, iam ad omnem obedientiam, per profectum coniunctionis, iugum submittere nouit, deinde usu & consuetudine, aqua ista vertitur in sanguinem: non tamen Ægypti, sed CHRISTI, ut iam promptus sit homo: non lacrymam, sed animam non vnam sed vitam, si sit necesse pro CHRISTO vel fratribus po-

DE PANIBVS, LIBER.

379

nere. Sed ne non ex humilitate, sed ex præsumptione ad passionem proficiat: fortissimæ & supra petram fundatæ humilitatis hyssopus sequitur; vt non solum vsque ad mortem, sed vsque ad mortem crucis, iure hæc pertingat. Iam ad vltimum sequitur oleum exultationis: vt videlicet non iam humiliter, non fortiter tantum; sed libenter & exultanter in adipe & pinguedine, hostia CHRISTI in carbonibus passionum non aduratur, sed decoquatur, non lugeat, sed rideat: non patiatur tormentum, sed regno potiatur. Hoc aspersi oleo Apostoli & Martyres, quasi ad epulas currunt. Et hæc de asperzione olei.

C A P V T XXVI.

De Pane frigido.

NON vniformiter vnus diei vnicam gratiæ dulcedinem omnes degustant, sed secundum meritum suorum capacitate & affectum appetitum, vnusquisque de inuisibili verbo Dei, portionem sibi congruam accipit. Sic enim Manna quod de cælo descendit, variatur in ore edentium, pro varietate desideriorum. Aliter enim in ore incipientium; aliter in ore perfectorum, aliter in ore esurientium, atque aliter in ore iam saturatorum, aliter in ore lugentium, atque aliter in ore latantium, aliter in ore seruorum, aliter in ore filiorum, aliter in ore mercenariorum, aliter denique sapit panis fermentatus, aliter azymus, aliter panes primitiarum, aliter panes propositionum, aliter simlagineus, aliter hordeaceus, aliter communis, aliter sanctificatus, aliter coctus in clibano, aliter in sartagine, aliter in craticula, aliter vnctus oleo, aliter conspersus, aliter durus, aliter calidus. Vt cumque autem balbutiendo potuimus, explicauimus cuiusmodi sint saporis omnes isti panes, præter frigidum & calidum, de quibus nondum tractauimus. Non autem irrationabiliter in finem conuiuij, hos referuamus, & post panem conspersum in oleo collocauimus, quia dura restant nobis semper certamina, licet mentem nostram perfuderit gratia. Vnde Moyses cum benediceret Aser dicens: *tingat pedem suum in oleo* subiunxit: *ferrum & as calciamentum eius*. Animaduerte pedem tinctione madefactum, molliorem & teneriorem effici.

Sap. 16.
22.

Deut.
33. 25.

Commodius itaque, calciamenti vteretur mollioribus quam ferreis, nisi per Sacramentum, subintelligeretur spiritale mysterium. Quid igitur per pedem intinctum in oleo, nisi mens inspirata Spiritu sancto? Et quid per calciamentum ferreum & areum, nisi laboriosum iter per præsens sæculum ad cælum? Planè tanquam calciamento, quotidie conteritur pes viam huius sæculi perambulantis, & nisi releuaretur perfusione olei, prorsus conquassaretur asperitate calciamenti. Vt itaque, cursu celeriori, & præsentia contemnantur, & futura ambiciosius appetantur, gratiarum dulcedini admiscetur interim amaritudo huius exilij: quatenus, tam superna irrigatio incitet, quam infirma exacerbatio compellat animum nostrum, ad Deum. Duplex enim incendium repatriandi, est desiderium paterni soli, & terribile huius exilij. Admonet hoc redire: cogit illud exire. Emollit animum

duplex
cau-
sa ap-

Bbb ij

petēda
mortis.

desiderium, vt confluat ad Deum liber factus: exasperat tedium, vt fugiat hinc amaricatus. Sic educuntur & reducuntur animalia Dei, vt egrediantur & pascua inueniant, non solum in sibilo attrectata, sed etiam in flagello verberata. Interdum itaque praeualet suspirium aeternae iocunditatis, interdum ardentius mouet ærumna praesentis calamitatis. Hac consideratione, modò duro & frigido pane vescuntur, modò vincto vel consperso: ne, si semper vinctus apponeretur, securi redderemur, vel, si semper frigidus, desperati & tepidi.

Cum iudicio legē hic auctor differt, si quidem diuina gratia nullo pacto, vel ex operibus, vel ex meritis nostris conferatur nisi sanctū augmentum gratiae habitualis. Meritū nostrū per se nullum est, ex Dei autē dono, fit bonum. Gratia praeniciens & cooperans Malum poenae & malū culpae Miraculum

Hæc autem commutatio, sit nobis aliquando ad correptionem, semper verò ad vtilitatem. Cum enim illustratur anima spiritali benedictione ad diligendum Deum, pane vincto vel asperso vtitur, cum vero propriis compungitur aculeis ad fugiendum mundum, pane frigido & duro. Vtrumque verò contingit, alterum ex dono cœlesti, alterum ex merito hominis. Nam sicut nonnunquam gratia ex operibus, alicuius mentem praeueniendo vngit in exultatione futuri præmii, sic, ex sua bonitate, Deus quodocunque hominem immeritum, tam ad meritum quàm ad præmium, clementer excitat. Sed quale vel ad quid est meritum nostrum? Sine dubio, meritum nostrum per se tam malum est: vt à Deo merito deferamur, tam pessimum, vt non immerito condemnemur. Ex dono autem Dei, fit bonum per praeuenientem gratiam: fit melius per cooperantem, vt ex Deo sit panis vinctus ex homine, panis durus in mensa deferatur: vt Deo attribuas vinctiōnem illuminationis, tibi peccatori duritiam excæcationis. De cœlo suo profundit Deus tibi lucem, & tu de abyssu tua propinas tibi immensam confusionem. A Deo tibi bonum, à te tibi malum est: à Deo tibi vnguentum sanitatis, à te tibi veneficium mortis.

Illud igitur omnimodo à te suscipiendum: hoc non vsquequaque respuendum. Nam donum Dei indifferenter vbique semper, & ab omnibus suscipiendum, malum verò nostrum, quod est poena non quod malitia, à Dei iustitia illatum patienter est sufferendum. Nimirum in IESV capite nostro, hanc vicissitudinem miraculorum & passionum, tota Euangelii series narrationibus verissimis intermiscet, vt citharædi Euangelici, modò sonum grossiorem & obscuriorem in cithara corporis IESV afferendo tribulationum contumelias inferant, modò fulgurationes diuinorum operum & sermonum representando subtiliorem & acutiorem insonent. Inde quoque est quòd quidam Psalmi intitulantur sic: *Psalmus Cantici*, alij, *Canticum Psalmi*. Inde rursus est quòd aliquando præcurrunt passionem IESV, ipsam eius glorificationem, aliquando sequuntur. Præcurrunt, vt ipse Dominus post resurrectionem ait Apostolis. *Oportebat CHRISTVM pati, & ita intrare in gloriam suam.* Et Apostolus, *CHRISTVS*, inquit, *factus est obediens vsque ad mortem mortem autem crucis: propter quod & Deus exaltauit illum, &c.* Hinc etiam Petrus Apostolus posteriores appellat *glorias* Resurrectionem & Ascensionem, quæ sequuntur Passionem & Crucem. Sequuntur autem glorificationes, eius passionem, vt cum Angelus apparet siue stella, in gloriam pueri, ac deinde fugit in Ægyptum Isaaciam Herodis, & plura his similia inueniuntur, quando præcedunt

opera diuinitatis, & sequuntur passionēs humanitatis. Vnde est illud: *post gloriam misit me ad Gentes*, quasi dicat, prius facio miracula, vt sciant Gentes me esse *verbum* quod erat in principio apud Deum, & post, passione consumor, vt nihilominus firma sit, & vera fides Christianorum, quæ credit verbum carnem factum.

In miraculis enim vnde venerim; in passionibus aduerti potest ad quid venerim. Vnus tamen idemque CHRISTVS, & qui patitur, quia homo passibilis & qui non patitur, quia Deus impassibilis. Quando autem Deus dicitur passibilis, non hoc dicitur secundum naturam verbi assumpti, sed secundum passibilitatem assumptæ carnis. Potes autem sine injuria Dei, tollere quod tuum est, pœnam videlicet peccati; non verò quod Dei est, sine Deo præsumendum est, gloria scilicet regni. In laboribus itaque Dei intraueris, non gloriaris quasi de labore tuo factum sit, sed sufficientiam præsentis necessitatis accipe humiliter, salutem tuam ei resignando; extra nihil efferas, de libero arbitrio præsumendo. Nam pes liberi arbitrii, sine pede gratiæ Dei, nec stare, nec ambulare aliquando potuit vel poterit. Extra enim, cum pes superbiæ, vel liberi arbitrii sese efferre tentauit, collisus vix multis remediis sanari potuit vltèrius. Attende sponsi ventrem vbique distinctum saphiris, vt modò cœlestia operetur, modò humana patiatur. Ne mireris pro eo sumere contumeliæ absynthium, si prælibasti gloriæ oleum, nam de tuæ naturæ hortulis, colligitur in fasciculis, tam myrrha quàm absynthium; in areolis diuinis, non nisi oleum & balsamum. Amara & dura sunt quæ tu seminas, dulcia & mollia quæ Deus. Quid autem mirum si quæ seminauit homo comedendo vetitum, *hæc & merat* eundo in interitum? Sic certè interfectores CHRISTI, à gratia deserti, sanguinem eius seminauerunt, immò sparserunt super capita sua dicentes: *Sanguis eius super nos & super filios nostros*. Ecce quomodo isti seminatores pessimi, non faciunt fructum natiuitatis obediendo, sed perditionis & captiuitatis occidendo, quare cibati sunt isti & transgulati à Vespasiano & Tito, ex hac messe & in farina collecto pane simul frigido interemptionis, & duro perpetuæ deuastationis.

Est & alius modus quo membra CHRISTI cibantur frigido & duro pane, nam siue à Satana colaphizentur stimulis carnis, siue in torculari pressurarum sæcularium affligantur tribulationibus varijs, pane duro & frigido reficiuntur. Hinc Iacob diutina lassatus peregrinatione, lapidem quieturus capiti supposuit, & manè surgens visionisque mysteria intelligens eundem lapidem inunxit. Lapis namque cum quiescere volumus in via hac qua ambulamus ad domum æternitatis, frequenter occurrit, cum in ipsa quiete nostra, plena molestiarum & sollicitudinum conscientia, sua duritia qualemcumque lassitudinem animæ excipit. Sed manè eundem lapidem inungimus, cum spem ad mercedes Sanctorum, quæ pro laboribus huius noctis recompensabuntur attollimus; spes enim peruentiois leuigat dispendia itineris. Amor quoque semper quiescendi, leui volatu perfert quodcumque infortunium, citò finiendæ peregrinationis. Hoc vn-

Bbb iij

guento vulnera sua vngit Paulus lapidatus, hoc flagellorum lacerationes, hoc multimodas passiones tanquam lapidem supposuerat, totum enim se morti exposuerat. In hac verò duritia passionum suarum amplius reficiebatur, quàm afficiebatur, vt eò magis spiritus eius roboraretur, quò durius premeretur. *Virtus enim, vt ipse testatur, in infirmitate perficitur.* Non reliquit igitur panem quantumlibet durum, qui nullum formidat laborem quantumlibet asperum. Dentes habet exercitados ad frangendum, non solum panem durum, sed & lapideum & ferreum; non enim tantum carnis & sanguinis nouit subigere infestationes, verum etiam huius aëris principatus & potestates. Mortem contemnit, diabolum non expauescit. Tam ea quæ ferre, quàm ea quæ nullo modo ferre valet humana fragilitas; libenter si sit qui inferat excipit, dicens, *non sunt condigna passiones huius temporis ad futuram gloriam quæ reuelabitur in nobis.*

Et nos itaque imitatores eius effecti, sicut filij charissimi; non succumbamus tentationibus carnis, non deiciamur aduersitatibus mundi. Refricetur in mansuetudinem animi asperitas; vnctione suauissimi olei, misionum videlicet Domini, remolliamus cor lapideum, conspersione visceralium pietatum filij oiei ad elationes maris tranquillius euitandas. Mirabiliter enim vnctio ista solidat non enervat, ad laborem erigit non in molitiem resoluit, habiles non debiles ad omne opus bonum efficit. Percepta denique spiritus vnctione Apostoli ad agones prorumpunt & nominis IESV insignia vbique gentium referunt. Inde pane duro & frigido à persecutoribus Ecclesiæ cibati, corporis duras & asperas mortificationes sustinuerunt. Inde in laboribus plurimis, in carceribus abundantius, in moribus frequenter. Inde pericula fluminum, pericula latronum, pericula ex genere, pericula ex gentibus, pericula in ciuitate, pericula in solitudine, pericula in mari, pericula in falsis fratribus, &c. tolerarunt.

Meritò igitur prius panem conspersum oleo, deinde panem frigidum & durum supponimus, quia post acceptionem gratiæ non carnis delectationes, sed mundi amaritudines sperare debemus. Vnde venter sponsi *distinctus saphiris* memoratur, quia nunc consolatione à Deo erigimur, nunc tentatione erudimur: Sodalesque sponsi sub eodem mystico sensu sponsæ promittunt, *murenulas aureas vermiculatas argento.* Per murenulas videlicet & ornatum aureum, ipsa diuina præcepta intelliguntur, quæ idèò vermiculata sunt argento, quia distinguendum est ubi sit præceptio exercens, ubi promissio refouens: demulcet namque promissio, sed terret præceptio. Vnde Iohannes in vultu sedentis in throno, hoc vtrumque simul notauit; & qui sedebat, inquit, *similis erat aspectui lapidis Iaspidis & Sardinis.* Iaspis viridis coloris est & aquosi, & significat promissam immortalitatem. Sardis, rubei & significat præcepti laborem, vnde Psalmista, *qui singis laborem in præcepto.*

Non diffidamus ergo de labore si tendimus ad requiem, quia *per multas tribulationes oportet nos intrare in regnum Dei.* Vnde post Pascha, post manna, post multiplicem consolationum suarum visitationem, non statim introduxit dominus populum suum in terram lacte & melle manantem,

Cant.
I. II.

DE PANIBVS, LIBER.

383

fed quadraginta annis per deferti difpendia circumduxit, & cum difficultate itineris paucos introduxit. Vnde fic loquitur fcriptura: *quia filios Ifraël eum emiffet Pharaon de terra Ægypti, non eduxit Deus per viam terra Philiftiim, reputans ne forte pœniteret eum fi vidiffet aduerfum fe bella confurgere & reuenteretur in Ægyptum, fed circumduxit per viam deferti quæ eft iuxta mare rubrum.* Satis planè in hoc exemplo edocemur, quòd prius panis confperfus vel vnctus & poftea ad Domini obedientiam conuerfis apponitur. In fuauitate namque fpiritus quæ nouiter ad veram doctrinam venientibus prælibatur, vires paulatim enutriuntur, vt cum graue ingruerit bellum, congefta manu vitiorum, non deficiat fides modica & nondum confortata alimentis fpiritualium charifmatum. Non igitur ftatim per viam terræ Philiftiim educit egredientes de Ægypto Dominus, quia non permittit infor gere intolerabile certamen tentationum, nifi docuerit manus noftas bellum. Si enim Philiftiim doctus ad pugnam; populum Domini adhuc elementa fpiritualis militiæ non attingentem præoccupauerit, fupera bit eum & reducet ad Ægyptum. Si autem didicerit & confueuerit in armis, nec capi, nec decipi facilè ab inimicis poterit.

Exod.
13. 17.

CAPVT XXVII.

De Pane calido.

AD vltimum & fupremum panem, qui neque frigidus, neque tepidus eft fed calidus; manum Deo cooperante, iam iam applicuimus, vt ex eo & operis fatigatio & defiderabilis refectio fœliciter compleatur. Panis ille cordis non ventris, non in feceffum emittitur, fed in ingreffu tabernaculi non manufacti, fed de medio rotarum, feruente fpiritu Cherubim præfinitur. Rumphæa vel gladius verfatis non tangit, quemcumque hunc panem, vel in ore, vel in ventre habentem inuenerit. Quando enim feipfam oppugnabit charitas, quæ parcat & inimicis, quando aduerfabitur amicis? Sed iam an charitas panis? Immò quid melius quam panis? Nam fi initium vitæ humanæ panis, multo magis initium & confummatio animæ, panis dilectionis. Reficit panis efurientem & charitas perficit deficientem. Panis corpus hominis confirmat, fed charitas cor viuificat. Cum pane cætera vtiliter eduntur, cum charitate omnia fulubriter fumuntur. Specialis cibus hominum panis, fingularis virtus animarum charitas. Sine pane vilis eft menfa, fine charitate, contemptibilis eft anima. Cum labore panis de terra educitur, cum multa instantia charitas poffidetur. Panis inueteratur & neglectus induratur & refrigeratur: Charitas fi ab operatione ceffauerit, fuccrefcente iniquitate, aut aboletur, aut minoratur.

Panis
& chari-
tatis
compa-
ratio.

Itaque iam recalefcamus, & calidum panem fi non habemus, à matre nofta Ierufalem quæ fufum eft, cum omni instantia reposcamus. Si enim Rebecca (quæ eft Ecclefia) panem calidum (id eft charitatem) quem coxerat in meridiano fuæ fidei feruore, Ifaac apponit, non Ifaac vtique Abrahamæ fecundum carnem iam veftutiffimo temporum annofa reuolutione

sed vnigenito patris altissimo filio eterno & immortali IESV CHRISTO, vt Iacob minori filio, paternam tam benedictionem, quam hereditatem adquireret. Nisi enim à nobis acceperit escam, non dat ampliorem gratiam. Dignum siquidem est vt paternam desiderantes benedictionem, desiderio præcurramus clementiam Domini, vt scilicet de iam acceptis Deum glorificantes, meliora & viciniore saluti accipiamus. Petentes igitur maiora, minora non reculemus præstare, vt qui gratiam remuneratricem querimus, cooperatricem non abiciamus. Vt habeamus hereditatem offeramus panem. Hædos quoque confessionis & pœnitentiæ offeramus, vt terræ pinguedinem (id est, remissionem peccatorum) accipiamus. Vinum nihilominus deuotionis propinemus, vt rorem gratiæ supernæ vindemiemus. Aliter enim potius ad maledictionem quam ad benedictionem Iacob supponeretur, nisi calidissimis panibus & vino atque hædorum carnibus senior pater abundanter reficeretur, hisque satiatus memoriam abundantiae suauitatis suæ largiretur & redderetur pronior ad benedictionum infusionem. Hanc proinde cœnam à matre edoctus filius parat, & primogenita quæ natura negauerat, paterna benedictione comparat.

Gratia
coope-
ratrix,
& re-
mune-
ratrix.


Ministrat igitur Iacob patri suo panem calidum, cum humilis & simplex anima carbonibus desolatoriis accensa, præbet creatori suo fidele & feruens obsequium. Quod enim deuorior est spiritus, eò calidior, & quod calidior, eò diuinis operibus aptior. Fortè Deo, Seraphim obsequia, idè gratiora quia feruidiora. Qui enim approximant ei, approximant igni qui facit Angelos suos spiritus, & ministros suos flammam ignis. Iuxta ignem verò, nil frigidum residet, nil tepidum. Si enim aliquod solidum corpus ante faciem ignis statueris, aut vritur, aut inflammatur. Si liquidum aut, subintrante ignea vi citò calefit, aut desiccante euanesceat. Horum alterum ad lucrum, alterum ad detrimentum est. Quid enim vltio, nisi consumptionem operatur? quid inflammatio, nisi illuminationes? Durum itaque est, sic accedere vt comburaris, optimum verò & iocundum; sic inhaerere vt illumineris. *Accedite*, inquit Psalmista, *ad eum, & illuminamini*. Sic accedit emundata & simplex conscientia, non vt maledictionem sentiat æternæ combustionis, sed vt hereditatem obtineat perennis felicitatis. Hæc sunt primogenita omnis creaturæ, nouissimis in vinea cultoribus, sicut & primis indulta, vt sint *primi nouissimi, & nouissimi primi*.

Primogenita igitur dabuntur, si panes calidi & feruidi spiritus Isaac offerantur, carnes hædorum cum panibus apponantur, vt cordis & carnis motus inordinati, mactatione spiritali extincti, saporibus exquisitis, ori diuino aptentur. Vinum postremo his omnibus addendum, vt non per spiritum seruitutis, sed per spiritum adoptionis filiorum, seruamus creatori omnium. Quo spiritu si concaluerit anima & in meditatione sua exarserit ignis qui perpetuus in altari, sollicitudine sacerdotali continuatur, amore non necessitate obtemperans diuinis mandatis, panem calidum & suauissimum Deo patri offeret, & benedictionem accipiet. O anima ad vocem sponsi liquefacta, hic tuus est cibus! ô cor ardens in IESV, hæc tua est refectio!

DE PANIBVS, LIBER.

38

refectio! Cujus vestimenta secundum Iob, cuius aromata secundum Salomonem Austro persflantur, ei talia fercula preparantur. Frigidum non nouit, abhorret tepidum, querit calidum, acutum & superferuidum. Fide namque calefcit siue coalefcit; Spe ad veram sublimitatem acuitur siue excrefcit: Charitate in virtutum plenitudinem supercrefcit. Hæc manum fidei quæ per dilectionem operatur, de prunis ignis quæ sunt in medio Cherubim implere præsumit. Hæc thuribulum conscientia angelicis naribus apponere non erubescit. Hæc labijs impatiens ore auido, de furno gloria panem suauitatis rapit. Hæc præ impatientia impatientis desiderii profilit in medios carbones, & vapores quidem sentit non vrentes, sed lucentes; non afficientes, sed rescientes, non comburentes, sed illuminantes. Hæc vultus suos, alacritate faciei Dei effigiatos, rediens à contemplatione reportat, & de amplexibus sponsi tota redolens, vbera super omnia aromata fragrantia. ***



PETRI CELLENSIS, MOSAICI

Tabernaculi mysticæ & moralis expositionis

LIBER PRIMVS.



INVOCATO Spiritus sancti auxilio, de Tabernaculo Moyfi aliquid ad ædificationem morum scribere te exhortante aggredior, totius ingenii nostri vela Austro diuinæ illustrationis committens atque ad eius nutum, castra eloquii (vtinam semper) mouens nihilominus & deponens. Tutò itaque profectionis mansiones itinerarias dimetitur, qui columnâ superni luminis illustratus, virtutum singularum ortus & occasus in anima sua animaduertens, expectat gratiæ reditum, & surgit ad eius aduentum. Sedere namque absente gratiâ, cum timore & expectatione, vtile est, adueniente & iuvante surgere, & cooperari fluctuosum. * Sed vbi agendum de Tabernaculo, nisi in Tabernaculo? Tabernaculum verò de quo tractare proposuimus est non manufactum, id est, non huius creationis, sed admirabile, sed cœleste, sed spiritale, sed angelicum, sed perpetuum. Præ oculis tamen illud terrenum Moyfi, opere terreno fabrefactum ponamus, & à visibilibus ad inuisibilia intentionem transferentes, non inter terram & cælum tepore vel diffidentia infidelitatis hæsitantes subsistamus, quia Iudas ibi crepuit mendius, sed super cœlos cœlorum corde integro, ad Orientem ascendamus cantantes: *beati qui habitant in domo tua Domine, in seculum seculi laudabunt te.*

* f. fru-
tuosū

Plano autem & pedestri stylo vtendum dispono in fabrica Tabernaculi,

Ccc

quod dicitur sanctum saculare, ne si alto elatus sermone, potius domum Dædali intricare quam templum Dei contexerem, inexplicabilis præstaretur circuitus, non deuotus inexplicabilis compararetur affectus. Habeat equidem qui vult in Timæo Platonis, de mundi creatione, palatium visibilis huius creaturæ, *gunsis inuisibilibus appensum, ubi amplius laboret lector subtilitate relatoris, quam impinguatur admiratione siue delectatione Creatoris. O delicata & deliciosa nimis anima, si domum Pharaonis, si Nabuchodonozor, si principum huius mundi habitacula depicta & curiositate inexplibili subornata desideras aspicere, collige ligna de syluis Poëtarum, ut de lectione eorum luxuriosa Gentilium lupanaria construas, non religiosa Christianorum templa! Libri enim Auctorum theatra querunt, publicum amant, frequentiam frequenti plausu appellant; non enim conscientiam, sed popularem gloriam suspirant. Moyses verò in deserto solitudinis deserti animi mores, æmulatione Tabernaculi admirabilis (angelicæ utique conuersationis) repingit, grossiore nimirum littera siue figura, subtilitatem glossæ (id est, gloriæ angelicæ) populo dura ceruicis relegens. Et prius, quod animale, deinde quod spiritale est in constructione Tabernaculi sui sapientibus & spiritualibus exponit, sub oculis quidem corporis materiale: sub intellectu mentis, spiritale componens.

Ornat-
us &
suppel-
lex Mo-
saici
Taber-
naculi.

Huius materia, figura, longitudo, latitudo, altitudo, cortina, saga, sacerdotalia indumenta, arca, tabula Testamenti, virga Aaron, urna aurea habens manna, Cherubim, propitiatorium, velum de hyacintho, cocco, purpura & bysso retorta; pelles hyacinthinæ, mensa, candelabrum, panes propositionis, septem lucernæ, emunctoria, tabulae, bases, vectes, quinque columnæ deauratæ. Altare de lignis sethim, lebetes ad suscipiendos cineres, forcipes, fuscina, ignitum receptaculum, vasa ex ære, craticula in modum retis ænea, &c. si intellexeris quid moraliter, quid mysticè significant: solum conscientiæ construere poteris, tale quale in vniuersis regnis nullus Regum ædificauit. Æthereis siquidem tabernaculis, seu receptionibus confertur huius Tabernaculi habitatio tam diuinis meditationibus excogitata; cui ad gloriam addere superfluum est, ad gratiam difficile, ad Sacramentum impossibile. Singulæ enim singularum compositionum iuncturæ, mysteriorum sunt fecundæ, ut nusquam in tota eius compagine sit sterilis sensus in lege, spiritualibus spiritalia comparando, ut de sacro partu boni intellectus, congaudeat mens grauidata assiduitate sanctarum Scripturarum.

Exod.
25. 2.

Iam igitur, quasi tentatâ dolabrâ ad condolanda singula futuræ fabricæ membra, ponamus præ oculis ipsa legis verba, & pro modulo nostro, domum mysticam seu moralem construamus. *Locutus est Dominus ad Moysen dicens, Loquere filiis Israël ut tollant mihi primitias ab omni homine qui offert ultroque accipiens eas: hæc sunt autem quæ accipere debetis, aurum & argenti, æs & hyacinthum, byssum, pilos caprarum & pelles arietum rubricatas, pellesque hyacinthinas, ligna sethim, oleum ad luminaria concinnanda, aromata, unguentum & thymia-*

ma boni odoris, lapides onychinos & gemmas adornandum, Ephod acrationale. Non facimus extraordinariè, si accedentes ad tractandum de Tabernaculo siue de Sanctuario, prius numerando assignamus quæ & quot (præcipiente Domino) in oblationibus populi Leuitis seu Sacerdotibus Tabernaculi offerantur. Expedit namque & aperit intentionem tractantis, seorsum extrinsecus posita summa futuri operis, præterea melius intelliguntur quæ separatim tractantur. Animaduertendum denique quia bonus & diues Dominus, etsi non eget bonorum nostrorum necessitate indigentia; tamen non recusat munera nostra, bonitate clementia suæ. Magnum siquidem de profundo diuitiarum suarum mihi confert donatium, si acceptauerit tantillum peccatoris obsequium; cui æterno & incommutabili, vix idoneum reputatur cæleste & angelicum. Præstabilius quoque inclinatur summa Maiestas ad creaturam suam, si obsequia eius non recusauerit, quàm si sua supererogans beneficia, humanis votis postulata præbuerit. Vñ nempe iam & consuetudine Deus gratis nobis seruire didicit, raro autem nec sine privilegio gratia, ab aliquo reciproce seruitium exegit.

Ait ergo, *ab omni homine qui offert ultroneus accipietis eas.* Qui nolens & inuitus alicui beneficium tribuit, quasi nuda manu vrticas & spinas extirpans, faciem confricat accipientis: recusat autem sufficiens sibi gratia, ingratum famulantis animum: *hilarem autem datorem diligit Deus*, vt non ex tristitia aut ex necessitate denigretur facies præstiti obsequii, sed pinguis refudet caput holocausti de adipe superfluentis liberalitatis. Ultroneus itaque offert, cui subest plus velle quam posse, & parum se pensat facere, si non excederit ampliori voluntate suum posse. Ultroneus offert, qui non spiritu seruitutis in timore, sed spiritu adoptionis præuolat diuina mandata adimplere. Quid verò offert ultroneus? *Primitias*, inquit, *accipietis ab omni homine qui offert eas ultroneus.* Diuinæ gratia dedicandum est tam omnis motus bonæ voluntatis, quàm initium cuiuslibet rectæ actionis: *quid enim habes quod non accepisti?* Noli ergo gloriari quasi non acceperis, sed de primitiis tuis honora Deum tuum, à quo est omne datum optimum & omne donum perfectum descendens à patre luminum. Pelagianista qui absque Deo se aliquid boni æstimat habere, non offert primitias ultroneus; sed tu seruus (immò filius gratia, gratis enim originaliter venundatus es, & absque argento misericorditer redemptus, vtique sanguine Agni incontaminati IESV CHRISTI) da gloriam Deo, & redde Altissimo primitias tuas, dicens: *Non nobis Domine non nobis, sed nomini tuo da gloriam.* Sequitur: *hæc sunt quæ accipere debetis, aurum, argentum, &c.*

Prælibato igitur significationis mysticæ sensu, quasi Tabernaculo osculato, compendiosè ad sequentia euolemus, vt horum pace vbi labor nos expectat operosior, nondum fatigato spiritu commigrare maturemus, vt cum opportunum fuerit quodlibet horum quæ hic sigillatim distribuuntur, sine fastidio excipiat; vt quod minus solemnitatis in prima salutatione eis oblatum fuit, plena recapitulatione suppleatur; frequenter enim sequens tractatus, auri, argenti, æris, hyacinthi, purpuræ & aliorum, tam nomina quàm opera replicabit. Compendiosa igitur expositione aurum

Deus
iam ex-
consue-
tutine
nobis
seruit
gratis.
2. Cor.
9. 7.

Supel-
lectilis
Mofay-
ci ta-
berna-
culi
myfti-
ca in-
terpre-
tatio.

designat claritatem veræ sapientiæ, argentum, nitorem sacræ eloquentiæ; æs oris confessionem ad salutem? Hyacinthus cœlestem conuerſationem, purpura corporis passionem, coccus bis tinctus Dei & proximi dilectionem; byſſus carnis caſtitatem; pili caprarum, pœnitentiæ habitum, pelles arietum rubricatæ Doctores dominici gregis proprio ſanguine baptizatos; pelles Hyacinthinæ, corpora ſpiritualia in reſurrectione; ligna ſethim Sanctorum firmitatem, qui nullo vitio corrumpuntur, oleum ad luminaria, fulgentes fructus charitatis & miſericordiæ aromata, vnguentum & thymiana boni odoris, opinionem boni operis ad exemplum bene viuendi: Lapidēs onychini & gemmæ ad ornandum Ephod ac rationale, miracula Sanctorum & opera virtutum, quibus ornantur cogitationes & operationes. Ecce ſummatim tranſcurramus ſingulas oblationum ſpecies, quarum virtus toties repetitur quotiens earum uſus in confessione ſacerdotalium indumentorum, vel quibuſdam alijs enumeratur. Iam ad Sanctuarium tranſeamus. *Faciantque mihi Sanctuarium, & habitabo in medio eorum, iuxta omnem ſimilitudinem quam oſtendam tibi & omnium vaſorum in cultum eius.*

Cōtra-
ctus no-
minis
& inno-
minati.

In humanis contractibus, quorum plures & diuerſæ ſunt ſpecies, ſicut diuerſa contrahentium intētiōes, aliquid proponitur, quo vtræque partes conſentientes contractui adquiſcunt. Verbi gratia, in emptione equi, conſtitutum pretium vtrique parti propter equum tradendum placet: Vel, in domo mihi à te conſtruenda, expreſſum pretium me tibi dare conuenit. In vtroque iſtorum contractuum, quorum alius dicitur nominatus, alius innominatus, aliud datur, & aliud accipitur. Rari equidem ſunt contractus, in quibus ſola unius tantum partis vtilitas attendatur, commodatum commodatarii & depositum deponentis. Hæc de humanis noſtris actionibus non ſuperfluo interpoluerim, cum de diuinis ad homines contractibus ineundis, aliquid in præſenti loco dicendum ſit. Nam Deus per Moyſem mandat filiis Iſraël, vt ſibi faciant Sanctuarium, ſed vtrum ſine pretio, an quo pretio? Vtique non ſine pretio: quo ergo? expreſſo an non expreſſo? Planè vereor dicere, non expreſſo, quia dicit: *Habitabo in medio eorum.* Nilominus prohibeor aſſerere expreſſo, quia exprimi non poteſt habitatio Dei inter homines. Dico autem, *expreſſo*, pollicitatione, in expreſſo fruitione. Placuit enim Deo promiſſum ſuum, verbo virtutis ſuæ exprimere, ſed homo donum Dei ſuper omnia benedictum & glorificatum, tota exultatione potuit glorificare, non autem ſermonibus explanare. Filij Iſraël intelligite Deum non adduci aliqua indigentia vt petat à vobis Sanctuarium, quali non habens vbi reponat ſancta ſua. An minùs amplum eſt cœlum, an non, *cœlum cœli Domino*? An ſunt ſancta quæ non capiat amplitudo, cœlorum?

Genef.
2,

Reuera cœli pleni ſunt Dei gloriâ, quæ eſt *Sanctuarium quod firmaverunt* manus Dei, terra verò maledicta in peccato Adæ, *inanis eſt & vacua.* Sed placuit profundo diuitiarum ſapientiæ & ſcientiæ Dei, inclinare ex hoc in hoc ad rigandum de ſuperioribus ad inferiora, vt ſaltem ſimilitudine gloriæ Dei in ſpeculo & ænigmate viſibilis ſtructuræ Moſayci taberna-

culi, præriperet maiestatem verorum bonorum interiorum oculus illuminata rationis, & æstimaret utcumque de similitudine veritatem & inefficaretur visibili specie, ad inuisibilem gloriosæ substantiæ explanationem. Præmonstrantur insolitæ figuræ visibus humanis, ut reducta cogitatio à solitis, meditetur subtili reuolutione, præter hæc esse quædam magis insolita, quorum claritate æterna, inuisibili contubernio imprægnata, pro modulo suo temporaliter reluceant ista sancta secularia, quæ tantum ad similitudinem illetricem, non ad veritatem satiatricem commodata sunt. Non igitur gulosa præcipitatione calamus historiæ Iudæe absorbeas, qui tibi datus est in ore, non ut illum deglutias, sed ut per illum, vinum in claustris cœlestis sapientiæ tanquam in doliis repositum, suauiter & cum temperantia bibas. Planè nimium mordaciter calamus legis stringis; cum solam sine spiritu litteram in libris Moyse attendis. Vbi autem inconsideratè & immoderatè in ore calamus concludis, sublato meatu spiritalis intelligentiæ, corticem mandis non vinum bibis. Diligenter ergo attende quod dicitur; *faciant mihi Sanctuarium iuxta omnem similitudinem Tabernaculi quod ostendam tibi*. Angeli habent veritatem, tu habes similitudinem. Si credis te habere similitudinem nondum veritatem, à similitudine peruenies ad veritatem.

Introducitur itaque similitudo ad veritatem. Si autem in lege sine gratia, veritatem præsumis te habere non similitudinem; & veritate carebis & similitudine priuaberis. Quare ergo finem legis qui est CHRISTVS plenus gratia & veritate, quia finis in veritate est non in similitudine. *Iuxta omnem similitudinem*, ait, *Tabernaculi quod ostendam tibi*. In tanta ciborum abstinence, & in tam longa remotione à curis secularibus, Moyse oculos mentis & animum pausse creditur diuinis reuelationibus; nimirum & oculo carnis credo quod aliquas mirabiles & insuetas visiones viderit. Quomodocumque autem viderit siue in carne, siue in spiritu, cœlestem illam angelicamque conuersationem, qualicumque annotatione, iubetur illa manifestare populo suo, ut qui præ lippitudine carnalis conuersationis radios ipsius veritatis percipere non valebat, obumbratione mystica lustrando visibiles formas, per inuisibiles visibilium formarum rationes Tabernaculi, utcumque assuesceret mentem à visibilibus ad inuisibilia transferre. Pertinet verò omnis hæc mystica similitudo, ad plenitudinem charismatum vniuersalis Ecclesiæ, quam IESV propinante de fonte gratiæ, etiam in via peregrinationis propter abundantiam charitas bibit. Plenitudo denique Sacramentorum imitatur similitudinem Angelorum.

Disquire profunda fidei nostræ mysteria, & nullum superenabit futurae spei præmium, quod non prægustauerit visibili Sacramentorum administratione, inuisibilis fides quæ est *argumentum non apparentium*. Dico autem de fide Ecclesiæ non de fide vnius fidelis personæ, quamquam & totum credat quicumque est in Ecclesia, quod credit tota ipsa Ecclesia. *In vestitu* tamen *deaurato*, *Regina* astitit *circumamicta* *varietate* personarum & meritum, tot habens fidei diuersoria quot fidelium corda, & quot similitudines An-

Moyse
fortè
etiam
oculo
carnis
mira
vidit in
monte.

Fidelis
quis-
que id
credit
quod
tota Ec-
clesia.
Psal. 14.

Eccle-
sia ple-
nitudo
it sine
saeculi
quæ nã
futura
sit.

gelorum, tot distinctiones gratiarum. Vbi autem in consummatione saeculi, & merito & numero omnis adimpleta fuerit in Ecclesia similitudo Angelorum, vt de similitudine transeat ad veritatem, & sit mensura hominis quæ est Angeli; tunc fiet *unum Oile & vnus Pastor* hominum & Angelorum *vt sit Deus omnia in omnibus*. Iam non similitudines auri, vt dicitur in canticis Doctores faciant Ecclesie, sed æqualitates, quia non imitabuntur homines conuersationem cœlestium, sed mutabuntur in consortium beatorum Spirituum, vt sint *sicut Angeli Dei* in cœlo, non in labore meritorum, sed in perceptione præmiorum. Tunc qui plus meruit in similitudine, ampliùs coronabitur in veritate, & quò fuit similior in virtute, eò conformior erit in maiestate. Officio namque gradu & ordine distinguitur in Angelis curia cœli, nihilominus & in ministris suis Ecclesia Dei. Destinata sibi singuli ordines in cœlo explent officia vtique & in Ecclesia: nec vsurpat prælumpione temeraria quisquam attrectare, quod non accepit in officii sui assignatione.

Ange-
lorum
distin-
ctio
multi-
plex.

Varia
Ange-
lorum
mini-
steria
in cœ-
lis.

Sunt ergo isti, *vasa in honorem* magnæ domus & vtilitatem, de quibus sequitur, & *omnium vasorum in cultum eius*; quasi (mysticè) alio vase bibat Deus incircumscrip- tus spiritus, alio comedat, alio sedeat, alio man- nus abluat, alio pedes, alio incensum accipiat, alio lucernam accendat, alio manna reponat, alio thesauros includat, alio quolibet, alia congrua diuinitati officia exhibeat. Repressa carnali intelligentia, & mente supra omnium phantasmatum imaginatione constituta, intellige actiones con- suetudinarias non consuetudinariè. Cherubim & Seraphim charitate in- flammati, quasi ori diuino, cibum & potum deferunt, cùm omnimodo alijs spiritibus viciniùs ordine & amicitie dignitate assistunt. Throni, in veritate stantes, sessionem placidam & placitam præbent. Principatus & Potestates, quasi aquam & manutergium suggerunt; cùm nos defenden- do ab hostibus, gratiam securitatis & audaciam repugnandi conferunt. Do- minationes pedes abluunt; cùm nostra peccata suis postulationibus immi- nuunt, & dominationem super peccatis acquirunt. Virtutes incensum boni odoris accendunt; cùm de Sanctorum virtutibus gratias incompre- hensibili maiestati referunt. Archangeli lucernam accendunt, cùm myste- ria profunda secretorum cœlestium, reuelando exponunt. Angeli manna reponunt; cùm à nobis diuina consilia abscondunt, & thesauros includunt; cùm à malignis spiritibus nostra bona opera defendunt, & in conspectu Agni deferunt.

Eccle-
siastica
supelle-
ctilis
index
& vsus.

Eodem ordine Ecclesia quæ etiam *ordinata*, vt *castrorum acies* incedit, & in singulis ministrorum suorum ordinibus singulas Angelorum virtutes accipit. Vide vasa aurea & argentea in domo magna quæ est Ecclesia, ad cultum eius. Calix cum patena ibi est, ampulla olei & chris- matis, ampulla vi- naria & ampulla in vsum aquæ, pelues, thuribulum, candelabra, piscina, lampades & quædam alia. Sancta illa anima quæ charitate Seraphim in- flammatur, calici & patenæ destinatur, illa quæ Cherubim scientiæ pleni- tudine impletur; ampullæ vinariæ assignatur; illa quæ Throni tranquili-

rate ferenatur, ampullæ chrismatis delegatur. Ampullam quoque olei defert illa anima, quæ in gratia mederi potest contritis corde & animi languores sanare. Ampullam aquæ defert, quæ humanis afflictionibus, passionibus IESV compatiens, con crucifigitur ei & commoritur, tam in memoria mortis, quam in Sacramento viuificæ communionis Corporis & Sanguinis Domini. Thuribulum ministrat, qui bonus odor CHRISTI in omni loco famam bonam aspergit & sanctum nomen quod super se inuocatum est, sancta conuersatione, his qui foris sunt & intus immolefcit. Pelues siue buccinas defert, qui Pilati sæuitiam, & CHRISTI attendens innocentiam, manus suas lauat non solum in sanguine Agni, sed etiam hædi: irriguum superius ab Agno, & irriguum inferius ab hædo accipiens. Siquidem cum Agnum nascentem suscipio, de benignitate & innocentia ammoner; cum in similitudine carnis peccati pro peccatoribus, & cum latronibus morientem video, spem remissionis, in tanta patientia IESV concipio. Candelabra defert, qui Domino cooperante, & sermonem confirmante, Euangelium sine sumptu ponit, pro cælo non pro nummo annuncians regnum Dei. Lampades accendit, qui simplicium conscientias illustrans, in iunco memoriæ eorum, amorem Dei infigit. Piscinæ præest, qui assiduus lamentis compunctus, oculos habet sicut piscinæ in Elebon.

Sacra-
mentū
viuifi-
cæ cō-
munio-
nis cor-
poris
Christi

Sequitur: sicque facies illud: Arcam de lignis sethim compingite, cuius longitudo habebit duos & semis cubitos, latitudo, cubitum & dimidium: Altitudo cubitum similiter & semissem, & deaurabis eam auro mundissimo intus & foris, faciesque supra coronam auream per circuitum. Ordine non incongruo cæleste mandatum consequenter ordinans, quomodo fieri debeat Tabernaculum iuxta sensum mysticum, Arcam quæ Christum significat, prius disponit, & limitibus propriæ compositionis definit, assignans ipsius longitudinis, latitudinis & altitudinis dimensionem. Totum namque Incarnationis CHRISTI mysterium ab æterno, in mente diuina dispensatum, totum mutans ab occultis sapientia Dei, opportunis figurationibus in Patriarchis & Prophetis allegatum; totum in ipso, nouissimis temporibus humiliter adimpletum, tam firmiter credimus, quàm fideliter viuimus. Non immeritò autem CHRISTVS Arca nuncupatur, quia sicut arca in domo valde necessaria est, vt non solum panis ibi ponatur, sed vestis & pecunia, & quælibet alia sub clauē signanda & conseruanda, sic in CHRISTO reponitur opus nostræ saluationis, quasi panis refectionis, reponitur vestimentum dealbationis, vt ibi legitur quotquot baptizati estis, Christum induistis, reponitur nihilominus & pecunia redemptionis; vt ibi redemptionem misit Dominus populo suo, reponitur & thesaurus totius diuinitatis, quia in CHRISTO habitat omnis plenitudo diuinitatis corporaliter.

Exod.
25.

Chri-
stus est
Arca
Eccle-
siæ.
Gal. 3.
27.

Arca igitur est, nec semper aperta, ne studium quærendi tollatur, nec inclementer clausa, ne instantia requirentium frustretur. In manus patris clauis resignatur propter mysterium à sæculis absconditum, ne fures effodiant consilium Dei & furentur intentionem Incarnationis CHRISTI.

Myſte-
rium
incar-
natio-
nis
Chriſti
dæmo-
nibus
abſcō-
ditum
ne fru-
ctum
illius
impe-
diant,
* me-
lius ſā-
guis.

Pater claudit & nemo aperit: quia natiuitatem diuinam in ſecreto ſuo abſcondit, ipſe, aperit & nemo claudit: quia generationem humanam mundo innotuit. *Nemo*, inquit, *noſcit filium niſi pater*, &c. Principi Apoſtolorum aperta eſt Arca, cū diceret: *Tu es CHRISTVS Filius Dei viui*. Vnde dictum eſt ei: *Beatus Simon Barjona, quia caro & * ſpiritus non reuelauit tibi, ſed Pater meus qui eſt in cælo*. Duobus illis quoque ambulanti- bus in via tenebantur oculi ne cum agnoſcerent, non aperiebatur donec pa- nis frangeretur. Ad hanc Arcam paruuli qui eſuriunt & ſitiunt iuſtitiam, accedunt & panem petunt, dicentes: *Panem noſtrum quotidianum da nobis hodie*. Ad hanc, canes & catelli conuertuntur ad vesp̄eram cū famem patiuntur, quia tandem peccatores & nouiter ad Deum conuerſi, acriter remordentur in conſcientia de malis ſuis, fracturas ſiue buccellas miſerationum Dei anxie quærunt & pœnitentiam non deliciſe appetunt, ſed in- differenter quicquid ingeſtum vel iniunctum fuerit, ore auido rapiunt & deglutunt. Vt enim charitas omnia credit, *omnia ſuſtinet*, ſic fames omnia comedit, omnia abſorbet. Non explorat quid delectet, ſed quid ſatiet: non conſulit guſtum, ſed ſtomachum. Nullas partitur moras palato, ſed accepta, citò mandat ſtomacho. Equè, ſine dubio, famelicus iuſtitie, fame- licus patientie; poſtpoſita deliberatione conſilij, quid agendum ſit: ante agit, quàm deliberet: tam citò adimplet bonum, quàm citò ſuſcipit man- datum: Non eſt difficultas in faciendo, vbi voluntas ſemper ſupereſt in bono.

Hæc de nomine Arcæ: iam videamus de compoſitione, *Arcam de lignis ſethim*, ait, *compingite*: Corpus illud Dominicum de ſacris viſceribus virginalis vteri conceptum & natum obumbrante Spiritu ſancto, lignis ſethim congruè comparatur: quia ligna iſta imputribilia ſunt & leuia, & igni appoſita non afficiuntur damno combustionis, ſed indurantur ſoliditate robuſtiori. Sunt quoque ſimilia albæ ſpinæ: incorruptibile ſiquidem eſt corpus CHRISTI; quod neque computruit aliquando in ſtercore hu- manæ conuerſationis corruptione peccati, nec in ſepulchro, puluere mortis. Vnde *non dabis Sanctum tuum videre corruptionem*. Leue quia nullatenus originalis peccati ſiue actualis oppreſſum grauedine *ſuper pen- nas ventorum*, adhuc in carne, deambulauit vndaſque ſolido itinere calca- uit: & poſt mortem ac Reſurrectionem, ad dexteram patris, leuatis ma- nibus corpore aſcendit. Igni denique Paſſionis ſuppoſitum corpus Domi- nicum, tanquam lignum ſethim, non euauit in cineres combustionis, ſed conualuit in impaſſibilitatem Reſurrectionis: Exarſit namque inuidia Iudæorum aduerſus Ieſum (vt ait Pſalmiſta) *tanquam ignis in ſpinis*: ſed rubus Moyſi, in flamma ardens, non eſt combuſtus, in pœna ſua pœnam noſtram euacuans, & à culpa naturam, per pœnam liberans: hoc autem totum, quia ſimile eſt hoc lignum albæ ſpinæ, non vtique veritate naturæ, ſed conditionis ſimilitudine. Nam veritas carnis in eo non fermentatur cor- ruptione vetuſtatis, ſed configuratur ſimilitudini carnis peccati, vt de ſpe- cie aduerſarium illiceret, de veritate nobis patrocinium pararet. Spe- ciem obiecit Draconi, vt illuderet, veritatem tenuit, vt veraciter non fal- laciter

laciter naturam à miseria separaret. Verus homo, propter veram in eo naturam humanam, similis homini, propter pœnam non culpam.

Hæc Arca, in longitudine duos habet cubitos & semissem, quia patiens & longanimis fuit, tam in doctrina, quàm in operatione sua, qui sunt duo cubiti, & tarditatem discipulorum æquanimiter sustinuit, qui est semis. In latitudine verò habet cubitum & semissem, vt per vnum cubitum perfecta illa charitas designetur, quia nos adunare sibi voluit, dicens Patri: *vt sint vnum in nobis, sicut & nos vnum sumus*. Per semissem nihilominus doceatur quia ex parte diligimus, sicut *ex parte cognoscimus*: & hanc nostræ capacitatis imperfectionem complectitur Dominus. In altitudine quoque habet cubitum ac semissem, quia plenè nouerat, etiam in hac carne corruptibili, quanta gloria, vel sibi præparata esset in cœlis, vel nobis, quod est vnus cubitus: pertulit denique libenter in se deuotionem nostræ carnis, qui pia intentione futuram patriam diligimus, sed nondum quæ sit eius felicitas capimus: quod est dimidius. Grande est cum omnibus Sanctis apprehendere, quæ sit hæc latitudo quam Apostolus diuidit in sublimitatem & profundum. Expresso tandem funiculo mensuræ quo dimetiuntur longitudo, latitudo, sublimitas & profundum cordis, superintendamus quæ sit mensura corporis CHRISTI, & in eam conferamus mensuram cordis & corporis nostri.

Ioan.
17. 20.

Ecce funiculo euangelico, à conceptione CHRISTI, dinumera patientiam eius nulla interruptione impatientiæ quassatam, vsque ad emissionem spiritus in cruce, & succumbens super omnem calculum, inuenies eam. Confortata enim est patientia humanitatis, solatio diuinitatis: & non possum ad eam, cuius impatientia acuitur languore naturæ, & inflammatur peruersa tacendi consuetudine. Excelsior cœlo est patientia CHRISTI, quia nec in commotione cœli aduersus insensatos, excutitur à tranquillitate sua qui habitat in cœlis. Profundior Inferno est, qui nec in Inferno condemnatis irascitur, quantum merentur. Latior terra, quia licet maledicta in opere Adæ terra, tamen *miseriordia Domini plena est terra*; vel saluante conuersos, vel mitius puniente impios. Quid plura? Et patientiæ eius non est numerus, immo nec sapientiæ, nec charitatis, nec omnium virtutum quæ in CHRISTO sunt, non enim ad mensuram datus est ei spiritus: utique nec dona eiusdem Spiritus.

Christus nō tantum irascitur dānatis, quantum merentur.
Miseriordia Dei duplex.

Sequitur, & *deaurabis eam auro mundissimo, intus & foris*. IESV tanta animi puritas, tanta operum magnificentia extitit: vt nec angelica natura assequatur puritatem, nec scriptura apprehendat miraculorum maiestatem. Intus, est puritas conscientiæ, foris claritas famæ. *Celi enarrant gloriam Dei*, quæ occultabatur in anima, & *opera manuum eius annunciat firmamentum* euangelicum quæ sunt omnia miracula diuinitatis. Auro mundissimo deaurata est arca IESV, intus: quia nec passio, nec propassio vitij ianuas animæ eius pulsauit, auro mundissimo deaurata est: quæ vnita diuinitati, nec sapientia Dei priuata est, nec gloria: auro mundissimo deaurata est; quando cogitabat cogitationes pacis & non afflictionis: auro mundissimo foris deaurata est cui tam facile fuit bonum posse quàm velle,

D d d

auro mundissimo foris deaurata est: quæ foris redemit quod intus creauit. Intus namque inuisibili maiestate hominem creauit: foris in humili forma & habitu redemit. Auro mundissimo foris deaurata est, quæ dicit: *Quis ex vobis arguet me de peccato?* Auro mundissimo foris deaurata in Transfiguratione: immo in Resurrectione & Ascensione: ex quo etiam noueramus, *CHRISTVM secundum carnem, sed nunc iam non nouimus.*

Heb.
2. 9.

Sequitur, *Faciesque supra coronam auream per circuitum. Eum qui in modico minoratus est ab Angelis IESVM*, ait Apostolus, *vidimus gloria & honore coronatum*: Corona aurea, gloria Resurrectionis & Ascensionis IESV, *per circuitum*, quia ex hoc nunc & vsque in sæculum, *CHRISTVS IESVS* sedet ad dexteram maiestatis in excelsis, *tantò melior Angelis effectus*, quantò differentius præ illis nomen hæreditauit: *per circuitum*, quia *Dominus regnabit in æternum & ultra*. *Supra*, quia in humanitate meruit, quod in diuinitate nunquam amisit: supra quia genitus à Patre luminum secundum diuinitatem, deificatus est secundum humanitatem: vnde, *clarifica me Pater, claritate quam habui apud te ipsum, priusquam mundus esset*. *Corona*, propter æternitatem: *aurea* dicitur, propter claritatem: *Corona*, quia meritis redditur: aurea, quia per gratiam merita coronantur: sua enim in nobis Deus dona remunerat. *Corona*, quia non auferetur in æternum: aurea quia non vilescet per fastidium. *Facies* itaque *supra coronam auream per circuitum*.

Deus
remu-
nerat
in no-
bis do-
na sua.
SS. 4.
Euan-
gelio-
rū en-
comiū.

Sequitur, *& quatuor circulos aureos quos pones per quatuor Arce angulos*. In Arca IESV, quatuor fuerunt circuli aurei: quia quatuor principales virtutes, Prudentia, Fortitudo, Iustitia, Temperantia principaliter in eo tanquam in Rege virtutum fuerunt. Siue quatuor circuli aurei in eo fuerunt; quia ex sapientia quæ ex ore eius prodiiit, & à fine vsque ad finem totius orbis euolauit, Euangeliorum libri intitulati sunt. Tam virtutes vero quàm libri euangelici, circuli aurei bene dicuntur, quia nulla in eis obliquatio falsitatis, nulla interruptio vanitatis, nullus excessus superfluitatis, nulla coarctatio imperfectionis. Totum rotundum de veritate, totum æquale de æquitate, totum integrum de naturæ reparatione, totum perfectum de gloriæ consummatione. In idipsum recurantur singuli Prædicatorum conatus, vt vndecumque & quodcumque & quantumcumque sermo exorsus feratur, vita animæ queratur: salus cogitetur, Deus ametur, memoria patriæ celebretur. Vnus in inuicem reflexus singularum & omnium virtutum; dum innexis brachiis alternatim impeditur mutuus aspectus & amplexus; Prudentiæ gremium Iustitiæ, Fortitudinis & Temperantiæ, germano amore subeunte; item Iustitiæ, Prudentiæ, Fortitudinis & Temperantiæ, repente & vicissim qualibet earum similiter agente. Sed aurei circuli sunt, vbi necessitate nil agitur, sed naturali bonitate, sed gratuita executione, virtus colitur, bonum agitur, & amore boni bonitas tenetur. Nam in CHRISTO, virtutes fuerunt sine auaritia: prædicatio Euangelij, sine fallacia. Itaque sunt circuli aurei.

Sequitur: *quos pones per quatuor Arce angulos*, vel quatuor partes mundi, vel quatuor passionēs animi intelliguntur, quatuor arcæ anguli. Ponun-

tur autem per quatuor arcæ angulos, quatuor circuli aurei, quando aut in toto mundo Euangelium prædicatur, aut totus animus quadrifida virtute renouatur. Sequitur: *duo circuli sunt in latere vno, & duo in altero*, duo Euangelistæ, Ioannes & Matthæus in vno latere ponuntur, quia cum CHRISTO in carne conuersantur: & duo (Lucas videlicet & Marcus) in altero, quia post Resurrectionem in ministerium Euangelij assumpti sunt. Apertè quoque qui Incarnationem & Passionem prædicauerunt, in vno latere sunt, qui verò Resurrectionem & Ascensionem in altero. Prudentia quoque & Iustitia, quasi vnum latus CHRISTI muniunt, cum opus Incarnationis, tam prudenter inchoatum est, vt diabolo celaretur, tam iustè, vt omnis iustitia per eam impleretur: aliud vero latus Fortitudo & Temperantia susceperunt, quia Fortitudo operata est Resurrectionem: Temperantia Ascensionem. Summa enim temperantia fuit, cum vnitam sibi naturam nostram Deus Verbo coæquans summe gloriificauit, & quam per primum Adam ad extremum suppliciorum humiliauerat, ad supremum præmiorum, per secundum Adam extolleret. Fortitudo verò Resurrectionem: quia, vt ait Psalmista, *in multitudine virtutis tua mentientur tibi inimici tui*, qui dixerant, *non est salus ipsi in Deo eius*. In Resurrectione namque *mentita est iniquitas sibi*. Quatuor etiam circulos aureos in arcæ lateribus ponit Apostolus, cum dicit de CHRISTO: *qui factus est nobis à Deo, Sapientia, Iustitia, Sanctificatio & Redemptio*. His circumfertur circulis arcæ nostra: quia in his virtutibus, causa & effectus nostræ saluationis consistit. In vno latere: Sapientia quæ docet & Iustitia quæ implet ponuntur: in altero Sanctificatio, quæ curat & Redemptio quæ liberat. Sapientia remouet stultitiam, Iustitia iniustitiam, Sanctificatio immunditiam, Redemptio pœnam. Possunt etiam duo circuli in latere vno, designare instantiam Saluatoris, quâ culpam amouit: duo in altero, illam æquè instantiam quâ pœnam depulit.

Sequitur: *facies quoque vestes de lignis sethim, & operies eos auro, induesque per circulos qui sunt in arcæ lateribus, vt portetur in eis*. Doctorum qualis debeat esse doctrina & vita insinuat, cum dicit vnde fieri debeant vestes, & ad quid fiant. Quare namque de lignis sethim fiunt vestes; nisi vt Doctorum vita sit imputribilis, per castitatem; fama suauis, per sanctam conuersationem; habitus humilis, per propriam sui abiectionem, lingua modesta per gravitatem; mens docta, per assiduam Scripturarum meditationem? Qui enim vestes, id est, prædicatores, de lignis sethim, id est, casti & humiles arcam fœderis portare debent? Qualis namque paterfamilias, tales & domestici eius. Vt enim sermones cognati sunt his rebus de quibus loquimur: sic mores concordare debent sermonibus quibus loquimur. Sit tua electa conuersatio, vt sit recta prædicatio, immo studiosius satage bene viuere, quàm facundè loqui. Auro quippe operiendi sunt vestes, vt sapientiam loquantur inter perfectos, vt bono exemplo reluceant inter improbos, vt *conuersationem suam inter Gentes habeant bonam*, &c. Auro operiendi sunt, quia arcæ circumtecta est ex omni parte auro. Inconsonum quidem est, si auro Deilignum tuum inferas nudum, sensu hu-

Docto-
rū vita
qualis
esse de-
beat.

mano profunda mysteriorum discutiens, & clauē lignea venerabilium thesaurorum ostium aureum resoluens. Certè, res Dei, sermonibus diuinis explicandæ sunt, & non est nemus Aristotelicum plantandum iuxta altare, vt fidei Sacramenta obumbremus infinitis, & superfluis inquisitionibus, quæ *non sunt utiles, nisi ad subuersionem audientium*. Inducendi sunt per circulos qui sunt in arcæ lateribus, ne sicut dictum est, calamus linguæ prophetis intingatur attramentis, sed tantum euangelicis. Non dogmatizet in Ecclesia prædicator, secundum errores hæreticorum, vel secundum seductiones Philosophorum, quorum *aque furtiue dulces sunt, & panis absconditus suauior*. In Euangelio, sensu vtatur euangelico, non circulos extorquens & extrahens de lateribus arcæ, sed vinctes inducens per circulos qui sunt in lateribus arcæ: vt non ad sensum suum inclinet Dei verbum, sed ad Euangelium inflectat, & sermonem & sensum. *Vt portetur in eis: glorificate*, ait Apostolus, & *portate Deum in corpore vestro*: porta Arcam vt obedias Euangelio: porta Arcam vt annuncies Regnum Dei.

1. Cor.
6. 20.

Docto-
rum vi-
tia.

Sequitur: *qui semper erunt in circulis, nec unquam extrahentur ab eis*, vnde *meditatio cordis mei in conspectu tuo semper*. Valde contraria sunt, Semper esse & nunquam esse in circulis. Rarè aut nunquam sunt in circulis Doctores illi qui forum pro Monasterio, clamores pro Euangelio, accipitres pro manipulo, chlamidem purpuream pro stola, canes leporum pro lectione librorum habent. Hi *commutauerunt veritatem Dei in mendacium*, vt cum dixerit Dominus, *semper erunt in circulis, & nunquam extrahentur ab eis*: ipsi nunquam inducantur. Sed bonus Doctor semper sit in circulis, quia *beatus vir qui in lege Domini meditabitur die ac nocte*. Item, *os iusti meditabitur iustitiam*. Semper est in circulis, qui neque viuendo præcepta violat Euangelij, neque docendo, regulas veritatis offendit: semper est in circulis, qui, quasi euangelicis vinculis compeditus, propriæ voluntatis libitu numquam vtitur: oculos, manus, pedes, aurem, linguam & cætera membra euangelico compede sic coarctans, vt nunquam extrahat impulsu cuiuslibet commotionis, sed contineat æterna lege sanctificationis.

Ponesque in Arca sanctificationem quam dabo tibi. Eodem ordine nec non & ratione, prius Arca construitur, ac deinde testificatio poni in ea decernitur, quo prius facta & ornata habitatione mundana, homo tanquam habitator & Dominus, ad vltimum creatus fuisse refertur. Nusquam profectò, testificatio diuinitatis corporaliter reponenda, nisi in corpore IESV, nisi in Arca Sanctificationis, nisi in anima singulariter Deo digna, quæ fornace Spiritus sancti, in creatione sua, coagulis originalibus eatenus excocta est, vt tam esset à peccato remota quàm Deo vnita. Nec peccato præoccupata est, quam præuenit *Deus in benedictionibus suis*, vt quasi spiritus laboraret in purgationibus eius, quam præparabat in diuinis desponsationibus: sed tam affuit sanctus in creatione, quàm pius in Verbi coniunctione. Nulla denique temporum distantia interueniente Arca construitur, & demum testificatio in ea ponitur, sed simul arca animæ & corporis IESV cum impositione diuinitatis compingitur, vt assumendo crearetur, &

creando assumeretur & sanctificando assumeretur siue crearetur, & assumendo crearetur siue sanctificaretur. Nec obiicias, quod prius arca construitur, & deinde testificatio in ea ponitur, quasi ex hoc concludens prius carnem CHRISTI fuisse conceptam, & deinde à Verbo assumptam, sed crede, simul in conceptione animam & carnem assumptam, & in assumptione, acceptam & conceptam. Vnde Augustinus: firmissimè tene & nullatenus dubites, non carnem CHRISTI sine diuinitate conceptam in vtero Virginis priusquam in vtero susciperetur à verbo, sed ipsum verbum Deum suæ carnis à conceptione conceptum.

Verbū in Incarnatione, eodem instanti assumpsit carnem & animam.

Pones igitur in Arca testificationem quam dabo tibi, vt credas de CHRISTO testificationibus Dei, quia testificatus est Pater de Filio suo, vt acquiescas oraculis & testificationibus Prophetarum & Apostolorum de CHRISTO, quia testes sunt Dei vt scriptum est: *Vos estis testes mei*, & in Actibus Apostolorum, & *eritis mei testes in Hierusalem*, &c. Est etiam testificatio quæ in Arca ponitur, lex seu decem legis mandata, quæ in duabus tabulis scripta sunt: secundum Apostolum verò, *in Arca erant due tabule Testamenti*, erat *urna aurea habens Manna*, erat & *virga Aaron qua fronduerat*. Tabulæ Testamenti designant omnem scientiam paternorum secretorum in CHRISTO, & omnem potentiam iudiciorum: in illis enim & fides diuinitatis inscripta erat, & mandata quibus seruire Deo oportet, & iudicii discretio quæ se odientes damnat & diligentes remunerat. Urna aurea, anima CHRISTI: *habens manna*, id est, *omnem plenitudinem diuinitatis*. Virga Aaron, potestas Sacerdotii iusta, *qua fronduerat*, altera die resurrectionis, non expectata communi Resurrectione. Hæc omnia in Arca, id est, in CHRISTO fuerunt, & hæc est testificatio quam dedit Dominus. In testimonium enim suæ bonitatis & nostræ rebellionis, hæc omnia fecit Deus, vt ait Iob: *instauras testes tuos contra me*.

Heb. 9. 4.

Sequitur: *facies & propitiatorium de auro purissimo*. Arca de lignis sethim prius circumtegitur auro, deinde reponitur in ea testificatio, tertio supertegitur propitiatorio, id est, tabulâ quæ appellabatur propitiatorium. Quid nobis Domine, quid nobis Incarnatio, quid testificatio tua prodesset, si propitiatio deesset? Cumulo beneficiorum tuorum reatus noster augetur, nisi cum beneficiis indultis, beneficium propitiationis supererogaretur. Nam sola ingratitude damnetur, nisi & ingritudinem indulgentia propitiationis exciperet: quò namque numerosiora Creatoris beneficia, eò indefesse gratiosiora nostra debuerunt rependi obsequia. Sed vnum præ aliis, suæ bonitatis strictius religauit beneficiorum vinculum; quo spretus non alpernaretur, eiectus non abiceret, offensus non læderet, sed satisfaceret sibi pro nobis de nostra iniuria, sed requireret, sed reduceret. Quis hoc cacumine pietatis eleuatus est, nisi IESVS? quis hunc verticem gratiarum subiit, nisi Filius olei? quis tantos gurgites misericordiarum de ventre suo euomuit, nisi propitiatorium? Planè si in IESV aliquid est melius ipso IESV, id mihi est propitiatorium, id est, reconciliatorium. Sed IESVS totus desiderabilis, sed totus amabilis. Amabilis ergo in arca, amabilior est in propitiatorio: desiderabilis ex bonitate, sed

Propitiatorium quid esset in Mosis Tabernaculo.

D d d iij

Missa
immo-
lationis
salu-
berri-
ma.

desiderabilior ex propitiatione, quæ est pinguedo bonitatis: quia *superexaltat misericordiam iudicio*. Inde in Missa saluberrimæ immolationis, Sacerdos ante illam supplicationem quâ rogat perferri hostiam illam ante sanctum altare in conspectu diuinæ maiestatis suæ, præmittit propitiatorium dicens: *supra quæ propitio ac sereno vultu respicere digneris, & accepta habere sicuti accepta habere dignatus es munera pueri tui iusti Abel, &c.* Nisi enim hoc quasi verecundiæ humanæ & pavoris præmisso velo, ad inconspicabilem illius faciei fulgorem accedere peccator non præsumeret. Sed hac propitiatorii tabella præmissa, quoscunque Solis radios non veretur præ ardore, nec erubescit præ splendore. Propitio igitur ac sereno vultu non respiceret Deus, nisi propitiatorium homo haberet, quod irato obiceret, quod commoto ostenderet, quod percutienti opponeret.

Sed de qua materia hoc fiet propitiatorium? an de lignis sethim? absit! nam habent similitudinem spinæ albæ, & si non pungunt per veritatem, timentur tamen propter speciem. Sic incarnata sapientia, cum redargueret homo homines & ouina innocentia nullum condemnaret, tamen mala Iudæorum conscientia grauem ad videndum propter lippitudinem suam repugnabat, timens illum iudicem malorum suorum & non Salvatorem animarum. Mitius ergo adhuc propitiatorium quærit pusillanimis mortalium natura, id est, IESVM benignum, quod totum & in naturæ veritate, & in similitudinis specie, & in nominis appellatione propitiationem resonet, indulgentiam propinet, gratiam refudet, quod excipiat lapsum, quod consolidet remissum, quod reparet perditum, quod vincat in bono malum. Propitiatorium non attendit iudicium: merita non inuenit, sed facit, non numerat antea factos errores sed amputat. Propitiatorium veritatem accusantem procul stare iubet; innocentem seruare accelerat. Propitiatorium natat in sanguine IESV, tanquam nauis in flumine: Propitiatorium de superstibulo meretricem suscipit, & omnes eius abominationes citissime diluit, fugitiuum excipit & patriæ reddit, languidum accipit & sanat, cæcum & illuminat, leprosum & curat, mortuum & suscitatur.

Sed unde hoc propitiatorium? *de auro purissimo*, de auro purissimo fuit propitiatorium, in quod latro ille de cruce vultus defixit; cui pessimè merito, non solum supplicium gratia remissionis indulgit, sed etiam Paradisum eodem die vera & copiosa propitatio Dei contulit. De auro purissimo fuit propitiatorium Redemptoris nostri, quia in eo, non præcedentia humanæ naturæ merita, sed præueniens gratia ipsam naturam Verbo vniuit & reconciliationem seu propitiationem Dei & hominis compleuit. De auro purissimo fuit, qui de Spiritu sancto conceptus, & de integerrima Virgine natus fuit: de auro purissimo est qui gratiam suam, bonis & malis tribuit. De auro purissimo est qui facit, ut *ubi abundauerit delictum, ibi abundet gratia*. De auro purissimo fuit, qui igne clarescit, malleo proficit, passione dulcescit, morte virefcit, contumeliâ mansuescit, paupertate affluit & in pretio omni pretio pretiosius elucescit.

Sequitur: *duos cubitos & dimidium, tenebit longitudo eius*. Eadem mensura est Arce, quæ propitiatorij in longitudine & latitudine: est autem

hæc longitudinis mensura, quinque palmorum, quia duo cubiti & dimidius faciunt quinque palmos, salua maiorum auctoritate; Propitiatorij nostri quinque palmos in longitudine, quinque illas corporis sui plagas non absurdè intelligendum puto. Eò vsque etenim longanimitatem patientiæ suæ extendit, vt his prætitulatus quinque notissimis & nominatissimis plagis, à quinque nos liberaret capitalibus miserijs: prima quarum nos vrgebat crudeliter, seruitus Diaboli: secunda fortiter vinculum peccati: tertia flebiliter, exclusio Paradisi: quarta instanter, exilium mundi & pœna temporalis: quinta miserabiliter, pœna æterna inferni. In his quinque porticibus iacebat languens humana natura, & nisi haberet hominem, immo propitiatorem, qui per singulas porticus, pedagogij pœnas pro se solueret, & in aquam de latere fufam, per Sacramentum Baptismatis inferret, non euaderet.

In primo palmo siue plaga propitiatorij, à potestate Diaboli liberamur de qua dicit Apostolus, *regnauit mors*, id est Diabolus, *ab Adam vsque ad Moysen*; etiam in eos qui non peccauerunt, *in similitudinem prauaricationis Adæ*. Ait autem Apostolus, *quia sicut in Adam omnes moriuntur, ita & in CHRISTO omnes viuificabuntur: destruxit enim eum qui habebat mortis imperium*, & sic à Diabolo liberauit. Rom. 5. 14.

In secundo palmo plaga & à peccato, quæ est pessima vehementer liberamur, quando in sanguine CHRISTI iustificamur, id est, à peccato solui-
mur & per hoc à vinculis Diaboli expeditur. In tertio palmo & plaga propitiatorij, à tertia plaga quæ est exclusio Paradisi, sanamur cum illud primum Dei decretum iudiciale, ex sententia veritatis prolatum, de expulsi-
one hominis à Paradiso propter peccatum immutatum & melioratione pietatis nostri propitiatorij, implente ipso propitiatorio decretum quod prius promulgauerat, soluendo quod non rapuit, vt sua consummatissima humilitate vinceret culpam quam contraxerat genus humanum in primi hominis elatione. Aperuit itaque Paradisum & reuocauit erroneum. In quarto palmo & plaga, à quarta plaga curamur, quæ est afflictio temporalis & exilium mundi: sed interim in spe, nondum in re. In quinto palmo & plaga propitiatorij, ab illa insanabili plaga quæ est æterna pœna liberamur, cum absoluta morte in victoria, de morte triumphamus, dicentes: *ubi est mors, victoria tua? ubi est, mors, stimulus tuus?* Hæc de longitudine propitiatorij.

In latitudine autem, habet cubitum & semissem, id est, tres palmos. Trinitati namque in propitiatorio reconciliati sumus, vt iam habeamus pacem per CHRISTVM ad Deum, labe præteritorum delictorum, scaturigine præsentium, & caligine futurorum in sanguine Agni exuti. Abscondit propitiatorium in latitudine charitatis quâ dilexit nos, præcedentia nostra delicta, mitigat præsentia, præscindit futura. *Charitas enim operit multitudinem peccatorum, quâ propitiatur Deus omnibus iniquitatibus nostris*, non eas approbando, sed delendo. 1. Petr. 4. 8.

Sequitur: *duos quoque Cherubim aureos & productiles facies ex utraque parte oraculi*. CHRISTVS, qui est Arca in Incarnatione, propitiato-

rium in passione : paulominus ab Angelis minoratus est (vt ait Apostolus) secundum carnis passibilitatem. Duos itaque Cherubin aureos, id est, Angelos, ex vtraque parte oraculi, fieri iubet Dominus, vt planè intelligas ministerio & mysterio Dominicæ incarnationis nunquam defuisse ministratorios Spiritus, qui vt in Euangelio scriptum est, *acceperunt & ministrabant ei*. Horum ad sese charitas & concordia perfecta designatur; cum duo fieri iubentur: *va enim soli, quia si ceciderit, non habet subleuantem se, si autem fuerint duo fovebuntur mutuò*. Singularitas proculdubio præsumptionis in Lucifero cecidit, cum rupto fœdere societatis angelicæ, in altum se tendens, venas in se gratiæ rupit. *Non enim habuit subleuantem se*: quia indignus fuit reparatione, quia charitate gemina vacuus reparari non meruit. Hi verò Angeli qui suum seruauerunt domicilium subiectione debita creatori seruata, & dilectione mutua custodita, nidulo suo mutuò fouentur, & ad partum obedientiæ præparantur. *Aureos & productiles*, varia quidem & ambigua de statu creationis angelicæ fertur ab inquirentibus disputatio, nullam quibusdam assentientibus, fuisse moram inter creationem & lapsum malorum Angelorum, iuxta illud, *ille homicida erat ab initio & in veritate non stetit*. Vnde Augustinus, non frustra putandum est, ab ipso initio temporis vel conditionis suæ, Diabolum cecidisse & in veritate, nunquam stetisse: aliis è contrario probantibus omnes creatos esse bonos id est, sine vitio & iustos, id est, innocentes: sed non iustos, id est, exercitium virtutum habentes.

Aliqui etiam fuisse moram dicunt inter creationem & lapsum, & quoddam in illa breuitate temporis, omnes boni erant, non per vsum liberi arbitrii, sed per creationis beneficium. Hæc verior est sententia; quia naturam Angelorum bonam fecit Deus, nec naturam, sed voluntatem malam puniendam fuisse credendum est, nisi quia & propter voluntatem malam, bona aliquando punitur natura. Aureos ergo Cherubin fecit Deus, quia liberi arbitrii, quia simplicis essentia & immaterialis constituit, quia per rationem, inseruit intelligentiam, memoriam & voluntatem: quia personaliter singulos & numero & merito discreuit. Productiles quoque facti sunt Cherubin, non quia volentes auerti vel conuerti, creati sunt, sed quia habiles ad volendum hoc vel illud: post creationem verò quia productiles facti sunt spontanea voluntate, alij elegerunt bonum, alij malum & de operante gratia, quam acceperant in creatione seruata cooperantem meruerunt: quâ non sicut ex operante iustificatur impius, sed qua cooperante, iuuatur ad bene volendum & perseverandum pius. Productiles itaque facti sunt, qui de bono ad melius, proficere potuerunt. *Cherub vnus sit in latere vno, & alter in altero*: ex hoc innuitur, vel separatio quæ facta est per conuersionem bonorum ad Deum, & auersionem malorum à Deo, tanquam inter lucem & tenebras, vel illa desistentium & ministrantium distributio, quâ inuisibili Deo, alij semper assistunt, alij ad exteriora ministeria obedientes exeunt. *Cherub vnus in latere vno*, scilicet dextro fuit, qui obediuit: Cherub alius in altero, sed in sinistro, qui superbiuit. Vel Cherub vnus, in latere vno cœli, alius, in latere Inferni.

Sequitur:

Eccli.
14. 10.

Lucifer, indignus fuit reparatione. Peccauerint ne Angeli in instanti suæ creationis. Angeli in instanti suæ creationis fuerunt boni. Angeli quales creati à Deo Angeli creati immateriales Angeli, numero & merito distincti.

Gratia cooperans.

Sequitur : *utrumque latus Propitiatorii tegant, expandentes alas & operientes Oraculum.* Ad iudicium veniente Domino, *utrumque latus eius* Exod. 25. 20. Cherubin tegunt, quia circumstantibus Angelis, mali *videbunt in quem pupugerunt*, & non videbunt gloriam salutaris Dei. Boni verò, reuelata facie videbunt & letabuntur quod oculus non vidit, nec auris audiuit, & in cor hominis non ascendit. *Utrumque latus tegunt*, quia *separabunt malos de medio iustorum*, & quia colligent filios Dei à quatuor ventis cœli, à summis cœlorum usque ad terminos eorum. Vbi eras Cherub, qui dextrum latus Saluatoris tegere debes; cùm lancea inferretur, cùm latus aperiretur? an aderas, sed à defensione prohibitus eras? sicut ille cui dictum est, *mitte gladium in vaginam tuam*? Non vidit te cœcitas Iudæorum in passione, quem vidit asina Balaam vesani Prophetæ in itinere. Asina declinavit, & te viso expauit: Iudæus te, *utrumque latus propitiatorii tegente in tabernaculo non intellexit*, & idè irreuerenter in sanguinem innocentem impexit! Sed planè nudauit *utrumque latus propitiatorii*, qui venerat pati, ut ad singulare certamen accederet, & *adiutorium gladii sui auerteret: Torcular*, inquit, *calcaui solus, & de gentibus non est virmecum.* Fortè propitiatorio de propitiatione aliquid minueretur, si non expertis patientiæ viribus, totum quod potest malitia aduersarii, in dextro latere propitiatorii absque temperatura exciperetur. Idè etiam clamat in cruce humanitas non causâ quærimoniæ, sed causâ doctrinæ dicens diuinitati: *ut quid dereliquisti me?* quasi ad hoc me dereliquisti, non personali separatione, sed auxilii retentione, ut probares si tanta in me perseveraret patientia quanta est adiuncta gratia, ne immeritò humanitati illi sapientia vnita diceretur, cuius tanta in passione patientia non probaretur. Non ergo cessauerunt *utrumque latus propitiatorii tegere* Cherubin etiam in passione, sed compassione non defensione.

Balaam, vesanus Prophetæ. Isa. 63. 3.

Utrumque etiam latus propitiatorii tegunt, quia Martyres in persecutione protegunt, ne deficiant à Fide; Confessores in pace, ne tepescant à charitate. *Expandentes alas, & operientes Oraculum!* Oraculum nihil aliud est quàm propitiatorium, sed idè dicitur Oraculum, quia diuina ibi dabantur responsa, ut in sequentibus demonstrabitur, ut dicitur: *Inde præcipiam & loquar ad te super Propitiatorio.* Expandunt itaque alas Cherubin & operiunt oraculum, quia secretorum Dei mysteria malignis Spiritibus & prophanis hominibus abscondunt, quia *bonum est celare Regis consilium, & gloria Dei inuestigare sermonem.* Expandunt alas, ut nostra ad Deum perferant: operiunt Oraculum, ut ad nos auxilium diuinum referant: *respiciantque se mutuo, versis vultibus in Propitiatorium quo operienda est Arca Domini*: Breui clausula concludit quomodo Angelicæ potestates se in Deo diligant, dicens, *respiciantque se mutuo*, & quomodo Deum in se magnificent, subiungens: *versis vultibus in propitiatorium.* Non enim vertunt vultus in propitiatorium, qui sese mutuo non respiciunt, quia, *qui proximum quem videt non diligit, Deum quem non videt quomodo diligere potest?* In mutuo respectu, fraterna dilectio, in verso vultu in propitiatorium, humilis reuerentia ad Creatorem nostrum intelligitur.

Angeli protegunt martyres in tormentis.

Tob. 12. 7. Prov. 25. 2.

Ecc

Pal.
90. 11.

Matth.
4.

Angeli
ut ami-
ci &
fratres
hono-
randi.

Inde precipiam & loquar ad te: desuper propitiatorio scilicet, ac medio duorum Cherubin, qui erunt super Arcam testimonij: *cuncta qua mandabo per te filiis Israël*: ecce locus ubi loquitur Deus! non est locus ut iste locus qui est locus consilij, refugij & auxilij. Dubitas de quaestione aliqua? vade ad oraculum, ad propitiatorium, ad medium Cherubin, quia ibi est *Deus scientiarum Dominus*! oppressus es à tribulatione? curre ad propitiatorium, quia ibi es Deus auxilij; naufragaris à tentatione? apprehende Oraculum & propitiatorium quia ibi est Deus *nostrum refugium*. Ecce de medio Cherubin consolationes Dei latificant animam tuam, quia *Angelis suis mandauit de te, ut custodiant te in omnibus viis tuis*. Ecce, desuper propitiatorio praescriptionis nostrae sententia tollitur, & nomina nostra in libro vitae inscribuntur. Ecce de Oraculo, *vox turturis in terra nostra auditur, Penitentiam agite, appropinquauit, enim regnum coelorum*. Animaduerte, simul Arcam Propitiatorium, Oraculum & Cherubin conuenire ad diuinam super humanis sententiam ferendam. Arca mouet incolatus nostri quaestionem, Propitiatorium, exequitur causam, Oraculum profert sententiam diffinitiuam, Cherubin, executioni mandant quod egressum fuerit, siue bonum siue malum, de labijs Oraculi. Bonum namque est de Oraculo, oraculum quod absoluit, quia iocundum: quasi verò malum quod condemnat, quia ægrè & acerbum!

Assiduemus cultum solemnem in obsequium sanctorum, quò refrice-
tur Arcæ memoria super calamitatibus nostris: exoneremus coram propi-
tatorio sarcinas nostras, quatinus non suis holocaustis, sed nostris miseri-
is complacatum propitietur. Oraculo, *voluntaria oris nostri eloquia*, tam
in nostra accusatione, quàm in gratiarum actione offeramus. Cherubin
tanquam fratres & amicos honoremus: quorum & patrocinio adiuti la-
queum scandali caueamus, & vehiculo subleuati patriam repetamus. Su-
peresse aliam de Arca & de Cherubin expositionem Bedæ, non ignoramus,
ubi Arca intelligitur Ecclesia quæ de imputribilibus lignis, id est, sanctis
animabus ædificatur; & in fide Euangelii, per quatuor mundi partes di-
stenta, coronam vitæ à Deo expectat, habens in se tabulas Testamenti, in
continua meditatione Legis, Vnam auream cum manna, in fide incarna-
tionis Domini; Virgam auream quæ fronderat in participatione regni &
sacerdotii Domini: Propitiatorium desuper, ut cuncta bona à Deo se ac-
cepisse cognoscat: Cherubin, angelica præsidia, vel Testamenta, quibus
vivere instruimur.

Sunt autem super propitiatorium, utique eius sustentata subsidio, ut eo
veraciùs Ecclesiam iuuent, siue angelica ministeria siue diuina eloquia, quo
ipsa fundata est in fundamento summæ veritatis. Item Gregorii expositio
de Arca, parum differt ab his quæ superiùs posita sunt. Arca, inquit, est
Ecclesia: quatuor circuli aurei, quatuor Euangeliorum libri, quatuor an-
guli, quatuor partes mundi: Vectes de lignis sethim, fortes & perseue-
rantes Doctores, portant Arcam, cum alijs prædicant, semper inhaerent
circulis, per vnitatem Ecclesiæ; auro operiuntur scientiæ, semper in cir-
culis in lectione, *ignominiosum enim tunc querere, cum quaestionem de-*

beat enodare. Hæc idèd summam de dictis Sanctorum recolligo, vt, si opusculum nostrum propter se displiceat, vel propter Sanctorum sanctas reliquias non vsquequaque abiiciatur. Et si enim ligneam pixidem propter se non suspicio: tamen quia continet Sanctorum corpora & ossa, debita veneratione illam excipiens, summis digitis lotisque manibus tenens lignum, aliter quàm lignum honoro.

Lignū
quo Sā-
ctorum
reli-
quie
conti-
nentur,
aliter
quàm
lignū
hono-
ratur.

EXPOSITIO MORALITER.

COr hominis est Arca aut Dei aut Diaboli. Vt autem sit arca Dei, & mensuram Arcæ teneat vt materiam. Materia sit imputribilis, vt lignum vitæ, mensura æqualis, vt virtus Temperantiæ. Virtutes itaque quæ solæ sub sole non marcescunt vel putrescunt, Arcam nostri cordis compingant, vt & depositum Dei in ea non corrumpatur propter incorruptionem arcæ, & religionis propositum semel susceptum non deferatur per virtutem constantiæ. Alterum Deo, alterum sibi paret homo. Deo exhibeat custodiam sui depositi quod est gratia, dignitati suæ, stabilimentum fidei retineat, quia variari non debet imago Dei, leui huius mundi iactura. Arca nec fracta sit, nec vacua, si plena esset, sed fracta arca, damnum times: si integra, sed vacua, inaniter ab ea subsidium sperares. Denique cum fuerit sana & plena arca, clausa sit & signata: clausa ne mures intrent, signata ne fures aperiant. Clauē ferretur & referetur, Dæmonibus ferretur, amicis & famelicis referetur. Attende, o anima, vt sit arca tua sana fide, plena charitate, clausa humilitate, signata stabilitate, referata confessione & gratiarum actione. Clauē denique obedientiæ obtemperet in conclusionē & in apertione.

De lignis sethim compingatur, multarum virtutum conuadratione. Longitudine duorum cubitorum & semis extendatur, ab inchoatione scilicet boni operis, mediante patientia peregrinationis, vsque ad perseverantiam finiendi laboris. Latitudine autem dilatetur arca, vno cubito & dimidio, vt Deum ex toto corde, tota anima, tota virtute, plus quàm se diligat, qui est perfectus cubitus: Proximum verò tanquam se, qui est dimidius, non pro imperfectione affectionis, sed pro imperfecta exhibitione operis. Pleno enim affectu debemus proximum diligere, sed vix semipleno affectu, necessitates eius possumus excusare aut explere. Neque enim proximum non amat, quicumque pallium in frigore (vt Martinus) non dimidiat. Profecto pene ampliùs dimidio cubito Martini dilectio se extendit, cum se spolians & deturpans pallio dimidio, frigori & illusioni exposuit. Potes habere dimidium in latitudine dilectionis per affectum & si non per effectum, cum re coarctaris, sed pietate dilataris. Ad proximum habe semiplenum exhibitione, vbi non potes plenum pro necessitate, & habet Arca tua cubitum & dimidium in latitudine, quod ad te quidem plenum, extra te semiplenum. Habe ergo ad Deum, plenum cubitum dilectionis per affectum, quia non indiget semipleno nostro in supplendis necessitatibus suis. Ad proximum habe semiplenum, quia nemo ante finem suum securus est de perseverantia sui operis.

S. Mar-
tini
pietas
non
vulga-
ris.
Nemo
ante
exitum
securus.

Ee ij

Recta intentio in inchoatione vnus cubitus est, patientia in tribulatione, alter cubitus, dimidius in timore & dubietate perseverantia. In altitudine cubitum & semissem habet arca, cum de communi spe Fidelium superexcrecit suggestione virtutum & confidentia gratia ad id quod merita tua excedit futurum primum. Vnum cubitum habes altitudinis in morte CHRISTI, in qua communiter omnibus fidelibus data est spes salutis & redemptionis. Dimidium quoque cubitum habes ex perceptione sacri baptismatis, in quo jam quidem iustificaris, sed nondum glorificaris. Dimidiatur ergo cubitus iste in iustificatione, implebitur vero in glorificatione. Implet vnum cubitum spei, quando per Sacramenta fidei es in corpore CHRISTI, alium nihilominus inchoas, cum arras secutura gloria, occulta & singulari pralibatione spiritus degustas. Si Fides ignoratur, cubitus non perficitur; si mens adoptione spiritus subarratur, alius cubitus non dimidiatur. Hæc de altitudine arca.

Exod.

25. 24.

Sequitur, & *deaurabis eam auro mundissimo intus & foris*: auro mundissimo intus arca deauratur, si mens ab immunditia emundatur, intus deauratur, cum noua sobole virtutum fecundatur: intus deauratur, cum nullæ fordes in mente relinquuntur. Foris deauratur, cum sermo rarus & verus, cum oculus simplex & pudicus, cum manus pia & larga, cum auditus purus & castus, cum incessus rectus & bonus, cum in toto corpore oculi, magna cautela & circumspectione, ante & retro circumfunduntur. Vide arcam intus deauratam: *gloria nostra hæc est testimonium conscientia nostra*. Et alibi, *nihil mihi conscius sum*: Item, *non reprehendit me cor meum in omni vita mea*. Vide foris deauratam: *mibi pro minimo est, ut à vobis iudicer aut ab humano die*. Zacharias & Elisabeth deaurati erant intus, quia *iusti erant ante Deum*; foris, quia *incedebant in omnibus iustificationibus Domini sine querela*. Bene deaurata est arca intus & foris, cuius anima & conscientia bona Deo & Angelis jungitur, cuius fama, apud fideles & infideles magnificatur. Auro mundissimo arca deauratur, cum solius Dei causâ, cogitationes in mente castigantur, & bona opera exercentur.

2. Cor.

4. 4.

Sequitur, *faciesque supra coronam auream per circuitum*. Super arcam, coronam auream facimus per circuitum, cum proposita mercede cœlesti extra hanc nihil querimus, nusquam euagamur ab ea nunquam mente excidimus. Semper coronam auream super arcam gestamus, cum finem & intentionem omnium nostrorum tam operum quam desideriorum Deum proponimus, & hoc per circuitum, ut nulla pars animæ, studiorum bonorum interruptionem admitteat, nulla vitæ pars excursum extra Deum faciat. Per circuitum est corona aurea cum in conspectu tuo semper proponitur vita æterna, & omnes anfractus temporalis vitæ cogis infra metas æternæ gloriæ. Reclude vitam in vita, sed meritoriam in remuneratoria, sed miseram in beata, sed transitoriam in æterna, sed umbraticam in vera.

Sequitur: & *quatuor circulos aureos quos pones per quatuor arca angulos*. Angulus est vbi capita duorum parietum sese conjungunt; quatuor verò parietes in domo, vbi singula eorum capita copulantur angulos quatuor

faciunt & omnis quadrangula forma quatuor parat angulos. In animo denique nostro sunt quatuor passionēs siue virtutes naturales, quæ angulos faciunt; timor, spes, tristitia & gaudium. Vbi timor spei infigit tignum suum & spes timori, angulum faciunt. Vbi tristitia gaudio accedit siue gaudium tristitiæ, rursus alium angulum faciunt. Si desiderio tristitiæ timorem innectas, tertium angulum feceris, si spei addas gaudium, quartum. Ecce quando separatim times supplicium, aut speras præmium, aut tristaris de exilio, aut gaudes de promisso, nondum angulum habes, sed commisce capita singulorum, vt cum spe timeas, cum timore speres, cum gaudio desideres, cum desiderio gaudeas, & cum gaudio timeas, & cum desiderio speres, vel cum spe desideres & angulos fecisti. Tene angulos & sede in angulo, quia *melius est sedere in angulo domatis, quam cum muliere litigiosa in domo communi*. Timor namque si te occupauerit, & nimium oppres-
 rit ex recordatione præcedentium delictorum; præbeat spes caput suum, vt erumpat ante faciem tuam abyssus misericordiam Dei, & leniat aristam miseriarum tuarum, quam timor accusans memoriæ deportauerat. *Accubans* igitur *inter terminos* plagæ, hinc peccata tua, inde respice misericordias Dei & pondus pauoris, compesce securitate diuinæ bonitatis.

Rursus si nimio desiderio gloriæ & faciei Dei afficeris & affligeris plusquam tolerabile sit, amplectetur desiderium tuum, suadens cum patientia expectandum, quia *ueniens veniet, & non tardabit*. Sacramentorum suauissimum fructum futurum promittens, & interim florem in specie visibili non indecorum ostendens. *Inter istos quoque terminos accubans*, expecta *donec aspiret dies & inclinentur umbra futurorum*, quæ sunt in Sacramentis Fidei, *donec lucifer oriatur*, vt pateat rerum veritas in facie manifestationis quæ nunc latet in umbra Fidei. Item si gaudium de præsentis Ecclesiæ decore, nimium detentum mentis pedem mouere lentius ad futura cœperit, quasi suadens de malitiæ labore (si fuerit prolixior) pleniora mereri donatiua, accurrat desiderium, & excitet malè sopitum gaudium, insinuans stationem infidam esse iuxta castra Allophilorum seu Philistinorum, & sæpè adquisitis caruisse, dum ambiuntur superflua, nec *glorietur accinctus aequè ut discinctus*, quia de regno sine regno gaudere ambiguum est, de regno autem in regno gloriari tutum & certum. O gaudium quod præcoquas vuas præ immatura maturitate, manè jam comedis! quare dictum est Apostolis, *expedit vobis vt ego vadam*, cur nisi vt nunquam gradum sustinerent, donec ad illum peruenirent? Sed fortè placet tibi lucrum aliorum, aliquando dum captatur lucrum, successit damnum. Et Apostolo *mori est lucrum*.

Stimulatur itaque sic gaudium à desiderio & cursu renouato, currit gaudium cum desiderio. Item, si spes inaniter abiecto timore, plusquam iustum sit, caput in nubes extulerit, timor stateram iustam deferat, & de quantis atque in quantum sperare promeruerit appendat. Quid pro Deo fecerit, & quid contra Deum commiserit enumeret, & quantum sperare vel non sperare debeat intelliget. *Cadent enim à latere tuo*, ait Psalmista, videlicet *mille*, qui sine operibus tecum in iudicio stare præsumebant, &

Ecc iij

Prou.
25. 24.

Gau-
dium
de præ-
sentis
Eccle-
siæ de-
core.

Gau-
dium
præri-
pit ali-
quando
nondū
matu-
ros fru-
ctus
spiri-
tuales.

Psal.
90.

Merita
fineme-
rito ia-
ctare.

decem millia à dextris tuis, qui sine merito merita iactabant. *Leuitati ergo spei*, timor pondus opponat; vt non vento sed veritati se credat. Longum est, quid in singulis angulis dicendum vel cogitandum sit explanare, sed sedens in angulis angulos tuos reuolue, & pluriora & meliora his appone. Denique *pones quatuor circulos aureos per quatuor arce angulos*: secundum angulos pone circulos. Primus circulus est, meditatio mortis continua, secundus mortificatio corporis assidua, tertius confessio peccati spontanea, quartus subiectio Prælati voluntaria. Meditatio mortis, in angulo timoris & spei, mortificatio corporis, in angulo spei & timoris, confessio peccati in angulo desiderij & timoris, subiectio prælati in angulo gaudij & spei. Profectò angulus timoris bene capit circulum meditationis mortis, quia qui mortem meditatur; timet committere vnde damnetur. Vnde, *fili memorare nouissima tua, & non peccabis in æternum*.

Coloff.
3. 4.

Item angulus Spei, aptè recipit mortificationem corporis, quia *qui arat, in desiderio debet arare, & qui triturat in spe* percipiendi fructus. Idè enim mortificanda sunt corpora, quia *vita nostra abscondita est cum CHRISTO in Deo, cum enim CHRISTVS apparuerit vita vestra, tunc & vos apparebitis cum iustitia in gloria*. Item angulus desiderij, confessionem peccati non immeritò excipit, quia non nolendo sed volendo, non cum tædio, sed cum desiderio facienda est confessio. A latrone enim & reo extorquetur tanquam ab inuito & deprehenso professio furti; à peccatore pœnitente suscipitur, tanquam grata hostia Confessio: *voluntariè*, inquit Psalmista, *sacrificabo & confitebor nomini tuo quia bonum est*. Item angulus gaudij & spei, subiectionem voluntariam, quia *cum creatura liberabitur à seruitute subiectionis in libertatem gloria filiorum Dei*, & illi simul liberabuntur qui *non ad oculum seruientes* subiiciuntur Prælati, qui Domino spontanei obtulerunt animas, qui sicut CHRISTVS obediens fuit patri vsque ad mortem, dicens, *mî Pater non quod ego, sed quod tu*. Sic isti animas suas ponunt in manibus suis, obedientes cum gaudio & Spe præpositis suis. Aurei sunt circuli isti, vt in charitate, claritate, sapientia & castitate fabricentur. In charitate vt excludatur necessitas, in claritate vt remoueat obscura duplicitas, in sapientia vt tollatur temeritas, in castitate vt amputetur superfluitas. Charitas est in subiectione, claritas in confessione, sapientia in meditatione, castitas in mortificatione.

Peccati
confes-
sio, est
grata
pœni-
tentis
Hostia.

Pf. 118.

Sequitur, *duo circuli sint in latere vno, & duo in altero*. Meditatio mortis & mortificatio corporis, in vno latere sunt, animam ne peccet custodientes. Confessio & subiectio, in altero animam si peccauerit corripientes. Nisi enim peccaret homo, nec confessione indigeret, nec obiectione. Rursum nisi peccare posset vel timeret, superflud se mortificaret aut mortem cogitaret. Sequitur, *facies quoque vèctes de lignis sethim, & operies auro inducesque per circulos qui sunt in arca lateribus, vt portetur in eis*. Iudicium & iustitia, sunt vèctes de lignis sethim, quos vt portaretur Arca, fecerat Psalmista, dicens, *feci iudicium & iustitiam, & beati qui custodiunt iudicium & faciunt iustitiam in omni tempore*, propter ligna sethim quæ imputribilia sunt. Ita nec amore, nec odio, nec fraude, nec gratia, nec

pecunia corrumpendus est animus, qui debet facere iudicium & iustitiam in omni tempore. *Operies eos auro*, ne facias *iustitiam tuam coram hominibus ut videaris ab eis*, sed in abscondito, sed coram Deo, ut glorificetur Pater tuus qui in cœlis est. Operies eos auro, ut bonum bona intentione facias. Vectes illi non fuerunt operiti auro, qui *receperunt mercedem suam*, pietate quæstum æstimantes, ut omnis labor eorum esset in ore ipsorum, quorum denique *tecta sunt peccata* per pœnitentiam, illi sunt tecti auro. Vnde cuidam dicitur, *Age pœnitentiam*, alioquin movebo candelabrum tuum de loco suo. Inducesque per circulos qui sunt in arca lateribus, ut portetur in eis, per circulos qui sunt in arce lateribus inducit vectes, qui per omnes angulos cordis & per circulos vniuersæ suæ actionis, futuri examinis distractionem & iusti iudicis æquitatem semper ruminat, in eius expectatione gemens ut columba & sicut ceruus ad fontes aquarum currens ad Deum viuum. Nunquam vectes extrahendi sunt, sed sunt semper in circulis, ut tota moles actionum & cogitationum nostrarum his subuehatur vehiculis. Inuitor fortè ad illicitum prandium, non vadam quia timeo iudicium; inuitor ad concubitus, non facio quia leo est in itinere, & ignis est usque ad internecionem deuorans. Vnde quæcunque alia suggerentur officia corruptionis, sed contineo membra non exhibeo, arma iniquitatis peccato. Non extraho vectes de circulis aureis, quia non vtor ad malum, sed ad bonum virtutibus à Deo mihi collatis ut portetur in eis arca animæ, naturali sustentatione, non concupiscibili lenocinatione.

Sequitur, *ponesque in arca testificationem quam dabo tibi*. Quid in anima quæ templum est Spiritus sancti reponendum, nisi testificatio Dei? Apostolus testificationem Dei in arca sua posuerat, qui dicebat, *ipse Spiritus Dei, testimonium reddit spiritui nostro, quod sumus filij Dei*, id est arca Dei. Testificatio Dei est in cœlo, id est, in arca, quoniam, *tres sunt qui testimonium dant in cœlo, Pater, Verbum, Spiritus sanctus*; & non sunt testificationes, sed testificatio, quia *hi tres vnum sunt*. Si Pater in mente tua, Verbum in intelligentia tua, Spiritus sanctus est in dilectione vel voluntate tua, testificatio Dei est in arca tua, nihilominus Spiritus, aqua & sanguis, vna testificatio Dei est, quando conseruas impollutè Sacramentum regenerationis. Testificatio est in tabulis legis, ut in eis meditando & mores componas & linguam erudias. Testificatio est virga Aaron quæ fronduit ut in ea te esse de genere regali & sacerdotali recognoscas, regalibus * in regimine motuum & membrorum agendo, & sacerdotaliter castè & deuotè viuendo. Testificatio est, Vrna aurea habens manna, ut conscientia bona coram Deo gratiâ redoleat, & in monumentum iustitiæ ad diem iudicij conseruetur.

Hæc omnis Testificatio, non formidat tribunal Iudicis, sed clamat confidenter, *quis accusabit aduersus Electos Dei? Deus qui iustificat, quis est qui condemnet?* Adhuc tamen sequitur propitiatorium, quo si quid minus poterat testificatio, suppleret propitiatio. Sequitur, *facies propitiatorium de auro purissimo*, &c. quantumcumque opulentissimo bonæ conscientie thesauro locupletetur anima, semper infra iustitiæ regulam consistit & si

Apoc.
1. 5.

* f re-
galiter.

Naturæ
& boni-
tatis
diuinæ
priuile-
gium
in me-
ritis.

ad vnguem, humana diuinæ iustitiæ comparatur teste Scriptura, *quasi pannus menstruatus* reputaretur. Elaboret ergo humana industria, cum gratia nec delicta arguatur, sed non præsumat de messe sua, vt stultitiæ condemnanda, cum fatuis virginibus excludatur. Supponat arcam propitiatorium, dicens cum Psalmista, *quia melior est misericordia tua super vitas*: nullum enim genus vitæ per se saluti sufficere, cum sine gratia nec nominari vita aut bonum opus valeret: *sine me*, inquit, *nihil potestis facere*. Propitiatorium igitur faciendum est de auro purissimo, vt dicas, *exaudi me Domine*, non quia merui, sed *quoniam benigna est misericordia tua*. Semper obliuiscendum Deo, non nostrum meritum quod malum est, sed naturæ & bonitatis suæ priuilegium quo vtuntur interdum pene audaciùs mali quàm boni. Quia enim sine priuilegii huius auctoritate Phariseus gratias agebat, vt mendax prædicator repulsus est. Publicanus verò tenorem priuilegii relegens, & de proprio nihil nisi reatum habens, summam precum suarum ludici allegans de communitate priuilegii; *Deus*, inquit, *propitius esto mihi peccatori*.


* vel
cuius
naturæ
scilicet.
Angeli
cur
creati à
Deo.

Angeli
quibus
in re-
bus ho-
mini
mini-
strent.

O propitiatorium! ô propitiatorii priuilegium! Nec immanitas, nec ventustas corruptæ mentis te abhorret; immò tu recipis omnia execrabilia hominum facinora. Indulges indulgenda; audeo dicere, secundum atrocitatem criminum penè etiam non indulgenda, nisi propitiatorium esses. Planè autem omnia potes & debes indulgere quæ indulges, vt *secundum nomen tuum*, ita & *laus tua sit in fines terra*. Habes duos cubitos in longitudine, vt dimittas peccata cogitationum, operationum, habes dimidium, vt dimittas ambigua peccata, quæ ex collisione carnis & spiritus exiliunt; quando excusans & accusans cogitatio sub caligine laborat, non deprehendens * cuiusnam sit carnis vel spiritus, sit filius viuus vel mortuus, vnde Psalmista, *ab occultis meis munda me*, ô propitiatorium, quia non solum habes duos cubitos, sed & dimidium, quia spe, nondum re saluas. Adiungit denique sibi propitiatorium, duos Cherubim aureos & productiles, non ad adiutorium vel ornatum, sed ad nostrum auxilium & ministerium. Vult enim ministros habere qui discurrerent fidei legatione ad religatos, & viderent vtrum prospera essent erga greges & pecora, & renuntiarent quid ageretur. Habet itaque propitiatorium Angelos, *adiutorium simile sui*, non effectum potentie, sed ratione pietatis, quibus & tutius committeret secreta sua, & fideius crederet ministeria nostra, & citius audiret petitiones nostras. Sunt autem ex vtraque parte oraculi, vt Cherubim vnus sit in latere vno alter in altero: duæ partes Oraculi, sunt remotio malorum & adeptio bonorum. Vnus namque propitiatorii Cherubim est in latere vno, qui fugat mala à nobis, alter in altero, qui acquirit bona nobis. Totum enim (quantum ad nos) officium angelicum est, vt defendant nos à malo, & conseruent in bono.

Vtrumque latus propitiatorii tegunt, quando differunt vel abscondunt interdum auxilium propitiatorii, vt exerceant nos tentationibus, & quando celant amorem propitiatorii, vt incitent ad quærendum ardentius. Cum Maria Dominum hortulanum crederet, nonne Cherub vnum latus eius

eius tegebat, vt quarendo, flamma amoris vehementius excreſceret? Item, D. Pe-
cūm Petrus Dominum negaret, nonne alter Cherub, alterum propitiato-
rii latus tegebat, vt poſtmodum in recordatione negationis vberius fieret, poſto-
& quid de humana adhuc fragilitate geſtaret princeps Apoſtolorum agnoſ-
ceret? Expandentes igitur alas, operiunt Oraculum, quia diuinis juſſioni-
bus obedientes, ſub ſignaculo claudunt vſque ad tempus & tempora, & di-
midium temporis quæ ſint ſuper nos diuina conſilia, minùs enim ſollicitos
efficerent, ſi prædeſtinatos eſſe innotefcerent, efferatiùs quoque deſpe-
rantes nos irritarent, ſi iam condemnatos manifeſtarent. Reſpiciunt etiam
ſe mutuò verſis vultibus in propitiatorium quo operienda eſt arca Domini,
quia in noſtro conſilio concordant ſemper à propitiatorio haurientes, quid
ſibi, quid nobis facere debeant. Inde præcipit & loquitur (ſuper propi-
tatorio ſcilicet ac medio duorum Cherubim) cuncta quæ mandat filijs
Iſraël ; à propitiatorio ſiue Oraculo principaliter ſententia decretorum
firmatur, vt de omni quæſtione filiorum Iſraël definiatur quid in occultis
Dei celandum, & quouſque quidque ad publicum deferendum ſit & quan-
do. Sed jam aquila reclinet volatus ſuos ad eſcam & ad menſam, vt de vi-
ſione Angelorum, tranſeat ad refectionem ciborum.



PETRI CELLENSIS, MOSAICI

Tabernaculi myſticæ & moralis expoſitionis

LIBER SECVNDVS.



EACIES & menſam de lignis ſethim habentem duos cubi-
tos longitudinis, & in latitudine cubitum, & in altitudine
cubitum ac ſemiſſem. Menſa de lignis ſethim; nunquam vacua
refectione eſt, quia ſancta ſcriptura, nec ſententiarum dapi-
bus, nec ferculis exemplorum inanis eſt. De lignis verò ſethim
ideò eſt, quia *cælum & terra tranſibunt, verba autem mea non tranſibunt.*
Miniſtratores huius menſæ Scriptores ſunt & actores diuinæ Scripturæ.
Dominus menſæ Spiritus ſanctus, qui & corda illuſtrauit & linguas do-
cuit illorum qui contrectauerunt de verbo vitæ, aperiens illis ſenſum vt
intelligerent & ſcriberent miracula in lege Domini conuiuatores medi-
tantes in lege Domini die ac nocte. Epulæ conuiuantium inſtructiones
legentium, quibus ſicut adipe & pinguedine repletur anima. Taurina caro,
recitatio illorum qui jugum legis ſub lege agentes ſuſtinerunt, ſeruientes
in cibis & potibus & variis baptiſmatibus vſque ad præſinitum tempus à
patre, in cultura tantum legis frumentum gratiæ meditantes. Altitia juxta
cælum euolantia, aliud à tauris ferculum in menſa inferunt, quia contem-
platiuorum vitæ & exempla, quomodo quæ ſuſum ſunt quærere debea-
mus innotefcunt. Omnia poma noua & vetera dilecta dilecto in menſa

F ff

apponit, quia ab initio mundi fidelium nomina & opera & dicta & exempla figillatim retinens in Scriptura totam mensam antiqua & noua patrum memoria respergit. Hujus mensæ delicias tam impossibile est explicare, quàm vniuersum abyssi pelagus absorbere.

Habet quidem in longitudine duos cubitos, in latitudine verò cubitum, in altitudine cubitum & semissem. Longitudo mensæ actionem, latitudo dilectionem, altitudo designat spem seu contemplationem. Duos cubitos habet actio, munditiam & innocentiam. Vnde Religio munda & immaculata apud Deum & Patrem, hæc est; Visitare pupillos & viduas in tribulatione earum & immaculatum se custodire ab hoc sæculo. Item sint lumbi vestri præcincti, & lucernæ ardentes. Vnum cubitum habet latitudo, quia charitas vna est & perfecta. Altitudo vnum & semissem, propter unitatem spei cœlestis & initium contemplationis. Sequitur; Et inaurabis eam auro purissimo. Scriptura quasi matrona quædam grauis & grandæua licet stibio, purpura & serisso recuset ornare genas suas rubentes satis naturali vigore & decore, tamen illis Philosophorum studiis & doctrinis quæ tantummodo in facie verborum gloriantur, nequaquam inferior inuenitur. Sensu namque majestas eius venustior, numerosa sententiarum compactio validior, intellectus utilior, fructus vberior, lectio modestior. Hæc tam habitum quàm vitium meretricum respuit, ut ampliùs placeat nucleus sub cortice quàm mendax fucus in vertice. Inaurata itaque est, quia & facie pulchra & sensu est bona.

Sequitur, Facies illi labrum aureum per circuitum & ipsi labio coronam aureolam. Qui habet immunda labia nec habet labia sacerdotis, quæ custodiunt scientiam, non pertinet ad mensam, donec vnus Seraphim forcipe de altari tangat labia eius. Non labia, sed labium & labrum aureum fit in mensa Scripturæ diuinæ, quia non recipit hæreses & schismata quæ garriunt Patre Filium, & Filium minorem Spiritu sancto. Afferit autem Scriptura diuina unitatem Trinitatis & Trinitatem unitatis dicens; Audi Israël Dominus Deus tuus vnus est. Item, vnus Dominus, vna fides, vnum baptisma. Aureo itaque labio plenitudinem ferculorum, & summam dapum concordie prædicatione mensa eructans, non inflatione buccæ & labiorum distentione utitur loquens grandia & magnificans labia sua. Quantum enim sensu altiora sunt diuina eloquia, tantò voce modestiora & prolatione suppressa. Agni enim sunt voces qui clamauit, neque audita est vox eius in plateis. Quicquid ergo eloquium sonat diuinum & vnum est fidei unitate, & aureum sensus profunditate. Vnum ne dilanietur errore schismatico; aureum ne vilescat sermone nudo & rustico. Per circuitum, ne agere credatur de transitorio bono. Æternum intellige & jocundum per labium. Intellige per labium vitale, per circuitum summum bonum, per aureum, vitale quod promittitur & jocundum per aureum, summum immortale per circuitum. Adde ipsi labio coronam intransilem, ut corona exhibeat quod Scriptura promittebat & mordeat professionem labium coronam brauij, tam fideliter soluens debitum, quàm veraciter continuans promissum. Vnde Psalmista; Suscipe me secundum eloquium tuum & vi-

uam, & multa huiusmodi. Animaduerte tamen coronam intransilem propter meritorum in præfenti & in futuro præmiorum discretionem. Fomentum siquidem negligentiae & alimentum esset iniustitiae si præmium coraquaret, quos merito desperasset. Quis vigilias excoletet, si dormiens fructum vigiliarum deciperet? Quis corpus suum ignibus, ieiuniis, macerationibus & innumeris passionibus contorqueret & decoqueret, si tam bene sonaret vtrum & molle corium in delitiis suis, quam clarè resonat tympanum in distensionibus & rasuris assiduis? Non stella à stella differret in claritate, si merita meritis præjudicarent in pondere. Corona ergo intransilis est, quæ labio aureo superponitur, quia in distinctione mandatorum sequitur distinctio executorum, discretio * remuneratorum. Alta est enim quatuor digitis; quia dum iustitiae plenitudo & gloriæ consummatio in quatuor Euangeliorum libris describitur, quasi quatuor digitis corona mensuratur. * vel remunerationū.

Sequitur, Facies altare, &c. Rex ille magnus, cuius magnitudinis non est numerus, paulatim ad interiora foris euagantem retrahens animum, postquam Tabernaculi ædificium consummauit, locum in eo specialiter sibi intitulauit, ubi placabiles hostiæ cremarentur & immolatione mystica ira cœlestis mitigaretur, & humani erratus ignoscerentur. Nominat autem illum locum altare, ipso nomine demonstrans altitudinem Sacramenti, quia nulli nisi Deo aliquando altare consecrari debuit, & ad nullos nisi ad diuinos vsus. Sacratius itaque informans ad altare suum accedentes passibus virtutum, prius ad arcam testificationis, deinde ad propitiatorium. Ad mensam quoque refectionis eosdem collocauit, illuminans illam candelabro ductili, & septem lucernis suis. Deinde cortinas, saga, pelles arietum rubricatas, pelles hyacinthinas, super tabulas stantes, super bases expandit, columnas anteposuit & velum de hyacintho purpura, cocco bis tincto & bisso retorta appendit & interposuit inter sanctum & sanctum sanctorum. Hac deambulatione tanquam in paradiso iustum deducit Dominus antequam accedat ad altare, vt cum Psalmista dicat; Circuiui & immolaui in Tabernaculo eius hostiam iubilationis. Altare itaque de lignis sethim facies mihi, quod habebit quinque cubitos in longitudine & totidem in latitudine, id est quadrum, & tres cubitos in altitudine. Altare corda electorum, quæ ad offerenda opera operum à Domino consecrata sunt & debent esse munda & incorrupta, & quinque corporis sensus in longitudine patientiæ, & latitudine charitatis, in seruitio fidei exercere, fide, spe, & charitate ad cœlestia tendere. Quæstio autem est ad literam de altitudine altaris, quomodo ministrare aliquis valeret, cum vix tanta sit statura hominis, quanta altaris altitudo, & nullus gradus secundum legem fieri posset, ne pudenda reuelarentur. Sed ita soluitur. In altari de lapidibus siue etiam de terra prohibentur gradus fieri, quia quasi coëdificati ipsi altari, ad altare pertinere videntur. In hoc verò altari de lignis potuit aliquod subsellium supponi hora ministerii, & expleto officio tali, * nec fuit *f tolli. Solutio.

Sequitur, Cornua autem per quatuor angulos ex ipso erunt, & operies

Fff ij

Fallor
nisi sit
legendum
tollit.

* locus
mendo-
sus.

illud are. Ecclesia in quatuor mundi partibus dilatatur in vnitate fidei Catholicæ, vel quatuor virtutibus corda electorum muniuntur, sobrietate, prudentia, iustitia, fortitudine, quibus vtilius nil in vita hominum. Ex ipso procedunt cum non ad oculum finiuntur, sed ex cordis radice generantur. Operies illud are, id est perseverantiâ. Sequitur: Facies in vltus eius lebetes ad suscipiendos cineres. Vasa ista diuersa diuersas fidelium personas in actionibus & officiis & cogitationibus designant. Cinis Sacramentum Dominicæ passionis, vel perfectionem virtutis iustorum designat. Causa cineris aliquid præter materiam dicendum. Moyses de holocausto ait, Cremabitur in altari tota nocte, &c. id est, toto tempore vitæ vsque ad mane futuri sæculi, opus bonum in corde Deo deuoti feruere debet igne charitatis. Ex ipso altari erit ignis, quia ex illa charitate quam Dominus Ecclesiæ dedit ardere debemus. Alienum verò ignem offert qui opera cælestia non pro mercede, sed pro lucro temporali facit & consumitur igne cælesti, id est sententiâ iræ Dei. Vestietur sacerdos tunica & fœminalibus lineis, id est CHRISTVS suæ incarnationis puritatis & * mortis proponit. Tollit cineres quos ignis exussit & ponit iuxta altare, cum Dominus finem laboriosis operibus imponit & iubet coronam in vita æterna accipere. Spoliatur prioribus vestimentis, cum ad memoriam reducere iustis bonæ quæ fecerunt, non amplius laborandum ostendit, sed quieti cordium & diuinæ contemplationi insistendum. Indutus aliis vestimentis efferet cineres extra castra, cum faciet videri in illa vita laborem Sanctorum suorum remuneratione dignum.

In loco mundissimo qui est animus iustorum ex hac vita sublato, holocausti cinis vsque ad fauillam consumitur, cum ibi bonorum operum merces ita redditur, vt omnis labor ad integrum consumatur. Ignis autem in altari semper ardebit, quia absumpto omni genere laborandi, charitas nunquam extinguenda flagrat. Vt lucidiùs intelligeres cuius utilitatis sint lebetes, quæ ad suscipiendos cineres sunt ista latius exposuimus. Et forcipes, inquit, atque fuscinulas & ignium receptacula. Forcipes sunt prædicatores, qui velut gemino dente vtuntur, vt accendant in nobis ignem charitatis cum vtriusque Testamenti paginis nos instruunt, vel cum geminæ charitatis virtutem infundunt, & huius gratiâ ardere & lucere faciunt. Fuscinula quoque sunt, quibus victimarum coctæ ad esum reficiendorum afferuntur. Harum vsus prædicatoribus congruit, quia doctorum est cuique personæ ministerium cum discretione committere, & alia quidem omnibus edenda efferant, alia ignibus altaris consumenda relinquunt, quæ nostram capacitatem transcendunt. Ignium receptacula sunt batilla, quibus ignis & carbones ab altari holocaustorum ad altare thymiamatum transferebantur ad incensum ponendum mane & vespere. Quod fit, cum de virtute in virtutem auditores suos prouehunt. Qui imitantur feruentia Sanctorum corda, ipsi quoque receptacula ignium sunt. Omnia vasa ex are fabricabis, id est corda Sanctorum perseverantia erunt & clara voce alios instruunt. Craticulamque in modum retis aeneum, &c.

Ad litteram altare totum concauum est, & in medio habet craticulam in

modum retis distinctam, in qua victimarum carnes comburendæ ponebantur & subter eam arula in qua compositis lignis ardet ignis ad deuoranda holocausta paratus. Erat autem contra arulam, ostium in parte orientali altaris, quo ligna ad alendum ignem mitti, & carbones vel cineres possent egeri. In modum autem retis idcirco facta est craticula, vt per crebras aperturas ignis ad deuorandam hostiam liberè exeat. Mysticè craticula locum intimo corde Domino paratum significat, vbi deuotas cogitationes sancti collocant. Per cuius quatuor angulos erunt quatuor anuli aurei, quos pones ante arulam altaris. Ad litteram, mirum videtur quod altare de lignis tam vicino igne non vrebatur. Sed dicit Ieremias, quia altaris ligna de lignis Paradisi sunt, & ideo non cremantur igne, sed puriores redduntur. Et ne hoc incredibile sit anthitau quoddam genus ligni, quantò plus arserit, tantò mundius inuenitur. Mysticè Euangeliorum libri qui promittunt coronam vitæ æternæ auditoribus suis, Ecclesiam per quatuor mundi plagas diffusam verbo fidei & veritatis confirmant, & animos humilium munimine suæ consolationis alleuant.

Eritque craticula vsque ad altaris medium. Necessè est vt gratiæ Dei aperiamus corda nostra, & quasi plurimis patefactis ianuis sedulè deprecemur, vt per singula quæ inchoamus bona, quali per singula victimarum eius frusta, suâ nos misericordiâ illustrare, & in amorem suum accendere dignetur. Pelagiani verò craticulam in modum retis, sed solidum parietem in altari cordis supponunt inter se & ignem Spiritus sancti, ne charitate calefiant. Altare non est solidum, sed cauum & inane ad ignem, ad holocausta, ad ligna consumenda, locum in se copiosum exhibens. Tu quoque si vis esse altare Dei, exinani teipsum ab omni contagio terrenorum, vt intelligentia verborum cœlestium & hostiæ virtutum locum habeant spatiosum, capiasque flammam Spiritus sancti, quo Ecclesiæ hostiæ Domino consecrantur, & ad finem perfectionis perducuntur. Facies & vectes altaris de lignis sethim duos quos operies laminis æneis, & induces per circulos, eruntque ex utroque latere altaris ad portandum. Quod de vectibus arcæ, hoc de vectibus altaris mysticè sentiendum est, nili quod isti laminis æneis, illi auro operiuntur, laminæ autem significant instantiam prædicationis, & sonum in omnem terram auditum.

Facies & mensam de lignis sethim habentem duos cubitos longitudinis & in latitudine cubitum ac semissem. Quod meditatio in arca reponit, memoria in mensa proponit. Metit namque & colligit meditatio tempore opportuno, quod exigit memoria pulsante & urgente necessitatis alicuius articulo. De arca mensa ditatur, cum de conscientia bona & fide non ficta oratio impinguatur, & prædicatione informatur. Velum quidem silentii interdum inter arcam & mensam appenditur, cum tantis labiis mens Deo & non sensu repletur, cum de adipe & pinguedine bonæ conscientiæ gratissimis eructationibus sancti prædicatores suos auditores reficiunt. Mensa ista nec viles, nec veteres panes habet, quia sicut duritiam vetustatis in panibus non nouit, ne errore putrescant, sic vilitatem materie respuit, ne vanitate sæculari sordescant. Neque enim vltra septenarium gratiæ panes in mensa moran-

tur ne sine gratia loquaris, nec nisi de simila conficiuntur, ne veritatem falforum commixtione adultereris. Regulariter namque in Sabbato ponuntur, & in Sabbato sumuntur. Quando enim verbum Dei prædicandum est, nisi cum vacat & auditoribus audire, & prædicatoribus docere?

Non Sabbato ponit panes qui euangelizat non recipientibus verbum Dei, qui loquitur in aure non audientis. Non Sabbato ponit in mensa panes, qui sanctum dat canibus & margaritas ponit ante porcos. Non Sabbato ponit panes, qui non attendit quid loquatur pro materia, cui pro persona, quando pro tempore & causa, quantum pro negotii sufficientia. Sicut autem ille peccat confessione, qui non discernit ista, utique sic ille præcipatione qui ante Sabbatum sumit panes, qui loquitur ante meditationis decoctionem, ante appetitus requisitionem, ante famis deliberationem, ante stomachi euacuationem. In Sabbato tollit panes, qui dat escam pullis coruorum in tempore opportuno, qui librat sensum propositum & vtilitatem audientium, sensui aptans loquendi materiam, proposito temperans modum, vtilitati subministrans congruum finem & principium. In Sabbato pone panes in mensa, ut illustrante gratia sermones inchoes, in Sabbato tolle panes ut eadem cooperante fructum sermonis ipsi gratiæ resignes; Thus denique panibus superpone, ut deuotionem non fauorem quæras, ut sanæ doctrinæ bonum odorem tam in moralibus dictis quam in mysticis respergas. Cum sermo tuus gemitibus & suspiriis castis desideriorum euaporationes quasi quodam remigio alarum ad Deum euehit, incensum panibus propositionis superposueris. Bene itaque olet mensa in spe futurorum, bene pascit in re præsentium, cum merito fidei iustitiæ & charitatis, cum de crassitudine præsentis iustificationis impinguat ossa humiliata, & de remuneratione futura odore bono attrahit sancta suspiria.

Hæc omnia in mensa memoriæ exponuntur, si fuerit de lignis sethim, ne corrumpatur obliuione, si duret continua viuacitate, nihil de sensu amittens, nunquam se extra fundens. Habeat duos cubitos in longitudine memoria ut sit tenax malorum suorum ad deslendum, & bonorum ut grates Deo rependat. Habeat cubitum & semissem in latitudine, ut in vno cubito latitudinis, Dei ad se perfectam dilectionem intelligat, in dimidio suam imperfectionem & prauaricationem recolligat. In vno cubito creationis beneficium, in dimidio casus sui præcipitium, in vno redemptionis pretium, in dimidio diffidentia quorundam baratrum, qui nec redempti redemptorem diligunt, nec liberati exire volunt. Habeat quoque in altitudine cubitum & semissem, ut in vno cubito memoria caput nostrum iam perfectè glorificatum agnoscat, & in dimidio membrorum CHRISTI illam partitionem animaduertat, qua cum capite suo pars quædam regnat & alia pars adhuc in peregrinatione ista militat. In vno retineat, quia iam liberata est Ecclesia in Sanctis carne exutis, à necessitate, à miseria & à peccato; in dimidio, quia in peregrinantibus à necessitate tantum & non à miseria neque à peccato. Hæc de longitudine, latitudine & altitudine mensæ quæ est memoria nostra dicta sunt.

Sequitur: Et deaurabis eam auro purissimo. Cum à facie memoriæ fue-

tint errorum caligines, illecebrarum sordidissimæ paludes deterfæ, tunc deaurabis eam si Scripturæ sacris & puris intellectibus illam innexueris, vt sanum sapiat, vt verum intelligat, vt clarum videat. Excludantur vanæ cogitationum lenocinationes, nouæ phantasmatum illusiones, fictæ imaginationum recordationes, ne occupetur memoria in luto, sed honestetur in auro, ne vilescat in cæno, sed fulgeat in cælo deaurato, purissimo auro veteris & nouæ legis. Vide mensam memoriæ deauratam. Memoria iusti cum laudibus. Item, In memoria æterna erunt iusti. Quæ ergo cum laudibus est, quæ æterna est, deaurata est. Illorum verò memoria deaurata non est, de quibus dicitur: Perit memoria eorum cum sonitu.

Sequitur: Facies illi labium aureum per circuitum. Vnum debet esse verbum, cordis & verbum oris, vt purum lac cogitationis emulgeatur vbere locutionis, non degenerans colore optimo, non sapore bono, non liquore vero. Coloratum sit verbum tuum veritate; soporatum bonitate, liquefactum charitate. Totum hoc & in omnibus & in singulis verbis sit, vt sit omne verbum mendax * de simplicitate, sit bonum de vtilitate, sit charitativum de affectione. Hoc est labium aureum per circuitum mensæ, cum memoria cordis talia ori ministrat, quibus & occulta facies secretorum nostrorum cum luce ad publicum prodeat, & locutionis officium cuius vtilitatis causa constitutum sit declarat. Perniciosum quidem esset, si innumerabilis & indomabilis reuolutio cordis iam omnibus pateret, tum propter pudorem verecundiæ, tum propter seminarium discordiæ. Quis vero humanum visum ac tam incomprehensibiliter commaculatum gremium cordis patienter admitteret? Certè aut nimia suffusione ruboris succumberet homo, aut assiduitate mala contemneret, aut turpitudine illecebrosa videntes inficeret. Hac itaque ratione occultanda fuerunt cordis consilia & arcana. Rursum si perpetua obstinatione clauderetur & occultaretur voluntas hominis & coagulum humanæ societatis deperiret, & fomentum malignitatis æternum silentium esset. Quomodo autem amicum diligeres, quem amicum & fidelem nullatenus intelligeres? Vtilitatis ergo nostræ fuit, vt verbum in corde lateret, & in ore patelceret. Sed ne duplex sis, labrum, ne dolosus, aureum, ne infidus & instabilis per circuitum debet fieri. Labium simplicitatem confessionis; aureum puritatem intentionis, circuitus integritatem actionis designat.

Sequitur: Et ipsi labio coronam intransilem altam digitis quatuor. In Evangelio coronam facit Dominus labio aureo cum dicit; Qui me confessus fuerit coram Domino, &c. Labium aureum est confessio Martyrum; quia sicut aurum inter cætera præfulget metalla, sic fides & confessio igne percussionis examinata & prætiolior de patientia, & fortior de constantia, & clarior de pœna & sublimior de contumelia. Auget enim pœna aucta claritatem, constantia probat fortitudinem, patientia ponderat quantitatem pretii, contumelia multiplicat honorem. In pœna persecutoris atrocitas, in constantia Martyris longanimitas, in patientia benignitas, in contumelia humilitas. Fortè ideo corona alta digitis quatuor dicitur, quia secundum altitudinem meritorum, surgit remuneratio præmiorum, vt quasi tot.

* l. verax.

digitis crescat corona, quot cruciatibus contorta est caro in pœna. Sicut etiam labio aureo in confessione peccatorum coronam intransilem altam, quatuor digitis imponit, cum primo digito malam voluntatem emendat, secundo peccata sua accusat, tertio lauat, quarto virtutibus commutat. Primo digito IESVS eiecit Dæmonia, secundo scribit in terra, tertio in lapide, quarto in corde. De primo, Si in digito Dei eiicio Dæmonia. De secundo, Inclinauit se IESVS & scribebat in terra. De tertio, Scripsit in tabulis lapideis decem mandata legis. De quarto, Scribam leges meas in cordibus eorum. In primo gratia præueniens & operans, in secundo gratia adiuuans & cooperans, in tertio mandatum iubens, in quarto liberum arbitrium gratiam sequens. In primo Deus sine adiutorio, in secundo liberum arbitrium cum Deo, in tertio Dei admonitio, in quarto mandati impletio. In primo liberat compeditos, in secundo adiuuat solutos, in tertio illuminat cæcos, in quarto consolidat paralyticos.

Hi sunt quatuor digiti ad quorum mensuram corona interrasilis extenditur, quæ labio aureo superponitur, quia quicquid Scriptura promittit & memoria de Scripturis retinere potest, nec minus habet nec amplius vel in spe, vel in re æterni brauii. Parum namque est habere gratiam operantem & cooperantem, siue mandatum iubens ubi liberum arbitrium seu voluntas nostra non sentit, & satis est ubi obediendo consentit, & nolendo efficaciter legem facit. Interrasilem vero coronam facit, quia nullum sine gratia meritum, & quia nunquam sine libero arbitrio potest * meritum. Nam meritum principaliter à gratia, secundariò est à libero arbitrio. Interrasilis est corona, quæ si attendis liberum arbitrium, rarsa est & rara, sed plena sed tota. Gratia quidem sola coronam posset dare, sed maluit cum libero arbitrio meritum preparare & meritis coronam reddere. Quod corona est, Dei est quod interrasilis nostrum. Si homo non peccasset, corona interrasilis non esset. Non enim corona angelica interrasilis est, quæ de capite illorum nulla offensione corruit sed humana interrasilis est, quæ per peccatum cecidit & per gratiam rediit.

Sequitur: Et super illam alteram coronam aureolam. Euangelico stibulario cui semiuuius traditus fuerat ad curandum dictum est; Si quid supererogaueris, ego cum rediero reddam tibi. Communem meritorum legem transiliens impetus spiritus, semper de inscrutabili promissionum profunditate rimulas in corde nouas effodiens nunquam dicit sufficit. Nouum enim saporem in Deo qui nouato desiderio in proposito religionis non senescit nec tepescit. Cum ergo gloriam virium suarum excedens, non in suis, viribus sed in Dei virtutibus, iam non pedem sed pennas urget, ad coronam aureolam festinat, ut qui præoccupauit non iussa facere audeat, non sperata capere; plus enim quam petimus aut intelligimus dat nobis Deus. De corona aureola dictum est; Qui potest capere capiat, ut quia mandatum de virginibus non habet Apostolus, de impleto consilio sine mandato subinuat restare coronam aureolam supra generale promissum & vincat præmio qui vincit merito. Qui fide sæculum vicerunt quot passibus alios præcesserunt ætate, sexu, professione, passione, castitate, charitate, & cursu cæterarum

cæterarum virtutum, aliùs ad coronam aureolam euolauerunt.

Sequitur; Quatuor quoque circulos aureos præparabis, & pones in quatuor angulis eiusdem mensæ per quatuor pedes. Memoria quatuor habet circulos aureos, quatuor angulos, & quatuor pedes. Vno pede vitur memoria ad illa quæ quidem transierunt, sed adhuc in ianuis stant, & non longè exceſſerunt; alio, ad remota quæ longiùs à præſenti cognitione ſeceſſerunt; tertio ad remotiora, quæ non niſi cum magno ſtudio recogitari poſſunt; quarto ad remotiſſima quæ non niſi librorum lectione & antiquorum relatione reperiri poſſunt. Vel vno pede terit terram, alio ambulat ſuper aquas, alio volat in aëre, quarto aſcendit ſuper pennas ventorum in cælo. Humiliatur in primo, compungitur in ſecundo, accenditur in tertio, exaltatur in quarto. In primo cum peccato naſcitur, * in tertio reſuſcitatur & iudicatur, in quarto glorificatur. In primo natiuitatis IEſu recordatur, in ſecundo baptiſmatis, in tertio tranſfigurationis, in quarto aſcenſionis. In primo reatum originalis culpæ, in ſecundo abſolutionem, in tertio iuſtificationem, in quarto glorificationem recolit. Vel vno pede circuit corpus inanimatum, tertio ſpiritum creatum, quarto ſpiritum incircumſcriptum. Vno pede incedit prudenter, alio fortiter, tertio iuſtè, quarto temperanter & ſobriè. Vno pede hitoriam, alio allegoriam, tertio moralitatem, quarto anagogen requirit. Hæc de quatuor pedibus menſæ.

* ſ. in
2. iudica-
tur, in
3. reſuſci-
tatur.

Quatuor quoque circulos habeat aureos, vt humiliter audiat Doctores, fideliter & firmiter retineat, ſenſum & ingenium vehementer exerceat, noua de veteribus cum lucro excutiat. De primo Salomon; Audi fili mi præcepta patris tui, & ne dimittas legem matris tuæ. De ſecundo, Liga eam in corde tuo iugiter. De tertio Plalmiſta: Meditatus ſum nocte cum corde meo, & exercitabar & ſcopebam ſpiritum meum. De quarto, Dominus in Euangelio reprehendit ſeruum pigrum; Quare, inquit, non dediſti pecuniam meam ad menſam, & ego veniens cum uſuris vtiſque exegiſſem illam? Circuli iſti aurei ſint, ne ſæcularis doctrina te occupet, quæ tanquam lutum æſtimabitur in comparatione veræ ſapientiæ. Quæcunque enim doctrina aut mores non componit, aut fidem non inſtituit, aut charitatem non accendit, vana eſt nec vt aurum ditat, ſed vt lutum ſordidat. Morales denique circuli ſunt obedientia vſque ad mortem, charitas vſque ad ſanguinem, caſtitas vſque ad carnalium deſideriorum mortificationem, humilitas vſque ad extremam deiectionem. In circulo obedientiæ reuocamur, in circulo caſtitaſis reformamur, in circulo humilitatis exaltamur. Non ſcindat circulum obedientiæ inobedientia, non diuidat circulum charitatis inuidia, non contaminet circulum charitatis inuidia, non contaminet circulum caſtitaſis immunditia, non rumpat circulum humilitatis ſuperbia. Aurei ergo ſint circuli iſti, vt pro vera non pro vana gloria obedias, diligas, caſtiges & humilies animam tuam. Hoc de circulis. De angulis vero memoriæ ſatis arbitror fuiſſe dictum, vbi de angulis arcæ tractauimus.



PETRI CELLENSIS ABBATIS,
de Conscientia: ad Alcherum Monachum

LIBER.



HARRISSIMO suo fratri Alchero monacho Claraualis, frater Petrus Cellensis, salutem & conscientiam bonam. Religiosa mens, religiosa curiositate quærit de religione conscientia: ut sciat, immò ut habeat conscientiam bonam. Amplector quæstionem, magis quidem ut discam quàm ut doceam. Reuocatus siquidem tua quæstione ab euagatione mundani circuitus, quæstionem mihi de quæstione facio. Aggredior proinde fodere cæcus & mendicus in altum sicut talpa quærens venire ad lucem conscientia:, quamuis caream lumine conscientia:. Miro enim modo bestiola illa manibus & pedibus, immò manibus & pedibus relicit oppressionem ponderis, & caliginis appetens aëris libertatem, & fortè lucem etiam sine luce oculorum. Eatenus equidem & ipse latibulo umbrosa negligentia: captus, parum pensabam quàm iocundum sit erumpere in lucem & libertatem conscientia:. Scalpello autem instantia: quærentis quid sit conscientia, venâ cordis incisâ, vnde cumque vocaui viuum sanguinem venarum totius meditationis, ut de sanguine defæcata contemplationis, & stylo commendaret seu commodaret cor quod sufficeret scribenti & sibi retineret vnde viueret. Tunc enim utiliter scribitur, cum de tractatu suo & vita propria emendatur, & aliena conscientia nihilominus instruitur. Nec credendum quod semper vena cordis euacuetur perniciosè, cum piè inciditur; quin potiùs de effusione charitatis commodiùs fluit & liberiùs.

Partito itaque labore operis, quod à te iniunctum suscepi, hic meam magis erubescere cœpi putrefactam conscientiam in operibus mortuis, vnde tuam aliorumque Sanctorum qualis sit vel esse debeat ex libris sanctis studiosius inuestigavi. Rem verò difficilem & grandem pro tarditate ingenii, breui vnoque sermone non potui expedire, & idcirco in prolixitatem excessi. Aliud quoque me protraxit in longum sermonem, ut saltem tamdiu ad se includeretur conscientia, quousque legeretur vel tractaretur de conscientia. Perutile namque est conscientiam lentis & diuturnis confricationum meditationibus ad seipsam confouere ut lata quiescat, ut fecundè incalcescat, ut sole lustrata & illustrata seipsam in seipsa recognoscat. Putas si se agnosceret pulchra inter mulieres, quòd deinceps post vestigia gregum à se abiens paludosa itinera incideret, & hædos lasciuæ carnes palceret? Putas quàm agrè relicta dulcedine & pinguedine sua, inter ligna sylvarum veniret, si quanti boni sit conscientia, deuota & Deo grata cognosceret? Pu-

DE CONSCIENTIA, LIBER. 419

tas vel ad punctum abstinere amplexu sponsi patienter ferret, si verba tenuisset? Sed misera, sed caeca, sed stulta quia amplexatur stercore, quia amat tenebras, & quod miserius est, quarit etiam miseriam cum miseria. Nam quod in mundo sublimius, hoc miserius est & miserabilius.

Sed ab ista miseria ambitionis, illa non illam quæ in itinere obsistit, miseria retrahit difficultas, quia non miseria æstimatur. Fallax gratia & vana pulchritudo magnæ meretricis calice aureo bibentis, sed felicitas. Revera autem infelicior est illa miseria, quâ anima interficitur, quæ est prosperitas stultorum, quàm miseria quâ corpus exacerbatur, quæ est pœna malorum. Vtriusque autem miseriæ stimulum bona conscientia non sentit. Itinerariam miseriam non sentit, quia non egreditur ad viam illam malam quæ ducit in infernum. Mansionariam nihilominus euadit, quia clausit ianuam quâ ingreditur mors ad animas nostras. Sicut enim egredi recusat, quia leo in itinere est: sic ianuam pandere vitat, quia coruus in fenestra est. Abhorret autem æquæ & nigredinem corui & ferocitatem leonis. Nigredinem ne dedecoretur, ferocitatem ne deuoretur. Forsitan inquit absorbuisset nostram pulchritudinem macula corui, vel teneritudinem, gula leonis, nisi Dominus adiuiuisset nos, ne diluuium expositum immergeret, & malam bestiam de itinere tollendo, ne Ioseph ad fratres venientem deuoraret. Docet in Euangelio Dominus quomodo claudere se debeat intra se conscientia dicens; Intra, inquit, in cubiculum tuum. Quod est cubiculum tuum, nisi conscientia secretum? Quod ostium nisi os tuum? Cùm itaque oraueris, intra cubiculum tranquillæ & quietæ mentis, ubi est Dominus qui habitat in Sion, & in pace factus est locus eius, atque ibi loquitur ad cor Ierusalem.

Intrat, inquam, in cubiculum vt voce sua cor clauderetur ad Dominum, clauso ostio exteriorum sensuum. Vxor enim illa quæ non per arterias gutturis aërem istum molestat, sed secreto itinere spiritus in spiritu & veritate Spiritum sanctum pulsatur, efficacior est in petitionibus suis, & statim cùm auditur, exauditur. Auditur autem sine pulsu soni, quam citò mouetur affectio cordis. Affectio enim si Deo & sibi concordat, concentum cœli in harmonia sua delectat. Cantat & Deus psallit immo exultat. E contrario quidam qui quotidie orant & cantant in aliis linguis & labiis & ideo non exaudiuntur, cum indignatione Angelis dicunt, Cantauimus vobis non saltastis, lamentauimus & non plorastis. Quasi; Nec prosperitatibus nostris congratulando affuistis, licet quotidie in oratorio decantaremus, nec molestiis nostris compassi estis, licet vsque ad lacrymas compungeremur. De huiusmodi enim lacrymis, quæ simulatione funduntur vel cum impuritate in Propheta legitur: Lacrymis vestris polluistis altare meum. Potius enim lacrymis suis polluitur conscientia, quàm abluitur, quæ in delectatione peccati simulatorias effundit lacrymas, nolens peccatum deferere, sed sic flendo redimere & iterum peccare. Ita etiam dictum est de oratione Iudæ; Fiat oratio eius in peccatum. Conscientia itaque pura & saltare, id est congaudere sibi facit Angelum cùm cantauerit, & plorare, id est, compati cùm lamentauerit. Gaudium est enim Angelis in cœlis super vno pec-

Ggg ij

catore pœnitentiam agente. Item alias scriptum est, quia Angeli pacis amarè flebunt, videlicet super pœnitentes compatiuntur.

Ecce quanti est conscientia bona. Soror Angelorum est, sed certè adhuc dum pendet ad vbera Ecclesiæ parua, quia vbera nondum habet angelicæ perfectionis, quæ cùm habuerit, veniet etiam vsque ad contubernium Dei. Conscientia bona titulus est religionis: conscientia bona titulus est deliciarum: conscientia bona est arca fœderis, conscientia bona est scyphus Ioseph, in quo augurari immò inebriari solet: conscientia bona thesaurus est regius, conscientia bona est aula Dei, conscientia bona est liber signatus & clausus, conscientia bona est quicquid delectabilius, quicquid pulchrius, quicquid honestius, quicquid vtilius, quicquid iocundius, quicquid melius, quicquid salubrius potest dici vel cogitari. Vnicum & singulare apud pias mentes futuræ beatitudinis, pignoris vinculum conscientia bona. Nescit vaga de mueronis instabilitate circumferri. Infra se reputat quicquid sensualitati obscurum vel blandum se offert. Clara est etiam quæ nunquam marcescet conscientia, atris nubibus non obumbratur: sole torrido non exurit, pestilentia non inficitur, vago recurso stellarum non relabitur. Ploret mundus, rideat, omni volubilitate circumrotetur, ardeat, pereat, transeat, nunquam marcescet conscientia. Subigatur ergo corpus in pœna, ieiunijs maceretur, verberibus lanietur, eculeo distendatur, gladio trucidetur, crucis supplicio affligatur, quid ad conscientiam? In pelle morticina potius scribuntur ista ad meritum coronæ, quàm insiguntur pro delicto culpæ. Et quæ proinde ad conscientiam molestia?

Quò, inquit, conscientia tortor maligne acrius pungis, eò decentius pingis pellem carnis meæ quæ est vna de pellibus Salomonis. Punctura tua est mihi pictura. Cedo ergo pellem, vt pingas cum pungis: pungendo enim & pungis & pingis. Pellem pro pelle, & cuncta quæ habet homo dabit pro conscientia sua. Extendis in supplicio pellem sed tunc magis apparet figura picta. Glorior de amictu vario. Quando denique vermiculatas aspicio plagas, quando candentia lilia, quando rosam de spina, quando studia singulatum virtutum singulas depingunt mansiones cœlestium cellarum; quid gloriæ, quid gratiæ tunc præ gaudio superebullit conscientia? Vtinam tanquam pauimentum substerneret illa hora illi conscientia. Quas tunc, ô Deus, refocillationes ore sacro caperet ieiuna anima, quas eructationes reciprocet impinguata & dilatata conscientia? Vellet, nollet, non se teneret à coruscatione mirabilium quæ facit Deus sibi, sicut non poterat se continere Ioseph plenus multo pietatis & compassionis. Invidetne aliis huius in omni conscientia gratiam suam? Sed cum inuidia tabescente, iterum non habet. Est-ne difficilis, & quam pia sollicitudo adire nequeat? Sed facile videtur ab his qui quærunt illam. Tardatne aperire vt tædio affectus resiliat? Sed præoccupat qui se concupiscunt, vt illis se prior ostendat. Est ne pigrum ire ad illam? sed ad te veniet. Qui de luce vigilauerit ad illam non laborabit. Adstantem enim illam foribus suis inueniet. Quid plura de conscientia dicam? Vnum dico, quia cogitare de illa sensus consummatus est,

al. O-
stendit.
al. E sine
piger.

DE CONSCIENTIA, LIBER. 421

etiam qui vigilauerit ad illam semper erit securus. Saluâ reuerentiâ sapientia, vtilius est currere ad conscientiam quam ad sapientiam, nisi sapiens sit quæ ædificet conscientiam.

Sed æquis passibus ad mentem veniunt sapientia, & conscientia vt nunquam veniat sapientia sine conscientia, nunquam conscientia sine sapientia. Ad quem finem nihilominus incessu proportionali vtraque & sapientia scilicet & conscientia tanquam vehiculum proprium animam deducunt, ex libro Sapientia: à quo iam multa accepimus, videamus. Sic autem vtramque ad inuicem copulamus, vt quod de vna dicitur ad aliam transferatur. Dicitur autem in libro Sapientia: de initio & de fine Sapientia: sic; Initium illius verissima est disciplina: concupiscentia. Cura ergo disciplina:, dilectio est, & dilectio custodia legum eius est. Custoditio autem legum, consummatio incorruptionis est. Incorruptio autem facit proximum esse Deo. Concupiscentia itaque sapientia: deducet ad regnum perpetuum. Ecce cursus igneus & equi ignei, & auriga Deus quo deferunt non amphoram, sed animam, ad regnum vtiq; perpetuum. Desideras regnum & præcipue perpetuum. Attende & ascende non cursu præcipiti & inordinato vt Sathan, qui sicut fulgur de cælo cecidit in gehennam, sed sicut aurora solis consurgens & crescens vsque ad perfectam diem. Apprehende itaque disciplinam vbi cæduntur & dolantur ligna cedrina. Si enim extra disciplinam estis, ait Apostolus, ergo adulteri & non filij estis. Cæsurâ verò disciplina: conquadratus & coaptatus, fabrica: ciuitatis quæ in quadro posita est, in latitudinem, longitudinem, profunditatem & altitudinem charitatis deductas, apprehende & tene ipsam dilectionem. Qui autem diligit, legem impleuit.

Est ergo dilectio custoditio legum. Quæ denique stipendia meretur, quæ mandata seruat? Si quis, inquit Dominus, diligit me, sermones meos seruabit & pater meus diliget eum, & ad eum veniemus & mansionem apud eum faciemus. Sed venienti Domino oppone & expande palliolum incorruptionis, vt inuoluas syndone tali non iam corpus IESV, sed ipsam Trinitatis gratiam ad te venientem, & in te manentem. Quid autem tunc Regi sæculorum immortalis inuisibili facies, immò quid ab eo accipies? Regnum profecto & diadema regni in capite tuo. Erit denique & torques in collo tuo. Regna ergo in regno conscientia:, nec non & sapientia:. De his hætenus: Epistolam istam præ foribus libri de conscientia volo appendi, vt delibatione ista prægustata vel respuat lector, si malè sapit quod dicitur, vel auidius penetret interiora velaminis, infra quod continentur plura, non solum de conscientia, sed etiam de corde purificando, non vsquequaque inutilia. De emissionem namque cordis, de retentione, de effusione, de solutione, de amissione, de reparatione, de recuperatione, breuiter quædam subter annotata sunt.

Supputare anni & familia: alimenta tam est optimi viri & prudentis, quàm viuere non accidentaliter, sed lege certa & iusta. Vile enim opinioni bonæ & onerosum est, siue de manu, siue de menta alterius pendere. Numerato itaque & apud se reposito sumptu temporis subsequenti, iam iam futura

Ggg iij

quietis solatia praelibare incipit homo prudens, non casu fortuito vitam acturus, sed securitate lata & probata. Tempora proinde & temporum confert ad inuicem congrua subsidia, ne si vacuum viatico suo tempus anni successerit, inopia redarguat hominis pigri inertiam, & cum pauandi debeat inuenire otium, incurrat famis tormentum. Properat denique extinguere molestias exactoris quotidiano rugitu intestinorum substantiam depradantis, dum vniuersaliter rerum omnium abundantia redundans excludit angustiam mentis & messis, ut sit mensis ex mense continuatione frugalitatis, & Sabbatum ex Sabbato conterminatione gaudij & otij. Rimatis igitur interiorum penetralibus & mentis recessibus exploratis, quæ in conscientia apothecis expensa sustentationibus animæ nostræ in generatione & generationem perpenditur, exemplo non dissimili nec minori sollicitudine instare debemus, ut sciamus quæ sunt sufficientia, & quæ destituant sufficientiæ plenam & perfectam mensuram.

Animaduerto proinde his te bone amice & sancte monache Alcheri, sollicitum studiis, circa animæ tuæ res familiares cum non solum de agris sanctorum Doctorum fertilissimis cibum quotidie, immo cibaria colligere spiritualia non desistas, sed etiam ad tenuissimum nostræ paupertatis promptuarium manum porrigis, à paupere non pauperem postulans stipem, videlicet conscientiam. Et quomodo dabo quod non habeo. Certè non habeo conscientiam nisi pannosam & paludosam, quam si contingis manus contaminabitur, quam si aspicias oculus pudorabitur. Tutius igitur in latibulo suo contutabitur, ne de sepulcro euaporationes emittens nebulosas & foetidas pestilentiaë conflagret incentiua, & non solum non excitet ad vitam in morte malæ conscientiaë torpentes, sed adhuc palpitantes quantalacumque vitæ conscientiaë bonæ infectas extinguat. Surgam tamen & ibo ad amicum, cuius iam clausum est ostium, & pueri cum eo sint in cubili & dicam ei; Amice, commodam mihi tres panes ut sciam quæ sit bona conscientia, quæ mala, quoniam amicus meus frater Alcherus venit de via inquisitionis ad me, quærens quid sit bona conscientia, & non habeo quod ponam ante illum.

Igitur de acceptis ab amico iam repono, & de conscientia tractare incipio. Omnium autem tractandorum doctrina ita euidentior fit ad capiendum & faciliior ad retinendum, si sub oculis compendiosa copulatione simul tota materia vnde tractandum est, vel sigillatim eius partes tam manifesta distinctione quam certa diffinitione subiiciantur. Hanc namque à Doctoribus formam agendi in tractatum compositione traditam, alij nobilius pro facultate boni ingenii exercent: alij obscurius pro tarditate sensus parum exercitati in stylo suo interpretantes, susceptam materiam posteriorum intelligentiaë mandauerunt. Proinde neutras istorum partes affecutus meam ipse admiror præsumptionem, immò temeritatem, quod litteras sine litteris ordinatè aggredior, quod tractatoris officium iam insumo, qui nec lectoris ministerio sufficio. Vnum verò illud est quo ipse & me apud memetipsum excuso & aliorum redargutioni satisfacio, quia non importunitate propria, sed charitate admonitus fraterna huic me operi destinaui, &

DE CONSCIENTIA, LIBER. 423

nescio si vtiliter, scio tamen quia humiliter à bono & sancto viro mihi que dilectissimo onus iniunctum suscepi.

Quid sit Conscientia, & unde dicatur?

DE conscientia igitur rogatus sum tractare, & non qualem habeo, sed qualem habere debeo dicere. Nec enim unius generis est omnis conscientia, ut scilicet quicumque habent conscientiam, eandem se credant habere innocentiam. Assignandum ergo est quid sit conscientia, & unde dicatur, deinde quantum ex aliorum occultis datur reminisci vel ex scripturis intelligi, velut partes immò species quasdam conscientiarum subinferam, & ut gratia donauerit absolvam. Primum tamen lectorem nostrum admonitum esse volo in his literis non scientiam querere, sed conscientiam, habeat aliàs copiam lectionis, siue diuinæ apud nostros, siue propheticæ apud naturæ inquisitores domesticos ad eruditionem scientiarum, habeat hanc membranulam ad inuestigationem & informationem conscientiarum. Quid itaque sit conscientia, non diffinitione, sed quadam descriptione videamus. Conscientia est sui ipsius scientia vel de bono præsumens, vel de malo dissidens. Fit autem planius quod dicitur sui ipsius conscientia, si hoc requiratur de nominis etymologia.

Est autem etymologia huius nominis talis, conscientia est cordis scientia. Videtur fortè secundum hanc etymologiam non aliud esse conscientiam quam scientiam. Nam cordis scientia est, siue quod in corde est, ad concipiendam forinsecæ propheticæ disciplinam, siue quæ de corde intelligendo in corde melius moratur & vtilius consecratur. Vtroque autem genere dicitur cordis scientia, sed altero tantum conscientia. Dupliciter enim intelligitur cordis scientia, videlicet vel illa quæ se nouit in se & per se, vel illa quæ præter se etiam alia nouit ex se. Cor enim & se nouit suâ scientiâ & multa alia. Quando nouit se appellatur conscientia, quando præter se alia, nominatur scientia. Denique de illa sapientia quæ in corde est dicitur, Dedit Deus sapientiam in corde Beseleel ad facienda omnia opera siue ex auro, siue ex argento, &c. Item de quodam dicitur, quia sapiens corde est & fortis robore. Rursus de illa quæ ad se non ad alia habetur scriptum est: Utinam det mihi Deus dicere hæc de sententia. Item, Os iusti meditabitur sapientiam, & lingua eius loquetur iudicium. Multi proinde quærunt scientiam, pauci conscientiam. Et si fortè tanto labore & sollicitudine quæreretur conscientia, quanto sine dubio vana & sæcularis scientia & veriùs apprehenderetur & fructuosiùs retineretur. Si enim non longè à se penetret & se intra seipso doctore cum gratia inuestigans, quid mirum si inueniretur? Immo mirum si inuenire aliud in se quam se posset, nisi fortè ad suam animam operante gratia inclinatum Dei imaginem occuparet. Et si hoc esset, quid esset? Quid enim est creatrix imago in imagine creata, nisi sapientia in anima, nisi gloria in conscientia, nisi sanctificatio in arca? Tunc enim se intelligit anima, tunc illustratur conscientia, tunc cordis impletur scientia, tunc in se Deum & in Deo mutua reuolutione recipit seipsam, imago creata.

Ad hanc animæ nostræ & verbi Dei refusionem, gratia vices operatur cuiusdam ministerialis vtique Dei, vt velit Deus in nobis infundi. Puritas verò suscipit præparare animam, ne verbi maiestas recuset gremium cordis. Gratia deducit Deum ad hospitium nostrum, puritas satagit circa fidele obsequium. Gratia hospiti jam suscepto pocula infundit, puritas venientem excipit. Istæ sunt quæ lætificant animam iusti, istæ quæ conscientiam gratam Deo exhibent Angelis & hominibus reuerendam, sibiipsi pacatam & quietam. Hæ sunt duæ oliuæ & duo candelabra lucentia ante Dominum. Duæ quidem sunt oliuæ, vna qua compassione miseriarum nostrarum reflectitur sublimis ille oculus maiestatis, ad sterquilini nostri lamentabilem ægrotationem, altera qua intestinorum corruptæ cicatrices resperguntur, & oculus faciei nostræ conturbatus ad medelam inungitur. Duo nihilominus candelabra, vnum quo beneplaciti diuini voluntas nostris mentibus suggeritur, alterum quo remunerationis maiestas spei nostræ obtutibus jam offertur. Conscientia quæ sic duabus oliuis, & duobus candelabris clarificatur, bona est & crassa & clara apud Deum & homines. Bona simplicitate, crassa claritate, clara castitate.

Descriptio quadam conscientia sub imagine cuiusdam mulieris.

DE cuius habitudine vt tibi exemplum faciam, non sub errore idololatricæ, sed sub specie euentioris doctrinæ, tale quid in animo finge quod ad pietatem deuotionis mentem compungat, & de visibili exemplo ad inuisibilem contemplationem animam accendat. Pone itaque mentem varietate & plenitudine diuersorum ferculorum refertam. Constitue Regem in diademate suo coronatum & omni triumphali sublimitate insignitum, in capite & principali loco residere, cui manus adstantium & ministrantium tam ad cibum quàm ad potum sedulissima sit. Sint vasa aurea & argentea in omnem vsum, sint & pocula melle condita, sint ad nutum obedientia palato & gutturi, quæcumque fuerint apposita. Cithara & lyra & psalterium, auditus conuiuantium, suis reficiant modulationibus. Vestes ibi regis, incessus iuuenum & adolescentularum compositi, mores honesti, & in tota familia summa æquitatis censura, ad vnguem componat omnia vsque ad minimum motum. Hinc inde tapetia siue pallia opere plumario seu polymito contexta. Lectulus floridus, laquearia cypressina. Quid plura? Dispositissima ordinatione ordinata omnia, ita vt nihil desit ad cultum aut supersit ad tedium. Vacet tamen interim locus præ aliis spatiosus & speciosus, reginæ & matrifamilias singulariter præparatus. Fortè occupatione à diuersorio occupata, solemnia Regis, morâ sui aduentus Regina illa differat. Omnium interim & vultus & singultus, sedis illius repletionem exopteat. Tandem veniens mulier, cuius pulchritudinem Sol & Luna mirantur, & residens claudat ianuas, & impleantur nuptiæ discumbentium. Scrinia mystica ad vltimum quæsitæ & reuerata nomen edicant in aula, & conscientia appelletur hæc domina. Petente autem sedem paratam à sæculo conscientia & residente, vox sponsi auditur satisfaciens

DE CONSCIENTIA, LIBER. 425

tisfaciens vniuersæ curia de sponsa : Vna est, inquit, columba mea, vna est matri suæ, electa genitrici suæ. Vna proculdubio est conscientia propter fidei vnitatem & propositi immutabilitatem : columba est propter simplicitatis mansuetudinem : vna est matri suæ propter charitatis perfectionem, electa genitrici suæ propter charitatis decorem & pulchritudinem.

De forma Conscientia.

CVius pulchritudinis tenorem in habitu ipsius typicè legens, rursus tali descriptione mores eius subcingo, & per colorum varietates virtutum vniuersa membra distinguo. Est itaque procera statura propter perseverantiam longanimitatem, habet oculos smaragdinos propter castitatis perpetuum virorem, nasum sicut turris Libani quæ respicit contra Damascum, propter incurfantium tentationum prudentem discretionem, genas subrubentes propter fraternæ oppressionis compassionem, labia fauo & melle redundantia, propter mystici eloquii suauitatem, manus tornatiles, propter obedientiæ perfectam operationem, pectus robustum, propter vigilantem instantiam aduersus dæmonum infestationem, calciamenta pedum æs & ferrum, ad quassanda capita draconum, coronam auream circa lumbos, ad restringenda incentiua libidinum. Induitur vestimentis quorum odor & fragrantia myrrham mortificationis, guttam humilitatis, & cassiam bonæ opinionis spirant. Vt autem caput retorqueamus ad pennulas diuini timoris & extremi iudicii, videamus quàm secunda in specie & pulchritudine sua talis conscientia ad iudicium veniat, nec inopiam expauescens propter abundantem virtutum sufficientiam, nec sententiam propter matrimonii copulam, nec pudorem vel confusionem propter vestimentorum ornatum seu fragrantiam.

De securitate Conscientia.

IAm hyems præproperè fores præoccupans crudelis necessitatis, quando nec arari poterit per meritum, nec metiper præmium hactenus non comparatum, longo immò æterno tractu duratura, negabit mendicare suffragium cuiuslibet intercessionis. Clausa enim erit misericordiæ ianua quæ modò patet, & etiam dilatat se vsque ad iudicii extrema tempora, clausa erit & effugij opportunitas & defendendi se omnis possibilitas. Sola conscientia inopum miseriam, si vnde manum impleat habuerit, consolabitur, sola refugium præstare poterit, sola à timore formidinis, & à facie maiestatis obstaculum præbebit. Cum ergo cælum & terram ignis vindictæ & iræ Dei conflagrabit, & ab isto statu prorsus in alium habitum & figuram exportabit, raptus homo in nubibus, si puram & integram secum detulerit conscientiam, nec tonitruorum concussionibus expauescet, nec fulgurum vibrationibus obstupescet : nec tubis angelicis in fugam corripietur, nec fulgure assistentis viuificæ crucis vel maiestate residentis cornuti & oculati agni reuerberabitur. Leo rugiet, quis non timebit? Vtique qui cauernam conscientia circumseptam intrauerit. Leviathan seu Sathan soluetur, quis euadere poterit?

H h h

Proculdubio qui turrim conscientie sufficienter armauerit. Væ væ vndique audietur, & quis de securitate gloriabitur? nempe qui in pace de bello cogitauit, & qui fleuit cum alii riderent. Sicut ebrius & vomens erit omnis qui calice babylonico seu aureo potauit mundi luxuriam vsque ad faces mortis, & quis sano capite & ventre vinum sobrietatis & iocunditatis epotabit? Certè qui motibus impudicitie repressis animi & conscientiam suam castificauit: Discedite à me omnes qui operamini iniquitatem, vociferatione valida conclamabitur: & quis ascendet ad Deum, vt facies eius illuminetur? Nimirum qui non inquinauit vestimenta sua, vel qui saltem lauit ea in sanguine agni, vera confessione & integra cordis contritione. Non erit panis & aqua, & quis viuet sine pane & aqua? Sine dubio cuius est vita munda & pura conscientia. Horrea namque plena habet bona conscientia sicut scriptum est: Nihil deest timentibus Deum. Vniuersa namque instrumenta beatitudinis apud se retinet conscientia quæ Deum timet.

Habet deambulatorium veritatis, habet pratum siue hortum voluptatis, habet puteum cordis profundi; habet vbi in idipsum dormiat & requiescat, habet mensam altaris, habet templum castitatis, habet focum seu caminum charitatis, habet balneum confessionis, habet vestimenta satisfactionis, habet stolam immortalitatis, habet calciamenta imitationis Dei, habet annulum æternitatis. Quid ampliùs dicam? habet lunulam, torquem, discriminalia, periscelidas, mitras, monilia, & multa his similia, quorum interpretationes sunt morum bonorum optimæ informationes: quarum perfectio est plenitudo, vt sicut rota volubilis in quadrigis à quatuor equis velociter & cum impetu quo fuerit aspectus aurigæ præsentis circumferatur: sic Dominus iustitia præsentis & regente rotam animæ, in quatuor equis principalium virtutum, id est prudentia, iustitia, fortitudo, temperantia ad suam dirigat voluntatem. Certè conscientia cuius frana ab anteriori parte trahit prudentia; à dextra iustitia, à sinistra, fortitudo; posteriori, temperantia non discordi motu sed consono, ad cælum tollitur clamans & dicens: Nostra conuersatio in cælis est. Parum denique est bonæ conscientie esse in cælis nisi & ipsa cælum fiat.

*f. præfidente.

Quomodo cælum efficiatur conscientia per verbum Domini spiritu oris eius.

Efficitur enim cælum per inhabitantem spiritum eius qui fecit cælum & terram, & habitat in cælis: Verbo enim Domini cæli facti sunt & spiritu oris eius omnis virtus eorum. Re vera hæc tria, scilicet Verbum, Dominus & Spiritus oris eius, creant, formant & ornant cælum conscientie: Dominus quidem creat; Verbum format, Spiritus ornat. Simul tamen Trinitas hæc operatur, quæ à nobis in nobis secundum diuersa merita nostra singillatim distinguuntur. Quæcumque enim Pater facit*. Sed ecce signato Trinitatis mysterio ad conscientie trinitatem vel trinam dispositionem intentionem nostram tractamus, Dominus timore suo conscientiam creat; Verbum Domini instructione sapientie confirmat, Spiritus

* deest aliquid.

DE CONSCIENTIA, LIBER. 427

oris eius donorum varietate exornat. Et nota hîc quasi tres distinctione oculorum personas, id est seruum qui timet, magistrum qui docet, amicum qui diligit, & omnia amico communicat. Vtitur Dominus seruo, magister verbo, amicus honore & dono: Seruus præcedit Dominum, sapientia emittit verbum, amicus præmittit donum. Sine seruo non est Dominus, sine verbo non est magister, sine dono non est amicus. Secundum maiestatem Domini auctoritas serui, secundum sapientiam magistri doctrina verbi; secundum dilectionem amici, doni pretium. Si magnus Dominus, fidelis sit seruus, si magister sapiens, bona eloquia oris eius, si amicus diligens, pulchra bona & vtilia dona eius. Seruus domino omne lucrum suum adquirat,* nondum doctrinæ honorem magistro & vtilitatem comparet discipulo, datum donum vicissitudinem referat amico.

Quod timor componat conscientiam.

INchoatur autem conscientia à timore, producit & deducitur à subiectione, perficitur & consummatur in amore. Nisi timeat conscientia, facinus quodlibet attentat, vel perpetrat, nisi subiiciatur verbis veritatis, in elationis & mendacii ventum euanesceat, nisi diligat quod diligendum est, calcaribus semper virgetur, & circa propositum sistitur. Fundamentum iacit timor, parietes construit humilis subiectio, tectum superædificat sublimis dilectio. Vel certè machinam huius ædificii timor componit, subiectio linit, dilectio pingit: & compositio quidem pertinet ad materiam cogitationum dolandam, leuigandam, in modum ad formam iustitiæ redigendam. De sylua enim motuum & phantasmatum nostrorum, idonea & habilia, structuræ templi Salomonis ligna velut bona materia sunt eligenda, quorum natura suscipiat dolam disciplinæ à scientia increpationum. Timor ad ista omnia tanquam bonus accedit dolator, ut susceptam à corde, quasi à sylua, cogitationum materiam disponat eam, modò superflua refecans, modò distorta dirigens, modò inæqualia ad æquitatis statum in mensuratione colligens, & inter se trabes, columnas, laquearia & reliquam structuram coarctans & compaginans. Clauillis denique siue clavis diuini timoris Propheta compositionem structuræ suæ configi optat cum diceret: Confige timore tuo carnes meas, à iudicijs enim tuis timui. Hactenus de compositione quam timor facit & est quasi creatio conscientiæ, ut superius dictum est.

De linitione conscientia per observationem mandatorum.

Nunc de linitura siue temperamento mandatorum Dei, de quo in Psalmo dicitur: A mandatis tuis intellexi; cum enim à timore ad mandata currimus, quasi suppositæ compositioni linituram superinducimus. Mandatorum quoque adimpletio, & duritiam timoris exasperantis animam emollit, & valliculos imperfectionis complemento spei ad æqualitatem vnitatis & vnanimitatis conducit, & vincula meliora siue mallei concussionem ad sese lapides colligens interponit. Vnde & in templo Salo-

H h h ij

monis vt scriptum est, malleus & securis audita non sunt. Confirmat denique quæ erant ruitura, immo quæ iuxta Apocalypsin erant moritura. Instabile namque est quodcumque sine dilectione & mandatorum obseruatione timor proposuerit. Ideo Scriptura dicit; Deum time, & mandata eius obserua. Ecce aliquis fortè timore malorum suorum concussus ad cor redit, culpam & pœnam reatum suorum in mensa apponit, numerat lapides tormentorum, ac de his incipit pœnitentiæ & conuersationis muros ædificare, vt saltem inter se & ciuitatem infernalem ponat sartaginem ferream, vel murum æreum aut latericium.

De coctis enim lateribus, id est de correctis moribus, vel de lapidibus, id est de malis prioribus murum construit, qui ad seipsum conuersus veteres reatus in nouæ vitæ meliorationem corrigit. Sartaginem ferream inter se & ciuitatem interponit qui pœnitentiam certam, stabilem & duram contra carbones desolatorios æternorum cruciatuum opponit. Sed quis ad hæc idoneus? Quis est cuius fortitudo, fortitudo lapidum, cuius caro ænea sit? In labore & ærumna, in vigiliis multis, in fame & siti, in frigore & nuditate, in carcere claustrali, in colluctatione carnis & spiritus, quis non succumbat, quis non deficiat, nisi Spiritus adiuuet infirmitatem nostram, nisi virtus supponat manum suam? Idcirco ait Dominus. Dum es in via cum aduersario tuo concorda, ne fortè tradat te iudici, & iudex tradat te tortori. In via laboris & peregrinationis verbum siue timor Domini aduersatur concupiscentiis nostris. Cum quo facimus concordiam, si timeas legem. Secundum namque legem iudex præuaricatores legum punit non obseruatores. Nam legis obseruatio iudicis est delinitio. Qui seruat itaque mandata minuit, immo linat timores, & confortat vires amandi & continendi. Et hoc de linitione verbi per temperamentum subiectionis. Sequitur de pictura dilectionis.

De pictura charitatis in Conscientia.

Vlui & veri colores charitatis, non volucrum, non quadrupedum, non sanctificas immo fanaticas imagines imaginis Dei signaculo exprimunt, sed conformitatem adoptionis filiorum & gratiæ reparatio genere pingendi per neruos & venas principalium virtutum in anima componunt. Pingit enim dilectio non stylo ferreo timoris, in vngue adamantino obstinati cordis, sed pennicula volitante ad supereminentem scientiæ charitatem CHRISTI. Quàm pulchras & quàm decoras nouit depingere formas dilectio. Caput sphericum & rotundum, sed aurum in statua sua charitatis pingit, quia intentionem puram & perfectam facit. Columbinos aspectus subiungit per innocentiam, manus tornatiles per eleemosynam, nasum apertum & recuruum per discretionis temperantiam, vbera plena per abundantiam gratiæ, pedes rectos per incessum misericordiæ, corpus totum plenum oculis, per circumspeditionem industriæ.

Pingit trinum & vnum Deum in capite, pingit IESVM passum in oculis, pingit librum Euangelij in auribus, pingit flagella in dorso, pingit

DE CONSCIENTIA, LIBER. 429

lanceam in latere, pingit totum corpus extensum, adeo ut ossa dinumerarentur, pingit acetum in potu, fel in gustu, pingit coronam spineam in capite, pingit velatum facie, pingit alapis caelum, pingit mortuum, pingit Mariae Magdalenae in horto apparentem & confabulantem, pingit cum Apostolis conuescentem, pingit ad caelos ascendentem, pingit ad dextram patris residentem & regnantem, pingit ad iudicium manifestè, cum potestate magna & maiestate venientem, pingit sinistris terribilem, dextris amabilem. Ecce sculptura, ecce pictura charitatis. Sed unde illi vel quales sunt colores quibus immaterialis tam sublimiter animae depingitur imago? Anima uerte unde sunt colores & quanti sint, & affectuosiùs suscipies conformatas imagines.

Verminium liue rubeum habet colorem in sanguine, nigrum in passione seu in morte, viride in resurrectione & in ascensione, terrenum in conuersatione mortali, purpureum in vexatione assidui certaminis, siue cum hominibus, seu cum malignis spiritibus. Ecce colores. Sed ubi vascula, immo cornua ubi sunt in quibus seruantur colores isti? Quae cornua iustitiae colores continent, nisi cornua iusti? & quae sunt cornua iusti, nisi corda iusta? Verum cornu in quo melius reponuntur ista, est illud modicum humilitatis cornu, de quo Daniel loquitur, quod factum est grande contra Meridiem, & contra Orientem & contra fortitudinem. Verè humilis conscientia, quae sicut cornu de carne quidem procedit, sed carnem fortitudine, duritia & longitudinis quadam prominentia excedit, grande efficitur contra Meridiem, quando vicerit calorem nocuum libidinis, contra Orientem, quando inanem gloriam, contra fortitudinem, quando omnem tentationem diabolicam. Virtus conscientiae tanta in facie Moyse apparebat ut cornua diceretur, ut oculos reuerberaret insipientium exuberans sanctitas legislatoris. Est tamen subiatelligendum, feruentis gratiae velut musti noui impetus sanctorum pectoribus cohiberi carnis ponderibus, si lex cum gratia montem mentis conscenderit & totas tabulas descriptione mandatorum impleuerit. Sicuti etenim instabilis littera vel pictura mandatur ad informationem mentium, vel delectationem oculorum; sic in corde memoria bonorum caelestium retinetur, vel ad meritum gloriae, vel ad munimentum ipsius conscientiae. Pœnitet autem meritum gloriae, &c.



Hhh

PETRI CELLENSIS
TRACTATUS,
DE DISCIPLINA CLAVSTRALI.

* Hen-
ricus i.
Comes
Cam-
paniæ.

Cla-
ustralis
disci-
plinæ
effe-
ctus.

Quare
auctor
id ope-
ris con-
fecerit.

Domino & amico suo * HENRICO viro illustri, Frater PETRVS humilis
Abbas sancti Remigii Salutem, & omnem prosperitatem.



LIBERTAS animi nisi ex proprio arbitrio & adiuncto limosi
corporis consortio infatuata fuisset, nequaquam pœnali discipli-
na qua plicat, planat & ligat, indiguisset. Plicat erecta, planat
aspera & ligat lasciuia. Plicat indomita, planat inæqualia, ligat
dissoluta. Plicat animum, corpus planat, utrumque ligat. Pli-
cat humilitate, planat aqutate, ligat religione. Plicat conuersione, planat
confessione, ligat professione. Plicat palmitem in vite, planat tabulas cordis
ad mandata vite, ligat pullum suum ad vineam, id est, animum ad gra-
tiam. Plicat denique taurum de sæculo ceruicosum, planat camelum gibbo-
sum, ligat bubalum siue onagrum. Viroque autem, animo scilicet & corpore,
in genore suo naturali bonitate priuato, cœpit vias explere pietas Creatoris,
quibus refarciret damna tanta temeritatis. Et quia causa tanti morbi inuen-
ta est priuilegium insita libertatis, salubri artificio, regulari disciplina colli-
gauit pennas deprauata libertatis, & depresbit collum temeraria præsumption-
nis. Quod itaque generali censura in vniuerso genere humano Deus disposuit,
hoc in me factum benignissima pietate expertus sum. Nam huc illucque postpo-
sitâ ordinis nostri maturitate vagabundus discurrebam, & secularia negotia,
aque terrene occupationes tanquam fures & latrones penè omnem religionis
suppellectilem à me asportare negligebam: sed ecce manus Dei filias pharetre
sua misit in renibus meis, & gutta arctissima renes meos congelauit, & domi
consistere cœgit. Sentiens itaque disciplinam de disciplina cœpi cogitare, cogi-
tata describere. Quam patienter verò passus sum disciplinam, tam libenter &
diligenter, & si non eleganter scripsi de disciplina. Scripsit sanctus Augustinus
vt Augustinus & vt Episcopus de disciplina Christiana: scripsi ego Abbas &
Monachus de Claustrali disciplina. Ille vt gigas literatissimus montes ceruo-
rum & mentes humilium humeris suis gestat: Ego vt formica tenuissima gra-
na non integra sed incisa traho ad tractatus nostri despectum tuguriolum, &
preparo future fami & hyemi quantuluncunque viaticum.

Opusculum itaque nostrum de CLAVSTRALI DISCIPLINA nec stylo nec titulo
solemni irradiatum argumentosa Philosophia non ingrediatur palatia, sed
humili vultu formatur. Qua igitur fronte, Princeps Nobilissime, quinimò

& ingenij subtilitate viuacissime, tibi ad legendum transmittito tractatum
 squallidum & pannosum? sed verbis oris mei illaqueatus malo argui de indo-
 cto, quam de mendaci verbo. Legat itaque pius, & intelligens animus, at-
 tendens non formam verborum, sed virtutem sensuum: sicut enim plus est ani-
 mi quam decor corporis, sic in scriptura potius spiritus requirendus est qui vi-
 uificat, quam litera quae inflat, magis fructus placet in arbore, quam folia:
 utrumque tamen bonum est, si utrumque adest, sed pulchra sine fructu folia
 potius sunt oculorum lenocinia, quam stomachi subsidia. Apostolus reprobat
 speciem pietatis, ubi deest virtus charitatis. Dominus quoque veniens ad ar-
 borem figi quae fructum non habebat, sed tamen folia maledicitei, & in ater-
 num illam condemnat. Imploro Nobilitatem vestram ne in lectione ista atten-
 datis quales sumus, sed quales esse debemus, nec lateat prudentiam vestram
 lucernam nostri ordinis in Israël prorsus esse extinctam, sed Isaac oculos, quia
 senuit caligasse. Conquerenti Helia aduersus Achab & Iesabel, ac dicenti:
 Domine altaria tua suffoderunt, Prophetas tuos occiderunt, & relictus
 sum ego solus: Et quaerunt animam meam. Responsum est ei: Reliqui mihi
 septem millia virorum qui non curuauerunt genua sua ante Baal. Sic certe,
 sic Domine & amice Charissime, & si magna antiquorum Patrum virtus re-
 gularis nostris temporibus elanguit, non expirauit; etsi abiit, non obiit, etsi
 refriguit, non perit: qui quasi nihil sunt apud homines plerumque tanquam
 lucerna despecta plures sunt apud Dominum, quam qui aliquid esse videntur.
 Non excuso malos, sed praedico bonos. Praiudicium tollo, quia iudicium Dei
 expecto. Nostrum est honorare nomen Dei, non solum in sanctis, sed in peruer-
 sis. Nam quacunque persona etiam vilissima, si sigillum vestrum portauerit,
 auctoritate nominis vestri suscipienda est & honoranda, non quia digna sit,
 sed quia digni sit. Sic plerumque dignus facit indignum dignum, indignum
 utique propriè, dignum impropriè, indignum ex se dignum ex officii perfun-
 ctione. Nolo ut mihi in aliquo parcatis ubi excessi: rogo etiam ut non legatis
 cum fastidio, sed statim ut coeperit operare mentem, de manu vestra proiicite,
 & si placuerit alias resumite, aut si displicuerit, reclusum perpetuis tenebris
 condemnate. Pauperes & gloriosi homines paupertatem veraciter sustinentes,
 & inutiliter gloriam affectantes, ad contegendam paupertatem, & gloriam
 comparandam, solent oras clamidis suae aut pretiosis, aut speciosis pelliculis
 superuestire, non ad vilitatem, sed ad curiositatem intuentium respondentes.
 Sic ego ipse, quia huic nostro operi pro inopia nostra decrat pretium senten-
 tiarum & decus verborum: titulum nominis vestri anteponeus, ingressum
 eius decentissimè adornavi, ut lector sperans non nisi optima vobis offerri,
 currat ad perlegendum, non ex sapore conditi poculi, sed in splendore tituli
 tanti Principis.

1. Cor.

13.

3. Reg.

19.

Non
 boni
 tantum
 sed ma-
 li sunt
 hono-
 randi.

Humi-
 litas au-
 gloris.

P R A E F A T I O.

A Ut periti est aut experti iudicare de re cognita; Imperiti verò &
 inexpertum tractare de re incognita, potius est praesumere quam diffi-
 nire. Me peritum in Claustrali Disciplina aut expertum si fateor mentior.
 Non nego me vidisse regulares & religiosos homines quorum consortio

PETRI CELLENSIS

432

Auctor
à tri-
ginta
annis
vitam
religio-
sam
profes-
sus.
1. Cor.
13.
Ilchia-
de af-
fectus
cum id
operis
est ag-
gressus.

etsi aliquando interfui, virtutem non retinui. Quomodo ergo poscis à me audire de disciplina claustrali, cum iam ferè à triginta annis vix summo labello illam degustauerim? Tamen quia caritas omnia credit, & te scio ex deuotione non ex tentatione id querere, postposita negandi difficultate, audeo scribere quæ nequeo tenere, nec multum erubescio, si me talem in hoc Opusculo recognoueris, qualem ab infantia tua didicisti, nisi fortè quia ætas nostra iam aduersperascens parum habet de meridie, plus de vespere.

Prolixum me fecit in hoc Tractatu de Disciplina Claustrali & tua totiens repetita postulatio, & sciatica gutta quæ renes meos diutissimè sub aspera disciplina detinuit. In hoc opusculo tanquam confectione de consuetis & notis in hortis nostris nascentibus herbis, non de pretiosis & remotarum regionum speciebus comparato: plus de melle gregis, quàm de scammonia Hieronymi apposui, timens ne inuentum proiiceretur, si scammonia morderet, & operis utilitas tam pro artificio, quàm pro artifice sorderet. In huius autem laboris recompensatione mercedem hanc peto à te, vt diligenter legas, & quicquid ei displicuerit, confidenter detrahas, & corrigenda corrigas.

Reddo cum vsuris debitum non à me tibi promissum, sed à te frequenter postulatum; sufficit mihi ratio debendi vbi præcessit in amico voluntas postulandi: vsuras superaddo, quia in soluendo intercessit longa dilatio. Age gratias Deo qui dedit opportunitatem, sine qua nondum me à debito illo absoluissem. Quam? dolorem in renibus, qui me sub disciplina aspera diu religauit, & vagandi huc illucque facultatem negauit. Congratulor itaque & ego infirmitati meæ & dico: Patiamur mala, vt faciamus bona: imò patiamur mala, ne faciamus mala. Hoc ad nostram claustralem pertinet disciplinam: pati & non facere mala, sed potiùs pro malis reddere bona. Hanc docuit ille qui adinuenit omnem viam disciplinæ, & docuit eam Iacob puero suo, & Israël dilecto sibi. Passus est autem mala à malis & pro malis, sed retribuit bona pro malis, & fecit bonos de malis. Non miteris amice charissime, si stylum claudicantem deprehenderis, quia cum toto corpore suo simul & manus claudicat. Manus enim vacillans rectas lineas non seruat; & quid mirum, si claudus claudum generat? Plus mirandum si curuus generet rectum. Tu tamen quia rectè lentis, & rectè incedis, excusa Isboseth debilem pedibus apud David, & omnem sermonem claudicantem aut corrige, aut succide, *Melius enim est cum uno pede intrare in vitam, quam duos pedes habentem mitti in gehennam.* Est autem gehenna legentium inuidia: meritò autem succumbit inuidia, vbi succincta veritate, expedita constructione, armata ratione, labia mordentium euadit materia, vel vbi adedò extincta est hebetudine, despecta habitudine, macra verborum crassitudine, exanguis sensuum exilitate, quod dens inuidiæ non habeat vbi mordeat. Non reputo aspectu publico digna mea Opuscula, sed secretum meum mihi, secretum meum mihi, simplex deuotio, non phalerata eloquentia legat scripta mea, non ad plausum, sed ad planctum, Plangit enim columba mea in foraminibus suis;

coruus

Math.
12.

DE DISCIPLINA CLAVSTRALI. 433

corvus crocitat in cadaveribus & morticinis; clamat corvus cras, cras, vel appellans sibi quod crassum est: Sicut in passione Domini leguntur quidam dixisse: *Ecce Heliam vocat iste*, cum Dominus diceret; *Eli, Eli*: vel promittens sibi longos dies & annos, vel frustratoriam pœnitentiam spondens cras, cras, id est nunquam; sicut dicitur, hodie cum pretio, cras sine pretio. Ego quoque pretium precum & orationum pro opere isto hodie & cras postulo.

PRÆFATIO ALTERA.

Amicus disciplinæ, RICARDE Carissime, tanquam expertus sim illam, non semel inquietas senem elementarium, ut inde aliquo scripto, tibi quod sentio decerpam: & si non propter amicitiam, tamen propter improbitatem Evangelici amici non possum non surgere de lectulo, in quo clauso ostio cum pueris cæterorum sensuum decumbebam, & dare non quantum requirit affectus tuus, sed quantum capit pugillus meus. Timeo ne occurrat avidus, & non inveniens fructum, sed tantum folia in arbore fici, maledicat spei falsæ, sive promissioni. Rursum nauseans, qui singula curiosè carpit, & odiosè contemnit, si accesserit, potius spero vomitum quàm gustum. Sed quia *caritas omnia credit*, & nemo cogitur munus habere meum, tibi soli, qui pro multo amore medullæ etiam cortices nostros inspidos rodis, quod ex voluntate Dei occurrerit excipiam, & Matri Rebecca, ut inde escas præparet, tradam.

1. Cor.
13.

CAPVT L

De auctoribus Disciplinarum.

Igitur Auctores hujus disciplinæ in scriniis authenticæ scripturæ revolvens, præcipuos & summos invenio Moysen in eremo, Iesum in mundo, Paulum in delegato sibi docendæ Gentis officio. Duo quoque rivuli ex his emanantes, Monachos & Canonicos Regulares incluserunt in claustro tanquam cervos & capreas in clauso, ut ita dicam, parco, Benedictus & Augustinus. In Exodo, in Levitico, in Numeris, in Deuteronomio, populi Domini peculiaris claustralem disciplinam lege, & nudo intellectu mores informantia mandata retine. Cerimonialia verò tanquam vestita vestibus Esau valde bonis discinde, & intrinsecus latentem spirituales nucleum comede. Certè disciplina illa severissima fuit; etsi nostra illi comparetur, tolerabilior invenitur. Adèd enim illa importabilis fuit, ut non solum quilibet infirmus & plebeius legis mandata implere non posset, sed nec etiam quilibet justus & sanctus. Vnde Petrus: *Quid nobis jugum imponere tentatis, quod neque nos, neque Patres nostri portare potuerunt?* Nostri verò disciplina fatis tolerabilis est, ut in Epistola Ioannis dicitur: *Caritas hæc est, ut mandata eius custodiamus, & mandata eius gravia non sunt.* Quid est autem nostra disciplina, nisi vivere secundum mandata Dei? Iesus verò Magister magnus & bonus, cuius cathedra est in cælo, & Schola in mundo, in

Act. 15.
10.
1. Ioan.
5. 3.

Euangelio quasi in antidotario, quæ fecit & docuit, descripsit; & duodecim Apostolos claustrales suos cum septuaginta duobus Discipulis claustralem disciplinam docuit. Nec de claustro illo Euangelico exiit, nisi is qui filius perditionis erat; vel illi qui dixerunt: *Durus est hic sermo: & abierunt retro: & iam non cum illo ambulabant.*

Ioan. 6.
61.

CAPVT II.

De Apostolica Disciplina.

NOta disciplinam Apostolicam vbique & in omnibus reuerendam, præcipue vti Petrus innuit Iohanni, qui in cœna super pectus Domini recumbebat, ut interrogaret quis esset eum traditurus. Tanta enim erat ad Magistrum reuerentia, tanta obedientia, tanta subiectio, tanta ad inuicem fraterna dilectio, ut ne spiraculum susurri per eos transiret, nisi fortè quando facta est contentio inter eos, quis eorum videretur maior, vel cum indignati sunt de duobus, qui quærebant sedere ad dextram & ad sinistram. Quicquid tamen humana fragilitas in vasis fictilibus, necdum igne Sancti-Spiritus sufficienter decoctis, committebat, manus figuli statim refarciendo solidabat. Modò siquidem arguebat, eis dicens: *Modica fidei, quid turbati estis?* Modò consolabatur; *Confidite*, inquit, *Ego vici mundum.* Et, *Ecce ego vobiscum sum vsque ad consummationem sæculi.* Modò in parabolis, modò sine parabolis loquebatur; Modò subtrahebat se pernoctans in oratione; Modò celabat se ambulans super mare, & putabant phantasma esse; modò ad congregationem suam reuertebatur, & cum omni familiaritate conuersabatur. Modò præ nimia fame spicas post ipsum confrangebant, & manducabant: Modò duodecim cophinos fragmentorum ex his quæ superauerant de quinque panibus colligebant. Nihil proprietatis habebant, qui dicebant: *Ecce nos reliquimus omnia, & secuti sumus te.* Ab eo nunquam separari volebant, cum diceret: *Vado in Iudæam: Et Thomas ait ad discipulos, eamus & nos, & moriamur cum illo.*

Math.
3. 26.
Ioan.
16. 33.
Math.
27. 20.

Math.
19. 27.
Ioan.
11. 14.

Heb. 2.
9.
Matth.
19.

1. Cor.
6. 3.

Galat.
2. 3.

1. Cor.
31.
2. Cor.
10.

Quid dicam de Monachis istis, videlicet Apostolis? Angelicis spiritibus illos contero, nisi nondum expoliata mortalitate illi ministrabant *qui modico minoratus est ab Angelis.* Sed cum gloria & honore coronatus à Patre super omnem principatum & potestatem sederit in sede maiestatis suæ, in sede magnitudinis, sedebunt & hi super sedes duodecim, iudicantes duodecim tribus Israël, fortè & Angelos; de quibus Apostolus: *Nonne & Angelos iudicabimus?* Spes ista in sinu Claustralium est reposita, quia res pro consimili disciplina est repromissa, non ab illo, sed ab eodem IESU CHRISTO. Successit Petrus in Apostolatam circumcisionis; & Paulus inter gentes: sicut idem Paulus ait: *Qui operatus est Petro in Apostolatam circumcisionis, operatus est & mihi inter gentes.* Docet Apostolus in Regula, id est, in Epistola sua: *Qui utuntur hoc modo, tanquam non utantur.* Et, *Nihil habentes, & omnia possidentes.* Et, *Obedite prepositis vestris, & subiaceite eis.* Et, *Alter alterius onera portate.* Et, *Nemo quærat quod sibi vtile est, sed quod*

DE DISCIPLINA CLAVSTRALI. 435

alii. Et, *Honore invicem praevenientes. Et, Turpis sermo de ore vestro non procedat, & turpido, & stultiloquium nec nominetur in vobis.* Huiusmodi Floribus totus vernat codex Apostolicus, vastum & amplum regit claustrum, ab Hierusalem scilicet ad Illyricum habens virgam in manu, sicut quibusdam scribit: *Quid vultis? in virga veniam ad vos, an in spiritu mansuetudinis?* Tradit & quosdam Sathanæ, ut discant non blasphemare. Hic gaudet cum gaudentibus in Hospitio; hic flet cum flentibus in Oratorio; hic infirmatur cum infirmantibus in Infirmitia; hic vritur cum scandalizatis in Capitulo; hic in Cella Novitorium loquitur ad suos Novitios: *Filioli mei quos per Evangelium genui, & quos interim parturio donec formetur Christus in vobis;* Hic in Refectorio *Castigat corpus suum, ne aliis predicans ipse reprobus efficiatur;* Hic denique semper & ubique, *In vigiliis invenitur, & ieiuniis, in fame & siti, in frigore & nuditate, in plagis supra modum, in mortibus frequenter.* Hic hospitariis dicit, *Hospitales invicem sine murmuratione.* His qui sunt in Oratorio: *Psallam spiritu cum fratribus, psallam & mente; orabo & spiritu, orabo & mente,* Infirmitatis: *Alter alterius onera portate. Infirmum suscipite in fide;* Sediti verò in Capitulo: *Argue, obsecra, increpa;* His qui in Refectorio: *Nolite inebriari vino, in quo est luxuria.* Eleemosinariis autem: *Qui parce seminat, parce & metet; & qui seminat in benedictionibus & metet vitam aeternam.* Denique omnibus Claustralibus clamat: *Vigilate, state in fide, viriliter agite, & confortamini.* Et in hunc modum quicquid regulare, quicquid honestatis & fidei informabile, quicquid de vestigiis IESU est imitabile, non est alienum à Paulo: Vnà tamen clausulâ concludit vniuersam claustralem disciplinam: *Omnia, inquit, vestra in caritate fiant.*

Iam inflectamus stylum ad nostros speciales eruditores, Beatum Benedictum, & sanctum Augustinum: Alter Abbas & Monachus; Alter Episcopus & Canonicus; Vterque sanctus, vterque Dominici gregis Doctor, & ductor egregius. Conuenit in quibusdam nostra & vestra claustralis disciplina; differt in quibusdam. Sunt enim quædam quasi substantialia in Religione, quædam accidentalia. Substantiale est Religioni sine quo Religio non est Religio: Accidentale quod adest & abest pro loco, pro tempore, pro causa, pro persona, pro cæteris circumstantiis præter Religionis corruptionem: Hæc in arbitrio Procuratoris eatenus reliquantur, ut salua pace & vnitæ vel intendatur, vel remittantur. Non tamen nimis intendatur ne rumpatur fragilitas; neque nimis remittantur, ne lædatur regula. Sunt autem substantia Religionis, silentium, de quo dicitur: *Sit omnis homo velox ad audiendum, tardus verò ad loquendum, & tardus ad iram;* Item lectio, de qua dicitur: *Dum venio attende lectioni;* Item peccati Confessio, de qua dicitur: *Confitemini Domino quoniam bonus:* & omnia in confessione lauantur, unde: *Dixi confitebor, & tu remisisti impietatem peccati mei;* Item oratio, de qua dicitur: *Si quid petieritis Patrem in nomine meo, dabit vobis;* Item meditatio mortis, de qua dicitur: *Fili memorare novissimam tuam, & in aeternum non peccabis.* Sed de his infra largius tractabimus.

Hebr.
13. 17.
Galat.
6. 2.
1. Cor.
10. 24.
Rom.
12. 10.
Ephef.
3. 4.
1. Cor.
21.
Galat.
4. 19.
1. Cor.
9. 27.
2. Cor.
6. 6. &
11. 27. 6.
5. 23.
1. Pet.
4. 9.
1. Cor.
14. 15.
Rom.
14. 1.
2. Tim.
4. 2.
Ephef.
5. 18.
2. Cor.
9. 6.
1. Cor.
16. 13.
Ibid.
Ss Aug
& Be-
nedit.
disci-
plinæ
claustr.
erudi-
tores.
Iacob.
1. 19.
1. Tim.
1. 13.
Psal.
117. 1.
Psal. 31.
1.
Ioan.
16. 23.
Eccl. 7.
40.

Comparatio inter Iudaicam & nostram claustralem disciplinam.

Sicut mandata legalia in duabus tabulis conscripta Iudaicam disciplinam continent: Sic omnis regularis tam Monachus, quam Canonicus, *Inter medios cleros*, regularis videlicet institutionis, & traditæ à senioribus bonæ consuetudinis, viuere debet. In altero admittitur dispensatio: In altero ligatur. Non enim Iudex iudicat legem, sed secundum legem. Consuetudo autem & vsus, sicut voluntate vtentium introducuntur, sic contraria voluntate mutantur. In his si quid necessitate mutandum, corrigendum, supplendumque fuerit, non vsquequaque interdicitur dispensationis alteratio. His ergo quasi fortissimis ligamentis vita claustralis ita constringitur, vt nec manus, nec pedes extra licita moueantur.

Professio itaque secundum regulam & loci consuetudinem coercens in compedibus suis vinctum, IESV CHRISTI iugum suauē & onus leue humeris imponens renuntiantis sæculo, ante præsepe, & ad cunabula Emanuëlis ligans asinam & pullum, in quibus sedens IESVS horam sequitur glorificationis. Præcedunt tamen sicut in capite sic & in membris passiones, posteriores glorias. Ducitur IESVS, quia ligatus ante Præsidem stetit: & quia non est discipulus super Magistrum, voluntarius & libens appetat verus Religiosus, disciplina regulari tanquam fascioli ab appetitu carnis religari. Vincula autem Religionis, statuta sunt regularia: verbi gratia, silentium, ieiunium, reclusio claustralis, incessus in nullo notabilis, compassio & dilectio fraterna, paterna reuerentia, lectio & oratio assidua, recordatio præteritorum malorum; timor mortis, ignis purgatorij, ignis æterni. Vix tam vaga, tam petulans poterit esse cogitatio, quæ non coercetur tam forti & multiplici funiculo. Verbum otiosum, verbum superfluum, verbum inordinatum sepelit silentium. Titillationes & incentiua succensa in spinis malorum delideriorum, soporat continuum ieiunium. Discursus vagos & vanos per plateas & vicos ciuitatis sanguinum, retardat reclusio claustralis: motus stimulant in malam suspicionem, aspectus intuentium elidit incessus tam modestus quam maturus. Inhumanitatem recludit compassio; discordiam dilectio: paterna reuerentia contumaciam; lectio ignorantiam; oratio immunditiam & malitiam; meditatio torporem & somnolentiam; recordatio præteritorum affert malorum cautelam de futuris, dolorem de præteritis, & de futuris sollicitudinem; muscas morientes & vermes qui non moriuntur, comedentes miseram animam, timor mortis tanquam myrrha occidit; ignis purgatorius reuocat à venialibus; ignis æternus à criminalibus: Nulla observationum istarum sterilis in Israël, qui cum Angelo colluctans non Iacob sed Israël appellatur. *Omnis tamen gloria filie Regis*, non in his quæ in facie sunt, sed *ab intus, in fimbrijs aureis*, quæ intra velum Sanctum Sanctorum versis vultibus cum Cherubim in propitiatorium tantum respiciunt. Cardinales virtutes fimbriæ

Quæ
Reli-
giosæ
disci-
plinae
exerci-
tia.

DE DISCIPLINA CLAVSTRALI. 437

aureæ sunt, quia *Domini sunt cardines orbis terra*. Sunt etiam columnæ argenteæ super bases aureas, salubres virtutes de corde puro & conscientia bona, & fide non ficta. De quibus dicitur: *Ego confirmavi columnas eius*. Hæ portant templum Salomonis, cum vera religio fundata in mente bona, regularibus disciplinis. Euangelium Dei non erubescit, sed Evangelica mandata tanquam superpositam fabricam humeris voluntariæ obseruationis conferuat. Sicut *MARIA conseruabat omnia verba hæc*. Ad claustralem Luc. 2. itaque disciplinam stylum teneamus, & velut in vno corpore speciosa 2.19. puellæ formam non de genere Amalech, sed de semine Abraham definiamus.

CAPVT IV.

De disciplina claustralis obseruantis.

Claustralis disciplina spectaculum est Deo, & Angelis, & hominibus: Deo in medulla intentionis; Angelis in gemitibus & suspiriis; hominibus in factis & dictis: *Homo videt in facie, Deus in corde*; Angelus medios fines cogitationis & operis. Ad Deum respicit *caritas de corde puro, & conscientia bona, & fide non ficta*; Ad Angelos simplicitas sancta cum bona specie, de qua dicitur: *Specie tua, & pulchritudine tua, intende prosperè, procede, & regna*. (Grata est enim, vt ait Augustinus, sanctis Angelis sacra & pia significatio. Vnde & Dominus in Exodo percutiens Egyptios percussorem non sinit ingredi domos, in quarum superliminario, & vtroque Exod. 12. 22. poste viderit sanguinem agni) Ad homines dilectio sine simulatione, conuersatio sine querela. Circumamicta ita disciplina claustralis huiusmodi ornamentis spiritualibus nequaquam ceruicem erigit, & ambulat extento collo; sed cum Rebecca operit ante conspectum Dei vultum suum pallio pudoris & humilitatis.

Cum ambulauerit dicit: *Per singulos gradus meos pronuntiabo Dominum*. Item: *Circuui, & immolau in tabernaculo eius hostiam iubilationis*. Iob. 31. 37. Non enim sicut impij in circuitu vanitatis & curiositatis ambulat, sed cum Angelis ascendit scalam Iacob excessu mentis; & descendit contemplatione suæ fragilitatis. Cum sederit, cogitat de sede maiestatis, de sede æternitatis quid dictura sit, vel actura à facie fortitudinis Dei, in die iræ & reuelationis iusti iudicij Dei. Si steterit, dicat, *Vinit Dominus in cuius conspectu* 4. Reg. 3. *sto*. Et, *Mane astabo tibi*. Et, *Stantes erant pedes nostri in atriis tuis Ierusalem*. Et, *Locus in quo stas terra sancta est*. Si caput leuauerit, dicat: *Ad te leuavi oculos meos in montes qui habitas in calis*. Et, *Leuavi oculos meos in montes, vnde veniet auxilium mihi*. Et, *Sicut oculi seruorum in manibus dominorum suorum: & sicut oculi ancillæ in manibus domine suæ*. Si os & labia aperiat, dicat: *Os meum loquetur sapientiam*. Et, *Pone Domine custodiam ori meo, & ostium circumstantie labijs meis*. Et, *Prohibe linguam tuam à malo, & labia tua ne loquantur dolum*. Et, *Omnis sermo malus de ore vestro non procedat*. Si aures præbuerit loquenti, non audiat sanguinem, *Non*

Iii iij

accipiat opprobrium aduersus proximos suos. Si comedat, antequam comedat, cum Iob suspiraret de necessitate pro pomo inflicta; & quia vocem exactoris stomachus importunè exaudit, mixturam faciens confusibilem & fallacem necessitatis & delectationis. Rarus namque est, qui semper interponat maceriam discretionis inter appetitum necessarium & superfluum. Si biberit vinum, non venenum sumat. Vnde Apostolus: *Nolite inebriari vino, in quo est luxuria*: Et, *Modico vino utere propter stomachum tuum, & frequentes infirmitates*. Si dormierit, dicat: *Ego dormio, & cor meum vigilat*. Et, *In pace in idipsum dormiam & requiescam*; Et, *Caro mea requiescet in spe*. Surgens itaque ad vigilias, si orauerit, oret spiritu & mente. Intret in cubiculum & clauso ostio oret patrem suum plus corde, quàm voce; plus fide, quàm modulatione. Si ad Confessionem venerit, Lagenam aquæ baiulans sub balteo contritionis, paxillum portet redargutionis, quo operiat terram cordis, & deponat onera mentis. Delens reliquias Amalech, & in seipso interficiat omnes operantes iniquitatem: fundat sanguinem hostiæ confessionis iuxta basim altaris; quatenus puro sanguine de latere Christi sua expurget menstrua; & sub terebintho crucis abscondat idola peccatorum suorum. Non se palpet, non declinet ad dextram bona sua laudando, neque ad sinistram vera tacendo, aut quod non est, malum fingendo. Si fratris culpam accusauerit, caueat ne ferrum cadat de manubrio, plus iusto sæuiens, ne mentum Amasæ Ioab tenens blandimento in inguine feriat seducendo.

f. * Sed
aduer-
so dor-
so texe-
rant.

Si de manifesto arguit, mansuetudinis verba agni mansueti teneat; *Iuda*, inquit Dominus, *osculo filium hominis tradis*? Si de occulto, utatur correptione priuata, non prodicione publica. Si potentem aut Prælatum, Nathan ad David, & duos filios Noë videat. Ille cautè ex obliquo circundans Leonem in agnum, utique Regem potentissimum plus arte quàm severitate suis iniecit vinculis. Hi verenda Patris licet nuda, videre noluerunt. Si aduerso dorso texerit: Si legerit, simplicitatem amicam legi diuinæ afferat, & botros in vinea comedens extra non efferat, aliter interpretando, & sensus peruersos adiiciendo. Non desudet ad quæstiones quæ non sunt ad ædificationem, sed ad contentionem, & audientium subuersionem. Legat, ut intelligat; intelligat, ut mandata Dei faciat: compunctionem ibi quærat, non superfluam occupationem: Mandet medullam legis medullis cordis, quibus impinguitus holocausta medullata offerat cum incenso arietum, id est sincera veritate, & vera charitate Apostolorum & Prophetarum. Et, quia Calix in manu Domini, scriptura sancta; Et, *Inclinat ex hoc in hoc*. Aliquando legenda sunt mandata diuina, aliquando Sanctorum exempla; quia viuus est sermo Dei in passionibus Martyrum, & in sanctis conuersationibus Confessorum. Quod enim quasi mortuum iacet in pelli morticina deformatum in littera, vitæ viuit, cum agitur quod legitur. Si ad publicum aliqua necessitate venerit, redeat cum festinatione tanquam de carcere, tanquam de laqueo, tanquam de camino, tanquam de inferno inferiori. Vidit David iniquitatem in civitate. Vidit Dina mulieres regionis, & perijt inde Hemor filius Sichem cum patre & populo suo. Sic ven-

DE DISCIPLINA CLAVSTRALI. 439

ter disciplinæ claustralis eburneus de castitate, distinctus est sapphiris hac pulcherrima varietate. Æstimo claustralem disciplinam ad hoc constitutam, vt sicut in Ester legitur, de vniuersis regnis eligerentur puellæ ad opus Regis, quæ sub custodia traderentur, summo studio imbuerentur, & vngerentur oleo myrtino, & aliis pretiosissimis vnguentis; denique longa, & exactissima diligentia probatis, & vultu ornatissimo ornatis, quæ Regi placebat, cum Rege pernoctabat, ad nutum eius intrabat, & exhibat. Sic Rex magnus, Rex Regum, Rex sæculorum, de cunctis gentibus, tribubus, linguis, populis, & ex omni natione quæ sub cælo est, à solis ortu & occasu, ab aquilone & mari, prædestinatos suos vocat, & ad claustralem disciplinam congregat, & mores incompósitos lima regulari complanat, vitiorum fœtorem vnguento piæ conversationis exterminat, regiis amplexibus dignas mentes, & corpora præparat, & die constituta ab æterno, ad thorum & thalamum gloriæ, & beatæ vitæ vocat.

Ester c.
2. 2.

CAPVT V.

Quòd per disciplinam claustralem, prima reparetur transgressio.

Natura humana, siue libertas arbitrij, in præuicatione originali viribus, bonitate naturali, summopere debilitata, ex quo de ventre matris homo egreditur, indiget disciplina pedetentim tanquam remedialibus suffragiis reparari. Primi liquidem & noui mandati solidissimas confringens valuas principio dati liberi arbitrij nobilitatem compediuit, & robur corporalis sanitatis infirmauit. Occasio autem tanti mali fuit, quòd cœlestem disciplinam non seruauit; nec erat disciplina illa ad tenendum difficilior, quàm ad mandandum. Voluptas appetitum non trahebat, necessitas non vrgebat, fames non mordebat, sapor ligni vetiti concessis pomis non præiudicabat dulcedine, licet scriptum sit; *Quia vidit mulier lignum pulchrum ad videndum & ad gustandum suauē.* Nequaquam certè excludit hoc pulchrum, & hoc suauē, pulcritudinem & suauitatem omnium lignorum paradisi: sed suggestionē serpentis mens muliebris perforata demonstratur. Pulsata namque siue absorpta à tentatione anima, rem concupitam æstimatione non appendit, sed delectatione. Facillima igitur disciplina, & nullo onere pressa, Dei manu plasmata tota in circuitu natura humana potuit in sua suauitate seruari; quæ malè sauciata nullis ad plenum remediis vsque ad sanguinem agni valuit liberari.

Gen. 3.
6.

Quot prætentauit medicinarum adhibere magnus Medicus remedia humanis vulneribus? testis est Abraham in circumcisione; testis Moyses in hostiarum immolatione, & aliarum specierum oblatione; testes omnes Prophetæ in increpatione, & assidua prædicatione: induruerat nimia veteratione, & insufficienti curatione morbus; nec curatio fraterna liberabat ægotantem, qui expectabat Dominum saluatorem, quatenus Dominus liberaret seruum, & saluator ægrum. Præmisit saluator iste disciplinam tanquam virgam Moyli, sed sibi retinuit virgam virtutis suæ in cruce, in

qua fuso sanguine tela ignea nequissimi diaboli extinxit, & ab omni febre infirmum suum sanauit.

CAPVT VI.

Quod claustrum sit Vicarium crucis.

Vicarium itaque suæ Crucis claustrum constituit, vt sicut disciplina patris nostræ in corpore suo super lignum crucis fuit, sic nos extra secularia castra exeuntes ad claustrum improprium eius portemus, & tanquam filii iuxta sapientissimi Salomonis consilium, disciplinam eius apprehendamus: *Fili, inquit Salomon, apprehende disciplinam Patris, & ne dimittas legem matris tue.* Et Psalmista: *Apprehendite disciplinam, nequando irascatur Dominus.* Et Apostolus: *Quod si extra disciplinam estis: ergo adulteri, & non filii estis.* Et alibi: *Omnis disciplina in presenti quidem non videtur esse gaudij, sed mœroris; Postea verò per eam exercitatis fructum pacatissimum reddet iustitiæ.* Est autem Claustrum in confinio Angelicæ puritatis, & mundanæ colluuiionis. Si quas arenulas honestatis de mundo tanquam de Ægypto Hebræus transiliens à vicinis artibus, quæ appellantur liberales, mutuans, ad claustrum detulerit; vti eis remoto indicio furti poterit: *Omnis enim sapientia à Domino Deo est.* Propter sapientiam carnis, quæ inimica est Deo, hanc non amat disciplina claustralis: quia potius est ad subuersionem simplicitatis (quæ est vnica Deo, Claustri filia) quam ad ædificationem. Rasis itaque supercilijs pomposæ vanitatis; vnde ait Apostolus: *Ne quis discipiat vos per Philosophiam, & inanem fallaciam: & vngui-* bus auaræ rapacitatis substractis, securè matrimonium, cum omni doctrina, quæ contra fidem non est, contrahat incola claustri. Quicunque enim alterius saporis est extra claustrum, etiam si oleaster, etiam si ramus insertus in bonam oliuam, pinguedine radice dulcoratur, & gremio diuinæ sapientiæ fatus ab immobilitate commutatur. Sic Grammatica, sic Dialectica, sic Geometria, sic Astronomia diuinæ scripturæ sapidissimè sale conditæ, quæ gustatæ solebant afferre mortem: sicut filij Prophetarum clamant ad Eliseum Prophetam: *Mors in olla vir Dei:* admixtione farinæ, id est, gratiæ, præstant salubrem refectionem, & tanquam Gabaonitæ comportant ligna & aquas ad disciplinam claustralem. Hæc iure belli Israëlitarum ad claustrum suum deferunt à castris Philistinorum, cum edoctis secularibus literis diuinis studiosius legant, acutiùs intelligant, hæreticorum deceptiones cautiùs deprehendunt, fidei simplicitatem & veritatem fortiùs & firmiùs defendunt. His claustralis noster vacans non vacat; his intentus otiosa, vana, & superflua cordis phantasmata effugit; his conspectus dormiens vigilat. Iste sunt vestes mutatoriæ, quas secum Naaman leprosus ad Regem Israël detulit.

Si autem de mundo tantas extrahimus mentes, 'quid de cœlo? quid à Deo, à quo *omne datum optimum, & omne donum perfectum est?* Qui igitur rigat montes de superioribus suis, & paradysum fluuiio qui egreditur de loco

co vo-

DE DISCIPLINA CLAVSTRALI. 441

co voluptatis, & inde diuiditur in quatuor capita, vt habeat quadeiforme claustrum rigationes distinctas. Dicitur in Euangelio: *Qui biberit aquam quam ego dabo ei, fiet in eo fons aquæ salientis in vitam æternam. Hoc autem dicebat de spiritu, quem accepturi erant credentes in eum.* Nota sunt quatuor flumina paradisi his qui cum Paulo Apostolo rapiuntur ad tertium cælum, siue ad ipsum paradysum, & inebriantur ab vbertate domus Dei, & torrente voluptatis. Nota sunt & aquæ de fontibus saluatoris, quæ septiformi impetu laticant ciuitatem Dei. De quibus dicitur, *Deriventur fontes tui in plateis*: de quibus non bibit alienus. Iob vocat fontes istos riuos olei, dicens: *Quando petra fundebat mihi riuos olei.* Isaias, qui vidit Dominum sedentem super solium excelsum & eleuatum, enumerat & nominat fontes Saluatoris, siue riuos olei: fontes; quia ipse Apostolis promisit, & misit septiformem spiritum: riuos olei; quia licet sit per omnia æqualis Patri & Filio, non est tamen à seipso, sed à Patre & Filio. Idcirco dona gratiæ dicuntur riuus olei. Secundum humanitatem suam, filius vnctus est oleo isto lætitiæ præ participibus suis. Vnde Isaias: *Requiescet super eum spiritus Domini, spiritus sapientiæ & intellectus, spiritus consilij & fortitudinis, spiritus scientiæ & pietatis; & replebit eum spiritus timoris Domini.* Lucerna Evangelica sic perfusa & infusa, non solum lucerna est, sed *lux vera quæ illuminat omnem hominem venientem in hunc mundum.* Et nos de plenitudine eius accepimus, & in effusione illa quando latus eius miles aperuit, & exiuit sanguis & aqua; & oliua in torculari misit spiritum tanquam oleum.

Sed quid hæc ad claustralem disciplinam? Planè tota forma claustralis disciplinæ emanavit de Cruce. Sic enim Christus exaltatus à terra, suspensus est in cruce, expoliatus vestimentis suis, & sic distensus, vt numerarentur omnia ossa eius; ligno sic affixus, vt nullum membrum eius moueret præter linguam, quam retinuerat ad orandum, & matrem dilecto discipulo commendandam. Sic Claustralis, qui verè claustralis est, debet se totum crucifigere cum vitiis & concupiscentiis. Debet se à terra sustollere, sicut scriptum est: *Sustollam te super altitudines terra.* Et, *Cibabo te hereditate Iacob patris tui*: debet se expoliare sicut in Canticis dicitur: *Expoliam me tunica mea*, id est, carnis concupiscentia. Debet extendi ad anteriora, non simulatè; sed vsque ad disunctionem compagum & medullarum, vt anima liquefiat post dilectum: debet ligno affigi, vt hoc corpus mortale cum omnibus membris suis timore diuino sit impotens ad omne malum, potens verò ad omne bonum. Solam autem linguam retineat ad confitendum & orandum. Quid amplius? Surda aure irrisores & illusores cum Propheta tanquam surdus transeat. Suggestiones & tentationes, quæ de claustro exire tanquam de cruce descendere cornicantur, non audiat. Ad extremum reddat spiritum Deo, qui dedit illum, dicens: *In manus tuas commendo spiritum meum*, vsque ad resurrectionem; ne tormentum malitiæ tangat illum; quia *Iustorum anime in manu Dei sunt, & non tanget illos tormentum malitiæ.*

Ioan. 4.
14. &
7. 39.

Prou. 5.
16.
Isai 29.
6.

Isai. 11.
2.

Ioan. 1.
1.

Clau-
stralis
Chri-
stum
Cruci
affixum
imitari
debet.

Isai. 58.
14.
Cant. 5.
1.

Psal. 30.

Sap. 3. 1.

Qualiter Claustum institutum sit.

In quibus
stat disciplina
Claust-
ralis.
Quare
diabo-
lus mi-
sericor-
diam
Dei non
confe-
ctus.
Psal. 38.
11.

EX quo Lucifer, siue Sathan, sicut fulgur de cælo cecidit, & ad ipsum non rediit, quia claustralem disciplinam non tenuit: est enim disciplina claustralis, lugere sua, & aliorum peccata: Prælo suo subijci, obedire per omnia: cauere ab insidiis; nullis insidiari (quia iuxta Hieronymum non multum distat in vitio decipere aut decipi posse.) Primum & secundum legis mandatum de dilectione Dei & proximi adimplere, & innocentiam & sanctimoniam seruare: Deo semper adherere, & ad supernam patriam totis desideriis inhiare. Rupto semel fœdere debitæ subiectionis, deorsum ruens diabolus, & tunc fremens dentibus & frendens, disciplinam omnem potius subuertit, quàm tenuit; ideò misericordiam non est consecutus, quia nec veniam est secutus, nec culpam confessus. Homo autem de limo plasmatus, propter culpam de clastro paradisi eiectus, ad orientalem plagam plangens plagas suas, & dicens Deo: *Amoue à me plagas tuas:* tempore accepto, & ab æterno prædestinato, in fine sæculorum propagatâ sanctorum viâ in IESV & cum IESV ad claustrum rediit, & regulari disciplinæ subiectus, non solum veniam, sed & primam stolam, imò ampliore gloriam recepit. Sequentes filii hominum & habentes oculos in capite, ex his quæ facta sunt didicerunt sapientiam, quâ vitarent irreparabilem diaboli casum, & cum antecessoribus suis regulariter viuendo, ex indulgentia misericordiæ Dei ad hereditatem paternam haberent ingressum.

Matt.
24.14.

Hanc principalem causam æstimo quare homines egrediantur de sæculo, & ingrediantur Claustrum. Qui enim sunt in diluuiis aquarum multarum, vitiorum & diuitiarum, nec ad claustrum, nec ad Dominum approximabunt, nisi imbre siccato. Qui in clastro est cum Noë, qui interpretatur requiescere est in arca, extrâ arcam verò est, qui extrâ disciplinam est. Pauca autem, id est octo animæ in arca saluantur, quia *Multi vocati, pauci electi*; qui resurgent in octaua in resurrectione vitæ. In Clastro habitat Iacob cum Rebecca, quæ est patria. In Clastro est Benjamin cum patre suo, ne quid ei mali contingat in via peccatorum; vbi leo, vbi fera bestia luxuria, quæ deuorat Ioseph, sæpe infamiâ, aliquando re ipsa. In clastro Ionas in ventre ceti: *Sicut enim fuit Ionas in ventre ceti tribus diebus, & tribus noctibus: Et filius hominis in corde terra.* Sic Claustralis confepultus Christo, cogitatione, & operatione moritur peccato, & viuunt Deo. In Clastro Ieremias sanctificatus in vtero, qui sedet solitarius & tacet, & leuat se super se, non elatione sed contemplatione: qui tollit iugum suauis & onus leue, ut sit mitis corde: In clastro Ioannes Baptista qui

Paul.
Diac.

*Antra deserti teneris sub annis,
Ciuum turmas fugiens petiuit:
Ne leni saltem maculare vitam
Famine posset.*

DE DISCIPLINA CLAVSTRALI. 445

In Claustro MARIA cum ingressus Angelus ad eam dixit: *Aue gratia plena Dominus tecum*: In Claustro IESVS cum factus esset duodecim annorum in templo sedens, respondit matri dicenti: *Ego & pater tuus querebamus te*: Nesciebatis, inquit, quia in his quæ Patris mei sunt, oportet me esse? In claustro Apostoli; Cum esset sero die illo una Sabbatorum, & fores essent clausæ, ubi erant Discipuli congregati: venit IESVS ianuis clausis, & stetit in medio eorum, & dixit, Pax Vobis. Et, Cum complerentur dies Pentecostes erant omnes Discipuli pariter in eodem loco, &c. Ecce quales præciosos habet claustralis conuersatio. Quàm pium igitur, quàm bonum, quàm iucundum, & quàm tutum habitare in Claustro! Frater enim fratrem adiuuans, ciuitas est munita, de qua dicitur, *Quis deducet me in ciuitatem munitam?* Claustrum ciuitas est; quia ad benè viuendum Claustrales conueniunt: munita, quia sub protectione Dei cæli viuunt. Disciplina claustri porta ferrea est, quæ ducit ad ciuitatem; cuius viam non inueniunt qui errant in solitudine, & semper errant corde. Disciplina Claustri, petra est scandali, & lapis offensionis, his qui non credunt verbo in quo & positi sunt, Disciplina claustri petra est, quæ bis percussa renuntiatione sæculi & professione Religionis, dat aquas vt bibant homines & iumenta; prudentes & simplices, quibus dicitur: *Estote prudentes sicut serpentes, & simplices sicut columba*. Disciplina claustralis est crux Christi; de qua non deponitur, nisi mortuus. Est enim obediens claustralis Patri vsque ad mortem, mortem autem crucis. Pedes pendentes sic defixi sunt, vt non moueantur vestigia eius de Claustro: manus tornatiles ad obedientiam, aureæ ad munditiam; plenæ hyacinthis ad eleemosynam; distillantes myrrham primam ad mortificandam carnem, & non accipiendam pecuniam.

Oculi ad patrem, ad discipulum, & matrem; id est, ad Deum semper, & ad MARIAM Virginem, & ad Ioannem Euangelistam. Deus possidet cælum, Mater implorat filium, Ioannes tenet Euangelium. Bonum est ex his in his vultus demutare; & modò inuocare Dominum, modò exorare matrem Domini IESV; modo legere Euangelium Ioannis capite inclinato: Nam *inclinato capite tradidit spiritum*. Semper habet Claustralis caput in terra defixum cum venerit in publicum; cum autem clauso ostio intrauerit cubiculum, tunc leuet oculos ad cælum, & caput sursum; dorsum flagellis cæsum, siue pro peccato siue pro delicto, siue gratiarum actione, & passionis Christi recompensatione: latus perforatum seu apertum, vnde proferat & offerat holocausta medullata cum incenso arietum, & vnde sanguis profluat ad basim altaris, Prælato confitendo peccata sua; & etiam aqua exeat compunctionis ad abluendas maculas criminis. Venter distentus non superfluâ cibi & potus refectione, sed continua ieiuniorum exinanitione, vt dicat: *Pelli meæ consumptis carnibus adhæsit os meum*. Et, *Dinumerata sunt omnia ossa mea*. Sit etiam venter distinctus sapphiris, vt non coccinea sanguine, sed hyacinthina appareat pellis in mortificatione: nec construat ibi horreum vermibus, sed sicut vter in pruina assiduus decoquatur afflictionibus. Hunc crucifixum deponat Ioseph & Nicodemus (Angelus & Prælatus) & condiant mixturam myrrhæ & aloës, quatinus non amauit.

Kkk ij

corruptionem in clauſtro; ſic non ſentiant vermes, qui non moriuntur in inferno. Proculdubio hic habebit Angelos ad caput & ad pedes, qui cuſtodiant introitum eius & exitum, ſuſcipientes animam exeuntem de corpore, & perducentes ad requiem.

CAPVT VIII.

Comparatio inter diſciplinam Philoſophi Iudæi, Chriſtiani, & cuiuslibet Religioſi.

SCentilla naturalis boni, quæ remanſit in homine, extincto primordiali ſemine Dei ſeminario, decurrens per gratiam Dei in arundinetis omnium artium, multiplices adinuenit diſciplinās, ſecundum quas viuendo, etſi non prorsus prima creatio reparatur, ſaltem uſque ad cineres non deſciendo, non exſtingueretur. Vnaquæque igitur gens ſub ſole & regio pro capacitate rationis diſciplinam ſibi conſinxit; ad quam ſtultorum enormitas, & prudentium æquitas regulariter uiueret. Philoſophi itaque ſuam ſtatuerunt diſciplinam: Iudæi acceperunt ſuam: Chriſtiani ſuam; ad vltimum Eremitæ & Clauſtrales ſuam. Diuerſa intentio diuidit inter diſciplinam & diſciplinam. Intendit Philoſophus gloriam humanam & fauorem ſibi acquirere: Iudæus bona terræ: Chriſtianus ſpem veniæ & gratiæ: Et Clauſtralis cumulū gratiæ & gloriæ. Philoſophus rimatur ſecreta naturæ: Iudæus craſſitudinem terræ; Chriſtianus promiſſionem vitæ quæ nunc eſt, & futura: Clauſtralis partim actiue fructum, partim contemplatiue. Philoſophus abiicit impedimenta carnis, & onera ſæculi: Iudæus hoſtiis & muneribus ſtudet ad emundationem carnis: Chriſtianus ſacramentis Eccleſiaſticis emundatur ab operibus mortuis: Clauſtralis non ſolum abſtinet ab illicitis, ſed etiam à licitis. Philoſophus ſeminat in ſpiritu non Dei, ſed ſuo & vano: Iudæus in carne: Chriſtianus in fide, ſpe, & charitate: Clauſtralis in filiali adoptione. Præſumptio iuvat Philoſophum: temporalitas Iudæum: fides releuat Chriſtianum: præguſtatio futuræ ſpei confortat Clauſtralem religioſum. Ingenium acuit Philoſophus: quærit lucrum Iudæus: implorat bonum Chriſtianus: coronam auream ſperat Religioſus. Nouitate verborum & ſententiarum gaudet Philoſophus: litera & carnalitate Iudæus: ſpiritali intelligentia Chriſtianus: aſteritate vitæ Religioſus. Farinam comedit de molendino ingenii Philoſophus: inſipidum corticem de lege Iudæus: ſimilam de Euangelio Chriſtianus: medullam de bono propoſito Religioſus. Spargit Philoſophus: congregat Iudæus: erogat Chriſtianus: renuntiat omnibus Religioſus. Docet in ſcholis Philoſophus: in Synagoga Iudæus: in Eccleſia Chriſtianus: in Clauſtro Religioſus. Plauſum amat Philoſophus: nummum Iudæus: Deum Chriſtianus: planctum Religioſus. Vt ſeruus in ſylvis Philoſophus: Vt taurus in campis Iudæus: Vt columba in foraminibus petreæ Chriſtianus, Vt aquila in contemplatione Religioſus. Philoſophus viuunt arte: Iudæus carne: Chriſtianus fide: Religioſus carnis mortificatione. Diſputat Philoſophus: ſomniat Iudæus:

DE DISCIPLINA CLAVSTRALI. 445

legit & intelligit Christianus: orat Religiosus. Capit cyniphe Philosophus: muscas morientes Iudæus: aues Christianus, apes Religiosus. Telas areneæ orditur Philosophus: fouet oua sua Iudæus: retia Petri reficit Christianus: rationale & superhumale texit Religiosus.

Si fidei coagulum intervenisset, claustralis & Philosophica disciplina, mutuis se se brachiis amplexarentur, & in remotione à turbis oscularentur. Impedit namque vires ingenij, & sensus animæ retardat sæcularis occupatio, & vana collocutio. Vt itaque totum sensum sibi vindicaret, quæta & secreta quærebat loca; vbi extolleret animum; & sensu purgato proferret infermentatum fermento Euangelico fidelem sensum. Sed cum Iacob in virgis artium decorticatis, non vnus, sed diuersi coloris commentatum verisimile verum, sensus carnis transiens, & ad sensus animæ pertingens, si ad sensum Dei & fidei pertransisset, saluus esset: Sed qui offendit in uno factus est omnium reus. Vtinam tanta seueritate & assiduitate cum fide & regulari obseruatione nostram carnem affligeremus, & paupertatem amaremus, quanta plurimi Philosophorum vitia carnis à se extirpauerunt. Sed quia fides mundat corda, & vera pœnitentia per confessionem omnia exterminat peccata, si quid minus habet extrinseca politica, totum resarcit intrinseca nouæ creaturæ forma. *Omnis enim gloria filie Regis ab intus:* nec est remunerabilis religio, aut disciplina, quam non commendat gratia cum conscientia bona. Teneat itaque nostra disciplina fœcundum silentium; cum Iudæo iuge sacrificium; cum Christiano commune caritatis solatium; cum sua professione singulare diuinæ voluntatis obsequium. Excludat mundanarum sollicitudinum curam cum Philosopho; obseruet vnus Dei cultum cum Iudæo; gratiæ se commendet cum Christiano; seipsum superet interno ad Deum delirio. Adimpleat quæ prima sunt in voto cum Philosopho; quæ media cum Iudæo; quæ extrema cum Christiano; quæ suprema ex gratia cum libero arbitrio. Metat quod viride est cum Philosopho; quod fœcundum cum Iudæo; quod maturum cum Christiano; quod fructuosum cum suo voto.

CAPVT IX.

De Angelica disciplina.

Restat Angelica disciplina, quæ tota est voluntaria, & totum habet ex dilectione, & nihil ex difficultate siue labore. Cum Deo ministrat, reficitur: cum assistit, fatiatur; cum mittitur, currit cum exultatione; cum reuertitur, excipitur cum iubilatione; semper infra Deum currit, nunquam extra. Nihil in disciplina illa confusum, nihil molestum, nihil exordinarium; omnes illos spiritus liquefactos in amorem Dei & sui ad invicem coagulat; & vno spiritu conglobati, tanta ligantur compagine, quanta si vnus tantum spiritus esset in tota illa multitudine. In ordine illo sunt nouem ordines Angelorum; quibus adiungitur decimus hominum; vt Psalmista cantet in medio claustrum, in decachordo psalterio cum cantico, in cy-

K k k iij

thara crucis & crucifixi. De qua consonantia loquitur Apostolus: *Si linguis hominum loquar & Angelorum*, id est, in decachordo psalterio: *Caritatem autem non habeam*, id est, cytharam crucis & unitatis; *nihil sum*. Est enim participatio eius in idipsum, donec formetur Christus in vobis, illa formatione quâ omnia membra suo capiti iuncta, diuinæ consortes efficiuntur fideles naturæ. In cella claustrali tanquam in vtero clausi, lineamenta contrahimus, quibus soluta mortalitate Angelis assimilabimur, *Cum similes Deo erimus*; vt ait Apostolus: *Quoniam videbimus eum sicuti est*. Quæ ergo sunt illa lineamenta? Puritas Angelica, munditia, castitas, caritas, pax & veritas, & omnes illæ virtutes, de quibus dicitur: *Benedicite Domino omnes virtutes eius*: Orandum est, vt qui illas creauit in cœlo, nobis informet in Claustro; ne vultus dissimiles separent mansiones. Si enim Angelus in te aspexerit vultum suum, diliget te tanquam seipsum.

CAPVT X.

De forma Claustralis disciplina.

Forma claustralis disciplinæ speciem retinet Angeli nuntiantis Dominicam resurrectionem: *Erat siquidem aspectus eius sicut fulgur, & vestimentum eius sicut nix*. Timida namque corda carnalium qui ad bella non procedunt, & venire ad nuptias contemnunt, primo religionis aspectu expauescunt, & consuetis carere se non posse voluptatibus, phantasticis illusionibus confingunt. Occupantur enim in quinque iugis bouum Euangelicis; & in villa empta; & in vxore ducta; sumptus qui necessarij sunt, causantur non habere; patientiam, austeritatem cibi & potus, vilitatem indumentorum, iuge silentium, obedientiæ iugum, reclusionem continuam, continentiam perpetuam, & his similia: viros se nominant, sed inter effeminatos se moribus collocant. De huiusmodi ait Gregorius: Quid inter hæc barbatum dicimus, qui ire per ferrum ad regnum puellas videmus? Non negamus asperitatem huius nostræ disciplinæ, sed cum Psalmista dicimus: *Propter verba labiorum tuorum* (id est, *Qui non odit patrem suum & matrem suam*. Et, *Qui non renuntiat omnibus quæ possidet, non potest esse meus discipulus*) ego custodiri vias duras. *Vasa quoque figuli probat fornax*. Et, *Non coronabitur, nisi qui legitime certauerit*. Fugiant à sonitu folij nemine persequente: Tactus & gustus veriores sunt in iudicio, quàm solus aspectus. Tangenda esset & gustanda disciplina Claustris, & sic diiudicanda esset, vtrum bona esset, an mala. Vestimenta sunt vt nix; vestimenta claustralis disciplinæ, sunt regulares obseruantie. Quare nix? quia extinguunt desideria, & incentiua carnis; quia castigant afflictione, sed dealbant remuneratione. *Si fuerint inquit Isaias, peccata vestra vt coccinum, quasi nix dealbabuntur*. Quando? dum discernet Deus Reges, niue dealbabuntur boni claustrales: quia erunt sicut Angeli Dei in cœlo, relucens vt sol in perpetuas æternitates. Non incongruè autem claustrum alijs reputatur stadiū; alijs interius atrium; alijs gazophylacium; alijs sanctum seculare; alijs regale cubiculum; alijs patibulum; alijs forum venale.

Clastrum esse stadium ostenditur.

Stadium dicitur à stando, quia qui in Claustro est, stare debet in virtute cum omni sollicitudine, non in vitiis cadere; vnde Apostolus: *Qui stat, videat ne cadat.* Stadium autem est, in quo omnes currunt, sed vnus accipit brauium. Licet enim stadium à stando dicatur, tamen per stadium curritur, vbi ad brauium veniatur, & ibi cursus consummatur; sicut Apostolus ait: *Bonum certamen certavi, cursum consummaui, fidem seruaui, &c.* Omnes ergo qui comam capitis propter Christum deposuerunt, & habitum Religionis susceperunt, currunt dum ad finem tendunt; sed vnus accipit brauium, qui non mutatur vt luna, non recedit ab vnitatem fidei & professæ Religionis. *Hic accipiet benedictionem à Domino, & misericordiam à Deo salutari suo.* Huius stadij lex est, vt ab omnibus abstineat qui ad brauium festinat. Mitius non ligat lex nostra, quæ pauca tollit, & plura concedit. Tollit fornicationem, adulterium, omnem immundiciam, ipsum quoque matrimonium: quia *Qui sine vxore est, sollicitus est qua Domini sunt.* Tollit crapulam, tollit pecuniam, tollit superflua, concedit necessaria. Sic mandat Moyse Sehon Regi Amorrhæorum: *Via regia gradiemur, aquas tuas non bibemus, nec aliquid tui accipiemus; sed pretio ememus necessaria.* Peregrinus & aduena, qui quotidie transit ex hoc mundo ad Patrem, de substantia Principis huius mundi vsque ad filium subtegminis non accipit, quatenus sua repetenti in exitu animæ confidenter dicat: *Nihil in me, funeste, reperi.* En iste est cursor leuis explicans vias suas, currens velociter in odore vnguentorum sponfi. De hoc stadio ait Dominus filiis Israël: *Omnis locus quem calcaverit pes vester, vester erit; à deserto, & Libano, & flumine magno Euphrate, vsque ad mare occidentale * ibunt termini vestri.* Qui deserit mundum & venit ad claustrum, iam incipit calcare sæculum & corpus suum. Et est hoc desertum, terra deserta, inuia & inaquosa: deserta propter asperitatem, inaquosa propter disciplinæ seueritatem, inuia propter viatorum raritatem. Sed hîc in sancto, ait Psalmista, apparui tibi Deus, vt videamus virtutem tuam, propter durum laborem, & gloriam tuam, perpetuam consolationem. Inchoandum ergo est à deserto renuntiationis sæculi, & currendum per libanum castitatis, & dealbationis, seu asperfusionis sanguinis IESV CHRISTI, vt dicatur; *Absit mihi gloriari nisi in cruce Domini nostri IESV CHRISTI.* Vbi sancti dealbauerunt stolas suas in sanguine Agni. Rursus enauigandum per magnum flumen Euphratem: primò per baptismum; secundo per assiduam compunctionem. Terminabitur autem cursus noster ad mare occidentale, ne deficiamus in via, donec per mortem finiatur vita. Omnem itaque locum quem calcauimus, possidemus; sicut ille qui ait: *Nihil habentes, & omnia possidentes.*

Psal. 23
5.

1. Cor.

7. 23.

Num.

21. 22.

Paulo

aliter

in Vul-

garis.

S. Mar-

tinus in

vita.

Deut.

11. 24.

al. * e-

runt.

Galat.

6. 14.

2. Cor.

6. 10.

Psal.
50. 4.
Iob. 17.
7.

Atrium mentis dicitur Claustum, vbi pelles hostiarum detrahebantur, membra per frustra secabantur, cineres effundebantur, abluebantur intestina, & quæque laboriosa officia exercebantur. Sic ingrediens Claustum, pellem pro pelle, & omnia quæ habet dat pro anima sua, dum exiit veterem hominem, & induit nouum, ambulans in nouitate vitæ, & in confessione detegens vitia prioris consuetudinis. Prius itaque immolando sacrificium Deo mortificat membra sua quæ sunt super terram, fornicationem, immunditiam, libidinem & cætera alia. Deinde detracta pelle totius perversitatis in confessione, artus in frustra concidit, nihil de omnibus peccati circumstantiis reticens, sed per singula titulos accusationis & conquestionis subiiciens, voret hæc omnia ignis contritionis & pœnitentiæ quousque ad cineres quos super caput aspergat, dicens: *Peccatum meum coram me est semper*: Et, *Putredini dixi*; *Pater meus es, mater & soror mea verminibus*: Compunctio his addatur, quæ sicut aqua de latere Christi emundat intestinorum conscientiam ab operibus mortuis. Iuxta sanctuarij introitum atrium interius collocatur, extra se habens atrium exterius, & intra primum tabernaculum quod dicitur sancta. Nouitius igitur ad Religionem veniens in confinio orationis & sensualitatis positus, iam quidem non est in carne, sed nec in spiritu. Audit interim inter terminos habitos sibilos gregum carnis inter se dissidentium, mente consentiens legi Dei, carne autem legi peccati. Audit sibilos gregum cœlestium cantantium de canticis Sion, & ad fomnos contemplationis prouocantes, & carnalium motuum molestias tranquillantes.

CAPVT XIII.

Claustum Gazophylacium.

Est & Gazophylacium Claustum, vbi aurum, argentum, & lapides pretiosiores reconduntur; & vbi thesaurum nostrum in vasis fictilibus, id est, conscientiam bonam in obseruantis regularibus habemus. In Claustro thesauri sunt sibi vitam æternam negotiantes Religiosi, quibus homo nobilis peregrè proficiscens tradidit bona sua: singuli psalmi, singulæ orationes, singulæ confessiones, singulæ lacrymæ, singula ieiunia, singulæ elemosynæ, singulæ immemorabilium laborum afflictiones, nonne aceruum faciunt gratiarum, quæ est thesaurus desiderabilis in congregatione claustrali? Super gazas istas Eunuchus Candacis Regina constituitur. *Cando* ille qui se castrauit propter regna cœlorum, in officio prælationis præficiatur: Siquidem pudiciæ & castitatis titulo insignitus, tanquam renibus accinctus custos sponsæ Christi non immerito constituitur. Talis inuentus est

DE DISCIPLINA CLAVSTRALI. 449

est Ioseph in domo Putipharis sacerdotis Heliopoleos: Talis Ioannes Euangelista, cui matrem suam in Cruce commendans commendauit: Talem elegit Apostolus: Talem describit Beatus Benedictus. Zelotes Dominus qua ratione crederet sponsam, quam pretioso sanguine redemit, & matrimonio indissolubili sibi copulauit, nisi ut amicus siue vicarius ille sponsi fideliter seruiret, & castè commissam conseruaret?

CAPVT XIV.

Clastrum est sanctum seculare.

Ingrediamur iam sanctuarium, quod dicitur sanctum seculare, vbi semper introibant Sacerdotes sacrificiorum officia consummantes. Peregrinans in terris iustitia grata sibi interim claustralem disciplinam determinat hospitia. Pulsat itaque ad ianuam claustrum, dicens: *Aperi mihi soror* Cant. 5. *mea: caput meum plenum est rore*; quem superfundam in area claustrali, ut moretur ros in messione mea, & cincinni mei guttis noctium, quas furatur in abscondito vultus Dei, & in secreto silentij pia conscientia. Currendum & occurrendum tam benignis pollicitationibus impigro pede sancti desiderij, & tollendum pessulum ostij, quod est difficultas & tarditas humanæ fragilitatis ad vota soluenda. Sanctum itaque seculare est velle, & vix bona facere. Sanctum verò cœleste, velle & perficere. Vnde Apostolus: *Deus* Philip. 2. 13. *est qui dat nobis velle & perficere pro bona voluntate*. De sancto seculari idem: *Velle adiacet mihi, perficere autem non inuenio*. Merito igitur Claustrum dicitur sanctum seculare, vbi nec quod volumus, facimus; nec quod facimus, perficimus. Rom. 7. 18.

CAPVT XV.

Clastrum Regale cubiculum.

Dicitur etiam claustrum Regale cubiculum: Vnde in Canticis loquitur claustralis disciplina: *Dum esset in accubitu suo, nardus mea dedit odorem suum*. Accumbere est ad quiescendum se inclinare. In Isaiâ loquitur Dominus: *Laboranti sustinens*. In Heremia: *Labora rogans*. Et in Euangelio: *Iesus fatigatus ex itinere sedebat super fontem*. Non solum scelera Iacob & peccata nostra vexant illum qui idem ipse est & cum tranquillitate omnia iudicat; sed etiam hostia pacifica & incensa, & cantica illorum Sacerdotum, quorum manus sanguine, auaritia, & luxuria plenæ sunt. Prophanis itaque & malis hominibus ad lassitudinem laceffitus sabbathizare volens, loca silentij, pacis, vnitatis, & honestatis requirit, & ibi cubiculum statuit. *Hæc, inquit claustralis disciplina, requies mea; hæc habitabo quoniam elegi eam*. Et *Delicia mea esse cum filiis hominum*. Quorum conuersatio non animalis, sed rationalis, & spiritalis est in cœlis. Liquefacta quodam amore humili ceruorum, qui transilit super montes aromatum, loquitur ad

LII

Cant. 1. 6. ipsum: *Indica mihi*, inquit, *quem diligit anima mea ubi pascis, ubi cubas in meridie*: quando spiritus feruet, quando mens tota incandescit, quando ignis exaestuatur in ossibus amantis, & ferre non sustinentis. Planè inter acervos novarum frugum, in liliis, in campis sylvarum, à mundanis artibus remotarum mentium pascit & cubat in meridie. Adolescentuli & adolescentula regale cubiculum observant tenentes gladios, qui deuorant carnes super femur mali desiderij, ambientes Regem Salomonem propter timores nocturnos, ne fortè ululatus luporum, & gannitus vulpium rumpant medium noctis silentium, quando moriuntur primogenita Ægyptiorum.

CAPVT XVI.

Clastrum esse patibulum ostenditur.

Luc. 23. 41. **P**atibulum dicitur Clastrum, ubi IESVS cum latronibus suspenditur; sed IESVS non quia meruit, sed quia voluit; illi non quia voluerunt, sed quia meruerunt. Vnde ait latro ad latronem: *Nos quidem digna factis recipimus; hic autem nihil mali gessit.* Quicumque autem Clastrum ingreditur cum IESV de voluntate, cum latronibus eligit suspendium pro malorum suorum merito & satisfactione. Triplici distinctione omnium Clastralium multitudo assignatur. Est in Claustro innocens & sine querela apud Deum & homines cum IESV. Est nocens, sed pœnitens cum dextro latrone: est nocens & impœnitens cum sinistro. Patitur innocens ad augmentum coronæ: patitur pœnitens ad meritum veniæ; patitur impœnitens ad cumulum pœnæ. IESVS in patibulo orat; Latronum alter veniam postulat; alter IESV insultat: qui bonus sustinet patibulum, bona eius conscientia leuem facit pœnam; & atrocem, qui malus sustinet: sed in flagello non murmurat, veniam meretur; qui malus flagellatur, & sicut ignis in spinis desperando crepitat, damnatur.

Disciplina filij siue Magistri. Rom. 8. 32. 53. 5. 53. 4. 50. 6. Notanda in patibulo triplex claustralis disciplinæ distinctio: est namque filij disciplina ibi, cui Pater vnigenito non pepercit, *sed pro nobis omnibus tradidit illum*: De quo Elaias: *Disciplina pacis nostræ super illum.* Et, *Verè languores nostros ipse tulit, & dolores nostros ipse portauit.* Hunc vnicum & dilectissimum filium, in quo sibi benè complacuit, flagellis, imò durissimis scorpionibus absque vlla retractatione velut inimicum, pro reconciliatione inimicorum misericors pater & Deus misericordiarum cecidit. Inde Filius: *Corpus meum dedi percutientibus, & genas meas vellentibus: faciem meam non auerti ab increpantibus & conspuentibus in me.* O dura, imò pia pietas! dura, quoad humanum iudicium; pia quoad diuinum secretum: dura quoad patientis meritum; pia quoad passionis causam & effectum. Vnus agit causam omnium; bonus malorum, iustus peccatorum, filius feruorum. Disciplina igitur pacis nostræ super eum, qui totum debitum nostrum soluit cum usuris, non solum centesimis, sed & infinitis, vt plus appenderet statera crucis donum, quàm delictum; & superabundans gratia remissionis indulgeret culpas non solum originales, sed actuales. Grandis & grauis disciplina sub qua mitissimus Agnus voce blanda & mansueta su-

DE DISCIPLINA CLAVSTRALI. 451

spirat dicens: *Mi Pater, si possibile est, transeat à me calix iste: & si non potest transire nisi bibam illum, fiat voluntas tua.* Si filius es in Claustro, sic habeas cor pacatum & paratum ad patiendum, & etiam ad congratulandum, dicens: *Quoniam ego in flagella paratus sum.* Lupus Iudas, vnanimis fortè tuus, si leuauerit contra te calcaneum * tuum, nec pellem mansueti vultus detrahat, nec carnem patientiæ deglutiat, nec intestina intentionis mordeat. Si Sathan manifestus à planta pedis vsque ad verticem famam tuam exulcerare voluerit, sedens in sterquilinio humilitatis, testâ saniem rade imputando culpæ tuæ non alterius malitiæ: sicut Dauid Semei maledictiones non imputabat, sed diuinæ vltioni ascribebat.

Item alia est disciplina discipuli, & alia serui. Discipulus audit doctrinam magistri; Seruus qui non manet in domo in æternum, & præstolatur finem operis sui, piger est ad audiendum, negligens ad operandum: ad oculum enim omnia facit, nec quærit gratiam, sed pecuniam. Discipulus sanctus est, qui à dextris Domini pependit latro; seruus qui à sinistris. Clamat discipulus: *Domine memento mei dum veneris in regnum tuum.* Patientiam & pœnitentiam iam didicerat in tempore paruissimo, consummatuſque in breui explevit tempora multa; placita enim erat Deo anima eius. Vnde; *Hodie mecum eris in paradiso.* Itaque & tu Claustralis, qui fortè ab oriente venisti, ab ineunte ætate peccatis inuolutus; vel ab occidente vsque ad senectutem in peccatis conuersatus, conuersus ad Religionem, spera in Domino & fac bonum. Dic: *Domine: memento mei dum veneris in regnum tuum.* Item: *Adhæsit anima mea post te,* sequendo te & obediendo tibi: *Suscepit me dextera tua;* quia licet peccauerim, licet mortem meruerim, tamen spero de misericordia tua, quæ est dextera tua. Non est extra disciplinam qui sedet ad dexteram, vel etiam qui pendet: sed cum delectatione tenet disciplinam Claustris: Pendet, qui vitulos habet mugientes, sed reclusos appetitus seculi, & impetus carnis audiens, sed non vadens post concupiscentias suas. Movetur carnalis suggestio, sed non egreditur consensus aut delectatio: concipit caro dolorem: sed non parit. Quare: quia non est extra disciplinam, nec extra dexteram. Semper enim dicit: *Dominus à dextris est mihi, ne commouear.* Discipulus non moritur. Seruus autem qui seruus est peccati, & pœna peccati, qui dicit: *Eijce ancillam, & filium eius: Non enim heres erit filius ancillæ cum filio libera* MARIÆ. Hic est claustralis, qui quærit quæ sua sunt, non quæ IESV CHRISTI. Quærit obedientiam, non IESV CHRISTI, sed proprij arbitrij: quærit pecuniam, quærit voluntatem propriam, quærit duobus dominis servire; Deo & Mamonnæ. Hic labiis Deum honorat, cor autem eius longè est ab eo. Hic in vestibus ovium venit, sed intus est lupus rapax, cuius Deus venter est. Hic habet speciem pietatis, sed virtutem eius abnegat. Hic non est ex nobis, licet inter multos sit nobiscum. Hic magis eligit porcos immundi desiderij pascere, quàm in paternis possessionibus sobriè viuendo remanere. Descendamus iam ad forum & emamus nobis necessaria.

Matth.
26. 39.
42.

Psal.
37. 18.
* Iu. 6.

Disci-
plina
disci-
puli &
serui.

Luc. 23.
41.

Ibid.
42.

Ibid.

Psal. 15.
8.
Gen. 21
10.

Forum venale Claustrum: quod & Tyro ciuitati moraliter assimilatur.

Cap. 17.

Claustrum est venale forum, vbi exponuntur merces omnes ad vtilitatem animæ, siue quæ ad decorem, siue quæ ad necessitatem pertinent. Lege Tyrum in Ezechiele singulis rebus & speciebus à diuersis hominibus & regionibus iuxta singulorum possibilitates, & peregrinas merces, sufficienter constructam & ornatam. Mysticas horum significationes nec huius operis, nec nostræ facultatis est de sacculis historicis & marsupiiis evolvere & explanare. Humeris Hieronymi, & Gregorij, atque aliis Expositoribus relinquimus, qui falces habent acutas ad metendum, vbi alij laborauerunt; ad nostram tamen disciplinam & Claustrum nostrum sumptu soluto exinde reporto. Quodd sicut opulentissimam illam urbem vicinæ & remotæ provincie repleuerunt; sic Claustrum Religionis illi qui ab initio mundi Deo placuerunt vsque ad hæc nostra tempora: omnia enim sua tam dicta quam facta ad vsus nostros præparauerunt. Cedros imputribiles, si fortia caltatis quæris exempla, absque numero reperies. Si patientiæ, si constantiæ, si fidei, si veritatis, si mansuetudinis, si religionis, si obedientiæ, si iustitiæ, si fortitudinis, si prudentiæ, si temperantiæ, si omnium virtutum possessores quæsieris: occurrent tibi innumerabiles super arenam maris, & stellas cæli: Vnde: *Mihi autem amici tui Deus honorabiles facti sunt: dinumerabo eos, & super arenam multiplicabuntur.* Emat itaque à bonis & legitimis Dei mercatoribus quod sicut placet quisque, & quod ad diem festum necesse est. Tunc enim in foro nihil inuenitur, cum clausa erit ianua, & fatuis virginibus dicitur: *Ite ad vendentes, & emite vobis.* Quod dicitur, non ad consultationem, sed ad sublationem. *Subsannabo*, inquit sapientia, cum vobis quod timebatis aduenerit. Bene autem Tyrus, qui interpretatur angustia, claustralem disciplinam figurat; quia malum, malum est, dicit omnis emptor; sed cum venerit domum gaudet: *Id enim quod in presenti est momentaneum & leue tribulationis nostræ, supra modum æternum gloria pondus operatur in nobis.* Nec minor apparatus animarum in Claustro, quam terrenarum opum in Tyro. Vix est colligere opes Tyri, vix est enumerare labores Claustri. Quidquid congregat ad perituram gloriam sæculi Tyrus; hoc pro acquirenda beata vita bonâ patientiâ suffert religiosus Conuentus.

Psal.
138 16.

Matth.
25.
Prou. 1.
26.

2. Cor.
4. 17.

Isai. 2.
13.

Primo considerandum quod in corde maris est sita, vbi quidem maior est timor, durior est labor. Finitimi sunt Elias, Ioannes Baptista, Beatus Benedictus, & sanctus Augustinus; qui edificauerunt verbo & exemplo claustralem Religionem, & impleuerunt illam sanctitate, & decore incomparabili; abietes & cedros animi puritate & incorruptione imputribiles, & contemplatione sublimes. *De Sanir*, idest via lucernæ, seu dentibus vigiliarum, vel etiam de libano exstruunt claustrum, cum tales perficiuntur, quorum vita via est aliis, & lucerna, siue redargutio errantium sollicita & mordacissima, atque dealbatio invitantium candidissima. *Quercus* quoque *de Basan* recipit Claustrum, id est, ignominiosos peccatores, & facit remos,

DE DISCIPLINA CLAVSTRALI. 453

sicut Iosue Gabaonitas, aquarios in templo & lignarios. Vnde Apostolus: *Iosue*
Eos qui contemptibiles in Ecclesia sunt constituite ad Iudicia. *Transstra,* quo- 9.27.
rum pedes portant pacem; & *pratoriola*, quorum anima adhæret pavimen- 1. Cor.
to. *De ebore Indico* propter mortificationem. Et de *Insulis Italia* sine Ce- 6. 4.
thim id est, percussa Dei timore dolent. *Byssus varia de Egipto*, id est, Ezech.
saeculo, textur in velum: quando de secularibus conuersi, difficultatibus & 27. 6.
obiectionibus aduersariorum tanquam murus se opponunt pro domo Israël. Ibid. 7.
Similiter *hyacinthus* de nobilitate; *purpura* de obscuro & ignobili genere,
tamen valdè laborioso, fiunt operimentum in securitatem & abinconfio-
nem infirmorum à turbine, & à pluuia. *Habitatores Sidonis, & Aradii*, Ibid. 8.
quondam venatores Rethorici, deponentes per potentiam, sicut Nabucho-
donosor quos volebat exaltabat, & quos volebat humiliabat: modò sunt
remiges nostri gubernantes navem, & trahentes ad portum. *Sapientes tui*, Ibid. 9.
Tyre, sunt gubernatores tui, à quibus cum respublica regitur, benè agitur.
Senes Giblij, & prudentes eius, in ordine ab infantia nutriti, *habuerunt nau-*
tas ad ministerium varia suppellectilis tue; quia consuetudo & vsus Clau-
stri ab his querendus est. *Omnes naues maris, & nauta earum, fuerunt in*
populo negotiationis tue: quia Claustrales de labore secularium vivunt, secun-
dum Apostolum: Qui spiritalia seminant, carnalia metant. *Perla*, id est
tentati à concupiscentia sua abstracti & illecti, & generati à diabolo; Vnde, Ibid.
A patre diabolo estis. Et Libyes, quorum os maledictione plenum est, con- 10.
uersi sunt in exercitu claustrali, vel perseverando in malitia ad exercendum
Abel, vel immutati ad seruiendum Deo viuenti. *Viri bellatores tui clipeum*
& galeam suspenderunt in ornatu tuo, induentes se armaturam Dei tempore
belli, & resistentes Diabolo, & vitiis carnis; & transactâ malitiâ, quæ est
vita hominis super terram, fortia virtutum exempla sequacibus relinquen-
tes; sicut Eleazarus, qui noluit simulasse carnem porcinam contra leges
sanctas manducasse. *Filij Aradij cum exercitu tuo super muros tuos & in* Ibid.
circuitu tuo. Aradij deponentes veterem hominem cum actibus suis super 11.
muros sunt custodes tota die & tota nocte in perpetuo non tacentes; sed
contra aëreas potestates debellantes. *Sed & Pigmai, qui erant in turribus* Ibid.
pharetras suas suspenderunt in muris suis per gyrum: ipsi compleuerunt pul- 12.
chritudinem tuam. Nota quòd Pigmai, qui sunt cubitales homines, dicun-
tur complere pulchritudinem nostram; Planè qui se humiliat sicut paruulus
Euangelicus, hic in turribus pacis cum securitate complet cumulum Reli-
gionis. *Gracia, Thubal, & Mosoch, ipsi institores tui*. Ad summam dicen- Ibid.
dum de cunctis gentibus ad Religionem iam conuersos, & adhuc plures 13.
conuertendos, qui singuli de moribus, de regionibus, de consuetudinibus
suis, multas mansiones in domo Dei faciunt; vt ex multis facierum perso-
nis corpus Christi, quod est Ecclesia magna ædificetur.

Fortè sub his integumentis parum tibi aridet modestissima claustralis
disciplinæ facies. Nudam & superbiorum foliis expoliatam, succinctamque
consuetudine seculari magis appetis: ne lector offendiculo obumbratæ lo-
cutionis tardatus, fastidio sensum amittat: Et in hoc quoque satisfacere pos-
sim, & tuæ voluntati & aliorum utilitati. Sunt itaque nerui & compagine

Clau-
stralis

LII iij

disci-
plinæ
variæ
obser-
vatio-
nes.

claustralis disciplinæ silentij censura; verborum rara & rationabilis licentia; aspectus in terram defixus; incessus neque multum tardus, neque multum festinus; sessio in claustro assidua, in choro intercisâ; statio quasi ante Deum tremula & timida; cibus & potus castra infra metas sufficientiæ ponens; somnus digestionis sufficiens; castitas vtriusque omnes fines hominis possidens; timor Dei fundamenta omnium actionum iaciens; amor Dei cælum superextendens; constantia & perseuerantia in bono parietes fulciens; puritas & munditia Claustrum scopando omnia superflua proiciens; humilitas stramenta pedibus substernens; obedientia introitum & exitum custodiens; caritas conuentum totum per ordinem disponens; fides animans, spes recreans. Vbi disciplina ista tenetur, & ordo non dissipatur, crede mihi, stat IESVS in medio Discipulorum suorum; & dans pacem cum eis ingreditur, & egreditur; & est pax ingredienti disciplinam, & egredienti ad vitam æternam; in superliminaribus claustralium domorum, sanguine Agni scribantur hæc in generatione altera.

CAPVT XVIII.

De silentio.

ADhuc repeto ampliùs commendare quæ religioni æstimo magis amabilia, vel etiam necessaria; vt sunt, silentium, lectio, confessio, & oratio. Silentium claustrale, nec mutum sit nec loquax: non mutum sit in auribus Domini sabaoth, sed semper dicat: *Auribus percipe vocem orationis mee.* Et, *Vocem meam ad Dominum clamaui.* Quia tacenti Moyli dictum est: *Quid clamas ad me?* Illa enim vox penetrat viscera misericordiæ Dei nostri: quam solus & totus spiritus in imis visceribus ingemiscens iactu validissimo ad tertium emittit cælum. Vnde Apostolus de Domino: *Qui in diebus carnis sue preces supplicationesque ad eum, qui possit illum saluum facere à morte, cum clamore valido & lacrymis offerens exauditus pro sua reuerentiâ.* Tale silentium habet tintinnabula in extremitate sacerdotalis indumenti cum malis punicis; quia sollicitus de exitu vitæ huius orat reflectionem & rotunditatem vitæ æternæ. Rursum non sit loquax; quia *In multiloquio non deerit peccatum.* Et lingua in vdo constituta, si mouetur sine sustentaculo timoris Dei; vix evadit lubricum, vix non incurrit lapsum. Non ergo valvas labiorum aperiat, nisi fortè in sabato aut in calendis de requie futura, & gaudiis sanctorum commemorans. Sub tali silentio crescite & multiplicamini sancta desideria, pax cordis & tranquillitas cum vera munditia; quia ventosa & vana loquacitas mixta cum gelu & pruina verborum seminantium discordias, ficum, & vineam, & teneras arbores scandalizando, citò & frequenter exurit. Sigillum autem silentij si sub signaculi obumbratione sit, nutrit semen bonum, & ad prouentum facit venire. Inde est quod in Apocalypsi liber, qui est in dextera sedentis super thronum, scriptus intus & foris, septem sigillis signatur. In manu Dei sumus & nos, & sermones nostri, clausi septem, signaculis quousque aperiat os nostrum Agnus qui occisus est; & habet clauem quæ ape-

DE DISCIPLINA CLAVSTRALI. 455

rit, & nemo claudit: unde Paulus vincit, *Sed verbum Dei non est alligatum*. Claudit & nemo aperit; unde in eadem Apocalypsi: *Signa quæ locuta sunt septem tonitrua noli ea scribere*. Et in Daniele, *clausi sunt sermones*. Liber iste scriptus est intus & foris, ne labiis tacitis iniquitatem mediteris in cubili tuo, id est, in cordis secreto: signatus est septem signaculis, ne egrediatur verbum otiosum, quia de omni verbo otioso reddituri sumus rationem. Ne vanum, sicut illi qui *Vana locuti sunt unusquisque ad proximum suum*: ne dolosum; quia *fraudenti vasa pessima sunt*. Ne mendax; quia *perdes omnes qui loquuntur mendacium*. Ne malum: unde, *Omnis sermo malus de ore vestro non procedat*. Ne schismaticum aut hæreticum aut murmuratum; quia Dathan & Abiron viui absorpti sunt, & murmurantes perierunt ab exterminatore. Ad ultimum ne blasphemum, quod non remittetur nec in hoc seculo, neque in futuro.

Apoc.
10. 3.
Daniel.
12. 24.

Psal. 11.
2.
Isai. 32.
7.
Psal. 5.
7.
Ephes.
4. 29.

Sunt quoque septem sigilla, quibus signatur liber silentij claustralis. Ratio tranquillitatis; ratio professionis; ratio tenendæ pacis; ratio componendi affectus & motus cordis; ratio subtrahendi à secularibus negotiis; ratio scrutandæ legis Dei; ratio contemplationis. Vbi enim silentij repagula infringuntur, turbatur tranquillitas; professio soluitur; pax confunditur; affectus & motus cordis tanquam mari moto vndis contunduntur. Qui secularibus implicatur, æternis & cœlestibus exiit, qui Sophisticis & Rhetoricis deceptionibus occupatur, legem Dei non meditatur; qui garrulitate & vana loquacitate detinetur, ad Deum mente non erigitur. Salva igitur sint signacula ista donec Agnus soluat, & labia nostra aperiat. His signaculis liber silentij clausus non soluitur, nisi Agnus soluerit qui occisus est quod est vsque ad mortem seruetur ista silentij censura. Soluetur autem ab Agno, *Qui dignus est accipere virtutem*, vt sit Rex virtutum; & *diuinitatem*, vt sit Patri consubstantialis secundum æternam generationem & sapientiam quæ loquitur: *Ego ex ore Altissimi prodii*; Et *fortitudinem* vt sit fortis & potens in prælio; & *gloriam*; & *honorem*; quia eum qui modicò ab Angelis minoratus est, gloria & honore coronauit Pater; & *benedictionem*, qui accepit benedictionem à Domino, & est super omnia benedictus Deus. Ad hæc Agnus aperit ora mutorum & resoluit signacula, vt sapientiam in mysterio absconditam loquamur, vt dicamus de Christo: *Benè omnia fecit, & surdos fecit audire, & mutos loqui*. In libro itaque signato, id est, in silentio legamus, & quod sub sigillo clauditur, tanquam sublato lapide ab ore putei ab Iacob, vel à Domini sepulchro ab Angelis, inspiciamus, & de aquis istis bibamus. Bonum est ergo claustrale silentium.

Apoc.
5. 12.
Eccli.
24. 5.

CAPVT XIX.

De lectione.

HVic silentio concatenata est lectio, & quasi debent annuli infigi in ansulis cortinarum in templo Dei. Lectio autem est pascua vberissima, in qua animalia pusilla cum magnis assidue pascendo præparant holocausta Domino medullata, cum intra se ruminantes dulcissimos diuinæ scripturæ flores,

nihil aliud corde & ore continent. Purgat siquidem interiora nostra ossibus mortuorum, & morticinis amputandarum cogitationum assidua & intenta cum deuotione lectio, etiam si non sequeretur fructus intelligentiæ & scientiæ ex lectione, tamen ad hoc esset vtile semper legere, ut mens nostra occupata excusaretur à superueniente & contumaciter se ingerente vana superflua & cogitatione. *Dum venio*, ait Apostolus ad Timotheum, *attende lectioni*. Et, *Beatus vir qui meditatur in lege Domini die ac nocte*. Et, *Semper sint vestes arca in annulis*. Et semper inueniat te Diabolus occupatum: Non enim spiritus immundus intrat domum, nisi quam inuenerit vacantem. Ne verò lectio sit vana & garrula, sed quieta & sigillo meditationis impressa, dicitur in Apocalypsi: *Et cum aperuisset Agnus unum ex septem sigillis; audiui unum de quatuor animalibus tanquam vocem tonitruum dicens: Veni & vide*: id est lege Euangelium Matthæi, qui est unum de quatuor animalibus; sic incipit: *Liber generationis IESU CHRISTI*. Quid est ergo sic inchoare Euangelium, nisi dicere, veni & vide in hoc libro mysterium à sæculis absconditum, per generationem Christi ostensum & reuelatum? Veni & vide verbum incarnatum, quod sub sigillo diuinitatis hactenus apud Patrem latuerat clausum. *Et ecce equus albus*, Christus de Spiritu Sancto conceptus, & sine peccato de Virgine natus. *Et qui sedebat super illum habebat arcum*, ex diuina & humana natura intentum contra diabolum. *Et data est ei corona*, vt sit Rex Angelorum qui fuerat Rex Iudæorum. *Et exiuit in locum Calvariæ, vincens per patientiam, vt vinceret per potentiam*. Huic incumbens lectioni efficitur equus albus, dum sicut columba volitat super riuos aquarum; & quasi grex tonsarum ascendit de lauacro, induens nouum hominem, qui secundum Deum creatus est in iustitia & sanctitate veritatis. Intellectus quoque qui sedet super equum album, & præest omnibus sensibus, habet arcum, sanctam scripturam, quæ modò intenditur: modò distenditur: intenditur dum minatur pœnam, distenditur dum promittit veniam. *Et data est ei corona*. Iam rasam coronam gestamus in capite, sed gloriam & bonam conscientiam quæramus in mente: & corona est in capite assidua lectio cum intenta deuotione. Vnde Salomon: *Liga eam in corde tuo ingiter, & circunda eam gutturi tuo*. Et sit * *torques collo tuo*. Qui meditatut in lege, coronam habet in capite. Qui loquitur de lege, *Exaltationes Dei in gutture*. Qui subiicitur legi, *torques in collo*.

Prou. 6.
22.
* Prou.
1. 6.
Psal.
149. 6.

CAPVT XX.

De Confessione.

SVrgendum autem de lectione ad Confessionem, vbi te accuses de præuaricatione mandatorum Dei, vel de negligentia, vel de ignorantia, vel de infirmitate: non autem debet esse crassa & supina Confessio claustralium sicut secularium hominum. Confessio est aqua non turbida, non virulenta, non bituminosa; sed clara, pura & munda, purificans tanquam secundâ baptismatis regeneratione illos, qui non custodierunt vestimenta sua alba sicut

DE DISCIPLINA CLAVSTRALI. 457

sicut nix, de lauacro sanctificationis. Est itaque Confessio alia ante Iudicem, alia ad Dominum, alia ad Patrem. Ante Iudicem reus; ad Dominum seruus; Ad Patrem filius. Reus quærat Aduocatam, seruus flagellum, filius amicum. Reus agat de reconciliatione, seruus de propitiatione, filius de pace. Munera offerat reus, obsequia seruus, seipsum filius. Reus macerationem, seruus correptionem, filius salutarem oblationem. Reus prosternat se ante januam, seruus ante ostium, filius intret cubiculum. Grandia & enormia scelera confiteatur reus, seruus peccata, filius delicta. Dicat reus; *Noli me condemnare*: dicat seruus; *Miserere mei Deus*: dicat filius; *Pater peccaui: sed parce mihi*. Qui recedendo de filio factus fuerat seruus, de seruo reus; fiat redeundo de reo seruus, & de seruo filius: ut quibus passibus abierat in regionem dissimilitudinis, eisdem reuertatur ad similitudinem Patris. Et quia deformata peccando fuerat imago & similitudo Dei in anima, per Confessionem sigillum quærat reformationis: Vnde iam secundum sigillum aperiat Agnus in Confessione: *Audiui secundum animal dicens: veni, & vide*. Secundum animal est Marcus, qui tanquam Leo rugit in deserto; præcipue agens de Domini prædicatione, & resurrectione. Et bene Confessio comparatur deserto, quia non solum à secularibus, sed etiam à regularibus potius deseritur quam frequentetur. In hoc deserto rugiebat peccator ille qui dicebat: *Rugiebam nimis à gemitu cordis mei. Et exiit alius equus rufus*: Allegoricè Christus, qui albus est in natiuitate, & rufus in passione. Moraliter verò rubore confunditur qui sua enormia scelera confitetur, & efficitur rufus sanguinis conspersione, qui erubescit de sua corruptione. Vnde Apostolus: *Quem fructum habuistis, inquit, tunc in illis in quibus nunc erubescitis?* Equus rufus est qui portat suam confusionem dicens: *Non sum dignus ego peccator, leuare oculos meos ad cælum*. Et, *Non sum dignus ut intres sub tectum meum*. Et, *Iram Domini portabo, quia merui*. Et, *Qui sedebat super illum* (scilicet timor Domini) *datum est illi ut sumeret pacem de terra*; Vnde Dominus: *Non veni pacem mittere, sed gladium*. Vnde & huic datus est gladius magnus. Gladius iste magnus deuorat carnes; & inebriatus est in cælo. Et, *Maledictus qui prohibet gladium suum à sanguine*, id est, qui non amputat per Confessionem peccata quæ fiunt ex carne & sanguine: de quibus dicitur: *Caro & sanguis regnum Dei possidere non possunt*.

Triplex confessio.

Iob. 10.

2.

Psal.

50.

Luc. 15.

18.

Apoc.

6. 3.

Psal. 17.

9.

Apoc.

6. 4.

Rom.

6. 21.

Luc. 18.

13.

Luc. 7.

6.

Mich.

7. 9.

Matth.

10. 13.

Apoc.

6. 4.

Ierem.

48. 10.

1. Cor.

15.

CAPVT XXI.

De Vera Confessione, & eius efficacia.

Gladius confessionis *Viuus est & efficax, & penetrabilior omni gladio an-* Hebr. 4. 12.
cipiti, pertingens vsque ad diuisionem animæ & spiritus, compagum quo-
que & medullarum; & discretor cogitationū & intentionum cordis. Et quis vim
Confessionis exprimere sic potuit? Quis naturam eius & formam sic depinxit?
Viuus, inquit, est sermo. Vbi est morticinum Confessionis? Vbi simula-
chrum mortuum, quod os habet, & non loquitur, manus habet non Iacob,

M m m

sed Esau, videlicet pilosas, sed & non planas? Pedes & non ambulat? Sicut homo mortuus non est homo, & fides mortua non est fides: sic Confessio simulata, non est Confessio. Viuus ergo sit Confessionis sermo, vt de corde vitali, & labiis veracibus procedat, non de sepulchro cadaueris mortui quod putet & fœtet. Addit, *Et penetrabilior omni gladio ancipiti.* Grammatica, Dialectica, & Rethorica gladij sunt, quibus inter se pugnant Clerici, & satis sunt penetratiui in doctrinis & regulis suis: sed sermo Dei, & sermo Confessionis penetrabilior est omni gladio ancipiti, qui quærit vitare damnum, & acquirere lucrum, cum non solum penetrat in interiora hominis, sed etiam perforat intestina suggestionum diaboli, & portas confringit inferni. Et quomodo? pertingens vsque ad finem animæ & spiritus; id est, sensualitatis, & rationis. Nihil namque omittit vera Confessio, quin accuset omnes excessus & sensualitatis, & superioris rationis. Nam aliud est peccare ex sensualitate, quam habemus communem cum peccato; aliud ex ratione, quam habemus specialem ex humanitate, & forte communem cum Angelo ex diuina dispensatione. Peccata ex sensualitate sunt illa, quæ fiunt ex fragilitate & surreptione; quibus minor debetur pœna & pœnitentia: ex ratione, quæ fiunt ex deliberatione, vel ex ambitione, quibus acrior imminet vindicta. Subiungit: *Compagum quoque & medullarum.* Compago quædam est animæ & spiritus: illud confinium rationis & sensualitatis, in quo vix discernitur cuius sorti cedat, rationis, an sensualitatis? unde Apostolus: *Non intelligo quod operor:* quia in confinio illo caro concupiscit aduersus spiritum, & spiritus aduersus carnem: id est aduersus sensualitatem. Hoc quoque confinium viuus sermo debet determinare, & vsque ad interiores medullas peccata insequi & explorare. Ad extremum subdit: *Discretor cogitationum & intentionem cordis.* Euoluenda sunt cogitationes, & rimanda intentiones in Confessione? vt nec minima peccati vagula euadat, quin in Dei sacrificium veniat. Fit enim in Confessione criminale, veniale. Sed paucorum est discernere noctem & noctem, id est, inter veniale & criminale: quia multa reputantur venialia quæ sunt criminalia, secundum intentionem peccatoris. Exprimenda est in Confessione, non solum actio, nec solum cogitatio, sed etiam ipsa intentio quæ totum opus facit lucidum aut tenebrosum. Et hic gladius magnus qui datus est sedenti super equum rufum, cuius etiam acies dissecat penitus, & discindit squammas antiqui Leviathan; quarum vna vni sic iungitur, vt nec spiraculum incedat per eas.

Rom.
7. 15.
Galat.
5. 17.

CAPVT XXII.

De oratione.

Serpentinis igitur exuiis in Confessione exutus, & aquis Iordanis cum Naaman leproso lotus, & cum puero David secundo vinctus, in oratione ad Dominum manus & oculos leuet, vt præterita deleantur, & à futuris caueatur. *His quasi duabus columnis fulcitur domus Orationis, si ira Dei*

Duplex
oratio,

DE DISCIPLINA CLAVSTRALI. 459

deleatur, & gratia concedatur. Vtrumque facit oratio, & extinguit iram & implorat gratiam. Est enim oratio alia laboriosa, alia deuota. Laboriosa extinguit iram; deuota prouocat gratiam. Neutra tamen sine altera veniat ad thronum gratiæ, sed Iacob vtramque ducat, & contubernio suo constringat Liam & Rachel, id est, laboriosam orationem & deuotam. Vna nocte cubat cum Lia, altera fortè cum Rachel. Ex vtraque nascitur soboles; proles ex Lia, cariores ex Rachel: & isti & illi reputantur in semine & numero Patriarcharum: quia secundum Liam qui plus laborat plus mercedis accipiet: & secundum Rachel, *Ei qui non operatur merces imputatur, non secundum meritum*, vel debitum, sed secundum gratiam. Cum itaque mercedem præuenit gratia, grata & deuota dicitur oratio; & est imber matutinus. Laboriosa est, quando cor longè est ab homine, & Deus à corde. Longè verò cor ab homine, siue occupatum sit in curis superfluis, siue tepesfactum à feruore Religionis, siue immersum carnalibus desideriis. Deus quoque longè est à corde, cum subtrahit gratiam, cum differt præsentiam, cum exercet postulantis patientiam. Laboriosa est de qua Petrus ait: *Præceptor per totam noctem laborauimus, & nihil cepimus*. Et de qua Iob: *Effodiunt sibi mortem quasi thesauros, & cum inuenerint, gaudent*. Et iterum Iob: *Clamo, & non exaudis me*. Et sponsa in Canticis: *In lectulo meo quasiui per noctem, quem diligit anima mea, &c.* Et in Psalmo: *Distulisti Christum tuum*. Deuota est cum citò occurrat gratia, cum mentem præoccupat, cum adest antequam inuocetur, cum præstat supra quàm petimus aut intelligimus. Cum autem homo pulsauerit ad januam gratiæ dicens: *Oratio mea præueniet te*. Et, *Præuenerunt oculi mei ad te diluculo*; tunc appellatur laboriosa, & imber serotinus: *Faciám*, inquit Dominus, *descendere ad vos imbrem matutinum & serotinum, ut custodiam introitum, & exitum vestrum*. Aliquando cum oraret IESVS in passione, factus est sudor eius tanquam guttæ sanguinis: frequenter etiam orauit cum omni tranquillitate, ut ibi: *Pater clarifica filium tuum: & venit vox de cælo dicens; & clarificauit, & iterum clarificabo*. Et Dominus ad turbam: *Non propter me vox hæc venit, sed propter vos*. Et ad Patrem: *Ego enim sciebam ab initio quia semper me audis*. Quisquis huic Dominico se impresserit orationis sigillo eiusdem boni Magistri, sicut in aliis, sic etiam in hoc intuetur exemplum: Nam de eodem sic sequitur in Apocalypsi.

Et cum aperuisset sigillum tertium, audiui tertium animal dicens: Veni & vide; & vidi. Et ecce equus niger; & qui sedebat super eum habebat stateram in manu sua. Tertium animal est Lucas Medicus & Euangelista, qui conficit animæ potiones, ad sanandos omnes eius languores. Incipit autem ab oratione sic: *Fuit in diebus Herodis Regis Iudæ, sacerdos quidam nomine Zacharias, &c.* Et quia in visione Ezechielis in figura vituli repræsentatur; & vitulus Deo immolatur; benè equus niger dicitur propter crucis mortificationem, quam voce prædicauit, & opere adimpleuit. Christus autem qui albus fuit in natiuitate, rufus in passione, niger est in morte. Sed stateram crucis habet in manu, quia potestatem habet ponere animam suam, & potestatem habet sumere eam. Et appensa in statera ista culpa humani generis cum

M m m ij

labo-
riosa,
& de-
vota.

Rom.
44. 5.

Labo-
riosa.

Luc. 5.
5.
Iob. 3
21. 22.
paulò
aliter
Deuo-
ta.

Psal.
87. 14.
Psal.
118. 148.
Ioel. 2.
23.

Ioan.
12. 28.
Ibid.
30.
Ioan.
11. 42.

Apoc.
6. 5.

- pœna Dominici corporis, pluris inuenta est pœna sua, quam culpa nostra: unde ipsa pœna passionis Christi, deleuit reatum præuicationis primi parentis nostri, & totius mundi. Ipsa quoque passio, quid aliud fuit quam eius oratio & nostra reconciliatio? Equitat ergo Christus in equo nigro, nam exaltatus à terra suspenditur in crucis patibulo. Et nos Claustrales, siue sacerdotes, imitemur in cruce orantem, leuantes puras manus & oculos columbinos ad Deum, peccatorum nostrorum nigredinem confitentes, & pœnitendo mortem præuenientes. Vnde Psalmista: *Æthiopia præueniet manus eius Deo.* Æthiopissa decolorata à sole, & super carbonem denigrata carnis afflictione, & membrorum suorum mortificatione, orat dicens:
- Psal. *Auerte faciem tuam à peccatis meis. Et, Ossa mea sicut cremum aruerunt.* Et, 50. 10. *Percussus sum ut fœnum, & aruit cor meum.* Animæ sic oranti loquitur sponsus in Canticis: *Equitatus meo in curribus Pharaonis assimilaui te, Amica mea.* Quasi equitabat Deus ante filios Israel super equum nigrum, columnam nubis per diem; & equum rufum, columnam ignis per noctem. Currus autem Pharaonis sunt fallaces, equi ad salutem, qui discurrent per vniuersum orbem; superbia, fallacia, gula, luxuria, suos equites deferentes in infernum. Sed equitatio IESV salus, de quo dicitur: *Currus Dei decem millibus multiplex.* Et quibus loquitur Psalmista: *Afferre Domino filij Dei,* id est, Angeli, *Afferre Domino filios arietum,* id est Christianos imitatores Apostolorum & Prophetarum. Qui sedet super equum nigrum habet stateram in manu sua, in qua appendet quid debeat postulare de temporalibus, & quid de æternis; quam assidue pro æternis, quam moderate pro transitoriis. Inde est quod sequitur: *Et audiui tanquam vocem in medio quatuor animalium dicentium: Bilibris tritici denario; & tres bilibres hordei denario vno.* Triticum æterna designat; hordeum temporalia: simplex & vna oratio, id est, bilibris tritici, pro vita æterna. Vnde: *Vnam petij à Domino: multiplex & diuersa, id est, tres bilibres hordei pro necessitatibus terreni subsidij.* Vnde: *De necessitatibus eripe me Domine. Vinum & oleum ne læseris,* id est in Christo baptisatos & sancto Chrismate perunctos, quod est oleum, & sanguine Agni redemptos, quod est vinum, ne læseris ad damnationem. Et si præcipio ne læseris animam, sicut de Iob dictum est: *Tu autem animam eius serua.* Tamen in pressura torcularis nolo ut parcat calcator vus. In hac enim pressura Deus non parcens parcat fidelibus suis. Hæc de oratione: dicendum est de meditatione mortis.

CAPVT XXIII.

De meditatione mortis.

Morte nihil certius, nihil incertius, nihil bonis appetibilius, nihil malis odiosius. Certus occasus est, incertus euentus. His qui non sunt de mundo, conuersationem habentibus in cœlis, gratus exitus de carcere ad regnum, de confusione ad gloriam. Morte namque interueniente nuda veritas manifestabit gloriam summam & indiuiduam Trinitatis, gloriam Bea-

DE DISCIPLINA CLAVSTRALI. 461

ta Virginis, gloriam cœlestium virtutum, gloriam denique omnium Sanctorum; in qua noua, certa, mansura, & mira & amabilia erunt omnia. Vellum quoque sacramentorum præsentium, quod est de hyacintho secundum spem regni; de purpura propter sanguinem Agni; de cocco bis tincto propter caritatem Mediatoris Dei & hominum; de bysso retorta, propter sinceritatem Catholicæ fidei, & indissolubilem veritatem tunc aut tollitur, aut scindetur. Tollitur juxta illud: *Cum autem venerit quod perfectum est, euacuabitur quod ex parte est.* Scindetur sicut in passione Domini: *Velum templi scissum est à summo deorsum:* Vt iudicium magni Dei sit sicut merities, quando manifestabuntur consilia cordium. Et, *Nihil opertum quod non reuelabitur.* Non ergo expansecat solvere debitum mortis, qui expectat soluto debito dotes tantæ remunerationis. Debitum tamen est, quod omnibus & ab omnibus debetur & soluitur. Tempus autem solutionis, & hora, non in potestate & scientia est debitoris, sed in voluntate est Creatoris. *Constituit ille terminos qui præteriri non poterunt.* De soluenda morte nec creditor & exactor potest diem anticipare & præripere; aut debitor differre & prolongare. Nemini autem hoc debitum seu vectigal indultum est à Deo, vt nec ipsi Filio Dei, quia filius hominis est, remissum sit; licet originaliter emancipato per immanitatem peccati: Nam *Domini Domini est exitus mortis.*

1. Cor.

13. 10.

Marc.

15. 38.

Matt.

10. 26.

Iob. 14.

5.

Psal.

67. 2.

Cogitandum itaque, & semper excogitandum est, quatenus per mortem transeamus, non in morte remaneamus: sit mors hospitium viatoris, non mansio morientis: sit absolutio oneris, non depressio calamitatis: sit pœnæ interruptio, non continuatio: sit via ad Patrem, non deuiatio ad hospitem: sit progressio ad patriam, non demersio ad gehennam: sit potio salutaris, non assumptio infernalis: sit denique finis non consumptionis, sed consummationis. Ante mortem culpa mortalis est cauenda, vel saltem confessione & pœnitentia delenda. Citra mortem præparandum, vnde post mortem sit feliciter viuendum. Mors non absorbet merita bona, representet autem mala etiam oblita: Mors coaceruat omnia præterita opera, designat mansionum æterna tabernacula, & collocat animas, non vbi voluerint, sed vbi meruerint. Vt certus sis de incertis, tene certa ne sequaris incerta: Currit enim Apostolus non in incerto: sed certus; quia neque mors, neque vita poterit eum separare à caritate Dei, quæ est in Christo IESU. Certum te facient certa fides, certa spes, certa caritas, certa obedientia, certa humilitas, certa castitas, certa obseruatio Christianæ Religionis, & tuæ professionis. Depinge mortem ante oculos tuos, quàm horrenda facies, eius vultus quàm obsecurus & toruus, singula singulorum membrorum eius officia quid operentur in singulis hominis membris. Deuorant namque & depascunt tanquam teneram herbam quidquid in homine est roboris & virtutis, tam in anima quàm in corpore damnatorum; vnde in Psalmo: *Mors depascet eos.* Vt ergo de ventre huius ceti Dominus nos extrahat, præoccupemus faciem eius in confessione, vt qui perforauit maxillam eius armillâ liberet, nos à morte æterna. Latens in carne IESU diuinitas molares noxas dentes in ore ipsius confregit, cum carnem Verbi morfu temerario

M m m iij

momordit. Et si itaque nos mordeat ut coluber & ut cerastes, si crucis cornua præ manibus habemus, si sanguinem Agni super utrumque postem & in superliminaribus gestamus; tota illa Leviathan horribilis armatura, quæ in Iob describitur, destruetur, & intestina eius hoc iaculo terebrata rimabuntur. O puteus sulphureus! ô fœtor intolerabilis! ô angustia! ô tenebræ! ô calor! ô stridor dentium! ô confusio! ô dolor! ô desperatio! ô desolatio sine consolatione! malum sine fine; exitum sine reparatione! Utinam sub conspectu haberem compensationem quam mors malis delectationibus reponit. Longa præmeditatione & præparatione comparandum est quod minuatur acerbiter mortis, & faciat tolerabile, quod est inevitabile.

Mortis
remedia.

Sunt autem mortis mitigatoria remedia; Confessio peccatorum, & pœnitentia contra aëreas potestates; propugnaculum sanctæ crucis; viaticum Corporis & Sanguinis Domini ad solatium tanti & tam ignoti itineris. Oleum inunctionis ad fouendam lampadem conscientiæ, & remouendas condensas mortis tenebras; patrociniū Dei; auxilium omnium Sanctorum, & oratio Fratrum. His remediis aut succumbit mors secunda, aut cedit: & prima quidem more suo in hominem mortalem efferatur; sed enervatur, nec retiaculis suis retinet animam, quam tantis vallatam copiis videt. Virtutem crucis expauescit; viatorem transeuntem cum viatico nequaquam posse deficere non ignorat; veram pœnitentiam, & confessionem de vtero suo & ventre infernali animas infinitas fortiter extraxisse meminit, & se nunquam potuisse resistere voluntati Dei; nec corporibus humanis, nec animabus nocere se posse experimento nouit, si sanctorum auxilium subuenerit. Orationes fratrum tanquam sagittas igneas fugit. Ex his omnibus offas dirumpentes interiora diaboli, mortis & inferni conficiamus, & in ore draconis cum Daniële proijciamus. In claustro præparetur hæc confessio ab his qui se cogitant semper morituros, & tanquam palma multiplicat dies susipientes in excelso, & in se vitia mortificantes. In his mors non habet potestatem, qui habent potestatem calcandi super serpentes, qui in eremo interficiebant filios Israël, & scorpiones qui insidiantur calcaneo nostro. O anima soluta à corpore ubi habitas? an in cœlo, an in paradiso, an in igne purgatorio, an in inferno? Si in cœlo, beata cum Angelis; si in Paradiso, securâ à miseriis istis; si igne purgatorio; anxia de pœnis, tamen expectas liberationem; si in inferno, desperans non expectas miseriam, sed veritatem & seueritatem. O anima sine corpore ubi est modo corpus tuum? ubi est Abel frater tuus? Ecce vermes, ecce tinea, ecce putredo quondam in ossibus tuis. Tu autem quid? Petis ne ab Abraham ut mittat Lazarum, & intingat extremum digiti sui in aqua, & refrigeret linguam tuam? habesne flammam supplicij in parte vel in toto? estne spes euadendi? O anima si in inferno es, non reuertetur oculus tuus ut videat bona. Si in igne purgatorio, minus ardet fornax Babilonis, cuius flamma euaporabat cubitis quadraginta nouem. Æthiopes crudelissimi ligna, fœnum, stipulam, nec non & picem, atque malleolos, quos de sylua malorum nostrorum collegerunt studiosè, & reposuerunt malitiosè, insistent in igne purgatorio subministrare, & donec vox de throno gratiæ veniat, miseram animam non cessant flagellare.

DE DISCIPLINA CLAVSTRALI. 463

O anima siue beata siue misera, quàm utile esset animæ peregrinanti adhuc in corpore te videre & audire, quæ & fortis nostræ non es oblita, & tuæ iam es experta. Ecce habes stateram in manu tua, appendens in ea quod in corpore meruisti, & quod extra corpus recepisti. Hic, hinc mendaces sunt homines, in iustitia non attendentes stateram paratam quæ rectâ lineâ librat pœnam & culpam, non declinans neque ad dextram neque sinistram. In præsentem quidem mixta est misericordia cum iustitia, & iustitia cum misericordia: quando Deus inclinatur de calice qui est in manu eius, ex hoc misericordiæ in hoc iustitiæ, & ex hoc iustitiæ in hoc misericordiæ. In futuro autem iudicio erit iustitia sine misericordia illi qui non fecit misericordiam: non enim tunc inuenietur oleum ad emendum. Nunc dicitur, *Vinum & oleum ne laferis*, quia correptio & compassio necessaria est ad curandum seminiuum à latronibus relictum. In iudicio sæua erit correptio; quia non erit tempus seminandi, sed metendi. Vana etiam erit compassio ubi nulla quæ non præcesserit miseratio. Anima in corpore odoratur ista, non gustat, sicut naues poma portantes; sed illa quæ ad portum applicuit, iam degustat cuius saporis sint futura sæcula. De mortis quoque meditatione dicitur. *In meditatione mea exardescet ignis*. Ignis utique de quo dicitur; *Vermes eorum non morientur, & ignis non exstinguetur*. Sed mirum quomodo mors exardescet meditata, quæ frigida omnem vitalem tollit & exstinguit calorem. Quando tamen accenditur ignis nisi tempore hyemis? Ita enim contrarium contrario repellitur, & quæritur ignis dum viget torpor frigoris. Quid ergo facit exardescens ignis in meditatione mortis? Ligna, fœnum, stipulam, paleasque comburit, mundanas delectationes in cineres redigens? Mors namque mentem totam occupans, temporalia omnia parui pendere facit. Quis enim aquis mersus aquas se mergentes diligit? Et nonne concupiscentia oculorum, concupiscentia carnis, superbia vitæ, in profundissimum infernum possessorem suum demergunt? In his aquis Leviathan natat & latet in insidiis: ut incautè sibi appropinquantes aut submergat, aut denaribus fumum projiciens sicut ollæ succensæ & feruentis exurat. Vnde Iob, *De naribus eius procedit fumus sicut ollæ succensæ & feruentis*. Halitus eius prunas ardere facit, & flamma de ore eius egreditur: fumus de quo dicitur: *Ascendet fumus in ira eius*, oculorum caliginem generat, sed caligo sub pedibus Dei. Flamma de ore draconis est, de qua dicitur: *Supercecidit ignis & non viderunt solem*: concupiscentia videlicet mala, quæ prunas ardere facit, dum hinc animam seducit, vel in morte ad pœnam trahit. Aduersus hæc natus sponsæ, sicut turris quæ respicit contra Damascum, meditatur de morte contra mortem, quia iacula quæ præuidentur, minus feriunt: & non est fera tam sæua, quæ magisterij assiduitate non castigetur & mitigetur. Sic mors nec incognita meditatione, nec improuisa expectatione veniens, non superueniens: valvas nostras apertas penetrans, non perforans: intrans non irruens: excitans non feriens latus dormientis, satis modeste à nobis, non cum horrore excipitur. Venit enim ut bonus nuntius, non ut infestus aduersarius: mandatum refert, non infert supplicium; fines enim mandati non excedit: à se non potest facere quic-

Apoc.
6. 6.

Psal. 38.
4.
Psal.
66. 24.

Iob. 41.
11.

Psal.
57. 9.
Psal.
57. 9.

Grego.
rius ho.
mil. 27.
in Euā.

Pfal. 31. 12. quam. *In chamo & freno maxillas eorum confringet Deus Iudex iustus, vt nucleus gloriæ quam abscondit Deus timentibus se, testâ cum cortice fractâ, Beatorum repleat viscera.*

CAPVT XXIV.

De meditatione Mortis Christi, hominis, & diaboli.

Apoc. 6. 7. **E**T cum aperuisset sigillum quartum, audiui vocem quarti animalis dicentis: *Veni & vide, & vidi.* Et ecce equus pallidus. Nota in tribus superioribus, vnum animal, secundum animal, tertium animal dixisse: in quarto verò non quartum animal, sed vocem quarti animalis scribit se audisse. Ioannes enim Euangelista est vox verbi, qui sic inchoat Euangelium suum: *In principio*, inquit *erat Verbum*, &c. Equus autem pallidus est, qui ante passionem cœpit pauere & tædere, dicens. *Tristis est anima mea vsque ad mortem.* Et nomen illi mors, qui nunc mortuus est propter delicta nostra: Et in Osee dicens: *Ero mors tua ô mors.* Et iuxta illos qui dicunt: *Nomen eius non morietur amplius* Et inferius sequebatur eum, secundum illud: *Posuerunt me opinione in lacu inferiori, in tenebris, & in umbra mortis.* Ad meditationem itaque mortis pertinet mors Christi, mors diaboli, & mors hominis. Mors Christi occidit mortem in diabolo ne ultra viueret: in homine ne remaneret; in diabolo vt periret: in homine ne periret; in diabolo ne regnaret: in homine ne seruiret; in diabolo ne sauiret: in homine ne timeret; in diabolo ne falleret: in homine ne illi crederet; in diabolo vt de vita desperaret: in homine vt per mortem ad vitam aspiraret. Meditatio mortis Christi visitat agrum, meditatio mortis diaboli confortat infirmum; meditatio suæ mortis humiliat superbum: meditatio mortis Christi potio est salutaris; meditatio mortis diaboli purgatio est inflationis: meditatio suæ mortis restitutio siue conseruatio sanitatis. Meditatio mortis Christi venena extinguit; meditatio mortis diaboli apostema soluit; meditatio suæ mortis emplastrum morbo apponit. Equus pallidus est, qui se mortificat in meditationibus istis vt mortem puniat, & interim colulum suum morti subijciat; & in morte de subiugo venientis exiliat.

Iob. 38. 17. De meditatione mortis ait Dominus ad Iob: *Nunquid apertæ sunt tibi portæ mortis, & ostia tenebrosa vidisti?* Deo, cui nuda sunt omnia & apertæ, qui palmo metitur terram, & pugillo continet omnia à supremo cœli cardine vsque ad profundissimum inferni, nihil est clausum. Potestas eius æterna ingreditur & egreditur, nullo resistente, omni regni sui prouincias: quia *Quæcunque vult facit in cœlo, & in terra, & in omnibus abyssis.* Illi procul dubio apertæ sunt portæ mortis, vt cum vellet, intraret & exiret; quem vellet introduceret, & quem vellet reuocaret. Nulli autem Sanctorum nisi per IESVM apertæ sunt portæ mortis, vt inde exiret: quæ tamen per peccatum apertæ sunt, vt de mundo exiens inuitabiliter omnis homo per eas ad futurum sæculum, ad pœnam vel gloriam intret. Sunt verò portæ mortis, sunt portæ inferni, sunt portæ sæculi, sunt portæ claustrorum, sunt denique portæ

DE DISCIPLINA CLAVSTRALI. 465

tae cœli. De portis mortis dicitur in psalmo: *Qui exaltas me de portis mortis, ut annuntiem omnes laudationes tuas in portis filia Syon.* De portis inferni dicitur in Euangelio: *Tu es Petrus, & super hanc petram edificabo Ecclesiam meam; & portae inferi non preualebunt aduersus eam.* Et, *Vadam ad portas inferi.* Portae saeculi sunt introitus ad vitam, & exitus de vita. Portae claustrum sunt professio regularis cum obseruantia, & spe *renuntiationis. Portae cœli sunt sancti Angeli, & ministratorii spiritus, qui mittuntur propter eos qui hereditatem capiunt salutis. Pœnales sunt portae mortis; abominabiles portae inferni; periculosa portae saeculi; religiosa portae claustrum; gloriosa portae cœli. Portas mortis pertransiuit Dominus; Portas inferni confregit; Portas saeculi sine pessulo intrauit & exiuit; Portas claustrum conuersatione sua in terris, & morte dolauit; Portas cœli in Ascensione sua aperuit. In cardine vexatorio voluitur porta mortis; in cardine punitorio porta inferni; in cardine mutatorio porta saeculi; in cardine meritorio porta claustrum; in cardine remuneratorio porta cœli. Angelus sanctus custodit portam cœli; bonus Prælatum portam claustrum; quotidianus defectus portam saeculi; diabolus damnatus portam inferni; princeps mundi portas mortis. Clauis cœli est gloria, clauis claustrum est regula, clauis saeculi est vanitas, clauis inferni est pœna perpetua, clauis mortis est diuina sententia. In porta cœli de fine laborum exultatio, in porta claustrum peccatorum purgatio, in porta saeculi anceps occupatio, in porta inferni desperatio, in porta mortis trepidatio. Meridies ad portam cœli, aurora ad portam claustrum, crepusculum ad portam saeculi, vespere siue nox ad portam mortis, media nox ad portam inferni. In resurrectione mortuorum apertae erunt portae mortis, quia omnes resurgemus, sed non portae inferni, quia non omnes immutabimur. In exitu aperiuntur portae claustrum & portae saeculi; post iudicium portae cœli. Ait ergo: *Nunquid aperta tibi sunt portae mortis, & ostia tenebrosa vidisti?* quali diceret; Est ne tibi iam puta conscientia, & de gratia mea tam secura vita, ut intrepidus expectes mortem? & cum venerit tanquam absinthium, deglutias illam intrans portas eius sine labore, & exiens absque difficultate? An & ostia tenebrosa vidisti? Si habes oleum in lampade tua, ad tenebrosa ostia non offendes pedem tuum, quia gressus tuos diriges secundum eloquium Dei, in quo lux, & tenebrae nullae sunt.

quas
vel ad
vitam
vel ad
pœnā.
Psal. 9.

15.
Matth.
16. 18.
Isaïa.
38. 11.
f. * re-
munera-
tio-
nis.

CAPVT XXV.

De communicatione corporis & sanguinis Domini.

IN disciplina Claustrum non est omittendum quod præcipue est necessarium, altissime quoque commendandum memoriae. Eucharistia siquidem locum tenet in corpore Ecclesiae, quem humanum cor in homine; integro & sano corde viuunt, & corrupto & vulnerato, homo moritur. Vnde Salomon: *Omni custodia serua cor tuum; quoniam ex ipso vita procedit.* Et Dominus de corpore suo in Euangelio: *Qui manducat me, & ipse uiuet propter*

Prou.
4. 23.
Ioan.
6. 53.

N n n

me. Vita est Angeli in quem desiderant Angeli prospicere: vita est Christiani per quam possit proficere. Hanc vitam aliter * accipere qui in carne & secundum carnem viuit; aliter ille qui seminat in spiritu, vbi de spiritu metat vitam æternam; Aliter illi; *Quorum os maledictione & amaritudine plenum est*; Aliter illi; *Qui esuriunt & sitiunt iustitiam*: & quibus dicitur: *Vos in carne non estis, sed in spiritu: si tamen spiritus Dei habitat in vobis*. Et ille qui dicit: *Vino autem, iam non ego; viuit verò in me Christus*: quem diligo ex toto corde, ex tota anima, ex tota virtute. Cor tale Deum solum cogitat, amat, & desiderat; anima singulis spiraculis Deum annuntiat, & semper ad Deum spirat & suspirat. Virtus omnia potest in eo qui se confortat, & nihil sine eo qui dicit: *Sine me nihil potestis facere*. Qui sic Deo & à Deo occupatur horis matutinalibus fame sancta urgente, Dominici corporis & sanguinis communionem quotidie reficitur. Sed secundum Apostolum diiudicandum inter hunc spiritalem cibum, & corporalem quotidianum: Nam summa discretionem attendendum, quando ad corpus Christi sit accedendum, quando cedendum, & quando recedendum. Accedere ad Christum, accedere est ad Dominum, accedere ad Regem, accedere ad lucem, ad ignem, ad panem, ad vitem, imò ad vitam. Quæris libertatem? accede ad Dominum. Quæris securitatem? accede ad Regem. Quæris claritatem? accede ad lucem: Quæris calorem? accede ad ignem: Quæris refectionem? accede ad panem: Quæris potum? accede ad vitem: Quæris resurrectionem? accede ad vitam. Offendisti Dominum? cede: Fecisti contra Regem? cede: cæcus aut lippus es? cede à luce: Portas in lumbis aut in manibus tuis ignem alienum? cede ne exurat te ignis de altari. Esne plenus murmure, & saturatus de contradictionibus? cede, & noli accedere ad panem Angelorum. Esne inebriatus de vinea Sodomorum & Gomorrah? cede, & noli accedere ad vinum de vinea Sorech. Esne mortuus criminalibus, & sepultus in inferno? cede. Distat autem plurimum inter cedere, & recedere: Nam cedere, reuerentia est; recedere, irreuerentia. Cedit qui dicit: *Domine non sum dignus, ut intres sub tectum meum*: recedit qui dicit: *Ecce eijcis me à facie tua*. Et, *Maior est iniquitas mea, quam ut veniam merear*. Ionas quoque fugiens & recedens à facie Domini absorptus est in ventre ceti tribus diebus & tribus noctibus. Et Psalmista: *Discedite à me omnes qui operamini iniquitatem*. Quis autem finis recedentibus à Deo? Psalm. *Omnes qui elongant se à te peribunt*. Cedo itaque cum peccauero, non recedo si confessus errorem fuero, & emendauero.

Sed adhuc diligentius aduertendum quando, quomodo, & quare ad Communionem sit accedendum: habet enim utilitas huius refectionis temporis discretionem, modi determinationem, causa etiam rationem. In tempore considerantur tria, oportunitas, consuetudo, & solemnitas. In modo, purgatio, intentio, & deuotio. In causa institutio, utilitas, & necessitas. Breuiter replicanda sunt & explananda quæ hic enumerantur. Oportunitas fugit & fugat occupationem: Liberis enim mentibus hoc exequendum officium & Deo obsequendum. Consuetudo remouet laicam negligentiam & erga salutem suam nimium torporem. Sufficit enim Lai-

f. * accipit.

Psal. 13.

3.

Matt.

5. 6.

Rom.

8. 9.

Gal. 2.

20.

Ioan.

15. 5.

Quando

accede-

dendū

ad cor-

pus

Christi.

Quādo

cede-

dendū,

quando

recede-

dendū.

Luc. 7.

6.

Gen. 4.

14.

Psal. 6.

8.

Psal.

72. 27.

Modus

& tem-

pus ac-

ceden-

di ad

Comu-

nionem.

DE DISCIPLINA CLAVSTRALI. 467

co semel in anno communicare; sed pia & sollicita Maria sedens ad pedes Domini cum nostris claustralibus, sic non satiatur oculus eius visu; nec auris auditu; sic panem Angelicum, scilicet Dominicum Sacramentum quotidie sumit, & quotidie nihilominus esurit juxta illud: *Qui edunt me, adhuc esurient; & qui bibunt me, adhuc sitient.* Instans quoque solemnitas admonet nos accedere ad Communionem. Quæ enim solemnitas, ubi fames & egestas? ubi autem non est cibus qui non perit, sed qui permanet in vitam æternam, egestas est, & exitialis inopia. Solemnem itaque habeat, & adhibeat cibum solemnitas Sanctorum. Dictum est de tempore, videamus de modo qui habet purgationem, intentionem, & deuotionem. De quodam sancto dicitur: Quia Christus *purgauit peccata ipsius.* Et ad Hebræos de Christo ait Apostolus: *Portans omnia verbo virtutis sue, purgationem peccatorum faciens, sedet ad dexteram maiestatis in excelsis.* O cor meum, anima mea, os meum, labia mea, fauces meæ, lingua mea, stomachus meus! Quid est in altari? nonne corpus quod sumptum est de Virgine MARIA, corpus conceptum de Spiritu-Sancto, corpus passum in cruce, sepultum in monumento nouo; corpus quod tertia die resurrexit à mortuis, corpus quod ascendit super omnes cælos; corpus quod sedet ad dexteram Patris in excelsis, in quo Iudex viuorum & mortuorum IESVS iudicaturus est viuos & mortuos & sæculum per ignem? Quid ergo vos omnia interiora & exteriora mea? Quomodo suscipietis tam castissimum, tam sanctissimum, tam mundissimum, quæ sordetis tam impuris menstrualibus immundiciis, tam damnabilibus, assiduus & inenarrabilibus culpis? Purgandæ itaque prius sunt sordes nostræ aquâ compunctionis, igne fraternæ compassionis, hyssopo fidei & humillimæ confessionis, cinere saluberrimæ subjectionis & mortificationis. De hac purgatione Apostolus ad Hebræos: *Habentes, inquit, fiduciam in introitu sanctorum in sanguine Agni immaculati IESV CHRISTI, quoniam inuitauit nobis viam nouam, & viuentem per velamen, id est, carnem suam, & sacerdotem magnum super domum Dei: Accedamus cum vero corde in plenitudine fidei, aspersi corda à conscientia mala, & abluti corpus aquâ, teneamus spei nostræ indeclinabilem confessionem.* Securus introeat ad altare Dei, certus accedat ad Communionem Dominici corporis, qui habet cor aspersum, id est mundatum à conscientia mala, & corpus ablutum tam sacificatione baptismatis, quàm compunctione deuotionis; & qui tenet indeclinabilem spei confessionem. Nota indeclinabilem confessionem, vt sint pedes eius, pedes recti, se accusando de se, non de Creatore, vel diabolo conquerendo: *Deus enim intentator malorum est:* & diabolus tentat, sed non sine licentia, nec vltra licentiam. *Vnusquisque autem tentatur à concupiscentia sua abstractus & illectus.*

Iam de intentione dicamus quæ triplex est. Alia enim bona, alia mala, alia pessima. Bona est, si corpus Christi cum fide vera, & pura ab omni crimine conscientia sumitur: vt sanguis Christi iustum iustificet amplius; hic accipit vt bonus fiat. Mala est enim cum in vase per odium arido, per luxuriam immundo, & per maliciam corrupto mittitur, non vt qui est malus fiat bonus, sed vt qui est malus appareat bonus: Hic est hypocrita. Pessima est,

Nnn ij

Eccli.
24. 29.

Eccl.
47.
Heb. 1.
3.
In altari sumitur corpus natum de Maria Virgine, &c.

Heb.
10. 19.

Iacob.
1. 13.

Intentio triplex.

quando irreuerenter quasi canis rabibus corde pessimo accedit aliquis ad Sacramentum Dominicum, non ut fiat bonus, sed ut sub Christo lateat antichristus. Hic est lupus rapax, qui sub pelle ouina deuorat agnum, turpitudinem suam foliis ficus tegens, non ad remissionem, sicut ille cuius testa sunt peccata & remissa sunt iniquitates, sed sicut Adam & Eua in Paradiso consuerunt folia ficus non se accusandos sed excusando. Sit itaque intentio percipiendæ Eucharistiæ, ut sit bono ad sanctificationem, sit malo ad correptionem, sit pessimo ad compunctionem. Mittit enim Deus crystallum castissimi corporis sui sicut buccellas, ut infirmus sanetur, famelicus satietur, sanus impinguetur & confortetur. Exprimatur intentio in oratione, ubi dicitur: *Non sit nobis reatus ad pœnam, sed intercessio salutaris ad veniam, sit ablutio scelerum: sit fortitudo fragilium, sit contra mundi pericula firmamentum, sit fidelium viuorum & mortuorum remissio omnium peccatorum.* Dicamus de deuotione.

Tri-
plex
quo-
que de-
uotio.

Causæ
accedē-
di ad
Commu-
nionē
Institu-
tio.
Matth.
26.
Marci
14. 22.
Luc. 22.
17.
1. Cor.
11. 23.

Ioan.
N. 27.

Triplex sit deuotio: Alia compunctiua, alia suspiciosa, alia lacrymosa. Compunctiua est fons scaturiens, suspiciosa est fons saliens, lacrymosa fons superebulliens. Pungit compunctiua, elicit suspiciosa, fundit & pluit lacrymosa. Timor pungit, spes elicit, amor pluit. Venam stringit timor, spes aperit, amor humorem cum impetu spiritus educit. Sic minutus sanguine peccati, ligamento, ferro, & motu cordis voluntario; dicat Domino: *Voluntariè sacrificabo tibi*, qui ante præsidem ligatus astitisti, qui clavis confixus in ligno pependisti, qui lancea percussus sanguinem & aquam dedisti, oblatu es quasi non coactus, quasi qui nolueris, sed deuotus & spontaneus, quia voluisti. Iam de causa dicendum est, in qua tria notauimus: Institutionem, Vtilitatem, & Necessitatem. Considerandum est ergo in institutione, quis, quibus, quando, & quomodo hoc Sacramentum institutum sit. Quis? Christus: Quibus? Apostolis: Quando? In Cœna vltima. Quomodo? *Accipiens panem benedixit & fregit, & dedit Discipulis suis dicens: Accipite & manducate ex hoc omnes, Hoc est corpus meum. Simili modo & calicem postquam cenauit dicens: Accipite & bibite ex hoc omnes: Hic est calix Sanguinis mei, qui pro vobis & pro multis effundetur. Hoc facite in meam commemorationem.* In actore agnosco bonitatem, scientiam, & potestatem. Bonitatem, quia voluit; scientiam, quia futuris morbis antidotum sufficiens, & quod de facili posset haberi, in recessu suo ad consolandam absentiam præparauit. Potestatem, quia potuit & potest facere quod vix homo potest credere, nullatenus verò definire. In Apostolis contemplor amicitiam, obedientiam, & reuerentiam: Amicitiam tunc quidem quasi in herba tenerem; sed post acceptum Spiritum tanquam ardorem, solidissimam. Obedientiam usque ad diuisionem animæ & spiritus, usque ad mortem, usque ad crucem, usque ad decolationem. Reuerentiam tanquam Magistro, tanquam Domino, tanquam patri, immò tanquam Deo. Vnde: *Tu es Christus filius Dei viui.* In tempore firmissimum coagulum, fortissimum argumentum, excellentissimum donum quod hactenus reposuerat, & in corporali separatione dandum ab æterno amicis suis prædestinauerat, recogito. Coagulum est corpus Christi compingens sumptum Deum, & lumentem

DE DISCIPLINA CLAVSTRALI. 469

Christianum in vnum, iuxta Apostolum; qui ait: *Panis cui benedicimus nonne communicatio corporis Domini est? Et calix cui benedicimus, nonne communicatio sanguinis Domini est?* Argumentum quoque probabile & necessarium est diuinæ dilectionis, quia nunquam se nobis dedisset, si non specialiter dilexisset. IESV autem quid melius in cælo & in terra, quid carius, quid pretiosius? Hic enim est datum optimum & donum perfectum, de sursum descendens à patre luminum. Dederat quidem Pater IESVM filium suum incarnatum generi humano, sed ea conditione quòd reciperet illum in assumpta humanitate expleto legationis officio: Addidit deinde gratiam gratiæ, vt sub alia specie in eadem veritate, eundem Filium suum IESVM non solum daret vt socium itineris, sed vt viaticum totius peregrinationis, vt qui visibili passione semel nos redemerat, semper inuisibili refectione confortaret. Quomodo autem corpus suum Dominus Apostolis tradidit, Apostolus ad Corinthios docet, & Euangelistæ plenius ostendunt. Acceperunt enim panem qui creauerat ipsum panem, & eadem potentiâ, quâ prius creauerat ad corporalem hominum refectionem, gratiarum actione ad Patrem & benedictionem cum Patre conuertit in substantiam corporis sui, ad animarum & corporum redemptionem. Similiter & calicem.

Iam videamus de vtilitate. Reprobatio quidem præcedentis mandati fit propter inutilitatem & infirmitatem suam. Nihil enim ad perfectum adducit lex, & si prius illud culpa vacasset, non vtique secundi locus inquiretur. *Christus autem semel oblatus ad multorum exhaurienda peccata. Et, Vnam pro peccatis offerens hostiam sedet in dextera Dei.* Quærenda est virtus contra infirmitatem, vtilitas contra inutilitatem, succedit Euangelium legi tanquam virtus. Audi Apostolum: *Non, inquit, erubescio Euangelium; virtus enim Dei est in salutem omni credenti.* De Corpore Christi quid? *Oblationes, inquit, & hostiam nolui, corpus autem apasti mihi.* An est corpus Christi? Item Apostolus: *Quod infirmum est Dei, vtique corpus assumptum, fortius est hominibus.* Helias ad caput suum inuenit panem subcinericium, & ambulauit in fortitudine cibi illius quadraginta diebus. Et dubitas te in fortitudine panis, qui de cælo descendit, posse ambulare non vsque ad montem Dei Oreb, sed vsque ad montem in quo beneplacitum Deo habitare in eo? Est itaque virtus & sanitas in corpore Christi. Itaque virtus Eucharistiæ sicut sanitas excludit infirmitatem. Vnde est illud: *Sanitas sub pennis eius.* Sub pennis itaque visibilium specierum panis & vini quasi sub pannis fidei in præsepio altaris. Vnde Angelus ad pastores ait: *Inuenietis Infantem in vestris, qui æternus est in suis, pannis inuolutum: videlicet secundum Adam in tunicis pelliceis. Sed quid latet sub his siue tunicis siue pellibus, seu pennis, seu pannis? Virtus sine dubio: Nam virtus Dei erat in illo.* Sic exclusa infirmitate per virtutem, excluditur inutilitas per vtilitatem. Stringe sensum Apostolicum: Ad amulationem carnis aspergebatur sanguis vitulæ, ad perfectum nihil adducebat, ad dexteram Dei neminem collocabat: Hæc autem omnia implet hostia viua, hostia sancta, hostia immaculata, quæ suo triplici effectu præstat emundationem, sanctificationem, & societatem non solum Ange-

Vtilitas.

Heb. 9.
28.
Heb. 10
12.
Rom. 1.
16.
Psal. 39.
7.

Malac.
4. 2.
Luc.
12.

N n iij

- licam, sed & diuinam. Communicatio enim Domini corporis, & aspersi sanguinis IESV CHRISTI, agni videlicet immaculati, emundat nos à delicto maximo, & ab omni peccato. Vnde Ioannes Baptista: *Ecce agnus Dei, ecce qui tollit peccata mundi.* Et in Apocalypsi Ioannes Euangelista: *Qui lauit nos in sanguine suo.* De sanctificatione quoque dicit in Euangelio: *Ei pro eis sanctifico meipsum, vt & ipsi sancti sint.* Et Apostolus ad Hebræos: *Qui sanctificat, & qui sanctificantur in ipso omnes:* Et de passione: *Ego vado immolari pro vobis.* Emundatigitur conscientiam nostram ab operibus mortuis Eucharistia, nihilominus & sanctificat in iustificationibus Domini, vt *qui sedet ad mensam diuitis, diligenter attendat quæ apponuntur, sciens quia talia oportet preparare, vt casto castum exhibeat hospitium, pio pium, iusto iustum, mundo mundum, sancto sanctum.* Vnde Petrus Apostolus: *Christus passus est pro vobis, vobis relinquens exemplum vt sequamini vestigia eius, &c.* Sic emundati, sic sanctificati, sic socii sumus sanctificationis, sic etiam glorificationis siue consolationis erimus. Vnde Ioannes in Epistola sua: *Quod vidimus, & audimus, annuntiamus vobis, vt & vos societatem habeatis nobiscum; & societas vestra sit cum Patre & Filio eius IESV CHRISTO.* O societas non leonina quæ socium deuorat, non canina quæ intra fauces stridet & murmurat, & in aperto latrat, & in animam iusti caprat, non coruina quæ semper mordet & erga cadauera crocit; sed ouina quæ de velleribus suis fœdum tegit, & frigidum calefacit; sed agnina quæ se ipsam vt amicos pascit in mortem tradit, sed columbina quæ simplici oculo omnia conspicit & omnem amaritudinem, & iram, & indignationem tollit. O societas quæ mala nostra suffert vel aufert, & sua bona confert, quæ nihil à nobis petit nisi quod dederit, nihil accipit quod nostris vîbus seruauerit; quæ nunquam circumuenit in negotio, sed semper subuenit æterno subsidio; quæ exponit omnia sua & disponit omnia nostra.
- Ecce de vtilitate Eucharistiæ, quæ emundat, quæ sanctificat, quæ societatem Dei donat, pauca diximus. Ad extremum de Necessitate videamus. Proinde & ipsa triplex est. Nam alia necessitas ex auctoritate decreti; alia ex obligatione promissi voti; alia ex impossibilitate vel difficultate rei, rationis, & facti. Ex auctoritate decreti; vt, *In quacumque die comederis, morte morieris.* Ex hoc decreto, est omnis homo mortalis. Item ex obligatione voti; in promissione baptismatis tenetur omnis Christianus; in professione Religionis Monachus & Canonicus; in consecratione sacri ordinis Sacerdos & omnis ordinatus. Ea itaque necessitate quæ homo moritur, quia vetitum gustauit, damnatur qui pactum voti sui præuicatus fuerit. Vnde propheta: *Qui pactum soluit, nunquid effugiet?* Non effugiet: Et *Melius non vouere, quam vouere, & vota non reddere.* Rursum necessitas quædam est ex difficultate seu impossibilitate Dei; vt, quod est album necessariò non est nigrum, quia nullum album est simul & nigrum. Ex impossibilitate rationis; vt, Lapis non est homo, quia lapis est insensibilis, homo sensibilis. Ex impossibilitate facti; vt, Homo digito suo non tangit cælum. Sed ad propositum redeamus. Omni Christiano necesse est Eucharistiam sumere ex auctoritate decreti, quod est: *Nisi manducaueritis carnem filij hominis,*
- Ioan. 1.
29.
Apoc. 1.
5.
Ioan.
17. 19.
Heb. 2.
II.
Prou. 23
1. iuxta
lxx.
1. Pet.
2. 22.
1. Ioan.
1. 2.
- Neces-
sitas.
Gen. 2.
17.
Ezech.
17. 15.
Eccle.
5. 4.
Ioan. 6.
54.

DE DISCIPLINA CLAVSTRALI. 471

& biberitis eius sanguinem, non habebitis vitam in vobis. Ex obligatione voti tenemur diabolo & pompis eius renuntiare, & sic communicare. Quòd si votum frangimus & communicamus, quid ait Apostolus? *Qui*, inquit, 1. Cor. *indignè sumit, iudicium sibi manducat & bibit.* Necessariò igitur debemus 11.29. communicare, & dignè. Res verò sacramento visibili, virtute inuisibili; res aliud ostendit, aliud reponit. Sacramentum visibile exterius obicit, virtutem inuisibilem intrinsecus continet, mundis cordibus exhibet. Rem si totus accefferis, totam habebis, si dimidius, dimidiam: id est, sacramentum, non rem sacramenti; vt sis palmes in vite, qui non fert fructum, sed qui excidetur, & in ignem mittetur. Dignus itaque ad rem tam dignam dignè accede; & non deerit qui digno nulli vmquam deficit, & si cui defuit dignus non fuit. Dignè autem accedit, qui nulli peccato mortali succumbit, de venialibus humiliter quotidie satisfacit. Ratio deinde nostra in tanto solis radio aut minus videt, aut cæca est. Minus videt propter lippitudinem ignorantiae naturalis; aut cæca est propter intolerabilem fulgorem diuini operis. Si suis & consuetis graditur vestigiis, non apprehendet sapientiam huius mysterij, quæ abscondita est ab oculis omnium viuientium. Si verò innixa fuerit super dilectum suum, qui illuminat tenebras eiusdem rationis vero lumine interim fidei, postea rei, satiata ab vberibus eius quæ sunt super omnia atomata, dicit: Teneo illum fide & dilectione, nec dimittam donec introducat me in domum matris suæ MARIE, & in cubiculum genitricis suæ gratiæ, de qua conceptus & natus est IESVS, Creator & Illustrator totius rationis. Veni ergo ratio ad altare, non superbo oculo, & extento collo, sed genu curuato, & vultu in terram demisso, adorans scabellum Eucharistiæ, non disputans aut iudicans quare aut quomodò id fiat. Ait enim Dominus Petro; Tu nescis modò, scies postea. An tu melior Petro? An tu Deo familiarior? Petrus nescit carissimus discipulus, cui Pater reuelauerat, quòd Christus esset filius Dei viui, nondum didicit, & tu disputando, discutendo, deffiniendo vis exollare vsque ad cinerem ossa Regis, quæ occultantur vsque ad tempus & tempora? Orando expecta donec crescat Sela, qui interpretatur umbra eius; donec oriatur lucifer in cordibus nostris, qui dicat nobis omnia quæ audiuit à Patre suo, & faciat omnes docibiles Dei.

Restat de facto. Factum hoc admirabile, factum delectabile: unde Psalmista: *Delectasti me Domine in factura tua.* Factum hoc apud homines im- Psalm 91.
possibile vt Deus moreretur, vt Dominus gloriæ crucifigeretur, vt panis 4.
fieret caro Christi, & vinum sanguis; apud Deum autem omnia possibilia sunt, nullus in Deo labor grandia & graua atque impossibilia facere; tam facile est ei omnia facere, quàm promptum velle; Omni quidem homini aliud est velle, aliud pati, aliud facere: nulla mora, nulla differentia inter Dei velle & Dei facere. Sed hoc de nostro, non de suo; nisi fortè dicas nostrum suum, quia ab eo assumptum, & quod nostrum tantum erat proprietate naturæ, iam suum factum est dignatione & assumptione. In illo ergo nostro suo aliquid voluit secundum nos, aliquid secundum se, sed subiecit quod secundum nos voluit ei quod secundum se voluit, dicens Patri: *Non mea voluntas, sed tua fiat.* Fecit quoque aliquid secundum nos, fecit &

secundum se : conceptus est, natus est, fatigatus est, passus est, mortuus est, secundum nos. Adoratus est, cæcos illuminauit, leprosos mundauit, mortuos suscitauit, & huiusmodi, secundum se. Tamen vnus idemque & secundum nos & secundum se Deus & homo, & homo Deus. Denique passus est non secundum se, sed secundum nos tantum, quia in nostro suo, non in suo suo. Quod itaque passus est in cruce, & quod facit in calice, si ad nos respicimus, impossibile videtur, si ad ipsum, facile & possibile. Factum hoc supra quam dici possit nostræ redemptioni necessarium, supra quam attingat vllum meritum, pium & sanctum. Et hæc de necessitate dicta sufficiant.

EPILOGVS.

* cor-
pus.

Luc.

24. 26.

Ioan 6.
61.

Psal.

39.

Grandis labor manum ad hæc fortia mittere, & cum Iosue bellum aduersus inimicos continuare; sed ad magna præmia non peruenitur, nisi per multos labores. De iure quidem æquis passibus ambulant meritum & præmium, sed de gratia supercrefcit præmium. Nihil mirum includi antro claustris breui tempore, & post infinita cæli spatia possidere cum æternitate; limosam carnem abstinentiæ exsiccare, & spiritale * corporis absque vlla sarcina cum Angelis in resurrectione recipere, tumultus mundanos propter Angelicas modulationes commutare, consolationem pro desolatione, diuitias pro paupertate, gloriam pro subiectione. Deum Patrem pro patre, Deum Filium pro filiis, Deum Spiritum-sanctum pro omni cognatione & carnali affectione percipere. Nullus venditor sic vendidit, nullus emptor sic emit, nullus negotiator sic commutauit. Tamen sic oportuit pati Christum, & ita intrare in gloriam suam. Sic commutans, & commutare docuit qui instaurauit & quæ in cælis, & quæ in terris sunt: Ille, qui ex his quæ passus est, didicit obedientiam, id est obedientiæ virtutem & gloriam. Hæc spes in sinu Claustralium est reposita, nec hyemalibus frigoribus tepescit, nec æstiuis caloribus arefcit, non contemplatur quæ currunt temporaliter, sed quæ permanent æternaliter. Intelligit finem habere laboriosam disciplinam, & sequi perpetuam gloriam. Iam prægustata arida, & dulcescit quæ sine spe amara esset patientia; tedium vertetur in desiderium, vexatio in delectationem, dilatio in appetibilem sustentationem, sicut Iacob pro amore Rachelis videbantur dies pauci. E diuerso qui in Claustro, qui murmurans stridet sicut rota plaustris onusti fæno, qui dicit: *Durus est hic sermo.* Qui sicut Iordanis conuertitur retrorsum, qui murmurat pro carnibus, qui est in seditione Chore contra Moysen, id est, Abbatem, qui in exercitu Gedeonis poplite flexo bibit aquas, & non lambit sicut canis, naturæ non necessaria, sed desideria quærens, audiat: *Meliuseffet viam veritatis non agnouisse, quam post agnitionem retrorsum conuerii.* Arguendi sunt, corripiendi sunt, flendi sunt qui rumpunt rete Petri, & obscurant lunam, & ponunt dulce amarum, & amarum dulce; *Multiplicati sunt tamen super numerum.*

ADHORTATIO

ADHORTATIO AD CLAVSTRALES.

Induite vos amaturâ Dei, ut possitis resistere in die malo, & in omnibus ^{Ephes. 6.}
perfecti stare. Vnde: *pulchra es & decora, terribilis ut castrorum acies or-* ^{11.}
dinata. Estote acies, estote terribiles. Omnis acies quæ ordinata non est, ^{Cant. 6.}
 terribilis non est: & si terribilis non fuerit, acies Domini esse non poterit. ^{3.}
 Quæ enim à Deo sunt, ordinata sunt. Scitis qui de rebus militatibus agunt,
 funditores, sagittarios in suis locis disponunt, signiferos in sibi competen-
 tibus, robur belli in subsidiiis, debiliores in locis tutioribus, quia impetum
 aduersantium ferre non valent; & propter hoc ipsa acies ita ordinata, terri-
 bilis erit hostibus, quia ingrediendi ei aditum in se non relinquit. Sic acies
 castrorum Dei per plana & aspera hujus mundi ordinata incedere debet, ne
 aditum hosti incurfare cupienti ullatenus relinquat; quem si relinquat,
 captiua victori manus præstabit. Hæc cura aciem instruendi ad Prælatos
 pertinet, qui omnium possibilitates cognoscere * benigne paternæ affectio- ^{*supple}
 nis instinctu, non superbæ dominationis obtentu, vnumquemque in suo ^{debeat.}
 competenti loco disponere. Quos validos, & bona conuersatione proba-
 tos viderint, ad exteriora mittere debent, non rudes, non cupidos, non
 vagos, non iracundos; sed mansuetos & humiles. Debiles quosque, & sæ-
 cularium æstu succensos, in sinu Claustris fouere. Si quis tentationum jaculo
 fauciatus fuerit, salutaribus monitis curare. Sic ordinata erit terribilis illi
 qui circuit quærens quem deuoret. Sed & vnusquisque nostrum ordinare se
 debet, ut ipse sit pulcher in interiori, ut sit gloria eius ab intus, decorus &
 ordinatus in moribus, pius, pudicus, patiens, humilis, affabilis, compa-
 tiens, & charitativus: quos enim diabolus charitate compactos & unitos
 videt, vehementer abhorret, quæque carentes securè inuadet. Vnde Gre-
 gorius: Quælibet bona in nobis fuerint, si charitas desit per malum discor-
 diæ, locus reperitur in acie, vbi hostis valeat intrare. Ipse castitatem sine
 charitate non timet, quia ipse carne non præsumitur; abstinentiam non ti-
 met, quia cibo non vitur: distributionem rerum non timet, quia diuitiis
 non eget. Veram autem charitatis unitatem si in nobis inuenerit, hanc ti-
 met, & nimis concordie inuidet; quia hanc videt tenere in terra quam ipse
 perdidit in cælo. Benè ergo dicitur: *Terribilis ut castrorum acies ordinata:*
 quia numerum electorum spiritus nequam pertimescunt, quem concordia
 munitum aspiciunt.

FINIS.

Ooo



INDEX RERVM ET VERBORVM.

Littera A. notat initium pagine, B. medium, C. finem.

A

- A** blutionum quot genera, quæ & quomodo in qualibet purgentur, pag. 108. c.
Abstinencia duplex, p. 43. b. c. Quæ soror eius, p. 481. a.
Abstinentiæ & abundantix cibi & effectus, ibid. & p. 90. b.
Adam quomodo factus est corpore & anima, p. 2. c. & post peccatum, p. 4. c.
Adam & Eua cur creati, & quàm citò peccarint, p. 128. b. Adamus cur erubuerit, p. 268. c. Adami peccatum quale, p. 323. a.
Aduentus Christi fines seu effectus, p. 12. & 13. a.
Altare ligneum, cur vacuum, &c., p. 411. 413. 438. c.
Angeli quò reficiantur cibo, p. 124. b.
Angelorum beneficia in hominem, p. 263. b.
Angelorum & hominum status comparatio, p. 303. c. Illorum distinctio multiplex & varia officia, p. 390. Creatio, gratia, casus & cur malinon reparati, p. 400. Numerus reparatione hominis restitutus, p. 373. Cur creati & in quibus nobis ministrent, p. 408. Honorandi sunt à nobis ut fratres & amici, p. 402.
Animæ dignitas quæ, & miseria post peccatum, p. 292. 293. Animæ sabata quæ & quot sint, p. 307. & ff. Anima hominis quando possit latari, p. 331. a. A multis oppugnatur, p. 334. a. Animarum pretium & periculum quanta & quis nouerit, & illarum rectores quid pensare debeant, p. 241.
Animæ nuditas & fœditas, quibus sint tegendæ & cur, p. 2. c. p. 3. & p. 4. b.
Animæ decor & ornatus quis & vnde, p. 39. c.
Apostolice heredes Christi, & quæ merces eorum, p. 235.
Arcæ Mosaiicæ variæ significationes, p. 402. 403. & ff.
Ascensio mysteriorum Christi consummatio & nostra consolatio, p. 144. c. & 145. a. Cui sit similis, p. 145. c. 146. a.
Aspersiones variæ in Ecclesia quid significant, p. 375. 376.
Assumptio B. Virginis v. Maria Virgo. Ave quid sit, & cui conueniat, p. 73. b.
Azimitæ quinam, & quomodo fiant, p. 93. in azymo cur corpus Christi conficiatur, p. 92. c.

INDEX RERVM ET VERBORVM.

B

- B**alsamum seu chrisma quinam misceant, pag. 100. c.
 Beatitudinis æternæ descriptio, p. 311.
 S. Bernardus verus Israëlita, p. 227. a.
 S. Benedictus cur solitudin. incoluerit, p. 63. qui eius filii, p. 65.

C

- C**ælum, mundus & infernus, 79
 Canes quinam sint, p. 244. c.
 Castitatis gradus qui & quot p. 19. b. c. & p. 20. vitia illis opposita quomodo coranda, ibidem & p. 21. a.
 Cathedras quinam habeant & quales & vbi p. 172. c. 173. a. Ad quid, 175.
 176. Cathedra S. Petri quænam sit, quibus compacta: quot habuerit, quid & quaque docuerit, quomodo & quos, p. 173. 174. 175. a.
 Charitas quid & quotuplex, p. 156. b. quanta audeat apud Deum, p. 24. c. eius effectus, p. 90. b. Charitas Dei & proximi, earum comites, & vitia illis opposita, p. 47. c. & 48. a. Charitatis excellentia, p. 249. a.
 Chirographum à Christo deletum, quodnam, p. 133. b. c.
 Cibus mensæ Domini cui oppositus, p. 134.
 Cineres cur fidelium capitibus imponat Ecclesia, p. 40. 41. 43. a. & p. 376. a.
 Ciuitas inferni clausa & munita, quibus & cur, p. 129. à quo euerfa, ibid.
 Ciuis Babylonis, & Ciuis Ierusalem qui, p. 55. c.
 Claustri Religiosorum comparatio cum clibano, p. 362.
 Claustri Monastici exercitia, leges & cætera ad hoc spectantia à pag. 430. ad p. 453.
 Clementia Dei quanta sit, p. 138. a, b.
 Cœna Domini qualis, quis eius cibus, à quibus, quando & quomodo sumendus p. 109. & 110. a.
 Cognitio Dei vbi quærenda & vnde habenda, p. 200. c.
 Communionis sacræ effectus, p. 140. c. viuifica est, p. 391. Dispositiones, pag. 83. b. Eius apparatus, p. 332. & 455. & ff.
 Confessio ante Communionem, qualis, p. 99. c. Vera quænam sit, p. 254. b. c. Eius conditiones, p. 61. quibus significetur, p. 52. 53. Eius efficacia, p. 457. Confitens cui similis, p. 54. 361.
 Contemplatiui, 406. 407. quonam designentur, p. 35. c.
 Contemplationis labor & dignitas, p. 308. c.
 Conuerfio miranda in cibo mensæ Domini, & quinam de ea disputent ac murmurent, p. 134.
 Concupiscentia prodit animam cruciandam, p. 346.
 Conscientiæ bonæ varii fructus, p. 420. & ff. quid sit, & vnde dicta p. 423. forma eius & securitas, p. 425. 426. est cælum, ibid. Tribus perficitur timore, subiectione & dilectione, ibidem.

O o o ij

INDEX RERV M

- Cor hominis difficilè ad pœnitentiam conuertitur, 345. a. Bona & mala recipit, 347
- Cor mundum quæ faciant, & quale sit, 160
- Corporalia & spiritualia diuersimodè reficiunt, 199
- Corpus Christi est speculum, balneum, scutum & Euangelium, & quibus 258. 259. 260. quàm periculosè sumitur ab indignis, 291. b. Est liber in altari, & quomodo, & à quibus edendum, 136. 90. 91. eius effectus, in communione, ibid. & 100. 106. 108. 467
- Christus quomodo & cur sic missus sit in mundum, 1. & 3. b. c. & 4. & 5. a. cur venerit vt agnus, 8. 9. & 10. à quo & ad quid venerit, 11. de membris eius, ibid. & nomine, 79. b. quomodo creuisse dicatur, 16. b. Natiuitas eius quâ celebranda, 19. 20. 21. Cur non citius aut tardius venerit, 22. b. ad quid, 23. a. & 26. eius Incarnatio, vita mors, 68. b. c. & 80. 81. Christi gloria & differentia à Mose & aliis, 27. 28. Quæ & quot habuerit reclinatoria, cur in præsepio reclinari voluerit, 31. Quomodo paratur Christo reclinatorium & hospitium, 30. b. 32. a. Christi & Iosephi comparatio, 64. c.
- Christus est medicus in Passione, 88. 89. quot potiones nobis dederit, & quomodo bibendas, 90. Christi passus seu vestigia quæ, vbi & quomodo sint imitanda, 85. Christi quinam dicantur, & officium eorum, 110. 2. b. 106. b. Christus lapis pretiosus, 105. b. Iacob & Dauidem imitatus, 106. Christus Rex quomodo Synagogam reiiciat & formet Ecclesiam, 465. 466. & ff. Christum omnia expectarunt, 110. Ascendit in montem myrrhæ, 112. & qui sequuti sint illum, ibid. cur mori voluerit in ligno, 134. quid illi à nobis est reddendum, 135. quantum dilexerit Ecclesiam, 242. quibus armis vicerit dæmonem, 118 & seq. Christi ascendentis gloria, 143. & seq. 148. fuit tum similis soli, accipitri, aquilæ, 149. 150. In Christo sunt omnia sine exemplo, nobis tamen sunt exemplo, 146. 147. Christus Pastor & Pistor, 163. 164. quos panes formauerit, ibid. Eius in peccatores benignitas, 190. b. An incarnandus si Adam non peccasset, 290. Cur vocetur Agnus, 331. c. Cur mortuus est & resurrexit, 345. & si Christus in cruce totus est distentus, 352. b. Est Sacerdos, 355. & 361. quomodo eum debemus imitari, 367. Christus totus fuit vnctus, à quibus, & quomodo, 373. 374. Est arca Ecclesiæ, 392. eius materia, dimensiones, ibid.
- Christiano videndum, vigilandum, orandum, 238
- Crox Christi est sartago ferrea, cum cordis compunctione semper recogitanda, 368. & seq. 363. lenit dolores eius memoria, 371

D

- D**avidis pœnitentia, 345. b.
- Decimæ & primitiæ Deo offerendæ quæ sint, 312. & seq.
- Dei benignitas erga omnes, 10. 11. & 53. a
- Deus quomodo possit præsens & comes vitæ haberi, 26. a

ET VERBORVM.

Deus facit aliquid in homine, sine homine, cum homine, pro homine, contra hominem,	170
Deus solus, & Christus, est quærendus & quomodo, 31. c. sed ubi,	33. a.
Deus & Christus in lege Moïsi hospitium, in Prophetis transitum habuerunt, 33. b. & ubi maneat,	34. a. 35. 36.
Deus quomodo quiescere & operari dicatur,	308. c.
Cur Deus Abraham, Isaac, &c.	310. c.
Seruit nobis gratis,	387. c.
Deus & amandus & timendus,	327
Dei pia sœuities in hominem,	345. a.
Servos suos ante laborem solatur,	381.
Dei misericordia & bonitas quantæ,	67. b. c.
Diabolus quo significetur, 5. eius fraudes, ib. & 6. a. cur misericordiam non consequutus,	442
Diaboli arma contra nos, quomodo resistendum ei, & quorum exemplo,	44. 45.
Diaboli descriptio, 240. c. quibusnam pascatur, 139. b. c. & quò intret,	456
a. malitia eius & pugna in Christum, à quo victus est,	103. c.
Dies iudicii qualis, & quis in eo quærendus est patronus,	165. c.
Disciplina Claustralis autores, obseruantia, &c.	434. 435. 436. & seq.
Discretionis virtus quàm necessaria,	296
Dominus tecum quid notet, 75. & quibus sit dictum,	76. b. c.
Dona hominibus à Deo data, quatuor præcipuè habent capita,	330. c.
Doctorum seu Prædicatorum vita qualis esse debeat, studium, doctrina & vitia eorum,	395. 396
Doctrina quænam sit utilis,	417. c.

E

E cclésiæ decor & ornatus, 38. c. 39. a. Eius plenitudo in fine sæculorum quæ sit futura,	39. c.
Ecclesiæ soror Christi, cur, 221. c. est hortus	225. a.
Ecclesiæ ministros cur eligat Deus, & quos: quid ipsi debeant spectare,	264. & seq.
Ecclesiæ similis est vasi, 348. & seq. quæ in eo & quomodo reponantur, ibid. est thalamus Christi,	36. 37
Esau quid significet, 4. c. & eius vestes,	ibid.
Euangelii encomium,	394
Eucharistia quid sit in Ecclesiâ, 465. eius institutio, 106. quæ contineat, ib. eius author, minister, materia, cibus, dispositiones ad illam recipiendam, 101. 102. quæ intentio & deuotio, 467. 471. causa institutionis eius, forma, quæ in ea fiant conuersiones; quid in ea immoletur, frangatur; significetur; à quibus & quando sumenda, 125. 126. & quomodo, 321. b. c. effectus, vtilitas & necessitas, 469. b. c. & 111.	

O o o iij

INDEX RERVM

F

- F**Acti euentus pensandi ante effectum, 122. b
 Fermento abstinere per dies septem, & azymis vesci quid significet, 294. & seq.
 Festis diebus, seu Sabbatis à quibus cessandum, 309. b
 Fides & eius officia quæ sint, 249
 Fidei & infidelitatis horrenda connexio, 347
 Fides quid faciat, 16. signa confirmatiua non respuit, 55
 Fides & fortitudo trium puerorum in Babylone quantæ, 161. c
 Fidelis quisque idem credit quod tota Ecclesia, 389. c

G

- G**ratia praueniens, comitans, subsequens quid, 171. quomodo se cum illis habeat liberum arbitrium, ibid. quàm illi necessaria, 381. 385. 387
 Gratia prima & secunda, 281. b
 Gratia remuneratrix, 384
 Gula & inanis gloria 46 b. c. & quæ habeant concomitantia vitia, ibidem.
 Gulæ mortificatio luxuriam domat, 227. a. & 232. a

H

- H**omo operatur cum Deo, sine Deo, quando, quomodo, & quousque 170. 172. c.
 Quomodo, mortalis naturaliter, dicatur, 343. a
 Hominis status post peccatum corruptissimus quoad omnia membra, 6. b. c
 Homo cur creatus, eius dignitas, quis futurus status illius si Adam non peccasset, 289
 Hominis vilitas & nobilitas, 40. 41
 Humilitatis monasticæ commendatio, 453 c
 Hypocritæ quales sint, 341. & seq.

I

- I**acob fugiens Laban est imago animæ deferentis mundum & ad Deum tendentis, 225. 226. cur Iacob petat benedictionem ab Angelo, 228.
 Nuditas colli & manuum eius quid notent, 5
 Iesu saltus & deambulationes, 142. & 150. a & quomodo illum debemus imitari, ibid. eius paupertas, 144
 Incarnatio verbi quibus sit peracta, & quomodo, 2. b. & 18. c. quantum sit miraculum, 38. b. & 82. 83. est inexplicabilis, 211. In ea eodem instanti verbum assumpsit carnem & animam, 597
 Inferni descriptio, 240. b

ET VERBORVM.

Innocentes sunt primitiæ Ecclesiæ, & quomodo dicuntur sequi Christum, 314. a
 Intentionis oculus qualis esse debeat, 238. c
 Iohannis Baptiste labium quale, & officium, 166. dignitas & corona eius
 quales, 167. c. 168. a. 169. 170. 172.
 S. Ioseph cur turbatus, &c. 223. 224. quomodo est pater Christi, 355. 359
 Isaac & Ismaël quid significant, 59. 60. 61. 62
 Iudæ crimen quantum, 313. b. & 321. b. eius cur effusa viscera, 135. & fra-
 trum Iosephi comparatio, 64. b.
 Iugum quod bonum est viro portare ab adolescentia, quodnam sit, 170. c

L

Lacrymarum efficacia quæ, 252. b. mira vtilitas, & effectus, 327. &
 seq. quæ debeant illarum esse causæ, 329. Dæmoni sunt formidabi-
 les, ibid. quædam sunt steriles, 129. a. & simulatoriæ, 419. c
 Lex triplex naturalis, Mosaisca & Euangelica, & cur, 273. & seq. Legis &
 Euangelii discrimen & comparatio, 166. 169. 175. 177. 178
 Legis Mosaiscæ operatio, quis ab ea liberet, 141. c
 Lectio cum meditatione multa fit utilis, 210. b. In ea quid præcipue quæ-
 rendum, 431. a. Legis diuinæ contemplator aquilæ similis cur, 300. c.
 Lectio in Claustis qualis debeat esse, 456
 Liber grandis Isaia 8. 1. quid significet, 65. 65. 77
 Libertatis bonum vsum quamquam impediunt, 65. & quomodo remouenda,
 ibid.
 Liberum arbitrium ad quid excitetur à gratia, 230. a. quomodo se habeat
 cum illa, 288. 289. 290.
 Linguae vitia & mali effectus, 155. Linguis variis cur & quomodo loqueren-
 tur Apostoli, 156. Linguae in Apostolos missæ quales, 162
 Lignum continens reliquias, 55. honorandum, 403

M

Malitia perpetuò conscientiam torquet, 364
 Malum non existit, 305. c. malum culpæ & malum pænæ, 380
 Mandatum seu ablutio pedum in cœna Domini, 106. 108
 Mariæ nomen quid significet, 73. c. quàm venerandum, & potens eius in-
 uocatio, 209. c. Mariæ Virginis dignitas, 74. a. cur gratia plena, ibid.
 Benedictio, 77. a. nobis compatitur, & adesse parata, 70. 71. & seq. virtute-
 tes eius, 77. 78. est liber, ibid. Mira eius dignitas præ omnibus creaturis
 ob incarnationem verbi, 13. 14. 15. ornatus eius, 37. 38. 76. 82. 83. Beata
 Mariæ V. cum Eva comparatio, & laudes, 17. & merita, 330. c. cur arco-
 la dicatur, quomodo adoranda & adoranda, 23. b. 24. a. cur tot gratiis
 repleta, 66. b. eius honor maximus quis, 362. b. est diuinus clibanus,
 Dei thalamus & templum, 359. Propitiatio nostra apud Filium, 361.

INDEX RERV M

exemplum nostrum & altare, 361. B. V. Mariæ dotes aliquot, 201. c.	
202. 206. Angeli sunt illi subditi, ibid. eius Conceptio & Assumptio nobis ignota, 202. eius assumptionem cur ciues cœlestes desiderarint, 203.	
214. 215. quæ sint decem eius Drachmæ, 207. c. 208. quando & ubi sacrificata, ibid. & 209. a. eius conuersatio in terris angelica, 110. cum quibus	
111. eius lectio, meditatio, contemplatio, conceptio & partus, ibidem.	
cur dicatur columba & vna, 216. 217. Assumptio eius, 212. 213. quomodo est celebranda, 214. 215. est nobis spes & solatium, 219. 221. 221. B. V.	
M. superat Angelos ob incarnatum in ea Verbum, 217. 218. eius ab Eva	
differentia, 223. hortus est,	222. & 225.
Maria Magdalena cur retro ad pedes Domini steterit, 178. b. c. 181. c. hostia	
est, 179. rigat & rigatur, ibid. 183. & 192. eius cum Maria matre D. comparatio, 179. cum formica, 178. cum Simone leproso, 181. conuersionis	
ipsius ordo, 180. 181. 182. quomodo eam imitari debemus & orare, 183.	
cur in domum Simonis iuerit, 184. 185. sollicita eius in Christum pietas,	
189. c. 191. miser illius status, quomodo in eum inciderat, & ab eo egrediatur,	191. 192. 193
Margaritæ Euangelicæ quænam sint, & quibus non danda,	244. c
Martyrum passionum quantæ,	331. b
S. Martini pietas,	403
Mature veniendum est ad Deum,	51
Memborum omnium per peccatum deformatio, quomodo reformanda,	
6. 7.	
Mensa Dei triplex, 279. c. Mensa Diaboli & hominis quæ, 280. a. Mensa	
Trinitatis quæ & qui eius conuiue, ibidem. Mensa Dei cum Angelis, 281	
Menſe Agni cum hominibus quæ fercula, quid pro illis rependendum	
281. 282. eius figura quæ,	ibid.
Mensa Christi altare, & quæ ibi mira fiant & quomodo, 283. quis eius men-	
ſe effectus, 284. est ſape adeunda,	ibid.
Mensa naturalis apparatus quidam creatio mundi, cuius minister Moſes,	
285. Mensæ Apoſtolicæ apparatus ſpiritualis, cuius minister Paulus, 286.	
Mensa cœleſtis quæ, & quis eius apparatus, 287. Mensa Domini quæ,	
317. Mensæ Tabernaculi deſcriptio & ſignificatio, 409. 410. Menſas	
Deus habet multas quibus omnia reficit, 135. in Eucharistica ſatiat & liberat, ibid. Mensa Domini quosnam reficiat, & quàm diuerſi ad eam ſe-	
deant, 133. 134. Mensa Christi quæ, & quomodo accedendum ad illam,	
236. 237. quoniam ſint ſuper eam, de ea, in ea, ſuper eam, ad eam, ibid. &	
243. & 268.	
Mercenarij ſpirituales quid ſint, & quàm varij,	341
Memoria quibus excolenda & exercenda,	414. & ſeq. 417
Meridies quid ſignificet,	37. a
Meritum noſtrum per ſe nullum,	380
Miſericordia Dei eſt duplex,	393. c
Miſeria vera quæ ſit & ubi,	419. a
Monasteria ſunt caſtra, eorum turmæ, &c.	269
	Mors

ET VERBORVM.

Mors est auara, amara, cruenta, horrida, fœda, 239. 240. an timenda aut contemnenda, & quando,	ibid.
Mors hominis duplex, per quem & quomodo ab ea liberetur, 132. 133. Mor- tis Christi fructus, 134. Mors duplici de causa appetenda,	379. c
Mors Christi, hominis & diaboli meditanda, 464. Mortis meditatio & carnis mortificatio,	324. 360. 361. 406
Moses in monte an oculo carnis mira quædam viderit,	389
Mundus est cloca, cur, & à quo purgatus,	323
Mundi status post extremum iudicium,	343
Mysteria Dei veneranda sunt & credenda, non discutienda,	360

N

N omina Dei quid significant, 209. b. quædam nomina cur imposita, aut mutata in veteri Testam.	228. a
Nouitas à patrum vestigiis exorbitans fugienda,	277
Nouus homo Christus, & vetus homo Adam quomodo differant, 222. 223 224.	222. 223
Nubes lucida in transfiguratione quid significet,	201

O

O bservatio dierum & temporum quæ bona & necessaria, 88. a. & quo- rum,	92. b
Obseruare quid sit,	90. 91. 93
Officia viliora sunt magis necessaria,	322. c
Oratio duplex laboriosa & deuota,	459. & seq.
Ordinibus sacris quinam initiandi,	252. 252. & seq.

P

P anis paruulorum quis, 299. Panem frangere quid, ibid. Panis perfectio- rum quis, 302. & seq. Panis in Eucharistia est similitudine non veri- tate, 284. a. Panes viginti quatuor Christus apponit, cur, & quinam sint,	285
Panis & charitatis comparatio, 383. Panis Angelorum quid sit, à quo confectus, ex quo, vbi sit, & quomodo, 137. 138. quomodo manducan- dus, à quibus, vbi, quomodo & cur, 121. 122. 123. quis sit & à quo fran- gendus,	124. 125.
Palchatis & Pentecostes festorum differentia, & quid significant,	368
Passionis Christi descriptio, quid sentiendum de illa, & quomodo compa- tiendum Christo,	95. 96. 97. & 104.
Paupertas Monachi quanta,	65. b
Peccati fœditas & ferocitas quantæ,	3. b
Ejus origo & effectus varii, 48. 49. Peccati expertes, species varia, 458. b.	458. b.

PPP

INDEX RERVM

quinam, 87. Peccati hominis & diaboli discrimen, ibid. Peccatum nu-	
dat & vulnerat hominem, 186. quomodo fiat, & quid in homine faciat:	188. 189. 190
facile committitur, difficile corrigitur,	239. b
Peccatoris vulnera quomodo sananda,	302
Perfectum multis modis & de multis dicitur,	291
Peccatum est fermentum per confessionem expurgandum, 283. Peccator	338. & ff.
edere debet panem fermentatum, & quomodo,	42. c
Peccatoris causæ dictio ante tribunal Dei contra dæmonem,	345. c
S. Petri pœnitentia,	ibid.
Pilatus significat ôs malleatoris,	288. 289
Pœnitentia quid & eius partes, 41. 42. 49. Potio est amara, 89. quinam veri	244. c
pœnites, ibid.	465
Pœnitentiæ veræ descriptio,	52
Porci quinam dicendi,	49. 50. 51.
Portæ diuersæ ad vitam aut mortem,	313
Prælati conditiones erga suos peccata confitentes,	
Probatia piscina significat Iesum, confessionem & alia,	401
Primogenita quænam redimenda sint aut interficienda,	310. b
Propitiatorium Mosaicum quid esset, quæ materia eius, quæ dimensiones,	315. 316
& quid ista notarent, 397. 398. 399. cur dicatur oraculum,	403
Promotio secularis est amotio à Deo,	
Propositionis panes quid significant, eorum materia,	
Proximus quomodo diligendus,	

R

R ebeca quid significet, 4. c. & cur.	
Regnum Christi quodnam, quando incœpit, quousque extenditur,	132
quandiu duraturum, quæ insignia eius, & qui pertineant ad illud,	ibid.
Regnare & regere quid,	38. c
Reliquiæ Sanctorum honorandæ,	100. c
Resina ad quid necessaria,	141
Resurrectionis Christi effectus,	298
Religiosis quàm periculosum sit gustare mundi fermentum,	342
Rerum secularium cogitatio impedit contemplationem,	

S

S acerdos à tota fit Trinitate, & eam imitatur in officio, 104. b. & An-	
gelos, 123. & Christum, 125. b. quomodo sacrificium debeat facere,	
ibidem.	
Sacerdotis officia, 257. b. 258. c. 261. b. dignitas eius regia, 246. officium,	
seruitus, 245. 246. 247. de quibus instrui & instruere debeat, 241. 242.	
243. 249. corpus Christi conficit,	251
Sacerdotum vestes, ornamenta, panis,	355. 357. & seq.

ET VERBORVM.

Sacramenta legis nouæ, maiorem quàm veteris, exigunt conscientie puritatem, 315. eorum effectus, 324. quàm potentia sint,	67. b
Sancti sunt inuocandi,	132. 133
Sancti nomen de quibus & cur dicatur,	244
Sanctorum commemorationes ad altaria, intercessio, solemnitates, 317. c	
Scribendi modus quis probandus,	418. b. 420. c
Scriptura sacra mensa instructissima, &c. quomodo & cur legenda, 438. illius meditatio quàm utilis, 302. a. Quid sit, à quibus, & quomodo legi debeat, 220. 231. 249. 250. 251. eius labium & eloquium quale, 167. est nubes lucida,	201
Sedes regales quæ, à quibus occupandæ,	22. c
Seruitus peccati quàm grauis,	338
Silentium claustrale quale debeat esse, 454. 455. eius effectus,	90. b
Solitudinem & secessum cur incoluerit S. Benedictus, & alii,	63. c. 64. a
Somnus quid notet in scripturis ff.	234. b
Spes quid sit, & qui eius effectus,	249
Speculatores quinam sint in Ecclesia, & eorum officia,	242
Spiritus sanctus à quo procedat, 152. & quomodo nos vniat Deo, ibid. c. quid in nobis requirat & efficiat, 153. 154. 158. 160. eius varia sunt nomina, licet sit vnus, ibid. quid effecerit descendens in Apostolos, 161. 162. quali corde possit recipi,	159. c
Spiritus hominis quàm diuersus à Spiritu S. & quantum illo indigeat, 157. c	
Stylus hominis quis & qualis sit,	67. 78. 79
Superbia est prima diaboli machina, 45. c. quos & quomodo oppugnet, 46	
Suspendium seu crucifixio quotuplex,	94. 95
Sunamitis vtraque quid significet,	255. 257. & ff.

T

T abernaculi Mosaici ornatus & supellex, 386. mystica eiusdem interpretatio,	388. & 279
Tabernacula tria quæ & quorum,	262
Tentationes Christi quamnam, 235. a. sunt exemplum nostrum, 44. Tentationes parvæ non negligendæ, 93. b. quomodo sint ferendæ; quæ à diabolo, & cur,	175
Thalamus Christi quis,	36.
Timor Dei virtutum aliarum custos,	337
Tranquillitas mentis quid efficiat,	90. b
Transfigurationis Christi finis & modus, 194. 195. & 469. b. eius cum baptismo & passione comparatio, 197. 198. cur Moses & Elias in ea apparuerint, & quid cum Christo sint loquuti,	199. & 160
Transsubstantiare de pane & vino in Eucharistia, 127. 244. 261. 219. c. 230. c	
S. Trinitatis mysterium in pane similagineo,	319

INDEX RERVM

V

VÆ quid & cui conueniat,	73 b
Verba qualia debeant esse,	415
Virginitatis nobilitas,	217 c
Virtus nescit fucum, 342. eius laudes,	ibid.
Virtutum & vitiorum pugna, 333. virtutes sunt dentes, cur & quales,	100 b
Vitæ præsentis miseria, 25. & futuræ satietas,	350 c
Voluptas carnis spernenda cur,	226 b
Voluptatis spiritualis & carnalis oppositio,	329 c
Vmbilicus varia in Scripturis designat,	69

Z

Zelus animarum in pastoribus quid sit,	365
--	-----

ERRATA EMENDANDA.

P Ag. 42. lin. 10. lege qui. p. 59. lin. 10. leg. superbia. p. 69. l. 20. leg. fonte. p. 78. l. 12. leg. æquæ. p. 84. l. 11. leg. quare. p. 104. l. 39. leg. ingreditur. p. 135. l. antepenul. leg. interiora. p. 125. l. 25. leg. cum Pilato. p. 187. l. 35. leg. antiquus. p. 211. l. 32. leg. filum. p. 212. in titulo, leg. Assumptione. p. 216. l. 23. leg. verbo. p. 241. l. 11. leg. ardua. p. 267. l. 2. leg. totas. p. 274. l. 26. leg. diem. p. 306. l. 1. leg. sed. p. 316. l. 6. leg. asinum. p. 322. l. 1. leg. durus. p. 339. in margine, leg. contra. p. 345. l. 20. leg. reuertatur. p. 373. in margine, leg. numerus. p. 375. l. penult. leg. asperget. p. 415. l. 35. leg. interrafilem. p. 419. l. 26. leg. vox. p. 468. l. 37. leg. teneram.
 Infra in Epistolis p. 165. l. 9. lege Canonias.

P E T R I
A B B A T I S C E L L E N S I S

Q V I P O S T D E I N D E S . R E M I G I I
Remensis Abbas , & Episcopus fuit
Carnotensis ,

E P I S T O L A R V M L I B R I I X .

*Item Alexandri III. Papae ad Petrum eundem &
alios , Epistola LVI.*

C V M N O T I S .



INDEX EORVM
AD QVOS SCRIPTÆ SVNT
EPISTOLÆ
PETRI ABBATIS CELLENSIS.

A Bbati de S. Ægidio,	179	Vvillermo,	III. 140
de Beldevvas,	143	Cardinali S. Chryfogoni P.	146. 148
de Bullencurte,	38	Cardinalium vni,	111
Cluniacensium Petro,	24	Cartusienſium Conuentui,	96. 101
Hugoni,	28. 30. 34	Caziacensibus Monachis,	45. 47
Theobaldo,	175	Cellensibus,	60. 94
Hugoni,	190	Cisterciensī capitulo,	180
SS. Crispini & Crispiniani Bern.		Clareuallensibus,	64. 65. 68
90. 91. 95. 109. 166		Cluniacensibus,	170
S. Edmundi,	105. 116	Episcopo Auenionensī,	155
de S. Huberto H.	94	Autisiodorensī,	18
Latiniacensī,	107	Bellouacensī Henrico,	21. 22
S. Medardi,	109	Carnotensī Iohanni,	152. 156. 157
de Majori sylua,	106. 121. 123	Cestrensi,	142
Molismensī A. 35. T.	118. 145	Excestrensi B.	93
Pruliaci H.	37	Exoniensī,	106
S. Richarij,	134	S. Maclouii Iohanni,	12. 13. & seq.
Stabulensī E.	97	Nouiomensī B.	22
Villariensī,	136. 138	Parisiensī Theobaldo,	17
Abbatissæ Fontisebraldi M.	39. 41	Prænestino,	169. 171. 173
Alberto Cardinali,	110. Cancellario,	Tusculano,	179
160. 163. 164. 165		Eugenio Papæ,	5
Alexandro Papæ,	1. 2. 3. 4. 107. 114.	Gerardo puellæ,	135
158. 161. 162. 165		Grandimontensibus,	61. 150. 170
Archiepiscopo Cantuariensī Thomæ		Hastingiarum sacerdoti,	62
8. 10		Henrico Comiti Palatino,	34
Richardo,	152	Iohanni Cancellario & Rob. Canto-	
Coloniensī Philippo,	11	ri Compend.	114
Lundenſi Eskilo,	19. 93. 120. 139.	Iohanni Saresberiensī,	79. 80. & seq.
143. 147. 154		104. 108. 117. 134.	
Abſaloni,	167	Meritonæ Canonico R.	155. 157. 176
Remensium Henrico,	11	Molismensibus,	144
Vvillermo,	140	Monacho de S. Bertino,	150
Senonensī Hugoni,	6. 7. 10	Monacho de Reddinges,	125

INDEX.

Montis Dei fratribus, 48. 50. 53. 55. 59. 60. 98. 102.		Priori suo, 42	
Nicolao, 113		SS. Crispini & Crispiniani, 167	
Nicolao Monacho S. Albani, 112. 126 187		de Lapelee, 177	
Nicolai ad Petrum, 181		Molismensi T. 43	
Nicolao Monacho Clareuallensi, 69. 76. 78.		Montis Dei Simoni, 98. 102	
Petro Monacho Norvvicensi, 88		De valle S. Petri, 119	
M. Presbytero, 12. 140		Vvigorneri, 124. 147	
Priori Cantuariensi, 116. 122. 151		S. Petri Pruvineris Sacerdoti A. 61	
Cartusienfium Basilio, 96. 101		Regi Sueonum, 115	
		Richardo Canonico Regulari, 104	
		Rolando Cancellario S. R. E. 6	
		Thoma Cancellario Angliæ, 23	

INDEX EPISTOLARVM

ALEXANDRI III.

A BBATI Clareuallensi, 223	Lingacopenfi, 210
Corbeienfi, 217	Siluanectenfi, 196. 215
S. Dionysij Remensis, 219	Stranensi Guillelmo, 211
S. Medardi, 196	Strauengarenfi, 212
S. Nicasij Guidoni, 213. 231	Tornacensi, 216
S. Remigii Petro, 193. 194. 195. 196. 197. & alibi passim.	Fulconi Canonico Remensi, 194. 195 197. & alibi passim.
Archiepiscopo Remensi Henrico, 201. 222.	Gothis fidelibus, 208
Senonensi Vvillmo, 230	Guthermo Duci, 212
Vpfellensi, 202. 208. 212	Lingacopenfibus, 213
Trundenfi, 212	Norvvegenfibus, 208
B. Archidiac. Remensi, 218. 219. 220	Prapposito & Decano Remensi, 221
Dacia fidelibus, 207. 208	Presbyteris & Clericis Ecclesiarum
Episcopo Ambianensi, 199. 200. 216	S. Petri de Montibus, 230
Bellouacensi, 193	Priori S. Martini de Campis, 221
	Radulpho Canonico Remensi, 213

PETRI



PETRI ABBATIS
CELLENSIS
EPISTOLARVM
LIBRI IX.

Cum Notis Iacobi Sirmondi S. I. Presbyteri.

^b LIBER PRIMVS

^c EPISTOLA I.

Domino suo Alexandro Dei gratia summo Pontifici G.

IN grauissimis quæstionibus sicut olim ad Moysen, sic nunc, Pater venerande, ab omni Ecclesia Dei recurritur ad beati Petri & vestram sedem. Tam enim communiter communis imponitur vobis sollicitudo omnium Ecclesiarum, quàm singulariter & specialiter Petro videtur dictum, *Et tu conuersus confirma fratres tuos.* Vt tamen compendium de prolixo negotio vobis faciam, ^a Ecclesia nostra Deruensis de manu potentis G. non liberabitur, nisi per manum omnipotentis Dei, nisi in arcu vestro, & brachio extento. Clamat itaque de angustia & afflictione sua ad vos, quia salus eius in manu Dei & vestra est. Non enim respicit ad adiutorium hominum, quorum vana spes, promissio cassa, nulla confidentia. Vobis autem sine dubio & sermo potens ad liberandum, & virtus sufficiens ad redimendum. In vmbra itaque vestra aut est ei viuendum, aut sub vmbra mortis, videlicet G. deficiendum. Dic verbo, sancte pater, & sanabitur Ecclesia vestra. Ecce languore desperatissimo iam diu ægrotat. Appone malagma: vt cuius est filia ex se languida, sit per te deuotissima ancilla & redempta. In ore huius nuntij nostri posuimus & quæ dicat & quæ faciat. Rem vt est latiùs ipse exponet, siue quomodo iustitiam in præsentia Episcopi Catalaunensis subterfugerit; siue quomodo apud Remensem Archiepiscopum sola fru-

Lucæ
xxii. 32.

stratione causa dilationis appellaverit: siue quomodo interposita fide in domnum e Henricum Trecentem Comitem compromiserit, & postea resiliire temptaverit. Capite vulpem quæ demolitur vineam nostram. Petitiō nostra hæc est, vt sub tali tenore ad Archiepiscopum Senonensem remittatur causa, quod vel compromisso suo stare cogatur, aut possessio siue inuestitura nobis restituatur, quam Ecclesiam nostram aliquando habuisse probare poterimus.

^a MONASTERIUM Cellense, cui Petrus Abbas præfuit, in suburbio situm est Tricassinæ ciuitatis, loco qui olim insula Germanica dicebatur. Vnde vetus quoque monasterij nomen duplex. Nam & monasterium S. Petri ab eius tutela & patrono appellabant, & à prisco loci vocabulo monasterium insulæ Germanicæ: quo sanè modo Nicolai Clareuallensis epistola xxiv. in codice nostro inscribitur, *Petro Abbati insulæ Germanicæ*. Dictum est etiam Cœnobium Cellæ Bobini, vt rectè in antiquitatibus suis obseruauit vir eruditus & diligens Nic. Camuzatius. At vulgus hodie patriâ linguâ *Monstier la Celle*, hoc est monasterium Cellæ vocat. Interdum verò absolutè monasterium Trecentem, & Abbates Trecentenses dicti sunt, qui Cellenses. Sic enim Petrus ipse loquitur lib. I. epist. vii. & lib. iii. epist. viii. ob hanc nimirum causam, quia omnium Tricassinæ vrbis cœnobiorum antiquissimum erat Cellense.

^b LIBER PRIMVS] Epistolas omnes in libros ix. partiti sumus. In antiquo enim exemplari nulla erat librorum distinctio, sed vna omnium epistolarum series, quam perpetui ad earum initia numeri ostendunt.

^c EPISTOLA PRIMA] Hanc alieno scribit nomine, vt sextam item: reliquas proprio.

^d ECCLESIA N. DERUENSIS] Monasterij Deruensis, quod in saltu Deruensi positum est in diœcesi Catalaunensi. Gallis vulgo *Monstier-en-der*, quasi monasterium in Deruo. Hujus nomen sæpius infra recurret in epistolis Alexandri iii. corruptè verò apud Gerbertum epist. viii. *Terdonensis* editum est pro Deruensi.

^e HENRICVM TRECENTEM.] Ad quem lib. ii. epist. vi.

EPISTOLA II.

Domino suo & patri Alexandro summo Pontifici, Fr. Petrus humilis Abbas Cellensis debitam subiectionem filij & deuotionem.

CVi præter sinus paternos alia non suppetunt refugia, instantiùs eadem requirit in necessitate suffragia. Ad vos, pater sanctissime, à multis, quæ circundant nos tribulationibus, & principum nostrorum oppressiōnibus meritò confugimus, cuius studio & sollicitudini regendam Ecclesiam suam in mundi fluctuationibus commisit Christus. Iam enim perimus nisi respexerit naufragia nostra benignus Deus. Iustitia, ratio, veritas, lex & æquitas de die in diem à nostris finibus exterminantur, & earum memoria absque modo & misericordia extinguitur. Proinde respiciat, quæsumus, super nos misericordia vestra, vt viuere possit anima nostra. Vale.

EPISTOLA III.

Domino & patri carissimo Alexandro summo Pontifici, Fr. Petrus Cellensium fratrum minus idoneus Abbas seipsum cum deuotione.

VBi causæ postulandæ perorare per se sufficit prærogatiua, solet rogantis etiam minus idonea recipi persona. Supplet namque dignitas petitionis insufficientiam postulantis. Prædecessorum vestrorum priuilegiis &

EPISTOLARVM LIB. I.

3

beneficiis Abbatiam Fontis Ebraldi sublimatam & communitam vbique divulgatum & notum est in partibus nostris. Episcopus autem Pictaueusis, cum rigare debuisset & fauere plantationi dexteræ Dei & vestræ, nritur libertatem huius Ecclesiæ diminuere, & contra priuilegium consuetum * Abatissam cogit professionem sibi & obedientiam promittere, quam sibi sedes Petri retinuit. Gloriam itaque vestram alteri non detis: sed omni remoto mediatore, propria benedictione & protectione & Abbatissam & Abbatiam vt dignum est, foueatis.

* ABBATISSAM COGIT PROFESS.] Vetus hæc inter illos controuersia, vt docet Sugerij Abbatis epistola ad Eugenium III. Hadriani sanè IV. extat in tabulario Fontisebraldi rescriptum, quo statuit, vt Abbatissa professionem Episcopo Pictaueusis & obedientiam ea lege præstet, vt Episcopus monasterio nihil oneris imponat. Ex quo quidem apparet, aut moniales decreto Pontificis non statim paruisse, aut epistolam hanc non Alexandro scriptam fuisse, sed Hadriano ante eius rescriptum.

EPISTOLA. IV.

*Domino & patri carissimo Alexandro vniuersalis Ecclesiæ summo Pontifici
filius suus Petrus Cellensis indignus Abbas cum omni dilectione
obedientiam, voluntariam subiectionem.*

DE multa bonitate vestra plurimum confidens, etiam pro negotiis aliorum vobis aliquando scripsi. Nunc verò in propriis vestrum, pater sanctissime, cogor expetere pium auxilium. Est autem huiusmodi pro necessitatibus Ecclesiæ nostræ negotium. Habemus * prioratum apud Cantumerulam, in cuius cæmeterio ius sepeliendi omnes qui de castello sunt, & de quibusdam aliis villis hætenus dignoscuntur habuisse. Constat etiam antiquitus non fuisse cæmeterium in castello, dnm ibi essent Canonici sæculares. Cùm autem successissent regulares, ab antecessore nostro impetratum est, interuenientibus b comite Theobaldo & Hatone Episcopo Trecensi, quatenus ibi fieret cæmeterium, tantummodo ad sepulturam Canoniorum & conuersorum suorum. Abbas autem cum Canonicis suis contra pactum veniens, illos etiam, qui tam iure quàm pacto in cæmeterio nostro sepeliri debuissent, sepeliuit. Cùm de his vtrunque altercatum in curia Trecensi & ad iudicium ventum esset, appellauit Abbas. Pro huiusmodi, pater dulcissime, benignitatem vestram obsecramus: supplicantes vt & nuntium nostrum benignè suscipiatis, & petitiones nostras efficaciter exaudiat.

* PRIORATVM APVD CANTVM.] Cui titulus à S. Sereno, lib. IV. epist. IX. Inde & Prior de Cantumerulæ apud Saresberiensem epist. cxy. Sita est hæc Cella, (sic enim appellant) propter Cantumerulæ castellum in pago Tricassino. In castello autem ipso monasterium regularium S. Augustini, quibuscum hæc Cellensibus de cæmeterij iure contentio.

b COMITE THEOBALDO.] Magno, de quo epistola sequenti, ad quem D. Bernardus complures.

A ij

EPISTOLA V.

Venerando patri & domino Dei gratia universalis Ecclesia summo Pontifici, Frater Petrus Cella sancti Petri Trecentis humilis Abbas, quicquid potest.

Qui nostram humilitatem alicuius momenti apud sublimitatem vestram reputant, vrinam spei suæ fructum in effectu precum suarum inveniunt. Hinc enim & vestra benignior apparebit dignatio, & nostra confortabitur de vobis gloriatio, & amicorum pro impetratis gratiosior erit exultatio. Amici nostri, immo veritatis & honestatis, sunt isti, R. Archidiaconus & magister H. qui pro Præpositura Sueffionensis Ecclesiæ ^a D. Guillelmo concedenda, pietatem & providentiam vestram adeunt. Guillelmus verò iste quàm de magno genere, immo quàm de bono sit, vel cuius filius fuerit, exprimerem, nisi virrutes & probitatem patris eius in omni genere virtutum adhuc in curia Romana spirare sperassem. Certè quod optabilius est, nec ramusculus ipse à radicis pinguedine paternæ degenerat. Talem itaque suscitare in Ecclesia Dei cùm omnino expediat, quia multi insurgunt aduersus eam dicentes, Nou est salus ipsi in Deo eius; non respuat dextera Dei & B. Petri, & vestra: quia faciet fructum iuxta genus suum; quòd omni obsequio & obedientia semper obtemperauerit præceptis curiæ Romanæ & summorum Pontificum. Habet autem & duo brachia præclara & fortissima, quibus poterit releuare incuruantem, & rebellare refrænantem, quibusque vmbraculum Dei protegat à turbine & à pluuia. Comes Henricus, & ^b Comes siue dapifer regis Theobaldus, hi fratres eius sunt, & erunt ei in omni auxilio & consilio. Valete.

Magister H. vir apud nos probatæ honestatis magistrum I. clericum nostrum & amicum nostrum docuit, & multa bona ei fecit. Hunc vobis attentissimè commendamus.

^a DOM. GUILLELMO.] Quartus hic Theobaldi Magni Comitis Campaniæ filius, & regij sanguinis nexu, & rerum gestarum gloriâ clarissimus, auunculus enim, tutòque fuit Philippi regis Augusti. Huic verò Ecclesiasticarum dignitatum, quas plurimas & maximas gessit, exordium non fuit præpositura Sueffionensis: nam alias superstiti patre iam attigerat, vt docet epistola cclxxi. Bernardi. Posthæc Episcopus fuit Carnotensis, tum etiam Senonensis, denique Remensis, ac S. R. E. Cardinalis & Legatus in Gallia.

^b COMES DAPIFER THEOBALDVS.] Comes Blesensis, Dapifer Ludouici Iunioris, ac postea Philippi Aug. regum, quo munere in aula functus est post Radulfum Comitem Viromanduorum. In diplomate Ludouici eiusdem pro Cœnobio S. Dionysij. Actum publice Meloduni anno dominice incarnationis M. C. LIV. adstantibus in palatio nostro quorum nomina subtitulata sunt & signa. Signum Theobaldi Blesensis Comitis Dapiferi nostri. S. Guidonis Buticularij, S. Matthæi Camerarij. S. Matthæi Constabularij. Data per manum Hugonis Cancellarij.

EPISTOLARVM LIB. I.

5

EPISTOLA VI.

*Domino & patri Dei gratia summo Pontifici ^a Eugenio humilis ^b conventus
sancti Meuenſi humilem cum omni ſubiectione ſalutem.*

AD ſinum veſtræ pietatis qui debita humilitate recurrit, non ſolùm maternæ lenitatis blandimenta, ſed & paternæ ſollicitudinis ſolet invenire indubia tutamina. In manu namque veſtra eſt poſt Deum pax omnium ſimul Eccleſiarum & noſtra. Veſtram itaque, pater piſſime, rogamus adeſſe benevolentiam pauperculæ Eccleſiæ noſtræ: & ne longiori tempeſtate conuellatur, diuinitus indulta auctoritate ventis & mari ſilentium placeat vobis maturiùs imperare. Vt itaque vehementiùs & celeriùs veſtra erga nos moueatur clementia, noſtra breuiter noua & antiqua intimamus pericula. Religionis diſciplina & feruor monachici ordinis, tam noſtrâ quàm abbatis negligentia, olim in Eccleſia noſtra in vnum in-
teperat. Zelo itaque zelatus pro domo Dei Iſraël ſanctiſſimæ memoriæ ^c Lucius prædeceſſor veſter mandauit humilitati noſtræ, & venerabili Epſcopo noſtro Joanni, ſtudioſiùs ordinem reformare, diſciplinam re-
nouare, & inſolitam tumultuationem reſecare. Eius itaque nos tam præ-
cepto quàm grata exhortatione ad obediendum inclinati, vt verum fatea-
mur, ad radicem arboris ſecurim extendimus; & Abbatem negligentem
excidi volumus, vt vigilantiorẽ recipere. Sic domine & veneran-
de pater fuerat, niſi totius malignitatis repertor Satanas rurfus aduerſare-
tur, & niſi domini Archiepiſcopi Turonenſis facies & ſententia iuſta circa
hoc negotium peruerſe mutaretur. Namque electionem noſtram priùs
laudauit, & veſtra auctoritate confirmauit: quorundam verò malignan-
tium poſtea ductus, ne dicamus ſeductus, machinationibus, nulla ratio-
nabili exiſtente cauſa, aggrauauit erga nos & paſtorem noſtrum conſilium
ſuum, volens & conſulens illi gregem dimittere ſibi commiſſum. Graua-
men itaque iniuſte ſibi imminens Abbas dum attendit, veſtram rectè au-
dientiam appellauit. Poſt hanc autem appellationem, quidam de familia
Archiepiſcopi & de menſa eius, inſecuti & perſecuti ſunt Abbatem no-
ſtrum, ita vt vnum de monachis, vnum de clericis ſuis cum equis & qui-
buſdam caperent, & turpiter tractarent. Eapropter veſtram eſſagitamus,
pater & paſtor vniuerſalis Eccleſiæ, gratiam; vt oculo pietatis noſtram
attendatis miſeriam, & cauſam noſtram ſinatis, immo præcipiatis tractari
non in Archiepiſcopi curiâ, ſed in qua ex æquo noſtra audiatur & eius iu-
ſtitia, ſeu iniuſtitia. Excuset autem Abbatem noſtrum, quòd nequaquam
vobis ſe præſentauerit, tam illata iniuria quàm corporis grauis infirmitas.

^a **EUGENIO P.]** Eugenius III. non ſolùm ante Alexandrũ III. ſedit, ad quem epi-
ſtola ſuperiores: verum etiam ante Anaſtaſium & Hadrianum, quos Alexander ſecu-
tus eſt. Quare qui has epiſtolas digeſſit, ordinem temporum non vſquequaque retinuit.
quod multis deinceps exemplis pateſcit.

^b **CONVENTVS S. MEVENNI.]** Cœnobium eſt ordinis S. Benedicti apud Maclouien-
ſes in Armoricis. Itaque qui in hac epiſtola nominatur Ioannes Epſcopus, Epſcopus
eſt Maclouienſis, ad quem noſter epiſt. xvi.

^c **LUCIUS PRÆDEC.]** Lucius II. Cœleſtini II. ſucceſſor, deceſſor Eugenij.

A iij

*Domino & patri carissimo ^a Rolando Cancellario sancta Romana Ecclesia
Frater Petrus indignus Abbas Trecentis monasterij, id
modicum quod est & quod potest.*

NVllis meritorum suffragiis subnixus, sed sola bonitate vestra confisus, nostris vestram adesse dignationem petitionibus deprecor. Artius siquidem verbum promissionis vestrae per nuncios nostros acceptum in corde reponens, tanquam mihi obligatam ipsorum iure personam vestram teneo. Ut itaque in causa de ^b Ecclesia de Villa Mauri contrainiustitiam Canoniorum pro nobis valenter assistatis, non remordeat vos conscientia vestra, quia iusta est causa nostra. Valete. Parisiensis Episcopus exponet vobis tenorem facti.

^a ROLANDO CANCELLARIO.] Illi ipsi qui Pontifex postea renuntiatus Alexandri III. nomen gessit. Scripta igitur epistola Hadriani IV. pontificatu, proinde series interpolata, ut monuimus.

^b ECCLESIA DE VILLA MAURI.] In qua Prioratus alter monasterij Cellensis in eodem pago Tricassino.

EPISTOLA VIII.

*Venerabili domino & patri carissimo ^a Hugoni Senonensi Archiepiscopo,
Frater Petrus Cellensis humilis Abbas seipsum cum deuotione.*

Vinea Christi deuastatores vuas, siue eius ouilis oues lupi rapaces toto die deuorant, pede conculcant, manu dilaniant, & vestra, benignissime pater, vigilantia obuiare dissimulat? Quare non attenditis quid pro officio, quid pro sponsione, quid pro dilectione, summi pastoris ouibus magnus pastor debetis? Certè defensionem, certè instructionem, certè sollicitudinem. Sed qualem, vel quantam? Sine dubio quantam Christus, qualem Petrus. Christus enim diligit vsque ad mortem: pascit Petrus secundum triplicem passionem. Verbis namque, exemplis, & miraculis paut animas fideles Petrus. Non omnino cuilibet pastori impossibile est, pabulum diuini verbi ouibus suae curae apponere, exempla bona demonstrare: sed graue valde est, miracula antiquorum resuscitare. Quod si supra homines huius temporis sit patrare miraculum, sufficit nobis fidele propugnaculum. Vobis siquidem in Petro dictum est, *Pasce agnos meos*, sanā scilicet doctrinā. Vobis rursum dictum est, *Confirma fratres tuos*, bono vtique exemplo. Nihilominus clauēs regni caelorum tenetis, ut hœdos excludatis, & agnos admittatis. Interim in agro mundi, dum agnus & hœdus simul habitant, hœdus iniustior extollitur, agnus innocentior opprimitur, dum enim superbit impius, incenditur pauper. Quamobrem Sara, id est patientia Ecclesiae, aduersus Abraham, id est pastores suos, conqueritur, quod Ismaël secundum carnem ludat cum Isaac promissionis filio: Cuius querimoniae diuinum iungitur mandatum, *Eijce* inquiens, *ancillam & filium eius*. Utinam amantissime pater, Ismaël nostrum iuxta domini Papae præceptum eiecissetis! fiat tamen non mea, sed

Ioan.
XXI. 15.
Luc.
XXII. 32.

Gen.
XXI. 10.

EPISTOLARVM LIB. I.

7

vestra voluntas. Sacrarium nempe secretorum vestrorum impudens per-
scrutator non attingam, sed humilis supplicator. Fortassis longa temporis
dispendia refarciet plena & perfecta iustitia. Si ad diem illam datam pro-
bationes vel testes ducere mecum debeam, si placet, remandate. Valete.

[HUGONI SENON.] Qui vir, quantusque fuerit, declarat epistola Cleri Senonen-
sis de eius electione scripta Episcopo Carnotensi. *Elegimus*, inquit, *nobis in pastorem*
& pontificem domnum Hugonem præcentorem nostrum, à parentibus Christianis & Deum ti-
mentibus nobiliter editum, virum strenuum, modestum, mansuetum, disciplinis Ecclesiasti-
cis competenter eruditum, religiosus personis amoris & honoris exhibentem officium, & quæ
sequuntur.

EPISTOLA IX.

*Venerabili domino & patri Hugoni Senonensi Archiepiscopo, frater Petrus hu-
milis Abbas Cellensis seipsum cum deuotione.*

SI patienter dominus meus seruo suo, ubi pœna debetur, plagas ami-
cales admoueret, & ubi iustitia debetur, præmium rependeret, tam
facile confiterer culpam, quam securè sperarem veniam. Priùs tamen
quam pelagus formidabilis censuræ ingrediar, an accusem, an deplem
sortem, quâ huc delatus serenitatem vestram, siue meritò, siue immeritò,
obnubilatam in me audio, satis anxie delibero. Quomodo enim non ac-
culare vel potiùs execrari casum illum debeo, per quem tantum casum sen-
tio? Pereat omnis casus, à quo amicitia infertur occasus. Sit solitarius,
nec laude dignus, qui venas interrumpens dilectionis inimicitiarum con-
glomerat virus. Rursus deploranda fortè potiùs est fors illa, quæ cogit
vtrumque in præcipitium: vt scilicet vel pruinam fugiens incurrat, vel ar-
cum æreum, iuxta illud Amos, *Dies*, inquit, *Domini tenebræ & non lux,*
quomodo si fugiat vir à facie leonis, & occurrat ei vrsus, & ingrediatur do-
mus, & innitatur manu sua super parietem, & mordeat eum coluber. Ecce
amici & domini offendo maiestatem, si stetero pro Petro de Tornella. Ecce
iterum frater dissipantis opera sua appello, si quod bona fide, titulo iusto,
& more Ecclesiastico à me factum est dissimulaui. Hinc ciuile ius, inde ius
naturale de me conqueritur. Sed quid? Ciuilia nunquam naturalia corrumpunt.
Dicitur ergo mihi, immo non mihi, sed de me dicitur: Hæccine est
Cellensis religio? hæccine est veritas? hæccine est fama? Ecce quomodo
adulterium, immo incestum fouet: ecce quomodo carnem suam diligit, ca-
nones & Euangelium contemnit: ecce quomodo iniquitati patrociniatur.
Non à vobis, sed à vestris, carissime pater, ista aduersum nos dicuntur. Vi-
cem quidem mentiendo, & certè vera dicendo, reddere possem: sed infræ-
nat linguam meam sanctissimæ reuerentiæ vestræ auctoritas, & conscientia
meæ professionisque non rumpenda integritas. Victoriosissimo enim trium-
pho tripudiat aduersarius, si de castris patientiæ & humilitatis ad cuneum
me prouocat impatientiæ & falsitatis. Tunc certè solùmmodo me superatū
æstimo, cum irritatione quacumque terminos religionis transgredior.
Audiant igitur, audiant obrectatores mei. Carnem quidem meam diligo,
sed post spiritum carnem diligo, sed secundum Apostolum: carnem dili-

Amos.
v. 19.

Esa.
LVIII.
7.

Ephes.
v. 29.

go, sed non supra modum. *Carnem tuam*, ait scriptura, *ne dispexeris* Beatus quoque Gregor. dicit: Sunt quidam qui diligunt, sed per affectum cognationis & carnis, quibus sacra eloquia non contradicunt. Et Apostolus, *Nemo unquam carnem suam odio habuit*. Nos, inquit æmuli mei, diligendam carnem concedimus: sed non contra iustitiam; aduersatur autem prorsus iustitiæ adulterium siue incestus. Nihil verius. Sed ego incestum ignoro, matrimonium legitimè factum agnosco. Conuocaui namque seniores, quos coniunctim & separatim, publicè & priuatim diligentissimè examinaui, nec impedimentum coniugij aduertere ex verbis eorum potui. Testes quoque qui nunc proferuntur, alter est minus idoneus propter apparens odium, alter propter causam reticendam vsque ad suum locum. Non itaque Euangelii seu canonum contemptor iniquitatem patrocinandam suscepi, qui de lege Domini iota vnum aut vnum apicem pro temporis oportunitate volens non præteriui.

^a PRO PETRO DE TORNELLA.] Desponderat is sibi Havvidem, neptem Petri Cellensis. Quod matrimonium nonnulli, atque in his Hugo Archiepiscopus, quasi inter consanguineos initum improbabant: Petrus contra impedimentum coniugij nullum agnoscebat. Qua de re iterum hoc libro epist. xxi. & lib. iv. epist. xi.

EPISTOLA X.

Domino & patri carissimo ^a Thoma venerabili Cantuariensi Archiepiscopo, Frater Petrus Abbas sancti Remigij ex toto corde deuotissimam salutem.

Sollicito reuoluens animo quam potius materiam assumam cum vobis scribere volo, vix occurrit, non deficiendo quid dicatur, sed reuerentia eius comprimente manum cui dicatur. Nihil enim dignum vestri animi fortitudine dicere possum, nihil addere constantissimæ tolerantia vestra, nihil denique docere omnia à longè prospicientem, atque fines rerum & causarum futurarum plenissimè dimetientem: atque palcarum aceruum ut quid anteponerem præsepio, cui adhæret bos adipe & pinguedine opulentissima satiat & saginatus? Equidem hoc mihi ad ministerium aliquod impendendum in obsequio vestro non indignè reseruaturn reperio, si muscas abigere possem vestram sanctitatem oblatratione inuidiosa pungere volentes, vel saltem interpretatione peruersa denigrare sinceritatem fidei vestrae insistentes. Planè muscæ istæ morientes, quæ in Ægypto abundant, & Pharonem regem Ægypti, tanquam virum muscarum circundant, Deo opitulante, non perdent suauitatem vnguenti. Seruabitur namque in diem sepulturæ Jesu, & prædicabitur in generatione & generationem, quod Archiepiscopus Cantuariensis murum se opponens pro domo Israël, vestigia sanctorum antiquorum imitatur, dum Christum in cruce nudum pendentem nudus sequitur. Quomodo ergo cum Abraham potero abigere easdem muscas contaminare volentes illibatum domini sacrificium, nisi sancto ventilabro de authenticis scripturis, quo vel feriantur, vel saltem effugentur? Dicunt enim, Non debet Archiepiscopus tam instanter ^a sua repetere à rege Angliæ, ut dimittat reconciliationis pacem pro amissa pecu-

EPISTOLARVM LIB. I.

sa pecunia. Falluntur specie veri, vel adulatione falsi. Qui specie veri decipiuntur, instruendi sunt: qui adulatione falsi, repellendi. Simplicitas enim reuocanda est, malitia prorsus abjicienda. Ceterum pensandum est in omni tam contractu quam actu, quid propter quid faciendum vel dimittendum sit. Pensanda etiam sunt tempora, & diuersi status temporum, secundum quos mutantur merita causarum. Nam in primitiua Ecclesia sola patientia locum habuit, vt auferenti tunicam dimitteret & pallium. Alius enim erat, & alibi, id est, extra Ecclesiam, qui persequebatur, alius & alibi, id est, intra Ecclesiam qui patiebatur. Modò verò iam adulta Ecclesia, non licet filiis Ecclesiæ quod aliquandolicuit inimicis. Decet enim matrem corrigere filium, sicut decuit pupillam tolerare aduersarium. Distinctus namque sapphiris legitur venter sponsi. & quemadmodum ante passionem suam Iesus dixerat, *Qui non renuntiaverit omnibus quæ possidet, non potest meus esse discipulus*, & similia: in passione dicit Apostolis, *Qui non habet gladium, vendat tunicam & emat*. Verba quidem bona, verba consolatoria non immeritò exigeret causa iusta in oculis Dei, in oculis autem insipientiū dubia & infirma: nisi virtus patientiæ omnem transcendere consolationē, & plus gauderetis de consolatione, quàm malleus feriens proficeret de percussione. Ferrum ferro acuitur, & de malitia regis Angliæ virtus vestra inuincibilis clariùs illustratur. Quò fortiùs premit torcular oliuam, eo profusius oleum producit. Candelabrum ductile de auro purissimo non facit Beseleel in tabernaculo Domini, nisi productis laminis contritione limæ & mallei. Nondum contritus est malleus vniuersæ terræ: adhuc necessarius vt suppleat quæ desunt passioni Christi in corpore vestro. Sed quem moneo? quem exhortor? cui calcaria adhibeo? Sine dubio qui fræno indiget, qui paratus est plus ambulare quàm viâ extendatur, qui etiam metas velociter transcurrere nullis retardatur periculis. Procul enim odoratur bellum. exilium reputat patriam, quia omne solum forti patria est. Sine labore laborat, sine fame esurit, sine dolore patitur, sine amaritudine felle & absinthio cibatur. Vir est in milibus vnus: cùm gigantes gemunt sub aquis, ipse ridet & irridet fortunam cum inuersione rotæ suæ. Vale.

Luc.
xiv. 33.
Luc.
xxii.
16.

^a THOMÆ CANTUAR.] Cùm adhuc exul esset in Gallia & de ipsius cum Henrico rege Angliæ reconciliatione tractaretur.

^b SUA REPET. A R. ANGL.] Rex enim ablata restituere abnuebat. Mauricius Parisiensis Episcopus Alexandro III. Præterea requirebat D. Cantuariensis partem ablatorum sibi restitui: alteram verò partem in sustentationem dimitti, donec vestrum super hoc & religiosorum virorum haberet consilium. Inconueniens enim & sibi valde damnosum, & perniciosum sancta Ecclesia exemplum videretur, si ipse omnia ablata, sicut Rex Angliæ postulabat, penitus remitteret, cùm per eius absentiam adificia Cantuariensis Ecclesiæ diruta essent, & ad possessiones dissipatas tenuè haberet refugium, & ipse grauissimo alieni aris debito adstrictus teneretur. Ceterum peruenit tandem, vt restituerentur, quod ipsemet restatur in epistola quam de reditu suo scripsit ad Alexandrum.

B

EPISTOLA XI.

Carissimo domino & patri Hugoni Senonensi Archiepiscopo, Frater Petrus humilis Abbas Cellensis spiritum gratia & precum.

SI patientiam monemur pro contumeliis rependere, quid pro gratia nisi gratiam tum lege naturæ, tum præcepto ipsius gratiæ debemus reddere? Et si inimicos iubemur amare, amicis quid habemus facere? credo tantquam ipsam animam nostram suscipere. Certa verò perfecti amoris hæc est testificatio, si amicorum utilitati omnis postponatur occasio. Sic, sic magister M. non obliuiosus factus beneficiorum vestrorum, ne vobis materia scandali fieret, & iram regis vestra sublimitas persentiret, tulit in se periculum inimicitiarum, & ab honore interim, donec iniquitas transferret aduersarij, gratiâ vestri cessauit. Foveat itaque pietas, quem sic inuenit non ingratum alumnum experientia vestra, & contemperet malitiam molestiarum, quia spem habet in protectione alarum vestrarum. Tenearius namque, immo secretius dicitur diligi, cui nihil carius fuit pace benefactoris sui. Facite ipsi pacem, qui nec paci suæ pepercit propter vestram pacem.

EPISTOLA XII.

Domino & patri carissimo Thoma Cantuariensi Archiepiscopo & Apostolica sedis legato, Frater Petrus Cellensis qualiscumque minister, seipsum.

FActi sumus sicut consolati in consolatione sanctitatis vestræ tam affectuosa, tam pia, tam plena dulcedine & caritate. Reddat vobis Spiritus paracletus consolationem suam, quia respicere voluistis misericorditer desolationem nostram. Suscitauit siquidem corda nostra & si non emortua, iam tamen elanguida, susceptio litterarum vestrarum. Dominis & amicis nostris hanc vestram dignationem & consolationem ostendimus, & in spe viuâ ex consilio eorum fratrem nostrum peregrinari ad vos destinauimus. Excipite illum: & quia vix in terra sua habet, vbi caput reclinet, interim sub vmbraculo vestro militet, & stipendia ad nos condigna reportet. Confidimus equidem in bonitate Dei, & in liberalitate animi vestri, quam iam prægustauimus, quia quamuis in baculo suo transeat mare vestrum, tamen sit rediturus in turmis multarum benedictionum. Discretionem sanctitatis vestræ fratres nostros & nuncios disponendos commitimus. Dominum quoque & confratrem in omni oratione & beneficio omnium vestrorum vos annueramus. Valete.

^a APOST. SEDIS LEGAT] Legatus per vniuersam Angliam, excepto Episcopatu Eboracensi, creatus est VII. Idus Octobris anno M. C. LXVII. Post hunc igitur annum hæc scripta oportuit.

EPISTOLA XIII.

Domino suo & patri carissimo a Philippo Coloniensi Archiepiscopo Frater Petrus humilis Abbas sancti Remigij salutem cum omni deuotione.

Frequenter cum beato Remigio patrono vestrae sublimitati humiles porreximus preces, si quo modo animum sine culpa nostra, ut credimus, hactenus implacatum nobis ad misericordiam faciendam flectere possemus. Denique iterum atque iterum quanta humilitatis supplicatione potest tota congregatio nostra appellat, si qua sunt in vobis viscera misericordiae, ne adhuc extenta in flagello nostro perseueret manus vestra. De clementia namque Dei indultum est, ut potestatem habeatis & bene facere & male nobis si vultis. Nolite obliuisci, quia limites, quos Dominus dominationi vestrae posuit, certi & finiti sunt in praedestinatione Dei. Vtini ergo potestate vobis concessa semper ad bonum, nunquam ad malum; nam indubitanter vtriusque sequitur retributio aeterna. Pro Iesu itaque amore, & per Christum Iesum contestamur vos, quatinus misereamini pauperum compeditorum, quibus nec ingredi, nec egredi licet, nisi sub manu & cum licentia pastoris. Boues sunt triturantes, nocte & die pro peccatis suis & totius mundi Dominum deprecantes. Ne obturetis ora eorum, subtrahendo alimoniam à praedecessoribus fideliter pro remissione peccatorum suorum eis concessam. Certè non erit famae, & gloriae vestrae augmentum, nec cumulus diuitiarum, nisi tantummodo peccatorum. Respondemus itaque pro praebendis de Marna, de quibus mandastis, ut de manu nostra eximendo quibuslibet personis eas daremus, quod nullatenus in saeculum saeculi, id facturi sumus. Prouoluti etiam genibus vestris, ne id ulterius à nobis exigatis, exoramus. Valete.

^a PHILIPPO COLON. ARCHIEP.] Hæc etiam epistola multo inferius collocanda erat. Nam Abbas S. Remigij erat Petrus, cum hæc scriberet, & Philippum constat Coloniensem eathedram non inisse ante annum M. C. LXVI.

^b PRAEB. DE MARNA] Rectius MARNA, ut lib. VIII. epist. xv. Sic enim in capitulis regum, quæ anno DCCCL. edita feruntur, quando tres fratres Hlotharius scilicet Hludovicus, & Karolus secus municipium Treiectum penes locum, qui dicitur Marsna iterum conuenerunt, & in Fragmento Gallici scriptoris apud Pithæum de Gisleberto: Recepit itaque Traiectum, Iuppilam, Haristallum, Marsnam, Littam, Capra montem, quæ à defunctis derelicta vacabant. Ex his patet Marsnam locum fuisse Traiecto vicinum. quod verum est. Nam tribus fere passuum millibus distat, & Maersena vocitatur. De praebendis autem Marsnensibus S. Remigij monasterio attributis, & in usus monasticos conuersis, iterum aget epistola supra scripta.

EPISTOLA XIV.

Venerabili Domino & patri carissimo a Henrico Remensum Archiepiscopo Frater Petrus humilis Abbas sancti Remigij seipsum deuotissimè.

Cum semper praesentia vestra nobis & toti prouinciæ Remensi necessaria sit, quia nunc solito increuerunt & intumescunt tribulationes, quæ circumdederunt nos, omnino postulantes rogamus ne moram faciat redire ad nos. In absentia enim vestra cornua sibi assumunt inimici vestri & nostri, adeo ut non sit pax ingredienti vel egredienti. Indifferenter

B ij

ingrediuntur rapere, vastare, & deuorare omnia, in quibus manus injicere possunt. Monacho, clerico, laico, pauperi, viduæ, nullique conditionis miseræ parcunt. Placeat igitur, pater amantissime, sollicitudini vestræ inclinare animam necessitatibus & angustiis terræ vestræ, quæ elamat ad vos & post vos.

^a HENRICO REM. ARCHIEP.] Qui regis frater & Episcopus Bellouacensis, epist. xxiv Frater enim fuit Ludouici Iunioris. Sed ad Remensem cathedram translatus est à Bellouacensi. Quare hic quoque præposterus est ordo epistolarum.

EPISTOLA XV.

Domino suo carissimo & præcordiali ^a Ioanni Episcopo sancti Maclovii & Mag. presbytero, id quod est & potest.

Caritas patiens, quod mirum dictu est, pene ad impatientiam me impellit. Vidi nuncium vestrum litteris vacuum. Quid hoc est? Est-ne tanta penes vos chartarum caritas, an sic vestra abbreviata est charitas? Quæ tam importuni silentii causa? quæ ratio tam mutæ & silentis dilectionis? Est-ne inquam in Britannia consecutium, ut vbi sterilitas panis, sequatur & defectio cordis? Et panis quidem inopiam audiebam, sed famem ex hoc virtutum succedere non credideram. Certè farina & lecythus olei apud Sareptenam, ex quo Helias noster Dominus Maclouienfis de his gustauit, non defecit. Certè non defluit amor noster, sed influit, atque effluit. Et Episcopum quidem excusat instantia laborum, sollicitudo Ecclesiarum, compassio afflictorum, reconciliatio dissidentium. Clericum quid vetat scribere, quid impedit amicales litteras componere? Desidia? sed hanc studium excludit. Insipientia? sed est ei litterarum peritia multa. Ignorantia nuncii venientis? sed mihi nudam salutationem detulit. Festinatio properantis? sed plura sigilla pluribus attulit. Restat igitur condemnanda in amicis negligentia. Quia igitur oleum non misistis, aculeum sumitis: & ideo pungi meruistis, quia ungere nolulistis. Valete. Si valetis, bene est nobis.

^a IOANNI EPISC. S. MACLOVII.] Ordinis Cisterciensis monacho. Hunc Maclouienfes ut Sanctum venerantur, inditoque à clathris ferreis qui tumulum eius ambiunt, cognomine, S. Ioannem de Craticula vocant. Extat eius nomine ad D. Bernardum epistola inter epistolas Nicolai Clareuallensis, in qua Fr. Ioannes Episcopus Alerensis inscribitur, hoc est S. Maclovii.

EPISTOLA XVI.

Domino & patri carissimo, Ioanni Episcopo sancti Maclovii Frater Petrus Cellensis indignus Abbas cum Apostolo in labore & ærumna.

Etiam in amaritudinibus nostris congratulatur anima mea: quanto magis in consideratione gloriosæ remunerationis? Reminiscor siquidem, quia iusti in paucis vexati, in multis bene disponentur, & quia reddet Deus mercedem laborum sanctorum suorum: atque ideo non vana est expectatio, vbi tam certa, tam grata, tam larga speratur remuneratio. Certa, propter veritatem promittentis: grata, propter consummationem

EPISTOLARVM LIB. I.

13

desideriorum recipientis: larga, propter exuberantiam bonorum celestium in communicatione diuinitatis. Hæc reposita est in sinu nostro, hæc inter vbera commoratur, hæc quælibet insipida condiuntur, & gustui nostro commodissimè aptantur. O animæ meæ dulcedo, quid putatis Dominum non attendere miseras compeditorum suorum? non librare in statera æternorum iudiciorum pœnas filiorum? *Nonne*, inquit, *hæc condita sunt apud me, & signata in thesauris meis?* Miror vos scripsisse destitutum patrocínio sanctissimi a patris nostri Bernardi, cum sancta eius anima nexibus expedita mortalitatis non charitatis, corruptionis non afflictionis, necessitatis non voluntatis, liberiùs aures nunc appelleret piissimi conditoris pro necessitatibus populi sui. Non mihi contingat de gratia ipsius diffidere, de orationibus eius desperare. Nimio vobiscum loquendi tantus desiderio vix finem facio. Quem enim sine fine diligo, nunquam satis ei scribere, nunquam satis loqui valeo. Conuentus noster vester est populus, noster populus vester est, anima mea vèstra est. Vtinam viderem vos antequam transiretis ad montes illos, vbi tot sunt, sicut audiuius, pericula. Valete.

Deut.

xxxii.

34.

[P. N. BERNARDI] Pertinent hæc ad annum M. c. lxxx. in quem incidit mors S. Bernardi.

EPISTOLA XVII.

Domino & patri carissimo Ioanni Episcopo S. Maclovii, Frater Petrus Celsensis humilis Abbas salutem.

NVllius ponderis esse in vera dilectione pomposa & vacua verba, nouit qui charitatis medullam vel semel degustauit. Vanum certè & abijiciendæ simulationis reputo, replicare quotidie elementa amoris, ex quo fideliter & firmiter inhæresit radicibus cordis. Metuentis quoque aut diffidentis est, semel natos amores sermonibus velle renouare, quasi vetustas temporis soleat veros affectus antiquare. Non est imaginis Dei ab inceptis deficere. Non est virtutis vacillare, non est solij gloriæ Dei in diuersum se vertere. An non anima ad imaginem Dei, an non charitas virtus Dei? an non pura conscientia thronus Dei & sedes diuinæ maiestatis? Vt ergo filius, qui est imago patris, quæ creauit semel, semper gubernat & regit: utque virtus Altissimi quæ operatur confirmat & perficit, ac denique incommutabiliter manet incommutabilis Dei sessio æternitatis: sic radicata charitas & fundata de corde puro & conscientia bona & fide non ficta, ignorat occasum, corruptionem abominatur, mortem in æternum non gustat. Hæc interno coagulo suo coniunxit nostros adinuicem affectus. hæc inter nos mediatrix, vnico amore dulciter, fortiter, & sapienter animas nostras conglutinauit. Hæc in me vestrum tenaciter amorem effudit, & ad vos non dissimiliter meipsum totum diffundendo contulit. Ad vnicum itaque & specialem amicum singulari spe & vnica rogo accedat vestra sanctitas. Non diffidat suum esse, cuius veraciter affirmat se esse. Nisi autem iusta occasione inuenta ad nos veneritis, satis de integritate amoris nostri diminuetis. Valete.

B iij

*Domino & patri suo carissimo Ioanni Episcopo S. Maclouij, Frater Petrus
humilis Abbas Cellensis quicquid est & potest.*

Miramur plurimum tanto nos tempore insalutatos à vestra paternitate quasi neglectos fuisse. Non credimus ex negligentia, sed fortè ex inuitabili occupationum vestrarum pondere sic oppressum fuisse. Clamamus tandem post vos. Volumus enim suscitare compassionem in vobis passionibus nostris. Neque enim superbè est ab amicis celandum forte subrepens infortunium, nec contumaciter aut inuerecundè petendum necessarium suffragium. Præcauendum vtrumque, sed maximè alterum. Vitiū vtrumque, sed alterum patienti grauius, alterum roganti ignobilius. Malum namque absconditum vrget acrius, indecenter prolatum nocet apertius. Exoritur aliud à nobilitate naturæ, aliud à necessitatis propagine. Semper enim natura suis est contenta limitibus: necessitas verò nullis reprimitur legibus. De ventre igitur necessitatis primogenita importunitas exorta, cum sit molestissima, quia manus eius contra omnes & manus omnium contra eam, amicorum nunquam fores cum tædio pulsare, nunquam aures debet aggrauare. Quamobrem propensata deliberatione apud meipsum decerno potiùs quantiscumque malorum confodi jaculis, quàm quæta carorum silentia interrumpere congestis clamoribus & lacrymis. Suggestere tamen eis, quorum fides certa, amicitia indubitata est, non reculo tam dolores nostros quàm necessitates, vt & satisfaciam propriæ conscientie propter compendiosam insinuationem, & non lædam amicum propter contemperatam inordinationem. Vtrumque siquidem suggerens operatur, & necessitatè non tacet, & amicitie leges retinet. Nam amicum vel non habet vel habere se non credit, qui fortunâ suam quamcūque dubitat aperire, aut instat tanquâ ab inuito aliquid extorquere. Amicus nempe tam omniū consiliorū dicitur esse conscius, quàm coadiutor in omnibus voluntarius. Nolo igitur aures vestras implere vastissimis querimoniis: quia stultum est verbis velle explicare, vbi videtur res fidem dictorum excedere. Hæc idcirco diximus, quia nobilis ^a beati Aigulfi Ecclesia cum omnibus appendiciis suis prorsus ita combusta est, vt nihil præter libros & sanctorum reliquias ab incendio seruetur. Præterea & domos quamplures in cineres redegit, vt sic appareat in oculis nostris tanquam gallina, depilata, nec pennas habens quibus pullos suos protegat, nec cibos quibus alat. Non aliquid aliud exigimus à vobis, nisi compassionem; orationem, & consilium. Necessè est autem qui non habet vbi caput reclinet, Aigulfum peregrinari apud amicos & vicinos, & rogare quod solebat rogatus & etiam non rogatus præbere. Si venerit ad partes vestras, suscipite illum, tanquam illum. Nostis enim quis sit, & quo honore dignus sit. Ad Episcopum Carnotensem super hoc scribite, & ad alios quibus visum fuerit. Valete.

^a B. AIGULFI ECCLESIA] Sub oppido Pruino in Senonum diœcesi, à Theobaldo

EPISTOLARVM LIB. I.

15

Tricassum Comite prouentibus aucta, & accitis à Cellensi cœnobio monachis addita sub annum Christi M. XLVIII. Hinc Prior S. Aigulsi lib. II. epist. XI. Hoc Prioratu fortuitis flammis deformato, missæ sunt pro illorum temporum more in varias oras S. Aigulsi reliquæ ad stipem pro Ecclesiæ restauratione corrogandam. ea enim est Aigulsi peregrinatio, quam designat iterum lib. IV. epist. V.

EPISTOLA XIX.

Domino & patri suo carissimo Ioanni Dei gratia Episcopo sancti Maclovi, frater Petrus humilis Abbas Cellensis quicquid est & potest.

Valeat Dominus meus? uiuit ne? Ut credo, aut est alteratus Episcopus S. Maclovi, aut alter à meo est substitutus. Si alter est, mirari, sed non dolere desino, tacuisse qui loqui non poterat. Nam surrexit nouus rex, qui non nouerat Joseph. Si alteratus, nollem tantam fuisse alterationem, quæ pene accedit usque ad alienationem. Alienum ab amico equidem est, posse dissimulare æquè & simulare. Non simulat amicus propter veritatem, non dissimulat, sed propter respirantem ardorem. Non simulat, quia sine adulatione: non dissimulat, quia efficacissimæ naturæ existens, sepulcrum reputat latibulum, & non apparere existimat non esse. Non simulat, quia nescit: non dissimulat, quia non potest. Hoc ignorat, illud non potest. Quid enim non nouit sapientia? quid non potest charitas? Quodcumque est, scire nouit sapientia: quodcumque est posse, potest charitas. Non est scire, scire adulari: non posse, posse obliuisci. O amice & domine carissime! Obluioni an negligentia vestrae obijciam quod abstinuitis tam à uisitatione, quàm à salutatione amicorum uestrorum ultra tempus & modum? Est ne obliuio? Si est, digna est morte, digna exilio, quæ diadema tulit de capite Episcopi, quæ de pectore rationale sustulit. Obluio delet & quod præcipuum est in honore, & quod fortissimum est in robore, id est, sapientiam & memoriam. Rea ergo crimine tantæ maiestatis capite plectatur, & non memoretur ultra. Negligentia quid? Non sit dissimilis in pœna, quæ præcessit in culpa. Talis etenim soboles tali de matre nascitur, ex negligentia scilicet obliuio. Doleo, pater, excessum memoriæ uestræ iam per biennium suspensæ, decessum quoque amicitia quadruiuanæ multo tempore quasi sepultæ. Nuncium saltem suæ salutis, si uiuit, mittere debuit amicitia, cuius naturæ est semper odisse absentiam & appetere amicorum præsentiam. Fortè occupata est; sed non est grata quæ semper est occupata. Mansio est, immo possessio, non occupatio, quæ iugiter retinet. Quis ergo ita præoccupauit, quinimmo possedit amicitiam, ne libertate, ne ingenuitate sua utens radios suos ad nos usque expanderet ab annis prioribus? Suntne montes interiacentes? Est ne mare interiacens? Est ne chaos magnum firmatum inter nos & vos, ut hi qui volunt hinc transire non possint, neque inde huc transmeare? Sed charitas omnem altitudinem exuperat, sed aquæ multæ non possunt extinguere charitatem: sed non est qui se abscondat à calore eius, sed attingit usque ad finem fortiter, & disponit omnia suauiter. In Episcopo nostro, immo sancto & Dei famulo quis te, ô dilectio, debilitauit? quis obumbravit? quis

hebetavit? quis commutavit? In aliis quidem non ignoro superueniente iniquitate virtutem tuam debilitari, obliuione lucem tuam obumbrari, negligentiam acumen tuum hebetari, totam substantiam posse odio commutari. Sed in sancto quæ iniquitas? in studioso quæ obliuio? in viro forti quæ negligentia? in pleno charitate quod odium? Si quando enim tepescit, si quando flaccescit, si quando hebescit in sancto charitas, ea quæ extrinsecus sunt accusanda, non quæ intrinsecus. Obstant enim opposita mentiuntur veritatem superpositæ lucis, caloris & aciei. Oppone gladio ancipiti durissimum ferrum vel lapidem, retrocedit vis impenetrabilis. Mutum spissum oppone igni, tardius calefacit. Candelæ accensæ suppone modium, in luce non gaudebit. Non est proinde putandum non lucere candelam, non ardere ignem, non secare gladium, sed contrariis obstaculis imputandum. Sic sanctorum virtutes à radice sua non euanescent, sed plerumque propter sabbatum Judæorum conticescunt. Aromata enim sua interim & in secreto distillant & repensant, ut cum dies opportunitatis illuxerit diluculo in effectum desiderati operis prorumpant. Equè tamen repensatur & desiderium ardens in otij quiete, & opus feruens in actione. Acceptat namque Deus opus propter affectum, non affectum propter opus. Magnus, immo longus nobis est iste dies sabbati, cuius ferias non feriales vel solennes, sed ferales & olentes reputamus. Negligentia siquidem male olet, diligentia semper bene redolet. Iners Iudaizantium pigritia non diligit sabbatum quia sanctum, sed quia otiosum. *Iesus verò stabat in die magno festiuitatis & clamabat, Si quis sitit, veniat ad me & bibat.* Verè magnus est dies festiuitatis. Magnum habet clamorem caritas vestra, iam iam loquatur, immo veniat, immo & accurrat. Desiderat vos anima mea: desiderant vos amici vestri. Ostendite faciem vestram, sonet vox in auribus. Episcopos diuites multos habemus, pauperem Episcopum quærimus, qui non habeat ubi caput reclinet. Adhuc penes nos reclinatorium non aureum, sed luteum, in quo piquando quieuitis, habemus. Et de his hætenus.

Ioan.
vii. 37.

EPISTOLA XX.

Domino suo & patri carissimo Ioanni Episcopo sancti Maclovij, frater Petrus Cellensis qualiscumque minister salutem quæ est in Christo Iesu.

SPes quæ differtur affligit animam. Verus amor in patientia sui desiderij quandoque non irascitur commendabiliter superari. Nihil enim pene aliud est in vita hominum, quod quadam arte mitigari non possit. Spes itaque aduentus vestri nuntiati quantò vberius amicum lætificauit, tantò amplius ex mora dilationis hætenus affligit. Æstuat siquidem animus in reuolutione fortuitorum casuum, nunc hoc, nunc illud reformidans contrarium subitò accidisse. Quid plura? Cogitatio præterit, & cogitatio aduenit: morarum verò dubitatio nec ad punctum animo recedit. Alia inquit, iam iam venit; alia, fortè non valet. Ista incommoda temporis replicat, illa intolerabile negotiorum pondus anxia suspirat. Ecce quanta caligo,

EPISTOLARVM LIB. I.

17

caligo, quanta suspitionum tumultuatio. Vbi veritas? cuiusnam supradictarum cogitationum verior sententia? An forsā error est, vbi latet quod verum est, & non sententia? Sed adhuc sub iudice lis est. Ex multis enim ambiguitatibus, aut vix, aut nunquam certum aliquid sine doctoris demonstratione elicitur. Renunciate ergo amicis diuinæ circa vos miserationis operam; vt omnimodè soluto dubitationis vinculo, indubitanter aut viam sinistram compassionis, aut dexteram apprehendamus congratulationis. Satis enim iniuriōse deturpatur nobilis animus, si se non præparat mutuis obuiare beneficiis saltem æquis passibus. Turpe etiam æstimo, non omnimodo cauere superari beneficio. Vnicum quid & singulare natura, siue creator naturæ, tanquam speciale priuilegium imagini suæ hoc impressit, quatinus commodius & præstantius haberet stricta æquitatis ratione dare quàm accipere. Hanc vobis formam nec rubigo exilij, nec paupertatis tinea excussit. Ex hac prodiit, quodd magna pro paruis, pro vilibus cariora magnificè rependistis: quinimmo solenne donum absque præcedentis comparatione obsequij misistis. Species quidem doni carius æstimanda: sed affectio donatoris potiùs incomparabiliter est compensanda. Quicquid namque aliud datur, in comparatione sublimis animi vilipenditur. Valete.

EPISTOLA XXI.

*Domino & patri suo carissimo * Theobaldo Parisiensi Episcopo frater Petrus Cellensis humillimus salutem.*

QVi tranſuadari non poteſt fluuius occuſantium cauſarum, tam ab executione mandati veſtri me inhiſet, quàm ab impletione deſiderij noſtri. Sermones enim de aduentu Redemptoris vt componerem vobis, id mandato acceperam: ſed malitiæ ſollicitudinis ſuæ etiam raritatem lucis dies præſens adijunxit. Breues enim ſunt dies iſti ad lucendum, grandes & graues ad occupandum: ita vt non ſufficiat diei malitia ſua. Nouit prudentia veſtra, non concurrere quietem contemplationis & diſtentionem mentis per occupationes ſæculi. Coanguſtatum eſt pallium, vtrumque operire, immo vtrumque operari non valet. Quamuis enim in fronte duos quis habeat oculos, tamen ab vno eos officio diſiungere non valet, vt altero cælum, altero contueatur terram: quantominus vnā rationis & ingenij aciem ſimul ad tam diuerſa porrigere poterit, vt eadem mente cæleſtium myſterialiter & terrenorum cauſas diſcutiat? Sic domine, ſic pater cariſſime, ſaltem niſi clauſero, ne dicam ſi eruerò oculum, qui me ſcandalizat (ſcandalum enim eſt mundus quærentibus Dominum) reuelata facie gloriam Domini, ſiue faciem Moyſi ſplendidam non contemplanor. Quale verò aut quàm credibile eſt ejus teſtimonium, qui nec viſa, nec audita loquitur? immo reſellendus & repellendus tanquam ſomnia narrans, qui cæcus & manu temptans ſicut talpa, non de ſcripturarum contemplatione afferit quæ dicit, ſed idola cogitationum & phantaſmatum ſuorum in templo Dei audet ſtatuerè. *Non eſt, inquit propheta, idolum*

Num.
xxiii.
21.

C

in Israël; quia qui in lege Domini die ac nocte meditatur, & legis vestigia stricto pede obseruat, non diuinationes cordis, sed mentem legis quando scribit interpretatur. Hæc ad excusandam non meam inertiam, sed oppressam miseriam prælibaverim. De his quæ circa me sunt credere Magistro debetis. Ipse verò narrabit de commotione iræ Comitum, quam nobis suscitauit latro ille potius Barrabas quàm Abbas, siue de aliis. Tres sermones de aduentu Domini, & vnum de natiuitate orditus sum vobis. Valere.

^a THEOBALDO EPIS. PARIENI] Qui Prior antea S. Martini, ordinis Cluniacensis. Huic sermones Petrus noster componebat quomodo Saluianus Presbyter homilias Episcopis multas fecisse dicitur à Gennadio.

EPISTOLA. XXII.

Domino & patri suo carissimo a Alano Autiosiodorensi Episcopo frater Petrus indignus Abbas Cellensis salutem.

Verum est quia caro & sanguis regnum Dei non possidebunt. Scio, nec de ignorantia excusor. Ambigo tamē, virtus pietatis in vna eadēque causa cum affectu carnis concurrens, vtrum æquē ponderet vel præponderet ad meritum. Sine merito namque est sola carnis affectio, aliquando tamen cum exuberat, oneratur merito, sed vtiq̃ue malo. Sequax denique cum fuerit pietatis, honoratur merito, sed bono. Vbi autem præuia, tunc in ambiguum replicatur sententia. Semitas cordis mei ad plenum inuestigare obstante varietatum caligine nequeo, quantominus apprehendere? Sic adstans turba phantasmatum cordis mei audit in interioribus, sic refert foris sensibus rem vt est exquirentibus. Adquid hæc quasi parabola, vel potius ænigma? vt his qui foris sunt, & de his quæ intus sunt iudicant, satisfaciam: neptis nostræ causam non affectu solo carnis me fouere, sed in spiritu veræ pietatis & iustitiæ. Absit à sensu meo, immo à vestro, propter carnalem supradictæ neptis copulam, meam æternis condemnare ignibus animam. Quod procul dubio facerem, si matrimonium illegitimum defenderem. O Domine, & semper pater, quando autem volueritis, amice carissime, quā ascendit spiritus ille infidelitatis ad sanctam animæ religiosæ sedem, vt fidem duobus inhonestissimæ vitæ & famæ haberetis, & de amici expressa vobis veritate hæsitaretis? quæ spes amicitia in me potuit subsistere, cum mihi non crederetis, & contra me testes falsissimos reciperetis? Planè contra veritatem, quam retinere me iam in aure persuaseram, eorum recepistis verbum, certè qui pro vino venderent iustum, & pro buccella venderent si haberent primogenita? Sic læsistis amicum? Sed dicitis, Non est amicus, qui obstitit in via veritatis. Planè, inquam; ita est vt dicitis. Sed vbi est veritas? In numero? Plures enim fuerunt. In ebriosis & impudicis? Tales siquidem sunt in conductis gratiâ, pretio, & timore. Ita esse, & si modò non affirmo, saltem præsumptione maxima in hoc credere attrahor. Pessimus inimicus & aduersarius est nepti & marito eius auunculus, qui equitaturis suis & sumptibus fortè illum deduxit. Archiepiscopus Abbati, vt Canonicos mitteret scripsit: rebelles & ino-

bedientes serò præcedenti Abbati ad tempus reconciliauit, donec fieret iniquitas. Est ne hîc veritas, vel saltem species veritatis? Fitne tædiosa vobis hæc nostra relatio? Certè vt saluo gratiæ vestræ residuo dicam, tædio-
sius in sententiam processistis. Dilationem cur negastis? Quæ lex, quis canon hoc docuit, vt vel vna dilatio in hoc articulo negaretur? Ne dica-
tis, quòd eam habuerim: quia ante à vobis nec petij, nec impetraui. Pro-
lati namque in iudicio vestro, ita vt supputatio matrimonij fieret, nun-
quam fuerant. Excessistis, domine, excessistis. Presumptuosus nimirum
in hoc videor, quòd sic ad vnguem Episcopum Abbas, dominum seruus
de viis suis redarguere, immo ab eo ei illatas injurias referre præsumo.
Non facerem hoc, nisi auroram resurgentis amicitia per concessam & re-
cognitam in literis vestris culpam aspicerem. Nunquam petenti venia de-
neganda, nunquam pœnitenti culpa imputanda. Satis est. Mittite gla-
dium in vaginam. Valete.

^a ALANO AVTISIOD. EPISCOP. J Flandro Insulensi, ordinis item Cisterciensis. Hic
Aripatorij antea monasterij primus Abbas fuerat in agro Tricassino. Inde ad Cache-
dram Autisiodorensis prouectus cum fuisset, post aliquot annos sponte abdicauit, &
ad claustrum rediit Clareuallense, vbi situs est.

EPISTOLA XXIII.

*Domino & patri suo carissimo a Eskilo Lundensi Archiepiscopo frater Petrus
Cellensis Abbas omne bonum à domino Deo.*

DE superabundanti bonorum celestium gratia catenus tam vultus
quàm manus vestræ refudant, vt nisi verecundia his temporibus ab
humana regione se subduxisset, suffunderentur maximo rubore noti & ami-
ci vestri in benedictionum vestrarum largitione. Equidem malim dicere
in dando vos pluere quàm seminare. Nam qui seminat primùm in spe per-
cipiendi fructus seminat, deinde non fundit, sed spargit. Postremò non
nisi cultæ terre semen suum credit. Horum nihil imitatur pluuia: sed sei-
psam vt sic dicam perdit in terræ visceribus, vt postea resurgens cum ma-
xima frugum prole afferat fructum tricesimum, sexagesimum, & cente-
simum. Aliud rursum charitatis indicium in pluuia reperio: quia sine de-
lectu rigat fecunda & infœcunda, fertilem agrum & sterilem, granum ele-
ctum & germen reprobum. Est ne virtutis, an vitij, hæc bonitatis & be-
neficiorum prodigalitas? Sed hoc Dei, nec aliud in eo inuenitur vitium,
nisi, quòd benignus ad ingratum, largus ad auarum, pius ad impium exi-
stit. Ista sua vitia comparant mansuetissimo innumera conuicia. Aliquan-
do moti sunt pedes nostri mitissimi David, quia eruperat pluuia mansue-
tissimi Dei super malos & iniustos, ita vt diceret, *sine causa iustificauit cor* Psal.
meum, & laui inter innocentes manus meas. Exciderat à mente quod in li-
bro Sapientiæ dicitur. *Tu autem Deus noster suavis & verus es & sapiens,* 1.
patiens & in misericordia disponens omnia. Etenim si peccauerimus, tui sumus, Sap. xv.
scientes magnitudinem tuam. Et si non peccauerimus, scimus quoniam apud
te sumus computati. Ecce cuius imitator reprehenditur, qui de bonitate,
siue largitate redarguitur. An non Ecclesiastes in concione sua proprio
Ecclef. vi.

decreto & sententia, hoc malum æstimat sub sole, ut cui dedit Deus diuitias & substantiam & honorem, non habeat in eis potestatem, sed extraneus illas rapiat? Ad quid hæc vobis verborum congeries? Ut ignis perpetuus de sancto altari cordis vestri non deficiat: sed hac congerie magis ac magis conualescat, donec holocaustum vestrum pingue in nebula, in qua habitat Deus suscipiatur, & à cineribus omnium superfluitatum facies altaris eiusdem expietur. Ostiolum per quod aditus ad sancta sanctorum patet, de lignis est oliuarum; quia proculdubio iuxta sacræ fidei tenorem non ei negabitur sanctorum ingressus, qui ab operibus misericordiæ non fuerit alienus. Suppresso pudore in auribus domini mei id persuaferim, non mea tamen præsumptione, sed alterius persuasione. Nequaquam tamen difficilis ad persuadendum extiti, faciei vestræ, sermonis, & totius gestus insignia penes me retinens: nec me in humilitate similem reperisse de filiis hominum conjiciens. Non igitur ei scribere vereor, quem nisi malis & superbis verendum non reor. Et de his hæcenus. Ceterum culpari non debet seruus de contemptu mandati, cuius mens & voluntas nulla negligentia reuocatur ab impletione voluntatis domini. Ex vestra dignatione in mandato ab anno præterito accepi, quatenus Carthusienses fratres expeterem, & de maturando negotio vestro eos commonefacere. Erat autem negotium, sicut scitis, quatinus ad vos mitteretur frater Rogerius, ad locum ordini illorum in partibus vestris perquirendum & præparandum. Disposuerat namque in animo vestro plena & perfecta charitatis effusio, noua seminaria de omni genere sacrorum ordinum seminare prouinciam vobis à Deo commissam, ut exinde fructus, qui permanent in æternum, susciperetis; & manipulos iustitiæ de laboribus eorum ad æterna tabernacula reportaretis. Jam non solum in herbam, sed in spicas Cisterciensis siue Clareuallis ordo ibi multiplicatione fratrum excreuit: nihilominus & religio Præmonstratensis. Quia igitur gustauit & vidit prudentia vestra, quod bona sit negotiatio ista, ad vltiora manum porrexistis, & de illo ordine, qui quasi Cherubin, siue Seraphin, immediate residenti agno, qui habet oculos septem & cornua septem, in throno gratiæ accedunt, gazas vestras exornare voluistis. Ecce factum est ut imperastis. Adquieuit sanctus Carthusiensium fratrum conuentus iustis petitionibus vestris. Equidem res impetratu difficilis, sed quis vobis negaret, quod fortè Spiritus Sanctus in sancto templo suo suggerebat? Certè nec illi, nec nos dissidimus, seruum suum fidelissimum & amicum Domini vos possidere, cuius famam & opera tam præclarissima reclamat mundus. Quod cœpistis tam sanctè, tam auidè, tamque quodammodo intemperanter præ desiderio animæ, sic effectui mancipate, ut melior sit finis orationis, quam principium. Valete.

^a ESKILO LVNDENSI ARCHIEP.] Esquilus dicitur lib. viii. epist. xx. sed Eskilium etiam legimus in epistola Bernardi ad eundem scripta numero cccxv. Hic cum ex Vrbe in Daniam rediret, captus spoliatusque fuit in Germania. Quæ res dum iniuriam missis ad Fridericum Imp. legatis, acrius persequitur Hadrianus iv. Pontifex, cui Eskilius priuato etiam nomine carus erat, exacerbatis hinc inde animis, ansam præbuit

EPISTOLARVM LIB. I.

21

schismati quod inter eos erupit, vt docet Radeuicus lib. 1. de gestis Friderici cap. viii. & sequentibus. Sed apud Radeuicum *Londonensis* vitiose scriptum est, scediùs etiam apud Innocentium iiii. epistola cccxxi. *Lugdunensis* pro *Lundenfis*. Est autem Lundenfis ciuitas Daniæ Metropolis.

EPISTOLA XXIV.

Domino & patri suo carissimo a Henrico Dei gratia Episcopo Beluacensi, Frater Petrus Cellensis Abbas salutem.

PLus satis egena est beneficiorum recordatio, cuius titulus non inscribitur saltem verbotenus gratiarum actio. Proinde stylo ferreo in vngue adamantino profundæ memoriæ mandauit manipulos liberalitatis vestræ, vt nulla capitis vertigine vacillare, nullo temporalis reuolutionis dilunio absorberi, nulla denique obliuionis rubigine valeant obfascari. Clarum, nouum, & recens penes me retineo semper beneficium acceptum. Quo animo gratus cum acciperem ferebar in dati & dantis deuotionem, eo in illa senescentis gloriæ defæcatione mutato, robustius præparor ad obsequium, veriùs eliquesco in amorem benefactoris totum animi balsamum. Superaccescit dono vestro vultus hilari, animus gratus, modus honestus. Et manus quidem larga in beneficium totam se expandit, sed voluntas in circumstantiis doni se supermensurauit. Quid enim fuit conuocare dioecesaneos Abbates & Priores? Quid iterum indicij amoris expresse tam benigna personæ & negotij nostri commendatio? Quis non est admiratus tam despectam personam à fratre regis sic honorari? ab Episcopo Beluacensi sic amplecti? à tanto homine tantillum monachum sic nominari? Non sustinui quæ de me supra efferebantur, præ ruboris verecundia: immo pro veritatis conscientia, quæ admonebat me non esse illum de quo talia dicebantur, fugi, recessi, sed non longè, quia maiora pati cogebar instanti necessitate. Necessitate reuera pallium erubescentiæ reieci, cum amicorum fores vt acciperem intraui. Certè accepi à multis multa, sed à nullo tanta, quanta à domino meo. Vicit notos, vicit alios amicos, vicit omnes vicinos & summa doni, & modus donandi. Non sum locutus, sed quia veni, optimè recessi locatus. Non enim beneficium rogando, sed veniendo consecutus sum. Præuenit spondens lingua rogantis linguam. Pepercit regia nobilitas teneritudini frontis citò se in ruborem verecundiæ conspergentis. Hæc omnia beneficia tua, domine, signata sunt in thesauris meis. Quid ergo retribuam domino meo pro omnibus his quæ mihi tribuit? meipsum sine dubio, non contra legem me liberum in seruitutem distrahendo, sed seruum amicitie tuæ in libertatem vendicando. Potius enim libertate ista gaudeo, si seruus tuus sum munere amicali, quàm libertate qua sum alienus ab officio seruiendi tibi. Valete.

^a HENRICO EPISC. BELVAC.] Fratri regis, de quo dictum epist. xv. monachus fuerat Clareuallensis. Monacho itaque, nondum Episcopo, scribit Nicolaus Clarevall. Epist. i. & xxxix. Inde verò ad cathedram Bellouacensem pronectus est anno, vt Sibrii supplementum notat, m. c. xlix. Extrat Henrici ipsius ad Petrum Cluniacensem expostulatoria, in qua de eo tanquam huius dignitatis conciliatore conqueritur.

C. iij

EPISTOLA XXV.

*Domino & patri carissimo a Balduino Dei gratia Nouiomenſi Episcopo,
Frater Petrus Abbas Cellensis non auferre ſal ſœderis
Dei ſui ab omni ſacrificio.*

Pal.
xciii.
3.

Scriptum eſt, honor regis iudicium diligit. Angeli autem Dei in cœlo ſicut ſunt miniſtri diuinæ voluntatis, ut fiat ſicut in cœlo & in terra, ſic æquiſſimi moderators ſunt diuini honoris, vt vtrumque pedem regis ſui, miſericordiæ ſcilicet & iuſtitie, ſic veſtiant cum digno honore, ne altero neglecto vocetur palatium domus diſcalciati. Iam pene in terra noſtra conqueritur iuſtitia aduerſus miſericordiam, dum agrum iuſtitie nemo velit excolere, neque pondus diei & æſtus pro conuentione denarii diurni portare. Confluunt autem glomeratim viri diuitiarum & deliciarum ad amœna prata miſericordiæ, & non verè, abſcondentes manum ſub aſcella, & folia ficus ſuæ turpitudini conſuentes, & conſulentes, dicentefque, pax, pax, & non eſt pax. Hæc domine & pater cariſſime, non ex ſupercilio Phariſæorum, ſed ſuauitate litterarum veſtrarum dulciter commonitus reſcripſerim vobis. Valet.

^a BALDVINO NOVIOM. EPISC. Duo huius nominis Eccleſiam Nouiomenſem ordine rexerunt. Prior Simoni Episcopo ſucceſſit anno, vt idem Sigeberti continuator obſeruat, M. c. XLVIII. Abbas antea Caſtellionis, vir religioſus & honeſtæ vitæ, vt teſtatur cleri Nouiomenſis litteræ de eius electione ad Sugerium Abbatem ſcriptæ. Alter ſucceſſorem habuit Rainoldum, qui Synodo Lateranenſi interfuit anno M. c. LXXIX. Ad priorem opinor hoc loco ſcribit Petrus? item Bernardus epiſt. CCCXXXIX.

EPISTOLA XXVI.

Domino & patri carissimo Henrico Dei gratia Beluacenſi Episcopo Frater Petrus Cellensis Abbas zelo zelari pro domo Dei Iſraël

Hactenus in palæſtra prælium ignaue vires non depoſcebat egregias. Satis fidum erat equitare ſine lorica, ſine lancea, ſine gladio. Sed nunc qui habet gladium tollat ſimiliter & loricam. Ecce tempus, ecce dies, ecce cauſa, vbi fortiffimi Iſraël gladio accingi debent ſuper femur potentiſſimè. Nam ecce Philiftiim, qui ſecundum carnem in baculo arundineo ambulant, de foueis occultæ malignitatis erumpentes, caſtra innumerabilia, caſtra fortia, caſtra fulgurantia poſuerunt. Oſtauianus princeps eſt militia, ne dicam malitiæ huius: qui ſine Deo, vt dicitur, pro Deo vult regnare. Ecce ipſe non velum templi, ſed tunicam Chriſti, non ſaccum mortalitatis, ſed foccum maiestatis in Chriſto & Eccleſia iterum reſcindere nititur. Hoc abominabilius reputat vnitas Catholicæ fidei, quàm perfoſſionem lateris, pedum confixionem & manuum Chriſti. De perfoſſione namque redemptio, de confixione comparata eſt noſtra liberatio. Sed quid de ſciſſione, de diuiſione, de ſchiſmate, niſi anathematis vibratio, animarum damnatio, morum deprauatio? Ecce aqua contradictionis, vbi iurgati ſunt filij Iſraël. Tu verò, domine mi, quid? Sta cum Ioſue, immo cum Ieſu

EPISTOLARVM LIB. I.

23

euaginato gladio, dic omni transeunti, *Noster es, an aduersarium?* Habes Alexandrum, immo Petrum, aut potius Christum, qui habet ministros Petrum, & Alexandrum. Quis timere poterit cum Alexandro potentissimo? quis vacillare cum Petro supra petram fundato? quis non superabit cum Christo, cui data est omnis potestas in caelo & in terra? Noui in te regiam animositatem, noui contra inflexam iniustitiam inflexibilem ceruicem: noui ardorem zeli. Age ergo pro dignitate officii, pro sublimitate natiui sanguinis, pro religione ordinis, pro debito Christianæ professionis, quod debes & potes. Multum enim debes: nihilominus & plurimum potes. Satis dictum est sapienti. Sanum & incolumem te custodiat manus dexteræ Dei. Vale.

10f. 5.
13.

[OCTAVIANUS] Nomen adiectum ex coniectura. Nam in scripto exemplari, quo vti sumus, vacuum erat spatium. Neque enim de alio intelligi hæc possunt, quam de Octauiano Antipapa, qui aduersus Alexandrum III. stetit, & Victor appellatus est. Saresberienfis epist. XLVIII. *Ecclesia Gallicana recepit Alexandrum, ab Octauiano recessit.* Huic quidem post quatuor annos mortuo successus à schismaticis est Vido Cremenfis, quem Paschalem nominarunt. Sed Henricus eo tempore Archiepiscopus Remensis iam erat, non Bellouacensis. Quare in V idonem ista non quadrant.

EPISTOLA XXVII.


Domino & amico suo carissimo Thomæ Cancellario Regis Angliæ Frater Petrus humilis Abbas Cellensis se & sua.

Quem fortuna non extollit prospera, magis pro humilitate quam pro sublimitate est admirandus. Gloria in vobis cum prosperitate, ut accepi ab his qui viderunt & nouerunt, ambiciosius quam contentiosius contendit: nec confundit aliquando superata, nec vnquam insolescit de victoria. Cedit gloria prosperitati, sed gloriosè, sed prosperè. Quælibet obtineat, humilitatem seu moderationem non amputat. Gloria accedit, sed non superba: prosperitas venit, sed non effusa. Inde est quod de nube tantæ sublimitatis ad latibulum nostræ paupertatis misistis, quia venire non potuistis. Rogastis de familiaritate & amicitia. Quod rogastis, si admitteretis, admirationi procul dubio habendum esset, pro inæquali rogantis & rogati fortuna. Quæ enim proportionalitatis habitudo inter Abbatem Cellensem & Cancellarium Regis Angliæ? Pene non est comparatio, ubi non est existimationis adaptatio. Secundum post regem in quatuor regnis quis te ignorat? Primum in miseriis fratrum nostrorum quis me non reputat? Dicam de compendio, quia quantum de vobis excellentiora, tanto de me sentio & scio viliora. Nullo igitur modo ad ingressum amicitiae manum porrigo: sed si vel de grege accidentalium amicorum fuero, bene mecum fecisse dignationem vestram æstimabo. Primitias autem illas non mitto, quia ampliorem gratiam facere propero. Non habebam sermones illos magistri G. sed quero, & statim scriptorem cum omni instantia huic operi ad opus vestrum designo. Valere.

[THOMAS CANCELLARIUS] Cancellarius ab Henrico Rege creatus est anno, ut Rogerus Houedinus scribit, M. C. LVII. quinto post anno, Archiepiscopus Cantuariensis.

^b IN QUATVOR REGNIS] Regna dicere videtur quatuor Prouincias quibus Reges Angliæ tunc imperabant, Angliam, Normanniam, Aquitaniam, & Andegauiam, quarum titulis insigniri solebant. In litteris Thomæ ipsius apud Rogerum eundem: *Henrico Dei gratia illustri Anglorum Regi, Duci Normannorum, & Aquitanorum, & Comiti Andegauorum.* In aliis Vvillelmi Regis Siciliæ: *Henrico Dei gratia illustri Anglorum Regi, Duci Normannia, & Aquitania, & Comiti Andegania, Vvillelmus eadem gratia Rex Sicilia, Ducatus Apulia, Principatus Capua.* Ita enim & Reges Siciliæ trium quoque Prouinciarum sese reges appellabant, tamen Sicilia sola Regnum esset.

^c SERMONES ILLOS MAG. G.] Gilleberti, opinor, vniuersalis, de quo lib. VII. ad epistolam XIX.



LIBER SECVNDVS.

EPISTOLA I.

Domino & patri suo carissimo Petro Dei gratia venerabili Cluniacensium Abbati, Frater Petrus humilis Cellensis Abbas seipsum.



Gniculum scintillantis in me spiritus vestri cineres nostri tenaciter euaporant, & carbones Seraphin nunquam extinguendos assidua meditatione renouant. Tetigistis, fateor, in me non labia oris, sed venas cordis. Aculeus siquidem colloctionis inter nos habitæ, nostras interiores medullas perforauit, ac in consideratione sui omnia animæ interiora coëgit. Reuera sermo ille efficax fuit ad torpentis animæ excitationem, ad vitæ huius momentaneæ inspectionem, ad regularis professionis obseruationem, ad angelicæ puritatis æmulationem, ad summæ & ineffabilis Trinitatis expeditam contemplationem. Viuus, quia de vera vita: purus, quia de puritate summa: verus, quia de veritate æterna. Non parcat malis: sed placeat bonis: remordet vitia, virtutes suadet. Adducit in lucem obscura: tanquam speculum perlucidum vultus prospicientium renuntiat. Fateor, in huius contuitu rugas meas inspexi, & quod in interiori homine pulcrum prius æstimaueram, deforme reperi. In lucerna ista accensa domum euerri, & in peculio multo minus quàm computaueram accepi. Marcidum inueni quod floridum credidi. Et quid plura? Fœtores niduli mei vix fero, quia ibi reptilia, quorum non est numerus, aspicio. Vrticarum ibi punctiones, spinarum compunctiones, veprium complicationes, & tam paliuri sollicitudinum, quàm cardui affectionum non parentes exustiones. Quid namque peccatum, quid pœna peccati, nisi stimuli mortis animam cruentantes, lacerantes, & dilaniantes? Misera miseris suis depascitur anima, *Mors*, inquit Psalmista, *depascet eos.* Vnde Esaias. *Dilatauit, inquit, infernus animam suam absque vlllo termino, quia non habuit populus scientiam.* Nimium, nimiumque certè se infernus dilatat, cum etiam quosdam in corpore viuentes gehennalibus conscientis iam iam excruciat. Sed
vsque

Psal.
XLVIII.
I 4.
Esa. V.
I 4.

vsque ad ostium, ceu hostiam crucis, & non vltra, cruciatus isti pertinent. Cetus namque iste, qui etiam Ionam deuorat, omnia rapit, vniuersa deuastat: in gutture & ventre malitiæ suæ quicquid extra arcam inuenit includit. At quàm felicius & quàm iocundius anima capientem se caperet, deuorantem se absorberet, persequentem se triumpharet? Draco enim sic illuderetur, sic denique mors interficeretur, sic anima liberaretur. Vtinam sic se vindicaret anima de aduersario suo, immo vtinam infernales sic absorberet in præsentis miseras, vt nullas in crastinum futuri iudicii dimitteret pœnarum reliquias! Vtinam, inquam, reliquias saluationis, quæ diem festum agent, potiùs expectaret anima mea, quàm reliquias facis, quæ subsidunt in calice, qui est in manu domini vini meri plenus mixto! Reliquias prandiorum tuorum, domine Iesu, suspiro. Venter meus absque spiraculo en totum se expandit, & de micis siue reliquijs tuis repleti appetit. Quæro etiam vinum, quæro & vestimentum. Opto quoque à sanguine peccati, sanguine tuo mundari; opto lineis tuis, Iesu, vestiri, quibus in sacris visceribus virgineis insignitus, ad offerendas preces & munera pro nobis processisti. Hanc sacrosanctam in sancto cœnæ conuiuio exuisti, in cruce conscidisti, in resurrectione innouatam resumpisti, in ascensione vultibus paternis in propitiationem nostram repræsentasti. Laua me à sordibus, sana à doloribus, mundator filiorum Leui, reparator filiorum Dei. Quod si manum iam glorificatam clementissimè ad tam vlcerosa officia inclinare, propter defluentes ægroti assiduas rheumatizationes refugis: habes aliam inferiorem manum, sed bene doctam, sed satis gratiosam, sed similem nobis passibilem, cui si dederis, immo si iusseris, facile curationes animarum nobis propinabit. Cluniacensem tuum loquor, cui dedisti in corde sapientiam, in ore facundiam, in sermone gratiam, in vultu auctoritatem, in operatione virtutem, in intellectu subtilitatem. Dedisti ei & licentiam, vt secundum cor tuum operetur, & laborantium officinas ingressus, manibus tuis confectam medicinam pro cuiusque valetudine dispenset fideliter, & nummum gratiæ pro gratia operæ dispensationis reportet. Grauaris quidem, domine carissime & pater, in hac administratione tantæ multitudinis, tam spatiosis decursibus, vt modò ad cœlorum fines curribus igneis amore auido contendas: modò ad terræ inferiora & partes vltimas sollicitudine populi proni in culturam vituli comedentis fœnum resiliat: modò tam procul, modò tam prope, modò supra nubes, modò iuxta Goel etiam infra ciues, modò supra spiritum, modò infra te ipsum cogaris te leuare & deponere. Laboras si non amas: laboras, sed si fructum non videas: laboras, sed si finem non speras: laboras, sed si retributionem non consideras. Et de fine quidem scriptum est, *quia ecce finis venit, venit finis*. Denique appensum est in statera laboris tempus, & inuentum est minus habens, quàm retributionis denarius. Non in dies & annos producit labor, quia in modico, & in breui fiet laborum retributio. Iterum de fructu videndum est, quia fructus tuus, fructus sublimis est, fructus lucis, fructus benedictionum domini, fructus innumerabilis. Dinumera stellas cœli, dinumera arenam maris, & dinumerare

Ezech.
vii. 2.

D

poteris fructum horti domini, scilicet Ecclesiæ Cluniacensis. Quid dicam de dilectione? An non amas, pater amantissime, dilectum ex dilecto vulneratum charitate in ligno? Noui, noui ego, nouit & Angelus tuus dilectionem tuam, flammescens in Deum fortiter, recalescentem in proximum non mediocriter. Denique pius & largus remunerator non solum operum, sed & affectionum, ante faciem tuam Christus Iesus accinctus plena manu præcurrit, in latere claro vultu concurret, & post tergum extenso brachio succurrit. Præcurrit ut præuius, concurret ut socius, succurrit ut medicus. Præcurrit ut imiteris, concurret ne lassaris, succurrit ne labores. Præcurrit prædestinatione, concurret vocatione, succurrit iustificatione. Iacob in utero matris præuius habuit, cum non ex operibus, sed ex vocante dictum est, *Iacob dilexi, Esau autem odio habui*. Angelica quoque natura in confirmatione suæ stabilitatis concurrentem gratiam habuit. Saulo in languore suæ infidelitatis nonne gratia de cælo succurrit? Post hunc currens non deficiet: cum isto vadens ad omnia sufficiens: huic toto totus innixus omnia te posse non desperes. *Omnia*, inquit Apostolus, *possum in eo qui me confortat*. Pennis quidem paternæ, necnon & maternæ generationis reuolat iste filius Dei, & præuolat ad sinus paternos: sed tamen gressum retardat, sustinens lassos. Itineris quoque duriora & asperiora sibi non ignarus, sed benignus secernit. Non enim est dolor, sicut dolor eius, & nobis planiores semitas, lapides de via tollens, proponit. Vnde ait: *Pacem meam do vobis, pacem relinquo vobis*. Quasi guerræ vestræ & debiti pœnalis discrimina persolui, & pacis integræ remedia indulsi. Partem, iuquam, suam meliorem, non molliorem fecit, quia simul molliorem & meliorem in mundo, ubi pressuram promittit, neminem posse habere docuit. Volo quidem ego meliorem, sed ex gratia: eligo sæpè molliorem, sed ex humanitatis natura. Non sic verò, non sic legit Deus. Diuisit enim aliter. Scorsum, sed sursum posuit meliorem. Homines autem tanquam molliores, infirmiores, ceu inferiores, adhuc limum plasmationis præ oculis habentes, molliora & dulciora, non meliora & duriora appetunt. Optio- ni siquidem nostræ relinquitur, utrum accipiamus meliora, sed duriora; an molliora, sed deteriora. Video autem humanitatem meam frequenter & diu in hoc discrimine vacillare. Modò enim tentat & atrectat durum propositum, quia melius; modò relabitur ad molle, quia delectabilius. In istius contractu placet emptio, sed displicet conditio: in alterius contractu facilis conditio, sed vilis emptio. O anceps, ô dubia negotiatio! Superflua carnis equidem delectatio non vsquequaque est omni homini odiosa, sed multum quæsita, multum appetita, multumque à multis amplexata. Sed quousque? Modica est, transitoria est, etiam cum esse videtur, non est. Si ipsam consumit, seipsam destruit, in se crudeliter sæuit. Acerbius tamen damnum quod naturam lædit, quàm quòd seipsam interimit. Intrat huiusmodi delectatio, & natura fugit. Rerum omnium domina ancillam istam velut pestem refugit, velut mortem euitat, velut infernum cauet Nunquam enim aut rarò in vna sede morantur, vix aut nunquam operantur. Semper namque alia est operatio necessitatis, quæ & naturæ, alia superflua de-

Rom.

ix. 13.

Philip.

iv. 13.

Ioan.

xiv. 27.

lectationis. Verbi gratia, cum sepelitur aliquis vino, cibo vsque ad nau-
 seam ingurgitatur, eneruatur luxuriâ, nonne hinc luget natura? nonne
 aërorat? nonne grauitur laborat? Citiùs proculdubio deserit hunc flos
 ætatis, & morbi siue mortis intempestiue accersuntur nuntij. Hæc tamen
 opera carnis esse, siue superflue delectationis quis ignorat? Natura verò
 his gaudet abstinere, & vt ait Seneca, paucis contenta est. Et ratione qui-
 dem ista regitur, illa verò abusione. Illa in veritate ambulat: monstri ve-
 rò huius facies blanda vt decipiat, sed in posterioribus circumfert aculeum
 scorpionis, vt perimat. Mentum simplicium apprehendit, sed inguina
 ferit. Cohors & Tribunus Synagogæ peccantium huius principatum sibi
 assumit in caput & regem, & respuit super mulam regis verum Salomo-
 nem. O peccatum! ô iniquitas! Pater mi, pater mi, currus Israël & au-
 riga ejus. non sileat saltem in ore vestro spiritus iusti Nathan, non sinat
 fieri tantum nefas in Israël Dei. Sceptrum namque regni superflua carnis
 delectatione obtinente, quæ pax super Israël? immo quæ jura non sub-
 uertuntur? quæ leges non obliterantur? quæ ratio non exulatur? quæ vir-
 tus non confunditur? quæ boni species non suffocatur? quod genus erro-
 ris non extollitur supra omne quod dicitur dominus, aut quod colitur?
 Hæc radix est peccati, totius honestatis tinea, fouea vitiorum, puteus dæ-
 monum, vorago animarum. Recludite, obsecro, recludite feram istam
 pessimam, quæ deuorat Ioseph nostrum, vel potius filios Iacob & Ioseph.
 Certè nimium efferatur, & rupto proposito ac religionis repagulo vsque
 ad sancta sanctorum Cluniacensis ordinis, imperij sui fines propagare co-
 natur. Vbi enim sine licentia comeduntur carnes, nonne Adæ præuarica-
 tio renouatur? nonne voti & sanctæ institutionis paradisus violatur? Non-
 ne legitur, quia *Inebriabo sagittas meas sanguine, & gladius meus deuora-
 bit carnes*? Sanctitatis opprobrium, religionis abominatio est, non qui-
 dem carnes edere, sed cum sanguine inobedientiæ. Vnde à sanguine &
 suffocatis iubet lex abstinere. A suffocatis non abstinet, qui furtim edere
 non timet. Periculo namque prælatorum fiunt transgressiones commissio-
 rum. Vasorum custodes sacrorum puniuntur, cum negligentia suâ de
 templo domini asportantur, & vsque ad manus concubinarum regis Ba-
 bylonis humiliantur. Sapientio rem me non doceo, sanctio rem non in-
 struo, feruentio rem non excito, studiofio rem non prouoco, sed timores
 meos manifesto, sed dolores aperio, sed consilium quæro, sed euadendi
 semitam interrogo. Audio principes populi suspensos in patibulis, &
 affixos contra solem propter peccata populi, & somno vacare valeo? Di-
 centem Iacob ad Laban in summo articulo iudicii lego, *Oues tua & capra
 steriles non fuerunt. Arietes gregis tui non comedi, nec captum à bestia ostendi
 tibi, ego damnum omne restituebam: quicquid furto peribat à me exigebas,
 die noctuque astu urebar & gelu, fugiebatque somnus ab oculis meis, sic per
 viginti annos in domo tua seruiui tibi.* Hæc, inquam, lego, & non incon-
 solabiliter inertiam meam lugeo? Vbi namque oues curæ meæ? vbi ca-
 præ non steriles? Qui enim à pueritia sua in claustris regulariter eruditi
 sunt, & tunicam vitæ atque conuersationis suæ immaculatam seruauerunt,

Deut.
xxiii.
42.

Gen.
xxxii.
38.

oues domini sunt. Qui de sæculo fœtorem luxuriæ fugientes, pœnitentiæ habitum sumunt, capræ domini nihilominus sunt. Sed vbi Iacob, vbi Abbas tam sedulus exhortator, tam feruidus redargutor, tam cautus prouisor, tam beneuolus persuasor, tam contra rabiem luporum potens, tam contra morborum pestilentiam sapiens, tam ad aëris intemperiem patiens, tam ad latronum insidias prudens, tam fidelis in commissio, tam vigil in cuitando damno, tam perseverans in incepto seruitio? Damna domini mei video, sed quomodo resarciam ignoro. Esset quidem iusta recompensatio, si numero numerum æquarem, si pretium par pari pretio restituerem. Nunc verò cùm non sit mihi nisi vna anima, si perierint per culpam meam tres aut quatuor, quid faciam? Anne triplicatam vel quadruplicatam pœnam persoluam? Quod si quoquo modo pœnam istam pari possem, centuplicatam fortè quâ patientiâ sustinerem? Ista attendens miror me non mirari, expauesco me non expauescere. Certè non est somnus simplex: sopor aut lethargia est, que me tenet. Obsecro mittite antidotum.

^a PETRO VENERABILI] Quod illi proprium quasi cognomen factum est. Nam Petrus venerabilis appellatur Cluniacensium Abbas viii. & suis ipsius & aliorum scriptis notissimus. Decessit Kalendis Ianuar. anno M. C. LVIII.

^b SINE LICENTIA COM. CARNES] Monachi vetere instituto à carnibus abstinent, ne, quod de seipso scribit Bernardus, dum nimis nutriunt carnem, nutriant vitia. Edere tamen interdum licuit, sed infirmis duntaxat, Prælatorum permissu. Goffridus Vindoc. lib. iv. epist. XLII. Carnis comestio sicut monachis pro corporis infirmitate conceditur, ita eis in carnis voluptate negatur. & post alia, sed quia paucorum vel nullorum istam virtutem esse cognoscimus, ut videlicet à carne omnino abstineant, cùm alicui carnem comedendum tribuimus, rationabilis est consideranda necessitas, non carne carnis nutrienda cupiditas.

EPISTOLA II.

*Domino & patri suo carissimo Hugoni Dei gratia Cluniacensi Abbati,
Frater Petrus humilis Cellensis Abbas seipsum cum deuotione.*

Serenior post nubila dies succedit: dulcedo crescit ex amaritudine præcedenti; ruina statum ampliùs commendat. Sic in auditu commotionis magnæ, quæ in Cluniacensi electione facta est, non parum concussa sunt viscera nostra, sed rursum in concordia lætata est anima nostra. Ab occasu enim sancti patris nostri prædecessoris vestri, eatenus tanquam paturiens erat, donec reciperet virum alium, qui consolaretur eam ab operibus suis. In dolore suspirabat, sed ecce iam non meminit pressuræ propter gaudium, quia & libertatem recepit, & vnum de filiis vteri sui cum principibus populi sui collocauit. Filij alieni mentiti sunt ei, & claudicauerunt à semitis suis: quia non ex ore domini, sed ex propria usurpatione & consilio Achitofel regnare attentabant. Odiosa nimirum præsumptio. Cluniacensem tam castam matronam prostituere, tam religiosam publicare, tam honestam deuenustare. Reprimenda temeritas matrimonii, leges tam petulanter infringere, vt non voluntas nobilissimæ puellæ quæretur, sed violentia inferatur, torus immaculatus non cum reuerentia poscatur, sed impudicè exigatur. Prorsus inaudita miseria, si hac necessitate mater-

familias addicatur, vt non tanquam libera, cui vult nubat, tamen in domino, sed cui respuit nolens succumbat famulari, immo concubinatus obsequio. Vbi est, *Non vos me elegistis, sed ego elegi vos?* Vbi est, *Non sumat quisquam sibi honorem, sed qui vocatur à Deo tanquam Aaron?* An non ista libera est, liberam habens electionem in libertate spiritus, cuius & ancilla & sponsa est, ancilla vtique ex deuotione, sponsa ex charitate? Vbi, inquam, reuerentia sponsi, sponsæ gloria, quam Johannes Baptista reformat, Moyses velat, Rebecca operit pallio, Cherubim gloriæ obumbrant, & quam caro & sanguis si contingit, vt fumus euanescit? *Caro*, inquit Apostolus, & *sanguis regnum Dei non possidebunt*. Idcirco Moyses soluit calciamentum de pedibus suis, ne si fortè in terra sancta curis carnis impeditus consisteret, faciem in rubo radiantis Dei offenderet. Non æstimo leue dispendium, flammeum gladium atque versatilem nuda manu accipere, vel cæcis obtutibus fornacem iracundiæ inconsultè transilire. Culmen huius honoris, vel potius oneris, tam est pendulum ad casum, quàm debile ad flatum. Vrit sollicitudine, pungit timore, vrget inquietudine. Fortuna si vtrique & vndique versata discutiatur, plus mœoris & minus lætitiæ refert. Iugiter siquidem ratiocinatio supputanda, tam accepti muneris, quàm soluendi debiti; hinc æquitas iudicis, illinc difficultas iniunctæ administrationis pensanda. Venia etiam speranda, si non obstitit puniendi negligentia. Tempus numerandum, vsura replicanda, fructus computandi, & summa totius dispensationis colligenda. Si minus inuentum fuerit, danda ante articulum supremum pecunia ad mensam, renouandus ad nummularios virtutum siue fidei cursus. Gratia pro grauitate discriminis imploranda: arbitrium pro posse impendendum, legatio excusatoria pro impossibili mittenda. Ex æquo enim si ad pugnam congregiatur, nulla proportionem ad dominum homo miser & inualidus subsistet. Pondus terræ, cæli infinita spatia, diffusiones aëris, & maris profusiones intra pugilli angustias faciliùs coartabis, quàm Deo cæli paria respondere possis. O Abbas Cluniacensis, attende quia fecit tibi magna qui potens est, & sanctum nomen eius. Fecit tibi Deus vt Deus, vt pius, vt bonus. Exaltauit humilem, deposuit potentem. Ecce itaque oculus monachorum factus es, speculum & exemplar huius ordinis. Si oculus tuus simplex fuerit, totum corpus monachorum, quod est congregatio Cluniacensis, lucidum erit. Si autem nequam fuerit, etiam corpus tenebrosus erit. Vide ergo ne lumen quod in te est tenebræ sint, vt sic loquar. Facit audere, quòd vestibulum familiaritatis tuæ aliquando penetraui, & religionis tuæ sancta deuotio. Sed de his hæcenus. Cæterum more nostro obediens amantissimo, & piæ recordationis viro, domino Petro Abbati, fideiussi cum Abbate Atremarensi pro eo multam pecuniam aduersus Hulduinum de Vendopera. Priores quatuor proinde secundariò, vt regressum ad eos haberemus, accepimus fideiussores. Hi sunt *

Ioan.
xv. 16.
Hebr.
v. 4.

i. Cor.
xv. 50.

* HYGONI ABB. CLUNIAC. Petri venerabilis successori, eius nominis tertio. Post Petri excessum monachi Cluniacenses tumultuaria electione Robertum quendam semi-

D iij

laicum, sed Comitibus Flandriæ cognatum, reclamantibus multis elegerant. Quo postea defuncto ac mortuo, Hugonem hunc ex Priore Abbatem renuntiaverunt, ut est in supplemento Sigeberti ad annum M. C. LVIII. Hæc igitur est commotio magna quam vocat: Hugo, filius veteris Cluniacensis: Robertus, is qui per vim regnare conabatur.

[ABBATE ARREMARENSI] Monasterium est ordinis S. Benedicti, cuius originem, auctoremque Adremarum docet epistola Leonis IV. ad Prudentium Tricassium Episcopum, in cuius situm est dicecesis. Conditoris nomen retinet etiam in vernacula. Nam *Monstier ramey* vocant, hoc est monasterium Adremari.

[HILDUINUM DE VENDOPERA] Gentilitium id familiæ cognomen ab agri Campani castello, quod possidebant. Hunc verò ipsum Hilduinum de Vendopéra puto, quem aliquot Aripatorij cœnobij tabulæ testem adscriptum habent cum Theobaldo Comite, Bernardo Clarcuallensi, & Guidone Arremarensi Abbatibus, qui omnes ætatem hanc produunt.

EPISTOLA III.

Domino suo & patri carissimo Hugoni Abbati Cluniacensi, frater Petrus Cellensis salutem.

Iustitia nostra superabundare debet iustitiæ Scribarum & Phariseorum, & non subiacere. Miror iustitiam hanc quis novus legislator vel unde attulit, ut non restituatur à principali debitore pignus fideiussori à debitore detentum. Miror & novam benignitatem vestram, quæ nec semel respondere voluit iam secundò vocanti. Durius hoc silentio quàm damno permoueor. Ad damnum enim leuius ferendum cooperatur patientia, cum illud noueris refarciendum amici bonâ & nouâ gratiâ. Silentium verò post beneficium mortui beneficii repræsentat sepulcrum. Malum tanquam abortiuum amici primogenitum facere: cum potius semper obsequij memoria vigere debeat, & viuere apud amicos. Et damnum, & damni hæcenus patientiam præstabam; sed amicis, sed dominis, sed veracibus monachis, qui & si me ipsum vellent inuadiare possent. Sed quid dicam? Planè minus dicam, ne fortè & cum pecunia amicos perdam. Dicam proorsus, dicam. Quicumque fortè hoc audieritis, quòd Cellensis simplicitas sic elisa, ne dicam elusa, sit ab amicis suis carissimis, pro quibus & se, & omnia sua ponebat, nolite annuciare in Geth, neque in compitis Ascalonis. Hoc potius & si non veriùs dicatur: Abbas vetera non nouit debita. Nam cum audierit & creditoribus satisfaciet, & fideiussores liberabit, & gratiam amicis æqua lance rependet. Valete.

Ecce calami nostri valde fatigati pro labore suo mercedem reposcunt, bibere in calice, post æstum & hyemem.

[A. DEBITORE DETENTVM] Sensus exigit, ut legatur à creditore, quod etiam declarant quæ de eadem re scribit sub finem epistolæ sequentis.

EPISTOLA IV.

Domino & patri suo carissimo Hugoni venerabili Cluniacensi Abbati, Petrus humilis Abbas Cellensis cum omni deuotione.

VNa eademque hora, denique & ore vno, saporis dulcedinem à medullis epistolæ vestræ accepi, & reciproco munere manum ad scribendum deflexi. Semper namque nescio quid plus dulcedinis habet res

præsumpta primo voluntatis appetitu; quàm post desiderij tempus. Nolui igitur oportunitatem tamquam recalefaciendam in horas differre; vnde fueram quasi monitus ipsa tantæ maiestatis dignatione. Et primùm quidem moram damnosam, sed bene compensatam, hac satisfactione remitto. Deinde negligens inueniri apud vos in huius officij munere præcaueo. Chartam & chartæ scripturam satis eleganter compositam suscipiens, semel non aspicio, sed diligentiam hominis, etiam in paruissimis rebus non prætereundam in memetipsum cum admiratione replico. Exemplum est certè compositionis intimæ, refiguratus quandoque habitus in exteriori homine: & vini bonitas calicis accrescit idoneitate. Suggestit ipsa suæ faciei venustate, quod & exhibuit in lectione, magnum quid in absconditis suis repositum apportare. De Paradiso, de Ægypto, & de quibuscumque locis scripturarum tam pretiosas merces & margaritas plenis marsupiis ex se refudit charta vestra, quod ad ipsam coartata sit intelligentiæ nostræ arca. Sed quid mirum, si dominus Abbas Cluniacensis de thesauris suis tot & tanta proferat, quod & quanta Cellensis vix efferre valeat? Nonne sic à quodam dictum legimus, *Ex te non poteris præbere ascensores equorum, quos ego dabo tibi*. Ambulant vobiscum innumerabiles fortè sicut monachi, sic & sententiæ. Certè sic est, negari non potest. Res in euidenti. Quis sic ad manum, sic ad nutum cogere tantum exercitum Philosophicorum exemplorum tam citò potuit? O vena diues! Beatus qui vigilat ad postes ostij tui. Mane panibus, vespere carnibus edere poterit. Pulsaui, & aperuisti. Vnum locutus sum, quod dixisse me non pœnitet. Vna siquidem & modica punctione tetigi vos, quinimmo tetigi aceruum Mercurij, siue nouarum frugum, sed non modica æstimatione excepi thesaurum multarum sententiarum. Quid? mensuram bonam & confertam, & coagitatam, & supereffluentem remisistis in sinum nostrum. Proinde exulto ad dignationem vestram, stupeo ad eloquentiam, curro sicut ceruus sitiens ad fontes historiarum, ad profunditatem sententiarum, ad suauitatem exhortationum. Interea duo proponitis, sumpta à nomine vno, quod est Petrus, fortitudinem scilicet & agnitionem. De vtraque exemplificatis non auarè. Honestò deinde modo qualis esse debeam instruitis: & talem esse dicitis, qualem fieri vultis. Modus his suadibilis ad docendum. Naturale siquidem est animæ rationali, voluntario motu occurrere de se bene opinanti, & humeros inclinare indubitatæ affectioni. Prænum quoque sibi redhibet animum ad obediendum, qui prius amicitiae fidem fecerit, & de probitate persuaferit. Crederem vobis, si mihi conscius in contrarium non essem: vtinam sicut à charitate vestra profertur, sic à vobis in veritate perficeretur. Sed vt verum fatear, rara in nobis nominis vestri interpretata veritas. Vnus enim est, & secundum non habet, cui dicitur, *Secundum nomen tuum, ita & laus tua in fines terre*. Quod hoc nomen? Iesus. Quæ ista laus? *Saluabit Dominus populum suum à peccatis eorum*. Reuera hic Iesus, in cuius manu salus nostra est. Hic nomen habet, quod est super omne nomen. Hic denique virtutem nomine suo non inferiorem implet: quinimmo & tempore & pondere excellentiorem. Parum dixi, tempore: melius enim dice-

Esaiæ
xxxvi.
88.

Psa.
xlvii,
Matt.
i. 21.

Exod.
21. 7.

Rom.
VIII. 18.
Gal. VI.
17.
Philip.
II. 9.

rem, æternitate. Virtus hæc ab æterno, nomen hoc ab æuo. Virtus sine tempore, nomen ex tempore. In pondere nihilominus omnia virtus diuinitatis operatur, ipsum quoque nomen Iesu. O pondus nominis Iesu! quis appendere, quis dinumerare, quis æstimare valeat hoc nomen in pondere? Nunquam sine pondere nominandus est Iesus. Pondere utique sanctuarij, quia nemo potest dicere Dominus Iesus, nisi in Spiritu sancto. Et in lege Moyfi sic dicitur: *Non assumes nomen Dei tui in vacuum*. Paulus Apostolus ne in vanum curreret, ut potuit in vinculis, & in catenis per passionēs quotidianas, hoc nomen semper apposuit & apprehendit. Hoc enim est quod ait, *Non sunt condigna passionēs huius* &c. & alibi de eodem pondere, *Stigmata*, inquit, *Iesu porto in corpore meo*. Alibi dicit: *Dedit ei pater nomen, quod est super omne nomen*, &c. Præponderat hoc nomen quodcunque creaturæ nomen est. Hoc compendiosè dixerim, ut solū designarem, quis scilicet nomen habet & virtutem. Rursus inflecto intuitum ad epistolam, quæ sicut turris ædificata est cum propugnaculis: mille clypei pendent ex ea, omnis armatura fortium. Ad quid tantus apparatus? Opinor voluistis in me aut terere sensus hebetes maiestate sensuum, numerositate exemplorum, perplexione rationum subtilium; aut inertem prouocare æmulatione studiorum; aut mæstum consolari pulcritudine sermonum; aut indoctum ædificare persuasione adhortationum; aut satisfacere oportunitati meæ abundantiori gurgite auctoritatum. Sed quodcumque horum attenditis, optabile & valde carum habeo, quod occupationibus vestris succensetis, & sicut Rebecca hydriam de scapulis lassitudini nostræ inclinaueritis. Refluente quippe procellarum reuolutiones, quibus interdum ascenditur vsque ad cælum & descenditur vsque ad abyssum, quis vel ad modicum credat abesse Abbati nouo Cluniacensi? Quis de abyssis terræ vel post tertium diem non miretur emergere? Quis non compatiatur gementi sub aquis? Scribere quomodo valet, quem degrandinat sollicitudo continua, & nunquam quæta? Sed ubi obstaculum ægrius, ibi necesse est se expediat ingenium egregius. Procul dubio animi elegantis est, curæ sæcularis oneribus indignari; & per medias interpellantium acies ad læctionum amœnissima prata & solitudinem liberam, velut solitarius onager, euolare. Contra hanc vim à Prætorē nullum proponitur interdictum. Hæc vis probabilior, quàm desidioſa patientia. Vis, inquam, hæc non improbabilis, si rumpantur noui funes contexti & concatenati nexibus causarum, tanquam à profundo maris emergentium. Est & aliud consilium, ut ubi non sunt vires ad vim faciendam, adsit ingenium ad furtum committendum, de quo tamen non nascatur actio furti. In Euangelio enim commendatur mulier, quæ tangens Iesum, virtutem à fimbria vestimenti eius furto subripuisse commemoratur. Furtum prorsus commendabile, si te ipsum tibi ipsi & Deo tuo ab incurſu concursantium subduxeris. Aquæ enim furtiue dulciores sunt, & panis absconditus suauior. Valde saporabilis læctio, quam interpellata sorbet animæ intentio. Studium, læctio, & oratio turbam non amat. Impediuntur plerunque peregrino superuentu, quia vix patitur non se par-

EPISTOLARVM LIB. II.

33

se partiri aduenienti nobili animæ consolatio. Fortè onera graua & importabilia, quæ nec digitis tangere possum, humeris vestris impono. Quo enim modo Dominus meus Cluniacensis poterit hæc vnquam vel experiri? Immo viuere quomodo poterit, si hæc non fecerit? Si post omnes habiturus est, quando se habebit? Rursum si eum non habuerint qui sine eo viuere non debent, quanta pestis & iniquitas! Expedit potiùs vt vnus moriatur homo, quàm tora gens pereat. Sed rursum quid prodest, si totum mundum lucretur, se autem ipsum perdat & detrimentum sui faciat? Ecce vt attenditis res in arto posita est. Neque ad dexteram pro se, neque ad sinistram pro aliis excedendum est. Quid igitur? Medium eligat, & si non potest omnem diem, saltè diem inter diem habeat. Habeant eum alij: sed ipse habeat seipsum, sed & alij. Non diuidat infantem viuum, vt decreuit Salomon: habeat eum vel mater, vel non mater: immo semper habeat mater. Non sibi viuatur tantum, non aliis tantum; sed sibi & aliis, ne ipse pereat; sed aliis & sibi, ne oues sine pastore succumbant. Et de his hæcenus. Præterea non id indignetur dominus meus, si dixero quod sentio. Dicam, sed cum licentia dicam. Quid? Quia deest semper aliquid culturæ Dei. Hoc fortè apud vos prouerbiū est, sed faciam verbum de prouerbio. Laqueum debiti quadam perplexione ratiocinando differtis, ita scribendo, in epistola: Si redditum est, non debemus super hoc inquietari: si propter reddendum quæstio aliqua ventilatur, debet iudiciario ordine diffiniri, & partium allegatione & iudicis sententiâ terminari. Bone Domine, bene docuit vos magister noster proponere: vtinam sic bene soluere. Soluere dico debitum, non syllogismum. Videritis non extensa disputatione, sed compendiosa relatione, & potiùs ratione, inter quos quæstio hæc versari dicitur, cui competat actio, & aduersus quem detur. Principalis profectò debitor & suus creditor adinuicem habent actiones, alius directam, alius vtilem. Sed quid ad fideiussorem? Semper liberandus fideiussor proposita actione pignoratitia à principali debitore contra creditorem, soluto priùs duntaxat debito ad restituendum pignus, & ad liberandum fideiussorem. Hoc fecit^a dominus Vvintoniensis, sed non effecit, nam creditorem conuenit, sed nobis pignus non restituit. Idcirco dixi quòd curta est res, donec restitutum sit nobis quod tenetur pro vobis. Est & aliud notatum in epistola vestra: quia suspensiuè & indefinitè dixistis quid agendum esset, sed non quando, neque diem, neque horam posuistis: fortè quia non est nostrum scire tempora, quæ in potestate sua habet Vvintoniensis. Scio domine mi, scio quia in multiloquio non deest peccatum. Ignoscite si quid egressum est de labijs nostris, quod minus rectum appareat in oculis vestris. Vt verò hoc auderem, vos occasionem dedistis. Valete.

^a D. VVINTONIENSIS] Henricus frater Theobaldi Magni, & Stephani Regis Angliæ. Is Vvintoniæ quidem Episcopus erat in Anglia, sed in Gallia hoc tempore versabatur: Cluniaci nimirum, quò tandem ex Anglia rediit. Monachus enim erat Cluniacensis.

Domino & patri carissimo Hugoni Cluniacensi Abbati, frater Petrus Cellensis Abbas salutem.

PRO amicis nostris, immo pro amicis iustitiæ, amico nostro, veritatis immo amico, nunquam refelleremus scribere. Etenim illa amicitia in diuersis amicorum causis debet interuenire, quæ non plus iusto vergens se in fauorem alterius, æquitatis rectitudine pensat negotium, non fauoris, aut odij iniqua inflexione. Quanquam igitur vobis & excellentem prærogatiuam dilectionis debeam & honoris: huic tamen Abbati sancti Laurentij Leodiensis nouo confæderatus amicitia pæcto, propter Christum quem in ipsum suscepi, meipsum nihilominus concedo. Cum igitur vtrunque Christus in causa sit, vtrumque ad debitum honorem rependendum medius ipse commoneo. Vos quidem, vt quantò magnus dignitate, prælatione, & nomine estis, tantò abundantiori humilitate illum suscipiatis. Illum vt secundum excellentiam maiestatis vestræ cogitet qualiter summam in summo viro humilitatem excipiat, & obuiis, vt dicitur, brachiis deuexam bonitatem sustentet. Vos, vt honestatem personæ & iustitiam quam habet ad vos, æqua libratione appendatis, & personæ honorem, causæ iudicium reddatis. Vidi personam, & amaui: audiui causam, & approbaui. In persona prudentiam, religionem, literaturam, simplicitatem notaui: in causa retentionem pacis, malitiæ exterminationem, simultatis repressionem, & iustitiæ tenorem animaduerti. Qui de tam longè quærit pacem, nonne amat quod quærit? Qui tempore tanto & tali à sancta fratrum suorum congregatione peregrinatur, quibus putas stimulis affectionum remordetur, vt vaccæ illæ reclusis vitulis mugientes, vincentes sanctitate propositi vilitatem & consuetum affectum carnalitatis. Sed gratias Deo, quia illorum damnum quibus absuit, & suus dolor recalcitrans qui absuit, nobis in lucrum versum est quibus affuit. Moueant itaque & commoueant pia viscera vestra quæ auditis, & intendite viro bono, viro pacifico, viro honesto, immo vestris monachis & fratribus, quibus valde credimus vtile, si pacem tenuerint, inhonestum & inutile, si à pace resilierint. Valete.

^a ABBATI S. LAURENTII LEOD.] Nobile hodieque Benedictinorum est Monasterium in suburbano Leodiensi.

EPISTOLA VI.

Domino suo a Henrico Comiti Palatino frater Petrus de Cella humilis Abbas bene regnare.

A COLLATERALIBUS vestris à nobis quæsitum est, quid vobis daremus, & dies capiendi super hoc consilij præfinita. Primò itaque miror quid ego fecerim mali, quod sic semper à me faciem vestram auertitis, quod venire ad eam, vel rogare, aut nunquam aut rarissimè possim. Secundò vtrum ab illa tenacissima vestra memoria exciderit, quòd nondum exple-

EPISTOLARVM LIB. II.

35

tus sit cursus anni, quod LX. libras tam vobis quàm vestris persoluerim. Tertiò non parum doleo, quòd nostra paupertas & debira propter præsents anni negotia, tum de itinere Romano, tum pro ^a Ecclesia de villa Mauri, tum pro infirmaria fratrum quam fecimus, tum pro multis aliis, ad aures pietatis vestræ non potuit peruenire. Videat itaque benignitas vestra, & condescendens necessitatibus nostris parcat, & his non addat grauamen, sed leuamen. Valete.

^a HENRICO COM. PALATINO] Comiti Campaniæ, Theobaldi Magni filio, cui liberalitas Largi seu munifici nomen fecit. Vnde autem & quandonam Palatini vocari cœperint Comites Tresenses, accuratè more suo doctèque disseruit P. Pithœus.

^b ECCLESIA DE VILLA MAURI] De qua cum Canonicis litigabant, lib. I. epistola VII.

EPISTOLA VII.

Venerabili domino & patri A. Molismensium Abbati frater Petrus humilis Abbas Cellensis salutem.

IN omni possessione præcellit amicorum possessio. Potest enim parati, sed comparari non potest amicus. Nam quod incomparabile est comparari quomodo potest? An non verò incomparabile est, quod nondum habitum emi non potest, perditum æquè redimi non valet? Talem amicum frequenter quæro, nec inuenio, etiam in grege amicorum. Egregium, non de grege gregalem desidero amicum. Numero gaudeant amicorum, qui vnum nesciunt habere amicum. Vt enim ait Seneca, plura habeant hospitia, raras amicitias. Non aliter amicis vtuntur quidam, quàm hospitibus. Si nocturnum bene se præbuerit hospitium, manè laudant, & abeuntes commutant; & quot dies erunt peregrinationis, tot numerabuntur releuationes itineris. Ad tempus occurrit hospitium, nec sui causa petitur, sed tantum vt fessi releventur. Non ita perfunctoriè amicus fortè occurrens recipiendus, sed cum labore quærendus, cum deliberatione admittendus, cum studio retinendus, cum omni vigilantia læsus reconciliandus, cum instantia fortè elapsus prosequendus & reuocandus. Non possideas amicum, tanquam prædium. Nam infructuosum respuis, aut alienas à te prædium, lucrosus studiosius colis, & ad possidendum audidiorem intendis animum. Ita qui in amico requirit non animum, sed aurum, non fidem, sed faciem, non mores, sed vestes, non naturam, sed fortunam, causâ propriæ vilitatis, non naturalis bonitatis amicum quærit. Repentina quoque non omnimodo approbanda est amicitia, sed quæ germinat cognitione, crescit familiaritate, frondescit consuetudine, germascit cordis amplitudine, fructificat perfecta identitate. Hic arbor fici plantanda & circumfodienda est, vt dulcedinis fructum in agro amicorum afferat. Hic triplici filo contorquendus est dilectionis funiculus, ne faciliè rumpatur. Funiculum hunc torqueo vt potero, cum ad me per obsequium, per reparationem, per vicissitudinem fortè torquendus occurrerit. Verso enim pollice de amicitia scribendo filum contorqueo. Si placet pactum coagulandæ societatis, præfigantur termini arcetes præsumptionem odiosæ præ-

E ij

uaricationis. Liceat tamen metas transire sine reprehensione proficientem sed impune non liceat deficientem. Illa namque bona est transgressio, cum ultra æstimationem amare accelerauerit inchoata dilectio. Illa quàm bona est non transgressio, sed progressio, cum iustam mensuram impleuerit amicorum adinuicem fidei promissio! Semper in amicitia minus pollicendum, ampliùs præstandum. Iam ergo amico loquar ut amico. Amice carissime, gratiæ suæ Deus addidit nouam gratiam, cum te de Priore Abbatem, de ouefecit pastorem. Recole statum, reminiscere meritum, attende donatorem, & datum donum Dei Deo resignes, non homini. Tanquam de summo Dei vertice coronam auellit, qui quod à Deo datum est, ab hominè recognoscit. Idololatria est, Deo debitam homini rependere gratiam. Noui quorundam blanda lenocinia: noui vanitates & insanias fallas. Quidam sic, si molestum fuerit claustrum, dicit: *Ego nocte & die ad Deum manus, ut hanc tibi potestatem concederet, expandi, & singultibus continuis, donec id efficeretur, aures diuinas pulsavi.* Alius autem sic: *Ego illi prolocutor, ego persuasor, ego aliorum monitor, vniuersorum animos ad te inclinavi, & modò quod volo impudenter negas?* Alius *Te Deum laudamus*, recinit: alius nominationem à se vel concessionem factam improbè meminit. Sic plures sunt tui Abbates, quàm quorum tu sis Abbas. Non ita, Domine & amice carissime fiat, ut quod ab vno habes, à multis te habere credas. Non monachus qui orauit Abbatem constituit, sed Deus qui concessit: non qui voce nominauit, sed qui cordibus intimaui. Non ista scribens ad ingratitudinem prouoco, ut immemor sis beneficij: non in arrogantiam extollo, ut non respicias deuotionem congregationis te sibi præfici rogantis. Hoc enim non esset amicum instruere, sed destruere, non veraciter bona suadere, sed nequiter vitio nequissimo subdere. Ad quid ergo ista præstruxi? Ut vana loquentes compescas: ut statum dignitatis & officij tui importunitate aliquorum non minuas: ut solum Deum auctorem huius tuæ sublimitationis recognoscas, & ad eius gloriam & honorem omnia facias. Obnoxium te habeat congregatio pro deuotione sua, sed cum auctoritate tua: monachus te propitium inueniat pro deprecatione sua, sed cum integritate tua. Sis beneuolus, sed & reclusus: sis pius, sed & discretus: sis compatiens infirmitati, sed impatiens mali: sis bonis consentiens, sed inordinatis non parcens: sis humilis, sed non deiectus: sis largus, sed non prodigus: sis pronidus, sed non avarus. Sis in templo Domini basis argentea per patientiam sis: columna marmorea per inflexibilem iustitiam: sis capitellum habens sculpturam liliorum, per contemplationem assiduam. Sis area testamenti per abundantem gratiam: sis virga Aaron, per disciplinam: sis mensa Domini, per doctrinam: sis candelabrum de auro mundissimo per bonam famam: sis propitiatorium per misericordiam: sis tabula testamenti, per veteris & nouæ legis scientiam: sis cortina per charitatem, sis saga cilicina per humilitatem: sis templum Domini, per continentiam & castitatem. Non habitet iuxta te malignus, non audias vocem sanguinis, non sermonem susurrij. Fortissimi in Israël & doctissimi ad bella, id est, honestissimi & probatissimi monachi, lectulum tuum am-

biant propter timores nocturnos. Mala suspitionis homines non tibi cohabitent, non coambulent, nisi fortè raro & secretius corrigas & benignius corripas. Aliquando enim sic emendantur mali, dum pietate reuocantur pastoris. Quæ namque cum aliis, vel saltem post alias oues, non recurrit ad ouile, si ex infirmitate, portanda, si ex malignitate, cogenda est. Ad te confugientes per humilitatem inueniant matrem, à te resiliens per contumaciam, sentiant seuerum patrem. Non sis præceps in iudicio, non mutus in consilio, non verbosus in conuiuio, non arrogans in publico, non detrahens in secreto, non avarus in proprio, non prodigus in alieno, non contumeliosus in capitulo, non negligens in monasterio, non effusus in refectorio, frequens in oratione, discretus in confessione, assiduus in lectione, profusus in lacrymarum effusione, largus in pauperum miseratione, ardens in contemplatione, affabilis in hospitem susceptione. Pauca & vera sint eloquia oris tui. Procul à te simulatio, dolus nunquam in corde, fraus nunquam in ore tuo. Præ oculis timor diuinus, præ manibus beatus Benedictus. Extra Deum nihil agas, extra Benedictum nihil præcipias. Vale.

A MOLISMENSIVM ABBATI J In diocesi Lingonenfi ordinis sancti Benedicti. Parænetica est nouo Abbati, qui ex Priore creatus nuper erat.

EPISTOLA VIII.

Amico suo carissimo H. Abbati Pruliaci, Frater Petrus Cellensis Abbas, accipere de Spiritu Moyfi.

Amicorum monita cò affectuosius suscipiuntur, quò ambitiosius amorum compago adinuicem consolidatur. Nescit mutui amoris vestri coagulum, qui familiariter non est admissus ad secreta ipsarum medullarum. Ab ipsis igitur medullis verbum amicæ consolationis mutuans, æquè vsque ad tui cordis secretiora rogo vt admittatur, & vice mei fungatur officio dilectionis, & suppleat dispendia solitæ confabulationis. Quid est, domine, immo frater & amice? nondum enim dominum redoles. quid est? De statione quietissimi portus ad marina discrimina transtulerunt amici tui, aut vt verius fatear, ad molam te posuit benignissima manus Dei tui. Quid igitur facies? Planè tolle molam, & mole farinam, de qua subcinericium facias in conuersione peccatorum, vt conuertantur à viis suis pessimis, & viuant. Similaceum nihilominus in exhortatione bonorum, ne peccent, & non recordentur iustitiæ eorum quas fecerant. Reuera, carissime, ad molam posituses, quâ in spiritu vehementi conteras alios in malis, & ipse conteraris in afflictionibus. Sed attende diligenter, quia mola orbiculari motu nunquam & nusquam excedens orbem persequendo superficiem grani suppositi extenuat in minutissimæ farinæ speciem, vnde conficiatur panis in escam hominum. Sic nempe omnis labor & vexatio tua, quæ tibi dabit intellectum, æquitatis rotunditate circumuoluetur, vt ne quid nimis facias, vel feruentius agendo quàm toleret complexio tua, siue infirmitas tibi commissorum, vel remissius quàm expediat ordini &

E iij

officio tuo, siue quàm permittat regula & regularis consuetudo. Rotundo itaque perge cursu in omni negotio tuo, modestiam seruans in his quæ ipse geris, & in his quæ aliis ingeris. Appende mores temporis cum hominum moribus, & versa ex hoc in hoc: quia calix in manu domini plenus mixto. Nondum eliquata est natura, nondum defæcata, nondum fæx corporeæ grauedinis exinanita. Corpus quod corrumpitur aggrauat animam. Parendum itaque interim corpori: nec danda licentia animæ, vt suis excurrens appetitibus in ipso itinere tardum & lassum rejiciat corpus. Spiritus enim promptus est, caro autem infirma. Jugale suum ferre debet anima, non interficere. Moueat se quidem semper spiritus ad meliora, sed ægotantem equitaturam suam calcaribus cruentis supra modum non vexet: ne fortè eadē lacerata obeat, & sanguinem eius de manu immoderati spiritus dominus requirat. Nemo vnquam carnem suam odio habuit: sed fouet eam, sicut & Christus Ecclesiam. Procedat & præcedat anima carnem, sed stationem faciat, quo saltem serò mansionem possit assequi subsequens caro. Morandum tamen, non remanendum est propter carnem. Non erit molesta mora, si sit modesta. Quousque respiret caro subsistendum, non quousque expiret. Sciat se caro vt itinerarijs recreationibus, non mansionarijs delectationibus. Si de itinere grauatur, festinet ad mansionem. Erit enim illi mansio & grata pro requie, & certa pro æternitate. Huc applicuit nos orbicularis motus.

[H. ABBATI PRULIACI] Nouo item Abbati, sed ordinis Cisterciensis in diocesi Senonensi. Abbatibus Pruliacensis haud scio an eiusdem, meminit Stephanus Tornacensis epist. clxxii.

EPISTOLA IX.

*a Roberto Abbati de Bullencurte, Frater Petrus Cellensis
Abbas salutem.*

Infra robur animi tui, quæ à me prodire possunt consolationes reside-
re non ignoro. Commendabilis illa solum fortitudo est, quæ fatigata robustior, oppressa liberior confurgit. Leuat namque fortunæ importunas sine molestia sarcinas, portat sine pondere, deponit sine lassitudine. Accrescit fortè cumulus ponderis, sed & virtutis. Iacet enim virtus sine palæstra. Vbi deest lucta, virtus videtur quasi discincta. Mollis & tenera est, cum in lectulo prosperitatis extenuatur. Sumit verò suum habitum, immo seipsam, cum obuiauerit quod euincendum sit. Exerta concurret, ubi de victoria palmam reperit. Prouocata melior, lacescita recentior, subito deprehensa & moderatior & cautior efficitur. Non turbatur repentino incursu, non frangitur hostium coaceruato exercitu. Non senescit debilitate, sed consenescit maturitate. Deserit quem in se non conuerterit. Vitur siquidem hæc aliter isto, aliter illo homine. Aut enim se tibi contemperat, aut se tibi informando comparat. Nec est minor, si minus in alio, nec amplior, si amplius in alio. Proficere dicitur, cum ex ea proficitur. Hæc à corporea natura diuersum fortitur, & quod est ab origine & quod efficit in homine. Origo eius à creatore, sed ad utilitatem creaturæ. Quid enim est virtus hæc, de qua loquimur, nisi vapor & emanatio virtu-

tis Dei? Vaporatur subdita Deo anima vitali tam calore, quàm odore, quatinus calore iustificetur, odore glorificetur. O gloriæ odor! ô calor vitæ! Tam nemo sine altero bene viuit, quàm nemo sine altero beatè. Beati ex alio Angeli, ex alio homines boni. Sic autem Angeli beati, vt & boni, quia nec beati essent, nisi boni fuissent, sicut odor semper cum calore. Nam sine calore nihil olet: calet tamen aliquid, quod non olet: sicut & bonus quandoque inuenitur, qui nec dum beatus est. Est verò arra beatitudinis bonitas, quam qui non deferit, eius consecutiuo carere non poterit. Vale.

^a ROBERTO ABBATI DE BULLENCURTE] Bullencurtis, seu Bullencuria, ordinis item Cisterciensis cœnobium est in diœcesi Tricassina, vbi Canonici olim fuerant Augustiniani: quoad Henricus Episcopus locum sancto Bernardo, Clareuallensibusque concessit. *Vallecurtensis Abbas* pro Bullencurtensi perperam legitur apud Saresberiensem epist. cxv.

EPISTOLA X.

Venerabili: Abbatissæ Fontisebraldi Mathildi, Fr. Petrus Cellensis Abbas, suus in Christo amicus, gratiam & gloriam sponsi æterni.

INSPECTOR conscientiarum Deus & testis nouit quibus dignationem vestram præcordiis exceperim: quàm incomprehensibiliter ad confederationem mutui amoris exultauerim: quamque incomparabiliter omni auro familiaritatem vestram prætulerim. Vnica siquidem & pura me vobis prius conciliauit gratia, tum deinde ampliandi amoris multiplex superuenit causa. Vbi enim nulla operum præludia, nulla præcedunt officiorum blandimenta, vnde amorem dixerim procedere, nisi ex gratia? Hæc enim operatur motibus propriis & spontaneis in corde hominum sine penitentia, cum multa reuerentia, & absque inuidorum calumnia. Hæc aufert suspicionem, confert affectionem, defert honorem, refert pudorem. Hæc interueniente soluuntur malignantium susurria, consolidatur bonorum concordia, & prorsus adimuntur insidiantium machinamenta. Hæc spirituum coagulum, ac indissolubile bitumen animarum, diuersitates morum ad vnā consonantiam reducit, & meritorum inæqualitates ad æqualitatis contemperantiam proportionaliter recolligit. O gratia gratiosa! sine te omnia mala, tecum omnia bona. Sine te, inquam, inanis vniuersa creatura, & à te repletur Angelica cum humana creatura. Tu reformas deformia, lapsa reparas, confirmas debilia, clausa referas, congregas dispersa, & obscura illuminas. Tuum est quòd sum, quòd viuo, quòd sapio, quòd sanctorum vestigiis deuotus procumbo: tuum, inquam, tuum est quòd te in templo sancti tui nominis, quòd in sanctuario tuæ glorificationis videre & adorare te merui. Si enim sanctius adoraris in animabus sanctis, quàm in templis lapideis & manufactis, quantò magis in sacris visceribus virgineis? Nihil enim est tibi his carius, acceptabilius nihil, cum æthere nitidius, firmamento reluceant iocundiùs, cœloque sublimiùs. Vbinam tale quid inter homines reperies? Credo in illa tua Fontisebraldi Abbatissæ, quæ nobilitate carnis nemini secunda, spiritus gene-

resitate in multis celeberrima, castitate præcipua, humilitate conspicua, liberalitate profusa, feruore religionis est decenter succensa. Reprimo stylum, ne assentatoris sustineam periculum. Parcius enim laudare amicos, amplius amare debemus. Seuerius quoque mala eorum corrigere, quàm malè sana palpando contrectare. Condemnatur verò non minus desidiæ, qui vano timore gloriam Dei reticet, quàm inuidiæ, quem alterius fortuna contorquet. Solem etiam de mundo tollere non immanioris æstimo sceleris, quàm dotem naturæ & gratiæ à creatore in creatura collatam obumbrare silentio malignitatis. Virtutum namque prædicatio, Dei est glorificatio: nec tutum est cui quam se nescire quod habet habere, cum damnum exinde citius possit euenire. *Nos*, inquit Apostolus, *non spiritum huius mundi accepimus, sed spiritum qui ex Deo est, ut sciamus quæ à Deo donata sunt nobis.* In filiis huius sæculi hæc comprobatur prudentia, si res familiaris frequenti supputatione creuerit multiplicata. Idem cælestium negotiator mercedum quotidiana emolumenta assidua ratiocinatione debet compensare, & quæ minùs ad thesaurum sufficiunt omni instantia perquirere. Vnde Psalmista: *Notum fac mihi, domine, finem meum, & numerum dierum meorum quis est, ut sciam quid desit mihi.* Quomodo namque potest scire is quod sibi deest, cui non constat quod adest? Itaque requirat sarcinulas, marsupia excutiat, pecuniam appendat in statera, cogitet sumptus, drachmas computet, domumque euerrat, ut sciat quid desit sibi. Si desunt agri primitiarum, fertilis videlicet charitas superbarum virtutum: si paradus malorum punicorum, scilicet plenitudo bonorum operum: si fons hortorum, hoc est vena sanctarum deuotionum: si reclinatorium aureum, quod est requies omnium affectionum: festinet, discurrat, transmigret per nundinas, per marina discrimina, & per regiones remotas, quia vbi non sufficiunt propria, succurrunt aliena. Præterea & puella quærat lanam & linum, ut ex vno calidam, ex altero faciat candidam tunicam. Martha calidâ vtatur, Maria candidâ. Hæc enim actioni, illa contemplationi aptatur. hæc orat, illa laborat: sedet ista, fudat illa: hæc quiescit, illa currit: exit ista, illa intrat: ista inchoat, illa consummat. Felix anima, cuius promptuarium talia refudat vnguenta, cuius dolium talia refundit libamina, cuius virgultum eiusmodi stillat balsama, cuiusque horreum simillima continet aromata. Felicem dixerim & locum, vbi tales comparantur species, vbi gemmæ vaneunt incomparabiles, vbi exiguo pretio res acquiruntur valde desiderabiles. Vidi, vidi in foro speculum non alteri quàm filiæ regis congruum: vidi monile non alterius quàm intactæ virginis collo appendendum. Hoc speculum castitatis est, virtutis, & humilitatis: quæ terra nostra in publicis contractibus hætenus habere non consuevit. Res siquidem pretij est inæstimabilis, rarò inueniens venditorem, rariùs emptorem. In eius certè comparatione cælestes exhauriuntur thesauri, negotiatores requiruntur ditissimi & diuinissimi, comparatores quoque liberalissimi. Cæleste siquidem commercium supercæleste desiderat pretium. Quid nempè virginitate cælestius? humilitate quid excelsius? In diademate Salomonis prefulget altera, in

I. Cor.
II. 12.

Psal.
xxxviii.
5.

EPISTOLARVM LIB. II.

41

ra, in thesauris regiis pretiosior est altera. Ex vtraque tamen omnium artifex sapientia monile composuit, & vñale proposuit. *Qui potest, inquit, capere capiat.* Ad hoc manus adolescentularum satis ambitiosè quasi tentantes emere circumuolitabant, sed audito pretio statim omnes resiliabant. Ad extremum pene iam desperato negotio, virguncula quædam, Andegauensis Comitissæ filia surrexit, manum ad fortia misit, & noua commutatione pro rege Anglorum regem commutauit Angelorum. Hæc gloriosa dicta sunt de te, carissima domina. Indulge autem mihi, quod sermone diffusiore te plus iusto detinuerim, & credas ex abundantia amoris copiam protulisse sermonis. Ora ergo pro nobis. De componendis autem quibusdam sententiosis sermonis tui non sum oblitus, sed tam citò implere non potui pluribus impeditus. Vale.

Math.
19. 12.

[ABBATISSAE FONT. MATILDI] Sub finem epistolæ Comitissæ Andegauensis filiam fuisset docet. Hæc igitur est Matildis, Fulconis v. Comitissæ, Hierosolymorum postea regis filia, quam Guillelmo Henrici primi Anglorum regis filio desponsam vtriusque gentis historiæ narrat, & legere est in Notis ad Goffridum lib. v. ep. xvi. Cæterum Guillelmo sponso marinis fluctibus ante nuptias absumpto, Matildis intactam virginitatem inter Fontisebraldi sanctimonialibus Deo deuouit, & pro rege Anglorum, ut Cælestinus noster loquitur, regem commutauit Angelorum. Nunc Abbatissa iam erat, ut in epistola sequenti.

EPISTOLA XI.

Domina suæ seruus suus spiritum rectum.

QVOD filius hominis non venerit pacem mittere in terram, sed gladium, & quod Spiritus sanctus super principes nostros in igne descendit, quodque Isaac ignem pænæ & ligna disciplinæ nostræ portauerit, scienti refero. Hæc etiam fortassis ratio, quare Iacob in benedictione filiorum Ioseph manus transuerfauerit: quatinus singulorum non natiuitatis ordo aut priuilegia, sed meritorum & morum attendantur officia. Virtute namque discretionis seruata, & misericordia in sua triumphat patria, & iustitia congruè disponit totius regni gubernacula. Cum itaque palatium ingredimur misericordiæ, flores & fructus decerpimus oliuæ. Cum ad tribunal iustitiæ assistimus, palmam reportamus, & de pomis lunæ & solis satiamur. Hæc in reginæ nostræ vestimento delectabilis varietas, & ad tollenda fastigia filiorum non solum hominum, sed & Dei immutabilis immutabilitas & æterna æternitas. Ioannes in aqua tantum baptizat, nec vulnus originalis peccati sanat. Christus Iesus in Spiritu iudicii & spiritu ardoris, & cælum reseat. *Omnia, inquit Apostolus, mundantur in sanguine, & non fit remissio nisi in sanguine.* Neque itaque vestimentum mixtum sanguine sit in combustionem propter peccati transgressionem. Christus septies contra velum sanctuarij proprio digito suum asperxit ad emundationem criminum nostrorum sanguinem. Hoc nos docuit vnus magister noster qui in cælis est, hoc legislator in figura monuit, *Non auferes, inquit, sal fœderis Dei tui in omni sacrificio.* Satis dictum est sapienti. Priorem illum sancti Aigulsi excuso, quia quod facere potuit

Hebr.
IX. 22.

Leu.
11. 13.

F

& debuit, fecit. Si aliud vel aliter fecisset, offensam nostram incurreret. Vale. Proderit tamen peccanti præcedente pœnitentia oratio vestra & sancti conuentus vestri. Iterum vale.

EPISTOLA XII.

“Priori suo fuis Abbas.

Res humanæ qualiter in mente diuina pensentur, conspectibus hominum in hac volubilitate mundanorum absconditur. Solummodo angelica puritas his prout datur admiscetur arcanis, ac de profundo mysteriorum edocta quibus dignum videtur reuelare sufficit. Interim temeritas nostra sic in se ipsa obscurata confunditur, vt nec remota sensibus aliquatenus apprehendat, nec saltem vicina cognitione perfecta contingat. Digna hæc ultio in præsumptorem, vt & de præteritis arguatur, & à futuris coërceatur. Timore huius periculi, mi dulcissime, admonitus, de præsentibus quidem angor, & tamen futurorum præsentiens caliginem vias incognitas reformido. Gratia verò diuini auxilij si affuerit, nec profunda pelagi pertimesco, nec etiam quæque intentata arripere diffido. Etsi enim parum roborata trepidet affectio, poterit sine dubio consolidari insuperabili superni luminis patrocínio. O Iesu! cui vanum fuit ad te confugere? cui malè cessit te & inter vepres hærentem cornibus quærere? Te quidem nec pietas deserit, nec omnipotentia: atque ob id tuis nec pium ferre recusat suffragium. Suâ potiùs perit quicumque periclitatur diffidentia, quàm tuâ inclementia. Nostro si dignaris obsequio, mentem nostram compunge tactu interno, & in funiculis amoris tui reduc à sæculo, & deduc in eremo. Tumultus non quiescat, donec tanquam spumam ad littoris quieta nos ejiciat. Fiat, fiat super nos misericordia tua, domine. Non conuertatur amaritudo passionis, nisi omnia expurgauerit superflui humoris. Honoris ambitio, carnis delectatio, amicorum confabulatio, consanguineorum visitatio, subiectorum prælatio, maioris potestatis ostentatio, vt quid? Nonne his anima compeditur, ne ad superna euadat? Nonne his complicatur, ne virtutum pennis caelestia petat? Et horum quidem finis erit, sed sine fine pœna durabit. Alterum horum fieri necesse est, aut vincere hæc, aut ab his vinci, aut superare, aut subdi, aut fugere, aut includi. Sanius est igitur nudum enatare, quàm vestitum submergi: solum effugere, quàm cum multis periclitari. Quid cor humanum expauescis? quid refugis? fructus solitudinis non est quidem mollis, est tamen fortis, non est pinguis, est tamen dulcis: est durus, sed in cortice: est acerbus, sed in superficie: est noui saporis, sed inchoantibus: est conterens dentes, sed non consuescentibus. O cor humanum, cur times renouari? cur abhorres reparari? Velis, nolis, hinc abire compelleris: velis, nolis, sine mora emigrabis. O cor excors! cur non curris ad dominum cordis? Cur omnia colligis, & te ipsum non colis? Dignitate præcellis, potestate excedis, auctoritate quicquid creatum sub cœlo est euincis. Nobilitatis tuæ progenies quanti sit, ob ignobilem conuersationem non at-

tendunt, qui post corpus suum te ponunt: exemplar tuæ formationis non meminerunt, qui inter corpus & spiritum quæ sit differentia non animaduertunt. Natales tuos relege, & de quàm spectabili sis genere recolere. Generi tuo maculam seruitutis noli irrogare, quia seruitus tibi non à te debetur. Etenim tu in loco sublimi sedere, ceteri verò tibi debent assistere. Tuum est mandare, ceterorum ad mandatum venire, & pro contemptu vindictam excipere. Tuum est iniungere, subiectorum sine discrimine iniuncta effectui mancipare. Soli Deo si dignum præstiteris obsequium, tuum ad omnia valebit imperium. Hoc interim confabulatorium omittam, & tempus & locum constituam, quo narrationes, rationes, & allegationes vtrinque liberiùs audiam. Valete.

a PRIORI SVO] Monasterij, Cellenfis.

EPISTOLA XIII.

Frater Petrus Cellenfis Abbas T. Priori Molismensi salutem.

Sacratissimæ passionis & resurrectionis Dominicæ solemnes feriæ, dies cum suis horis, membra cum suis officiis non immeritò hastenus vendicauerunt. Quid enim digitis meis cum calamo scribere in die, quo distenditur in cruce dilectus ex dilecto, qui factus est sponsæ suæ fasciculus myrrhæ? Manus domini tornatiles, aureæ, plenæ hyacinthis, clauis perforantur, & manus mea ad aliud quàm ad distillandum myrrham probatissimam occupabitur? In vno oculorum, & in vno crine colli sponsæ vulneratum cor eius, & cor meum inania & superuacua meditabitur? Potius resignet dies hæc in affectu Christiani affectum morientis Christi, compassionem in membris, mortificationem in concupiscentiis, expiationem à vitiis, conformationem in officiis charitatis. Ecce cur non responderim epistolæ tuæ die sequenti postquam eam accepi. Accepi namque eam, cum de vituli saginati pelle detrahenda & de agno assando iam ageretur, & manus ac pedes iunioris filij Rebecca parabat superuestire vestibus Esau valde bonis, id est sacramentis Ecclesiasticis. Iesus vestimenta sordida non propter peccati contaminationem, sed propter mortalitatis contaminatam conditionem deponebat, & sacram manuum ac pedum ablutionem, non carnali depositione sordium, sed conscientiæ bonæ interrogatione in Deum intitulabat. Iam ex odore vnguenti à peccatrice, sed pœnitente, in caput vel pedes saluatoris effusi implebatur domus: iam conuiuium pinguium, conuiuium medullarum apponebatur, vinum meracissimum crateris infundebatur. O bone amice, quis scriberet, immo quis non biberet? Comedite amici, & bibite, & inebriamini carissimi, continuabatur, & de morticinis pellibus atramento liniendis cogitaretur? Ecce quare statim non respondi, cum libentiùs illis pulmentis intenderem, quàm de responsione vestra cogitarem. Quid de sabbato dicam? Quid, inquam, dicam, nisi quia sabbatum est? Sabbatum reuera sed delicatum, sed sanctum, sed gloriosum. Non licet igitur digitum extendere, & loqui quod non prodest. Deinde die sequenti, resurgente & cum spoliis multis Domino redeunte, aliquid de præda præ-

F ij

tiosissima veniens in occursum deposco. Rursum intueor triumphum, excipio renascentia sidera: post solis ortum & auroram nascentem in thesauris meis configno, ut hæc spes reposita in sinu meo doceat, quod *flebile principium melior fortuna sequeretur*. In his diebus nemo alius scripsit, nisi tantum Pilatus, quinimmo destructum est quod aduersum nos erat chirographum. Post hæc verò tandem, cum exiuit homo ad opus suum, & ad operationem suam usque ad vesperam, recogitaui seriem somniorum atque sermonum epistolæ tuæ, & extrahens eam de tenebrosis ad lucem, deprehendi non esse meam. Vbi enim mea, quæ de me principio narrat super id quod vidit, aut audiuit ex me? in medio fingit me dixisse vel fecisse quod non est verum? in fine comparat se illi qui sine peccato non est? Non sibi conuenit imago epistolæ tuæ, bone frater & amice. Primum vinum ponis, deinde acetum supponis, ad vltimum mixturam myrrhæ & aloes apponis. Non rejicio vsquequaque laudem mihi propinatam, amplectens dicentis beneuolentiam, non dicti conscientiam. Languor enim ille fortissimus, quo sub sole vniuersa vanitas hominum laborat, & me cum aliis corripuit, quatinus suaves illas aurium modificationes necdum propulsare didicerim. Naturale est hoc vitium, & ut ait Seneca, naturalia corporis aut animi vitia leniri arte possunt, deleri non possunt. Hoc animi scabies est, sed differenter occupat. Inuadit quandoque inferiora, quandoque superiora, quandoque totum simul, & superiora & inferiora. Superius est in animo, quod ad rationem pertinet: inferius, quod ad sensualitatem: totum quod ad destinationem, siue deliberationem. Fallaci igitur suppositione: dum aliàs animus fortè ad quædam maiora & meliora occupatur; subintrat inanis gloriæ amor, & foliis ficus turpitudinem suam obumbrans, in latibulo anguli sedet, ut cum domina sua ratio absens fuerit, viro, id est naturali appetitui sese misceat, & ex tali concubitu Ammonitæ & Moabitæ, qui non intrant in Ecclesiam Dei, vsque ad tertiam & quartam generationem, procreantur. Quod enim ab initio conceptionis & generationis vitiosum erit, ad innocentie gloriam quo modo intrabit? Nunquam igitur opus vanæ gloriæ numerabitur in remuneratione veræ gloriæ. Ideo Abrahæ dicitur, *Eiice ancillam & filium eius. Non enim erit heres filius ancillæ cum filio libera*. Deinde quod periculosius est, ascendit sursum hæc scabies, & tangit ipsum verticem sanctum animæ, ubi est imago & similitudo Dei. Quærit suam non Dei gloriam, abutitur voluntate diuinæ tam generationis, quam regenerationis. Non nominat filium suum, id est opus, Ioannem, sed Zachariam. Hæc iam non celat, & non velat, sed reuelat turpitudinem suam, & iuxta sapientissimum, contra animam suam Adonias petit Abylac Sunamitem, quæ regi Dauid solebat obsequia præstantissima & incentiua castissima præbere. *Vnum est*, inquit Salomon, *ac si regnum petat*. Adonias cupidissimus regni, est ratio infecta amore priuati boni. Ambit iste Abylac sibi assumere, cum tota ratio absorbetur à voragine cenodoxiæ. Sed occiditur, quia à Deo separatur. Hoc malum sub sole est. Adhuc amplius malum est, cum tota hominis intentio & operatio ad hanc iniquitatem & negationem contra Deum se in-

Gen.
xxi. 10.

3. Reg.
ii. 2.

curuat. A laqueo sic contorto triplici funiculo caue tibi, ô amice : quia malum est oblatiis honoribus delectari, peius negatos appetere, pessimum pro sublatiis in iram proflire. An erat meum Abbatiam illam dare cui vellem, subtrahere cui vellem? Et quis ego? & quid ego? Præcipuè comparatione tanta: Archiepiscopi scilicet Lugdunensis, Episcoporum quoque Lingonensis & Augustudunensis: Abbatum etiam Molismensis, sancti Ioannis Quintiacensis: quid ego nisi pulvis & cinis? Cælum & terram cum istis testes inuoco, nisi fortè euanuit à sensibus meis, quòd de persona tua nil inhonestum, nil criminofum in eorum auribus deposuerim. Reuera non statim acquieui, & abiit sermo in regionem longinquam. Nominatus est iste, non dissimulaui dicere quod audieram, vel videram: reticui tamen quod ignorabam. Nominatus est Petrus de Viuariis, heu mihi! pro quo contra amicos, & Episcopos & clericos & familiares, alia vice fortissimè steteram & constantissimè, nunc quoque vt potui steti. Quia non potui vt esset Abbas, vertit ad mecum quibusdam suorum terga, & non faciem. Hoc anno multa horum similia, non per visum, sed per sensum & experimentum passus sum. Amici quondam mei à longè steterunt, & iam non ambulant mecum. Quid itaque faciam? Non ibo? sed inobediens ero. Non ibo? sed superbus apparebo. Tacebo? sed conscientiam timeo. tacebo? sed pecuniam Domini abscondo. racebo? sed callidus, vel stultus reputor. Vtrique parti placebo? Sed hoc erit simulatio, sed hoc erit impossibile. Quid igitur? Dirige domine Deus meus in conspectu tuo viam meam. Quid inquam? Da sermonem rectum & bene sonantem in os meum. Hucusque satis. Nam parietem litterarum fodere, ne dicam impugnare, parco. Rimas tantum & quasdam scissuras per circuitum obambulans designo, sed & resigno. Nam quod fractum est, si quid tamen fractum est, malo refarcire, quàm noua damna facere. Fiat pax.

« T. PRIORI MOLISMENSI] Theobaldo fortasse, qui post hæc Abbas eiusdem cœnobij lib. vi. epist. xiii.

« S. IOANNIS QUINTIACENSIS] Multa sunt in Gallia cœnobio, quæ S. Ioannis nomen gerant. Hic verò Reomensis S. Benedicti Abbatiam in diœcesi Lingonica designari puto. Quintiacensem verò, alteram Cisterciensium haud procul Ternodoro sitam in eadem diœcesi.

EPISTOLA XIV.

Frater P. Cellensis Abbas, dilectis fratribus, filiis & amicis Caziacensibus, sapientiam scribere in tempore otij.

PRÆTER solitum, nec non & votum meum, in virga non in spiritu mansuetudinis scribere vobis proposui, qui paterna præcordia aculeis litterarum vestrarum absque misericordia perfodere non timuistis. Mouet me & commouet plurimum pia senectus in patre, miseranda compassio in fratris abiectione, seria & intemperata oratio in paginarum serie. Dissimulare, nec tam manifesta redarguere, pars eiusdem criminis videtur esse. Quis enim iste impetus? quæ ista ebrietas? quod suffugium mentis & sensuum, fratrem abdicare, patri contradicere, ius monastici ordinis sic per-

F iii

turbare? Dura & dira, fratres mei, amulatio vestra, morte tristior, inferno inferior, saxo durior, amarior ablinthio, felle acetosior. Quid enim? pietas negatur, necatur misericordia, honor paternus conuitiatur, insinulatur amor fraternus, societas repellitur, regula violatur. O irreligiosa religio! ô ficta sanctitas! ô inuidiosa charitas! Siccine, fratres mei carissimi, siccine Christum didicistis? Nonne Deus noster Deus pacis est, & non dissensionis? O stulta vecordia illorum, qui pacem suam dicunt, si fratrem non receperint: mortem, si viderint: prosperitatem, si socium exterminauerint; deuotionem, si opus deuotionis condemnauerint. Hæc in te pestis, Ioseph, grassatur: hoc in tuum caput infortunium sine culpa refunditur. Vendere enim te fratres volunt, quem videre nolunt. Paternæ gratiæ impedimentum sibi credunt, quia patri gratiosum sentiunt. Sic sic fratrum ingritudinem mercatur gratitudo patris. Si defuerit, inquit, amatus filius, ad nos resiliet paternus affectus. Dum Ioseph visibus sistitur patris, rarior ad nos defleat dulcedo paternitatis. Tollamus fratrem & habebimus patrem. Quam iustius & iocundius faceretis, si vobis filialem deuotionem inuisceraretis. Hoc nempe affectum multiplicaret, non deuastaret. Boni fratres & amici carissimi, currebatis bene, quis vos fascinauit sic patri scribere, sic fratrem proscribere. Quid enim Tes. mali fecit? quid tam atrocis injuriæ dignum perpetravit? Quod tam immanissimum suum facinus, ut sic contra legem sine lege vestro iudicio non rediret? Vbi sunt misericordiæ vestræ antiquæ quibus veniam criminosis indulxistis? quibus sceleratis commissæ facinora remisistis? O quantò impurius, quantòque indignis vitæ pluribus & locum misericordiæ impetrastis, & gratiam immeritam prorogastis! Vbi fornicationes T. vbi inordinatæ comestiones? vbi ignominiosæ operationes? vbi innominandæ confusiones? Opera lucis, non tenebrarum opera T. opera dici, non noctis: opera prædicanda, non præiudicanda. O liuor! ô inuidia! Quo ausu ingressa es sanctuarium Dei, cubile altissimi, thronum Regis æterni? Qua tyrannica præsumptione sanctorum præcordia rupisti & irrupisti, quinimmo & dirupisti? Ecce pondere gemitum & clamorem validum de corde amicorum pressisti. Vnde namque vstio illa cordis, vnde angustia mentis, nisi te succendente, nisi te constringente? Prorsus vsque ad interneccionem animæ combureris, & ex hoc paupertas & angustia cordis. Non fratres, non aduersum me ira, siue commotio vestra exardeat. Nequaquam enim tacere vobis debui insipientiam vestram. Acquiescite tamen consiliis meis, & quod inconsultè factum est, consultò corrigere ne differatis. Quam citius ergo poteritis, ad pedes Domini Abbatis simul procumbatis, satisfaciētes pro erratu non leui, neque surgatis nisi benedictionem ab ore paterno reportaueritis. Mihi quoque, si in aliquo excesserim, obsecro indulgeatis. Diligo enim vos, Deus scit. Valet.

* *immo* CAZIACENSIBVS] Pro Abbate Caziacensi ad Eugenium Papam scribit Bernardus epist. cclxiii. & in litteris Harthonis Episcopi Trecentis nominatur Simon Abbas Caziacensis. Apud Nicolaum quoque Clareuallensem legitur epistola xix. ad Abbatem Bene-Cazeiensem, hoc est, ut codex noster habet, Caziacensem. ex qua Cœnobium ordinis * Cisterciensis esse constat. Situm autem est in Sueffionum diocesi.

Fratribus, filiis, & amicis suis carissimis Caziacensibus, frater Petrus humilis Abbas Cellensis salutem.

Non leuitas, aut leuis necessitas vt loquar suadet, patris languorem, matris desolationem, fratrumque attendens commotionem. Verum est, verum est, fratres carissimi, illud Euangelicum: *Percutiam pastorem, & dispergentur oves gregis.* Quid autem horum grauius, percussio pastoris, an dispersio gregis? Equidem diuisum sine dubio alterum satis graue: simul verò vtrumque pene damnum intolerabile. Immorabor igitur plangendo patris passionem, an consequar reuocando fratrum exterminationem? Sed vt verum fatear, vtrumque, si vtrumque contigerit lugebo. Sed alterum affectuosius, alterum ambiciosius. Nam patri vberius lacrymas profundam laboranti in defectu naturæ: fratribus emittam intensius redargutionum sagittas propter excessum culpæ. Morbis namque naturæ compassionem, corruptioni animarum debemus reprehensionem. Condolendum, non imputandum est seni, quodd egreditur mundum: imputandum vel potius amputandum in Christiano, si rumpere tentet dilectionis vinculum. Re integra, fratres carissimi, nondum imminet lucrosius euitantur pericula, si affuerit oculus prouidentiae, & manus vigilantis cautelæ. Casus fortium terrere debet fortunam pauperum. Nam tua res agitur paries dum proximus ardet. Quantumlibet potentissima, quantumlibet opulentissima regna in breui contentionum molestia succensente corruunt. Mundi ipsius machina stare non poterit, si se elementorum incontinentia conturbauerit. In proximo Cluniacensis Ecclesia antiquitate senior, religione feruentior, rerum abundantia plenior, multitudine numerosior, quid fecit? Scandalum paruulis, piis mæstitiam, religiosiis verecundiam, amicis pudoris iacturam, vniuersæ Ecclesiæ velamen opprobrij. Vbi enim ambitur honor sæcularis sub tegumento religionis, quando ab eodem arcebitur crudus animus in maturitate dilectionis? Si ita fauus mellis acescit, quid absinthij amaritudo, quid aceti faciet acredo? Prouerbum est, Suauiter corrigitur, qui exemplo aliorum emendatur. Maneant igitur in vobis vnitas, pax, & concordia, vt idipsum dicatis omnes, & non sint in vobis schismata. Quandiu patrem vestrum, immo nostrum, vobiscum retinere poteritis, alium ne cogiteris. At vbi inenitabili cogente necessitate aliter disponendum fuerit, spiritus paracletus inuocandus, cæterus sanctorum conuocandus, & vir bonus, religiosus, discretus, literatus, pius, & in sancta religione enutritus, qui patris vestri imitator sit, omnimodo inuestigandus. Valet.

⁴ IN PROX. CLUNIACENSIS] In electione Roberti, de qua dictum epist. 11. Abbas huius nominis non reperitur ea tempestate inter Clunianenses.

Matt.
xxvi. 13.



LIBER TERTIVS.

EPISTOLA I.

Dominis suis & patribus Priori cum ceteris de Monte Dei, Frater Petrus Cellensis indignus Abbas vsque ad montem Dei Oreb.



Liud materia, aliud suadet scribere vestra reuerentia. Et materia quidem, quæ est carissimi filij nostri translatio ad vos, potiùs semper silere, vel instantius flere, quàm scribere admonet. Sanctitatis autem vestræ reuerentia sancta & digna exigit. Itaque non quælibet leuia & secularia, sed fortia & cælestia debet assumere, qui vobis proponit scribere. Quid autem charitate fortius, quæ fortis est vt mors? quid cælestius, quæ etiam omnem exuperat sensum? Et de hac quidem, quantum ad nostrum se inclinare dignata est sensum, *Maiorem hac dilectionem nemo habet, vt animam suam ponat quis pro amicis suis.* Quanti igitur apud meam humilitatem vestra profecerit dilectio, æstimare poterit, qui quod pro ea reposuerim pretium diligenter pensauerit. Certè non aurum, sed virum secundum cor meum: certè non argentum, sed quem habebam quasi vnigenitum: certè non lapides pretiosos, sed lapidem, quem mihi erexeram in specialis amoris titulum, in hoc proposui commercio. Scio, nec prorsus dubito, quòd si omnem substantiam domus meæ dederim pro sancto amore vestro, nihil tamen in comparatione illius attulerim. De monte namque Dei non amor mundi, sed amor cæli descendit: non carnalis amor, qui tanquam nubes matutina pertransit, sed æterna charitas quæ nunquam excidit. Non enim recipit æstimationem, quod omnem excedit accidentium licitationem. Diuini siquidem amoris suauitatem sanctarum animarum pius redolet amor. Et quid humana paupertas dignum recompensationis, non dicam ad supernum amorem, sed saltem ad quamlibet sanctorum dignationem, in omni thesauro inopiæ copiosè abundantis reperire poterit? Sanè nil sanioris mihi videtur ad hoc consilij, quàm vt gratiam rependat pro gratia, ad illius imitationem, qui potiùs ex abundanti, quàm ex indigenti, non aliud quidem solet dare pro gratia. Itaque & ego gratiæ vestræ gratias ago, non tamen vanas, non vacuas, sed vltra facultatum mearum sufficientiam largas & diuites. Non enim de arca, sed de conscientia, non de fundo marsupij, sed de intimo cordis, non de suppellectili domus, sed de intimis visceribus profero quod accipitis. Si enim aliter fieri posset, si aliud pretium, quantumcunque magnum, vestra sanctitas exposceret, si aliquam commutationem commercium illud admitteret, ô quam libenter darem! ô cum quanta gratiarum actione numerarem! O Deus cordis mei, quanta animæ

Ioan.
xv. 13.

animæ meæ usque ad mortem in hoc partu angustia, quàm importabilis! nisi tu mecum portaueris in separatione ista affectionis semper duratur ærumna. Iesu bone! indubitanter pro te aliquid me fecisse jam deinceps fateri non erubesco. Sed quid aliud facerem? Tuus est ille, tuus sum ego. Et vrinam sic tuus ego, sicut ille tuus! Et qua fronte tibi de tuo tuus contradicere præsumam? Non resisto voluntati tuæ contumaciter, vt tu adfistas desolationi meæ misericorditer. Vide humilitatem meam & laborem meum, & dimitte vniuersa delicta mea. Domine, domine, nonne totam mitius à me tolleres animam, quàm partem dimidiam? Placeat tibi saltem non deferere partem residuam, quia tibi assumis præcipuam. Verè nunc experior, quòd separare veneris hominem aduersus patrem suum. Verè hic gladius Salomonis viuus & efficax, & penetrabilior omni gladio ancipiti, pertingens usque ad diuisionem animæ & spiritus. Quare propter te diuisa est maceries animorum præsentia corporum? Tu mediator, tu lapis angularis, tu dispersos Israël congregas, tu Deus vnus, ad te & in te vtraque faciens vnum, quare sic facis, vel si non facis, quare pateris vt caream baculo meæ debilitatis? vt suam columnam deserat basis? vt sine Aaron non Moyse, sed tuus miser cogatur sustinere quæstiones siue molestias huius talis & tantæ multitudinis? Pie Iesu, non sustineat pietas tua sine consolatione meam diutius fragilitatem conquassari, sine visitatione fatigari. Quid est hoc? vobis cœpi scribere, vobis loqui, & sic in mediis sermonibus, cum tanta mora meas miseras misericordissimi Dei conspectibus explicui. Certè vt videatis, certè vt intelligatis, quis sit dolor filium dexteræ amittere, & nec saltem sublato Ioseph, Benjamin retinere. Quinimmo vt Deum totius consolationis meis compatiendo mœroribus dulcius & obnixius pro me exoretis. Est enim benignus piorum exauditor, largus pro se aliquid facientibus remunerator. Orate itaque, ut & istum, quem quasi in vinculis Christi retinetis, non amittam, & vt optando scripsistis, pro Samuele nostro prophetam non inferiorem recipiam. Sic enim dote bona ditatus, consolationem aliquam vestris orationibus accipiens, potero expectare illam veram & æternam, pro qua desolationem suscipio temporalem & transitoriam. Valet.

DE MONTE DEI] Pulcherrimum, multisque nominibus clarissimum Cartusiensis ordinis cœnobium, ab Odone S. Remigii Abbate fundatum in diœcesi Remensi, præfectura Moscomensi. Tertius ab Odone S. Remigii Abbas fuit Petrus noster: vt vel hinc satis causæ fuerit, cur fratres de Monte Dei tanto studio & amore complexus sit. Sed aliæ præterea vetustiores fuerunt: atque in his Stephani monachi Cellensis ad illos emigratio, de qua hoc loco. Stephani nomen docuit index seu titulus epistolæ, quem his verbis conceptum meminimus, *Epistola Petri Abbatis Cellensis ad Stephanum quendam monachum suum, sed postea monachum Montis Dei*. Sed hanc hæcenus nancisci non licuit.

PRIORI] Simoni, viro, sanctissimo, lib. v. epist. xi.

EPISTOLA II.

Dominis & patribus suis de Monte Dei, frater Petrus Cellensis dulcedinem gratia quam repromisit Deus diligentibus se.

EXultat spiritus meus in Deo salutari meo, tum quia videre & audire vos vel semel merui, tum quia familiaritatis gratiam, gratia superna largiente, inueni. Accedit hinc beatitudini meæ dulce ad inuicem commercium litterarum, vnde & amaritudinibus meis mitigatiuum paratur electuarium, & inquietudini sopitium medicamentum, & hebetudini non mediocre æruginamentum. Denique quotiens formam & vultum inspicio sermonum vestrorum, magna virtute veneniferos morsus euado rugientium curarum, inundationes contempero influentium occupationum, assultus reprimo internarum & veterinarum inimiciarum. Placet sensus profunditas, dictorum veritas, morum informatio, errorum redargutio, amputatio vanitatum, condemnatio ambitionum. Plus medullæ farinæ, minus corticis & furfuris habent. Facile ex his perpendi potest, quid in se de se anima religiosa sentiat, quid supra se de creatore suo obstupescat, quid infra se de peregrinatione mundi & tentatione carnis pertimescat. Planè ad seipsam conuersa conturbatur, ad factorem suum suspensa dilatur, ad corpus reuersa confunditur. Quid enim corpus, nisi terra inanis? quid anima, nisi abyssus impenetrabilis? quid Deus, nisi lux incomprehensibilis? Igitur vt caro sterilis & infœcunda imprægnetur, jejuniis & vigiliis affligatur: vt anima terra & tenebrosa clarificetur, pristinis vitiis & phantasticâ ignorantia exuatur. Caro abstinendo fiat paradisi deliciarum, anima orando & contemplando efficiatur serenissimum cœlum. Custos & operator paradisi deputetur ratio: protector & inhabitator animæ ipsius creator. Adhibeatur corpori diligens disciplina, ne tanquam puer immaturus in perniciem sui efferatur: cultura impendatur, ne velut ager neglectus mala prole vrticarum inutiliter occupetur: vomere & sarculo conscindatur, & bono semine impleatur. Nam huius naturæ est hoc corpus, vt quò magis opprimitur, eò amplius multiplicetur. Terra huius carnis, nisi aratro disciplinæ conuulsa fuerit, quasi clausa vulua inutilis erit. At vbi fortiter concussa vel conscissa semen domini exercituum exceperit, germinare secundum genus suum incipiet. Denique secundò vulnerata, tanquam gladio ancipiti, amore videlicet & timore, vberes fructus iustitiæ, largissimas aquas internæ compunctionis, immo sanguinem & aquam in redemptionem præuocationum suarum, & emundationem originalium delictorum, in vitam æternam saliendo profluit. Atteratur itaque contritione valida, ne insolescat, & pro frumento bonorum operum spinas & tribulos desideriorum malignorum afferat. Fodiatur, immo confodiatur lanceâ Saluatoris ne animam in sepulcro vitiorum defossam æternis addicat incendiis. Duobus funiculis Dauid admetiatur, vno ad mortificandum, vno ad viuificandum: vt quod naturæ est conseruetur, & quod vitij, destruatur. Sic, sic quantumcunque lapidosa fiet mollis & tenera: quantum-

cumque saluginis plena, fiet dulcis & bona: fiet, inquam de benedictionibus cœli frugifera, fiet quasi horti iuxta fluuios irrigui, quasi areolæ confitæ à pymentariis, quasi mons coagulatus & pinguis, tanquam vallis nemorosa, velut terra sancta & vberima. De hac solummodo oritur veritas, in hanc iustitia de cœlo prospicit, hanc inhabitat & in hac sanctitas: ferrum de hac tollitur, malleus vniuersæ terræ & securus suggestionis diabolicæ in ea non auditur. Hæc terra benedictioni proxima est. Hæc inquam accipit, tanquam lac diuini vberis, primam benedictionem in justificatione, secundam in glorificatione. Omnis igitur iuxta Apostolum qui lactis est particeps, velut ab vberibus maternæ gratiæ, exsugat ab ista lac sanctificationis, ab illa consolationis. Hoc enim est, quod ait Apostolus: *Ha-* Rom. VI. 21.
beris fructum vestrum in sanctificatione: finem verò vitam æternam. Sic, sic viuunt, & in talibus vita spiritus. Sic viuunt paruuli tui, domine Deus, ab vbere præsentis visitationis, sic ab vbere futuræ expectationis. Hæc duo, sicut duo hinnuli capræ gemelli, quia ex abundantia diuinæ jam prælibatæ dulcedinis, & ex indubitata certitudine sequentis remunerationis, jam ad Deum, sicut ceruus, inæqualitatem aduersitatum transcurrimus, jam super montes aromatum mundarum orationum præ alacritate tran- Rom. VIII. 8.
 silimus exclamantes cum Apostolo, quia non *sunt condigna possessiones huius temporis ad futuram gloriam quæ reuelabitur in nobis.* Cuiusmodi autem lac fratres esuriatis, hæsito: quia ad humanos vsus non simplex, sed aliud ouinum, aliud caprinum, aliud vaccinum à Deo creatum perpendo: habet & humana infantia lac proprium, & ætatis suæ congruum, mamillarum maternas. Ex qualitate verò vberali vniuscuiusque lactis, cui magis personæ, vel ætati quodlibet horum competat, non est differere. Est namque caprinum parum nutritium, sed satis digestiuum: vaccinum multum nutritium, sed durum ad digerendum: ouinum ex his mediè temperatum. Quamobrem ex alio serui, ex alio filij, itemque ex alio pascuntur domini. Qui domini, nisi qui dominantur in vniuersa Ægypto carnis suæ? Qui filij, nisi qui de ventre nati sunt gratiæ? Qui serui, nisi quorum manus seruierunt in cophino veteris vitæ? Serui necessitate indigentia, filij suauitate indulgentiæ, domini deliciarum plenitudine lac edere solent. Utinam mihi peccatori indulgeatur lac veniæ, vobis jam expiatis lac gratiæ, tandem, expiatis lac gloriæ! O clarum lac! ô suaue! ô jocundum! Clarum, quia per veniam transferimur de regione tenebrarum ad lucem gaudiorum. Suaue, quia per suauitatem gratiæ, ab amaritudine tentationum ad dulcedinem deducimur immarcessibilem delectationum. Iocundum, quia per gloriam à sæculi tristitia euadimus ad æternum & incommutabile gaudium. O abundans jocunditas! ô jocunda abundantia? *In die enim illa nutrit homo vaccam boum, ut ait Esaias, & præ* Esa. VII. 21.
uertate lactis comedit butyrum. Quæ namque est vacca boum, nisi anima confors naturæ & gloriæ cœlestium spirituum? Quam homo Christus nutrit, non sicut nunc in vmbra sacramenti obumbrati veritate, sed in declaratione veritatis, & in detectione referati per clauem Dauid mysterij de mensa corporis, & de vino pretiosi sanguinis, de vestimentis gloriæ,

& de lacte matris gratia, quod præ vbertate misericordiarum vertitur in butyrum dulcedinum: quia omni fluxibilitate & mortalitate de medio sublata, omnimoda commutatione transformabitur à claritate in claritatem, & sic in Deum. Tunc enim erit omnia in omnibus. Quid hoc butyro pinguius? & hoc melle dulcius? Hoc mel cœleste est, non campestre, non denique terrene. Iohannes in solitudine mel siluestre edit satisfactionis: Ionathas in procinctu belli campestre justificationis: puer Iesus in virgine & de virgine mel cœleste incorruptionis. Sufficit enim lucernæ quæ lucet & ardet, in campis siluæ pœnitentiam prædicari, & quando fugiat à ventura ira, populum edocere. Iuueni, qui in agone fideliter & viriliter decertat, in virgæ, videlicet iustitiæ, summitate futuram dulcedinem prægustare. At verò Christo Iesu, qui lux est illuminans non illuminata, creatrix non creata, propter altitudinem diuitiarum sapientiæ & scientiæ thesauri absconditi, parum est vt sit prædicator, non sit & dator, non solum veniæ, sed & gratiæ. Denique vt de maximis ad minora trahamus exemplum, cor cuiusque religiosi ad similitudinem baptistæ Domini à strepitu sæculi quietum, in baptismo deuotionis emundatum, in mortificatione carnis præparatum, in amore verbi Dei confirmatum, in religione Angelorum stabilitum, & si nondum cœleste mel pleno ore & ventre eructat, siluestre saltem prægustat. Aliter enim gratia sapit in patria, aliter in exilio: aliter rara, aliter larga: aliter continua, aliter interpolata: aliter in corpore mortali, aliter in immortalis: aliter inuisibiliter data, aliter visibiliter administrata. Calore igitur charitatis liquefacta, & colatorio discretionis eliquata, nihilominus & infusorio exquisitæ veritatis infusa homini gratia, asperitates faucium in confessione mitigat, stomachum receptuum innuberabilium cogitationum mundificat, discretiuam cerebri rationem ad certam mensuram modificat, & vitalem venam ad veram immortalitatem cordi subministrat. Hic autem interim nos cum turba tanquam in campestribus ad gratiam suspiramus: ibi velut in monte contemplationis glorificatam Iesu faciem suspicimus. Hic expectamus, ibi spectamus: hic petimus, ibi accipimus: hic rogamus, ibi erogamus: hic inopes, ibi locupletes: hic pauperes, ibi diuites: hic cum Iohanne in deserto, ibi cum Iesu in regno: hic in carcere Herodis, ibi in palatio æternæ hereditatis. Hic ad reparationem gratia commodatur, ibi ad refectorem præstat: hic in mensura, ibi supra mensuram: hic in vtre, ibi in ventre: hic in cortice sacramenti, ibi in manifestatione summi & incircumscripti luminis. Ecce lac, immo butyrum, ecce mel, vel potius fauum mellis: offert seruus vester mensæ dominorum suorum. Ad quid iterum vobis vas aquæ cum amphora vini? O domini & amici carissimi, puteus altus est, & lapis superpositus, quem mihi Angelus nondum reuoluit, Iacob nondum amouit, & quomodo dicam, bibe domine, & camelis tuis potum tribuam? O ardens desiderium! Fossoria habetis, venas aquarum viuientium possidetis, puteos quos fodit Abraham & filij eius, Isaac & pueri eius, habetis, & adhuc aquam de cisterna quæ est in Bethleem suspiratis? Equidem hæc aqua, & si bona ad bibendum, sed difficilis ad inueniendum. Iter prolixum

& obsessum, locus remotus & ignotus, vires paucae & raræ, vndique hostis & ensis, nox instans & præforibus tenebræ. Nisi itaque ad incomparabilem thesaurum obtinendum tanti labores non sunt infumendi. Quid dicam? Momento tamen sui hæc purissima gutta superat omnem laborem, quia sitim satiat, sordes lauat, æstum temperat, humectat, & aridum molit, sterilia fecundat. Ex hac lagenas oculorum suffunditis, & cum hac altissimo Deo vota placata, hæc ignem extingubilem extinguit. Hæc rigorem iudicis ad pietatem inflectit, Cherubin, & flammeum gladium atque versatilem, ne lædant compes. Hanc in vinum conuertit: & suo more potiora exhibet in benedictione, quam in creatione. Procul dubio sunt nobis plures fortes ad bibendum vinum, & ad miscendam ebrietatem: ad hoc autem poculum quis? Verus Noë noster, qui requiem nobis dedit ab operibus mortis, & hoc vino debriatus, turpitudinem humanæ infirmitatis in cruce denudauit, & à medio filio, qui neque calidus est neque frigidus, irrisum sustinuit. Ideo pauci procedunt ad emendum, pauciores ad possidendum, paucissimi ad bibendum, ferè nemo ad ebriandum. Potens potator huius vini fuit filius fabri. Post hunc emigrauerunt ad vineas Engaddi qui bibebant vinum libaminum. Quia igitur nunc non est relictus in Sion, & residuus in Hierusalem, qui de manu Domini calicem vini meri suscipiat, accedite vos qui estis de domo Dei, & de monte Dei, & bibite & inebriamini, carissimi.

EPISTOLA III.

Dominis & amicis suis Priori, & ceteris fratribus de Monte Dei, Frater Petrus Cellensis brauius diurni denarii non fraudari.

Suauissimi saporis buccellas, quasi panis oleati, auido ore in mensa litterarum vestrarum prægustans, iocunditate spiritus cœpi eructare, & iterum atque iterum prædesiderio spiritum bonum attrahere. In crassitudine quippe animæ bene pandi in abundantia dulcedinis Dei scripsistis, & sicut adipe & pinguedine spiritalis lætitiæ fauces meas replestis. Sermo namque vester non est talis, qui adulterinis formis superinductis speciem pietatis repræsentet, & virtutem abneget. Hoc enim illorum est, qui in corde & corde loquuntur, vel qui molliunt sermones suos super oleum, cum ipsi sint jacula. Non autem verbum vestrum sic insulsum, sic infatuatum, sed sale salitum, sed gratiæ plenitudine confortatum viscera replet sanctorum, vires reparat animarum, languores sanat ægrotantium, fortitudinem conseruat sanorum. Præterea delicatorem sufficit gulositati, & nauseantium medetur reiectioni. Pascit vt panis, vt vinum lætificat, vt paradisus deliciarum, exuberat in omni suauitate, vt templum speciosissimum refulget in omni pulcritudine. Planè suadibilis ad commouendum, rectus ad componendum, efficax ad commouendum, potens ad corroborandum, dulcis ad demulcendum, ardens ad inflammandum. Cum enim purè de puro vase purus effunditur sermo, quid ad emundandum aptius, quid ad in-

2. Tim.
II. 8.
Rom.
v. 6-
Luc.
XXII.
37.
Esa.
LIII. 4.

formandum apertius, quid ad omne opus bonum vtilius? Sanè verbum bonum de bono Dei verbo frequenti meditatione decoctum, exercitatione corporali & spiritali tanquam mola inferiori & superiori molitum, continua examinatione cogitationum accusantium aut etiam defendentium, cū humilitatis offibus confert medullam, spiritui contrito medullon denigat. Spiritus resurienti adhibet satietatem bonam. Decoquitur verò panis iste in craticula, in profundo mysterij incarnationis Christi, aut in sanguine viuificantis, aut in craticula mortis & sepulcri: cū vita vestra, locutio vestra, cogitatio vestra commoritur & concorporatur, vel insepelitur Christo nouo genere viuendi. Videte panem de clibano, *Memore esto dominum Iesum resurrexisse à mortuis ex semine David.* Come-
de panem de craticula, *Cū adhuc peccatores essemus, Christus pro impiis mortuus.* De sartagine frixum apprehendite, *Cum iniquis deputatus est: &, verè languores nostros ipse tulit, & infirmitates nostras ipse portauit,* in corpore suo super lignum crucis. Panis iste triplex itinerantibus per desertum ad viam trium dierum non deficit: quia etiam tertium cælum petentibus seu penetrantibus fides incarnationis, passionis, & mortis, tanquam scala Iacob, vehiculum existit. In introitu verò tabernaculi non manufacti, id est, non huius creationis, quod scilicet fixit Deus & non homo, porrigitur panis de duabus decimis similæ, id est consolatio æterna pro legis & Evangelij consummatione, nec non pro carnis perfecta incorruptione, & vera sanctitate animæ. Hastam aut gladium ad quid petitis? quem interficere vultis? quem ferire? Vbi est vel quis est aduersarius vester? Nonne vos confugistis ad tutissima loca Engaddi? Nonne Christus est vobis petra refugij? nonne turris fortitudinis? nonne omnis armatura fortium? nonne inattingibile propugnaculum? nonne gladij duo, scutum, arcus, & sagitta? O fortissimi milites Christi, hastam protensam habetis in orationibus continuis, gladium in mortificatione carnis, panem sanctum in spe æternæ glorificationis. Hasta vestra non est auersa in aduersitatibus mundi, quia rectos facitis gressus ad cælum: gladius vestrus declinat in conflictu desideriorum & impetu suggestionum, quia ante Iesum est omne desiderium vestrum: panis non inueteratur ex dilatione præmiorum, quia reuiuiscit charitas certa spe promissorum bonorum. In calore namque suo perdurat panis, quia charitas non tepescit in cordibus vestris. Non hebetatur acies gladij, quia non deseruescit rigor disciplinæ ac sancti propositi. Hasta non infringitur, quia oratio vestra acumine suo cælum penetrans nullis obstaculis reuerberatur. O bellum grande, & graue, in stationibus dissimile, in viribus inæquale, in armis incomparabile! O rector & moderator omnium, quàm, nisi à te fieret, ridiculosa pugna vermis & gigantis, hominis & dæmonis, animalis terreni & aerij, velocissimi & tardissimi, stultissimi & callidissimi, antiqui & moderni, mortalis & immortalis? Stat ille in superioribus, jacet iste in inferioribus. Pennas ille habet, iste nec pedes. Vider ille quem persequitur, iste sentit nec attendit à quo tam crudeliter verberetur. Mole carnis molestat iste: bonitate creatoris ex creatione sua libero volatu quolibet deuolat ille. Vtitur hostis mundo

isto vt decipiat: vititur homine aduersus hominem vt occidat: vititur eodem aduersus eundem vt absorbeat. Sensibus suis tanquam propriis armis triumphat, & transgulat * captiuum, cum spiritus in seruitutem non redigit mortale corpus suum. O pestis iniqua! ô fors hominum misera! non est tibi in te virtus, non in arcu virtutis tuæ, neque in hasta liberioris abitrij tui saluat dominus. Sic collisa inter scopulos, sic contrita inter populos, habes tamen prælium cum filiis Enachin, quibus comparata videris quasi locusta: habes capitale duellum cum principibus tenebrarum, victori vel victo proposita morte & vita. Non resurget, non qui ceciderit, sed qui cesserit: non addet qui destiterit: non rursus accedet, qui lapsus fuerit. Primò victus primus homo, quia secundus venit de cælo, habuit in cæno subleuantem se: denuo si succubuerit, non reparabitur, quia alius deinceps non generabitur ex virgine Dei filius. Voluntariè enim peccantibus, non relinquitur hostia pro peccatis. Instantiùs itaque agendum, ne vrgeamur redire, cum inclusi in morte iterum non sinemur tunicam oblitam repetere. Tunicam enim pœnitentiæ qui neglexerit in corpore, opportunitatem nullam habebit post transitum vitæ. Ecce, domini mei & amici carissimi, statim vt vidi angelum vestrum, cucurri ad armentum cum Abraham, vocaui Saram memoriæ, puerum cordis, & miscui vobis farinam, vt facerem subcinericium. Habetis itaque cilicium vestrum, habetis & subcinericium nostrum. Cooperantur hæc duo ad extrahendam peccati rubiginem, ad delendam pruriginem, ad extergendam sorditiem. Idcirco sana & sancta potuit veraciter exclamare conscientia, vasa puerorum munda esse. O gemma pretiosissima & præclarissima, pro qua si dederit homo omnem substantiam domus suæ, tamen nihil æstimatur in comparatione illius. Detineo sancta corda, mundos oculos, puras manus, plusquam debeam à pabulo vitæ, ab introitu gloriæ, à contemplatione faciei Iesu iam glorificatæ & deificatæ. Sed nunc jam remitto: & vt me commemoratione pia in humeris vestris perferatis ad thronum gloriæ deponco. Valete. Fratrem Simonem lumen oculorum meorum, partem viscerum meorum, attentius vobis commendo.

* F.
Stran-
gulat.

EPISTOLA IV.

*Suis de Monte Dei suis Petrus Cellensis à claritate trans-
ferri in claritatem.*

Venerunt filij vsque ad partum, & tempus non est pariendi. Manus ad rescribendum parabatur, animus ad dictandum, locus ad sedendum: & ecce ventus occupationū nuncij vestri vela occupans nauigij nostri ad portum silentij retorfit. Quid enim? Nonne jocundiùs & voluptuosius paulatim vinum bonum, quod seruatis vsque adhuc, per tempus & tempora degustabitur, quàm vno haustu cum damno oprandæ suauitatis deglutitur? Et si enim in transitu desidero vos videre, saltem nolo in transitu scribere, Gustavi & vidi, quia bona est negotiatio vestra. Nequaquam manus vestræ in cophinis seruiunt: nequaquam ciuitates Egypti in luto

& latere construunt: sed quæque pretiosa & speciosa requirunt: sed fufum & colum ad nendum siue contexendum rationale & superhumale, & cætera summi pontificis insignia ornamenta apprehendunt. Hinc est quod non de stuppis Synagogæ peccatorum grossiora vestimenta animæ vestræ delicatæ vestitis: neque contra legem ex lana linoque vestimento induimini: *lauris* antes occulta dedecoris, faciem lauat, caput vngitis, & de velleribus sumum vestrarum venientes ab Aquilone calefacitis, cum etiam de contentione vestræ integerrimæ simplicitatis exempla sumuntur vestræ religionis. Sic est, dilectissimi, sic est. Accedit homo ad cor altum, & exaltabitur Deus. An non in luna cum lumini solis appropinquat sic euenit, vt eò à suo fulgore videatur deficere, quod fuerit effecta vicinior? Cæci domus non ideo pulchra, quia deformitatem eius non videt: non ideo sana, quia vbi ventrem faciat non considerat. *Cani*, iuxta Prophetam, *in Ephraim effusi sunt; & ipse ignorauit.* Doletis fæctorem Lazari, truncum jam emortuum miramini reuiuiscere, muros Hiericho non patimini consurgere. Facitis namque, quod ait Naum propheta: *Aquam propter obsidionem hauri tibi, intra in lutum, & calca, & subigens tene laterem.* Intellegitis obsidionem principis huius mundi, aqua de cisternis sicut nec de cellis deficit. Lutum carnis vt fortiùs prematis, & validiùs calcetis intratis, si subigendo tenere laterem memineritis. Non itaque vsque ad internecionem desæuiat mucro vester. *Tolle*, ait dominus, *grabatum tuum & ambula*, id est, corpori indulgeas, non seruias. Quàm suauiter in impetu spiritus euehor, dum vobis scribo, tam ægrè fero, dum in medio itineris subsistere cogor. Ad quætionem respondere parco, quia non perfunctiorè eam tractare dispono. Valete. Destitutus spe vltèriùs procedendi subsederam non volens, sed propter eum qui quasi media via me deserebat. Interim flauit spiritus bonus, & dum illius cassauit propositum, nostrum compleuit desiderium. Moram procul dubio timebam, & temporis siue portatoris importunitatem ad meam referri ignauiam satis pertinaciter deuittabam. Vt itaque meam insipientiam oculis amicorum & dominorum meorum simpliciter prodam, non quod ex promptuario aridi pectoris, sed quod de horreis Ioseph in saccis filiorum Iacob mutuauì proponam. Apponam verò prius in mensa ista panes propositionis vestræ, vt cum his sumantur legumina decoctionis nostræ. Quosdam vestrorum ita scribitis sentire de verbis Apostoli, vbi ait: *Renouamini spiritu mentis vestræ*, & alibi, *Et si homo exterior corrumpitur, sed qui intus est renouatur de die in diem*, & de paradiso deliciarum in quo Adam positus est, siue etiam hoc, quod homo ad imaginem & similitudinem Dei conditus asseritur, vt sub eodem sensu omnia ista accipiantur. Addunt etiam, hæc bona deliciosa bifariè debere accipi, scilicet secundum substantiale bonum & accidens: referentes ad essentialia dona imaginem, similitudinem verò ad ea quæ adesse & abesse possunt. Priusquam his bonis coloribus & à doctis pictoribus imaginem sensuum istorum compositam in sacrario Dei statuam, quæro de origine, de auctore, & de virtute, vel etiam vtilitate ejus. Vt enim religiosum sit quod adoratur in templo, non noua, non ignota, non denique ficta debent,

Osce.
VII. 9.

Nah.
III. 14.

Ioan.
v. 8.

Ephes.
IV. 23.
2. Cor.
IV. 16.

debeant esse numina. *Israël*, ait Propheta, si me audieris, non erit in te *Deus recens, neque adorabis Deum alienum*. Non magis abominabile est simulacrum in Ecclesia Dei viui, quàm de sancta scriptura sensus peruersus in anima Christiani. Delectus tamen & hic habendus est. In his siquidem, quæ ad S. Trinitatis, vel incarnationis fidem, seu sacramentum Ecclesiæ pertinent errare periclitari est. De multiplici verò sensu scripturarum, vel iudiciorum Dei, quæ nunc plura sunt, quasi diuersa, non tamen contraria, à fide sentire, non est exorbitare. Hic enim scilicet est alarum animalium in Ezechiel se adinuicem percutientium: quia sanctæ animæ de thesauro sapientiæ & scientiæ Dei largiter accipiunt, vnde corpus Ecclesiæ in augmentum corporis Christi diuersarum gratiarum compagine satis eleganter componunt. Itaque frater ille suo bono quidem sensu domum sibi eburneam fabricauerit, & bicameratam, siue tricameratam arcam in diluuium aquarum multarum præparauerit. Miror illum tamen tantum ædificium paruis sumptibus extruxisse: & cum illud fundamentis solidissimis Apostolorum & Prophetarum firmare, floribus doctorum fulcire, malis martyrum stipare, vt sapiens architectus debuisset, oblitus paxillos arcæ auctoritatum veteris, & funes argenteos noui Testamenti inferere, quasi clypeis deuudauit parietem. Sed vt de proprietate huius nominis, quæ occurrunt in instanti edisseram, sciendum est, quod proprie imago relatiuè dicitur ad aliud, cuius similitudinem gerit, & ad quod representandum facta est, sicut imago Cæsaris, quæ ipsius similitudinem præferebat. Improprie autem imago dicitur id, ad quod aliud fit, sicut exemplum, quod similiter proprie dicitur exemplum, exemplar à quo sumitur. Tamen abusiue aliquando alterum pro altero ponitur. Secundum istam rationem proprie imago patris dicitur filius. Iuxta alium verò modum, quo vnum nomen pro alio ponitur, dicitur homo imago Dei: quia videlicet imago Dei in eo est. Sicut imago dicitur tabula & pictura, sed propter picturam quæ in ea est, simul & tabula imago appellatur. Ita propter imaginem Trinitatis, etiam illud, in quo est hæc imago, imaginis nomine vocatur. Homo itaque imago, & ad imaginem: filius imago, non ad imaginem. Volo denique si placet, & in quo similitudo differat ab imagine, breui exemplo signare. Pono animam lapidem pretiosum, & imaginem aliquam in eo expressam, à qua similitudo secundum imaginem impressa ostendatur. Nonne est aliud imago exsculpta, & aliud similitudo ab imagine redempta? Sit igitur bonitas Dei causa huius similitudinis: quia cum beneuolentiâ suâ, quæ spiritui sancto attribuitur, Deus Deum hominem, vel post Deum facere velleret, & naturaliter id fieri non posset (non enim naturaliter Deus est, nisi is, qui Deus natus est, non factus, concessit vt saltem similitudinem Dei haberet. Quæ similitudo Dei vt sedem, vel receptaculum haberet, imago siue figura substantiæ Dei, quæ est filius, animæ hominis impressa est, vt à suo sancto spiritu prædictam similitudinem reciperet: quomodo pretioso lapidi foramen aperitur, per quod gracilem auri virgulam recipiat, qua constringatur & teneatur. Ad imaginem itaque secundum naturales animæ virtutes, memoriam scilicet, intelligentiam, & dilectio-

1. Ioan.
III. 2.

nem, ut optimè dixit tractator vester, & ad similitudinem, secundum innocentiam & iustitiam, quæ in mente rationali potius naturaliter quàm accidentaliter insunt, conditus est homo. Stupeo siquidem me audiuisse, quod nollem vel somniasse, similitudinem Dei donum esse accidentale: quod non accidentale, sed veraciter substantiale; immo supersubstantialiale nouit qui Apostolum intelligit. *Scimus*, inquit, *quia cum apparuerit, similes ei erimus, quia videbimus eum sicuti est*. Quid est, similes erimus, nisi similitudinem eius habebimus? Quam enim similitudinem in creatione accepimus, eandem in resurrectione prima, denique & in secunda, sed aliter habituri sumus. Nam in creatione ita collata est, quod amitti potuit, cum etiam peccare potuit, vel potius deformari: sed in vera immortalitate, cum nec mori nec peccare homo poterit, de similitudine Dei æternaliter gaudebit. Quid igitur? Itane summa illa beatitudo, & gloria sæculorum accidentaliter erit, ut possit adesse & abesse præter subiecti corruptionem? Hoc enim accidentis est. Vbi es homo? Nonne in mortalitate, vel potius in morte! Quare? Nonne quia amisisti Dei similitudinem? Quid enim Deus? Nonne vita? Et quæ est similitudo vitæ, nisi vita? aut quæ dissimilitudo, nisi mors? Mortem namque inuenit, qui similitudinem Dei amiserit. Quod si ideo dicitur accidentale similitudo Dei quia auferri potuit, non vera est consequentia. Sic enim sequeretur, quod accidentaliter viueremus, quia mori possumus. Naturæ siquidem accidentis est, ut possit adesse & abesse præter subiecti corruptionem. Quod quis sani cerebri, vel cordis affirmare audeat de virtute, iustitia, bonitate, & amore virtutis in anima? Prorsus, ut ait Augustinus, ut vita corporis anima, sic anima vita Deus. Vera quoque virtus, vera bonitas, vera iustitia, immo ipsa veritas est Deus. Sine his igitur si fuerit anima, moritur, & dicis esse accidentalia dona? Vertens iterum oculos, & relegens apices vestros, inueniensque non donum, sed bonum accidens, maiores phantasias admiror. Nonne enim similitudo Dei Deus est? æquè bonum Dei numquid aliud à Deo est? Clamat Augustinus, Quicquid de Deo dicitur, Deus est, & nihil secundum accidens dici de Deo: & dicis, secundum bonum accidens similitudinem Dei dici. At inquis, quod dico similitudinem Dei donum esse accidens, non ad Deum dantem, sed ad hominem accipientem respicio. Mihi verò videtur satis ex superioribus probatum, neutrum esse verum. Hæc sufficiant de similitudine. Nunc reuertamur ad imaginem, & audiamus quid nobis dicat imago vera. Sic enim loquitur, *Qui me videt, videt & patrem*. In quibus verbis desiderantibus faciem patris videre omnino simillimam & in nullo disparabilem imaginem semetipsum repræsentans, desideria cordis eorum de bonis suis satiare voluit. Rursus hæc eadem imago renouate volens imaginem suam in imagine sua, aliàs dicit, *Sancti estote, quia ego sanctus sum*. Tanquam bonus pictor animarum Deus primam animam in primo homine cum omni benedictione spiritali, ad quam meliorem & formosiores inuenit imaginem, non in iam creatis, sed in non creatis pingendo creauit, & creando depinxit. Creauit inquam in anima imaginem suam, vel potius animam ad imaginem suam. Depinxit

Ioan.
XIV. 9.

Leu.
XI. 44.

iterum in anima similitudinem suam, vel magis animam ad similitudinem suam. Fumo autem iniquitatum & transgressionum suarum decoloratam, & vsque ad extremam deformitatem fœdatam, auctor & amator suus voluit eam reparare. Et quia æquè idoneus pictor, neque in cœlo Angelus, neque in terra homo iustus, neque subtus terram aliquis spiritus inueniebatur, accessit imago ad imaginem, formosa ad deformem, alta ad injustum, nobilis ad ignobilem, pia ad impiam, æterna ad transitoriam: venit reparare quod perierat, venit reficere quod defecerat. Hæc imago Dei inuisibilis filius est altissimi. De filio namque ait Apostolus, *Qui est imago Dei inuisibilis*. Sanius verò mihi credite, nihil dicitur, quàm vnā esse imaginem totius Trinitatis, patris videlicet, filij, & spiritus sancti. Vnde Beda, super *Faciamus hominem ad imaginem & similitudinem nostram*: In eo quod dicit, faciamus, vna operatio trium personarum ostenditur: in hoc verò quod dicit, ad imaginem & similitudinem nostram, vna & æqualis substantia trium personarum monstratur. Ex persona enim patris hoc dicitur ad filium, & spiritum sanctum, non vt quidam putant, Angeli: quia Dei & Angelorum non est vna & eadem similitudo vel imago. Propriè itaque filius dicitur imago patris: Trinitatis essentia minùs propriè, homo impropriè. Sic autem homo dicitur imago Dei, quia similitudinem ejus in se gerit, sicut imago Cæsaris, quæ similitudinem ejus præfert. Hucusque satis dilatauerim phylacteria mea, & magnificauerim fimbrias. Si qua tamen duriùs dixerim, obsecro indulgeatis. Valete, & orate pro me.

Col.
1. 15.

EPISTOLA V.

Dominis suis de Monte Dei, suis Cellensis portam atrij interioris penetrare.

ET si apices salutationum à vobis mea humilitas accipere non meretur, mereatur saltem munera orationum. Vtrumque quidem si fieri posset, satis gratanter acciperem: alterum tamen ambitiōsius deosco, si ad vtrumque non valeo. Lætificent me litteræ, si scriberetis: sed iuuant orationes, si pro me eas funditis. Insipientia mea indiget bonorum instructione: infirmitas animæ meæ, deuota & assidua oratione. O vtinam perspiceretis plagas animæ meæ miseræ & desolatæ in vastitate hostili! certè si eam diligeretis, super eam lugeretis. O domini & patres carissimi, cur non liberatis animam, quamuis miseram, tamen vestram? cur non eruitis de ore leonis jam semipastam? cur non redimitis sub vinculo captiuitatis vsquequaque humiliatam? Sufficiat vobis ad commouendos pietatis affectus recordatio antiquarum miseriarum, à quibus redimit vos qui passus est pro vobis. Vltra extenditur cumulus peccatorum meorum, & nisi Dominus iuuerit sanctissimis orationibus vestris interpellatus, jam inferno appropinquat. Valete.

H ij

*Carissimis dominis & fratribus de Monte Dei, Priori cum ceteris sanctis,
frater Petrus Cellensis indignus Abbas salutem.*

Fortè sicut pulli de nido non auolantes paternas esuriunt escas, sic vos filij carissimi, qui in nidulo vestro plumescitis, ut cum tempus venerit in altum euoletis, dignum faucibus & stomacho sanctitatis à me refundi expectatis. Sed quid coruus ad pullos gallinarum? Non enim eisdem aluntur cibus. Coruus pascitur cadaveribus putredinis: columba vescitur granis puris tritici electi. Noui, noui quibus apud vos per dimidium temporis alitus sum cibus. Si dixerò, noui quibus modò vsque ad nauseam onerer, parum profecto dixerim: cum sapientia vincat scientiam, & plus sit tenorem saporis in ore retinere, quam præterita ad animum reuocare. Anxior igitur in his & gemo: & quorum gustu vehementer afficior, nolo ruminatione reiterata refricare dolores præteritos. Sufficiat enim diei malitia sua: sufficiat gustui amaritudo sua amarissima. Vos denique, fratres & filij carissimi, simplicitate ciborum contenti sicut didicistis Christum, sicut gustastis & vidistis, quia bona est negotiatio vestra, sic perseverantes non quæratís aliam mensam, non aliam escam. Bonam enim mensam, bonam utique habetis & escam, quâ viuit anima vestra. Quid ipse dicere possum de mensa mea? Certè ex quo descendi de sancto Monte Dei mei, aut rarissimè, aut nunquam data est mihi mensa, ut cum amicis meis epularer. Statim quæ in insidiis expectabant egressum meum sollicitudines, rapuerunt & absorbuērunt me continuo refluxu, super caput meum redundantes. Satis immisericorditer vindicatum est in me, si quid otij, si quid boni in requie illa habuerunt caro mea, & cor meum. Seuerius in me exarserunt, & ne spiraculum quidem incedit per ea. Apud vos, carissimi & desideratissimi, conqueror de me ipso contra me ipsum. Hæc certè, immo multo pejora merui, qui de pœna non emendor, sed cum pœna & culpam multiplico. Orate pro seruulo vestro, qui vos omni die desiderat, vmbra vestram suspirans, & faciem videre sitiens. Valete.

EPISTOLA VII.

*Fratribus & filiis dilectissimis, frater Petrus humilis eorum dictus Abbas
spiritum dilectionis & pacis.*

Quam vnica & singulari erga omnium & singulorum vestrorum salutem affectione & sollicitudine tenear, vnicus ille spiritus nouit, qui scrutatur etiam profunda Dei. Non ignorat hoc ipsa quoque anima mea: quam utinam sicut est intueretur oculus mentis vestræ, & sine dubio compateretur doloribus suis. Præsumo etiam, in conscientijs quorundam manifestos nos esse, quibus idem suadet puritas sua & veritas mea. Nullis vos circumvenire adulationibus, nullis allicere fomentationum fallacijs, fratres carissimi, volo: sed ut pax vestra firma sit ad Deum, & me non æstimetis à cordibus vestris alienum, hæc scribo. Cæterum si quis aliter sapit,

desipit. Itaque respiscat animam suam lædere, immo damnare, qui pacem vestram & meam quærit perturbare. Non designo aliquem, vel improprio cuiquam stultitiam suam. Sufficit enim accusatio propriæ conscientia, & ad tormentum pro malis, & ad præmium pro meritis bonis. Prorsus nemo ex hoc inter vos conturbetur: quia inanis nunquam erit pœnitentia, duntaxat si fuerit vera. Filio virginis castas mentes præparate: filio altissimi humiles animas exhibete: Angelo sanctitatis habitacula cordium vestrorum emundate. Valete.

^a FRATRIBVS EL FILIIS] Cellensis monasterij monachis.

EPISTOLA VIII.

Carissimis patribus & dominis suis de Grandi-Monte, frater Petrus Treccensis Abbas fideles orationes.

SCio quia in consilio iustorum & congregatione magna opera Domini. Idcirco, fratres carissimi, longè licet à vobis remotus, tamen animæ meæ intentionem & supplicationem in præsentì conuentu transfero: quatinus portiunculam cuiuslibet cœlestis benedictionis referat, vnde consoletur & longo tempore confortetur. Credo enim, si vel vnā oratiunculam Angeli illi vestri, qui faciem patris semper vident in cœlis, ad ipsum patrem luminum, & ad thronum gratiæ filij ejus, ab ore & corde vestro pro me detulerint, quoddam faciet fructum sursum, & germen ponet in terra deorsum. Hinc verò fructus vitæ & spes misericordiæ egeno & pauperi erit. Manus igitur illas vestras puras ab omni sanguine & crimine, & oculos columbinos ad fenestras cœli, per quas ad propitiatorium & ad sancta sanctorum intrare soletis, leuate: nec aliquo modo deponatis, donec vos exaudierit qui desiderium pauperum exaudit Dominus. Vester sum: sed tunc dignius & affectuosius. Valete.

^a DE GRANDIMONTE] Id caput & sedes est non obscuri in Gallia ordinis clericorum, qui Grandimontenses inde appellati, in diœcesi Lemouicensi, haud procul Mureto. Vnde & Stephanum religiøsæ familiæ ducem ac principem, Stephanum de Mureto appellat Stephanus Tornacensis epistola 1. quia sedem ibi fixerat, cum alioquin Aruernus patriâ esset, non Lemouix.

EPISTOLA IX.

Frater Petrus Cellensis Abbas, venerabili A. sacerdoti sancti Petri Pruuinensis salutem.

Non immeritò illi præsumo scribere, quem non præsumo non diligere. An impune non diligerem, quem ad prime honorandum vti nam vel simpliciter suscepissèm! Sed quid tantopere laudo, quem vel rarissima visione cognosco? Sed plus hunc fateor cognosco auditione, quàm visione, plus fide, quàm confabulatione, plus religione, quàm familiari cohabitatione. Audiui enim viri non elatam sæculi pompam, sed electam doctrinæ formam: non ebrietatem, sed sobrietatem: non vanam pecuniarum sollicitudinem, sed variam scripturarum meditationem: non curiositatem formarum & pulcritudinem faces gehennales accedentes, sed emun-

H iij

dationem deformitatum propriæ conscientiæ juxta diuini speculi illuminationem. Hæc, bone iuuenis, de te ab aliis cum desiderio audiui, cum fide accepi, cum gaudio aliis enarraui. Nihil itaque mirum, si tali scribo, quem talem describere non vereor ex relatu eorum quibus firmiter credo. Hujus tamen ardentius cum auditate faciem viderem, & vocem audirem, quàm mortuis apicibus mortua verba ederem: ut ejus amor viuit in animo, ejus præsentia scintillaret in oculo. Applicat enim calorem latentem in remotis admixta facula scintillantibus venis. Mutuò namque se se ita fouent, ut uterque ignis alium ad se trahendo confortet & confortetur: quatinus interior eò magis ferueat, quò exterior ei appropinquat: & exterior eò clariùs luceat, quò ei interior vehementius participat. Hujus exempli similitudine, quem amas absentem, incipis superamare præsentem. Crescit enim in oculis amor: reuehitur meatu aurium cordi diligentis vox dilecti expressa charactere dilectionis. Iam amor incipit esse cum gaudio, qui prius erat sine gaudio, aut cum tædio. Tædet enim non habere quem tendit semper amare. Sine gaudio quoque est, qui cum non habet, sine quo gaudere non potest. Apponitur igitur amori gaudium, cum amicus cernit suum amicum. Valete.

EPISTOLA X.

Petrus Abbas indignus Cella monasterij, G. sacerdoti Hastingerum spiritum salutis.

NON in præsumptione spiritus mei ad te transmarinum sacerdotem scribo, sed reiterata petitione R. quem tu quidem carne, ego verò spiritu per Euangelium in Christo genui. Is siquidem quos habet impari generatione patres, pari desiderat affectione conjungere fratres. Et me certè iam fratrem tibi constituit, nisi in oculis tuis mea fraternitas fortè propter vestem peregrinam sorduerit. Vix tamen apud sensatos tanta haberetur vestium diuersitas, ut eorum exinde diuellatur idenditas. Proinde nuda corda melius copulantur, affectius uniuntur, castius immiscuntur. Cor namque iusti non induitur purpura & bysso, sed sapientia & consilio: non pannis & serico, sed virtutibus & Deo. His enim secundum creationis naturam in principio amictus, stolas non erubescere angelicas, nec ipsius increati candoris lucem reformidabat, quandiu diuinitus insitæ imaginis liniamenta incorrupta mutuo aspectu resignabat. At ubi hujusmodi splendoribus nocturnis dispoliatus insidiis, præ confusione atrocioris incommodi foliis cœpit circumtegi ficulneis: venit Christus, ut reiteraret vestem cilicinam, saccum scinderet, & nudus nudis obtutibus paternis in carne nostra, immo sua appareret. Filij itaque nudi Christi, nuda adinuicem corda pandamus, ac stabili compagine in Christo ea compingamus: fluant ad Christum, refluant ad cælum, confluant ad trinum & vnum. O quàm bonum & quàm jocundum, frater, fratres habitare in vnum! Vnum est necessarium. Quid verò multa? non necessaria. Quæ ergo vanitas est filiorum hominum ut multa quærant, & non curent vnum? Prius

est vnum, quàm multa, & faciliùs consequimur vnum, quàm multa. Cum ergo sine vno non subsistimus, & in multis deficimus, in multa tamen infania vnum postponimus, & multa cupimus. Desipit qui ad vnum verum esse non rendit: sapit qui ad incommutabilem beatitudinem contendit. Reuera solus ille sapit, qui vnum solum sapit: solus ille desipit, qui multa præter vnum sapere cupit. Vnde ait Apostolus, *Non multum sapere, sed sapere ad sobrietatem*. Solent homines terræ tuæ potiùs sapere ad ebrietatem quàm ad sobrietatem. Vitium ignobile, & inter cætera vitia ignobilius, ebrietas. Vbi enim sensus ebrii? vbi reuerentia in ebrio? vbi dignitas? Immemor est præteriti, futuri ignarus, præsentis nescius. Discretio confunditur, ratio hebetatur, sensus ligantur, mens ipsa sepelitur. Risui derisoribus exponit magis seipsum ridens. Ex hac viperea radice surgit, vel potiùs serpit, deuastans totius religionis animæ vigorem luxuria. Denique tanquam ex magno gurgite perditionis profiliunt non rara germina pestiferæ præuaricationis. Pes errat, labitur lingua, trepidat manus, labia tremunt, caligat visus, auditus surdescit. Adde his intrinsecus furias debacchantes, & miserum pectus miserabiliter lacerantes. O bone vir, nonne videntur tibi hæc principia mortis, fomenta ignis æterni, esca supplicij, illecebra damnationis? Vt igitur morsum colubri euadas, fugienda est ebrietas. Muscipulâ venantium capitur, qui vel semel inebriatur. Lusus dæmonum est homo ebrius. Tanquam prostibulum vitiorum reputatur, qui gulæ & ventris tyrannidi subiugatur. Mari commoto quid tempestuosius? excusso fulgure quid formidabilius? abyssò quid profundius? Nullum tamen horum nequius, quàm homo ebrius. Desistendum est à veneno, immo à vino, quod hominem vertit in truncum. Diuinorum lectio librorum præceptis & exemplis ostendit, quàm turpiter natura ex hoc dehonestetur, quàm crudeliter condemnatur, quàm interminabiliter crucietur, quàm immisericorditer à regno Dei excludatur. *Neque ebrii, ait Apostolus, regnum Dei possidebunt.* Diutius impressi stylum, si fortè refellerem, vel saltem reprimerem vitium. Interim collactaneam ejus luxuriam eodem acumine potiùs pungamus, quàm pingamus. Pinguis namque & ista pinguis de pinguedine terræ apud vos exuberat. Vbi namque iuenum & puellarum forma decentior, aspectus gratiosior, cibus abundantior, potus crassior, aër salubrior, terra fertilior, amœnitas jocundior, prauus his enervatur animus. Satiùs est namque ei frui cupiditatibus vanis, quàm æternis bonis. Colore adulterino deceptus, quæ intus latet falsitatem non attendit. Mendax mendaciter mulier de specie vana se jactat. Certè pulcritudo illa nec vera est, nec sua. Si enim vera esset, semper durasset. Vnde quod semel est verum, semper est verum. Si sua, non in foro emerit. Fallax gratia, & vana est pulcritudo. Abjicienda est autem, quæ fallit gratia: ambienda, quæ liberat. Vmbratilis postponenda pulcritudo, vtilis appetenda. Communi hæcenus admonitione præmissa, vt tuæ vnicae & singularis animæ curam maximam habeas, rogamus. Nemo enim de sæculo egrediens animam suam vlteriùs commutat. Hic locus, hic tempus commutationis faciendæ: mores hic commutandi & corrigendi. Cæterum

Rom.

xii. 3.

I. Cor.

vi. 10.

correctio, non correctio in futuro dabitur: fiet comminatio, non commutatio: nisi fortè de pœna in pœnam, de morte in mortem, de miseria in miseriam. Muta itaque vitam, dum viuis in hac vita, ne si fortè modò cum potes distuleris mutare, tunc volens mutare cogaris tenere. R. timet sibi anima mea, timet & tibi. Pater meus es tu, & ego filius tuus. Et quia per te ingressus sum in vita corruptibili, utinam per me peruenires ad disciplinam Dei. Non contingat me sine te gaudere: contingat autem te & me cum Christo regnare. Vale.

« SACERD. HASTINGIARVM] In Anglia. ideo transmarinum sacerdotem vocat. Locus conferto inter Vvilelmum & Haroldum prælio memorabilis. Malmesburiensis Hastings scribit, & bellum Hastingsense, quod dixi.

EPISTOLA XI.

Suis carissimis amicis, H. Subpriori, Thoma & Ascelino Clarueallensibus, frater Petrus Abbas Cellensis gratiam pro gratia.

Quibus gratiosiori affectu dulcius copulamur, eisdem non immeritò meliora & dulciora scribimus. Ut enim dignior animus quàm corpus, sic animi potiora sunt bona, quàm corporis, fidelis verò suis ipsius interpretis est animus. Itaque & nos potius quæ ad animum pertinent colimus, quàm quæ ad corpus. Nam si de affectu non secundum affectum scribis, utique mentiris. Igitur affectus cum de se loquitur, se & non alium loquatur. Est enim hypocritarum aliena tanquam sua, sua tanquam aliena dicere. Nihilominus & simulatorum est, neque simpliciter diligere, neque veraciter ad amicos loqui vel scribere. Quamobrem in Christo & in conscientia vera pronuncio, quòd erga me sinceriores & puriores habeatis affectum, ut credo, quàm ego ipse. Nam quòd purgator est in vobis oculus mentis, eò perspicacior est etiam in amicis diligendis: & quòd expeditior ad clarè videndum, eò liberior ac iustior de omni causa decernendum. Solummodo siquidem corporum nebula obstat, ne se vicissim meus & vester spiritus sublati impedimentis clarè videat. Attamen ut in corpore mortali immortalia corda, & ad se per amorem accedere, & se se per mutua desideria possunt contingere: sic vnica & speciali dilectione, quotidiano recursum à suis commeant regionibus, quatinus datur, ad se salutandos & osculandos affectus nostri. Quotiens enim vos recogito, totiens pedibus animi vos adeo. Itaque, fratres carissimi & desideratissimi, vestras consolationes & sitienter suscepi, & ardentem perlegi, & velociter compleui. Et attendite etiam in hoc quàm bene cohæreant, quàm perfectè sibi consentiant conscientiarum nostrarum. Quando enim scribebat dictante animo digitus vester, cogitabat animus noster: & quòd scripserat digitus, hoc elegerat animus. Planè priusquam audirem obediui, antequam consilium daretur adqueui. Tanta dilectionis velocitas, ut audire non expectet quòd facere debet. Lædi namque se æstimat, nisi amicorum voluntates præcurrat. De merito suo plurimum sibi præcipi gemit, nisi etiam motum voluntatis vigilanter præoccupauerit. Tunc læta, tunc gratulabun-

EPISTOLARVM LIB. III.

65

tulabunda, cum praecefferit veniendo, & quodammodo excefferit majora faciendo. O excessus charitas! ô excedens charitas! Sola in omni generis virtutum excedendo non excedis, ascendendo non corruis, descendendo ascendis. Ad modum proprium cohibetur humilitas, terminos suos habet castitas, ad malum non laxamus obedientiae habenas, ad fines suos, nec extra extenditur largitas, ad fines mendacij non accedit veritas. Sic denique & aliae virtutes, cursus tantum suos excurrere, sed non transcurrere debent. Constituti sunt eis termini, qui praeteriri non poterunt. At charitas usque ad caelum, immo & supra caelum, veluti cui lex non est posita, conscendit: usque ad infernum, & etiam in inferno ipso aliquando descendit. Amicos amplectitur, nec ab inimicis arcetur. Cum se extendit, non laeditur, cum se superextendit, non rumpitur. Semper crescit, nunquam senescit. Anni ejus non deficiunt, sed perficiunt. Quod enim vetustior, immo diuturnior, neque enim veterascit, eo & clarior. Sicut vinum Libani semper novatur, semper confortatur, semper cumulatur. Vires semper accrescunt: splendor faciei ejus nunquam deflorescunt. O virtutum virtus! semper in me sic excedas, ut nunquam decedas. Non finis decedere, in quo dignaris justos excessus creare. Sic novit Apostolus mente excedere, & caelum tertium penetrare: sic Propheta in excessu mentis supra hominem de Deo sentire. Prae stupore Petrus in consideratione glorificatae majestatis sic excefferat, cum dicebat, *Faciamus hic tria tabernacula, Tibi unum, Moysi unum, & Heliae unum.* Secundo etiam & tertio sic exceffit, vel quando Christum non sustinens mori, dicit, *Absit à te, domine:* vel quando absceidit auriculam serui, vel etiam in captura piscium cum dicit, *Exi à me domine, quia homo peccator sum.* O quotiens sponsa ad sponsum excurrit, aut ut verius dicam, seipsam & omne quod creatum est pro amore sponsi excedit! Quodcumque enim vel de sponso vel ad sponsum loquitur, per excessum transvolare dicitur. Hos saltus siue excessus non novit, nisi qui experientia didicit. Quapropter de his mihi parcius loquendum, vobis idoneum est latius & largius agendum potius, quam differendum. Valere. Quam citius poterò veniam ad vos.

Matth.
xvii. 4.
Matth.
xvi. 22.
Luc. v.
8.

EPISTOLA XII.

Suo R. Claravallis, suis Petrus Cellensis.

SOlet nimia festinatio, etiam semicruda quasi jam bene cocta, praemio appetitu insumere, & tanquam famis necessitatem interdum temperare. Instas, & ostium amici velut necessitate hospitis supervenientis inquietare non cessas. Credo potius ex crassitudine animae, vel ex non necessaria pauperpate id te aditare, ut neque importunitatibus tuis occupationes meae satisfaciant, neque voluntati tuae solemnes istae feriae silentium imponant. Quid igitur? Exuperior nunc quod in Isaia jam, ante legeram. *Venerunt filii usque ad partum, & tempus siue virtus pariendi non est.* Aestuo siquidem novi amici novam & primam promissionem adimplere, sed contradicentium irruptiones vix valeo mitigare. Quis itaque, à quo, vel quid

Esai.
xxxvii.

petas mihi consideranti, offert ratio copiosam fortunam petitoris, pauperem inopiam postulati, difficultatem petitionis. Quis, nisi qui ambulat in medio lapidum ignitorum, nisi qui cedrorum medullam consuevit lambere, & præclara sententiarum stipendia de castris Philosophorum reportare? A quo, nisi ab eo qui inter sentes, ne dicam sententias, delicias reputat dormire? nisi ab eo, qui neque vngulam findit meliorum dictorum distinctione, neque ruminat si qua contigerit audire vel legere? Quis à quo, nisi doctus ab indocto, nisi plenus à vacuo, nisi videns à cæco? Non leue & simplex fateor impedimentum sustineo, ne intrem in sanctuarium Dei, ut de manu Cherubin carbones consolatorios tibi accipiam. Obstat hinc flammeus gladius atque versatilis sollicitudinum, usque ad medullam animæ penetrantium, illinc caterua Philistinorum puteos meos terrâ mortuorum replentium. Præter hæc, tanta certè confusio concurrentium ad me fit, cum incipio scribere, ut pene syllabæ singulæ noua cogantur habere principia. Ecce monachus confitetur, ecce alius diffitetur: ecce miles saltat, ecce clericus salutat, ecce famulus inquietat, ecce nuncius eorum frequentius quàm columbam resonat. Mi dilecte, quam interim cor humanum congregare poterit sanctarum scripturarum meditationem? quod componere commonitorium? Sed fortè hæc ipsa non monendo monent, inquietando suadent quietem, in diuersum decerpendo verum, id ipsum quærere admonent. Sic enim esuriens panem quæro, aquam sitiens, algens ignem, caligans lucem, deficiens refectioem. Verum tu aliud habens melius & verius commonitorium, rursus aliud mendicaris potius ex voluntate, quàm ex necessitate. Exemplo credo Apostolorum id facis, qui cum Iesum haberent, patrem nihilominus videre cupiebant. *Domine*, inquit, *ostende nobis patrem, & sufficit nobis*. Nondum nouerant, quia cui filius non sufficit, nec patrem habere poterit. Plena etenim filij cognitio, vniuersæ rationalis creaturæ est plenissima recreatio. O quàm præclara Clareuallensium commonitoria! Quid enim lacrymæ hujus, nisi compunctionis sunt incentiuum? Quid alterius contiua orationes, nisi supernæ contemplationis adiumentum? Hujus humilitas superbiam confundit apostatæ angeli, & hominis: obedientia illius, pendens in cruce Christi æmulatur obedientiam. Iste Jacob assimilatur in laboribus: simplicitas Ioseph hunc exornat: zelus ordinis in isto Moysen reddit. O David mansuetudo! ô feruor Helia! ô Danielis abstinencia! ô castitas Samuelis, & quod maius est, ô Christi charitas! ô Mariæ virginitas! Castra Dei sunt hæc. Quid videbis in Sunamite tua, in coccinea tua, nisi choros castrorum? Chorum alium videro procedentem aduersus phalangeas vitiorum innumerabilium: dum iste non quærens quæ sua sunt, spiritum auaritiæ strangulat, iste mundi gloriam calcans principem superbiæ suffocat, iste carnem macerans luxuriæ caput detruncat, & cuicumque obuiauerit quisque de aduersariis, sine misericordia fortiter in ore gladij enecat. Pluunt denique instanter post terga hostium sagittæ, vibrant hastas, frameam effundunt, & siue leones, siue vnicornes cum omni bestia saltus exterminant. Non est in eis deficiens, neque laborans. In dextro cornu iterum confide-


Luc.
xiv. 8.

ro alium in equis albis chorum certantem non jam pro victoria, sed ad coaceruanda pretiosiora spolia, & jam prægustat alius mercedem laborum suorum, alius gratiam labiorum consequitur, alius de ligno, quod est in medio paradisi, superextensus in vltiora velaminis per obliuionem terrenorum & contemplationem cœlestium edit. Isti sunt qui stolas suas dealbauerunt in sanguine agni, resistendo vsque ad sanguinem vitiis, & pertingendo vsque ad patientiam agni immaculati. Hi docent te arcum & sagittam: hi sanguinem vix, & mori propinant. Arcum prauum isti non intendunt, sed spiritali subtilitate, etiam capillum minimæ cogitationis in arcu propriæ reprehensionis citissimè feriunt. Prorsus conuersi sunt in die belli, quia neque in incerto currunt, neque segniter viuunt. Ad hoc te mitto commonitorium. Omnia enim eorum commonent, siue confessus, siue incessus, siue sermo, siue silentium, siue jejunium, siue prandium. Ecce mille clypei pendent non solum ad te commonendum, sed etiam ad muniendum: & tibi post hæc, fili mi, vltra quid faciam? Habes quoque & alium paraclitum, tanquam aliud commonitorium, quod prope est in ore & in corde tuo: vnctionem spiritus, quæ te docet de omnibus. Habes sapientiam, quæ non inuenitur in terra suauiter viuentium, quam filij Agar non inueniunt, de qua Philosophorum abyssus loquitur, Non est mecum. Liga eam in corde tuo iugiter per amorem, describe illam in tempore otij tripliciter, cogitando, loquendo, operando. Discurre scripturarum amenissimos campos: lege tanquam apis & reconde in alueolo memorix suauissimi odoris flores, castitatis lilium, oliuam charitatis, patientiæ rosam, vvas spiritalium charismatum. Considera diligenter quæ apponuntur, quia quædam ad consolationem, quædam ad correptionem sunt. Alia ad sanitatem, alia ad satietatem, alia ad suauitatem. Spes præmij promissi mœrentem consolatur: corrigit comminatio æterni supplicij: medicamine pœnitentiæ sanantur omnes languores: præsentis justificationis exultatio famelicum iustitiæ sariat: adueniens gratia virgam timoris amouet, & sua infusione animam lætificat. O Iesu! comminatoribus tuis quis sapor in faucibus? quis odor in naribus? quis splendor præ oculis? quæ auditus modulatio? quæ cordis jubilatio? Nihil infra votum, supra omnia abundant, immo superabundant, gaudia. Explicat & extendit se voluntas ad volendum, vel etiam ad volandum, sed non sufficit. Supercurrit oleum, quia vasa deficiunt. Hic, hic manus dantis largior, & accipientis rarior. Sola hæc ministrorum indignatio, quia pauci sunt, quibus fiat cœlestium ferculorum distributio. Longos fac funiculos tuos: extende pelles tuas: ne parcas, quia dilataberis ad orientem diuinæ contemplationis, ad occidentem humanæ per Christum reparationis, ad septentrionem dæmoniæ dejectionis, & ad austrum gloriolæ ascensionis. Vale, nec sine recompensatione nostram paupertatem velis accipere. Carissimum nostrum Subpriorum ex toto corde, & ex tota anima, & ex tota virtute saluto, & cæteros amicos nostros.

EPISTOLA XIII.

P. Cellensis R. suo Clarenallensi.

EXculationis meæ proœmium, siue velamentum rusticitati meæ superinducerem, si clerico scholari, non monacho Clareuallensi, si spumanti in sæcularibus, non sudanti in regularibus, si denique Sirenarum oblectamenta captanti, non aspera quæque per desertum sectanti scriberem. Nunc autem quia id solum quod honestum est, bonum esse non dubito: omne verò verum honestum, si verum dixerò ab honesto non recedens, confusionem non timeo. Scio itaque manum te ad fortia misisse, & satis perplexum antiquo sophismate sophisma fecisse. Crede mihi, frendens & rugiens quærit soluere quod nequit ex ratione refellere. Callidus est & in arte peruersæ calliditatis potenter callens: vtpote cui ab incomprehensibilitate retro labentium temporum annus, mensis, dies, hora, vel breuissimum momentum non est elapsum absque huiusmodi conflictationibus. Quotiens vicit & victus est? deiecit & deiectus est? obruit & obrutus est? Non est ei pudor, timor procul abest, spes euertendi semper adest. Fulminat timens, attrectat tremens, recedit sperans, accedit dubitans. O astutia simplicitatis inimica, malignitatis filia, vnica totius religionis tinea! Patrem nostrum à paradiso exclusisti, in exilio detrusisti, in morte conclusisti: nos beatitudine spoliasti, miseriis cumulas, à Deo separas. Quid tibi & nobis? Cepisti, & decepisti, sed non recepisti. Qui enim fecit, ipse reficiendo recepit. Seductor igitur, carissime, cauendus est, & laqueo suo capiendus, & gladio suo detruendus. Sic fecit nobis, sic faciamus illi. Si malum est esse homicidam, sed non diabolicidam. Caput ergo ejus contere, caudam apprehende, corpus medium scinde: & sic vespere & mane & meridiè narrabis in confessione, annuntiabis in satisfactione, exaudieris in oratione. Sophista iste malè proponit, peius assumit, pessimè concludit. Suggestendo praua proponit, ad delectationem trahendo assumit, in consensum dejiciendo concludit. Si itaque suggestionem prudenter præuidens scuto sacræ institutionis propuleris, delectationem fortiter memoriâ passionis Christi excusseris, consensum constanter timore & amore Dei negaueris, tendiculas ejus tanquam fila araneorum abrumpens, coronaberis de capite Amana, de vertice Sanir & Hermon.



LIBER QVARTVS.

EPISTOLA I.

Suo suus.



T perniciosum optimis telum inuidiam nostra proscribat epistola, communis exorat charitas. Satis namque superque quod mihi scripsisti dulce, vtile, & honestum fuit. Quid enim dulcius amore? Quid vtilius diuinarum & humanarum rerum subtili & compendiosa descriptione? Quid honestius morum salubri informatione? His nostrum torpens ingenium excitasti, causam non causandi de secularibus parumper præbisti, ac otiosæ sollicitudinis vela relaxasti. Sic irrigant, inebriant, & tranquillat scripta tua, dulcissime, animam meam. Sterilitati denique vbertate, tumultuositati libera pausatione, occupationum insolentiæ renunciāns ad remotiora secessione, Nicolai mei hoc agi contestor scriptitatione. Deficiente ergo spiritu, manu trepidante, repugnante ingenio, grandiora præsumo, prætentio fortiora, vix explicabilia arripio. Vtrinque enim spiritu vehementi ex quatuor ventis conglobato, cuius spei robore floris tenebritudo non euanescat, pulcritudo non deficiat, viror non emarcescat? Infidum est irato obuiare leoni: stultum nihilominus emissam non declinare sagittam. Omnis armatura fortium tuis militat castris. Itaque congregari timeo. Nam cum propriâ satis armaturâ triumphare posses, quorumcunque etiam potentissimorum arma mutuasti, ut superuinceret. Solo clypeorum aureorum fulgore dejicior. Exclamo tamen, Pone non tua. Nam plurimum intererit, utrum maiestate irrefragabili auctoritatis Philosophorum, an propriarum rationum & sententiarum conspiciuitate castra nostra poteris debellare. Tibi an illis deputetur victoria, cum sine discriminis examinatione illorum vestigiis procumbam volens, contra te autem arma, sed pacis, feram, statim elucescet. Quid enim? falsa sint Philosophorum inattingibilia acumina, cum ingeniorum nostrorum vis sola quaeritur, quid nostra interest? Prorsus eorum cedo auctoritati. Non sic verò, non sic subfugiet pupillam oculi mei quod egressum fuerit de labiis tuis. Iure suo priuari se amicitia aliter conquereretur, nisi res amicorum æquo libramine discuteretur. Decursis itaque & discussis vernantis eloquentiæ tuæ sermonibus & sensibus, iterum iterumque tua renouens & me ac uolueret gestiens, timeo sub luce videri. Quid ergo? Periculum experiar? sed non in filia. * Loquar? sed utinam non inania. Reprehendam, sed amici superflua. Laudabo? sed philosophorum ingenia. Hinc tamen non progrediar, nisi prius data manu initum fuerit pactum, prorsus ne-

*F. inutilia.

quaquam irasci pro aliqua contumelia. Ingrediens itaque aggrediar, non veritatis domicilia subuertere, sed amici, si qua est, propriam de præjacentibus verborum diuersitatibus calumniam arguere, & quibus potero auctoritatum rationibus refellere. Video autem in vestibulo & in fronte epistolæ tuæ quod nimia formositate sui curiositatem oculorum meorum sic allicit, ut vix epos ejicere & elicere valeam. Est enim quiddam, cujus nomen super omne nomen, cujus forma formosior omni forma, cujus statura & altitudo à fine superioris cæli vsque ad finem inferioris inferni. Imago est inimitabiliter nata, non facta. Vnus est qui hanc de corde suo excogitauit & eructauit, non artifex hujus, sed omnium, hujus autem pater. Huic conformari est reformari. Hanc loquentem & se exprimentem, aptis coloribus renitentem, sceptro imperiali cuncta regentem, cœlicolas cum terrigenis in brachiis conjungentem inueni, adorauit, & tenui. Decor ejus inæstimabilis, dulcedo infatigabilis, claritas inaccessibilis. Tam suaue loqui de illa, quam admirabile amplecti illam. Ad hanc qui accedit, aut vix, aut nunquam recedit. Oculus non satiatur visu, nec auris auditu. Qui edunt, adhuc esurient, &c. Hæc osculata est me osculo oris sui. Hæc digito manus suæ tenens animam meam voce propria, ne declinarem ab ea. Hujusmodi attractus & delinitus blanditiis, an ulterius progrediendum sit hæsito. Bonum enim est hic esse. Tandem verò innuente & annuente ut irem non discedens, redirem permanens, aliam vidi visionem. Rubus ardens in interiora deserti apparuit. Suspensus intenta cogitatione, num, inquam, sicut Moyse rubus ardebat & non consumebatur, sic meus iste reddit splendorem lucentem, non calorem vrentem? Amici enim increpatio, grata potius correptio est, quam molesta exustio. Est autem. Vos venator tam verborum quam sensuum, & conclusum retibus & percussum venabulo credidistis. Hic enim rubus ruborem ingerens, sed perfectæ & solidæ charitatis robur nescienti. Oculus pupilli pungeretur, vel etiam compungeretur, si spina hujusmodi configeretur. Non verò contingat hoc oculo charitatis, cujus folius est colligere, immo producere rosam de spinis. Sic Iesus de spina passionis rosam protulit redemptionis. An non ejus imitatione & tu reddis bona pro malis, qui mollia duris, dulcia amaris, vera retribuisti vanis? Reuera tu simplex & domi habitans, ut dicis, in simplicitate cordis tui scripsisti. Animaduerto igitur ad thronum gratiæ miro pennarum iuuamine te conuolasse, & ibi, quia citra non reperisti, simpliciter simplicem Deum didicisse. Quæro itaque, anne simplicitatem tuam ab illo fonte reportaueris, & vtrum tantum transeundo, quantum cœlicolæ manendo & stando exhauseris. Quod si fieri non potuit, constat non injuriosè inæstimabiliter illorum tuam præcellere simplicitatem, sicut & beatitudinem. Animam siquidem humanam naturaliter simplicem, Angelorum verò naturam, etiam simpliciter simplicem indubitabili fide credo & confiteor. Quod ut euidentius appareat, nostra de simplicitate & tua sub oculis compendiosa annotatione volo colligere. Dixi, quia omnis res simpliciter simplex vna & vnum est. Non autem si vna, statim & simplex. Simplex enim respuit & refugit omnem prorsus

admixtionem. Rem vero vnā conuenientia duo simul, vel plura aliquando faciunt, vt vnum corpus constans ex quatuor elementis. Ista, inquis, aut non intelligo, aut vos minus attenditis. Malo me minus intendere, quā te non intelligere. Tamen parumper attende, & de simplicitate si malē sensi, quia cōpisti, iterum corrige. Interim ipse vt decet consignatam tuis exhibens reuerentiam sensibus & sermonibus, meos etsi non verba sensus vallo veritatis communiam fortiū. Omne igitur quod est, aut simplex, aut compositum est. Compositum autem aut substantiale, aut partiale. Substantiale, veluti cū vna substantia alij substantiæ jungitur. Partiale, cū vnius substantiæ partes coniunguntur. Hoc autem compositum superiori simplicius est. Illud verò ex toto & naturaliter dicitur simplum, quod caret & substantiali & partiali compositione. Anima itaque, quia neque diuersarum substantiarum, neque eiusdem substantiæ diuersarum partium in se suscipit conjunctionem, naturaliter est simplex. Non enim ex prius existente aliqua materia creata est, vt respectu materiei suæ composita dici possit, sicut in omni corpore id quod factum est dicitur respectu illius quod de eo factum est, simplum: sed de nihilo facta catholicè creditur. Angelica verò natura quia hoc habet amplius, quod nullis subiacet corruptionibus, quemadmodum anima ex conjunctione corporis, liberiū euolat ad secretissimos simplicitatis recessus. In hoc etiam ferè omnes Philosophi, consentiunt, quod principium rerum est perfecta sapientia, lumen præclarum, substantia substantiarum, argumentum rerum vniuersarum. Id autem vnum & simplex, cuius simplicitas confert, non aufert simplicitatem. Neque enim creaturæ suæ suam inuidet simplicitatem, cui suam non negauit imaginem. Eo igitur in arce veræ & summæ simplicitatis illocaliter locato, rationalis participat creatura. Fiunt autem magis & minus simplicia magis & minus eo participantia. Ideo namque simplex, immo simplicitas simplicium, sicut Deus deorum, in simplicitate iubet se quærere, cum simplicibus se dicit ambulare. Dat autem inuenire & habere, si quæretur quomodo iubet quærere. Aliter quærentibus, *quæretis*, inquit, *me, & non inuenientis*. Quia itaque nisi in simplicitate non inuenitur, simplicitate autem simplicem fieri non dubitatur, quicumque eum per simplicitatem inuenerit, participatione eiusdem simplicitatis simplicior efficitur. Inæquali autem proportionem participantem inæqualiter inueniuntur simplices. Ipsa autem simplicitas in se vera & summa est vnitas. Sciendum verò, quia sicut aliud est participans, aliud participatum: sic etiam aliud simplex, aliud simplicitas. Nec habet lingua & ratio hominis, nescio si Angeli, idem esse simplex & simplicitatem, sicut nec album & albedinem. Noli, noli simplicitati nostræ, immo tuæ risum insimulare. De Deo enim nihil habes opponere, cū quicquid ipse est legatur omnem sensum transcendere. Tamen quod bonus, quod pius, quod iustus, quod simplex dicitur, figuratiua locutione accipitur. Vt enim Plato ait, *Deum inuenire difficile est, inuentum dignè profari impossibile*. Nulla certè oratione, vel orationis parte, Deum potest aliquis describere, vel definire. Itaque de Deo nulla fiat oppositio, quia ipse est omnium conclusio, nihilo-

Ioan.
vii. 36.

minus & exclusio. Ex ejus stabili simplicitate sortitur ordinem, causas, & formas, vt Boëtius testatur, omnium generatio rerum, cunctusque mutabilium naturarum progressus, & quicquid aliquo modo mouetur. Ejus natura in sua simplicitatis arce composita, regendis multiplicem modum statuit. Potius ergo bonitas ipse, & participatione ejus creatura bona, potius pietas ipse, & consortio pietatis creatura pia, potius denique simplicitas, & possessione simplicitatis dicatur creatura simplex. Eiusdem autem locutionis genere quo Deus justus, & nos iustitia Dei appellamur. Vide etiam vtrum bona similitudine vtatur Boëtius ad exprimendum non tantum simplicem aliquem fieri, sed etiam simplicitatem ex strictissima connexione & societate simplicitatis. De prouidentia profecto & fato sic dicit: *Prouidentia est ipsa illa diuina ratio in summo omnium principe constituta, quæ cuncta disponit. Fatum verò inharens rebus mobilibus dispositio, per quam prouidentia suis quæque necit ordinibus. Et post pauca. Manifestum est immobilem simplicemque gerendarum formam rerum esse prouidentiam. Fatum verò eorum, quæ diuina simplicitas gerenda disposuit, mobilem nexum atque ordinem temporalem.* Inducta itaque similitudine paulo post subdit. *Nam vt orbium circa eundem cardinem se se vertentium qui est intimus ad medietatis simplicitatem accedit, ceterorumque extra locorum veluti cardo quidam circa quem versentur existit: extimus verò majore ambitu rotatus, quanto à puncti media indiuiduitate discedit, tanto amplioribus spatijs explicatur: si quid verò illi se medio connectat & societ, in simplicitatem cogitur, diffundique ac diffuere cessat. Simili ratione quod longius à prima mente discedit majoribus fieri nexibus implicatur.* Medium quod ait, siue media indiuiduitas puncti, intelligitur veritas & simplicitas Dei. Quod enim huic amori confociatur, in simplicitatem cogitur. Diuinæ igitur supernæque substantiæ, quibus & iudicium perspicax, & incorrupta voluntas, & efficax optatorum præsto est potestas, quid est quare non inhæreant illi summæ & vnica simplicitati? Cohærent procul dubio, & dotantur largiori simplicitatis priuilegio. An ista reculas credere, & paras contradicere? Nequaquam, inquis, sed quod creatoris est, creaturæ nolo attribuire. Quare? quia æmularis Deum, sed non bona æmulatione. Quantum enim desipit, qui non à Deo collata munera propria usurpatione rapere præsumit, tantundem à pietate resilit, qui data negat, vel abscondit. Nos, inquit Apostolus, *non spiritum huius mundi accepimus, sed spiritum qui ex Deo est, vt sciamus quæ à Deo donata sunt nobis.* Datum est enim omni corpori, vt sicut jam dictum est, compositione sit multiplex: animæ, vt carens partibus naturaliter sit simplex; sed propter limi societatem, subiciatur vanitati, quæ est multiplex. Supercælesti quoque indultum est creaturæ, vt ultra sensum humanum, sed citra diuinum, & naturaliter & simplicitet sit simplex. Tu verò corpus multiplex asserens, animam quoque comparatione corporis non per se simplicem astruens, transuolas ad supercælestes, & ex gratia, non ex natura imitationem tantummodo simplicitatis indulges. O nimium simplex! Forsitan enim Angelus tuus hoc audiens irascitur, & quod dona gratiæ & naturæ suæ commutaueris,

I. Cor.
II. 12.

ueris, indignatur. Nam ipse quidem nihil minores gratias agit creatori naturæ, quam datori gratiæ. Gratiâ namque creatum, gratiâ beatificatum, gratiâ nouit se confirmatum. Ab eadem tamen gratia aliud in creatione, aliud meminit se accepisse in beatificatione, siue in confirmatione. Quod accepit in creatione, dona sunt naturæ: quod meruit in confirmatione, dona vocantur gratiæ. Igitur aut multiplex est Angeli natura, quod soli conuenit corpori, aut simplex, quod tantum spiritui. Quia autem nullum tertium est simplex, ut aestimo, concedas necesse est. Simplex itaque cum sit natura, & vicinitate, ut ostensum est, ipsius summæ simplicitatis artius exprimitur, & imprimatur in eo radius simplicitatis, non jam tantum simplex est, sed simpliciter, ut opinor, simplex. Ministrando namque adhsit & adhæret diuinæ simplicitati. Ipsa autem diuina simplicitas non naturaliter tantum, non simpliciter tantum, sed singulariter & ineffabiliter simplex est. Jam credo satisfactum, quare dixerim, omnis res simpliciter simplex, vel quare dicere potuerim. Quod autem sequitur, vna & vnum; est inculcatio verborum. Tamen ut vel tenuiter sic distinguam, vna profecto est, quia ut Seneca testatur, diuinorum vna est natura, & nihil est diuino diuinius, cœlesti cœlestius, & Boëtius, quia eorum eadem est substantia, quorum diuersus effectus non est. Vnum idcirco, quia natura simplicium indissolubilis, diuersarum pluralitatem partium ad sui efficientiam non admittit. Quod enim ex diuersis partibus compositum est, naturaliter solubile est. Omne autem simplex & incompositum vnum est, & caret partibus resolutionis. Quæcunque igitur substantia tam simplex est & vna, prorsus non admiscetur, neque cum alia simplici & incorporea, neque cum multiplici & corporea. Nam vbicumque & quotiescumque substantiæ immiscetur, necesse est ut in se inuicem commutentur & transformentur. Rerum enim quarumlibet conjunctio nisi in se se transfundantur, & à propria forma transformentur, copulatio vel adjunctio, vel aliquid huiusmodi, non autem admixtio, vel commixtio dicitur propriè. Vnde & Verbum assumptione carnis, & indifuncta vnione caro factum, ne substantiarum transfusio, scilicet carnis in diuinitatem adnihilatio, vel diuinitatis in carnem substantialis exinanitio ab hæreticis persuaderentur, non commixtionem passum dicitur, & ne rursus alius Dei, alius hominis filius crederetur, & vna in duas personas diuideretur, ilico sequitur, neque diuisionem. Si noua, & ideo cassa, me confingere arbitraris, & vera & vetera statim si placet subjunctis rationibus comprobabis. *Non*, inquit Boëtius, *omnis in omnem rem verti ac transmutari potest*. Nam cum substantiarum aliæ sint corporeæ, aliæ incorporeæ, neque corporea in incorpoream, neque incorporea in eam quæ corpus est mutari potest. Nec verò incorporea in se inuicem proprias formas mutant. Sola enim mutari transformarique in se possunt quæ habent vnus materiæ commune subiectum. Neque hæc omnia, sed ea quæ in se & facere & pati possunt. Idque probatur hoc modo. Neque enim potest æs in lapidem mutari, nec idem æs in herbam: nec quodlibet aliud corpus in quodlibet aliud transfigurari potest, nisi & eadem sit materia rerum in sese

K

transeuntium, & à se & facere & pati possint, ut cum vinum & aqua miscentur. Vtraque enim sunt talia, quæ actum & passionem sibi communcent. Potest enim aquæ qualitas à vini qualitate aliquid pati. Atque idcirco, si multum quidem fuerit aquæ, vini verò paululum, non dicuntur immixta, sed alterum alterius qualitate corrumpitur. Si quis enim vinum fundat in mare, non mixtum est vinum mari, sed in mare corruptum, idcirco quod qualitas aquæ multitudine sui corporis nihil passa est à qualitate vini, sed potius in se ipsam vini qualitatem propria multitudine commutauit. Si verò sint mediocres, sibi quæ æquales, vel paulò inæquales naturæ, quæ à se facere & pati possunt, illæ miscentur, & mediocribus inter se qualitatibus temperantur. Atque hæc quidem in corporibus, neque omnibus, sed tantum quæ à se, ut dictum est, facere & pati possunt communi atque eadem materia subiecta. Omne autem corpus, quod in generatione atque corruptione subsistit, communem videtur habere materiam, sed non omne ab omni, vel in omni, vel facere aliquid, vel pati potest. Corporea verò, vel incorporea nulla ratione poterunt permutari, quoniam nulla communi materia subiecta participant, quæ susceptis qualitatibus in alterutrum permutentur. Omnis enim natura incorporeæ substantiæ nullo materiæ nititur fundamento. Nullum verò corpus est, cui non sit materia subiecta. Quod cum ita sit; cumque ne ea quidem, quæ communem materiam naturaliter habent, in se transeant, nisi illis adsit potestas in se & à se faciendi ac patiendi, multo magis in se non permutantur, quibus non modo communis materia non est, sed cum alia res materiæ fundamento nititur ut corpus, alia omnino materia subiecta non egeat ut incorporeum. Non igitur fieri potest, ut corpus in incorporalem speciem permutetur; nec verò fieri potest ut incorporalia in sese commixtione aliqua permutentur. Quorum enim communis nulla materia est, nec in se verti ac permutari queunt. Nulla autem in incorporalibus materia rebus. Non poterunt igitur in se inuicem admisceri, vel permutari. Iure igitur simplex res refugit omnem commixtionem, quia nullam in quamlibet creaturam recipit commutationem. Item quod à nobis ponitur, sumptum à nobis: rem autem vnam duo simul vel plura conuenientia aliquando in sese recipere, & conuertere ut vnum sint, in exemplari quod manibus meis scripti, sic habetur. *Rem verò vnam, conuenientia duo vel plura aliquando faciunt, ut corpus vnum constans ex quatuor elementis.* Hic nullius cauillationis locum aliquatenus animaduerto, & ideo respondere parco. Itemque intulisse me scribis, Deum magis propriè ex simplicitate quàm vnitatem. Miror calumniam. Nonne enim statim subjunxi, nihil de Deo propriè dici. Jam quia, mi dilectissime, dulcedo viscerum meorum, lumen amicorum meorum, pro me satisfeci: epistolæ tuæ sententias quasdam digna inuestigatione corrigendas, & limâ correptionis explanandas, partim contemplandas reperi. Quid dicis, amor? Placetne quod loquor? Gratiamne tuam persequor? Quod vis jube, & faciam. Clauem oris mei custodi, ne læsio prorumpat amici. Constringe fauces maxillarum, ne profluant jocos Sirenarum. Aperi tamen aliquando labia, ut excludam grauamina

mea. Nicolaus enim tuus, immo noster gratias superuacuas agit gratiæ, ut asserit, meæ, quia verba, inquit, nostra vel ex parte recipitis, receditis autem in omnibus à Claudio. Indica, judica iudicium meum, amor iuste. Quid enim? Pene neruorum & venarum fila nimiae inflationis protensione intensa rumpuntur. Protestando jurant & contestantur intellectus, ratio, & memoria, falsum contra se latum testimonium. Vix patientiam persuadeo. Amicus est, inquires, facetus: lepidi jecorum sermone urbanus. Sine itaque, & disceptatione inextricabilem labyrinthum rationibus suis intexentem, & nunc quidem quæ egreditur introeuntem, nunc verò quæ ingreditur exeuntem sustine, complicata ejus explicata, malè explicata replica. O dulcissime! dormiebas quando epistolam nostram legebas? Fortè eras occupatus, & ideo non es culpandus. In hoc tamen inexcusabiliter culparis, quòd gratiarum tuarum nimium prodigus, dum malè locas perdis. Illas meas enim gratias ubi deprehendisti, quibus ingratiòse gratias agis. Sed quid miror te mirabili & inaudita nouitate gratiam quæ non est gratia asserere; cum mutandi & permutandi rerum & verborum proprietates auctoritate jam pristina cøperis pollere? Quid non faciat Nicolaus, qui de nigro factus est albus? Credo ista ductus & edoctus auctoritate, verba quoque & sensus verborum præsumis quandoque inuertere. Nigredinem tamen pristinam somniaſti, ubi me à Claudio dissentire notasti. Nempe sermonibus acquieui & acquiesco tuis, in parte contradixisti & contradico. Vbi enim corpus viuere, animam viuam, Deum vitam esse negaui? Nusquam crede mihi, nusquam. Tantummodo enim assignationes proprietatum quas subjunxisti, viuens videlicet ex vanitate, viuum ex simplicitate, vitam ex vnitatem aggressus sum reprehendere. Sed monachum illum, qui cum amico in epistolæ tuæ principio contendebat & reticens, has jam præ tadio emittere audio voces. Vtilius, inquit amor, claustra oris continuissemus, quàm rescribendo tot exundantium impetus torrentum incurrissemus. Redundant enim torrentes vanitatis, & distillant ab ore amici nostri sermones superflua garrulitatis, Totus profluit & perefluit. Silentia nostra confundit; consuetudinis nostræ morem & ordinem eonturbat & concutit: ad pomposa & superflua quæque improbitate sua, si acquieuerimus, prouocat & attrahit. Deinceps itaque nolis scribere.

^a SVO SVVS] Nicolao monacho Clarenallensi, qui & ipse ad Petrum nostrum scribens, eadem vtitur inscriptione epistola XLIX. Nicolai epistolis insertæ sunt mutua epistolæ Cellensis, & quidem recto ordine, quæ hinc præpostero leguntur. Prima enim fuit Nicolai quam dixi epistola XLIX. *Nupercum Aquilonaris*, cui noster ea rescripsit, cujus initium *Bestia qua tetigerit montem*. Tum secuta est Nicolai altera numero LII. *Anxietatem mihi generat*, ad quam Petrus hac epistola responder, quæ apud Nicolaum quoque edita est, sed dimidiata.

^b HIS NOSTRVM] Deest membrum, quod apud Nicolaum antecedit hoc modo: *Ista proculdubio continent epistola tua prima, media, & ultima. His nostrum torpens, &c.* Sunt & diuersa quædam alia non aspernanda: tum maxime sub finem epistolæ sequentis.

^c A CLAUDIANO] Mamerto Claudiano Presbytero Viennensi, cujus verba ex libro III. de statu animæ ad refellendum Cellensem produxerat Nicolaus epistola III.

K ij

[NICOLAYS DE NIGRO F. B. ALBVS] Ex Cluniacensi monacho Cisterciensis. Nicolaus ipse epistola XVIII. ad Theobaldum ejusdem olim consilij participem: *Vno denique consensu reliquimus omnia, & de veteri Testamento & umbra Cluniacensium, ad Cisterciensium euoluimus puritatem.*

EPISTOLA II.

Suo suus.

Bestia quæ tetigerit montem lapidabitur. Cacumina, dilectissime, literarum tuarum in tantam nubium densitatem subleuata sese recipiunt, quod vix conatibus difficillimis acumen luminum meorum quoquo modo admittant. Nunc enim volas & peruolas in sublimitate cedrorum, nunc nidificas in altissimis cauernis maceriarum, nunc ambulas super pennas ventorum, nunc denique curris & discurre in incomprehensibiliter super montes aromatum. Siue inuenias semitam per quam ambulauerit homo, siue non inuenias, non multum curas. Nec mirum. Nam tuus ille ceteris familiarior Seneca, hominum ingenia per tria diuisit genera. Primum ponit ut tuum, vias sibi aperire, & quæque remota vi propria penetrare. Secundæ fortis ingenium non adeo ingenuum, quod præire nescit, sequi tamen non intumescit. Infelicioris tertium fortunæ dicit, quod nisi coactum, manu tractum, curru impositum, ab inertia sua minimè concallescit & exilit. Huic me larga manu natura, primum & etiam secundum mihi inuidens ingenium, quam adstrictissime ni fallor obligauit, & funiculo suæ dimensionis in hæreditatem præclaram confirmauit, sigilloque communiuit. O dolor! Tibi quidem oculo nequam nequaquam inuideo; attamen mihi condoleo, quia quantò fors tua meæ vicina relucet splendidior, tantò ipsa sublacet obscurior. Dum ergo repagula ori induxisti, dum oculis dormitationem indulxisti, dum manum ad pharetram non adduxisti, magna majorum celeritate verborum effabar, perspicacitate ingenij non adæquabar, locupletem scientia scripturarum me arbitrabar. At ubi fulgurare cœpisti tonitrua sententiarum, vibrare jacula argumentorum, pluerre monita dulcium exhortationum, tardior lingua, sensu pauperior, stylo rusticior inuentus sum. Video igitur paupertatem meam, mirantem, non migrantem in abundantiam tuam, suspicientem non fuscipientem scientiam tuam. Confortata est, & non possum ad eam. Quanta enim putas profunditate, caligine, obscuritate recondatur, corpus est viuens, anima viua, Deus vita? Demum abyssus abyssum inuocat. Viuens, inquis, ex vanitate, viuum ex simplicitate, vita ex vnitatem. Hic, hic tenebræ, hic umbra ex nube, nubilosus aër in meridie. Sed quæ culpa solis, si non illuminor priuatus oculis? O dignum, fortasse inquis, risu hominem, qui diem noctem, umbram lucem, tenebras autumat solem? Neque inquam solem, neque diem, neque lucem, sed planè palpabilem offendo obscuritatem. Cum enim corpus ab anima, animam à Deo, Deum vitam habere à semetipso irrefragabiliter credatur, nonne & si rusticius, tamen veriùs diceretur, corpus viuificatum ab anima, animam viuificatam à Deo,

& viuificantem corpus, Deum omnia viuificantem, in se & ex se viuum & viuentem? Sed rursus quid est corpus viuens ex vanitate? *Corpus*, inquit Apostolus, *mortuum est propter peccatum*. Quod ergo Apostolus mortuum vocat propter peccatum, tu viuens dicis ex vanitate? An non vanitas peccatum? An idem simplici sensu intellectum operatur mortem & vitam? Odit Deus obseruantes vanitatem. Dilectio autem Dei viuificat, odium mortificat. Non ergo est aliquid viuens ex vanitate, sed ex veritate. Quod factum est in illo, id est, Verbo veritatis, vita erat. In se & ex se profecto creatura nulla terrestris vel supercaelestis vita est, cum tamen in illo vniuersa siue viuens, siue vita carens, vitam suam habeat. Addis viuum, id est, animam ex simplicitate, vitam, id est, Deum ex vnitate. Istis non sic in spiritu vehementi offendor, sed nec penitus assentio. Nam anima ex vnitate immortalis & indissolubili, sicut & Deus suo singulari & alio modo immortalis est & indissolubilis, ex nihilo creata esse creditur. Idcirco namque ad imaginem & similitudinem suam creauit eam Deus. Per hoc etiam quod per omnes particulas corporis tota simul adest, nec minor in minoribus, nec in maioribus maior, sed tamen vt Augustinus testatur, in aliis intensius, in aliis remissius effectus suos exercet, cum in singulis particulis corporis essentialiter sit, vnitati magis, quam simplicitati obnoxia perpenditur. Omnis enim res simpliciter simplex, vna & vnum est. Non autem si vna, statim & simplex. Vnde dicitur Deus simplex, non ob aliud, teste Isidoro, nisi quia non est aliud ipse, & aliud quod in ipso est. Rem verò vnam conuenientia duo simul vel plura aliquando faciunt, vt vnum corpus constans ex quatuor elementis. Anima itaque quamuis diuersarum compactionem partium in sui confectionem non recipiat, quia tamen aliud ipsa & aliud in ipsa est, secundum auctoritatem praelatam, potius vnitate, quam ex simplicitate conuenit ei esse. Hac etiam eadem rationis demonstratione Deus ex simplicitate dicitur magis proprie, cum pene nihil aut prorsus nihil de eo dicatur, nisi improprie. Quid enim est quod dicitur Deus ex vnitate vel ex simplicitate; nisi Deus ex Deo, pater scilicet à semetipso, filius à patre, Spiritus sanctus à patre & filio? An desipit ita quispiam, vt participatione simplicitatis simplicem, participatione vnitatis vnum, participatione bonitatis bonum existimet Deum, sicut sapiens participatione sapientiae efficitur homo, & cetera huiusmodi? Quicquid in Deo est, Deus est: sapientia in Deo est, & Deus sapientia est: potentia in Deo est, & Deus potentia est: bonitas in Deo est, & Deus bonitas est. Non magis ergo Deus ex vnitate, quam ex simplicitate. Jam extorsissem digitis stylum, & ori meo imperassem tempestiuum silentium, si non decreuissem expirare hinc quicquid de amico remordet animum. Durius siquidem pungitur cor meum, dum vsquam pingitur filius medius inter patrem & spiritum. Prorsus idolum abominationis conflaret, qui sculptile quodlibet sic sculperet vel depingeret. Consubstantialitas enim, coaeternitas, coequalitas vnius Trinitatis & trinae vnitatis, Patris, ac Filij, ac Spiritus sancti, non recipit prius ac posterius, majus & minus, inferius & superius: sed totus pater in toto filio, totus

K iij

filius in toto patre, totus Spiritus sanctus sigillatim & communiter in vnoquoque & in vtroque simul. Hæc sancta & semper cum tremore nominanda Trinitas, vbique tota per essentiam & potentiam, non per gratiam diffusa, non spatiosa magnitudine, quemadmodum lux visibilis, vel aliud visibile, sed sicut sapientia in homine. Vides enim duos homines, vnum paruum & alium magnum corpore, in sapientiæ tamen participatione æquales esse. Sic diuina essentia vniformis & uniusmodi est & in maximis & in minimis. Sicut denique incomprehensibilis pro sui immensitate, sic etiam indiuisibilis pro sui simplicitate. Intelligamus, inquit Augustinus contra Arrium, Deum quantum possumus, sine qualitate bonum, sine quantitate magnum, sine indigentia creatorem, sine situ præsentem, sine loco vbique totum, sine tempore sempiternum, sine commutatione mutabilia facientem, nihil patientem. Iuras, credo, sic te nec aliter credere vel credidisse. Protestor & ipse in fide mea, si lingua quia in vdo est errauit, corde sic tenuisse. Simplex enim res refugit & respuit omnem adunctionem, omne consortium. Ne diu tamen à cogitationibus conturberis, reuoluens vbi hoc dixeris, in sermone de sancto Victore scribis: Vbique autem est in medio. Nam & in illa deitatis essentia est medius filius inter patrem & spiritum. Meminisse debes nunc, quia mediator vnus non est: Deus autem vnus est, pater & filius, & spiritus sanctus. Quod si creatum, non increatum spiritum, ideo quia sanctum non subiunxisti, intelligendum aliquis æstimat, regulam Hieronymi de significatione huius nominis penitus ignorat. Vbi, inquit, spiritus sine adunctione aliqua in scripturis ponitur, Spiritus sanctus rectè intelligitur. Si autem intellectus jam dictus de creato spiritu dictum prorsus contenderit, nec minor abusus, quàm de increato superius ostensum est remanebit. Qui enim pugillo concludens omnia, extra & intra, infra & supra est, qua ratione medius dicatur, qui comprehendat nemo est. Clamitas, totum me effudisse spiritum meum. Quid ni? Cùm tibi effundo, non effundo, sed infundo.

EPISTOLA III.

Nicolao suo Petrus suus.

Eccli.
xxiv.
29.

Mirabili conditas sapore litteras auditati meæ compositis, quotiens scribitis. Vt enim veraci amico veraciter loquar, illud pene propriè proprium apud me habent, *Qui edunt me adhuc esurient, & qui bibunt me, adhuc sitient.* Ipse autem & si imperitus sum stylo rescribendi, non tamen scientiâ redamandi. Scio quem amare debeam, quare, & quantum, & quandiu. Quem, nisi seruum Dei, nisi qui diligit iustitiam, & odio habet iniquitatem, nisi denique qui in Deo manet & Deus in eo? Quare, nisi quia conseruus, & frater est, nisi pro quo Christus passus est? Quantum, nisi quantum me filius Dei, quantum me ipsum, quantum manus oculum? Quandiu, nisi vsque ad mortem, nisi vsque in sæculum sæculi, nisi vsque in æternum & vltra? Generaliter sic afficiuntur qui non quæ sua sunt quærunt, sed quæ Jesu Christi, qui pleni caritate & dile-

etione in cubilibus & in hortis aromatum in meridie cubant & pascunt. Isti sunt tui, immo mei Clare-vallenses. Hi sunt qui non sicut ille negaturus Iesum à longè sequuntur, non sicut alij appropinquantés stant, vel ab eo recedentes post Satanam redeunt: sed sindone reiecta nudi post nudum ambulant, agni vestigiis inhaerentes ad cælum transuolant: & donec ad sedentem in throno accedant, & regi operâ sua dicant, super montes aromatum transilire properant. Hi sunt cerui montium, capreae camporum, hinnuli sylvarum. Denique ipsi sunt lilium conuallium, cedri libani, oliuæ vberes in domo Dei. Pulchræ sunt genæ eorum absque eo quod intrinsecus latet. Amplior virtus quàm fama, flamma non tanta quantus ardor, laus eorum confortata est, nec possum ad eam. Verè & tu ex illis es. Nam & loquela tua & opera manifestum te faciunt. Si ergo vt prædixi mutua dilectione adinuicem specialiter afficimur, & quis & quare, & quantum & quandiu, firmiter conservabimus. Pene tamquam oculis captus non attendens, quis & cui scribam. Qua enim fronte insipientiam meam, turpitudinem meam, tarditatem meam non abscondo, non operio, non celo? Et si oculis insipientium illudo, capreae & lyncei oculos sic quoque decipere posse præsumo. Sed ne decipiaris, plus in me aliquid quàm audis sensus & ingenij suspicans, prorsus aperio paupertatis meæ inopiam. Nempe quia fodere non valeo, mendicare non erubescō. Aperi igitur manum, repera os, ut parturiat sapientiam. Quæro autem, quid sit quod ait Hieronymus in epistola ad Rufinum, exponens iudicium Salomonis super quæstione duarum meretricum, Tertia die postquam ego peperî, peperit & hæc. *Si consideres, inquit, Pilatum lavantem manus atque dicentem, Mundus ego sum à sanguine iusti huius: si Centurionem aut patibulum consentientem, verè hic erat filius Dei: si eos qui ante passionem per Philippum dominum videre desiderant: haud ambige primam peperisse Ecclesiam, & postea natum populum Iudeorum, pro quo Dominus precabatur, Pater ignosce illis, &c.* De centurione, & de his qui Dominum videre quærunt, quòd Ecclesiæ filij sint, non tam durum mihi videtur: sed de Pilato prorsus incredibile æstimo. Sequitur in eadem epistola: *Nulla, inquit, dubitatio est, quin cuncta quæ dicuntur, non Salomoni mortuo, sed Christi convenient majestati. Simulat ignorantiam, & humanos pro dispensatione carnis mentitur affectus, &c.* Si Dominus noster Iesus Christus quicquid humanæ naturæ est præter peccatum assumpsit, & humanos affectus non fallaciter, sed veraciter habuit; quomodo ergo mentitur humanos affectus?

EPISTOLA IV.

Suo suus semper suus.

STella quandoque de cælo ad ima videtur, sed oculis insipientium, defluere: coagulatis tamen naturæ, & divini clavis mandati, sic defixa in æternum cælo adhæret, ut sicut prius liber idem cælum conuoluatur, quàm stella ab ipso diuellatur. Sic sic, mi carissime, ex quo Deus in fir-

memento cordis nostri stellam amoris mutui impressit, et si sefellit oculum ignorantis leges amicitiae repentina scintillatio instabilis fortunae, non tamen cessit aut decessit igniculus stellae. Vnde & tunc, cum quasi laedebam, non quasi, sed reuera diligebam; & cum avertebam oculum, non avertebam animum. Deo autem gratias, quia in plenilunio suo reformata denovo, quasi viribus resumptis radios primos solitò splendidiore, tanquam in invidia prioris defectus, amplificato affectu remisit. Procul iam deinceps sit, tam noctis tenebrosa interpolatio, quam diei nubilosa caligo. Sed de his haecenus. Quia verò minus iacula feriunt quae praevidentur, mando & moneo, ut caueas tibi à labiis iniquis, & à lingua dolosa. Apud nos enim quaedam de te disseminata sunt, quibus fortè nisi clypeum caute provisionis opposueris, laedi in curia poteris. Summi nempe quidam viri cuidam, de curia qui apud nos est, ut ipse audiui, insusurraverunt te de curia dixisse quaedam inhonesta, & te falsum Legatum domini Papae in his partibus gessisse. Quae nescio utrum sint magis falsa, quam maligna, vel è conuerso. Sapiens es, esto tibi in his sapiens. Valet.

EPISTOLA V.

a Suo suus semper & unice suus.

ECce in cineribus beati Aigulsi cum beato Iob lugens & dolens, de beone studere verborum climatis splendoribus, exquisitis facibus? Quinimo, iuxta viscerum commotionem, lugubri, ut sic dicam, & fumoso sermone afflictum repraesento animum. Mi carissime, curro & discuro quasi vagus & profugus, si fortè dispersos cineres à quatuor ventis caeli recolligere possim. Hinc est quod non cineres, sed fruges pretiosas, etiam ubi non seminaui, videlicet de Anglia, metere volo. Manipulos etenim eleemosynarum gentis illius ut metat beatus Aigulfus, iniungo. Quid mea interest falcem extendere, ubi nunquam vel arare potui, vel seminare? Sed non usquequaque absurdum est quod facere propono: quia etsi terram illam non colui, te tamen quasi areolam aromatis pro tempore consui bonis speciebus, cum mecum fuisti, cum tecum habitavi, cum te amaui, cum te retinere promerui. O bone Deus! quam feliciter prosperata est bona ista area, immo pinguissima oliva! quomodo sursum germinavit! & radicem deorsum misit! quomodo ramos suos extendit! quomodo iam iam replentur famelici de fructu propaginum eius! Gustavi & vidi, quia bona est pinguedo eius, & fructus eius dulcis gutturi meo. Non est conuersa in amaritudinem vitis alienae. Iam in umbra eius quam desideraueram sedeo: iam umbracula eius ab aestu, à turbine & à pluvia me defendere sufficiunt. Dies illa sit benedicta, hora nunquam pertranseat cum defectu temporis, qua Ioannem meum feci, qua talem & tantum amicum in filiis hominum apprehendi. Tibi Deus custos animae meae, tibi commendo illum, tu ei vitam, tu bonam vitam, tu prosperitatem dones, tu inter brachia tua, tu sub umbra alarum tuarum semper illum conserues. Quid enim melius optari potest amico? ut nihil aliud quaram

quæram vel mihi, vel amicis meis, isti quos nunc aspicio cineres monent. *b* Retro paululum laqueria, trabes, postes, & ligna robusta erant, qui modo pulvis tenuissimus & cinis vilissimus est. O munde, aut res mundanæ quid estis? Immo quàm vanè nos decipitis? Certè non estis quod esse videmini. Certè videtur in vobis pulchritudo aliqua, dulcedo, & vtilitas: sed veritate requisita neque pulchritudo, neque dulcedo, neque vtilitas vera est in vobis. Vera est, vera est de vobis sententia, quia cum sit in vobis vanitas, cor vanum facitis, quod possidere poteritis. Sed de his hæcenus. Vt ad rem accedamus, scito amice quia pretiosum martyrem Aigulfum in vase non vili ecce ad peregrinandum in egestate sua destinamus. De manu mea in manum meam illum depono. Quodcunque volueritis, quodcunque disposueritis de nunciis, ratum habeo. Generalem administrationem & curam in his amicitia tuæ assigno.

a SVO SVVS.] Ioanni Saresberienfi, ad quem & septem proximæ, atque alia passim complures. Huic enim arcta & vetus cum Petro Cellensi necessitudo, à quo exul olim monasterio receptus, benigneque habitus, & multis postea beneficiis auctus est: quibus obnoxium se Ioannes variis ad eum literis profitetur, sed præcipuè epistola xxv.

b RETRO P. LAQVEARIA.] Ecclesiæ S. Aigulfi Pruinenfis, quæ conflagrat, vtdictum est lib. 1. epist. xviii.

EPISTOLA VI.

Frater Petrus Magistro Iohanni.

FAUUS distillans labia tua, mel & lac sub lingua. Vt vidi litteras tuas, cor meum iubilo, os meum impletum est risu. Miscuisti liquidem iocos seriis, sed temperatos & sine detrimento dignationis & verecundiæ. Sales tui sine dente sunt, ioci sine vilitate. Sic decurrit oratio tua, tanquam illa quæ aliquando nubes capite tangit, aliquando autem vultum in terra demittit. Inuenit hæc gratiam in oculis meis, mecum manebit, & apud me tota nocte erit. Est namque vox tua dulcis in auribus meis; & monitus tui satis amabiles in faucibus meis. Insurgit autem sæpe ventus contrarius, imbrium turmæ quatunt domum, & bruchus, locusta, eruca, & rubigo hortuli mei areolas deuastare tentant. Sed Angelus magni consilij surgit de nauis, & facit tranquillitatem ventorum, serenitatem nimborum, exterminationem inutilium vermium. Cum enim Deus pro nobis, quis contra nos? Sunt certè mortis pericula, sunt in deserto serpentium venena mortifera, sunt prorsus amaritudines aquarum: sed serpens æneus, sed virga Moyfi, sed columna nobis per diem, & ignis per noctem, amarum vertit in dulce, eripit à morte, liberatque à morsu. Sumus quasi nihil habentes, & omnia possidentes, quasi morientes & ecce viuimus. Hæc consolatio mea in loco peregrinationis meæ, quia nihil intulimus, in hunc mundum, sed nec quid auferre possumus, quia volucres cæli non serunt, neque metunt, & tamen pater cælestis pascit illa. In baculo meo transui Iordanem istum, & nunc cum duabus turmis regredior. Cum denique via sit brevis, locus prope quod tendimus; quare tot onera humeris debilibus imponimus? Quare incassum

multa portamus? Certè si dominus Deus fuerit mecum in via ista, qua ego ambulo, non deerit mihi panis ad edendum, & vestimentum ad induendum. His paucis natura contenta erit. Tu autem, pars magna deliciarum mearum in te opes meae: tu capitis mei reclinatorium aureum; vtinam corporum eadem semper mediante Christo propinquitas esset, quae animorum. Nolo vt piger sis, non valens manum ad os mittere, id est, bonum quod doces facere. Deliciosus enim & improbus monitor est, qui in eo quod alium docet, seipsum non docet.

EPISTOLA VII.

Magistro suo I. de Saresberia suus Abbas Cellensis, quicquid melius est in vita presenti sine futura.

MOre sitientis sub aestu, & praestolatione diu desiderati potus iam iam supra modum fatigati, vasculum litterarum tuatum amanter suscipiens, ardentè relegens, frequenter resupinans, & quasi noui gustus iteratione in dulcedinis abundantia ad fundum vsque ebibo. Duplicatur, immo triplicatur legentis affectus, vbi materia gratitudine dilecti animi & styli iocunda lepiditate optatam narrationis seriem profert. Sensibus philosophicis quae scribis condiuntur, rhetoricis coloribus vestiuntur, decentissimis legum ornamentis decorantur, columnis Euangelicis fulciuntur, & quod ad amicos attinet, mellito sapore decentissime dulcorantur. Si lucrum quaero sententiarum, si doctrinam, si voluptatem, si verborum iuncturam, si amoris veritatem & dulcedinem, in litteris tuis haec omnia abundè reperio. Naui ibi ad natandum, hortus deliciarum ad deambulandum, mensa plena & parata ad conuiuendum, lectulus floridus ad quiescendum, gymnasium ad philosophandum. Non est idolum mendacij, non fallacia lenocinia, non denique adulationis profunda vorago, non lasciuiose diffunditur ab exigua cordis vena verbum promissum iuxta illos qui dicunt & non faciunt. Sed quid? latior in corde, rarior in ore amor, ardet in fumo, currit sine spuma: mouet alas, sed silenter: petit ima, sed tam sublimiter pro animi generositate, quam fortiter pro integritate. Accedit, sed non incendit. Nam calorem facit, sed non cinerem. Finem quidem nouit, sed cum termino consummationis, non consumptionis. Qualem loquor scribendo amorem, talem in amicum cogito, immo recognosco. Felix anima mea, quae talem peperit, vel saltem reperit amicum. Domine Deus cordis mei, tuus erat Iohannes, & mihi eum dedisti. Proinde tuus sum ego, dicam amicus? vtinam, vel seruus: certè seruus, sed emptitijs. Siquidem redemisti me, dando pro me filium tuum: profectò & emisisti, dando mihi famulum tuum. Praecipua haec inter cetera beneficia, quae & si modo reticeo, non tamen pratero, non denego, non obliuiscor. Nam & ipsa consignata sunt in thesauris memoriae, conspeliò ad conuiuendum & ad commoriendum. Sine his enim nec viuere valeo, nec mori volo. Ad Iohannem meum accedo, quem à manu gratiae accepi, tanquam gratiam à gratia, sed tamen non pro gratia. Vacuum namque gratia inuenit me gratia, denique ad plenum,

EPISTOLARVM LIB. IV.

83

sed culpa & pœna. Iam pœnam extenuare, culpam verò euacuare cœpit, cùm Iohannem in amicum subrogauit, qui nescientem instrueret, laborantem iuaret, errantem corrigeret, pigrum excitaret, exultantem foueret, dolentem releuaret. Quem respiciunt hæc munera? Te domine Deus, summè & principaliter: te carissime amice, secundariò & multipliciter. Sub modio humilitatis nostræ aliquando latuisti, iam lucerna ardens quidem conscientia, sed non adeo lucens famâ. Posuit autem te Dominus in lucem gentium, vt sis oculus cæco, pes claudò, lingua stulto, manus manco, auris surdo, vt secundùm nomen tuum gratia in prædictis suppleat quod natura minus poterat. Profectò licet doleat absentiam tuam, tamen in his consolabitur anima mea, iura publica non ignorans præferenda priuatorum utilitatibus. Sic cœpisti. Caudam appone in sacrificiis Dei tui. Hoc iuxta capellam scripsi sancti Aigulsi, tibi oportunitate nuncii tui nunquam fraudari volens, quod aliquid rusticitatis nostræ ad rusticandum mittam. Cras in decentissimo tumulto, videlicet capsa noua, reposituri sumus sacratissimum corpus domini tui beati Aigulsi, cuius caput & corpus habemus. Vale.

EPISTOLA VIII.

P. Dei gratia Cellensis monasterij dictus Abbas, Iohanni amico suo à Deo totius consolationis consolari.

Quæris frater, à me scripta exhortationis, parum pensans torrentes nostræ occupationis. Quæris inquam consolationem, quia sentis desolationem: postulas auxilium, quia portas exilium: imploras remedium, quia ploras discidium. Quis ergo ego sum, qui tibi scribere possum vnde fouearis, vnde conforteris, vnde consoletis? Orare quidem pro te vix possum, perorare nullo modo possum. Filius vero olei, qui conceptus est de spiritu Sancto, quem vnxit Deus præ participibus suis, cuius nomen effusum Christus Iesus, venit vt ipse dicit, consolari lugentes Sion. Vtinam secundùm multitudinem dolorum tuorum consolationes eius latificent animam tuam. *In tribulatione*, inquit, *sua mane consurgens ad me.* Et tu **IESV** quid? Osec. quousque auertis faciem tuam? quousque non profers manum de sinu? VI. I. quousque nubem opponis, ne transeat ad te oratio nostra? Tempus est miserendi. Conuertere, respice, & deprecabilis esto. Da auxilium de tribulatione, erue ab oppressione, protege à tentatione. Filij hominum cui supplicare habent, nisi filio hominis? quem interpellare, nisi mediatorem Dei & hominis? vbi confugere, nisi ad patibulum crucis? Hic, hic turtur pullos suos reponit, vultur audaciam ponit, columba gemitus promit. Hic botrus Cypri, flos campi, odor lilij, flumina paradisi, porta cœli, salus mundi. Ecce portus, vbi potus vini mixti, vbi cibus panis in ligno crucis decocti, à patre signati. Vbinam tanta oculorum delectatio, tantumque aurium melos? Iuxta figenda sunt castra, nec infra remanendum, nec vltra progrediendum. Hic compone mores, depone mœrores, appone tuos amores. Nusquam alibi propitiatio, non propitiator, neque Cherubim gloriæ obumbrantia propitiatorium. Oblitus ne es Abraham ad ilicem Mambre Angelos vi-

L ij

disse, sub arbore malo sponsum sponfam suscitasse, omnem aquarum amaritudinem tactu ligni in dulcedinem Moysen conuertisse? Omnibus itaque molestiis carnis, infestationibus antiqui hostis, machinationibus omnimodae malignitatis oppone clypeum crucis. Manus Domini quae tetigit te, recordare quia ipsa est quae creauit te. Nunquid lutum dicit figulo suo quare fecisti sic? Loquere potius in amaritudine animae tuae, & dic Deo: Misericordissime domine, & pater misericordiarum, posito in labore hominum da requiem Angelorum, eieceto à facie terrae da ingressum supernae patriae, consolatione destituto humana, addit diuina. Usque ad sedentem in throno vox haec euolabit, si non doloris impatientia, vel cordis insipientia illam retardauerit. Equidem, frater, dolores apprehenderunt te inter angustias. Quid mirum? Non est, inquit Iesus, dolor sicut dolor meus. Quare? Quia non peccaui, & poenam peccati tolero; quia non rapui, & soluere exigor. Immo non est dolor sicut dolor meus, quia seruus emptus contemnit pati, quae sustinet dominus eius. Filij hominum, usquequo graui corde? Nonne cum essem dominus factus sum seruus? cum essem impassibilis, factus sum passibilis, mortalis cum essem immortalis? Vt quid faenum recusat, quod caelum, immo dominus caelorum portat? Ex hoc mundo IESVS transiuit, & faenum manebit? Caelum quoque & terra transibunt, & cinis & puluis habitabunt? Propterea, frater, consoletur te flagellum inundans, immo mundans. Haec inquam tibi sit consolatio, ut affligens te manus Dei non parcat. Sic ad purum scoria tua excoquatur, ut anima tua nunquam: ex auto obrizo caeleste vas caelesti forma formetur. Filius fabri sedet conflans & emundans argentum: & aliud quidem vas facit in honorem, aliud in contumeliam. Vis videre vas in honorem? Ad tertium caelum rapitur Paulus vas electionis. Vbi ab ubertate domus Dei inebriatus exclamat, O domine calix tuus inebrians quam praeclarus est? Sic inebriatus nec verberibus cedit, nec flagellis, nec plagis, nec doloribus, nec mortibus. Hic Ioseph scyphus est, in quo augurari solitus, praeterita, praesentia, & futura genti suae enuntiat. Iohannes Euangelista nonne regressus à cella vinaria, ex-facatum nobis vinum propinat. *In principio*, inquit, *erat Verbum*, &c. Ecce vas in honorem. Vasa quoque stulti pastoris vasa sunt contumeliae, in quibus vini sapor in saporem vertitur aceti. Haec exsufflantur à menta regis, quia inflantur scientiâ carnis: haec inquam per superbiam inflantur, per inuidiam siccantur, per iram crepant, per acediam franguntur, per auaritiam disperguntur, per gulam inficiuntur, per luxuriam conculcantur, & in lutum rediguntur.

Ioan. i.

EPISTOLA IX.

a Suo clerico suus Abbas.

Tibi an occupationibus tuis visitationum tuarum raritatem imputare debeam, non planè discerno. Hoc vnum perpendo, quòd litterarum tuarum ad nos rarissima peruenit salutatio. Et fortassis fluctus marini hoc faciunt? Sed quas absorbuerunt? Ostende mihi chartam caritatis deperisse,

& non me causabor oblitum fuisse. Rursus quem mittas non habes? Et unde hæc inopia, nisi fortè ex copia? Certè ante te currunt plures, post te innumerabiles. Dicis huic, vade; & vadit, & alii veni, & venit. Ignoras quò me requirere debeas? Planè in medio populi mei ego habito, non in secessu sylvarum, non in voragine terrarum. Potèstne te excusare & dicere, Domine Babylonem non vidi, & lacum nescio? Sed hîc, hîc tu mecum frequenter sedisti, dormisti, fuisti: taceo quod aliquando præ multis aliis locis & terris dilexisti. His verborum nexibus alius quilibet irretitus & illaqueatus cessante excusationum suarum ratione humiliter misericordiam peteret, & patientiam imploraret. At tu cornu legum siue dialecticarum argumentationum armatus, velut fila aranæ ista contemnis, & alia exire via contendis. Est, inquis, mihi dominus, sunt & alii amici, quibus trahor, vel necessitate obedire, vel caritate prouidere. Bene. Nonne prius & plus omnibus amauit? Nonne dextras societatis & ipse dedi? Equidem tibi fecundiora lucra apud alios reperisti, sed non fidem, sed non amorem. Plus quidem donare, non tamen plus possunt amare. Communicaui namque tibi non solum substantiam, sed & animam. Non est occultatum os meum à te, non consilium, non denique quantumlibet remotissimum arcanum. Et tibi post hæc, fili mi, ultra quid faciam? Addam si addi potest ad animam. Quid, inquis, queris? Animam pro anima, oculum pro oculo, dentem pro dente, non eruendum, sed impendendum, non extrahendum, sed conseruandum. Ad dominum Papam appellatus pro cœmeterio sancti Sereni de Cantumetrula, quod imminuere, vel auferre nobis nititur Canonorum & Abbatis nimis præsumptuosa superbia, contra priuilegium b Anastasii Papæ, quod tu ipse vidisti, & partim fabricasti, contra ius antiquissimum nostrum, Lucæ Euangelistæ coartauit terminum, quem ipsi perduxerant in primam Dominicam aduentus Domini. Causa ista tua est, cogita tanquam tuam, vel de tua. Non vadam, sed mittam iuxta consilium tuum. Vale.

^a SVO CLERICO.] Eidem Saresberienfi quem clericum item suum nominat libro VII. epistola VI.

^b ANASTASII PAPÆ.] Quarti, qui post Eugenium III. sedem obtinuit anno M. C. LIII. De hac porro cœmeterij controuersia iam antè scripsit lib. I. epist. IV.

EPISTOLA X.

Suo clerico suus Abbas.

Satis amœnum delegisti, mi carissime, exilium, vbi superabundant gaudia licet vana, vbi exuberat plusquam in patria panis & vini copia, vbi amicorum frequens affluentia, vbi sociorum non rara contubernia. Quis præter te alius sub cœlo Parisius non æstimauit locum deliciarum, hortum plantationum, agrum primitiarum? Ridendo tamen verum dixisti: quia vbi major & amplior voluptas corporum, ibi verum exilium animarum: & vbi regnat luxuria, ibi miserabiliter ancillatur & affligitur anima. O Parisius, quàm idonea es ad capiendas & decipiendas animas! In te retiacula vitiorum, in te malorum decipula, in te sagitta inferni transigit insipien-

L iij

tium corda. Ita Iohannes meus sentit, & ideo exilium nominauit. Vtinam istam exilium verè sicut est deputares, & ad patriam non verbo & lingua, sed opere & veritate festinares. Ibi in libro vitæ non figuras & elementa, sed ipsam sicut est diuinitatem & veritatem oculo ad oculum cerneres, sine labore legendi, sine fastidio videndi, sine fallacia, vel errore intelligendi, sine sollicitudine retinendi, sine timore obliuiscendi. O beata schola, ubi Christus docet corda nostra verbo virtutis suæ, ubi sine studio & lectione apprehendimus quomodo debeamus æternaliter beatè viuere? Non emittitur ibi liber, non redimitur magister scriptorum, nulla circumuentio disputationum, nulla sophismatum intricatio, plana omnium quæstionum determinatio, plena vniuersarum rationum & argumentationum apprehensio. Ibi plus vita confert quàm lectio, plus prodest simplicitas quàm cauillatio. Ibi nemo concluditur, nisi qui excluditur. Vno verbo, omnis ibi soluitur obiectio, cum malè malam vitam obicienti respondetur, *Ite maledicti in ignem æternum qui paratus est Diabolo & Angelis eius.* cum bene opponenti dicitur, *Venite benedicti,* &c. Vtinam his melioribus studiis sic intenderent filij hominum, quomodo vaniloquiis, quomodo scurrilitatibus vanis & pessimis. Certè fructus exindè vberiores, certè fauores excellentiores, certè honores maiores meterent, & finem consummationis Christum, quem in his inuenturi non sunt, sine dubio perciperent. Valere.

Matth.
xxv. 41.

EPISTOLA XI.

Suo Iohanni suus Petrus Abbas Cellensis bonum quod est super omne bonum.

Aliter fit frequenter in rerum euentu, quàm perpendat hominis prouidentia. Ea præcipua est in causis, quare amatores veritatis quandoque loquuntur, & si non contra veritatem, tamen extra orbem veritatis. Vnde si huius rei in luce exprimatur continentia, nec mendaces dicendi sunt, quia contra veritatem non loquuntur, nec propriè veraces qui aliud quàm contingat opinantur. Itaque sicut præcipitium falsitatis, vsquequaque deuitare volo, sic veritatis ripam etsi non contingo, saltem affecto. Reducor proinde à falsitate volens, à vero nolens: teneo autem medium, immo retineor à confinio huius & illius dolens, quia semper quod est, vel futurum est, tam vellem, amice, dicere quàm scire. Scio equidem non imputandum alicui malum, quod patitur, sed quod facit, vel meretur. Similiter æstimo asserendum in eo, qui tantum ex insidiis fortunæ fallitur, & nunquam ex proposito fallit, vt dignus sit compassione, non condemnatione. Hæc, amice carissime, præmiserim, quatinus noueris me retentum inuitum ab executione sponsonis, qua vel nuncios vestros, vel cineres beati Aigulfi mittere debui. Interuenerunt plurima, quæ huic præualidè obstiterunt. Vnum horum fuit, quod Vv. vester, immo verè noster, à Roma per nos redire debuit, & iuxta suum consilium disponere negotium illud distuli. Non autem per nos venit. Itaque mitto fratrem Vv. monachum nostrum, vt iuxta exemplar quod ab ore tuo detulerit, omnia faciamus. Ad nutum enim tuum semper facturus sum, præcipue in Anglia, quicquid dixeris. Neque enim volo tibi

esse oneri hoc genus negotij, quod omni honesto viro molestum esse non dubito. Cuiuscunque namque emolumenti lucra reportaturi sint, pro vilissimo stercore habiturus sum, si vel ad modicum fides, vel pudor faciei tuæ contra senserint. Mando igitur, immo adiuro amicitiam tuam sanctissimam, ne de statu rectitudinis tuæ propter me pedem moueas, sed quod iustum & bonum in oculis tuis fuerit, indubitanter remandes. Pace & patientia indissimili, iuxta verba oris tui, alterum quodlibet accepturus sum, scilicet mittere, vel non mittere prædicatores. De his hæcenus. Cæterum exultat spiritus meus in Deo salutari meo, tam de suauissimo bono odore opinionis tuæ, quam de prosperitatis tuæ. Vnus es omnium mortalium, cui pene omnes inuiderent, non immerito amici nostri, si quanta prærogatiua præ omnibus illis sedem tuam in principali nostro collocaueris attenderent. Inter tres priores tu princeps, & ad te nescio si aliquis peruenire possit. Magister Vv. & Magister R. amicitiam, quam ad te habent, *b* in negotio Havidis neptis nostræ comprobauerunt. Steterunt enim pro marito siue matrimonio eius, ne scinderetur, tam constanter in curia, quam fideliter. Non eis modicas grates referas. Dominum Archiepiscopum ex parte nostra saluta, & omnes amicos nostros sancti B.

a CINERES. B. AIGULFI MITT. D.] Sacras reliquias, quas ei promiserat. Saresburiensis Epist. xcvi. B. *Aigulfi mihi pignora promissisti.*

b IN NEGOTIO HAVVIDIS NEPTIS N.] Eius nempe matrimonio cum Petro de Torrella, de quo supra lib. i. epist. ix.

EPISTOLA XII.

Carissimo amico suo & magistro Iohanni de Saresberia P. suus amicus & discipulus cum Iesu & in Iesu semper in terra & in cælo.

NOuit prudentia tua, quod granum frumenti cadens in terram nisi mortuum fuerit, ipsum solum manet: si autem mortuum fuerit, multum fructum affert. Granuli nostri fructum centesimum spero me recepturum, partim toris superni fecunda infusione, partim agri quem benedixit Dominus læta fecunditate. Prouenit namque numerosa proles benedictionum ex accessu dati optimi, siue doni perfecti, cum libero arbitrio boni hominis. Vbi enim gratia saliendo cum impetu æternæ emanationis influit, quid anima nisi vitam refluit? Nunquam sterile, nunquam inane est coniugium gratiæ & animæ. IESVS, qui saluat populum suum à peccatis eorum, fructus benedictus est huius copulæ. Vbera non habet arentia, non vuluam sine liberis, anima cui adiungitur gratia. Parturit anima quidem, sed non gemens: generat gratia, sed non corrumpens. Suscipit semen anima cum delectatione, sed non delicto: parit fatum de spiritu gratiæ, sed cum salute: venter non superbia turgescit, sed crescit humilitate: lumbi non opprimuntur grauedine, sed imprimuntur castitate: mamma non intumescunt lactis recurso, sed extumescunt humanæ fragilitatis decursu. Manus angelicæ obstetricantur in tam salubri partu, pannis virtutum inuoluitur fœtus, donec rapiatur ad Deum & ad thronum eius. Mater autem quid? fugit

in solitudinem, ubi habet locum paratum à Deo, ut ibi pascant illam diebus mille ducentis sexaginta. Draco namque stat ante mulierem quæ est paritura, ut deuoret, cum pepererit filium eius. Non est occultatum à te, magister & amice carissime; qui astutias serpentis antiqui non ignoras, quid esuriat draco, quid sitiatur. Quid, nisi filium virginis? quid, nisi desiderium cordis? Quid, nisi prolem virtutis? Quamobrem rapiatur non tantum à faucibus, sed ab aspectibus eius mentis propositum, & tota festinatione non delibatum, sed illibatum mittatur ad Deum. Certè nisi subuenerit vel præuenerit festinatio in ore draconis, fiet anima nostra delibatio eius. Quàm citò autem mater petit deserti solitudinem, tam citò filius conscendet cæli celsitudinem. Quò remotius secesserit mater, eò altius & remotius rapit filium pater. Nisi fugerit mater, proprii nati visceribus viscera draconis implebit. Non est timendum venire, ubi desinis timere. Nil timet, nil odit, nil refugit sic diabolus, quomodo solitudinem claustrum. Potius deligit porcorum gregem, quàm sanctorum solitudinem. Sponsus ducit sponsam suam in solitudinem, & ibi loquitur ad cor eius. Isaac egressus erat ad meditando in agro, cum ecce sponsa eius Rebecca ascensis camelis calcando vitia superbiæ & immunditiæ suæ veniebat. In solitudine IESVS tentatus super aspidem & basiliscum ambulat, & conculcat leonem & draconem. Meritorium animarum est solitudo: castra domini exercituum est solitudo: sagena ad capiendos pisces est solitudo: paradus deliciarum est solitudo: gymnasium est cælestis Philosophiæ solitudo. Quid amplius? deambulatorium Dei est solitudo. Solitudo nouit vigilias IESV, solitudo suscipit lacrymas IESV, solitudo orationes IESV audit, solitudo tempus & horam nostræ redemptionis cognouit; solitudo nascentem, solitudo prædicantem, solitudo turbas pascentem, solitudo in transfiguratione coruscantem faciem IESV sole clarius attendit, solitudo morientem, solitudo resurgentem, solitudo ascendentem Dominum conspexit. Ecce quare exultant solitudines Iordanis. Si qua asperitas, si qua amaritudo, si qua prius fuerat in solitudine formido, mitigata est sanguinis IESV effusione, dulcorata est ligni crucis immisione, sublata est IESV cohabitatione. Socio IESV quid times? pascente IESV quid esuris? lauante & unguente IESV quid doloris perferis? Vale.

EPISTOLA XIII.

Frater Petrus Abbas indignus Cellensis monasterij P. a monacho Noruicensi spiritum salutis.


VT ignotus ignoto scriberem, T. vester, immo noster impetrauit & rogauit. Iniustum namque esset, si in re tam honesta pater filium confunderet. Quia igitur vitæ, scientiæ, & professionis probatæ, profundæ, nec ignota estis, pallio verecundiæ vultum abscondo, & vocem vix tremulam emitto. Audite itaque si placet veritatem, non vanitatem, pietatem non falsitatem, ammonitionem non adulationem. Scio quia vnus viri filij sumus, vnus regula informamur, in domo vna vnum ab vno requiritur. Quapropter

Quapropter si trahimur trahamus, si vocamus inuitemus, si currimus currere moneamus. Qui audit dicat, veni. Caterum si sequi noluerint, liberi à conjuratione qua coniurati sumus, inter innocentes manus nostras lauabimus, & sic ab introitu gloriæ Dei epulabimur. Hæc ideo dixerim, quia in nostra, credo, quod & in vestra patria non monachi, vt paccillorum dicam, sed ex monachis super numerum multiplicati, nomini sancto, quod invocatum est super eos, contumeliam faciunt, dum turpiter viuunt, dum ventris, gulæ, & luxuriæ desideriis se exponunt; dum corpus suum, quod dici nefas est, & negatio contra Deum, contumeliis afficiunt. Nomen itaque Dei per eos blasphematur inter gentes. Vtinam Phinees resurgeret! vainam Helias zelo zelatus pro domo Israel recumbentes in idolio igne cœlesti consumeret! vtinam saltem Ieremias captiuitatem filiæ Sion triplici luctu, scilicet orationis, prædicationis, & exempli doceret, moneret, defleret! Verus nempe Pharaos, qui omnia dissipat, & cum Deo non congregat, lapides sanctuarij per platearum compita disseminat, vasa templi Domini in delubris suis juxta Dagon asportat, filium virginis cum filio Veneris collocat, & in phialis & scyphis cum concubinis suis vsque ad mane potare non cessat. Vsquequo Domine non est qui pennam moueat & gannire audeat? Medium silentium tenent omnia. Moyses non extendit manus ad cœlos: graues enim sunt, & plenæ sanguine. Ideo vincitur Israel & vincit Amalech. Quatuor fabri cornibus suis ventilant vniuersum Iudam & Israël, dum residuum erucæ comedit locusta, & residuum locustæ bruchus, & residuum bruchi rubigo. Hæc sunt tertia & quarta generatio, in quibus dominus reddit peccata patrum in filiis. Prima scilicet generatio est suggestio carnis, secunda primus pulsus cogitationis, tertia deliberatio vel perpetratio operis, quarta gloriatio sceleris. Felix qui his cornibus non ventilatur. Si qua itaque in vobis est misericordiæ scintilla, si qua viscera pietatis, si quis ros benignitatis, compungimini. Lacrymæ procul dubio istæ nequaquam inutiles erunt. Aut enim illis proderunt & conuertentur, aut ad vos redient, & in sinum vestrum reuertentur. Vt redeant itaque à via sua mala, monendo transite de porta ad portam gladio potenter accinctus. Nemini parcat, sed disperdat de terra memoriam eorum, qui ad cor redire distulerint; qui iniquitatem, quæ in manu eorum est, non abstulerint. Hæc ad vos tanquam ad amicum institit, zelatorem domus Dei, odio habentem eos qui contradicunt sermonibus sancti. Ad eos verò, quibus nihil dulce præter vinum & pretium, nihil amarum præter claustrum & silentium, nihil amandum præter carnem & mundum, nihil exosum præter Dei verbum & spiritum, nubes Dei coruscant, tonitrua cœli fulgurant, ventus vehemens & ignis inuolutus accelerant. O insensati, quis poterit habitare ex vobis cum igne deuorante, aut cum ardoribus sempiternis? Nonne ibi recipietis venenum pro vino, supplicium pro pretio? Seris & vestibus ferreis porta inferni conseretur vobis, qui claustro noluitis includi: & clamor quoque & continuus luctus, qui non siluistis à facie domini. Caro, quam curiosè nutritis, sollicitè fouistis, studiosè lactastis, regnum Dei non possidebit. Mundus, cui mundi creatorem postposuistis, in quo imunde sorduistis, cuius fallaci pulcritudine

M

oblectati patriæ cœlestis obliti estis, non eruet vos de manu inimici. Verbum Dei tunc vos verberabit, non liberabit, accusabit, non excusabit, damnabit, non saluabit. Quid vobis cum spiritu Dei, cuius contumeliis non parcitis, cuius templum violatis, quem contristare non reformidatis? Ni fallor, quod in eum peccastis non remittetur vobis, neque in hoc sæculo, neque in futuro. Sed de his hæcenus. Vos autem, qui apertos habetis oculos, in viam istorum ne abieritis, actibus eorum ne assentiatis, neque consilijs eorum acquiescatis. Vt prolixus nimium essem, nepos vester coëgit, qui iterum atque iterum rogando stylum resumere monuit. Vtinam virtus vestra amplior sit quàm fama. Vtinam vos videre, cognoscere, & dexteras societatis vobiscum habere merear. Vtinam saltem, si non datur ultra, vel vnam precem pro peccatis meis pio iudici per manum sancti Angeli offeratis. Valete.

[MONACHO NORVVICENSI.] Ecclesiæ Norvvicensis in Anglia, in qua Iohannes Prior Norvvicensis, ad quem Saresberienfis epistola cclj.



LIBER QVINTVS.

EPISTOLA I.

Carissimo amico suo a Berneredo Abbati sancti Crispini, frater Petrus humilis Abbas S. Remigij semper bene valere.

Criora mihi fortè & vtiora sunt spatia nocturnalìa, quàm diurna. Siquidem diurna accersitis hinc inde & contra ductis copiosarum occupationum cateruis, animam meam de manibus meis tollunt, & me mihi tam violenter quàm fraudulentè assidue subtrahunt: hyemales autem noctes sua prolixitate non fastidium, aut tedium, sed interdum duplex beneficium conferunt. Tribuunt etenim corpori requiem, & animæ renouant vetustatem. Addunt insuper licentiam reuiscendi cœlestia, sua penetralia inquirendi, nec non & amicorum reminiscendi. Dicunt animæ cogitationibus siue meditationibus, *Vacate & videte quoniam suavis est Dominus.* Ducunt etiam sua quiete & silentio animas vsque ad tertium cœlum, dum extra mundum, extra carnem, supra animam, ad regales sedes omnipotentis Verbi sancta desideria prouehunt. Statim filium hominis ad abyssos humanarum infirmitatum humiliter inclinando pacata consideratione deponunt. Quis autem dum sua reuoluit, amici negotia negligit? Plura de hac materia vobis libenter scriberem, sed scriptor noster frater Hugo, abrepta breui chartula, propter finem chartæ finem fecit scripturæ nostræ. Volui tamen breuiter tangere verbum illud, quod mandastis per fratrem Iohannem, & sic respondere, vt dicatis illi *Dominæ & cognatæ nostræ, Terra in conspectu vestro est, potestis bene face-*

EPISTOLARVM LIB. V.

91

re & malè. Sed melius est benefacere, quàm malè: quia benefacere sequitur gratia & gloria, malefacere verò pœna & pœnitentia. Dicite ei, *Melius est modicum iusto super diuitias peccatorum multas.* Dicite inquam ei, quia nobilius est minora à deuotis grater accipere quàm ab inuis infolenter maiora exigere. Valete, & pro nobis orate. Boamundus dicit vias pessimas esse. Seruate nobis litteras istas.

Psal.
xxxvii.
17.

* **B**ERNEREDO ABB. S. CARISPINI.] Apud Sueffiones, vt sequens epistola docebit. Duo sunt in ea ciuitate sancti Crispini cœnobîa, Benedictinæ familiæ vtrumque. Vnum S. Crispini maioris appellabant, de quo hic sermo: alterum S. Crispini in cauca. De Berneredo autem Abbate plura lib. viii. epistol. i.

EPISTOLA II.

*Vnicis amicis & fratribus Berneredo venerabili Abbati & sancto conuentui
sanctorum Crispini & Crispiniani, frater Petrus humilis Abbas
S. Remigij, dies solemnes & festiuitates præclaras.*

NON est mihi datum desuper in præsentî vobiscum sabbatizare Kalendas præcipuas in natalitiis pretiosorum martyrum vestrorum. Vnde quia non quod volo hoc ago, sed quod odi illud facio, pene irascor detentio-
num meorum funiculis, qui difficilè soluuntur contorti, nec triplici tantum, sed multiplici connexionione occupationum concatenatarum. Vnum tantum quod vix residuum est mihi facio. Scribo itaque amaritudines meas, quas quotidie in distractione & distensione spiritus mei experior, dicens Deo, *Quare posuisti me contrarium tibi, & factus sum mihi metipsi grauis?* Iob. vii.
Ecce nunc vitulus saginatus immolatur Sueffionis apud sanctos martyres 20.
Crispinum & Crispinianum, ecce symphonia & chorus, ecce amicorum ibi sanctus conuentus, & vbi ego, & quid ego? Nec saltem hædus compunctionis pro peccatis meis conceditur. Seruate tamen & mittite, amici carissimi, partes nobis de oleo exultationis vestræ, de adipe & pinguedine visitationis supernæ. Sufficiet enim copiosa gratia de mensa dominorum vestrorum nobis & vobis: quia sicut animabus suis non pepercerunt propter Christum vsque ad mortem, sic Deus gratiam præmiorum exaquans gratiæ meritorum, non est quod neget orantibus pro salute animarum. Iam siquidem de se securi, pro suis veneratoribus adhuc sunt solliciti. Adsunt procul dubio passionum suarum recitatoribus, & præcipuè imitatoribus. Orate ergo sicut pro vobis, sic & pro nobis: quia nullum est detrimentum orationis, si pluribus impertiatur: cuius natura est eò magis abundare in effectu, quò amplius se dilatauerit in affectu. Valete.

EPISTOLA III.

*Domino & amico carissimo Berneredo Abbati sancti Crispini, frater Petrus
humilis Abbas S. Remigij suis in omnibus seipsum per omnia.*

QUOTIENS in manu sumitur chartula vobis dicanda, totiens mens repletur, & si antè fuerat bonis omnibus vacua. Cùm tumultu namque &

M ij

impetu magno rex innumerabilis diuersarum materiarum egredi accelerantium in ostio exeundi sese impingit, alia dicente, prior ego amicum salutabo, alia illam transiliente, atque ramum oliuæ præferente in ore, amici amplexus priores pertinaciter præripiente. Rebecca in vtero suo miratur duorum fratrum, immo gentium duarum hæc intestina & plusquam civilia bella. Sed quid mirum, si vbi corpus perfecti & consummati amoris, illuc congregantur aquilæ alternarum affectionum siue motuum animi, vt contentant non intrare, sed exire per angustam portam? Fortè quod ait Laban, in terra sua consuetudinis esse, vt priores licet lippæ filiæ tradantur ad nuptias, contingat vt Rachel, miræ pulchritudinis & amantissimi decoris, non agat choros saltationis, immo salutationis, ante Liam primogenitam suam, sed in vltimo sequatur cum Ioseph & Benjamin. Semper enim meliora, digniora, & saluti viciniora non tanquam fæces in fundo calicis residunt, sed tanquam cibi delicatiores, vt fastidium remoueant, & appetitum renouent, in extremis apponuntur, quia melior est finis orationis, quàm principium. Hoc in meipso, hoc in amico desidero, vt noua semper sint, & nunquam veterascent desideria vestra, & semper sequamur ad palmam supernæ vocationis, obliti quæ retro sunt. Non enim tam quatenus perueneris pensare debes, quàm quò pergendum, & peregrinationis meta figenda, atque trahendus funiculus. Sic audio te facere, & valde congratulor. Ne tamen nimis extendas & protendas funiculum, caue rupturam. Melius est enim tendere, quàm rumpere. Est modus in rebus, Ne quid nimis. An inuideo, quia citò & bene curris? Nequaquam. Amo cursum, sed timeo defectum. Virtutes non bene colligit, qui matrem virtutum spernit. A stirpe virtutum degenerat virtus, quæ lineam temperantiæ non seruat. De his hæcenus. Cæterùm ineptias nostras quia vt audiui intemperanter desideras, volo tibi exponere quæ sint modo negotia nostra, & cui ad præsens labori humeros supposuerim. Successor ille noster Cellensis Abbas, quia non bene multiplicauit, immo non fouit oua, quæ illic reliqueram, sed conculcauit imperfecta, destruxit autem perfecta, vltra dissimulare non possum: sed aggredior tentare & probare, vtrum Deus respicere dignetur priores meos labores, illum vel prorsus amouendo ab Abbacia, vel saltem corrigendo à stultitia sua, & in melius commutando. Pene omnes Priores mecum sunt, & vt credo, triginta vel amplius de fratribus. Ora vt Deus propitiatur mihi, & domui illi. Frater Hugo ista debuit scribere, & in sero promissit, sed tandiu dormiuit, quandiu ista frater Henricus scripsit. Habet enim oculos nullos. Effert tamen bonitatem & pietatem vestram sibi exhibitam, vsque ad cælos, & vsque ad nubes. Valete, quia deficit pergamenum.

[SUCCESSOR ILLE NOSTER.] Drogo, qui Cellæ Abbas Petro ad S. Remigij præfecturam migranti successus, gradu postea ob rem malè administratam deiectus est, vt scribit epistola VII.

EPISTOLA IV.

*Domino & patri suo carissimo B. Dei gratia a Episcopo Excestrensi frater
Petrus sancti Remigij dictus Abbas salutem deuotissimam.*

Sententia dubia quæstionibus ventilata clarescit, species aromatica pi-
stillorum tunsione fragrascit, Ecclesia oppressione malorum crescit.
Virtus quoque bonorum, aduersariorum infestatione laceßita flore vernat
& fructu. Equus ille, qui procul odoratur bellum ad vocem buccinæ dicie-
vah, eoque ampliùs feruet in certamine, quò acriùs concitatur fuso vndi-
que clamore. Quas enim vires collectas tempore pacis dissimulabat, fœ-
nore multiplicato exsoluit, cum exposulauerit necessitas: vt tanquam de
grano sinapis virtutem miretis, si speciem simpliciter minutissimi grani in-
tuearis. Tunc igitur virtus se expandit propagine multa, cum malis relu-
ctantibus fuerit prouocata: nec ad plenum fides discernitur, nisi telo infi-
delitatis fortiter impetatur. Iustus denique, qui vt leo confidens absque ter-
rore est, quando gloriatur, nisi quando experimentum sui ex aliquo disci-
mine capit, vt tunc se aliquid posse cognouerit, cum locum virtutis obla-
to labore inuenerit? Gloriosos faciunt Martyres nostros causa cum pœna,
& pœna cum causa. Diu est quòd in terra vestra latuit, immo consopita ia-
cuit fidei virtus, vbi plures ad se euocabat poculum confectionis, quàm Euan-
gelium Apostolicæ prædicationis. Vnde igitur sic effloruit & reffloruit mo-
derna in vobis rēligio, vt Apostolicos spiritus ebiberetis, & totā fiduciā in
medium prosilientes, dicatis, *Melius est Deo obedire, quàm hominibus?* Certè Act. 7.
multo non sicera pleni sunt, qui concepto robore pellem pro pelle, & cuncta 19.
quæ habent dant pro animabus suis. De his hæcenus. Cæterum si magna
illa bellua euomuerit vos de terra vestra, est apud nos domus noua vobis
parata, cum omni sumptu, sine auro & argento, vbi & copiam librorum, &
studendi otium pro libitu inuenietis. Valete.

*a EXCESTRENSI EPISCOPO.] Excestre Domnoniæ ciuitas in Anglia, sedes Episco-
palis esse cœpit ante annos plus minus 12. Cathedra illuc per Lifricum Episcopum
translata, cum Cridiæ antea esset. Idem itaque Episcopi Excestrenses, qui olim Cri-
dicenses.*

EPISTOLA V.

*Domino suo & amico carissimo Eskilo Lundensi Archiepiscopo frater Petrus
humilis Abbas sancti Remigij salutem & deuotionis obsequium.*

Suauissimus odor miserationum vestrarum non solùm præsentēs recreat
safflatu delectabili, sed etiam absentes & remotos attrahit ad se, spe ni-
mirum tam dulci, quàm inconfusibili. Quis enim vestra expetiuit suffragia,
& inconsolatus recessit? Quis ad ostium vestrum pulsauit, & non aperuistis
ei? Quis de manu vestra benedictionem petens, tanquam de thesauris opu-
lentissimis copiosam non retulit? Inter cæteros itaque, & de cæteris vnus
est T. præsentium lator, quem tot pericula itineris, tot difficultates ad vos
perueniendi non exterruerunt, nec retinuerunt, compellente & instigante

M iij

illum, tantum laborem infumere fama, quæ de vobis vbique terrarum diffunditur. Non equidem rerum inopia, non abiectio & vilitas inter suos, euomuit illum in terram vestram, cum & a Canonicus sancti Timothei sit, & frater Hildoini, Vicedomini & Canonici sanctæ Mariæ Remensis. Rogamus igitur, ne frustretur spe sua: ne quando apud se pœnitens, & dolore cordis intrinsecus tactus dicat, Perit opera & impensa. Ego cum toto conuentu beati Remigij vester sum, & pro vobis orationem fundimus ad Deum, vt sanctissima anima vestra thesauros, quos in cœlo posuit per manus pauperum in exitu suo reperiât, & bonis domus Dei repleta cum sanctis Angelis æternâ lætitiâ congaudeat. Valete.

a CANON S. TIMOTHEI.] Basilicæ SS. Timothei & Apollinaris, in vrbe Remensi, cuius sæpe mentio apud Flodoardum. Huius Ecclesiæ præbendas concedebat Abbas S. Remigij, vt docet Alexandri epist. vii.

EPISTOLA VI.

H. venerando a Abbati de sancto Huberto, P. sancti Remigij dictus Abbas salutem.

OMnia quæ in tempore fiunt rationem temporis cum omnibus circumstantiis suis sollicitè pensare debent, si finem bonum habere volunt. Idcirco, bone pater & amice carissime, si susceptam nauigationem ad portum salutis perducere potestis, non deseratis Abbatiam vestram, sed in hoc tempore malitiæ & discordiæ patiando, & tolerando, donec transeat iniquitas, resumite vires, & onus diu portatum nolite proijcere, cum vestra & multorum læsione; sed paulatim ab humeris deponite. Si enim pax & vnitās Ecclesiæ redderetur, nec esset chaos inter nos & vos, fieri possent multa, quæ modo fieri non possunt. Valete.

a ABBATI DE S. HVBERTO.] In Arduenna sylua, dicecesi Leodiensi. Scripta ferente adhuc schismate, quod tempus malitiæ & discordiæ vocat.

EPISTOLA VII.

Carissimis a fratribus, filiis & amicis Cellensis monasterij, frater Petrus sancti Remigij dictus Abbas salutem in Domino.

Præsenti epistolæ delegaui supplere in sancto conuentu vestro, fratres & filij carissimi, si quid negotij est, quod ageret præsentiā nostra, si adesset. Poterit enim tutius proponere sufficienter & insolenter, quod nec inutile sit acquiescentibus, nec scribenti criminofum. Vndecumque siquidem & de quocumque agere velim, oculi fascinantes non desunt, peruersè interpretantes, malignè arbitantes ea, quorum nec rationem attingunt, nec finem apprehendunt. Ipse autem ego Deum constituo arbitrum & iudicem omnium, quæ fiunt ab ipso, veraciter definiendum quod est ambiguum, efficaciter executioni mandandum quod fuerit sententiâ diffinitum, & tenaciter seruandum quod ex labiis eius semel fuerit prolatum. Per ipsum igitur contestor hunc solemnē vestræ fraternitatis conuentum, ne à memoria

EPISTOLARVM LIB. V.

95

vestra elabatur difficilis ille congressus sapientiae & insipientiae, iustitiae & iniustitiae, in quo grauer, sed fortiter desudastis, quidam fideliter proficientes, & constanter perseverantes, quidam deficientes & retro abeuntes, quorum gloria in confusione ipsorum, qui Deo, & mihi, & vobis mentiti sunt. Iam Drogo eiectus est, ne dicā draco, qui se terrā & cælum non solum concussurum, sed etiam evulsurum armis Iudæ proditoris, id est, pecuniā publicè minabatur; nescio si adhuc tertiam partem stellarum post se trahat: vnum scio, quod de prædestinatis nullum Deo iuvante absorbebit. In causa tamen ista, quia Dei est, nihil vsurpet sibi stупpa nostræ fragilitatis, insultando his qui occupati bello non interfuerunt, vel ex aduerso steterunt. Exultandum quidem cum tremore, non insultandum contumeliosè in operibus Dei: quia semper Dei iudicia suspecta sunt, & nunquam caput erigendum, dum in nubibus consignata, sollicitos non securos homines, tam in prosperitate, quàm in aduersitate faciunt. Sit itaque timor Dei in vobis, & apponite cor in his quæ de Drogone facta sunt, ne similia faciatis, quia non similia, sed peiora pateremini. Est proverbium, Excaldatus aquam timet. Spiritu igitur paraclitico totum negotium, & domini Archiepiscopi consilio, atque viris religiosi & sapientibus, salua libertate electionis vestræ, committite. De mea verò voluntate nulla sit quæstio, quia nunquam discordabit à gloria vestra, ab honore vestro, & ab utilitate Ecclesiæ vestræ. Interim refloreat in vobis ordinis sancta observatio, silentij virtus, lectio claustralis, capituli rigor, psalmodiæ tenor, unitatis compago, hospitum deuota susceptio: & quicquid de iustitiæ & honestatis profapia in exterminium euannerat, ad propriam conscientiae vestræ sedem feliciter redeat. Scriptura enim mandatum domini sui eloquitur succinctè, constanter, & fideliter, nihil detrahens de iniuncto mandato, nihil addens, non cedens fascinatoribus, non credens adulatoribus. Pro eodem habet, si laudetur, aut si vituperetur. Quia igitur plures scio solere instantes insidiari, vt me capiant in sermone, potius elegi verba nostra scripto mandare, quàm inconsiderata elocutione profundere. Valete.

A FRATRIB. CELLENSIBVS. J Prioribus & Monachis, qui eiecto Drogone conuenerant ad noui Abbatis electionem. Quare Archiepiscopum, cuius consilio agendum monet, Schonenensem intelligit. Electus porro est post Drogonem Abbas Girardus.

EPISTOLA VIII.

Amico suo carissimo Berneredo Abbati sancti Crispini frater Petrus Abbas sancti Remigij salutem.

Quarenti mihi materiam, vnde tibi scribere exordiar, vix una de grege innumerabilium se sequestrans occurrit, arridens quidem prima fronte, sed vultu demittens in secessu vel recessu praesentiae nostrae. Quæris quanam sit ista materia tam blanda in exordio, tam religiosa seu timida in supremo? Certè fama gloriae tuæ hæc est: quæ amicis tuis iocunda & exhilarata facie ciuitates, castella, vicus, & plateas discurrit & circuit vsque ad palatium regis, vsque ad reginæ thalamum, vsque ad a Comitissæ nostræ cubiculum. Templa

Psal.

xxix. 6.

quoque habitu religioso, vultu modesto perambulat: Archiepiscopos, Episcopos, Abbates, clericos & milites sibi concilians, & ad venerationem sui non mediocriter inclinans. Sed timendum, ne sol tanti splendoris, tantorum radiorum, vergat ad occasum, & dicatur, *Ad vesperum demorabitur fletus, & ad matutinum letitia*. Quantum enim gaudij de sanctitate & iustitia amici in amicorum amicos profluit, tantum mœroris & doloris in euaporatione siue exinanitione earundem virtutum circa eosdem residet. Video, video cogitationes tuas ad seipsas tumultuantes, & quate amicus tuus talia tibi scribat, sollicitissimè reuoluere. Timidæ enim sunt cogitationes tuæ. Ne sis sollicitus, bone amice, res salua est, signacula clausa sunt. Aquilo durus ventus non congelauit continentiam, caritatem, aut opinionem nostram. Qualem te habuimus, talem te habemus & semper habituri sumus. Huic quoque presentium latori, si quid ex his imputandum, imputa: qui non solum scribere compulit, sed talem materiam præscripsit. Reuocauit enim ad memoriam illa magnifica præconia, quæ auribus nostris instillaueras, quando ab illa solemnitate Trecenti, quantum vacuatus propriâ & bonâ conscientia, tantum inflatus vanâ lætitiâ redisti. Dixisti enim te præ aliis exceptum & receptum à Trecentium Comitissa, inuitatum ad epulas, glorificatum in mensa, in omni postulatione exauditum, & cum longa cauda gloriæ reuersum. Caue caudam, cum tam omnis laus, quam omne vituperium, in cauda, id est in fine terminetur. Dico autem, quem te ipsum facis? Si hæc facis, manifesta te ipsum mundo & nobis. Si enim propheta es in Israel, veni ad nos, vt ipsis rebus experiamur potentiam, prophetiam, & virtutem tuam. Signis enim quæ in patria tua facis, non credemus, nisi te virum, cuius spiritus in naribus, ex fructibus cognouerimus. Decurtata tamen est gloria tua, quia non fecisti pacem *b* inter Archiepiscopum & aduersarios suos. Valete.

a COMITISSAE NOSTRAE] Quæ paulo post *Trecentis Comitissa*. Maria nimirum Ludouici regis filia, vxor Henrici Comitis.

b INTER ARCHIEPISCOPVM ET ADVERS.] Henricum Remensem & Canonicos. Graues namque inter eos discordiæ fuerunt: ad quas sedandas suam quoque operam contulit Alexander Pontifex: cuius de ea re binas epistolas ad Henricum Archiepiscopum, & ad Ludouicum regem illius fratrem vidimus in Bibliotheca Ecclesiæ Remensis. De iisdem etiam turbis Remensibus agit & Saresber. epist. ccciv.

EPISTOLA IX.

Dominis & patribus a Basilio cum ceteris Prioribus Carthusiensis ordinis, Frater Petrus humilis Abbas sancti Remigii, salutem cum omni deuotione.

AD glorificandum Christum vos conuenire, quotiescunque conuenitis, non ignoramus. De nullo itaque negotio sæculari directionem cordis vestri impedire sine dubio fas est. Commonere autem vos dignum est, vt quod facitis vsque in finem facere studeatis. Virtus enim boni operis de radice procedit bonæ intentionis, & in perseuerantia dilectionis perficitur, & omnis laus in fine canitur: melior quoque est finis orationis quam principium. Hæc ideo præmiserim, vt quia manum misistis ad fortia, semper

EPISTOLARVM LIB. V.

97

per ad ampliora & anteriora caritatis opera extendere contendatis, ad eius imitationem, qui dum in mundo esset, porrigendo manum, corporum lepras, oculorum cæcitates, aurium surditates, & labiorum silentia curauit. In fine verò prorsus in cruce manus extendens, cæli & terræ, vniuersaliter plagas & vulnera antidoto sanguinis sui curauit, & contra omnia recidua, validissimam medicinam in cornu crucis, omnibus posteris vsque ad consummationem sæculi reposuit: vt quicumque crucem suam post eum baiulauerit, vitæ æternæ compos & particeps, contrariam valetudinem timere non habeat. Frater iste, præsentium lator, per nos & per multos alios rogat mitti operarios de vobis in messem domini. Messis enim multa in Dacia iam alba est ad metendum: sed operarij pauci, sed minor numerus qui non potest sufficere ad edendum agnum. Non sit itaque vobis pigrum, non durum, non desperabile, mittere ex vobis, qui nomen Dei & sanctum ordinem vestrum in terra illa portent, in spe percipiendi fructus centesimi, aut potius millesimi. Corona vestra & gloria, si bono exemplo vestro animas plures Deus lucratus fuerit, & in regno gloriæ de salute aliorum merces vestra amplior & gloriosior in conspectu Dei & sanctorum Angelorum erit. Valete.

^a BASILIO] Maioris Carthusiæ Priori VIII. vitæ sanctimoniam, doctrinæque illustri. Huic iterum, vniuersique ordinis comitiis, quæ quotannis haberi solent, scribit epistola XI. nec dissimili argumento: nunc quidem pro Monasterio in Dacia Esquili Archiepiscopi rogatu erigendo: tum verò pro Trecenti, quod Henricus Comes medita-

EPISTOLA X.

Venerando Domino & amico carissimo E. a Abbati Stabulensis Ecclesia Petrus humilis Abbas sancti Remigij in perpetuum cum Christo gaudere.

Nulla negligentia bona est: non tamen omnis æqualiter culpabilis. Cumulat namque aut miniuit meritum negligentia amputanda dissimulatio faciendorum, aut inconsiderata festinatio non faciendorum. Ea nihilominus quæ à nobis remota sunt, & per procuratores fiunt, non confimili à nobis pœna exiguntur, si malè administrantur, sicut illa quæ manu nostra & proprio studio peragi solent. Inde est, domine Abba, & amice carissime, quòd aliquantam opponunt pro nobis excusationem, si fratres nostri de Marna, non soluendo pecuniam quam debent, molestiam vobis fecerunt, cum factum ab anno præterito æstimaremus, quod adhuc faciendum modò cognoscimus. Ignoscite itaque culpam, quam nec superbia genuit, nec contumacia defendit. Dignus namque venia est, qui citò corrigit delictum, vel qui pro posse reddit debitum. Domini Imperatoris mandatum vestrum & nostrum certè turbauit negotium. Iniungimus Præposito nostro, vt citò soluat, quod iam fecisse debuerat. Vobis gratias agimus de bona patientia vestra, & innotescimus, quòd nunquam utilis nobis fuerit commutatio illa.

^a ABB. STABULENSI] In diocesi Leodiensi, in qua præbendæ erant Marsinenses

N

S. Remigij. De his verò, & de Friderici Imper. mandato, quod innuit, plura lib. viii. epist. xv.

EPISTOLA XI.

Dominis suis de Monte Dei, a Simoni Priori, & toti sancto conuentui, Frater Petrus Abbas Cellensis sanctum pascha.

Quotidianum pascha celebrare non cessat anima unicuiusque vestrum, dum quasi columba stat ad fenestras suas, & vocem de cælo explorat, à Libano vocantem sponsam suam. Extento prorsus & retorto collo ad caput vestrum, quod in cælis est, sine cessatione vitam istam vmbrosam fastidientes, euolare super pennas ventorum contenditis, iam ibi verum, non annua repetitione, sed continua stabilitate, celebraturi pascha cum illo, & in illo, qui pascha nostrum immolatus est Christus. Ita est. Sed adhuc ascenditur & descenditur per schalam Iacob, donec quod ex parte est euacuetur, quod fiet, quando votum in habitum conuertetur, & in Hierusalem hymnus Deo soluetur. Interim, fratres, in vmbaculis habitantes, & sub vmbra illius, quem desideratis, sedentes, coquite, immo assate carnes agni tota nocte, singuli in cella sua, & mane comedetis eas. Certè tota nocte debet cremari caro agni, quia toto mortalitatis tempore, accensa caldaria conscientie, facies saluatoris desideranda, & vndis desideriorum fortiter bullientibus, ne in die iudicij semicocta offeratur, percoquenda. Habete vascula munda: juxta namque & in oculis præterfluit aqua. Sed nunquid vanè? sed nunquid gratis? Planè supina & crassa negligentia imputanda est singulis, nisi sint omnia munda, quibus & copia aquarum redundat, & temporis oportunitas superest, & amor incumbit totius munditie, & ordinis consuetudo non refragatur. Sic est, ego vidi, ego interfui, & vtinam totiens & tam sedulò cor expurgassem, quotiens & quam indefinenter manus & faciem die & nocte rigaui, non lacrymis, sed aquis. Hoc autem feci vt hospes: quia non vltra ostium, sed in ostio tenui. Vos autem intra & vltra ostium promouistis pedem, non aduenæ, sed domestici cellæ & cæli effecti. Postquam verò vasa vacua ab ambitione emundaueritis confessione, & scripturarum meditatione, implete aquâ & ad ignem mittite, & tanquam vnguenta pretiosa bullire facite. Subintrauerat buccæ meæ, & stylo iam subgerebat improvida cogitatio, scribere vt carnes agni sic decoquerentur: sed memor mandati legalis, quo prohibetur ne aqua coquantur, subiicio non vt agni, sed hædi carnes taliter coquantur. Simul enim & agnum & hædum tollere in pascha præcipimur. Quid ergo? Agnus in veru, vel in craticula crucis, hædus in aqua coquitur: vt si innocens fueris, solo spiritus ardore in pascha adapteris: si verò fœtore graui oppressus, per ignem & aquam expieris. Hædus etiam est corpus, quod corrumpitur & aggrauat animam. Agnus qui in latitudine pascitur, benignus ille spiritus, qui infestationibus carnis agitatus non cornu ferit, sed oculo simplici liberatorem quærit dicens, *Quis me liberabit de corpore mortis huius?* In sanguine agni, id est in contritione cordis, & spiritus contribulati liberaris de Ægypto, & de manu Pharaonis, quia cor contritum & humiliatum Deus non spernit. De san-

Rom.

vii. 14.

guine hædi non lego mysterium, nisi quod tunica Ioseph tineta in sanguine hædi missa est ad patrem. Ad patrem spirituum si miseris in confessione flens & eiulans tunicam Ioseph, litam in sanguine hædi, id est simplicitatis & castitatis amictum fucatum & fœcatum corruptione libidinis, & fraude diabolicæ circumventionis, sanguis hædi in purpuram commutabit: quia per pœnitentiam non solum indulgentia, sed etiam gratia adipiscitur. Sed de his hæcenus. Vade namque mihi vt tepidus feruentes, mundatos sordidus, iacens currentes, piger commoneam alacres? Deus scit, me non præsumptione, sed amoris impatientia laxasse habenas: & cum non haberem quid dicerem, dicere tamen aliquid vellem, dixi quod innotesceret affectum, & si non idoneum esset facere fructum. Adhuc impetus me trahit, & redire ad festum festorum cogit, vt quasi incipiens spiritui indulgeam currere, quousque lassetur, & sponte petat stationem, & metas silentij. Sub exemplo ergo cuiusdam pretiosi inuolucri, in quo stupendum sit, tam ipsum repositorium, quam repositum, aliquid de pascha prosequar: quasi quendam pannum pretiosum & multicolorum de diuinis thesauris assumens. Moyses in illo quadragenario ieiunio, vbi à colloquio diuino cornutam faciem reportauit, pascha illud in litteris suis prænominauit, & in illo sacro sanctas reliquias religans annuo recursum ad publicum nostrum deuoluendum constituas, diem certum præfixit. Siquidem hic pannus, id est, pascha, in exteriori facie plurimum nitoris exhibet: sed valde ampliora intrinsecus continet, & cariora pignora. Rubet igitur purpureo colore, propter passionem, rutilat hiacynthina specie, propter resurrectionem: subobscurus est, propter sputorum & alapatum & flagellorum, & cæterarum iniuriarum coactionem: albet vnica nube, propter innocentie integritatem & peccati immunitatem. Ecce colores, colores cingentes pascha gloriosum, & delicatum animæ pallium, quo melius amiciuntur pauperes semicincti, quam diuites purpura & bysso induti. Reuoluere autem illas pretiosas margaritas, quæ sigillantur in sigillo isto aureo & argenteo, quis accedet, nisi mundas habuerit manus, nisi oculos colubinos? nisi labia purgata? nisi abluto toto homine interiori & exteriori sacro Iordanici fluminis baptismate? Quia ergo vobis sunt manus tornatiles per obedientiam, oculi clari per pudicitiam, labia stillantia myrrham primam per accusationem reatum vestrorum, & ad scurrilia æternam clausuram: applicate pannum paschalem, & expandite thesaurum absconditum, vt exinde captiuus mutuet redemptionem, mortuus resurrectionem, peccator iustificationem, afflictus consolationem, religatus solutionem, anathematizatus absolutionem. Sanctificate ora vestra sanctis horum osculis, oculos tangite his smaragdis, singulos sensus exhilarate singulis benedictionibus. Sed quæ sunt pignora tam cara pro pretio, tam efficacia pro remedio, tam rara pro numero, tam sancta pro merito, tam perpetua pro æuo, tam amabilia pro beneficio? Pignora, fratres mei, ista ore pudico & timore debito nominanda, & amplectenda, sunt caro & sanguis agni incontaminati, Iesu Christi ossa, nerui, medulla, cartilagine, cutis, corium, & quæcunque membra in corpore IESV de sacris suis visceribus edidit virgo virginum. Addamne clauos, lanceam, coronam spineam,

spata, irrisiones, & illusionem, albam vestem, vestimentum purpureum, fel, acetum, myrrham, & aloes? Quamto enim hæc in se duriora & viliora, tantò in saluatore nostro pretiosiora & appetibilia facta sunt. Quis modo Christianorum si vnum horum reperiret, nisi super aurum & lapidem pretiosum multum venerabilius coleret, ambitiosius seruaret & adoraret. Dignum est, iustum est. Si enim immundus erit, tangens morticinum & captum à bestia, id est, Adam & Euam, quorum alter captus est suauis uxoris, Eva morticinum facta est suggestionem serpentis, quomodo non iustus emundatur ab operibus mortuis, qui viuentem in sæcula sæculorum contingit credendo, amando, colendo, adorando? Nam non sicut delictum ita & donum. Pluris enim donum, quàm delictum est. Sed quod est hoc donum? Iesus Christus sanctus. Quid est, inquam, hoc donum? Natiuitas IESV, passio IESV, resurrectio IESV, ascensio IESV. *Quomodo non etiam omnia cum illo nobis donauit?* clamat Apostolus. *Omnia*, inquit, *vestra sunt, siue mors, siue vita*: quia est mortuus propter peccata nostra, & resurrexit propter iustificationem nostram. Domini & fratres, detineo vos plus iusto, ad quorum ianuam stat & pulsant IESVS, volens suum pascha vobiscum recolere, & de reliquiis mensæ illius magnæ partem bonam referuauit, quam adhuc recentem & calentem denuo de arca cœli refert & profert vobis. Ne vereamini, ne caro antiquata sit & putrefacta vetustate nimia, quia annus iam millesimus centesimus sexagesimus primus est. Nequaquam, fratres, nequaquam ascendat in cor vestrum hæsitatio ista, quia caro reius etiam dum esset corruptibilis, non vidit corruptionem, multo verò minus facta incorruptibilis, & genere viuendi, & loco manendi. Recens est, calida est, sana est, vitalis est, regnum cælorum dat, quia possidet, Non est illa caro & sanguis, de quo dicitur, *quia caro & sanguis regnum Dei non possidebunt*. Quò studiosius arcentur à dentibus & stomachis vestris carnes animalium, quæ corrumpunt & corrumpuntur: eò dignius accedunt ad animas vestras sanctificandas carnes illæ, quæ sicut non moriuntur, ita nec corruptionem inesse patiuntur, vbicunque refectionem præstauerint. Has imperat religio, & quò religiosior sis, eò frequentius, & vt ita dicam, glutinosius comedere debes. Nondum quieuisset manus, vel animus, sed reprimat & modus dictorum, & tempus alia faciendi. Orate pro nobis. Nouellum illum Angelum vestrum A. salutate, & Robertulum nostrum. Plurimum & multum singulos, & singillatim, & communiter saluto.

Rom.
viii. 22
i. Cor.
iii. 22.

i. Cor.
xv. 50.

a SIMONI PR. DE MONTE DEI] Quem virum sanctissimum, laudatissimumque semel appellat Saresberienfis. Missam epistolam indita Christi æra indicat anno M. C. LXXI. Post aliquot dehinc annos delectus ab Alexandro Papa Simon, cum Bernardo Grandimontensi, qui ad regem Angliæ Pontificias litteras deferret, eumque ad redintegrandam cum B. Thoma gratiam hortaretur, ea legatione strenuè perfunctus est: cuius acta Saresberienfis idem exponit lib. iv. collectaneorum historiæ S. Thomæ.

EPISTOLA XII.

Domini & patribus carissimis, Basilio priori Carthusiensium cum ceteris Prioribus, & sancto conuentui, frater Petrus Abbas Cellensis, consilium & auxilium veritatis & pacis.

Refusione vberiori irrigatur hortus Dei ille conclusus, fons signatus, quotiens in vnum conueniunt fistulae & canales benigni spiritus Dei, non ad calices Babylonicos absorbendos, sed ad faeces Iacob expurgandas, & ventres steriles facundandos. Spiritus Dei à quatuor ventis caeli singulos vestrum de loco suo euocauit, vt vnum corpus plenum gratia & veritate efficeremini. Vos enim qui Priores estis, & curam aliorum suscepistis, quasi vna in corpore Carthusiensis ordinis estis. Tam itaque vnanimiter regimini vestro inuigilare omnes, & tam temperanter à subiectis vestris mandata & consuetudines ordinis exigere debetis, quanta in caritate in humano corpore vna omnes sibi fociantur, & salubrem vegetationem omnibus membris aqua distributione sanguinis largiuntur. Eadem siquidem cautela fugere debet nimiam exilitatem & subtilitatem vena, quā immoderatam grossitudinem & repletionem. Nimia namque repletio, nisi citò euacuetur, acutam facit, & longam ægitudinem gignit. Rursum nimia exinanitio vires detrahit, & bona valetudine destituit. Domini & patres carissimi, ostium vestri ordinis & visione rara, & interrogatione assidua iam triui: & si consilium alterius lethro admittitis, non viquequaque dispensationes, quæ de corde caritatis procedunt, anathematizabitis. Quam enim friuolum & inconstans est, sine ratione & autoritate meliorum mutare decreta, & statuta seniorum: tam pertinax est, & extra regulam temperantiæ, quæ est mater virtutum, velle temporibus & moribus hominum negare quæ deceant & expediant. Ignoscite quod vocem funestam quidem, quantum ad sonum, sed veram quantum ad sensum, in vestro sancto conuentu de latibulo meo ausus sum proferre, & de his hæcenus. Ceterum salutat vos dominus Henricus Comes Trecentis, & vniuersitati vestræ mandat cum omni supplicatione, vt suæ petitioni acquiescatis: & nobis hoc iniunxit, vt ad vos vnum de nostris mitteremus, per quem voluntas & desiderium cordis vobis innotesceret. Quod autem non proprio sigillo scripsit vobis, occupationis maximæ fuit de suis & regiis negotiis. Est autem petitio, vt ei concedatis locum præparare ordini vestro sumptibus suis, iuxta morem vestrum, in terra sua, vbi visum fuerit his, quibus hoc negotium iniunxeritis. Petit etiam, vt Priori de Monte Dei, & a Priori de Valle sancti Petri iniungatis hanc curam. A multis enim temporibus hoc ipsum cœpit, & orationibus vestris adiutus cupit perficere. Ex parte etiam nostra hoc ipsum humiliter & deuotè petimus: quia Deo iuuante auxilium & consilium non fiētē huic operi subministrabimus.

A PRIOR DE VALLE S. PETRI] Ordinis item Carthusiensis insigne est monasterium in diocesi Laudunensi, cuius Priorem aliis etiam locis commemorat, eique scribit, sed nusquam nominat. Is autem erat Ingelbertus, vt didicimus ex epistolis Saresberienſis.

N iij

EPISTOLA XIII.

*Dominis & patribus suis de Monte Dei, Simoni Priori cum ceteris fratribus,
Frater Petrus qualiscumque Cellensis Abbas, vultus in propitia-
torum semper tenere.*

Esa.
xxxviii
12.

Variis rerum cursus, sæculorum volubilitati irremediabiliter innexus, nihil stabile, nihil æternum, sibi inesse euidenti ratione approbat. Currit, fluit, fugit, labitur, & euanescit quicquid vnquam habere potest mundanus vsus. Præcurrit defectus satietatem, præterfluit adeptio appetitum, effugit instantiam desiderii fumus gloriæ, elabitur videnti imago felicitatis, euanescit à viuentibus vita, quia dum *ordirer succidit me*. Summa itaque de-
mentia est, currere post defectum, appetere non apprehensibile, instare fu-
mo, vt imagine pro veritate, velle diu ea vita viuere, quæ iuxta Gregorium vitæ æternæ comparata, mors potius dicenda est quàm vita. Aliàs sine du-
bio cursum vestrum conuertistis, fratres & domini carissimi: alio appetitu viuistis: aliâ instantiâ pretiosas margaritas in foro & nundinis veteris & no-
ui testamenti quæritis: alio vsu in carne præter carnem viuendo corpora vestra quæ sunt super terram, Christo con crucifigitis: alia conuersatione æterna & quæ non videntur concupiscitis. Quæ enim videntur, tempora-
lia sunt: quæ autem non videntur, æterna. Ideo ad montem Domini sicut passer euolastis, & nidificastis in foraminibus petræ, in cauernis maceriæ, ne procella aëriarum suggestionum vos inuolueret, ne diluuium carnalium ti-
tillationum absorberet, ne laqueus sollicitudinum sæcularium concluderet, ne aura humani fauoris omnem ventum à facie terræ dispergeret. Ecce lo-
cus iste est, quem constituit Dominus Moyse, in quo vidit posteriora eius, dum ante eum transiret. Ni fallor, vir ille bonus, qui Sunamiti mortuum puerum reddidit, cui illa cum viro suo cœnaculum præparauerat, & lectum, & mensam, & candelabrum, per vos sæpe transitum facit, contemplatus à vobis in cœnaculo gloriæ, inuentus in lecto mundatæ conscientiæ, cibatus & potatus in sacramento Eucharistiæ diuinæ, accensus per donum sapientiæ & intelligentiæ. Adiuro vos per campos, ceruosque camporum, vt cum transierit, post tergum eius clametis pro pace vniuersalis Ecclesiæ, pro his qui in sublimitate sunt, pro Comite nostro, cuius cor tetigit Deus, ædificare vobis locum, in quo secundum genus vestrum fructum faciatis, pro me pec-
catore suo & vestro, pro omnibus nobis commissis. Transite cum illo & post illum, vt manentem in perpetuas æternitates, vel in ictu oculi, vel media ho-
ra, vel momento conspiciatis, donec transfiguremini à claritate in clarita-
tem. Certè qui sequitur transeuntem, videbit stantem, vel sedentem. Fra-
tres mei carissimi, si delibatio sanctæ & massæ: si memoria eius vinum Liba-
ni, quid præsentia, nisi in ebriatio vberum, nisi obliuio præteritorum, & iu-
bilatio interminabilis de plenitudine gaudiorum? Expectatio horum lætitiæ,
quid fructio, nisi lætitiæ sempiterna? Ad instar grani sinapis visio tua, IESV,
modico sibilo auræ tenuis aures cordis percellis, & quis poterit cogitare
horam transitus tui? Si dormio, somniare possum, & videre non possum.

Si vigilo, detentus aliis occupationibus & curis tam citò exoccupari nequeo. Si vigilo & vacauero, tunc fortè venam susurrij eius audio, sed nondum video. Quando ergo videbo transeuntem? Si mundum cor sursum habuero, si puras manus, si lotam faciem, si tota anima, tota virtute in omnibus solum Deum quæsero, & me totum in ipsum conflauro, vt non ego in me viuam, sed Christus viuat in me, qui factus est nobis à Deo sapientia, & iustitia, & sanctificatio & redemptio. De mendacio autem, venia petita, me ipsum condemno apud vos. Nec enim solui quod promisi, vel semel in anno reuifere nidum illarum sanctarum virtutum, Montem Dei, in quo plumesunt animæ charismatibus gratiarum. Fefellit me tunc ignota futurorum facies, & inuoluta plurimorum casuum series. De præfenti affectu, quo mens mea totâ illâ quadragesimâ impinguata eructabat mellis & butyri riuulos, pensabam sequentes annos. Sed cruca, locusta, bruchus, & rubigo deuorauerunt speciosa deserti, expandentes retia quotidianarum sollicitudinum pedibus meis, vt quod egressum est de labiis meis facerem irritum. Peccaui, quid aliud dicam? Si me excuso, os meum condemnabit me. Magis autem meretur veniam culpæ, humilis confessio erroris, quàm argumentosa extenuatio criminis. Veruntamen cùm redditur ratio facti, rei veritas non obfuscat, neque rei culpa si quæ est dissimulatur. Distinguitur namque falsa excusatio, & rationabilis satisfactio. Alterum culpam cumulat, alterum quatenus culpandus, vel non culpandus sit qui arguitur, declarat. Vterque etiam peccat, & qui mentitur in sui accusatione, & qui dignatur falsa obiecta vera relatione diluere. Reproba humilitas est, plus quàm in corde tuo sentias vanè te deiicere: detestanda præsumptio, famam suam negligere, & suspicionis næuum non abolere. Vtroque genere deuitans tam quòd à vero deuiat, quàm quod præsumptionem redolet, & me non venisse fateor, & innumerabilibus detentum occupationibus attestor. Factum, immo non factum agnosco: causam facti, siue non facti, vobis diiudicandam relinquo. Quid pluris sit, vel quodlibet alteri præiudicet, id est factum causæ, aut causa facti, definite. Cedo enim sententiæ vestræ, qua credo vos de facto secundum causam, non de causa secundum facti qualitatem litem dirimere. Plus enim attendendum est, quare aliquid fiat, quàm quid fiat. Informis namque est actus ille, qui nullam habet causam quare fiat; deformis, qui malam, bene formatus qui bonam. Vnde & bonus est omnis actus ille, qui iustam habet causam, malus qui iniustam. Indifferens verò dicitur actus ille, cuius causa parum concurrat vel ad iustificationem, vel ad corruptionem. Augustinus de bona causa: *Causa, non pœna martyrum facit.* De mala Dominus in Euangelio: *Si oculus tuus nequam est, totum corpus tuum tenebrosum erit.* Item in legibus de indifferenti: *Voluntas & propositum destingunt maleficium.* Dicit Ambrosius, *Affectus tuus operi tuo nomen imponit.* Subtiliter tamen ratione quorundam actuum pensata, nulla intentione, nulla affectione boni fieri possunt, vt crucifigere Christum, vt adulterari, & similia. Vt ad propositum redeam, & congrua structura coherere primordiis extrema faciam, venire ad Montem Dei inter illa numero, quæ si bono animo fiant remunerabilia

Matt.
vi. 23.

sunt; si malo, damnabilia. Fur enim ille, qui fratris illius leprosi pannos, dum Missa celebraretur, abstulit, primum bonum pro tali facinore non habebit. Recipiet verò mercedem, qui pro sancto desiderio videre castra Dei apud vos properauerit. Satis est, si non plus satis sit. More enim meo tardè incipio, sed & tardè finio. Comes Henricus reaccenso spiritu instat querere locum idoneum, & asserit illum alium locum non se dimisisse, nisi quia vos nolistis acquiescere. Consulo ergo, ut non graue sit iterum mittere aliquem de fratribus, cum quo ipse videam vel per me, vel nostros locum, ut iam dictum est, aptum ordini vestro. Sine mora facite hoc. Sigillatim & generaliter omnes vos saluto, quandoque venturus ad vos, si Deus voluerit, & fortè cum redierit nuntius vester ad vos. Interim orate pro nobis. Robertulum nostrum saluto. Richardum, Stephanum, Rogerium, Nicolaum, & iterum omnes simul.

EPISTOLA XIV.

Amicis suis carissimis M. a Iohanni, & Richardo fratri suo, frater Petrus S. Remigij dictus Abbas perpetua pace gaudere.

STylum scribendi in sepulcro beati martyris Thomæ Cantuariensis, audita eius morte, iam iam recluseram, arbitrans carissimos meos Iohannem & Richardum ei conscriptos, nec interim aura libertatis fruituros. Fallax namque rumor, & nimium varius, nil nobis de vobis certi afferbat, vel assererebat. Vnde quod in dubiis semper faciendum censeo, lucem veritatis patienter, sed non gratanter expectabam, ne in incertum currem, falsum pro verò retinens; gaudens forsitan cum esset merendum, & merens, cum esset gaudendum. Resumebam tamen, post longam ad me ipsum disputationem, de incommutabili diuinitatis consilio spiritum, & quicquid vobis coniugisset, post glorificationem sancti Martyris, in partem vertebam meliorem: quia siue contribularem, siue consolarem, in argumentum & augmentum fidei vestræ accipiendum non dubitabam. Neque enim tam modicæ fidei scio vos esse, ut timeatis calicem domini bibere in passione, quem frequenter bibitis in Christi recordatione. Tandem ex veraci relatione status vestri, omni absoluta compage, omnipotenti & benignissimo Deo medullatas refero grates, qui non auferit à vobis solitas suas miserationes, sed ut credo, quia præmisistis dilectissimum patronum in cælis, recipietis sine dubio alium paraclitum vice eius in terris. Ecce, mi dulcissime Richarde, prout in oculis faciei tuæ, non sine affectu viscerali, attendens mutatum habitum, nescio si melioratum animum. Quid enim honestatis, quid maturitatis, quid pietatis, quid caritatis, quid totius religionis deerat, cum esses in oculis meis, & nostræ congregationis, speculum bonitatis, & forma integra emulandæ imitationis? Nusquam fuisset illa præpropæ sollicitudo regressions, potuisset tibi sufficere domicilium amicæ paupertatis, & satis caræ si recolis societatis. Sed ô cæca & futurorum nescia mens humana! extra vel ultra diuinæ moderationis gressum ne porrigas pedem: quia labi est, à Deo non regi; & per se ire, perire est. Si nobiscum mansisses, solatio

contra

EPISTOLARVM LIB. V.

105

contra pene omnem molestiam fuisses, nec à Deo desertum crederem, dum huiusmodi pignus suæ miserationis mecum tenerem. Sed factum est, quod factum est. Sit stimulus maioris desiderij molesta corporis absentia, & ubi nulla subest corporalis visio continetur oratio. Ne diutius scribam, familiares succedunt interruptiones, quæ animi quietem interrompere non cessant, & laborem perpetuare. De statu autem nostro vtrumque amicū certifico: ac de corporali sospitate dico, quod qualem dimisistis, talem adhuc inuenire potestis. Pax in congregatione nostra est, & cursu consuetudinario adhuc currimus. Cum omnibus hominibus pacem habemus, maxime cum domino Archiepiscopo. Debitis non valde grauamur. De Marnæ redditus nostros habemus. Bene est amicis nostris & vestris; Cellensi Abbati, sanctorum Crispini & Crispiniani, b Abbati sancti Nicasij, Prioribus de Monte Dei, & de Valle sancti Petri. De questione autem illa, quam in fine passionis beati martyris Thomæ, bone amice posuisti, credo nullatenus solutionem te latere. Forsitan tamen & meum animum in tuam sententiam translatum non dubitabas: sed ut recogitarem, quia quod Deus per se facere disponit, hominis auxilium vel auctoritatem non quarit: ubi autem ministeria hominum non despicit, causâ nostræ utilitatis vel humilitatis hoc facit. Absque enim omni sacramento, id est visibilibus elementorum vel operum adminiculo, hominem saluare posset, nisi exercitia humilitatis vel fidei ad utilitatem saluandorum vtilia procurasset. Diffinitiuè ergo teneo, nulla ratione lucernam accensam in manu Dei posse supprimi vel extinguere: nec ibi expectandum hominis iudicium, ubi manifesta luce Dei se explanat iudicium.

^a IOANNI ET RICHARDO FRATRI SVO] Iohannis quoque Saresberienfis ad Richardum fratrem epistolæ tres leguntur. Richardus autem hoc tempore, id est sub annum Christi M. C. LXX. quo exeunte interfectus S. Thomas, habitum mutarat, regulari suscepto. Quare idem posthac, ut Canonico regulari scribit libro vi.

^b ABBATI S. NICASII] Remensium id cœnobium, Remigiano situ proximum, atque ordinis eiusdem. Abbas autem tunc erat Guido II. monachus olim sancti Remigij, ad quem Alexandri epistola XXVIII.

EPISTOLA XV.

Carissimo domino & amico suo a Abbati sancti Eadmundi Petrus humilis Abbas sancti Remigij salutem & deuotum obsequium.

NON solum scribere, sed nec nuntium mittere à multis temporibus vobis potuimus. Causa non latet, nec quidem iacet. Adhuc in pendulo est, & magis apud nos dubium quam certum, vtrum præsentēs litteræ saluare aliquo modo ad vos peruenire valeant. Pereant tamen an veniant, nostra dilectio obire non poterit: quia nec hominem timet, nec ignem, nec aquam, nec quamlibet oppressionem ex insidiis fortunæ. Mediatōres illos, quorum interuentu familiaritas inter nos oborta est, penes vos habetis: de quorum amore tam vester quam noster animus pendet: in ipsis & ex ipsis faciem nostram aspiciate, & quam habeamus erga vos affectionem, pensate.

O

Plura scriberemus, sed digito labellum compefcimus, quia incultum est veritatem fines vestros perambulare, vbi recenter suffocata & strangulata est, nec iam in palam apparere audet.

ABBATI S. EDMUNDI] Hugoni, ad quem Saresberienfis epist. cclvi. & aliaz. De S. Edmundi monasterio in Norwicensi Orientalis Angliæ diocæssi multa Vvillelmus Malmesb. lib. ii. de gestis Pontificum Anglorum.

EPISTOLA XVI.

a Episcopo Exoniensi.

Lectus noster in gaudium vertitur, cum de terris amicus noster ad celum leuatur. Spem quidem bonam de ipso, si diu inter nos viueret, conceperamus: sed iam optimam in celo repositam habemus, Episcopo Exoniensis. Quid & de quo loquamur, nostis. Non dubito partes vestras plenissime interpositas, vbi tantum perpetratum est nefas. Remanserunt huius aquilæ, quæ ad astra euolauit, pulli lambentes sanguinem eius, & sese quotidie inebriantes felle & absinthio. Sit eis tamen solatium spes futurorum, euidentia miraculorum, & patientia presentium malorum. Quis dabit mihi pennas sicut columbæ, vt euolem, & visitem tumbam pretiosi martyris sancti Thomæ? Credite mihi confidenter, veniam impetraturus de peccatis meis adirem locum illum, de quo sanctissima eius anima per proprium sanguinem assumpta est ad consortium sanctorum meorum. Vos ergo vices nostras supplete, & pro nobis orate, atque dulcissimos illos amicos nostros & vestros benignè fouete.

EPISC. EXONIENSIS] Bartolomæo, vt liquet ex epistolis Ioannis Saresb. & Petri Blesensis xciii. Eundem ergo intelligi oportet lib. v. epist. xii.

EPISTOLA XVII.

Domino a Petro Abbati de Silua, Petrus Abbas sancti Remigij.

Satis est grata nobis occasio, quæ vobis scribere compellimur. Cum enim vestram presentiam, si à Deo daretur, totis semper amplecteremur brachiis, quid mirum si vel semel in anno absentiam qualicumque stylo alloqui desideramus? Nec tamen quæ, vel quantum volumus, amantissimo amico presentibus literis insinuamus: obstante illa, quæ pene cunctis affectionibus nostris insidioso nouercatur oculo, importunitate congestorum negotiorum, quæ tollit à me animam meam plus sæpe nolente, quam volente. Est itaque petitio nostra apud vos pro Priore vestro Nouiense, viro honesto, opinionis bonæ, & famæ hilaris in partibus nostris. Electus enim in Abbatem, excusat se à tanto onere, tum propter humilitatem suam, tum propter difficultatem laboris, quem nondum expertus, iam reformidat tanquam expertus. Instillauit enim auribus nostris, se potius sæculum repetere, quam onus istud suscipere. Non quidem approbo tantam hominis in isto negotio constantiam, ne dicam pertinaciam: quia ordinata Ecclesiæ caritas hoc exigit, vt gratiam acceptam in inuicem subministremus, & iuxta legem Mosaicam,

maledictionem illam fugiamus, qua dicitur, maledicta sterilis, & quæ semen non fecerit in Israël. Quia tamen alias dicitur. *Quid molesti estis huic mulieri?* & in Canticis. *Adiuro vos, filia Ierusalem, ne suscitatis, neque evigilare faciatis dilectam, donec ipsa velit.* Pede postulationis nostræ suspensio in ambiguitate spinosa deambulans, vestræ discretioni quid potius è duobus eligendum sit relinquo. Officium autem postulantis expleo, vt suggerens vobis nullo modo cogendum supra vires hominem discretum definiam.

Matth.
xxvi.
10.
Cant.
II, 7.

a PETRO ABB. DE SILVA] Siluæ maioris dicitur libro VI. Sic enim appellant Benedictinorum cœnobium in diœcesi Burdegalensi, de quo eiusque auctore B. Gerardo in Sanctorum album tunc recens adscripto Stephanus Tornacensis epist. cccxxxi. Aliud est Grandis-syluæ monasterium ordinis Cisterciensis in Tolosana.

EPISTOLA XVIII.

a Abbati Latiniacensi Abbas sancti Remigij.

Promissioni nostræ, & petitioni vestræ, nec potui, nec debui deesse. Cui enim semel animam nostram communicauimus, valde absurdum esset, si ea quæ infra animam sunt negaremus. Apparens etenim & euidens argumentum est, non bene animos coniunctos, vbi quæ possibilia sunt, & factu digna, nulla interueniente ratione, ab amicis non præstantur. Et in hoc itaque & in aliis, me & mea vobis exhibeo, non diffidens de bonitate vestra: vt si quando simile quid à vobis exposculauero, facile mihi indulgeatur. Tamen nouerit dilectio vestra, frater, nos opus nostrum incorrectum confidentissimè vobis credere, obnixè rogans & supplicans, vt limam correctionis adhibeatis, superflua confodiendo, exilia supplendo, malè ordinata ad ordinem reuocando, & quicquid inde vobis visum fuerit, tanquam de vestro faciendo. Valete.

a ABBATI LATINIACENSI] Quod S. Petri, de Latiniaco ordinis item Benedictinorum est cœnobium in diœcesi Parisiensi. Extat D. Bernardi epistola cccxx pro Abbate Latiniacensi.

EPISTOLA XIX.

Alexandro Papa Petrus Abbas S. Remigij.

Quæ in euidenti & manifesto sunt vera, se ipsa loquuntur, se ipsa nullo adiuncto adminiculo testantur. Quæ autem remotione loci, euolutione temporis, vel cuiuslibet implicatione caliginis profundum tenent ignorantia, cum rei publicæ poposcerit utilitas, sub luce volunt videri. Hinc est, pater sanctissime, quod a lator præsentium, in gremio nostræ humilitatis coalescens, habitum religionis à nobis in monasterio Cellensi suscepit, diuque ibi vbera vino meliora sugens, in virum Episcopalem gratia Dei cooperante profecit. Reuera opus & onus iniuncti officii amplectens, non aurum robur suum ponens, nec obrizo dicens fiducia mea. Quærit enim à sede Apostolica mortem per mortem, quia & in itinere quod pergit, mortem minatur ætas, & Imperialis potestas, & quam exposcit, si obti-

O ij

nuerit, mortem importat Barbarorum infida societas. Habet itaque animam suam in manibus suis, offerens illam Deo per manum celestis clauicelarij, & vestram. Excipite, si placet hostiam sanctam, Deo placentem, rationabile obsequium, & beatissimi Apostolatus vestri autoritate exponite ouem lupis, si fortè beata conuersatione non lupo comedit agnum, sed agnus conuertat lupum. Quodlibet autem horum fiat, Deus glorificabitur, ministerium vestrum honorificabitur, & anima fratris nullum detrimentum patietur. Præsumo enim à præteritis, quæ in eo enutriti, & multis didici argumentis, quod in commissio fidelis erit, & à tramite fidei nullo incurfu exorbitabit, potiusque dabit sanguinem, quàm imminuat fidem. Ait Apostolus: *Spiritum nolite extinguere*, & lucernam iam in modio accensam amplioribus suffusoriis accendite: quia hæc est gloria & corona vestra, si granum frumenti per manum vestram in terram cadens multum fructum attulerit.

1. Thess.
v. 19.

A LATOR PRÆSENTIVM] Fulco Episcopus in Suetia designatus pro quo iterum eadem Alexandro scribit lib. vi. epist. vi. Fuerat hic Cellensis primùm monachus, dein etiam S. Remigij, Petrum opinor Abbatem secutus. Sanè in diptychis S. Remigij, inter alumnos eius cœnobij, qui Petro Abbate vitæ exceſſerunt, nominatur Fulco Episcopus.

EPISTOLA XX.

Magistro Iohanni, & fratri suo Richardo, Petrus Abbas sancti Remigij.

Statum nostrum prætermisso procemio vobis notificare studeo: cuius nec satis bonus, nec pessimus ad præsens occurrit aspectus. Valde autem sollicitus sum de statu terræ vestræ, cuius quasi clauēs & columnas citra mare, a Legatos scilicet Romanæ curiæ tenemus. Quid autem statuere, quid deicere, quid aperire, quidve claudere debeant, tam ipsis quàm nobis incertum est. Tota siquidem clausula negotij pendet ex aduentu & responſis regis Angliæ. Tamen modestos præsenſi nimis animos eorum in executione mandati, nisi fortè ex contemptu exasperati in duriores proſilierint sententiam. De proprio ergo statu id enuncio: quod quantum ad personam nostram, cursu consueto valetudo procedit: quantum autem ad Ecclesiæ communem pacem & prosperitatem, sic se habet quomodo solet. Vnus autem, scilicet frater Herucus, iam nobiscum non ambulat. Iuit viam suam; vtinam non post Satanam. Si ad vos venerit, equos accipite, & si quid aliud honestè ab eo auferri poterit. Super quæſtione autem tua, frater Richarde amice dilectissime, nolo multiplicare superuacuos circuitus, & multorum verborum anfractus. Quæris autem, vtrum ad singulos de collegio culpa, quæ videtur respicere Oeconomum vel Præpositum, ipsius diriuatione singulari & certa percurrat, & illiciat singulorum conscientias. Ait propheta: *Anima quæ peccauerit ipsa morietur, filius non portabit iniquitatem patris, neque pater filij.* Item autoritas: *Mala non sunt, quæ nec mentem implicant, nec conscientiam ligant.* Item Apostolus: *Quæ in macello venient, edite cum gratiarum actione, nihil interrogantes propter conscientiam.* His omnibus

Ezech.
xviii.
20.
1. Cor.
x. 25.

auctoritatibus, non mihi videtur singulorum capita percutere, si quid à Præposito malè administratum fuerit: & sufficere claustralibus, nescire vnde veniat quod edant, vel quid vestiant. Tanta enim simplicitas debet esse columbæ, quæ in foraminibus petræ & in cauernis maceræ nidificat, vt remota omni sollicitudine, quicquid manus eius inuenerit in lecto, siue in refectorio, simpliciter accipiat, & Deo gratias agat. Si quis autem dixerit, hoc idolothyrum est, id est de rapina, vel usura, vel alio quolibet modo malè acquisitum, abstineat. Valete.

* LEGATOS ROM. CYRIAC] Albertum & Theodinum Cardinales ad Henricum Angliæ regem missos, vt de cæde S. Thomæ cognoscerent, vtriusque mentio in epistola 117. Alexandri.

EPISTOLA XXI.

a Sancti Medardi, & sancti Crispini Abbatibus Petrus Abbas
sancti Remigij.

Nescit veræ amicitiae naturam, qui in amore imitatur arundinem vento agitatam. Sine profunda radice amicitia, accidens est non substantia, species non virtus, fœnum de tecto, quod antequam evellatur arefcit. Tres itaque præcipuas ancillas, sine quibus viuere non potest, comites habet & pedisequas, iustitiam, patientiam, & constantiam. Iustitia suum ius vnicuique seruat: patientia, si fortè interuenierit, iniuriam saluâ integritate amicitiae tolerat: constantia nec qualitate nec quantitate pacti præuicari expirat. Quis ergo abduxit? quis seduxit? quis exturbauit funiculum hunc triplicem à sacratissimis visceribus dominorum & amicorum meorum, Abbatibus sancti Medardi, & Abbatibus sanctorum Crispini & Chrispiniani? Moriatur non viuat tam nefarium & nefandissimum scandalum seruorum Dei, quod de radice vetustissimi colubri, id est, ineptissimæ auaritiæ prodiit. Subornat se quidem occasio auaritiæ vestimentis iustitiæ, sicut Iacob vestimentis Esau valde bonis, & Iacob mentitur se Esau. Pater tamen vniuersorum, qui quasi oculos caligantes exhibet, dum ipso iudice, ipso omnia regente, iniustitia iustitiam opprimit, nec pœnam recipit, quasi miratur de tanta hominum fraude, qui sub oculis eius non timent mentiri, & in inuicem fraudare, dicens: *Vox quidem, vox Iacob, sed manus, manus sunt Esau.* Præfert quisque altercantium ius authenticum, & regulare se habere, nostra inquiens diu sic possedit Ecclesia, & nostra sic. Ecce Iacob in voce. Deinde pax cordium concutitur; antiqua familiaritas excutitur, obliquantur oculi, castissimi amplexus soluuntur, de altero alter conqueritur, innexi discipulorum parietes in domus scissuram partiuntur. Ecce manus Esau. Redite, amici carissimi, redite ad cor. Non grandis querela, grandis autem est de hac discordia inter notos & vicinos vestros infamia. Prædecessorum vestrorum temporibus, nec in personis, nec in rebus monasteriorum vestrorum dicitur fuisse inuenta tanta concordia, quantam firmo & fraterno fœdere hætenus ad inuicem excoluistis. Vnde ergo tam subito valde odiosa aduenit simultas? Quomodo ausa est sacra penetrare pectora execrabilis & execranda te-

Gen.
xxvii.
22.


O iij

Ephef.
iv. 25.

1. Cor.
vi. 7.

meritas, quâ pacis cubicula inquietarentur, & vtriusque pacatissima quies intempestivè sollicitata infestaretur? Resarciatur repente amoris vinculum, ne caritas in alumnis suis saltem vnius dici, ne dicam mensis vel anni, præscriptionis incurrat dispendium. Qui enim ait, *Sol non occidat super iracundiam vestram*, regulam juris præfixit, quam intutum est preuaricari. Grauis enim sumitur vindicta de illo, qui Evangelij iura violat perpetua. Quare, inquit Apostolus, *non magis iniuriam accipitis? quare non magis fraudem patimini?* Sordet religio, ubi prævalet ambitio: fama foedatur, si res iniuste auferatur vel acquiratur. conscientia molestat, si stimulo elationis quoquo modo pungatur. Oleum quo caput mentis impinguatur extra funditur, si plus pecunia quàm iustitia habeatur. Itaque interpono partes nostræ amicitiae, si fortè recognita cognatione antiquæ familiaritatis, reprimant sibi hiantia corda reconciliationis mutua brachia. Rogo ut dies per amicos vestros accipiat, in quo de concordia familiariter agatur. Valete.

a S. MEDARDI ABB.] Apud Sueffiones. Vetus ac nobile S. Benedicti monasterium, vel S. Gregorij Papæ privilegio clarissimum.



LIBER SEXTVS.

EPISTOLA I.

Domino a Alberto Cardinali & Romana sedis Legato.



In tanta distantia locorum & multiplex occupationum impedimentum nos retineret, dilectissimam nobis paternitatem vestram visitare nullatenus tandiu postposuimus. Est enim in pectore nostro multa de negotio vobis iniuncto & de fine eius sollicitudo, quia honor Dei & Ecclesiæ utilitas, & famæ vestræ integritas, atque totius curiæ Romanæ circumspectio ex eo accipiet apud conscientiam omnium laudem & magnificentiam, si secundum regulam æquitatis & veritatis sortitum fuerit effectum. Quatenus ergo res iam processerit, non sit vobis tædiosum amicum vestrum certificare. Habetis autem idoneum, si placuerit, per quem fideliter remandare & securè potestis, Priorem utique de Valle sancti Petri, carissimum filium vestrum, quem in Christo genuistis, & eius spiritum in omnibus vobis obnoxium reddidistis. Ad locum namque, qui h Vallis Dei appellatur profectus, ut ibi Priorem substituat, non multum à vobis remotus, si ei mandaveritis venire ad vos, tutis auribus instillare poteritis, quæ de statu vestro grata vel ingrata vobis occurrunt. Et mihi quidem videtur, præfatum locum vestro auxilio & consilio multum indigere, quia Episcopus, ad cuius diocesim pertinet, manum benedictionis & auxilij differt apponere. Neque enim cœmeterium, neque monasterij sui consecrationem, fratres qui ibi manent habere possunt. Ve-

stra itaque interest, quod de facili potestis, pauperes Christi in hoc iuuare, vt in loco benedicto creatorem suum benedicant. In calce litterarum supponimus vobis commendare Priorem, qui ibi substitutus est, quem de fornace religionis, & regularis subiectionis nouiter extractum, ad curam animarum regendam filius vester manum mittere coëgit. Doctrina itaque & auxilio vestro instruite illum, quia scitis quàm difficilem rem arripit, qui animas suscipit regendas.

ALBERTO CARDIN. LEGATO] S. Laurentij in Lucina. Sic enim apud Rogerum appellatur in litteris absolutionis, quas Henrico regi, cum se de B. Thomæ nece purgasset, cum Theodino collega dedit. Atque hic nimirum fuit exitus legationis, de qua audire auct hoc loco, & de qua scribit Alexander epist. LIV.

[VALLIS DEI] Carthusiensium coenobium ad dioccesim pertinens Episcopi Carnotensis. Hunc enim Episcopum significat. Aliud est Vallis Dei monasterium, ordinis Præmonstratensis in Remensem diocesi, quod ad rem nihil facit.

EPISTOLA II.

Archiepiscopo Senonensi Petrus Abbas Sancti Remigij.

OPus manuum vestrarum, locum vtique qui dicitur Vallis Dei, non traditis obliuioni: quia nouella plantatio citò deficit, siue arescit, nisi frequenti irrigatione ei succurratur, & fomento multiplici foueatur. Ad suam patriam, vt credimus, euolauit spiritus filij vestri fratris R. quem sicut paternis gremiis, dum in carne esset, continuistis, sic iustum est vt orationibus & benedictionibus vestris vsque ad thronum gratiæ conducatis. Quia ergo sublato pane de mensa Domini, in sabbato nouum substituendum non ignoratis, eandem dilectionem & protectionem oramus impendi bono & religioso iuueni, quem amicus & filius vester carissimus ibi ex voluntate fratrum praposuit, Prior de Valle sancti Petri. Vt scitis, domus ista domus orationis vocatur. Necesse est ergo, vt sine dillatione auxilio vestro confectetur, quatinus veraciter & non fallaciter locus ille sanctus vocetur. Quicquid enim ibi religionis, orationis, sanctificationis, mortificationis, & aliarum sanctarum obseruationum serui Dei inibi conseruando, cæleste præmium promeruerint, in sinu vestro reuertetur, & ad caput vestrum defluet: quia qui recipit prophetam in nomine prophetæ, mercedem prophetæ accipiet. Non ergo pigeat vos, cœpisse expendere in vltus pauperum aliquid de substantia vestra, quia vos recepturi sunt in aterna tabernacula.

EPISTOLA III.

Vni Cardinalium.

VNa sua Christus amplissima, & generalissima regula omnes tam præcedentium quàm subsequen-
tium Catholicorum patrum sanctissimas
functiones compendiosè includit, dicens de dilectione Dei & proximi: *In his duobus tota lex pendet & propheta.* Reuocanda igitur sunt omnia, quæ
funt in Ecclesia Dei, ad hanc ornatissimam regulam: quia quicquid ab ea
discordat, à spiritu pacis & caritatis non manat. Inde est, pater venerande,

Matth.
xxii.
40.

quòd dispensationes quarundam institutionum non indigne admittuntur pro maiori & meliori recompensatione. Volumus igitur vobis notificare, quanta mala & quanta hominum strages in terra nostra ex guerris quorundam nobilium hominum, videlicet Comitis Vuifchardi de Ruzeio, & Comitis Recensis * atque Hugonis de Petriponte, diebus nostris, & antecessorum nostrorum acciderunt. Homines innumerabiles tam occisi quam capti & redempti sunt, & nouissima damna sustinuerunt. Religiosa domus depradata sunt, & multa alia mala prouenerunt. Interuentu tandem bonorum & sapientum & religiosorum, matrimonia inter se contrahere disposuerunt, vt saltem isto nexu confederati, inter se pacem tenerent & haberent. Penset itaque vestra discretio, vt si quid de gradu consanguinitatis obstat, pro bono pacis, & pro tantorum malorum recompensatione, quaecunque fieri potest à Domino Papa non recusetur dispensatio. Valete.

EPISTOLA VI.

a Nicolao monacho.

INiqua sorte secularis occupatio, & aeternorum affectio, sollicitudinem nostram diuidunt. Sesequalteram namque & supra animæ nostræ portionem negotiatio temporalium actionum sibi, nullo interueniente bonæ fidei contractu, vendicat, & mihi de me vel exiguam partem non relinquit. Passam denique iniuriam in alios referre, non minus stulti quam iniuriosi est. Sumpto liquidem probabili & noto de prope argumento, cauere quisque debet, ne de alieno ægrotet incommodo. Igitur de quantulacunque relicta mihi portione quietis, sine furtiui otij, subdiuidens indulgeo amico modicum de modico. Gratia quoque tui facio licitum, quod de facto, non de iure, pene redditur illicitum. Sola etenim non licent, quæ sola licere deberent. Ea vero plurima & sine licentia sese ingerunt, quæ salutem magis impediunt quam expediant. Vnde ergo exordiar? Quam solemne, quam deuotum acturus sum vicinis congratulationis conuiuium, qui quasi de morte recepi amicum? Plus falsi quam veri rumores serere populares, in multis expertus, fallaciam eius æquitatis iudicio condemnare soleo. In hoc autem articulo mendacio, remusculosa verborum gratias ago. Iam namque à multis retro annis te in fata concessisse acceperam, quod veraciter falsum esse nuper, quasi de graui somno euigilans, gauisus sum, in eo quòd adhuc nostræ sortis & vitæ consortem te esse audiui. Equidem de numero amicorum nostrorum ex eo habere te censui, ex quo scripta tua legi. Amplius autem nostræ amicitia vincula tenacissima intexere debet, quòd ex toto corde compassus, Deo animam tuam, quam de corpore euolasse ad sinum matris misericordiae credebam, non semel commendavi. Vicem ergo debes nobis, si rectè de amicitia iudicaueris. Quam ideo obnixè exoptulo, quia nescio qua hora, quòd de te falsò opinatus sum, mihi indubitanter contingat. Et video viscera misericordiae Dei nostri fines vestros copiosa benedictione respersisse. Pretiosi namque martyr Thoma Cantuariensis Archiepiscopi occasus, orientalem nobis fenestram aperuit, & de

& de fidei atque patientiæ suæ splendore Angelicas tenebras illustravit. Quæ enim terra tantum de se palmitem protulit, ministeriales cælicolas, Angelicas utique virtutes, pro tanto fructu in sinu suo recepto, perpetuò conciliauit. Quæ itaque ratione non sæpe & frequenter reuoluit terram, de qua tantum thesaurum suis gazis intulerunt? Credo manum cultoris, siue agricolæ, de quo dicitur, *Pater meus agricola est*, venas & valvas nubium suarum nondum inclusisse, ut abstineat benedicere terræ, quam compluit sanguine magni sacerdotis Thomæ. Non immeritò igitur vndeunque populi aduenientes, & tumbam illius venerantes, benedicunt genti, populo, & nationi, de qua tantus Christi testis ortum habuit. Exora itaque sancta eius merita pro amico tuo, & si qua habes noua scripta mitte nobis. Quæro à te, memor fauoralis non odiosæ altercationis dudum inter nos habitæ, vtrum ficta morte emendatus, errorem qui non de odio, sed de summo, aut plusquam summo fauore virginis virginum venit, deleueris aut delinieris. Vellem ergo videre, si quid de vera morte simulata mutauerit, cum absque præcipiti ambiguo vexatio inferni, & si non salubriter, tamen pœnaliter, colonum suum doceat ubi errauerit. Æmulanda certè, immo cumulanda imitatione, seria illa non sera præoccupatione anticipat mens cauta, & prouida, quotidie aduocans cælum & terram cum omni circumlustratione Angelorum, hominum, & dæmonum, acta singulorum proferentium, & debita tormenta allegantium. Felix anima, quæ talibus assueta præludiis, fallaces & feroces tempestiuè præcidit malignorum accusationes, vindictam iudicalem de seipsa à se ipsa exigens, & soluens, ut ventilabrum non inueniens, quod vexando excutiat, sola grana æternis apothecis reponat. Quid igitur de imagine ista transumpseris, rogo mandata litteris mittere amico non dedigueris. Tuus enim mihi placet & stylus & animus. Vale.

Ioan.
xv. i.

[NICOLAO MONACHO] Anglo, monacho sancti Albani, quocum de conceptione Beatæ Virginis altercatur epistola xxiii. huius libri, & x. libri ix.

EPISTOLA V.

Alij Nicolao.

IAm in defuetudinem pene abierunt reciproca salutationes, quas tu bonus sub ouina pelle mihi solebas mittere, & ego qualis qualis tibi. Nescio vtrum modo sis melior, quàm tunc, verustior tamen & nigrior es, & terræ propinquior. Expecto facetias istas nostras à te cum vsura statim solui. Prouolutus ergo pedibus teterrimi idoli, peto indulgentiam de nullo reatu. Mando tamen ut venias ad festum nostrum, quatinus tua pulcherrima & sanctissima facie tota solemnitas illustretur, & ore illo veridico animæ nostræ à plagis & vulneribus suis curentur. Interim mando tibi negotia nostra, quæ tibi frater iste & socius tuus in colore & facie dicet. Vale, & ora pro nobis. Tua enim oratio penetrat cælos.

P

EPISTOLA VI.

*Domino & patri Alexandro summo Pontifici, Petrus Abbas sancti Remigij
quicquid filius patri.*

Nullis bona voluntas à sancto spiritu incitata coercenda est habentis, nullis à proposito retardanda dissimulationibus. Sic enim iam totius nostræ Christianitatis religio intepuit, ut vix in toto grege Christiani populi aliqui inueniantur, qui non malint sub ficu & oliua terreni honoris & delectationis delitescere, quàm procul odorare bellum, & audacter occurrere in occursum cum filiis Benjamin, & dimidia tribu Manasse, expediti armatis inimicis Christi. Ad vos itaque, Pater sanctissime, qui estis in corpore Ecclesiæ caput, de quo oleum non deficit, & qui Australe sufflatorium habetis, respicit desides excitare, excitos verò ad meliora & viciniora salutis iuuare & impellere. Nunquam ergo vobis molestum debet esse, quod à vobis postulatur in auxilio propagandæ Catholicæ fidei: quia & Dei & Domini nostri Iesu Christi laus inde augmentatur, meritum vestrum cumulat, salus infideli populo acquiritur. Proinde petitiones pauperis illius Episcopi Fulconis, qui hoc anno curiam vilitauit, & modo nobiscum hospitatur, apud vestram sanctitatem commendamus, scientes & pensantes, quia ubi nulla aut rara fidei suppellectilia sunt, suffragio copiosiore indigent. Indulgendum est ergo illi in multis, qui omnibus indiget. Sic magister & Dominus vester, cum discipulos suos mitteret ut noua prædicarent, addidit eis ut mira quoque facerent. Non à vobis hoc exigitur, ut virtus miraculorum tribuatur, sed auctoritas vestra cum ipso & in ipso operans, ut facilius ei ab incredulis credatur. Nam & Moyles cum à Domino ad filios Israel mitteretur, signum rogauit dari, in quo sibi crederetur. Priuilegia ergo, quæ à vobis petit, & pro virga Moyli, & pro miraculis discipulorum Christi suffragabuntur ei. Nemo enim Deo faciente contemnet auctoritatem vestram, vel personam illius vestra auctoritate munitam. Valeat sanctitas vestra, cui debeo quicquid sum & possum. A multis enim audio, & in multis exerior magnificentissimam gratiam vestram.

EPISTOLA VII.

Magistro a Ioanni Cancellario, & R. Cantori Compendiensi.

Tam sedula dilectissimi Domini mei Archiepiscopi in pectore meo viget memoria, ut non solum vigilans, sed etiam dormiens frequentissima visione & allocutione fruar de absente, quod modo non possum de præsentem. Nulla falsitas in sua & nostra dilectione, quia benignissimum & dilectum semper habeo illum patronum. Tam de ipso itaque, quàm de vobis, & omnibus sociis vestris, habetur apud nos continua & indefessa oratio. De statu autem nostro & terræ vobis remando, quia in pace sunt quæcunque ad Dominum nostrum pertinent. Vndecumque enim bene agitur circa negotia eius, & nepotes sani sunt. Dominus quoque Galerannus

EPISTOLARVM LIB. VI.

115

strenuè agit, & dominus Thomas sacerdos, & magister Radulfus, nec non & Archidiaconus, & omnes amici vestri. Vnum solum est quod nobis deest, præsentia vestra, & Domini nostri, quam rogamus, vt saluo eius honore maturetis citius nobis & patriæ restitui. Omnes socios vestros & amicos salutate, præcipuè *b* Abbates Belliloci, & sancti Petri de Montibus.

a IOANNI. CANG. ET. R. CANT. COMPEND] Videntur in comitatu fuisse Archiepiscopi Remensis, qui Romam profectus erat, vt sequens epistola docet.

b ABBATES BELLILOCI ET S. PETRI DE MONTIBVS] Vtrumque monasterium ordinis S. Benedicti: illud quidem in Argona pago diocesis Virdunensis: hoc verò Catalaui, de quo iterum lib. viii. epist. xiv.

EPISTOLA VIII.

a Regi Sueonum, & Ducibus, & Principibus, & eorundem Archiepiscopo, & cunctis suffraganeis eius.

Cum animi Deo deuoti principale & summum debeat esse studium, ad gloriam & honorem Dei omnia componere, si fortè aliquatenus se omnipotenti Deo placere, vel leuiter senserit, cumulatis intrinsecus gaudiis totum se effundit, tanquam liquefactus post sponsum, acclamans & dicens: *Exultabimus & letabimur in te memores vberum tuorum.* His nostra paruitas prouocata exemplis, etsi in multis, immo pene in omnibus, quotidie me sciam peccare, & non vt iustum est diuinis mancipari studiis, in hoc vno non vsquequaque despero de misericordia Dei, quia de manu nostra manipulum benignè suscepit, domnum Fulconem Episcopum, quondam monachum nostrum, & in claustrali religione à nobis enutritum, ad summum prouexit sacerdotium. Recognoscimus in eo vultum nostrum, & speramus quòd non recedat cor eius à Deo nostro, & à mandatis eius. Cum ergo oportunitas grata obtulerit, quòd tempus habere possumus adhuc eum instruendi & informandi in ampliorem Dei dilectionem, gratanter & deuotè excipimus, quia vterius non eum videndum, vsque ad thronum gratiæ, & ad distributionem æterni stipendij arbitramur. Ad hæc ipsa temporis incommoditas cooperatur desiderio nostro. Si enim vterque nostram vellet, discrimina & pericula quæ habet transire non posset. Inundantia enim aquarum, vt audiuius, tanta est, vt vix serenissimis temporibus meabile sit iter quòd ad vos peruenitur. Tertia denique causa subest, quia dominus Archiepiscopus noster Romam pergens officium suum nos supplere commisit. Nequaquam autem in dedicatione Ecclesiarum, vel ordinatione clericorum, vel confirmatione Christianorum Abbatis assurgit dignitas. Per ipsum ergo, qui in omnibus noster est, iraplemus, quod per nos non possumus. Veniet autem ad vos plenus Dei benedictione, cum tempora fuerint meliorata. Valete.

Cant. i.
4.

a REGI SVEONVM] Carolo fortasse Suerconis regis filio. Is enim Sueonibus seu Suecis, Gothisque per hæc tempora imperabat. Fulco autem Estonum Episcopus, qui Sueciæ tum regno adhærebant.

P ij

EPISTOLA IX.

Priori Cantuariensi.

ME debitorem vobis constituit tam obsequium dilectionis, quod omnibus ex parte nostra per vos transeuntibus impenditis, quam carissimi nostri magistri Iohannis gratia, quam plenissime obtinetis. Novus quoque à Deo vobis collatus Martyr ad suæ sepulturæ locum attrahit & allicit. Quem enim præ aliis mortalibus virum constantem, & in fide verum fundatum cognovi, cum sanctis Angelis & ^a martyribus iam annumeratum corde credo, & ore confiteor. Præsumo autem & ipse de orationibus eius, utique quia dignum fecit me Deus suis benedictionibus, colloquio, cognitione, atque familiaritate. Accedit & hoc ad cumulum totius amicitiae, quòd in turbine illo & tempestate ^b per M. Iohannem saluatus & conseruatus est. Noluit Deus stellas omnes cum magno illo sole simul de terra vestra tollere. Ideo reliquiae saluæ factæ sunt. Planè bene appellauerim stellas, doctrinam & vitam relucens tanti patris filios, & tanti doctoris discipulos. Utinam radios suos liberè, & absque interpolatione tenebrose noctis exercere valerent. Cateris enim terris vestra melior & clatior appareret, si doctrinam illorum reciperet.

^a MARTYRIBUS IAM AD NUMERATVR] Adnumerandum haud multo post Apostolica auctoritate decreuit Alexander Pont. anno M. C. LXXII. die primo Quadragesimæ, ut est in eius epistola LIV.

^b PER M. IOHANNEM] Saresberiensem, qui notarius & familiaris fuerat B. Thomæ. Itaque illo incolumi non totus obiisse B. Thomas videbatur.

EPISTOLA X.

Abbati sancti Eadmundi.

Non vilescat vobis nostra littera, quam commendat dilectio. Fungitur namque legatione deuoti amici, & paruis expensis supplet impossibilitatem difficillimæ peregrinationis. Illota fortè facie, & minus compta vilitate pannorum, sublimes offenderet oculos, nisi essent amicabiles. Genus itaque pensandum, non decus: quia specimen generationis plutis est, quam forma lucratiua adulterij & fornicationis. Nostra ad vos oratio de genere Israel est, non deprehensa, vel aliquando deprehendenda macula mendacij, tanquam adulterij. Magnum mihi est religiosorum familiaritatem habere, & pretiosum firmiter retinere. Rogo itaque, vices mutarum orationum nostrarum sæpe alterno recursum ad inuicem præbeant columbina oscula, & duæ pennæ iungantur, quarum beneficio cæli palatia, Deo annuente, penetrentur. Valete.

EPISTOLA XI.

Magistro Iohanni Salisberienſi & fratri ſuo Richardo.

GRande diſpendium patitur ardens deſiderium, ſi data occasione craſſa & ſupina negligentia negauerit de amico reſſuere, vel ab amico recipere ſaltem litterale refrigerium. Sit ergo inter nos pactum, quod impune præuaticari non liceat, quatinus vacua manu, vel breuiſſima ſalutatione nuncius nullus accedat, vel abſcedat. Non tamen credo aliquando ſic euacuari tempora circumuolitantia, ut non alterutrum habeamus, unde vel de proſperitate, vel de aduerſitate aliquatenus conqueramur. Ineptiſſima planè excuſatio quorundam, qui cùm moneantur ad confeſſionem, dicunt ſe nihil habere quod in confeſſione referant. Reuera tales copia inopes faciunt, vel ſolis claritas eos excœcauit. Non ergo ſimiles eis efficiamur, dicendo, nihil noui nos habere quod referamus: cùm nec Francia citra mare perpetuitatem pacis & tranquillitatis adhuc iurauerit: nec Anglia veſtra ultra & iuxta mare medium ſilentium poſt completorium teneat. Solent enim tunc fœcundi calices tam apud vos, quàm apud nos, noua & vetera dicere & facere. Sed de his taceamus, ne veſtrates irascantur, qui potu viliori non minus inebriantur, quàm noſtrates vino meraciſſimo. *a* Imperator indulſit nobis bona noſtra de Marna. Valete.

a IMPERATOR INDULSIT] Fridericus Ahenobarbus. Non ſemel, ut in remotis poſſeſſionibus accidere ſolet, in Marſæ bonis vim paſſi ſunt monachi Sancti Remigij. Nam & paucis ab hinc annis in eorum poſſeſſionem, quâ deiecti per annos complures caruerant, Regis noſtri auctoritate poſtliminio reſtituti ſunt.

EPISTOLA XII.

Iohanni Salisberienſi.

SI bene recolo iocos prioris ſæculi, dum ſimul eſſemus, & ad inuicem pluſta iocando ſereremus occurrit inter cætera, quod quaſi de magnitudine caſſulæ tunc Archiepiſcopi Thomæ, nunc pretioſiſſimi martyris, conquereretur ubi poſſet reperiri. Verbum illum fecit Deus, immo riſum fecit nobis, & toti prouinciæ veſtræ & noſtræ. Inde eſt quod vndecunque non ſolum Angli, ſed & Galli, quaſi ad ſolemnes epulas, & ad fertiliſſimas iubilationes, concurrunt ad tumbam prædicti ſancti: quo & mihi miſerrimo & indigniſſimo contingat venire, videre mirabilia Dei, & adorare Deum in ſancto ſuo antequam moriatur. Etſi enim intercipi voragine maris quod intercurrit poſſem, non timerem mortem cùm vitam quaererem. Interim autem corde meo, ore veſtro, adite præſentiam eius, & totis viſceribus atque medullis, pro peccatis & miſeriis noſtris rogate alumnum gratiæ, ne præ ebrietate immenſurabilium gaudiorum ſuorum, qua ab uberibus Chriſti & glorioſæ virginis Mariæ repletur, noſtri obliuiſcatur, cùm nos comparticipes compaſſione animi in tribulatione ſua aliquando habuerit, & adhuc pro poſſe deuotiſſimos gloriæ ſuæ prædicatores. De his hæcenus. Cæterum de obla-

P iij

tionem vestra vniuersitas fratrum nostrorum grates quas potest vobis rependit, & quem cum fratre vestro Richardo ab annis prioribus in societate bonorum suorum annumerauit, cumlatius amplectitur, & iocundius in perpetuam commemorationem astringit. Nondum tamen reditus exinde comparauimus, quia nulla opportunitas se obtulit. Instantius autem laborabimus querere, quo id maturius efficiatur. De glosis nostris, quas retinuistis, utcumque patienter sustineremus, nisi plusquam granum sinapis minutissimam fidem de nobis apud vos deprehenderemus. Tanto tempore nobiscum fuistis, & miror, immo horreo, si tam exiguum de nobis confidentiam ex prateritis actibus & verbis conceperitis, ut libellum paruissimi pretii à nobis gratis retinere formidaretis. Tamen quia ita egressum est de labiis vestris, ne fiant irrita vestra, prorsus sumptus reposcimus grandes & graues, ut fiat vobis iuxta fidem vestram. Pretium tamen sine taxatione & sine aestimatione est. Dominum Episcopum Exoniensem saluto, & me sanctissimis suis orationibus commendo. Fratrem vestrum Richardum, quem tenerimè diligo, & dulcissimè amplector ab Iesu Christo & ab spiritu sancto, immo à Deo patre, ubertate gratiarum impleri exopto. Participem enim me totorum bonorum eius non dubito. Valete.

EPISTOLA XIII.

*Venerando, & utinam non verbo & lingua, sed opere & veritate amico
Theobaldo Abbati Molismensi frater Petrus sancti Remigij humilis
minister spiritum veritatis.*

VOx quidem vestra vox Iacob est, & utinam manus non essent manus Esau. Verba vestra venti sunt, litteræ cymbalum tinniens, promissiones nubes sine aqua, sermo sine voce, flores sine fructu, ignis sine calore, aqua sine humore, corpus sine anima, anima sine vita. Quotiens, dilectissime Domine, baculus arundineus mihi factus estis, dum vobis crederem, & nihil acciperem? Quotiens nuncios nostros non primò, non secundò, non tertio fatigastis, & vanis atque frustratoriis dilationibus delusistis? Vbi est ergo illud priuilegium amicitiae, ut scribitis? vbi dilectio illa specialis, vbi fides singularis? Communia vestra malè aestimo, cum specialia tam cassa & vana reperio. Homo tantæ autoritatis, Abbas tantæ congregationis, monachus & sacerdos veracissimi Christi, quare non appendit in statera iusta verba sua, ut nunquam exorbiter à regula veritatis, qui regulam professus est beati Benedicti, immo Christianæ religionis? Fideliter & veraciter protestor, multa incommoda sequi mendacem, dum quisque se & sua illi credere refugit. Si meis acquiescere volueritis consiliis, mutato meliori fundamento, diutius & melius cum prosperitate in Abbatia vestra durabitis, & aduersariis vestris locum aduersum vos maglignandi non præstabitis. Debitum nostrum, cum Deus voluerit & vobis placuerit, habebimus. Veruntamen exinde non promerui laborem & dispendium, quia bona fide & cum vtilitate Ecclesiæ vestræ mutuo centum libras ab Otranno Trecenti accepi. Sufficiunt mihi veteres molestiæ, & pristini labores, quos su-

stinui, ne vel vna die creditorem molestarem. Non igitur vadam vobis in occursum pro ista re. Apud nos sunt, qui sciunt quid ex debito receperimus, & quid non. Si ad nos veneritis, honorificè vos suscipiemus, & maximè cum pace, si pacem detuleritis. Valet.

EPISTOLA XIV.

Priori de Valle sancti Petri.

DE quaestione vestra, vtrum scilicet saluà conscientia verè pœnitens possit respondere antiqua crimina sibi obiicienti, nihil est, aut, nescio quid dicis, vtinam tempus & licentiam largiorem scribendi obtinerem! Tamen quod in transcurso animo occurrit, respondeo. Vera confessio & plena satisfactio, omnes Ægyptios, tanquam plumbum, in aquis vehementibus indifferenter submergunt: adeo vt solus Israelita, id est, virtus à Deo concessa euadat, & Ægyptij, id est peccati opprobrium tollatur à conscientia, & ab infamiae nota. Sicut enim in baptismo, tam originalium, quam actualium nullæ supernatant reliquiae; sic in confessione illustrantur tenebrae, & nox vertitur in diem, vt veraciter conuerso & confitenti dicatur, fuisti aliquando tenebrae, nunc autem lux in Domino. Et sicut idem Apostolus ait de Christo, *Et si noueramus Christum secundum carnem, sed nunc iam non nouimus*: sic & de isto dicatur, et si noueramus peccatorem, mendacem, homicidam, adulterum, iniustum, & impium, liquefactis iniquitatibus omnibus in fornace confessionis, reformetur ad sanctitatis imaginem, & dicatur bonus, verax, innocens, castus, iustus, & pius. *Verte, inquit scriptura, impios, & non erunt, vtique impij.* Vt enim tollitur nigredo superueniente albedine, sic malitia superueniente bonitate. Neminem IESVS semiplenè curauit, nemini gratiam suam modio iniusto mensurauit, vt totum se Deo exponentem non totis vlnis misericordiae exciperet. *Sine pœnitentia*, ait Apostolus, *sunt dona & vocatio Dei*: quia nili ab ingratis semel à Deo concessa gratia non reuocatur. Est namque in illo est, nec est in illo est & non, sed est tantum in illo est. Cum ergo verè confitens & verè pœnitens his ditetur priuilegiis, quis nequam oculus audebit dicere, iudicia Dei non esse iusta, & opera reprehensibilia? *An*, inquit Dominus in Evangelio, *oculus tuus nequam est, quia ego bonus sum?* Sic erunt nouissimi, id est, grauissimis occupati peccatis, per correptionem primi, & primi, qui se iustos arbitrantur, suam iustitiam constituentes, nouissimi, id est, gratia Dei vacui. His auctoritatibus non improbè asserere possumus, veraciter posse respondere verè pœnitentem exprobranti sibi antiquas & exterminatas abominationes, immo per confessionem antiquatas & deletas, nescio ita esse vt dicis, vel, nihil est quod dicis. De praesenti enim statu vnumquemque iudicat Deus, nec alicui ad confusionem priores cicatrices peccatorum à Deo opponuntur, cuius vt aquila iuuentus per inuolutionem vitae renouata est. Quicquid autem iudex ignoscit, aduersarius imputare non potest. Vnde Apostolus: *Si Deus pro nobis, quis contra nos?* Non enim solum cum pœnitente, immo etiam pro pœnitente stat Deus, dicens pro ea quæ in adul-

2. Cor.
v. 16.

Prou.
xxii. 7.

Rom.
xi. 29.

Matt.
xx. 15.

Rom.
viii. 31.

terio deprehensa ei damnanda oblata fuerat : *Si quis vestrum sine peccato est, prior in illam lapidem mittat.* Qua sententia illa liberata, cum ei diceretur, *nemo te condemnauit mulier?* & illa responderet : *Nemo domine, nec ego,* inquit, *te condemnabo.* Nonne rectè dicere posset saluam conscientiam, non sum quæ fueram, non sum adultera? Tamen regularius & modestius improperanti & calumniatori respondendum est taliter, Melius posses dicere, vel, Deus tibi ignoscat hoc peccatum, vel si qua talia sunt : ad exemplum I E S V, cui cum dictum esset, *Nonne benè dicimus nos, quia Samaritanus es tu, & demonium habes,* alterum simpliciter negauit dicens : *Ego demonium non habeo,* de alio prorsus tacens. De his hætenus. Abbas sancti Chrispini in præsentem nobiscum ad Montem Dei venturus est, & mandat ut nobis ibi occurratis. Si ergo potestis, facite quod amicus rogat : quia de omnibus tunc melius poterimus conferre, & ad inuicem, & cum Priore. Marcam argenti & dimidiam ad faciendum calicem Ellandus Canonicus sanctæ Mariæ Remensis legauit vobis. Orate pro anima eius. Valet.

EPISTOLA XV.

^a E. Lundensi Archiepiscopo.

ATERNAS & antiquas venas misericordiarum & benedictionum suarum profusa in omni largitate diuina gratia his temporibus, licet caritas multorum refrigescat, nondum exclusit. Quamuis enim reconditos & labentes sinus gratiæ in mentibus multorum fidelium Deus in Ecclesia sua adhuc retineat : vos præcipuè tanquam lucernam super candelabrum positam, oleo multiplici perfudit, vnde multæ areolæ Ecclesiarum, Episcoporum, pauperum, viduarum, tam suauiter quàm abundanter irrigantur. A multis siquidem retro temporibus, non in vacuum siue gratiam, siue pecuniam Dei excepistis, ligando illam in sudario, vel infra domesticos parietes recludendo. Quis enim ad vos accedens vestram non sensit benedictionem? quis quantumlibet tepens, audiens vel videns conuersationem vestram, manum egenis expositam, ostium viatoribus patens, iudicium & iustitiam æqua lance, causam non personam discernens, omnemque reliquam actionum & sermonum vestrorum regionem perlustrans, non calefactus, non melioratus non bene instructus abiit? Deo gratias, qui iuxta consuetudinem suam, gratiam pro gratia superabundare facit in vobis, ut melior sit finis orationis quàm principium, & ut exitus matutini & vespere delectabiles fiant. Adhuc enim stillant manus vestræ aromata Dei, quæ de thuribulis sanctorum, per manus Angelorum, in incensum suauitatis naribus sedentis super thronum gratiæ referantur : quatinus in æterna tabernacula vos recipiant, qui de bonitate & beneficiis vestris in terris sustentati, per gratiarum actionem in cælo iam sunt recepti, vel adhuc recipiendi. Pauper iste Episcopus domnus Fulco, quem per Euangelium in Christo ego genui monachum, & vos Episcopum, de magnificentissima liberalitate vestra Deo gratias nobiscum refert, exponens quòd sustentamentum vitæ & peregrinationis suæ vos habet, & semper habiturum confidit. Scitis. Domine pater, quàm duram

ram

EPISTOLARVM LIB. VI.

121

ram prouinciam sortitus sit, & quod animam suam in manibus suis posuerit, potius mortem semper expectans, quàm longam vitam. Scitis etiam, quia qui prophetam in nomine prophetæ recipit, mercedem prophetæ recipit. Vnde remittimus eum ad vos, & commendamus eum Deo & vobis. Retinuimus eum siquidem malo tempore, remittimus autem bono & congruo, vt visitet messem, vtrum matura sit ad metendum, an immatura ad laborandum. Manum siquidem misit ad aratrum ope vestra & opere, ad Christianitatem dilatandam, & horrea Dei fertiliori segete implenda. Vestrum enim, vestrum est, quicquid incrementi prouenerit ex labore ipsius, quia & de vestro viuit, tanquam operarius Dei & vester: & ad gloriam vestram respicit atque coronam, quodcumque Christo acquirere potuerit. Non igitur obturandum est os boui trituranti, neque palea subtrahenda.

a E. LUNDENSI ARCHIEP.] Eskilo, de quo ad libr. i. epist. xxiii. Is etsi Archiepiscopus erat in Dania, Suecia tamen etiam Ecclesias procurabat: quia Archiepiscopus Lundensis ex Hadriani iv. Papæ decreto, quod Eskilo ipsi concessum est, primas erat regni Sueciæ. Propterea ergo & Fulconem Eltonibus Episcopum crearat.

EPISTOLA XVI.

a Domino Richardo.

TAnquam de sepulcro Domini species aromaticas, quibus Nicodemus & Ioseph Dominicum corpus perunxerunt, in monumento litterarum tuarum excepi, & tam ori quàm odoratui apponens, spiritum super mel dulcem non semel legendo attraxi. Nihil fœtidum, nihil fœdum, nihil emortuum vivus ille sermo tuus, nitidus, & sale sufficienter respersus continet. Viuit memoria accepti beneficij, relucet narratio compacti amoris, stylus elimatus pondere sententiarum & ornatu verborum refulget sicut sol in clypeos aureos, vsque ad diuisionem animæ & spiritus pertingens. De intimo & profundo cordis venas cœlesti vnguento repletas ad medium educit, & pulcherrimæ puellæ de terra Israel speciem spectaculo Angelorum & hominum sistit. In vestitu enim deaurato per auctoritates diuini eloquij & colores rhetoricos, in lecto eburneo propter verum & castum sermonem quiescentem hanc inueni, sine macula mendacij, & ruga duplicitatis. Spiritus veritatis talem solet sobolem in mente sancta gignere, & spiraculum vitæ insufflare, ne mens amore diuino grauida aliud possit parere, quàm concepit. Cum adhuc esses, dilectissime, in attrio exteriori, & sæculari habitu, per foramen nobis incognitum, manum submittebat ad animæ ventrem inuisibilis ille amator, & demulcebat viscera iam iam sibi legitimo matrimonio copulanda, suauitate sibi certè & tibi fortè cognita. Quales autem nunc tibi amplexus porrigat, quæ oscula offerat, cuiusmodi fœtus conferat, nemo nouit, nisi cum in sermone vel in scriptura partus latentem gratiam prodiderit. Secretum tuum tibi, secretum tuum tibi. Admittendi tamen saluo silentio sunt amici illi, cum quibus omnia sunt communia, qui non inuident, sed congaudent fortunis prosperis, qui optant & dicunt, crescas in mille millia, Credo me Petrum cum Iohanne assumendum, etiam in transfi-

guratione, etiam in morte, etiam in resurrectione. Non me præfero Iohanni, qui recubuit super pectus, sed præsumo post Iohannem & stationem habere, & castra nostra ponere. Habeat ut dignum est IESVS cum patre suo & spiritu primam in te sessionem: habeat virgo secundam; habeant sancti in ordine suo tertiam. De incolis autem terre M. Iohannes primam, ego si placet secundam; aliis quibuscumque non invidio tertiam, & deinceps. De his hactenus. Si medicus essem, & medicinam qua repellerem infirmitatem tuam nosses, omnimodam curam adhiberem. Quia vero id non possum, facio quod possum. Mitto tibi species qualescunque nostras: utinam in nomine IESV eis mandate possem effectum salutis & sanitatis.

¶ D. RICHARDO] Canonico regulari, fratique, ut dictum est, Iohannis Saresburiensis, ad cuius nomen & suum, hoc est Petri, alludit.

EPISTOLA XVII.

Abbati de maiori Silva.

Quod me semel vestris sanctis commendaui orationibus, & vice mutua nostras qualescunque orationes repromisi, huic congratulor contractui, & perpetuandum totis viribus exopto. Scintillas in litteris vestris excalescentes & recalentes huius nostri mutui amoris cum multa lætitia excepi, & tanquam de sacro altari igne hausto tharibulum propriæ conscientie replens, deuotionum nostratum incensa pro ut potui adhibui. Scit Deus & dominus scientiarum, quod de propriis nihil præsumens meritis, & orationibus amicorum intercessionibus, ad illum qui adhuc longè agit legatione fungentes, securus mitto, nec aliquatenus vacuas redire spero. Iuxta itaque fidem meam vnus de mediatoribus & reconciliatoribus meæ fragilitatis ad illum qui sedet in throno gratiæ accedatis, & copiosam de plenitudine gratiarum benedictionem infelici & misero peccatori referatis. Ceterum pro Priore de Nouis valde familiari & amico nostro, vestro autem fidelissimo, paternitatem vestram supplex deprecor, quatinus sicut cœpistis paterno foueatis gremio, nec aliquid aliquando sinistri de illo suspicemini. Quod enim quasi contumaciter onus Abbatie recusauit, non de proteruitate, aut elatione, siue inobedientia processit. Venas quidem susurrij de sacratissimo pectoris vestri arcano suscepit, quod de facili indulgentiam vestram habiturus esset, si potius eligeret in potestate vestra & monachus vester remanere, quàm si emancipationem & Abbatiam appeteret. Valete.

EPISTOLA XVIII.

a Priori Cantuariensi.

Lvgdunensem Archiepiscopum nobis aliquando scripsisse de reuelatione pretiosæ mortis sancti & gloriosi martyris Thomæ non teneo. Audiui quidem, sed à quo audierim mente excidit. Nolui ergo certa pro in-

EPISTOLARVM LIB. VI.

123

certis scribere. Superflua enim sunt impendia lucernæ, ubi sol meridianus lucet in virtute sua, & denigrat maiestatem verorum, admixtum modicum fermenti mendacij & falsitatis. Credo enim magis laborandum, ut plura demantur miracula, quæ mera veritate fulciuntur in gloria Dei & præfati martyris, quàm ut aliqua furtiua & emendicata supponantur. Omni supplicatione & postulatione tam vos, quàm omnes, qui posteris tradituri estis memoriam mirabilium vestri & nostri Martyris exoro, ut nihil nisi septemplex examinatum, purgatum, & colatum fidelissima veritate scribatur de eo, vel de miraculis eius. De monacho Montis Dei, nomine Gaufrido, refero quæ veraciter facta partim ab ipso, plenius à quodam monacho nostro, qui tunc temporis ibi scribebat, audiui. Fortè ab Anglia charta miraculorum sancti Thomæ ad nos deuenerat, & à nobis ad fratres de Monte Dei. Iam dictus frater turgidus & inflatus toto corpore, ut verè hydropicus, celam egredi non poterat. Accepta itaque cum fide & invocatione sancti nominis charta, tetigit pedes suos, & tibias, & totum corpus suum de ipsa, & in tantum conuolauit ut paruo tempore interposito ad Ecclesiam, & ad officia sua, non tamen ex toto curatus, rediret. Addo miraculum plus jocundum, quàm vtile. In capella nostra libellus, qui legitur in capitulo de natalitiis Sanctorum, & de recordatione defunctorum nostrorum, nescio quis fortè furatus est. Altera die cum flagitarem more solito legi lectionem ex ipso libro, turbatis Capellanis non est inuentus libellus. Cùm vero de negligentia & de incuria malæ custodiæ eisdem Capellanos increparem, vnus eorum, nomine Robertus Anglicus, qui frequenter missam ad altare, in quo reliquiæ sancti Thomæ continentur, celebrabat, in hanc vocem prorupit. Certè nunquam credam Thomam esse sanctum, nisi reddiderit nostrum libellum. Ferè post mensem, redditus est nobis liber. Si hoc miraculum est, istud verum esse confirmo. Valete. Sanctum conuentum, & M. Iohannem salutate.

^a PRIORI CANTVARIENSI] Huic antè scripsit epist. ix. Quod de mortis B. Thomæ reuelatione initio epistolæ ait, eo spectare videtur, quod à multis proditum est, atque in litteris Vvillelmi Archiepiscopi Senonensis ad Alexandrum Papam legitur his verbis: *Dicitur namque & constanter asseritur, post passionem suam multis apparuisse in visu, quibus perhibet se non mortuum esse, sed viuere, & non vulnera, sed vulnerum tantum cicatrices ostendit.* De miraculorum autem fama, quæ B. Martyris oeculum mox secuta est, in litteris Ludouici regis ad Alexandrum eundem: *Et ecce ad tumulum agonistæ, ut reuelatum est nobis, diuina in miraculis reuelatur gratia, & diuinitus demonstratur, ubi humatus requiescit, pro cuius nomine decertauit.*

EPISTOLA XIX.

Abbate Siluæ maioris, Petrus Abbas S. Remigij.

IAm in itinere posuerant pedem Priores vestri, ut ad vos venirent, cùm valefacientes nos, dixerunt quid humilitas nostra remanderet paternitati vestræ. Cœpi vrgeri, vtrum in tanta festinatione nudo verbo, an qualicunque scripto salutare vos deberem. Impetrato tamen breuissimo spatio cucurri da scriptorem, nihil excogitatum, nihil premeditatum, nihil emendi-

Qij

catur quærens: sed sicut in ore nostro & in manu scriptoris accurrebant verba, sic ea incondita litteris mandavi. Nec etenim aliorum thesauros, nec nostros pauperes angulos euoluere poteram. Verbum illud, quod prope est in ore & in corde, non fuit necesse diu quærere, hoc est verbum dilectionis, verbum salutationis. Semper enim stat in ianuis, & omni transeunti occurrit quod diligam vos, & quod vester totus sum, & de orationibus vestris apud Deum plurimum confido. Scio sine dubio ad iudicium me properare, ubi sola veritas locum habebit: sed nolo ut sola iustitia sine misericordia portas iudicij præripiat. Ad fugam enim potius me præpararem si possem, quàm ad talem curiam, in qua malo suo merito omnis homo condemnaretur, & nullus nisi misericordia suas partes interponeret, saluaretur. Credo vos aliquid posse apud misericordem, & iustum iudicem, siue præire siue sequi vos contingat causam nostram. Dedit enim apud se fideles suos multum posse, qui fideles fecit, & ianuam suæ amicitiae illis aperuit. Sit ergo fiduciæ meæ spes certa, non præsumptio vana, quod de Dei misericordia confido, & de intercessionem vestra. De his hæcenus. Priores vestros amicos nostros, precipuè Noruientem, & de Bella valle, & S. Pauli, affectuosius vobis commendo, & ut eosdem ad nos remittatis cum bona gratia, imploro. Valete.

EPISTOLA XX.

Domino Richardo regulari Canonico, Petrus Abbas sancti Remigij.

Præsentium lator bene vobis notus, viua voce quæ apud nos geruntur poterit referre, atque ideo parcius volumus scribere. Vna enim littera, non atramento sed spiritui Dei scripta in corde nostro & vestro, amplius sufficit quàm multa librorum congeries, quæ est vera & firma caritas. Hæc non delebitur in diluuium aquarum multarum: quia aquæ multæ non poterunt extinguere caritatem. Hæc nullo incisore sollicitudinum, siue occupationum radetur: hæc nullo igne tribulationum & malorum conflabit. Caritas enim nostra nunquam excidit. Hanc legere potestis sine sole in die, sine lucerna in nocte. Hanc oro ut legatis, cum sanctis altaribus assistitis, & in conspectu Angelorum atque omnium cœlestium virtutum. Lectio ista sine *Tu autem* continuetur. Nullum in auribus Domini sabaoth strepitum faciet. Non à quiete sua Christus excutitur sonitu huius lectionis, non interruptitur silentium cœli, non excitatur sponsa illa, quæ habens inter vbera sponsum, læuam ipsius sponsi sub capite, & dexteram in amplexu habet. Valete.

EPISTOLA XXI.

a Priori Vnigornensi.

Rerum & temporum varietas, quæ nos vbique & vndique circumuallat, non finit nos stabili gradu in eodem stare, aliquando quidem nostro, aliquando alterius vitio. Nam cum in eodem proposito volentes stare pe-

EPISTOLARVM LIB. VI.

125

dem figimus, frequenter irruit, & occupat propositum stabilitatis nostræ, decursus & incurtus instabilitatis alienæ. Inde est, carissime amice, quod contra propositum & voluntatem cordis vestri, fratrem P. Priorem de Lappee cogimur amouere. Totiens siquidem rumores malos de Prioratu illo accipimus, quotiens transmarinos de illis partibus hospites suscipimus, Claustrales & ministeriales vno impetu concitati clamant perire domum, Prioratum ad nihilum redigi, & in summa iam paupertate detineri. Quid ultra? Nullum ibi monachum esse, solum Priorem semiuivum palpitare. Mittimus itaque à latere nostro fratrem Absalonem, cuius industriam in multis experti sumus, & cuius studio, si ei gratia Dei affuerit, ruinas illas reparandas & in melius commutandas speramus. Commendamus ergo illum vobis, ut consilio & auxilio vestro fultus, ad honorem Dei, & animæ suæ salutem, ac Ecclesiæ nostræ utilitatem, valeat commissâ sibi strenuè adimplere. Valete.

A PRIORI VVIGORNENSI] Radulfo, ad quem Saresberienfis epist. ccv. & noster lib. vii. epist. ix. in qua & sequentibus duabus iterum agit de Lappeenfi S. Remigij Prioratu in Anglia.

EPISTOLA XII.

Petrus Abbas S. Remigij a Monacho de Reddinges.

Litteras vestræ amicitiae ad manum non habebam, cum nata occasione vobis scribere decreui. Frater enim vester magister Vuillelmus secum eas asportauerat. Tenorem quoque illarum non bene memoriæ commendaueram; unde nec recapitulare potui, quæ præcipua & digna erant, siue responsione, siue præconio laudis. Tenuissimè siquidem reminiscor, quia tanquam in opaca sylva, tam sensuum quàm verborum grandis in eis præiacebat materia, de qua sapientia excidens columnas septem, domum Salomonis, siue templum domini posset construere. Itaque factus tanquam vir, qui præ inopia racemos colligit in autumno, non mihi occurrit, quod vellem præstare amico venienti de via, vel animæ esurienti, magis ex copia quàm ex inopia. Equidem non ignoro patere vobis spatiosa illa deambulatoria, vbi omnia ligna paradisi, vbi vitis abundans in lateribus domus Dei, vbi promptuaria eructantia ex hoc in illud, vbi deliciae deliciarum, vbi cantica omnium lætantium de sponsi præsentia & sponsæ magnificentia. Puto namque pectore quid iocundius, quid ditius, quid appetibilius? Ibi Deus, ibi Angelus, ibi virtus, ibi iuge conuiuium, ibi solemnitas solemnitatum, ibi mensa refectionis, ibi somnus quietissimæ pausationis. Potiora sunt quæ ibi præsentuntur, quàm ea quæ dicuntur. Sic enim in Psalmo loquitur talis conscientia: *Non est sermo in lingua mea*, id est, quæ corde sentio, ore non profero. Sic de vobis sentire mihi persuadet fama publica, sic testatur conuersatio sancta, & integra atque inuiolabilis propositi obferuatio, quàm fortiùs tenetis proficiendo, quàm inchoaueritis arripiendo. Contra faciunt, qui cum spiritu cœperint, carne consummantur. Panes no-

Psal.
cxxxix.
4.

Q iij

stros, si tamen nostros, libenter comeditis, & scripta nostra sublimiori honore quam decet excipitis. Nunquam enim de tam immundo vase emanat aqua digna ad forbendum, vel de tam furfureo & cinereo clibano mundus egreditur panis. Dilectio tamen, quæ cinerem tanquam panem manducat, in vobis abundans, vilia quæque amici pretiosa reputat, & pallio honestiori ignobilia nostra circumuenustat. Sed utinam limâ correctionis vestræ omnia scripta nostra explanata essent & emendata.

^a MONACHO DE REDDINGES] Ordinis Cluniacensis. Radingense in Angliam monasterium inter Kenetam & Tamisium fluuios ab Henrico primo rege collocatum; Cluniacensibusque monachis traditum docet Malmesburiensis lib. v. de gestis regum Anglorum.

EPISTOLA XXIII.

Petrus S. Remigij a Nicolao Monacho S. Albani.

VAcui & vacantis animi esset, singulis quæ in literis tuis sunt recapitulatis, singillatim ad verbum respondere. Summam itaque responsum mearum constringens, & potioribus epistolæ tuis dictis adstringens, pacis & bonæ patientiæ pactum prius hinc inde interpono, ne quis nostrum cuiuslibet commotionis scintillâ pro quolibet verbo aduratur vel inflammetur. Sola mihi sancti Bernardi iniuria donetur, & quæcumque & vnde cumque vis iacula conglomerata, siue ut meam rusticitatem confundas, siue ut de sensu meo vilissimas sententiarum quisquilias excutias; siue ut thesauros tuos homini pauperi aperias, siue ut nescientem doceas, & sensus tuos fortissimis assertionum repagulis stabilias. Aggredior igitur phantasmata tua, lenocinantia quidem pulcritudinis specie, sed titubantia stabilis fundamenti egestate. Quicquid enim scripturæ basibus auctoritatum non supportatur, nullius roboris stabilitate fulcitur. Nec indignetur Anglica leuitas, si ea solidior sit Gallica maturitas. Insula enim est circumfusa aqua, vnde huius elementi propriæ qualitate eius incolæ non immerito afficiuntur, & nimia mobilitate in tenuissimas & subtiles phantasias frequenter transferuntur, somnia sua visionibus comparantes, ne dicam præferentes. Et quæ culpa naturæ, si talis est natura terræ? Certè expertus sum somniatores plus esse Anglicos, quam Gallos. Cerebrum namque humidius fumositatem stomachi citius inuoluitur, & quaslibet imagines in se ipso depingit, quæ ab animali virtute utcumque spiritali deferuntur, & ex occupatione omnium, tam naturalium quam animalium, seu spiritalium virtutum, infra iudicii veritatem confinguntur, ut phantasmata seu somnia appellentur. Non sic cauernosa, non sic aquatica Gallia, ubi sunt montes lapidei, ubi ferrum nascitur, ubi terra suo pondere grauatur. Quid ergo? non citò à suo sensu mouentur, & veritatis autoritatibus tenaciùs innituntur. *Mens est, inquit, Dominus, Galaad, id est, acerrimus testimonij, & in ore duorum aut trium testium stabit omne verbum.* Leue est ergo omne verbum, quod neque testimonio solidum, neque autoritate verum est. Nec est alicuius momenti quicquid humani sensus ingeniosa fornax commentata fuerit, si

Psal.
LIX. 7.
Matth.
XVIII.
16.

examine careat veritatis. Pondus siquidem sanctuarij, quo tam merita quàm pramia Angelorum & hominum appenduntur, clausura dispensabili penes veritatem in arca iustitiæ perpetua reconditur custodia. Vagatur itaque vanis evolationibus per aëra, qui nullius auctoritatis fundamento affixus, arundinea volubilitate & mobilitate circumagitur, & hospes testamentorum Dei nullis detinetur certis mansionibus. Mira virtus veritatis, quæ aduersarios deprehendit nolentes & nescientes in astutia sua. Fugitivos namque suos frequenter vrget ad laqueos ineuitabilis conclusionis, vt capiantur & illaqueentur sermonibus suis, dum inuiti vera loquuntur, & quod non sentiunt corde, exprimunt ore. Inde est, frater Nicolae, quod ridendo verum dixisti, cum me fixum, te mobilem scripsisti. Me petram vocasti, & concedo, si pro constantia, non pro duritia intellexisti. Sum quidem naturâ, professione, & iam ætate ac voluntate, sicut nomine Petrus, petrinus, radicans, & fundatus in montibus sanctarum auctoritatum, & in medio petrarum, vbi mater Ecclesia nidificat in foraminibus petræ, & in cauernis maceriæ. Hinc non exeo, nisi ad vocem rotarum, quæ in se habent spiritum vitæ, & stant ac mouentur, tanquam volubiles cum animalibus senas alas habentibus & oculos antè & retro. Securus sequor, quia facies leonis præcedit, ne aliquid noceat: facies hominis, ne aliquid decipiat: facies vituli, ne vanitatis aliquid interueniat: facies aquilæ, ne aliquid dubietatis remaneat, vel tarditatis præpediat. Regula veritatis tornauit rotas istas in circino & orbe veritatis æternæ: quæ de mente diuina procedens tantæ apud Deum maiestatis est, vt in summo vertice lucis inhabitabilis resideat, tantæ auctoritatis, vt nullius ditioni subiaceat tantæ maturitatis, vt nunquam vultum deificum deponat, tantæ certitudinis, vt nulla mutatio aut vicissitudinis obumbratio in ea incurrat, tantæ seueritatis, vt nec Lucifero peccanti in cœlis locum relinquat, nec homini à Verbo assumpto petenti, *si possibile est transeat à me calix iste*, crucem & mortem remittat. Hæc æterno tramite stelliferas deambulans regiones, imbrem matutinum & serotinum distillauit, & sublunarem regionem arentem mediante nube virginea, riuis de sanguine & doctrina illum perpetuis irrorauit. Collactanea eius misericordia, saluo iure priuilegij inuiolabilis, leges mitiores & iura tolerabiliora ab ea impetrauit: quatinus peccatorum remissionem & exilij releuationem speraret, qui in regno veritatis correctis erroribus & emendatis moribus viueret. Neutra tamen fororum istarum adulationum lenocinia admittit: quin potius tanquam fila araneorum vehementissimo turbine corrumpit, & tunicam inconsutilem, tam illi quàm matri eius, fidei textura componit. Bone amice, quid facit stuppa, vbi de auro, hiacyntho, purpura, cocco bis tincto, & bysso retorta sacerdotalis contextitur vestis, & cœlo, sole, ac luna pretiosior & purior summo sacerdoti aptatur cidaris? Prorsus nihil ad nos, nihil ad Angelos dignius & melius de omnibus thesauris suis protulit æterna Trinitas, quàm templum virginale, & holocaustum, quod ad immolandum ex eo traxit & extraxit, Verbum Deo patri coæternum & consubstantiale. Sic corde credo, sic ore confiteor. Nonne & tu? Immo vehementiùs, ne dicam immoderatiùs tu. Totum te expendis in laude Vir-

Matt.

xxvi.

29.

ginis, & ego quid? Impendo planè, & expendo, & superimpendo. Tu contendis honorare conceptionem, & ego prædestinationem, ac totam eius retro progeniem. Tu rosam, ego etiam spinam. Tu florem & fructum, ego corticem & folium. Tu apparentia, ego latentia. Tu farinam, ego fufurem. Tu panem, ego cinerem, Tu solium, ego scabellum. Tu substantiam, ego picturam. Si cursum eius fas esset distinguere, & sequestrare in mente diuina à collegio cunctorum creatorum, mitterem animam ab initio prædestinationis, vt sequeretur adorando, sancta & suprema veneratione colendo eius vestigia. Repetenda tibi, immo noua & longa expetenda peregrinatio, non ad sanctum Thomam Archiepiscopum in Anglia, sed ad sanctum Thomam Apostolum in India, quia semper interero conuenticulis, vbi Dominæ nostræ digna celebratur commemoratio, siue nominetur Conceptio, siue Natiuitas, siue Assumptio, siue alia quæcunque veneratio. Cum ergo vnâ gradiamur viâ, quid ad rem si diuersa sit semita? Tu sinistram tenes semitam, quare murmuras si ego teneo dexteram: Si tua tibi displicet semita, quia & larga & caritatiua est nostra, cedo: & concedo tibi locum iuxta me. Prouerbum est, Non sunt dimittendæ veteres viæ propter nouas. Quis sanctorum, quis antiquorum non ambulauit semitam nostram? Credo & verè fateor, si in hoc errassent, & hoc eis Deus reuelasset. Quibus enim sua tam familiariter reuelauit consilia, vt etiam ad supplementum Euangeliorum, Epistolarum, & prophetarum, perpetua stabilitate canones & decreta statuerint pari pene obseruantia tenenda cum Euangelio, hoc solum eis tacuisset, si periculosum esset? Sed forte dices mihi. Audesne tu qualiscumque Abbas occludere puteos semper continuandæ deuotionis, & profundius quotidie fodiendæ venerationis? Nonne eodem spiritu potantur moderni, quo & antiqui? Nonne, vt ait Hieronymus, in templo Dei quisque pro vili portione offert, alius aurum, alius argentum, alius lapides pretiosos, alius, vt ad viliora veniamus, pilos caprarum, & cætera? Non erat ab initio Natiuitas Virginis in Ecclesia solemnitas, sed crescente fidelium deuotione, addita est præclaris Ecclesiæ solemnitatibus. Quare igitur non similiter & diem Conceptionis obtimeat sedulitas Christianæ deuotionis? Ad quod ego: Cataractas cæli & fontes abyssi libentiùs in obsequium Virginis soluerem, quàm clauderem: & si filius eius Iesus aliquid omisisset in prærogatiua exaltationis suæ matris, ego seruus, ego mancipium, non quidem de effectu, sed saltem affectu supplere gestirem. Mallem certè non habere linguam, quàm aliquid dicere contra Dominam nostram. Ante eligerem non habere animam, quàm vellem eius extenuare gloriam. Licuit quoque, semperque licebit, sponsam Christi Ecclesiam, quæ in terris peregrinatur, secundum mutationes rerum, personarum, & temporum, variare rationes decretorum, & noua adinuenire medicamina remediorum; & statuere sanctis adeptione gloriæ frequentiam solemnitatum. Est tamen auro locus in quo conflatur, & habet argentum venarum suarum principia, sedem Petri & curiam Romanam, quæ claus cæli principaliter tenet: & clausura consiliorum Dei reuerata dispensante Deo, vnguentum gratiæ à capite vsque in oram vestimenti habet complere.

pluere. Hæc sedes Petri, id est petra, in qua Moyses refidet, videlicet lex Dei immaculata conuertens animas, fragosa quæque hereticorum conciliabula elidit & allidit, profanas vocum nouitates refecat & rescindit, superflua confodit & iugulat, hiantia & ecliptica complet & illustrat. Vtinam salua veritatis auctoritate, lance communis Concilij, hæc domina & moderatrix totius Christianitatis, Conceptionem Virginis librasset & approbasset, & à mari vsque ad mare hanc propagasset. Sole, id est, Apostolico, ac Luna, id est curia Romana præeunte: tam securè, quàm expedite, in lumine vultus eorum gressus meos ponerem & disponerem, ex hoc videns vitare lubricum, & lequi solidum & securum. Nihil in Ecclesia pessimius præsumptione erronea, nihil stultius præsumptione temeraria, nihil odibilis præsumptione noxia. Vtuncque verò tolerabilis præsumptio pia, sed non satis probabilis. Abstinere certè ab omni præsumptione volo: gradatim tamen seruatis distinctionibus præmissis secundum magis & minus. Iam destituissem vltra de præiacenti materia scribere, non condemnans errorem tuum, si error dicendus est, qui de pietate venit, nec me opponens gloriosissimæ Domine nostræ, cuius non solum terram, sed & puluerem lingere summas diuitias reputo: præcipue cum in calculo epistolæ tuæ afferas, nullatenus te posse moueri ab eo quod scripsisti dicens, quod dixi, dixi, quod scripsi scripsi: nisi lapidem offensionis & petram scandali in eadem epistola tua coniecisses. Dicis, Domine nostræ animam non solum in passione filij gladio transfixam, sed etiam in conceptionis suæ contradictione. Hic bonus dormitauit Homerus. Bone magister, nunquid non mea & tua Domina super choros Angelorum exaltata, sic omni plena & circumfusa est gloria Patris, & Filij, & Spiritus sancti, & sanctorum Angelorum, vt nullatenus nostris indigeat obsequiis, nostris neque violetur aut molestetur negligentis, quantum ad se, neque melioretur beneficiis? Esto, nostra placent ei obsequia, nunquid passibilis adhuc est eius anima? Fides supplet irrefragabilem conclusionem, vt vera impassibilitas & immortalitas nullas admittat molestias, ne ad supera transeant faeces malorum, quæ inferos exercent pro pœna peccatorum. Hic lapis est offensionis. Petra verò scandali est, quod beatissimum Bernardum debita exuis veneratione, & verborum iacula post eum emittis, tanquam famam eius possis extenuare, vel gloriam euacuare. Bona fide qua te diligo, & fidelissima caritate laudo, consulo, & rogo, ne amplius in cælum ponas os tuum: quia nisi caueris tibi, in caput tuum recasurus est lapis quo ferreum vis penetrare cælum. An excidit à mente tua omni Sancto competere, *flagellum non appropinquabit tabernaculo tuo*? Super quem certè ceciderit lapis iste incautè missus, conteret eum. Subrides, & fortè nondum correctas labia mordes, Quæ inquit huius Bernardi sanctitas, quæ religio, quæ meritorum prærogatiua? Nullus sum ego ad illius sancta præconia referre. * Vita eius, * f. re-
ma eius, opera, scripta, miracula, fides, spes, caritas, castitas, abstinencia, feren-
mortificatio demum in membris eius, sermo, vultus, habitus, & gestus da.
eius, & his similia, ipsa sunt quæ testimonium perhibent de eo. Præter-
mitto ista omnia, si nondum emolliri cor tuum potuit: vnum est, in quo

Psal.
xc. 10.

R

clavis in altum defixis arbitror me te apprehensurum, & in amorem sancti Bernardi liquefacturum. Alumnus enim familiarissimus fuit Dominae nostrae, cui non vnam tantum basilicam, sed totius ordinis Cisterciensis basilicas dedicauit, ad cuius laudem politissimos tractatus & facundos composuit. Si ergo potes tangere pupillam oculi Dominae nostrae, scribe contra Bernardum suum, cui loquitur ipsa, *Qui tangit te, quasi qui tangit pupillam oculi mei.* Cisterciensium quoque nugae nescio, quos praeter aliis mortalibus seriis & sine fine mansuris intendere video. Hi sunt, qui monetam nostri iam in agonia positi ordinis reformauerunt. Hi sunt, qui regulam beati Benedicti pene combustam, sicut Esdras veterem legem, restaurauerunt. Hi cum Apostolo Corinthiis, id est agricolis & rusticis saecularibus onerosi non sunt: sed propriis manibus laborantes, se & alios pauperes pro posse exhibent. Claustra illorum castra Dei sunt, ubi nocte in psalmis & orationibus parati sunt suscitare Leviathan, qui sub umbra dormit in locis humentibus, & in die in agro Iericho principi militiae occurrunt, qui tenet gladium bis acutum, ut superflua resecat cogitationum & operationum. Quærent ergo cum Iosue dicentes, *Noster es, ad aduersariorum?* Vtilis quaestio, & inestimabilis solutio, utrum Deus pro nobis, an contra nos. Si autem contra nos, quis pro nobis? Ampliorem prouocat amorem, si pro nobis: sollicitudinem & timorem, si contra nos. Ponamus itaque animam nostram in manibus nostris, si contra nos: quia & si horrendum incidere in manus Dei post saeculum, melius est tamen incidere in hoc saeculo propitiabili, quam in manus demonum. Dicamus itaque cum Iob, *Etiam si occiderit me, in ipso sperabo.* Hæ sunt nugae Cisterciensium. Statera tua in hoc etiam videtur mentiri, aut inæqualitate ponderis, aut iniquitate moderantis, fortè plus labiorum non bona distinctione, quam sensus falsitate, quoddam dicis, Virgo singularis vicit omne peccatum, non omne debellando, sed nullum prorsus sentiendo. Sta hic, frater, tene aciem, infige radiis solis amici intentionem, ut discas Virginem nondum matrem & Virginem iam matrem. Attendas domum sapientiae inchoatam, & iam consummatam, distinguas lanam de prima gratia candidam, & purpuram de secunda sanguine conchylii tinctam: diuidas vellus non complutum imprægnatione, & vellus madefactum incarnatione. Qua enim ratione de ipsa in Ecclesia cantaretur, *Qua est ista, qua ascendit quasi aurora consurgens,* utique in natiuitate, *pulchra ut luna,* in sancta conuersatione, *electa ut sol,* diuina conceptione, *terribilis ut castrorum acies ordinata,* caelesti exaltatione seu assumptione, si nullus ei virtutum fuisset profectus & prouectus? Si ab hora conceptionis nulla cum carne aut cum hoste concertatio superfuisset causa merendi, plurimum dispendium sustinisset, cum de ea dictum sit, quia plus est meritis & non natura, quam virgo & homo. Concedo & credo siquidem, quoddam saeva libidinis incentiua Deo praeteroperante nunquam senserit, vel ad modicum: cætera verò impedimenta humanæ fragilitatis, quæ naturali origine, siue scaturigine, de natura procedunt, ante diuinam conceptionem sentire potuit, sed nullatenus consensit. Et praeterueniente siquidem gratia, & in virgine sua praeludia habente, fomes peccati anhelan-

Zacch.
11. 8.

Ios. v.
13.

Iob.
xiii. 15.

Cant.
vi. 9.

do extremum spiritum trahebat, solum sepulcrum ei supererat, donec veniens Spiritus sanctus defunctum perpetuae sepulturae mandauit, & serpentem antiquum suo gladio iugulauit. Dictum namque fuerat, *inimicitias Gen. 111. 15.*
ponam inter te & mulierem, & semen tuum & semen illius. Vnde Hieronymus: Et si ceterae virgines imitantur illam usque ad conceptum partus, & Gabrielis nouae salutationis obsequium, deinceps totum diuinum est, quod operatur in ea, teste Angelo, quia Spiritu sancto & virtute altissimi obumbratur. Ante hoc ipsum sanè vterus virginis quamuis mundus, quamuis impollutus, & alienus à contagione peccati, quamuis sanctus, tamen adhuc vilitate humanitatis induitur, vt ita dicam, ac si lana candidissima, suique coloris dealbata. Ad quam sanè cum accessit Spiritus sanctus, quasi ipsa eademque lana, cum inficitur sanguine conchylij, vel muricis, vertitur in purpuram, versa est & ipsa sine coitu in matrem, vt non sit iam admodum quod fuerat, sed purpura veracissima ad indumentum & gloriam summi regis diuinitus aptissime dedicata, vt nulli deinceps ea vti vsu foemineo licuerit, nisi Deo. Post conceptum itaque suum meruit crystallinam soliditatem, quae ante gratiae plenitudinem non exuerat teneritudinem, sed puram, sed sanctam, sed immaculatam, quae consensu vti nullatenus potuit, & si aliquatenus admota tentatione percelli potuit, non ad lésionem, sed ad probationem, non ad mortificationem conscientiae, sed ad confirmationem gratiae, & ostensionem constantiae. Vt quid enim tanta virtus latitans obdormiret? vt quid tanta gratia fructum non faciens praeter consuetudinem suam vacaret? vt quid denique tanta gloria matris Domini carnem domando, hostem debellando, peccatum ex omni parte vincendo, toti mundo non se manifestaret? Tolle pugnam, tolles & victoriam. Tolle victoriam, tolles & coronam. Tolle coronam, tolles & gloriam. Ne ergo demas gloriam, noli subtrahere pugnam: quia *non coronabitur, nisi qui legitime pugnaverit.* Si rectè offeras, & rectè diuidas. Quid est igitur, Virgo singularis omne peccatum vicit, non omne debellando, sed nullum prorsus sentiendo? Quam victricem appellas, debellatricem appellare cur formidas? An times eam debellare in bello, quam non potes dicere vincere nisi in praelio, aut sine praelio? Segnior est si qua est victoria sine praelio, fortior quae in praelio. Ad ampliorem itaque gloriam, assero Dominam nostram peccatum omne vicisse, & debellasse. Addis, Non omne debellando, sed nullum prorsus sentiendo. Hic si distinxisses, non peccasses. Multiformiter enim peccatum sentitur. Aliquando cum peccato, aliquando sine peccato. Quod in praesenti occurrit, sentio peccatum aliquando tanquam ignem, aliquando tanquam picem, aliquando tanquam lapidem, aliquando tanquam aërem. Ignem generat delectatio, picem consensus vel ipsa perpetratio: lapidem consuetudo, vel obstinatio, aërem serpentis sibilatio, quae Virginis nostrae fores potuit pulsare, sed non penetrare. Hortus enim erat conclusus, an non eadem Domina potuit calcare super serpentes & scorpiones, ita quod nil illam noceret? Re itaque integra potuit hoc modo sentire peccatum, non autem consentire peccato. Potuit debellare omne peccatum sine vulnere, sine pudore, sine silentii sui con-

2. Tim.

11. 5.

R ij

cussione, sine futuri partus violatione. De proposita quaestione, Deus cum omnia possit, non potest de corrupta virgine facere incorruptam: valet quidem liberare à pœna, sed non valet coronare corruptam. Utinam vim intelligerem verbi, & sensum tenerem Hieronymi! Procul dubio neque malignè reponderem, neque auarè communicarem. Ab eo igitur imploranda solutio, qui dignus inuentus est soluere signacula septem libri signati. In epistola tamen Hieronymi aliter dicitur: Audenter, inquit, loquor: cum omnia possit Deus, virginem post ruinam suscitare non potest, & car. Recurrendum proinde est ad materiam locutionis, & ad intentionem loquentis. De obseruanda virginitate & cauenda corruptione tractabatur. Exaudiuit ergo, & ad praconium virginitatis eloquium suum Hieronymus inflammavit, venas susurrij sui infra Dei potentiae & virginitatis gloriae venas subinferens, & velut munditiam virginitatis rebus creatis omnibus praeferens: ut facilius sit Deo caelum novum & terram novam, & omnem creaturae defectum reparare, quam virginitatem semel lapsam in priorem statum refigurare. Hoc, inquam, vnicum suae imaginis & similitudinis signaculum animae de caelo impressit, contestatus in mandatis, ut hoc fidele depositum praeter aliis omnibus omni diligentia seruaret, & tanquam irreparabile damnum intra medullas suas à latronibus & ab omni casu consignaret. Nil in possessione felicius, & Deo similis, in amissione nil miserius, & Deo dissimilius. Ut ergo tam egregium & singulare beneficium non negligeretur, durissima conditio apponitur, ut quodammodo ad id refarciendum damnum Deus infirmetur, non de potestate, sed de dispensatione. Si enim potentia eius simpliciter attendatur, & à pœna valet liberare, & quae fuerit aliquando corrupta tanquam incorruptam coronare. Si ad dispensationem & constitutionem aeternis legibus fixam & inuariabilem, non valet: quia nihil contra seipsum valet, id est velle potest, vel debet. Cum enim simplicissima sit naturae Deus, de ipso tamen secundum usum nostrae locutionis improprie loquimur, dicendo eum aliquid posse, vel non posse, aliquid nosse vel non nosse, aliquid velle vel nolle. Quasi igitur in Deo parturiente in misericordia ad redintegrandum fractum virginitatis signaculum, obstetricando, immo obstando, iustitia decretorum suorum ostia ventris claudit, & ne de vulua egrediatur, aut genibus excipiat, aut vberibus lactetur, abortum facit, ne de corrupta incorrupta iterato pariatur: sicut de baptismo legitur, *Nunquid, ait Dominus, homo cum sit senex potest in ventrem matris suae iterato introire & renasci?* Vicaria denique vicissitudine iustitia in partu suo, refellente misericordia, non dissimiliter periclitatur, cum volens vituli fabricatores delere, ait Moysi, *Dimitte me ut deleam multitudinem hanc, faciamque te in gentem magnam.* At Moyses gladium diuinæ animaduersionis tenens, & in vaginam mansuetudinis solitae refringens respondit: *Aut dimitte eis hanc noxam, aut dele me de libro quem scripsisti.* Sic quasi quod voluit Deus non valuit, propitiabilis se inclinans serui fidelis amicitiae, quam ingratis populi genuissimae culpa. Et notandum, quia triplex est corruptio, aut corporis tantum, aut animi tantum, aut simul corporis & animi. De prima dicit Hieronymus: finge

Ioan.
III. 4.

Exod.
XXXII.
10.

EPISTOLARVM LIB. VI.

133

tempore persecutionis aliquam virginem protitutam : corrupta est in lege, incorrupta in Euangelio. De secunda Apostolus, *Timeo ne sicut serpens seduxit Euam astutia sua, ita corrumpantur sensus vestri à simplicitate fidei.* De tertia idem Apostolus: *Templum Dei sanctum est, quod estis vos. Si quis templum Dei violauerit, disperdet illum Deus.* A nullo tamen genere corrupta mundatur, nisi Deus misereatur & ipsa mereatur. Si autem tanquam vasculi sui fracturam quacunque manus tornatiles refarcire voluerint, poteritne plus negligentia, vel impotentia, quàm Dei omnipotentia? Absit. Sanè id solum non potest Deus, quod se non posse vult. Quis infinitæ detrahet potentia, etiam voluntate corruptam mutata voluntate posse facere, si voluerit, incorruptam, aut coronare tanquam incorruptam? Dictum est ergo non pro diminutione diuinæ potentia, sed pro commendatione sanctissimæ pudicitia, Deus non valet, id est non vult, post ruinam coronare corruptam. Hæc spica de agro Booz sorti nostræ obuenit, salus messorum grandiusculis aceruis. Extremam apponimus manum ad Sansonis nostri problemata multis syndonibus inuoluta, neque paruo pretio resignanda. Habeant, inquit, Galli de Anglica quæstione quod ruminent, & Angli de Gallicano hausto quod pitissent. Sicut enim potus est Dagon Angliæ, sic Baal est cibus Galliæ. Malus potus, malus cibus, mala inebriatio, mala ructatio. Singulum horum suis cultoribus patrat gehennam. Quam ergo simul inferrent pœnam? Si de refragatione conceptionis agis, aut de impossibilitate reparandæ corruptionis, fornace & sufflatorio utcunque sufficiente, capita & membra omnia idolorum frustratim comminuta, atque in puluerem conflata, siue in cibum, siue in potum, ab Anglis & Gallis iam iam absumi possunt. An itaque sitis Anglica & fames Gallica refectæ tali cibo & potu conquescent? Non credo: quia & sitis perpetua, & nostra fames continua. Furemur autem per disciplinam, & consemus per abstinentiam, quod superfluum est in cibo & potu, tanquam idolum patris nostri Adæ, quod de ligno scientiæ boni & mali confectum est, vnde ipse & Eva saturati, dimiserunt reliquias paruulis suis, quas forte missa diuiserunt inter se Angli & Galli, ut illi humidioribus resolverentur, isti solidioribus suffocarentur. Nisi vera scriberem, meum Confiteor dicerem. Attamen quia veritas odium parit, digito compesco labellum, & interim noua tonitrua, & fulgurationes Nicolai mei humo absconditus formido. Vale, & ora pro me.

2. Cor.

xi. 3.

1. Cor.

iii. 16.

• NICOLAO MONACHO S. ALBANI] Vetus & nobile apud Anglos S. Albani monasterium, ab Offa rege conditum haud procul Verolamio, vbi sanguinem pro Christo fuderat S. Albanus. Cæterum eadem hic Petro Abbati de festo Conceptionis B. Virginis cum Nicolao concertatio, quæ D. Bernardo fuerat cum Canonicis Lugdunenſibus epistola clxxiv. eademque sententia: nihil videlicet in ea renouandum videri ante sedis Apostolicæ decretum. Quod quidem si eorum æuo prodiiſſet, quale postea securum est, haud dubium quin pro eximia vtriusque erga Virginem reuerentia æquissimis latissimisque animis accepissent.

R iij



LIBER SEPTIMVS.

EPISTOLA I.

a Abbati sancti Richarij.

IN præcipuis boni pastoris sollicitudinibus non infimum tenent locum deliberatio & moderatio cunctarum suarum actionum. Præcipitatio enim & subita animi perturbatio regulam summi arbitri offendit. Qui omnia non mensura & pondere & numero disponit, malè quoque cuncta ministrat. Vtilius tamen & commodius est corrigere illicita & refecare superflua, quàm contumaciter semper ad procliuia defluere. Nam Petrus princeps Apostolorum, qui est optima forma omnium prælatorum, habenas regni dicitur habere, quibus impetum cordis tanquam pullum indomitum refrænet, & passibus ordinatis ambulare compellat. Vt ad rem veniam, sacramentum illud, quo monachum vestrum adstrinxistis, ne ad monasterium, cui præsidetis, quandiu administratio vestra duraret, aliquatenus nisi permissione vestra rediret, de sancta pœnitentia absque vilo pudore & reatu periurij, potestis relaxare, quod aliquantisper inconsideratè factum est. Si ergo nostro consilio acquiescitis, ouem abiectam reuocabitis, & potius ad misericordiæ cornu dextrum, quàm ad iudicij sinistram, censuram vestram inclinabitis. Misericordia enim superexaltat iudicio. Quarit etiam monachus vester, vtrum tenendum sit tale iuramentum, an non. Pro certo respondeo, non tenendum, nisi vrgentissima & exactissima sublit causæ necessitas. Valete.

a ABBATI S. RICHARII.] Centulum olim loco nomen : & monasterio, postea auctoris nomen sumpsit, hodieque retinet, S. Richarij in Pontino, pago dicecesis Ambianensis.

EPISTOLA II.

Petrus Abbas Sancti Remigij Iohanni de Saresberia.

NVquam pulsum tuum in literis à te receptis inæqualem, aut citatum de superueniente febre regiæ commotionis deprehendo. Mirarer tam bonæ & optimæ animi complexionis, nisi antiqua cognitio admirationem compesceret, & olim iam notus status tuus maiora & meliora innotuisset. Certè cum illis & de illis te esse non ambigo, de quibus dicitur quia *ubi erat imperus spiritus, illuc gradiebantur.* Cholericæ & cœlestis complexio tua suis passionibus hilarescit, suis congelationibus frondescit, suis euerfionibus excrefcit, suis ægritudinibus conualescit, suis contrariis infortuniis fortior & audacior enitescit. Quid igitur? Consolabor te? Sed non es de-

Ezech.
1. 12.

solatus, qui desolationem reputas consolationem. Releuabo te? sed non es deiectus, qui dum eiiceris eleuaris. Conficiam aliquod emplastrum siue electuarium? sed neque vulneratus es, neque in passione aliqua turbatus. Tamen percusso & non vulnerato, impulso & non deiecto, concusso & non excusso, reor congratulandum de constantia, timendum de nondum finita pugna, adhortandum de perseverantia. Ecce caminus, sed non timet aurum: ecce mare, sed supernatat folium: ecce malleus, sed non confringitur adamas: ecce ventus, sed mons Sion non commouebitur: ecce praelium, sed miles tenet gladium. *a* Superuacuis impendiis laborat, qui solem facibus nititur adiuuare. Non ista & scientia & experientia. Si qua tamen tibi ex me potest fieri consolatio, vt ut libet, & praesens & absens, tuus sum, & omnia mea tua sunt. De gente tua & moribus, mihi satis notum est, quia vtres, immo ventres suos solent implere, quinimmo superinfundere, tam de vino, quam de mulso, sine reprehensione: & tanquam Hebraei carnem suam circuncidunt, in signum quod semen sunt Abraham, absque opprobrij confusione.

a SUPERVACUIS IMPENDIIS] Verba sunt Ennodij Ticinensis lib. 8. epist. xxii. cuius & alia quaedam hinc inde imitatur.

EPISTOLA III.

Petrus Abbas sancti Remigij a Magistro G.

Nillum virtutis dispendium est, vbi ab umbraculis eius vitium extrahitur, vt reuelata facie quod latebat appareat. Hac aetate atque his malignitatis diebus, Deus splendescere facit quis sit de gente tenebrarum, vel de populo honorificato diei & lucis, dum stricto ense & vniuerso apparatu armorum hinc inde conglobato, bonum & malum, virtus & vitium in castris suis manu conferta cominus acriter dimicant. O quam pomposae phalanges Philistinorum, multo numero & propriis viribus confidentes vibrant hastas, intorquent sagittas toxicatas veneno saecularis gloriae, aduersus Israel populum humilem, pusillum gregem, de se nil praesumentem! Ab initio enim, ex quo in veritate non stetit homicida ille, qui tanquam fulgur de caelo cecidit, multiplicata sunt mala super terram; & rarefcente tam virtute quam religione, super numerum excreuerunt mulieres, Aegyptiorum nimirum & Hebraeorum; adeo vt vix septem mulieres apprehendant virum vnum, & pretiosior sit vir auro, & homo mundo obrizo. Quarris forte, quid intendat hoc nostrum prouerbum; & quare hanc propoluimus in exordio litterarum nostrarum querimoniam. Res ipsa sine dubio, & ratio temporis nodum quaestionis soluit, dum in errore schismatico, qui videbantur columnae esse in domo Dei, procliuius elabunur, pro bucella panis & pro gloria carnis, quae tanquam foenum tectorum euanescit, quod priusquam euellatur exaruit. Vident & agnoscunt homines, quod Draco tertiam partem stellarum de caelo secum deiecerit, nec exterriti tam saeco & crudeli exemplo abhorrent ire post Satanam, & detinere veritatem Dei

in mendacio. Vna hæc de plagis Ægypti, quæ filios Israel non tangit, sed filios huius sæculi, qui quærunt quæ videntur & temporalia sunt, non ea quæ non videntur & æterna sunt. Secunda autem similis est huic, quæ maximè debacchatur in partibus vestris transmarinis, vbi rex Angliæ omnes pene canes sic elingues reddidit, vt mutire non valeant, ne dicam latrare. Superenatauerunt tamen aliqui, qui timebant ne simili tinea corroderentur, & tabesfierent fauces eorum: de quibus est Cantuariensis cum domestica familia sua, ex quibus vnum habemus catulum, Iohannem de Saresberia, qui non facit animam suam pretiosiores se, sed dominæ Ægyptiacæ auferenti tunicam non tenuit prius dimittere pallium, quàm stupro falsitatis corrumpi, & nudus reiecta sindone nudum sequi desiderat Christum. Bone amice, & tu de illis es: nam & loquela tua manifestum te facit. Quamuis enim cum nube vmbrosa latites, & corporaliter cum illis habites, qui de lateribus Aquilonis frigescent, tamen corde bono & optimo, tanquam veræ philosophiæ discipulus, respicis ad austrum, & expectas inde Paraclitum, qui nebulas istas aduentus sui illustratione expellat. Faciet autem hoc, cum sibi beneplacitum erit. Interim offero tibi me & mea, & rogo vt si opportunum fuerit, & necessitas aliqua exegerit, apud Archiepiscopum bonum nobis teneas locum.

^a M. G. PVELL.] Hoc est M. Girardo Puella. Id enim viro cognomen, qui postea Episcopus fuit Cestrensis. Supplementum Sigeberti anno M. C. XXXII. M. Girardus cognomento Puella, vir magna literatura & honestatis, electus est in Episcopum Cestrensem. Scripta est epistola superstitite, S. Thoma, cum exul esset in Gallia. Duo enim Ecclesiæ mala defleat, schisma Germanicum, & persecutionem Anglicanam.

EPISTOLA IV.

^a Abbati Villariensi, & conuentui, Petrus Abbas sancti Remigij.

CUm reo, & pro reo, ipse non in vno, sed in multis reus, reatus veniam postulo, causam non iustitiæ, sed misericordiæ allego, fontem David resignandum & aperiendum sitienti & de via redeunti imploro. Iudæi captum à bestia, & morticinum, atque carnem porcinam non comedunt: sed Iesus lilium inter spinas, & captum liberat, & morticinum saluat, & porci immunditiam suâ munditiâ, quæ attingit à fine vsque ad finem fortiter & disponit omnia suauiter, emundat & emendat. Fossa iuxta altare, quæ sacrificiorum & holocaustorum reliquias siue superflua solet excipere, non nobis opilata sed aperta referuetur, quia & ipsum altare concavum & in modum retis fieri iussum est, quatinus & cineres excipiat, & vapores admotæ flammæ intrinsecus vsque ad animam foueat. Nostrum altare, quod est non huius creationis, sed in excelsis, paternæ tantum generationis, & in terris maternæ nihilominus tantum conceptionis Iesus Christus, ventrem habet eburneum quidem, sed distinctum sapphiris: quatinus & ex virtute Dei nostras deleat ignorantias & peccata, & ex susceptione humanæ naturæ nostris infirmitatibus ex his quæ passus est compati nouerit. Noluit autem plagas illas sanctas, & vulnera in cruce suscepta, ita recludi, quoddam meatus

meatus veniæ & indulgentiæ peccatoribus obstruerentur: sed adhuc manus habet expansas in cruce dicens, *Venite ad me omnes qui laboratis & onerati estis, & ego vos reficiam.* Quia igitur viris sapientibus scribo, de arca sapientiæ vestræ quantalibet quilibet mutuae mihi concedat eadem sapientia, quæ nunquam caret affluenti bonitate & copiosa largitate. Pro fratre Ansfredo, immo pro causa eius, qui ad vos reuertitur, hæc intimare nec mihi pigrum est, nec vobis onerosum esse debet. Causa equidem suæ abscissionis differens fuit ab aliis, qui propositum sanctæ religionis irreuerenter abiiciunt, & tanquam canis ad vomitum redeunt. Effectus siquidem causæ ipsam probat. Non enim abjecto pudore & reuerentia sancti propositi, cum meretricibus more aliorum lupanaribus se immiscuit, vel aliis enormitatibus sæcularis conuersationis rupto fœdere sanctitatis se immergit. Non ergo à vobis vno & indifferenti modo rerum causæ pensentur. Quamuis enim in mente diuina causa atque ratio omnium habeatur, tamen sicut fluuius, qui egreditur de paradiso in quatuor capita diuiditur, sic de illa radice diuinæ dispositionis rami innumerabilium causarum, & in se eadem manens diuersas propagines exuberat, vniuersitate eorum quæ fuerunt, vel sunt vel erunt. Quilque enim euentus siue effectus de propria causa procedit. Inde est, quantum ad præsentem causam attinet, quod manus Moysei, quam primò de sinu leprosam retraxit, secundò remisit, & carni reliquæ similis apparuit. Similiter frater Ansfredus, cum ad claustrum sanctæ congregationis vestræ, tanquam ad sinum Moysei, conuersus contineretur, nulla in eo lepra criminalis peccati apparebat. Cum autem de claustro exiit, tanquam leprosus apparuit. Fauente igitur & agente diuina iussione, ad sinum Moysei, tanquam ad vitum priorem rediens dicit, Melius mihi erat tunc magis quàm nunc, nunquam inde postea exiturus, nisi ex mandato Abbatis, vel vocatione cœlesti in exitu mortis, quando sana & integra, qualis de baptismo exiuit, anima eius ad domum ipso propitio redibit. Non ergo pœniteat vos ad horam illum amisisse, quem perpetuum fratrem & monachum recipitis. Proderit enim ei sensisse laqueos diaboli, quibus Dei adiutorio contriitis, anima eius liberata est. Tam enim nos, quàm fratres nostri, nec non & clerus de castro nostro testimonium ei perhibemus, quod religiosius se habuit in sæculo, quàm multi in claustro, dum fere septennio nobiscum conuersatus est. Exempla misericordiæ plurima supponerem, nisi viscera Ioseph iam in vobis mota ad misericordiam præsentirem, & nisi modum epistolarem excedere timerem. Breuiter tamen & compendiosè patrem prodigi filij ad eum reuertentis cum vitulo saginato, stola, anulo, & calciamentis occurrentem, immo accurrentem monstro: & Iesum æquè filium Mariæ virginis, adhuc Thomæ Apostolo latus & manus ostendentem, vt quasi petra refugium erinacis, in cauernis & foraminibus suæ passionis pullos fugientes admittat, & ab insecutione milui rapacissimi tutetur. Oleum itaque de capite vestro non deficiat: quia postquam Sareptena mulier, id est Ecclesia, Heliam pauit, id est Christum recepit, farina misericordiæ diuinæ non defecit, nec lecythus olei imminutus est. Itaque nec vbera sint vobis arentia, nec sterilis vulua. Christus enim

non de sterili natus est, sed de puella gratiâ virginis & fecunditatis plena. Valete. Quidam clericus bene litteratus, qui in lege Domini die ac nocte meditatur, ianuam vestram pulsar, Magister Vuillelmus, vt ad conuiuium siue ad cœnam Domini admittatur. Vestem siquidem habet nuptialem, id est pauperem & humilem, non villosam, nec pompasam. Quo itaque substantia & spiritu pauperior, eo societate Christi dignior. Rogo vt illum recipiatis. Orate pro nobis, quia ouem vestram detonsam bene vobis conseruauimus, & cum multa lana remisimus.

^a ABBATI VILLARIENSI] Celebre est in dicecesi Metensi monasterium de Villariis: est & in Leodiensi alterum de Villari, vtrumque ordinis Cisterciensis. Vtrius horum, an alterius fortasse cognominis Abbati scribat, incertum.

^b CLERVS DE CASTRO NOSTRO] Castro S. Remigii, in suburbio scilicet Remensi, in quo situm monasterium, & aliæ basilicæ complures. Nunc etiam tamen mœnibus vrbis inclusum, Burgum S. Remigii eam partem vocant.

EPISTOLA V.

Abbati Villariensi, Petrus Abbas sancti Remigii.

MVNUS amicabile est amico sollicitudinem gerere. Pluris etenim est munus animi, quàm nummi. Sollicitudo autem implet animum, non manum. Vnde nec tam facilè tollitur de corde sollicitudo amoris, quàm citò excutitur de sinu vel manu pignus cuiuslibet materialitatis. Cùm igitur à fratre H. diligenter de statu vestro quærerem, audiui vos in labore hominum esse & calicem sororis nostræ, quæ est passio Christi, cum his qui in torculari premunt, frequenter bibere. Amara quidem potio bibentibus illam, sed spem salutis optimam in se habet repositam. Nihil enim ad cœlum euntibus tutius, quàm sequi stratam sanguine Christi tinctam, quàm vestigia clauorum impressa prospicere, & ante oculos suos Christum semper perscriptum & præscriptum inspicere. Rectissimum hoc iter ad tribunal gratiæ. Via hæc latronibus vacua, & finem suum pertendens ad illum, qui peregrinantibus est via, proficiscentibus veritas, peruenientibus vita. Duri sunt lapides ad caput Iacob in itinere quiescenti, asperi filices cacumina montium petenti, pungunt spinæ & tribuli teneros pedes, femori infinguntur sagittæ, sed nunquid non erit finis? *Finem*, inquit Apostolus, *Domini vidistis, patientiam Iob audistis.* Quid igitur post finem, quid in fine? *Omnis consummationis vidi finem, latum mandatum tuum nimis.* In fine siquidem apprehendemus quæ sit longitudo, latitudo, sublimitas crucis Christi, & profundum. Longitudo dierum in dextera eius: latitudo, vt sit tanta cognitio de Deo quanta dilectio, tanta dilectio, quanta beatitudo, tanta beatitudo, quanta dulcedo Dei, tanta dulcedo, quantus ipse Deus. Sublimitas, in capite Nazaræi, IESVS Nazareus rex Angelorum. Profundum, cùm omnia subiecta erunt ei, præter illum, qui sibi subiecit omnia. Hæc, carissime frater & domine, carissimus filius vester H. à nobis nolens vacuus redire sua instantia extorsit, non à nolente, sed ab obsessio multis curis & tribus. Libentissimè vidimus nouum hominem factum de veteri, reuersum

Jacob.
v. 11.
Psalm.
cxviii
96.

de regione dissimilitudinis ad patrem clementissimi pectoris & redundantiſſimæ pinguedinis. Hunc vobis affectuoſius commendamus, tanquam mutua dilectionis pignus, & fratrem, quem ego aliquantisper enutriui, & valde diligo.

EPISTOLA VI.

^a E. Londensi Archiepiſcopo.

VAcillans fluctuatione inter ſpem & deliberationem, vltra ſe intra metas patientiæ non potuit continere verus amicitia affectus. Suadebat ſpes quotidie, diligentiffimum & dilectiffimum dominum & amicum ſtatum ſuum renunciaturum. Urgebat deliberatio, nil immorandum ad quærendam certitudinem de incertitudine aduerſi caſus, qui dicebatur oppreſſiſſe tantum dominum. In his itaque procellis uſque ad laſſitudinem animo laborante, & diutius penſante quid inde potiùs eſſet eligendum, communicato conſilio cum dilecto filio vſtro Abbate ſanctorum Crispini & Crispiniani, feſtinaui mittere ad vos nuntium noſtrum, vt ſciremus quomodo tentauerit vos, & probauerit dominus, tam in mari, quàm in terra. Nam parumper laxauit fræna leonis rugientis, quæ tenet in manu ſua: ſed nec rupit, nec ſoluit. Siquidem ſi Deus ſoluiffet, aut diabolus rupiſſet, aqua nimia vos abſorbuiſſet. Ad torporem itaque, ſi quis in vobis, aut in vſtris erat, excitandum iuſtè paſſus eſt dare fremitum: ad oſtendendum erga vos filialem affectum, piè recluſit ora leonum, & maris ferocem tumultum. Non dormiuit Dei iuſtitia, nec ſe elongauit diuina clementia. Impugnari voluit diabolus, ſed ſola peccata purgauit Dominus: fident puram, deuotionem ſanctiſſimam obſcure voluit princeps tenebrarum; ſed Deus qui lux eſt, & tenebræ in eo non ſunt vllæ, de camino clariorem extraxit, & aurum ſuum pretioſius reddidit. Si ſuper eſt dilectus noſter Crispinus, attentiffimè illum vobis commendamus, & filium Ioannis Burgenſis noſtri, & omnes quos vobiſcum duxiſtis. Dilectiffimus vſter Abbas ſanctorum Crispini & Crispiniani ſalutat vos. De his quæ apud nos ſunt, ſuggero Domino meo, quia ſatis proſpera ſunt. ^b Senonenſis Archiepiſcopus factus eſt Remenſis: ^c Magiſter Iohannes Saresberienſis, quondam clericus noſter, factus eſt Epicoſopus Carnotenſis. Conuentus noſter ſemper orat pro vobis. Iohannes Burgenſis multum ſalutat vos.

^a E. LVNDENSI] De Eskili naufragio, quod in Danica nauigatione paſſus eſt, ſcribet denuo epiſtola XIII.

^b SENONENſIS ARCHIEP. F. B. REMENſIS] Vvillelmus Theobaldi Magi filius. Vetus Chronicum anno M. C. LXXVII. Vvillelmus Senonenſis Archiepiſcopus à clericis Remenſibus poſtulat, mortuo Henrico Ludouici regis germano, qui per annos XIII. Remenſem Eccleſiam palatiis, turribus & aliis munitiõibus inſigniffimè illuſtrauit, regendam Papa Alexandro aſſentiente ſuſcepit.

^c M. IOHANNES SARESB. F. B. EPISCOPO. CARNOTENſIS] Anno M. C. LXXVII. vteſt in ſupplemento Sigeberti. Caſtigandus ergo Epicoſorum Carnotenſium catalogus, qui Vvillelmum Iohanni & Petro noſtris poſtponit, cum præire debeat. Nam Roberto, qui obiit anno M. C. LXIV. ſucceſſit Vvillelmus. Hic quarto poſt anno Archie-

S ij

piscopatuum Senonensem adeptus, Carnotensem quoque retinuit, consecratusque est anno M. C. LXVIII. de cuius ordinatione tacito nomine Saresberienfis sub finem epist. CCXXXIII. & Robertus S. Mariani monachus in Chronico. Idem denique ad Remensem cathedram, ut paulo ante dictum est, translatus, Carnotensem Iohanni hoc anno reliquit. Iohannis successor fuit Petrus noster anno M. CXXCII. Petri Reginaldus anno M. C. XXCVII. Ad Reginaldum electum exrat epistola Stephani Tornacensis CXXXVI. quæ hæc omnia confirmat. *Vt sicut prædecessores vestri Carnotenses Episcopi, præcipue Dominus noster, id est Villelmus Reginaldi auunculus, tum Remensis Archiepiscopus superstes, & post eum bonæ memoria Iohannes & Petrus Episcopi nobis beneuolè detulerunt, & vos aqvis passibus, si non maioribus deferatis.* Item supplementum Sigeberti anno M. C. LXXVII.

EPISTOLA VII.

Magistro Presbytero carissimo amico suo Petrus Abbas salutem.

Memor temporis illius, quo feruente non minus studio, quàm ætate, in Cellensi monasterio simul commorati sumus, attendo plurimum detraxisse cursum interlabentem à corpore valetudinis, ab animo lectionis & meditationis. Inexplebili siquidem desiderio, nec oculus visu librorum, nec auris satiabatur auditu lectionum. Harum extremitatum Deus erat & medius, & primus, & vltimus. Saluo namque ordine, salua diuinæ laudis debiti pensione, legebam leges, nec amittebam, vel omittebam consuetas orationes. Nunc autem, amice bone, curæ & sollicitudines, quæ me à iuuentute decerpere non destiterunt, quotidie accrescunt, & ut mihi videtur, obsidionem perpetuam contra me firmauerunt. Si quid roris gratiæ, si quid pinguedinis misericordiæ raptim, & quasi furtim, de diuinis cellariis interdum attraxit spiritus meus, de repente subitus & intempestius totum absorbet nimius ætus. Vnde clamo ad Deum, *Anima mea sicut terra sine aqua tibi.* Hoc de interiori. De exteriori verò statu, gratias ago benignissimo Deo meo, quia in omni prosperitate & pace sum: tamen qualem potest dare mundus. Libenter vos viderem, & senectutem meam vel ad tempus sub alis beati Remigij fouerem. Magister Iohannes de Anglia, quondam clericus noster, electus est Carnotensis. Munusculum vestrum accepi, & gratias ago. Valete.

Psal. CXLI. 6

EPISTOLA VIII.

Vnico & unice reuerendo patri & domino Villelmo Dei gratia Senonensi, immo Remensi Archiepiscopo, frater Petrus humilis Abbas S. Remigij salutem & promptum cum omni deuotione obsequium.

IN insigni electione Carnotensi de magistro Iohanne stellam matutiniæ produxit Deus de thesauris suis. Affuit, affuit huic prædestinationis Dei partui vigilantissima sagacitas Domini mei, & manum obstetricantem supposuit, ne abortum pateretur incommutabilis Dei præelectio. Deus tibi laus, tibi gratiarum actio: Archiepiscope tibi merces, tibi æterna remuneratio. Hoc opus de raritate admirabile, de singularitate incomparabile, de puritate commendabile, de bonitate speciali omnibus imitabile.

EPISTOLARVM LIB. VII.

141

Quando & vbi simile factum est in regno Franciæ, vt remotis omnibus simoniæ speciebus, nullis munerum suffragiis incumbentibus, nullis clientum vellicationibus pruritus aurium excitantibus, solus Dei honor & populi salus in Episcopali electione quaereretur? Certè hoc in rationali & superhumerali tuo, pater amantissime, stylo ferreo, vngue adamantino scribetur, quòd in vicariis Petri eligendis nulla te mouet humana gratia, nullus fauor, nullus carnalis affectus, nulla pecuniæ auaritia. *a* Trecensem Episcopum, virum qui ministerium suum honorificat, elegisti & consecrasti. Meldenſi Ecclesiæ tres viros honorificentissimos, *b* domnum scilicet Cardinalem, Magistrum Petrum, & Simonem Archidiaconum vicissim assignasti: sed nunc superlatiuè hominem de alia gente, amore Dei tantummodo ductus, in Ecclesia Carnotensi substituisti. Vbiunque hoc Euangelium prædicabitur, dicetur quòd sis amicus sponsi, cum tam verax sis & fidelis, non iam in quaerenda vxore Isaac, sed inueniendo Ioseph virum Mariæ. Verè Maria veneratur in Carnotensi Ecclesia. Verè vir iste Iohannes, pretioso sanguine beati Thomæ pontificis & martyris intinctus, lege diuina ad plenum instructus, bonis moribus & piis actibus ornatus, Apostolico ad Timotheum catalogo virtutum bene depictus, ad Dei honorem, & ad vestram perpetuam laudem, columna factus est in Ecclesia Dei. Reuirit in vobis antiquus Apostolicæ ordinationis ramusculus, cum pro patribus filij vgebantur, immo pro panibus omni sabbato calidi cum thure substituebantur panes.

a TRECENSEM EPISC.] Mathæum, cuius extat in collectaneis Saresberienſis epistola ad Alexandrum Papam pro S. Thoma, quinto eius exilij anno scripta, initio Episcopatus, hoc est anno M. C. LXIX.

b D. CARDINALEM] Petrum tit. S. Chrysogoni. Rogerus Houedenus anno M. C. LXXVII. Eodem anno Petrus Tituli S. Chrysogoni Presbyter Cardinalis, Apostolica Sedis Legatus, quondam Meldenſis Ecclesiæ electus venit in Franciam. In tabulis Episcoporum Meldenſium, post Stephanum, cuius etiam leguntur apud Saresberienſem epistolæ aliquot pro S. Thoma, subiicitur Simon, Archidiaconus antea Senonenſis, de quo nondum Episcopo Saresberienſis epistola cccxc. At ex verbis Cellenſis hoc loco liquet duos alios ante Simonem electos Episcopos fuisse.

EPISTOLA IX.

Priori Vniuersitatis, Petrus sancti Remigij Abbas.

Nequè subitaneus, neque repentinus soleo res magnas disponere, sed cum multa maturi consilij deliberatione, finis causarum appensione. Inde est, amice carissime, quòd non statim credo omni spiritui, propter illum qui transfiguratur se in angelum lucis, & sub pallio consultationis offert sæpe venenum deceptionis. Vitium autem est, omnibus credere, & nulli. Exemplo igitur illius, qui omnia nouit antequam fiant, & tamen descendit per Angelos probare vtrum clamor Sodomorum, qui ascenderat ad cælum, opere completeretur, an non, diu substiti acquiescere rumoribus quotidianis, de fratribus nostris de Lapelee, vel meliores fructus de ficulnea sperans, vel iudicium tanquam meridiem expectans. Quia itaque crebrescit, non rare-

S iij

scit fumus funestæ opinionis, securim appono ad radicem arboris, non detruncans, sed releuans ramos vsque ad terram inclinatos, immo incuruatos, si fortè suspensi ferant denuo vvas, non labruscas. Mitto autem à latere nostro fratres integræ hæctenus apud non opinionis, quorum conuersationem, si de præteritis futurorum prælagia apprehenduntur, bonam in terra vestra credimus futuram & honestam. Sit cum illis manus vestra & consilium, quo siquid in eis minus est suppleatur ad bene regendam domum nostram, & ad famam dignam reparandam.

EPISTOLA X.

^a *Episcopo Cestrensi, Petrus Abbas S. Remigij.*

Ioan.
VIII. 7.

Vestri officij est, pater carissime, calamum quassatum non contere, & religionem impulsam vero aut falso rumore non penitus euertere, sed sustentare & releuare. Nihil namque in hominibus cuiuscumque professionis adeo sanctum & perfectum, quamdiu in eodem statu nullus reperitur, vt nulla impostura seu scissura interueniat. Vt enim ait Gregorius, vera religio compassionem habet, non indignationem. Vnde & Iesus inclinans se scribebat in terra, *Si quis sine peccato est vestrum, prior in adulteram lapidem mittat.* Tandem reatum soluit, & ream absoluit; non fauendo iniquitati, sed commissa delendo, & non commitenda præcipiendo. Venerande pater & domine, non excusamus peccata nostra, siue illorum, qui in opprobrium sui ordinis faciunt ea quæ non conueniunt. Secretiùs tamen, non mitiùs arguendos decerno illos, quorum vita spectaculum debet esse mundo, & Angelis, & hominibus, si offenderint in lapidem offensionis, non suo, sed sancti ordinis merito. Cùm enim causa distinguat inter personam & regulam, saluâ regulâ tangatur persona, ne nomen Christi blasphemetur inter gentes. Hæctenus monachi solent iudicari in capitulo, non in consilio; inter monachos, non inter Presbyteros; ab Abbate, non ab Archidiacono; corporali, non pecuniaria pœna. Scitis vt credo, quia si notificasset nobis paternitas vestra, aut sedulitas Archidiaconi, enormitates monachorum nostrorum, nec oculos, nec aures clauderemus, sed iuxta antiquorum patrum consuetudinem regulariter malè acta corrigeremus. Amouemus igitur tam Priorem illum, quàm fratrem suum à Prioratu illo, & subrogamus bonos vt credimus fratres, quos vestræ paternitati attentius commendamus, quatinus sub alis vestræ protectionis miluorum rapacitatem non timeant, & cum Dei adiutorio, vestro fulti auxilio, ruinam, si qua est, in domo illa reparent.

^a *EPISC. CESTRENSI*] Auctor est Malmesburiensis lib. iv. de gestis Pontificum Anglorum, Petrum Episcopum Licefeldensem, Guillelmi senioris temporibus, sedem Cestram transtulisse, quæ olim ciuitas legionum à militari in ea colonia vocitata. In eo tractu positus videtur fuisse Prioratus Lapeleensis, nec procul à Monasterio Beldevvas, ad cuius Abbatem epistola quæ sequitur.

EPISTOLA XI.

Abbati de Beldeuvas Petrus Abbas sancti Remigii.

IN negotiis amicorum gerendistantundem bonæ fidei exigitur, quantum & in propriis. Nec ignoro fraternam sollicitudinem vestram operam dedisse, quatinus fidei vestræ commissum negotium, bono inchoatum principio, sine meliori clauderetur. Fortuna tamen, quæ non subiacet humano arbitrio, frequenter eludit sollicitudinem nostram, & elidit intentionem. Quis enim dominatur potestati maris, immo quis imperat motibus indomiti cordis? Vix quisque potest regere familiam penetralium suorum; alienam verò, quàm adire non potest, regere quomodo potest? Idcirco indulgentia Dei nobis non negatur, si de commissorum sollicitudine nihil omittatur. In exactione itaque amicali nemo sit durior, quàm Dominum vult sentire, indebita repetendo, vel remittendo. His omnibus diligenter inspectis & appensis, ignosco vobis sterilitatem domus nostræ. De Lapellee, quàm vt credo bonis admonitionibus vestris circumfodistis, sed incrementum, quod solius Dei est, præstare non potuistis. Commendo rursum vobis nouellas istas plantationes, quæ genimine meliori, Deo cooperante, vt speramus, gustabiliorem referent fructum.

EPISTOLA XII.

Petrus Abbas sancti Remigii Richardo.

ET si non est sermo in lingua mea de inopia scientiæ, tamen in manibus habeo signa de plenitudine amicitiae. Fontes qui præcedentibus annis rupti sunt & aperti, vsque ad diluuium aquarum multarum, præsentī anno liccati sunt, & aruerunt vsque ad defectum herbarum & virgultorum. Hæc siccitas linguam quidem & fauces tangere potuit, sed non venam dilectionis attigit, nec oleum de capite defecit. Manabit certè cum vita, immo sine dubio, & vltra. Nam caritas nunquam excidit.

EPISTOLA XIII.

Londensi Archiepiscopo Petrus Abbas sancti Remigii.

IMago vestræ dilectionis impressa & expressa stylo ferreo in vngue adamantino cordis nostri viget, & in eo vigere non cessabit. Radicem namque misit deorsum, quam irrigare non cessat iugis, & quotidiana recordatio benignitatis vestræ ad amicum, nè dicam ad seruum vestrum. Totum enim occupat gratia, & amicitia, excluso, & expulso timore, tanquam mercenario. Inde est, pater reuerentissime, quòd in oblatione primitiarum mearum Domino viuo & vero, vestri quoque memoriam eius propitiationi pro posse quotidie presento. Rediit ad nos Magister Crispinus, marina potione non parum amaricatus, vestro tamen beneficio aliquantulum recreatus. Inter cætera retulit nobis duram historiam naufragij vestri, in qua elatione sæuissima mare aduersum vos intumuit, ventus immoderatus

nauem ferocissimè percussit, tempestas paulominus absorbit. Recordor, Petrum in fluctibus ambulantiem, & ventum validum contra illum venientem, Paulum terribè naufragantem, Ionam absorptum à bellua, quæ tamen illum retinere non potuit. Domine Iesu, vbi eras? manum auxilii quare tunc subtrahebas? nisi fortè vt de reliquiis calicis tui, quem cum in passione gustasses bibere nolueris, ministri tui & sequaces de eodem mixto portionem, siue potionem, quæ sibi contingebat, ad recuperandam sanitatem, immo hereditatem. *

* *sup.*
bibe-
rent.

EPISTOLA XIV.

Fratribus Molisimensibus Petrus Abbas sancti Remigii.

AD monumentum ordinis nostri cum Ieremiæ lamentationibus consternatus resideo, & quadruplici alphabeto, quia iam quatruiduo mædet fœtore, vehementer afficior. Fuit, fuit quondam de magno genere & nobili progenie ordo iste procreatus, etiam Angelicis virtutibus morum informator prudentissimus, rerum mundanarum contemptor perfectus, & diuinæ voluntatis amator idoneus. Hic hic brachia sua extendit à mari vsque ad mare, de omnigente, quæ sub celo est, portans in vlnis suis vsque ad thronum gratiæ, & collocans in solis vacuatis & relictis à Lucifero, quando sicut fulgur cecidit in lacum faciis & miseriæ. O sancti Angeli, quot palmites de hac vinea tulistis ad vos, quot ordine claustrali vobiscum confedere fecistis in cœlestibus in Christo? Heu, heu! capite vulpes quæ demoliantur vineas: cucullatos, qui transferunt terminos patrum, & sepe regularis institutionis diripiunt. Hi sunt, qui retia Domini rumpunt, qui vestimenta Domini diuidunt, qui lanceâ linguæ suæ latus iam pendens in cruce ordinis effodiunt: intestina religionis in auras exsufflant, & si quid vitalis spiritus remanserat, extinguunt. Sic armantur filii contra patrem, sic genimina viperarum viscera materna crudeliter concutunt, sic ab ortu suo sepulcrum patens inordinatè viuendo ordini professo aperiunt. Credo moueri vos contra tantæ sterilitatis auctores, quoties, iuxta vos aspicientes coronam sanctorum spirituum & beatarum animarum, recordamini prioris sæculi, & magnæ fertilitatis sinus vestros replentis. Si Phinees adesset, fortè pugione suo hanc iram placaret. Sed ecce quisque ponit gladium in vaginam, nec est qui accingatur ad vindicandum sanguinem patris. Inde est quòd mundus plenus est cucullatis, & pene vacuus monachis. Inde est, quòd in area Domini palea non ventilatur, sed fouetur, non extirpantur spinæ, sed multiplicantur. Ego, ego vnus de cucullatis, video iniquitatem, & quid facio? Nequeo resuscitare ordinem mortuum, & quæ patientia inter patricidas exequias funeris eius celebrabo? Non valeo refrænare præcipitem cursum ad baratrum, nunquid effici debeo socius furum? Omnes quidem currunt, non ad brauium, sed ad malum, & ego quid? Optabam cum Apostolo anathema esse à Christo pro fratribus meis. Quis mihi det, vt ego moriar pro te, ordo sanctissime? in cuius præsentia quondam principes cessabant loqui, & superponebant digitum ori suo. Iu-
uenes

EPISTOLARVM LIB. VII.

145

uenes abscondebantur cū sederet in porta, & assurgebant, nec audebant addere ad verba eius. Nunc derident illum iuniores tempore, quia senuit Isaac, & clarè videre non poterat; senuit Dauid, & calefieri vestibus non poterat. At Moyses cxx. annorum cū esset, nec oculorum caliginem sensit, neque dentes ei moti sunt. Et si regulæ professores, etsi speciem pietatis habentes, sicut Isaac & Dauid, senescendo spiritu tepefacti sunt, & oculi eorum caligauerunt; tamen Moyses, id est beatus Benedictus claris obtutibus nunc nostras respicit prauitates, & in nouissimo dentibus mordebit, accusando apud Dominum, suorum decretorum & regularis professionis contemptores. Fortè dicitis, Quid ad nos parabola ista? Abbas Remensis stylo suo vt quid tam mordaciter ex obliquo tangit nos? Quid de nobis ad ipsum? Respondeo: Christianitatis societate, ordinis germanitate antiqua, vicinitatis familiaritate noui vos & diligo vos. Doleo itaque, quod nimis extenuatur bonus odor Christi in vobis, tam apud vicinos, quàm apud remotos. Doleo quod regionem, immo religionem vestram, coram vobis alieni deuorant: quod tinea usuratum & debitorum substantiam vestram demolitur, quod nobilis puella hætenus duplicibus vestita enormiter expoliatur. Religionis siquidem, & possessionis dotibus à fundatoribus suis Ecclesia vestra ditata diu floruit: sed nunc iam exaruit. Gallina illa Molismensis plena plumis, & bene pennata quot & quales de vtero suo fœtus produxit, dum a ex se collegium Cisterciense originario germine pullulauit? Deus meus, de illo vno ouo quàm innumerabilis arena monachorum, & conuerforum faciem terræ operuit! quàm lucido splendore cutem mundi denigratam per infectam viuendi negligentiam reformauit, & illustrauit! Respice, respice Sion filios tuos, & pelles tuas emarcidas noli contemnere: sed resume spiritum adolescentiæ tuæ, si fortè cum Iacob, quasi de graui somno euigilans, audias Ioseph filium tuum in Ægypto regnare, & de manu eius famem tuam, immo infamiam possis reuelare. Fratres mei, fratres mei, recolligite plumas matris vestræ, & replantati suis in membris, conuersationem vestram emendando, substantiam redimendo, odorem bonæ opinionis comparando, & ad antiquum statum omnia reuocando. Epistola hæc non contristet vos: & si contristauerit, vtinam ad poenitentiam! Valere.

* EX SE COLL. CISTERCIENSE] Robertus enim Abbas Molismensis, vt Sigebertus narrat anno M. xcviii. in Cisterciensi eremo cœnobium primus extruxit, in eoque cum aliquot monachis suis habitauit. Itaque Molismensis monasterij colonia Cisterciense.

EPISTOLA XV.

Theobaldo ² Molismensi Abbati P. Abbas sancti Remigii salutem.

STatum vestrum cogitans, & recogitans pene vsque ad nescio quid dicam Srapior. Caligine siquidem nimia pressus an hoc aut illud eligam, dicere confundor. Si enim dixero, ita, casum timeo. Si dixero, susceptum reicece onus, prouidentiam Dei offendere vereor. Proinde verum est, quod

T

Sap. IX.
14.

Rom.
XIV. 4.

ait scriptura: *Incerta & timida sunt hominum consilia.* Quid ergo? Tacebo, & silentio abscondam carissimo amico, quid de ipso sentio? Rursus tanquam cæcus lapidem iactabo, & feriam ubi non video? Sed scio quia in ambiguis benignius semper interpretandum est, iuxta Apostolum qui ait, *Tu quis es, qui iudicas alienum servum? Suo domino stat, aut cadit: stabis autem.* Consulo itaque priores & multos labores, in cella Carthusiensis ordinis pro Dei amore perpeßos, semper te ante oculos habere, & tutissimo loco intimi cordis reponere, & si datum fuerit desuper, novos quotidie acervos aggregare. Nunquam enim bono negotiatori quæstus sufficit hereternus. Quotidie namque multa de acquisitis expendimus, & fortè vna iactura plus amittimus, quàm per annum lucrati fuerimus. Ideo Apostolus quæ retro oblitus, ad anteriora semper tendit: nisi meliora & fortiora agat, parum pensans quid egerit. Si ergo lucratiua sunt tibi quæ facis, fac quod facis. Appende lucrum animæ tuæ: appende tibi commissorum profectum: appende quid tibi accreuerit in temporalibus, quid iterum in spiritualibus. Pensandum siquidem est quietis pristinæ damnum, & si reparat illud novum emolumentum. Tibi, non mihi, crede de bonis tuis: tu enim illa vides & sentis, ego tantum audio & credo. Tibi sunt nota, quia vicina, interiora tua. Si ventrem doles, nescio, nisi dixeris mihi, ventrem meum doleo. Sic nemo scit hominum quæ sunt hominis, nisi spiritus hominis, qui in ipso est. Itaque cum spiritu tuo, immo cum spiritu Dei, discerne causam tuam, & appende in statera iusta, ne sis mendax in statera dolosa, sanum te asserens, cum infirmus sis, vel infirmum, cum sanus sis. Sed omnis homo mendax non solum in his, quorum non penetrat occulta, sed etiam in se, cuius priuato amore palpat molliter, quæ amputanda essent mordaciter & fortiter. Adhibendum itaque præclarissimum speculum scripturarum ad se cognoscendum & de se iudicandum. Regula veritatis apponenda, quæ nec modicum tacet fermentum, nec dissimulat minimum quoque & veniale peccatum. Si dormieris inter hos clericos, si accubueris inter hos terminos, si consulueris oraculum inter hos Cherubim productiles & aureos, rectos faciet gressus tuos, nec erit necesse consilium Achitofel, quod aliquando infatuatum est. Infra hos circulos immitte vestes tuas, & semper habens arcam Dei ante oculos non timebis Philistæos tuos, siue spirituales siue corporales. Ipsa die qua recessistis à nobis, venit frater Henricus. Persuasimus ei de reditu ad vos.

^a MOLISMENSI ABBATI] Ad quem lib. VI. epist. XIII. Ex hac verò discimus, illam aliquando inter Carthusientes versatum.

EPISTOLA XVI.

^a Petro Cardinali sancti Chrysogoni Petrus Abbas sancti Remigii.

Amplexus vestræ familiaritatis mihi gratissimos oro non senescere: sed cum ligno vitæ dies æternos tenere. Res siquidem est familiaris amicitia, quotidianis refricanda salutationibus, immo irriganda mutuis colloctionibus, & fortè renouanda munerum compensationibus. Placuit

dignationi vestræ me annumerate in amicorum vestrorum collegio sine merito quidem meo, sed non sine vestro. Meritum namque æquitaris est, si summus se inclinat ad infimum, magnus ad paruum, valens ad infirmum. Me vermem, me putredinem, me iam iam ad non esse tendentem reputo: vos cum senatoribus cæli thronum iustitiæ honorantem suspicio, & Angelos cum Apostolo iudicantem non dubito. An irrisorium est & non verum quod dico? Planè scripturæ auctoritate id assero. Nam *tabia sacerdotis custodiunt scientiam, quia Angelus Domini exercituum est.* Amicabilia sunt, exhortatoria sunt, ne Dominus & amicus obliuiscatur, casum grauiorem de excelso, quàm de imo. Certè sollicitudo amicalis frequenter tangit me inquirere de omni statu vestro, tam de interiori quam de exteriori: & gratias ago Deo meo, quia non nisi bona nuntiantur, non nisi honesta, non nisi ordini & officio vestro congrua. Oro vt qui cæpit ipse perficiat. Magister Crispinus de vobis me laudificauit, referens vnde gauderem & Deo gratias agerem. Clericus & amicus noster est: æquè desiderat esse & vester. Ecce Parisius ad scholas vadit, sed & vbique nomen vestrum super se inuocari postulat. Vtile equidem est tanto homini, qui tanta omnium sollicitudine penè continuè vexatur, quòd sui corporis necessaria & salubria postponens, ad intemperiem corporalem sæpè delabatur. Rogo pro ipso, & cum ipso, quatinus gratiam non qualem qualem inueniat in oculis vestris, sed bonam, sed confertam, sed superagitatam & supereffluentem. Dico autem gratiam, non pecuniam. Hæc enim iuxta Apostolum operanti reddatur secundum meritum. Præ cæteris hoc vnum ad præsens postulat, vt de manu vestra primitias clericatus, id est coronam accipiat. Hoc etenim signo accepto, magis se obligatum erga obsequium vestrum non immeritò deinceps arbitrat, & vos tanquam plantæ vestræ bonum iure prouidebitis. Credo per Dei gratiam quod alter de altero gaudebit, & Deo cooperante fructum salutis faciet. Diu siquidem laboravi, & monitis induxi, vt iugum in area Domini traheret, & glebas post ipsum confringeret. Valete, & de reditu vestro cum potueritis nos certificare.

Matth.
II. 7.

* PETRO CARDINALI] Legato Sedis Apostolicæ, electo antea Meldensi, vt dictum est ad epistolam VIII. Legationem inuuit epistola VIII. in qua & de Crispino eodem.

EPISTOLA XVII.

* E. Lundensi Archiepiscopo, Petrus Abbas sancti Remigii.

DE duobus oculis meis, alterum ad me retineo, alterum frequenter ad vos, pater & domine carissime, retorqueo. Qui meus mihi remanet, quid in me videt? Certè plura, quibus condolet, quibus illacrymatur, quibus vsque ad nimiam suffusionem turbatur. Certè reptilia, quorum non est numerus: certè gentem illam nefariam, quam Ezechiel vidit depictam in pariete domus, quam iubente domino effoderat. Ad vltimum, quædam ineffabilia non profunditate mysterij, sed enormitate corrupti animi. Sed quando ista cernit oculus? Quando incuruatur ad suas faeces reuoluendas,

T ij

Ephes.
v. 14.
Ioan.
xi. 43.
Luc.
vii. 14.
Marc.
v. 41.

quando lucernam accendit & euerit domum querens drachmam perditam, quando scissuras in muris Hierusalem & roinas respicit, si forte cum Zorobabel & Esdra reparare licitum sit. Occurunt vestigia erucæ, locustæ, bruchi, rubiginis, quæ deuorauerunt vniuersa speciosa deserti, pilosi, onocentauri, vlulæ, simiæ, & omnis generis phantasmatum grandis sylua. Si quando autem idem oculus sursum palpebras erexerit, & cælum aspexerit, videt Dominum innixum scalæ, vocantem & expectantem malè soporatum, & dicentem *surgere qui dormis, & exurge à mortuis, & Lazare veniforas, & adolescens tibi, dico surge, & puella surge*. Porrigit quoque manum Petro naufraganti, occurrit in via Saulo spiranti minas & cædes in discipulos Domini: prodigo filio reuertenti, stolam, anulum & calciamenta restituit, conuiuium & vitulum immolat, & misericordiarum suarum syluam condensam fugientibus & ereptis de laqueis ferreis ad sese refouendum offert. Huiusmodi collyrio releuatur turbatus de seipso ad seipsum oculus. Iam illum conuenio oculum, qui de vobis amicabiliter sollicitus, lustrat vias nostras & studia ab adolescentia. Dic mihi, bone oculo, de amico nostro quod occurrit, quod sentis, quod intelligis. Non sine multa fatigatione, inquit, gesta eius recolo, quia aliquando vidi illum supra nubes ambulantem, & vique in densissimam altitudinem euolantem. Quis gloriam illam, quis potestatem, quis dominationem, quis rerum omnium opulentiam, quis erogationes & donationes tam largas, tam innumeras enarrare sufficiat? Quis enauigationes, quis marina pericula, quis insidias magnorum latronum dicat? Tandem Lucifer ille, qui mane oriebatur, qui inter astra Dei solum gloriæ & Archiepiscopatus tenuerat, non sicut fulgur de cælo cecidit, sed sicut filius hominis semetipsum exininauit, formam pauperis assumpsit, principis mundi exuias reiecit, vt si Laban Iacob insecutus fuerit, idola sua apud illum non inueniat, & cum Domino, saltem cum beato Martino dicat, Nihil in me reperies, inimice. Ecce sic humiliatus in Claravalle spicas recolligit post terga metentium, non glorians de labore, sed se humilians de impossibilitate. Voluntate quidem currit, & caritate cum prioribus & iuuenibus, sed ætate & infirmitate sortem habet cum nouissimis, vt sit nouissimus vocatione, primus remuneratione: quia apud patrem familias, cuius vniuersæ viæ misericordia & veritas, non est potior remuneratione qui prior tempore, sed prior denarij acceptione, qui posterior labore & tempore. An non ita est? Planè hoc probat veritas, qui prius latronem de cruce transtulit in paradysum, quàm principem Apostolorum Petrum, cui tamen dederat clauēs regni cælorum. Pietatis est, parum de meritis præsumentem suscipere: securum verò, si necesse sit differre, & citius trepidantem à timore excutere, quàm iam subarratum admittere. Ecce, pater amantissime, vt credo, non me fefellit oculus meus. Hæc enim eadem præter illum multi alii de te mihi dixerunt. Sit itaque pax cum spiritu tuo, sit anima tua cum Deo meo. Sit melior finis orationis, quàm principium, quia omnis laus in fine canitur. Totus sum vester.

* E. LVNDENSI ARCHIEP.] Qui tum monasticam vitam inierat in Claravalle, ab-

EPISTOLARVM LIB. VII.

149

dicato post annos XL. Archiepiscopatu. In Gestis Danorum: Anno M. C. LXXVIII. Eskillus secundus Archiepiscopus Dacia recessit factus monachus Clavaualis. Absalon fit Archiepiscopus. Anno M. C. XCII. obiit Eskillus Archiepiscopus in Clavaualle. Quadrien-
nium ergo inibi vixit. De hoc excessu scribit etiam Saxo Grammaticus Historiæ Da-
nicæ libro XIV.

EPISTOLA XVIII.

Petro Cardinali sancti Chrysogoni, Petrus Abbas sancti Remigii.

R Arò meus sum, cuius ergo? fortè Apollo? fortè Pauli? fortè Cepha?
Vtinam! Nam bonam habent mensam, mansuetam & fructuosam
disciplinam, donatium denique præcipuum, & perpetuum. Diuersorum
autem subsellia & iniquam tyrannidem frequenter experior. Vtique Ro-
boam, qui cædit scorpionibus: Pharaonis, qui affligit in luto & latere:
Nabuchodonosor, qui potat vrinam pecudum suorum, quos sub iugo car-
nis, ventris, & gulæ inescauerat. Denique in captiuitate mea, & vniuersa
vanitate sub sole, concaptiuam habeo puellam, nobilissimis ortam nata-
libus, videlicet pudicitiam. Huius me iniuriosa damnatio illorum, quorum
carnes sunt vt carnes asinorum, non minus aggrauat, quàm propria miseria.
Volui siquidem cum illa fædus amicitia inire ab ineunte ætate, propter de-
corem suum, & genus illustrissimum, nec non & pacatissimum atque hone-
stissimum contubernium. Cùm itaque chaos siue cohors spurcissimorum
hominum, tanquam porci pretiosissimam margaritam de cælo lapsam pe-
dibus suis conculcent, quæ pax ossibus meis? quæ requies animæ meæ? Cla-
mo, nolite, nolite: sed non est vox, neque sensus. Quinimo apponunt ini-
quitate super iniquitatem, vt cum pudicitia obruant religionem. Huic
nulla parcentes miseratione oculos erunt, conuertendo ad vanitates & in-
fanas falsas: nasum præcidunt, discretionis temperantiam euertentes:
aures obstruunt, obedientiam non tenentes: labia concidunt, turpiloquio
& scurrilibus adsuescentes: linguam decapulant, malum redarguentes &
mendacium semper loquentes: manus ligant, eleemosynam non dantes,
sanguini & avaritiæ insistentes, pedes in neruo ponentes, Christum in car-
cere non visitantes. Quid amplius? neruos detrahunt religioni effemina-
ti, qui sanctorum patrum abstinentiam, viglias, psalmodiam, silentium,
regularem disciplinam, claustralem remotionem à secularibus negotiis
dissipant & vilipendunt. Fortè dicitis, quid ad me? Certè vestra interest,
& certè officij vestri est, certè debito tenemini, pro posse vestro districtâ
censurâ his occurrere iniuriis, his aurem benignam accommodare clamori-
bus, has dirimere quæstiones, & amputatis Dagon brachiis & capite, ar-
cam Dei restituere Bethsamitis. An habetis iudicare causas pecuniarias,
& non diuinas? Quis vos misit? Ad quid vos destinauit Dominus Deus
per vicarium suum Dominum Apostolicum? Ad quid? Vt solueretis asi-
nam, id est religionem alligatam & pullum cum ea, id est, pudicitiam.
Dicite, inquit, quia Dominus his opus habet. Sedet enim super vtrumque,
qui sedet super Cherubin. Non negligatis dominicum præceptum, immo
non extinguatis in vobis spiritum Moyii, de quo dictum est, *auferam de spi-*

Matth.
xxi. 3.
Num.
xi. 17.

T iij

ritu tuo, & dabo septuaginta senioribus, de quibus vnum vos constituit gratiâ suâ Deus. Quis autem est spiritus Moyli? Spiritus iniquitatem non sustinens, spiritus occidens iniuriam facientem, & vindicans patientem, spiritus defendens septem puellas filias Iethro sacerdotis Madiam. Spiritus principem Ægypti decem plagis teriens, & tandem in mare demergens. Diu detineo vos, quia non possum ore proprio, saltem scripto. Dulce namque mihi super mel & fauum, vos alloqui, & vobiscum fauellare. Huius tamen causa & materia est Magister Crispinus, clericus noster, immo & vester: nam populus meus, populus tuus, amice & domine carissime. Commendo itaque vobis eum, tanquam viscera mea, quia vidi honestam conuersationem eius, & procliuem ad meliora & viciniora salutis. Noui vos, quia talium familiaritatem non respuitis. Habeat itaque vos Dominum, & signo clericatus à vobis suscepto, patronum & auctorem huius ordinis habeat.

EPISTOLA XIX.

Petrus Abbas S. Remigij a Monacho de sancto Bertino.

Sermones nostros, quos tanquam plumas inutiles & superfluas quatuor venti cæli per diuersa proiecerunt, habere desideras. Si legisti, nonne ex sanguine sensibus sententiarum & enerues tenuitate verborum inuenisti? Si non vidisti, quis persuasit tantopere te querere, quos inuentos statim habeas respuere? Curiositas, an studij assiduitas te vrgent, vilissimi hominis herbas & cortices insipidos mendicare, cum sedas ad mensas diuitis Augustini, benigni Gregorij, pecuniosi Hieronymi, gloriosi Ambrosii, Bedæ omnium monetarum nummoli, profundissimi tanquam maris magni Hilarij, suauissimi eloquij Origenis, & aliorum innumerabilium, quorum nec micæ sub mensa dignus sum colligere? Si noua placent, ecce magistri Hugonis; ecce S. Bernardi, ecce *b* magistri Gilleberti, & magistri Petri scripta, in quibus nec rosæ, nec lilia defunt. Nostra vero scripta nec de profundo hauriunt, nec de alto propinant: quia verba nostra sunt arentia, fortè & sterilia. Intentione tamen hac frequenter admoui tabellis stylum, quatinus vigiliis solemnitatum saltem mediâ horâ occuparem me contemplationi sequentium gaudiorum, & subtraherem me à tumultibus me opprimentium iugiter secularium sollicitudinum. Idcirco imperfectos inuenies multos de sermonibus nostris, quia post horam aliquando negligentiam meam, aliquando occupatione ingrata, conceptum foetum parturiebam infectum & imperfectum, nec saltem sicut vrsa lambendo promouebam postea ad plenum partum. Ecce hoc erit tibi signum, si quando in manus tuas venerint, qui nostri sunt, si imperfecti, si squalidi, si rustici, si male amici prodierint. Tamen da veniam, quia pudibundi non se ingerunt, sed compulsi vix publicum ferunt.

a MONACHO DE S. BERTINO] Sithiuensis monasterii, quod Tarauanensis olim dicecessis, nunc S. Audomari.

b M. GILLEBERTI, ET M. PETRI] Petrum, ni fallor, Trecentem intelligit, qui

EPISTOLARVM LIB. VII.

151

appellatus est Comestor. Gillebertum vero illum fortasse S. Stephani Autisiodorensis canonicum, qui glossas edidit in vtrumque Testamentum, & propter eximiam doctrinam vocatus est vniuersalis, Londinensisque postea creatus Episcopus.

EPISTOLA XX.

Priori Cantuariensi, & ceteris fratribus, Petrus Abbas sancti Remigij.

BEata occasio, qua vobis admoneor scribere. Miserum certè me iudico de inertia, quæ detinet senectutem meam à visitatione quondam amici, nunc Domini, patris & patroni nostri sancti Thomæ pretiosi martyris Dei. Hinc arguit me conscientia, inde excusat. Si viueret in corpore Archiepiscopus Thomas, nonne, inquit conscientia, ires & visitares illum? nonne & marina pericula postponeres, & omnem à te torporem excuteret, vt amicum visitares, & mutua conferres colloquia? E contra iterum talia refert, Sed monachus es, sed Abbas, sed senex, sed corpore inualidus. Monachi est, non egredi de castris Domini, immo de claustris monasterii: Abbatis est, procurare curæ suæ temporalem & regularem sollicitudinem: senis est, inniti baculo suo sub oliua & ficu & vite sua, & cogitare dies antiquos & annos æternos in mente habere. Inualidi est, conuerti in ærumna sua, dum confringitur spina, & dicere quotidie, *Quis me liberabit de corpore mortis huius? Gratia Dei per Iesum Christum.* His cogitationibus disputatione sua sic me accusantibus & exculantibus, interponit se statera æquitatis mediam, sicque litem resoluit, vt neutra de conclusione erubescat, sed pace bona alteri cedat altera. Pium namque est ire, pium non ire. bona est peregrinatio, quam comitata fuerit sancta deuotio: religiosa nihilominus detentio, cui assiduè adest pia commemoratio, & eo intentio flagrantior, quo suo non satiatur desiderio. Vtinam sic me deferret Angelus ad sancti sepulcrum, sicut Abacuc transtulit ad lacum leonum, non vt deferrem Danieli refectiorem, sed vt referrem peccatorum remissionem. Constituo autem interim absentiae nostræ vicarium magistrum G. quem ad se vocauit D. Archiepiscopus Cantuariensis. Commendo itaque vobis commendabilem amicum & clericum nostrum eundem G. qui sentit in se viscera dilectionis, misericordiae, & pietatis, quæ ad nos habetis, non pro merito nostro, sed pro gratuito beneplacito vestro. Certè si primam familiaritatis vestræ portam aperueritis ei gratiâ nostri, credo quod ex prælibatione auida subsequetur fames, & continuò dicetis, iam non propter tuam loquelam illum diligimus, ipsi enim cognoscimus, & scimus quia dignus est amicitia & contubernio bonorum. Excipite itaque illum tanquam honestum clericum & bene litteratum, vt apud vos possideam hunc ramusculum, successionem illius magnæ arboris, quæ transplantata est in Ecclesia Carnotensi. Fuit enim noster alumnus magister Iohannes: & iste, vtinam similiter!

Rom.

VII. 24.

EPISTOLA XXI.

a R. Cantuariensi Archiepiscopo Petrus S. Remigii.

Maximum argumentum est honestatis & religionis, ad se vocare, & iuxta se statuere alumnos & cultores bonæ conuersationis. Probata namque virtus consimili gaudet reclinatorio, vires quotidianis resumens incrementis, non solum de natiuo germine, sed & de vterina propagine. Inde est, pater sancte, quod ad commendationem non modicam vestri nominis Magistrum G. aduocatis, & mundanis destitutum copiis in spe bona sub alis vestris, ut audiimus, nidificare compellit. Nouimus eum non transitoria aut aduentitia familiaritate, sed longa & diuturna vicinitate, ac beneficiorum nostrorum communicatione. Utinam suffecisset ei nostra paupertas, nec amouisset illum à nobis tam patriæ amicitia, quam vestræ largitatis fiducia! Raros ei similes penes nos habemus, quos sic ornet doctrina, quam vita. Dignus est latere sacerdotali, qui sua non inquinat vestimenta, qui sæcularia lenocinia postponit pro vera philosophia. Cum gravis siquidem philosophiæ etiam quisquilias retinet, amans sententias, nec verba respuens, legens codices & corrigens mores. Excipite pauperem, & facite diuitem. Imitetur manus vestra mundi fabricatorem; qui in creatione terram, prius inanem & informem, fecundauit tam multipliciter, & formauit tam mirabiliter, ut fœtus sint innumerabiles, formæ incomparabiles. Sanctissimæ memoriæ prædecessor vester, Archiepiscopus Theobaldus, de gremio & sinu nostro Magistrum Iohannem Carnotensem Episcopum inopem & pauperem suscepit, sed Deo iuuante usque ad nomen magnorum qui sunt in terra fomentis suis prouexit. Mortuus quidem est ille Archiepiscopus corpore, sed adhuc viuit in propagine, & durat in illo adhuc suauissimum memoriale. Sicut successistis ei, & sancto Thomæ in Episcopatum, sic in isto magistro G. succedat amplissimum vestrum beneficium. Valeant ei preces nostræ, quia etsi ignoti sumus vobis facie, non tamen, si oportunitas se preberet, obsequio, & interim bona voluntate.

a R. CANTUAR. ARCHIEPISCOPO] Richardo S. Thomæ successori: S. Thomæ autem decessor Theobaldus, qui Iohannem Saresberiensem postea Episcopum, in familiam suam primus asciuerat.

EPISTOLA XXII.

Iohanni Episcopo Carnotensi, Petrus S. Remigii.

In biuio dubietatis positus? utrum conquerar de me ipso ad amicum, an de amico ad amicum, vix discernere possum. Sed si utrumque facio, alterum non omitto. Nam quia utrumque culpabilem inuenio, neutrum excuso. Me Abbatem, te Episcopum quis ignorat? Hactenus vnice amicos fuisse quis dubitat? Huius rei testis est acruus epistolarum, marina pericula non timentium, cum familiarissimo recursum & brachiali complexu nostra quondam se se reuisitabat amicitia. Vnde autem obstupuit, immo elanguit

EPISTOLARVM LIB. VII. 153

elanguit communis stylus, non iam quatruiduanus stertens, immo annuali elapsu deficiens? Certè si Episcopatum sollicitudinum allegationes negligentiam istam excipiunt, meam æquè consimili ratione defendunt. Elto. Nullum fuit tempus vacuum, vel veniendi, vel scribendi. nunquid amandi? nunquid recordandi? Procul dubio quamlibet excusationem potest habere omnis actio, nullum dilectio. Si dormis, dilectio non dormit. Vnde, *Ego dormio & cor meum vigilat.* Quibuscumque teneatis occupationibus & necessitatibus, non impeditur, non compeditur vera dilectio. Vbi es vera dilectio? Certè pallio hiacynthino multi se operiunt, sicut falsi prophetae, qui in vestimentis ovium veniunt, intrinsecus autem sunt lupi rapaces, vel amici rapaces. Nolo, nolo me vel te esse de illis, qui magnificant fimbrias fictæ amicitiae, profitentes & promittentes inopinabilia & incredibilia, digito autem suo nec quæque modica tangentes. De hoc amicorum genere vel grege nunquam te expertus sum, nec tu me. Tardiùs enim os in promittendo moueo, quàm cor in diligendo. Vrget autem me suis stimulis hæc, de qua loquor, dilectio, redarguere non superbè, neque fictè, quæ de amico audio. Siquidem propter antiquam nostram amicitiam, qui habent aduersus Episcopum Carnotensem querelam, Abbatem S. Remigij conueniunt, & quasi magistrum & iudicem proponunt. Hæc & hæc, inquit, facit Episcopus, sic loquitur, sic mouetur, sic mutabilis est in promissis, sic instabilis in verbis & consiliis suis, sic ingratus beneficiis, sic ad iram facilis, sic improuidus in disponendis iudiciis, sic totus pendet de voluntate & consilio vnius hominis, minus prudentis & multum cupidi. Ecce capitula quæ obiciunt Episcopo. Quid autem, ô amice, respondes ad ea quæ tibi obiciuntur ab his? Si talis es, in alium virum mutatus es. Non te talem noueram, non didiceram, non prædicaueram. Archiepiscopus noster, vir discretissimus, & qui morum scrutator & cognitor est perspicatissimus, discipulum S. Thomæ aliter informatum, aliter institutum fide oculata ex diuturna cohabitatione acceperat. Absit, absit à me ista credere, sed rationes vellem habere, quibus vanitates istas & infanias falsas possem refellere. Ecce per amantissimum nostrum Abbatem sanctorum Crispini & Crispiniani rescribite, & remandate tam de his, quæ ex parte nostra dicturus est vobis, quàm de his quæ scribo.



LIBER OCTAVVS.

EPISTOLA I.

a Eskilo Londensi quondam Archiepiscopo, Petrus Abbas S. Remigii.

E Requens corporis molestia hortatur cogitare de patria, vbi nulla est tristitia. Quantò enim ista infelicioꝝ quam patimur, tantò illa felicior quam speramus. Vtinam iam litus eius attingeremus! vtinam fluctus istius euaderemus! Circumferimur, periclitamur, naufragia experimur, & exire dissimulamus? Quis non optat portum, ne incurrat naufragium? Quis non præcidit hærentis in salo nauiculæ sonem, ne sentiat tempestatem? Quis negligit patriam, & amat exilium? Quis fugit patrem, & sequitur hostem? Gaudeo quia iam tenetis portum, & iedetis ad portam sanctæ ciuitatis, cuius participatio in idipsum. Vacillat quidem adhuc nauicula nostra, sed spero & expecto solatium vestrum, cuius per integram amicitiam possideo totum animum. Adiuro vos, si inueneritis dilectum, immo si veneritis ad eius cubiculum, nuncietis ei quia amore langueo. Credite mihi, si venirem ad porticum Salomonis, ne dicam ad sanctuarium Saluatoris, loquerer pro amico, postularem pro domino meo, pronunciarem in auribus Domini Sabaoth, & quæ mihi, & quæ per me pauperibus fecistis. Appellarem pium, compellerem iustum dicens, *Memor esto verbi tui seruo tuo.* Est enim verbum tuum, *quod uni ex minimis meis fecistis, mihi fecistis.* Ecce substantia domini mei Londensis quondam Archiepiscopi, nunc pauperis Clareuallensis, per manus pauperum tuorum apud te est. Repende ergo ei vicem, & da ei substantiam tuam, qui tibi dedit suam, tamen quam tu dederas, quam à te acceperat. Amantissime pater, non dormit, neque dormitat in recordatione vestra cor meum. Clamat, pulsât, statque ad fores nostras, quando inquires videbo quem desiderat anima mea? quando veniam & videbo illum? Via longa est, pedes vix mouentur, renes congelantur, & quomodo longè positus amicus videbitur? Quærendum est ergo remedium, vbi primum deest solatium. Pergere nequeo, scribere saltem valeo. Cernere non potest oculus, alloquatur stylus. Currat in membranis littera, quia in membris suis retardatur corporalis præsentia. Referat charta quod non potest lingua. Suppleat imago mortua, quod non valet viuâ & vera. Syllabæ fortunam nostram nuncient, quia eloquia oris nequeunt: desidero vos videre. Pax Christi & gratia Dei vobiscum semper. Saluto Capellanos, & Priorem, domnum Gaucherium, & domnum Autifiodorensem Episcopum, & Philippum, & omnes amicos nostros. Valete.

a Eskilo quondam Archiepisc.] Nunc monacho Clareuallensi lib. vii.

Psal.
cxviii.
49.
Matth.
xxv.
40.

EPISTOLARVM LIB VIII.

155

epist. xvii. Autiodorensis Episcopus, quem extrema epistola salutat, est Alanus, qui relicto item, vt ante monuimus, Episcopatu ad Clareuallenses iam pridem redierat, anno vt Chronicum S. Mariani notat, M. C. lxxvii. Gaucherii etiam ac Philippi monachorum Clareuallensium fit mentio in epistolis Nicolai.

EPISTOLA II.

a Auinionensi Episcopo, Petrus Abbas Sancti Remigij.

Virtutis propago ramos gratiæ suæ semper pullulans, in Ecclesia Christi beneficio suo rigat nouellas, sicut antiquas Paradisi plantationes, quando in decessu religiosi prælati bonus nihilominus & honestus substituitur. Sic ignis in altari perpetuatur: sic in sabbato panes propositionis renouantur: sic pro patribus filii Ecclesiæ nascuntur: sic denique vinctes in arca semper circumferenda infiguntur. Prædecessoris vestri gratiam, vt decet, firmiter teneamus: qui tanquam pius pastor & pater, fratres nostros, & quod in Episcopatu vestro habemus, dum vixit, seruauit, & pro posse ab infestatione defendit. Oramus vt spiritus eius duplex fiat in vobis: quatinus nec farina regiminis, nec oleum mansuetudinis in lecytho deficiat. Habetis fidelem in cælo remuneratorem beatum Remigium, cuius oues sumus, & si necesse & oportunum fuerit, tam de lacte, quàm de lanis nostris, ad vsum vestrum mutuare poteritis. Mittimus itaque iuuenem istum ætate, sed moribus, vt experti sumus, maturum ad partes vestras, cui tradidimus & committimus Prioratum nostrum cum his quæ ad nos pertinent in Prouincia. Vt ergo sub alis vestris ipsum excipiat & foueat, rogamus & obsecramus.

** AVENIONENSI EPISCOPO] Pontio, vt coniectura est, successori Gaufredi.*

EPISTOLA III.

Petrus Abbas sancti Remigij, R. a Canonico Meritona.

Adipe & pinguedine spirituali refertas ex parte tua recepi litteras, quibus cibatis & potatis, saluo quadragesimali ieiunio, factum est in ore meo tanquam mel dulce, & medullæ repletæ sunt vberima exultatione. De vase siquidem bono & optimo eructauit stylus tuus verba bona, verba consolatoria, quæ me à diluuiio aquarum multarum ad arcam Noe, qui interpretatur requies, prouocant, & de claustrali disciplina non solum cogitare, sed & scribere exorant. Promptum me & facilem nosti in omni obedientia, sed vinctum & occupatum laboriosa sarcina: cui noua alluione accreuit & accessit renum grauissima infirmitas. Non credas quodd de solito luti & lateris penso aliquid imminuerit vrgentissima principis tenebrarum harum exactio. Componit quotidie strues lignorum, in negotiis, addit paleas, & stipulam siccam in nugis & vanis discurſionibus. Vexatus denique plagis variis orationum, psalmodiarum, sanctarum meditationum, eleemosynarum, magis ac magis cor eius induratur, negans licentiam in deserto abeundi & immolandi Deo sacrificium iustitiæ & in-

V ij

nocentiae. Quomodo itaque in manicis ferreis detentus, & supra modum fame lectionis & otii exinanitus, speciosa deserti dinumerare, & claustralem disciplinam possum funiculo prophetico dimetiri? Non potuit Iosue filiis Israel terram promissionis sorte diuidere, donec terra quieuit à præliis. Utinam veniret sabbatum delicatum! utinam pax requiesceret in cubili nostro! utinam iubilans annus celebraretur! ut sic rediret cor ad possessionem suam, & seruus peccati, corpus mortale ad libertatem suam. Interim tamen claustralis disciplina non atramento, sed exercitio compingatur: quia is qui sub lege est non Moyse, sed Augustini, aut beati Benedicti, si præcepta seruauerit, præmia habebit. Compendiosè & succinctè claustralem disciplinam vno illo verbo complector, quo Pharaos usus est ad Ioseph: *Ego, inquit, sum Pharaos, absque tuo imperio non mouebit quisquam* Gen. *manum aut pedem in omni terra Egypti.* Sanctissima & æquissima disciplina in claustro, ut nihil agatur, nihil dicatur, nihil habeatur, nisi cum Abbatis licentia: ut nec oculus egrediatur constituta, nec manus moueatur ad illicita, nec pes currat ad prohibita. His neruis corpus religionis compactum immobile stat, fundamentum habemus, præter quod nulla firma est religio.

^a CANONICO DE MERITONA] In Anglia. Saresberienfis epist. xlviii. *Sanctorum fratrum qui apud Meritonam Deo famulantur, & luce bonorum operum illustrant Insulam nostram, vexationibus & iniuriis iure compatiatur.* Regulares erant S. Augustini, & que nomine illos Hadriano iv. eiusdem olim ordinis Canonico commendat. Pro Meritona *Mintonia* vitiosè apud eundem Saresberiensem legitur epist. cxxxix.

^b DE CLAUSTRALI DISCIPLINA] Hoc enim argumento ac titulo librum scripsit ad Henricum Comitum Trecentem, cuius etiam meminit epistola vi. Vetus Index Bibliothecæ Montis Dei. *Petri Abbatis S. Remigii De disciplina claustrali.* Incipit, *Domino & amico suo H. illustri Trecentium Comiti Palatino.*

EPISTOLA IV.

^a Carnotensi Episcopo, Petrus S. Remigij.

SI quando in mente constantis hominis priora mutantur vota seu proposita, considerandum est, utrum hoc fiat leuitate, aut necessitate, aut superueniente affectione. Si leuitate, inconstantia: si necessitate, fortuna: si affectione, ratio pensanda est. Si enim vitiosa est affectio, improbitas est: si iusta, virtus, & est admittenda. Causa verò, unde oritur affectio, sorte inter bonam & malam diuidit, & nomen imponit. Bona excusat voti mutabilitatem: mala accusat inconstantiam. Non enim ab inchoatis recedendum est sine ratione, quæ inchoata sunt cum ratione. Alioquin non est in illo est, sed est & non in illo est: & de illo dicitur, quia *stultus ut luna mutatur.* Ne autem sim oneri occupatissimis auribus Carnotensis Episcopi, negotium breuiter & apertè exponam. Postulatio nostra apud vos pro Hugone cognato & amico nostro Remensi Canonico, ante fores vestras obseratas æstatem & hyemem fecit, & valde lassata & ieiuna ad sinum nostrum reuersa est, & ecce occurrat carissimus amicus & cognatus ampliori affectione suscipiendus in eadem postulatione G. Archidiaconus vester, qui vobis de latere & Ecclesiæ vestra

Eccli.
xxvii.
12.

EPISTOLARVM LIB. VIII.

157

magis paratus est seruire. Cedit itaque ille, si iste succederit: immo vt iste succedat, cedo & ego in priori petitione, si exauditus fuero in secunda, quin potius vt fiat, & citius fiat secunda: ne fortè steriles anni renuntient mihi defectum imbris matutini & serotini; & desperans de messione celsam deinceps arare, seu aliquid à vobis petere. Valete.

æ CARNOTENSI EPISC.] Iohanni Saresberienfi. item & epistola v.

EPISTOLA V.

Episcopo Carnotensi, Petrus Abbas sancti Remigij.

FAcilè est amicorum erratibus ignoscere, qui contingunt casu, non deliberatione. Causales quoque excessus facilè corrigit, qui occupatione, non contemptu, delinquit. Amicum nostrum & vestrum, Abbatem sanctorum Crispini & Crispiniani, aliter quàm decuit excepistis. In hoc circumspectio vestra oberrauit. Sed hoc debitum cum satisfactione dimittetur, cum ad nos veneritis & culpam recognoueritis. Iam quoque nebulam istam amouit à facie nostra relatio Alexandri amici vestri, quâ de statu vestro lætificauit nos. Solet enim verum dicere. Prosperum itaque & felicem statum in his quæ erga vos fiunt asseruit, & ambages circumuolantes à corde nostro abegit. Non difficile credo quod multum desidero. Verbis igitur illius credo, & valde congaudeo. Nam à me nihil alienum æstimo, quicquid de vobis sensero. Radix enim longæua pruinâ subitâ non arescit, neque marcescit. De his hæcenus.

EPISTOLA VI.

Amico suo carissimo R. Canonico, Petrus Abbas sancti Remigij.

VNum quaternum iam impleueram de disciplina claustrî, & mittere per præsentium latorem plurimum festinabam. Sed dissuasum est ab amicis, ne opus imperfectum amico mitterem, propter rapaces curiosorum manus & oculos. Nam si viderent, aut abijcerent, aut retinerent. Si abijcerent, fortè conculcarent. Si conculcarent, nullum delectum habentes inter vtile & inutile peccarent. Si retinerent, aut legerent, aut scriberent, aut negligenterent. Si legerent, aut scriberent, scabrosam fortè lectionem & minus compositam offendentes, imperitiæ & præsumptioni, non festinationi imputarent: quatinus mihi meritò illud prouerbium adscribatur, quo dicitur, *Onos lyras*, id est, asinus ad lyram, aut rescriberent, & nostra vitia perpetuarent. Si negligenterent, quantum ad illos in vanum laborassem, & perisset opera & impensa. Quicumque igitur fidelis nuntius post paucissimos dies occurrerit, casibus fortuitis me committens, mittam quæ ad petitionem tuam de disciplina claustrî scripsi. Valete.

V iij

EPISTOLA VII.

*Priori & fratribus Grandimontis, Petrus humilis Abbas sancti Remigii
manus orationis & pretium.*

Quanto fragiliores sumus, & de nostris minus speramus viribus, tantò si sapiamus ardentius validiora & ampliora emendicamus suffragia. Vae enim soli, quia si ceciderit, non habet subleuantem se. Si autem fuerint duo, fouebantur mutuò. Solum æstimo, qui nec cum Deo in simplicitate & puritate ambulat, nec fraternum curram inuincibili societate & in separabili vnitatem equitat, Domini & fratres carissimi, ego vir videns tam paupertatem, quàm insufficientiam meam, ubi audio cælestes pauperibus erogari dapes, curro, pulso, quæro, & de reliquiarum micis offellas quas possum expecto. Vestrum est, vestrum est, panis oleati buccellas cum Petro Apostolo, cum conuenitis ad cœnam agni, sumere, sed & his qui non præparauerunt sibi, partes mittere. Dies enim Domini sanctus est, ^a solemnitas sancti Iohannis Baptiste, quando ad matrem pulli gallinæ reuolant, & de singulis locis vestris riuli ad locum de quo exierunt refluunt, vt de paterna instructione & correctione reparato meatu copiosius & fortius iterum fluant. Seruanda & tenenda est hæc probabilis & sancta consuetudo? quia non tantum ab homine & per hominem, sed etiam à lege & Deo hæc approbata est institutio. Tribus enim vicibus iubet Dominus in lege, vt Hebræus appareat ante Dominum, non tamen vacuis manibus. Nunquam autem vanum aut vacuum est, sinus paternos, tanquam suæ professionis alumnos, relambere, & novos inde sibi sapes attrahere. Procul igitur odorans ipse ego tam iocundos & festiuos sanctitatis vestræ concursus, prompto animo & vultu submisso, Amen pauper inclamo, & de orationum suffragiis subleuamen expostulo. Hæc autem nostra postulatio non vsquequaque imbecillis, & carens sustentationis baculo, claudicans sanctum conuentum vestrum ingreditur: quia fratres vestros, qui nostris in partibus commorantur, diligimus & honoramus, & etiam cellam bonam in nostro habetis patrimonio. Hac ergo securus confidentia, vestrorum rogo societatem bonorum: & cum anima soluto corpore vias ignotas aggressa fuerit, conductum vestrum vsque ad meum iudicem deponco. Rescribite si placet, & quam misericordiam facere disponitis remandate. Valete.

^a SOLEMNITAS S. IOHANNIS B.] Quo die anniuersaria Ordinis sui comitia celebrare solebant Grandimontenses lib. ix. epist. 11.

EPISTOLA VIII.

Alexandro summo Pontifici Petrus Abbas sancti Remigii.

Apostolicæ sedis oraculum nec sine reuerentia penetrandum est, nec sine fiducia adendum. Tibi itaque, Pater venerande, cui datæ sunt clauces regni cœlorum, non est data potestas sine indulgentia, nec iusti-

ria absque misericordia. Interpellet igitur, & inclinet ad petitionem nostram auctoritatem tuæ potestatis sobria indulgentia, temperet æquè rigorem iustitiæ pia misericordia. Intutum proinde est, thronum magni regis, qui est in sæculum sæculi, aliquatenus concutere: nec minus periculosum, lectulum Salomonis, propter ambientes gladios versatiles, citra decubantis placitum, qui dormit vt catulus leonis, excitare. Sedentem & quiescentem Deum in sanctis quis audeat dubitare? De numero & sorte istorum, teste sancta conuersatione, confratrem nostrum dilectissimum ^a Clareuallensem Abbatem fide occulta cernimus & credimus. Fortè electus est in Episcopum Tolosanæ ciuitatis. Vt autem verè religiosus, metiens se sibi & insufficientiam suam metuens, repudiato connubio mauult discalciari, & sputa cuiuslibet improprij in faciem cum IESV excipere, quàm vitis, oliuæ, & ficus assumptæ professionis dulcedinem deferere. Nec in hoc vsus est reprehensibili lenitate, cum hoc faciat ex legislatoris auctoritate: Moyli vtique, qui grandis factus negauit se esse filium filia Pharaonis, magis eligens affligi cum populo Dei, quàm temporalis peccati habere iocunditatem, maiores diuitias æstimans thesauro Ægyptiorum, improprium Christi. Aspiciebat enim in remunerationem. Reputat etiam, quòd in lamentationibus legitur, quia *mutatus est color optimus, postquam dispersi sunt lapides sanctuarij in capite platearum*. Timet in se fieri eclipsim solis, si de statione Hebræorum transierit in castris eorum, ^b quorum os locutum est vanitatem, & quorum pedes currunt ad malum. Citiùs enim inficit venenum, quàm curret antidotum: & fragilis natura difficiliùs reparatur, cum facile frangatur. Concedat igitur Apostolica licentia hominem istum in paradiso Clareuallensi operari cibum, qui non perit, & in sudore vultus sui panem suum manducare, quia nec vult vetitum tangere, nec tunicam pelliceam assumere. Fixit namque tentorium suum de pellibus Salomonis iuxta puteum viuientis & videntis, iuxta aceraum nouarum frugum, iuxta denique propitiatorium, intra factuarii velum, subter alas Cherubin sancti Benedicti & beati Bernardi. Supposuit quoque humerum arcæ fœderis Dei, in qua est virga crucis, quæ floruit in Apostolis, fronduit in regeneratis fidelium turbis, & nuces protulit in martyribus, confessoribus, atque virginibus: in qua duæ tabulæ testamenti, vna asperitatem legis continens, altera Euangelii mansuetudinem & gratiam conferens. Ad vltimum manna est ibi absconditum promissæ dulcedinis Dei, quam abscondit timentibus se, & dabit diligentibus se. Habitat in medio lapidum ignitorum: quorum contemplatione visus acuitur, torpor excutitur, vitalia nutriuntur, morticina reijciuntur, religio perpetuatur. O quàm dura, quàm amara separatio religiosi affectus, cui cedit carnalis necessitudo, cui supponitur delectatio, cui ambitio subternitur. Quàm infelix commutatio, vbi pro suauis odore recipitur fator, pro crispanti crine caluitium, pro fascia pectorali cilicium. Nequaquam est hæc commutatio dexteræ excelsi. Non igitur audiat auris Apostolica aduersus Mariam ad pedes IESV sedentem, Martham conquerentem, quæ sollicita est circa frequens ministerium, nec gustauit poculum ex vino condito sanctæ contemplationis, & in lege Dei assiduæ meditationis.

Thren.
IV. 1.

^a CLAREVALLENSSEM ABBATEM. } Henricum. Hic paulo antè, hoc est anno M.C. LXXVIII. cum Petro S. Chrysogoni Cardinale, & Episcopis aliquot, Tolosam legatus fuerat aduersus hæreticos Albigenfes. Qua de re præclara extat Henrici ipsius epistola apud Houedenum. Nunc mortuo Gocelino Episcopo Tolosano ad eam Cathedralam poscebatur.

^b QVORVM OS LOCVTVM EST VAN.] Tolosatum, quos ea labes præ aliis infece- rat. Henricus ipse in epistola: *Tolosam, quæ sicut erat ciuitas maxima multitudinis, ita etiam dicebatur esse mater hæresis, & caput erroris.*

EPISTOLA IX.

^a Domino Alberto Cancellario, Petrus Abbas sancti Remigij.

PRo aliis rogare cogimur, qui pro nobis vix exorare sufficimus. Nec ta-
men in postulatione hæsitamus, quam commendat iustitia postulatio-
nis, conscientia postulantis, & pietas postulati. Iustitia est, suum ius vni-
cuique seruare: conscientia bona est, dilecto Domino pro conseruo fideli
humiliter supplicare: pietas paterna est, propositum etiam inflexibile
anxiato filio benignè remittere. Scimus, Domine amantissime, potestati
Apostolicæ subesse quod mandare voluerit, & dicere huic, vade, & vadit, &
alio veni, & venit, & seruo, fac hoc, & facit. Sed iungatur curus potestatis,
& pietatis, sublimitatis & mansuetudinis vt media sternatur caritas propter
filias Ierusalem. Certè, vt credo, aut nullas filias in terris habet Ecclesia,
quæ est mater nostra; aut in Clareuallensi cœnobio quotidie parturit, &
maternis vberibus alit matrisantes filias. Siquidem Iesu Christi de virgine
nati, in mundo religiosè conuersati, in cruce sub Pontio Pilato affixi, vera
vestigia vestri Clareuallenses sequuntur, castè viuendo, patri spirituali in
omnibus obediendo, carnem suam cum vitiis & concupiscentiis quotidie
crucifigendo. Si Deus pro his, quis contra illos? Ecce pulli isti sub alis gal-
linæ, quæ se contra miluos spiritalis nequitie opponit, lambunt sanguinem
Dominicæ passionis, & dormiunt sub umbra iuniperi, labores suos conso-
lantes dilectione protectoris sui. Quanti itaque periculi sit excitare quie-
scentes sub hac ficu & vinea, non carnali, sed spiritali dulcedine, discernat
discretissima moderatio Apostolica, & non auferat ab eis desiderabile
oculorum suorum. An non sunt alij præter istum? immo super numerum
multiplicati sunt qui dicunt, *Ecce ego, mitte me*, cum iste dicat. *A, a, Do-
mine Deus nescio loqui, quia puer sum.* Fortè dicitis, Quid ad te de Clare-
uallensibus, cum Samaritani non contantur Iudæis, & nigra Æthiopissæ fa-
cies & vestis differat ab illa veste & facie, quæ apparuit Apostolis in trans-
figuratione Domini? Ad quod ego, Ex multarum facierum personis, regina
quæ assistit à dextris filii, in vestitu deaurato circumdata varietate, cantat in
psalterio decachordo ante sedentem in throno gratiæ, vnde procedunt di-
uersa charismata gratiarum, cum sit tamen vnus, atque idem spiritus, idem
Dominus.

Esa. vi.
3.
Hier.
1. 6.

^a D ALBERTO CANCELLARIO] Cardinali, ad quem lib. VI. epistol. 1. Eidem Ro-
manæ Ecclesiæ Cancellario & noster posthac sæpius, & Stephanus item Tornacensis,
& Petrus Blesensis epist. XXXVIII.

EPISTOLA X.

Alexandro Papa Petrus Abbas S. Remigij.

Sicut à paternitate Domini nostri Remensis Vuillelmi in mandatis accesperamus, de causa terminanda, quæ vertitur inter Episcopum Sueffionensem, & a Comitem Robertum, Sueffionis accessimus, & nobiscum Abbatres sancti Crispini, sancti Iohannis, & vallis Serenæ. Ibi allegationibus vtriusque partis auditis, ab Episcopo productorum testium attestationes scriptas recepimus. Deinde aliam diem Remis vtrique parti statuentes, iterum conuenimus: & post multa, quia dominus rex super hoc negotio litteras suas Episcopo direxerat, ex voluntate & consensu eorum diffinire causam distulimus, donec cognosceremus, an dominus rex controuersiam illam inter eos pacificaret. Postea verò nulla interpellatione interueniente, nec diem sibi dari Episcopo à nobis postulante, interdicto excommunicationis nobis inconsultis terram præfati Comitis Episcopus subiecit. Proinde Comitissa ex parte sua & Comitis conquerens de hac iniuria, vt terram suam absoluere-mus à nobis exegit. Consilio itaque sapientum habito, accepta cautione à parte Comitis, quòd si nouum damnum, vel iniuriam Episcopo fecisset, plenè resarciret, terram absoluimus. Hanc igitur huius rei veritatem vobis mandamus & testamur.

a COMITEM ROBERTVM.) Comitem Sueffionensem. Episcopi verò nomen Neuelo: qui Lateranensi Concilio subscripsit. De S. Crispini monasterio apud Sueffiones dictum est superius. Apud eosdem est Monasterium S. Iohannis, quod de vineis vocant ordinis S. Augustini. In pago autem Sueffionico Vallis serena, Præmonstratiensium cœnobium.

EPISTOLA XI.

Alexandro summo Pontifici, Petrus Abbas sancti Remigii.

Totius Christianitatis onus humeris Apostolicis impositum non ignorat, qui Christum Principi Apostolorum dixisse non dubitat, *Tues Petrus, & super hanc petram edificabo Ecclesiam meam.* Necesse itaque est, vt Aaron, qui penetrauit cælos in sanguine suo, pontifex à Deo patre constitutus in æternum, & Vr, qui in igneis linguis super Apostolos descendit, tam manus, quàm humeros vestros auxilio suo subleuent, & ne deficient, sustentent. Iniquitas namque, quæ sedet super talentum plumbi, geminatis quin potius iunctis alis, Ecclesiam Dei & vestram, Dei, desponsatione, vestram, procuratione, vsquequaque opprimit, tam in subditis, quàm in prælatis: adeo vt iam possit dici, Sicut populus, sic sacerdos, sicut oves, sicut canes. Quid dicam, & quare dicam quod patet lippis & tonsoribus? Nonne clamor tanti mali, ne dicam furor, vsque ad nubes ascendit? Et quis vos dubitat ista scire, cuius est non solum morbos discernere, sed etiam quæque morbosa secare aut sanare? Tamen, summe pastor, duo mala facit populus tuus. Descende & inuenies vitulum conflatilem, lasciuientem in vac-

Matt.
xvi. 18.

cis populorum, & lingentem herbam usque ad radicem. In altero notatur luxuria, in altero auaritia. Olim hæc tenebrarum familia tenebant valles, iam iam occupant montes. Olim sædabant templum Veneris, sed iam pollunt atria Virginis, quam pater desposuit filio suo, & Paulus tanquam vniuero virginem castam vult exhibere Christo. Olim denique regnabant in Babylonia, nunc in Hierosolyma. Ieremias lamentatur auaritiam sedere in capite omnium compitorum, ubi concurrunt in dandis honoribus Ecclesiasticis, aut carnalis affinitas; aut pecuniaria cupiditas. Dei quidem solius est ista amputare & tollere. Vestrum autem securim ad radicem ponere, & pro posse in sententia vigilum statuam istam confringere, & arborem succidere sollicitudine non pigra. Quomodo autem fiat istud, docebit vos qui incerta & occulta sapientiæ suæ manifestauit David puero suo, & omnia quæ audiuit à patre suo nota fecit suis Apostolis. Lator quoque præsentium fidelissimus vester, & totius honestatis & bonæ famæ vir insinuabit. Pungenda tamen est gladio ancipiti luxuria, quæ non solum thalamos pudiciæ, sed etiam terminos totius verecundiæ transgreditur: quatinus & si stimulus eius non confingitur, saltem retundatur, & si non sepelitur, saltem recondatur. Auaritiæ duo cornua in Ecclesiasticis traiectionibus prorsus anathematizentur, in secularibus rapinis ungula ipsius aut eradicentur aut exsecantur, Spiritus Domini, quia omnia continens replet orbem terrarum, ori & cordi vestro semper adsit, & præcipue in hac secunda generali congregatione.

* ALEXANDRO. SVM. PONT.] Anno M. C. LXXIX. cum instaret Synodus Lateranensis, quam propterea secundam generalem Alexandri congregationem appellat, quia priorem ante annos XVI. Turonis celebrarat: quod generale etiam Concilium dicitur Neubrigensi lib. II. cap. 14. & aliis.

EPISTOLA XII.

Domino Papa Petrus Abbas sancti Remigii.

AD generale Concilium, Pater venerande, cum cæteris Catholicæ Ecclesiæ filiis citatus excusationem præfero, non friuolam de perfunctoriis Euangelicis aliquam, quibus ad cœnam inuitati se excusando accusant: sed manifestis documentis probabilem & veram. Prompta siquidem est in me ad omnem obedientiam deuotio: sed succumbit propter inuالتudinem languida executio. Inest voluntas, sed impedit infirmitas: spiritus quidem promptus est, caro autem infirma. Apud igitur paternam clementiam & æquissimam Apostolicæ discretionis censuram, ætas annosa, longa via, brevis vita, fessa membra, sint nostræ excusationibus probabilia & necessaria argumenta. Mauult habere filium absentem viuum quàm secum semimortuum, vel certè extinctum. Percussus sum, ut fœnum, quod iam exaruit, quod hodie est, & cras non in clibanum, sed in feretrum mittetur, & quomodo tanquam plaustrum onustum fœno prosequi potero ambulantes in equis, & volantes in pennis sanitatis & robustæ ætatis? Quid enim si præsens essem, nec interesse possem? Quid faceret facula fumibunda, inter astra

lucentia? Parcite ergo in hoc nunc, sicut semper fecistis, nostras preces benignè suscipiendo, & efficaciter implendo.

EPISTOLA XIII.

Alberto Cancellario, Petrus Abbas sancti Remigii

ARca Dei Israel, arca sanctificationis, arca fœderis, quondam ex præcepto legislatoris circumtexta ex omni parte auro, antiquorum patrum sanctitate & doctrina, quam etiam Cherubim gloriæ obumbrantia propitiatorium desuper tegebant, nunc in præsentiarum, abusione & negligentia filiorum Heli, vestimentis gloriæ suæ spoliata, atque infœcundis salicibus operata, & relicta, iuxta Isaiam, sicut tugurium in cucumeratio, & umbraculum in vinea, recordatur dierum adolescentiæ suæ, & plorans atque in maxillis suis lacrymas reponens dicit, Reuertar ad virum meum priorem, quia mihi melius erat tunc magis, quàm nunc. Bores calcitrantes, videlicet doctores, à semitis iustitiæ per sua desideria aberrantes declinant eam, cum deberent glorificare Deum, & portare in corpore suo. Verus itaque dolor illos tangit, qui diligunt illam non sermone & lingua, sed opere & veritate. Non ignoramus vos vnum esse & specialem amicum siue filium vniuersalis sanctæ Ecclesiæ, cuius typum & figuram illa arca tenuit. Ad luctum itaque & compassionem maternæ angustiae, siue desolationis, vos aduocamus, ut quicquid affectualis deuotio exigit, maternis impendatis doloribus. Secundum enim locum post Dominum Papam à Deo in his corrigendis tenetis: sed caute, ne in vacuum gratiam Dei acceperitis. Qui enim spiritum vestrum & sanctam conuersationem antè multis retro temporibus viderunt & cognouerunt, de meliorando statu Ecclesiæ spem optimam conceperunt, cum factum Cancellarium audierunt. Nisi verò ubique essent notoria & vobis notissima, de his latius scriberemus. Tamen ne clausis labiis potiùs singultiamus quàm loquamur, declarat charta quod non filet vita. Dilatat infernus animam suam absque vilo termino, dum immaniter grassatur, tam in oves quàm in pastores. Qui enim præuii constituti sunt ad cælum, malo exemplo suos sequaces trahunt in infernum. Non de omnibus dico, nouit enim Dominus qui sunt eius. Quò autem mercede meliori digni sunt boni, eò ampliùs increpatione & correptione indigent mali. Isaias, Heremias, Ezechiel suâ prophetiâ nostra deprehenderunt tempora. Contra pastores namque, & peruersos rectores, nuda, sed & vera retorserunt iacula, auaritiâ eorum, luxuriâ, gulam, rapinam, & omnem iniustitiâ non in angulis, sed in plateis declamantes. Ingrediatur itaque in ossibus & medullis vestris, & impleat spiritum & os vestrum spiritus illorum zelotypus, conterens montes & petras, & efficax vsque ad diuisionem animæ, & spiritus. Gladius vester deuoret carnes inebriatus in cœlo, quatinus emendatos remittatis nobis pastores nostros, & omnibus serpentinis exuuiis spoliatos.

¶ **QVI E. SPIRITVM VESTRVM**] Vir enim fuit Albertus Cardinalis, qui & postea Pontifex Gregorius viii. insigni pietate ac religione, de quo in vetere Chronico hu-

X ij

iusmodi est elogium. *Albertus de Benevento Cancellarius vir magnæ sanctitatis ac laudabilis parsimonia in omnibus actibus suis religiosus fuit. Ecclesiam B. Martini in qua habitum religionis sumpsit, semper cordi habuit, quæ etiam ei annuatim vestes secundum regulam procuravit.*

EPISTOLA XIV.

Alberto R. E. Cancellario, Petrus Abbas sancti Remigii.

EN auctoritatis Apostolicæ gallina grandosa & fatosa congregat pullos suos obedientia & subiectione sub alas benignæ protectionis & discretæ consultationis, quid futura? quid paritura? quod scribatur in generatione altera, ut populus qui creabitur laudet Dominum. Ecce Iacob senex & plenus dierum, qui diu luctatus est cum Angelo schismatico, expectans salutare Dei, conuocat filios ad benedictionem: nunquid taciturus quid Ruben fecerit, quodd cubile patris ascenderit, & stratum eius maculauerit? quid Simeon & Leui, vasa iniquitatis bellantia non prædicturus, aut constituturus, quid facere habeat posteritas futura? Grandis equidem apparatus Romani Concilii, grandes portendit secuturas nuptias filij regis Iesu Christi. Ministeriales & officiales huius sancti Concilii cum cæteris, immo præ cæteris Cardinalibus, non ignoro vos à Deo prædestinatos, quorum fidem, religionem, constantiam & æquitatem in multis iam expertus est sponsus Ecclesiæ vnicus dominus noster. Adhuc habet opus, ut obsequium vestrum sit rationabile & acceptabile in hoc Concilio: ut accincti gladio vtrunque acuto super femur potentissimè putridas amputetis carnes, & insanas superstitiones, quæ sunt quotidie in orbe Christiano. Ramosa siquidem & syluosa quotidie pullulat apud nos malitia: securis autem Euangelicæ disciplinæ, fabro dormiente & negligente, pene vbique iacet retusa. Rarus est, qui eam, vel hebetatam apponat ad radicem arboris. Ut exprimam quod sentio, quàm irritoria subfannatio, quàm laboriosa & lacrymosa, ne dicam tædiosa, peregrinatio, quamque damnosa expensarum iactura, & bona bonorum consumptio, si cassa & sine fructu benedictionis redierit tam solemnis magnorum virorum & religiosarum personarum congregatio? Cauete ne dicatur, Parturient montes nascetur ridiculus mus. Inueniat igitur vos IESVS amicos veritatis, ut à porta vsque ad portam transeuntes, vituli conflatis cultoribus non parcat. Commendo vobis præsentium latores, carissimos & amicos & filios nostros, ^b Abbates sancti Petri de Montibus, & omnium sanctorum de Insula, & sanctæ Mariæ Virtuens, ut de gratia, quam habemus in vobis, gratiam inueniant in oculis vestris. Quàm citius poteritis, cum gratia Domini Papæ, & vestra nobis, eos remittite.

^a CVM ANGELO SCHISMATICO] Triplici Antipapa. Nam post Octavianum & Guidonem, de quibus dictum epistola xxvi. lib. i. contra Alexandrum stetit etiam Iohannes Abbas Strumensis, qui Callisti nomen usurpauit anno M. C. LXVIII. Addunt alii quarrum Landonem, qui dictus sit Innocentius.

^b ABBATES S. PETRI DE MONTIBVS) Monasteria sunt diocesis Catalaunenſis, duo quidem priora in vrbe ipsa, tertium in oppido non ignobili. Sed monasterium omnium sanctorum, cuius etiam mentio in epistola vi. Alexandri, ordinis est regularium S. Augustini, duo reliqua S. Benedicti,

EPISTOLA XV.

Alberto Cancellario, Petrus Abbas sancti Remigij.

Quotiens naufragia patimur, totiens ad portum festinamus. Portum autem tutissimi refugij in littore vestrae amicitiae iamdudum fiximus. Molestiarum quidem ventos frequenter contrarios sentimus: sed portum vestrum usque ad grauiorem non infestamus tempestatem. Leuiora enim discrimina aut patientia tolerat, aut virtus fortiter superat. Cum autem nubes magna & ignis inuoluens nauiculam nostram inuadit, statim aut est periclitandum, aut citò enauigandum. Hoc anno Dominus Papa, vestro interuentu, priuilegium suum Ecclesiae nostrae indulgit: in quo specialiter expressit ^a Canonicas, seu praebendas de Marsna, & quas in usus proprios iam à multis retro temporibus retinemus, tenendas in perpetuum confirmauit. Quae etenim quondam fuerunt Canonicorum praebendae, à longissimis retro temporibus, donatione Episcoporum Leodiensium, & confirmatione Papae Innocentij, in proprietatem transierunt, & possessionem monasterij nostri. Nuper verò Dominus Papa rem, vt credimus, ignorans iam secundo scripsit Praeposito nostro de Marsna, vt daret praebendam cuidam clerico Imperatoris, cum nec praepositus dare possit, nec sit praebenda quae dari possit. Insinuate ergo Domino nostro, ne velit panem filiorum tollere, & dare canibus, qui non cessant aduersum nos latrare, & bona nostra auferre. Alias enim dicere compellimur, *Ecce in pace amaritudo nostra amarissima*. Nam per Imperatorem ^b tempore schismatis instantissime id efficere plures conati sunt, sed minime praevaluerunt.

Esa.
xxxviii
17.

^a CANONICAS SEV PRAEB. DE MARSNA.] Quae monasterio S. Remigij ita fuerant tributae, vt decedentibus Canonicis in usus cederent Monachorum. Diploma Conradus Imp. Odoni Abbati concessum anno M. C. XLV. D. Odo venerabilis Abbas S. Remigij confessoris & Francorum Apostoli, nostram praesentiam apud Traiectum ult. rius visitauit, & possessiones Ecclesiae suae, quae in regno nostro adiacent, nostro petuit priuilegio confirmari. Marsnam videlicet cum omnibus appenditiis suis, Herta, Cluma, Litta, Angledura, Becca, Praebendas quoque Marsnenses in usus monachorum decedentibus monachis ^{*} transmutatas. Nos itaque tam religiosi viri petitionibus diligenter obtemperauimus, & tam possessiones supradictas, quam praebendas in usus monasticos conuersas regia maiestati sig. llo corroborauimus. Diploma item Friderici Imp. quod Hugo Abbas Aquisgrani obtinuit anno M. C. LII. Hoc etiam eidem B. Remigij Ecclesiae regali munificentia adiacentes confirmamus, vt praebenda Clericorum Marsnensis Ecclesiae in usus monachorum decedentibus clericis sine ullius contradictione de cetero cedant.

* l. Clericis.

^b TEMPORE SCHISMATIS.] Ante annum M. C. LXXVII. quo Imperator in gratiam rediit cum Pontifice.

EPISTOLA XVI.

Alexandro Papa Petrus Abbas sancti Remigij.

Cum vniuersitas Christianitatis, pater sanctissime, vestro regatur moderamine, & cura vestrae sollicitudinis ad plura distendatur, quam sit stellarum numerus, vel arenae maris, satis mirum est, si nunquam cir-

X iij

cunueniatur. Plures enim venantur in curia vestra subreptione, quàm famulentur fidei denotione. Excipio sinceritatem sanctorum Cardinalium, quorum fides satis nota est Deo & vobis. Aduenientium redarguo fallacem simulationem, præcipuè Teutonicorum, quorum insidias & nos experti sumus, & vos viuo carbone tactus non ignoratis. Hi namque toto tempore schismatis, cum expositos nos, & quasi sine defensore calumniis & damnis pluribus afficerent, nunquam tamen in guerra obtinuerunt, quod modo in pace vestra & sanctæ Romanæ Ecclesiæ, nituntur ab Ecclesia nostra auferre. Dominum namque Imperatorem frequenter sollicitauerunt, vt de præbendis Marisnæ aliqua subripere possent: quas olim à multis retro temporibus, concessione Leodiensium Episcoporum, & tam priuilegio piæ memoriæ prædecessoris vestri Innocentij, quàm vestro, confirmatas habemus. Mandastis Præposito nostro de Marisna, quatinus cuidam clerico Imperatoris præbendam quæ non est daret. Petit igitur conuentus noster prostratus pedibus vestris, reuocare mandatum, & vltius nullam recipere alicuius super hac re petitionem. Deuoti enim sunt filij vestri; & exinde deuotiores efficientur.

EPISTOLA XVII.

Abbati sancti Crispini, Petrus Abbas sancti Remigii.

MIra veri amoris natura: ignea siquidem est, & tamen contra ignis naturam acrius feruet in amicis remotis, quàm sub oculis constitutis. Quæris quare? Quia sollicitudo ministra dilectionis quasi jacet, dum quod amat videt: currit verò cum assiduo impetu mordens animum propter absentem amicum, vbi est, inquit, quem diligit anima mea? Viuitne? sospes ne est? est ne tristis, an lætus? est ne timens, an securus? est ne de me sollicitus, an ad se intentus? estne indigens, an copiosus? Hac fuscinula carbonem suum amor mouens, & commouens, auget flammam, calorem multiplicat; medullam ossium liquefacit, & post dilectum longa recte sollicitum trahit animum. Trahit, inquam, fortius, dum longius subtrahit. Sic Tobias pater & senex, morantem filiam suspirans gemit, accusans se non potius excepisse pecuniæ damnum, quàm pro ipsa misisse vel amisisse filium. Silenter & suauiter dormit dilectio, cum nullis euagatur excursibus quærens de statu amici amicalis sollicitudo. Expertum credendum est. Duros, immo acutos aculeos visceribus nostris infigit absentia vestri: quorum punctiones non eram expertus, dum præsentem haberem, dum viderem, dum frequenter audirem. Præ cæteris vnum habeo non vobiscum, sed aduersus vos, quod intemperanter viuitis, non excedendo mensuram iustam viuendi supra, sed infra. Sententia enim quæ dicit, Ne quid nimis, plus & minus redarguit. Amplius edere voracitatis est, minus hypocrisis vel auaritiæ. Apostolus scit abundare & penuriam pati. In omnibus instructus est ad regulam viuere, qui neque ad ima curuatur, neque ad superiora distenditur, sed recto cursu bene tenditur.

EPISTOLA XVIII.

*Priori & Conuentui sanctorum Crispini & Crispiniani,
Petrus Abbas sancti Remigij.*

SI quod consilium, si quod solatium, si denique consolatio vlla in me est, sine inuidia vobis communicare debeo: & tam in vobis novellas plantationes, quàm frugiferas arbores qualicumque stillicidio nostrarum exhortationum rigare desidero. Vicarios siquidem affectus erga vos absentis dilecti & carissimi nobis Abbatis vestri viscerali sollicitudine in eius recessu me excepisse reminiscor. Visitare itaque vos affectuosa caritate in vobis habeo: sed concurrentium causarum retardat concatenatio, & ægra aëris & itineris contemplatio. Suppleat littera, quod non valet præsentia. Vniuersitatem igitur vestram, filij carissimi, alloquor, & in domino commoneo, nequis de vobis vapor sinistri rumoris erumpat, ne odor suauissimæ opinionis excidat, ne districtio ordinis aliquatenus tepore aquilonari perfluens euanescat. Facilius enim potestis seruare quod tenetis, quàm recuperare quod amiseritis, vel acquirere quod nunquam possedistis. Præueniente autem & præoperante Dei gratia, & adiuuante boni patris vestri sancto exemplo atque doctrina, cooperantibusque vestris studiis, triplici, immo multiplici splendore supernus radius intrinsecus & extrinsecus, congregationem vestram illustrauit religione, opinione, & temporalium possessione. Hanc Isaac benedictionem dedit Iacob heredi suo. *Det, inquit, tibi Deus de rore cæli, & de pinguedine terræ abundantiam.* De rore cæli pullulat claustralis religio, & sanctitatis fragrans optimè suavis opinio. De pinguedine terræ frumenti, vini, & olei exuberans fecunda possessio. Hæc gratia gratos, non ingratos, Deo faciat. Hamilia, non inflata pectora, certè gratia inhabitat: aut fugit inflationem. Aequat inæqualia, frangit excelsa, elata tollit, aspera emollit, fracta consolidat, ficta respuat, dispersa congregat, congregata conseruat, hominem ad Deum eleuat, Deum ad hominem inclinat. Hæc decurrit à throno gratiæ ad thronum sanctæ conscientiæ, & facit germinare fructus tricenos, sexagenos, & centenos. Hanc quamuis erogare vobis non possum, tamen rogare possum. Hæc ergo vobiscum & in vobis sit semper. Amen. Orate pro Abbate vestro, & pro nobis. Fratrem Iohannem, cui cura est de omnibus, specialiter commendo.

Gen.
xxvii.
28.

EPISTOLA XIX.

Archiepiscopo Lundensi, Petrus Abbas sancti Remigij.

SPiracula virtutum & odora menta suauia sunt & perpetua. Nam nec longuitate veterascunt, nec longinquitate odorem suum minuunt. Ecce vestra Dacia remota est à nostra Francia. Distant enim & moribus hominum, & consuetudinibus, siue situ terrarum. Sed virtus, siue hîc, siue illic, nec vultum mutat, nec habitum; nec fructum, nec vsum. Species illi vna & in Dacia & in Francia. Quorsum hæc? quid ad materiam præsentem atti-

net de insolubili & immobili vigore & decore virtutis scribere, cum sufficit grates referre vobis pro beneficiis fratri & amico nostro Fulconi Episcopo collatis, & quod obsequium suum tantum Dominus tam indigno monacho litteris suis porrexisset? Sed peccatum reputo falsa dicere, nihilominus & vera tacere. Sicut enim improbus incenditur, aut inflatur, si falso laudetur: sic præditus naturali & gratuita bonitate humiliatur, & fortius ad meliora accenditur, cum ad se & ante se relatione, non adulatoria, sed vera reuocatur. Timet enim, ne non sit vel minus sit, quam dicitur. A multis retro annis, pater carissime, de vestra nobilitate & industria plura audiuius, & quod feruentissimo zelo quæ Dei sunt in vobis, & in aliis augmentare studeatis. Tenui fama hoc didiceram, sed cumulum veritatis & certitudinis adiecit carissimus noster & vester, Fulco Episcopus. Phinees utinam tam apud vos, quam apud nos resurgeret; & filij Mathatiae antiqua pro lege Dei bella renouarent, & sibi usque ad animas non parcerent. Feruentis illius spiritus stillicidium in vobis infundat Spiritus sanctus. Satis dictum sit sapienti. Pro his quæ aguntur in partibus vestris erga nepotes & amicos prædecessoris vestri, utinam ea mihi esset apud vos gratia & amicitia, quæ apud illum est; & sicut illi honore, sic dilectione succedatis. Valet.

* ARCHIEP. LVNDENSIS.] Absaloni, ad quem & proxima, & Stephani Tornacensis multæ. Is Episcopus antea Roskildensis in Dania, Eskilo Archiepiscopo abdicanti successerat, ut adnotatum est ad epist. xvii. libri vii. Inde maximus Danorum pontifex dicitur Saxoni Grammatico qui se Absalonis huius horatu Danicam historiam aggressum testatur in proemio. Daciam vero pro Dania scribit, recepta plerisque etiam illius æui scriptoribus consuetudine.

EPISTOLA XX.

Archiepiscopo Londenfi, Petrus Abbas sancti Remigii.

GRatias diuinæ agimus gratiæ de bono odore gratissimæ famæ vestræ; cuius tam copiosa redundat affluentia, ut cælos ascendat, & terras etiam finitimas suauius respargat. Larga Dei manus de oleo cælestis promptuarij mensuram bonam, & confertam, & coagitatam, & supereffluentem dedit in sinum, immo in caput vestrum. De hoc itaque oleo & lampas propriæ conscientiæ decenter ornatur, & lucernæ totius provinciæ vestræ sufficienter suffunduntur. Scio & pro certo habeo, quod nisi fundamentum subesset bonæ conscientiæ, non sic dilataretur, & continuaretur vapor tam lucida & præclara famæ. Germen antiquum prædecessoris vestri non sub vna nocte aruit, sicut cucurbita Ionæ, requieuit spiritus Helix super Eliseum, utique Esquilij super Absalonem. Rigauit quod ipse plantauit: nec sufficit rigare, nisi adieceritis & noua plantare. Deus itaque incrementum dabit, nec erit vtriusque vestrum labor inanis, vbi superaddit gratiam manus superni remuneratoris. Nunquam enim Deus fraudat operarium suum digna mercede. Vtique & piè iuuat laborantem, & iustè remunerat operatorem. Vnde & suum est opus nihilominus & suum munus. Nequaquam igitur mentitur opus oliuæ, vbi cooperatur donum gratiæ. Non cesset itaque operatio, vbi

vbi restat certissima remuneratio. Denique, pater amantissime, carbones viuos & consolatorios instantissimè animo vestro suggerat, non solum spes futurorum, sed etiam ipsa praelibatio, quâ iam nunc memoria vestri traditur & commendatur orationibus fidelium & sanctorum virorum. Interim ne miramini, quod ego ignotus & terra remotus iam secundò scribo vobis. Habetis amicos iuxta vos & notos. Fulconem quondam monachum nostrum, nunc Episcopum, qui multis persuasionibus pulsat me, & compellit vobis scribere. Præsentium quoque lator, qui vos usque ad Angelos Dei extollit.

EPISTOLA XXI.

a Prænestino Episcopo, Petrus Abbas sancti Remigii.

Plus molesta, quàm grata & iucunda occurrit materia, quotiens ad scribendum vnico & quondam collateralis amico Abbati sumitur charta. Renouatur namque dolor meus repentina, sed & vrgenti, & vrenti corrosionem animi, dum transmontana remotio intercurrit & amicos diuidit aspectus, non tamen affectus. Accedit huic seuerissima desperatio corporalis incorporationis, cum fortè instet citissima alterutrius solutio animæ & corporis. Bone nunc Domine, olim amice dulcissime, quem constitues vicarium, qui vices tuas suppleat in nostris exequiis, in oculis claudendis, extrema salutatione, & æterna conclusionē? De cuius manibus saluator suscipiet spiritum meum, cum tuas mundas manus ad hoc delegissem dudum officiosum obsequium? Alius vt video amicus officij in his est substituendus. Sed quare conqueror? quare gemo? quare vultum obnubilo? Dei enim ordinationi quis resistit? An fortè tulit Deus Heliam, vt Heliseus duplicem eius reciperet spiritum? Nonne Ioseph asportatio in Ægypto fratrum eius & totius successionis fuit saluatio? Nonne Iesus ante Apostolos cælum ascendit, vt spiritum mitteret, & mansiones præpararet? Ecce iuxta latus Apostolorum locus à Deo tibi datus est. Quid ergo? Pulsa, excita: insta opportunè importunè, donec & ros & stillicidia gratiæ de sanctis ossibus, immo interpellationibus eorum, aridam nostram infundat, qui gratiam Apostolatus & benedictionem singularem ad nostram eis salutem indulsit. Hoc munus si per te collatum fuerit, amissis præponderat, & vna clausula innumera beneficia coagulat. Domino Papæ de sua gratia ad vos gratias agite. *b* Cancellarium, Tusculanensem, Albanensem, dominum Hyacinthum & Ostiensem sanctum virum, & si quos habemus alios amicos in curia, salutate.

a PRÆNESTINO EPISCOPO] Berneredo, qui ex Abbate SS. Crispini & Crispiniani Cardinalis Romæ ab Alexandro creatus est lib. ix. epist. i.

b CANCELLARIUM TVSCVL.] Romanæ curiæ Cardinales quinque. Ex his Albertus Cancellarius iam notus est. Petro Tusculano scribit lib. ix. epist. vi. & Stephanus epistola l. & xxxix. Albanensis est Henricus, Abbas antea Claræuallis, huius libri epist. viii. quem in Synodo Lateranensi Cardinalem nuper crearat Alexander. Hyacinthus postea Pontifex, Cælestinus III. appellatus est. Ostiensis item Episcopus Hubaldus, qui mortuo Alexandro succedens Lucij III. nomen tulit.

Dominis & amicis suis de Grandimonte, Petrus Abbas S. Remigii salutem.

Religioso fraternitatis vestre conuentui & sanctissimis orationibus saltem anniuersaria reuolutione nos commendamus. Videtur siquidem mihi meatus suos fluuius paradisi quasi ad sinum originale[m] revocare, cum de singulis partibus orbis ad diem beati Ioannis Baptiste sole[m]nem contingit Priores vestros in vnum conuenire. Refluxus iste pretiosarum gemmarum arena ad vtilitatem negotiatorum spiritualium redundat, & si quis pretiosas quærens margaritas ad littus hoc applicuerit studium sanctæ negotiationis, nequaquam vacuus & inanis exiit. Ego itaque vir videns paupertatem meam, sed non negligens, bono & paucio pretio suffragium orationum vestrarum tento emere. Est autem pretium nostrum, rogare, postulare, scribere, & tenuissimas orationes rependere. Si pensatis vltimum æstimationis, parum est quod datur: si votum, immo animum deuotum, multum. Æstimabile procul dubio est, quod manus legitur: impretiabile, quod animus. Vt enim ait Gregorius, non quantum, sed ex quanto offeratur considerat Deus, id est, non quantum pecuniæ, sed ex quanta deuotione. Sugerimus fraternitati vestre supplicatione humili, quatinus benefactoribus Ecclesiæ nostræ beneficium sanctæ societatis vestre indulgeatis: & præcipue illis, qui eleemosynas suas faciunt a nouo operi, quod ad honorem & decorem domus Dei & beati Remigii inchoauimus. Nam caput monasterij nostri renouare volentes, cum Dei adiutorio manum ad fortia mittimus. Rescriptum itaque sigillo vestro roboratum mittite, ad excitandos fidelium animos, vestra sancta exhortatione, & orationum concessione. Valeat sancta congregatio vestra.

a. NOVO OPERI.] Ecclesiæ S. Remigii, quam fabricandam suscepit, libro ix. epistola iv. & v. sub finem.

EPISTOLA XXIII.

Cluniacensibus, Petrus Abbas sancti Remigii salutem.

IN tanta sanctorum congregatione, & persona nostra, si adesset, vilis & abiecta apparet, & vox exigua, timeo ne & littera rusticana. Loquar tamen in medio vestrum, vt seruus Abraham, vt puer Daniel, vt senex Iacob, non vt Helii, cuius venter est vt mustum absque spiraculo. Legō in scripturis Hieremiam lamentantem, Paulum optantem anathema à Christo pro fratribus suis. Stillicidiis tantæ caritatis inebriatus, nonne dolere debeo vsque ad medullarum compagum discretionem, super ruinam matris filiarum Sion, vtrique cœnobij Cluniacensis? Nonne hæc est vibs fortitudinis nostræ, de qua egrediebantur quondam mille per episcopatus, per abbatias, per regum & principum curias, & nunc paucissimi sunt incolæ eius? Nonne luminare hoc magnum tenebras obscuratæ religionis per diuersas regiones illuminauit, ordinem reformando, honestatem docendo, caritatem

infundendo, & cetera pietatis officia renouando? ^a Vsq̃ue ad sedem Apostolicam nonne gradibus humilitatis ascendit? O domini! ô fratres! ô filij Cluniacenses! ego ipse apud sanctum Martinum de campis adolescentulus verissimis experimentis quod dico gustavi, & vidi vbi erat auro locus, in quo conflagratur. Proh dolor! Intepuit & consenuit tantus feruor. Quod autem antiquatur & senescit, prope interitum est, quod absit à vobis, & ab hæreditate Iacob. Melius est certè mori vos in bello vitiorum & vitiosorum, qui more vulpium demoluntur vineam domini Sabaoth, quàm videre vltima funera matris vestræ & nostræ. Repurgate igitur pateos Abrahæ, Isaac, & Iacob, & zizania superfeminata nocte ab inimico eradicare: præcipuè illud originarium malum, de quo pessima seges ad suffocationem monasticæ religionis suboritur. Est autem consuetudo comestationum & epotationum, quæ fiunt post completorium. Succidite oro hanc arborem malam in sententia vigilum. Adsit vobis gratia spiritus sancti, qua cooperante constituatis quod Deo sit acceptabile, Ecclesiæ Cluniacensi vtile, presentibus salubre, posteris remediabile.

^a Vsq̃ue ad sedem Apostol.] Ad quam euectus Urbanus II. qui ante Pontificatum Prior fuerat Monasterij Cluniacensis.



LIBER NONVS.

EPISTOLA I.

^a Prænestino Episcopo, Petrus Abbas sancti Remigii.



X multa & pene inconsolabili cordis angustia, ex multorum relatione, perpendo vos vsque in conquestionem tædij vitæ vestræ prorumpere. Hoc sine dubio sciatis viri minus constantis & prudentis esse. Apostolus certè magister non gentium tantum, sed omnium Christianorum, scit abundare, & penuriam pati, & in omnibus sufficiens esse. Ad hanc formam vrinam componeremus titubantem vitam nostram. Causas tamen pusillanimitatis, immo assiduæ conquestionis, audire desidero, & tunc vel improbare vel approbare dolorem potero. Triplex siquidem occurrit mihi conquerendi ratio, siue occasio. Aut enim propria temeritas impellit ad aliquid faciendum, quod non sit faciendum; aut aliena calliditas; aut, vt vulgo loquar, perplexa diuinæ prædestinationis necessitas. Sed propria temeritas semper culpanda; aliena calliditas cauenda: à Deo veniens iusta sententia timenda: fræno indiget propria temeritas, vt inconsulta: consilio aliena calliditas, vt suspecta: superna sententia timore, vt fortissima. Non mihi ignosco in propria temeritate, accuso me in alienæ calliditatis circumuentione, gemo sub manus Dei percussione. Ne iterum præcipitet propria temeritas, rationem consulo: ne suffocet laqueus alienæ calliditatis, sapientem consulo:

Y ij

ne mucro supernæ feneritatis vsque ad internecionem defæuiat, humiliter imploro. In propria temeritate fragilitatem meam cognosco: in aliena seductione spiritum discretionis aduoco: in flagellis diuinis Deo me totum committo. Quæro igitur, quam istarum magis suspectam habeas, vtrum vnâ, vel duas, vel simul tres. Si vnâ & tuam, propitius tibi esto. Si alienam & meam, indulge mihi: potius enim simplicitate quàm calliditate vsus sum, quando vt tuo Episcopo acquiescerem, ire cum eo ad Concilium persuasi. Si te cælestis dispensatio illaqueauit, quid tibi irasceris? quid mihi? Quis enim tu? quis ego? qui prohibere possem ne suo cursu curreret, quem nulla creatura declinare aut impedire potest? Quid enim Deus cogitet de nobis intra velum secreti consilij sui, eo vsque nos latet, donec ad publicum nostrum ipso acta prodeat. Tandiu est nostrum nescire, quandiu suum durauerit celare. Longanimiter quoque expectandum est, quod cum venerit, patienter est sustinendum. Non est properandum si differat; non est mormurandum si proferat. Iesus Christus heri & hodie. heri, antequam aperiat sacramentum voluntatis suæ, hodie, cum manifestauerit secretum præscientiæ suæ. Idcirco sic exclusa sopiatur omnis vestra conquestio, vbi nec temeritas apparet reprehensibilis, nec calliditas apprehenditur damnabilis, nec Dei sententia intolerabilis. Etsi enim priuauit solo paterno, honorauit vos sublimi folio. Miscet namque sapientia in cratere vinum suum, ne nimis sit potanti calidum, ne rursus insipidum. Infert exilium præsumptori, confert solatium exulanti. Pluris est consolatio, quàm desolatio vestra. Gregem pusillum dimisistis, egregios Cardinales amicos & socios recepistis. Claustralem angulum reliquistis: urbem dominam mundi acquisistis. Abbatis gradum inferiorem Episcopali quis nesciat? Si corpora martyrum Crispini & Crispiniani Successioni sepulta sunt; Petri principis Apostolorum, & Pauli doctoris gentium sacrationes reliquias in Romana vrbe haberi quis ignorat? Si paria in vestra commutatione quærantur, tam in relictis quàm in adeptis longè imparia omnia inueniuntur, præter affectum qui inde torquetur, vnde alius extolleretur. Omnia secundùm se affectus moderator. Nihil apud ipsum magnum, nisi in se de se faciat magnum. Si ergo affectus mitigabitur, pacata erunt omnia. Naturæ quidem mirabilis est animus, ex quo gignitur affectus. sed tamen quocunque suus pulsus illum tulerit, omnia ad se trahit, & suo nihilominus siue sapore, siue colore intingit. Cui turbato nihil quiescit, cui amaro nihil dulcescit, cui auaro nihil sufficit, cui vago nihil consistit. E contra, fixo nulla mobilia flectuntur, pacato tranquilla sunt etiam procellosa, benigno mansuescunt etiam ferocia. Sic Deus adduxit ad Adam cuncta animantia terræ, & volatilia cæli, vt videret quid vocaret ea. Omne enim quod vocauit Adam, ipsum est nomen eius. Procul dubio animi est omnes motus cordis & corporis iudicare, & nomina imponere. Vnde auctoritas dicit, Affectus tuus operi tuo nomen imponit. Præst enim volatilibus cæli cogitando de supernis: præst bestiis terræ, reprimendo motus carnis: præst etiam piscibus maris, moderando volubiles cogitationes mentis. Omni igitur studio est exco-

lendus, sine quo nullus motus bonus. Laborandum ne sit malus, quia si malus est, non est in ciuitate malum, quod ipse non fecerit. Enitendum quoque ut sit bonus, quatinus gratia cooperante creet bona, faciat pacem, & formet lucem. Diu detinuit epistola amicum occupatum in suis & domni Apostolici negotiis. Proinde veniam peto. Remotissimum namque alloquor, quem solebam non chartis ad horam detinere, sed horis familiarissimo hinc inde colloquio, diebus plurimis quandoque adiunctis & noctibus, occupare. Valete.

4 PRAENESTINO EPISC.) Berneredo Cardinali. Iam monuimus ad epist. xxi. libri superioris, quod hoc loco fusiùs narrat. Abbatem S. Crispini, cum Romam ad Concilium profectus esset cum Episcopo Sueffionensi, Cardinalatus insignibus ornatum fuisse, donatumque Episcopatu Praenestino. Sed hunc Bernardum appellat Panuinius: nos Berneredum apud Cellensem, in cuius codice prima tantum littera notabatur, edidimus, Alexandri III. diploma pro monasterio nouo apud Pictaues secuti. cuius antigraphum quod vidimus Berneredum inter Cardinales qui subscribunt exhibet Episcopum Praenestinum. Ceterum Bernaredus & Bernardus, idem nomen est, ut Medaredus & Medardus, Gildaredus & Gildardus. Felicem porro huius obitum miraculis illustrem describit epistola vi. ad Cardinalem Tusculanum.

EPISTOLA II.

Praenestino Episcopo, Petrus Abbas sancti Remigii.

Vix occurro suscipere turbam cogitationum sine materiarum, quae se ingerunt, insistentes oportune importune venire ad vos, dicendo, Ecce ego, mitte me: ecce ego, mitte me. Inter ceteras verò adolescentulas medullarum meditationum, famosissima illa & notissima atque nobilissima matrona, quae ab humero & sursum omnes virtutes antecedit & praecellit, fraterna caritas, de qua ait Apostolus: *Adhuc excellentiorem viam vobis demonstro*, iure sedem regiam occupat, & suo splendore omnes obumbrat, immo illustrat, & suum tenere ordinem post se imperat. Huic obediunt omnia, non solum terrestria, sed & ipsa caelestia: nam de eius plenitudine omnes accipiunt nomen, & virtutem, gloriam & honorem. Hanc ego licet statura pusillus non attingam, tamen ad vnam & minimam vestimentum eius simbriam totum me superextendo, & de salute nullatenus despero. Hanc cum amicis & inter amicos teneo & cognosco: & prius volo putrefieri cum vermibus in puluere terrae, quam fidem semel datam & amicitiam promissam negligentia aut subreptione interrompere. Matrona haec duas habet clauas, vnam qua cor claudit & aperit, alteram qua atrij exterioris corbonam, id est arcam, in necessitatibus familiae suae similiter claudit & aperit. Cor est arca fœderis, ubi tabulae testamenti, virga Aaron, & manna reponuntur. Tabulae testamenti, ne ignores aut prauarices legem Dei. Virga Aaron, quae fronduit & floruit, ut timeas offensam, quia virga; serues gratiam, quia frondosa & florida. Manna, ut per spiritum adoptionis degustes & praelibes gloriam absconsa dulcedinis Deum timentibus: cuius stillicidium, ad quod lætatur germinans, sufficit in presenti vita, & abundantia seruat in alia. Exclusa itaque omni malitia & iniquitate à corde, sola

1. Cor.
xii. 31.

Y iij

deambulet in suo pomerio caritas, sola ibi pascatur, & cubet in meridie. Non videat illam ingredientem & deambulantem oculus nequam, qui fascinauerat Corinthios, & iniquos presbyteros. Cum tamen placuerit, aduocet puellas suas de terra Israel, ut afferant ei smigmata suauissimi odoris, & oleum lætitiæ, de quibus aspergat cubile suum ad aduentum sponsi, qui de sua propagine non nisi caelestes & mansuros fructus generat. Deinde egreditur ad hortum nucum, ad hortum pomorum suorum, ut videat poma conuallium, & inspiciat si floruerint vineæ, & germinauerint mala punica, ad hortum utique nucum, eremitarum & reclusorum, hortum pomorum, in seculari habitu religiosè viuientium: poma conuallium, qui elegerunt abiecti esse in domo Dei: vineas, feruentes spiritu: mala punica, qui crucifigunt carnem suam cum vitiis & concupiscentiis. Ponit namque signa sua, pietatis opera, caritas in exitu actionum super summum, id est palam. Ponit namque & proponit, quatinus per signa extrinsecus apparentia deprehendatur intus latens veritas. Vnde, *A fructibus eorum cognoscetis eos.* Caritas enim aquas suas in plateis diuidit, ut bibant homines & iumenta, quia sapientibus & insipientibus, debitor est. A corde tamen regreditur, & ad cor regreditur: quia cornua altaris ex ipso sunt procedentia, & nullum bonum opus remunerabile, quod non surgit de bonæ voluntatis radice. Ponit igitur caritas affectum cordis & obsequium operis. Affectus latet, opus patet. Sic habet caritas & secretum suum, & publicum. In secreto quiescit, in publico operatur. Imitatur operantem sex diebus, & sabbato quiescentem. Duplex verò est officij ratio. Alia enim consideratur inter amicos, alia inter extraneos. Aliud est munus amicale, aliud generale. Amicale de corde exigitur, & in corde seruetur. Generale de arca extrahitur, nec ibi retinetur. Riuus amoris non siccatur largiendo quod habet: sed arca extenuatur, dum euacuatur. Carius itaque est munus, quod nec atrescit profusione, nec deficit largitione. Appetibilius tamen sæpe requiritur, quod in manu, vel sinu refunditur, quam illud quod in medullis amicalibus per fidem reconditur. Exteriora siquidem & vitibilia, quia vñibus humanis necessaria sunt, ab his amplius diliguntur, quorum appetitus tenacius in temporalibus quam in spiritualibus irretitur. Qui verò calcatis grossioribus carnis fæculentiis cubilia spiritus ingressi, subtiliari in spiritualibus consueverunt, in amicis quærunt gratiam, non pecuniam, fidem, non extrinsecam possessionem veritatem inuiolabilem, non vilitatem temporalem. Qui enim cor hominis habet, quid est hominis, aut in homine, quod non possidet? Hinc est quod in Christo, quem pater de corde suo eructauit, quando vel æternaliter æqualem sibi genuit, vel temporaliter de virgine incarnari constituit, omnia nostra sunt: iuxta Apostolum qui ait, *sine Cephas, sine Apollo, sine mors, sine vita, omnia vestra, vos autem Christi, Christus autem Dei.* Forte dicitis. Ut quid, & ad quid hæc? Quia legi in litteris vestris, vos amisisse veteres amicos, nec comparasse novos. Concedo amisisse, si opinione aut veritate constat inueteratos esse. Vera certè amicitia puritate virginea, & caloris perpetuitate, neque adulteratur, neque refrigeratur: sed quotidiana renouatione cum sole semper oritur, nec

Matth.
vii. 16.

I. Cor.
iii. 12.

moritur. Si vnquam ergo habuistis amicos, adhuc habetis non inueteratos, quod esset vitium, sed remotos, quod est opus diuinum. Sic enim Deus homines tanquam grana spargit & seminat. Nonne Apostolos seminans ait, *Euntes in mundum vniuersum predicate Euangelium omni creatura.* Marc. xvi. 15. Veniendo Euangelica prädicatione sparsit, spargendo in vniuersum mundum vnitatem fidei vniuit. Sic nostræ amicitiae vinculum neque ruptum, neque laxatum erga vos, sed protractum vsque ad sedem vestram Episcopalem incorruptum & semper nouum existit. Nescio si fortiùs, scio tamen quia teneriùs absentia me vobis, immo vos mihi inuiscerat, quàm fecerit præsencia. Hoc probabile & necessarium argumentum est perfectæ dilectionis, quando eò ampliùs incendit affectus, quò remotiùs separat locus. Præsencia siquidem suo visu solatiatur, & satiatur usu: famelica verò absentia, præ inopia etiam amarum iuniperi corticibus sustentatur, & ad solitam visionis dulcedinem viuaciùs inflammatur, & nutritur tenaciùs. Doris agitur stimulis desiderium, quod semper querit & nunquam inuenit. Vnde Psalmista, *Quærite Dominum, quærite faciem eius semper.* Et in Canticis, anima liquefacta surgit, & querit per plateas & vicos ciuitatis quem diligit. Neque igitur stylo inueterato, neque animo scribo vobis. De his hæcenus. De statu autem nostro significo vobis, quòd gutta nostræ quosdam recenter sentio guttas. Cætera nostra, Deo cooperante, in omni prosperitate sunt. *a* Theobaldum concorditer in Abbatem vobis substituimus, & fratrem Iohannem in omnibus ipsi obedientem effecimus: si tamen cum gratia vestra remanere poterit, quòd omnino consulimus. Quid enim valeat, vbi est nobiscum, certi sumus. Quid verò apud vos facturus sit, nescimus. Certa verò pro incertis sunt reliquenda. Missale nostrum mitto vobis, & breuiarium fratris Lucæ misimus. Quòd vos supra modum in cibo & potu affligitis, non approbamus. Si nobiscum viuere & mori desideratis, non festinetis ad mortem: quia nescitis quid paritura sit crastina dies. Omnia possibilia sunt apud Deum, qui desiderium pauperum frequenter exaudit.

a THEOBALDUM VOBIS SUBSTITVIMVS] Abbatem scilicet Monasterij SS. Crispini & Crispiniani, cui ante præfuerat.

EPISTOLA III.

a Theobaldo electo Cluniacensi, Petrus Abbas sancti Remigii.

Geembundas, & quasi intestinorum suorum tumultuosa collisione seu conquectione, & velut à fulgure & tempestate percussas à vobis recepi litteras. Hominem siquidem redolebant satis conturbatum & exterritum, ac velut repentino superueniente tonitruo pene iacentem exanimatum. Nec mirum. Res namque noua, tam sua nouitate, quàm magnitudine, hominem audacissimum & fortissimum potuit concutere. Qui ad crucem ducitur, gemens & lugens merito conqueritur. Si crux à cruciatu dicitur, nonne in cruce cruciatur, cuius humeri importabili oneri supponuntur? Profectò amodo tot molas supportabitis, quot monachorum curam recipietis. Quid ergo? Nonne cum Apostolo dicetis, *Quis infirmatur, & ego* 2. Cor. xi. 29.

Ioan.
xix. 26.
27.

non infirmor? quis scandalizatur, & ego non vior? Ecce tumor, ecce anxietas, ecce cruciatus. Sed quid? Vbi consolatio? vbi releuatio? vbi tanti doloris remedium, sine dubio in Christo. Nam ipse primus ascensor, mitigator & sanctificator crucis; qui suo cruciatu nostros absoluit cruciatus in cruce, & de cruce dixit, *Mulier ecce filius tuus*, & discipulo, *Ecce mater tua*. Sed quid hoc ad rem? quid ad presentem questionem? Multum per omnem modum. Nam mulier est Cluniacensis Ecclesia, quæ est mater omnium nostrum: quæ de fructu ventris sui plures manipulos sanctarum animarum ab Oriente & Occidente in sinu Abraham, Isaac, & Iacob, iam collocauit, & sponso suo poma noua nouitiorum, & vetera antiquorum & senum, in cœlesti mensa frequenter obtulit. Quis vero discipulus sit, de quo dicitur, mulier ecce filius tuus, iam credo animaduertitis. Tangit enim vos hæc sententia: quia æterna prædestinatione, & moderna vocatione, sollicitudinem huius matris vestræ decreto inuolabili gratia Dei iniungit. Temerarium autem est, & inhumanum, tam diuinam ordinationem respuere, quàm matri fidele obsequium denegare. Igitur tanquam Isachar alinus fortis, cernicem & humeros huic electioni supponite, & de Dei auxilio fideliter præsumite, quia spiritus adiuuat infirmitatem vestram. Mihi autem amico & fideli vestro gaudium est & exultatio, quòd tantum amicum in tam excellenti loco merui videre sublimatum. Nam & ipse seruus & filius sum Cluniacensis Ecclesiæ. Valete, & per nos, oro, transitum facite.

a THEOBALDO ELECTO CLUNIAC.] Anno M C. XXC. Anno vnico fuit Abbas Cluniacensium. Postea Cardinalis Ostiensis à Lucio III. Pontifice creatus est. Itaque in Urbani III. & Clementis III. priuilegiis ad Hugonem Abbatem Cluniacensem, Theobaldi huius successorem, subscribit ipse Theobaldus Episcopus Ostiensis & Veliternensis.

EPISTOLA IV.

Petrus Abbas sancti Remigij, R. Canonico de Meritonis.

Simul mouentur & manus ad tibi scribendum, & nuntius ad iter arripendum. Non sum immemor antiquæ nostræ consuetudinis, quia inuicem solebamus quamlibet informes conceptus nostrarum meditationum communicare. Ego vt senex sensu exinanitus, ætate fessus, occupatione irretitus, iam parere fœtus idoneos ad legendum deficio. Consulens autem naturali erubescentiæ meæ, potiùs abortiuos meos infra latebras suas sepelio, quàm extrà cum pudore profero. Quis enim ramus fronde & fructu formosus de veterioso & emortuo trunco pullulabit? fons aridus & cisterna dissipata quas irrigabit areolas, cum nec gutta susperit ad proprias consolandas venas? Vetus itaque homo qui corrumpitur, nouitate spiritus renouandus esset: nisi & ipse spiritus sua negligentia inueteratus iuxta Apostolum prope interitum esset. Altera istorum vetustas apparet, altera latet. Periculosior autem est latens, quàm apparens. Nullum enim periculum est, cubile vitiorum, corpus animale, hospitium de impossibilitate peccatis non exhibere. Optimum equidè est non peccare: immo & nolle: sed & bonum & non posse. Fomes siquidè peccati vititur ætate iuuenili, velut fornace, in qua tres pueri à rege

à rege Babylonio mittuntur, & membra puerilia, tanquam ligna flammis apta, obstinatissimè succenduntur. Cùm verò senectus cuiusceratque medullas corporis, & omnino debilitauerit legem membrorum, quæ repugnat legi mentis, conquiescunt strepitus vitiorum, & quia non habent ubi caput reclinent, exeunt, & deserta circumeunt. Potius ergo lætandum quàm dolendum de ista oppressione, quæ magis operatur vitam quàm mortem, remedium quàm excidium. Hæc est apparens & parum nocens vetustas. Latens verò, quia nescitur, minimè aut tardè curatur. Vnde Isaias, *Vulnus & linor & plaga tumens* Esa. 1. 6. *non est circumligata, nec curata medicamine, neque fota oleo.* Quis enim medicinam morbo porrigeret, quem nec oculus, nec manus attingeret? Solus itaque Dei spiritus, qui omnia scrutatur, spiritum nostrum curat, viuificat, & renouat. In medio istarum vetustatum positus, spirituale timeo, corporalem iam sperno. In fundo vitæ meæ, ubi sera parsimonia est, de reliquiis primæ præuaricationis iam iam fæces limosas exhaurio, & lutum vespere indurandum & arescendum præsentio. Iesum tamen, non minus sapientissimum quàm benignissimum figulum, expecto: qui de vase fictili, vsque ad minutissimum puluerem effracto, potest aliud in resurrectione vas facere in honorem: ut sit clementior, ne dicam cautior, aut potentior in reficiendo, quàm in faciendo: vt sit major gloria secundæ domus, quàm primæ, & Adam, qui primus factus est in animam viuentem, denuo fiat in spiritum viuificantem. Hæc spes in sinu meo reposita, excitat vota mea mortem non timere, sed amare, non fugere, sed patienter expectare. Interim neque dormire neque dormire volo, sed iuxta Sapientis consilium quæcunque possum instantè operari. Hinc est quòd nobilem Ecclesiam nostram tam in fronte quàm in ventre, cui caput secundum se decrat, fabricandam suscepimus, & vt speramus, cum Dei adiutorio perficiemus.

EPISTOLA V.

² Petrus humilis Abbas sancti Remigi Ing. Priori de Lapelee.

Postulas in litteris tuis nostrum stylum recipere, non alienum. Sed heberatus, sed retusus, sed denique plenus squalore & rubigine, qua facie transire poterit mare, cùm potius sua rusticitate cachinnos moueat, quàm suos lætificet hospites? Calamus quoque noster annositate & desuetudine quassatus, necnon & terrenorum sollicitudine assidua obstructus & obstrictus, rauce sonat, nec iam auditores suos demulcet, sed malè commouet. Ne tamen filij & amici carissimi petitionunculam excludam, vel eludam, emendicatis repressis coloribus rhetoricis, & leporem sermonis postponens, dies Dominicæ passionis præ oculis habens, moneo cum Iesu partiri suas contumelias, suas passionis, sua flagella, sua sputa, & totum cursum patientissimæ dispensationis, qua pro nobis vsque ad inferna descendit. Reduc Iesum à

Z

planta pedis vsque ad verticem vulneratum ante oculos tuos, aut animum deduc ad locum & focum vbi Petrus negavit, & qua cordis medulla non liquefacta totum altare tam æneum quàm aureum sua aspersione implebit? *Holocausta*, ait Psalmista, *medullata offeram tibi*.
 Psal. LXV. 14. Medulla animæ non est nisi de infusione gratiæ. Si anima, licet macra, tamen esuriens & sitiens, magno appetitu stillicidia elambuerit gratiæ, vespere, & manè, & meridie: vespere, complantata similitudini mortis Iesu; manè, renovata cum resurgente Iesu; meridie, translata ad dexteram patris cum Iesu: certè inebriabitur ab vbertate domus Dei, dicens, *Sicut adipe & pinguedine repleatur anima mea*. Quare non saginaretur de vitulo saginato? Quare non inebriaretur de flumine quod latificat ciuitatem Dei? Habes vinum de vite vera expressum in torculari crucis, & attractum aperto ostio lateris. Sicut enim tonellus foratur, vt vinum habeatur, sic latus Christi lanceâ militis apertum est, vt exiret aqua baptismatis, & sanguis nostræ redemptionis. Hunc quotidie sumimus in altari sub specie vini. Altare siquidem est locus pascuæ, de quo dicitur, *In loco pascua, tibi me Dominus collocauit*. Et in Canticis, *Indica mihi quem diligit anima mea, vbi pascas, vbi cubes in meridie*. Quid est in meridie? In luce, in puritate, in veritate, in caritate. Qui latet vt anguis in herba, abscondens peccata sua, non est in meridie: qui impudicè viuít, & templum Dei violat immunditiâ aliquâ, non est in meridie, qui dolosus & fraudulentus est, speciem pietatis habens & virtutem abnegans, non est in meridie, qui tepet odio fraterno, non est in meridie. Non ergo ipsum, vel cum ipso pascit Christus qui dicit, *Superbo & insatiabili corde cum hoc non edebam*. Non cubat etiam nisi vbi pascit. Sed de his hæcenus pro tempore. De me verò si vis scire, onere tam annorum quam peccatorum quotidie more meo solito premor. Tamen benignitate & clementia Dei adhuc excedere valeo, & injecta officij negotia vtcumque procurare. Pacem etiam bonam cum fratribus nostris, & cum Archiepiscopo, & cum omnibus hominibus habeo. Caput Monasterij nostri renouare aggredior, & cum Dei auxilio iam opus inchoatum ridet, & sequentis operis auspicia nobilia spondet. Non excidit à memoria, quod aliquando mihi quasi reprehensoriè dixeris, studere alia opera facere, & non curare de Monasterio. Hoc verbum etsi perfunctoriè fuit dictum, non transitoriè fuit auditum. Mille enim libras, adhuc simul quingentas postea pro opere Monasterij expendi. Saluto fratrem Dudonem. De bono odore vestræ conuersationis gaudeo.

*ING. PRIORI DE LAPEL.) Ingelberto fortasse, aut Ingelranno, quem Lapelenf
 S. Remigij in Anglia Prioratui præfecerat.

EPISTOLA VI.

^a *Tusculano Episcopo, Petrus Abbas sancti Remigij.*

Ignis diuinus non minùs est perpetuus, quàm in hostiis Deo dicatis sanctificandis sanctus. Hinc est quòd in altari, vbi tam holocausta, quàm sacrificia, quotidie ad expiationem peccatorum Deo immolantur, iugis & perpetuus ardet. Quid autem hoc est, nisi quod Apostolus ait, *Caritas nunquam excidit*? Nam pura à simulatione, munda à sæculari ambitione corda, Christi acceptabilia sunt altaria, siue templa. Forcipe igitur litterarum vestrarum suscepi in aureo thuribulo bonorum verborum sacras euaporationes iamdudum succensæ fornacis ex mutua inter nos visione & allocutione. Deo gratias, quia non inueni aquam crassam immixta dilectionis, sed ipsum ignem, non fumantem, sed flammantem in penetralibus tanti domini & amici. Putabam illum suffocatum cineribus tantarum sollicitudinum, & varietate succedentium occupationum. Præterea causam & quæstionem gravissimam aduersum vos habebam, si iustum habuissem iudicem. A quo enim primordia cognitionis & dilectionis cum Abbate sanctorum Crispini & Crispiniani piæ memoriæ habuistis, nisi à nobis? Quare ergo de nostro bono opere nos lapidastis? An non lapidastis, quem tot amaritudinibus & afflictionibus de eius absentia concussistis? An non Iacob furtum Laban de filiabus suis fecistis? Fortè furtum non negatis, sed pium appellatis. Sed si furtum, quomodo pium? si pium, quomodo furtum? Probo autem furtum. Nam furtum est contrectatio rei alienæ inuito domino. Romam certè ad Concilium non iuisset, nisi illum misissem. Præter spem, & præter voluntatem meam illum retinuistis, & fratrem & parem vobis fecistis. Hoc tamen nec illi, nec nobis placuit. Mallet cellam Montis Dei incolere, vt frequenter mihi scripsit, quàm Episcopalem cathedram tenere. Quid igitur? Deus qui omnia conclusit, & meas querimonias præuenit, faciendo quod facere piè & misericorditer consuevit. Præuenit illum benedictionibus suis, & quem olim amicum & fratrem in terris habebamus, nunc dominum & sanctum in cælis veneramur. Miracula enim, quæ facit Deus, testimonia credibilia sunt sanctæ conuersationis eius. Itaque digitum superpono ori meo.

1. Cor.
xiii. 8.

^a *TUSCVLANO EPISCOPO.*) Petro, vt dictum lib. viii. epist. xxi. Petrum de Pavia, hoc est Ticinensem, vocat Rogerus Houedenus, de absolutione agens Vvillelmi regis Scotiæ per Lucium iii. anno M. C. xxvii.

EPISTOLA VII.

^a *Abbati sancti Egidij Petrus Abbas sancti Remigii.*

Vagabundas frequenter literas ad diversos huc illucque absque emolumento aliquo deuoluimus. Vna verò res seria plura redimit otiosa. Columna quoque firmiter locata sustinet in se residentia etiam titu-

Z ij

Prou.
v.16.

Psal.
lxx.
17.
Gal.vi.
14.

bantia. Vno lucro plures iacturas compensat sedulus negotiator. Vt ad nostra veniamus, delictum Iudæorum diuitiæ sunt mundi, & diminutio eorum diuitiæ gentium. Hæc idcirco prælibauerim, ut non sine fructu scribam vobis. Fructum dico, non qui perit, sed qui permanet. Permanet autem quicquid Deo placet. Placet verò Deo vera dilectio, pura oratio, sancta compunctio, mandatorum Dei observatio. Suum possessorem nec avarum nec prodigum faciunt. Avarum redderent, si dilectionem & orationem amicis non erogaret. Prodigum, nisi compunctionem & mandatorum Dei observationem propriè retineret. Sic monet Sapientia, *Diriuentur, fontes tui in plateis*, quod ad alios. *Sit tibi fons proprius & non communicet ex eo alienus*, quod ad seipsum. Bene offert, qui sic diuidit. Progrediat epistola, & demissa facie quæ sequuntur eloquatur. Nobilitas vestra & literatura, sicut de carne & sanguine sunt, sic carnem & sanguinem, nisi condimentum religionis interponatur, sapiunt. Regularia ramen irregularibus ab oppositis sese obiciunt. Claustralis disciplina in habitu & forma regularium deputantur. Carnalia & sæcularia regulam aut exuunt, aut interumpunt. Operiat utique velamen religionis turpitudinem lubricæ carnalitatis: & in Abbate monacho lateat ventosæ nobilitatis, & superfulgeat vexillum humilitatis. Dicat igitur conscientia in vestimentis ouium sepulta, *Quoniam non cognoui litteraturam, introibo in potentias Domini*. Item, *absit mihi gloriari, nisi in cruce Domini mei Iesu Christi*. Vera nobilitas nunquam superbit: literatura sæcularis inflat, si illam caritas non reprimat. Ecce super candelabrum præclarum lucerna vestra superposita in abbazia sancti Ægidii, si clarè ardet, plurimas aduentantium regiones illuminat: si declinat in obscurum seu vaporem fumi, offendit videntes. Sic itaque luceat lux vestra, ut videntes glorificent patrem vestrum, qui in cælis est,

^a ABBATI S. AEGIDII) Viro nobili & litterato. Monasterium est in Septimania, haud procul à Rhodani confluentibus, quod oppido etiam nomen fecit, sui primum iuris, in Cluniacensium postea disciplinam potestatemque translatum.

EPISTOLA VIII.

^a Petrus Carnotensis electus Capitulo Cisterciensi.

SAncta sanctorum studia impedire non minoris æstimo culpæ, quàm Angelica & diuina negotia interrumpere. Tanti vero reatus pœnam timeo incurrere, si vos ad diuina & in diuinis occupatos, vanis & superfluis tentauero verbis retinere. Excusat tamen quandoque vrgens necessitas ingerentem se importunitatem: quando & si reprimat ad modicum festinationem, non perimit aut deprimit penitus necessariam operationem. *Vinam*, inquit Apostolus, *sustineretis modicum quid insipientiæ meæ!* Non arguitur insipientiæ formica, quæ sibi præparat escam in æstate. Non arguitur insipientiæ villicus iniquitatis, qui fodere non valens & mendicare erubescens, fecit sibi amicos, qui reciperent il-

sum in æterna tabernacula. Non ad insipientiam est mihi, si non de mammona iniquitatis, sed de supplicatione humilitatis, & debito fraternæ caritatis interpello dominos meos & fratres carissimos, quatinus me commemorent inter sui gaudij socios, & futuræ expectationis amicos. Recolat igitur sanctissimum vestrum Collegium, vñum me esse de alumnis beatissimi Bernardi, cuius merito Cisterciensem ordinem Deus vsque ad mare & ultra dilatauit, & vsque ad nubes, vt istæ quæ adhuc supersunt reliquæ testantur, magnificauit. Inter cætera sua beneficia contulit mihi superna gratia, eo viuente, adfuisse in his castrorum Dei conuenientibus & commendatum, atque receptum tam beneficiis quàm orationibus. Translato etiam ipso ad cælestem curiam, semel adiui dominos meos & fratres carissimos, replicans & inculcans societatem & caritatem antiquitus indultam. Prostratus itaque licet absens, pedibus totius sanctæ huius congregationis, semper expectatum & expetitur, nec non etiam expetendum imploro suffragium. Vester fui, vester sum, vester semper ero. Alienos ad sinum suum colligit vestra caritas, & me leonibus, lupis, vrsis, & malis bestiis indefensum exponitis? Cellensem enutristis, Remensem amastis, Carnotensem proicietis? Vbi maior necessitas, ibi expriuat caritas? vbi summum periculum, ibi nullum subfidium? vbi descendens ab Hierusalem in Iericho semiuuius relinquitur, post sacerdotis & leuitæ negligentiam, Samaritani pectus indurabitur, ne oleum & vinum vulneribus sauciati infundantur? Absit vt fons olei arefcat, vt lecythus olei in sancto ordine vestro deficiat. Certè si in vobis defecerit sanctus, mundus remanebit immundus. Non esset dolor Angelis Dei, sicut dolor iste. Pax itaque æterna & gratia sit vobiscum. Amen.

* PETRVS CARNOTENSIS ELECTVS.] Post Ioannem Saresberiensem, vt dictum est lib. vii. epistola vi. Supplementum Sigeberti anno M. c. xxci. Obiit Ioannes Carnotensis Episcopus, & successit ei Petrus, qui fuerat Abbas S. Remigij Remensis. Ante hæc autem Abbas fuerat Cellensis, superstitæ adhuc S. Bernardo.

EPISTOLA IX.

* *Nicolaus monachus sancti Albani, Petro Abbati sancti Remigii.*

Inuectionis palliatæ saturatus opprobrio, & ironico crapulatus à vino, verè putabam me missionem accepisse, & fædus iam cum silentio pepigisse. Quid senserim sanè de priuilegio singularis integritatis in virginum Virgine scripseram, & metam ibi fixeram: & ecce meus Petrus de noua materia nouum suscitât exinsperato bellum, & omnes Virginis domesticos prouocat ad indignationem, & doctos in lege domini ad præsumptionis minus Catholicæ contradictionem. Quandiu tractabatur de articulis, qui sic vel aliter poterant intelligi, sana vtrimque fide, dissimulabam, & animus noster si concepit non peperit dolorem. Nunc autem cum tuba canitur, quòd Virgo peccatum senserit, & sentiendo debellauerit, non dissimulo, non patienter ago, vix manus teneo, quin

Z iij

in publicum hostem irruo. Sed priusquam pro communi omnium Virginis domesticorum indignatione respondeam, lapidem offensionis & scandali petram contueor, quæ in nostra epistola inuenit, qui nodum in scirpo sapius quærit; & praua priuatæ læsionis in directæ, & aspera redigam in vias planas. Lapis itaque lapidem offendit in eo quod dixi, Virginis ipsius animam pertransiuit gladius, non solum olim in filij passionem, sed etiam nuper in conceptionis suæ condemnatione, & ironico typo subsannans hinc bonum dormitasse Homerum Aristotelico more sic logicat. Esto, nostra placent ei obsequia, nunquid passibilis est adhuc eius anima? Fides supplet irrefragabilem conclusionem, vt vera impassibilitas & immortalitas nullas admittat molestias. Miror, & indignor virum Ecclesiasticum, in diuinæ scripturæ figuris exercitatum, has loquendi figuras ignorare, vel earum scientiam dissimulare. Nonne legitur Deus zelans, irascens, pœnitens, dolore cordis intrinsecus tactus, antequam fuerit humanatus? Nunquid ideo eius diuinitas sensit passionum molestias, quia nostro more de ipsa loquitur scripturæ auctoritas? Nunquid Angelos sollicitudo inquietat, quia leguntur securi de sua, solliciti de nostra gloria? Tanta est huius tropi copia in diuina pagina, quod ipsa abundantia generat inopiam. Pauca igitur de multis sapienti sufficere debent in tam plano articulo. Ad petram vero scandali de corde vestro tollendam plusculum est immorandum, quia res exigit vt palam faciam quod celare proposueram. Sanctus ille Bernardus, quem dicis me debita exuere veneratione, & post eum verborum iacula emittere, quondam Sanctorum catalogo adscriptus, nuper est in Ecclesia canonizatus, & ab humano iudicio exemptus. Exemptus inquam est, ne de gloria eius dubitemus: sed non vt minus de eius dictis disputemus. De gloria beati martyris Cypriani beatus Augustinus non dubitat, tamen in Spiritus sancti datione eum errasse verissimè comprobatur. Errorem martyrio deletum scribit, & sic docuit Ecclesiam venerari martyris gloriam, vt tamen non imitaretur errorem. Ego autem, & si dissimili scientia, simili tamen conscientia, sic veneror beatum confessorum Bernardum, vt laudem & amem eius sanctitatem, qui nec amem, nec laudem eius præsumptionem in matris Domini conceptionem. Et ne putes me magis pertinaci quàm bona conscientia dicere quæ dico; audi quid ab ipsis Cisterciensibus vera religione præditis, & Virginem in veritate diligantibus, acceperim de sancto Bernardo, quorum nomina abscondo sub modio, ne odiosos faciam fratrum suorum collegio. In Clarevalensi collegio quidam conuersus bene religiosus in visu noctis vidit Abbatem Bernardum niueis indutum vestibus, quasi ad mamillam pectoris furuam habere maculam. Quem ex admiratione tristior alloquens, Quid est, inquit, pater, quod nigram in te maculam video? & ille, Quia de Dominæ nostræ conceptione scripsi non scribenda, signum purgationis meæ maculam in pectore porto. Frater visa conuentui innotuit, & aliquis fratrum in scriptum redegit. Relatum est in generali Cisterciensi capitulo, & de communi consilio scriptum periit incendio.

maluitque Abbatum vniuersitas virginis periclitari gloriam, quàm sancti Bernardi opinionem. Non sic Paulus, non sic: qui se blasphemum & iniuriosum inclamitat, vt redemptoris gloriam ampliùs extollat. Et certè vt credo ea ratione sanctus in propria persona viro simplici & de talibus nil scienti apparuit, & culpam suam innotuit, vt totius Cisterciensis Capituli discretio deprehenderet eum velle suum errorem daminari, & virginæ conceptionis gloriam prædicari. Igitur si ego publico, quod ipse vt credo publicari voluit, hoc non est eius famam extenuare, vel gloriam euacuare, sed eius voluntatem super delicti sui pœnitentia exprimere. Porro facto leui per purgatorium transitu, intrauit in gaudium Domini sui, qui in diebus suis sanctitate venerabilis, opinione singularis, eloquentia suauis, & signorum innouatione, immutationeque mirabilium exitit mirabilis. Hæc ego de beatissimo Abbate Bernardo. Nunc de statera mea, quæ in hoc, vt scribitis, videtur mentiri quod dixi, Virgo singularis vicit omne peccatum, non omne debellando, sed nullum prorsus sentiendo. Quod non omne debellauerit, testimonium perhibent, homicidium, adulterium, furtum, & horum similia multa peccata, quæ eius affectum nunquam momorderunt, eius memoriam nunquam contaminarunt, eius denique opinionem nunquam læserunt. Testimonium etiam perhibet conscientia petrina: quæ etsi coribus sit durior, hanc tamen abhorret duritiam, quam totus mundus abhorret. Os enim aliter sentiens non solùm est obstruendum fimo, sed lapide conterendum durissimo. Quod nullum prorsus senserit peccatum Virgo peccati destructrix, hoc videtur sentire beatus Augustinus, vbi inibet Virginis mentionem in peccati mentione. Hoc videtur sensisse & prophetico spiritu prædixisse Dauid, vbi Verbum incarnari desiderans, dicit: *Surge in requiem tuam, tu & arca sanctificationis tue.* Surgere enim Verbi, fuit ab occulto suo prodire in nostrum publicum, inuisibilem fieri visibilem habitu carnis indutum. Incarnatum itaque desiderat surgere in requiem, quam signanter dicit suam: vt à communi hominum requie distinguat, quam idem Dauid designat alibi, *Conuertere*, inquit, *anima mea in requiem tuam.* Requies animæ humanæ in hac vita est, vel deuicta, vel sopita carnis contradictione, sensualitatem rationis imperio de facili obedire. Verbi verò incarnati requies est, in carne nullam carnis contradictionem, nullam membrorum legem menti repugnantem sentire. In hanc igitur requiem suam surrexit Verbum incarnatum, & non solùm Verbum, sed & arca sanctificationis suæ, videlicet mater sua, de qua, & in qua est Verbum incarnatum. Sicut enim in cœlo, qualis pater, talis filius; sic & in terra, qualis filius, talis mater, non dico de spiritu concepta, vt filius, sed de spiritu repleta & sanctificata ex vtero matris, vt filius. Quod quidem sensit & scripsit, quem laudas auctorem in præsentem, Abbas Bernardus. Inde quippe dies Natiuitatis non Conceptionis virginæ diem haberi solemnem: quia quæ in peccatis concepta est, vt vniuersum genus hominum, sine peccato nata est, vt pauci hominum.

Psal.

cxxxii.

8.

Psal.

cxiv. 7.

Si igitur sine peccato nata est, consequenter sine peccato conuersata est. Si sine peccato conuersata est, consequenter sine sensu peccati ex hoc mundo ad patrem assumpta est. Sed dicis, eam sine peccato sensisse peccatum. Fateor me nescire quid velis dicere. Nam exempla sentiendi, quæ proponis, nullius sunt auctoritatis, & ideo nullius ponderis. De cetero omnia exempla quæ ponis, solis sensibus corporeis comprehenduntur. Possunt enim videri, audiri & tangi, & fortè olfactu & gustu percipi. Et licet quinque sint corporei sensus, tamen non dicimus, sentio ignem quia video, nec sentio aërem quia audio, nec sentio lapidem gustu: fortè picem sentio olfactu, sed de sensu olfaciendi nihil ad sensum peccati. Proinde omnia quæ posuisti sentire te dicis, quia tangis. Si igitur Virgo sensit peccatum, cum peccatum tripliciter accipiatur in sacro eloquio, videlicet pœna peccati, culpa peccati, hostia pro peccato: vtrum hæc omnia, an duo, an unum tantum senserit, vellem tuo edoceri magisterio. Si enim sic intelligis; sensit peccatum, id est pœnam peccati; sic & ego intelligo. More quippe nostro esuriuit, sitiuit, friguit, & multis tribulationibus decocta, nostris calamitatibus subiacuit, & ex talium in Christo patientia, multimoda meritorum prerogatiua effloruit, absque his quibus intrinsecus quotidie proficiebat: noua videlicet virginitatis dilectione, singulari Dei contemplatione, incompatibili proximi caritate, tota virtutum omnium pulchritudine, nulla maculæ vel leuissimæ turpitudine. Nam cum meritorum nostrorum summa consistat in patiendo pro Christo, & in diligendo Christum; Deum videlicet, & proximum nostrum: in his duobus excitata est ad plenum agonista nostra ante aduentum Verbi in vterum eius; vt nec ei deesset vel cum carne, vel cum hoste certatio, nec pacatissimi animi contemplatio. Proinde dispendium merendi non sustinuit, quæ tot tentationibus exposita, gratia, qua ante obumbrationem plena, & Dominus cum ea fuit, omnes debellauit, & omnes superauit. Dispendium, inquam, merendi non sustinuit, quæ in dies operatione proficiens pariter & amore, optimam Mariæ partem adimpleuit, & Marthæ sollicitudinem per ætatis teneritudinem non exclusit. Quod si intelligis, sensit peccatum, id est, sensit culpam peccati, more nostro legem membrorum sensit, motus pudendos sensit, picem titillationis sensit, & inquinata est ab ea, quod absit. Iuo venerabilis Carnotensium Episcopus in Chronicis suis scripsit, duodecimo anno ætatis suæ Virginem ab Archangelo Gabriele salutatam, & à spiritu sancto obumbratam: infra quem ætatis annum non permittit natura moueri pubescentium genitalia. Terminus igitur pudendi motus in Virgine à Spiritu sancto præuentus reliquit nos dubios, vtrum à die conceptionis, an à die natiuitatis, an certè à die superuentionis Spiritus sancti in virgine virgo liberata sit à contradictione carnis pudenda. Vnde & Augustinus dubitatiuè de Christo dixit, Quod inde suscepit, aut suscipiendum mundauit, aut suscipiendo mundauit. Sed modis omnibus constare nobis debet, quod virgo singularis nunquam in carne,

in qua & de qua Christus homo factus est, motum illicitum sensit, nunquam legem membrorum sensit, nunquam quod non voluit egit, nunquam sensit quod sentire non decuit. Cum igitur ante duodennatum ex naturæ beneficio, post duodennatum ex gratiæ dono peccatum sentire non potuerit; quando sensit & sentiendo debellauit virgo peccatum, quæ aliis temporibus in terris non vixit? Si de Salomone & Achaz das instantiam, qui vndecimo ætatis suæ anno genuerunt filios, scias quia singulare priuilegium non facit legem communem: vel certè, quia reprehendit eos scriptura de incontinentia, potuit fieri vt obscænis motibus genitalium infirma irritarent, & pudoris claustra rumpere, & de animi sui peruersitate iura suæ naturæ inoluta peruerterent, non communem hominum naturam exterminarent. Radicatus & fundatus in montibus sanctarum auctoritatum, da sanctam auctoritatem, quæ perhibeat Dominam nostram sensisse peccatum, quæ ita distinguat sensum peccati, videlicet in ignis, in picis, in lapidis, in aëris sensum; & errasse me fatebor. Quod si non occurrit, quæ fronte audes fingere noua commenta in tantam virginem? quæ dementiâ infamare sensum genitalium, quæ Saluatorem saluo pudoris titulo fuderunt? Quæ prærogatiuæ distinctio inter singularem virginem & alias sanctas virgines, si peccatum sensit vt aliæ, sed non consensit peccato, sicut nec aliæ? Quo gratiæ merito præminuit, ante virtutis obumbrationem dico, si ipsam cum vniuerso hominum genere exclamare necesse fuit, *Quis me liberabit de corpore mortis huius*? Parciùs nouas in virginem adinventiones de spiritu tuo cadere debuisses, quam de spiritu suo Deus pater tam gloriôsè fecundauit. Si ergo aliquid scribo de Virgine, quod non legerim in Canone, laudem tamen sapit Virginis, laudem & filij Virginis: & occasione scripturæ Canonice, vel vera scribo, licet occulta, vel verisimilia & ipsa Catholica. Præsumuntur multa de Virgine, quæ nunquam leguntur: & præsumptionibus standum est, donec probetur in contrarium. Singularis Virginis priuilegium non habet similitudinis consortium. Non solum singulare est, quod Virgo concepit, sed & quod Virgo sola & prima in Israël virginitatem adamauit. Non solum inauditum, quod Virgo peperit, sed & quod Virgo citò Angelo credidit, & de facto non dubitans modum conceptionis inquisiuit. Et in hunc modum distingue inter Virginem nondum matrem, & Virginem iam matrem: vt singulari vtrobique cæteris virginibus prærogetur priuilegio, quæ singulariter nondum mater, Angelo testante, gratia plena fuit; & singulariter iam mater Spiritus sancti sacrarium extitit: quæ nondum mater, quasi lana candidissima, nullius peccati sensu maculosa fuit, & singulariter iam mater, quasi purpura sanguine conchylij tincta, ita Spiritu sancto compluta & madefacta fuit, vt nullis de cætero vsibus manciparetur, nisi diuinis. Multa in hunc modum occurrunt differentiarum genera, quibus Virgo nondum mater differt à se Verbi matre, licet nunquam peccatum senserit, vel nondum mater, vel iam mater. Vellus quippe, cum sit de corpore, vt ait Hieronymus, corporis non sentit passionem: sic & nostræ Virginis virginitas, cum sit in carne, non sensit vitia carnis. Sed dicis, Multiformiter

Rom.
VII. 24.

peccatum sentitur: aliquando cum peccato, aliquando sine peccato. Sine peccato sentitur, sicut aër. Hoc exemplum nullius est auctoritatis, ut dictum est, sed nec intelligentis expressum. Aër quippe sentitur aliquando intensius, aliquando remissius, secundum motus sui impetum, vel leniorem vel asperiores: & durior est aëris frigidi sensus asperior, quam ignis tepidioris lenior, vel lapidis, vel picis remotior. Ea propter me non mouent exempla, quæ tam remota sunt à re, ad quam explicandam sunt inducta. Recurramus itaque ad sensum Ecclesiæ, & secundum quod ipsa sentit de sensu peccati proferamus in medium, & videamus quo sensu Virgo potuerit sentire peccatum, sine sensu peccati. Cum igitur peccatum Ecclesiastico sensu tripliciter dicatur, ut dictum est, videlicet pœna, culpa, hostia, iungamus primò singula singulis, deinde singula omnibus, ut experiamur qua coniunctione verum sit, peccatum sentiri sine peccato, & tandem deprehendamus, utrum veritas equiuocæ coniunctionis obuiet clausulæ vniuocæ acceptionis, qua dicitur, Virgo vicit ex omni parte peccatum, non omne debellando, sed nullum prorsus sentiendo. Attende rogo, si virgo pœnam peccati sensit sine pœna peccati, si culpam peccati sensit sine culpa peccati, si hostiam sine hostia sensit: & doce quomodo hæc possint fieri. Quod si non occurrit, attende si culpam sine pœna, vel sine hostia sensit, si hostiam sine pœna, vel sine culpa sensit: & doce quæ scriptura hæc doceat, & quid utilitatis in præsentis disquisitione habeat. Perpende denique, quod virgo pœnam peccati sensit sine culpa peccati: & hoc sensu fortè fieri potuit, quod peccatum sensit sine peccato, cum peccatum æquiuocè pœna dicatur & culpa peccati. Sed hic sensus in nullo derogat clausulæ, qua virgo perhibetur omne vicisse peccatum, non omne debellando, sed nullum prorsus sentiendo: quia in ea vniuocè vbique peccatum pro culpa peccati accipitur. Ipsa quippe culpam peccati, videlicet concupiscentiam, & cetera quæ simul sunt & pœna & culpa peccati, ex omni parte vicit, quod horum omnium nullam omnino sensit. Nam serpentis sibilatio foris fuit per suggestionem, non intus per titillationis pruriginem. Nec decuit illam carnem titillari, per quam meruit omnis caro à damnatione titillationis purgari. Non decuit illam carnem inordinate moueri, de cuius propagine ordinis disciplina demanauit; & omnem mundum sub iustitiæ moderamine colligens ad vitam æternam reformauit.

a NICOLAUS MON. S. ALBANI.] Refutat Petri Cellensis epistolam, quæ fuit vltima libri vii. pugnatque pro immaculata B. Virginis Conceptione.

b NYPER CANONIZATVS.] Ab Alexandro III. Anagninæ anno M. C. LXXIV. post ipsius obitum xx.

*I*VO IN CHRONICIS SVIS.] Non extant hæc Chronica Iuonis. Et quidem veterum fere omnium, recentiorumque est sententia, Mariam Virginem non duodecimo, sed decimoquinto ætatis suæ anno Christum Dominum concepisse.

EPISTOLA X.

^a *Petrus Carnotensis electus Nicolao S. Albani Monacho.*

EPIstola tua multifariè dentata, dum me acerrimè mordere intendit, dentes suos in semet elisos non iniuria collidit. Acutos equidem formido, sed putres contemno. Subtiliter syllogizas, vel fortè paralogizas; sed fallaciter concludis. Nostram irrides simplicitatem, nec mirum: non enim tenes veritatem. Contra legem fratris tui turpitudinem reuelas, non quæ est, sed quam fingis. In humanis certè mentiri vereor: quantò magis in diuinis? Credo, dico, assero, & iuro, beatissimam Virginem nostram in æterna prædestinatione singulari priuilegio munitam, nec à sua conceptione in aliquo violatam: sed semper mansisse & permanisse illibatam: & sicut beata ultra humanam & cæterorum hominum naturam, sic secreta & incognita manet ultra omnium notionem. Quamuis autem more veruecum ad inuicem nostra tentaverimus cornua, & verborum diversos hinc inde protulerimus sonos: tamen vnus & simplex oculus vtriusque nostrum in eius obsequio & famulatu nunquam caligauit: sed neque Deo volente caligabit. Vt autem gustus cibum discernit, & alius plus salis, alius minus exigit: sic sensus humanus quandoque austeriora, quandoque dulciora appetit auidius. Profert alius absque pondere rationis, seu auctoritatis quod ei placuerit: recusat alius quicquid sale Euangelico aut prophetico conditum non est. Est alius vtilior, dulcior alius. Ego vtilem dulci præpono. Solas fauces magis demulcet dulcis: omnibus membris vtilis plus confert. Tu verba dulcia, ego vtilia quæro. Tu lenocinantia, ego salubria & confortantia. Serijs itaque intendamus. Quædam tamen seria iocosa aliquando non respuunt, immo libenter admittunt, quædam verò sic respuunt & expuunt; quòd etiam anathematizant & suspendunt. Reginæ Dominæ nostræ beatissimæ virginis Mariæ obsequia venerationem postulant, non adulationem: maturitatem, non scurrilitatem: cordis deuotionem, non oris verbositatem: secreti admirationem, non publicam discussionem. Vterque nostrum currit post ipsam, & vti nam ad ipsam. Vt credo, vna intentio animos parificat; sed varietas sermonum, vt pote linguæ diuersæ, sensus scripturæ salua fide alternat. An scientiores, an sapientiores sumus Augustino & Hieronymo? Nonne in fide vnanimes, in religione concordēs, in caritate feruentes, in scientia scripturarum sublimes, in auctoritate pares, in quibusdam sententijs valde sunt dispares? In epistola ad Galatas sic legitur: *Cum venisset Cephas Antiochiam in faciem ei restiti, quia reprehensibilis erat. Prius enim quàm venirent quidam à Iacobo, cum gentibus edebat. Cum autem venissent, subtrahabat, & segregabat se, timens eos qui ex circumcisione erant, &c.* Hieronymus defendit Petrum dicens, inuitum fecisse, & dispensatoriè simulasse, ne scilicet Iudæos amitteret: nec in hoc peccabat, quia bona intentione id agebat. Augustinus è contra dicit, Petrum illa legalia seruasse non dispensatoriè, sed verè: & eum verè peccasse, non illa seruando, sed alios suo exemplo Iudaizare cogendo. Ecce ce-

Gal. 11.

11.

Aa ij

dri Libani, ecce sublimes abietes alio & alio impulsu, aliter & aliter sentiunt, sed in caritatis radice nunquam dissentiunt. Vnusquisque autem in suo sensu abundat. Nequaquam enim in articulis fidei, in iis, qui sunt duæ oliuæ & duo candelabra ante Deum lucentia, error innascitur, pro quo alter periclitetur. Non itaque mirum, si nos stipulam siccam ventus rapiat in diuersa. Si tu tendis honorare Virginem, hoc ego collaudo, si contendis defendere incircumcisum sermonem, istud non approbo. Incircumcisus autem sermo est, qui originale præputium trahens de ventre sensus humani arbitrij, cultro petrino non amputatur ad regulam Euangelicæ auctoritatis. Si omnes sermones superfluos communicarem, & huic nostro scripto insererem, nemus iuxta altare complantarem. Saluo nomine & numine sacratissimæ Virginis, verbale duellum non recusarem, si vacaret legere, si scribere, si arma quærere in scutariis Salomonis. Si aures & oculos suos clauserit Domina nostra, & nœnias disputatiuncularum nostrarum nihili penderit, in cauernis suis Anglum Francigena conclusum & ligatum vsque ad tempus mille annorum consignabit. O magister doctissime! dormiens, an vigilans, tubam canentem audisti, quod Virgo peccatum senserit, sentiendo debellauerit? Quàm sis dolosus interpret in occultis, patet in apertis. Nam stylum vel calamum nostrum appellas tubam. Sed tubæ officium est vocem exaltare, styli & calami in silentio scribere. Sis ergo Dauus, qui inturbat omnia. Quo autem sensu dixerim, Virginem peccatum sensisse & debellasse, & si tu arreptus in tanto furore, quod vix manus contines, non potes patienter audire, qui nostra legerit scripta, fauore & odio postpositis, audiat, & in statera æquitatis diligenter appendat. Ne verò auctoritate nudus circa Goliath ad bellum congregiatur, antepono scutum auctoritatis qua dicitur, *Inimicitias ponam inter te & mulierem, &c. Ipsa conteret caput tuum, & tu insidiaberis calcaneo eius.* Quæ est hæc mulier? Virgo, quæ pro sexu, non pro corruptione, mulier appellatur. Quod est eius semen? Iesus, in quo benedicuntur omnes gentes. Quæ sunt illæ inimicitia? Lege Apocalypsim Ioannis. *Postquam, inquit, vidit draco quod proiectus est in terram, persecutus est mulierem.* Ecce virginem Mariam. Euangelium docet, quod draco malignus in Herode, sicut aliquando in serpente, quærebat occidere Iesum filium huius sanctissimæ mulieris. Quare Ioseph cum matre & puero, monitus ab Angelo, secessit in Ægyptum, tanquam in locum desertum. Luce clarius ad verbum exponit hoc sermo qui legitur in natiuitate eiusdem virginis, vbi dicitur, *Inimicitias ponam inter te & mulierem, &c.* Quid est fratres, inquit actor in hoc loco, serpentis caput conterere, nisi principalem Diaboli suggestionem, id est concupiscentiam resistendo superare? Si ergo quæritur, quæ mulier huiusmodi victoriam operata sit: profectò non reperitur in linea generationis humanæ, donec perueniatur ad illam, de qua nunc agimus, sanctarum sanctam. Surdus es, si non audis, cæcus, si non vides, mutus, si non clamas, infidelis, si non credis, contumax, si adhuc contendis. Vade ad natatorium Siloe, & laua oculos, & vide quomodo verum sit, quia sensit peccatum sine peccato. Sensit equidem, non ad læ-

Gen.
III. 15.

Apoc.
XII. 9.

tionem, sed ad probationem: sensit, non succumbendo, sed superando: sensit extrinsecus, non intrinsecus: sensit hoste suggestionem iaciendo, non carne delectando, vel spiritu consentiendo: sensit propulsando, non excipiendo, vel admittendo. Quis nostrum magis honorat Virginem, qui illam prädicat absque certamine felicem, an qui in certamine fortem? *Nam mulierem fortem quis inueniet? Procul & de ultimis finibus pretium eius.* Apostolus ait, *non coronabitur, nisi qui legitime certauerit.* Spiritus in Apocalypsi dicit, *Vincenti dabo edere de ligno vita, quod est in medio paradisi.* Item, *Qui vicerit, sic vestietur vestimentis albis.* Item, *Qui vicerit, faciam illum columnam in templo Dei mei.* Item, *Qui vicerit, dabo ei sedem mecum in throno meo.* Virgo nostra sedens iuxta sedentem in throno gratiae filium suum Iesum, loquitur omnes victorias, quas obtinuit non dormiendo, sed vigilando, non otiano, sed pugnando, non fugiendo, sed resistendo, non cadendo, sed cadendo. An mater felicior filio, an sanctior? an fortior? an gratia plenior? Sed ductus est Iesus in desertum, ut tentaretur à Diabolo: sed dicit illum Apostolus tentatum per omnia pro similitudine absque peccato. Qui tentatur nonne sentit tentationem? Est autem modus sentiendi secundum virtutem non tentantis, sed tentati: debilis, debilius, debilissimus effectus sentiendi, secundum affectum & virtutem sentientis. Non enim quisquam potest iudicare quid sentias, nisi tu qui sentis. Hucusque satis sit de tuba, quam fecisti & sonuisti. Nunc autem ut ad singula epistolae tuae capitula, quibus meam, quam & ego confiteor, arguis insipientiam, respondeam, spineta tua sicut hinnulus cernorum transilio. Sed me non ignorare tropos diuinæ locutionis assero: tuos verò in terra conculco. Denique compatiore insolentiae tuae, qui de excellentissimis nostrae Virginis montibus ad profundissimam vallem descendisti, nec dicam corruisti. Licet enim in illa nihil sit verecundum, ubi omnia & singula eius membra lunâ sunt puriora, & sole clariora: tamen nostrae fragilitatis teterrima memoria, cum audierit nominari genitalia, vix à sua excutietur palude, vix incipiet non solita cogitare. In Virgine igitur talia sacrosanctis cortinis potius volo honorando inuoluere, quam nudis nominibus & manibus contrectare. Virgo certè virgineis verbis & sancto velamine consecratis delectatur affari. Parco epistolae meae tuae inferere verba, quae tamen non parco reprehendere. Finem facere festinabam: sed nouum tuum decretum prius volo discutere, & ex quo consilio promulgatum sit requiro. Sicut, inquis, in caelo qualis pater, talis filius, sic in terra qualis filius, talis mater. O Domina! ignosce dicenti quod displicet tibi. Nonne tu filij tui, licet mater, tamen ancilla? Nonne sicut oculi ancillae in manibus Dominae suae, ita oculi tui in manibus Domini filij tui? Non adaequabitur ei aurum de Æthiopia, nec conferetur tinctis Indiae coloribus, quia non est inuentus similis ei super terram, qui vnus & vnicus est, & secundum non habet. Sufficit tibi, à dextris eius stare, non aequalitatis, vel qualitatis comparatione, sed gloriae & beatitudinis stabili & aeterna copulatione. Datis iam dextris pacem habeamus ad Dominam nostram, cuius tu adiutor, ego assertor, cuius tu zelator, ego amator. Suum in laude

Prou.

xxxi.

10.

2. Tim.

11. v.

Apoc.

11. 7.

Apoc.

11. 5.

12. 21.

Virginis expendere ingenium & studium nec improbabile est, nec irremunerabile. Vngulam tamen, & in hoc, & in omni actione nostra & intentione, findere auctoritas iubet & ratio suadet. Discernere autem quid & quomodo debeas laudare, vngulam est findere. Qui alterum postponit, officium laudationis aut peruertit aut prorsus amittit. In modo erras, si supra, vel infra, aut extra metas veritatis quemlibet laudas: in persona, si laude indignum laudare velis. Vt ad rem veniam, tu effers nostræ Virginis laudes, ego verò offero. Tu in aëre euolas, ego interim dum in terra sum, pedibus curro. Tu præcipitas verba, ego dispono sermones meos in iudicio, & in statera appendo. Tu acerbam & immaturam vindemiam, ego in imbre matutino & serotino iam matura poma noua & vetera ad mensam comporto. Virginem laudas, & ego laudo. Prædicas sanctam, & ego. Extollis super choros Angelorum, & ego. Dicis immunem ab omni peccato, & ego. Asseris Dei genitricem, adstruis nostram ad Deum mediatricem, & ego. Versa & reuerfa in quolibet statu venerationis & glorificationis, tecum vado, tecum sentio. Si verò extra communis monetæ formam vis fabricare aliam, quam non approbauerit sedes Petri, cuius est approbare, vel improbare ordinem vniuersalis Ecclesiæ, pedem sisto, & terminos constitutos non transgredior. Credo & confiteor plura esse apud nos ignota de Virgine sacrosancta, quàm nota, quia confortata est & gratia & gloria, & non possumus ad eam. Euangelio, non somniis, de illa credo, & si aliter sapio, & hoc ipsum reuelabit Deus, quando voluerit, & quomodo voluerit. Interim autem dum fit vox super firmamentum, nec descendit ad nostrum fundamentum, pennas submitto, & meæ ignorantia caliginem non à te, sed à patre luminum illustrandam imploro. Si ferrum de manubrio elapsum te in aliquo læsit, da veniam, eandem à me recepturus indulgentiam. Ora pro me, amice carissime, & vtinam facie ad faciem viderem te, quem scriptorum tuorum bene ornatus habitus non semel præstitit audire.

* PETRVS CARNOT. NICOLAO J Responderet epistolæ præcedenti. atque ita de B. Virginis laudibus disserit, vt satis appareat illum, quamuis in dispari de festo Conceptionis sententia, non impari tamen erga illam venerationis studio fuisse.

EPISTOLA XI.

* H. Abbati Cluniacensi.

NON omisis excubiis Dominicæ sepulturæ vestri habens memoriam, sancto sabbato opus aggredior lege non prohibitum. Nec legere namque, nec scribere prohibet lex. Lugeo interim ex lege sua contra legem proscriptum Iesum extra synagogam, extra ciuitatem sanctam tunc profanam, extra vitam. Sed Christus proscriptus meliorem adiit mansiorem, populum cariorem, ciuitatem sanctiorem, lectulum gratiorem, mensam suauiore. Quid plura? proscriptus à Iudæis adscriptus est rex & Dominus in cælis. De exilio migravit ad regnum: ab his qui odio habue-

runt cum gratis, ad illos qui obsequuntur semper gratis, à cruce ad cælum, à patibulo contumeliæ ad thronum gratiæ. O benigna patientia, quousque sustinuisti locum contumeliosum, populum iniuriosum? Certè non vna die, non mense, non anno, sed annis multis, quatinus pœnitentiam de commissio agerent, & indulgentiam acciperent. Dormis IESV, in monumento nec ore, nec naribus vllos strepitus facis: medium noctis silentium tenent omnia, donec surgas, donec euigiles, donec Apostolos dispersos reuoces. Mittat gallus vocem, & melius cantet in Christi resurrectione, quàm in Petri negatione. Raucè tunc cantauit dicens, raucæ factæ sunt fauces meæ à conturbatione hominum, à tempestate procellarum. Vbi enim in terra vox clara, quando Verbum suffocabatur, quinimmo & verberabatur, vt veritas supprimeretur? Sed paruo intervallo factus est terræ motus, quia surrexit Dominus, & cantauit gallus, surrexit Dominus de sepulcro. Non ter, sed millies gallus Christianorum singulis noctibus, singulis ciuitatibus, singulis sanctorum congregationibus cantat alleluia, cantat & Christi mortem & resurrectionem. Vnde, *Gallo canente spes redit, &c.* Alius quidam ineffabilis gallus de cœlo intonuit dicens, *Exurge gloria mea, exurge psalterium & cithara.* O fili, gloria mea! nam filius sapiens gloria est patris: exurge, dormisti, somnum cepisti. satis est, exurge, vltra non dormiturus, sed mecum in gloria mea vigilaturus ad psallendum, ad citharizandum vicinis & amicis meis, qui libenter, non impudenter auscultant vocem tuam. Concentum certè cœli cantando & psallendo dormire facis. Veni cum psalterio, veni cum cithara tua. In psalterio decem chordarum cantabis, quia super nouem ordines Angelorum cum homine redempto collocaberis. Citharam quoque passionis tuæ percutere in auribus meis: quia illum qui non debuit condemnari condempnaui, & volo vt senior ille frater, qui in agro occidit Abel, meam audiat Diabolus symphoniam & chorum, non vt delectetur, sed vt confundatur, & sit ei in testimonium suæ malignitatis & meæ benignitatis, qui dedi filium vt redimerem seruum. Hanc portionem mihi hodie contulit Dominus de sua passione & resurrectione, antequam ad nostrum capitulum accederemus. Tingite panem vestrum in aquam crassam vituli saginati, & sicut adipe & pinguedine repleatur anima vestra. De his hætenus. Mitto fratrem Stephanum quem diligitis, cum fratre suo B. quatinus eo pacto sub fratre suo domus nostræ de Prouincia curam habeat, vt vos & fratrem eius fideiussores habeam de indemnitate bonorum nostrorum. Est enim in hoc officio nouus, & necesse est vt habeat bonos adiutores & consiliarios, donec per se ambulare didicerit.

Psal.
LVI. II.

H. ABBATI CLUNIACENSI.] Hugoni IV. qui Theobaldo Cardinali successerat. Quæ sequitur epistola, anepigrapha erat in nostro exemplari.

EPISTOLA XII.

VT breuiter tumultuosis & scrupulosis cordis vestri quæstionibus super professione facta, tam in ordine Grandimontis, quàm in Cisterciens-

Matt.
XI. 7.


Iob.
XXIX.
18.

si, respondeam, id mihi videtur, quod fidem promissi non laedit qui soluit, quod promiserit, is quoque gratiae meritum superaddit, qui plus soluerit quam ex voto debuerit. Non est meum ordines sanctorum iudicare, neque meis stateris merita illorum appendere. Suo domino stant, aut cadunt, stant autem. Opinionis tamen meae est, plus rigoris, plus iustitiae, plus seueritatis, plus etiam discretionis esse in ordine Cisterciensi quam in illo, qui mihi incognitus est, & de quo propter incertitudinem nullam praecipitare audeo sententiam. His omissis, ranas & muscas inquietantes penetralia cordis vestri vtinam abicere, vel potius exterminare breui admonitione possem! Non ignoro, apud Aristotelem dubitare de singulis non esse inutile. Teneo autem apud Hippocratem, quod mutationes maximae generant morbos. Dicit Gregorius, quod plantae, quae saepe transponuntur, radices non mittunt. Paulus anathematizat qui aliud Euangelium praedicauerit, quam quod ipse praedicauit, etiam Angelum de caelo. Dominus noster Iesus Christus de Iohanne Baptistadicit, *Quid existis in deserto videre? arundinem vento agitatam?* In parabola quoque Euangelij, dum fatuae virgines irent emere oleum, clausa est ianua? Harum auctoritatum sensus hic est: ne instabiles simus, ne fluctuemus, ne omni vento circumferamur, ne dicamus, ecce hic Christus, ecce illic. Videte itaque vocationem vestram, & bases & plantas vestras statuite supra petram, & cum Iob dicite, *In nidulo isto moriar, & tanquam palma multiplicabo dies.* Rogo amicitiam & fraternitatem vestram, vt parcatis vobismet ipsis, & pro certo sciatis, quia vnum ad salutem sufficiens est & necessarium, Deo se committere, nunquam cum Deo disputare. Praelato in omnibus obedire, omnia sua onera humeris eius imponere, & sufficientem responsalem in Dei iudicio contra omnes aduersarii allegationes tam veras quam falsas illum constituere; in simplicitate, non in subtilitate, Deum quaerere.

PETRI CELLENSIS EPISTOLARVM FINIS.



ALEXANDRI



ALEXANDRI III. PAPÆ
ad Petrum Abbatem S. Remigij, & alios,

EPISTOLÆ LVI.

*Alexander Episcopus servus servorum Dei venerabili fratri Bartolomæo
Beluacensi Episcopo, & dilecto filio Petro Abbati sancti Remigij
Remensis salutem & Apostolicam benedictionem.*

Perlatum est ad audientiam nostram, quòd monasterium de Flaiaco occasione Abbatis, qui ibidem canonicè dicitur non fuisse electus, ita sit in spiritualibus & temporalibus diminutum, quòd ubi forma religionis esse consuevit, sicut dicitur, & exemplum, ibi nulla fere honestatis, vel religionis videantur vestigia remansisse. Asseritur enim, quòd postquam idem Abbas per aliquot monachos claustrales & idiotas, personis insciis & ignaris, quæ extrinseca gerebant negotia, minùs canonicè ipsius monasterij fuit administrationem adeptus, non in conseruanda religione, vel in ampliandis bonis Ecclesiæ, sed in distrahendis his, quæ à prædecessoribus suis ibidem reperit conseruata, studium & sollicitudinem non erubuit adhibere. Quoniam igitur prouidendum nobis est, & sollicitè vigilandum, ne præscriptum monasterium in deterius illabatur, si ei non fuerit celeri prouisione consultum, discretionis vestræ per Apostolica scripta præcipiendo mandamus, quatinus infra xxx. dies post harum susceptionem, ad locum ipsum pariter accedentes, vel abbatem & monachos ante vos in alio loco congruo conuocantes, de statu monasterij diligentius inquiratis, & qualiter in spiritualibus & temporalibus valeat reformari, ipsis modum & formam præfigatis. Si verò verisimile sit, quòd per Abbatem commodè restaurari non possit, eum ab administratione appellatione postposita remouentes, aliam personam idoneam & religiosam, si in monasterio ipso inuenta fuerit, aut de alio religioso loco, eidem monasterio, cum consilio religiosorum virorum, in Abbatem prouideatis, per cuius studium & diligentiam spes sit idem monasterium posse in spiritualibus & temporalibus reformari: si præfati monachi ad commonitionem vestram in personam qualem diximus non poterunt conuenire. Datum Tusculani xv. Non. Maij.

« MONAST. DE FLAIACO.] S. Geremari de Flauiaco. Sic enim hodie nominant partim à loco, partim à primo eius conditore. Monasterium Flauiacum appellat Nicolaus I. in epistola ad Odonem Episcopum Bellouacorum, in quorum finibus situm

B b

est. Huius porro loci monachus fuit Radulfus Flauiacensis, qui scripsit in Leuiticum.

Alexander Episcopus seruus seruorum Dei dilectis filiis Petro Abbati sancti Remigij Remensis, & magistro Fulconi, Remensis Ecclesie Canonico, salutem & Apostolicam benedictionem.

AD audientiam nostram peruenit, quoddam Io. Sueffionensis terram pupillorum, quorum Th. ciuis Remensis gerit tutelam, pignori detinet obligatam: unde sortem suam & tantundem dicitur percepisse. Quoniam igitur vsurarum crimen, & quodlibet superabundantie genus, vniuersis Christiane professionis viris est omnimodis abhorrendum, discretioni vestre per Apostolica scripta mandamus, quatinus si prefatum Io. sortem suam de prescripta terra, & tantundem ultra prater expensas recepisse constiterit, ipsum eandem terram memoratis pupillis & tutori eorum omni occasione & appellatione cessante restituere & in pace dimittere, auctoritate nostra districtè cogatis. Quod si ipsum sortem suam aut amplius exinde non suscepisse noueritis, eundem sorte sua recepta pupillis terram, dilatione & appellatione postposita, reddere constringatis, & hoc infra xl. dies post harum susceptionem diligentius exsequamini.

Alexander Episcopus seruus seruorum Dei, dilecto filio Petro Abbati sancti Remigij Remensis salutem & Apostolicam benedictionem.

REcepta conqueffione T. ciuis Remensis, quod God. quondam Sueffionensis pupillis, quos idem T. habet in custodia, domum, quæ ipsis hereditario dicitur iure competere, detineret, discretioni tue nos mandasse recolimus, vt eundem G. ad restituendam predictis pupillis domum detentam, vel coram venerabili fratre nostro Nouiomenfi Episcopo iustitiam exhibendam, moneres & districtius coerceres. Sed eodem G. prout dicitur, antequam ad te litteræ nostræ peruenissent, sublato de medio, cum vxorem eius commonuisses, vt alterum horum exsequeretur, respondit non ad se causam filiorum pertinere, & quoddam filij propter minorem agere non possent ætatem. Vnde quoniam ex dilatione & expectatione ista multa possunt predictis pupillis iuris sui detrimenta & incommoda prouenire, & nostra interest vtrisque pupillis secundum commissum nobis officium prouidere, discretioni tue per Apostolica scripta precipiendo mandamus, quatinus predictam mulierem infra xl. dies post harum susceptionem moneas, & districtè compellas, vt tutori predictorum pupillorum pro pueris suis, quorum habet tutelam, in presentia tua super iam dicta domo respondeat, vel procuratorem, qui pro eis debeat respondere, constituat: aut ipsis eandem domum libere & quietè dimittat. Tu verò, si experiri voluerit, vtraque parte ante te conuocata causam audias, & eam iustitia mediante appellatione remota decidas.

Alexander Episcopus seruus seruorum Dei dilectis filiis Petro Abbati S. Remigij, & Fulconi Decano Remensi salutem & Apostolicam benedictionem.

CAusam quæ inter ^a Abbatem sancti Urbani, & Abbatem Deruensensem, super Ecclesia sancti Desiderij & quibusdam aliis noscitur agitari, vobis, de quorum prudentia & honestate confidimus, committimus audiendam, & sine debito terminandam. Ideoque experientia vestra per Apostolica scripta mandamus, quatinus exinde requisiti fueritis, in vnum pariter conuenientes, vtramque partem ante vestram presentiam conuocetis, & rationibus hinc inde diligenter auditis & cognitis, eandem causam sublato appellationis remedio; mediante iustitia decidatis. Datum Tusculani v. Kalend. Martij.

^a ABB. S. VRBANI.] Eiusdem est ordinis cœnobium cuius Deruense, atque in eadem Catalaunorum diœcesi: sed in oppido Iouiuilla, siue vt vocari postea cœpit Ioinuilla. Ecclesia verò S. Desiderij ea est, quæ non ignobili eius tractus oppido nomen imposuit, ac iuris est monasterij Deruensis.

Alexander Episcopus seruus seruorum Dei dilecto filio Petro Abbati sancti Remigij salutem & Apostolicam benedictionem.

Relatum est nobis, quòd postquam O. sancti Theodorici Remensis cuius dominicam crucem suscepit Hierosolymam profecturus, Gerardus de Roseio quandam terram eius violenter inuasit, & eam adhuc detinet occupatam. Nos autem vxoris prædicti O. lacrymabili postulatione deuicti, & officij nostri debito, quo vniuersos qui in Dei seruitio commorantur, & eorum bona attentiori studio defensare tenemur, propensius inclinati, discretioni tuæ per Apostolica scripta præcipiendo mandamus, quatinus si ita se habet, memoratum Gerardum studiosè moneas, & auctoritate nostra sub excommunicationis districtione compellas, quòd prætaxatam terram vxori præfati O. omni contradictione & appellatione remota, cum fructibus inde perceptis restituat, & in pace dimittat. Deinde verò si prænominatus Gerardus quicquam iuris in eadem terra credit sibi competere, cum supradicto O. postquam de partibus Hierosolymitanis redierit, coram te ordine iudiciario experiatur. Datum Tusculani iii. Kalend. Aprilis.

Alexander Episcopus seruus seruorum Dei, dilectis filiis, Petro Abbati sancti Remigij, & Fulconi Decano Remensi salutem & Apostolicam benedictionem.

CAusam quæ inter Abbatem Ecclesiæ omnium sanctorum de insula Catalaunensi, & ^a Canonicos sanctæ Trinitatis super quodam cæmeterio vertitur, experientia vestra audiendam committimus, & sine debito

Bb ij

terminandam. Ideoque discretioni vestræ per Apostolica scripta præci-
piendo mandamus, quatinus cum exinde fueritis requisiti, vtramque par-
tem ante vestram præsentiam conuocetis, & rationibus hinc inde plenius
auditis & cognitis, eandem causam infra xl. dies post harum susceptionem
fine debito terminetis. Nihilominus etiam causam quæ inter ipsos eos-
dem super quibusdam terris Vicedomini noscitur agitari, studiosius audia-
tis, & eam mediante iustitia decidere studeatis. Datum Tusculani Ka-
lend. Maij.

* CANON S. TRINITATIS.] Horum collegium in ipsa est ciuitate Catalaunensi,
in qua & Insulæ omnium Sanctorum monasterium esse monuimus.

*Alexander Episcopus seruus seruorum Dei dilecto filio Abbati sancti Remigii
Remensis salutem & Apostolicam benedictionem.*

Viris litteratis atque deuotis tantò propensiori studio providere tene-
mur, & suis commoditatibus diligentius intendere, quantò ex eo-
rum prouisione sacris Dei Ecclesiis fecundior potest fructus & vtilitas pro-
uenire. Inde est quòd nos litteraturam dilecti filij nostri magistri Vberti,
& deuotionem quam circa te gerit, studiosius attendentes, ipsum caritati
tuæ sollicitè commendamus, rogantes & rogando mandantes, quatinus
pro reuerentia beati Petri & nostra, & intuitu deuotionis & litteraturæ
sue, præbendam in Ecclesia sancti Timothei, si qua nunc vacat, vel quæ
primò vacauerit, ei concedas liberaliter, & assignes: ita quòd ex hoc sin-
ceritati tuæ vberes debeamus gratias agere, & prudentiam & deuotionem
tuam multipliciter propter hoc in Domino commendare. Datum Tus-
cul. iv. Idus Maij.

*Alexander Episcopus seruus seruorum Dei venerabili fratri Siluaneensi
Episcopo, & dilecto filio Abbati sancti Medardi salutem
& Apostolicam benedictionem.*

EX parte dilecti filij nostri Abbatis sancti Remigij Remensis auribus
nostris innotuit, quòd cum quædam ancilla & quædam possessiones iu-
dicio Remensis Ecclesiæ, suo fuissent Monasterio restitutæ, quarundem
litterarum nostrarum occasione, sicut asserit, exinde postea quamplurima
damna sustinuit. Quia igitur ea, quæ iudicio rationabiliter terminata nos-
cuntur, in recidiuam contentionem reuocari non debent; discretioni ve-
stræ per Apostolica scripta mandamus, quatinus rei veritatem diligenter
& sollicitè inuestigetis: & si vobis constiterit, iam dictum Monasterium
de præscriptis possessionibus & ancilla rationabiliter restitutum fuisse, re-
stitutionem ipsam ratam & firmam permanere, & damna eidem mona-
sterio super his interrogata, omni occasione & appellatione remota, nostra
freti autoritate restitui faciat. Datum Tuscul. iv. Idus Maij.

*Alexander Episcopus seruus seruorum Dei, dilectis filiis Abbati S. Remigij,
& Fulconi Decano Remensi salutem & Apostolicam benedictionem.*

Cum olim ex parte Vvarini & filij sui Remensium ciuium causa, quæ inter ipsos, Oldevvinum & Iohannem ^a Remenses Burgenses, super domo quadam veritur, ad nos delata fuisset, eandem causam, si bene meminerimus, venerabili fratri nostro Ambianensi Episcopo commisimus terminandam. Nunc autem, sicut ex transmissa conuestione prædicti Oldevvini & Iohannis ad aures nostras peruenit, cum ipsi iuxta mandatum nostrum ad eundem Episcopum accessissent, ab eo ad audientiam nostram appellarunt, iudicem ipsum sicut suspectum vitantes, quoniam prædictus Vvarinus & filius eius familiaritatem cum eodem Episcopo habere dicuntur, & alter eorum de mensa sua esse perhibetur. Quia igitur prædictis Burgensibus per responsalem suum ad nos venientibus, altera pars nec venit, nec aliquem pro se responsalem transmisit, nos attendentes, qualiter iudex non debeat in causa constitui, qui merito alterutri partium possit esse suspectus, causam ipsam experientiæ vestræ committimus: mandantes quatinus utraque parte ante vestram præsentiam conuocata, causam diligentius audiat, & eam, si vobis constiterit appellatum fuisse, contradictione & appellatione remota, sine debito terminetis. Datum Tusculi ix. Kalend. Aprilis.

^a REMENSES BURGENSES.] Vtrique erant Remenses. sed Burgenses à ciuibus distinguit, quia ciues eos vocat, quibus intra vrbs moenia domicilium erat: Burgenses, quibus in Burgo seu Castro S. Remigij, de quo dictum est lib. vii. epist. v. & infra dicit epist. li.

*Alexander Episcopus seruus seruorum Dei, dilectis filiis Abbati S. Remigij,
& Fulconi Decano Remensi salutem & Apostolicam benedictionem.*

Ex litteris quas Præpositus, & Capitulum ^a sancti Symphoriani nobis miserunt, ad audientiam nostram noueritis esse perlatum, quod cum controuersia inter N. clericum, & H. & E. & eorum coadiutores, super quadam domo censuali eiusdem Ecclesiæ, quam prædictus clericus in eleemosynam sibi datam asserbat, & prædicti viri dicebant sibi iure hæreditario pertinere, fuisset exorta, iidem viri ad venerabilem fratrem nostrum Henricum Remensem Archiepiscopum, & prædictus N. ad nostram audientiam appellauit. Quia igitur absentibus partibus eidem causæ debitum non potuimus finem imponere, eam discretionis vestræ duximus committendam. Inde est quod prudentiæ vestræ per Apostolica scripta mandamus, quatinus cum exinde fueritis requisiti, partes ante vestram præsentiam conuocetis, & rationibus hinc inde auditis diligenter & cognitis, causam ipsam appellatione remota sine debito terminetis. Datum Verulis iii. Kalend. Aug.

^a S. SYMPHORIANI.] Clarum etiam nunc Remis Canoniorum Collegium. Flo-
B b iij

doardus lib. II. c. VI. de Basilicis quibus Lando Archiepiscopus diuersa legauit. Item ad Basilicam S. Symphoriani, quæ vocatur ad Apostolos.

Alexander Episcopus seruus seruorum Dei, dilecto filio Abbati sancti Remigii, salutem & Apostolicam benedictionem.

Perlatum est ad audientiam nostram, quod Robertum & Martinum homines monasterii tui trahis in causam, quia de alterius dominio uxores duxerunt. Quia verò huiusmodi occasio friuola & vana videtur, nec decet te indebitum alicui grauamen imponere, discretioni tuæ per Apostolica scripta mandamus, quatinus præfatos homines pro causa quam diximus nullis agites molestiis, vel indebitè grauare præsumas. Veruntamen si super hoc agere secum volueris, in curia tua ordine iudiciario experiaris. Datum Tuscul. III. Idus Decembris.

Alexander Episcopus seruus seruorum Dei dilectis filiis Abbati S. Remigii, & Fulconi Decano Remensi, salutem & Apostolicam benedictionem.

Dilectus filius noster Abbas sancti Theoderici transmissa nobis questione monstrauit quòd Helisendis mulier, & vir suus eum super quadam terra multipliciter inquietant, & indebitis molestiis agitare præsumunt. Cumque super hoc causam intrassent, demum ad nostram audientiam appellarunt. Quia vero ex iniuncto nobis officio vniuersis Dei fidelibus debitores existimus, & cuique in iure suo adesse debemus, discretioni vestræ per Apostolica scripta mandamus, quatinus prædictam mulierem & virum eius commoneatis, & districtè compellatis, vt ab infestatione præfati Abbatis super præscripta terra omnino desistant, & eam in pace sibi ac quiete dimittant: vel si de iure confidunt, in præsentia vestra ordine iudiciario experiantur. Si autem causam intrare decreuerint, partibus ante vestram præsentiam conuocatis, & rationibus hinc inde auditis & cognitis, eandem causam, remoto appellationis obstaculo, mediante iustitia decidatis. Datum Tuscul. II. Idus Februar.

Alexander Episcopus seruus seruorum Dei dilectis filiis Abbati S. Remigii, & Fulconi decano Remensi, salutem & Apostolicam benedictionem.

Dilectus filius noster Humulariensis Abbas transmissis nobis litteris intimauit, quòd Abbas Hamensis quendam hominem suum cum rebus suis ad habitum regularem suscepit: in quo prædictus Abbas Humulariensis iustitiæ suæ queritur non modicum derogatum. Quia igitur ex commisso nobis officio vnicuique in suo iure adesse debemus, discretioni vestræ per Apostolica scripta præcipiendo mandamus, quatinus præfatum Abbatem auctoritate nostra moneatis, & districtè compellatis, vt prædicto Abbati prænominatum hominem cum rebus suis restituat, vel secum amicabiliter pacificèque componat, aut in præsentia vestra sufficientem exinde iustitiam, appellatione remota, exhibeat. Datum Tuscul. xv. Kalend. Ianuar.

AB. HAMVLARIENSIS.] Qui nunc de Humbleris, in dicecesi Nouiomenfi, in qua & Hamenfe S. Mariz coenobium S. Augustini.

Alexander Papa Ambianenfi Episcopo & Abbati S. Remigij.

CUm olim *a* Daniel Presbyter ad praesentiam nostram accedens de fratre nostro Tornacensi Episcopo grauem apud nos querelam deposuisset, asserens quod eum idem Episcopus, quia sibi soluere noluerat quod ab eo fuerat postulatum, officio & Ecclesia sua spoliasset, & eam Vualtero Presbytero concessisset, eidem Episcopo super hoc litteras nostras direximus, secundum quod officio nostro & rationi congruere videbatur. Tandem autem Episcopus proprios nuncios & scripta nobis direxit, significans quod praedicto Danieli praescripta Ecclesia non fuerit concessa; sed ad probationem usque ad annum commendata: ita quidem ut si non esset idoneus, & eius conuersationis & vitae cuius esse deberet, exinde amoueretur, & Ecclesia illa liberè posset honeste personae concedi. Postremo verò cum idem Daniel, quod tabernam frequentaret, & quod ibi multotiens ita pernoctasset quod omissa dormitione sequenti die missam celebrasset, apud Episcopum accusatus fuisset, & in purgatione quam sibi indixerat, defecisset, ipsum ab officio suspendit, & Ecclesiam in qua ministrabat, ad representationem Abbatis ad quem pertinet, Vualtero sacerdoti concessit. Quo facto, postea ad venerabilis fratris nostri Remensis Archiepiscopi, & deinde ad nostram audientiam appellauit. Daniel verò haec omnia inficiens, constanter asseruit, quod à praedecessore suo ad representationem praefati Abbatis praescriptam Ecclesiam habuerit, & hac sola de causa eum Episcopus officio & beneficio spoliasset, quia illi noluit quod postulauerat exhibere, & ei pro se & aliis compresbyteris audacter prohibuit, ne tam frequentes aduersus eos exerceret extorsiones. Adiecit insuper, quod cum ipsum propter hoc appellasset, crimina supra scripta postea sibi obiecit, quae primitus non fuerant obiecta; & cum esset paratus se inde purgare, ei minis & terroribus suos purgatores subtraxit: nec tamen super criminibus illis vlla potuit ratione conuinci. Cumque Daniel & Vualterus se nostro conspectui praesentassent, & varia & diuersa coram nobis aduersus se allegarent, quia testium & rationum sufficientiam non habebant, in causa illorum non potuimus procedere, nec eam sine congruo terminare. Quapropter de vestra honestatis & discretionis prudentia confidentes, eandem causam prudentiae vestrae commitimus audiendam, & sine debito terminandam. Ideoque per Apostolica vobis scripta praecipiendo mandamus, quatinus, cum exinde requisiti fueritis, congruo loco & tempore pariter in vnum conuenientes, vtramque partem ante vestram praesentiam conuocetis, & rationibus hinc inde plenius auditis & cognitis, causam ipsam, remoto appellationis obstaculo, mediante iustitia terminetis: ita quidem, quod si legitimè vobis constiterit, quod saepe dicto Danieli praescripta Ecclesia non fuerit perpetuò concessa, sed ad tempus commendata, aut de violentia, & quod ita in taberna pernoctauerit, quod altera die nulla praecedente dormitione missam

missam cantasset, rationabiliter conuictus, aut in iudicio, apud Episcopum videlicet, vel Archiepiscopum suum accusatus, vel ad rationem positus, sine coactione, coram pluribus fuerit confessus, ei nullius appellatione obstante super eadem Ecclesia perpetuum silentium imponatis, & ipsum à Vvalteri impetitione desistere compellatis. Ceterùm si Danieli Ecclesia illa fuit canonicè tradita, & postea de aliquo crimine non fuit conuictus aut confessus, propter quod ea de jure debuerit spoliari, vel si post appellationem, sicut aliquando allegauit, Ecclesia illa fuit spoliatus, ipsam ei faciatis restitui, & pacificè ac quietè dimitti. Postmodum verò, si Vvalterus, vel alius aduersus eum agere voluerit, causam audiat, & eam appellatione remota sine debito terminetis. Datum Tuscul. v. Idus Septemb.

DANIEL PRESBYTER.] Presbyter S. Iohannis in Gandauo: quod oppidum cum Monasterio S. Petri, de quo epistola sequenti, eo tempore dicecesis erat Tornacensis, nunc enim proprium habet Antistitem.

Alexander Papa Ambianensi Episcopo, & Abbati sancti Remigii.

Cum ex insinuatione Danielis Presbyteri sancti Iohannis in Gandauo nostris fuisset auribus intimatum, quòd fratre nostro Tornacensi Episcopo ab eo & quibusdam aliis intolerabilem exactionem pecuniæ annis singulis extorquebat, & in consuetudinem deducere, illi eum suppliciter & deuotè rogassent, vt à tali exactione se temperaret; ipse vehementer commotus atque turbatus prædictum Daniele, pro eo quòd verbum proposuit, ab officio suspendit, & alios ad hoc terrore minarum induxit, quòd quicquid statueret de rebus eorum, pro suo nutu acciperet; & quòd graue est, Abbati sancti Petri Gandauensis præcepit, vt jam dicto Daniele prorsus expulso, alium loco suo Presbyterum ordinaret. Verùm prædictus Episcopus transmissis nobis litteris intimauit, quòd cum Danieli præscripta fuisset Ecclesia ad tempus commendata, & vinolentiæ deditus frequenter in taberna pernoctasset, ita quòd nulla dormitatione præcedente missam non timuisset ausu temerario celebrare, & hoc in purgatione deficiens confessus fuisset, eum ab officio suspendit; & ei Ecclesiam, quam non habebat perpetuam, sed commendatam, nihilominus abstulit. Et quoniam eodem Daniele omnia hæc inficiante, communis est & quasi generalis querela omnium, quòd memoratus Episcopus Presbyteros & Clericos suos plusquam mercenarios tractat, & ab eis annuatim graues & importabiles exactiones extorquet; discretionem vestram per Apostolica scripta mandamus, quatinus hæc omnia diligenter & sollicitè inquiratis, & quicquid exinde inueneritis, sine admixtione falsitatis nobis meram & puram veritatem vestris litteris significetis: vt nos habita rei certitudine confidentius & securius corrigere valeamus quæ nouerimus corrigenda. Datum Tusculani xvi. Kalend. Octob.

Alexander

*Alexander Papa Petro Abbati sancti Remigii, & Fulconi
decano Remensi.*

EX insinuatione Vvillermi latoris præsentium accepimus, quòd cum à quodam ciue Remensi pro sexaginta & nouem solidis segetem quæ sexaginta etiam solidos valebat, emisset, ille non vult sortem accipere, sed vsuras immoderatas exinde nititur extorquere. Quia verò, sicut accepimus, super hoc ad nostram audientiam est appellatum, vobis, de quorum prudentia & honestate confidimus, causam ipsam committimus audiendam: discretionis vestræ præsentium auctoritate mandantes, vt prædictum ciuem instanter moneatis, & districtè compellatis, vt pretium constitutum recipiens, eundem Vvillermum super vsurarum exactiōe nulla ratione vexare præsumat. Si autem aliam justam & rationabilem causam prætenderit, eum audiat, & appellatione cessante sine debito decidatis. Datum Tuscul. xvi. Kalend. Iunij.

Alexander Papa Henrico Remensi Archiepiscopo.

Constitutus in præsentia nostra R. Presbyter lacrymabili nobis questione monstrauit, quòd R. & Vvillelmus Canonici Ecclesiæ sancti Donatiani Brugenſis, quia inter ipsum & præfatam Ecclesiæ decanum & Canonicos de oblationibus Ecclesiæ ejusdem Presbyteri erat suborta controuersia, in eum violentas manus iniecerunt, & post appellationem ad nos factam, ipsum à sua Ecclesia eiicientes, alium in eam intrudere non formidarunt: & Galterus prædictæ Ecclesiæ sancti Donatiani Cantor, & Gillenus Canonicus, in Dominica die, coram omni populo, vestes eius in plena processione lacerantes, illum de choro turpiter eiicere præsumperunt. Quia vero tantæ præsumptionis excessum non possumus, nec debemus impunitum relinquere, ne Laici sumant inde materiam in Clericos insurgendi, fraternitati tuæ per Apostolica scripta mandamus, quatinus infra quadraginta dies rei veritatem diligenter inquiras, & si ita tibi esse constiterit, præfatos viros, qui in tantam audaciam proruperunt, publicè accensis candelis excommunicatos denuncies, & sicut excommunicatos ab omnibus facias cautiùs euitari, donec iniuriam passo congruè satisfaciant, & de tanto excessu satisfacturi, cum litteris tuis rei veritatem continentibus, Apostolico se conspectui representent. Illum autem, qui in prædictam Ecclesiam post appellationem ad nos factam dicitur esse intrusus, exinde cessante appellatione amoueas, & ipsam iam dicto Presbytero cum fructibus inde perceptis restituere non postponas. Postea verò si quis aduersus prænominatum Presbyterum super iam dicta Ecclesia agere voluerit, coram te ordine iudiciario experiatur, & tu causam audias, & sine debito decidas. Datum Tuscul. xi. Kalend. Septemb.

*Æ ECCLESIA S. DONATIANI] Archiepiscopi Remensis, cuius eò delatæ reliquæ.
Flodoardus lib. i. cap. v. Hinc Donatianus extitit Episcopus, cuius etiam pignora mariti-*

Cc

mas in paret Episcopi Nouiomagensis vel Tornacensis perlata vario signorum memorantur splendore decorata. Brugæ quippe Flandrorum, quæ suum quoque nunc habent Episcopum, ad dioccesim tum pertinebant Tornacensem, quæ adnexa erat Nouiomenfi.

Alexander Papa Petro Abbati sancti Remigij.

EX parte Guidonis orphani grauem querelam recepimus, quod cum G. pater suus in extremis laborans ipsi domum, agros, vineas, & quicquid in mobilibus possidebat, iure hæreditario reliquerit possidendum, & in præsentia venerabilis fratris nostri Remensis Archiepiscopi id ipsum recognouerit, nunc N. & nepotes eius prædictum orphanum in causam trahere, & super hoc indebitè molestare præsumunt. Quia igitur ex suscepti cura regiminis orphanorum patroni tenemur & defensores existere, discretionis tuæ per Apostolica scripta præcipiendo mandamus, quatinus si tibi constiterit in causa ipsa ad nos appellatum fuisse, & prædictum N. & nepotes eius moneas, & auctoritate nostra districtè compellas, vt prædictum orphanum super iam dicta hæreditate molestare desistant, & eam sicut à patre suo concessam, & in præsentia prædicti Archiepiscopi constat fuisse recognitam, in pace & quiete ipsum possidere permittant: aut si quid iuris in ea se habere confidunt, coram te sublato appellationis obstaculo ordine iudiciario experiantur. Datum Tuscul. v. Idus August.

Alexander Papa^a Upsellensi Archiepiscopo, & vniuersis suffraganeis eius, tam in Suetia quàm in Gothia constitutis.

Constituti à Domino, licet insufficientibus meritis, super gentes & regna, ex iniuncta nobis administrationis officio debitoque compellimur aciem nostræ considerationis ad vniuersum commissi gregis corpus extendere, atque omnium fidelium corda institutionis Apostolicæ ac doctrinæ salutaris imbre perfundere: vt sicut in omnem terram exiuit sonus Apostolorum, & in fines orbis terræ verba eorum: ita quoque nos, qui eorum cathedræ præsidemus, qui eis non in vitæ merito, non in operum sanctitate, sed in pastoralis cura & dignitate successimus, verbum salutis, Euangelium Christianæ atque Catholicæ veritatis annunciemus his qui longè, & his qui prope, nomen Apostolicum non inane neque nudum & in sola voce gerentes, sed in executione officii & veritate operis, in quantum nobis Deus dederit, adimplentes. Audiuius enim & audientes non potuimus non dolere, quod apud vos, tam in Suetia videlicet, quàm in Gothia, ex nimia & peruersa non libertate, sed abusione potiùs & insolentia Laicorum, consuetudo pessima & omnino detestabilis inoleuit: ex qua etiam multa illicita prouenerunt, & mala non solum enormia, verum etiam intolerabilia pullularunt. Ipsi enim vobis inconsultis, sicut dicitur, aut contemptis, concedunt & conferunt Ecclesias, quibus volunt: omnia simoniacè, siue per pecuniam, siue per priuatam gratiam vel odium agentes. Ex hoc autem multa dicuntur tam ipso actu quàm exemplo no-

ciua & pernicioſa contingere. Quilibet enim & vndeſcunque ſacerdos adueniens, licet ordinationis ſuæ nullum habeat teſtimonium, ſolo mandato ſeu nutu etiam laicorum, diuina in ſalutis eorum ſuæque periculum celebrare præſumit. Vnde nonnunquam euenit, vt Monachi fugitiui vel homicidæ, ſeu quibuſlibet irretiti & notati ſcleribus, aut in gradum Sacerdotij non promoti, Sacerdotio fungi nefaria nimis & damnabili præſumptione non metuant. Quilibet verò vel omnino carens Eccleſia, vel pauperem habens & ambiens ditioſiorem, potentioribus de parochia, data vel promiſſa pecunia, alium non erubeſcit tam impudenter quàm illicitè ſupplantare. Accedit ad hæc, quod Clerici, ſiue ipſi aduerſus Laicos, ſiue Laici aduerſus eos litigantes experiri voluerint, Laicorum iudicia ſubire, & ſecundùm ipſorum inſtituta ſiue leges agere vel defendere ſe coguntur. Nec ſolùm inferioris ordinis Clerici talibus iniuriis fatigantur: verùm etiam vos ipſi, ſi iuſtitia rigorem zelo Dei ſuccenſi aliquando exercetis, aliquam contra vos cauſam inobedientis gregis inuidia machinante, vel ad igniti ferri examen, vel ad aliquod æquè prohibitum & exſecrabile iudicium prouocamini: nulla canonibus, qui id prohibent, ſeu Pontificali dignitati exhibita reuerentia vel honore. Ad augmentum verò ſummamque malorum, Clerici paſſim in eodem regno impunè cæduntur, quandoque etiam occiduntur. Et quidem grauiſima ſunt iſta, nec profeſſionis opera Chriſtianæ, ſed inimici potius zizania reputanda. Ad quæ radicitus euellenda, & de medio veſtrum penitus extirpanda, tantò acriùs vos decet & oportet inſurgere, quantò magis deſides prælatos negligentſque reſpiciunt vitia ſubditorum, & eorum culpæ crimen adſcribitur, quod ab his quibus præſident, & pro quibus etiam reddituri ſunt in extremo examine rationem, tam frequenter quàm licenter & impunè committitur maxime cum per prophetam dicatur, *Clama, nec ceſſes, annuncia populo meo ſclera eorum*, & alibi. *Niſi annunciaueris iniquo iniquitatem ſuam, ſanguinem eius de manu tua requiram*: Et in ſacris Canonibus, quos prudentiam veſtram ignorare non expedit, ſcriptum legatur, Negligere, cum poſſis, perturbare peruerſos, nihil eſt aliud quàm fouere: nec caret ſcrupulo ſocietatis occultæ, qui manifeſto facinori deſinit obuiare. Ex eo autem, quòd peccata ex nimia & longæua licentia in conſuetudinem jam venerunt, cum ſit, juxta quendam Philoſophum infelicitas conſummata, & vix videatur locus eſſe remedio, vbi quæ fuerunt vitia mores fiunt, & juxta Euangelium, qui mortuus fuerat in peccato jam ſcæteat: multò majori opus eſt ad ſuſcitandum cum Domino mortuum, non ſine lacrymis & compaſſione, conamine, ne deſperentur, ſicut quatruiduanus in monumento, quibus poſteſt inuocato Dei nomine cum ipſius adiutorio ſubueniri. Vt ergo etiam in eis glorificetur Deus, & ſapientia honorificetur à filiis ſuis, caritatem Moyſi pro populo Dominum obſecrantis, zelum Phinees vindicantis, contritionem Dauid orantis, miſericordiam Ieſu Chriſti ſuper Hieruſalem flentis & pro Lazaro lacrymantis aſſumite; & habentes ſecundùm Apoſtolum ſcutum fidei, loricaſ iuſtitia, & galeam ſpem ſalutis, accingimini armaturâ Dei, & pugnare cum antiquo ſerpente, cum de

Eſa. 58.

1.

Ezech.

11. 212.

Cc ij

Ioan.
10. 11.

obfessis per inhabitantia peccata corporibus expellentes, & diripientes vniuersa, in quibus habet fiduciam, eos quos domum sibi facere nititur, cum gratiæ cælestis auxilio, à vitiorum fordibus emundantes, vt domus Dei, templum videlicet Domini sanctum quod estis vos, dici ac fieri mereantur. Nec vos vllus terror ab officii pastoralis executione retardet, reolentes & non tantum verbo, sed opere profitentes, quod ille summus & primus Pastor docuisse legitur & fecisse: *Bonus*, inquit, *Pastor animam suam ponit pro ovibus suis*. Et quoniam per errorem, & tam diuini quàm humani iuris ignorantiam, apud vos inoleuisse videntur mala, quæ diximus, & à Laicis tanquam licita impunè hactenus usurpata, sanctorum Patrum statutis tanquam armis vtentes, ipsis inniti debebitis, atque ea & vos cum eis his quæ illicitè committuntur opponere, vt ex eorum scientia & auctoritate dispereant, quæ per abusionem nimiam & ignorantiam succreuerunt. Sanè Laicos Ecclesias, vel Ecclesiastica beneficia dignitatesque concedere, seu de ipsis vlla ratione disponere, sanctorum Patrum ad instar sacrilegij prohibent instituta. Clericos autem, qui ab eis, vel per eos dato pretio, siue gratis, Ecclesiam, vel inuestituram Ecclesiæ seu Ecclesiasticæ dignitatis acceperint, præter ordinis sui periculum, excommunicationis etiam poenâ condemnant. Nam in Synodo Symmachi Papæ statutum legitur, Non placuit laicum statuendi in Ecclesia aliquam habere facultatem cui subsequendi manet necessitas, non auctoritas imperandi. Item, Laicis quamuis religiosi nulla de Ecclesiasticis dignitatibus aliquid disponendi legitur attributa facultas. Item Calixtus Papa. Si quis principum inquit, vel aliorum dispositionem, seu donationem, siue possessionem Ecclesiasticarum rerum sibi vendicauerit, vt sacrilegus iudicetur. Item Paschalis. Nullus Laicorum Ecclesiarum bona occupet, vel disponat. Qui verò secus egerit, iuxta beati Alexandri capitulum, ab Ecclesiæ liminibus arceatur. Item Alexander. Per laicos nullomodo quilibet clericus aut presbyter retineat Ecclesiam neque pretio, neque gratis. Item Paschalis. Si quis clericus, Abbas, vel Monachus per Laicos Ecclesiam obtinuerit, secundum Apostolorum sanctorum Canones, & capitulum Antiocheni Concilij, excommunicationi subiaceat. Idem. Constitutiones sacrorum Canonum sequentes statuimus, vt quicumque Clericorum ab hac hora inuestituram Ecclesiæ, vel Ecclesiasticæ dignitatis de manu laici acceperit, & qui ei manum inaposerit, gradus sui periculo subiaceat, & communione priuetur. Et in hanc sententiam alia multa canonum instituta & sanctorum Patrum decreta conueniunt. Cæterum Ecclesias, vel Ecclesiastica beneficia pretij, seu cuiuscunque muneris interuentu conferre simoniacum est, & simoniacam sapit procul dubio prauitatem. Porrò Simonis crimen quàm sit detestabile, quàm horrendum, ipsa vos eius infamis immanitas ignorare non sinit: ex quo profectò tam dantem quàm accipientem damnatio Simonis, quam sacra Actuum Apostolorum lectio protestatur, inuoluit. Ad cuius condemnationem cum plurima præter Apostolicam sanctionem sanctorum Patrum rescripta manauerint, pauca credimus ex pluribus suffectura. Inter quæ primum sit illud B. Gregorij: Presbyter, inquit, si Ecclesiam per pe-

cuniam obtinuerit, non solum Ecclesiā priuetur, sed honore sacerdotij spoliatur: quia altare, decimas, & Spiritum sanctum emere, vel vendere simoniacam heresim esse nullus fidelium ignorat. Item alibi. Audiuius, dilectissimi, quod nos audire oportuit, sed audisse profecto non libuit: quosdam scilicet sacrorum ordinum esse professores, qui sub munerum datione, vel acceptione, Dei Ecclesias, vel earum sibi sacrificia usurpant: quod quidem scelus vos non jamdudum acriter cortexisse miramur. Iuste enim vterque corripendus est, & à sanctæ liminibus Ecclesiæ summouendus, & qui pro Ecclesiæ ambitu munera largitur, & qui vt Ecclesiam det, quicquam præsumit accipere. Iste quippe donum Dei emere, hic autem vendere præsumit. Sacrilegio quoque hoc facinus non dispar dixerim, cum id, quod sponte & sacro deliberationis arbitrio gratis fieri debuit, sub pecuniæ pactione causatur. Quare, fratres carissimi, quæ taliter facta sunt curiose refellite, infecta prohibere, vestrisque iussionibus resistentes digno anathematis vinculo percutere non dubitate. Item, Si quis dator vel acceptor Dei Ecclesias, vel Ecclesiastica beneficia, quæ quidam præbendas vocant, sub pecuniæ interuentu, siue dando emerit, siue accipiendo vendiderit, à Simonis non excluditur perditione. Non solum autem pecunia, sed & quælibet obsequij aut muneris species in huiusmodi criminaliter intercedit. Vnde idem beatus Gregorius, Bene inquit, cum virum iustum pro præbenda describeret, ait, Beatus qui excutit manus suas ab omni munere. Non dixit solum à munere, sed ab omni munere: quia aliud est munus ab obsequio, aliud à manu, aliud à lingua. Munus ab obsequio est seruitus indebitè impensa, munus à manu pecunia est, munus à lingua fauor. Qui ergo sacros ordines tribuit, tunc ab omni munere manus excutit, quando in diuinis rebus non solum pecuniam nullam, sed nec etiam humanam gratiam requirit. Quod autem Sacerdos, aut quilibet Clericus, aliunde adueniens, vel ignotus, sine testimonio & litteris saltem Episcopi sui in aliena Diœcesi recipi aut ministrare non debeat, in Calchedonensi legitur Concilio definitum per hæc verba: Extraneo clerico, vel lectori, extra suam ciuitatem sine litteris commendatitijs proprii Episcopi, nusquam penitus liceat ministrare. Item in Concilio Carthagenensi, Clericum alienum, nisi concedente eius Episcopo, nemo audeat retinere, vel promouere in Ecclesia sibi credita. Item beatus Augustinus in sermone quodam ad populum. Hortamur, inquit, Christianitatem vestram, vt iuxta sanctorum Canonum instituta, in Ecclesiis à vobis fundatis aliunde veniens Presbyter non suscipiatur, nisi à vestræ fuerit Ecclesiæ Episcopo consecratus, aut ab eo per commendatitias litteras suscipiatur. Ad hoc, ne Clerici ad sæcularia iudicia pertrahantur, & Romanorum Imperatorum leges prohibent, quæ tanquam Canones, vbi Canonibus non obuiant, sunt obseruandæ, & sanctorum Patrum ac prædecessorum nostrorum auctoritas interdicat. Scribit enim beatæ memoriæ Gelasius Papa dicens: Nemo vquam Episcopum, aut reliquos Clericos, apud iudicem secularem accusare præsumat. Item Alexander omnibus Orthodoxis: Relatum est ad huius sanctæ & Apostolicæ sedis apicem, cui summatarum dispositiones causa-

Cc iij

rum & omnium negotia Ecclesiarum ab ipso Domino tradita sunt, quasi ad caput dicente: Tu es Petrus, & super hanc Petram ædificabo, &c. quod quidam æmuli, ejusque sanctæ Ecclesiæ insidiatores, Sacerdotes Dei apud judices publicos accusare præsumant, cum magis Apostolos Christianorum causas ad Ecclesias deferre, & ibidem terminari præcipiat. Taliter prævaricantes prævaricauerunt in Deum suum, & non obediunt præceptis eius. Feruentis verò aquæ, vel candentis ferri iudicium, siue duellum, quod Monomachia dicitur, Catholica Ecclesia contra quemlibet etiam, ne dum contra Episcopum non admittit. Vnde Stephanus Papa V. Ferri candentis, inquit, vel aquæ feruentis examinatione confessionem extorqueri à quolibet sacri non censent Canones, & quod sanctorum Patrum documento sancitum non est, superstitiosa adinventione non est præsumendum. Item Nicolaus Papa. Monomachiam in legem non assumimus, quam præceptam fuisse non reperimus: quam licet inisse quosdam legamus, sicut sanctum David & Goliath sacra prodit historia, nusquam tamen ut pro lege teneatur, diuina sanxit auctoritas, cum hoc & huiusmodi sectantes Deum solummodo tentare videantur. Præterea illud adjiciendo mandamus, quatinus populum regimini & gubernationi vestræ commissum decimas Ecclesiis fideliter & deuotè persolvere, sicut ab ipso domino noscitur institutum, diligenter ac sollicitè moneatis, & si necesse fuerit sub restrictione anathematis compellatis, juxta illud Malachiæ Prophetæ in persona Domini loquentis *Inferte, inquit, omnem decimationem in horreum meum, ut sit cibus in domo mea.* Vnde in Concilio Maguntienfi: Decimas Deo & sacerdotibus Dei dandas Abraham factis, Iacob promissis insinuat, & omnes sancti Sacerdotes commemorant. Item ex Concilio Rothomagenfi: Omnes decimæ terræ, siue de frugibus, siue de pomis arborum, Domini sunt, & illi sanctificantur. Sed quia multi inueniuntur decimas dare nolentes, statuimus ut secundum Domini nostri præceptum admoneantur semel, secundò & tertio. Qui si non emendauerint, anathemate usque ad satisfactionem & emendationem congruam feriantur. Nec tamen ideo ea, quæ Ecclesiis, immò Deo, ipsi, vel parentes eorum contulisse noscuntur, reuocare, vel Ecclesiasticarum personarum dispositioni subtrahere volentes erunt aliquatenus audiendi: quæ si etiam homini contulissent repetere non valerent. Vnde Ambrosius in libro de pœnitentia: Sunt qui opes suas tumultuario mentis impulsu, non iudicio perpetuo, ubi Ecclesiæ contulerint, postea reuocandas putant, quibus nec prima merces grata est, nec secunda: quia nec prima iudicium habuit & secunda habuit sacrilegium. Item ex Concilio Agathensi: Clerici, vel sæculares, qui oblationes parentum aut datas, aut testamento relictas, retinere perstiterint, aut id, quod ipsi donauerint Ecclesiis vel Monasteriis, crediderint auferendum, sicut sancta Synodus statuit, velut necatores pauperum, quousque reddant, ab Ecclesiis excludantur. Illos verò qui in Clericos violentas manus, nisi fortè se defendentes iniiciunt, pœnam excommunicationis incurrere sacrosancta Romana iam pridem statuit, & inuiolabiliter tenet Ecclesia: nec à quoquam omnino, nisi à Romano Pontifice,

Malac.
III. 10.

vel de mandato eius absolui patitur, aut permittit. Vos itaque ipsius, quæ omnium Ecclesiarum caput est & magistra, vestigiis inhærentes, eius ac nostræ in supradictis omnibus acquiescite sanctioni: & secundum ea quæ à sanctis patribus & prædecessoribus nostris instituta prædiximus, obseruate, atque ab omnibus per Episcopatus vestros quantum in vobis est, faciatis firmiter & inuiolabiliter obseruari. Contemptores equidem Ecclesiastica præcipimus vsque ad condignam pœnitentiam ultione percelli. Obedientibus autem sit pax Domini nostri Iesu Christi: quatinus & hîc fructum bonæ actionis percipiant, & in futuro præmia æternæ pacis inueniant. Datum Tusculani iv. Idus Septembris.

¶ *VPSALLENSI ARCHIEPISCOPO.*] Vpsalensem alij vocant, & Vpsaliam ciuitatem regni Suetiæ, Gothiæque metropolim. Ad hunc vero, eiusque suffraganeos scriptæ item epistolæ xxii. & xiv.

Alexander Papa III. Vniuersis Dei fidelibus per Daciam constitutis.

OMnes qui piè volunt in Christo viuere, & ad iubar incircumscripti luminis, & ad illam cælestem patriam, quam nec oculus vidit, nec auris audiuit, nec in cor hominis ascendit, vbi nec fures fodiunt, nec furantur, nec tinea demolitur, peruenire desiderant, diem oportet extremum misericordiæ operibus præuenire, & æternorum intuitu seminare in terris, quæ cum multiplicato fructu largiente Domino recolligere possint in cælis. Scriptum est enim. *Qui parce seminat, parce & metet, & qui seminat in benedictionibus de benedictione metet in vitam æternam.* 2. Cor. ix. 6. Credimus sanè vniuersitati vestræ innotuisse, qualiter venerabilis frater noster a Fulco Estonum Episcopus, inopia & paupertate prematur, & ad conuertendam gentem illam sui Episcopatus, quæ Christianæ fidei ignara est, totis viribus elaboret, & quantam potest sollicitudinem ac diligentiam adhibere procuret. Quia verò particeps mercedis efficitur, qui ei ad tantum & sanctum opus perficiendum consilium & subsidium subministrat, deuotionem vestram monemus & exhortamur in Domino, & remissionem peccatorum vestrorum iniungimus, quatinus de bonis à Deo vobis collatis prædicti Episcopi inopiam subleuantès, ei manum auxilij porrigatis, & caritatis solatia diuini amoris intuitu ministretis: vt per hæc & alia bona, quæ Deo inspirante feceritis, apud altissimum peccatorum vestrorum veniam consequi, & ad æternæ felicitatis gaudia mereamini, propitiante Domino, peruenire. Datum Tusculani xv. kalend. Octobris.

¶ *FULCO ESTONVM EPISC.*] De Fulcone dictum sæpius. Estones populi regno Suetiæ attributi. Auctor enim est Saxo Grammat. lib. i. Protonem Danorum regem Erico Suetiæ regi Estiam & Finniam annuo stipendiorum iure concessisse.

*Alexander Papa III. Regibus & Principibus, & aliis Christi fidelibus,
per regna Danorum, Noruegensium, Guetomorum, &
Gothorum constitutis.*

Non parum animus noster affligitur, & amaritudine non modica & dolore torquetur, cum feritatem Estonum & aliorum paganorum illarum partium aduersus Dei fideles, & Christianæ fidei cultores grauius insurgere, & immaniter debacchari audimus, & Christiani nominis impugnare virtutem. Veruntamen laudamus & benedicimus Dominum, quod vos in fide Catholica, & in deuotione sacrosanctæ Romanæ Ecclesiæ, quæ omnium Ecclesiarum caput est, & magistra à Domino constituta, super omnes alias Ecclesias cælesti priuilegio obtinet principatum, immobili firmitate persistitis, & Christianæ religionis vinculum & vnitatem seruatis. Vnde quoniam expedit officio nostro, ea quæ ad corroborationem fidei, & animarum vestrarum noscuntur pertinere salutem, vobis sollicita exhortatione suggerere, & studiosius suadere, vniuersitatem vestram monemus & exhortamur in Domino, quatinus diuino cultui intendere, misericordiam & iustitiam & iudicium diligere, à rapinis & iniquis operibus abstinere, deuota Deo & accepta obsequia impendere, prædictæ sacrosanctæ Romanæ Ecclesiæ, tanquam matri & magistræ vestræ, debitum honorem & reuerentiam exhibere, Episcopis, sacerdotibus, & aliis prælatis vestris humiliter obedire, & eis decimas, primitias & oblationes, & alias iustitias suas reddere, & ipsos tanquam patres & pastores animarum vestrarum honorare modis omnibus studeatis, & iura eorum defendere, manu tenere propensius, & conseruare curetis, & armis cælestibus præmuniti, & Apostolicis exhortationibus confirmati ad defendendum Christianæ fidei veritatem spiritu fortitudinis accingamini, taliter in brachio forti ad propagandam Christiani nominis religionem intendentes, vt victoriam de inimicis possitis consequi, & coronam iustitiæ, quæ vobis reposita est, patrante Domino, adipisci. Nos enim eis, qui aduersus sæpe dictos paganos potenter & magnanimiter decertauerint, de peccatis suis, de quibus confessi fuerint & pœnitentiam acceperint, remissionem vnus anni, confisi de misericordia Dei, & meritis Apostolorum Petri & Pauli concedimus, sicut his qui sepulcrum Dominicum visitant concedere consueuimus. Illis autem, qui in conflictu illo decesserint, omnium suorum, si pœnitentiam acceperint, remissionem indulgemus peccatorum. Datum Tusculani III. Idus Septembris.

Alexander Papa III. Vpsellensi Archiepiscopo, & suffraganeis eius.

Vice beatri Petri Apostolorum principis, largiente Deo & Domino nostro, qui ait *Speculatorem dedi te domui Israël*, super gentes & regna, licet immeriti, in Apostolicæ sedis specula constituti, pontificalis officij debito pro vniuersis compellimur sollicitudinem gerere, & antiquo hosti,

Ezech.
III. 17.

hosti, qui tanquam saeuissimus leo circuit quarens quem deuoret, pastorali prouidentia obuiare, ne gregem Dominicum inuadat, & diuersis eum vitiorum moribus laceret. Inde est quoddam vehementi cor nostrum doloris pulsatur stimulo, audito quoddam in partibus vestris in tantum libido crudelis & turpis excreuerit, ut quædam mulieres prolis suæ procurent interitum, earumque corruptores tam horrendo & detestabili facinori non solum consentire, verum etiam illud persuadere præsumant, & alij incestuosa coniunctione plerique cum iumentis abominanda se pollutione commaculent. quæ quantum sint grauius & creatori nostro penitus inimica, ipsa sceleris atrocitas satis demonstrat, quam nec audientium aures sine ingenti possunt horrore percipere. Si enim qui iactato in terram semine prolem nolebat ex vxore suscipere, percussus à Domino testamenti veteris serie dinoscitur, quæ pœna feriendus esse monstratur, qui natum proprium non abhorret occidere, & mauult interire quàm viuere? Cuius utique criminis pœna illud etiam persuadentes vel consentientes inuolui beatus Augustinus ostendit dicens, Se periculosè decipiunt, qui existimant eos tantum homicidas existere, qui manibus hominem occidunt, & non potius eos, per quorum consilium, & fraudem, & exhortationem homines extinguuntur. Nam Iudæi Dominum nequaquam propriis manibus interfecerunt, sicut scriptum est: *Nobis non licet interficere quemquam*: sed tamen illis mors Domini imputatur, quia ipsi eum linguâ interfecerunt dicentes, *Crucifige, Crucifige eum*. Incestum verò quantum sacri abhorreant Canones, Concilium Ilerdense demonstrat: Cum his, inquit, qui incestus se pollutione commaculant, quandiu in ipso detestando & illicito carnis contubernio perseverant, nec cibum sumere vlli Christianorum, sicut Apostolus iussit, licebit. Porro scelus cum iumentis coeuntium quanta sit animaduersione plectendum, legislator Moyses declarat, cum etiam ipsa interfici animalia iubeat, quæ tali contaminata flagitio indignam reficiant facti memoriam. Quia igitur abominabilem horum excessuum præsumptionem seuera satis districtione congruit insequi, prædictos propriæ prolis necatores, & tam ipsum facinus persuadentes, quàm consentientes, seu quoslibet parricidas, aut cum matre, filia, consobrina, vel nepte agentes, quàm cum iumentis coeuntes artiori pœnitentiæ iugo curetis compescere, & nisi senio confecti, vel corporis fuerint debilitate seu egestate oppressi, eos ad sedem Apostolicam compellatis venire, & beatorum Apostolorum Petri & Pauli limina visitare, ut in sudore vultus sui, & viarum labore superni iudicis iram euadere, & ipsius misericordiam valeant inuenire. Ad hæc qui dormiendo non voluntate, sed casu filios suos oppressisse inueniuntur, triennio, si iidem fuerint baptizati, si verò absque sacro baptismate decesserint, quinquennio pœnitentiæ disciplinis subiaceant. Sacerdotes, quos ab his conuenit studiosius præcauere, officij sui perpetua executione priuentur. Verùm si qui parentum absentes fuerint, quando eorum filij suffocantur, aut si id sub aliena custodia contigerit, extra culpam erunt, si tamen eos non furiosè, sed congruenti custodiæ ipsos se crediderint tradidisse. Præterea non sine cordis amaritudine quosdam sacerdotes contra

Ioan.

xvii.

31.

Ioan.

xix. 6.

D d

Apostolicas institutiones, cum sicca fœce vini, vel cum micis panis vino intinctis Missam celebrare audiuius: & fideles laicos non Christiano more, absque sacerdotali benedictione & Missa matrimonium contrahere. Vnde sepe illicita contingit fieri coniugia, & inter legitimas personas diuortium interuenire. Sanè cum omne crimen atque omne peccatum oblati Deo sacrificiis deleatur, quid de cetero pro delictorum expiatione Domino dabitur, quando in ipsa sacrificij oblatione erratur? Cum enim magister veritatis discipulis suis sacramentum commendaret nostrę salutis, non siccam fœcem vini, non micas panis vino intinctas accepit, sed panem & calicem, & benedicens dedit discipulis suis. Quia igitur secus agere Euangelicę & Apostolicę doctrine contrarium, & consuetudini Ecclesiasticę penitus est aduersum, Apostolica prohibemus auctoritate, vt cum sicca fœce vini, vel cum micis panis vino intinctis, vel alio modo quàm Dominus instituit, nullus de cetero sacrificare attemptet: sed secundum formam sacrosanctę Ecclesię Romanę, quam vos in omnibus imitari oportet, solum panem & vinum aqua mixtum in sacrificio corporis & sanguinis Domini offeratis. Ceterum clandestina & absque sacerdotali benedictione non debere contrahi coniugia, aut nisi inter legitimas personas, quę infra septimum gradum nulla consanguinitatis linea coniungantur, nec contracta, nisi canonicè & consensu Episcopi dissolui, multorum sanctorum patrum declarat auctoritas. Vos itaque muniti sanctorum patrum sanctionibus & Ecclesiasticis institutis, hæc quę dicta sunt diligenter seruate, & ab aliis præcipite inuiolabiliter obseruari, dispensationis moderamine vten-tes, vt qui in quinto, vel quarto gradu coniuncti sunt, eos non separetis, sed ne ampliùs taliter coniungantur, pontificali auctoritate & districtione prohibeatis. Datum Tuscul. v. Idus Septembris.

Alexander Papa III. Colon. Lingacopensi Episcopo.

EX dispensatione commissę nobis sollicitudinis, & ex debito caritatis viros Pontificali officio præditos, & morum honestate ornatos sincere tenemur caritate diligere, & eorum vota, quę à rationis tramite non discordant, effectu prosequente complere: vt tantò fortiùs ornamenta virtutum appetere, & honestis insistere moribus studeant, quantò se ab Apostolica sede maiore honore cognouerint & gratia præueniri. Relatum siquidem est auribus nostris, quòd dilecto filio nostro Stenar. quondam ^a Lingacopensi Episcopo claustralem quietem Episcopali honori præponente, & pontificalem dignitatem in manu venerabilis fratris nostri Eskili Londonensis Archiepiscopi Apostolicę sedis legati, & regalia coram rege & primatibus regni libere & spontaneè resignante, clerus & populus eiusdem loci, de assensu prædictorum Archiepiscopi & regis atque ducis terrę, te in patrem & Episcopum suum vnanimiter & concorditer elegerunt. Verum licet ei non licuerit absque auctoritate Romani Pontificis Episcopali dignitate abrenunciare, volentes tamen necessitati Ecclesię tuę paternā prouisione prospicere, & honestati tantorum virorum deferre, id aquani-

EPISTOLÆ LVI.

211

miter supportamus, & electionem & consecrationem tuam ratam & firmam habentes eam auctoritate Apostolica confirmamus, & tibi in subditis tuis corrigendi vitia & superflua refecandi plenam concedimus facultatem. Tu verò subiectorum culpas tanta redargutionis instantia insequaris, quòd & qui culpabiles sunt suos excessus corrigant celeriter, & emendent, & alij hoc videntes ad committenda similia non aspirent. Hac tamen consideratione præhabita, vt durè & asperè, leuiter & mansuetè, secundum naturas & qualitates personarum, vitia corrigas subditorum. Decernimus ergo, vt nulli omnino hominum hanc paginam nostræ confirmationis infringere liceat, vel ei aliquatenus contraire. Si quis autem hoc attemptare præsumperit, indignationem omnipotentis Dei, & beatorum Petri & Pauli Apostolorum eius se nouerit incursum. Datum Tusculani vi. Idus Septembris.

^a LINGACOPENSIS.] Lincopensi, Vpsallensis suffraganeo. Nota est ciuitas Suetiæ, in qua Synodum celebrasse legitur Nicolaus Anglicus Cardinalis Eugenij III. Legatus, anno M. C. XLVIII. Lingacopensis Episcopatus iterum mentio epist. xxvii.

Alexander Papa III. Guillelmo a Stranensi Episcopo.

FRatres & Coepiscopos nostros, & eos præcipuè, qui in medio prauæ nationis sunt positi & in remotis mundi partibus constituti, artiori nos conuenit caritate diligere: & vt in commissio sibi amplius talento proficere valeant, & ad cultum iustitiæ & domus Dei decorem fortius accingi, eis Apostolicæ sedis gratiam & fauorem nos conuenit impertiri. Attendentes igitur deuotionis tuæ constantiam, & fidei puritatem, qua beato Petro & nobis immobili firmitate adhærere conspiceris, te sicut venerabilem fratrem nostrum diligere & honorare, & tuis rationabilibus votis & desideriis debita cupimus benignitate fauere. Inde est quòd Ecclesiam tuam sub beati Petri ac nostra protectione recipientes, ea quæ in præsentiarum pacificè ac legitimè possedit, & specialiter Neeric, sicut à rege & Metropolitano tuo, & à venerabili fratre nostro Eskilo Lundensi Archiepiscopo, Apostolicæ sedis legato, tibi confirmata est, & scripti sui munimine roborata, tibi & per te eidem Ecclesiæ auctoritate Apostolica confirmamus, & præsentis scripti patrocinio communimus. Statuentes vt nulli omnino hominum liceat, hanc paginam nostræ confirmationis infringere, vel ei aliquatenus contraire. Si quis autem hoc attentare præsumperit, indignationem omnipotentis Dei, & beatorum Petri & Pauli Apostolorum eius se nouerit incursum. Datum Tuscul. vii. Idus Septemb.

^a STRANENSIS.] In Suetia item, sub Episcopo Vpsallensi, quem metropolitani eius nomine significat. In notitia Episcopatum Straginensis appellatur.

Dd ij

*Alexander Papa III. Vpsellensi Archiepiscopo & suffraganeis eius, &
a Guthermo duci.*

GRavis admodum & difficilis est ad Apostolicam sedem querela perla-
ta, quod b Phinni semper imminente sibi exercitu inimicorum, fidem
seruare Christianam promittunt, & prædicatores & eruditores Christianæ
legis desideranter requirunt, & recedente exercitu fidem abnegant, prædi-
catores contemnunt, & grauius persequuntur. Vnde quoniam in hoc Deo
illudere, & Christianam religionem deridere videntur, & illis se duplo fi-
lios gehennæ constituentibus, salus & vita eorum tota in terrenis, neglectis
cælestibus, conspicitur consistere: nec est dignum, vt eis in aduersitate
Christianum nomen defensionem conferat, quod in prosperitate despiciere
& horrere probantur: vniuersitatem vestram monemus, atque mandamus,
quatinus à fallacijs & fraudibus eorum ita prudenter & discretè de cætero
caueatis, quod si ingruerit necessitas, ad auxilium & defensionem vestram
non possint recurrere, nisi munitiones, si quas habent, vobis tenendas assi-
gnent, aut aliàs adeo sufficientem cautionem exhibeant & securitatem, quod
à modo nullatenus pedes retrahere, aut vestram prudentiam valeant cir-
cumuenire: sed Christianæ fidei documenta cogantur tenere firmiter &
seruare: ne ampliùs de eorum numero videantur, de quibus dictum est,
Confitebitur tibi, cum benefeceris ei. Datum Tuscul. v. Idus Septembris.

a GYTHERMO DUCI J Sueonum. Guthermus dicitur Saxoni Grammatico libro xiv.
vbi de baptismo agit Kanuti filij Vvaldemari Daniæ regis. Quod religiosa, inquit, exe-
cutionis officium Sueonum ducis Guthermi, qui neprem Vvaldemari eorundem regi Karolo
desponsam adducendi causa legationem attulerat, præsentia venisset abbat.

b PHIINNI) Finni Boreales Suetiæ populi, qui Finnam seu Finningiam incolunt.

*Alexander Papa III. a Trudensi Archiepiscopo, & A. quondam
Staueng. Episcopo.*

LEx diuina & humana desiderat, & debitum caritatis exposcit, vt bono
& vtilitati communi debeamus intendere, & ad reuocationem & con-
uersionem infidelium operam omnimodam & sollicitudinem adhibere. In-
de est quod prudentiam vestram rogamus attentius & monemus, venerabili
fratri nostro Fulconi Estonum Episcopo, qui ad conuertendam gentem il-
lam diuina gratia inspiratus ministerium prædicationis & laborem propo-
nit assumere, Nicolaum monachum, qui de gente illa sicut accepimus est
oriundus, vitum religiosum atque discretum, in socium concedatis: vt tan-
tum bonum possit perficere, & gentem illam ad agnitionem veri luminis,
& ad culturam & doctrinam Christianæ fidei, verbo prædicationis auxi-
liante Domino reuocare, & vobis exinde valeat æternæ mercedis cumulus
prouenire. Datum Tuscul. v. Idus Septemb.

a TRVDENSI ARCHIEPISC. J In Noruegia. Noruegiæ Metropolim alij Tron-

demum nominant. Saxo lib. x. extremo. *Corpus eius, Magni regis, Noruagiam relatum Trondemi in regiorum monumentorum arca sepulturam possedit. Eiusdem etiam metropolis suffraganeus est Episcopus Stauengarensis.*

*Alexander Papa III. vniuersis tam Clericis quàm Laïcis
Lingacopensis Episcopatus.*

DEcet vniuersitatem vestram, quæ ad perfectionem virtutum & salutem pertinent animarum, toto studio cogitare, & ea voluntario effectu perficere, per quæ gratiam possitis altissimi acquirere, & ad æternæ felicitatis gloriam cum auxilio diuini numinis peruenire. Cæterum quoniam sine obedientiæ virtute nemo Deo perfectè potest placere, aut acceptum seruitium reddere, per Apostolica vobis scripta præcipiendo mandamus & mandando præcipimus, quatinus venerabili fratri nostro C. Episcopo vestro, sicut bonæ memoriæ Giloni prædecessori suo fecisse noscimini, omnimodam obedientiam & reuerentiam impendatis, & in his quæ Dei sunt, & ad vestrarum animarum spectant salutem monitis & mandatis eius humiliter parere curetis, & ei de iustitiis suis integrè & plenariè respondeatis: ita quòd apud Deum pro humilitate & obedientia vestra, peccatorum vestrorum veniam & gloriam valeatis promereri æternam. Si qui autem vestrum ei contumaces vel rebelles extiterint, sententiam quam idem Episcopus propter hos in eos rationabiliter tulerit, auctore Domino ratam & firmam habebimus. Datum Tuscul. xv. Kalend. Octob.

*Alexander Papa III. a Guidoni Abbati sancti Nicasij & M.
Radulfo Canonico Remensi.*

SVggestum est auribus nostris, quod Galcherus de Castellione villam de Belloi, quæ ad Monasterium beati Remigij pertinet, diabolico furore accensus destruxit, & duas alias villas eiusdem monasterij ita spoliavit, quòd spolia inde abducta xl. librarum pretio æstimantur. Milo verò Malusvicinus, eum eidem monasterio plura damna & iniurias intulisse dicatur, nec vult inibi satisfacere, neque quod ratio exigit exhibere. Simon autem de Burgo prædicto monasterio apud Vvandrecicurt damna plurima & iniurias inferre non cessat. Præterea Burdinus de Besanes terram, quæ prænominato monasterio fuit in eleemosynam data, duobus hominibus, quibus eam Abbas eiusdem loci hereditario iure concesserat, auferre laborat. Sane Presbyter de Alem. in villa præscripti monasterij quandam domum in damnum eiusdem Ecclesiæ edificare præsumit. Ad hæc cum quidam homo sancti Remigij se cum quadam parte hereditatis suæ, diuini amoris & caritatis ardore succensus, hospitali sanctæ Mariæ Remensis ad seruiendum hospitibus pro animæ suæ remedio reddidisset, parentes eius à longè venientes, quamuis magnam partem bonorum suorum eis dederit, præibatum monasterium & Ecclesiam Remensem super iam dicta eleemosyna inquietate nituntur. Vnde quoniam nostra interest, iura Ecclesiarum de-

D d iij

fendere, & eis contra malefactores suos Apostolicæ protectionis patrocinium ministrare, discretioni vestræ per Apostolica scripta mandamus, quatinus ex parte nostra prædictas personas commoneatis, & districtius compellatis, vt prædicto monasterio de damnis & iniuriis allatis congruè satisfaciant, & ablata restituant, & de cætero ab eius & rerum suarum molestatione penitus conquiescant, vel sub vestræ discretionis examine plenam exinde sibi iustitiam exhibeant. Præterea Abbas sepe dicti monasterij de Thesaurario Laudunensi, quod apud Creonam iustitiam suam imminuat, & penitus subtrahat, & de Vvillermo Marefcalco nobilis viri Comitis Henrici, quod cuidam homini suo x. libras abstulerit, & multa ei mala fecerit; & de Abbate de Tenaliis, qui cum dicatur multa illi damna inferre, ei exinde coram venerabili fratre nostro Remensi Archiepiscopo noluit, prout mandauimus, respondere, gravem ad nos querimoniam transmisit. Ideoque vobis præsentium auctoritate iniungimus, vt prædictos viros ad refarcienda illata damna præfato Abbati, & ad restituenda ablata, & ad satisfactionem de illatis iniuriis exhibendam, vel ad complementum iustitiæ faciendum, auctoritate nostra monere & districtè compellere studeatis: & in supradictis omnibus cum ea maturitate & providentia procedatis, quod exinde diligentia & sollicitudo vestra valeat non immeritò & commendari, & nos discretioni vestræ confidentius negotia Ecclesiastica committere valeamus. Datum Tuscul. ix. Kalend. Martij.

* GYDONI ABB. S. NICASII.] Lib. v. epistolarum Petri Cellensis epist. xiv.

*Alexander Papa III. Petro Abbati, & fratribus S.
Remigij Remensis.*

Rationabiles & honestas petitiones gratanti animo debemus admittere, & vota quæ à rationis tramite non discordant, prosequente effectu complere. Relatum est siquidem auribus nostris, quod cum singulis annis duas procuraciones, unam in depositione sancti Remigij, & alteram in translatione ipsius Remensi Archiepiscopo debeatis persolvere, & singulis quibusque certis numeris & mensuris distinctis, de * Frescengiarum pretio nulla æstimatio facta fuisset, venerabilis frater noster Henricus Remensis Archiepiscopus molestiam & inquietationem, quam inde habebatis, pia consideratione respiciens, vobis & monasterio vestro frescengias omnino remisit: ita sanè quod in depositione beati Remigij quinquaginta solidos Remensis monetæ, & totidem in translatione ipsius Remensibus Archiepiscopis annuatim solvere teneamini. Quam utique remissionem, quemadmodum à prædicto Archiepiscopo facta est, & sigilli sui munimine roborata vt firmam & ratam habeatis, eam auctoritate Apostolica confirmamus, & præsentis scripti patrocinio communimus: statuentes vt nulli omnino hominum liceat hanc paginam nostræ confirmationis infringere, vel ei aliquatenus contraire. Si quis autem hoc attentare præsumpserit, indignationem omnipotentis, & beatorum Petri & Pauli Apostolorum eius se noverit incursum. Datum Tuscul. viii. Kalend. Martij.

EPISTOLÆ LVI.

215

* FRISCINGIARVM. J Frisingæ dicuntur libro IV. capitul. LXXII. quanquam sibi etiam codices nonnulli friskingas legunt. Variè enim scribitur hoc nomen. Quid vero significet, docuit Fr. Pithæus in Glossario.

*Alexander Papa III. Siluanectensi Episcopo, & Abbati
sancti Remigij Remensis.*

AD audientiam Apostolicæ sedis noueritis fuisse perlatum, monachos sancti Remigij de Brana, Religiosis viris Abbati & fratribus sanctæ Mariæ a de Brana districtius inhibere, ne familiam Comitissæ de Brana ad aliqua audeant recipere sacramenta. Vnde quoniam indecens est eis & inhonestum aliquos indebitis fatigare molestiis, qui in religionis habitu elegerunt Domino deseruire, discretioni vestræ per Apostolica scripta mandamus, quatinus prædictos monachos moneatis, & auctoritate nostra compellatis, vt nulla ratione contra antiquam Comitissæ vel Comitissæ familiam, vel milites castri, aut superuenientes, siue vxores eorum, aut liberos, vel familias suas, ad Ecclesiam illorum accedere, & ibidem Ecclesiastica suscipere sacramenta prohibeant; aut in præsentia vestra quod iustitia dictauerit exequi non postponant. Nos enim eis dedimus in mandatis, vt coram vobis alterum prædictorum exsequantur. Datum Tuscul. II. Kalend. Decemb.

* DE BRANA. J Oppidum est ad Vidulæ amnem in pago Sueffionico. Ibi ergo cœnobita quæ commemorat, & honor Comitatus, quem præcipuè illustrauit Iohannes de Brana, rex Hierosolymitanus.

*Alexander Papa III. Siluanectensi Episcopo, & Abbati
sancti Remigij Remensis.*

Dilecti filij nostri Abbas & fratres Ecclesiæ S. Mariæ de Brana transmissa nobis relatione monstrarunt, quod eis dilecti filij nostri Abbas & fratres a Corbeienſes quandam non dubitarunt decimam contra ius æquitatis auferre. Vnde quoniam sicut nobis ex voluntate diuinæ prouidentię Ecclesiarum omnium sollicitudo incumbit, sic quoque unicuique in suo iure prouidere tenemur; & quæ inordinate aut enormiter fiunt, consideratione iniuncti nobis officij, compellimur ad statum rectitudinis reuocare, discretioni vestræ per Apostolica scripta mandamus, quatinus Corbieensem Abbatem & fratres eius moneatis, & districtè compellatis, vt eidem Abbati & fratribus præscriptam decimam postposita occasione restituant, & in pace dimittant, vel sub vestræ discretionis examine plenam exinde sibi iustitiam exhibeant. Si autem causam potius intrare decreuerint, quàm decimam restituere, vos in vnum conuenientes, vtramque partem ante vestram præsentiam conuocetis, & rationibus hinc inde plenius auditis & cognitis, eandem causam, sublato appellationis remedio, concordia vel mediante iustitia decidatis. Præterea, sicut ex transmissa insinuatione eiusdem Abbatis & fratrum auribus nostris innotuit, Rodulfus quondam Abbas prædictæ Ecclesiæ, b monachis sancti Leodegarij quandam decimam

vendit, propter quod eadem Ecclesia graue & enorme patitur detrimentum. Quia verò contractus ille prauus & simoniacus fuit, & principales personæ vendentis scilicet & ementis, si superstarent, perpetua deberent depositione damnari, nihilominus vobis iniungimus, vt eisdem monachos monere & districtè compellere studeatis, quòd recepto pretio illis decimam ipsam appellatione remota restituant, & in pace dimittant: quia non est conueniens, aut consentaneum rationi, vt vna Ecclesia locupletari debeat de aliena iactura. His verò qui tam perniciosum & detestabilem contractum fecerunt, talem si supersunt pœnam infligatis, quòd alij, qui hoc audierint, metum habeant similia præsumendi. Datum Tuscul. 11. Kalend. Decemb.

* CORBEIENSIS] Nobile in primis est Monasterium ad Somonam fluium in Ambianensium diocesi. Antiquam Corbeiam vocant, vt distinguatur à Saxonica, quæ multo recentior originem duxit à Gallia

h MONACHIS S. LEODEGARII.] Ordinis S. Augustini apud Suffiones.

Alexander Papa III. Ambianensi & Tornacensi Episcopis, & Abbati sancti Remigij Remensis.

EX transmissa conuestione dilectorum filiorum nostrorum Abbatis & fratrum Ecclesiæ de Brana auribus nostris innotuit, quòd Iohannes miles de Hostel eis quatuor modios frumenti & nouem auenæ, & quinque sextarios ad mensuram Suffionis violenter abstulit, & in curia eorum xii. modios vini, & in vinea sua duos accipere ausu temeritatis præsumpsit. Præterea quia illos vineam suam tempore suo vindemiare prohibuit, ipsis damnum intulit sex modiorum vini, & eos sextarium frumenti & dimidium, quem monachi sancti Nicolai de Nemore singulis annis eis soluebant, tribus annis amittere fecit: & in nemore suo damnum ad æstimationem lx. librarum illis inferens, terram in qua duos modios vno sextario minus seminare solebant, & terram etiam Roberti filij Vvidelæ, & vn. sextarios vinagiorum, quæ idem Robertus assensu Berneri domini terræ eis sub annuo censu vnus modij frumenti dederat, illicitè auferre non dubitauit. Insuper quoque terram quandam, quam longo tempore possederant, & sumptibus quadraginta librarum extirpauerant, per violentiam occupauit; & illis multas alias molestias, iniurias, grauamina, & persecutiones, & damna irrogare non formidauit. Vnde quoniam ex parte prædicti Ioannis nobis fuit iampridem relatum, quod cum ipse & præfatus Abbas super quibusdam possessionibus, pratis videlicet, terris, & vineis in certas partes compromississent personas, & personæ illæ arbitratae inter eos fuissent, Abbas in parte earum recepit arbitrium, & in parte refutauit, nos vtrique in suo volentes iure adesse, tibi frater Tornacensis mandauimus, vt prædictum Abbatem moneres ad arbitrium illud inconcussè tenendum. Quia verò nobis est nunc intimatum, quòd non Abbas, sed miles ab arbitrio resiliuit, discretionis vestræ per Apostolica scripta præcipiendo mandamus, quatinus in vnum pariter conuenientes, vtramque partem

partem ante vestram præsentiam conuocetis, ipsos monentes propensius & mandantes, vt arbitrium super possessionibus illis, super quibus in arbitros spontaneè compromiserunt, firmiter & inconcussè obseruent. Si autem arbitrio stare noluerint, & fideiussores eos non potuerint de iure compellere ad ipsum seruandum, vos tam super ijs, de quibus arbitratum est inter eos, quàm super alijs de quibus inter ipsos hinc inde quæstio vertitur, causam studiosius audire & eam amicabili compositione, vel mediante iustitia, sine personarum acceptione terminare curetis. Ita quidem quòd quæcunque memoratus Iohannes eidem Abbati & fratribus per violentiam abstulit, super quibus non fuit arbitratum, ipsum ea reddere appellatione postposita compellaris. Si autem prefatus Iohannes à vobis citatus ad præsentiam vestram accedere, vel iudicio vestro parere contempserit, cum appellatione & occasione remota excommunicationis vinculo innodetis, & in terra in qua habitat omnia diuina, præter baptisma paruulorum, & pœnitentias morientium, prohibeatis officia celebrari. Si qua tamen partium duxerit appellandum, vos rationes & allegationes, quæ hinc inde producentur in medium, diligenter & sollicitè audientes, testes quos vtraque pars produxerit, appellatione remota recipiatis, & eorundem iuratorum depositiones fideliter conscribere, & nobis sub sigillo vestro clausas mittere studeatis: terminum vtrique parti congruum præfigentes, quod debeant se cum ipsis attestationibus Apostolico conspectui præsentare. Cæterùm si vos tres huic negotio non potueritis simul interesse, tu frater Torancensis, cum altero vestrum, hæc quæ dicta sunt maturius exsequamini. Datum Tusculani. ii. kalend. Decemb.

Alexander Papa III. Abbati & fratribus Corbeiensibus.

Dilecti filij nostri Abbas & fratres sanctæ Mariæ de Brana, transmissa nobis relatione monstrarunt, quòd vos eis quandam non dubitatis contra iuris æquitatem auferre decimam. Vnde quoniam sicut nobis ex voluntate diuinæ prouidentia Ecclesiarum omnium sollicitudo incumbit, sic quoque unicuique in suo iure prouidere tenemur, & quæ inordinatè aut enormiter fiunt, consideratione iniuncti nobis officij compellimur ad statum rectitudinis reuocare, nos venerabili fratri nostro Siluaneensi Episcopo, & delicto filio Abbati sancti Remigij Remensis huius rei causam committimus audiendam, & appellatione remota mediante iustitia terminandam. Ideoque per Apostolica vobis scripta mandamus, quatinus iam dictis Abbati & fratribus præscriptam decimam restituatis, & in pace dimittatis; vel in præsentia prædictorum iudicum plenam exinde iustitiam, sublato appellationis remedio, exhibeatis, eorum super hoc iudicium suscepturi & inuiolabiliter obseruaturi. Datum Tuscul. ii. kalend. Decemb.

Alexander Papa III. Abbati S. Remigij, & B. Archidiacono Remensi.

CAusam quæ inter Vvarinum de Vvimericurt, & sororem vxoris suæ, super quodam reddito, cuius partem præfata mulier ad se jure hereditario asserit pertinere, in præsentia venerabilis fratris nostri Remensis Archiepiscopi diutius est agitata, & ad nos per appellationem delata, experientia vestra committimus audiendam, & appellatione remota sine congruo terminandam. Ideoque discretioni vestra per Apostolica scripta mandamus, quatinus cum exinde requisiti fueritis, vtramque partem ante vestram præsentiam convocetis, & rationibus hinc inde diligenter auditis & cognitis, eandem causam, sublato appellationis remedio, concordia, vel mediante iustitia decidatis. Datum Tuscul. Kalend. Nouembris.

Alexander Papa III. Abbati sancti Remigij, & Fulconi Decano Remensi.

Significauerunt nobis dilecti filij nostri Abbas & fratres Deruenses, quod cum causam, quæ inter eos & clericos sancti Nicolai Catalaunenlis super Ecclesia campi Alberti vertitur, venerabili fratri nostro Remensi Archiepiscopo commiserimus terminandam, idem Archiepiscopus causam ipsam magistro R. Remensi Canonico delegauit. Cum autem in præsentia ipsius Canonici vtrique pars constituta fuisset, prædicti clerici testes minus idoneos produxerunt super decimis campi Alberti, quas sibi vindicare nitebantur. Prædictus vero Abbas alios testes idoneos coram eodem Canonico ad prænominatos testes reprobandos produxit, quos sicut asserit idem Canonicus recipere noluit: sed causam ipsam intendebat protrahere, & vtramque partem sumptuosis contentionibus fatigare. Vnde idem Abbas se credens in hac parte grauari, ad nostram audientiam appellauit, & appellationi suæ proximè præteritas octauas purificationis beatæ Mariæ terminum præfixit. Quoniam igitur propter absentiam partium non potuimus de causa cognoscere, eam experientia vestra committimus, discretioni vestra mandantes, quatinus vtrique parte ante vestram præsentiam conuocata, eandem causam studiosius audiat, & eam infra xl. dies post harum susceptionem, sublato appellationis remedio, sine debito terminetis. Si verò eadem causa alij est fortè commissæ, vos duo vel vnus vestrum cum eo vel eis quibus commissæ est conveniatis, & litteris istis, siue alijs, si quæ super eadem causa sunt impetratæ, diligenter inspectis, neutris litteris præjudicantibus veritati, causam ipsam concordia vel iudicio, appellatione postposita, terminetis. Datum Tuscul. ix. Non. Aprilis.

Alexander Papa III. Abbati sancti Remigij, & Fulconi Decano Remensi.

EX parte Decani Ambianensis & S. quondam nepotis I. quondam Canonici Ambianensis, auribus nostris innotuit, quod pecuniam, quam a Prior de Abbatis villa mutuo accepit, idem Canonicus per manum iam dicti Decani & nepotis sui Ecclesijs & pauperibus pro animæ suæ remedio

distribuendam reliquit Quo defuncto cum à prænominato Priore Decanus, & S. pecuniam prætaxatam requirerent, eam noluit reddere: sed diffugia quærens ad nostram audientiam appellauit, qui nec venit, nec aliquem pro se responsalem transmisit. Quia verò periculosum esset cuilibet, nedum viro religioso, pecuniam alterius, & illam maximè quæ pro anima defunctorum Ecclesijs vel pauperibus præcipitur erogari, per violentiam detinere, discretioni vestræ per Apostolica scripta præcipiendo mandamus, quatinus prædictum Priorem moneatis, & auctoritate nostra districte compellatis, vt præscriptam pecuniam, centum videlicet sexaginta libras, aut parum minus, præfato Dacano & S. Ecclesijs & pauperibus, secundum quod prædictus Canonicus disposuit, erogandas integrè restituat: vel sub vestræ discretionis examine infra duos menses plenam exinde sibi iustitiam appellatione remota exhibeat. Si autem legitime monitus neutrum horum efficere voluerit, in eum canonicam non differatis exercere censuram. Datum Tuscul. xviii. Kalend.

PRIOR DE ABBATIS VILLA] Villa Abbatis initio dicta est, quæ possessio erat Abbatis S. Richarij, titulo Prioratus in agro Pontiuo Ambianensis diocesis ad Somonam. Nunc prædictum etiam nomen retinet, postquam ad iustæ amplitudinis oppidum excreuit.

Alexander Papa III. Abbati S. Remigij, & B. Archidiacono Remensi.

Constitutus in præsentia nostra O. subdiaconus, præsentium lator, supplici nobis relatione proposuit; quod cum dilectus filius noster Abbas sancti Petri Catalaunensis eum ordinandum in Ecclesia sancti Medardi, quæ ad suam dicitur Ecclesiam pertinere, de assensu Capituli sui venerabili fratri nostro Sueffionensi Episcopo præsentasset, vt eum de prædicta Ecclesia inuestiret, & animarum sibi curam committeret, memoratus Episcopus ea facere recusauit. Verùm quia indecens est & penitus obuium rationi, vt prænominato subdiacono, nisi pro manifesta & rationabili causa, plebis cura denegetur, discretioni vestræ per Apostolica scripta præcipiendo mandamus, quatinus infra xl. dies post harum susceptionem, prædictum Episcopum monere ac propensius inducere studeatis, vt prædictum subdiaconum de præscripta Ecclesia inuestiat, & animarum sibi curam committat, aut quare id facere non debeat, coram vobis rationabilem causam ostendat. Quod si monitis vestris obtemperare contempserit, vos nostra freti auctoritate sæpeditum subdiaconum omni dilatione & appellatione cessante, de præscripta Ecclesia inuestiatis, & animarum sibi curam committatis: ita quidem, quod memorato Episcopo de plebis cura, prædicto verò Abbati de temporalibus debeat respondere. Datum Tuscul. iiii. Non. Februarij.

Alexander Papa III. Abbati sancti Remigij & Fulconi Decano Remensi.

EX transmissa conuestione pauperum domus de Vitriaco ad audientiam peruenit, quod cum R. mulier M. mulierem pro quadam domo, quam iidem pauperes ad se asserunt rationabiliter pertinere, coram Archidiacono

E c ij

Catalaunensi traxisset in causam, & Archidiaconus pro eadem R. exinde diffinitionis sententiam tulisset, præfata M. ad venerabilis fratris nostri Henrici nostri Remensis Archiepiscopi, R. verò ad nostram audientiam appellauit. Quia verò responsali prædictæ R. veniente, altera pars nec venit, nec aliquem pro se responsalem transmisit, experientiæ vestræ causam ipsam committimus audiendam, & sine debito terminandam. Ideòque discretionis vestræ per Apostolica scripta mandamus, quatinus, cum exinde requisiti fueritis, in vnum pariter conuenientes, vtramque partem ante vestram præsentiam conuocetis, & rationibus hinc inde plenius auditis & cognitis, eandem causam, sublato appellationis remedio, mediante iustitia terminetis. Datum Tusculani viii. Kalend. Aprilis.

Alexander Papa III. Abbati sancti Remigij & B. Archidiacono Remensi.

Querelam I. Clerici præsentium latoris accepimus, quòd I. de Hospitio circiter vi. libras sibi contradicit exsoluere, quas in præsentia multorum ei se debere publicè recognouit, & alia plura incommoda sibi non dubitat irrogare. Vnde quia vniuersis ex officij nostri debito in suo iure tenemur adesse, discretionis vestræ per Apostolica scripta præcipiendo mandamus, quatinus prædictum I. de Hospitio monere curetis, & auctoritate nostra districtè compellere, vt iam dicto clerico præscriptam pecuniam sine molestia & diminutione restituat, & de illatis iniuriis congruè satisfaciatur, aut exinde sibi sub examine vestro sublato appellationis remedio, iustitia non differat plenitudinem exhibere, & vos causam audiat & appellatione cessante sine debito terminetis, Datum Tusculani vi. Kalend. Maij.

Alexander Papa III. Abbati sancti Remigij & Decano Remensi.

Dilectus filius noster A. Aquicinenſis Ecclesiæ Abbas, transmissis nobis litteris intimauit, quòd monachi de Gardo inter alias oppressiones & iniurias, quas illi & Ecclesiæ suæ irreuerenter dicuntur inferre, eis quandam decimam terræ Viconiensis ad ipsos rationabiliter pertinentis, iniuste auferre præsumunt. Abbatissa verò & moniales sancti Michaëlis Vurleſis quandam Ecclesiam suam, sancti Martini videlicet, parrochianis suis spoliant, & iura ipsius illicitè sibi vsurpantes, parrochianos præfati Abbatis pro suis excessibus excommunicatos, & ab Ecclesiæ liminibus sequestratos, ad diuina officia recipiunt, & defunctis exhibent sepulturam. Vnde quoniam viris religionis perniciosum existit ea committere, quæ pericula pariunt animarum, discretionis vestræ per Apostolica scripta præcipiendo mandamus, quatinus infra xx. dies post harum susceptionem prænominatas personas moneatis, & districtè compellatis, vt prædicto Abbati & Ecclesiæ suæ iura sua integra & illibata dimittant, & ablata sine molestia & difficultate restituant, vel in præsentia vestra suæ iustitiæ plenitudinem appellatione remota exhibeant. Ad hæc quoniam Ecclesiastica sacramenta eis penitus sunt deneganda, qui à communione fidelium suis peccatis sunt exigentibus seque-

strati, nihilominus præsentium auctoritate iniungimus, vt præfata Abbatis & monialibus sancti Michaelis, sub pœna ordinis & officij sui prohibeatis, ne quoslibet excommunicatos ad diuina officia vel sepulturam recipere audeant, & si quos excommunicationis vinculo innodatos sepelierunt, eos appellatione & occasione remota detumulare & de cœmiterio eiicere non postponant. Datum Tusculani v. Idus Nouembris.

* A. AQUICINENSIS ABBAS. } Alexander. Auſtarium Sigeberti à Miræo editum. Anno M. C. LXX. obiit Balduinus iv. Comes Haginoensis, & ab Alexandro Abbate Aquicinenſi in Ecclesia S. Vvaldegrudis ſepelitur. Monasterium eſt ordinis S. Benedicti in diœceſi Atrebatenſi, in qua & ager Viconienſis.

Alexander Papa III. Abbati ſancti Remigij Remenſis & Priori ſancti Martini de Campis.

EX transmiſſa conqueſtione G. * Abbatis de Gardo ad aures noſtras peruenit, quad Abbas & Canonici Eccleſiæ ſancti Petri de Serenicurt monaſterium ſuum quadam terra iniuſtè propter mutationem miniſtrantium ſpoliarunt, & iſtam illicite detinent occupatam. Quia verò inter viros religioſos non debet diſſentionis ſcrupulus remanere, aut materia iurgiorum, quos quieti conuenit ſupernæ contemplationis vacare: vobis, de quorum prudentia & honeſtate confidimus, cauſam iſtam committimus audiendam, & ſine debito terminandam. Ideoque diſcretioni veſtræ per Apoſtolica ſcripta mandamus, quatinus cùm exinde requiſiti fueritis, in vnum pariter conuenientes, vtramque partem ante veſtram præſentiam convocetis, & rationibus hinc inde pleniùs auditis & cognitis, eandem cauſam infra duos meſes ſublato appellationis remedio, concordia, vel mediante iuſtitia decidatis. Ita quidem quod ſi vobis conſtiterit prædictum Abbatem à præſcriptæ terræ fuiſſe poſſeſſione contra rationem eiectum, ei priùs poſſeſſionem iſtam appellatione remota faciatis reſtitui. Si vero huic rei vos ambo intereſſe non poteritis, alter non minus in eadem cauſa procedat. Datum Tusculani ix. Kalend. Decembris.

* ABBATIS DE GARDO } Ordinis Cisterciensis in diœceſi Ambianenſi, ad quam etiam pertinet Abbatia Serenicurtis ordinis Præmonſtratenſis.

Alexander Papa III. Prepoſito & Decano Remenſi.

EX transmiſſa conqueſtione Stephani clerici de Roi accepimus, quòd cùm pater ſuus quaſdam decimas, quas iure hereditario poſſidebat, volens peccati maculam euitare, ſibi in eleemoſynam dediſſet, Radulſus Traditor eas auſu temerario ſibi vindicare præſumpſit. Cùmque memoratos clericus præſatum R. in præſentia venerabilis fratris noſtri Archiepiſcopi veſtri conueniſſet, vt coram eo iuſtitiam obtineret, compulſus eſt ad noſtram audientiam appellare. Verùm licet pater ſuus eas de iure ſibi dare non potuiſſet, quia tamen tutius vt idem clericus iſtas habeat, quàm ad laicum deuoluantur, diſcretioni veſtræ per Apoſtolica ſcripta præcipiendo manda-

Ee iij

mus, quatinus si ita est, infra xl. dies post harum susceptionem, memoratum R. moneatis, & districtè compellatis, vt perceptas decimas prænomi-
nato clerico sine diminutione restituat, & de percipiendis nullam sibi molestiam inferat, vel grauamen: ita tamen quòd post decessum prædicti clerici præscriptæ decimæ Ecclesiæ, ad quam de iure pertinere noscuntur, restitui debeant, pacificèque dimitti. Quòd si monitis nostris parere contempserit, ipsum vsque ad earundem restitutionem excommunicationis vinculo omni appellatione remota astringatis. Datum Tusculani iij. Idus Iunij.

Alexander Papa III. Abbati & Capitulo sancti Remigij.

Pastoralis cura & sollicitudo, quam licet immeriti disponente Domino gerimus, nos admonet propensius & hortatur, pro viris Ecclesiasticis, & præsertim pro his qui nullum habent Ecclesiasticum beneficium, & sunt bonæ opinionis & famæ, sollicitos semper & studiosos existere, & Ecclesiarum prælatos vt eis in competentibus beneficijs prouideant propensius inuitare. Hac itaque ratione inducti, & de vestra nihilominus deuotione confisi, pro dilecto filio nostro M. clerico, latore præsentium, qui asserit se omnino Ecclesiæ vestræ deuotum, cuius mores & conuersationem dilecti filij nostri fratres militiæ Templi, circa quos est conuersatus, plurimum commendant, caritati vestræ preces affectuosas porrigimus, deuotionem vestram per Apostolica scripta rogantes attentius, monentes, atque mandantes, quatinus eidem clerico, diuini amoris intuitu, & pro reuerentia beati Petri ac nostra, in aliquo Ecclesiastico beneficio sibi competente, vnde vitæ necessaria in vestra semper deuotione possit honestè percipere, liberaliter prouideatis: vt liberalitas & deuotio vestra exinde commendabilis debeat apparere: nos quoque vobis, propter hoc vberes gratiarum actiones exsoluentes, preces, & petitiones vestras, cum se oportunitas obtulerit, libentiùs & efficacius admittamus. Datum Tusculani v. Idus Augusti.

Alexander Papa III. Remorum Archiepiscopo.

Dilectus filius noster Abbas sancti Petri de Montibus transmissa nobis relatione monstrauit, quod Magister scholarum Catalaunensis Ecclesiæ in terra iam dicti Abbatis sibi scholarum magisterium vendicat, & nullum per Abbatem ibi regere scholas permittit. Vnde quoniam cum donum Dei scit scientia litterarum, & liberum debet esse cuique talentum gratiæ cui voluerit erogare, fraternitati tuæ per Apostolica scripta mandamus, quatinus tam Abbati quàm Magistro scholarum præcipias, ne aliquem probum & litteratum virum regere scholas in ciuitate, vel suburbiis, vbi voluerit, aliqua ratione prohibeant, vel interdicare qualibet occasione præsumant. Non enim debet vana exponi, quod munere gratiæ cælestis acquiritur: sed gratis debet omnibus exhiberi, vt impleatur quod scriptum est, Gratis

EPISTOLÆ LVI.

223

accepistis, gratis date. Verum licet idem Magister scholarum illud sibi forte in ciuitate ipsa obtentu prauæ consuetudinis vendicet, hoc in terra Abbatis non potest aliquatenus vendicare. Datum Tusculani. Idib. Iulii.

LIBERVM ESSE DEBET] Quod de Magistris hoc loco censet Alexander III. id ipsum de Scholaribus statuit Alexander IV. pro Dominicanorum scholis in hæc verba scribens Episcopo Parisiensi: *Insuper statuimus, ut scholares omnes tam religiosi de Prælatorum suorum licentia Parisiæ gratia studij quandolibet commorantes, quam etiam seculares, ubicumque voluerint lectionibus vel prædicationibus audiendis, sine quæstionibus disputandis liberè valeant interesse.*

Alexander Papa III. Clarenallensi, & sancti Remigij Abbatibus.

Cum dilectum filium nostrum Deruensem Abbatem super dilapidatione bonorum monasterii sui, & dissolutione, quam per eundem Abbatem audiueramus jampridem factam fuisse, ad rationem posuissimus, ipse se super his coram nobis & fratribus nostris prudenter & laudabiliter excusauit, asserens quod cum multitudo Brebentionum partem quandam terræ monasterii sui hostiliter inuassisset, & ad reliquam occupandam intenderet, coactus est debita plura contrahere, ut terram ipsius monasterii posset ab illius iniquæ gentis manibus liberare. Adiecit insuper, quod redditus eiusdem monasterii quibusdam personis assignauit, ut ex his eadem debita persoluantur, & quod nec in his culpa sua grauatum sit idem monasterium, nec in aliis dissolutum. Caterum quoniam hæc nobis non constant, horum cognitionem & correctionem experientia vestra de qua plenè confidimus, duximus committendam, discretionis vestrae præsentium auctoritate mandantes, quatinus ad monasterium ipsum pariter accedentes, rei veritatem diligenter & sollicitè inquiratis, & quæ in Abbate, vel monachis inueneritis corrigenda, auctoritate nostra, sublato appellationis remedio, adhibita gravitate & modestia corrigatis. Quod si noueritis monasterio expedire, ut aliqui ex monachis ipsius loci amoveantur, eos inde auctoritate nostra, appellatione cessante, amouere minimè differatis, & alios de religiosis illic instituatis: ita super his diligentes & prouidi existentes, quod studio & diligentia vestra in meliorem statum jam dictum monasterium auctore Domino reformetur, & sollicitudo ac vigilantia vestra præconio multæ digna commendationis existat. Reditus verò ipsius monasterii personis, quibus pro solutione debitorum sunt assignati, si solutioni debitorum conuenienter non intendunt, nec eosdem redditus benè dispensant, auctoritate Apostolica auferatis, & eos personis aliis cum concilio Abbatis & fratrum monasterii, qui magis prouidi sint & discreti, assignare curetis: per quorum studium & prouidentiam celerius & conuenientius eadem debita persoluantur. Si qui autem ex ipsis Abbas & monachi vobis in his contumaces fuerint, vel rebelles, quo minus mandatum nostrum in hac parte adimplere possitis, in eos auctoritate nostra, sublato appellationis remedio, canonicam sententiam proferatis:

quia nos sententiam, quam in ipsos canonicè protuleritis, auctore Domino ratam & firmam habebimus. Datum Tusculani v. Kalend. Iunij.

** MULTITUDO BREBENTIONVM]* Qui vel sua sponte, vel alienis auspiciis conducti, per hæc tempora incursantes omnia populabantur, nec Ecclesiis, nec monasteriis parcentes, ut est in Concilio Lateranensi Alexandri Papæ cap. xxvii.

Alexander Papa III. Abbati sancti Remigij, & Fulconi Decano Remensi.

Constitutus in præsentia nostra Constantius Subdiaconus lator præsentium sua nobis conquestione monstravit, quod G. de Pægni quandam domum suam sitam in villa de Pægni violenter sibi abstulit, & iniuste detinet occupatam. Vnde cum uterque esset propter hoc in præsentia dilecti nostri R. Canonici Remensis constitutus, prædictus Subdiaconus timens se prægrauari, ad nostram audientiam appellauit. Verum quoniam eo veniente altera pars nec venit, nec aliquem pro se responsalem transmissit, causam ipsam experientia vestra, de qua plenè confidimus, committimus audiendam, & sine debito terminandam. Ideoque discretionis vestrae per Apostolica scripta præcipiendo mandamus, quatinus cum exinde requisiti fueritis, utramque partem ante vestram præsentiam conuocetis, & rationibus hinc inde diligenter auditis & cognitis eandem causam infra xl. dies post harum susceptionem sublato appellationis remedio concordia vel iustitia terminetis. Datum Tuscul. vi. Kalend. Sept.

*Alexander Papa. III.**

Ex transmissa conquestione Euronii meminimus nos causam quæ inter eundem Euronium & Rolandum vertitur, experientia tua commississe. Sed quia sicut accepimus nondum in eadem causa iuxta tenorem mandati nostri processisti, prædictus R. falsa suggestionem ab Apostolica sede litteras obtinuit: Magister Iohannes verò prædictum Euronium vinculo excommunicationis innodauit. Quoniam igitur sententia non potest, sicut non debet, tenere, discretionis tuae per Apostolica scripta præcipiendo mandamus, quatinus præfatum Euronium nostra fretus auctoritate, absolutum publicè denuncies, & præfatum R. de cetero non audias, neque appellationem eius ad præsentiam nostram ullo modo recipias, & rei veritate à venerabili fratre nostro Catalaunensi Episcopo diligenter inquisita, & Susannam uxorem eius instantè commoneas, & districtè compellas, ut infra viginti dies post harum susceptionem, omni contradictione & appellatione remota, supradicto Euronio res & expensas suas restituant. Si autem monitis tuis obtemperare contempserint, eos vinculo excommunicationis astringas. Postea si idem R. aduersus Euronium agere voluerit, coram venerabili fratre nostro Catalaunensi Episcopo ordine iudiciario experiatur, & ipse causam audiat, & debito fine decidat. Datum Tuscul. vi. Idus August.

Alexander

*Alexander Papa III. Abbati sancti Remigij, & Fulconi
decano Remensi.*

EX parte cuiusdam mulieris filiastræ nobilis viri R. militis de Vilario, nostris est auribus intimatum, quòd cum ipsa quosdam redditus, qui teragia dicuntur, G. auunculo suo Canonico Ambianensis Ecclesiæ pro xxx. libris iam pridem pignori obligasset, idem Canonicus redditus ipsos sibi restituere contradicit, licet ultra sortem suam pleraque deductis expensis recepisse dicatur. Quoniam igitur in laicis, ne dum in clericis, detestabile & horrendum existit vsurarum crimen, vtpote vtriusque testamenti paginâ condemnatum, discretioni vestræ per Apostolica scripta mandamus, quatinus vtraque parte ante vestram præsentiam conuocata, exinde rei veritatem diligenter inquiratis, & si ita vobis constiterit, memoratum Canonicum moneatis, & nostra auctoritate districtè compellatis, vt præscriptos redditus supra dictæ mulieri, dilatione & appellatione cessante, sine qualibet exactione restituat, & in pace dimittat. Querelas verò alias, si quæ hinc inde vertuntur, studiosius audiat, & eas concordia, vel mediante iudicio decidatis. Datum Tusculani iv. No. Maij.

*Alexander Papa III. Abbati sancti Remigij, & Fulconi
Decano Remensi.*

CAusam quæ inter R. de Vilers, & Amilium militem de Becloi super dote vxoris prædicti R. diutius est agitata, & ad nos sicut dicitur per appellationem delata, experientia vestra, de qua plenè confidimus, committimus audiendam, & sine debito terminandam. Ideoque discretioni vestræ per Apostolica scripta mandamus, quatinus postquam exinde requisiti fueritis, vtramque partem ante vestram præsentiam conuocetis & rationibus hinc inde plenius auditis, & cognitis, eandem causam, si vobis constiterit, eam ad nos per appellationem delatam fuisse, sublato appellationis remedio, concordia, vel mediante iustitia decidatis. Nihilominus etiam præsentium vobis auctoritate mandamus, vt alias querelas de quibus vobis aduersus se proposuerint audiat, & eas concordia, vel iudicio terminetis. Si autem huic causæ ambo non potueritis interesse, alter vestrum eidem causæ, prout dictum est, finem imponere non postponat. Datum Tusculani iv. Non. Maij.

*Alexander Papa III. Abbati sancti Remigij, & Fulconi
Decano Remensi.*

EX litteris quas nobis venerabilis frater noster Henricus Remensis Archiepiscopus destinavit, euidenter accepimus, quòd Balduinus de Aigne Hierosolymam profecturus cuidam sorori suæ viduæ Agneti nomine, quæ in domo sua manebat, tres modios frumenti & vnum auenæ de

ff

decima sua annuatim percipiendos concessit. Mortuo verò eodem B. in peregrinatione, Girardus de Landas, qui ejusdem Balduini filiam duxerat in uxorem, præfatæ Agneti jam dictos modios frumenti & avenæ violenter auferre non dubitavit. Vnde cum idem Girardus ad curiam ipsius Archiepiscopi appellatus, & mulier pariter in ejusdem Archiepiscopi essent præsentia constituti, mulier testes legitimos & idoneos produxit, & adjudicatis sibi prælibatis quatuor modis, de quibus controuersia vertebatur, ab eodem Archiepiscopo in eorundem fuit possessionem inducta. Præterea sicut ex eisdem litteris intelleximus, prænominata Agnes aliam aduersus eundem Girardum quæstionem proposuit: videlicet quòd pretaxatus Balduinus quendam habebat filium de non legitimo matrimonio susceptum, cui cum hæreditatem suam non posset conferre, quandam terram de pecunia sua comparauit, quam eidem filio suo donauit, qui cum patre suo iter arripens eam sæpe dictæ Agneti, si fortè non rediret, habendam & perpetuò possidendam concessit: quam postmodum memoratus Girardus illi impudenter auferre præsumpsit. Conquesta est insuper eadem mulier, quòd super terra nepotis sui sibi dimissa indebita sibi violentia fuit illata. Super quibus cum idem Girardus summonitus & mulier ad diem prefixam in præsentia Archiepiscopi conuenissent, & eadem mulier suos vellet testes producere, Girardus ad nostram audientiam appellauit. Quia verò muliere ad nostram præsentiam veniente, altera pars nec venit, nec pro se responsalem transmisit, vobis, de quorum prudentia & honestate confidimus, causam ipsam committimus audiendam, & si ne debito terminandam. Inde est quòd discretionis vestræ per Apostolica scripta mandamus, quatinus vtramque partem ante vestram præsentiam conuocetis, & rationibus hinc inde plenius auditis & cognitis, super capitulis, de quibus vobis constiterit ad nos appellatum fuisse, controuersias & quæstiones sublato appellationis remedio ita studeatis mediante iustitia terminare, quòd neutra partium pro juris sui defectu debeat merito querelari, nec prælibata cogatur vltius ad nos exinde laborare. Datum Tuscul. xvi. Kalend. Decemb.

*Alexander Papa III. Petri Abbati sancti Remigii, & Fulconi
Decano Remensi.*

A Vdiuimus ex transmissa conquestione quorundam scholarium, qui in Burgo sancti Remigii consistant, quod cum I. Presbyter de Burgo sancti Remigii in die Dominico coram Clericis & Laicis, postposita modestia clericali, choreas duceret, scholaribus ipsis eundem Presbyterum exinde increpantibus & deridentibus, idem Presbyter quorundam fauore cum furore & impetu ostium & fenestras scholarum aulæ temerario fregit, & in quosdam ex ipsis scholaribus violentas manus iniecit, & his injuriis non contentus absque conscientia venerabilis fratris nostri Henrici Remensi Archiepiscopi & Officialium suorum, in ipsos non citatos nec confessos proximè sequenti die excommunicationis sententiam

promulgauit, quam idem Archiepiscopus fecit prout debuit relaxari. In quo utique iidem scholares libertatem suam plurimum fuisse læsam proponunt: cum eam se asserant libertatem habere, ut nullus in eos violentas manus injicere, aut Ecclesiasticam sententiam audeat promulgare, donec coram magistro suo velint iustitiæ stare. His siquidem & aliis injuriis prædicti scholares prouocati, eundem Presbyterum, sicut asserunt, ad nostram præsentiam appellarunt, sed per se vel per alium nostro se conspectui minimè præsentauit. Quoniam igitur idem Presbyter, in hoc, si verum est, multipliciter excessisse videtur, nos excessus eius nolentes, sicut non debemus, incorrectos relinqui, discretioni vestræ per Apostolica scripta præcipiendo mandamus, quatinus partibus ante vestram præsentiam conuocatis, super his rei veritatem studiosius inquiretis, & si inueneritis prædictum Presbyterum choreas in conspectu Clericorum & Laicorum duxisse, & pro tali causa tantam præfatis scholaribus injuriam intulisse, aut ipsos ita incautè anathemati subjecisse, ipsum auctoritate nostra, sublato appellationis remedio, de tanta leuitate, præsumptione, & audacia durè & asperè puniatis: & si vobis constiterit eum, vel complices suos, in aliquos prædictorum scholarium, qui essent Clerici, violentas manus injecisse, ipsos auctoritate Apostolica freti, omni contradictione & appellatione postposita, publicè excommunicatos denunciatis, & faciatis sicut excommunicatos cautiùs euitari, donec passis injuriam congruè satisfaciant; & cum vestrarum testimonio litterarum Apostolico se conspectui repræsentent, & prohibeatis omnibus, ne præfatos scholares contra libertatem eorum in aliquo molestare audeant vel grauare, quandiu coram magistro suo parati sunt iustitiæ stare. Datum Tuscul. vi. Idus Nouemb.

*Alexander Papa III. sancti Remigij & sancti Dionysii
Remensis Abbatibus.*

CAusam quæ inter G. Remensem & A. mulierem super quadam domo coram dilecto filio nostro B. Archidiacono Remensi diutius est agitata, & sicut dicitur ad nos per appellationem delata, experientiæ vestræ committimus audiendam, & appellatione remota fine congruo terminandam. Ideoque discretioni vestræ per Apostolica scripta mandamus, quatinus cum exinde requisiti fueritis, utramque partem ante vestram præsentiam conuocetis & si cognoueritis causam ipsam ad nos per appellationem fuisse delatam, rationibus hinc inde diligenter auditis & cognitis, eandem causam, sublato appellationis remedio, concordia vel iudicio terminetis. Datum Tuscul. xvi. Kalend. April.



*Alexander Papa III Presbyteris & alijs Clericis Parochialium Ecclesiarum
ad Monasterium sancti Petri de montibus pertinentium.*

Pervenit ad nos, quòd cum habitatores Parochiarum vestrarum ex antiqua consuetudine apud Monasterium sancti Petri de montibus confueverunt sepeliri, vos contra consuetudinem illam corpora defunctorum in vestris Ecclesijs sepelitis. Quoniam igitur non decet vos præscripto monasterio quicquam iuris subtrahere, cui iura sua sicut deuoti filij integra conferuare debetis, per Apostolica scripta vobis præcipiendo mandamus, quatinus si ita est in Ecclesijs vestris neminem de habitatoribus ipsis ad sepulturam recipere præsumatis, nisi apud vos elegerint sepeliri: nec quemquam de cætero Laicum infra muros Ecclesiarum vestrarum sepelire tentetis, quia id indignum esset & ab institutione Ecclesiastica penitus alienum. Datum Tuscul. Non. Febr.

*Alexander Papa III. Vvillelmo Senonensi Archiepiscopo &
suffraganeis eius.*

Redolet Anglia fragrantia & virtute signorum, quæ per merita illius sancti & reuerendi viri, Thomæ quondam Cantuariensis Archiepiscopi, omnipotens Dominus operatur, & vniuersa lætatur vbique fidelium Christiana Religio: pro eo quòd ille, qui est mirabilis & gloriosus in sanctis, sanctum suum post mortem clarificauit: cuius vita laudabilis multa fuit gloria meritorum, & tandem martyrio consummata est certaminis glorioli. Quamuis autem de sanctitate ipsius dubitare non possit, qui eius vitam & laudabilem conuersationem attendit, & gloriosam considerat passionem; voluit tamen Saluator & Redemptor noster eius sanctitatis insignia post mortem suam magnificis irradiare miraculis: vt qui pro ipso insuperabilis virtutis constantia necessitates & pericula pertulit, sui laboris & certaminis in æterna beatitudine cognoscatur ab omnibus suscepisse triumphum. Nos autem auditis innumeris & magnis miraculis, quæ iugiter per illius sancti viri merita fieri vniuersitas narrat fidelium, & super his non sine magno gaudio per dilectos filios nostros Albertum Tit. sancti Laurentii in Lucina & Theodinum Tit. sancti Vitalis Presbyteros Cardin. Apostolicæ sedis legatos, qui eadem miracula tanto perspicaciùs didicerunt, quanto ampliùs sunt loco vicini, præcipuè certiores effecti, & plurium aliarum personarum testimonio fidem sicut debuimus adhibentes, prædictum Archiepiscopum solemniter in Ecclesia, magno ibidem Clericorum & Laicorum collegio præsentem, in capite ieiunii deliberato fratrum nostrorum consilio canonizauimus, ipsumque decreuimus Sanctorum catalogo adscribendum. Vniuersitatem itaque vestram monemus, & auctoritate qua fungimur districtè vobis præcipimus, vt natale prædicti gloriosi Martyris die Passionis suæ solemniter annis singulis celebretis, & apud ipsum votiuis orationibus satagatis peccatorum veniam promereri: vt qui

pro Christo in vita exilium, & in morte virtutis constantiâ Passionis martyrium pertulit, fidelium ingi supplicatione pulsatus pro nobis apud Dominum intercedat. Datum Tuscul. iv. Non. April.

SANCTI THOMÆ J. Pertinent hæc ad annum Christi M.C. LXXI. quo anno relatum in album Sanctorum fuisse S. Thomam monuimus lib. vi. epist. ix. De Alberti item & Theodini Cardinalium legatione dictum eodem libro epist. i.

Alexander Papa III. Abbati sancti Remigii, & Decano Remensi.

Dilecti filii nostri I. sanctæ Mariæ Virtuenfis Abbatis, de quibusdam grauaminibus Ecclesiæ suæ illatis, nuper querelas accepimus, quas tantò citius sine debito volumus terminari, quantò & Ecclesia maiori paupertate laborat, & Abbas Ecclesiæ negotia minus potest pro imbecillitate virium sustinere. Questus est enim quod Man. Presbyter Ecclesiam de Aluesiolo, à bonæ memoriæ B. Catalaunensi quondam Episcopo Ecclesiæ Virtuenfi concessam, violenter ei præsumpsit auferre; & de restitutione conuentus ad appellationis diffugium se dicitur contulisse: sed nec per se, nec per alium præsentiam suam exhibere curauit. Ab Eur. etiam de Coloneio decimas laborum suorum, & censum annuum domus suæ, & à R. de Coloneio & fratribus eius terras ad jus eiusdem Ecclesiæ pertinentes conqueritur iniuste teneri. G. præterea de Bergeriis in molendino apud Clamangiam duodecim annonæ sextarios eidem præsumit auferre, & sæpe commonitus reddere contradicit. Vnde quia plurimum de vestra discretionem confidimus, & præfatus Abbas non parum indiget Ecclesiæ præsidio confoueri, per præsentiam vobis scripta mandamus, quatinus supradictos viros & partem eiusdem Abbatis ante vestram præsentiam conuocetis, & querelis Ecclesiæ ac rationibus partium inquisitis diligenter & cognitis, ita eis finem debitum imponatis, vt prænominatus Abbas laborare diutius pro defectu iustitiæ non cogatur. Si autem illi aut copiam sui facere, aut iudicio vestro stare contempserint, censurâ eos Ecclesiasticâ compellatis, Episcopo eorum ex parte nostra denunciante, vt latam in eos sententiam, usque ad condignam satisfactionem, faciat obseruari. Porro quia supranominatus M. Presbyter appellationem suam, vt dicitur, prosequi non curauit, causam illam, si hoc ita constiterit, appellatione remota terminari mandamus. Datum Beneuenti v. Idus Febr.


Alexander Papa III. sancti Remigii, & sancti Nicasi Abbatibus.

EX transmissa relatione E. mulieris accepimus, quòd cum G. ab ea quinquaginta quinque solidos Remensis monetæ instantè exigeret, illa proponente quòd marito suo, dum esset in patria, idem G. jam dictam pecuniam condonasset, super hoc ad audientiam venerabilis fratris nostri Remensis Archiepiscopi causa fuit deducta: à cuius examine mulier ad nostram audientiam appellauit. Quia verò muliere nuncium suum destinante, altera pars nec venit, nec aliquem pro se responsalem transmisit;

Ff iij

experientia vestra, de qua plenè confidimus, causam ipsam committimus audiendam, & sine debito terminandam. Ideoque discretioni vestrae per Apostolica scripta mandamus, quatinus cum exinde fueritis requisiti, viris discretis & honestis vobis ascitis, utramque partem ante vestram praesentiam conuocetis, & rationibus hinc inde plenius auditis & cognitis, eandem causam appellatione remota, mediante iustitia decidatis. Si autem aduersarii G. legitimè citati ad praesentiam vestram venire, vel iudicio vestro parere contempserint, eos auctoritate nostra Ecclesiastica censurâ compellatis. Datum Tusculani xiii. Kalend. Iunij.

F I N I S.



INDEX EORVM QVÆ NOTABILIA SVNT IN EPISTOLIS.

A

A bbatis-villæ Prior,	pag. 218
Abfalon Archiepiscopus Lundenfis,	167. & 168
Abfalon Monachus S. Remigii,	125
S. Ægidii Abbas,	179
Æruginamentum,	50
S. Aigulfi Ecclesia, 14. 80. 41. Reliquiæ,	83
Alanus Episcopus Autifiodorenfis,	18
Albertus Cardinalis Legatus,	110
Cancellarius,	160. 162. 164. 165. 169
Alexander Papa,	204. 205
Alexander III. Papa,	1. 2. 3. 4. 23. 107
Alvesioli Ecclesia,	231
Ambianenfis Episcopus, 199. 200. 216. Decanus & Canonici.	219
Ambrosius gloriosus, 150. Citatur,	103. 206
Amelius miles de Becloi,	227
Amici accidentales,	23
Amicitie comites tres,	109
Amicis quidam utuntur vt hofpitiis,	35
Amicis quatenus communicanda infortunia,	14
Amicorum possessio præstantissima,	34
Amicus nec dissimulat nec simulat,	15
Amor in oculis crefcit,	62
Amoris elementa inter amicos crebro non sunt replicanda,	13
Anastafius Papa,	85
Angeli simpliciter simplices,	70. 72
Angli, Anglia,	63. 126. 133. 135
Angliæ rex Ecclesiæ Pastoribus infestus,	136
Ansfredus Monachus,	137
Appellatio ad Papam,	3. 85. 218. &c.
Aquæ feruentis iudicium,	206
Aquicinenfis Abbas,	220
Arca Testamenti Ecclesiæ figura,	163
Arrematenfis Abbas,	29

INDEX.

Aristoteles citatur,	192
Auenionensis Episcopus,	155
Augustudunensis Episcopus,	45
Augustinus diues, 150. citatur, 58. 77. 103. 182. 205. 209. ab Hieronymo dissentit de loco B. Pauli,	187
Autisiodorensis Episcopus,	554

B

B alduinus de Aigne,	227
Balduinus Noviomensis Episcopus,	22
Basilus Prior Carthusiensium,	96. 101.
Beatitudinis arra bonitas,	39
Beda omnium monetarum nummosus, 150. citatur,	59
Beldevvas Abbatia,	143
Belle-vallis Prior,	124
Belli loci Abbas,	115
Belloi villa,	213
Beluacensis Episcopus B.	193
Beneficio superari turpe est,	17
G. de Bergeriis,	231
Bernardus Abbas SS. Crispini & Crispiniani,	90. 91. 95. 105
S. Bernardi obitus, 13. Laudes, 130. Canonizatus, 182. Eius in B. Virginem affectus, 130. Cisterciensem Ordinem amplificat, Cum furua macula apparuisse dicitur, 182. citatur,	183
Bernerus,	216
S. Bertini Monachus,	150
Boamundus,	91
Boëtius citatur,	72. 73
Branæ Comes & Comitissa,	215
Branæ Abbas S. Marię, ibidem.	
Berbentiones grassantur,	223
Bullencurtis Abbas,	38
Burdinus de Befanes,	213

C

C allistus Papa,	204
Campus Alberti,	218
Cancellarius Anglię secundus post Regem,	23
Canonę,	165
Canonum & Decretorum auctoritas,	128
Cantumerulę Prioratus S. Sereni,	85
Canonici regulares,	3. & 85
Cardinalium fides erga Pontificem,	166
Cardi-	

INDEX.

Cardinalatum sibi impositum dolet Bernaredus,	171
Cantuariensis Prior,	116. 122. 151
Charitatis excellentia, 173. & seq. modum nescit 64. 65. non excidit,	124
Carnotensis Episcopus,	14. 139. 153. 156. 180
Carnis voluptas naturam lædit,	26. 27
Castigatio qualis esse debeat,	36. 37.
Caro edomanda,	50
Carthusienses laudantur, 20. Eorum conuentus generalis,	96
Cassula,	117
Catalaunensis Episcopus, 1. 224. Ecclesiæ magister Scholarum 222. Ecclesia	
S. Nicolai, 218. Ecclesia S. Trinitatis,	195
Causa in omnibus spectanda,	103
Gaziacenses Monachi,	45. 47
Cellenses Monachi,	94. 107. 140
Cellensis Abbas,	92. 105
Cestrensis Episcopus,	142
Cistercienses in Dania, 20. anteponuntur Grandimontensibus, 192. laudes	
illorum, 130. Capitulum,	180
Ciuita nunquam naturalia corrumpunt,	7
Clamangia,	477
Clareuallenses Monachi,	64. 65. 68
Clareuallensis Abbas electus Episcopatum Tolosanum recusat, 159. Abbas	
223.	
Mam. Claudianus citatur,	75
Claustralis disciplina in quo sita,	156
Clerici Laicorum iudicia subire non debent, 203. 205. Ignoti sine testimo-	
nio non admittendi,	ibid.
Clericos percutientium pœna,	206
Cluniacenses, 170. Hortus Domini, 26. reprehenduntur, 27. & 170. 171.	
tumultuantur in electione Abbatis 28. 47. antiquus eorum splendor, 170.	
171.	
Collaterales Comites,	34
Coloneium	477
Comitissa Trecensis, 95. Sueffionensis, ibi. Branæ,	215
Compendiensis Cantor & Cancellarius,	114
Complexio cholericæ & cœlestis,	134
Concilium Romanum generale, 162. 164. Agatenſe, 206. Calchedonenſe,	
205. Carthagenenſe, ibid. Ilerdenſo, 209. Maguntienſe, 206. Rotoma-	
genſe,	ibid.
Concordia inter Abbates seruanda,	109
Constantius Subdiaconus,	224
Corbeienſis Abbas & Monachi,	205. 207
Corona primitiæ clericatus,	147
Credere omnibus & nulli vitium est,	141
Creona,	214

I N D E X.

S. Crispini Abbas,	161
SS. Crispini & Crispiniani Abbas, 90. 105. 109. 153. 157. Conuentus,	167
M. Crispinus, 143. fit Clericus,	147. 150
Crucis Christi meditatio & fructus 83. 84. 97. imitatio iter in cœlum,	138.

D

D æmonis & hominis pugna dispar,	54. 63
Dacia, 167. 207. Dani,	208
Daniel Presbiter S. Iohannis in Gandauo,	199. 200
Decimæ fideliter soluendæ,	206
Deruensis Ecclesia, 1. Abbas,	195. 223
Dei simplicitas,	71. 77
Dei ordinationi non repugnandum,	172
Dei ad gloriam omnia referenda,	115
Dei dona non celanda,	72
Deus hominum ministerio cur utatur,	105
Dies Passionis & Resurrectionis Domini,	43. 177
Dispensatio in Matrimonio,	160
Dispensationes religiosæ non vsquequaque reiiciendæ,	101
S. Donatiani Brugensis Canonici,	201
Drogo Abbas Cellensis eiectus,	95
Dudo Monachus,	178

E

S. E admundi Abbas,	105. 116
Ebrietas vitium ignobile,	63
Ecclesia Dei desponsatione, Papæ procuratione, 161. Nunc ferre non debet quod primitiva patiebatur,	9
Ecclesiæ à Laicis conferri non debent,	203. 204
Ecclesiæ data repeti non debent,	221
Ecclesiasticorum luxuria & avaritia taxatur,	162
Electiōnes Ecclesiasticæ,	28. 95
Electus Abbas recusat,	106. 122
Ellandus Canonic. Remensis,	110
Episcopi officium,	8. 12. 203. 205. & seq.
Episcopis obedientia & reverentia debetur,	208
Episcopus sine Papæ licentia Episcopatum relinquere non potest,	210
Escilus Lundensis Archiepiscopus, 19. 93. 139. Sedis Apostolicæ legatus 211. liberalis, 120. naufragium patitur, 148. Clarevallensis fit Monachus, ibidem.	211.
Estonum feritas,	208
Eugenius Papa,	5
Euronius,	224

INDEX.

Excaldatus aquam timet,	95
Episcopus Excestrensis,	93
Excommunicati ad Sacramenta non recipiendi,	220
Exoniensis Episcopus,	106. 118

F

F Amam negligere præsumptio est,	103
Ferri candentis iudicium,	206
Finni seu Phinni populi,	212
Flaiaci Abbas monasterium dilapidans,	193
Fontisebraldi Abbatia & Abbatisa Matildis,	39. 11
Frescengia,	214
Fulco Episcopus Eltonum, 107. 143. 115. 120. 168. 207. olim Monachus,	169
Fulco Canonicus Remensis, 194. Decanus,	195. &c.

G

G de Bergeriis	231
Gallica maturitas,	126
Galcherus de Castellione,	213
De Gardo Abbas, 221. Monachi de Gardo,	210
Gaucherus Monachus Clareuallensis,	154
Gaufredus Monachus Montis Dei,	123
Gelasius Papa,	205
Gerardus de Roscio,	195
Gerardus Puella,	135
Gilo Lingacopensis Episcopus,	213
Girardus de Landas,	228
Gilleberti scripta,	150
Gloriæ vanæ scabies,	44
Gothia, Gothi,	202. & seq.
Gratia Dei,	39. 40. 87
Grandimontenses, 61. Prior, 158. capitulum,	ibid. & 170
Grandimontis Ordo,	191
Gregorius benignus, 150. citatur,	8. 102. 142. 192. &c.
Guetomi populi,	208
Guido Abbas S. Nicasi,	213
Guillelmus Stranensis Episcopus,	211
Guillelmus Theobaldi filius,	4
Guthermus Dux,	212

I N D E X.

H

H Amenſis Abbas & Hamularienſis,	198
Hato Epifcopus Trecenſis,	3
Havvidis neptis Petri Cellenſis,	87
Henricus Bellouacenſis Epifcopus frater Regis, 21. 22. Remenſis Archie- piſcopus,	197. 214. 220. &c.
Henricus Comes Trecenſis,	2. 4. 18. 34. 101. 104. &c.
Herueus Monachus S. Remigii,	108
Helifendis,	198
Hieronymus pecunioſus, 150. citatus,	78. 79. 131. &c.
Hilarius profundiffimus,	150
Hilduinus Vicedominus & Canonicus S. Mariæ Remenſis,	94
Hilduinus de Vendopera,	29
Hippocrates citatur,	192
S. Huberti Abbas,	94
Hugo Cluniacenſis,	28. 30. 34
Hugo de Petriponte,	112
Hugo Canonicus Remenſis,	156
Hugo Archiepiſcopus Senonenſis,	6. 7. 10.
Hugo Scriptor Petri Cellenſis,	90. 92
M. Hugonis ſcripta,	150
Hyacinthus Cardinalis,	169

I

I dololatria eſt, Deo debitam, homini rependere gratiam,	36
Ieſu nomen,	31
Imago Dei & ſimilitudo, quid,	56. & ſeq.
Indulgentia vnus anni concedit ſolita ſepulchrum Domini viſitantibus, 208.	
Ingeniorum triplex gradus,	76
Innocentius II. Papa,	165
Interdictum in terra militis,	217
Inuadiare,	30
S. Iohannis Abbas,	45. 161
Iohannes Epifcopus S. Maclouii,	12. 13. & ſeq.
Iohannes Sareſberienſis, 80. 81. 82. 83. 86. 87. 104. 117. 134. 352. Exulat, 85. cum Petro Cellenſe habitat, 80. 85. fit Epifcopus Carnotenſis, 140. 152	
Iohannes Miles de Hoſtel,	216
Iſidorus citatus,	77
Iuo Carnotenſis,	184
Iuramenti relaxatio,	134

INDEX.

L

L Ac multiplex,	51
Lapelee Prioratus,	141. 143. 177
Latiniacensis Abbas,	107
Laudunensis thesaurarius,	214
S. Laurentii Abbas Leodii,	34
Laus sua cuique grata,	44
Legatus Domini Papæ, 80. Romanæ curiæ, 108. Romanæ sedis,	120
Leges citantur,	103. 205
Leges ubi Canonibus non obuiant, tanquam Canones obseruandæ, ibid.	
S. Leodegarii Monachi,	215
Leodienfis Episcopus,	165
Liberalis Dei imitator,	19
Lingacopenfis Episcopus,	210. 212
Lugdunenfis Archiepiscopus,	122
Lingonenfis Episcopus,	45
Lucius Papa II.	5
Lundenfis Archiepiscopus.	19. 167.

M

M Aclouienfis Episcopus pauper,	16
Mariæ Virginis laudes, 127. anno xii. ætatis salutata, Iuonis sententia, 184. ei dicatæ omnes basilicæ Cistercienses, 130. quomodo omne peccatum debellarit, diuersæ sententiæ Petri & Nicolai, ibidem & 182. 188. &c. Festum Conceptionis sine sedis Apostolicæ decreto non probat Petrus aduersus Nicolaum,	128
S. Martini de Campis Prior.	171. 221.
Marinæ præbendæ S. Remigii, 11. 105. 165. 166. Præpositus,	ibid. & 97
Materia commune subiectum transformationis,	73
Matildis Abbatissa Fontisebraldi,	41
Matrimonii impedimentum ex consanguinitate,	8. 112. 210
Matrimonii supputatio,	19
Matrimonium sine Sacerdotis benedictione celebrari non debet,	209
S. Medardi Abbas, 109. Ecclesia,	219
Mel multiplex,	52
Meldenfes Episcopi,	141
Mercurii aceruus,	31
Meridies quid significet,	178
Meritonæ Canonicus,	155. 176
S. Meuenni Abbas reiectus ob negligentiam,	5
Milo Malus vicinus,	213
Miracula non fingenda,	123

G g iij

INDEX.

Misericordiæ commendatio :	136
Missam cum fœcibus vini & micis panis , vino tinctis celebrantes Sueci re-	
prehenduntur ,	209
Missæ non præcedente dormitione ,	199
Molismenles laudantur , 144. degenerant ,	ibid.
Molismensis Abbas , 35. 45. Prior , 43. à Molismensibus orti Cistercienses ,	
146.	88. & seq.
Monachi in Anglia deprauati ,	142
Monachi à quibus judicandi ,	205. 206
Monomachia Canonibus vetita ,	48. 50. 53. 59. 98. & seq.
Montis Dei Monachi ,	209
Mulierum prolem necantium pœna ,	81
Mundi vanitas ,	

N

N æeric loci nomen in Suetia ,	211
Negligentia omnis non æquè culpanda ,	97
S. Nicasii Abbas ,	105
S. Nicolai de nemore Abbatia ,	216
Nicolaus Papa ,	206
Nicolaus S. Albani Monachus , 112. 126. eius epistola pro Conceptione B.	181
Mariæ ,	
Nicolaus Clareuallensis Monachus , 69. & seq. de nigro factus albus 75. ta-	
xatur ibid. ejus sermo de S. Victore ,	78
Nicolaus Cartusienfis Montis Dei ,	104
Nicolaus Monachus Esto patriâ ,	212
Nocturni temporis commoda ,	90
Nouienfis Prior ,	106. 122. 124.
Nouiomenfis Episcopus ,	22. 194
Norvegeneses ,	208
Norvvoicensis Monachus ,	88

O

O ctavianus Antipapa ,	22
Omnium Sanctorum de Insula Catalaunensis Abbas ,	164. 195
Origenes suauissimi eloquii ,	150
Ostienfis Episcopus ,	169
Otrannus Trecensis ,	118

P

P apa caput Ecclesiæ , 124. Cathedræ Apostolorum præsidet , 202. jura Ec-	
clesiarum defendere debet 213. omnibus in suo jure adesse , ibid. Pu-	
pillis providere ,	194. 202

I N D E X.

Papæ omnium Ecclesiarum sollicitudo imposita, 1. 2. 5. 161. 165. 202. 206.	
215.	
Parilius describitur,	85
Paschalis Papa,	204
Patientia cum humilitate,	7
S. Pauli Prior,	124
Peccata expiata an dissimulare liceat,	119
Peccati gradus quatuor, 89. triplex significatio,	186
Peccatum multis modis sentitur,	131
Perseuerantia virtutem perficit,	96
Petitionis dignitas supplet insufficientiam postulantis,	2
S. Petri Catalaunensis,	209. 222
S. Petri de Montibus Abbas,	164
S. Petri Gandauensis Abbas,	200
Petrus Cardinalis S. Chrysogoni,	146. 149
Petrus Cluniacensis Abbas, 24. laudatur,	26. 29
Petrus Abbas Cellensis scribit sermones pro Episcopo Parisiensi, 17. Hen-	
ricum Episcopum Bellouacensem hortatur, vt Alexandro adhæreat con-	
tra Octauianum, 22. De amicitia rogatur à Thoma Cancellario Angliæ,	
23. Sententias componit pro Matilde Abbatisa Fontisebraldi, 41. Mon-	
tis Dei habitationem quanti fecerit, 53. 60. 96. ut commonitorium scri-	
bat à R. Clareuallensi rogabatur, 66. S. Thomæ tumbam visitare cupit,	
166. Opus quoddam suum mittit Abbati Latiniacensi, 107. Eius scripta	
magni sunt, 125. Sermones expetuntur, 150. Scribit de disciplina Clau-	
strali, 156. Inuitatus ad Concilium generale excusat, 162. S. Remigii Ec-	
clesiam restaurat, 170. 177. & seq. electus Episcopus Carnotensis, 180.	
Cisterciensium preces implorat,	ibidem.
Petrus Meldensis Episcopus,	141
Petrus Abbas Siluæ majoris,	106
M. Petri scripta,	150
Petrus de Tornella,	7
Petrus de Viuariis,	45
Philippus Colonienfis Archiepiscopus,	10
Philippus Clareuallensis Monachus,	154
Philosophus quidam citatus,	204
Pictauiensis Episcopus,	3
Pignoraticia actio,	31
Plato citatur,	71
G. de Pœgni,	224
Prænestinus Episcopus, 169. 171. 173. eius mors & miracula,	179
Prælati officium, 29. 36. 37. 203. præcipua virtus moderatio, 137. graue	
onus,	29
Prælatorum periculo fiunt transgressiones subditorum,	27. 203
Præpositi culpa an ad singulos Monachos diriueretur,	109
Præmonstratenses in Dania,	20
Præpositi mutatio,	156

INDEX.

Pruliaci Abbas,	37
Præuinensis Ecclesia S. Petri.	63
Purgatorium,	183

Q

Q Vintiaccensis Abbas,	45
------------------------	----

R

R Adulfus Canonicus Remensis,	213. 224.
Radulfus Traditor,	221
Recensis Comes,	112
Reddingensis Monachus,	125
Regalia Episcopatus,	210
Remensis Archiepiscopus, 1. 214. 218. Archidiaconus B. 220. Præpositus & Decanus,	221
Remense Hospitale S. Mariæ,	213
S. Remigij Monasterium, 94. 196. 213. 222. copiâ librorum instructum, 93 cum Archiepiscopo transigit de frescengiis, 214. Domum habet in Provincia, 180. 191. in Anglia,	125
S. Remigij Burgus, 228. Castrum,	137
Respontalis,	192. 197. 220
Richardus Cantuariensis Archiepiscopus,	152
Richardus frater Ioannis Saresb. 104. 118. Canonicus Regularis, 105. 121. Passionem B. Thomæ scribit.	105
Richardus Monach. Montis Dei,	104
S. Richarii Abbas,	134
Robertulus Monach. Montis Dei,	104
Robertus Comes,	161
Robertus filius Vvidelæ,	216
Rodulfus Abbas S. Mariæ de Brana,	215
Rogerus Cartulienfis,	20
Roia,	221
Rolandus S. R. E. Cancellarius,	6
Romam ire iubentur qui grauiora commiserunt,	209
Romana Ecclesia omnium caput & magistra,	207. 208
Romanæ curiæ est dies festos in Ecclesia instituere, 128. Subreptiones,	165

S

S Acramentum Eucharistiæ,	51
Sanctorum intercessio, 13. 91. 106. 116. natalitiæ feriæ, 91. veneratio, 117	
Schismaticus error,	137
Scholarium Priuilegium,	228
Scholarum	

INDEX.

Scholarum munus liberum esse debet & gratuitum,	222
Scriptura sacra speculum nostrum,	146
Scripturæ sensus peruersus abominabilis, 57. sensus diuersi, ibid. lectionis fructus,	67
Scripturâ non nitentis doctrinæ nullum robur,	126
Seneca,	27. 35. 44. 73
Senectus spiritus & corporis,	176. & seq.
Senonensis Archiepiscopus 1. 111. translatus ad Remensem,	139
Sericur Abbas,	221
Sermones Ecclesiastici quales esse debeant,	17
Sermonis boni utilitas,	53. & seq.
Siluanectensis Episcopus,	215. 217
Simon Archidiaconus, Meldensis Episcopus,	141
Simon Prior de monte Dei,	98. 102
Simon de Burgo,	213
Simonix vitium,	204
Simpliciter simplex quid dicatur,	70
Solitudinis fructus & laudes,	42. 88
Stabulensis Abbas,	97
Stauengarenensis Episcopus,	212
Stephanus Monach. Montis Dei,	102
Stephanus Papa,	206
Suessionensis Episcopus, 161. 219. Præpositura 4. mensura,	216
Suetia,	202. 209
Sylx maioris Abbas,	106. 122. 123
Symmachus Papa,	204
S. Symphoriani Præpositus & capitulum,	197

T

Templi militiæ fratres,	222
Tenaliensis Abbas,	214
Terragia redditus,	427
Teutonici,	166
Theobaldus Cantuariensis Episcopus,	152
Theobaldus Cluniacensis electus,	175
Theobaldus comes, 3. Comes dapifer Regis,	4
Theobaldus Abbas SS. Crispini & Crispiniani,	175
Theobaldus Molisimensis Abbas,	118. 145
Theobaldus Parisiensis Episcopus,	17
Theobaldus Cardinalis Legatus,	230
S. Theodorici Abbas,	198
Thomas Anglicus Monach. S. Remigii,	125
Thomas Cantuariensis Archiepiscopus Ecclesiæ suæ ablata repetit à Rege Angliæ, 8. Apostolicæ sedis Legatus 10. Cancellarius Regis Angliæ, 23.	Hh


I N D E X.

exulat 136. eius martyrium, 104. 106. 112. &c. miracula, 106. Sepul-
chrum frequentatur, 113. 117. 128. Reliquiæ in altari 123. Canonizatio,
230.

S. Timothæi Canonicus,	94. 196
Tornacensis Episcopus,	199. 200. 216
Transgulare,	55
Trecensis curia,	3
Trecensis Episcopus,	141
Trinitatis Mysterium,	78
S. Trinitatis Canonici Catalauni,	195

V


Vallis Dei Prior,	112
Vallis S. Petri Prior,	101. 104
Vallis Serenæ Abbas,	161
Veritas in Anglia suffocata,	106
Veritatis amatores aliquando extra veritatem loquuntur,	86
Veritatis vis & dignitas,	126. 127
Viconiensis terra,	120
R. Miles de Vilario, 227. de Vilers,	ibid.
Villæ Mauri Canonici, 6. Ecclesia,	35
Villariensis Abbas,	136. 138
Vinagia	216
Vini bonitas calicis accrescit idoneitate,	31
Virginem corruptam quo sensu Deus incorruptam facere non posse dicatur,	
132. & seq.	231
Virtuensis Abbas S. Mariæ,	38. 93
Virtus jacet sine palæstra,	167
Virtutum odor perpetuus,	92. 101
Virtutum mater temperantia,	219
Vitriaci domus pauperum,	62
Vnum quærendum, non multa,	208
Vpfellensis Archiepiscopus,	195
S. Urbani Abbas,	194. 227
Vsura Christianis abhorrenda,	213
Vvandrecicurt,	218
Vvarinus de Vvimericurt,	124
Vvigornensis Prior,	138
Vvillermus Clericus,	214
Vvillermus Marefcallus Henrici Comitis,	140. 161
Vvillermus Remensis Archiepiscopus,	230
Vvillermus Senonensis Archiepiscopus,	31
Vvintoniensis Episcopus,	112
Vvischardus Comes de Ruzeio,	220
Vvrlenses Moniales S. Michaëlis,	





SVMMMA PRIVILEGII.

CHRISTIANISSIMI FRANCORVM REGIS LVDOVICI XIV.
Priuilegio die 1v. Iunii M. DC. LXIX. concesso, &
ejusdem anni ejusdemque mensis die vi. in Typographia Pa-
risiensis codicem relato, cautum est, vt Congregationis Sancti
Mauri R. P. Superior Generalis Librum, cui titulus est, *Petri*
Abbatis Cellensis Opera omnia, per quem maluerit Typogra-
phum, neue alius citra ejus consensum edat: vti vberius
diploma ipsum explicat.

Idem Superior Generalis, facultatem dedit LVDOVICO BILLAINE
Bibliopole Parisiensi, predictum Librum imprimendi, die 12. Maij
1671.







005646083